

COHAMACÚ YARE YAHURI TJU

**El Nuevo Testamento
en guanano**



COHAMACÚ YARE YAHURI TJU

El Nuevo Testamento
en el idioma guanano
de Colombia

Primera Edición
© 1982, International Bible Society

Segunda Edición
© 2007, Liga Bíblica Internacional

Tercera Edición
© 2010, Wycliffe Bible Translators

Las ilustraciones en las páginas 3, 4, 7, 24, 28, 53, 68, 99, 100, 107, 108, 109, 111, 118, 134, 144, 155, 171, 175, 177, 179, 187, 197, 217, 229, 230, 262, 273, 285, 286, 291, 298, 301, 313, 328, 339, 343, 347, 365, 367, 368, 370, 373, 379, 389, 402, 406, 418, 454, 464, 469, 471, 698 y 743 se usan por cortesía de ©1978, David C. Cook Publishing Co.

Las ilustraciones por Horace Knowles ©The British & Foreign Bible Society, 1954, 1967, 1972, se encuentran en las páginas 80 y 721.

La ilustración por Horace Knowles revisado por Louise Bass ©The British & Foreign Bible Society, 1994 se encuentra en la página 697.

La ilustración por Louise Bass ©The British & Foreign Bible Society, 1994 se encuentra en la página 695.

La ilustración por Darwin Dunham, © United Bible Societies, 1989 se encuentra en la página 260.

www.ScriptureEarth.com

Creative Commons

Atribución - No Comercial - No Derivadas 3.0



Eres libre de:

copiar, distribuir y comunicar públicamente la obra

Bajo las condiciones siguientes

- Atribución — Debes reconocer la autoría de la obra en los términos especificados por el propio autor o licenciatante.
- No comercial — No puedes utilizar esta obra para fines comerciales.

• No Derivadas — No está permitido que alteres, transformes o generes una obra derivada a partir de esta obra.

Con la comprensión eso:

- Renuncia — Un de los sobre condiciones puede ser renunciado si consigue el permiso del sostenedor de las derechos.
- Otras derechos — Están de ninguna manera los siguientes derechos afectadas por la licencia:

• Las derechos del uso justo;

• Las derechos morales del autor;

• Las derechos que otras personas pueden tener en el trabajo mismo o en cómo se utiliza el trabajo, por ejemplo las derechos de publicidad o las derechos privadas.

• Aviso — Para obras reutilizadas o redistribuidos, tiene que avisar claramente estos términos de la licencia.

<http://creativecommons.org/licenses/by-nc-nd/3.0>

ÍNDICE

SAN MATEO	1
SAN MARCOS	113
SAN LUCAS	180
SAN JUAN	293
HECHOS	378
ROMANOS	475
I CORINTIOS	519
2 CORINTIOS	561
GÁLATAS	588
EFESIOS	603
FILIPENSES	619
COLOSENSES	628
1 TESALONICENSES	638
2 TESALONICENSES	646
1 TIMOTEO	651
2 TIMOTEO	663
TITO	671
FILEMÓN	676
HEBREOS	679
SANTIAGO	716
1 SAN PEDRO	727
2 SAN PEDRO	739
1 SAN JUAN	747
2 SAN JUAN	757
3 SAN JUAN	759
SAN JUDAS	761
APOCALIPSIS	765

ACLARACIONES

- (1) Los corchetes [] encierran partes de textos que varían en los distintos manuscritos antiguos del idioma fuente.
- (2) Los paréntesis () se usan para dar información que no es parte del texto bíblico y que no es una traducción, pero que sí tienen una implicación en el texto original.

San Mateo

Jesucristo Cohamacʉ macʉno to coyea panopʉ macaina jira
(Lc 3.23-38)

1 1 Jesucristo coyeare panopʉ macainare õ sehe ni yahuhtja yʉhʉ. Jesucristo ñʉchʉno cjiro panopʉ macariro Davi wama tiriro jia tiha. To jihto pano ti ñʉchʉno cjiro Abrahã wama tiriro jia tiha.

2 Abrahã Isaa pʉcuro jiha. Isaa Jacobo pʉcuro jiha. Jacobo Juda cūhʉ pʉcuro jiha. 3 Juda pohna pʉaro jiha. Fares, Zara jiha. Ti pocoro Tamar wama tiricoro jiha. Fares Esrom pʉcuro jiha. Esrom Aram pʉcuro jiha. 4 Aram Aminadab pʉcuro jiha. Aminadab Naasón pʉcuro jiha. Naasón Salmón pʉcuro jiha.

5 Salmón Booz pʉcuro jiha. Booz pocoro Rahab jiha. Booz Obed pʉcuro jiha. To pocoro Rut jiha. Obed Jesé pʉcuro jiha. 6 Jesé Davi pʉcuro jiha. Davi sehe Israe masa bui pʉhtoro jiha. Tiro Uriah wama tiriro cjiro namonore to nʉoari baharo Salomo wama tirirore pohna tiha.

7 Salomo Roboã pʉcuro jiha. Roboã Abías pʉcuro jiha. Abías Asa pʉcuro jiha. 8 Asa Josafat pʉcuro jiha. Josafat Joram pʉcuro jiha. Joram Uzías pʉcuro jiha. 9 Uzías Jotam pʉcuro jiha. Jotam Acaz pʉcuro jiha. Acaz Ezequia pʉcuro jiha.

10 Ezequia Manase pʉcuro jiha. Manase Amón pʉcuro jiha. Amón Josia pʉcuro jiha. 11 Josia Jeconia cūhʉ pʉcuro jiha. Tina ti jiri pjare Israe yahpa macainare Babilonia macaina sehe ñaha wahcāha ti ya yahpapu.

12 Ñ yoa Babilonia yahpai ti sʉri baharo, Jeconia Salatiere pohna tiha. Salatiere Zorobabe pʉcuro jiha. 13 Zorobabe Abiud pʉcuro jiha. Abiud Eliaquim pʉcuro jiha. Eliaquim Azor pʉcuro jiha. 14 Azor Zadoc pʉcuro jiha. Zadoc Aquim pʉcuro jiha. Aquim Eliud pʉcuro jiha. 15 Eliud Eleazar pʉcuro jiha. Eleazar Matán pʉcuro jiha. Matán Jacobo pʉcuro jiha. 16 Jacobo José pʉcuro jiha. José María manʉno jiha. María sehe Jesu pocoro jire. Jesu sehe masare yʉhdohtiro jiro Cristo ti ni pisuriro jire.

17 Tó sehe jiro Abrahãre mari quihõ mʉhtachʉ, pʉ Davipure mari quihõ batoachʉ ahrina jipihtina ti panamana ji turiaina

mehne jia, catorce curuari waro jiha. Pari turi Davire mari quihō mūhtachū, pū Babiloniapū Israe masare ti naahto pano mari quihō batoachū jipihtina ti panamana ji turiana mehne jia, catorce curuari waro pari turi jiha. **18** Å yoa tuhsū Babiloniapū ti sūri baharo mari quihō mūhtachū, pū Cristo to masa bajuachūpū mari quihō batoachū jipihtina ti panamana ji turiaina mehne jia, catorce curuari waro jiha tjoa.

Jesucristo to masa bajuarire yahuha

(Lc 2.1-7)

18 Å yoa õ sehe Jesucristo masa bajuariri jire. To pocoro María sehe José namono cjihto jiri jire. Wiho mejeta ti pūaro ji dūcahto pano Espíritu Santo to tuaa mehne wahma nijinocāre bocaro masiha ticoro to basi. **19** Å yoa José to manūno cjihto quihōno yoariro jiro, tīre masino, ticorore cohāno taro nimaha. Masa ti ñūrocaroi ticorore buhiri tichū yoa duaeraro, masa ti tūhoerasinichūta yaroca ticorore cohāno taro nimaha. **20** Tīre to tūhoturo watoi Cohamacū anjo sehe cahānopū Josére bajuariri, õ sehe niha:

—José, Davi cjiro panamino, Maríare būo tiro marieno namo tiga. Ticoro Espíritu Santo to yoadohoro mehne wahma nijinocāre bocaricoro jira. Å jicū būo tiro marieno namo tiga ticorore. **21** Ticoro pohna tirohca. Tirota to macūnotá to masare, pichacapū wahaborinare yūhdohtiro jirohca. To ã yūhdohtiro jichū ñūchū, Jesu ni wama pisuihca mūhū —niha anjo Josére.

22 Panopū macariro Cohamacū yare yahu mūhtariro cjiro “Å waharohca”, to ni joariro sehetá ahri jipihtia ã wahaa tiha. Ahri ã wahahtore õ sehe ni joa dutia tiha Cohamacū tirore:

23 “Cūcoro nuhmino, ne mūno mehne jieraricoro,
nijinocāre bocaro pohna tirohca to
macūnocāre.

Tirocā Emanuel wama tirohca”,
ni joaa tiha Cohamacū yare. (Emanuel nino: “Cohamacū mari mehneta jira”, nino nica.)

24 Cohamacū anjo Josére to ã ni yahuri baharo José sehe wahcā, anjo to dutiriro sehetá tiro María mehne wamomaca dūhtheha. **25** To macūnocāre to pohna tihto pano José sehe ticoro mehne jiera tiha. Baharo ticoro sehe pohna tia wahaha. Tiro sehe wihārirocāre Jesu wamoaha.

Sū mūja taro macaina Jesucāre ñua sūha

2 ¹ Herode Judea yahpa macaina ti bui pāhtoro to jiri pja tí yahpai jiri macai Belēi Jesu masa bajuaha. To ã masa bajuari baharo ñahpichohare buheina ñahpichohare noano masiina sū mūja taro macaina ta, Jerusalēpū wihiha. ² Á wihia, masare tó macainare sinituha:

—¿Judío masa ti bui pāhtoro jihtiro cjihto mipure nohopū masa bajuacari tiro? Sū mūja taropū jina, ñahpichohaca to wahma bajua wahā sūchū ñuna, “Pāhtoro masa bajuaro nica”, ni masihi sā. Á to bajuachū ñuna, sā cūno mehne tirore ño payona tana tahi òpū —ni yahuha buheina masare.

³ Á yoa paina Herodere tíre yahua tiha. Ti ã yahuchū tāhoro Herode sehe soro tāhotuha. Á jia jipihtina Jerusalē macaina



cāhū to yoaro seheta soro tāhotuha tina cāhū. 4 Ñ jiro Herode sehe jipihtina sacerdotea pāhtoare, mari judio masare buheina cāhure to pjirocari baharo ti cahmachu pihtichū ñāno, tinare sinituha tiro:

—¿Nohopū masa bajuarohcari Cristo sehe māsa tāhotuchū?
—ni sinitu ñāha tiro.

5 Ó sehe ni yahuha tirore:

—Belēi, Judea yahpai jiri macai Cristo masa bajuarohca.
Ó sehe ni joaa tiha Cohamacū yare yahu māhtariro cjiro:

6 “Belēi yū yainare Israe masare dutihtiro tarohca.

Ñ jiro paye macari Judea yahpai jia macari yāhdoro
jira Belē”,

ni joaa tiha Cohamacū yare —ni yahuha tina Herodere.

7 Ti ã ni yahuri baharo Herode masa ti marieno watoi sū
māja taropū tarinare pjirocaha. To cahapū tina ti sūchū ñāno,
tinare sinitu ñāha. To ã sinitu ñāchū tāhoa, ñahpichohacare ti
ñāri dachore yahuha tina. 8 Ti ã yahuri baharo Herode sehe
tinare Belēpū warocaro ó sehe niha tinare:

—Tirocāre noano macaga. Tirocāre bocana tjuhna yāhure
yahu tjuhnga. Yāhu cāhū tirocāre ño payoi wahai tai njia
—nimaha tinare Herode.

9 To ã niri baharo, tina wahaa wahaha. Ti ã wahachū sū
māja taroi ti ñāria ñahpichohaca sehe mā tārucuha. Ñ yoa
wihārirocā to jiro bui waroi tjua wahā sūha tia sehe. 10 Ñ jia
ñahpichohacare ñāa, tuaro wahcheha tina. 11 Wihārirocā to
jiri wāhupū sū, sāa wahaha tina. Ñ sāa sūa, wihārirocāre to
pocoro mehne jirirocāre ñāha tina. Ñ ñāha tina na tuhcua caha



sü, tirocäre ño payoha. Ño payo tuhsü ti caa pocare naroca pjöoroca, urure, inciensore, mirra wama tia me sitia cähure na wio, tíre tirocäre wapa marieno waa tiha. **12** Tíre wa tuhsü caria wahaha tina. Ti ã carichü cahänopü Cohamacü yahuha tinare: “Herode cahai tjuaena tjiga”, ni yahuha Cohamacü tinare cahänopüre. To ã ni yahuri baharo, tina sehe wahcäha. Ti ã wahcäri baharo pa mahapü ti ya dihtapü tjuaa wahaa tiha.

José cähü Jesucäre Egiptopü na duhti wahcää wahaha

13 Ti ã wahari baharo Cohamacü anjo cahänopü Josére bajuaro, õ sehe niha:

—Wahcäga. Herode sehe maharirocäre wajäno taro, macano nina mipüre. Æ yoa maharirocäre, to pocoro cähure Egiptopü cjero na duhti wahcää wahaga. Tópüre yü niriro purota jiga —ni yahuha anjo Josére.

14 To ã nichü tühoro, José sehe ñamiihta wahcä, maharirocäre to pocoro cähure Egiptopü na duhti wahcää wahaha. **15** Egiptopü sua, Herode to catiro puro tópüre jiha tina. Æ yoaha panopü macariro Cohamacü yare yahu muhtariro cjiro to ni joariro seheta. Tíre tirore Cohamacü joa dutia tiha. Õ sehe ni joaa tiha Cohamacü yare: “Egiptopü jirirore yü macüre pjirocahi”, ni joaa tiha Cohamacü yare.

Herode macanacäre wajä dutiri jire

16 Æ yoa ñahpichohare buheina ti duhti yuhduachü tühoro Herode sehe sua yuhduaha. Æ suaro, Belë macainare, tí maca dühü caha macaina cähure ti pohnare muha pohnare püa cühma cjhainacäre wajä batoa dutiha tiro. Wahmanore ñahpichoha buheina ñahpichohacare ti ñüri dachore yahuha Herodere. Ti ã nichü tühoro tiro to wajä duarirocä to masa bajuari dachore masino, “Ópe cühmari cjhara” nino, püa cühma cjhainare wajä batoa dutiha. **17** Panopü macariro Jeremía Cohamacü yare yahu muhtariro cjiro to ni joariro seheta ã wahaha. Õ sehe ni joaa tiha tiro:

18 “Ramá wama tiropü bisiro coa tarohca.

Tuaro cahyaa mehne tiiro coa tarohca.

Raquel panamana numia ji turia numiapü Israe

masa namosänumia ti pohnare tuaro tiaahca.

Ti pohnare ti wajächü ñüa, ne cahya duhusi”,
ni joaa tiha panopü.

19 Ñ yoa Herode to yariari baharo Egiptoi jirirore Josére Cohamacu yairo anjo cahānopu bajuaha. Ñ bajuar o sehe niha Josére:

20 —Maharirocāre wajā duaina cjiri yariaa wahahre. Ñ jicu tirocāre to pocoro mehneta Israe yahpapu na tjuaa wahaga māhu —ni yahuha anjo Josére.

21 To ñ niri baharo tiro wahcā, maharirocāre to pocoro mehneta Israe yahpapu na tjuaa wahaha. 22 Wiho mejeta Arquelao Herode macuño sehe to pūctero cohtotariro to jichu tūhoro José sehe Judea yahpai cuiro, tjuaerah. Ñ jiro pari turita cahānopu tirore yahu namoha tjoa. Tirore pari turi Judea yahpare ji dutieraha. To ñ ni yahuri baharo, tina Galilea yahpapu wahaa wahaha. 23 Tí yahpapure Nazare wama tiri macai jiha tina. Ñ yoaha tina Cohamacu yare yahu māhtaina cjiri ti joariro seheta. Õ sehe ni joaa tiha: “‘Cristo Nazare macapiro tjira’, niahca masa”, ni joaa tiha Cohamacu yare yahu māhtaina panopu macaina.

João masare bautisariro masare yahuha

(*Mr 1.1-8; Lc 3.1-9, 15-17; Jn 1.19-28*)

3 1 Ñ yoa baharopu João masare bautisariro jiha. Judea yahpai masa marienopu tiro Cohamacu yare yahu dūcaha masare. 2 Õ sehe ni yahuha tinare:

—Māano macapiro Cohamacu māsa pūhtoro to sūho jihto mahancā dūhsara. Ñ jina “Ñano yoaeraja”, māsa ni tūhotumari cjirire duhuga. Māsa ñaa buhirire cahya, Cohamacu sehere cahmaga māsa —ni yahuha tiro tinare.

3 Panopu macapiro Isaia Cohamacu yare yahu māhtariro cjiro João to buhehtore õ sehe ni joaa tiha:

“Masa marienopu cūiro sañurucu, õ sehe ni buherohca:

‘Mari pūhtoro to tahto pano tirore cahmaeraina cjiro māsa tūhotuare cohtota, tirore cahmaina jiga māsa’, ni sañurucu buherohca”,

ni joaa tiha Isaia cjiro João cjihtore.

4 Tiro João camello pjoari suhtirore sāariro, wahiquiro cahsaroreta tūā dihoriro jiha. Poreroare, macaroca macaina miquina mi cūhure chāa tiha. 5 Jerusalē macaina, jipihtiro Judea yahpai jiina, Jordāo wama tiri ma cahai jiina cūhū tirore tūhoa taha. 6 Wihi, tirore tūho, ti ñaa yoarire Cohamacure



yahuha tina. Ti ã ni yahuchʉ tuhoro Jordão wama tiri mai João tinare bautisaha.

7 Á jiro payʉ fariseo curua macaina, saduceo curua macaina cūhʉ Joāore ti bautisa dutia tachʉ ñuño tiro tinare õ sehe ni yahuha:

—¿Musa cūhʉ agaa ñima tiina yoaro sehe musa mahñoa buhea mehne masare dojomehneina jina, Cohamacʉ mʉsare to buhiri dahreneto pano tirore cui, duhti masierara musa?
8 Á jina potocāta musa ñaa buhirire bʉjʉa witi, Cohamacʉre cahmana jiihna, noaa yoa ñoga.

9 'Ó sehe ni tʉhotuena tjiga: “Panopʉ macariro Abrahã mari ñuchʉ cjiro jia tiha. Á jina to panamana jina mari Cohamacʉ yaina jija”, ni tʉhotuena tjiga musa. Mʉsare niita nija. Abrahã panamana jiina jimana musa. Musa á jipachʉta tí musa á jia yaba cjihti jierara. Cohamacʉ sehe ahri tāa mehne Abrahã coyeare dahre masina. Á jiro Abrahã coyea musa jia wiho waro jira tāa ti wiho waro jiro sehetra. 10 Ó sehe jira: Masa yucʉri yoaro sehetra jira. Cohamacʉ sehe coma mehne yucʉrire cjā cohāriro yoaro sehe jira. Á jiro noaa dicha maria yucʉre nʉhcōri mehnepʉta cjā cohānohca tiro. Tíre to cjā cohāri baharo, pichacapʉ jÿ cohānohca tiro. Áta yoaro taro nina masa cūhure tirore cahmaerainare. 11 Yʉ baharo yʉ bui tuariro tarohca. Noa yʉhdʉariro jira tiro. Tiro yoaro sehe jieraja yʉhʉ sehe. Á jicʉ tirore tʉhotucʉ, “Wiho jiriro jija yʉhʉ”, ni tʉhotuja yʉhʉ. Yʉhʉ sehe musa ñaare tʉhotumari cjirire tʉhotu cohtotainare diapʉ bautisacʉ, co mehne yoamahi. Tiro sehe yʉ yʉhdoro yoarohca. Espíritu Santore masa mehne á jirucuchʉ yoarohca tiro. Wiho mejeta paina sehere ñaare ti tʉhotumari cjirire duhu duaeraina

sehere tiro pichaca mehne buhiri dahrerohca. 12 Yu baharo tariro cahsari cohāriro yoaro sehe jira. Cahsari cohāriro to batiro mehne jipihtia to trigo yapari cahsarire putiwera. To ã putiweri baharo trigo sehere to wihbori wuhui wihborohca. Tó sehetia yoarohca tirore cahmainare yu baharo tariro. To putiwea cahsari sehere tiro jānōhca. Tí pichaca ne yatisi. Āta yoarohca tiro yu baharo tariro tirore cahmaerainare —ni yahuha Joāo.

Joāo Jesure bautisaha

(*Mr 1.9-11; Lc 3.21-22*)

13 Baharo Jesu Galileapu jiriro cjiro waha, Jordāo wama tiri mapu buhu suha Joāore bautisa dutiro. 14 Wahmanore Joāo tirore bautisa duaeramaha.

—Neho, muhu sehe yu yuhdoro tuariro yuhu sehere mu bautisachu noaboa. Muhure bautisaboriro jieraja yuhu —ni yuhtimaha Joāo Jesure.

15 Jesu sehe õ sehe ni yuhtiha tirore:

—Yuhure bautisasiniga. Ó sehe yoana, Cohamacu to dutiriro sehetia sohtori tina nija mari —niha Jesu.

To ã nichu tuhorō:

—Jai —ni yuhtiha Joāo.

16 Ā ni tuhsu, Jesure bautisaha. To bautisa tuhsuchu Jesu diapu ducuriro maja suruchu suha. To maja suruchu suchuta, muano paru muaha. Cohamacu to Espíritu buja yoaro sehe tiro bui to duji tachu ñuha. 17 To ã duji tachu muanopu durucuro coa taha:

—Ahriro yu macu yu cahīriro jira. Tiro mehne tuaro wahcheja —nino coa taha muanopu.

Watīno ñaare yoa dutimaha Jesure

(*Mr 1.12-13; Lc 4.1-13*)

4 1 Ā yoa Espíritu Santo sehe Jesure masa marienopu naaha, tópu watīno tirore ñaare to yoa duti ñuhto sehe.

2 Tópu suro cuarenta dachori waro churo marieno jiha Jesu. Ā jiro juca baaha. 3 Juca to baachu ñuno watīno sehe tiro cahapu suro, õ sehe niha:

—Muhu Cohamacu macuno jicu, ahri tāa pocare chura dojomehnega —nimaha tiro Jesure.

4 Jesu õ sehe ni yuhtiha:

—Yoaeraja. Cohamacu yare ti joari pūi ò sehe nina: “Masare cha mehne dihta catieraro cahmana. Jipihtia Cohamacu to ya yahua mehne jiro cahmana”, nina Cohamacu —ni yühtiha Jesu watīnore.

5 To ã ni yühtiri baharo watīnó sehe Jerusalépu “Cohamacu ya maca”, ti niri macapu Jesure naaha. Tópu na suro, Cohamacu ya wāhu bui Jesure na suha tiro. 6 Na su tuhsu, tirore ò sehe nimaha:

—Cohamacu yare ti joari pūi ò sehe nina:

“Cohamacu to anjoare māhure ñu wihibo dutirohca.

Ã jia tina sehe māhure ñu wihiboahca,

‘Tācapu pāha tu māari’ nia”,

nina ti joari pū. To ã niri potocā jichu māhure Cohamacu macāno jicu yahpapu pju bora ñoñājuta yühure. Māhure tina ti yoadohochu ñoñājuta yühure —nimaha watīnó.

7 Jesu pju bora ño duaeraro ò sehe ni yühtiha:

—Cohamacu yare ti joari pū ò sehe nina: “Māsa pāhtoro Cohamacu to niri cjirire ‘¿Potocā tjijari?’ ni masi duana Cohamacāre yoa ño duti macaena tjiga”, nina Cohamacu yare ti joari pūi —niha Jesu.

8 To ã ni yühtiri baharo māa yühdudu tācipu Jesure na mājaha watīnó tjoa. Tā buipu māja pja su, jipihtia macarine ñoroca boroha Jesure. Ti cāaa cāhure ñoha. 9 ã ñono Jesure ò sehe nimaha:

—Yühure na tuhcua caha su, ño payoga māhure. Mā ã yoachu jipihtia ahri macarine māhure waihtja —ni yahumaha watīnó.

10 To ã nichu Jesu ò sehe ni yühtiha:

—Satana, wahaga māhure. Ó sehe nina Cohamacu yare ti joari pūi: “Mā pāhtoro Cohamacu dihtare ño payoga. To ya dutia dihtare yoaga”, nina Cohamacu yare ti joari pūi —niha Jesu watīnore.

11 To ã nichu tāhoro watīnó wahaa wahaha. To wahari baharo anjoa sehe wihi, Jesure yoadohoa tirore chaa waha.

Galilea yahpai Jesu buhe dācaha

(Mr 1.14-15; Lc 4.14-15)

12 ã yoa Joãore peresu ti yoachu tāhoro, wahaa wahaha Jesu. Waha, Galilea yahpapu suha. 13 Tóí jiri macapu Nazarepu waha, yühdu wahcā, Capernau wama tiri macapu suha. Galilea wama tiri buçāpariro dāhtu cahai jira Capernau.

Tí maca Zebulō yahpa cahai, Neftalí yahpa cahai jire Capernau. Tópʉ sʉ, jiha Jesu. 14 Åta yoaha Jesu panopʉ macariro Cohamacʉ yare yahu mʉhtariro Isaia cjiro to ni joariro sehetā. Ó sehe ni joaa tiha:

15 “Zebulō yahpa cahai, Neftalí yahpa cahai,
bucupariropʉ waharoi, Jordão pa bʉhusehe
coapʉ Galilea yahpa jira.

Tí yahpa judio masa jieraina ya yahpa jira.

16 Tó macaina Cohamacʉ yare noaare masierara.

Å masierapahta noarirore ñʉapʉ masiahca.

Tina sehe Cohamacʉre ne masierara.

Å jia pichacapʉ wahaborina jimaha.

Å jiro cāiro tinare Cohamacʉ yare masichʉ
yoarohca”,

ni joaha Isaia cjiro.

17 Tópʉ jiro, Cohamacʉ yare yahu dʉcaha Jesu:

—Mʉsa ñaare tʉhotumari cjurire duhu, noaa sehere tʉhotu cohtota, Cohamacʉreta macaga mʉsa. Mʉano macariro Cohamacʉ jipihtina bui pʉhtoro to sʉho jihto mahanocā dʉhsara —ni yahu dʉcaha tiro.

Pititiaro wahi wajāinare tiro mehne

macaina cjihtire pjiha Jesu

(Mr 1.16-20; Lc 5.1-11)

18 Å yoa Galilea wama tiri bucupariro dʉhtʉ cahapʉ Jesu sito wahcāmahno ñʉha Simore, to bahuro Andre mehne.

Simota Pedro ti ni pisuriro jiha. Tina sehe wahi wajāina jia, ti wañyucurire doca ño mʉja niha bucupariropʉ.

19 —Yʉhʉ mehne macaina cjihti taga mʉsa. Yʉhʉ mehne mʉsa tachʉ, mʉsa wahire ñaha cahmachuina mʉsa jiro sehetā, Cohamacʉ yaina cjihtire masare pji cahmachuina cjihtire yoaihtja mʉsare. Yʉhʉ mehne mʉsa tachʉ ã yoahntina cjihtire cūihtja mʉsare —niha tiro tinare.

20 To ã nichʉ tʉhoata ti wañyucurire cūnoca, tiro mehne wahaa wahaha.

21 Å yoa Jesu tina mehne yuhdʉ wahcā, Santiagore to bahuro Joāo mehne boca sʉha tjoa. Tina Zebedeo pohna jiha. Ti yaria dohoriai ti pʉchro mehne tina cūhʉ ti wañyucurire

cahnoa niha. Tina p̄uarore tiro pjirocaha. **22** To ã pjirocachã t̄ehoa, tina sehe dóihta ti pucurore, dohoria c̄uhure cū, Jesu mehne wahaha.

Payu masare buheha Jesu

(Lc 6.17-19)

23 ã yoa jipihtiro Galilea yahpare Jesu buhe tiniha. Judio masa mari buhea wuhuep̄u noaa buheare, m̄ano macariro p̄uhtoro to s̄oho jia tiare buheha. Tinare buhe, dohatiinare noaina wahachã yoaro jipihtia dohatiare cohāha tiro. **24** To ã yoaare t̄ehoa Siria yahpa macaina jipihtiro p̄u t̄yahp̄ai jiina tirore masi d̄ucaha. ã masia, soro jia dohatia cj̄ainare, tuaro puriñare cj̄ainare, wat̄ia ti sāanohrinare, ñama yaria m̄unare dohatiinare, tini masieraina c̄uhure na s̄uha. Ti ã na s̄uchã ñuño jipihtina tinare noaina wahachã yoaha Jesu. **25** To ã yoachã ñua, Galilea yahpa macaina, Decapoli wama tirop̄u jia macari macaina, Jerusalē macaina, Judea yahpa macaina, Jordão pa b̄uhusehe coa macaina payu masa tiro mehne wahaha.

T̄ucupu m̄uja, tóí buheha Jesu masare

5 **1** Masa payu to cahai ti s̄uchã ñuño Jesu t̄ucupu m̄ujaha. M̄uja s̄u, tóí dujiha. Tóí to dujichã to buheina sehe tiro cahapu s̄uha. **2** Ti s̄uchã ñuño õ sehe ni buhe d̄ucaha:

Ó sehe jiina jira wahcheina

(Lc 6.20-23)

3 —Ti ñaa t̄ahotumari cjirire duhu, noaa sehere t̄ahotu cohtotaina Cohamacure cahmaina wahcheina jira. M̄ano macariro p̄uhtoro to s̄oho jirop̄ure wahaahca tina. M̄ano macaa ti ya jira.

4 'Yahco tiina c̄uhã wahcheina jira. Tinare wahchechã yoarohca mari Pucu.

5 'Painare yuhduruca duaeraina ã jica nieraina wahcheina jira. Cohamacu "Waihtja", tinare to nirire cj̄uaahca tina.

6 'Cohamacu to dutiro sehe yoa duaina, noaare yoa duaina wahcheina jira. Cohamacu to yoadohochã tina noaare yoa sohtori tiahca.

7 'Painare pja ñuina wahcheina jira. Ti ã pja ñuchu Cohamacu tina cûhare pja ñunochca.

8 'Ti ñaa buhirire cosanohrina wahcheina jira. Cohamacure ñuahca tina.

9 'Masare bosaina wahcheina jira. Tinare "Yu pohna jira", ninohca Cohamacu.

10 'Cohamacu dutiare ti yoari buhiri ti ñano yoanohrina sehe wahcheina jira. Muano macariro pahtoro to sâho jiropu to yare cjuahca tina.

11 'Yu yare musa yoari buhiri paina musare ti tuhtipachuta wahcheina jira musa. Musare ti ñano yoapachuta wahcheina jira musa. Yu yaina musa jiri buhiri musare jipihtia ñaa ti quiti dojomehnepachuta ti mahñopachuta wahcheina jira musa. 12 Cohamacu yare yahu muhtainare musa pano jiinare tinapureta ñano yoa muhtaha. Musa cûhare ti yoariro sehe ti yoachu wahchega. Noano yajeripohna tiga. Æ jiro muhanopu musa sâchu pjíro noano yoarohca musare Cohamacu —ni yahuha Jesu.

**Moa yoaro sehe, buhriaro yoaro sehe jira Jesu yaina
(Mr 9.50; Lc 14.34-35)**

13 Æ yoa Jesu õ sehe ni buhe namoha:

—Moa wahiquiro dihire to ñano wahaerachu yoaro sehetamusa sehe yu yaina sehe jipihtina painare ñaare ti yoa duaerachu yoara. Wiho mejeta moa sehe ti ñaa wahachu pari turi noaa yoahito basioerara. Tí moa ne noaerara. Ti ã wahachu tí moare cohâno cahmana. Ti ã cohâri baharo tí bui masa tu cûna. Ne yaba cjihti jierara tí moa ti cohõa. (Ti yaba cjihti jieraro sehetamusa sehe jiena tjiga musa. Cohamacu ya sehere cohâna tjiga) —ni yahuha Jesu.

14 Æ yoa tiro õ sehe ni buhe namoha:

—Buhriaro marine to ñuchu yoaro sehetamusa sehe yu yaina sehe ahri yahpa macainare Cohamacure masichu yoara. Tucu bui jiri macare nñohto basioerara. 15 Æ yoa sihâriare masa sihâa, biato docapu nñoerara. Tiare sihâriare muano duhu payora tí wuhu macaina jipihtina ti ñuhtiare. 16 Õ sehetamusa cûhare buhriaro yoaro sehe jiina jina, noaare yoaga. Musa ã yoachu ñua masa mari Puchu muano macarirore ño payo, "Tuariro, noariro jira", niahca —ni yahuha Jesu.

Cohamacu to dutiare to joari cjirire yahuha Jesu

17 Æ ni tuhsu, tinare õ sehe ni yahu namoha:

—Ahrire musa masichu cahmaja yuhu. Cohamacu to dutiare Moise cjirore to cûrire, to yare yahu mûhtaina cjiri ti joari cjiri cûhare cohâi tai nierahi. Tí dutiare mûsare noano yahu potoi tai nii. Tí dutiare ti quihôno jichu ñoi tai. Ti niriro seheto yoa sohtori tii tai nii. **18** Potocâ mûsare nii nija. Pihtiri dacho pano jisinichu Cohamacu dutia Moise cjirore to cûrire ne mahanocâ baro cohâsi mari. Ahri yahpa, mûano cûhu ti jisinino puro to dutia cûhu jirucuahca. Æ jirucua ti niriro seheto sohtori tirohca. **19** Æ jia tí dutiare câina yûhdurucaa, painare tó sehe yûhdurucâ dutia, mûano macariro puhtoro to sôho jiropu cahamaca yoaro sehe jiahca. Cûno dutiacâ to jipachuta tina yûhdurucaa, cahamaca yoaro sehe jiahca tina. Paina tí dutiare noano yoaa, painare tî yoaro sehe yoa dutia, mûano macariro puhtoro to sôho jiropu puhtoa yoaro sehe jiahca tina sehe. **20** Mûsare niita nija yuhu. Judio masare buheina, fariseo curua macaina cûhu Cohamacu cahmaare quihôno yoaerara. Tina ti yoariro yûhdoro Cohamacu cahmaare yoaga mûsa sehe. Musa ã yoaerana, puhtoro Cohamacu to sôho jiropure ne susi mûsa —ni yahuha Jesu.

Susiniare yahuha Jesu

(Lc 12.57-59)

21 Æ ni tuhsu, tinare õ sehe ni yahu namoha:

—Panopu macaina õ sehe ni ti yahuri cjirire tûhori jimare mûsa: “Masare wajäena tjiga. Masare wajâriro ti buhiri dahrehtiro jira”, ti niri cjirire tûhori jimare mûsa. **22** Ahri ti yahuri yûhdo curero mûsare ahri sehere yahu namohtja. To coyeiro mehne susiniriro sehe ti buhiri dahrehtiro jira masunore wajâriro yoaro seheto. To coyeirore tuhtiriro, “Ne tûho masia maerariro jira mûhu”, niro buhiri dahre dutiina cahai ti naahtiro jira. “Tûho masierariro jira mûhu”, to coyeirore nirore pichacapu wahahto cua yûhdâara tirore.

23 ’Musa coyeiro mûsare to ñu tuhtichu õ sehe yoaga. Cohamacu wuhupu Cohamacure mûsa ño payohto pano, wahiquirore jû muo, mûsa wahto pano õ sehe yoaga. **24** Musa wahtire duhu cû, mûsa coyeiro cahapu waha, “Pari turi cahmachena tjijihna. Tó purota duhujihna tîre”, niga tirore.

Musa ã niri baharo Cohamacure wa, ño payona wahaga to wuhupu.

25 'Pairo mühure to yahusā duachu, pühtoro masare beseriro cahapu mühure to naa duachu, tiro mehne suaro marieno wahaga. Masare beseriro cahapu to na suhto pano tiro mehne noano jiga. Mu ã yoachu ñuno tiro mühure yahusäeraboca. Mu ã yoaeerachu tóphre musa sachu tiro sehe mühure masare beserirore yahusänöhcä. To ã yahusächu, beseriro sehe peresu yoainapure mühure warohca. Ä jia tina mühure peresu yoaahca. 26 Potocä nii nija mühure. Tóphre jisiniihca mühure. Püti wapa dutirire mühure wapa pahñoipu wijaaihca mühure —ni yahuha Jesu.

Pairo namono mehne ñano yoaare yahuha Jesu

27 Õ sehe ni yahu namoha Jesu:

—Panopu macainare õ sehe ti ni yahuri ejirire tähori jimare musa: "Pairo namono mehne ñano yoaena tjiga", ti niri ejirire tähori jimare musa. 28 Ahri ti yahuri yuhdo curero müssare ahri sehere yahu namoihtja. Numinore ñahaeraparota, cüiro ticorore ñano goa pjaro, ñano wacu tähoturo ñano yoa tuhsuha ticoro mehne.

29 Ä jicu mu capariaca poto bühusehei jiriacä mehne ñano yoachu, tiare orewe na mu cohäboriro seheta ti ñaa yoaare duhuga. Tíre duhuercu pichacapu wahaihca. Mu capariacare mu cohächu tia capariaca dihta butira. Mu sehere pichacapu mu wahachu ña yuhduara. Ä jicu tí ñaa yoaare duhuga. 30 Ä jicu mu wamomaca poto bühusehei jiri wamomaca mehne ñano yoachu, tí wamomacare mu dute cohäboriro seheta tí ñaa yoaare duhuga. Tíre duhuercu pichacapu wahaihca. Mu wamomacare mu cohächu tí wamomaca dihta butira. Mu sehere pichacapu mu wahachu ña yuhduara. Ä jicu tí ñaa yoaare duhuga —ni yahuha Jesu.

To namonore cohäare yahuha Jesu

(Mt 19.9; Mr 10.11-12; Lc 16.18)

31 Õ sehe ni yahu namoha Jesu:

—Panopu ahri cühure niha: "To namonore cohä duariro to cohähvore yahuri pü mehne ticorore cohä masina", nimaha panopu. 32 Ahri ti yahuri yuhdo curero müssare ahri sehere yahu namoihtja. To namono pairo mehne ñano yoaeraricoro

to jipachuta to manuno ticorore cohâboca. To â cohâ daporicoro pairore manu tiro ñano yoaro nica ticoro pairo mehne jiro. To manuno ticorore â cohâno ticorore pairo mehne ñano yoachu yoara. To baharo namo tiriro cûhu ticoro mehne ñano yoaro nina —ni yahuha Jesu.

Wama payo niare yahuha Jesu

33 Õ sehe ni yahu namoha Jesu:

—Panopu macaina õ sehe ti ni yahuri cjirire tûhori jimare mûsa: “Mûsa niriro seheta yoaga. ‘Cohamacu mehne potocâ â yoaihtja’, mûsa niriro seheta yoaga”, ti ni yahuri cjirire tûhori jimare mûsa. **34** Ahri ti yahuri yûhdo curero mûsare ahri sehere yahu namoijta. “Mûano mehne potocâ nii nija”, ni mûano mehne wama payo nieno tjiga. Mûano sehe Cohamacu mari puhtoro to sôho jiro jira. Wiho jiro jierara. To â jichu ñuna mûano mehne â nieno tjiga. **35** Ahri yahpa mehne ne wama payo “Potocâ nii nija”, nieno tjiga. Ahri yahpa Cohamacu ya yahpa jira. To â jichu ñuna â nieno tjiga. “Jerusalé mehne potocâ nii nija”, ne wama payo nieno tjiga. Tuariro mari puhtoro ya maca jira Jerusalé. Wiho jiri maca jierara. To â jichu ñuna â nieno tjiga. **36** “Yû dapu mehne potocâ nii nija”, ni wama payo nieno tjiga. Mûsa pjoari ti yehsea wahachu yoa masierara mûsa. Ti ñia wahachu cûhure yoa masierara mûsa. Â yoa masieraina jina “Yû dapu mehne potocâ nii nija”, ni wama payo nieno tjiga. **37** “Yoanahtja”, nina wama payoro marieno õ sehe dihta tîre nirucuga. “Yoasi”, nina cûhu wama payoro marieno nirucuga. Mûsa wama payo nina, watîno ñariro to dutiriro seheta yoana nica mûsa —ni yahuha Jesu.

Ti cahma suaare yahuha Jesu

(Lc 6.29-30)

38 Õ sehe ni yahu namoha Jesu:

—Panopu õ sehe ti ni yahuri cjirire tûhori jimare mûsa. “Mûhure pairo mu capariacare to cjâ tihâriro seheta mûhu cûhu tirore cjâ tihâ cahmaga. Mu piriacare to cjâ nuhariro seheta mûhu cûhu cjâ nuha cahmaga”, ti niri cjirire tûhori jimare mûsa. **39** Ti yahuri yûhdo curero ahri sehere yahu namoijta mûsare. Mûhure ñano yoarirore â ñunocabga. Câ buhusehe mu wahsupure to cjâchhu, pa buhusehe cûhure cjâ dutiga tirore. **40** Pairo buhiri dahre dutirirore mûhure to

yahuſāchා, dutiriro sehe mා camisare muhure yahuſāriore wa dutiboca. To ā wa dutichා, tirore waga. Mා bui macari suhtiro cūhure wa namoga tirore. **41** Pairo surara paye barore cā kilómetro muhure to naabasa dutichා, pa kilómetrore waha namoga tjoa. **42** Muhure siniriore waga. Tuhsා, pairo muhure to waso dutichා wasoga tirore —ni yahuha Jesu.

Musare ñu tuhtiinare cahiga

(Lc 6.27-28, 32-36)

43 Ŏ sehe ni yahu namoha Jesu:

—Masa Ŏ sehe nina: “Muſa mehne macainare cahiga. Ā yoa muſare ñu tuhtiinare ñu tuhti cahmaga tjoa”, ti niri cjurire tuho muhtari jimare muſa. **44** Ti yahuri cjrī yuhdo curero ahri sehere yahu namohtja muſare: Muſare ñu tuhtiinare cahiga. Ā cahīna tinare noano yoaga. Muſare ñano yoainare ti ya cjihtire Cohamacure sini payoga. **45** Muſa ā yoana mari Puču muano macariro pohna jira muſa. Cohamacu sehe cūno potori yoara masare. Naina cūhure, noaina cūhure sū sichu yoara tiro. Tuhsu, Cohamacu dutiare yoaina cūhure, yoaeraina cūhure coro tachu yoara tiro. Masare cūno potori to yoariro sehetra muſa cūhū yoaga. **46** Muſare cahīna dihtare muſa cahīchū tí ne yaba cjihti jierara paina sehere muſa cahīerachu. Puhtoa ya cjihtire wapa na cohtaina cūhū tó sehetra yoara. Ā jina jipihtinare cahiga. **47** Muſa coyea dihtare muſa noano piti bocachu tí cūhū ne yaba cjihti jierara paina sehere muſa noano piti bocaerachu. Cohamacure masieraina cūhū tó sehetra yoara. Ā jina jipihtinare noano piti bocaga. **48** Naa marieina jiga muſa. Muſa Puču muano macariro to ñaa marieriro to jiriro sehetra muſa cūhū ñaa marieina jiga —ni yahuha Jesu.

Noaa yoaare yahuha Jesu

6 **1** Pari turi tiro Ŏ sehe ni yahu namoha:

—Cohamacu ya cjihtire noaare yoana, “Cohamacu yare yoa pahñoina jija sā”, ni yahuena tjiga painare. Muſa ā ni yahuri buhiri noaare muſa yoari cjrī ne yaba cjihti jierara. Ā jiro Cohamacu muano macariro noaare muſa yoari wapa muſare ne wasi. **2** Ā jina pjachoinare yoadohona, tīre masare yoa ñoena tjiga. Masa ti ñuenoi yoadohoga tinare. Cāina noaa ti yoaare yoa ñohna mahapu jiinare, judio masa mari buhea wuhusepu jiina cūhure. Tina mari baharo buhusehei ñano

yoa cohtaina jira. Ñ yoa ñohna tina, “Noaina jira”, masare ni ñu dutia. Ti ñi ñuchu ñ yoa ñoina sehe wahche tuhsure. “Noaina jira” ni, masa ti ño payochu wahche tuhsure tina. Ñ jiro Cohamacu sehe ne wahche namochu yoasi tinare. 3 Ñ jina pjachoinare yoadohona, masa ti ñhenoi yoadohoga tinare. Masa mehne macaina mehne jina ti ñhenoi pjachoinare yoadohoga. 4 Masa ti ñueraropu musa yoadohopachuta Cohamacu sehe ñuna. Ñ ñuno musa ñ yoari wapa warohca m̄sare —ni yahuha Jesu.

Cohamacure siniare yahuha Jesu (Lc 11.2-4)

5 Pari turi tiro õ sehe ni yahu namoha:

—Cohamacure sinina, mari baharo buhusehei ñano yoa cohtaina yoaro sehe yoaena tjiga m̄sa. Judio masa mari buhea wuhusepu ducu, mahapu cahure ducu, Cohamacure sini ñohna tina masare. Ñ sini ñoa potocā masa tinare ti ño payochu tí mehne tina wahche tuhsure. 6 Cohamacure sinicu tacu, mu ya tahtiapu biha sāaga. Biha sāa, m̄sa Puchu ñumahnoerarirore siniga. M̄sa ñ yoachu masa marienoi m̄sa sinipachuta m̄sa Puchu m̄sare t̄horohca. Ñ t̄hororo m̄sare noano yoarohca tiro.

7 Ñ jina Cohamacure sinina, t̄hoturo marieno m̄sa sinirireta pari turi sini majare tjua m̄jaena tjiga. Õ seheta yoara Cohamacure masieraina. “Payu durucua mehne Cohamacure sā sinichu tiro sāre t̄horohca”, ni t̄hotumana tina. 8 Tina yoaro sehe yoaena tjiga. M̄sa sinihto pano m̄sa Puchu m̄sa cahmaare masi tuhsura. 9 Ñ jina õ sehe ni sininahca Cohamacure:

“Sā Puchu, m̄ano macariro m̄hu ñaa mariero ñ jirucura.

10 Mipure jipihtina bui p̄uhoro jiga.
M̄anopu mu dutiro seheta ti yoariro seheta ahri
yahpa macaina cūhu yoajaro.

11 Ñ jicu dachoripe sā chuhire warucuga sāre.

12 Paina sāre ti ñano yoarire sā boja.

Ñ jicu m̄hu cūhu sā ñano yoarire boga.

13 Ñ jicu sā ñaare yoa duana sā goa pjachu ñuchu t̄ire
yoa dutii tjiga.

Ñ jicu sāre ñaare yoaerachu yoaga.

[Mʉhʉ sā pʉhtoro tuariro ã jirucuihca. Jipihtina
mʉhhure ã ño payorucuahca]”,
ni siniga Cohamacure.

14 ’Paina mʉsare ti ñaa yoarire mʉsa bochʉ ñuno, mʉsa
Pʉchʉ mʉano macariro cūhʉ mʉsa ñaa yoarire borohca.
15 Wiho mejeta paina mʉsare ti ñaa yoarire mʉsa boaerachʉ
mʉsa Pʉchʉ cūhʉ mʉsa ñaa yoarire ne bosi —ni yahuha Jesu.

Chʉ duhuare buheha Jesu

16 Ñ jiro tiro tinare õ sehe ni yahu namoha:

—Cohamacure ño payona tana chʉ duhuna bʉjʉa witiina
yoaro sehe yoa ñoena tjiga. Tó sehe yoara mari baharo
bʉhʉsehei ñano yoa cohtaina. Tina ti wʉhdʉa poca cahyaina
yoaro sehe jira. Ti ã jiina jichʉ ti chʉ duhuchʉ ñʉ masina masa.
Potocāta mʉsare nii nija. Tinare masa ño payochʉ cahmana
tina. Ñ jia tinare ti ño payochʉ ñʉa tina wahche tuhsure.
(Cohamacʉ sehe tirore ti ño payori wapa tinare wahchechʉ
yoasi. Ñ jina tina yoaro sehe yoa ñoena tjiga mʉsa.) **17** Mʉsa
chʉ duhuna, mʉsa pjoarire co mehne wa payo wʉha majare
payoga. Ñ jina mʉsa wʉhdʉa pocare cosaga. **18** Mʉsa ã yoachʉ
mʉsa chʉ duhuchʉ ñʉ masisi masa. Mari ñʉ mahnoerariro
Cohamacʉ dihta mʉsa chʉ duhuare ñʉ masinohca. Mʉsa
sahsero mʉsa jichʉ tiro mʉsa mehne ã jirucura. Ñ ñuno tiro
mʉsare noano yoarohca tirore mʉsa ño payori wapa —ni
yahuhha Jesu.

Mʉano macaare cjhaa dutiha Jesu

(Lc 12.33-34)

19 Ñ jiro tiro õ sehe ni yahu namoha:

—Ahri yahpa macaare na cahmachuena tjiga. Õ macaa baa
wahaboca. Ti baaerachʉ yacariro naboca tíre. To yacaerachʉ
machʉ tʉaboca. Ñ jia ahri yahpa macaa nu butihto cuara.
Ñ jina ahri yahpa macaare tuaro cahmaena tjiga. **20** Mʉano
macaa sehere cahmaga mʉsa. Mʉano macaare machʉ tʉa
masierara. Tópʉ mʉsa cjhaa ne baaerara. Tópʉre yacariro na
masierara. Ñ jina mʉano macaare cahmaga mʉsa. **21** Tópʉ
mʉsa cjhaa ti jichʉ, mʉano macaare Cohamacʉ yare tuaro
wacʉna mʉsa —ni yahuha Jesu.

Masa ti t̄hoturo seheta yoara

(Lc 11.34-36)

22 Ñ jiro õ sehe ni yahu namoha tinare:

—Sihāria to noano buhriachü mari ñü masino seheta Cohamacü yare t̄hotuna to yare noano yoa masinahca m̄usa. M̄usa t̄hoturo seheta yoara m̄usa. Cohamacü yare t̄hotuna noaare yoara m̄usa. 23 To yare t̄hotuerana ñaare yoara m̄usa. M̄usa ñaa dihtare m̄usa t̄hoturucuchü tí ñaa sehe ñabiaa jira —ni yahuha Jesu.

Niñerure cahīna, Cohamacü sehere cahīerara

(Lc 16.13)

24 Ñ jiro tiro õ sehe ni yahu namoha tinare:

—Cūiro Cohamacü sehere wacūno, tuabiaro niñeru sehere wacūerara. Niñeru sehere tuabiaro wacūno Cohamacü sehere wacūerara. Niñeru dihtare cahmariro jiro Cohamacüre wahchechü yoarerara. Cohamacü cūhüre, niñeru cūhüre puarore cahma yuhdūrūcahto basioerara m̄usare —ni yahuha Jesu.

Cohamacü to pohnare ñü wihbora

(Lc 12.22-31)

25 Ñ jiro tinare õ sehe ni yahu namoha:

—Ñ jicü m̄usare nii nija: M̄usa ch̄are, sihniare, suhti cūhüre pjíro cahya t̄hotuena tjiga. M̄usare bajuamehneno ch̄are ch̄ühtina cjihti dihtare suhti sāahntina cjihti dihtare Cohamacü yoeraha m̄usare. 26 Minichahca perire Cohamacü to ñü wihibore masiga m̄usa. Tina weseri maeraina jira. Ñ yoa ch̄are ti wihiboa wuhuse tinare mariahna. M̄usa P̄ucü m̄ano macariro sehe tinare ti ch̄ühtire wara. Minichahca yuhdoro m̄usa sehere cahīna Cohamacü. Ñ jiro m̄usa cūhüre ñü wihiborohca tiro. 27 Pjíro m̄usa t̄hotua mehne c̄a hora m̄usare cati namochü yoa masierara m̄usa. Ñ jiro m̄usa pjíro t̄hotua yaba cjihti jierara.

28 'Ñ jina m̄usa suhti sāahntire pjíro cahya t̄hotuena tjiga. Macaroca macaa cohori ti cohoare t̄hotuga. Tí cohori ti basi suhtire yoarerara. Wiho mejeta tí cohori noaa suhti yoaro sehe noaa cohori bajura. 29 Salomo cjiro noaa suhtire sāario to jipachüta tí cohori sehe tiro yuhdoro noabia cohori waro jira. 30 Cohorire noaa cohori yoara Cohamacü sehe. Tí cohori sehe

maha dachoricā jirucuma ñai bora wahara. Mahanocā ji, pa dachoi pichacapū jūa wahara. Tí ã jipachuta cohore noaa cohori jichū yoara Cohamacū. Ā jiro Cohamacū cohore to noaa cohori to yoariyo yéhdoro mūsa cūhure noano yoarohca. Suhtire warohca. Cohamacure mahanocā wacū tuara mūsa.

31 Ā jina mūsa chūhtire, mūsa sihnihtire, mūsa suhti sāahntire pjíro cahya tūhotuena tjiga. **32** Cohamacure cahmaeraina sehe tére ã macarucua nina. Mūsa Pucū mūano macariro jipihtia mūsa cahmaare masina. To ã masichū pjíro cahya tūhotuena tjiga. **33** Cohamacū mūsa pūhtoro to jihto cjihtore cahma muhtaga mūsa. Jipihtia paye baro yéhdoro tirore cahmaga mūsa. Noaare to yoa dutia cūhure cahmaga. Mūsa ã yoari baharo Cohamacū sehe mūsa cahmaa dūhsachū warohca. **34** Ā jina ñamichacapure mūsa dohse wahahtore pjíro cahya tūhotuena tjiga. Mūsa ã pjíro cahya tūhotuna payubiaa jiahca mūsa tūhotuho sehe. Micha macaa dihtare mūsa tūhotuchū tó purota mūsurohca —ni yahuha Jesu.

Painare “Ñaina jira”, nieno tjiga

(Lc 6.37-38, 41-42)

7 **1** Ā jiro tiro tinare õ sehe ni yahu namoha:
—Painare “Ñaina jira”, nieno tjiga mūsa. Mūsa ã nierachū Cohamacū mūsare “Ñaina jira”, nisi. **2** Painare “Noano yoaebara”, mūsa ni ñuñiro sehetra Cohamacū sehe mūsa cūhure ãta ni ñuñohca. **3** Mari piti dahre buhechū õ sehe yoaina jira mūsa. Mūsa coyeiro to capariacapū mahari pohcarocā to sāachū tí pohcarocāre noano ñuña mūsa. Mūsa ya capariaca sehere pjiri pjī to jipachuta tí pjīne ne ñuerara mūsa. Mahari pohcarocāre mūsa ñuño sehetra mūsa coyeiro to ñano yoaa sehere noano ñuña mūsa. Mūsa basi mūsa ñaare tuaro yoapanaha tíre masierara mūsa, pjiri pjīne mūsa ñueraro sehetra. ¿Dohse jiro baro ã jijari mūsa? **4** Ó sehe niina jira mūsa: “Coyeiro, ñaare yoai nica mūhu. Ā jicū tíre duhuga”, niina jira mūsa. Ā niina jipanahta pjíro ñaare yoara mūsa sehe. ¿Dohseana mūsa ñaare yoapanaha tíre masierajari mūsa? **5** Masa ti baharo bühusehei ñano yoa cohtaina jira mūsa ã yoaina. Pjiri pjīne mūsa capariacai jiri pjīne mūsa na muhtaboriro sehetra mūsa ñano yoaa sehere duhu muhtaga. Mūsa ã yoari baharo mūsa coyeiro to ñano yoaa duhuchū yoa masiboca, mahari pohcarocāre mūsa naboro sehetra.

6 'Dieya yoaro sehe jiina, yesea yoaro sehe jiina cāhū ñabiaínare Cohamacū ya noa yuhduare ti ño payoeraare yahuena tjiga tinare. "Tinapū bujape, ñano ni, mūsare ñabiaro yoari", nina yahuena tjiga tinare —ni yahuha Jesu.

Cohamacure mari siniare yahuha Jesu

(Lc 11.9-13; 6.31)

7 Ā jiro tiro tinare õ sehe ni yahu namoha:

—Cohamacure siniga mūsa. Mūsa sinina mūsa sinirire ñahanahca. Mūsa sinirire bocanahca. Tirore ã sinirucuga mūsa. Mūsa ã yoachū tiro mūsare warohca. **8** Jipihtina Cohamacure siniina naahca. Ā yoa ti sinirire bocaahca. Jipihtina Cohamacure ã sinirucuinare tiro tinare warohca.

9 '¿Mūsa pohna pāo curire mūsare ti sinichū tāca sehere wabocari mūsa tinare? Ne wasi mūsa. **10** ¿Mūsa pohna wahire mūsare ti sinichū agā sehere wabocari mūsa tinare? Ne wasi. **11** Mūsa ñaina jipanahta mūsa pohnare noaare waa tīre mūsa. Ā jiro Cohamacū sehe mūsa yuhdoro noaare wara mūsare to pohnare tirore siniinare. Mūsa pohnare mūsa wariro yuhdoro Cohamacū sehe to pohnare wara.

12 'Paina mūsare ti noano yoachū cahmana mūsa. Tinare mūsa noano yoachū cahmano seheta mūsa cūhū noano yoaga tinare. Ti noano yoaerapachūta mūsa sehe tinare noano yoaga. Āta yoa dutira Cohamacū dutia Moise cjiroke to cūripū Cohamacū yare yahu mūhtaina cjiri ti joari cjiri cūhū —ni yahuha Jesu.

Mahari sopacacā quitire yahuha Jesu

(Lc 13.24)

13 Ā jiro tiro õ sehe ni yahu namoha tinare:

—Mūhanopū Cohamacū cahapū waha duana to yare yoaro cahmana mūsare. Ā jina to yare ã yoamacanocaeraro cahmana. Mahari sopacacāpū mūsa sāa duachū mijo curera. Tó seheta mijo nina Cohamacū cahapū mūsa waha duachū. Pichacapū masa ti wahachū mijoerara. Pjiri sopacapū mari sāachū mijoerara. Tí sopacapū masa ti sāaboro seheta pichacapū masa ti wahachū mijoerara. Ā jia payū masa tópū wahaa nina.

14 Cohamacū cahapū mūsa waha duachū mijo nina. Mahainacā masa tópū wahaaahca. Tópū wahaina jipihtia dachoripe Cohamacū mehne jirucuahca —ni yahuha Jesu.

Masa ti yoarire ñuna ti jia tiare masija mari
(Lc 6.43-44)

15 Å jiro tiro õ sehe ni yahu namoha tinare:

—Noano yoaga. “Cohamacu yare yahu m̄htaina jija”, ni mahñoinare t̄hoena tjiga m̄sa. Tina oveja yoaro sehe suaeraina sehe bajumana. Ti t̄hotuapu ñaina jira tina. **16** Ti ñano yoachu ñuna, ñaina ti jichu masinahca m̄sa. Ti noano yoachu ñuna noaina ti jichu masinahca m̄sa. Agã potacu se t̄horine dicha tierara. Pota tidu c̄uhu higuera pocare dicha tierara. **17** Noadu yucchus noaare dicha tira. Ñadu sehe ñaare dicha tira. **18** Noadu yucchus ñaare ne dicha tierara. Å yoa ñadu noaare dicha tierara. **19** Noaare dicha tiera yucure dute cohānoca, pichacapu jūnohca. Åta yoarohca Cohamacu to cahmaare yoerainare. **20** Å jina “Cohamacu yare yahu m̄htaina jija”, ni mahñoinare õ sehe masinahca. Ti yoarire ñuna, mahñoina ti jiare masinahca —ni yahuha Jesu.

“M̄sare ne masieraja”, ninohca Cohamacu payu masare
(Lc 13.25-27)

21 Å jiro tiro õ sehe ni yahu namoha tinare:

—Payu yuhure “P̄uhoro”, niina jipahta m̄ano macariro p̄uhoro Cohamacu to s̄ho jiropure wahasi tina. Yu P̄uchu m̄ano macariro to cahmaare yoaina dihta p̄uhoro to s̄ho jiropure wahaahca. **22** Pihtiri dacho jichu payu masa õ sehe niahca yuhure: “P̄uhoro, mu yare sā buhehi. Mu wama mehne watīare cohā wiohi. Å yoa mu tuaa mehne payu yoa ñohi sā”, yuhure niina jiahca. **23** Õ sehe ni yuhuihca tinare: “M̄sare ne masieraja. Ñaa buhiri tiina jira m̄sa. Å jina yu cahai taena tjiga”, ni yuhuihca tinare.

Pua wuhu yoaina quitire yahuha Jesu
(Lc 6.47-49; Mr 1.22)

24 ’Å yoa jipihtina ahri yu buherire t̄horina yu dutiare yoaina, noano t̄ho masiriro wuhu dahreriro yoaro sehe jira tina. Tiro sehe cuña copari tāa wapapu saha, wuhure noano dapo ducaha. **25** Tí wuhure to tuhsuri baharo coro tuaro ta, dia mini yuhdua waha, tuaro wihnono wāha. Å to tuaro wāpachuta tí wuhu chāno tāa wapa bui to daporí wuhu jiro ne waha su cahaerara. **26** Å jia jipihtina yu buherire t̄hopahta

yú dutiare yoeraina, túho masierariro wúhú dahreriro yoaro sehe jira. Tiro sehe to wúhure paduro buicá dapo, noano yoa duchaeraha. 27 Tí wúhure to tuhsúri baharo, coro tuaro ta, dia mini yuhdúa waha, wiñonono tuaro wáha. Á tuaro wáno tí wúhú sehere wároca cúnocaha. Á jiro tí wúhú tuaro bora sú cahaa wahaha —ni yahuha Jesu.

28 To á ni buhechú tóhoa, cúa wahaha masa. 29 “Tiro potocáta púhtoro jira. Á jiro noano masi pahñoriro marine buhera tiro. Mari judio masare buheina yoaro sehe buherara”, ni tóhotuha tina.

Jesu cami baarirore noariro wahachú yoaha

(*Mr 1.40-45; Lc 5.12-16*)

8 1 Jesu tócapú buhe dujiriro cjiro dujia wahaha. To á dujiachú núa masa payú tiro baharo wahaha. 2 To á wahachú círo cami búcú baariro tirore piti boca, na tuhcua caha sú, tirore siniha:

—Púhtoro, mühú yuhure noariro yoa duacú yoaga —niha.

3 To á nichú tóhoró to wamomaca mehne Jesu tirore ná payoha.

—Jai, mühure noariro wahachú yoaja —niha Jesu tirore.

To á nichúta tí to cami baari círi yati múa wahaha. 4 Á ni tuhsú Jesu tirore ó sehe niha tjoa:

—Yú mühure ó sehe yoarire ne painare yahui tjia. Mu pjacure noari pjacú to waharire sacerdotere ñoi wahaga. Moisere Cohamacú to círiro sehetá sacerdotere minichahcare waga mu yuhdúrure ti noano masihto sehe —niha Jesu.

Surara púhtoro to muno to dohatichú

Jesu noariro wahachú yoaha tirore

(*Lc 7.1-10*)


5 Tó baharo Jesu Capernau wama tiri macapú to súchú cien surara púhtoro to cahai sú, tirore tuaro ó sehe ni siniha:

6 —Púhtoro, yuhure dahra cohtariro pjacú buhariro jiro waha masieratjähno tirore tuaro puríchú yú wúhupú coahre tiro —niha tiro Jesure.

7 To á nichú, Jesu “Jai”, ni yuhthiha:

—Tirore to dohatiare yuhdúchú yoai wahaihtja —niha Jesu.

8-9 To á nichú ó sehe niha surara púhtoro:



—Pūhtoro, noanohca. Tai tjia. Yū yūhdoro noa yūhdūariro jira mūhū. Ya wūhūi mūhūre sāa ta dutiboriro jieraja yūhū. Mū masia mehne noariro wahachū yoaga tirore. Mū ã yoachū yū yūhūre dahra cohtariro noariro waharohca. Yūhūre yū bui jiina paina pūhtoa dutira. Yūhū cūhū surarare dutija. Cūirore “Wahaga”, yū nichū tiro wahara. Paireore “Taga”, yū nichū tiro tara. Yūhūre dahra cohtarirore “Ahrire yoaga”, yū nichū tīre yoara. (Mūhū cūhū dutiriota jira. ã jiro mū dutiro seheta tiro dohatiriro yūhdūrohca) —niha tiro.

10 To ã nichū tūho cūaa waharo payū masa tiro mehne jiinare õ sehe niha Jesu:

—Potocāta mūsare niita nija. Ahriro surara pūhtoro Israe masūno jierariro Cohamacūre tuaro wacū tuara. Tirore dahra cohtarirore yū noariro wahachū yoah tire masi tuhsūha. Ne Israe masare ahriro yoaro sehe jiinare ñuerasinija. 11 Mūsare niita nija. Payū ahriro yoaro sehe Cohamacūre wacū tuaina jipihtiro macaina mūano macariro pūhtoro to sūho jiropū sūa, tópu jiina mehne chūahca. Abrahā, Isaa, Jacobo mehne chūahca tina. 12 Masa paina sehe pūhtoro Cohamacū to sūho jiropū wahaborina ti jipachūta ñanopū nahitianopū cohānocanohca tinare. Tópu to cohārina tuaro tii, cahyaa mehne bahca dihoahca —ni yahuha Jesu.

13 Tíre ã ni tuhsu, surara puhtorore õ sehe niha:

—Tjuahga m̄a ya wuhupu. Muhure dahra cohtariro yuhdurohca. “Potocāta yuhdurohca”, ni m̄a t̄hoturiro seheta yuhdurohca —niha Jesu.

To ã nino watoihta tirore dahra cohtariro sehe noa tuhsuha.

Pedro marechonore dohatiricorore yuhdoha Jesu

(*Mr 1.29-31; Lc 4.38-39*)

14 Baharo Jesu Pedro ya wuhupu su, Pedro marechono dohatichu ñuha tiro. Juaro tichu cama bui coāha ticoro.

15 To ã jichu ñutjiāhno to wamomacare ña payoha. To ã ña payochuta juaro surua wahaha. Suruchu t̄hoturo ticoro sehe wahcārūca, tinare ch̄hare payoha.

Jesu payu dohatiinare yuhdoha

(*Mr 1.32-34; Lc 4.40-41*)

16 Ñ yoa ñamichahapu payu watia ti sāanohrinare masa na wihiha Jesu cahapu. Ti ã na wihichu ñuno cū tahata to waha dutichu watia wahaa wahaha. Tuhsu, jipihtina dohatiina ti na sūrinare ti dohatiare cohā pahñoha Jesu. Ñ jia noaa wahaha tina. **17** Ñta yoaha tiro panopu macariro Cohamacu yare yahu muhtariro Isaia cjiro to niriro seheta. Õ sehe ni joaa tiha: “Mari dohatiare yuhdonocanohca tiro. Mari duti tiare cohānocanohca”, ni joaa tiha Isaia cjiro Jesure.

Cāina Jesu mehne waha duamaha

(*Lc 9.57-62*)

18 Jesu payu masa to cahai ti jichu ñuno:

—Sie coapu basa pahājihna —niha.

19 Ti pahāpto pano judio masare buheriro Jesu cahapu su, õ sehe niha:

—Buheriro, muhū mehne waha duaja nohoi m̄a waharoi —niha.

20 Jesu õ sehe ni yuhtiha:

—Cāina macaroca macaina wahiquina ti copari cjuara.

Minichahca cūhu ti suhti cjuara. Yuhu masuno Cohamacu warocariro sehe yu carīri wuhu maeraja. (Ñ jina yuhu mehne tana ñano yuhdunahca m̄usa) —ni yuhtiha Jesu.

21 Ñ yoa pairo Jesu buheriro õ sehe niha:

—Pūhtoro, yu pācu to yariachu yasinii wahaihtja. Ā ya tuhsu pinihta muhū mehne wahaihtja —niha tiro Jesure.

22 Jesu ò sehe ni yuhtiha:

—Yuhure cahmaeraina yariaina yoaro seheta jira. Tina sehe yariainare yajaro. Ā jicu muhū sehe yuhu mehne macariro cjihto taga —niha tiro.

Jesu wihnonore yusu dutiha

(Mr 4.35-41; Lc 8.22-25)

23 Ā ni tuhsu Jesu to jiriapu dohoriapu samuha. Ā jia to buheina cūhu tiro mehne waha, samuha. 24 Tí būcūpariropu ti pahāchhu waro wiwnono tuaro taha. Ā jia pahcōri dohoriare mionocamaha. Ā wiwnono wāpachuta Jesu sehe carīno niha.

25 To ā wahachu ñua tina tirore wahcōha. Wahcō ò sehe niha:

—Pūhtoro, yuhdoga. Mari mini yariana tana nija —niha tina.

26 Ti ā nichu Jesu ò sehe ni yuhtiha:

—¿Dohse jiro baro cuimacanocana nijari mūsa? Yuhure wacū tuaeraina jira mūsa —niha Jesu tinare. Ā ninota wahcārucu su, wihnonore pahcōri cūhure “Yusua wahaga”, niha. To ā nichu wiwnono yuhdua wahaha. Ā jia pahcōri cūhu yusu boraahaha. 27 To ā yoachu ñu cuaa, ò sehe niha tina:

—¿Cue, dohse jiriro baro masuno jijari ahriro? Ahri wiwnono, pahcōri cūhu to dutichu yuhdūrūcaerara tirore —niha tina.

Watīare cohā wioha Jesu

(Mr 5.1-20; Lc 8.26-39)

28 Tinare ā wahari baharo pahā su, Gadara macaina ya yahpapu suha. Tópū ti súchhu pūaro mūa masa copari watopu jiina Jesure piti bocaha. Tina watīa ti sāanohorina cuaina jiha. Ā jiro tópū masa ti wahamahnoeno jiha. 29 Tirore piti boca, ò sehe ni sañurucuha:

—¿Muhu Cohamacu macuno dohse yoai tai tajari muhū sā cahapure? ¿Sāre Cohamacu to buhiri dahrehti pja to jierapachuta sāre buhiri dahrei tai nijari muhū? —ni sañurucuha tina.

30 Tó cahai payu yesea maca chua niha. 31 Tinare ñua, watīa ò sehe niha Jesure:

—Sâre cohã wiocu sina yesea cahapu yeseare sâa dutiga sâre —ni sinihia watia Jesure.

32 —Jai, wahaga —niha Jesu.

To ã nichu watia puaro masa mehne jirina cjiri waha, yesea ti pjacuripu sâaha. ã yoa tinare ti sâari baharo, yesea pari cunupu muroca buha, buepariropu bora ñoja, mini yaria pihtia wahaha.

33 Ti ã wahachu ñua yeseare ñu wihboina sehe cui, murocaa wahaha. Macapu su, yesea ti minirire yahu site pahnoha. Watia ti sâanohrinare Jesu to cohã wiori cûhure yahu pahnoha tina. 34 ã ti yahu siteri baharo tí maca macaina jipihtina Jesure ñua taha. ã jia tirore ñua, tuaro mehne waha dutiha tirore.

Pjacu buharirore noariro wahachu yoaha Jesu

(Mr 2.1-12; Lc 5.17-26)

9 1 ã ti waha dutiri baharo Jesu dohoriapu samu, buepariropu pahã, to buçuari macapu suha. 2 Tópu paina pjacu buharirore to coâri cahsaro mehne yo wua wihiha Jesu cahai: “Jesu ahriore to dohatiare yuhdutchu yoarohca”, ni tûhotuha tina. Ti ã ni tûhotuchu masino dohatirirore õ sehe ni yahuha Jesu:

—Macu, wahchega muh. Ñano mu buhiri tiare cohã tuhsuja yuhu —niha tiro.

3 To ã nichu tûhoa câina mari judio masare buheina õ sehe ni tûhotumaha: “Ahriro wiho jiriro ã nino, ‘Cohamacu jija’, nino nina. ã nino Cohamacure ñano nino nina”, ni tûhotumaha tina. 4 Ti ã ni tûhotuchu masino, õ sehe niha Jesu:

—¿Dohseana ã ñano tûhotujari musa? 5 “Ñano mu buhiri tiare cohã tuhsuja”, yu nichu, “Mahñoriro jira”, nina mua noano masierapanaha. “Wahcâraca, wahaga”, yu nichu yu niri potocâ jia jichu dóihta mua masinahca. 6 Yuhu masuno Cohamacu warocariro ahri yahpai masa ti ñano buhiri tiare cohã masija yuhu. Masa ti ñano buhiri tiare cohâtiro cjihtore cûre Cohamacu yuhure. Yu ã cohârire mua masiho sehe õ seheta yoa ñoijta mua ñuhti cjihtire —niha Jesu.

Tinare ã ninota, pjacu buharirore õ sehe niha:

—Wahcâraca. Mu coâri cahsaro na wahcâga mu ya wuhupu —niha tirore.

7 To ã nichu tûhoru pjacu buhariro wahcâruchu su, to ya wuhupu tjuaa wahaha. 8 Masa to ã wahachu ñua cuiha. ã yoa

Jesure Cohamacu to tuare to wachu ñua masa Cohamacure ño payo, noano durucuha.

Jesu Mateore pjiha
(*Mr 2.13-17; Lc 5.27-32*)

9 Ti ã yoari baharo Jesu tópu jiriro ta, yuhure Mateore boca wihire. Puhtoa ya cjihtire masare wapa na cohtariro jimai. ã jicu tí pjare yu dahrari tahtiapu dujii. Tói yu dujichu ñuno õ sehe nire yuhure:

—Yuhu mehne macariro cjihto taga muhu —nire Jesu yuhure.

To ã nichu tuhocu wahcáruca tiro mehne wahai.



10 Baharo ya wuhupu Jesu cūhū chua tare. Payu pahetoa ya cjihtire wapa na cohtaina, “Ñano yoaina”, ti niina cūhū sā mehneta chure. **11** Tina mehne sā chuchu ñua, fariseo curua macaina sāre Jesu buheinare õ sehe nire:

—¿Dohsearo mūsare buheriro wapa na cohtaina mehne, ñano yoaina mehne chujari? —nire tina sāre to buheinare.

12-13 Ti ã nichu tuhoro Jesu sehe piti dahre buhea mehne yuhrtire:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. ã jicu ñaare yoaina dihtare ti ñaare ti t̄hotumari cjirire duhu, noaa sehere ti t̄hotu cohtotachu yoai tai nii yuhu. Ti basi “Noaina jija sā”, ni t̄hotuina barore yahui tai nierahi. Cohamacu to nirire ti joarire masiga mūsa. “Wahiquinare mūsa wajā, jū m̄oa mehne yuhure mūsa ño payochu cahmaeraja. Painare mūsa pja ñuchu sehere cahmaja”, ni joaha. Ahri to joari to dohse niare masiga mūsa. Tíre noano buhe namona wahaga —nire Jesu fariseo curua macainare.

Chu duhuare sinituha João buheina Jesure

(Mr 2.18-22; Lc 5.33-39)

14 Baharo João masare bautisario to buheina Jesu cahapu sū, õ sehe ni siniture:

—Sā João buheina sehe Cohamacure ño payona tana, chu duhuja. Fariseo curua macaina cūhū ãta chu duhura. ¿Dohse yoaa mu buheina sehe chu duhuerajari? —nire tina Jesure.

15 Jesu to t̄hotua mehne piti dahre buhero taro tinare õ sehe ni yuhrtire:

—Ó sehe jira tí: Wamomaca d̄chteropu ti pjirocaina wamomaca d̄chteriro mehne jia, chu duhu masierara. Tó sehetu yu buheina cūhū yuhu mehne jia, chu duhu masierara. Yuhu wamomaca d̄chteriro yoaro sehe jija. Wamomaca d̄chteriro bose nūmu to yoachu tiro mehne macaina cahyaa mehne jierara. ã jia chu duhuina jierara. Yu Pucu Cohamacu yuhure to naari baharo pinichtare yu buheina mehne jisi yuhu. ã jia tí pjaputa yu buheina cūhū chu duhuahca —ni yuhrtire Jesu.

16 Panopu macaa buhea wahma buhea mehne ti buhe more duachu ñuno õ sehe ni namore Jesu tinare piti dahre buhero:

—Ne wahma cahsaro suhtiro cahsaro mehne mānano suhtirore sere ñono cahmaerara. Ā yoachū wahma cahsaro mari cosari baharo mānano suhtirore waja cahmachu, pjibiaro tahnuchū yoara. (Ahri yoaro sehe ni, māna buhea wahma buhea mehne piti dahre buheraro cahmana.) 17 Ā jina ne se co bisia core wahiquiro cahsaro wajuru mehne māna wajuru mehne posaeraro cahmana. Ā yoachū se co bisia pahmoapū māna wajurure tūhrēnocahna. To tahnuchū se co cūhū, wajuru cūhū cohōa wahara. Ā jina se co wahma core wahma wajurupū posaro cahmana. Ā yoachū se co cohōeraa, wajuru cūhū cohōerara. (Tó seheta wahma buhea māna buhea mehne buhe moreraro cahmana) —ni yahure Jesu tinare.

Jairo maconore noaricoro yoa, cahā ñūricoro

cūhure noaricoro yoaha Jesu

(*Mr 5.21-43; Lc 8.40-56*)

18 To ã ni yahuro watoi judio masa mari buheri wuhū pūhtoro Jesu cahapū wihire. Wihi, na tuhcua caha sū, õ sehe nire:

—Yū maco yoatapū yariaa wahahre. Ticorore mu wamomacare duhu payoi taga. Mu ã yoachū masanohca —nire tiro Jesure.

19 To ã nichū tūhoro Jesu wahcārūca tiro mehne wahare. Sā to buheina cūhū wahai. 20 Sā mahai waharucuchū tóí numino ã cahā ñūrucuricoro Jesu baharo būhusehei ta, to suhtiro sohtoare ñaha ñūha. Doce cūhmari waro dachoripe cahā ñūrucuricoro jiha. 21 Ó sehe ni tūhotuha ticoro ã yoaro: “To suhtirore ñaha ñūco, noaricoro wahacohca”, ni tūhotuha ticoro. 22 To ã yoachū masino Jesu majarerūca sū, ticorore õ sehe nire:

—Maco, wahchega māhū. Mu yuhure wacū tuaa mehne noaricoro tjuara māhū mipure —nire tiro.

To ã nichūta noaa wahare ticoro.

23 Á yoa tuhsū Jesu pūhtoro ya wuhupū sure. Sāa sūro, ñahacaha tiinare teneniaca yoaro sehe jiriare putiinare ñūre. Payū masa ti ñano bisichū cūhure tūhore tiro. 24 Ti ã nichū tūhoro masare õ sehe nire:

—Wijaahga māsa. Yariaerari jira ticoro. Carño nina —nire tinare.

To ã nichu tuhoa, “À nimacanocano nina ahriro”, nia masa bujure tirore. 25 À jiro wuhu puhichapure masare to wio pahñori baharo yariaricoro cahapu su, to wamomacare ñahaha. To ã ñahachu masa caha su, wahcárucu suha ticoro. 26 To ã yoarire tuhoa, tó macaina masa jipihtina yahu sitere.

Puaro capari bajuerainare ñuchu yoaha Jesu

27 À yoaro Jesu tójiriro to wahachu, puaro capari bajueraina tirore pisu nunu tire:

—Davi panamino masare yuhdohtiro, sãre pja ñuga muhu —ni sañurucure tina.

28 Ti ã nichuta Jesu pa wuhpu sãare. To ã sãachu masia capari bajueraina to cahapu sãa wahare. Ti ã sãa suchu ñuno tiro sehe siniture tinare:

—“Marine ñuchu yoarohca tiro”, ¿ni tuhotujari musa yuhre? —nire tiro.

—Puhtoro, ãta ni tuhotuja sã —ni yuhtire tina.

29 Ti ã nichuta ti caparire ña payore. À ña payorota õ sehe nire:

—Yuhre “À yoarohca”, musa ni tuhoturiro sehetu ã yoaja —nire Jesu.

30 To ã nichuta ti capari sehe noaa wahare. À yoa Jesu õ sehe nire tinare:

—Ahri yu õ sehe yoarire painare ne yahuena tjiga —nire.

31 To ã nipachuta waha, tójiihare yahu sitere tina to ã yoarire.

Durucuerarirore durucuchu yoaha Jesu

32 Tí wuhre ti wijaachu waro chiro durucuerarirore na tare masa. Watino tiro mehne jiriro tirore durucuerachu yoaha. 33 Ti na suchu ñuno watinore Jesu cohã wiore. To ã cohã wiochu watino to sãanohriro cjiro sehe durucua wahare. To ã yoachu ñua jipihtina cha pihtiare.

—Ne, ahri yahpa Israe yahpapure õ sehe yoaare ñuera tihimari —ni durucure tina ti basi.

34 Fariseo curua macaina sehe soro ni durucure:

—Watina puhtoro to tuaa mehne watinare cohãna ahriro —ni durucure tina.

Masare pja ñuha Jesu

35 Å yoa jipihtia macari tójia macaricáre, bñjua macari cñhure buhe tinino wahare Jesu. Noaa buheare judio masa mari buhea wñhusepñ buhero wahare tiro. Å jiro pñhtoro Cohamacñ to sñho jihtore yahure. Jipihtia dohatia cñhure tó macainare yñhdore tiro. 36 Masa payu ñano yñhdhina, pjachoro wahaina ti jichu ñano Jesu tinare pja ñure. Tina oveja pña marieina yoaro sehe ti jichu ñano Jesu tuaro pja ñure tinare. 37 Å jiro õ sehe nire tiro sãre to buheinare, piti dahre buhero:

—Yo payu ti bñcha tuhsuchu payu jichu dahraa pjíro jira. Wiho mejeta dahraina sehe mahainacã jira. (Tó sehetia noaa buheare tñhohtina payu jichu pjíro jira mari dahraa. To å jipachuta mahainacã dahrari masa yoaro sehetia noaa buheare buhehtina cñhu mahainacã jira.) 38 Å jina noaa buheare buhehtinare painare to warocahtore siniga Cohamacñre —nire Jesu.

Jesu doce waro bese dapoha to warocahtinare

(Mr 3.13-19; Lc 6.12-16)

10 1 Baharo doce sãre to buheinare Jesu pjiroca, tuaare cûre sãre. Watíare sã cohã masihti cjihtire jipihtia dohatiare sã cohã masihti cjihtire cûre sãre.

2 Õ sehe wama tii sã Jesu to bese cûrina: Simo jire. Tiroreta Pedro ni pisure Jesu. Simo baharo Andre cñhu jire. Santiago cñhu to baharo João mehne jire. Tina Santiago cñhu pucuro Zebedeo wama tire. 3 Felipe, Bartolomé, Toma, yñhu Mateo jii sã. Yñhu sehe pñhtoa ya cjihtire masare wapa na cohtariro jimai. Sã mehne pairo Santiago jire. Tiro sehe Alfeo macuno jire. Å jiro Tadeo cñhu jire. 4 Simo cananeo ya curua macariro cjiro, Juda Iscariote cñhu jire. Juda sehe Jesure ñu tuhtiinare ñohtiro jire.

Jesu to buheinare buhe dutiro warocaha

(Mr 6.7-13; Lc 9.1-6)

5 Å yoa sãre doce to buheinare warocaro, “Õ sehe musa yoanahca”, ni yahu quihõre sãre Jesu:

—Judio masa jieraina cahapure wahaena tjiga. Ne Samaria yahpai jia macaripñ cñhure wahaena tjiga. 6 Israe yahpa macaina cahapñ sehere wahaga. Tina oveja peri wisia wahaina

yoaro sehe Cohamacure masieraina jira. 7 “M̄ano macariro to suho jihto mahanocā duhsara”, ni buhega tinare. 8 Ā jina cami b̄uch baainare, paye payu soro jia dohatiare cjhaina cūhure noaina yoaga. Yariainare masoga. Watia masare ti sāanohorinare cohā wioga tinare. Musare ã wanocai nija ahri tuaare. Ā jina musa cūhu yu ã wanocariro seheta masare noaina ã yoanocahga.

9 'Musare wahana niñerure ne naaena tjiga. 10 Ne musa wajure, p̄uaro camisare, p̄ua wahpa dahpo suhtire, musa tjuayucu cūhure naaena tjiga. Musa sāano dihtare sāa wahcāga. Paye suhtire naaena tjiga. Musa buhena waharopu jiina tina sehe musare musa puhi cjihtire waahca. Āta waro cahmana tinare.

11 'Tí macaripu s̄una, ji coaro mehne carīnore warirore macaga. Ā jina tí wāhuihta tjuasiniga. Pu, coā wahanapu wijaahga tí wāhure. 12 Ā jina wāhupu sāahna, “¿Jimajari musa?” niga tí wāhu macainare. 13 Musare noano ti cahmachu “Cohamacu mehne noano jiga musa”, niga tinare. Musare ti cahmaerachu, musa ã niborire nieno tjiga. 14 Ā jina musare ti cahmaerachu, ti t̄uho duaerachu tí wāhure wijaahga. Wijaana, dahpo suhti macaa dihta pohcarire wajā site cūga musa tinare ti ya buhirire masichu yoana. Tí maca macaina musare ti cahmaerachu ãta yoaga tina cūhure. 15 Potocā musare niita nija. Ahri dacho pihtichupure Sodoma macaina, Gomorra macaina cūhu tuaro buhiri tihtinata jira. Ti ã jipachuta tina yuhdoro musare cahmaeraina buhiri tihtina jiahca —niyahure Jesu.

Jesu yainare paina ti ñano yoahtore yahuha Jesu

16 Ā ni tuhsu õ sehe ni namore:

—Yuhure t̄uhoga musa. Oveja yoaro sehe jiinare musare ñaina watoi warocai nija. Tina ñaina macaroca macaina yaya suaina yoaro sehe jira. Ā jina musa sehe paina wahiquina wacū masiina yoaro sehe jiga. Ā jiina jipanahta buja yoaro sehe ne suaeraina jiga musa. 17 Noano yoaga musa. Masa musare p̄uhtoare waahca. Tuhsu Judio masa mari buhea wāhusepu cjapeahca musare. 18 Ā jia yu yaina musa jiri buhiri macari macaina p̄uhtoa cahapu ti bui jiina p̄uhtoa cahapu cūhure naahca musare. Ā jina musare tópu ti naachu tinare judio masa jieraina p̄uhtoa cūhure noaa buheare buhenahca musa. 19-20 Musare p̄uhtoare ti wachu tinare musa nihtire

“Cue, masieraboca”, ni t̄hotuena tjiga. M̄sare ti sinituch̄ta m̄sa nihtire masinahca. Ā masina tinare yahuna m̄sa t̄re m̄sa m̄ s̄ro durucuna nisi. Cohamac̄ sehe m̄sa P̄ch̄ to Espíritu mehne m̄sare durucucha yoarohca.

21 Tí pjare ti wahmis̄ma ti bahanare wajā dutia waahca p̄uhtoare ȳ yaina ti jiri buhiri. Ti p̄c̄us̄ma ti pohnare wajā dutia waahca p̄uhtoare. Ti pohna sehe ti p̄c̄us̄mare wajā dutia waahca p̄uhtoare. 22 Jipihtina masa sehe ȳ yaina m̄sa jiri buhiri m̄sare ñ̄ tuhtiahca. Ti ā yoapach̄ta ahri yahpai m̄sa catisinino puro m̄sare ti ñano yoarire c̄no pjana yuhure, ȳ buhea c̄uhure duhuerana, yuhdunahca m̄sa.

23 C̄ macai m̄sare ti ñano yoach̄ pa macap̄ duhti wahcāga. Potocā m̄sare niita nija. Israe yahpai jia macarine jipihtia tí macarip̄ m̄sa duhti wahcāhto pano, yuhu masuno Cohamac̄ warocariro ahri yahpap̄ tjua taihtja.

24 'Ne c̄iro buheriro tirore yahuriro buip̄ jierara. Cahamac̄no c̄uhu to p̄uhtoro bui cure jierara. 25 Ā jiro õ sehe t̄hoturo cahmana buheriro: “Yuhure buheriro yoaro sehetia jiihtja”, ni t̄hoturo cahmana. Cahamac̄no c̄uhure ãta ni t̄hoturo cahmana. “Yuhu p̄uhtoro yoaro sehetia jiihtja”, ni t̄hoturo cahmana. (“To bui jiihtja. Ā jic̄ yuhu p̄uhtoro to ñano yuhduriyo sehetia ñano yuhdusi yuhu sehe”, ni t̄hotueraro cahmana.) Yuhu sehe wuhu p̄ro yoaro sehe jija. M̄sa sehe tí wuhui dahraina yoaro sehe jira. Ā jia masa yuhure “Beelzebú jira”, ni yahusā, m̄sa c̄uhure yuhu yainare ñano ni durucuahca tina —ni yahure Jesu.

“¿Diro barore cuich̄ noajari?” ni yahuha Jesu

(Lc 12.2-7)

26 Ā ni tuhs̄ õ sehe ni namore:

—Ā jina m̄sare ñano yoainare cuiena tjiga. Masa ti ya s̄ari cjirire baharo paina masiahca. Ā jia ti n̄ori cjiri c̄uhure paina masiahca. 27 M̄sare yaroca yuhu yahuri cjirire payu masa watoi buhe turiaga m̄sa. 28 Masunore wajāina to pjac̄ dihtare wajāna. To yajeripohna yariaerara. Ā jina m̄sare wajā duainare cuiena tjiga. Cohamac̄ sehere cuiga. Tiro m̄sa pjac̄urire, m̄sa yajeripohnari c̄uhure pichacap̄ cohā masina. Ā jina tiro sehere cui, yuhura m̄sa.

29 'Pħaro siripia wapa mariahna. Ti ā wapa mariapachħata cūrocāre Cohamacu ne boerara. Cohamacu to dutierachu ne yarierara tirocā. **30** Ā jiro mħsa pjoarire ne cū pjoada duhsaro marieno masi pahñona Cohamacu. Tó seħeta mħsa jia tie cūħure masi pahñona Cohamacu. Ā masino mħasare nñu wiħborucura. **31** Siripiare to cahīno yħdoro, mħsa sehere cahīna Cohamacu. Ā jina pjiro tħotuena tjiga mħsa —ni yahure Jesu.

Jesure mħsa wacū tuari cjirire yahuga masare

(Lc 12.8-9)

32 Ā jiro tinare õ sehe ni yahu namore:

—Cūiro “Jesu yairo jija”, masare to ni yahuchu yahħe cūħu tirore “Yu yairo jira”, ni yahu iħtja u Pucure mħano macarirore. **33** Wiho mejeta cūiro “Jesu yairo jieraja”, masare to nichu yahħe cūħu “Yu yairo jierara tiro”, ni yahu iħtja u Pucure —ni yahure Jesu.

Jesu masare tju wachħ yoara

(Lc 12.51-53; 14.26-27)

34 Ā ni tuhsu õ sehe ni yahu namore:

—Dohse ni tħotujari mħsa yahħre? “Tiro masare to buheri baharo paina tinare nñu tuhtisi”, ġni tħotujari mħsa? Ā jierara. Masare u buheri baharo caina u yare tħoahca. Paina sehe tinare nñu tuhtiahca. Cūno potori waro jisi masa. **35** Biċuna u buheare ti tħorri buhiri ti pohna u buheare cahmaeraa, tinare nñu tuhtiahca. Biċżejjha numia u buheare ti tħorri buhiri ti pohna numia u buheare cahmaeraa, tinare nñu tuhtiahca. Ti marechosanumia u buheare ti tħorri buhiri ti macu namosānumia u buheare cahmaeraa, tinare nñu tuhtiahca. **36** Ā jia masa ti coyeare nñu tuhtiina jiahca.

37 'Yahħre ti cahiboriro yħdoro ti pħasusuma sehere cahī yuhduriċcaa u yaina jisi tina. Yahħre ti cahiboriro yħdoro ti pohna sehere cahī yuhduriċcaa u yaina jisi tina. **38** Ā jia paina crusapu u yariahto seħeta u yaina ti jiri buhiri nñano yuhduahca tina cūħu. Tó sehe nñano yuhħdu duaeraina u yaina jisi tina. **39** Masa yahħre wacūno marieno ti mu sħro yoaa, pichacapu wahaahca tina. Ā jia u yare ā yoarucua jipihtia dachoripe u meħne jirucuahca tina —ni yahure Jesu.

Mari wapatahtore yahuha Jesu
(Mr 9.41)

40 Ñ ni tuhsu õ sehe ni yahu namore:

—Müsare yu yainare cäiro noano cahmano, yuhu cähure cahmano nina tiro. Ñ yoa tiro yuhure noano cahmariro yuhure warocariro cähure cahmano nina. **41** Ñ jiro Cohamacu yare yahuriro wapatarohca. Tirore noano yoarohca Cohamacu. Ñ jiro to yare yahuriro to jichu ñuno pairo tirore noano cahmano, yahuriro yoaro sehetu wapatarohca tiro cähu. Ñ yoa pairo noano yoariro wapatarohca. Tuhsu, noano yoariro to jichu ñuno pairo sehe tirore noano cahmano noano yoariro yoaro sehe wapatarohca tiro cähu. **42** Yu yairo cäiro to jichu ñua, wiho jiriro to jipachuta dohse jiina tirore core ti sihochu mahanocä ti wapachuta potocäta tinare noano yoarohca Cohamacu —ni yahure Jesu.

João masare bautisariro to buheinare
Jesure sinitu ñu dutiro warocaha
(Lc 7.18-35)

11 ¹ Säre to buheinare to ñ ni yahuri baharo tó cahai jia macaripu buhero wahare Jesu.

² Ñ yoa to yoarire João peresui jiriro tñhorocaha. Ñ tñhoro João to buheinare Jesure sinitu ñu dutiro warocaha. ³ Ñ jia Jesu cahapu su, sinitu ñure tina João buheina.

—¿João “Yu baharo pairo tarohca”, to niriro tjijari muhut? ¿To niriro mu jierachu pairore cohtanahcari sã? —ni sinitu ñure tina sehe Jesure.

⁴ Ti ñ nichu tñhoro Jesu õ sehe ni yuhtire:

—Mipure müsa tñhorire, müsa ñurire Joäore yahuna wahaga: ⁵ “Capari bajueraina ñuna. Tini masieraina tinina. Cami bñcu baina noaina wahara. Tño bocaeraina tñhoa wahara. Yariaina masaa wahara. Tina jipihtinare noaina wahachu yoahi yuhu. Tuhsu, pjacuoinare noaa buheare yahuja. ⁶ Yuhure tñhoriro ‘Potocä tjira’, niriro tiro wahcheriro jira” ni, Joäore yahuna wahaga —nire Jesu.

⁷ João buheina ti wahari baharo, Jesu sehe João to jia tiare yahu dñcare payu masare:

—Masa marienopu João cahapu suna, tjare wihnono to wäroca cohtotachu yoariro sehetu to buheare cohtota

m̄ajarirore ñuna s̄erare m̄usa. 8 “Noaa suhti tirirore ñuna wahajihna”, nierare m̄usa João cahapū masa marienopū wahana. Noaa suhti tiina wapa b̄ejhare c̄j̄aina p̄ahtoa ya wuhuepū jira. 9 Masa marienopū s̄una Cohamacū yare yahu m̄ahtarirore ñuna s̄ure m̄usa. Potocā tjira. João Cohamacū yare yahu m̄ahtarirore jira. Paina Cohamacū yare yahu m̄ahtaina yuhdoro jiriro jira tiro. 10 Panopū Cohamacū yare ti joari p̄ui Joãoore õ sehe ni yahu joaa tiha:

“Cohamacū to macunore õ sehe niha: ‘M̄u pano m̄uhure yahuyuhtirore warocai nija’, niha”, ni joaa tiha panopure Joãoore. 11 M̄usare potocā niita nija. Paina jipihtina bui jira João bautisariro. Ahri turupure to à jipachuta m̄uano macariro p̄ahtoro to s̄uho jiropure jipihtina docapū jiriro pinihta João bui jira.

12 ’João masare bautisariro to buhe, bautisa d̄ucachū payū masa m̄uano macariro p̄ahtoro to s̄uho jirore pihtichū yoa duaa, ti m̄u s̄uro cahmache, t̄ire yoa duamana. 13 Cohamacū yare yahu m̄ahtaina ti joari cjirire, Cohamacū Moise cjirore to cūri cjiripū c̄uhure buhena p̄ahtoro Cohamacū to s̄uho jihtore masija mari. João c̄uhū t̄ireta yahure. 14 “Elia tarohca”, panopū ti niriro cjirota jira João sehe. Panopū macaina ti nirire “Potocā tjira”, ni duana João ti à niriro cjiro to jichū masinahca m̄usa. 15 Noano t̄uhoga m̄usa ahrire.

16 ’¿Mipū macaina masa yabaina yoaro sehe jijari tina, m̄usa t̄uhotuchū? Tina macanacā yoaro sehe jira. Paina ti cahmano sehe ti yoauerachū tó wahaerara tinacāre. Pache duaropū pape dujia, õ sehe ni pisurucura tinacā ti basi: 17 “M̄usa basahti cjihtire sā putipemahi. ¿Dohseana m̄usa basaerari sā t̄ire putipechū? Sā tuaro ñahacaha tiipe, sañurucumahi. ¿M̄usa sehe dohseana sā mehne tiiperari?” nirucuina yoaro seheta jira mipū macaina c̄uhū. Mipū macaina ti cahmano seheta sā yoauerachū ñua tó wahaerara tinare. 18 Tina yoaro sehe yoana õ sehe yoara m̄usa mipū macaina. João bautisariro Cohamacure ño payoro taro chū duhuro vinore sihnierare. To à sihnierachū ñuna “Watīno to sāanohriro, t̄uhu masierariro jira”, nimare m̄usa tiro sehere. 19 Yuhū masuno Cohamacū warocariro jicū yuhū chū, sihnija. Yū à yoachū ñuna õ sehe nina m̄usa yuhū sehere: “Ñuga. Ahriro pj̄iro ch̄riro, cahariro jira. Wapa na cohtaina, ñano yoaina c̄uhū ti piti tiriro jira ahriro”, nina m̄usa yuhūre. (À nina macanacā yoaro sehe durucuina jira

musa. Musa cahmano sehe sā yoaerachu tó wahaerara musare. Ne sahsaerara musa.) Å masierapanaha sā yoarire ñuna, Cohamacu masiare sā cjuchu masinahca musa —nire Jesu tinare.

**Ti ñaare cahyaeraina ya macari macainare tuhtiha Jesu
(Lc 10.13-15)**

20 Baharo macari macainare tuhtire Jesu. Tí macarine paye macari yuhdoro Cohamacu tuaa mehne yoa ñomare tiro. To å yoa ñopachuta ti ñaare tñhotumarire duhuersinire tina. Å jiro õ sehe ni tuhtire tinare tiro:

21 —Corazí macaina, musa ñano yuhdunahca. Betsaida macaina, musa cūhü ñano yuhdunahca. Musa ya macaripure Cohamacu tuaa mehne yoa ñomahi. Tiro wama tiri macare, Sidö wama tiri maca cühure to tuaa mehne yu yoa ñochu ñua panopu tó macaina sehe ti ñaare cahyaboa. Å yoaa ti ñaare tñhotumari cjurire tñhotu cohtotaboa. Cahyaa suhtire sää, niti pohcare tina bui dahra site payoboa ti ñaa cahyaare ñoa.

22 Musare niita nija. Buhiri dahrerohca tiro. 23 Capernau macaina, musa mu sruo muanopu waha duamana. Musare Cohamacu pichacapu cohñohca. Musa ya macapu Cohamacu tuaa mehne yoa ñomahi. Musa yuhure tñhoerare. Sodoma wama tiri macare Cohamacu tuaa mehne yu yoa ñochu tí maca sehe mipu jisiniboa. 24 Musare niita nija. Buhiri dahrerohca dacho jichu Cohamacu Sodoma macainare to yoariro yuhdoro, musa sehere musa ñaa buhiri ñabiaro buhiri dahrerohca —nire Jesu tí macari macainare.

**“Yu cahapu sona taga”, niha Jesu
(Lc 10.21-22)**

25 Tí pjare õ sehe nire Jesu to Pucro mehne durucuro:

—Yu Pucu, muhü muano macaina bui puhtoro, ahri yahpa macaina bui puhtoro jira. Ahri mu buheare “Noano masiina jija sā”, niinare masichu yoaerare muhü. Buhe pahñoeraina sehere mu yare masichu yoare muhü. Mu å yoachu, “Noana”, nija yuhü muhure. 26 Å tjira. Tina sehere ti masichu cahmare muhü —nire Jesu to Pucurore.

27 Å ni tuhsu, masare õ sehe ni yahu namore:

—Yü Puc̄a jipihtiare yuhure ware. Tiro dihta yuhure noano masina. Å jina sā dihta yuhu yu masi dutiina mehne yü Puc̄ure masija sā. 28 Masa ñano buhiri tia nucha yoaro sehe jira. Nuchare muna masa tahrino sehetia ñano buhiri tiare pumea wahara masa. Å pumeina jina yuhure cahmaga masa. Masa sochü yoaihtja. Masa ñaa yoaare duhuchü yoaihtja. 29 Yü dutiare yoaga. Yu yare noano masiga. Yuhu niji siaro yoariro jija. Yu å jiriro jichü yu yare noano masiga masa. Å yoa yuhu mehne soga masa. Å sona noano yajeripohna tinahca masa. 30 Yu yare masa yoachü mijoyerara. Å yoa masa muri cjiri ti nucheraro sehetia yuhu sehe masa bihoro purota yoa dutija masare —nire Jesu.

Judio masa ti sori dachoi trigo parorire pahaha Jesu buheina
(*Mr 2.23-28; Lc 6.1-5*)

12 1 Mahanocā to å ni buheri baharo Sabado jichü sā Jesu mehne trigo wesenpū sūi. Sā to buheina jūca baana, trigo parorire paha, chü tuhsu yuhdu wahcāi sā. 2 Sā å yoachü ñua, fariseo curua macaina Jisure õ sehe nire:

—Tuhosiniga sāre. ¿Dohse yoa tina Sabado mari sori numu to jipachüta dahrainari, trigo parorire å pahaa? Mari dutiare yuhdūrūcaa nina —nire tina.

3-4 Jesu yuhire. “Yu buheina yuhdūrūcaa nierare”, ni yahuro taro õ sehe ni yuhire:

—Davi cjiro tiro mehne macaina mehne jūca baaro Cohamacü wuhupu sāa, Cohamacü ya pāore chüha. Tí pāore sacerdotea dihtare chü dutira. Cohamacü dutiare ti joari pū painare tí pāore chü dutierara. ¿Davi cūhu tīre ti yoari cjurire Cohamacü joari pūpū buherari masa? (Tí pāore chüro Cohamacüre yuhdūrūcaro nieraha. Michare ahri yaparire chüa yü buheina cūhu Cohamacüre yuhdūrūcaa nierara.) 5 Å yoa Cohamacü wuhui dahraina sacerdotea ne soerara mari soa nūmurine. Å soerapahta Cohamacü dutiare yuhdūrūcaina jierara. ¿Tīre buherari masa Cohamacü Moise cjirore to cūri pūi? 6 Masa niita nija. Cohamacü wuhure ño payona tí wuhui dahraina ti soerachü ñupanahta “Noanohca”, nina masa. Tí wuhu yuhdoro yuhu sehere ño payoro cahmana. 7 Cohamacü yare ti joari pū õ sehe nina: “Wahiquinare wajā, jūt mho mehne yuhure masa ño payochü cahmaeraja. Painare masa pja ñuchü sehere cahmaja yuhu”, nina to yare ti joari pū. To å

nirire m̄asa noano t̄uhona ȳu buheinare tuhtieraboa m̄asa. Tina t̄íre ch̄aa ȳuhdūrūcaa nierare. Æ jina tinare tuhtieraboa m̄asa. **8** Ȳuhu masuno Cohamacu warocariro ahri dacho Sabado dachore masa ti yoah tire yahuriota jicu p̄ahtoro tjija —nire Jesu fariseo curua macainaare.

Wamomaca b̄uhariro quiti jira

(*Mr 3.1-6; Lc 6.6-11*)

9 To ã niri baharo waha, judio masa mari buheri wuhupu sui sã Jesu mehne. **10** Tóí wamomaca b̄uhariro jire. Æ jia fariseo curua macaina sehe Jesure yahusãa taa, tirore õ sehe ni siniture:

—Sabado dachoi mari sori dachoi masunore noariro yoa dutierara Cohamacu. ¿Æ t̄ijjari mu t̄uhotuchu? —ni siniture tina.

11 Jesu õ sehe ni yuhtire tinare:

—¿M̄usa yairo oveja Sabado jichu copapu to bora sãachu tirore na wioerabocari m̄usa? Na wionahca m̄usa. **12** Oveja yuhdoro jira masuno sehe, Cohamacu to ñuchu. Æ jiro Sabado jichu masunore yuhdochu noa nina —ni yuhtire Jesu tinare.

13 Æ ni tuhsu, wamomaca b̄uharirore õ sehe nire:

—Mu wamomacare siôrocaga —nire tiro.

To ã nichu b̄uhariro sehe siôroca, noari wamomaca wahare. **14** Ti sori nãmui to ã yoachu ñua, fariseo curua macaina waha, ti basi õ sehe niha:

—¿Dohse yoa Jesure wajãnahcari mari? —niha tina ti basi.

Cohamacu yare yahu m̄uhtariro panopu macariro Jesure yahuha

15 Jesu ti ã nirire masino, wahaa wahare. To ã wahachu payu masa tirore nãnu tire. Ti ã nãnu tichu ñuno tiro sehe jipihtina tina mehne macainaare dohatiinare noaina wahachu yoare. **16** Æ yoaro dohatiina cjirire tinare to yuhdorire painare yahu dutierare tiro. **17** Æ dohatiinare noaina wahachu yoaro Cohamacu yare yahu m̄uhtariro Isaia cjiro panopu to ni joariro seheta yoaro nire Jesu. Õ sehe ni joaa tiha Isaia:

18 “Ó sehe nina Cohamacu:

‘Ahriro yu cahamacuno jira.

Tiro yu beseriyo jira.

Tirore cahija.

Ã jicʉ tiro mehne wahcheja.
 Yʉ Espíriture tirore waihtja.
 Ñ jiro yʉ tuaa mehne jipihtina masare yʉ buheare
 yahurohca tiro.

19 Ñ yahuro tiro ne purīno mehne yahusi.

Ñ yoa niji siaroca yahuriro jiro sañurucusi.

Tuhsʉ, maca macari mahai payʉ masa watoi tiro
 tuaro sañurucu yahusi.

20 Wʉjʉcʉ o muquearʉcʉ sʉchʉ to nuhnuerachʉ yoaro
 seheta masa cūhure niji siaro dero yoarohca tiro.

Pjiroca jʉri pichacare to yaeraro seheta masa cūhure
 noano yoarohca tiro.

Áta yoarucurohca tiro watīnore to yʉhdʉrʉcahto
 pano.

21 Ñ jia payʉ masa tirore wacū tuaahca', nina
 Cohamacʉ",

ni joaa tiha Isaia.

“Jesu watīno tuaare cjuara”, ni yahusāha masa

(*Mr 3.19-30; Lc 11.14-23; 12.10*)

22 Cū dachoi watīno to cohtotarirore masa na tare Jesu
 cahapʉ. Tiro sehe watīno cjuaro durucu masierare. Tuhsʉ,
 capari ne ñuerare. Ti ã na wihichʉ ñʉ, noariro wahachʉ yoare
 Jesu tirore. To ã yoachʉ watīno to cohtotariro cjiro ñʉ,
 durucure. **23** To ã wahachʉ ñʉa, masa ñʉ chaa wahare.

—¿Ahriro Davi cjiro panamino masare yʉhdohtiro jijari?
 —nire tina ti basi.

24 Jesu watīare to cohārire tʉhoa fariseo curua macaina ò
 sehe ni tʉhoture:

—Beelzebú watīa pʉhtoro to tuaa mehne watīare cohāna
 Jesu —ni tʉhoture tina.

25 Ti ã ni tʉhotuchʉ masino, Jesu quiti mehne piti dahre
 yahure tinare:

—Watīno ya tuaa mehne watīare cohāi nieraja. Cū yahpa
 macaina ti basi cahma wajāa, tí yahpa macaina yaria pihtia
 wahaboa. Cū maca macaina ti basi cahmachea tí maca macaina
 waha pihtia wahaboa. Cū wʉhʉ macaina cūhʉ áta wahaboa.

26 Ñ jia Beelzebú watīa pʉhtoro sehe watīare cohāno, tina watīa
 ti basi cahmachea niboa. Ñ jia tina cūhʉ waha pihtia wahaboa.

27 Ò sehe ni yahusāna mʉsa yʉhure: “Tiro Beelzebú yoadohoaa

mehne watīare cohāna”, ni yahusāna mūsa. Mūsa mehne macaina cūhū watīare cohāna. ¿Watīno to tuaa mehne watīare cohājari tina cūhū, mūsa ñūchū? Ā cohāerara. Tíre masina mūsa. Yuhū cūhū watīno tuaa mehne watīare cohāeraja. 28 Ā jicū yuhū sehe watīare cohācū Cohamacū to Espíritu tuaa mehne tinare cohāja. Yū ã cohāchū ñūna õ sehe masiga mūsa: Cohamacū masa bui pūhtoro ahri yahpapūre ji tuhsūra mipure.

29 ’Ó seheta jira mari piti dahre buhechū: Tuariro ya wuhupū pairo sāa sū yaca masierara. Tuarirore dūhteraro to ya wuhupū sāa sū yaca masierara. Tirore to dūhterí baharo sāa sū yaca masina —ni yahure Jesu. (Ā ni yahure watīnore to yuhdūrūcarire yahuro. Watīno tuariro to jipachūta Jesu tirore yuhdūrūcara watīare cohāno.)

Ā ni tuhsū õ sehe ni yahu namore Jesu:

30 —Cūiro yuhure cahmaeraro, yuhure ñū tuhtiriro jira. Cūiro yuhure yoadohoeraro, yuhure wapū tichū yoaro nina.

31 ’Á jicū mūsare potocā niita njia yuhū. Jipihtia ñaare masa ti yoachū ti durucuchū cūhure Cohamacū bo masina. Ā boparota Espíritu Santore ti ñano ni durucuchū tí pinine ne bosí. 32 Yuhure masuno Cohamacū warocariore yuhure ti ñano ni durucurire bo masina Cohamacū. Espíritu Santo sehere ti ñano ni durucurire ne bosí Cohamacū. Mipure, pihtiri dacho baharopū cūhure ti ã niri cjirire bosí tiro —ni buhere Jesu tinare.

Masa ti durucuare tūhona ti jia tiare masija mari

(Lc 6.43-45)

33 Ā ni buhe tuhsū, piti dahre buhero õ sehe ni yahu namore tinare:

—Noadū yucūcū noaare dicha tira. Ñaadū yucūcū ñaare dicha tira. Yucūcū dichare masina “Tū dichata jira”, ni masija mari. (Mari ã masino seheta masa ti durucuare tūhona ti jia tiare masija mari.) 34 Agāa ñima tiina yoaro sehe ñaina jira mūsa. Mūsa ñaina jina, noaare ni masierara mūsa. Mari wacūapū mari tūhoturiro seheta mari dūseroi wijara. 35 Noariro noaare tūhotura. Ā jiro noaare durucura. Ñariro ñaare tūhotura. Ā jiro ñaare durucura. 36 Mūsare niita njia. Noano tūhotu durucuina jiga mūsa. Noano durucuerana, buhiri dahrehti dacho jichū mūsa ã nimacanocarire Cohamacūre yahu yuhdūnahca. 37 Quihōno mūsa durucurire masino “Noaina jira”, ninohca

Cohamacu. Tuhsu, ñano masa durucurire masino “Ñaina jira”, ninohca tiro —nire Jesu tinare.

Masa ñaina Jesure Cohamacu tuaa mehne yoa ño dutiha
(*Mr 8.12; Lc 11.29-32*)

38 To ã niri baharo mari judio masare buheina, fariseo curua macaina cöhu tirore õ sehe nire:

—Buheriro, Cohamacu warocariro jicu Cohamacu tuaa mehne yoa ñoga sãre —nimare tina.

39 Jesu õ sehe ni yühtire:

—Mipu macaina ñaina, Cohamacure cahmaeraina Cohamacu tuaa mehne yü yoa ñochu ñu duamana. Ti ã ñu duapachuta Cohamacu yare yahu muhtarirore Jona cjiro panopu macarirore Cohamacu to tuaa mehne to yoari dihtare yoa ñonohca masare. **40** Jona tia dacho waro pjiriro wahi pjaro puhichapu jiha. To ã wahariro seheta yühu cöhu masuno Cohamacu warocariro tia dacho waro masa copapu jiihca.

41 Nínive macaina sehe Jona Cohamacu yare to yahurire tühoa ti ñaa yoarire cahya, Cohamacu mehne macaina tjuaha. ã tjuaina jia buhiri dahrehti dacho jichu tina mipu macainare ti ñaare tühotumari cjirire duhuerainare “Ñaina jira”, ni yahusãahca. Jona cjiro tinare Cohamacu yare to yahuchu tühoa noaare cahmaha tina sehe. ã cahmaa noano yoaa niha mipu macaina yühdoro. ã jia tina mipu macainare “Ñaina jira”, ni yahusãahca. Musare niita nija. Mipu musare yü buhea Jona cjiro to buheri yühdoro jira. **42** ã yoa buhiri dahrehti dacho jichu pühtorocoro sur macaricoro panopu macaricoro ducu, mipu macainare “Ñaina jira”, ni yahusãanohca ticoro cöhu. Ticoro Salomo panopu macariro to masiare tüho duaro yoaropu ahri yahpa pa bühusehepu jiricoro Salomore tühoro taha. ã yoaro noano yoaro niha mipu macaina yühdoro. ã jiro ticoro “Ñaina jira”, ni yahusãanohca mipu macainare. Musare niita nija. Mipu musare yü buhea to buheri yühdoro jira —nire Jesu tinare.

Watüno pari turi masunore to sãari quitire yahuha Jesu
(*Lc 11.24-26*)

43 ã ni tuhsu, pari turi Jesu to tühotua mehne õ sehe ni piti dahre buhere tinare:

—Watíno masúnore cohtotariro cjiro waha, tiro co marieni yahpai tini, to jihto cjihtore macamaha. 44 Ñ bocaeraro, õ sehe ni t̄hotuha tiro. “Masúno yu coháriro cjiro mehneta pari turi jii wahaihtja”, ni t̄hotuha tiro. Ñ ni t̄hoturo tiro tjuaa waha, to coháriro cjiroreta bocaha. Ñ to bocachu masúno sehe noariro jimaha. 45 Ñ jiro watíno paina siete watíare to yuhdoro ñainare pjiro wahaha. To ã pjichu tina jipihtina tiro mehne jiha. Masúno sehe tó pano cüiro watíno to cohtotariro jiro, ñariro jimaha. Mipu sehere payu watia ti cohtotariro jiro, tó pano to jiriro yuhdoro ña yuhdúariro jiha. Mipu macaina Cohamacure masimarina tirore cohã, tina cühu ñaa yuhdúina warota wahaahca —nire Jesu tinare.

Jesu coyea tiro mehne suhudu duaha

(*Mr 3.31-35; Lc 8.19-21*)

46 Masare to ã ni durucuro watoi to pocoro to bahana mehne sopacai ducu, tiro mehne suhudu duare. 47 Ñ jiro cüiro Jesure õ sehe ni yahure:

—Mu poco mu bahana mehne sopacai ducura, muhure suhudu duaa —nire.

48 To ã nichu t̄horo tirore yahurirore õ sehe nire Jesu tinare buhero taro:

—¿Noa jijari yu poco, yu bahana cühu, musa ñuchu?
—nire.

49 Ñ nino, sare to buheinare ñuipuro, õ sehe nire:

—Ahrina jira yu poco yu bahana yoaro sehe jiina. 50 Tina yu Puchu muano macariro to cahmaare yoara. Tó sehe yoaina yu bahu, yu baho, yu poco yoaro seheta jira —nire Jesu tinare.

Jesu wesere toari masúno quitire yahuha

(*Mr 4.1-9; Lc 8.4-8*)

13 ¹ Tí dachoihta Jesu wuhui jiriro wijaare. Wijaa, buepariropu waha, buepariropu duhtu cahai dujire. ² To ã dujichu ñua payu masa tiro cahapu cahmachu wahpata yuhdua, bihsaro yoare Jesure. Ñ bihsachu ñuno dohoriai samu, tiapu dujire tiro. Masa sehe paduroi ducure. ³ Ñ jiro payu to t̄hotua mehne piti dahre yahure tinare buhero taro. Õ sehe nire tiro:

—Toari masúno toaro, to toaa yaparire doca site cüno wahaha. ⁴ To ã doca site cü wahcachu paye yapari maha

dúhtu cahai bora caha sūha. Ñ bora caha sūare tí yaparire minichahca duji ta, chūnocaha.

5 'Ñ yoa paye yapari sehe tāa wapa buicā bora caha sūha. Tāa wapa buicā dihta mariea cureroi dóihta dumaha. 6 Ñ duri jipahta, sū to tuaro sichu, nūhcori mariaa, ñaia wahaha. 7 Paye yapari sehe tja watoi bora caha sūha. Tja sehe dia yūhdúa waha, toaa sehere wajānocaha. 8 Paye yapari sehe noari yahpai bora caha sūha. Noano dua jia noano dicha tiha. Paye yucu cien yapari, paye yucu sesenta yapari, paye yucu treinta yapari dicha tiha. 9 Ahrire tūho duaina noano tūhoga mūsa —nire Jesu.

Jesu quiti mehne to buherire yahuha

(Mr 4.10-12; Lc 8.9-10)

10 To ñiri baharo sā to buheina tiro cahai sū, sinitui sā tirore:

—¿Ne, dohseacu masare quiti mehne piti dahre buhejari mūhu? —ni sinitui sā.

11 Jesu õ sehe ni yūhtire:

—Mūano macarioro masa bui puhtoro masare to noano sūho jiare panopu macaina ti masierari cjirire mūsare yū buheinare masichu yoara Cohamacu. Paina sehere ñ yoaerara tiro. 12 Ñ jiro masiinare masi namochu yoarohca tiro. Ñ jia tina sehe noano masiahca. Masieraina sehe mahancā ti masipachūta tina sehere masierachu yoarohca tiro. 13 Ñ jicu quiti mehne buheja. Õ sehe jira. Mipu macaina ñūpahta, ñūeraina cjiri yoaro sehe tjuara. Ñ jia tūhopahta masierara. Tíre tūhoeraina yoaro sehe jira tina. 14 Ñ jiina jia Isaia cjiro panopu macarioro to ni joariro seheteta yoara tina. Õ sehe ni joaa tiha:

“Ó sehe nina Cohamacu: ‘Yū yare tūhonahca mūsa.

Ñ tūhopanahta, ne masisi mūsa.

15 Mūsa dapu būtiina tjuara.

Tuhsu, mūsa cahmo coparire bihara mūsa, “Tūhorí”, nina.

Mūsa caparire wihmitjiahna mūsa, “Ñūri”, nina.

Ñ yoaerana noano ñūna masiboa mūsa.

Ñ yoa tūhona, masiboa mūsa.

Mūsa wacūapu noano masiboa.

Ñ masiina baro jina, mūsa tūhotumari cjirire tūhotu cohtota, yūhure macaboa.

Musa â macachu ñuno, yuhu sehe musa buhiri tiare cohâboa', nina Cohamacu", ni joaha Isaia cjiro.

16 'Musa sehe musa capari mehne ñuna, masina. Musa cahmo mehne tûhona, masina. Â jina wahcheina jira musa. 17 Musare niita nija. Mipu musa ñhare musa tûhoare panopu macaina Cohamacu yaina cjiri tuaro ñu duamaha. Cohamacu yare yahu mûhtaina cjiri cûhu tûre tuaro ñu duamaha. Wiho mejeta ne ñueraha. Mipu musa tûhoa cûhure tuaro tûho duamaha tina. Â masi duapahta tûre masieraha —ni yahure Jesu sâre to buheinare.

Jesu wesere toari masuno quitire yahu pahñoha

(Mr 4.13-20; Lc 8.11-15)

18 Baharo Jesu sâre õ sehe ni yahu namore:

—Tûhoga musa. Wesere toari masuno quitire musare yahuhiytja. Yuhure tûhona, noano masiga. 19 Doca site cûa yapari noaa buhea yoaro sehe jira. Â jia maha dûhtu cahai boraayapari noaa buhea yoaro sehe jira. Masa noaa buheare tûhopahta ne masierara. Noaa buheare masa ti tûhochu ñuno watîno sehe ta, tûre buheare noaa buheare masi dutierara masare. Minichahca tûr yaporire ti dota nario sehetayoara watîno.

20 Â yoa tâa wapa buicâ boraayapari noaa buhea yoaro sehe jira. Â jia masa noaa buheare tûho, wahchea mehne dôihta tûre tûho nana. 21 Â tûho napahta tâa wapa buicâ jia yucu nûhcori mariea yucu yoaro sehetayoara ahrina masa cûhu tuaerara. Â tuaeraa ñano yuhdua, yu yaina ti jiri buhiri paina tinare ti ñano yoachu ñua yu ya sehere duhunocahna. Paina tinare ti ñano yoachu tûre cûno pjaeraa, yu yare duhunocahna. 22 Â yoa tja watoi boraayapari noaa buhea yoaro sehe jira. Â jia masa noaa buheare tûho, ahri yahpa macaare pjíro cahya tûhotua, niñerure cahîna. Ti â yoachu tûre sehe noaa buheare dûcatara. Ti â dûcatachu masa noaa sehere yoaerara. 23 Â yoa noari yahpái boraayapari noaa buhea yoaro sehe jira. Masa noaa buheare tûhoa, tûre noano masina. Â masiina jia, Cohamacu to cahmano sehetayoaare yoara tina. Câina pjíro noaare yoara cien yapari dicha tiro sehetay. Paina doca curero noaare yoara sesenta yapari dicha tiro sehetay. Paina mahancâ noaare yoara treinta yapari dicha tiro sehetay —ni yahure Jesu sâre.

Trigo watoi tja diari quitire yahuha

24 Æ yoa pari turi to tħotua mehne piti dahre buhere Jesu:

—Mħano macariro masa bui pħortor to sħo jiro õ sehe jira. Wese puro to wesepħu noaa yaparire to toariro seħeta jira mħano macariro masa bui pħortor to sħo jiro. 25 Wese puro jiġihtina tiro mehne macaina cūħu ti carino watoi tirore ħu tuhtiriro tara. Æ taro trigore ti toariroi tjare toaha. Toa tuhsu wahaa wahaha. 26 Baharo trigo duha. Æ jiro ti dicha tia cahachu waro diaa wahaha. 27 Æ jia wese purore dahra coħtina tiro caħapħu su, yahua: “¿Pħortor, noaa yapari diħtare mħu wesere mħu toapachħu, doħse yoa tja cūħu diajari tí wesere?”, niha tina. 28 “Yuhħare ħu tuhtiriro jia tí tjare toaro”, niha wese puro. “¿Tjare sā curechħu cahmajri mħu?” nimaha tirore dahra coħtina. 29 “Tjare curena tjiga, tjare curemahna ‘Trigo seħere cureri’, nina. 30 Trigo tja mehneta bueħawħnosinijaro. Dicha īn-naini pjā jidu, trigo dicha nainare õ sehe niihtja: ‘Tjare cure mħxtaga. Tuhsu mħsa curerire jūga. Baharo trigore pahaga. Paha pahño, tiri yu wiħbori wħu pħu cūga’, niihtja tinare”, niha wese puro —nire Jesu, quitti mehne yahuro.

Mostaza yapa quitire yahuha Jesu

(Mr 4.30-32; Lc 13.18-19)

31 Æ yoa paye quiti mehne sāre õ sehe ni buhere tjoa:

—Mħano macariro masa bui pħortor to sħo jiro mostaza yapacā yoaro sehe jira. Tí yapacā mahabiari yapacā jira.

32 Tí yapacāre wesepħu to toari baharo, noano dura. Æ jiro pji curedu wahara. Æ wahachu minichahca peri tħu dappuripu suhti suħara. (Tó seħeta mħano macarirore mari pħortorre masiina mahainacā ti ji mħxtapachħu baharopu tina payu wahaħċa) —niyahure Jesu.

Pão bueħaro quitire yahuha Jesu

(Lc 13.20-21)

33 Æ yoa paye quiti mehne sāre õ sehe ni buhere tjoa:

—Mħano macariro masa bui pħortor to sħo jiro pão bueħaro yoaro sehe jira. Tiru numino cū wajru trigo poħcare co mehne noano tiri dahra morena pão bueħahtore. To ã yoachu pão bueħaro sehe trigore noano saħseru sura. (Tó seħeta pão bueħaro to saħseru suro seħeta mħano macarirore

mari puhtorore payu masa jipihtiro macaina masiahca) —nire Jesu.

Quiti mehne Jesu to buherire yahuha

(*Mr 4.33-34*)

34 Ahri jipihtiare buhero, quiti mehne yahure Jesu. Quiti marieno yahuerare tiro tinare. **35** Āta yoare tiro Cohamacu yare yahu muhtariro cjiro to ni joariro seheta. Ó sehe ni joaa tiha panopu:

“Quiti mehne yahuhtja.

Cohamacu ahri yahpare to bajuamehneri baharo ne masare to yahuerari cjirire yahuhtja”, ni joaa tiha Cohamacu yare yahu muhtariro cjiro.

Trigo watoi tja diari quitire yahu pahñoha

36 Ā yoa masare coha siti, wuhupu sāa wahare Jesu. Ā jina sā to buheina tiro cahapu su, sinitui sā:

—Trigo watoi tja diari quitire yahu pahñoga sāre —nii sā tirore.

37 Jesu ó sehe ni yuhtire sāre:

—Wese puro noaa yaparire toariro yoaro sehe jija yuhu. Yuhu masuno Cohamacu warocariro jija. **38** Wese sehe ahri yahpa yoaro sehe jira. Noaa yapari dua muano macariro puhtoro to suho jiropu jihtina cjihti yoaro sehe jira. Tja sehe watīno yaina yoaro sehe jira. **39** Wese purore nu tuhtiriro tjare toariro watīno yoaro sehe jira. Tí naini pja sehe pihtiri dacho yoaro sehe jira. Ā jia trigore naina anjoa yoaro sehe jira.

40 Tjare ti cure juriro seheta pihtiri dacho jichu watīno yainare, pichacapu ju cohāahca tinare. **41** Yuhu masuno Cohamacu warocariro yu anjoare warocaihtja. Yu á warocachu anjoa sehe ñaare yoa dutiinare, ñaare yoainare puhtoro yu suho jiropure jimarinare na wioahca. **42** Na wio tuhsu pichacapu cohāahca tinare. Tópu tina tuaro tii, cahyaa mehne bahca dihoahca.

43 Ā jia Cohamacu yaina ti Pucuro puhtoro to suho jiropu jiahca. Tói jia, su dacho macariro yoaro sehe noano buhriaahca tina. Ahrire noano tuhoga musa —ni yahure Jesu.

Noa yuhduare to nuorire to bocari quitire yahuha

44 Ā yoa paye quiti mehne ó sehe ni yahure tjoa:

—M̄ano macariro masa bui p̄uhtoro to s̄oho jiro niñeru to n̄oari yoaro sehe jira. Mas̄uno t̄ire wesep̄ wacūeno boca, pari turi t̄ire n̄o namona. ã yoaro tuaro wahcheha tiro. ã jiro to bocari cjirire nano taro, tí wesere nuch̄a duaha. ã nuch̄a duaro to yare dua pahño, tí wesere nuch̄a. M̄ano macariro p̄uhtoro to s̄oho jiro to bocari cjiri yoaro sehe jiha. (To bocarire to cahma ȳhd̄ariro seheta m̄ano macariore masa bui p̄uhtorore noano ti masini baharo masa tuaro cahmana tirore) —ni yahure Jesu.

Wapa b̄uj̄ri yapa quitire yahuha

45 ã yoa paye quiti mehne õ sehe ni yahure tjoa:

—M̄ano macariro masa bui p̄uhtoro to s̄oho jiro wapa b̄uj̄a yaparire perla wama tia yaparire nuch̄ariro yoaro sehe jira. 46 Tí yaparire macano noa ȳhd̄uri yapare bocaha. ã bocaro, tí yapare nuch̄a duaro, jipihtia to yare dua pahñono wahaha. ã dua tuhs̄u tí yapare wapa b̄uj̄ri yapare nuch̄a. (Tí yapare tuaro to cahmariro seheta m̄ano macariore masa bui p̄uhtorore noano ti masini baharo masa tuaro cahmana tirore) —nire Jesu.

Wañ̄uno quitire yahuha

47 ã yoa paye quiti mehne Jesu õ sehe ni yahure tjoa:

—M̄ano macariro masa bui p̄uhtoro to s̄oho jiro wañ̄uno ti docañod̄u yoaro sehe jira. Tu wañ̄uno mehne payu wahi soro jiinare ñahana. 48 Tu to wahpaa wahach̄u wahi wajāina sehe t̄ure padurop̄ waja maja, noaina wahire besera. Noainare ti p̄uhusep̄ bese sāana. Ñaina wahire cohānocahna. 49 Pihtiri dacho jich̄u õ sehe jirohca. Anjoa sehe masare beseahca. Ñainare na wioahca noaina cahap̄ jimarinare. 50 Na wio, tinare pichacap̄ cohāahca. Tóti tina tii, tuaro cahyaa mehne bahca dihoahca ñaina sehe —ni yahure Jesu.

M̄una buheare, wahma buhea c̄uh̄re yahuha

51 To ã ni yahuri baharo tiro õ sehe ni siniture sāre:

—¿Ahri jipihtiare t̄uhojari m̄usa? —ni siniture tiro.

—T̄uhuja sā —ni ȳuhtii sā.

52 Sā ã nich̄u tiro yahure sāre:

—Judío masare buheina m̄ano macariro masa bui p̄uhtoro to s̄oho jirore buhea, puaro buheare yahura. (Panop̄u ti buhea

cūhure mipu ti buhea cūhure yahura.) Tina, Judio masare buheina wuhu puro yoaro sehe jira. Tiro to wuhui jiare noare na wioro, wahmaare, munaa cūhure na wiora tiro —nire Jesu sāre.

Jesu Nazarepu wahaha

(*Mr 6.1-6; Lc 4.16-30*)

53 Tí quitire to buheri baharo, wahai sā tiro mehne.
 54 Waha, to būchari macapu sūhi. Tópū sū, judio masa mari buhea wuhusepū buhere tiro. To ã buhechū tūhoa, tūho cuaa wahare tina.

—Cuenah, ¿ahriro nohopu tūhoari ahri buheare? ¿Dohsearo noano masi pahñojari ahriro? Cohamacū tuaa mehne yoa ñona tiro to basi. 55 Ahriro taboa dahrari masuno macuno jimanaro. Ñ yoa to pocoro María jimanaro. Ñ yoa Santiago, José, Simo, Juda, to bahana jimanabu. 56 Mipure to bahana numia ahri macai jira. Ñ jiro tiro mari yoaro sehe jiriro tjira. ¿Ñ jiparota nohopu tūhoari tiro ahri buheare? —ni durucure tina ti basi.

57 Ñ jia tina tirore cahmaerare. Ti ã cahmaerachū ñuno õ sehe nire Jesu tinare:

—Cohamacū yare yahu mūhtarirore paina ño payora. Ti ã ño payopachuta to ya maca macaina, to coyea tirore ño payoerara. Ñ jina yuhure ño payoerara mūsa õi yu būchariro jichu —nire tiro tinare.

58 Ñ jiro tirore ti wacū tuaerachū ñuno “Cohamacū macuno jira”, ti ni duaerachū ñuno, tí macai Cohamacū tuaa mehne payu tahari yoa ñoerare Jesu.

João bautisariro cjiro to yariarire yahuha

(*Mr 6.14-29; Lc 9.7-9*)

14 1 Tí pjare Herode Galilea macariro pūhtoro Jesu to yoarire tūhorocaha. 2 Ñ tūhoroo õ sehe nimaha:

—João masare bautisariro yariariro cjiro pari turi bajuaro nica. Ñ jiro mipure to bajuari baharo ahri tuaare cjuara tiro bajuamehneare yoaro —nimaha Herode to cahamacare. (Jesure “Joāota jira”, ni tūhotumaha tiro Joāore ti wajāri baharo.)

3-5 Joāore to wajā dutihto pano Herode to bahūro Felipe namonore namo tiha. To ã yoachu ñuno João bautisariro Herode sehere õ sehe nia timaha:

—Mu bahu namonore namo ticu Cohamacu dutiare yuhduruacai nina muhhu —nia timaha João.

To ã niri buhiri Herode tirore wajã duamaha. “‘João Cohamacu yare yahu muhtariro jira’, ni tuhotura judio masa” nino, tina sehere cuiha Herode. “Joãore yu wajachu tina suaboca” nino, tinare cuiha. Å cuiro Joãore wajã duaeramaha. Å wajã duaeraparota Herode tirore ñaha dûhte duti, peresu yoaha. To namono Herodia to dutiro mehne ã yoaha. 6 Å yoa Herode to masa bajuari dacho jichu bose nûmu yoaha tiro. Tói Herodia macono bose nûmu wihiina ti ñurocaroi basa ñoha. To ã basa ñochu ñuno Herode wahchera. Å wahchero ticorore õ sehe niha:

7 —Cohamacu mehne potocã niita nija. Yuhure mu sinino purota waihtja yuhu muhure —niha juna Herode sehe Herodia maconore.

8 To ã nichu tuhoro Herodia to maconore to sinihtore yahuha ticorore. To ã yahuchu to macono sehe õ sehe ni siniha Herodere:

—João masare bautisariro dapure cjã ta dutiga. Å yoacu waparo mehne tí dapure waga yuhure —niha ticoro.

9 To ã nichu tuhoro Herode tuaro cahyaha. Masa ti ñurocaroi “Waihtja muhure”, niha tiro. Å jiro tiro buo tiro “Muhure to dapure waeraja”, ni masieraha ticorore. Å jiro ticoro to dutiriro sehetu Herode sehe to cahamacare Joãore wajã dutiha. 10 João dapure cjã taroca dutiha juna. 11 Å cjã ta tuhsu, waparo mehne to dapure na taha tina. Herodia maconore to dapure ti wachu, ticoro sehe to pocorore yuhdoha tjoa.

12 Ti ã yoari baharo João buheina ta, to pjacure masa copapu na cûha. Å cû tuhsu, tina tîre Jesure yahua tare.

Cinco mil bui masare chua waha Jesu (Mr 6.30-44; Lc 9.10-17; Jn 6.1-14)

13 Ti ã ni yahuchu tuhoro, Jesu sâ mehne dohoriái samu, masa marienopu suho wahare. Jesu tópu to wahachu tuhoa, masa ti ya macaripu jirina ta, mahapu tirore nûnu ti wahcâre. 14 Tuhsu, sâ wahâ suri baharo tiro payu masare ñuno, pja ñure tinare. Å pja ñuno tina mehne macaina dohatiinare noaina wahachu yoare. 15 Ñamichahapu sâ to buheina tirore õ sehe nii:

—Ñamichahapʉ jira. Ó masa marienopʉ jira. Å jicʉ macaripʉ masare ti chʉhtire nuchʉ dutiga ti puhi tihti cjihtire —nimai sã tirore.

16 Jesu yuhtire sãre:

—Wahaea tjijaro tina. Mʉsa basita chʉare waga tinare —nire sãre.

17 —Cū wamomaca pihtia pão curi, pʉaro wahi mehne jira sãre. Tí dihtare cjhaja sã —ni yuhtii sã.

18 —Tíre yʉhure na tahga mʉsa —nire sãre.

19 To ã nichʉ tʉhona na wahcāhi sã to cahai. Sã na suri baharo tja bui masare tiro duji dutire jʉna. Ti dujichʉ cinco pão curire, pʉaro wahire na, mʉhanopʉ ñʉ mʉo, Cohamacure “Noana”, nire. Å ninota pão curire nuha, sãre to buheinare ware. To ã wachʉ sã sehe tére masare witii. **20** Å jia jipihtina noano chʉ, yapi yʉhdʉa wahare. Ti yapi wahyorire doce pʉhʉse waro na cahmachu, wahpo dapoí sã to buheina. **21** Tóí tére chʉrina mʉa dihtare mari quihōchʉ cinco mil mʉa jire. Numia, macanacã cūhʉ jire.

Jesu co bui ducu wahcāha

(*Mr 6.45-52; Jn 6.16-21*)

22 Baharo sãre to buheinare Jesu bʉçupariro pa bʉhʉsehe coapʉ pahāyu dutire masare to coha sitiro watoi. **23** Coha siti tuhsʉ, tʉçupʉ mʉja, Cohamacure sinino wahaha. Ñamine tóí tiro cūirota jiha. **24** Tí pjaihta bʉçupariro dacho macai dohoria mehne pahārucuna nimai sã. Wihnono tuaro ta, pahcōri bʉjʉa wahcā, dohoriare cjā sãare. **25** Wihnono tuaro to wāchʉ bohrea mʉja tahto pano Jesu co bui ducu tare sã cahapʉ jʉna. **26** Sã cahapʉ to tachʉ ñʉna cui nii sã. Å cuina sañurucumai sã:

—Yariariro cjiro pjacʉ jira —ni sañurucumai sã.

27 Sã ã cuichʉ ñʉno Jesu õ sehe nire:

—Ne yʉhure ñʉ cuaena tjiga. Yʉhʉta jiha —nire sãre.

28 To ã nichʉ tʉhoro Pedro õ sehe nire tirore:

—Pʉhtoro, potocāta mʉhʉta jicʉ, co bui yʉhure mʉ cahapʉ ducu wahcā dutiga —nire tiro.

29 —Taga —ni yuhtire tiro sehe.

To ã nichʉ Pedro dohoriapʉ jiriro co bui ducʉ sʉ Jesu cahapʉ ducu wahcāmare. **30** Wihnono tuaro to tachʉ ñʉno cuire tiro. Å cuiro diha boraah wahamare.

—Yʉhure yoadohoga pʉhtoro —ni sañurucure tiro Jesure.



31 To ã nichäta to wamomacare ñaha:

—Mahanocä wacü tuara mähu yuhure. ¿Dohseachü yuhure wacü tuaerajari mähu? —nire tiro Pedrore.

32 To ã niri baharo dohoriapü samu tare tina. Ti ã samu tari baharo wihnono yusü borare. 33 Å jina sã to buheina dohoriapü jiina na tuhucua caha sü, Jesure ño payoi:

—Potocäta mähu Cohamacü macunota jira —nii sã tirore.

Genesare macaina dohatiinare yuhdoha Jesu

(Mr 6.53-56)

34 Å yoarina cjiri pahä, Genesare wama tiri yahpapü süi.
35 Tó macaina Jesure ñü masire. Å masia tó cahai jiinare Jesu to wihirire yahu site pahñore. Å ti yahu sitechü tahoina payü dohatiinare tiro cahapü na tare.

36 —Mu suhtiro dähtü caha dihtare säre ñaha ñü dutiga —ni sinire tina Jesure. Å jia to suhtirore ñaha ñüinape töpeinata noaina wahare.

Masa ñaina wahachü yoaare yahuha Jesu

(Mr 7.1-23)

15 1 Å yoa Jerusalë macaina, fariseo curua macaina, marine judio masare buheina mehne Jesu cahapü wihia, õ sehe ni siniture tirore:

2 —¿Dohse yoa mari ñuchusuma cjiripü ti yoa dutiriro seheta yoaerajari mu buheina sehe? Tina ti chühto pano ti dutiriro seheta wamo cosaerara —nire tina Jesure.

3 Jesu õ sehe ni yuhitre tinare:

—¿Musa sehe dohse yoana Cohamacu dutia sehere yoaerajari musa? ¿Dohse yoana mari ñuchusuma cjiri panopu macaina ya dutia dihtare yoajari musa sehe? 4 Ó sehe nina Cohamacu: “Musa pucusumare ño payoga”, nina. “Cáiro to pucusumare ñaare quiti dahreriro jiro tí buhiri paina ti wajáhтиro cjihto jirohca”, nina Cohamacu. 5 To á nipachuta ó sehe ni dutira musa sehe ti pucusumare yoadoho dutierana: Ti pucusumare ti waborire Cohamacu sehere wa dutira musa. Á ni buhemana musa. 6 Á buhena ti pucusumare ño payochu yoaerara musa. Musa á yoana Cohamacu dutiare yuhdurucana nina musa, mari ñuchusuma cjiri panopu macaina ya dutia dihtare yoana. 7 Masa ti baharo buhusehei ñano yoa cohtaina jira musa. Cohamacu yare yahu muhtariro Isaia cjiro musare potocata yahu joaa tiha panopure:

8 “Ahrina masa yuhure noano durucupahta ti tūhotuare yuhure ne ño payoerara.

9 Á jia yuhure ti ño payoa ne yaba cjihti jierara.

‘Cohamacu ya dutia jira ahri’, ni mahño buhera ti ya buhea sehere”,

ni joaa tiha Isaia cjiro —nire Jesu fariseo curua macainare, mari coyea judio masare buheina cūhure.

10 Á ni tuhsu to cahapu paina cūhure pjiroca, ó sehe nire:

11 —Yuhure tūhona taga. Tuhsu, yu niare noano tūho ñahaga musa. Musa duserihi sāa sehe musa chua sehe musare buhiri tichu yoaerara. Musa ñaa durucua sehe musa duseri wijaa sehe musare buhiri tichu yoara —nire Jesu.

12 To á ni buheri baharo sā to buheina sehe tirore yahui:

—Mu á nichu tūhoa fariseo curua macaina suaan nire —ni yahui sā tirore.

13 Tíre tūhoro, ó sehe ni yuhire sāre:

—Tina fariseo curua macaina toaa yucu yoaro sehe jira.

Yu Pucu muano macariro jipihtia toaa yucure to toaerari cjurire nūhcori mehneta cure, cohānōhca. Áta yoarohca tinare.

14 Tinare á ñūnocaahga musa. Tina capari ñueraina ti ñu masieraro sehetra ne Cohamacu yare masierara. Á jia pichacapu wahaaahca. Á masierapahta paina masierainare buhe duamana. Á jia tina, ti buheina cūhu solo jia buheare cahmaahca, capari ñueraina painare tuā wahcā, jipihtina copapu ti borariro sehetra —nire Jesu.

15 To á nichu tūhoro Pedro ó sehe nire:

—Ahri quitire masa ti d̄aseri wijaa quitire yahu namoga sāre tjoa —nire tiro Jesure.

16 Jesu õ sehe ni yuhtire:

—¿Ne, t̄hoerasinijari m̄sa? 17 Masa ti ch̄are ch̄ech̄a tí ti d̄aseroi sāahna. Ā jia ti pjarop̄ sāa s̄u, yuhdu wijaa wahara. Wiho waro jira. Mari ch̄ua marine buhiri tich̄ yoaerara, Cohamac̄ to ñuch̄. ¿Ahrire masierajari m̄sa? 18 Masa ti d̄aseroi wijaa, ti durucua sehe ti t̄hotuap̄ tara. Ti durucua sehe ñaa jia masare buhiri tich̄ yoara. 19 Ñaa t̄hotua, masare wajāa, pairo namono mehne ñano yoaa, ñano yoaa numia mehne ñano yoaa, yacaa, mahñoa, masare ñano quiti dahrea masa ti t̄hotuap̄ tara. 20 Tí ñaa sehe masare buhiri tich̄ yoara. Wiho mejeta mari ñuch̄suma cjiri ti yoaa tiriro cjiro seheta masa wamo cosaerapahta ti ch̄ech̄a tí masare buhiri tich̄ yoaerara —nire Jesu.

Judio masono jieraricoro Jesure wacū tuaha

(Mr 7.24-30)

21 Ā ni buhe tuhs̄, sāre s̄ho wahare tjoa. Tiro wama tiri maca cahap̄ Sidō wama tiri maca cahap̄ sui sā. 22 Sā tóp̄ s̄ch̄ Canaa yahpa macaricoro tójiricoro Jesu cahap̄ wihiro, sañurucure:

—Puhtoro, Davi panamino masare yuhduch̄ yoahistro, yuhure pja ñuga m̄hu. Ȳ macore yuhduch̄ yoabasaga m̄hu. Ȳ maco watīno to cohtotaricoro, ñabiaro yuhdura ticoro —ni sañurucure to pocoro.

23 To ã nipach̄ta Jesu ticorore yuhtire. To ã yoach̄ ñuna sā to buheina sehe tirore õ sehe nimai:

—Waha dutiga ticorore. Nu cariboro bisica —nimai sā.

24 Sā ã nich̄ t̄horo Jesu õ sehe ni yuhtire ticorore:

—Israe masare Cohamac̄re masieraina dihtare yoadoho dutiro warocare ȳ Puç̄ yuhure —nire tiro.

25 To ã nipach̄ta Jesu dahpori cahai na tuhcua caha s̄ure ticoro tirore ño payoro.

—Puhtoro, yoadohoga yuhure —nire ticoro.

26 Jesu õ sehe ni yuhtire ticorore:

—Ó sehe jira ahri: Wahmanore wuhu puro pohna ya ch̄are dieyacāre ȳ wa muhtach̄ tó wahaerara. (Israe masa yare pa yahpa macainare ȳ wa muhtach̄ tó wahaerara) —nire Jesu ticorore piti dahre yahuro.

27 —Ã tjira puhtoro. Ã jipachuta dieyacā cūhū wuhū puro mesa docai ti chū site boroare chū cohtara tinacā cūhū. (Pa yahpa macaricoro yū jipachuta yuhū cūhure yoadoho masina māhu) —ni yuhtire ticoro.

28 To ã nichu tiro õ sehe ni yuhtire:

—Ne numino, māhu yuhure tuaro wacū tuara. Mū cahmano seheta ã waharohca —nire Jesu ticorore.

To ã nichu dóihta noaricoro wahare to macono.

Payu dohatiinare noaina wahachu yoaha Jesu

29 Ñi tuhsu sāre suho waha, Galilea wama tiri būcupariro duhtu cahapu suho sure tjoa. Su, mahaducā tūcure mūja, tu buipu dujire. 30 Tóí to jichu payu masa tini masierainare, capari ñuerainare, cū būhusehe ñano dahporo tiinare, durucu masierainare, payu paina dohatiinare tiro cahapu na wihire masa. Na wihi tuhsu Jesu dahpori cahai duhu cūre tina. Ti ã duhu cūri baharo noaina wahachu yoare Jesu tinare. 31 To ã yoachu ñua masa ñu cūaa wahare. Durucu masieraina ti durucuchu ñua, cū būhusehe ñano dahporo tiina noaina ti wahachu ñua, tini masieraina ti tinichu ñua, capari ñueraina ti ñuchu ñua, cūaa wahare tina. Ñi jia õ sehe nire:

—Israe masa mari puhtoro, Cohamacu tuariro, noariro jira —ni ño payore tina Cohamacure.

Cuatro mil masare chūare waha Jesu

(Mr 8.1-10)

32 To ã yoari baharo Jesu sāre to buheinare to cahapu pjiroca, õ sehe nire:

—Ahrina masa yuhū mehne tia dacho waro ji tuhsura. Ñi yoa tinare ti puhi mariahna. Ti puhi mariachu ñuca tinare pja ñuca. “Tinapu jūca baaina, mahai borari”, nicu tinare chua marieno ti wuhusepu waha duti duaeraja. Ñi jicu tinare puhi wa duaja —nire tiro.

33 To ã nichu sā to buheina tirore sinitu ñui:

—¿Dohse yoa mari õre masa marienopure pāore boca wabocari mari? —nii sā tirore.

34 —¿Nohope curi pāo curire cjuajari mūsa? —nire Jesu.

—Siete curi, wahi cūhure mahainacā cjuaja —ni yuhtii sā.

35 Sā ã nichu tiro masare yahpai duji dutire. 36 Tuhsu siete pāo curire, wahicā cūhure na, Cohamacure “Noana”, nire. Ñi

ninota pão curire nuha, sāre to buheinare ware. Ā jina sā sehe tí chūare masare witii. **37** Ā jia masa tíre chū, yapi yuhdúa wahare. Ti yapi wahyorire siete puhuse waro wahpo dapoí sā. **38** Tói chūrinare múa dihtare mari quihochú cuatro mil waro múa jire. Numia, macanacá cahú jire. **39** Ti á chū tuhsuchú Jesu masare waha dutire. Ā ni tuhsú dohoriapú samu, Magadán wama tiri yahpapú sāre suho sure.

**Fariseo curua macaina, saduceo curua macaina cahú
Cohamacú tuaa mehne Jesu to yoa ñochú ñú duamaha**
(Mr 8.11-13; Lc 12.54-56)

16 **1** Ā yoa fariseo curua macaina, saduceo curua macaina mehne Jesu cahapú wihire. To ñano yoachú ñú duamare tirore yahusá duaa. Ā jia tina tirore Cohamacú tuaa mehne yoa ño dutimare to masierachú ñú duaa, “Cohamacú warocariro jierara”, nia taa. **2** Ti á yoa dutichú Jesu õ sehe ni yuhtire tinare:

—Ñamichahapú sú sāachú to noano sohachú ñuna “Noari ñami jirohca”, nina musa. **3** Tuhsú, bohrealo ñichuri dacho to jichú ñuna “Coro tarohca”, nina musa. Ā noano masiina jipanahta Cohamacú tuaa mehne mūsare yú yoa ñochú ñupanahta ne tíre noano masierara musa. **4** Mipú macaina ña yuhdúna Cohamacúre cahmaeraina Cohamacú tuaa mehne yú yoa ñochú ñú duamana. Yoa ñosi yuhú. Cohamacú yare yahu mūhtariro cjiro Jona cjiro to dohse wahariore masi tuhsare musa. Tí dihtare ñoihtja mūsare —ni yuhtire Jesu.

Ā ni yahu tuhsú suho wahaa wahare tjoa.

**Fariseo curua macaina, saduceo curua
macaina ti ñaa buheare yahuha Jesu**
(Mr 8.14-21)

5 Bucúparirore sā pahāna, pãoore bo pahā tari jihti sā.
6 Ā jiro Jesu sāre õ sehe ni yahure:

—Noano yoanohbú. Fariseo curua macaina, saduceo curua macaina ti pão bucharore ñuna noano yoaga. Cua nina tí —ni yahure.

7 To á nichú tūhona tūho wisia wahana, sā basi tíre õ sehe ni durucui:

—Mari pãoore mari na taerachú ñuno á nípuchú tiro —nimai sā, sā basi.

8 Sā ã nirire masino, sâre õ sehe ni siniture:

—¿Dohse yoana pão sehere wacūjari mûsa? Mahanocã waro yuhure wacū tuara mûsa. **9** ¿Masierasinijari mûsa? ¿Cinco mil mûare cinco pão curire yu nuha warire numia cûhure yu warire wacúerajari mûsa? ¿Ti yapi wahyorire doce puhuse waro mûsa wahpo daporire wacúerajari mûsa? **10** ¿Ã jicu siete pão curire nuha, cuatro mil mûare yu warire numia cûhure yu warire wacúerajari mûsa? ¿Nohope puhuse waro mûsa wahpo daporire wacúerajari mûsa? **11** ¿Ã jina pão bucharore yu yahuchu dohse yoana noano tûhoerari mûsa? Ã nicu pão warore nicu nieraja. Fariseo curua macaina, saduceo curua macaina ti pão bucharore ñuna noano yoaga. Cua nina tí —ni yahure sâre tiro.

12 To ã ni yahuchupu sâ masii. “Pão bucharo” nino, pão warore nino nierare. Ã nino fariseo curua macaina, saduceo curua macaina ti buheare nino niri jimare sâre. “Ti ya buheare tûhoena tjiga”, nino nire.

**Jesu potocã Cristo to jiare Cohamacu
warocariro to jiare yahuha Pedro**
(*Mr 8.27-30; Lc 9.18-21*)

13 Ã yoa Jesu mehne wahana, Cesarea Filipo wama tiri maca cahai jia macaripu sui sâ. Tuhsu, macapu sâ suri baharo Jesu sâre to buheinare siniture:

—¿Diro baro jicari yuhure masa yuhure ti tûhotuchu? —ni siniture tiro.

14 —“João masare bautisariro jira”, nina mûhure. Paina “Elia jira”, nina. Ã yoa paina sehe tjoa, “Jeremía jiboca o pairo Cohamacu yare yahu mûhtariro cjiro jiboca”, nina —ni yuhiti sâ tirore.

15 —¿Mûsa sehe mûsa tûhotuchu diro baro jicari yuhure? —ni sinitu ñure tjoa.

16 Simo Pedro õ sehe ni yuhire:

—Mûhû Cristo Cohamacu warocariro jira. Cohamacu catiriro waro macunota jira mûhû —ni yuhire Simo Pedro.

17 To ã nichu tûhoro Jesu tirore õ sehe nire:

—Simo Jona macuno mûhû wahcheriro jira. Õ sehe ni yuhure mu yuhichu masa ti ni yahuri jierara. Yû Pucu muano macariro sehe tîre mûhure masichu yoare. **18** Mûhure niita nija. Mûhû Pedro wama tiriro jira. (Pedro nino, “tâca”, nino

nina.) Ahri tāa wapa bui pjiri wāhure yu yoaboriro seheta yu yaina sehere pjiri curua jichu yoaihca yuhu. Ā jia watīno to yaina mehne ne yu yainare yuhdūrūcasi. Ā jia yu yaina ne pichacapu wahasi. 19 Muano macariro mari puhtoro to seho jiro macari sawire muhure waihtja. Ā jicu ahri yahpare ñaare mu yoa dutierachu muhanopu cūhure yoa dutisi. Ahri yahpare noaare mu yoa dutichu muhanopu cūhure yoa dutia jiahca —nire Jesu.

20 To ã niri baharo sāre to buheinare õ sehe nire:

—Yuhure “Cristo jira tiro”, ni yahu sitesinieno tjiga painare —ni dutire sāre.

Jesu to yariahtore, to masa wijaahlo cūhure yahuha

(*Mr 8.31–9.1; Lc 9.22–27*)

21 Tí pjata Jesu sāre to buheinare noano yahu pahño ducare:

—Jerusalēpu yuhure waharo cahmana mipure. Tópu mari coyea judio masa bucuna, sacerdotea puhtoa, marine judio masare buheina cūhu yuhure ñano yoaahca. Yuhure wajāahca. Āta ñano yuhdūro cahmana yuhure. Ā jicu tia dacho wahaboroi masa wijaaihca —ni yahure sāre tiro. 22 To ã nichu tuhoro Pedro sehe pa sehe curerocā Jesure narucu su, tirore õ sehe nire:

—Puhtoro, mu nino sehe ã wahaero tjijaro. Muhure tina wajāea tjijaro —nimare tiro Jesure.

23 To ã nichu tuhoro Jesu majarerūca, tirore õ sehe nire:

—Satana yoaro sehe durucui nina muhū. Ā nii tjiga. Mu tuhotua masa ya jira. Cohamacu ya jierara. Ā jicu yu yoahtore ducata duara muhū —nire Jesu Pedrore.

24 To ã niri baharo sāre yahure:

—Cūiro yu yairo ji duaro, to cahmano yoa duamarine duhunocanohca. Crusapu yu ñano yuhdūtiro seheta yu yairo to jiri buhiri ñano yuhdūparota yuhure duhusi. Ā jiro yu yare yoarucuriro jirohca. 25 Masuno yuhure wacūno marieno to mu sūro to cahmano seheta yoariro pichacapu waharohca. Tuhsu, masuno yu yare ã yoarucuriro jipihtia dachoripe yuhu mehne muhanopu jirucurohca tiro. 26 ¿Cūiro masuno ahri yahpa macaare jipihtiare cjhariro Cohamacure cahmaeraro pichacapu waharo, yabare wapatajari tiro? Ā jiriro ne wapataerara. Pichacapu to wahachu ne dohse wapa wiohto basioerara.

27 Yuhu masuno Cohamacu warocariro yu yaina anjoa mehne ahri yahpapu tjua tacu yu Puchu to si sitea mehne tjua tacu jipihtina masare ti ñaa yoari buhiri buhiri dahreichtja. Noaa sehere ti yoachu noano yoaihtja tinare. 28 Potocā mūsare yahuhihtja. Caina mūsa òpore jiina mūsa yariahto pano yuhure yu tachu yu pahito sāachu cūhure ñunahca —ni yahure Jesu.

Jesu to pjacure cohtotaha

(Mr 9.2-13; Lc 9.28-36)

17 1 Â yoa seis dachori baharo Jesu Pedrore, Santiagore to bahuro João cūhure mūadu tūcupu tina dihtare pji mūjare. 2 Mūanopu ti suri baharo ti ñurocaroi to pjacure cohtotaha. To wuhdua sū dacho macariro yoaro sehe si siteha. Tuhsu, to suhtiro buhriaro yoaro sehetia yehsea tiha. 3 To à cohtotachu Jesu Moise cjiro, Elia cjiro mehne ti sūhuduchu ñuha tina tiaro Jesu buheina. 4 Â jiro Pedro Jesure ò sehe nimaha:

—Puhoro, mari õi jichu noa duara. Mu cahmachu tia wuhucā yoaihtja. Mu ya wuhucā, Moise ya wuhucā, Elia ya wuhucā yoaihtja —nimaha tiro.

5 To à nino watoi me curua noano si sitea me ti bui duji pja wihihia. To à duji pja wihichuta, me curua watoi ò sehe nino coa taha:

—Ahriro yu macu yu cahíriro jira. Tiro mehne wahcheja. Tirore tūhoga —nino coa taha.

6 Â nino coa tachu tūhoa to buheina cuaa waha, yahpai doca caha sūha. 7 Ti à wahari baharo Jesu tina cahapu sū, tinare búa carerota, ò sehe niha:

—Wahcārūcaga mūsa. Mipore mūsa ñurire, mūsa tūhori cūhure cuiena tjiga —niha tiro tinare.

8 To à nichu tina ñuroca, Jesu dihtare ñuha. Ti ñurina cjiri sehe marieraha juna.

9 Â jia tūcupu ti duji tachu Jesu tinare tuaro mehne ò sehe niha:

—Michapucacā yu à waharire painare yahuena tjiga. Yuhu masuno Cohamacu warocariro yu yaria masa wijaari baharo tére painare yahuga mūsa —niha Jesu.

10 To à niri baharo Pedro cūhure tirore ò sehe ni sinituha:

—“Cristo masare yuhdohtiro to tahto pano Eliare ta mūhtano cahmana”, nina marine judio masa buheina. ¿Dohse jiro baro ã njari tina? —ni sinituha tina tirore.

11 Jesu õ sehe ni yuhtiha:

—Potocā tjira. Eliare ta mūhta dutire Cohamacū, jipihiare cahno mūhtahtirore. 12 Ó sehe nicu mūsare nii njija. Elia wihi tuhsure. To ã wihipachuta tina tirore ne ñu masierare. Ñ jia ti dohse yoa duaro ñano yoari jire tirore. Ñta yoaahca yuhu cūhure. Yuhu masuno Cohamacū warocariro jija. Ti ã yoachu ñano yuhduihca yuhu —niha Jesu.

13 To ã ni yahuchu tina noano tūhoha. “Elia” nino, João bautisariore nino niha. Tíre masiha tina.

Jesu ñama yaria mūnare dohatirirore yuhdoha

(*Mr 9.14-29; Lc 9.37-43*)

14 Ñ yoa payu masa cahapu ti duji tachu ñuno cūiro mūno Jesu cahapu su, na tuhcua caha sure.

15 —Pūhtoro, yu macucāre pja ñuga. Tiro ñama yaria mūnare dohatiriro jira. Ñ jiro tiro ñabiaro yuhdura. Payu tahari pichacapu bora su caha mūjana tiro. Cāa tahari diapu bora ñoja mūjana. 16 Ñ jicu mu buheina cahapu tirore na sumahi. Tina tirore noariro wahachu yoa masierare —nire tiro Jesure.

17 Jesu õ sehe ni yuhtire:

—Mipu macaina, mūsa ñaa buhiri tiina jira. Yuhure ne wacū tuaerara. Yoabiari pja mūsare buhemaja yuhu. ¿Noho puro yoari pja yuhure mūsa caribobocari? Tirore na tahga yuhure —nire Jesu.

18 Ñ jiro watīnore to tuhtichuta watīno sehe masūnocāre sāariro cjiro wahaa wahare. To ã wahari baharocāta noariro wahare tiro.

19 Baharo sā to buheina sā sahsero jina Jesure õ sehe ni sinitui:

—¿Dohse yoana sā sehe ahriro sehere watīnore cohā masierari, mu tūhotuchu? —ni sinitui sā.

20 Jesu õ sehe ni yuhtire:

—Yuhure mahancā wacū tuara mūsa. Potocā mūsare yahuuita njija. Mostaza yapacā mahari yapacā jiparota duropu pjidu wahara. To ã wahariro sehetu Cohamacūre wacū tuana õ sehe wahachu yoa masinahca mūsa. Ahdū tūcure “Sohōpu

wahaga”, m̄usa nich̄u, waharohca. Cohamac̄ure tó sehetā wacū tuana, jipihtiare yoa masina m̄usa. 21 [Wiho mejeta ahriro baro waſinore m̄usa cohā duana Cohamac̄ure tuaro sinino cahmana m̄usare. Ā yoa duana ch̄u duhuro cahmana m̄usare Cohamac̄ure sinina tana] —nire Jesu sāre.

Pari turi Jesu to yariahtore, to masahtore yahuha
(*Mr 9.30-32; Lc 9.43-45*)

22 Ā yoa Galilea yahpapu sā tinich̄u, Jesu sāre õ sehe ni yahure:

—Yuh̄u masuno Cohamac̄u warocariro jija. Masa yuh̄ure ñaha, painapure yuh̄ure waahca. 23 Ā ti wari baharo yuh̄ure wajāahca tina. Ā ti wajārich̄u tia dacho wahaboroi masa wijaaihca —ni yahure tiro sāre.

To ã ni yahuch̄u t̄uhona tuaro cahyai sā.

Cohamac̄u wuh̄u macaa wapa cjihtire sinituha paina

24 Ā jina Capernaupu sā such̄u, Cohamac̄u wuh̄u macaa cjihtire wapa na cohtaina Pedro cahapu s̄u, tirore õ sehe ni sinitu ñure:

—¿M̄usare buheriro Cohamac̄u wuh̄u macaa wapa cjihtire wapajari tiro? —ni siniture tina.

25 —Wapara tiro —ni yuh̄tire Pedro.

To ã niri baharo wuh̄upu to sāach̄u Jesu õ sehe ni sinitu muhtare Pedre:

—¿Simo, dohse ni t̄uhotujari muh̄u? ¿Ahri yahpa macaina p̄uhtoa yabaina sehere wapa cahmajari, mu t̄uhotuch̄u? ¿Tina mehne macainare wapa cahmajari? ¿O pa yahpa macaina sehere wapa cahmajari, mu t̄uhotuch̄u? —ni siniture tiro Pedre.

26 —Pa yahpa macaina sehere wapa cahmana —ni yuh̄tire Pedro.

To ã nich̄u Jesu õ sehe ni yahure:

—Ā jiro p̄uhtoro to ya yahpa macainare wapa cahmaerara.

27 Ā jipach̄uta wapa na cohtainare suach̄u yoa duaeraja mari. Ā jina wapanahca tinare. Bucupariropu wahaga. Tópu s̄u, yohgari canore doca ñoga. Ā yoach̄u wahi muh̄ure ch̄urirore tuāga. To d̄useropu niñeru t̄ure bocaihca muh̄u. Tí tu quihōno wapa tiri tu jirohca. Yuh̄ure, muh̄u cūh̄ure Cohamac̄u wuh̄u macaina ti wapa cahmach̄u noano quihōno mu s̄urohca tí tu.

Tí ture bocacu mari wapamonore wapai wahaga —nire Jesu Pedrore.

Jesu buheina tina mehne macarirore púhtoro sō duaa nimaha
(*Mr 9.33-37; Lc 9.46-48*)

18 1 Tí pjare sā to buheina Jesu cahapu sū, ò sehe ni sinitui tirore:

—¿Múano macariro púhtoro to súho jiropure sā mehne macariro diro baro sehe wahabocari púhtoro? —ni sinitui sā.

2 Sā ã nichu Jesu nijinocáre pjiroca, tirocáre sā panoi duhu dapore. Duhu dapo tuhsu, sāre ò sehe nire:

3 —Potocá mūsare yahu bahrañoihtja. Ahrina macanacā Cohamacure ti púhtoro waro tūhotura. Ā jina mūsa cūhu pano mūsa tūhotumari cjirire cohtotaerana, tinacā yoaro sehe tūhotuerana múano macariro púhtoro to súho jiropure wahasi mūsa. 4 Ā jiro múano macariro púhtoro to súho jiropure niji siaroca yoariro painare yuhdúrhaca duaerario ahriro nijinocá yoaro sehe tūhoturirota paina bui púhtoro wahara. 5 Ā jina yu yare yoana tana ò sehe jiinacáre cahmana, yuhu cūhure cahmana mūsa —ni yahure Jesu.

Ñaare yoachu cua nina
(*Mr 9.42-48; Lc 17.1-2*)

6 Ā ni yahu tuhsu, tinare ò sehe ni yahu namore:

—Ahrirocá sehe jiriro yuhure wacū tuarirocáre yahuihtja mūsare. Pairo ahrirocá sehe jirirore ñaare yoa dutiro tiro ñabiaro yuhdúrohca. Cūirore to wamūare pjiria tācare dūhte yo, pjiri mapu tirore ti cohāchhu ñano wahaboa tiro. Ā jiro ahrirocá sehe jirirore ñaare yoa dutiriro tiro sehe pjiri mapu ti cohāriro yuhdoro ñano yuhdúrohca. 7 Masare ñaare yoachu yoaa jira. Tíre yoaa ahri yahpa macaina ñano yuhdúra. Ñaare yoarucura masa. Ti ã yoachu tinare ñaare yoachu yoaina sehe ñabiaro yuhdúahca.

8 'Mu wamomaca mehne ñano yoacu tí wamomacare mu dute cohāboro sehetu tí mu ñaa yoaa sehere duhuga. Tíre duhueracu pichacapu wahaihca. Tópure ne pichaca yatierara. Mu wamomacare mu cohāchhu tí si dihta butiboa. Tuhsu, muhu sehe ã si jipaihta baharo Cohamacu mehne jiihca. Pua wamomaca mehne pichacapu wahacu mu ã wahachu ñaa yuhdúaboa muhure. Ā jicu tí mu ñaa yoaa sehere duhuga.

'Mʉ dahporo mehne ñano yoacʉ tí dahporo cāhure mʉ dute cohāboro sehetá tí mʉ ñaa yoaa sehere duhuga. Tíre duhueraçʉ pichacapʉ wahaihca. Tópure ne pichaca yatierara. Mʉ dahporore mʉ cohāchʉ tí si dihta butiboa. Tuhsʉ, ã si jipaihta baharo Cohamacʉ mehne jiihca. Pʉa dahporo mehne pichacapʉ wahacʉ mʉ ã wahachʉ ñaa yuhduaboa mʉhure. Ñ jicʉ tí mʉ ñaa yoaa sehere duhuga.

9 'Mʉ capariaca mehne ñano yoacʉ tiare orewe mʉ cohāboro sehetá tí mʉ ñaa yoaa sehere duhuga. Tíre duhueraçʉ pichacapʉ wahaihca. Tópure ne pichaca yatierara. Tiare mʉ cohāchʉ tia dihta butiboa. Cã bühusehe capariaca mariapaihta baharo Cohamacʉ mehne jiihca. Pʉa capariaca mehne pichacapʉ wahacʉ mʉ ã wahachʉ ñaa yuhduaboa mʉhure. Ñ jicʉ tí mʉ ñaa yoaa sehere duhuga —ni yahure Jesu.

Oveja butiriro quitire yahuha Jesu

(Lc 15.3-7)

10 Ñ ni tuhsʉ, tinare õ sehe ni yahu namore:

—Ne, ahrinacãre macanacãre ñʉ yabiena tjiga. Mʉsare niita nija yuhʉ. Tinacãre ñʉ wihboina anjoa mʉanopʉ jiina sehe yʉ Pʉcʉ cahapʉ ã jirucura. 11 [Yuhʉ masʉno Cohamacʉ warocariro ahri yahpapʉ pichacapʉ wahaborinare yuhduchʉ yoai tai nii yuhʉ] —ni yahure Jesu.

12 Ñ ni tuhsʉ to tʉhotua mehne õ sehe ni quiti dahre buhere sãre:

—Ovejare ñʉ wihboriro cien ovejare cjhariro cñiro oveja butia wahachʉ õ sehe yoarohca tinare ñʉ wihboriro sehe. Paina ovejare noventa y nueve ovejare ti churi campopʉ duhu dapo, butirirore macano waharohca. 13 Potocã niita nija mʉsare. Tirore bocaro wahcherohca tiro. Paina noventa y nueve dʉhsaina mehne wahchera tiro. Tinare to wahcheriro yuhdoro butiriro sehere bocaro tuaro wahcherohca. 14 Tó sehetá ñʉ wihboriro oveja to butichʉ cahmaeraro sehetá mʉsa Pʉcʉ mʉano macariro ahrina wiho jiina cāhure pichacapʉ ti wahachʉ cahmaerara —ni yahure Jesu.

Mʉ coyeiro mʉhure ñano to yoachʉ õ sehe yoa dutiha Jesu

(Lc 17.3)

15 Ñ ni tuhsʉ õ sehe ni yahu namore:

—Mu coyeiro māhure ñano to yoachu tiro mehne sāhudi wahaga. Mūsa sahsero tīre sāhuduga. Mu ã yoachu tīre māhure tāhoboca. To tāhochu “Māhure ne pari turi õ sehe yoasi yāhu”, to nichu mu coyeirore pari turi piti tii nica māhu. 16 Māhure to tāho duaerachu pinihta cāiro mehne waha duacu o pāaro mehne waha duacu tinare piti ti wahcā, pari turi tirore sāhuduna wahaga. Mūsa ã yoachu māsare pāaro o tiarore to tāhoeraputiachu ñuna paina Jesu yainare tirore yahusāga, Cohamacu yare ti joari pū to niriro seheta. 17 Ñ jina mūsa mehne macaina cāhure to tāho duaerachu jipihtina Jesu yaina cahmachuinare yahusāna wahaga. Ñ jina Jesu yaina cahmachuinare to tāho duaerasinichu ñuna Cohamacure cahmaerarirore mūsa yoaboriro sehe yoaga tirore. Wapa na cohtarirore mūsa yoaboriro sehe yoaga tirore.

18 'Potocā māsare niita nija. Ahri yahpai mūsa Jesu yaina ñaare mūsa yoa dutierachu mānanopu cāhure yoa dutisi. Ahri yahpai mūsa noaare yoa dutichu mānanopu cāhure yoa dutia jiahca.

19 'Pari turi māsare yahuhtja ahrire: Mūsa pāaro Cohamacure sinichu, mūsa pāaro mūsa sinirire cāno potori mūsa tāhotuchu yu Pāhto mānano macariro tīre yoarohca.

20 Pāaro o tiaro yu yaina yu yare yoahntina cjihti ti cahmachuchu yāhu tina mehne jija —ni yahure Jesu.

**Cahamacuño paíro to wapamonore
to bo duaerari quitire yahuha Jesu**

21 Baharo Pedro Jesu cahapu sū, õ sehe ni siniture:

—¿Pāhtoro, yu coyeiro mu yairo payu tahari yāhure ñano to yoachu ñucu nohope tahari tīre boihcari yāhu? ¿Siete tahari boihcari yāhu? —ni siniture Pedro.

22 Jesu õ sehe ni yuhtire:

—Siete tahari dihta māhure paíro to ñano yoarire mu bochua tó wahaerara. Payu tahari māhure ñano to yoachu cāhure boga.

23 'Mānano macariro masa bui pāhtoro to sāho jiro ahri quiti yoaro sehe jira. Jipihtina masa bui pāhtoro jiriro tirore dahra cohtainare tirore wapamoinare wapa pahño duti dutimaha.

24 Ti wapamori cjirire to quihō dācachu, tirore dahra cohtaina sehe pjíro wapamorirore tiro cahapu na taha. Wapamoriro pjibiaro wapamoha to pāhtorore. 25 Ñ jiro tiro to wapa masierachu ñano to pāhtoro tirore, to namonore, to pohnare

cahamaca sō, tinare painare dua dutimaha. Å yoa jipihtia to cjhāa cūhāre dua duamaha, to wapamonore wapa dutiro. **26** To ã dua dutichū pjíro wapamoriro sehe na tuhcua caha sū, to pāhtorore tuaro siniha: “Yuhāre, yuhāre pja ñucū cohtasiniga. Muhāre wapa pahñoihca”, niha tiro to pāhtorore. **27** To ã nichū tūhoro, tirore pja ñuno to wapamorirore ãta bonocaha.

28 To ã yoari baharo pjíro wapamoriro cjiro sehe waha, pairo dahra cohtariore tirore mahanocā wapamorirore boca sūha. Å boca sūro wamūa ñahaha tirore. “Yuhāre mu wapamonore wapa bahrañoga”, niha tiro tó mehne macarirore to yoaro sehe dahra cohtariore. **29** To ã nichū pairo dahra cohtariro sehe na tuhcua caha sū, tirore tuaro sinimaha.

“Yuhāre pja ñucū mahanocā cohtasiniga. Muhāre wapa pahñoihca”, nimaha pairo dahra cohtariro tirore. **30** To ã ni sinipachūta tó mehne macariro tirore yuhāre. Tuhsū, tiro pairo dahra cohtariore peresu yoa dutiha. Pū to wapa pahñochūpu wiorohca tirore. **31** Pjíro wapamoriro cjiro mahanocā wapamorirore to ñano yoachū ñu, susini, paina dahra cohtaina sehe ti pāhtorore yahusā wahaha. **32** Ti ã ni yahusāchū tūhoro ti pāhtoro ti yahusāriore pjiroca, õ sehe niha: “Muhū ñabiariro jira. Mu yuhāre tuaro sinichū mu wapamorirore bo pahñomahi yuhā. **33** Muhāre yu ã yoapachūta muhū sehe muhāre wapamorirore boerayuhti. Mu wapamoriro sehere yu boriro seheti tiro muhāre to wapamoriro cūhāre mu bochū noabiaboa. ¿Dohseacū tirore pja ñuerari muhū ã yoacū?” niha to pāhtorore tirore. **34** Å nino tuaro sua, peresu yoaha tirore dahra cohtariore. Pū to wapa pahñochūpu wiorohca —ni yahure Jesu.

35 Å ni tuhsū, õ sehe ni ahri quitire yahu batoare:
—Tó seheti yoarohca yu Puchū muano macariro musare. Musa jipihtina musa coyea musare ti ñano yoarire noano musa bo pahñerachū tiro musare buhiri dahrerohca —nire Jesu.

Ti namosānumiare cohāare yahuha Jesu
(*Mr 10.1-12; Lc 16.18*)

19 **1** Tíre to ã ni yahuri baharo tiro Galileai jiriro Judea yahpapū sāre sūho wahare. Jordão pa būhusehe coapū shi sā. **2** Tópū sā wahachū payū masa sāre nūnū ti wahcāre. Tina mehne macainare dohatiinare noaina wahachū yoare tiro.

3 Ñ yoa cāina fariseo curua macaina Jesure yahusā duaa, ñano to durucuchu tūho duaa, tirore õ sehe ni sinitu ñūre:

—¿Mari cahmano seheta mari namore cohāchhu noabocari? ¿Mari dutia sehe tó seheta yoa dutijari, mā tuhotuchu? —ni sinitu ñūre tina.

4 Jesu õ sehe ni yūhtire:

—¿Cohamacu yare ti joari pūi ne ahrire buherasiniri mūsa? Ó sehe ni joaa tiha: “Wahmanopure ahri yahpare bajuamehneriro mūno, numino cūhūre yoaha”, ni joaha. 5 Tuhsu õ sehe ni joa namoha: “Mūno to pucusumare cohā wija, to namono mehne jirohca. Ñ jia tina pūaro jipahta cū pjacu yoaro seheta jira”, ni joa namoa tiha. 6 Ñ jia tina pūaro yoaro sehe jierara. Cū pjacu yoaro sehe jia nina. Cohamacu to wamomaca dūhte dutiina jira. Ñ jia tinare duhueraro cahmana —nire Jesu tinare.

7 To ã nichu fariseo curua macaina õ sehe ni siniture tjoa:

—Mū ã ni yahupachuta õ sehe ni joaa tiha Moise cjiro sehe: “Mū namore cohā duacu papera pūi tīre joaga. Ñ joacu tī pūre mū namore mū wari baharo ticorore cohā masina mūhu”, ni joaa tiha Moise cjiro. ¿Mū nino sehe jipachuta Moise cjiro sehe dohsearo õ sehe ni joari? —ni sinitu namore tina tirore.

8 Jesu õ sehe ni yūhtire tinare:

—Cohamacure mūsa ñuchusuma ti tūho duaerachu ñūno ti namosānumiare ti cohāchhu, “Ñta yoawahnojaro”, ninocaa tiha Moise. To ã nipachuta wahmanopure ahri yahpare ã jierare.

9 Mūsare niita nija. Masūno to namono to ñano yoaerapachuta ticorore cohāno, pacorore namo tiro, tiro pacoro mehne ñano yoaro nina. [Tuhsu, ahriro to cohāricorore namo tiriro cūhu ticoro mehne ñano yoariro jira] —nire Jesu.

10 To ã nichu tūhona, sā to buheina sehe tirore õ sehe nii:

—Tó sehe mūno to namono mehne ti cahma cohāerachu mari sehere mari namo tierachu noaboca —nii sā.

11 Jesu õ sehe ni yūhtire:

—Mūsa nino seheta jira. Ñ jiro cāinare namo ti dutierara Cohamacu. 12 Mūare namo ti dutiera cāa jira. Cāina mūa numiare cahmaeraina masa bajuara. Paina mūa masa ti wapāri tōhoca ti warina sehe namo ti masierara. Paina mūa mūano macariro ti pūhtoro yare yoadoho duaa, namo tierara. Ñ jia ahrina namo ti duaeraina ñta tūhotunocaina, tó seheta ti ji sohtori tichu noana —nire Jesu sāre.

Macanacā ya cjihtire Cohamacure sini payoha Jesu
(Mr 10.13-16; Lc 18.15-17)

13 Â yoa masa macanacāre Jesu cahapū na wihire. Â na wihia, tina Jesure to wamomacare tinacā bui ña payo duti duamare. Â yoa tinacāre Cohamacure sini payo duti duamare Jesure. Ti â yoachū ñuna sā to buheina tinare tuhtimahi. 14 Sā â tuhtichū ñuno, sāre Jesu õ sehe nire:

—Macanacā yū cahapū tajaro. “To cahai wahaena tjiga”, nienā tjiga tinacāre. Tinacā Cohamacure ti pūhtoro tuhotura. pūhtoro Cohamacū to sūho jiina ahrinacā yoaro sehe tuhotuina baro dihta jira —nire Jesu sāre.

15 Â ninota to wamomacare tinacā bui ña payo tuhsū, wahaa wahare.



Pache puro Jesure sinitu ñūha
(Mr 10.17-31; Lc 18.18-30)

16 To â yoari baharo cūiro masūno Jesu cahapū wihi, siniture tirore:

—¿Ne, buheriro, jipihtia dachoripe Cohamacū mehne â jirucu duacū, noaare yoa duacū di baro sehere yoabocari yūhū? —nire tiro.

17 —¿Dohse jiro baro yūhūre noaa barore ni sinitujari mūhū? Cohamacū dihta noariro jira. Jipihtia dachoripe Cohamacū mehne â jirucu duacū to dutiare yoaga —nire Jesu.

18 —¿Di baro dutia sehere nii nijari? —ni sinitu namore tiro. Jesu õ sehe ni yūhtire:

—Masare wajāecū tjiga. Namo tiriropū paye numia manūtia numia mehne jiecū tjiga. Yacaecū tjiga. Mahñoa mehne

painare yahusāecu tjiga. **19** Mu pachusumare ño payoga. Mu basi mu cahīno seheta mu cahai jiriro cūhure cahīga. Ahri dutiare yoaihca muhū —nire Jesu.

20 —Ahri dutiare ne yuhdāracaera tihi yuhu. ¿Dohse yoa namoihcari yuhu jipihtia dachoripe Cohamacu mehne jirucu duacu? —nire tiro Jesure.

21 To ã nichu tñhoro Jesu õ sehe ni yahu namore:

—Muhu ñaa buhiri marieriro ji duacu mu ya jipihtiare duai wahaga. Ñ duacu jipihtia mu wapatari niñerure pjacuoinare waga. Mu ã yoachu payu mu wapataa muanopu, Cohamacu cahapu jiyuahca. Mu ã yoari baharo yuhu mehne macariro cjihto taga —niyahure Jesu.

22 To ã nichu tñhoro tuaro cahyare. Tiro payu pache cjuariro jiro, tñre pjacuoinare wa duaeraro, cahya, wahaa wahare.

23 To ã wahari baharo Jesu sâre to buheinare õ sehe ni yahu namore:

—Potocã mûsare niita nija. Pache puro puhtoro Cohamacu to sôho jiropure to waha duachu mijobiara. **24** Mûsare yahu namoijtja: Camello sehe awicã copapu to sâa nuhri wijaa duachu basioerara tirore. To ã jiro yuhdoro pache puro puhtoro Cohamacu to sôho jihtopu to waha duachu mijobiara —nire tiro.

25 To ã nichu tñhona sâ chaa waha, sâ basi õ sehe nii:

—Cue, to nino seheta jichu, ne cûiro masuno Cohamacu cahapu waha masieraboca —nii sâ basi.

26 Sâ ã nichu Jesu sâre ñuropa õ, õ sehe ni yahure:

—Masa ti basi ti mu sôro yuhdu masierara. Wiho mejeta Cohamacu sehe masare pichacapu wahaborinare yuhdo masina. Tiro jipihtiare noano yoa masi pahñoriro jira —nire tiro sâre.

27 To ã nichu Pedro tirore õ sehe nire:

—Tñhosiniga. Sâ sehe sâ ya jipihtiare cûnocaa tii muhû mehne wahana tana. ¿Sâ õ sehe yoana, dohse jiare wapatanaahcari sâ? —nire tiro.

28 To ã nichu tñhoro õ sehe nire Jesu:

—Mûsare niita nija: Pihtiri dacho jichu jipihtia wahma dihta cohtotaahca. Tí pjapure yuhu masuno Cohamacu warocariro yuhu puhtoro yu dujiroi si siteroi dujihca yuhu. Tóí yu dujichu mûsa cûhû doce dujia pahtarihi puhtoa ti dujia pahtarihi dujinahca. Ñ jina Israe masare doce curuari macainare

besenahca mūsa noaina, ñainare. **29** Å yoa yu yare yoana tana mūsa wuhusere, mūsa bahanare, mūsa pucusumare, mūsa pohnare, mūsa weserire cūnocarina jina, pjíro wapatanahca. Tuhsu, jipihtia dachoripe Cohamacu mehne jirucunahca. **30** Wiho mejeta mipure payu pūhtoa jirina cjiri tí pjapure wiho jiina tjuanocaahca. Tuhsu, mipure payu wiho jiina jirina cjiri tí pjapure pūhtoa cohtotaahca tjoa —ni yahure Jesu sāre to buheinare.

Se wesere dahraina quitire yahuha Jesu

20 **1** Å yoa Jesu pari turi to tūhotua mehne piti dahre õ sehe ni yahu namore tjoa:

—Mūano macariro masa bui pūhtoro jira. Wese pūro quiti mehne pūhtoro Cohamacu to sūho jirore yahuhtja mūsare. Tiro wese pūro bohrea parīcaroi to wesere dahratinare pjiro wahaha. **2** “Cū tu niñeru tu wapaihtja cū dachore”, niha tinare. “Jai”, niha dahrahtina. Ti ã nichu wesepu dahra dutiro warocaha tiro tinare. **3** Å yoa dachopu nueve hora jichu pache duaropu wahaha tiro. Tópu sūro, paina dahraerainare ñūha. **4** Å ñuno tinare õ sehe niha: “Mūsa cūhu yu wesere dahrana wahaga. Noano wapaihtja”, niha tiro tinare. **5** To ã nichu tūhoa, tina cūhu wesepu dahraa wahaha. Å yoa wese pūro cohari pja jichu, ñamichahapu tres hora jichu cūhure painare dahra dutiha. **6** Å yoa ñamichahapu cinco hora jichu pache duaropu tiro wahaha tjoa. Tópu sū, paina dahraerainare ñuno, tinare õ sehe niha: “¿Ne yaba barore yoaerapanatha cū dacho ñurucu nahñoajari mūsa?” ni sinitu ñūha tinare. **7** “Ne, sāre dahraa mariahna”, ni yuhtiha tina. “Mūsa cūhu yu wesere dahrana wahaga”, niha tinare. Å jia to niriro seheta to wesere dahraa wahaha. **8** Å yoa ñamichahapu dahra duhuri pja jichu wese pūro to yaina dahrainare cohtariore õ sehe niha: “Dahrainare pjiga. Ti wiwichu tinare wapaga. Ti baharopu yu dahra dutirinare wapa muhtaga. Tinare wapa tuhsu, paina cūhure wapa tuhsu, yu dahra duti muhtainare wapa batoaga juna”, niha tiro. **9** Å yoa cinco hora jichu dahra dūcainare cū tu niñeru tu wapaha. **10** To ã wapachu ñua, “Sāre bui curero waparohca”, ni tūhotumaha to duti muhtaina cjiri sehe. Tina cūhure cūno potori wapanocaha. **11** Å jia niñerure to wapachu ti pūhtoro mehne susinia ti basi õ sehe cahma niha: **12** “Ahrina sā baharopu to dahra dutirina sehe cū horata dahrahre. Sā

sehe cū dacho noano dahra nahñoamahi. Ñano sū sihre sāre. Sā ã yoari pja dahrapachūta sā baharopū dahra ducaina cūhure cūno potorita wapanocahre tiro”, ni suaha tina ti basi. **13** Cūiro tina mehne macariro to ã nichū tāhoro, wese puro yāhtiha tirore: “Ne coyeiro, ‘Cū tū niñeru tūre wapaihtja’, nimahicū mūsare. Yū ã nichū yāhtiire mūsa. Æ jicū yū niriro seheta mūsare wapahi yāhu. Quihōno wapahi mūsare. Ne yacaerahí mūsare. **14** Æ jicū yū waparire na, mū wahupū tjuahga.

Ahriore baharo yū dahra dutiriro cūhure mūsare yū wapariro purota wapaihtja. **15** Yū ya niñeru jira ahri. Æ jicū yū cahmano seheta ahri mehne wapaihtja. ¿Painare yū noano wapachū ñū tuhtijari mūhū?” niha tiro wese puro —ni yahure tí quitire Jesu.

16 Æ nino, õ sehe ni yahu namore tiro:

—Ahri quiti ti nino seheta baharo macari curua wiho jiina yoaro sehe ya curua ji mūhtari curua pūhtoa ya curua jirohca mūanopū. Æ yoa ji mūhtari curua pūhtoa ya curua cjiro sehe ti baharopū macari curua wiho jiina ya curua tjuarohca mūanopū —ni yahure Jesu.

Pari turi Jesu to yariahtore, to masa wijaahore yahuha
(*Mr 10.32-34; Lc 18.31-34*)

17 Æ yoa Jerusalēpū wahana cūnoihta waharucuma, sāre doce to buheinare pjiroca tuhsū, pa sehepū sā dihtare naahre Jesu. Sā sahsero sā jichū sāre õ sehe ni yahure:

18 —Tūhoga yūhure. Mipure Jerusalēpū wahana nija mari. Tópū yūhure masunore Cohamacū warocarirore ñaha, painapure yūhure waahca. Sacerdotea pūhtoare, mari coyea judio masare buheina cūhure yūhure waahca. Æ jia yūhure wajā dutiahca tina. **19** Æ wajā dutia, judio masa jieraina sehere yūhure waahca. Ti ã wari baharo tina sehe yūhure būjupé, tjana, crusapū cjā puhaahca yūhure. Æ jii yū yariari baharo tia nūmu wahaboroi masa wijaaihca —ni yahure Jesu sāre.

Santiago, Joāo mehne ti pocoro tinare sinibasaha Jesure
(*Mr 10.35-45*)

20 Æ yoa Zebedeo namono pharo to pohna mehne Jesu cahapū sū, na tuhcua caha sūha tirore sinino taro:

21 —¿Dohse yū yoachū cahmajari mūhū? —niha Jesu ticorore.

—Muhu puhoro sāachu yu pohnare dutiina sōga. Ā yoacu mā pju būhuseheri batoi dapoga tinare —ni siniha ticoro.

22 Jesu ò sehe ni yuhtiha:

—Musa ñano yuhduhtore masierapananta ã sinina musa. ¿Mipure yu ñano yuhduhto sehetu musa cūhù ñano yuhduña cūno pjabocari musa? —niha Jesu ticoro pohnare.

—Cūno pjanahca —ni yuhtiha Santiago, João mehne.

23 —Potocā tjira. Yu ñano yuhduhto sehetu ñano yuhduñahca musa cūhù. Wiho mejeta yuhu mehne dutihtinare, yuhu mehne dujihtinare bese masieraja yuhu. Yu Pucu sehe cahno tuhsure tíre. Ā jia to besehtina dihta yu poto būhusehei yu cō būhusehei dujiahca —niha Jesu tinare.

24 Ā jina sā paina diez to buheina sehe Santiago, João ahrina pħaro mehne susinii sā. Jesure ti pocoro to sinibasarire tħona susinii tina mehne. **25** Sā ã susinichu ñuno, Jesu sāre jipihtina to buheinare pji cahmachu, ò sehe ni yahure sāre:

—Cohamacure masieraina pħtoha sehe ti masare dutia, purino mehne dutira. **26** Musa sehe ne ã yoasi musa basi. Musa mehne macariro puhoro ji duaro, jipihtina tiro mehne macaina cahamacuño jiro cahmana tirore. **27** Ā yoa jipihtinare dutiriro ji duariro paina cahamacuño jiro cahmana tirore.

28 Tó sehetu jiriro jija yuhu cūhù. Yuhu masuño Cohamacu warocariro ahri yahpapure masare yoadohocu tacu tai. Tuhsu, payu masa ya buhirire yariai tai nii. Ā yoa masare pichacapu wahaborinare yuhduchù yoai tai nii —nire Jesu sāre.

Pħaro capari bajuera inare ñuchu yoaha Jesu

(*Mr 10.46-52; Lc 18.35-43*)

29 Ā yoa Jericópu jirina sā wahachu payu masa Jesure nunu tire. **30** Ti ã nunu tichu Jesu to yuhduachu pħaro capari ñueraina maha duhtu cahai dujiina tħore. Ā tħoħa, ò sehe ni sañurucure:

—Sā puhoro, Davi cjiro panamino masare yuhdohtiro, sāre pja ñuġa —ni sañurucure.

31 Ti ã ni sañurucuchu masa sehe tinare tuhtire:

—Dihta mariahga —nire masa tinare.

Ti ã tuhtichu tħoħa, ti pano sañurucu irro yuhdo curero sañurucu namore tħoħa:

—Sā puhoro, Davi cjiro panamino, sāre pja ñuġa —ni sañurucure.

32 Ti ã nichu tñhoro Jesu suruca, tinare pjiroca, õ sehe ni sinitu ñure:

—¿Dohse mñsare yu yoachu cahmajari mñsa? —ni sinitu ñure.

33 —Sã pñhtoro, sâre ñuchu yoaga —ni yuhtire tina.

34 Ti ã nichu Jesu tinare pja ñure. Ñ pja ñuno ti caparire ña payore. To ã ña payochuta tina sehe ñua wahare. Ñ ñua, tirore nñunu ti wahcâre.

Jerusalépñ suha Jesu

(*Mr 11.1-11; Lc 19.28-40; Jn 12.12-19*)

21 ¹ Ñ yoa Jerusalépñ sâ suhto pano Betfagé wama tiri macapu sâ muhtasinii sâ Jesu mehne. Betfagé tñcu Olivo wama tidu cahai jire. Tópñ suo, sâ mehne macainare pñaro to buheinare Jesu to pano waroca muhtare. ² Õ sehe ni yahure tinare:

—Sí macapu burroare nana wahaga. Tópñ suna, dñihta burrore to macñnocâ mehne ti dñhte daporicorore boca sunahca. Tinare boca, yuta dare pjâ, na tabasaga yuhtire. ³ Mñsa pjâchu ñuno, cñiro dohse jiriro, “¿Dohseana tana burroare pjâjari mñsa?” to nichu tñhona õ sehe ni yuhtiga: “Mari pñhtoro burroare cahmarocasinire. Michapucacâ tinare wiarohca tiro”, ni yuhtiga tirore —ni duti warocare Jesu to buheina pñarore.

⁴ Ñ yoare Cohamacu yare yahu muhtariro cjiro to ni joariro seheta. Õ seheta ni joaa tiha panopu:

5 “Jerusalé macainare õ sehe ni yahuga: ‘Ñuga mñsa.

Mñsa pñhtoro mñsa cahapu tara.

Tiro masa noapiro jira.

Burro macñnocâ bui pisariro tarohca’, ni yahuga
Jerusalé macainare”,

ni joaa tiha panopu.

⁶ Jesu to dutirocaina pñaro tí macapu sâ, to dutiriro seheta yoaha tina. ⁷ Burrore, to macñnocâ cñhure na ta, ti bui sâa suhtire tjuwe na, burrocâ bui pjûpaha payore tina. Ti ã yoari baharo Jesu tirocâ bui muja pjare waharo taro. ⁸ Muja pja tuhsu, tirocâ bui Jerusalépñ wahare. To tachu ñua masa payu ti bui macaa suhtire tjuwe na, saño cû muhtare to wahahti mahai, Jesure ño payoa. Paina sehe pñri tia dñpurire mahai

duhu cū māhta wahcāre tirore ño payoa. 9 Ñ yoa to pano wahaina, to baharo nūnū tiina mehne õ sehe ni sañurucure:

—Davi cjiro panaminore marine yuhdohtirore wahche payojihna. Ahriro Cohamacu to warocariro noano jijaro. Muano macarirore “Tuariro jira”, ni wahche payojihna —ni sañurucure masa.

10 Ñ jia Jerusalēpu ti suchu tó macaina sehe ñu chaa wahare.

—¿Cue, diro baro jijari ahriro? —ni cahma siniture tina.

11 Paina masa õ sehe ni yuhitre:

—Ahriro Cohamacu yare yahu māhtariro Nazare Galilea yahpai jiri maca macariro Jesu wama tiriro jira —ni yahure tina masare.

Cohamacu wuhupu suha Jesu

(Mr 11.15-19; Lc 19.45-48; Jn 2.13-22)

12 Baharo Cohamacu wuhupu sure Jesu. Tí wuhupu sū, sāa wahare. Tí wuhupu duainare, nuchuina cāhure cohā wiore tiro. Ñ yoaro niñeru cohtotaa mesarire na majareroca doca cū mājare. Bujaare duaina ti dujia pahtari cāhure ãta yoare.

13 Ñ yoaro tinare õ sehe nire:

—Cohamacu yare ti joari pūi õ sehe nina: “Yū wuhu Cohamacu mehne durucuri wuhu wama tirohca”, nimare to joari pūi. Muasa sehe ahri wuhui duana muasa basi cahma yacara muasa —nire tiro tinare.

14 To ã yoari baharo capari ñueraina, tini masieraina cāhu Cohamacu wuhupu tiro cahapu wihire. Ti ã wihichu tinare noaina wahachu yoare tiro. 15 Ñ noaare to yoachu ñua, sacerdotea pāhtoa, marine judio masare buheina cāhu suare tiro mehne. Ñ yoa macanacā Jesure “Davi cjiro panamino masare yuhdohtiro, tuariro jira māhu”, ti ni ño payochu tāhoa tó cāhure tina suare. 16 Ñ sua õ sehe nire Jesure:

—¿Ti ã nichu tāhoerajari māhu? Ñ niea tjijaro —ni tuhtire tina Jesure.

Ti ã tuhtichu tāhoro Jesu tinare õ sehe ni yuhitre:

—Tina ti ã nichu tāhoja. ¿Cohamacu yare ti joari pūi ahrire ne buherari muasa?

“Macanacāre, wihāinacāre Cohamacure noano ño payochu yoare māhu”,

nina Cohamacu yare ti joari pūi —nire Jesu (“Macanacā yuhure ti ño payochu noana”, nino).

17 Á ni tuhsu tinare cohā wahcā, Betania wama tiri macapu sə, tí ñamine tójire.

Jesu higueracure yaria dutiha

(*Mr 11.12-14,20-26*)

18 Pa dachoi bohrearopu Jerusalēpu tjuaaro, jūca baare Jesu. 19 Á jūca baaro, maha dūhtu cahai jidu higueracu wama tidure ñuno, tu dichare macano wahamare. Dicha mariahre tu sehe. Pūri dihta jire. Tu á jichu ñuno Jesu ture õ sehe nire:

—Ahdū ne pari turi dicha tisi —nire tiro.

To á nichuáta dóihta tu sehe ñaia wahare. 20 Tu á wahachu ñuna sā to buheina ñu cua wahai.

—Cue, ¿dohsearo ahdū dóihta ñaia wahajari? —ni sinitui sā.

21 Jesu õ sehe ni yuhire:

—Potocā nii nija mūsare. Cohamacure noano wacū tuaga. “Potocā á yoarohca tiro”, nina ahdure yu yoariro seheto yoa masinahca mūsa cūhu. Tuhsu, ahdure yu yaria dutiriro yuhdoro yoa masinahca mūsa. Ahdū tūcure “Duha na, pjiri mapu cohādū jijaro”, mūsa nichu duha cohādū jirohca.

22 Cohamacure mūsa wacū tuachu, “Yu siniriro seheto á waharohca”, mūsa ni wacūchū mūsa siniriro seheto á waharohca —nire Jesu sāre.

Jesure dutirirore sinituha paina

(*Mr 11.27-33; Lc 20.1-8*)

23 Á yoa Cohamacu wuhupu tju su, buhere tiro. To á buhechu sacerdotea pūhtoa, mari coyea judio masa būchuna mehne tiro cahapu wihi, õ sehe ni siniture:

—¿Dohseacu canure á yoari mūhu? ¿Noa mūhure tīre á yoa dutiri? —ni siniture tina.

24 Ti á nichu Jesu õ sehe ni yuhire:

—Mūsa sehere sinitu mūhtaihtja. Noano yuhure mūsa quihōno yuhichu mūsare yahuichtja yuhu cūhu. 25 ¿João masare to bautisachu diro baro sehe tirore bautisa dutia tiari, mūsa tūhotuchu? ¿O Cohamacu dutiera tiari? ¿O masa sehe dutia tiari, mūsa tūhotuchu? —ni siniture Jesu tinare.

To á nichu tina sehe ti basi õ sehe nire:

—¿Dohse ni yahhtinahcari mari? “Cohamacu Joāore dutia tiri jire”, mari nichu, “¿Dohseana Cohamacu Joāore to dutipachta tirore tuho duaerari musa?” niboca Jesu marine. Â jina “Cohamacu Joāore dutia tiri jire”, ni yah*ti* masieraja mari. 26 Ahrina masa sehe “Potocāta João Cohamacu yare yahu muhtariro jire”, ni tuhotura tina. Â ni tuhotua “João to bautisachu Cohamacu sehe tirore dutierari jire”, mari nichu tuhoa masa suaboca mari mehne. Â jina tí cūhure yahu masieraja mari —nire tina ti basi.

27 Ti ã niri baharo Jesure õ sehe ni yah*tire* tina:

—Joāore bautisa dutirirore sã masieraja —nire tina.

Ti ã nichu tuhoru õ sehe nire Jesu:

—Tí pja pinihta yuh cūhu musa sinitu muhtarire yahueraja musare. Yu yoarire dutirirore yahueraja musare —nire tiro tinare.

Puaro pucuro quitire yahuha Jesu

28 To ã niri baharo Jesu to tuhotua mehne paye quiti mehne piti dahre buhe namore tinare:

—¿Ne, dohse ni tuhotujari musa ahri quitire? Puaro pucuro jiha. Wahmino sehere õ sehe niha to pucuro: “Macu, wesepu dahrail wahaga”, niha. 29 “Wahaeraja”, ni yah*timaha* to macuno wahmanore. Â niparota baharopure wesepu waha duaro jiha tirore. Â jiro wahaha tiro. 30 Tuhsu, ti pucuro to macuno duhsariro cahapu su, to wahminore to dutiriro sehetu wesepu waha dutimaha. “Jai”, nimaha duhsariro sehe. Â niparota wahaeraha tiro. 31 ¿Diro sehe to pucuro to dutiriro sehetu yoari? —ni siniture Jesu.

—To wahmino sehe yoaha —ni yah*tire* tina.

Ti ã nichu Jesu õ sehe ni yahure:

—Musare niita nije. Wapa na cohtaina, mua mehne ñano yoarucua numia ti buipu waro musa sehe ñabiaina jira. Â jia puhtoro Cohamacu to suho jiropure musa suborirore tina sehe musare mu cõ su muhtaahca. 32 João bautisariro buhero musare “Noano yoaga”, ni yahumare. Â to yahuchu duhsariro to pucurore to yah*tierari* sehetu tirore tuhoerare musa. Â yoa tirore yah*tierare*. Wapa na cohtaina sehe, mua mehne ñano yoarucua numia cūhu tirore tuhore. Ti ã tuhochu ñure musa. Musa ã ñupanahta tirore ne tuho duaerare musa.

Tuhsʉ, tʉhoerare mʉsa —nire Jesu sacerdotea pʉhtoare, mari coyea judio masa bʉcʉna cūhure.

Ñaina dahra cohtaina quitire yahuha Jesu

(*Mr 12.1-12; Lc 20.9-19*)

33 Ñ yoa Jesu pari turi to tʉhotua mehne õ sehe ni piti dahre tinare buhe namore:

—Ahri quitire tʉhoga mʉsa. Yahpa puro jiha. Tiro to ya yahpai se dari cjihtire toaha. Toa tuhsʉ, sahrīnore dapo, sere ti tʉ mutohti copare saha, mʉari wʉhucā dahreha.

’Ñ jiro tí wesere painare cū bʉhusehe coa pahma cūha. Ñ pahma cūno tí wesere tinare ñʉ wihbo duti, pa yahpapʉ wahaha tiro. 34 Ñ yoa se ñiri pja jichʉ wese puro tirore dahra cohtainare wesere ñʉ wihboina cahapʉ warocaha. Wese macaa to toaa dichare to ya coa macaa dichare na dutiro warocamaha. 35 To ã warocachʉ wesere ñʉ wihboina sehe tirore dahra cohtainare ñano yoaha. Cūirore tuaro cijā, pairore wajā, pairore tāa mehne docaha. 36 Baharo wese puro pari turi tirore dahra cohtainare to waroca mʉhtarina bui curero pʉhtoa jiri curuare warocaha tjoa. To ã warocachʉ wesere ñʉ wihboina tina cūhure mʉnanota yoaha tjoa.

37 ’Ñ yoa to waroca batoariro to macʉno jiha. “Yʉ macʉ sehere ño payoahca”, nino tirore warocamaha. 38 To ã ni tʉhotupachʉta wesere ñʉ wihboina to macʉno to tachʉ ñʉa, õ sehe niha: “Wese puro macʉno jira ahriro. Tirore wajājhna mari. Mari ã wajāchʉ ahri wese mari ya wese tjuarohca”, nimaha tina ti basi. 39 Ñ niata tirore ñaha, wese dʉhtʉ cahai na wahcā, wajāha tina tirore.

40 ’¿Ne, wese puro taro dohse yoarohcari tiro wesere ñʉ wihboinare, mʉsa tʉhotuchʉ? —ni siniture Jesu sacerdote pʉhtoare, bʉcʉna cūhure.

41 To ã nichʉ tina õ sehe ni yʉhtire:

—Tiro painare wesere ñʉ wihbohtinare cohtotarohca ji mʉhtainare ñabiainare wajāno taro. Tirore quihōno dichare tju wahtina sehere ñʉ wihbo dutirohca —ni yʉhtire tina.

42 Ti ã nichʉta Jesu yahu namore tinare:

—¿Cohamacʉ yare ti joari pūi ahrire yʉhure to ni joari cjirire ne buherari mʉsa?

“Ahriro Cristo tāca yoaro seheta jira.

Tācare wuhu dahreina ti cohāno seheta masa tirore cohāahca.

Ti ã yoapachuta mipure wuhu dahreina wuhure yooa ti cū māhtari tācare ti cūno seheta Cohamacu tirore pūhto sōre.

Cohamacu sehe ahrire yoare.

To ã yoachu ñuna, ‘Noa yuhduara’, ni tāhotuja mari”, ni joaa tiha panopu. ¿Tíre ne buherari māsa? 43 Māsare niita nija yuhu. pūhtoro Cohamacu to sūho jiro māsa jihto cjihto jiboa. To pūhtoro jirore paina sehere māsa jiborirore warohca Cohamacu. Paina masa sehe to dutiro seheta yoaahca.

44 [Jipihtina tia tāca bui bora pjainare payu dihicā peri yihsorohca tia tāca. Tuhsu, tia tāca sehe masuno bui bora pjaro tahānocanohca tirore. To pjacu cjiroke daa manaricā wahachu yoarohca. (Tó seheta yuhure cahmaeraina yu buhiri dahrehtina ñano yuhduahca) —nire Jesu sacerdotea pūhtoare, mari coyea judio masa būcuna cūhure.]

45 Tí quitire to ã nichu tāhoa, “Sohō to yahu māhtari quiti wesere ñu wihboina quiti mehne marine nino nica tiro”, ni tāhoture tina. 46 Æ ni tāhotua, tirore ñaha duamare. Masa sehe Jesure ño payo “Cohamacu yare yahu māhtariro jira tiro”, niina jia tiha tina. Tíre masia, sacerdotea pūhto, būcuna mehne masare cuia, Jesure ñahaerare.

Pjiri bose nūmū macaa quitire yahuha Jesu

22 1 Æ yoa pari turi to tāhotua mehne paye quiti mehne tinare buhe dūcare Jesu:

2 —Māano macariro pūhtoro to sūho jiro ahri quiti yoaro sehe jira. Cū yahpa macaina bui pūhtoro jiha. Æ yoa to macuno ya nūmū bose nūmū yoaha. To wamomaca dūhteri bose nūmū jiha. 3 Æ yoa pūhtoro tirore dahra cohtainare bose nūmure ñua tahtinare pji dutiro warocamaha. Tina sehe ta duaeraha.

4 Æ jiro painare pji dutiro warocamaha tjoa tirore dahra cohtainare. “Yu pjirocainare õ sehe ni yahuga. ‘Mari chūhtire dahre tuhsuhre. Wachuhare, wachuacā dihi tiinacā cūhure wajā tuhsuhre. Æ yoa jipihtiro bose nūmū macaa cjihtire cahno tuhsuhre. Æ jina bose nūmū macaare chūna taga’, ni yahuga tinare”, ni warocamaha pūhtoro tirore dahra cohtainare.

5 Dahra cohtaina ti ã yahuri baharo to pjirocaina cjiri ã tāhotunocaha. Bose nūmure ñua wahaeraha. Cūiro to wesepu

wahaa wahaha. Pairo to dahraare ñuno wahaha. **6** Paina sehe tirore dahra cohtainare ñaha, tinare ñano yoa, wajānocaha juna. **7** Ti ã yoach̄a t̄uhoro, p̄uhtoro sehe suaha. Sua, ti ã wajāri buhiri buhiri dahre dutiro to surarare warocaha. Ñ jia surara tinare wajā pahño, ti ya macare jūnocola. **8** Ti ã yoari baharo, p̄uhtoro tirore dahra cohtainare õ sehe niha: “Bose n̄um̄ macaa c̄jihitre cahno tuhs̄umahre. Wiho mejeta yu p̄jiroca muhtarina cjiri yu bose n̄um̄re ñuborina jierara. Naina jira tina. **9** Ñ jina macare jia maharip̄u dohse jiina m̄usa boca s̄uinare bose n̄um̄re ñuhtinare pjiga”, niha tirore dahra cohtainare. **10** To ã nich̄a tirore dahra cohtaina maharip̄u waha, jipihtinare ti boca s̄uinare, ñaina, noaina c̄uh̄re yahuha. Ti ã pjiri baharo to cahap̄u s̄uha tina peri. Noano tí bose n̄um̄ti yoari tahtiare masa wahpata yuhd̄ua wahaha.

11 'Tóti ti dujichʉ pʉhtoro sehe cūirore wamomaca dʉhteri nʉmʉ macari suhtirore sāaerarirore ñʉha. 12 "¿Ne coyeiro, dohse yoacʉ wamomaca dʉhteri nʉmʉ macari suhtirore sāaerapaihta sā tari mʉhʉ?" ni sinituha pʉhtoro. To ã sinituha masʉno sehe yʉhtieraha. 13 To ã yʉhtierachʉ ñʉno tirore dahra cohtainare õ sehe niha: "Ahriore to wamomacarine dʉhtega. To dahpori cūhure dʉhtega. Dʉhte tuhsʉ na wijaa, sopacapʉ cohāga tirore nahitianopʉ. Tópʉ tiro tuaro tii, cahyaro mehne bahca dihorohcɑ", niha pʉhtoro —ni yahure Jesu.

14 To ã niri baharo õ sehe ni batoare tiro:

—Ahri quiti jiro seheta Cohamach payh masa to pjirocarina ti jipachhta mahainaca tiro mehne tjuahca —ni yahu batoare Jesu.

Pūhtoa ya wapare paina sinituha Jesure

(*Mr 12.13-17; Lc 20.20-26*)

15 To ã niri baharo fariseo curua macaina waha, Jesure ti yahusãhtore ti basi durucuha tina. To ñano yãhtichã tuho duaa nimaha tirore yahusã taa. 16 Å durucua tina mehne macainare, Herode ya curua macaina cãhure Jesure sinitu dutia warocaha. Tina sehe Jesu cahapã wihi, tirore mahño cã sinitu ñumare:

—Buheriro, potocā durucuriro mahñoa marieriro mū jichū masija sā. Cohamacū yare quihōno mū yahuchū cūhure sā masija. Å jicū cūiro pūhtoro waro to jipachūta tiro cūhure dórero marieno potota yahura mūhū. 17 Å jicū sāre yahuga.

¿Roma macapiro jipihtina bui puhtoro jirirore gobierno macaare marine waparo cahmajari, mu tuhotuchu? ¿Mari dutia tirore wapa dutijari? —ni siniture tina Jesure.

18 Ti ã nichu tuhoror tirore ti yahusã duaare masino õ sehe nire:

—Mahñopeina jira musa. ¿Dohseana yu ñano durucuchu tuho duajari musa? 19 Mipure niñeru ture puhtoare wapahti ture na tahga. Tí ture ñujihna —nire tiro.

To ã nichu tuhoa niñeru ture na tare tina.

20 Ti ã na tachu õ sehe ni siniture tiro tinare:

—¿Diro baro masu wahajari ahri ture?
¿Diro baro wama wahajari? —ni siniture.

21 —César, masa bui puhtoro masu, to wama cuhu wahana —ni yuhtire tina.

Ti ã nichu tuhoror Jesu õ sehe ni yahure:

—Tí pja pini masa bui puhtoro yare tiro sehere waga. Cohamacu yare Cohamacu sehere waga —nire Jesu.

22 To ã nichu tuhoa, tuho cuaa waha, wahaa wahare Herode ya curua macaina.



Saduceo curua macaina Cohamacu to masoare sinituha Jesure (Mr 12.18-27; Lc 20.27-40)

23 Á yo a tí dachoihta caina saduceo curua macaina Jesu cahapu wihire. Saduceo curua macaina sehe “Cohamacu yariainare masosi”, ni tuhotuina jire. Á jia õ sehe nire tirore tina:

24 —Buheriro, õ sehe ni buhea tiha Moise cjiro: “Cuiro to wahmino namo tiriro pohna mariaparota to yariachu to bahurore to wahmino namono cjirore nuoano cahmana. Á yoaro to wahmino munano to pohna tiboro sehetia pohna tiro cahmana to bahurore. Á jia to pohna to wahmino munano pohna yoaro sehe jiahca”, ni joaa tiha Moise cjiro —nire tina saduceo curua macaina.

25 Tíre ã ni yahu tuhsu ahri quitire yahu namore tina Jesure:

—Cuiro masuno jiha. Seis to bahana jiha. Ti wahmino sehe namo ti, pohna marieriro yariaa wahaha. Tuhsu, pairo to bahuro cuhu to wahmino namono cjirore nuoaha. 26 To ã

n̄oari baharo to wahmino yoaro seheta pohna mariaparota yariaa wahaha tjoa. Ā yoa ahriro bah̄ro to wahmino m̄anano yoaro seheta pohna mariaparota yariaa wahaha. Ā dihta wahaha cāiro pohna waro. Ne pohna mariapahta yaria pihtia wahaha tina. ²⁷ Ti namono cjiro cāh̄u ti baharota yariaa wahaha j̄una. ²⁸ ¿Ne, Cohamacu jipihtinare yariaina cjirire to masochu diro baro namono jibocari ticoro? Tina jipihtina ticorore namo tirina cjiri jiha. ¿Ā yoa diro namono sehe jibocari ticoro pototi? —ni siniture tina.

29 Jesu ò sehe ni ȳuhitre tinare:

—Cohamacu yare ti joari p̄ure, to masia cāh̄ure ne masierara m̄usa. Ā yoa m̄usa t̄uhotua sehe ne potocā jierara. **30** Yariarina cjiri ti masa mujari baharo tina anjoa yoaro sehe jira. Tina namo marieina, manu mariea numia jira tóp̄ure. **31** Yariarina cjiri ti masa wijaahto sehere m̄usare yahuhiitia. ¿Cohamacu m̄usare to niri cjirire ne buherari m̄usa? Ó sehe niha tiro: **32** “Yuhu Abrahā, Isaa, Jacobo ti p̄uhtoro tjija”, nina Cohamacu, ni joaa tiha panop̄ure. Ti yariari baharo “Ti p̄uhtoro tjija”, ni yahuha Cohamacu. Ā neparota yariarina cjiri p̄uhtoro jierara Cohamacu. “Ti p̄uhtoro tjija”, to nia mehne catiina ti jichu masija mari. Tiro catiina p̄uhtoro jira —ni yahure Jesu tinare.

33 To ā ni buhechu t̄uhua payu masa t̄aho chaa wahare.

Cūno noa ȳuhd̄aro to dutiare yahuha Jesu

(Mr 12.28-34)

34 Ā yoa saduceo curua macaina Jesure ti ȳuhti masierachu t̄uhua, fariseo curua macaina sehe tiro cahapu cahmachure.

35 Cahmachu, tina mehne macariro marine judio masare buheriro sehe Jesu to ñano nichu t̄aho duaro mahño cū sinitu ñumare tirore.

36 —¿Buheriro Cohamacu ya dutia noa ȳuhd̄aro di baro sehe ijari, mu t̄uhotuchu? —ni siniture tiro.

37 Jesu tirore ò sehe ni ȳuhitre:

—“Tuaro m̄usa yajeripohna mehne, m̄usa tuaa mehne, noano m̄usa wacua mehne Cohamacure cahīga”, nina Cohamacu.

38 Ahri dutiata paye dutia ȳuhd̄oro noa ȳuhd̄ara. **39** Ahri dutia baharo paye dutia noa ȳuhd̄ara: “Mu basi mu cahīno seheta mu cahai jiina cāh̄ure cahīga”, nina Cohamacu. **40** Ahri puaro dutiare yoana, jipihtia paye dutiare yoa pahñona nija

mari. Cohamacu yare yahu m̄htaina cjiri panopu ti joari cūhure yoa pahñona nija mari —ni yahure Jesu.

¿Diro baro coyeiro jijari Cristo?

(*Mr 12.35-37; Lc 20.41-44*)

41 Ñ yoa fariseo curua macaina tóí cahmachuina ti jichu

42 Jesu tinare õ sehe ni siniture:

—“Cristo, Mesia mari ni pisuriro Cohamacu to warocahtiro jira”, nina m̄usa. ¿Diro baro jijari Cristo ñuchuño cjiro panopu macariro, m̄usa t̄uhotuchu? —nire tiro.

—Cristo Davi cjiro panamino jirohca —ni yuhtire tina.

43 Jesu õ sehe ni yahure tinare:

—¿Cristo Davi cjiro panamino to jichu dohsearo Davi sehe p̄uhtoro tiari Cristore? ¿Dohsearo ã p̄uhtoro ti dutiri Espíritu Santo tirore? Ó sehe niha Davi cjiro:

44 “Cohamacu yu p̄uhtorore õ sehe nire:

‘Ói yu poto b̄uhusehei dujiga.

Â jicu m̄uhure ñu tuhtiinare m̄uhure

yuhdúrucabasaihca yuhu’,

nire Cohamacu yu p̄uhtorore”,

ni joaha Davi cjiro. **45** Ñ ni joarota Davi cjiro p̄uhtoro tiha Cristore. ¿Davi cjiro Cristo ñuchuño cjiro jiro dohsearo tiro p̄uhtoro tiari Cristore? (Cristo Davi cjiro p̄uhtoro tjira) —ni yahure Jesu.

46 To ã ni yahuchu tina tirore ne yuhti masierare. Ñ jia tó purota sinitu duhunocare tina tirore. Tuhsu tirore cuia pari turi sinitu ñuerare tirore juna.

Judio masare buheina, fariseo curua macaina

cūhu ti ñano yoaaere yahuha Jesu

(*Mr 12.38-40; Lc 11.37-54; 20.45-47*)

23 **1** Ñ yoa payu masare sã cūhure Jesu õ sehe ni yahure tjoa:

2 —Marine judio masare buheina fariseo curua macaina cūhu Cohamacu dutia Moise cjirote to cūri cjirire yahuina jira tina. **3** Ti ã yahuina jichu m̄usare ti yahuriro seheta t̄ire yoa pahñoga m̄usa. Ñ yoapanahita tinare ñu cūena tjiga m̄usa. Ti buheriro seheta yoarerara tina. **4** Masare payu dutira tina. Ñ dutipahta ti dutiro sehe masa ti yoarerachu ñua tinare yoadohoerara. **5** Masa ti ñuocaro dihta noano yoa ñomana

tina. Cohamacu yare ti joari püre ti duhu sää caa pocacäre, bujü curea caa pocacäre ti wühdüa poca bui dähte yohre tina masare ñü dutia. Ti yachuri cühüre dähte yohre. Å yoa ti suhtipü ti duhu yoaa bocari bujübia bocari jira. Cohamacüre ti ño payorire masa sehere yoa ñoa nimana tina. **6** Tuhsü, bose numuri jichü pühtoa ti dujiapü duji duara. Judio masa mari buhea wühhusepü cühüre noaa dujia pahtari dihtare jicoara tina. **7** Å yoa mahapü ño payoa mehne paina tinare ti noano piti bocasinichü cahmana tina. Tinare “Buheriro”, masa ti ni pisuchü cahmana.

8 ‘Paina müsare pisua “Buheriro”, niea tjijaro. Müsa jipihtina cüno potori jina nina. Å yoa müsare buheriro cüriota jija yühu Cristo. **9** Ahri yahpa macainare “Mari püchü”, nina tinare ño payona nica. Ne å nienan tjiga. Müano macariro dihta mari Püchü jira. Tiro dihtare ño payoro cahmana marine. **10** Å yoa masunore “Pühtoro”, nienan tjiga. Müsa pühtoro yühu Cristo sehe cüriota jija. **11** Cahamacüno yoaro sehe müsare yoadohoriro tiro tjica müsa pühtoro jihiro. **12** Cäiro pühtoro ji duaro tirore wiho jiriro yoaro sehe jiro cahmana. “Wiho jiriro jija yühu”, ni tuhoturiro painare yühdürüca duaerariro tiro sehe pühtoro jirohca —ni yahure Jesu.

Judio masare buheina, fariseo curua macaina mehne ti mahñopeare yahuha Jesu

13 To å niri baharo tinare õ sehe ni yahu namore:

—Müsa judio masare buheina, fariseo curua macaina cühü ñano yühdünahca. Mahñopeina jira müsa. Soro müsa buhechü tühoa müsare tühorina sehe pühtoro Cohamacu to süho jiropüre wahasi. Müsa cühü tópüre wahasi. Å buhena tópüre waha duainare däcatana nina müsa.

14 [’Müsa judio masare buheina, fariseo curua macaina cühü ñano yühdünahca. Mahñopeina jira müsa. Wapewahya numia ya wühusere manocahna müsa tí numiare. Tuhsü, yoari pja masa ti ñürocaroi Cohamacüre sini ñomana müsa masare. Müsa å yoari buhiri paina bui curero Cohamacu pjíro buhiri dahrerohca müsare.]

15 ’Müsa judio masare buheina, fariseo curua macaina cühü ñano yühdünahca. Mahñopeina jira müsa. Pjiri mapü pahä, yoaro macaa yahparipü wahara müsa, müsa dutiare yoahtirore macana tana. Müsa dutiare yoahtirore boca, tirore

buhera. M̄usa ã yoach̄a tiro sehe m̄usa yahdoro pichacap̄a wahahtiro jirohca.

16 'M̄usa ñano yahdunahca. Capari ñueraina ti ñu masieraro seheta masieraina jira m̄usa. ã jipanahta painare buhemana m̄usa. Õ sehe ni buhemana m̄usa: " 'Cohamac̄a whu mehne yu nino seheta yoaihtja', niriro to niriro sehe to yoaeerapach̄ta noanohca", ni buhemana m̄usa. " 'Cohamac̄a ya whu macaa uru mehne yu nino seheta yoaihtja', niriro tiro sehere to niriro seheto yo sohtori tiro cahmana" ni, tí cūhare buhemana m̄usa. 17 Capari ñueraina ti ñu masieraro seheta masieraina jira m̄usa. Tuho masieraina jira. ¿Di baro sehere ño payoro cahmajari? Urure ño payoeraro cahmana. Cohamac̄a sehe tí uru to whu jich̄a noaa jich̄a yoara tíre. ã jina to whu sehere ño payoro cahmana m̄usare. ã jia m̄usa buhea sehe to wahaerara. 18 Ahri cūhare buhemana m̄usa: " 'Cohamac̄a whu macari mesa mehne yu nino seheta yoaihtja', niriro to niriro seheto yoaeerach̄a noanohca", ni buhemana m̄usa.
 " 'Tí mesa bui jia mehne Cohamac̄ure ño payoa ti wari mehne yu nino seheta yoaihtja', niriro tiro sehere to niriro seheto yo sohtori tiro cahmana", ni buhemana m̄usa. 19 Capari ñueraina ti ñu masieraro seheta masieraina jira m̄usa. ¿Di sehe tí waro jijari, m̄usa tuhotuch̄a? Cohamac̄ure masuno to ño payoro to wari cjiri tí waro jiera curera. Tí mesa bui Cohamac̄ure to wach̄a, noaa wahara tí mesa bui jia. ã jiro tí mesa sehe wiho jiri mesa jierara. Cohamac̄ure ño payoa ti wari bui curero noari mesa jira. 20 ã jiro "Cohamac̄a whu macari mesa mehne yu nino seheta yoaihtja", cūiro nino, tí mesa bui macaa to wari mehne tiro ã nino nica. ã jia m̄usa buhea sehe to wahaerara. 21 "Cohamac̄a whu mehne yu nino seheta yoaihtja", cūiro nino, potocāta Cohamac̄a mehneta ã ninota nica. Cohamac̄a tí whu macariro jira. 22 ã jiro "M̄ano mehne yu nino seheta yoaihtja", cūiro nino, Cohamac̄a to jirop̄a mehneta ã nino nica. ã jiro Cohamac̄a mehneta ã nino nica. Tiro sehe to macariro jira. ã jia m̄usa buhea sehe to wahaerara.

23 'M̄usa judio masare buheina, fariseo curua macaina cūha ñano yahdunahca. Mahñopeina jira m̄usa. Moa yoaro sehe jiare ch̄are coach̄a yoaare cj̄ana mahancā wamana m̄usa. Cohamac̄ure ño payona tana sacerdoteare wamana m̄usa. Mahancā wamana m̄usa. Menta, anis, comina wama tia coach̄a yoaare wamana m̄usa. ã wapanahija noaare

yoaerara m̄usa. Tuhs̄, masare pja ñ̄herara m̄usa. Å yoa Cohamac̄re wacū tuaerara m̄usa. Toaa dichare m̄usa narire mahancā sacerdoteare m̄usa wach̄ noa nina. Å wana õ sehe yoa namoga: Noaare yoaga. Å yo a pja ñ̄uga masare. Tuhs̄, Cohamac̄re wacū tuaga. ²⁴ Capari ñ̄heraina ti capari ñ̄heraro seheta masieraina jira m̄usa. Õ sehe yoara m̄usa: M̄usa ya dutiare yoa dutina, wiho jia waro dutiare yoara m̄usa. Å yoapanaha Cohamac̄ to pototi to dutia warore yoaerara m̄usa.

²⁵ 'M̄usa judio masare buheina, fariseo curua macaina c̄uh̄ ñano yuhd̄nahca m̄usa. Mahñopeina jira m̄usa. M̄usa waparire, m̄usa sihnia wahwarire bui m̄usa cosaro seheta noaare yoa ñomana m̄usa buicā warohna. Å yoapanaha Cohamac̄ yare quihōno yoaerara m̄usa. Paina yare maina, m̄usa basi dihta b̄uj̄are na duaina jina, å dihta t̄hotura m̄usa. ²⁶ Capari ñ̄heraina ti ñ̄u masieraro seheta masieraina jira m̄usa fariseo curua macaina. Ñaare m̄usa t̄hotuare cohtotaga. M̄usa å yoana masa ti ñ̄urocaroi noaina jinahca m̄usa.

²⁷ 'M̄usa judio masare buheina, fariseo curua macaina c̄uh̄ ñano yuhd̄nahca. Mahñopeina jira m̄usa. Masa copa, yehsea mehne ti wisōri copa yoaro sehe jira m̄usa. Masa tí copare ti ñuch̄ noari copa bajura. To å bajupach̄ta, puhicha macariro baarirore, to cohārine, ñaare ñ̄herara tina. ²⁸ Tó seheta m̄usa c̄uh̄ masa ti ñ̄urocaroi noaina sehe bajumana m̄usa. Å noaina sehe bajuina m̄usa jipach̄ta m̄usa t̄hotuap̄ ñaa, mahñoa ji yuhd̄ara yariaina yoaro seheta —ni yahure Jesu.

Judio masare buheina, fariseo curua macaina c̄uh̄re to buhiri dahrehtore yahuha Jesu

²⁹ Å ni tuhs̄ õ sehe ni namore tinare:

—M̄usa judio masare buheina, fariseo curua macaina c̄uh̄ ñano yuhd̄nahca. Mahñopeina jira m̄usa. Cohamac̄ yare yahu muhtaina cjiri panop̄ macaina ti masa coparire noano cahnomana m̄usa. Tuhs̄, noano yoaina cjiri ti masa coparire noano cahnomana m̄usa. ³⁰ Å yoana õ sehe nirucumana m̄usa: “Panop̄re sā ñuchusuma cjiri ti yoariro sehe sā sehe yoaeraboa. Tí pjap̄ jiinare Cohamac̄ yare yahu muhtaina cjirire sā wajāeraboa”, nirucumana m̄usa. ³¹ Å nina m̄usa ñuchusuma cjiri Cohamac̄ yare yahu muhtainare wajārina cjiri ti jiri cjirire bajuro wana nica. Tinare wajārina cjiri panamana ji

turiaina m̄usa jia c̄ahure bajuro wana nica m̄usa. 32 M̄usa ñuchusuma cjiri ti yoariro seheta yoa sohtori tiwahnoga.

33 'Agāa ñima tiina yoaro sehe ñabaiaina jira m̄usa. M̄usa ñaa t̄ahotumari cjirire cohtota duaerana Cohamacu m̄usa ñaa buhirire pichacapu m̄usare to cohāhto pano duhti masierara m̄usa. 34 Ā jii m̄usare niita nija. Cohamacu yare yahu m̄uhainare, paina noano masiinare, paina m̄usare buhehtinare m̄usa cahai warocaihtja. Yū ã warocachu m̄usa sehe cāina tinare wajānahca. Painare crusapu cjā puhanahca. Painare m̄usa buhea wuhusepu tjananahca. Ā yoana macaripepu tinare ñano yoa, m̄uroca nñunü tinahca m̄usa. 35 M̄usa ã yoana jipihtina ñaa marieinare m̄usa wajāri buhiri buhiri tinahca. Noariro Abe c̄jirore Caī to wajāri buhiri jipihtina m̄usa c̄uhu buhiri tinahca. Jipihtina to baharo jiinare noainare ti wajāri buhiri c̄uhure buhiri tinahca m̄usa c̄uhu. Ā yoa Cohamacu wuhu cahai wahiquinare ti wari mesa cahai Zacariare wajāre tina. Tiro sehe Berequias macuno jire. Ā jina Zacaria c̄uhure ti wajāri buhiri buhiri tinahca m̄usa c̄uhu. 36 Potocā m̄usare yahuita nija. Tina jipihtinare ti wajāri buhiri mipu macaina c̄uhu m̄usa buhiri tinahca —ni yahure Jesu.

Jerusalē macainare tuaro cahīha Jesu

(Lc 13.34-35)

37 Ā ni tuhsu õ sehe ni namore:

—Cue, Jerusalē macaina, Cohamacu yare yahu m̄uhainare cjirire wajārina jira m̄usa. M̄usa coyea panopu macaina cjiri c̄uhu ãta yoarina cjiri jiha. Ā yoa m̄usa cahai to warocaina cjirire tāa mehne doca wajārina jira m̄usa. Caracacoro to pohnare to cjā m̄ua d̄upuri mehne to moha coāno seheta payu tahari cahīrucumahi m̄usare. M̄usare cahmamahi. M̄usa sehe yuhure ne cahmaerare. 38 Mipure m̄usa ya maca cohāri maca c̄jiro jirohca. 39 Potocā m̄usare niita nija. Baharopu taihtja yuhu. Ā yū tachu ñuna m̄usa yuhure “Cohamacu tuaa mehne tariro noano tajaro”, ninahca. Yuhure m̄usa tíre nihto pano yū tjua tahto pano pari turi yuhure ñusi m̄usa —nire Jesu tinare.

**“Cohamacu wuhu cohāri wuhu jirohca”, niha Jesu
(Mr 13.1-2; Lc 21.5-6)**

24 1 Å yoa Cohamacu wuhu jiroho Jesu to wijaa wihihu
sā to buheina tí wuhure tí wuhu cahai jia wuhuse
cuhure ñuna:

—Ahri wuhuse jira. Ñuga muhu cuhu —nii sā tirore.

2 Jesu õ sehe ni yuhtire:

—Ahri wuhusere mipure ñumana musa. Musare yahuita
nija. Ahri wuhusere jipihtia musa ñuri cjiri ahri wuhuse
macaa tāa cuhu cohō pihtia wahaahca. Ne curia tāca tjuasi
—nire tiro sāre.

Pihtiri dacho cjihtore yahuha Jesu

(Mr 13.3-23; Lc 21.7-24; 17.22-24)

3 Baharo Olivo wama tidu tucupu su, tópu dujire Jesu. Tói
to dujichu sā to buheina sā sahsero tiro cahapu su, õ sehe ni
sinitu ñuhi:

—Yahuga sāre. ¿Dohse jichu ã waharohcari mu niriro sehe
waharo? ¿Pihtiri dacho panocáre to jichu cuhure, mu tjua
tahto cuhure dohse to waha ducachu ñunahcari sā? —ni sinitu
ñui sā.

4 Jesu õ sehe ni yuhtire:

—Noano yoaga musa. Musare paina ti mahñoare tuhoena
tjiga. 5 Payu masa “Cristo jija yuhu”, ni mahñoina taahca. Ti ã
mahñochu tuho payu masa Cohamacu yare duhuahca. 6 Musa
cahacái masa paina ti cahma wajachu tuhonahca musa.
Tuhsu, yoaropu cuhure ti cahma wajachu tuhorocanahca musa.
Ã tuhopanahta ne tíre pjíro tuhotuena tjiga. Ã waharohca. Ti
ã yoachu pihtiri dacho cjihto duhsasininohca mini. 7 Tí pjare
cu yahpa macaina pa yahpa macaina mehne cahma wajahca.
Ã yoa cuiro puhtoro yaina pairo puhtoro yaina mehne cahma
wajahca. Tuhsu, payu masa juca mehne yariaahca. Ã yoa
dohatia payu jiahca. Tuhsu, pjaró yahpa ñuhminohca. 8 To ã
wahachu ahri yahpa macainare ti ñano yuhdu namohto
duhsasinina mini. Ñano yuhdusiniahca

9 Tí pjare paina musare ñaha, ñano yoa dutia waahcu
musare paina puhtoopure. Ti ã wachu musare wajahca. Yu
yaina musa jiri buhiri jipihtina musare ñu tuhtiahca. 10 Tí
pjare payu yu yaina jimarina cjiri yuhure cohahca. Æ jia tina

mehne macainare tina ñu tuhtiahca. Å yoaa tina mehne macaina ti jipachuta tinare ñano yoahtinare waahca tina. 11 Tí pjare payu “Cohamacu yare yahu muhtaina jija”, ni mahñoina jiahca. Å jia payu masa ti mahñore tuhoahca. 12 Tí pjare ñabiaro yoaahca masa. Å yoaa tina mehne macainare cahí namosi. 13 Å jina musa tuaina jina, ahri yahpai musa catisinino puro cuno pjarucuna, yuhdunahca musa. 14 Tuhsu, ahri noaa buhea jipihtiropu ahri yahpapure ti yahua buhea jiahca. Puhoro Cohamacu to súho jiare yahuri buheare ti yahu siteri jiahca, jipihtina tí buheare ti masihto sehe. Ti ã yahuri baharo pihtiri dacho ducarohca.

15 'Cohamacu yare yahu muhtariro Daniel cjiro panopu macariro ñabiarirore Cohamacu yare ñano yoarirore yahua tiha panopure. Tí pjare tiro ñariro sehe Cohamacu wuhupu to ducuchu ñunahca musa. Ahri yu nirire noano masiga musa. 16 Tói to ducuchu ñua, Judea yahpapu jiina sehe tayucu cahapu mero ca duhtijaro. 17 Soaro mehne mero ca duhtijaro. Tí pjare ti wuhuseri bui macaa waparipu jiina wuhu puhichapu jiare ti yare na wahaea tjijaro ti waha bahañohto sehe. 18 Tuhsu, tí pjare paina ti weseripu jiina ti bui macaa suhti wuhupu jia suhtire na wahaea tjijaro ti waha bahañohto sehe. 19 Tí pjare nijipocosanumia, ti pohnare púa numia cuhu pjachoro wahaahca. 20 Å jina Cohamacure õ sehe ni siniga: “Puhiro jichu judio masa sá soa númeri jichu cuhure sá mero ca duhtihi dacho jiero tjijaro”, ni siniga musa Cohamacure. 21 Tí dachorire masa nu ñano wahaahca. Ahri yahpare to bajuamehneri baharo masa ñano ti yuhdua jisinia tiha. Ti ã jipachuta jipihtia tí puria yuhdoro pihtiri dacho panocã ñabiaro yuhduahca masa. Å ñano ti yuhduri baharo pari turi to sehe ñabiaro yuhdu si ahri yahpai juna. 22 Cohamacu tí dachorire mahaa dachoricã jisinichu yoarohca. To ã yoaerachu ne cüiro masuno yuhdæraboca. Å jiro to beserina ti yuhdæhti cjihtire mahaa dachoricã ã cüsinninohca Cohamacu.

23 Tí pjare paina musare “Ñuga. Ói jira Cristo”, ti nichu tinare tuhoena tjiga. “Tói jira Cristo”, ti nichu tinare tuhoena tjiga. 24 “Cristo jija”, ni mahñoina, “Cohamacu yare yahu muhtaina jija”, ni mahñoina jiahca tí pjare. Å jia Cohamacu to beserinare mahñoa, tina bajuamehneare yoa ñoahca. Ti ã yoa ñochu ñua, Cohamacu yaina caina tinare tuhoa “Potocã tjira” nia, Cohamacu yare pa tehe nia duhuboca. 25 Ahri jipihtiare

m̄usare yahuyuja m̄usare to ã wahahto pano. ã jina t̄uhoga m̄usa. **26** Paina masa m̄usare “Ñ̄uga. Masa marienop̄ jira Cristo”, ti nich̄a tóp̄are ñ̄una wahaena tjiga. ã yoa tina “Ói ahri tahti pocai jira tiro”, ti nich̄a tinare t̄uhoeña tjiga. **27** Ȳahu masano Cohamac̄ warocariro wac̄uenoca tjua taihtja. Oroca sitero m̄uanore s̄ū m̄uja tarop̄, s̄ū s̄ānop̄ wac̄uenoca to oroca siterocaro seheta wac̄uenoca tjua taihtja ȳuh. **28** Yucaare mari ñ̄una, yariariro to pjac̄ cjiro jich̄a mari noano masinahca. (Tó seheta ahri m̄usare ȳu yahuyurire m̄usa ñ̄una noano masinahca ahri yahpap̄ ȳu tjua tahto mahancā to d̄uhsach̄ c̄uhure) —ni yahure Jesu.

Cristo ahri yahpap̄ to tjua tahtore yahuha tiro

(*Mr 13.24-37; Lc 21.25-33; 17.26-30, 34-36*)

29 ã yahu tuhs̄ro tinare õ sehe ni yahu namore:

—Tí dachori masa ti ñano ȳehd̄ua dachori baharo s̄ū dacho macariro, ñami macariro c̄uhu buhria duhua wahaahca. Ti ã wahach̄ ñahpichoha poca m̄uanop̄ jia poca boraa wahaahca. Tuhs̄, m̄ano macaa yahpari tuaro ñuhmiahca. **30** Tí pjata ȳuh masano Cohamac̄ warocariro m̄uanop̄ ȳu bajuamehnennenore ȳu ñoch̄ ñuhahca masa. ã ñ̄ua jipihtia curuari macaina tiihca. Tuhs̄, ȳu tuaa mehne, ȳu si sitea mehne m̄ano macaa me bui ahri yahpap̄re ȳu tjua tach̄ ñuhahca tina. **31** Corneta bisiro coa tarohca. To ã coa tach̄ ȳu yaina anjoare jipihtiro p̄ ahri yahpap̄ warocaihtja. Tuhs̄, jipihtiro p̄ ȳu yaina ȳu beserinare tina naahca.

32 'Mip̄re higueracure t̄hotuga m̄usa. T̄u quiti mehne m̄usare piti dahre buheihtja. T̄u yuc̄cu p̄uri tich̄a ñ̄una, c̄uhma mahancā to d̄uhsach̄ masina m̄usa. **33** Tó seheta ahri jipihtia ȳu niri cjirire ti ã wahach̄ ñ̄una, ȳu tjua tahto mahancā to d̄uhsach̄ masinahca m̄usa. **34** Potocā niita nije m̄usare. Tí pja macaina ti yariahto pano jipihtia ȳu niriro seheta ã waharohca. M̄ano, ahri yahpa c̄uhu pihtia wahaahca. **35** M̄ano c̄uhu ahri yahpa c̄uhu pihtia wahaahca. Ȳu durucua sehe ne cohtotasi. Jipihtia ȳu niriro seheta ã waha sohtori tiarohca.

36 'Tí dachore ȳu tjua tahti dachore, tí ora c̄uhure masieraja ȳuh. Anjoa c̄uhu t̄ire masierara. Masa c̄uhu masierara. Ȳu P̄uch̄ dihta t̄ire masina.

37 'Noé to jiri pja macaina ti jiriro seheta ahri yahpapʉ yʉ tjuá tahto panocáre tó seheta jiahca masa. 38 Yahpa to minihto pano masa chʉ, sihni, yoaha. Tuhsʉ, mʉa, numiare namo tiha. Noé cãhʉ ti dohoriapʉ ti samuhto pano ã yoaa timaha masa.

39 Dóihtha tuaro coro ta, wacüenoca yahpa minia wahaha. Masa cãhʉ mini pihtia wahaha. Wacüenoca to miniriro seheta yʉhʉ masʉno Cohamacʉ warocariro ahri yahpapʉre wacüenoca tjuá taihtja. 40 Tí pjare wesepʉ pʉaro dahraina ti jichʉ cãiro yʉhʉre cahmarirore naaihca. Ñ yoa yʉhʉre cahmaerariro tói tjuarohca. 41 Tí pjare pʉaro numia cãnoi ti yore arẽa numia jichʉ cãcoro yʉhʉre cahmaricorore naaihca. Ñ yoa yʉhʉre cahmaeraricoro tóihta tjuarohca.

42 'Noano wacū masi cohtaga. Yʉhʉ mʉsa pʉhtoro, yʉ tjuá tahti dachore ne masierara mʉsa. 43 Ahrire wacūga mʉsa. Yacariro to wʉhʉpʉ to sāa yacahto panore wʉhʉ pʉro masino, tí ñamine tiro caríeraboa, yacarirore cohtaro taro. Ñ yoa yacarirore to wʉhʉpʉ sāa dutieraboa. Yʉhʉ yacariro to wacüenoca to tariro seheta wacüenoca taihtja. 44 Ñ jina yʉ yare ã yoarucuna yʉhʉre cohtaga. Yʉhʉ masʉno Cohamacʉ warocariro ahri yahpapʉ tjuá tai wacüenoca taihtja —nire Jesu.

**Dahra cohtariro to pʉhtoro ño payorirore,
ñno payoerariro cãhʉre yahuha**
(Lc 12.41-48)

45 Ñ yoa Jesu to tʉhotua mehne õ sehe ni piti dahre buhe namore tjoa:

—Dahra cohtariro to pʉhtoro ño payoriro tʉho masiriro jira. To ã jichʉ ñʉno paina dahra cohtaina bui cūna tirore to pʉhtoro sehe waharo taro. Ñ tirore cū tuhsʉ wahaa wahara pʉhtoro. To ã wahachʉ ñʉno, chʉri pja jichʉ dahra cohtariro painare chʉare witira. 46 Baharo pʉhtoro to ya wʉhʉ tju wihera. To tju wihera ñʉno dahra cohtariro sehe to pʉhtoro to dutiriro seheta yoa pahñoriro jiro, wahcheriro jirohca. 47 Potocã mʉsare niita nija. To ã noano dahrachʉ ñʉno to pʉhtoro jipihtia to yare ñʉ wihera tʉho cūnohca tirore.

48-49 Wiho mejeta ñariro dahra cohtariro sehe “Yʉ pʉhtoro so bajuerara” nino, paina dahra cohtainare cjãpe, pjíro chʉ, sihni, cahaina mehne caharohca. 50 Baharo to pʉhtoro wacüenoca tjuá tarohca. Tí dachore ne masierara dahra cohtariro.

51 Pʉhtoro sehe tjuá taro ñariro to yoarire tʉhoro, tirore tuaro

buhiri dahrerohca. ã buhiri dahrero, masa ti baharo bñusehei ñano yoa cohtaina ti waharopu cohñohca tirore. Tópure tiro tuaro tii, cahyaro mehne bahca dihorohca —ni yahure Jesu.

Diez nuhmia quiti mehne buheha Jesu

25 1 ã yoa Jesu pari turi to tñhotua mehne õ sehe ni piti dahre buhe namore tjoa:

—Mñano macariro masa bui pñhtoro to sñho jia ahri quiti yoaro sehe jira: Diez nuhmia jiha. Cñ ñami tina ti sihãa poca mehne wamomaca dñhtehtirore piti bocaa wahaha. 2 Tina mehne macaa numia cinco numia tñho masiera numia jiha. Paye numia sehe cinco numia tñho masia numia jiha. 3 Tñho masiera numia sehe ti sihãa pocare, posa tia pocare naamaha. Paye pocare se posa tia pocare ti pihtichu ti pioborire naaerah. 4 Tñho masia numia sehe ti sihãa poca se posa tia pocare naaha. Paye se poca cñhure naaha. 5 ã jia wamomaca dñhtehtiro to bajuerachu tí numiare wñjo purichu carña wahaha. 6 ã ti carñi baharo ñami dacho macai sañurucuro coa taha: “Tñhoga. Wamomaca dñhtehtiro taro coa tara. Tirore piti bocana taga”, ni sañurucuro coa taha. 7 To ã nino coa tachu tuhoa tí numia wahcã, ti sihãa pocare cahnoha. 8 ã yoaa tñho masiera numia sehe paye numia tñho masia numiare õ sehe niha: “Sã sihãa poca yatia nina. ã jina mahancã mñsa ya sere waga sãre”, ni sinimaha tí numia. 9 Ti ã sinipachuta tuho masia numia õ sehe ni yñhtiha: “Sã ya se mari jipihtinare mñ sñeraboca. ã jina se ejñainare mñsa basi nuchuna wahaga”, ni yñhtiha tñho masia numia sehe. 10 Ti ã nichu tuhoa, tñho masiera numia sere nuchua wahaha. Ti ã wahari baharo wamomaca dñhtehtiro wihimaha. ã to wihichu ñua ti yare cahno tuhsñri numia tñho masia numia tirore piti bocaha. Piti boca, to wamomaca dñhteri bose numupu tiro mehne ñua wahaha. Tuhsu, bose numure ti yoari wñhupu paina mehne tí numia ti sãari baharo, sopacare bihanocaha. 11 Baharopu tuho masiera numia sehe wihimaha. “Pñhtoro, sãre pjooohga”, nimaha tí numia. 12 “Potocã mñsare niita nija. Mñsare masieraja yñh”, niha tiro tí numiare.

13 ã jina tñho masia numia ti yare ti noano cahno tuhsu ti cohtariro seheta yñ tahtore noano cohtaga mñsa cñhu. Yñ tjuá tahti dachore tí hora cñhure ne masierara mñsa —ni yahure Jesu.

Niñeru turi uru turi quitire yahuha Jesu

14 Å ni yahu tuhsu to tāhotua mehne õ sehe ni piti dahre buhe namore tjoa:

—Tí pja yu tjua tahti pja ahri quiti yoaro sehe jirohca. Wuhu puro jiha. Tiro pa sehepū tinino waharo taro, tirore dahra cohtainare pjirocaha. Å yoaro tinare to yare cohta dutiha.

15 Å cohta dutiro ti wihbo masino puro tinare niñeru tārire waha. Cūirore cinco turi wapa būjua turi uru tārire waha. Pairore pua tu waha. Pairore cū tu waha. Tinare wa tuhsu, wahaa wahaha. 16 Å yoa cinco turi to wariro dóihta to wahari baharota tí turi mehne paye barore nuchuha. To nuchurire painare duaha. To duari wapa diez turi waro wapataha tiro. Å jiro diez turi cjueha. 17 Å yoa pua tu to wariro dóihta to wahari baharota tí turi mehne paye barore nuchuha. To nuchurire painare duaha. To duari wapa pititia turi waro wapataha tiro. Å jiro pititia turi cjueha. 18 Cū ture to wariro sehe copa saha, tí ture yaha, tí copapū nūono.

19 'Yoari pja baharo ti pūhtoro wihija. Å wihiro to niñeru turi mehne ti ñaha namorire quihōno taro tirore dahra cohtainare pjirocaha. 20 Å to pirocachu cinco turi to wariro cjiro to pūhtoro cahapu su, diez turi wihija tirore. "Cinco turi yuhure ware muhū. Ñujuta. Tí turi mehne paye cinco tārire ñaha namohi", niha tirore. 21 "Noano yoari jire muhū. Muhu noariro, yu dutiriro sehe yoariro jira. Mahanocā mehne noano yoare muhū. Å jicu mipure muhure pjíro mu dahrahtore cūhtja. Å jicu yuhu mehne wahchega muhū", niha to pūhtoro. 22 Å yoa pua ture nariro cjiro to pūhtoro cahapu su, yahuha tirore: "Pua tu yuhure ware muhū. Ñujuta. Tí turi mehne paye turi pua tu ñaha namohi", niha tiro. 23 "Noano yoari jire muhū. Muhu noariro, yu dutiriro sehe yoariro jira. Mahanocāre noano yoare muhū. Å jicu mipure pjíro mu dahrahtore cūhtja. Å jicu yuhu mehne wahchega muhū", niha to pūhtoro. 24 Å yoa cū ture nariro cjiro to pūhtoro cahapu su, yahuha tirore: "Pūhtoro, muhū paina sehere tuaro dahra dutiriro jira. Å tuaro dahra dutiriro jicu toaa maerario jipaihta tí dichare muhū nana. 25 Mu ã jiriro jichu muhure cuihi. Å cuicu copa saha, tí copapu mu niñeru ture nūohi. Ñujuta. Õi jira mu niñeru tu", niha tiro. 26 To pūhtoro to ã nichu tāhoru tirore õ sehe niha:

“Muhu ñariro, capa bñjüiro jira. Yü toaa maerariro jipaihta tí dichare yü nariro jichu masina muhü. 27 Yü ã jiriro jichu ñucu ya ture niñeru wihibori wñhupu wihiboboa muhü. Mu ã wihibochu tina tí ture wiaapu paye niñeru wa namoboa tina”, niha pühtoro tirore. 28 Ñ nino paina tirore dahra cohtainare dutiha tiro: “Niñeru ture maga tirore. Diez türire cjuariro sehere waga. 29 Cjuainare wa namoihtja. Ñ jia pjíro cjuahca. Cjueraina sehere mahanocá ti cjuapachuta tére maihtja. 30 Ahriro dahra cohtariro yaba cjihti jierara. Nahitianopu ñanopu cohñocahga tirore. Tópu tiro tuaro tii, cahyaro mehne bahca dihorohca”, niha pühtoro —ni yahure Jesu.

Buhiri dahrehtore yahuha Jesu

31 Ñ yoa Jesu õ sehe ni yahu namore:

—Yuhu masuno Cohamacu warocariro jipihtina anjoa mehne pühtoro jicu tacu, yu pühtoro dujiropu yu si sitea mehne dujihca. 32 Ñ yu dujichu, ahri yahpa macaina jipihtina yu cahai cahmachuahca. Ti ã cahmachuri baharo pua curua tinare tju waihtja. Ovejare ñu wihiboriro to ovejare, to cabra cöhure to tju wariro sehetá masare tju wa dapoihtja. 33 Ñ tju wacu oveja yoaro sehe jiina noainare yu poto buhusehei bese dapoihtja. Ñ yoa cabra yoaro sehe jiinare ñainare yu cõ buhusehei bese dapoihtja. 34 Yü ã yoari baharo yuhu jipihtina bui pühtoro sehe yu poto buhusehei yu bese dapoinare õ sehe ni yahuihtja: “Yü Puchu mûsare noano yoare. Ahri yahpare bajuamehnennenopu mûsa ya cjihtire pühtoro to sôho jirore cahno basayu tuhsure Cohamacu. Ñ jina mipure to cahnoriropure jina taga. 35 Yü jucu baachu mûsa sehe yuhure chuare ware. Yuhure ñu masierapananta yuhure mûsa sihôre. Mûsa cahai yu tinichu yuhure ñu masierapananta yuhure noano piti bocare mûsa. 36 Suhti maerariro yu jichu ñuna mûsa sehe yuhure suhti sâare. Dohatiriro yu jichu mûsa yuhure ñuna tare. Peresui yu jichu cöhure yuhure ñuna tare mûsa”, niihtja noainare. 37 Yü ã nichu tûhoa tina yuhure sinituahca: “¿Pühtoro dohse jichu mu ñahma yapiochu muhure sihôri sâ? ¿Dohse jichu mu ñahma yapiochu muhure sihôri sâ? 38 ¿Dohse jichu muhure ñu masierapananta muhure noano piti bocari sâ? ¿Dohse jichu suhti maerariro mu jichu muhure suhti sâari sâ? 39 ¿Dohse jichu mu dohatichu o peresui mu jichu cöhure muhure ñuna suri sâ?” niahca yuhure. 40 Ti ã ni sinituchu tûhocu yuhu

púhtoro tinare yahuichtja. “Potocā mūsare niita nija. Ahrina yū yaina mehne macariro wiho jiriro to jipachūta, tirore mūsa tó seheta yoare. Ā jirirore ā yoana, yūhūre yoaro seheta yoana nire mūsa tinare”, ni yahuichtja.

41 'Noainare yū ā ni yahuri baharo yū cō būhūsehei ducuinare yūhū jipihtina bui púhtoro ò sehe ni yahuichtja: “Cohamacū to buhiri dahrehtina jira mūsa. Yūhū mehne tjuaena tjiga. Pichacapū wahaga mūsa. Tí pichaca ne yatierara. Watīno, to yaina anjoa cūhū ti jihtore tí pichacare yoare Cohamacū. 42 Yū jūca baachū mūsa sehe yūhūre chūare waerare. Yū ñahma yapiochū mūsa yūhūre sihōerare. 43 Yūhūre masierana mūsa yūhūre piti bocaerare. Ā ñūnocaboare. Suhti maerariro yū jipachūta, yūhūre suhti sāaerare mūsa. Dohatiriro yū jichū peresui yū jichū cūhūre ā ñūnocare mūsa yūhūre”, ni yahuichtja tinare ñainare. 44 Yū ā nichū tuhoa tina yūhūre sinituahca: “¿Púhtoro, mū jūca baachū, mū ñahma yapiochū, sā masierariro mū jichū, suhti maerariro mū jichū, dohatiriro mū jichū, peresupū mū jichū dohse jichū sā sehe mūhūre yoadohoerari?” ni sinituahca yūhūre. 45 Ti ā ni sinituchū yūhū tinare ò sehe ni yahuichtja: “Potocā mūsare niita nija. Ahrina yū yaina mehne macariro wiho jirirore mūsa ne yoadohoerare. Ā jirirore mūsa yoadohoerana, yūhūreta ā yoana nire mūsa”, ni yahuichtja tinare. 46 Ā jiro tinare ā buhiri dahrerucurohca Cohamacū. Tí buhiri dahrea ne pihtisi. Ā yoa, noaina sehe jipihtia dachoripe noano jirucuahca —ni yahure Jesu.

Sacerdotea púhtoa, judio masa būcuna

mehne Jesure wajā duaha

(Mr 14.1-2; Lc 22.1-2; Jn 11.45-53)

26 ¹ Tí jipihtiare to buheri baharo Jesu sāre to buheinare ò sehe ni yahure:

2 —Púa dacho baharo pascua jirohca. Tíre mūsa masina. Tí pjare yūhū masunore Cohamacū warocarirore ñahaahca. Ñaha tuhsū, yūhūre crusapū wajāahca —nire tiro sāre.

3 Ā yoa sacerdotea púhtoa, judio masa būcuna cūhū cahmachuha. Caifa sacerdotea bui púhtoro ya wūhui cahmachuha tina. 4 Tói cahmachu, ti mahñoa mehne Jesure ñaha ti wajāhtore cahma sūhūdua niha:

5 —Bose nūmū jichū tirore ñahaena tjijihna, “Masa suari”, nina —niha tina ti basi.

Numino me sitia se mehne Jesure pio payoha

(*Mr 14.3-9; Jn 12.1-8*)

6 Tí pjare Simo cami buca baariro cjiro ya wuhui jire Jesu. To jiri maca Betania wama tiri maca jire. 7 Tí wuhui to charo watoi cucoro numino me sitia na ta, Jesu dapu bui pio payore. Tí me sitia alabastro wama tiriai posa tire. Wapa bujha co jire. 8 To ã pio payochu nuna sã Jesu buheina suahi.

—¿Dohsearo ahricoro ahri me sitia co wapa bujhare ã yoa sitejari? 9 Tí me sitiare duaboa. Á duaro pjíro wapa naboa. Á nano tí niñerure pjachoinare waboa ahricoro —nii sã to buheina.

10 Sã ã ni suachu nuno, Jesu õ sehe ni yahure sãre:

—Á nien a tjiga ticorore. Yuhure noano yoaro nina.

11 Pjachoina sehe musa mehne ã jirucuahca. Á jina tina sehere musa wa masina. Yuhu sehe ahri yahpare musa mehne ã jirucusi. 12 Yuhure ti yahto pano yu pjacure cahnayuro, ticoro yuhure pio payore. 13 Potocá msare niita nija. Jipihtiro ahri yahpapu noaa buheare ti yahuropu ahricoro mipure to yoarire yahuahca. Ti ã yahuchu tuhoa ticorore masa payu wacuahca —ni yahure Jesu sãre.

**Juda Iscariote Jesure nu tuhtiinare to
ñohtore yahuha sacerdotea puhtoare**

(*Mr 14.10-11; Lc 22.3-6*)

14 Tí pjare cuiro sã mehne macariro Juda Iscariote sacerdotea puhtoa cahapu suha. 15 Su, tinare õ sehe ni sinituha:

—¿Jesure msare yu nochu noho puro wapanahcari musa? —ni sinituha tinare.

To ã nichu tina tirore treinta turi plata turire waha. 16 Ti ã wari baharo Juda sehe Jesure to ñohti ñamine cohtasiniha.

Jesu to buheina mehne to chu batoari numu jiha

(*Mr 14.12-25; Lc 22.7-23; Jn 13.21-30; 1Co 11.23-26*)

17 Bucuaerari paore ti chua numuri ducari numui sã to buheina sehe õ sehe ni sinitu ñuhi Jesure:

—¿Mari pascua macaa chuhtire noho baroi cahnayu dutirocaijari muhu sãre? —ni sinitu ñuhi tirore.

18 Sã ã nichu tiro õ sehe ni yahure sãre:

—Jerusalēpə wahaga. Tói jirirore õ sehe ni yahuga: “Marine buheriro to ñano yuhdūhti pja mahanocā dūhsatjiāyuhti. Pascua jichʉ mʉ ya wuhʉ Jesu sāre to buheinare sʉho chʉhto jiyuhti”, ni yahuga tí wuhʉ pʉrore —ni warocare Jesu sāre.

19 To ã ni warocachʉ sāre to dutiriro seheta yoana, pascua jichʉ sā chʉhtore cahnoyui sā.

20 Å yoa tí ñamine sā mehne doce to buheina mehne chʉro nire Jesu. 21 Sā chʉro watoi tiro sāre õ sehe ni yahure:

—Potocā mʉsare niita nija. Cūiro mʉsa mehne macariro yuhʉre ñʉ tuhtiinare ñonohca yuhʉre —ni yahure tiro sāre.

22 To ã nichʉ tʉhona tuaro cahyana, tirore sinitu ñʉ dʉcai sā cāina jipihtina:

—Pʉhtoro, yuhʉta jijari mʉhʉre ñohtiro? —ni sinitui.

23 Sā ã ni sinituchʉ tiro õ sehe ni yuhʉtire:

—Yʉ chʉri wapai yuhʉ mehne soha chʉriota jira yuhʉre ñʉ tuhtiinare ñohtiro. 24 Panopʉ yuhʉre ti joariro seheta yuhʉ masuno Cohamacʉ warocariro yariaihca. Å jiro yuhʉre ñʉ tuhtiinare ñoriro ñano yuhdʉrohca. Tiro sehe to masa bajuerachʉ noa yuhdʉeraboa. Ñano yuhdʉeraboa —nire Jesu.

25 To ã nichʉta tirore ñohtiro Juda õ sehe ni siniture:

—Buheriro, ¿mʉhʉre ñohtiro tjijari yuhʉ? —ni siniture tiro. Jesu õ sehe ni yuhʉtire:

—Ñjʉ. Mʉhʉta jira —nire.

26 Å ni yahu tuhsʉ sā to buheina mehne chʉro taro nire. Å yoa Jesu pāore na, Cohamacʉre “Noana”, nire. Å ni tuhsʉ tīre nuha, sāre to buheinare witire.

—Ahrire na, chʉga. Ahri yʉ pjacʉ jira —nire tiro.

27 Å ni tuhsʉ tiro sihniri wahware na, Cohamacʉre “Noana” ni, sāre ware.

—Mʉsa jipihtina ahrire sihniga. 28 Ahri yʉ di jira. Payʉ masa ti ñaa yoari buhirire cohācʉ tacʉ yariaihca. Å yariacʉ yʉ dire cohāihca. Cohamacʉ “Mʉsare yuhdoihtja”, to ni cūriro mʉ sʉchʉ yʉ ã yʉ yariaro mehne to niriro sohtori tiihca.

29 Mʉsare niita nija. Yʉ Pʉchʉ pʉhtoro to sʉho jiropʉ mʉanopʉ mʉsa mehne wahma co vinore sihnihtja. Mari ã sihnihto pano ahri co vinore sihni namosi yuhʉ —nire Jesu sāre.

30 Å jina Cohamacʉre ño payo basana cūnore basa tuhsʉna tʉchʉ Olivo wama tidupʉ sui sā.

**Pedro Jesure to cohāhtore yahuha Jesu
(Mr 14.26-31; Lc 22.31-34; Jn 13.36-38)**

31 Tópu sā suchu Jesu sehe sāre ò sehe ni yahure:

—Micha ñami yuhure cohā wahcānahca musa. Ó seheta nina Cohamacu to yare ti joari pūi yuhure yahuro: “Ovejare ñu wihibiro yoaro sehe jirirore yuhu Cohamacu cohāhtja. Yu ã cohāchu to yaina oveja yoaro sehe jiina duhti site wahcāa wahaahca”, nina Cohamacu to yare ti joari pūi. 32 Á yoa Cohamacu yuhure to masori baharo musa pano Galileapu wahayuihca yuhu —nire tiro.

33 To ã nichu tuhoro ò sehe nimare Pedro:

—Yuhu mehne macaina jipihtina muhure ti cohā wahcāpachuta yuhu sehe muhure ne cohāsi —nimare Pedro tirore.

34 Jesu ò sehe ni yuhtire:

—Potocā niita nija muhure. Micha ñami caraca to duhoto pano “Yuhu Jesure masieraja”, niihca muhu. Tia taha ã niihca muhu —nire tiro Pedre.

35 To ã nipachuta Pedro ò sehe ni yuhtire:

—Muhu mehne yuhure ti wajā duapachuta “Jesure masieraja”, ne nisi yuhu —ni yuhtimare Pedro.

Á jina sā cūhu paina to buheina Pedro to niriro seheta nimai sā Jesure.

**Getsemaní wama tiropu Cohamacre siniha Jesu
(Mr 14.32-42; Lc 22.39-46)**

36 Á yoa Getsemaní wama tiropu Jesu sā to buheina mehne waha, tópu su, sāre ò sehe nire:

—Ói dujiyusiniga. Musa ói dujiro wato sohō cureropu Cohamacre sinii wahai nija —nire tiro sāre.

37 Á ni tuhsu, Pedre, puaro Zebedeo pohnare tina tiarore pji wahcāre. Pji wahcā tuhsu, tiro tuaro cahya, ñano yajeripohna tiha. 38 Á cahyaró tó mehne macainare to pji wahcārinare ò sehe niha:

—Tuaró ñano yajeripohna tija yuhu. Yuhure tuaro puríno seheta tuhotui nija michapucacu yu yariaboro seheta. Sohō curero wahasinii nija. Ói tjuasiniga. Á yoa yu cūno potori catiga musa cūhu —niha tiro tinare.

39 Ñ ni tuhsu mahancā waha namo, yahpai na tuhcua caha su, Cohamacure õ sehe niha:

—Mai, yu ñano yuhdughtire yoa duaeracu yoai tjia. Yu ã nipachuta yu cahmano sehe yoai tjia. Muhu sehe masina. Mu cahmano sehetu yoaga yuhure —ni siniha tiro Cohamacure.

40 Ñ ni tuhsu, tiaro to buheina cahapu wihimahno, carinare boca wihija tiro. Ñ boca wihiro Pedrore õ sehe niha:

—¿Cū hora waro yu cūno potori cati masierari muhuh?

41 Noano yoaga musa. Musa mu suo quihono yoa duamana musa. Wiho mejeta musa basi tire bihoerara. Ñ jina Cohamacure siniga ñano musa yoaerahto sehe —ni yahuha Jesu.

42 Ñ ni yahu tuhsu, pari turi waha, Cohamacure õ sehe ni siniha:

—Mai, yu ñano yuhdughtire yoa duacu yoaga yuhure. Mu cahmano sehetu yoaga —ni siniha tiro.

43 Ñ ni tuhsu, to buheina tiaro buheina cahapu pari turi wihija tjoa. Ñ wihiro carinareta boca wihija tjoa. Wujio caha yuhduaha tina. 44 Ñ jiro tinare cūnoca, pari turi waha, Cohamacure siniha. Tó pano to niri sehetu niha tjoa. 45 Ñ ni tuhsu to buheina cahapu wihija, tinare õ sehe niha:

—¿Carí, sasinina nijari musa? Tó purota cariga musa —niha tiro.

Ñ ni tuhsu, õ sehe ni namoha Jesu:

—Tuhosiniga. Michapucacā yuhu masunore Cohamacu warocarirore ñainare waahca yuhure. 46 Wahcaga. Basa wahana. Ñuga. Yuhure ñu tuhtiinare ñohtiro õi tara —niha tiro.

Jesure ñu tuhtiina tirore peresu yoaha

(Mr 14.43-50; Lc 22.47-53; Jn 18.2-11)

47 To ã nino watoi sã mehne macariro cjiro Juda sehe wihire. Tiro mehne masa payu wihire. Tina sacerdotea pahtoa, judio masa bueuna cuhu ti warocarina jire. Nosaa pjñine, yucu siri cuhure cjuare. 48 Wahmanore Jesure ñu tuhtiinare ñohtiro masare õ sehe ni yahu quihõ tuhsuha:

—Yu wahsupu wihmiriota jirohca musa ñahahtiro. Tirore yu wihmiri baharo ñahaga tirore —niha Juda tinare.

49 To ã ni tuhsuri baharo wihiro, Jesu cahapu dói waha bahrañore.

—Buheriro, ¿jimajari muhuh? —ni tirore wahsupu wihmire.



50 To ã wiwmichu Jesu õ sehe nire:

—Coyeiro, ¿michapucacã mu yoa duarire yoaga? —nire tiro.
To ã ni tuhsuchu tina Jesure ñahare.

51 Ti ã yoachu ñuño Jesu mehne macariro to ñosari pjíne
tuáwe na, sacerdotea bui puhtoro cahamacunore to cahmonore
dute pahrénocare. 52 To ã yoachu ñuño Jesu tirore õ sehe ni
yahure:

—Mu ñosari pjíne wihboga. Painare mu ñosachu ti ñosa
cahmachu yariaihca muhu. 53 Yu Puchure yuhure yu yoadoho
dutichu tiro sehe payu anjoare doce curuarire yu cahai
warocaboa tiro. ¿Tíre masierajari muhu? 54 Ñ yoadohoboriro
to jipachuta tirore yuhure yoadoho dutisi yuhu. Yu ã
dutierachu Cohamacu yare ti joari pu to niriro sehetá ã
waharohca —nire tiro.

55 Ñ ni tuhsu masare õ sehe ni yahure tiro:

—¿Dohse jiro baro musa ñosaa pjíni mehne, yucu tiri mehne
yacarirore ti yoariro sehetá musa yuhure ñahana tajari?

Dachoripe Cohamacu wuhupu masare yu buhe dujichu, musa yuhure ne ñahaerare. 56 Ñ jipachuta ahri jipihtia ñ waharo cahmana Cohamacu yare yahu muhtaina cjiri ti ni joariro seheta —nire Jesu.

Tirore ti ñ nahachu ñuna sã to buheina tirore cohã muroca wahcãa wahai sã.

Judio masa puhtoa Jesure sinituha

(Mr 14.53-65; Lc 22.54-55, 63-71; Jn 18.12-14, 19-24)

57 Ñ yoa tirore ñaharina cjiri sacerdotea bui puhotoro Caifa wama tiriro ya wuhupu na suha tirore. Tí wuhuhta marine judio masare buheina, bueuna cahmacha. 58 Tópu Jesure ti naachu Pedro yoaropu tinare ñu nuna tiha. Ñ nuna tiro Caifa ya wuhure ducatari sahrinore su, tí sahrino puhichapu sãa wahaha. Sãa su, tí wuhure cohtaina surara mehne dujiha. Jesure ti dohse yoachu ñuno taro niha.



59 Ñ jia sacerdotea puhtoa, mari coyea judio masa bueuna, paina puhtoa mehne Jesure wajá duti duaa, tiro to quihõno yoarerare ti yahusãhtire wacu macamaha. 60 Wiho mejeta tira bocaeraha. To quihõno yoarerari mariapachuta, payu masa tirore ti cahmano yahusãmacanocaha. Ñ jia pharo ti baharo macaina tirore 61 õ sehe ni yahusãha tjoa:

—Ahriro õ sehe nire: “Cohamacu wuhure cohā masija. Ā cohācu tia nūmu wahaboroi tí wuhure pari turi yoaihtja”, to nichu tuhohi sā —ni yahusāmacanocaha Jesure.

62 Ti ã niri baharo sacerdotea bui puhtoro wahcārucu su, Jesure õ sehe ni sinituha:

—¿Ahrina muhure ti yahusāpachuta tinare yuhti cahmaerajari muhu? ¿Muhure ti yahusārire dohse ni yuhti cahmajari muhu? —niha puhtoro.

63 To ã nichu tuhoparota Jesu ãta tuhotunocaha. To ã yuhtierachu ñuno sacerdotea bui puhtoro pari turi sinituha tjoa:

—Cohamacu catiriro wama mehne potocā nig a muhu. Mu ã nierachu tiro muhure buhiri dahrerohca. Yahuga sāre. ¿Cristo Cohamacu macunota jijari muhu? —ni sinituha tjoa.

64 To ã nichuputa Jesu õ sehe ni yuhtiha:

—Tirota jija. Musare potocā yahuita nija. Baharo yuhu masuno Cohamacu warocariro yu Pucu jipihtina bui tuariro cahapu to poto buhusehepu yu dujichu ñunahca musa. Ā yoa muano macaa me bui yu tachu cuhure ñunahca musa —ni yuhtiha Jesu.

65 To ã nichu tuhoro sacerdotea bui puhtoro, to basi to sāri suhtirore tuhrenocaha painare “Sua yuhduara”, ni ñu masi dutiro. Ā tuhrenocahno õ sehe niha:

—Cohamacure pjíro ñano durucuro nina ahriro. Ā jina to ñano durucuare tuho tuhsuja mari. Ā jia tó peinata yahusājaro ahriore. Õihta to ñano durucuchu tuhoja mari. 66 ¿Dohse yoanahcari mari mipure ahriore? —ni sinituha tiro paina puhtoare.

—To ñari buhiri wajānocano cahmana tirore —ni yuhtiha tina.

67 Ti ã niri baharo to wuhduare chahcho puti sihō muja, tirore cjāpe, dota mujaha tina. 68 Tirore cjāpe tuhsu, õ sehe nipeha tirore:

—¿Diro sehe muhure cjājari? Cristo jicu ñuerapaihta yahuga sāre —ni cjāpe dota mujaha tina.

“Tirore masieraja”, niha Pedro Jesure

(Mr 14.66-72; Lc 22.56-62; Jn 18.15-18, 25-27)

69 Ā yoa tí wuhu cahai jiri wapai noari wapai Pedro sehe dujiha. To ã dujichu ñuno sacerdotea bui puhtoro cahamacono tiro cahapu suo, õ sehe niha:

—Muhu cuhu Jesu Galilea macariro mehne jire —niha tictoro.

70 To ã nichu tñhoror, Pedro õ sehe niha:

—¿Dohse nimacanocaco nijari muhú? Muñ nirirore ne masieraja yuhu —niha Pedro tictore jipihtina ti tñhorocaroi.

71 To ã niri baharo tí wapa macari sahrñno sopaca cahapu wahaha Pedro. Tóto jichu pacoro cahamacono tirore ñuno, tóto jiinare õ sehe niha:

—Jesu Nazare macariro mehne jire ahriro cuhu —niha tictoro Pedrone tjoa.

72 To ã nichu tñhoror Pedro õ sehe ni yuhitiha:

—Cohamacu mehne potocã nii nija. Tiro muñ nirirore ne masieraja yuhu —ni yuhitiha Pedro.

73 Å yoa mahanocã baharota tóto ducuina Pedro cahapu waha, tirore õ sehe niha tjoa:

—Potocã tjira. Jesu yaina mehne macariro jira muhú cuhu. Tina yoaro seheta durucura muhú —niha tina Pedrone.

74 Ti ã nichu Pedro õ sehe ni yuhitiha:

—Potocã Cohamacu mehne nii nija musare. Yuhu potocã yu nierachu Cohamacu yuhure buhiri dahrejaro. Tirore musa nirirore ne masieraja yuhu —ni yuhitiha tirore tinare.

To ã nichu caraca duha. **75** To duchu tñhoror Jesu tirore to nirire wacuha. “Caraca to duhoto pano ‘Jesure masieraja’, niihca muhú. Tia taha ã niihca muhú”, Jesu to niri cjirire wacuha Pedro. Å wacuno, tí sahrñno sopacare wijaa, tuaro tiiha.

Pilato cahapu Jesure naaha

(*Mr 15.1; Lc.23.1-2; Jn 18.28-32*)

27 **1** Å yoa bohrearopu sacerdotea puhtoa, mari judio masa bucuna cuhu Jesure ti wajá dutihtore cahma suhuduha. **2** Ti ã yoari baharo tirore dñchte, Pilato cahapu naa, tirore waha Pilatore. Pilato sehe tí yahpa macaina puhtoro jire.

Juda Iscariote yariaa wahaha

3 Å yoa Jesure ti wajá dutichu ñuno Juda sehe Jesure ñoriyo tirore to ñori cjirire tuaro wacu cahyaha. Å cahyaro treinta tñri to ñahari niñeru tñrire wiaro waharo, sacerdotea puhtoa cahapu, bucuna cahapu sñ, õ sehe niha:

4 —Jesu m̄asare ȳa ñoriro ñaa marieriro to jipach̄ta tina wajā dutire tirore. Ā jic̄a m̄asare tirore ñoc̄a ñano yoai nihti yuhu —ni yahuha Juda tinare.

To ã ni yahuri baharo tina õ sehe ni yuhu:

—Āta yoawahnojaro. Sâre yaba cjihti jierara tí m̄a ã nia. Muhu dihta ã ni t̄hotura tíre —ni yuhu tina tirore.

5 Ti ã ni yuhu tirore Cohamacu ya wuhui Juda to niñeru tūrire doca site cūnocaha. Doca site cūnoca, wahaa wahaha. Waha, yuta dare d̄ute yo, to basi wam̄ai tju suha, puroca yoja s̄u, yariaa wahaha juna.

6 Ā jia sacerdotea p̄uhtoa niñeru tūrire naa, õ sehe niha:

—Ahri niñerure Cohamacu wuhu macari caropu niñeru wihibori caropu mari cū masieraja. Ahri niñeru mehneta masunore wajā dutire. Ā jia mari dutia marine tó sehe jia niñerure wihibo dutierara —niha tina ti basi.

7 Ti ã niri baharo “Ó sehe yoajihna”, ti ni s̄uhuduri baharo dihi biatorire yoariro ya yahpare nuchuha. Tí t̄uri mehne nuchuha. Pa sehe macaina ti wihi ti yariachu ti yahti yahpa cjihtore tí yahpare nuchuha. 8 Ā jia tí yahpare “Di yahpa” wamoare masa. Mipu cāhure ãta wama tira. 9 Ahri jipihtia ã wahari jire Jeremía cjiro panopu “Ā waharohca”, to ni joariro seheta. Tiro Cohamacu yare yahu muhtariro cjiro jiha. Ó sehe ni joaa tiha tiro: “Treinta niñeru tūrire plata tūrire ‘Tó purota wapanahca tirore sā ñahahtore’, niahca Israe masa. 10 Ā jia tí t̄uri mehne dihi biatorire yoariro ya yahpare nuchuahca tina. Ó seheta yuhu yoa dutire Cohamacu”, ni joaa tiha Jeremía panopu.

Pilato Jesure sinituha

(Mr 15.2-5; Lc 23.3-5; Jn 18.33-38)

11 Ā yoa Pilatore ti wari baharo tiro sehe Jesure õ sehe ni sinituha:

—¿Potocāta judio masa ti p̄uhtorota jijari muhu? —ni sinituha Jesure.

—M̄a nino seheta tiro tjija —ni yuhu Jesu.

12 Ā ni yuhu tiro, sacerdotea p̄uhtoa, bucuna cāhu ti yahusāch̄u yuhu tiro. 13 To ã yuhu tiro ñuno Pilato õ sehe ni sinituha:

—¿Ahri jipihtia muhu tiro yahusārire t̄hoerajari muhu? —ni sinituha tiro Jesure.

14 To ã ni sinitupachta Jesu ne cã dusero yuhtieraha. To ã yuhtierachu ñuno Pilato chaa wahaha.

Jesure wajã dutiha

(*Mr 15.6-20; Lc 23.13-25; Jn 18.38-19.16*)

15 Cuhmaripe pascuaripe masa yairo cjihtore cãiro peresupu jirirore Pilato ã wiobasa mujaa tiha. Masa ti wio dutirirore wiobasa mujaa tiha. 16 Tí pjare Barrabá wama tiriro peresupu jiha. Tirore masia tiha payu masa. 17 ã yoa ti ã cahmachuchu Pilato sehe õ sehe ni sinituha tinare:

—¿Diro sehere musare wiobasabocari yuhu? ¿O Barrabá sehere o Jesure Cristo ti nirirore wiobasabocari yuhu? —ni sinituha tiro.

18 Jesure masa ti cahichu ñua judio masa mari puhtoa tirore ñu tuhtiha. ã ñu tuhtia tirore waha Pilatore. ã jiro masa ti cahíri buhiri judio masa mari puhtoa ti ñu tuhtirire masino Pilato Jesure wio duamaha.

19 ã yoa Pilato masare solo sehe yoainare to beseri pahtai to dujichu to namono tirore quiti warocaha: “Micha ñamine Jesure caháco, tuaro ñano yuhduhi. ã jicu tirore ñu marierirore ne jiape yoai tjiga muhu”, ni yahurocaha to namono Pilatore.

20 ã jia wahmanopure sacerdotea puhtoa, bucuna cãhu masare õ sehe ni duti tuhsuha. “Barrabá sehere wio duti, Jesu sehere wajã dutiga”, ni dutiha masare. 21 ã yoa Pilato masare õ sehe ni sinituha:

—¿Ahrina puarore diro sehere musare wiobasabocari yuhu?
—ni sinituha.

—Barrabá sehere wiobasaga sãre —ni yuhtiha.

22 —¿Ahriro Jesu Cristo ti niriro sehere dohse yoaihcari yuhu musa ã ni sañurucuchu? —ni sinituha tiro.

—Crusapu cjã puha wajãga tirore —ni yuhtiha masa jipihtina.

23 —¿Yaba barore ñaare yoari ahriro musa ã nichu? —ni sinitu namoha tiro. To ã nichu tuhoa tina tuaro mehne sañurucuha:

—Crusapu cjã puha wajãga tirore —ni sañurucuha masa tirore.

24 Ti ã ni sañurucuchu tuhoru, tirore ti tuho duaerachu ñuno “Masa sua, cahmacheboca” nino, yuhtirota õ sehe yoaha

Pilato. Masa ti ñurocaroi tiro wamo cosaha. Å wamo cosaro õ sehe niha:

—Ahriore ñaa marierirore wajāri buhiri ya buhiri jierara. Masa ya buhiri jira —nino wamo cosaha.

25 To å nichu t̄hoa jipihtina masa õ sehe niha:

—Ahriore wajāri buhiri sā, sā pohna cūhū sā ya buhiri jijaro —niha masa.

26 Ti å nichu t̄horo Pilato Barrabáre peresupu jirirore wio dutiha masa ti cahmarirore. Å yoa tuhsu Jesu sehere yuta dari mehne tjana duti, tirore crusapu wajā dutiro wiaha surarare.

27 To å wiachu Pilato ya wuhupu to surara Jesure na suha. Å yoaa tina surara jipihtina Jesu cahapu cahmachuha. 28 Å cahmachua to suhtire tjuwe na, puhtoro ya suhtiro sehe bajuri suhtirore tirore sāaha. 29 Å sāa tuhsu, pota sorore yoa tuhsu, to dapu bui duhu payoha. Å duhu payo tuhsu, wujucure poto buhusehe sehe dahra suhaha. Dahra suha tuhsu, na tuhcua caha su, bujupeha tirore:

—Noano tagá. Judio masa puhtoro noano tagá —ni bujupeha tirore.

30 Å niata tirore chahcho puti sihō m̄ja, ti dahra suhadu c̄jirore tirore t̄āwe na, to dapure c̄jāha t̄ mehneta. 31 Ti å bujuperi baharo ti sāari suhtirore tjuwe na, to ya suhti sehere sāaha tjoa. Sāa tuhsu, crusapu wajāa taa tirore na wijaaha.

Tina Jesure crusapu c̄jā puha, wajāha

(Mr 15.21-32; Lc 23.26-43; Jn 19.17-27)

32 Tirore na wahcā, Simo wama tirirore Cirene macarirore piti boca, tirore Jesu to w̄ari crusare w̄a wahcā dutire.

33 W̄a wahcā, Gólgota wama tiropu s̄re. Gólgota nino, “Dapu cohā”, nino nina. 34 Tuhsu, vinore suēa co ñimaca macaa co mehne ti morea core Jesure wamare tina. Tí core sihni ñu, sihnierare tiro.

35 Å yoa to suhtire ti tjuwe nari baharo tirore crusapu c̄jā puhare tina. Å c̄jā puha tuhsu, to sāa suhti c̄jirire ti basi cahma witia taa, “¿Noa yaro jirohcari õ?” ni masia taa, docapea poca mehne docape mujaha tina. [Å yoaa Cohamacu yare yahu muhtariro c̄jiror to ni joariro seheta yoaa nire tina. Õ sehe ni joaa tiha tiro: “Yu suhtire ti basi naa taa, ‘¿Noa yaro jirohcari õ?’ ni, docapea poca mehne docape mujaha tina”, ni joaa tiha panopu.]

36 Docape tuhsu tirore ñu dujurucure tina. 37 Å yoa Jesure “¿Yaba buhiri mehne yariabocari tiro?” ti ni masihto sehe, õ sehe ni ti joa õri pjine crusapu duhu õha tina. “Ahriro Jesu judio masa bui pñhtoro jiriro jira”, ni joa õre tina tí pjípu.

38 Baharo pñaro yaca bñcuna cñhure Jesu cahai paye crusari pjñipu cjã puha dapore tina. Cñiro to poto bñhusehei, paio to cõ bñhusehei cjã puha dapore tina. 39 Crusari cahai yuhdu wahcaina Jesure ñu, ti dapu pocare yureroca, tirore ñano durucure:

40 —¿Cohamacu wñhure cohã, tia dacho wahaboroi pari turi tí wñhure dahrehtiro jijari mñhu? Cohamacu macuno jicu mñ basi dujia taga. Å yoa mñ basi yoadohoga. Å jii yuhdu witiihca mñhu —nire masa.

41 Åta ni bñjupere tirore. Sacerdotea pñhtoa cñhu, marine judio masare buheina cñhu bñcuna cñhu tirore å ni bñjupere:

42 —Tiro painare yuhdoriro jiparota to basi yuhdo masierara. “Israe masa pñhtoro jija”, nimana tiro. Å jina to basi to duji tachu ñuna tirore wacu tuanahca. 43 Tiro sehe Cohamacure wacu tuamana. Tuhsu, “Cohamacu macuno jija”, nimana tiro. To å jiriro jichu Cohamacu sehe tirore yoadohojaro —ni bñjupere tina.

44 Yaca bñcuna tiro cahai ti cjã puharina cjiri cñhu tó seheta tirore bñjupe, ñano ni durucure tina cñhu.

Jesu yariaa wahaha

(Mr 15.33-41; Lc 23.44-49; Jn 19.28-30)

45 Å yoa cohari pja jichu tia hora waro jipihtiropu nahitiano jire. 46 To nahitia duhuchu waro Jesu tuaro sañurucure:

—Elí, Elí ¿lama sabactani? —nire tiro. Å nino õ sehe nino nire: “Yu Cohamacu, yu Cohamacu, ¿dohseacu yuhure cohãri mñhu?” nino nire.

47 To å nichu tñhoa caina tó ducuina õ sehe nimare:

—Cohamacu yare yahu mñhtariro Elia cjiore pjirocero niboca —nimare tina.

48 Ti å ni tuhsuchu cñiro tina mehne macariro wihmi nari suhtepu vino shëa core soha tuhsu, na mñroca, yuchu sohtoai duhte õ, Jesure wihmi dutimare. 49 To å yoachu ñua paina wihmi dutirirore õ sehe nimare:

—Depñsinia. Elia wihi, ahrirore to na borochu ñusinijhna mari —nimare paina.





50 Ti ã niri baharo pari turi sañurucu, Jesu sehe yariaa wahare. 51 To ã yariachuta Cohamacu wuhu macari suhtiro, ti ducatari suhtiro dacho macai bui sehe tuhnus bora ta, tuhnuroca yoja sua wahaha. Tuhsu, yahpa cahua ñuhmire. To ã ñuhmichu taa buehua poca wahtia wahare. 52 Å yoa masa coparire pjoochua, payu Cohamacu yaina cjiri panopu yariarina cjiri masa wijaaaa. 53 Masa wijaaa, Jesu sehe to masa wijaaari baharo tí coparire cohanooca, noari macapu Jerusalépua wahare tina. Tópu ti wahachua payu masa ñua tiha tinare.

54 Å jia yahpa to ñuhmichu ñua, payu paye ti ã wahachua ñua surara puhtoro to surara mehne cuaa wahare. Tina Jesure crusapu jirirore cohtaina jire. Cuaa waha, õ sehe nire:

—Potocã tjiri jimana. Ahriro Cohamacu macunota jiri jimana —nire tina.

55 Å yoa Galileapu Jesu mehne tari numia cjiri tirore yoadohori numia cjiri yoaropu tirore crusapu jirirore ñuocarucua nire. 56 Tí numia mehne María Magdalena jire.

Pacoro María wama tiricoro cāhū jire. Ticoro sehe Santiago, José cāhū pocoro jire. Pacoro Zebedeo namono jire.

**Jesu pjacure masa copapu cūha José
(Mr 15.42-47; Lc 23.50-56; Jn 19.38-42)**

57 Å yoa ñamichahapu José Arimatea macariro pache puro tóisua tiha. Tiro Jesu buheriro jire. 58 Å yoa Pilato cahapu su, Jesu pjacure siniha. To ã sinichu tūhoro Jesu pjacure tirore wa dutiha Pilato. 59 To ã dutiri baharo José sehe Jesu pjacure na boro, noari suhtiro wete marieni suhtiro mehne to pjacure wahmaha. 60 Wahma tuhsu, José to ya masa copapu siō payoha to pjacure. Tí copa ti tācai sahari copa wahma copa jire. Tí copapu yo sāa duhu payo tuhsu, pjiria tācare tju turē wahcāha tia mehne biharo taro. Biha tuhsu, wahaa wahaha. 61 Å jia María Magdalena, pacoro María mehne tí copare ñu dujirucuha.

Jesure ti cūri copare surara cohtaha

62 Å yoa pa dachoi, Pascua cjihtore ti cahnori dacho baharo, sabado jichu sacerdotea pūhtoa fariseo curua macaina cūhū Pilato cahai cahmachuha. 63 Cahmachu tuhsu õ sehe niha tina Pilatore:

—Pūhtoro, tiro mahñoriro Jesu catisinino õ sehe niha tiro: “Tia dacho wahaboroi masa wijaaihca yuhu”, niha tiro. 64 To ã niriro jichu to buheina sehe to pjacure yacaboca. Å yacaa masare õ sehe niboca: “Jesu masa wijaare”, niboca tina. Tiro Jesu sehe masare mahñono nire. Wiho mejeta to buheina sehe



“Tiro masa wijaare” nia, mahñoina jiahca tina. Ā jiro Jesu to mahñoriro yuhdoro ti ya mahñoa sehe ñaa yuhdúarohca. “Ā yacari” nichu, tia dacho waro to masa copare mu surarare cohta dutiga —niha tina Pilatore.

65 Pilato ò sehe ni yuhhtiha:

—Jai. Yü yaina surara cohtajaro. Ā yoa múa cühu múa bihoro puro tí copare noano cohtaga —niha tiro tinare.

66 To á nichu tina waha, tí copapu bihari tāca mehnepúta ñahachúputa wihtá ñahaha masa ti sáachu ñu masia taa. Ā yoa tuhsu, surarare tí copare cohta dutiha.

Jesu masa wijaaha

(*Mr 16.1-8; Lc 24.1-12; Jn 20.1-10*)

28 1 Ā yoa judio masa mari sori dacho sabado dacho sehe to yuhdúri baharo domingo jichu ñami curero jichu María Magdalena, pacoro María mehne Jesu masa copare ñua wahaha. 2 Tí pjare dóihta yahpa tuaro ñuhmi bahraina. To á ñuhmichu mari púhtoro to yairo anjo muanopu jiriro duji ta, masa copare bihari tācare tju tureroa, tia bui dujiha. 3 Tiro anjo orocasitero yoaro sehe noano si siteriro, to suhti yaja pjoa yoaro sehe noano yehsea suhti jiha. 4 To á bajuachu tí copare cohtaina surara cui yuhdúa, tetere, bui warohna yaria yuhdúa wahaha. 5 Ā yoa tuhsu anjo sehe tí numiare ò sehe niha:

—Yuhure cuiena tjiga. Crusapu ti cjā puhariro, Jesure múa macachu masija yuhu. 6 Wiho mejeta tiro sehe mipure õre mariahna. To niriro seheta tiro masa wijaa wahare. To pjacure ti duhu payoriro cjirote ñuna taga. 7 Ā ñu tuhsuna to buheina cahapu ño duaro waha, ò sehe ni yahuna wahaga: “Jesu masa wijaare. Ā jiro múa pano Galileapu tiro wahayurohca. Tópu tirore ñunahca múa”, ni yahuna wahaga múa. Ahri yü nirire wacúga múa —niha anjo tí numiare.

8 To á niri baharo tí numia masa copapu jia numia soaro mehne wijaa, tirore cuipahta wahche yuhdúa mehne Jesu buheinare yahua wahaa, murocaha. 9 Ā wahaa numiare Jesu piti boca, ò sehe niha:

—¿Noano jimajari múa? —niha tiro.

To á niri baharo, tina sehe tiro cahapu su, to dahporire ñaha, tirore ño payoha.



10 —Cuiena tjiga m̄asa. Yū buheinare “Galileap̄ wahaga”, ni yahuna wahaga. Tóp̄ yuhure ñuhahca tina —niha Jesu tinare.

Masa copare cohtaina surara ti ñurire yahuha

11 To ã niri baharo tí numia ti waharo watoi cāina masa copare cohtaina mehne macaina surara, Jerusalēp̄ sacerdotea p̄uhtoare yahu pahñoa wahaha. Jesu to masa copap̄ wihaarire yahu pahñonocaha. **12** Ti ã ni yahuch̄ sacerdotea p̄uhtoa, judio masa mari b̄uc̄una mehne cahmachuha. Cahmachu, suhuduha. Ñ jia surarare mahñō dutia paȳ niñerure wapaha.

13 —Ó sehe niga m̄asa masare: “Ñami sā carño watoi to buheina sehe masa copap̄ wihi, to pjac̄ure nanocari jire”, ni yahuga masare. **14** M̄asa ã ni yahuch̄ Pilato sehe m̄asa carí yuhduarire t̄uhorocaboca. To ã t̄uhoch̄, “M̄asare tuhtiri”, nina m̄asare yahubasanahca sā tirore —niha tina surarare.

15 Ti ã niri baharo surara sehe niñerure ñaha, tinare ti mahñō dutiriro seheta masare yahua wahaha tina. Ñ jia tó sehe Jesu to masa copare wihaarire yahurucura judio masa. Mip̄a c̄uhure ãta ni yahura tina.

Jesu buhe dutiro to cūrinare dutiha

(*Mr 16.14-18; Lc 24.36-49; Jn 20.19-23*)

16 Ñ yoa sā Jesu buheina once buheina t̄ūc̄up̄ Galileai jidup̄ Jesu to waha dutidup̄ wahai sā. **17** Tóp̄ sū, Jesure ñuna, ño payoi tirore. Ñ ño payoina jipanahta, sā cāina “Ahriro Cohamacu macuno jieraboca”, ni t̄uhotumai. **18** Sā ã ño payoch̄ tiro sehe sā cahap̄ wihi, õ sehe nire:

—Ahri yahpap̄ure, m̄ano c̄uhure Cohamacu jipihtinare dutiriro waro jich̄ yoare yuhure. **19** To ã yoach̄ õ sehe dutija m̄asare: Jipihtiro macainare yū yare buhena wahaga. Yū yaina ti wahahto sehe buhena wahaga. Ñ yoana yū P̄uc̄ to wama mehne, yū wama mehne, Espíritu Santo to wama mehne tinare bautisaga. **20** Ñ jina m̄asare yū dutirire ti yoa pahñohati cjihitre buhega tinare m̄asa. Ñ yoana ahrire yū nihtire wacūga: Jipihtia dachoripe ahri yahpa to jiro puro m̄asa mehne ã jirucuihca. M̄asa mehne yū ã jirucuhtore wacūga m̄asa —ni yahure sāre Jesu.

San Marcos

João masare bautisariro buhe ducaha
(Mt 3.1-12; Lc 3.1-9, 15-17; Jn 1.19-28)

1 1 Ahri tjui Jesucristo Cohamacʉ macʉno to yoaa noaa buheare yahu ducaja.

2 Cohamacʉ yare yahu mʉhtariro cjiro Isaia to joariro seheta ahri yahua jira. Ó sehe ni joaha tiro:

“Cohamacʉ to macʉnore ó sehe niha:

‘Mʉ pano mʉhʉre yahuyuhtirore warocai nija.

3 Â jiro tiro masa marienopʉ waharohca.

Tirore tʉhoinare yahuro sañurucurohca:

“Mari pʉhtoro to tahto pano mʉsa ñaa tʉhotuare cohtota, cahno mʉhtaga mʉsa”,
ni sañurucurohca’, niha Cohamacʉ”,

ni joaa tiha Isaia cjiro João cjihtore.

4 João masare bautisariro masa marienopʉ masare buhea tiha:

—“Sã noaina jija”, ni mʉsa tʉhotumari cjirire duhu, mʉsa ñaa buhirire cahya, Cohamacʉ sehere cahmaga mʉsa. Â jina bautisarina jiga. Mʉsa ã yoachʉ ñuno Cohamacʉ mʉsa ñaa buhirire borohca —ni buhea tiha tiro.

5 Â yoa jipihtina Judea yahpa macari macaina, Jerusalē macaina mehne tiro cahapʉ ti sʉchʉ ñuno João sehe Jordão wama tiri mapʉ bautisaha tinare. Tinare to bautisahto pano tina sehe ti ñaa yoarire yahu yʉhdʉha Cohamacʉre.

6 Tiro João sehe camello pjoari suhtirore sãariro wahiquiro cahsaroreta tʉã dihoriro jiha. Poreroare, macaroca macaina miquina mi cʉhʉre chʉa tiha. 7 Â yoa ó sehe ni buhea tiha:

—Yʉ baharo yʉ yʉhdoro tuariro tarohca. Noa yʉhdʉariro jira tiro. Tiro yoaro sehe jieraja yʉhʉ sehe. Â jicʉ tirore tʉhotucʉ, “Wiho jiriro jija yʉhʉ”, ni tʉhotuja yʉhʉ. 8 Mʉsare bautisacʉ co mehne yoamahi. Tiro sehe yʉ yʉhdoro yoarohca. Espíritu Santore mʉsa mehne jirucuchʉ yoarohca —ni buhea tiha João.

João Jesure bautisaha*(Mt 3.13-17; Lc 3.21-22)*

9 Æ yoa tí pjare Jesu Nazarepu Galilea yahpai jiri macapu jiriro Jordão wama tiri mapu suha. Tópu to suchu João bautisaha tirore. 10 To ã bautisa tuhsuchu Jesu diapu ducuriro suchu suro muano to paru muaa wahachu ñuha tiro. To paru muachuta Espíritu Santo buja yoaro sehe Jesu bui duji pja suha.

11 To ã duji pja suchu muanopu durucuro coa taha:

—Muhu yu macu yu cahíriro jira. Muhu mehne tuaro wahcheja —nino coa taha muanopu.

Satana ñaare yoa dutimaha Jesure*(Mt 4.1-11; Lc 4.1-13)*

12 Tí pjare Jesure masa marienopu Espíritu Santo naaha. 13 Tópure suro cuarenta dachori waro jiha. Watuno sehe Jesu to ñaare yoachu ñu duaro, ñaare yoa dutimaha tirore. Tuhsu, Jesu wahiquina nuchu macaina mehne jiha. Tói to jichu ñua anjoa sehe tirore yoadohoa, chuare waha.

Jesu Galilea yahpai buhe ducaha*(Mt 4.12-17; Lc 4.14-15)*

14 Æ yoa Joãore peresupu ti biha daporí baharo Jesu sehe Galilea yahpapu noaa buheare puhtoro Cohamacu to suho jiare yahuro wahaha. 15 Õ sehe ni yahuha:

—Mipure õ sehe jira. Puhtoro Cohamacu musare to noano suho jihto mahancudusara. Æ jina “Sã noaina jiha”, musa ni tuhotumari cjirire duhuga. Musa ñaa buhirire cahya, Cohamacu sehere cahmaga. Ahri noa buheare “Quihõnota jira”, ni tuhoga musa —ni buhea tiha Jesu tinare.

Jesu pititarore wahi wajainare “Yuhu mehne**macaina cjihti taga”, niha***(Mt 4.18-22; Lc 5.1-11)*

16 Tíre yahu tuhsu, Galilea wama tiri bucupariro duhtu cahapu sito wahcumahno ñuha Simore, to bahuro Andre mehne. Tina wahi wajaina jiha. Æ jia ti wañuyucure bucupariropu doca ñoa niha. 17 Æ yoa Jesu tinare õ sehe niha:

—Yuhu mehne macaina cjihti taga musa. Yuhu mehne musa tachu musa wahire ñaha cahmachuina musa jiro seheta, Cohamacu yaina cjihtire masare pji cahmachuina cjihtire musare wahachu yoaihtja. Yuhu mehne musa tachu ã yoahntina cjihtire cüihtja musare —niha Jesu tinare.

18 To ã nichu taho ti wañuyucuire cünocaa, tiro mehne wahaa wahaha.

19 ã yoa tina mahanoç yuhdu wahcä, Santiagore, to bahuro João mehne boca súha tjoa. Tina sehe Zebedeo pohna jiha. Ti yaria dohoriapu wañuyucuire cahnoa niha. 20 ã yoa tiro to pjirocachu tina sehe ti puchore, tiro mehne dahra cohtaina mehne dohoriapu cünocaa, Jesu mehne wahaa wahaha.

Watia ti cohtotariro Jesure piti bocaha

(Lc 4.31-37)

21 ã yoa tina Capernau wama tiri macapu súha. Tóp súro Sabado jichu judio masa sã buheri wuhupu buhero sáaha tiro.

22 Sã judio masare buheina yoaro sehe jieraha tiro. Noano masi pahñoriro ji, noano waro buheha. To ã buhechu tí maca macaina tuho cuaa wahaha. 23 Tí pjare cüiro tí wuhui jiriro watia ti cohtotariro jiha. Tói jiro õ sehe niha Jesure:

24 —Muhu Jesu Nazare macariro cariboi tjiga sâre. ¿Dohse yoai tai nijari sâre? ¿Muhu sâre butichu yoai tai nijari?

Cohamacu macuno buhiri tia marieriro mu jichu masija yuhu —ni sañurucuha tiro Jesure.

25 To ã nichu tñoro Jesu tuhtiha watia:

—Dihta mariahga. Wijaahga tirore —niha Jesu.

26 ã jia watia tirore yahpapu doca caha su tunuchu yoa, to tuaro sañurucuro watoihta wijaaha tirore. 27 ã jia jipihtina tí wuhui dujiina ñu cuaa yuhdua wahaha.

—Cue, ¿wahma buhea jijari ahri? Tiro pñhtoro yoaro seheta dutira watia. To dutichu tina watia sehe yuhducaerara tirore —ni durucuha tí wuhui dujiina ti basi.

28 ã jia mahaa dachoricä baharoihta dóihta jipihtina Galilea yahpa macaina tére to yoarire tuho sahsea wahaha.

Jesu Simo Pedro marenchonore noaricoro wahachu yoaha

(Mt 8.14-15; Lc 4.38-39)

29 ã yoa Jesu cühu judio masa mari buheri wuhupu jiina wijaaha. Ti ã wijaari baharo Jesu, Santiago, João, paina tina

mehne macaina cūhure Simo to bahuro Andre mehne ti ya wuhupu sūho sāa sūha. 30 Tí pjare Simo marechono juaro mehne to dohatichu cama bui to coāch uahuha Jesure. 31 Ti ã yahuchu tñhoror tiro sehe ticoro cahapu sūro, to wamomacare ñaha, ticorore waja wahcō dapoha. To ã waja wahcō dapochuta ticorore juaro surua wahaha. To ã sururi baharo ticorota tinare chuare payoha.

Jesu payu dohatiinare noaina wahachu yoaha

(Mt 8.16-17; Lc 4.40-41)

32 Ñ yoa sū sāari baharo nahi borachupu masa payu dohatiinare, watia ti cohtotarinare Jesu cahapu na sūha. 33 Ñ jia jipihtina tí maca macaina cahmachurucu sūha tí wuhupu sopacai. 34 Ñ jiro Jesu payu dohatiinare, payu soro jia dohatia cjuainare noaina wahachu yoaha. Watia cūhure, masare sāamarinare payu cohā wioha. Ñ jiro watia Jesure ti masichu ñuno Jesu sehe tinare durucu dutieraha.

Jesu buhe tinino wahaha

(Lc 4.42-44)

35 Ñ yoa ñami curerocā wahcā, nahitia curechuta masa marienopu Cohamacure sinino wahaha Jesu. 36 To ã wahari baharo Simo cūhure tirore macaa wahaha. 37 Tina tirore boca su, õ sehe niha:

—Masa jipihtina mūhure macaa nihre —niha tina.

38 Ti ã nichu tñhoror õ sehe niha Jesu tinare:

—Tinare buhe tuhsuhi. Pa sehepu õ cahacā macaa macaripu wahajihna mari. Ahri yahpa macainare yahu site pahñoi tahi. Ñ jicu yuhu paye macari macaina cūhure buhehtja —niha Jesu.

39 Ñ ni tuhsu, jipihtia Galileai jia macaripu judio masa mari buhea wuhusepu buhero, watia masare sāamarinare cohā wioha.

Jesu cami barirore noariro wahachu yoaha

(Mt 8.1-4; Lc 5.12-16)

40 Ñ yoa paipo dohatiriro cami bariro Jesure piti bocaro, na tuhcua caha su õ sehe ni sinih:

—Mūhu yuhure noariro wahachu yoa duach yoaga —niha cami bariro.

41 To ã nichu tñhoro Jesu tirore pja ñuha. Ñ jiro to wamomacare siôroca, tirore ña payoha. Ñ ña payoro õ sehe niha:

—Tíre yoa duaja. Noariro jiga muh —ni yahuha Jesu.

42 To ã nichu dohatiriro to cami bari cjiri yati muaa wahaha. Noariro wahaha tiro. 43 To ã wahachu ñuno Jesu tirore tuaro mehne õ sehe ni yahuha:

44 —Painare ahrire yahuecu tjiga. Ñ yahuerapaihta mu pjacure sacerdotere ñoga. Cohamacu dutia Moise cjiore to cûriro seheta yoaga. Ñ yoacu minichahcare waga sacerdotere noariro mu waharire mu ñohti cjihtire —niha Jesu. Ñ ni tuhsu “Wahaga”, niha tirore.

45 To ã yahu dutierapachu tiro waha, jipihtia macari macainare Jesu to yoarire yahuha. To ã yahuri baharo Jesu masa payu ti jiropure waha masieraha. Ñ jiro tiro mahainacã ti jiropu jiha. Tópu to jichu payu macari macaina tiro cahapu suha.

Jesu pjacu buharirore ducuchu yoaha

(Mt 9.1-8; Lc 5.17-26)

2 1 Mahaa dachori baharo Jesu Capernaupu tjuaa wahaha. Wuhui to jichu masa tñhoho. 2 Ñ jia tñi masa payu cahmachu tí wuhure wahpata wijaa surucaha. Ñ jiro Jesu tinare noaa buheare yahuha. 3 To ã yahuro wato, pititiaro muu jipihtiri pjacu buharirore na wihiha. 4 Ti masa payu jichu ñua Jesu cahapu sña masieraha. Ñ jia tina wuhui buipu Jesu bui waroi mahancã muji pahmare nawe, pjacu buharirore to coari cahsaro mehne duhu boroha Jesu cahai. “Jesu ahrirore to dohatiare yuhduchus yoarohca”, ni tñhotuha tina. 5 Ti ã ni tñhotuchu masino Jesu sehe dohatirirore õ sehe ni yahuha:

—Macu, mu ñaa yoari buhiri tiare cohã tuhsuja —niha Jesu pjacu buharirore.

6 To ã nichu tñhoa sã coyea judio masare buheina tópore dujiina ti basi õ sehe ni tñhotumaha: 7 “Ahriro ã ni durucuero tijaro. Cohamacure ñano durucuro nina tiro. Tiro masuno mari yoaro seheta jiriro jira tiro cûhu. Ñ jiro to ñaa yoari buhiri tiare cohã masierara. Cohamacu dihta masa ti ñaa yoari buhiri tiare cohã masina”, ni tñhotumaha tina. 8 Ti ã ni tñhotuchu ñuno Jesu ti tñhotuare masino õ sehe niha:



—¿Dohse yoana m̄usa ã ni t̄hotujari? 9 “M̄ n̄aa yoari buhiri tiare cohā tuhs̄ja”, ȳ nich̄ “Mahñoriro jira”, ȳ h̄ure nina m̄usa masierapanaha. “Wahcāruca, wahaga”, ȳ nich̄ to tinich̄ n̄una ȳ niri potocā jia jich̄ dōihta masinahca m̄usa. 10 Ȳ h̄ure masuno Cohamac̄ warocariro ahri yahpapure masa ti n̄aa yoari buhiri tiare cohā masija ȳ h̄ure. Ahrire m̄usa masihto sehe õ seheta to wahach̄ yoaihtja —niha Jesu judio masare buheinare.

Tinare ã ninota pjac̄ b̄uharirore õ sehe niha:

11 —M̄hure niita nija. Wahcārūcaga. M̄ coāri cahsaro re na wahcāga m̄ ya w̄hūpū —niha Jesu tirore.

12 To ã nich̄ta pjac̄ b̄uhariro cjiro wahcārūc̄ s̄ to coāri cahsaro re na, jipihtina ti ñ̄urocaroi wijaa wahaha. To ã yoach̄ ñ̄ua tina jipihtina ñ̄u cha wahaha. “Cohamac̄ tuariro jira” ni, “Ne, mari õ sehe yoaare ñ̄uera tihi”, niha tina ti basi.

**Jesu Levíre Mateo ti ni pisurirore “Yuhu mehne
macariro cjihto taga”, niha
(Mt 9.9-13; Lc 5.27-32)**

13 Å yoa pari turi Jesu buepariro duhtu cahapu wahaha tjoa. Tópu súro masa payu tiro cahai ti cahmachuchu ñuno tiro buheha tinare. 14 Å yoa tuhsu tópu jiriro wahamahno Levíre Alfeo macunore to dahrari tahtiapu boca súha. Paina mehne púhtoa ya cjihtire wapa na cohtaina jiha Leví cühu. Tirore boca súro õ sehe niha:

—Yuhu mehne macariro cjihto taga mühu —niha Jesu Levíre.

To ã nichuta Leví sehe wahcã suruca, Jesu mehne wahaa wahaha.

15 Å yoa baharo Jesu sehe to buheina mehne Leví ya wuhupu churo niha. Jesu mehne wahaina sehe payu jiha. Caina púhtoa ya cjihtire wapa na cohtaina, ã jichu paina masa “Ñaa dihtare yoara”, ti niina mehne payu mesa cahai duji, tina cühu tiro mehne cünoi súho chua niha. 16 Tópu ti dujiri baharo paina sá coyea judio masare buheina, fariseo masa ya curua macaina mehne Jesu to chu dujichu ñuha tina. Å ñua õ sehe ni sinituha:

—¿Dohsearo ñano yoaina, púhtoa ya cjihtire wapa na cohtaina mehne chujari Jesu? —ni sinituha judio masare buheina Jesu buheinare.

17 Ti ã nichu tuhoro piti dahre buhea mehne õ sehe ni yuhu Jesu:

—Dohatieraina duhturure macaerara. Dohatiina dihta duhturure macana. Ñano yoaina dohatiina yoaro sehe jira. Å jicu ñano yoainare yahui tai nihi yuhu. Ti basi “Noaina jija sá”, ni tuhotuinare yahui tai nierahi yuhu —niha tiro tinare.

**Chu duhuare Jesure sinituha paina
(Mt 9.14-17; Lc 5.33-39)**

18 Tí pjare João buheina, fariseo curua macaina cühu Cohamacure ño payoa taa, chuerara tiha. Å jia masa Jesure õ sehe ni sinituha:

—João buheina, fariseo buheina cühu Cohamacure ño payoa taa chuerara. ¿Dohse yoa mu buheina sehe chu duhuerajri? —niha tina Jesure.

19 Jesu to t̄hotua mehne quiti dahre buhero tinare õ sehe ni ȳhtiha:

—Ó sehe jira tí: Wamomaca d̄hteriro bose n̄m̄ to jich̄ tiro mehne macaina cahyaro mehne jierara. Tuhs̄, chueraina jierara. Tó sehetá ȳ buheina c̄h̄ ȳh̄ mehne jia, ch̄ duhu masierara. **20** Ȳ Puc̄ Cohamacu ȳh̄re to naari baharo pinihtare ȳ buheina mehne jisi ȳh̄. Á jia tí pjap̄uta ȳ buheina c̄h̄ ch̄ duhuahca —niha Jesu.

21 Panop̄ macaa buhea wahma buhea mehne ti buhe more duach̄ n̄no ó sehe ni namoha Jesu tinare piti dahre buhero:

—Ne, wahma cahsaro suhtiro cahsaro mehne m̄nano suhtirore sere òno cahmaerara. Mari á yoach̄ wahma cahsaro mari cosari baharo m̄nano suhtirore waja cahmachu, pjibiaro t̄hn̄ch̄ yoara. **22** Á yoa ne se co bisia core wahiquiro cahsaro wajuru mehne m̄na wajuru mehne posaeraro cahmana. Mari á yoach̄ se co bisia pahmoap̄ m̄na wajurure t̄hr̄enocahna. To t̄hn̄ch̄ se co c̄h̄, wajuru c̄h̄ cohõa wahara. Á yoa se co wahma core wahma wajurup̄ posaro cahmana. Mari á yoach̄ se co cohõera, wajuru c̄h̄ cohõerara. (Tó sehetá wahma buhea m̄na buhea mehne buhe moreraro cahmana) —ni buheha Jesu tinare.

Sabado jich̄ Jesu buheina trigo parorire pahaha

(Mt 12.1-8; Lc 6.1-5)

23 Pa dacho Sabado jich̄ Jesu c̄h̄ trigo wesep̄ wahaha. To buheina sehe trigo parorire paha ȳhd̄ wahcāha. **24** Tí á yoach̄ n̄ha ó sehe ni tuhtiha fariseo curua macaina Jesure:

—T̄hosiniga sâre. ¿Dohse yoa tina Sabado mari sori n̄m̄ to jipach̄ta dahrnjari? Marine dutiare ȳhd̄r̄caa nina —niha tina Jesure.

25-26 Ti á nich̄ t̄horor Jesu tinare ȳhtiha. “Ȳ buheina ȳhd̄r̄caa nierara”, nino taro ó sehe niha:

—Davi cjiro tiro mehne macaina mehne j̄ca baaro, Cohamacu w̄h̄p̄ sâa, Cohamacu ya pâore ch̄ha. Á ch̄ro tiro mehne macaina c̄h̄re tí pâore waha. Tí pâore sacerdotea dihtare ch̄ dutira. Cohamacu dutia ti joari tjui painare tí pâore ch̄ dutierara. Tí pjare Abiata wama tiriro sacerdotea p̄htoro jiha. ¿Davi c̄h̄ tire ti yoari cjirire Cohamacu yare ti joari tjui buherari m̄sa? (Tí pâore ch̄ro Cohamacure

yuhdūrūcaro nieraha. Michare ahri yaparire chua yu buheina cūhu Cohamacure yuhdūrūcaa nierara) —niha Jesu tinare.

27 Ñ ni tuhsu õ sehe ni namoha:

—Â yoa Cohamacu Sabado dachore ti sori nūmū cūno masa ya dacho cjihto cūno nire dahra wahyarinare so dutiro. Tí dachore ño payohtina cjihtire cūno nierare masare Cohamacu.
28 Â jicu yuhu masuno Cohamacu warocariro ahri dacho Sabado dachore masa ti yoah tire yahurirota jicu pūhtorota jija —niha Jesu tinare.

Wamomaca būhariro quiti jira

(Mt 12.9-14; Lc 6.6-11)

3 **1** Â yoa Jesu sā judio masa buheri wuhupu shro sāaha tjoa. Tí wuhui cūiro wamomaca būhariro dujiha.
2 Sabado jichu Jesu wamomaca būharirore to noariro yoachu ñu duaha caina tí wuhui dujiina. To ã yoachu ñua tirore yahusā duamaha. “Mari sori nūmū Jesu dahraro nina”, ni yahusā duamaha tina. Â jia Jesu to sāa tachu ñua, tirore yahusā duaina sehe tiro dihtare ñuroca õha. **3** Tirore ti ã ñuroca õpachuta Jesu sehe wamomaca būharirore õ sehe niha:

—Wahcā surucaga jipihtina ti ñurocaroi —niha.

4 Ñ ni tuhsu tí wuhui dujiinare õ sehe ni yahuha:

—¿Sabado jichu noaare yoachu noaerajari? ¿O ñaare yoachu sehere noajari, mūsa tūhotuchu? Sabado jichu masunore masochu noa nina. Masunore wajāch u sehere noaerara —ni yahuha Jesu tinare.

To ã nipachuta tina yuhtieraha. **5** Ti ã yuhtierachu ñuño Jesu tina mehne suaha. Ti taho duaerachu ñuño Jesu cahyaha.

—Mu wamomacare siōrocaga —niha tiro wamomaca būharirore.

To ã nichu tūhoro tiro to wamomacare siōrocaha. To ã yoachuta noari wamomaca wahaha. **6** To ã noari wamomaca wahachu ñua, fariseo curua macaina wijaa wahaha. Wijaa, Herode mehne macaina mehne cahmachu, “¿Dohse yoa Jesure wajānahcari mari?” niha tina ti basi.

Masa payu būcūpariro dūhtu cahapu jiha

7-8 Â yoa pari turi Jesu to buheina mehne būcūpariro cahapu wahaha tjoa. Ti ã wahachu ñua Galilea macaina masa payu to baharo suha. Â jia Judea yahpa macaina, Jerusalē

macaina, Idumea yahpa macaina, Jordão wama tiri ma sie coa macaina, Tiro wama tiri maca macaina, tó cahai jiina, Sidõ wama tiri maca macaina, tó cahai jiina mehne masa payã jipihtina to yoarire tûhoa, tiro cahapã suha. 9-10 Tópã sua, payã masa jiha. Payã dohatiinare noaina to yoachã tûhoa, paina dohatiina cûhã Jesure piha dua, tju bihsarucu suha. Ti ã tju bihsarucu suchã ñuno, Jesu bûsocare cahnopohobasa dutiha to buheinare. 11 Å yoa paina watãa ti cohtotarina sehe Jesure ñua tiro cahai na tuhcua caha suha.

—Mãhã Cohamacu macuno jira —ni sañurucuha tina tirore.

12 Ti ã sañurucuchu tûhoror tinare Cohamacu macuno to jiare tuaro mehne ni dutieraha Jesu.

Jesu to buheinare doce to warocahtinare bese dapoha

(Mt 10.1-4; Lc 6.12-16)

13 Å yoa Jesu tûcûpã mûja, to cahmainare pjirocaha. To pjirocachu tûhoa, tiro cahapã mûja suha tina. 14 Ti mûja sûri baharo doce mûare tiro mehne macaina cjihtire, paye macaripûre to yare buhe duti to warocahtinare, bese dapoha Jesu. 15 Å yoaro dohatiinare ti yûhdohti cjihtire, watãare ti cohã wiohti cjihti cûhure cûha tinare. 16-19 Ahrinare doce mûare Jesu bese dapoha: Simo, Santiago Zebedeo macuno, João to bahûro, Andre, Felipe, Bartolomé, Mateo, Toma, Santiago Alfeo macuno, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiagore, João mehne Boanerges ni wama pisuha. Boanerges “Wûpo yoaro sehe jiina tuaro bisiina jira”, nino nina. Juda Iscariote Jesure ñu tuhtiinare ñohtiro jiha. Tinare bese dapo tuhsu, dujiaa, Jesu to buheina mehne wûhûpã sâa wahaha.

“Jesu watîno tuaare cjuara”, ni yahusâha masa

(Mt 12.22-32; Lc 11.14-23; 12.10)

20 Å yoa tói pari turi masa payã cahmachua bihsa niha. Ti ã bihsachu ñuno Jesu chã masieraha. Tuhsu, to buheina cûhã chã masieraha. 21 Å jia paina Jesu coyea tîre tûhoa, tiro cahapã sua, tirore ñahamaha.

—Tiro tûho masierariro waharo nina —nimaha tina.

22 Paina õ sehe niha:

—Beelzebú tirore ã wahachú yoaro nica. Tiro watíare cohāno Beelzebú watía púhtoro to tuaa mehne tinare cohāna —niha Jerusalépú tarina sã judio masare buheina.

23 Ti ã nichú túhoro Jesu sehe tinare pjiroca, to tóhotua quiti mehne piti dahre yahuha tinare:

24 —Watíno ya tuaa mehne watíare cohái nieraja. Watía ti basi cohā masierara. Cū yahpa macaina ti basi cahma wajāa, tí yahpa macaina yaria pihtia wahaboa. 25 Cū wúhú macaina ti basi cahmachea tí wúhú macaina waha pihtia wahaboa.

26 Tuhsú, Satana watía púhtoro sehe watíare cohāno ti basita cahmachea niboa. Æ jia tina waha pihtia wahaboa.

27 Ó seheta jira mari piti dahre buhechú. Tuariro ya wúhupú pairo sää sú yaca masierara. Tuarirore dñhteraro to ya wúhupú sää sú yaca masierara. Tuarirore to dñhterí baharo sää sú yaca masina —ni yahuha Jesu. (Ó sehe ni yahuha watínore to yúhdurúcarire yahuro. Watíno tuariro to jipachúta Jesu tirore yúhdurúcara watíare cohāno.)

28 Æ ni tuhsú ó sehe ni yahu namoha Jesu:

—Potocá niita nije mûsare. Jipihtia ñaare masa ti yoachú ti durucuchú cähure Cohamacú bo masina. 29 Æ boparota Espíritu Santore ti ñano durucuchú tí pinine ne bosi. Ti ã niri buhiri ã buhiri tirucuina jiahca —niha Jesu tinare.

30 Jesu Espíritu Santo to tuaa mehne watíare to cohápachúta “Tiro watíno to tuaa mehne watíare cohāno nina”, nimaha masa. Ti ã nichú túhoro tí quitire Espíritu Santo quitire yahuha Jesu tinare.

Jesu coyea tirore pjiha

(Mt 12.46-50; Lc 8.19-21)

31 Æ yoa Jesu bahana to pocoro mehne wihia. Æ wihia sopacapú jia, painare pji dutiha tirore. 32 Æ jia masa tiro cahapú dujiina yahuha tirore:

—Mú poco, mû bahana mehne sopacapú pjia nina mûhure —niha tina.

33 Ti ã nichú túhoro ó sehe niha Jesu tinare buhero taro:

—¿Noa jijari yû poco, yû bahana cûhú, mûsa ñûchú?

—niha tiro tinare buhero taro.

34 Æ nino to cahai dujiinare ñûno ó sehe niha:

—Ahrina jira yu poco yu bahana yoaro sehe jiina. Cohamacu cahmaare yoara ahrina. 35 Tó seheta yoaina yu bahu, yu baho, yu poco yoaro seheta jira —ni buheha Jesu tinare.

Jesu wesere toari masuno quitire buheha

(Mt 13.1-9; Lc 8.4-8)

4 1 Ñ yoa pari turi bñcupariro dñhtu cahapu Jesu masare buhe dñcaha tjoa. Ñ tópore buhe dñcaro masa payu tiro cahapu ti cahmachuchu ñuño Jesu sehe dohoriapu samu wijaa, pahsaha. Ñ jia masa sehe bñcupariro dñhtu cahai ducuha. 2 Ñ jiro Jesu payu to tñhotua mehne quiti dahre yahuha tinare buhero taro:

3 —Ahri quitire tñhoga musa —niha tiro tinare.

—Toari masuno toaro, to toaa yaparire doca site cuno wahara. 4 To ã doca site cü wahcachu paye yapari mahai bora caha súha. Ñ bora caha súare tí yaparire minichahca duji ta, chñnocaha. 5 Ñ yoa paye yapari sehe tña wapa bui dihta se mininocá bui bora caha súha. Tña wapa buicá dihta mariea cureroi bora caha sú, dñi dumaha. 6 Ñ dñi duri jipahta, nñhcori mariaa, sú to tuaro sichu, ñiaia wahaha. 7 Paye yapari sehe tja watoi bora caha súha. Tja sehe dia yñhdúa waha, toaa sehere wajñocaha. Ñ jia tja watoi jiare dicha mariachu yoaha. 8 Paye yapari sehe noari yahpai bora caha súha. Noano du, noano dicha tiha. Paye yucu treinta yapari, paye yucu sesenta yapari, paye yucu cien yapari dicha tiha. 9 Ahrire tñho duaina noano tñhoga musa —niha Jesu.

Jesu quiti mehne to buherire yahuha

(Mt 13.10-17; Lc 8.9-10)

10 Ñ yoa ti sahsero jia doce to buheina, paina Jesu mehne jiina cñhu tí quitire masi duaa, Jasure sinitu ñuha. 11 Ti ã sinitu ñuri baharo Jesu õ sehe ni yahuha:

—Cohamacu masa bui pñhtoro masare to noano súho jiare, panopu paina ti masierari cjirire mñsare masichu yoara Cohamacu. Paina sehere ã yoaerara tiro. Ñ jicu tinare quiti mehne dihta buheihtja. 12 Ñ jia tina ñupahta ñueraina cjiri yoaro sehe tjuara. Ñ jia tñhopahta tñho ñaha masisi. Tina tñho ñahaina jia, ti ñaa yoarire cahya, Cohamacure macaboa. Ti ã macachu ñuño, tiro sehe ti ñaa yoari buhirire bonocaboa. Ñ jipachu tina sehe ne tñho duaerara —niha Jesu.

Jesu wesere toari masuno quitire yahu pahñoha

(Mt 13.18-23; Lc 8.11-15)

13 To ã niri baharo õ sehe ni yahu namoha tinare:

—¿Ahri quitire tahoerasinijari m̄usa? ¿M̄usa ahri quitire tahoerana, dohse paye quitire t̄honahcari m̄usa? —niha Jesu tinare.

Ã ni tuhsu tiro õ sehe ni yahuha tinare:

14 —Toari masuno toaro, to doca site cūa yapari noaa buhea yoaro sehe jira. 15 ã yoa mahai boraayapari noaa buhea yoaro sehe jira. Cāina noaa buheare ti t̄hochu ñano Satana sehe ta, tí buhea noaa buheare ti t̄ho ñahamarire bochu yoara tinare, minichahca tí yaparire ti ch̄ro seheta yoaro. 16 ã yoa tāa wapa bui dihta se mininocā bui boraayapari noaa buhea yoaro sehe jira. ã jia paina noaa buheare t̄ho, wahchea mehne dóihta tíre t̄ho n̄n̄u wahcāna. 17 ã t̄ho n̄n̄u wahcāpahta tāa wapa buicā jia yucu n̄hcori mariea yucu yoaro sehe ahrina masa c̄hu yoari pja c̄no pjaerara. ã c̄no pjaeraa, yu yare ti cahmari buhiri paina tinare ti ñano yoachu, ñano yuhdua, yu yare duhunocahna. Paina tinare ti ñano yoachu tíre c̄no pjaeraa, yu yare duhunocahna. 18 ã yoa tja watoi boraayapari noaa buhea yoaro sehe jira. 19 ã jia paina sehe noaa buheare t̄hoa, ahri yahpa macaare wacū n̄n̄u yuhduara. Niñerure bujua cahma, paye baro c̄hure payu cahma, tíre goa pja yuhduara tina. Ti ã tuhtotuchu tí sehe noaa buheare ducatara. Ti ã ducatachu masa noaa sehere yoaerara. Dicha maria yucu yoaro sehetajira. 20 ã yoa noari yahpái boraayapari noaa buhea yoaro sehe jira. ã jia paina sehe noaa buheare t̄hoa tíre cahmana. Tíre masiina jia, Cohamacu to cahmano sehetajoaare yoara tina. Cāina mahanocā noaare yoara treinta yapari dicha tiro sehetajia. Paina bui curero noaare yoara sesenta yapari dicha tiro sehetajia. Paina pjíro noaare yoara cien yapari dicha tiro sehetajia —ni yahuha Jesu tinare.

Jesu sihāria quitire buheha

(Lc 8.16-18)

21 ã ni tuhsu õ sehe ni yahu namoha Jesu:

—Ne, sihāriare ti sihāri baharo tiare dihi biato docapu cuerara. ã jia tiare coāri casario docapu cuerara. M̄hanopu duhu payora noano buhria dutia. 22 Jipihti ti masierari cjurire

baharo masa masiahca. Sihāria to buhriachū mari ñū masino seheta panopure ti masierari cijire masiahca masa. **23** Ahrire noano tūhoga mūsa. **24** Mahanocā masi duana mahanocā masinahca. Pjíro masi duana pjíro masinahca. Å jina mūsa tūhona noano tūho nūnūga. **25** Noano tūho nūnūriro noano masinohca. Tūho nūnūriro “Mahanocā tūhoja”, to nipachūta tí sehe butia waharohca —niha Jesu tinare.

Jesu trigore toariro quitire buheha

26 Å ni tuhsū õ sehe ni yahu namoha:

—Cohamacū masa bui pūhtoro to sūho jia trigore toariro yoaro sehe jira. **27** Toa tuhsū bohrearo to toari duare ñūna tiro. “¿Dohse du wijaa ta būchajari tí?” ni ñū masierara toariro to basi. **28** Tí toari ti basi dicha tira. Pari pūca ji mūhtana. Baharo pari paro wijaa būchara. **29** Tí parori būchua tuhsūchū ñūno pahara. Pahari pja jira. (To toaa ti būcuarire to masieraro seheta Cohamacū yaina masa ti wahachū cūhure yahu pahñō masierara masa) —ni buheha Jesu.

Mostaza yapa quitire yahuha Jesu

(Mt 13.31-32; Lc 13.18-19)

30 Å ni tuhsū õ sehe ni buhe namoha Jesu piti dahre buhero:

—¿Ne Cohamacū masa bui pūhtoro to sūho jia yaba baro yoaro sehe jijari, mūsa tūhotuchū? ¿Di quiti mehne tíre yahunahcari? **31** Mostaza yapacā yoaro sehe jira pūhtoro Cohamacū to sūho jia. Tí yapacā to toachū mahabiari yapacā jira. **32** Å jiparota tí yapacā noano dura. Å jiro pjibiadū wahara. Å jia tū dūpuri būjua dūpuri būchachū ñūa minichahca peri tū dūpuri suhti suhara. (Pjibiadū to wahariro seheta mūano macarirore mari pūhtorore masiina mahainacāti ji mūhtapachūta baharopū tina payū wahaahca) —niha Jesu.

Quiti mehne to buherire yahuha Jesu

(Mt 13.34-35)

33 Å ni tuhsū, tí quiti ti niriro seheta payū quitire tūho ti cūno pjaro puro noaa buheare buheha tinare. **34** Quiti marieno yahueraha tinare. Tuhsū, ti sahsero jiinare Jesu noano yahu pahñoha to buheinare.

Jesu wihnonore yʉsʉ dutiha*(Mt 8.23-27; Lc 8.22-25)*

35 Â yoa tí dachoreta nahi borachupʉ Jesu to buheinare ò sehe niha:

—Basa, sie coapʉ pahājihna —niha tinare.

36 To ã nichʉ tʉhoa Jesu to jiriapʉ dohoriapʉ samu, masare yahpapʉ ducuinare tóihita cū, to buheina dihta Jesure na pahāa wahaha. Â yoa paye bʉso mehne paina cãhʉ tinare piti ti pahāa wahaha. 37 Ti ã pahāchʉ wihnono tuaro taha. Â taro dohoriare pahcōri tuaro cⱥ sāaha. Mahanocā dʉhsamaha ti miniboro. 38 To ã waharo watoi Jesu sehe dohoria oturopʉ suhti puti mehne to dapu ño tu tjiāhno carīno niha. Â jia tina tirore wahcōha.

—Buheriro, mari mini yariana tana nija. ¿Â jica niera putiajari mʉhʉ? —niha tina tirore.

39 Ti ã nichʉta Jesu sehe wahcā, wihnonore:

—Tó purota wā duhuga —niha. Â ninota pahcōri cãhʉre:

—Yʉsʉa wahaga —niha bʉcūparirore.

To ã nichʉta wihnono yʉhdʉa wahaha. Â jia pahcōri cãhʉ yʉsʉ boraan wahaha.

40 —¿Dohse ni cuimacanocana nijari mʉsa? ¿Mʉsa yʉhure wacū tuaerasinijari? —niha Jesu.

41 To ã yoachʉ ñua tina cʉa yʉhdʉa wahaha.

—Cue, ¿dohse jiriro baro masʉno jijari ahriro? Ahri wihnono, pahcōri cãhʉ to dutichʉ yʉhdʉrʉcaerara tirore —niha tina ti basi.

Watĩa ti cohtotarirore noariro wahachʉ yoaha Jesu*(Mt 8.28-34; Lc 8.26-39)*

5 1-2 Â yoa tina sie coapʉ Gerasa macaina ya yahpapʉ pahā sʉha. Pahā sʉ, Jesu sehe dohoriapʉ sãariro maja sʉrʉcaha. To ã maja sʉrʉcari baharocāta, watĩa ti cohtotariro tāa copari, masa copari watoi jiriro wija ta, tiro cahapʉ taha. 3 Tiro watĩa ti cohtotariro masa copari watoi jiriro jia tiha. Tirore ne cãiro coma da pjiri da mehne ñaha dʉhte cūno bihoeraha. 4 Payʉ tahari masa tirore dahpori wʉpōa sorori mehne comaa dari mehne dʉhete timaha. To wamomacari cãhʉre dʉhete timaha. Wiho mejeta tiro sehe comaa darire nuha, dahpori wʉpōa sorori cãhʉre nuha site mʉjaha. Â jia tiro tuariro to jichʉ ñua

masa sehe tirore cjaa bihoeraa tiha. 5 Ñamine, dachore tā yucuripu jia copari tāa copari watoi ã sañurucua tiha tiro. Ā yoa tāa mehne to basi to pjacure cjaye mūjaa tiha tiro. 6 Ā yoa Jesu to majas surucachu yoaropu Jesure ñuroca, tiro cahapu muroca ta, na tuhcua caha sūha, tirore ño payoro taro.

7-8 —Watia wijaahga tirore —niha Jesu.

To ã nichu tuhoro watia ti cohtotariro õ sehe ni sañurucuha:

—Jesu, Cohamacu Jipihtina Bui Jiriro macuno, ¿yabare yoai tai nijari mūhu yuhure? Cohamacu to ñurocaroi sinija yuhu mūhure. Yuhure ñano yoai tjiga —ni sañurucuha watia ti cohtotariro Jesure.

9 —¿Yabariro wama tijari mūhu? —niha Jesu tirore.

—Sā payu jija. Ā jina “Payu watia”, wama tija. 10 Ahri dihtapu jiinare sāre pa yahpapu waha dutiec u tjiga —ni payu tahari siniha watia ti cohtotariro.

11 Tí pjare ti cahacái tūcu dahpotoi yesea nuina payu chua niha. 12 Tói ti churucuchu ñua õ sehe ni siniha watia:

—Sina yesea cahapu warocaga sāre ti pjacuripu sā sāahto sehe —ni siniha watia tirore.

13 Ti ã nichu tuhoro “Jai. Wahaga”, niha Jesu. To ã dutichu, watia masunopu jirina cjiri sehe wijaa, yesea pjacuripu sāaha. Tina yesea sehe payu waro jiha, dos mil. Ā yoa tinare ti sāari baharo, yesea jipihtina būcupariro dūhtu cahapu pari cūnupu muroca buha, tí taropu bora ñoja, mini yaria pihtia wahaha.

14 Ti ã mini yariachu ñua yesearé ñu wihiboina sehe muroca wahcā, pjiri macapu cūhure, daa macaricāpu cūhure tīre yahu sitea wahaha. Ti ã yahuchu tūhoa, masa sehe payu ti ã waharire ñua wahaha. 15 Ā jia Jesu cahapu wihia, payu watia ti cohtotariro cjiro to suhti tiriro, tūho masiriro to dujichu ñua, cui niha. 16 Watia ti cohtotariro cjirore, yesea cūhure ti ã waharire ñuina sehe paina masa ti cahai wihiinare noano yahu pahnoha. 17 Ti ã yahu pahnochu tūhoa, Jesure tuaro mehne pa sehepayu waha dutiha.

18 Ā yoa dohoriapu Jesu to samuchu ñu, “Mūhu mehne waha duaja” ni, tuaro sinimaha watia ti cohtotariro cjiro sehe Jesure. 19 To ã nichu Jesu tirore õ sehe ni yahuha:

—Yuhu mehne taecu tjiga. Mu ya wuhupu mu coyea cahapu yuhu mu puhtoro mūhure yu yoarire yahui wahaga. Mūhure yu pja ñuire yahuga tinare —niha tirore.

20 To ã nichu watia ti sãanoriro cjiro sehe Decapoli wama tiropu jia macaripu Jesu tirore to yoari cjurire yahu ducaha. To ã ni yahuchu tuhoa jipihtina masa chaa wahaha.

Jairo maconore yuhdachu yoa, cahã ñuricoro

cuhure yuhdachu yoaha Jesu

(Mt 9.18-26; Lc 8.40-56)

21 Æ yoa pari turi Jesu to majare pahã suchu masa payu tiro cahapu buchpariro duhtu cahapu cahmachuha. **22** Ti ã cahmachuchu sã judio masa buheri wuhure ñu wihiboriro Jairo wama tiriro wihi, Jesure ñu, to dahpori cahapu na tuhcua caha suro, **23** õ sehe niha:

—Yu macocã yariaro nihre. Æ jicu ticorore mu wamomaca mehne ña payo, noaricoro yoai taga. Mu ã yoachu ticoro masanohca —niha tiro Jesure.

24 To ã nichu Jesu cahu sehe tiro mehne wahaha. Mahai to wahachu payu masa tirore nunti wahcu bihsaro suracuuha tirore. **25** To ã bihsaro wahachu numino doce cuhmari waro dachoripe cahã ñurucuricoro tóji jiha. Tó pano payu duhturua ticorore ñano yuhdachu yoaha. **26** Æ yoa duhturuare jipihtia to niñeru mehne wapamaha ticoro co tiro. Ti ã yoapachuta ticoro munanota jirucuha. Æ jiro ticoro tó pano to jiriro yuhdoro ñano wahaha. **27** To ã ñano yuhdurico to jichu masia Jesu to yoarire tuhoa paina tíre yahuha ticorore. Æ ti yahuchu tuhoru ticoro Jesu baharo masa payu watoi wihi, Jesu suhtirore ñaha ñuha. **28** “Yuhu to suhtiro dihtare ñaha ñuco noaricoro wahacohca”, ni tuhotuha. **29** Æ jiro ticoro to ñaha ñuri baharo to cahã ñuare duhuro to pjacure noari pjacu tuhotuha. **30** Æ jiro Jesu to tuaa mehne dohatiare to cohãrire masino, masa watoi majare ñuha.

—¿Noa yu suhtirore ñaha ñuri? —niha tiro.

31 To ã nichu tuhoa to buheina õ sehe niha:

—Bihsa nina. Æ jia masa payu muchure pihanocahna. “¿Noa yuhure ñaha ñuri?” nicu, ¿dohseacu ã nijari muchu? —niha tina sehe tirore.

32 Æ jiro Jesu tirore ñaha ñuricorore macaha. **33** To ã macano watoi ticoro sehe to pjacu noano wahachu tuhoturo cui, tetere na tuhcua caha suha to panoi tirore ño payoro. **34** Æ jiro ticoro poto yahu pahñoha tirore. To ã ni yahuri baharo Jesu ticorore õ sehe ni yahuha:

—Maco, yuhure mu wacū tuaa mehne noaricoro tjuara mipure. Wahchea mehne wahaga. Dohatia marienicoro jiga —niha Jesu ticorore.

35 To ã ni durucuro watoi judio masare buheri wuhure ñu wihboriro ya wuhu macaina yahua wihiha:

—Mu maco yariaa wahahre. ã jicu buherirore pji tai tjiga —niha tina.

36 Ti ã nipachuta ã tħotunocahno, Jesu ñu wihborirore õ sehe ni yahuha:

—Cahya tħotui tjiga. Yuhure wacū tuaga. Tí dihtare yoaga —niha ñu wihborirore.

37 ã ni tuhsu Santiago, to bahro João, Pedro tina dihtare “Yuhu mehne taga”, niha Jesu. 38 ã pji wahcāno sā judio masa buheri wuhure ñu wihboriro ya wuhupu saha tina. Tí wuhupu masa payu ñano bisi, ñahacaha tiia ti sañurucuchu ñuha Jesu.

39 —Ñano ni, ñahacaha tiiena tjiga musa. Maharicorocā musa ã ni tiichu yariaerara. Carino nina —niha Jesu tinare.

40 To ã nichu tħoħa “Ã nimacanocano nina aħriro”, ni bujaha tina sehe tirore. Ti ã yoachu tiro tinare sopacapu wio pahñonocaha. ã wio tuhsuero maharicorocā pħċusumare, tiro mehne macaina cħħure ticorocā caħapu naaha Jesu.

41 ã naa tuhsuero Jesu tħorocāre to wamomacare ñaha:

—Talita cumi —niha tiro. (“Talita cumi” nino, “Maharicorocā wahcāga”, nija yuhu”, nino nina.)

42 To ã nichu tħorocā wahcārħu sħa, tiniha. Doce cħħmari cħħaricoro jiha ticoro. Ticorore to ã yoachu ñha tina cħa yuhdha wahaha. 43 Ti ã yoachu ñuno, Jesu tuaro mehne tiré to yoarire yahu site dutieraha. ã yoa tuhsu tħorore chħa wa dutiha.

Nazare macaina Jesure cahmaeraha

(Mt 13.53-58; Lc 4.16-30)

6 1 ã yoa tópu jiriro waha, Jesu to buheina mehne to ya diħtapu tju sħa. 2 ã tju sħru Sabado jichu sā judio masa buheri wuhu buhe dħacħa Jesu. To ã buhechha masa payu tirore tħoħa, cħaa wahaha.

—Cue, ġaħriro nohopu tħoari ahri buheare? Dohsearo noano masi pahñonocajari aħriro? Cohamach tuaa mehne yoa ñona tiro to basi. 3 Aħriro taboa dahrari masuño María macuño,

Santiago, José, Juda, Simo ti wahmino jimanaro. Ñ yo a to bahana numia mari ya macai jisinimanabu. Ñ jiro tiro mari yoaro sehe jiriro tjira —niha tina Jesure t̄homarina.

Â jia Jesure ñu tuhtia, tirore cahmaeraha. **4** Ti ã cahmaerachu ñu no õ sehe niha Jesu:

—Cohamacu yare yahu m̄htarirore paina ño payora. Ti ã ño payopachu to ya maca macaina, to coyea, to ya wuhui jiina ño payoerara tirore. Â jina yuhure ño payoerara m̄usa õi yu bucuariro jichu —niha Jesu tinare.

5 Â jiro tí macai jiro Jesu Cohamacu tuaa mehne yo a ño masieraha. Â yo a eraparota cāina dohatiina bui to wamomacare duhu payo, noaina wahachu yoaha tiro. **6** Â jiro tó macaina Jesure ti quihōno t̄hoerachu ñu no cuaa wahaha tiro. Â jiro Jesu tó cahai jia macaripu buhero wahaha.

Jesu doce buheinare buhe dutiro warocaha

(Mt 10.5-15; Lc 9.1-6)

7 Â yo a Jesu doce to buheinare pjiroca, puaro dihta warocaha tinare macaripure buhe dutiro. Â jiro to tuaare waha tinare watíare ti cohā wiohto sehe. **8** Â warocaro pāore, wajure, niñerure tiro naa dutieraha tinare. Ti tjuayucu dihtare naa dutiha. **9** Â ni tuhsu, dahpori tu cua cahsarire sāa dutiha tinare. Cūnota suhtirore sāa dutiha tinare. Puaro sāa dutieraha.

10 Â jiro õ sehe ni yahuha tinare:

—Jipihtia macaripu m̄sare ti carño wachu tí wuhuihta tjuasiniga. Coā wahanapu wijaahga tí wuhure. **11** Â jina pa maca macaina m̄sare ti cahmaerachu, ti t̄ho duaerachu tí macare yuhduana dahpori macaa dihta pohcari mene wajā site cūga m̄usa tinare ti ya buhirire masichu yoana —ni yahuha Jesu tinare.

12 Â jia tina doce buheina masare ti ñaa t̄hotumari cijire t̄hotu cohtota duti, Cohamacure maca duti, buhea wahaha.

13 Â wahaa payu watíare cohā wio, dohatiinare se mehne wisōa, noaina wahachu yoaha.

João masare bautisarirore paina wajāha

(Mt 14.1-12; Lc 9.7-9)

14 Â yo a Jesure masa payu masiha. Â jiro to yoarire puhtoro Herode t̄horocaha. Â t̄horocaro õ sehe ni t̄hotumaha tiro paina mehne:

—João masare bautisariro yariariro cjiro pari turi bajuaro nica. Ú bajuariro jiro to tuaa mehne tíre yoaro nica —ni durucumaha Herode paina mehne. (“Jesu Joãota jira”, ni tûhotumaha.) 15 Paina sehe ò sehe ni tûhotumaha:

—Elia jira —ni tûhotumaha.

Paina sehe:

—Cohamacù yare yahu mûhtariro panopù macaina cjiри yoaro sehe jira tiro —ni tûhotumaha Jesure.

16 Ti ã ni tûhotupachùta Herode sehe Jesu to yoarire tûhoró ò sehe ni tûhotumaha:

—João dapure yù cjà ta dutiriro cjiro bajuaro nica —ni tûhotumaha.

17-18 Joãore ti wajáhto pano Herode tirore ñaha duti, peresu yoa dutiha. Tó pano Herode to bahúro Felipe namonore Herodiare namo tiha.

—Mù bahù namonore namo ticù Cohamacù dutiare yuhdúrúcaí nica mûhù —ni yahumaha João Herodere.

To ã niri buhiri to namono Herodia Joãore peresu ti yoachù cahmaha. 19 Ú jiro ticoro sehe Joãore ñù tuhtiro, tirore wajá duti duamaha. Ú yoa duaparota ticoro tirore wajá duti masieraha. 20 Herode Joãore cuiro, “João noaare yoariro, ñaa buhiri marieriro jira”, ni tûhotuha. Ú jiro Herodere cariboro yoha João sehe tirore yahuro. Ú to caribopachùta tiro wahchea mehne tûhomaha João. 21 To ã wahchea mehne tûhopachùta Herodia tirore to wajá dutihi dacho mù súha. Tí pjare Herode to masa bajuari dacho jichù tiro bose nûmù dahreha. Ú jia to gobierno macaina, to surara pûhtoa, Galilea macaina pûhtoa cûhù to ya bose nûmûre ñúa wihiha. 22 Ti ã wihihi baharo Herodia macono bose nûmù ñûno wihiro ti ñûrocaroi basa ñoha. To ã basa ñochù ñúa Herode to pjirocaina mehne wahcheha. Ú jiro ò sehe niha Herode ticorore:

—Mù cahmaare siniga yuhûre. Ú jicù waihtja mûhûre mù cahmaare. 23 Cohamacù mehne potocâ nii niija mûhûre. Mù sinino puro yù yare dacho macai waihtja mûhûre —niha tiro ticorore.

24 To ã nichù tûhoró ticoro Herodia macono sehe to pocoro cahapù waha, ò sehe ni sinituha:

—¿Yabare sinicohcari yuhû? —ni sinituha ticoro to pocorore.

—João masare bautisariro dapure siniga —niha to pocoro.

25 To ã nichʉta ticoro Herodia macono ño duaro mehne pʉhtoro Herode cahapʉ waha, siniha:

—João masare bautisariro dapure waparo mehne waga yʉhʉre —niha ticoro.

26 To ã nichʉ tʉhoro pʉhtoro Herode sehe tuaro cahyaha. Masa ti ñurocaroi “Waihtja mʉhʉre”, ni tuhsʉha tiro. Â jiro bʉo tiro “Mʉhʉre waeraja”, ni masieraha ticorore. 27 Â jiro dóihta surarare peresupʉ jiinare cohtarirore João dapure cjā ta, na ta dutiha. 28 To ã dutichʉ tʉhoro surara sehe waha, to dapure cjā ta, waparo mehne na taha. Na ta tuhsʉ, nuhminore Herodia maconore waha. To ã wachʉ ticoro to dapure ñaha, to pocorore yʉhdoha.

29 Â jia João buheina sehe tíre tʉhoa tópʉre waha, to pjacʉ cjiroke na wahcā, tācapʉ ti sahari copapʉ na sāa duhu payoha.

Jesu cinco mil bui masare chʉa waha

(Mt 14.13-21; Lc 9.10-17; Jn 6.1-14)

30 Â yoa Jesu to warocarina to cahapʉ tju sua, ti yoarire ti buherire yahuha tirore. 31 Tí pjare masa payʉ ã majarerucua, tinare chʉro waeraha. Â jiro õ sehe niha Jesu tinare:

—Masa marienopʉ mari sahsero sosinina wahajihna —niha tinare.

32 Â jia tina ti sahsero dohoria mehne masa marienopʉ wahaha. 33 Ti ã wahachʉ ñua masa payʉ tinare masiha. Â masia payʉ macari macaina mahapʉ waha, Jesu to sʉhtopʉ tina masa sehe mʉroca wahcā sʉ mʉhtaha. 34 Ti ã sʉchʉ Jesu wahā sʉ, bʉsocapʉ sāariro majano, tiro masa payʉ jiinare ñʉha. Oveja pʉa marieina yoaro sehe jiha tina masa, to ñʉchʉ. Â jiro Jesu tinare pja ñʉno, payʉ noaare buhea tiha tinare.

35 Ñamichahapʉ doce buheina Jesu cahapʉ sʉ õ sehe niha:

—Ó masa marienopʉ jira. Ñamichahapʉ jira. 36 Ó cahacāi jia macaripʉ daa macaricāpʉ, bʉjʉa macaripʉ ti chʉhtire nuchʉ dutiga masare ti puhi tihti cjihtire —niha tina Jesure.

37 —Chʉare waga tinare —nimaha Jesu to buheinare.

To ã nichʉ õ sehe ni yʉhtiha:

—¿Dos cientos dachori dahrari wapa niñeru mehne ti chʉhti pāore nuchʉbocari sã? —niha tina Jesure.

38 —¿Nohope curiri pāo curiri jijari? Ñʉna wahaga —niha tiro.

To ã nichʉ tina sehe chʉare boca õ sehe niha:



—Cū wamomaca pihtia curiri pāo curiri, p̄uaro wahi jira
—niha tina.

39 Ti ã nichu t̄uhoro Jesu sehe pja curuari tja bui duji dutiha masare. 40 To ã duji dutiri baharo tina pja curuari dujiha. Cāa curuari cincuenta masa jiha. Paye curuari sehe cien masa jiha. 41 Ti ã duji tuhsuchu ñuño Jesu sehe cū wamomaca pihtia curiri pāo curirire, p̄uaro wahi mehne na, m̄uanopu ñuha. Å ñuño Cohamacure “Noana”, niha. To ã niri baharo pāo curirire nuha, to buheinare masare witi dutiro waha. Å yoa tuhsu, p̄uaro wahire witi dutiha jipihtinare. 42 Å jia jipihtina chu, yapi yuhdua wahaha. 43 Ti yapi wahyorire doce puhuse waro pāore, wahi cūhure na cahmachu wahpo dapoha tina. 44 Å yoa pāore chūna m̄ua dihtare ti quihochu cinco mil m̄ua jiha. (Numia cūh, macanacā cūh tōi chūna jiha.)

Jesu co bui ducu wahcāha
(Mt 14.22-27; Jn 6.16-21)

45 Tí pjata Jesu to buheinare dohoriapu samu duti, sie coapu Betsaidapu to pano pahāyu dutiha. Å jiro ti pahāri baharo Jesu sehe masare coha sitiha. 46 Coha siti tuhsu tūcupu Cohamacure

sinino wahaha. **47** Baharo ñamipu dohoriay bñcupariro dacho macai ti pahärucuchu Jesu cñirota ti pahä tariropu jiha.

48 Tópu jiro, tina ñano yuhdu ti wajachu ti panoi wiñonono tachu ñurocaha tiro. Ä jiro bohrea maja tahto pano tina cahapu waharo co bui ducu wahcäha. Tinare tiro yuhdu wahcä duamaha. **49** To yuhdu wahcä duapachuta tirore co bui to tachu ñua, “Yariariro cjiro jiboca”, ni tñhotumaha tina. Ä ni tñhotua tina sañurucuha. **50** Jipihtina tirore ñua, ñu cua waha, sañurucuha. Ti ä ñu cuchu ñuno Jesu tinare õ sehe ni yahuha:

—Ne, yuhure cuiena tjiga. Yuhuta jija —niha tinare.

51 Ä ni tuhsu tiro tina mehne dohoriapu samua wahaha. To samuri baharocäta wiñonono yuhdua wahaha. To ä wahachu tina sehe cua yuhdua wahaha. **52** To pao payu yoarire wacüeraha tina. Tua yuhduariro to jiare noano tuho ñahaerahua.

Jesu Genesare macainare, dohatiinare noaina wahachu yoaha

(Mt 14.34-36)

53 Ä yoa tina pahä su, Genesare dihtapu wahä su, tia dohoriare dñhte poho, dñhtu cahapu pahsaha. **54** Ä yoa tina dohoriapu jiina ti majachuta masa sehe Jesure ñu masiha.

55 Ä ñu masia jipihtiro ti ya yahpapu muñroca maja, dohatiinare ti coña cahsari mehne yo wahcä, suha Jesu cahapu. “Jesu tópu jihre”, masa ti nichu tuhoa to cahapu suha tina. **56** Ä jia jipihtia macari to sua macaripu, bujua macaripu, daa macaricäpu, pache duaina cahapu, masa dohatiinare ti cñnopu Jesure to suhtiro dñhtu cahare ñaha ñu dua tuaro siniha tina:

—Mu suhtiro dñhtu caha dihtare sâre ñaha ñu dutiga —ni siniha.

Ä jia to suhtirore ñaha ñuñinape tópeinata noaina wahaa tiha.

Masa ñaina wahachu yoare yahuha Jesu

(Mt 15.1-20)

7 **1** Ä yoa Jerusalépü tarina sâ coyea judio masare buheina, fariseo curua macaina cñhu Jesu cahapu cahmachuha.

2-4 Fariseo curua macaina jipihtina paina judio masa cñhu ti ñuchusuma cjiripu ti yoa dutiriro sehetu wamo cosaro marieno chüera tiha. Ä jia pache duaina cahapu waha, su, majare tju wihiina cñhu ti yoa dutiriro sehetu wamo cosaro marieno chüera tiha. Payu paye dutia cñhure ti ñuchusuma cjiripu ti

yoa dutiare yoa tiha. Tasa waparire cosaa, dihi biatorire cosaa, comaa biatorire cosaa, yoa tiha tina judio masa, "Cohamacth ã cahmana", nia. Å jia sã coyea judio masare buheina, fariseo curua macaina cûhû Jesu cahapû cahmachua, Jesu buheina wamo cosaro marieno ti chuchu ñuha. 5 Å ñu tuhsua Jesure õ sehe ni sinituha:

—Mu buheina chua, mari nuchusuma ejiri ti yoa dutiriro ejiro seheta ti wamomacarine wamo cosaerara. ¿Dohse yoa mari dutiare yoerajari? —niha tina Jesure.

6 Ti ã nichu tūhoro Jesu ō sehe ni yahuha tinare:

—Masa ti baharo būhusehei ñano yoa cohtaina jira mūsa. Panopure Cohamacu yare yahu māhtariro cjiro Isaia potocāta yahuro niri jira mūsa yoaro sehe tūhoerainare. Õ sehe ni yahu, joaa tiha tiro:

“Ahrina masa yuhare noano durucupahta ti
tuhotuapu yuhare ne ño payoerara.

7 Å jia yuhure ti ño payoa yaba cjihti jierara.

‘Cohamacʉ ya dutia jira ahri’, ni mahñó buhera ti ya buhea sehere”,

ni joaha Isaia cjiro. 8 Tí potocă tjira. Cohamacă ya dutia sehere duhu, masa ti yoa dutia sehere cohtota yoa yuhdurucă sua tira măsa. 9 Cohamacă ya dutiare cohăna, măsa coyea ya dutia sehere yoara măsa. 10 Ô sehe yoana Cohamacă ya sehere yuhdurucana nina măsa: Panopărë õ sehe niha Cohamacă Moise cjiro to joariro sehetă: "Măsa păcăsumare ño payoga. Căiro to păcăsumare ñano quiti dahreriro jiro tí buhiri ti wajăhtiro cjihto jirohca", niha Cohamacă Moise cjiore to cûri dutiai. 11 To ã nipachăta õ sehe yoa dutira măsa ti păcăsumare yoadoho dutierana: Ti păcăsumare ti waborire Cohamacă sehere wa dutira măsa. 12 Ñi buhemana măsa. 13 Ñi buhena ti păcăsumare ño payochă yoaerara măsa tinare. 14 Ñi yoana Cohamacă dutiare yuhdurucana nina măsa mari ñuchusuma cjiri ya dutia sehere yoana. Painare măsa buhea dihtare tăho dutira măsa. Payă tó sehe jiare yoara măsa —niha Jesu tinare.

14 Å ni tuhsüro paina cühure pjirocaha tiro. Õ sehe niha tinare:

—Musa jipihtina yahure tuhona taga. Tuhsu ya niare noano tuho ñahaga musa. 15 Musa duserire sā sehe musa chua sehe musare buhiri tichu yoarerara. Ñaare musa tūhotua sehe

m̄usare ñaina jich̄ yoara. 16 [Yuhure noano t̄hoga m̄usa]
—niha Jesu.

17 Tinare ã ni yahu tuhs̄u Jesu masa cahap̄ jiriro ejiro waha, wuhup̄ sāa wahaha. ã to sāa s̄uch̄ ñua to buheina sehe to buherire sinitu ñuha. Ti ã sinitu ñuch̄ t̄horo õ sehe niha tiro:

18 —¿Musa c̄uh̄ ne t̄ho ñahaerasinijari tíre? Musa d̄userire sāa sehe m̄usa ch̄ua sehe m̄usare ñaina jich̄ yoarerara, Cohamac̄ to ñuch̄. 19 Tí m̄usa t̄hotuap̄re sāerara. Musa pjarop̄ sāa su, yuhdu wijaa wahara —niha Jesu.

Ã nino “Jipihtia ch̄ua noaa jira”, nino niha. 20 ã yoa õ sehe ni namoha tjoa:

—Musa ñaa durucua sehe m̄usa d̄useri wijaa sehe m̄usare ñaina jich̄ yoara, Cohamac̄ to ñuch̄. 21-22 Ñano t̄hotua, numia mehne ñano yoarucua, yacaa, masare wajāa, namo tirirop̄ jiparota pacorore man̄e t̄ricorore w̄ana tia, pairo yare tuaro cjoa, ñano yoaa, mahñoa, b̄eo tiro marieno ñaa yoaa, paina ti c̄uaare ñu yabia, ñano quiti dahrea, “Painare yuhd̄ur̄caja”, ni t̄hotua, t̄ho masieraina jia, tí jipihtia m̄usare m̄usa t̄hotuap̄ tara. 23 Jipihtia ahri ñaa m̄usa t̄hotuap̄ taa, m̄usare ñaina jich̄ yoara, Cohamac̄ to ñuch̄ —niha Jesu.

Judio masono jieraricoro Jesure wacū tuaha

(Mt 15.21-28)

24 ã ni tuhs̄ro Tiro wama tiri maca cahap̄, Sidō wama tiri maca cahap̄ suo tó macari wuhup̄ sāa wahaha. ã sāahno painare to jiri wuhure yahu dutieraha. ã yahu dutieraparota tinare tiro duhti masieraha. 25 Tí pjareta numino to macono watino to cohtotaricoro to cahai jiha. ã jia Jesu yoarire ñua paina to pocorore yahuha. Ti ã yahuri baharo to pocoro sehe waha, Jesu dahpori cahap̄ na tuhcua caha s̄uha tirore ño payoro. 26 Ticoro Sirofenicia wama tiri yahpa macaricoro jiha.

—Wat̄inore cohā wiosiniga yu macore —ni siniha ticoro Jesure.

27 To ã sinich̄ t̄horo õ sehe niha Jesu:

—Wahmanore wuhu puro pohna ya ch̄are dieyacāre yu wa muhtach̄ tó wahaerara. Israe masa yare pa yahpa macainare yu wa muhtach̄ tó wahaerara —niha Jesu ticoiore piti dahre yahuro.

28 —Ã tjira puhtoro. Ã jipachuta dieyacã cãhã mesa docai ti pohna ti chã site boroare chã cohtara tinacã cãhã. (Pa yahpa macaricoro yu jipachuta yuhã cãhure yoadoho masina muhã) —ni yahitiha ticoro.

29 —Mu ã ni yahitichã mu macore watino wijaa tuhsuhre. Ñaco wahaga —niha Jesu ticorore.

30 To ã nichã tãhoro majare tjuaa, to wuhupu tju suo, to maconore watino marienicorore camapu jiricorore ñuha.

**Cahmono tãhoerariore, durucu masierariore
noariro wahachã yoaha Jesu**

31 Tí pjare Jesu Tiro wama tiri maca cahapu jiriro waha, Sidõ wama tiri macare su yahdu wahcã, Decapoli wama tiropu jia macarine su yahdu wahcã, Galilea wama tiri bucúpariropu suha juna. 32 ã jia cahmono tãhoerariore, noano durucu masierariore Jesu cahapu na wihihha paina.

—Mu wamomaca mehne ña payoga tirore —ni siniha tina tirore.

33 Ti ã nichãta Jesu sehe tãhoerariore na wahcã, masa marienopu suho suha. Ti sahsero jiha. Tuhsu, Jesu to wamo picari mehne tãhoerariro cahmo coparire be sôha. ã yoa tuhsu, chahcho puti, to ñahmanore ña payoha.

34 ã yoa tuhsu muhanopu ñu muo, yajeri na, õ sehe niha:

—Efata —niha Jesu. (“Efata” nino, “Pjöohga”, nino nina. ã nino tirore tãho dutiro niha. ã nino noano durucu dutiro niha.)

35 To ã nichãta tiro sehe tãho boca, to ñahmano bidaro wahachã tãhoturo noano durucuha. 36 ã jiro Jesu tinare tîre painare yahu site dutieraha. To ã yahu site dutierachã tãhopahta tina sehe painare yahu site namoha. 37 ã jia masa tãho cua yahdua waha, õ sehe niha:

—Jipihiare tiro noano yoara. Tãhoerainare noano tãhochã yoara. Durucu masieraina cãhure noano durucuchã yoara Jesu —niha masa.

**Cuatro mil bui masare chhare waha Jesu
(Mt 15.32-39)**

8 1 Tí pjare pari turi masa payu ti cahmachuri baharo chhã maeraina ti jichu ñuno Jesu to buheinare pjirocaha:

2 —Ahrina masa tia dacho waro yuhã mehne ji tuhsura. ã yoa tinare puhi mariahna. Ti puhi maerachã ñucu tinare

pja ñūja yūhu. 3 Paina tina mehne macaina yoaropu tahre. “Tinapu jüca baaina mahai borari”, nicu tinare chua marieno ti wuhusepu waha duti duaeraja. Å jicu tinare puhi wa duaja —niha Jesu to buheinare.

4 —¿Dohse yoa mari õre masa marienopure paōre boca wabocari mari? —niha to buheina sehe Jesure.

5 —¿Nohope curiri paō curirire cjuajari m̄usa? —ni sinituha Jesu.

—Siete curiri jira —niha tina.

6 Ti å ni yuhtichu t̄uhoro, tiro masare yahpai duji duti, siete curirire paō curirire na, Cohamacure “Noana”, niha. Å ni tuhsu, tí curirire nuha, to buheinare wa, masare witi dutiha. To å dutiri baharo to buheina sehe paōre masare witiha. 7 Å jia wahi c̄uhure mahainac̄a cjuaha tina. Å jiro tinare Cohamacure “Noana” ni, wahi c̄uhure witi dutiha. 8 Ti witi tuhsuchu tina chua, yapi yuhdúa wahaha. Ti yapi wahyorire siete puhuse waro wahpo dapoha tina. Tina cuatro mil bui masa jiha. 9-10 Å yoa tuhsu Jesu masare coha sitiha. Coha siti tuhsu to buheina mehne dohoriapu samuha. Samu tuhsu Dalmanuta wama tiro cahapu wahaha.

Fariseo curua macaina Jesure Cohamacu

tuaa mehne yoa ño dutiha

(Mt 16.1-4; Lc 12.54-56)

11 Å yoa fariseo curua macaina wihi, Jesu mehne cahma sayoha. Tina Jesure Cohamacu tuaa mehne yoa ño dutia, to yoa ño masierachu ñū duamaha. 12 Ti å dutichu t̄uhoro Jesu cahyaro mehne yajeri sâano, õ sehe niha:

—¿M̄usa mipu macaina dohse yoana m̄usa Cohamacu tuaa mehne yoa ñoare ñū duajari? Potocâ niita nija m̄usare. Mipu macainare m̄usare Cohamacu tuaa mehne ne yoa ñosi yūhu —niha Jesu.

13 Å ni tuhsu waha, pari turi dohoriapu samu, sie coapu pahâa wahaha.

Fariseo curua macaina, Herode mehne macaina

c̄uhure ñaare ti buheare yahuha Jesu

(Mt 16.5-12)

14 Å wahaa, paōre boa waha, dohoriai c̄u curita paōre cjuaha tina. 15 Å yoa Jesu cuaro mehne yahuha tinare:

—Noano yoanohba. Fariseo curua macaina, Herode mehne macaina cūha ti pao bucharore ñuna noano yoaga. Cua nina tí —ni yahuha.

16 To ã nichu tuhoa tina to buheina sehe tíre ti basi õ sehe ni durucuha:

—Mari pāore mari na taerachu ñuno ã nino nica ahriro —nimaha tina ti basi.

17 Ti ã nirire masino tinare õ sehe ni sinituha Jesu:

—¿Dohse yoana musa pao borire wacūjari musa? ¿Musa masierasinijari? ¿Tuho ñahaerasinijari? ¿Tuho duaerajari musa? 18 ¿Capari tiina jipanahta ñuerajari musa? ¿Ã jina cahmori tiina jipanahta tuhoerajari musa? ¿Musa ahrire wacūerajari? 19 ¿Yuhu cū wamomaca pihtia pao curirire nuha, cinco mil bui masare yu warire wacūerajari musa? ¿Ti yapi wahyorire nohope pūhusere pao curirire wahpo daporí musa? —niha Jesu tinare.

—Doce pūhuse —ni yuhtiha tina tirore.

20 —¿Ã yoa yuhu siete curirire pao curirire cuatro mil bui masare yu warire wacūerajari musa? ¿Ti yapi wahpo daporí musa? —niha Jesu.

—Siete pūhuse —ni yuhtiha tina tirore.

21 —¿Ã ñupanahta noano tuho ñahaerasinijari musa? —niha Jesu tinare.

Jesu capari ñuerarirore ñuchu yoaha

22 ã yoa tina Betsaidapu ti suchu ñuha, masa sehe capari ñuerarirore na wihia.

—Tirore ña payoga —ni, tuaro siniha tina Jesure.

23 Ti ã sinichu tuhoru, Jesu capari ñuerariro wamomacare ñuha, tí maca duhtu cahapu tirore tuã wahcāha. Tópu na su, to caparire chahcho puti, to wamomacari mehne tirore ña payoha.

—¿Mu ñuchu bajujari? —ni sinituha Jesu.

24 To ã nichu tiro sehe ñuno, õ sehe niha:

—Muare ñuja. Yu ã ñupachuta tina yucūri tinia yucū yoaro sehe bajura —niha capari ñuerariro cjiro.

25 To ã nichu tuhoru Jesu sehe to wamomacari mehne to caparire ña payoha tjoa. To ã ña payori baharo capari ñuerariro cjiro tuaro to ñuchu to capari noano bajuha. ã yoaro jipihtiare

noano ñha tiro. 26 To ã ñha masichu ñno, Jesu tirore to wuhupu warocaha.

—Macapu pinihare wahai tjiga —niha Jesu tirore.

“Jesu potocā Cristo, Cohamacu to warocariro jira”, ni yahuha Pedro
(Mt 16.13-20; Lc 9.18-21)

27 Å yoa Jesu to buheina mehne Cesarea Filipo wama tiri maca cahai jia macaripu waha namoha. Tópu ti waharo wato, Jesu õ sehe ni sinitu ñha to buheinare:

—¿Diro baro jicari yuhu masa yuhure ti tuhotuchu? —ni sinitu ñha tiro tinare.

28 To ã sinitu ñuchu tuhua õ sehe ni yuhtiha tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacu yare yahu muhtaina cjiri mehne macariro jira”, nina muhure —ni yuhtiha to buheina tirore.

29 Ti ã ni yuhtiri baharo Jesu õ sehe ni sinitu namoha tinare:

—¿Musa sehe musa tuhotuchu diro baro jicari yuhu? —ni sinitu ñha tjoa.

—Muhu Cristo Cohamacu masare yuhdo duti to warocariro jira —ni yuhtiha Pedro.

30 To ã nichu tuhoro Jesu õ sehe niha:

—Yuhure “Cristo jira tiro”, ni yahu sitesinieno tjiga painare —niha tinare.

Jesu to yariahtore, to masa wijaahto cuhure yahuha

(Mt 16.21-28; Lc 9.22-27)

31 Tinare to ã ni sinitu ñuri baharo, õ sehe ni buhe ducaha tiro:

—Yuhu masuno Cohamacu warocariro jija. Å jicu tuaro ñano yuhducuhca. Åta waharo cahmana yuhure. Mari coyea judio masa, bucuna, sacerdotea puhtoa, mari judio masare buheina yuhure cahmaeraa, yuhure wajā dutiahca. Ti ã wajāchu tia dacho wahaboroi masa wijaaihca —niha Jesu tinare.

32 Å nino ne tuhu wisiachu yoaro marieno yahuro niha tinare. To ã nichu tuhoro Pedro sehe pa sehe curerocā Jesure

narucu sū, tirore ã ni dutieraha. 33 To ã ni dutierachu tuhoro Jesu to buheinare majare ñu, tuhtiha Pedrore:

—Satana yoaro sehe durucui nina mūhū. Ñ nii tjiga. Mu tuhotua masa ya jira. Cohamacu ya jierara —niha tiro Pedrore.

34 Ñ ni tuhsu masare to buheina mehne tiro cahapu pjiroca, õ sehe niha:

—Cūiro yu yairo ji duaro, to cahmano yoa duamarire duhunocanohca. Ñ jiro crusapu yu ñano yuhdūhtiro sehetra tiro yu yairo to jiri buhiri ñano yuhdūparota yuhure duhusi. Ñ jiro yu yare yoarucuriro jirohca. 35 Masuño to mu suro to cahmano sehetra yoariro pichacapu tiro waharohca. Ñ yoa masuño yu yare ã yoarucuro, noaa buheare ã yoarucuro, jipihtia dachoripe yuhu mehne muñanopu jirucurohca. 36 ¿Cūiro masuño ahri yahpa macaare jipihtiare cjuariro pichacapu waharo yabare wapatajari tiro? Ñ jiriro ne wapataerara. 37 Pichacapu to wahachu ne dohse wapa wiohto basioerara. Masuño to jia tia wiho waro jierara. 38 Mipure ñaina, Cohamacure cahmaeraina ti mu suro ti yoari dacho jiro nina. Caina yu wamare, yu buheare ni dua būo tiboca. Ti ã yoachu ñuchu yuhu masuño Cohamacu warocariro noaina anjoa mehne yu Pucu to si sitero mehne tjua tacu yu wamare ni duapahta būo tiinare būo tisāaihca yuhu cūhu —ni yahuha Jesu.

9 1 Ñ ni tuhsu õ sehe ni namoha Jesu:

—Potocata niita nija mūsare. Caina mūsa õpure jiina mūsa yariahto pano puhtoro Cohamacu to suho jiropure yu sāchhu yuhure ñunahca —niha Jesu tinare.

Jesu to pjacure cohtotaha

(Mt 17.1-13; Lc 9.28-36)

2 Ñ yoa seis dachori baharo Jesu Pedrore, Santiagoore, ã yoa Santiago bahuro João cūhure muñadu tūcūpu tina dihtare pji muñaha. Muñanopu ti muja suri baharo ti ñurocaroi to pjacure cohtotaha. 3 To suhtiro noano si sitero, noano yehseri suhtiro wahaha. Ahri yahpa macaa numia suhti cosaa numia ã yehsechhu yoa masierara. 4 Ñ jia Elia cjiro, ã jichu Moise cjiro mehne Jesu mehne ti suhuduchu ñuhu tina tiaro Jesu buheina. 5-6 Ñ jia tina tuaro cuiha. Ñ cuiro dohse ni masieramahno õ sehe nimaha Pedro:

—Puhoro, mari òi jichu noa duara. Tia wuhucá yoanahtja sá. Mu ya wuhucá, Moise ya wuhucá, Elia ya wuhucá yoanahtja —nimaha tiro Jesure.

7 To ã niri baharocáta, me curua ti bui duji pja suha. To ã duji pja suchuta, me curua watoi õ sehe nino coa taha:

—Ahriro yu macu yu cahíriro jira. Tuhoga tirore —nino coa taha.

8 ã nino coa tachuta Pedro cahu ñurocamaha. Jesu dihtare ñuha. Ti ñurina cjiri sehe mariahua juna. 9 ã jiro tachupu ti duji tachu Jesu tinare õ sehe ni yahuha:

—Michapucacá yuhure ã waharire painare yahuena tjiga. Yuhu masuno Cohamacu warocariro yu yaria masa wijaari baharo tñre painare yahuga musa —ni yahuha tiro.

10 ã jia to dutiriro sehetina ti ñurire yahueraha painare. ã jia tina ti basi õ sehe ni sinitu durucuha:

—“Yu yaria masa wijaari baharo” nino, ¿dohsearo ã niri tiro? —ni durucuha tina.

ã jia Jesure õ sehe ni sinituha:

11 —“Cristo to tahto pano Eliare ta muhtano cahmana”, nina mari coyea judio masare buheina. ¿Dohse jiro baro ã nijari tina? —ni sinituha tina tirore.

12-13 Jesu õ sehe ni yuhtiha:

—Potocá tjira. Eliare ta muhta dutire Cohamacu, jipihtiare cahno muhtahitiro cjihtore. Yuhu masuno Cohamacu warocariro payu tahari ñano yuhduihca. Paina yuhure cahmaeraa, ñano yoaahca. ¿Tí cahure masijari musa? ã jicu ahrire niihtja musare: Elia wihi tuhsure. To ã wihipachuta tina ti cahmariro sehetatirore ñano yoaha. Ñata ni joaha tirore —niha Jesu tinare.

Jesu wahma wahmua tarirore noariro wahachu yoaha
(Mt 17.14-21; Lc 9.37-43)

14 ã yoa duji ta, paina buheina cahapu su, payu masare ñuha Jesu. To buheina sehe judio masare buheina mehne cahma sayoa niha. 15 ã jia Jesu cahu ti duji tachu ñua, jipihtina masa cuaa waha, tiro cahapu murocaa wahaha. Tiro cahapu sua:

—¿Tamajari? —niha tirore.

16 —Tamaja —ni tuhsu—, ¿dohse ni cahma sayona niri musa tina mehne? —ni sinituha Jesu to buheinare.

17 To ã ni sinituchu tñhoró, masa watoi ducuriro õ sehe ni yahuha tirore:

—Buheriro, yu macure watño to cohtotariore mñhure na tamahi. Watño sehe tirore durucu dutierara. 18 Yu macure to ñnahachu yahpapu bora, bahca diho, bñhaa wahaa tire tiro. Å waharo sahpo tua tire. Å jicu mu buheinare watñnore cohã wio dutimahi. Yu ã dutipachu tina sehe cohã wio masierare watñnore —ni yahuha Jesure.

19 To ã nichu tñhoró Jesu õ sehe niha tinare:

—Ne, yñhure wacu tuaerara mñsa. Yoabiari pja mñsare buhemaja yñhü. ¿Noho puro yoari pja yñhure mñsa caribobocari? Tirore na tahga yñhure —niha Jesu.

20 To ã nichu tñhoa watño to cohtotariore Jesu cahai na taha. Ti na wiwichu ñuno watño sehe wahma wahmua tarirore yahpapu doca caha su, tunu teterechü yoaha. Å yoa sahpo tua wahaha.



21 —¿Noho puro yoari pja watño to cohtotariro jijari ahriro? —ni sinituha Jesu sehe to pñcurore.

—Wihñrirocä jiropata tiro watño to cohtotariro jira. 22 Å cohtotaro payu tahari watño sehe tirore pichacapu, copu cñhure cohã wajämaha. Å jicu muhü yoa masicu säre pja ñu, yoadohoga —niha to pñcurore Jesure.

23 To ã nichu tñhoró õ sehe niha Jesu:

—¿Dohsea jiro baro “Muhu yoa masicu”, nijari muhuhure? Yuhure mu wacu tuachu ñuno, Cohamacu jipihiare yoa pahñó masina muhure yoadohobasaro —niha Jesu.

24 To ã nichuata wahma wahmua tariro pacuro õ sehe ni sañurucuha:

—Muhure wacu tuaja. Yu wacu tuaerachu ñucu yuhure yoadohoga muhure yu noano wacu tuahto sehe —niha tiro.

25 ã jiro masa payu tina cahapu muroca ta, ti cahmachuchu ñuno, Jesu watñore õ sehe ni tuhtiha:

—Muhu durucu dutierariro, tuho dutierariro ahriore cohtotariro wijaahga. ã wijaachu tirore pari turi cariboi tjiga —niha Jesu.

26 To ã nichu tuhoro watñino sañurucu, wahma wahmua tarirore yahpapu doca caha su tunu teterechu yoa, wijaaha. To ã wijaachu wahma wahmua tariro yariariro yoaro sehe wahaha.

27 —Tiro yariaa wahara —nimaha masa payu.

Ti ã nipachuta Jesu sehe to wamomacare ñaha, tirore wahcõha. To ã wahcõchhu wahcõha tiro sehe. 28 Baharo Jesu cõhu wahupu ti sãa suchu to buheina tirore õ sehe ni sinitu ñuha:

—¿Dohseana sã sehe watñore cohã wio masierari, mu tuhotuchu? —ni sinitu ñuha tina.

29 —Ahriro baro watñore cohã wio duana Cohamacure tuaro sinino cahmana mûsare. [Ã yoa duana chu duhuro cahmana mûsare Cohamacure sinina tana] —ni yuhtiha Jesu tinare.

Pari turi Jesu to yariahtore, to masa wijaahture yahuha

(Mt 17.22-23; Lc 9.43-45)

30 ã yoa tópu jiina waha, Galilea yahpapu su, yuhduaha. Tópu ti waharire paina ti masichu cahmaeraha Jesu to buheinare buhe duaro. 31 Tópu suo to buheinare buhea tiha. Õ sehe ni buheha:

—Yuhu masuno Cohamacu warocariro jija. Masa yuhure ñaha, painapure yuhure waahca. Ti ã wari baharo yuhure wajähaca tina. Ti ã wajärícu tia dacho wahaboroi masa wijaaihca —niha tinare.

32 To ã nichu tuhoa tina noano tuhoeraha. ã jia cuia tirore tíre sinitu ñu namoeraha.

**Jesu buheina tina mehne macarirore puhtoro so duaa nimaha
(Mt 18.1-5; Lc 9.46-48)**

33 Å yoa tina Capernaupu ti suri baharo wuhupu ti jichu
Jesu sehe õ sehe ni sinituha tinare:

—¿Mahapure tana, dohse ni durucu tana niri musa? —ni
sinituha tinare.

34 To ã nichu tina yuhtieraha. Mahapure taa, cahma õ sehe
ni durucu taa niha:

—Mari mehne macarirore diro sehore mari puhtoro
sonahcari mari? —ni durucua niha mahai tarucua.

35 Å jia ti ã nirire buo tia Jesure yuhtieraha. Ti ã yuhtierachu
ñuno Jesu nuju su, to buheinare doce buheinare pjiroca õ sehe
niha:

—Musa puhtoa ji duana jipihtina masa ti cahamaca jiro
cahmana musare. Tuhsu, wiho jiina jipihtina docai jinahca
musa —niha Jesu tinare.

36 Å nino nijinocure tina watoi duhu dapoha. Duhu dapo
tuhsu tirocure na wua, õ sehe ni yahuha:

37 —Yu yare yoa duana ahrirocure musa cahmana, yuhu
cuhure cahmana musa. Å yoa yuhure cahmana, yuhure
warocariro mari Pucu cuhure cahmana musa —niha Jesu
tinare.

**Marine ñu tuhtiriro jieraro, mari mehne macariro jira
(Mt 10.42; Lc 9.49-50)**

38 Baharo João õ sehe niha Jesure:

—Buheriro, mu wama mehne mu tuaa mehne wature cohu
wiorirore sã ñuhi. Tiro mari mehne macariro to jierachu ñuna
tire tirore yoa dutiera tihu sã —niha tina.

39 Ti ã nichu tuhoro Jesu tinare õ sehe ni yahuha:

—Å nieno tjiga musa tirore. Cuiro yu wama mehne
Cohamacu tuaa mehne yoaro, baharo yuhure ñano ni durucu
masierara. 40 Marine ñu tuhtiriro jieraro, tiro mari mehne
macariro jira. 41 Musare potocuta nii nija. Yu yaina musa
jichu ñuha paina musare ti yoadohochu ñano Cohamacu
tinare noano yoarohca. Core musare ti sihuchu mahancuti
wapachuta tinare noano yoarohca Cohamacu ti ã yoari wapa
—niha Jesu tinare.

Ñaare yoachu cua nina
(Mt 18.6-9; Lc 17.1-2)

42 Ñ yoa Jesu ñ sehe ni yahu namoha:

—Ahrirocā sehe jirirore yuhure wacū tua ducariore yahuihtja musare. Pairo ahrirocā sehe jirirore ñaare yoa dutiro tiro ñabiaro yuhdurohca. Cūirore to wamuapu pjiria tācare duhte yo, pjiri mapu tirore ti cohāchu ñano wahaboa tiro. Ñ jiro ahrirocā sehe jirirore ñaare yoa dutiriro tiro sehe pjiri mapu ti cohāriro yuhdoro ñano yuhdurohca.

43-44 'Mu wamomaca mehne ñano yoacu tí wamomacare mu dute cohāboro seheta tí mu ñaa yoaa sehere duhuga. Tíre duhueracu pichacapu wahaihca. Tópure ne pichaca yatierara. [Ñ yoa dachoa ne yarierara.] Mu wamomacare mu cohāchu tí si dihta butiboa. Tuhsu, muhu sehe ã si jipaihta baharo Cohamacu mehne jiihca. Pua wamomaca mehne pichacapu wahacu mu ã wahachu ñaa yuhduroboa muhure. Ñ jicu tí mu ñaa yoaa sehere duhuga.

45-46 'Mu dahporo mehne ñano yoacu tí dahporo cūhure mu dute cohāboro seheta tí mu ñaa yoaa sehere duhuga. Tíre duhueracu pichacapu wahaihca. [Tópure ne pichaca yatierara. Ñ yoa dachoa ne yarierara.] Mu dahporore mu cohāchu tí si dihta butiboa. Tuhsu, ã si jipaihta baharo Cohamacu mehne jiihca. Pua dahporo mehne pichacapu wahacu mu ã wahachu ñaa yuhduroboa muhure. Ñ jicu tí mu ñaa yoaa sehere duhuga.

47-48 'Mu capariaca mehne ñano yoacu tiare orewe mu cohāboro seheta tí mu ñaa yoaa sehere duhuga. Tíre duhueracu pichacapu wahaihca. Tópure ne pichaca yatierara. Ñ yoa dachoa ne yarierara. Tiare mu cohāchu tia dihta butiboa. Cū buhusehe capariaca mariapaihta baharo Cohamacu mehne jiihca. Pua capariaca mehne pichacapu wahacu mu ã wahachu ñaa yuhduroboa muhure. Ñ jicu tí mu ñaa yoaa sehere duhuga.

49 'Ahri yahpai jina ñano yuhdunahca musa. Pichacapu mari juchu marine puríno seheta ñano yuhdunahca musa.

50 Moa noano coara. Moa coaerachu, coa yoahto basioerara. Moa coaeraro tí moa ne noaerara. Tí moare dohseahto basioerara. Moa noano to coaro seheta musa cūhu ji coaina jiga. Tuhsu, paina mehne noano mehne jiga —ni yahuha Jesu tinare.

Ti namosānumiare cohāare yahuha Jesu
(Mt 19.1-12; Lc 16.18)

10 1 Ñ yo a tiro tópü jiriro waha, Judea yahpa cahapü sú, Jordão wama tiri ma pa buhusehe coapü súha. Tópü to suchü ñúa masa payü tiro cahapü cahmachuhua tjoa. Ti ã cahmachuchü ñuno tó pano to buheriro seheta pari turi buheha tjoa. 2 To ã buhero watoi fariseo curua macaina wihiha. Jesure ñano to durucuchü tóho duamaha tina tirore yahusá duaa. Á tóho duaa tina Jesure õ sehe ni sinitu ñúha:

—¿Mari namore cohächü noabocari? ¿Mari dutia sehe tó seheta yo a dutijari, mu tóhotuchü? —ni sinitu ñúha tina.

3 —¿Dohse yo a dutiri Moise cjiro müssare? —ni yúhtiha Jesu.

4 —“Mu namore cohä duacü papera püi tíre joaga. Á joacü tí püre mu namore mu wari baharo ticolorre cohä masina mühü”, ni joaa tiha Moise cjiro —ni yúhtiha fariseo curua macaina sehe.

5 Ti ã nichü tóhor o õ sehe ni yahuha Jesu:

—Cohamacü dutiare müsa yo a duaerachü ñuno ã ni joaa tiha Moise cjiro. 6 To ã ni joariro jipachüta ahri yahpare bajuamehneriro muño, numino cühüre yoaha. 7 Á jiro muño to pücsümare cohä wijaa, to namono mehne jirohca. 8 Á jia tina pharo jipahta cü pjacü yoaro sehe jira. Tina pharo yoaro seheta jierara. Cü pjacü yoaro sehe jia nina. 9 Cohamacü to wamomaca dühte dutiina jira. Á jia tinare duhueraro cahmana —niha Jesu tinare.

10 Á ni tuhsü tiro to buheina mehne wühüpü sää wahaha. Wühüpü sää súa, ti namosānumiare cohāare to buheina sinitu ñúha tjoa tirore. 11 Ti ã sinitu ñúchü tiro õ sehe ni yúhtiha:

—To namonore cohäriro pacorore namo tiro, pacoro mehne ñano yoariro jira. Á jiro to cohäricorore ñano wahachü yoaro nina. 12 Á yo a numino sehe to manunore cohäno, pairore manü tiro, tiro mehne ñano yoaricoro jira —niha Jesu tinare.

Macanacä ya cjihtire Cohamacüre sini payoha Jesu
(Mt 19.13-15; Lc 18.15-17)

13 Á yo a macanacäre Jesure ña payo dutia taa tinacäre Jesu cahapü na taa tiha. Ti ã na tachü ñúa to buheina sehe tinacäre na tainare tuhtiha. 14 Ti ã tuhtichü ñuno Jesu suaha tina mehne. Á suaro õ sehe niha tinare:

—Macanacā yu cahapu tajaro. “To cahai wahaena tjiga”, nienā tjiga tinacāre. Tinacā Cohamacāre ti pūhtoro tūhotura. Pūhtoro Cohamacā to sūho jiina ahrinacā yoaro sehe tūhotuina baro dihta jira. 15 Potocā niita niija mūsare. Ahrinacā Cohamacā ti pūhtoro cjihtore cahmana. Ti yoaro sehetā mūsa cāhā Cohamacā mūsa pūhtoro cjihtore cahmaerana, pūhtoro Cohamacā to sūho jihtina ne jisi mūsa —niha Jesu.

16 Ñ ni tuhsu Jesu macanacāre na wāa tjiāhno, tinacāre ña payoro, ò sehe niha:

—Ahrinacā noainacā wahajaro —ni sini payoha Cohamacāre.

Pache pūro Jesure sinitu ñūha

(Mt 19.16-30; Lc 18.18-30)

17 Ñ yoa Jesu mahai to waharucuchu pairo sehe mūroca wihi, to dahpori cahapu na tuhcua caha sūha tirore ño payoro.

—¿Ne, noariro buheriro, yūhū jipihtia dachoripe Cohamacā mehne ã jirucu duacā dohse yoacūhcari yūhū? —niha tiro Jesure.

18 To ã nichu Jesu ò sehe ni yūhtiha:

—¿‘Noariro’ ni pisujari mūhū yūhūre? Noariro sehe Cohamacā dihta jira. 19 Ahri Cohamacā dutiare masina mūhū: Masare wajāena tjiga. Namo tiriropu paye numia mehne jiena tjiga. Yacaena tjiga. Mahñoa mehne pairore yahusāena tjiga. Paina yare mahñō naena tjiga. Mūsa pūchusūmare ño payoga. Ahri dutiare yoaihca mūhū —ni yahuha Jesu tirore.

20 —Buheriro, yūhū tí jipihtiare wahma wahmua tariro jiipūta yūhdurūcaera tihi yūhū —niha tiro Jesure.

21 To ã nichu tūhoro Jesu sehe tirore cahīa mehne ñūroca õre. Ñ ñūroca õno, ò sehe niha:

—Mahanocā dūhsara mūhūre mū yoa pahñohsto. Jipihtiare mū yare duai wahaga. Ñ yoachu jipihtia mū wapatari niñerure pjachoinare waga. Mū ã yoachu payu mū ya noaa mūanopu, Cohamacā cahapu jiyuahca. Mū ã yoari baharo yūhū mehne macariro cjihto taga —niha Jesu tirore.

22 To ã nichu tūhoro tiro sehe payu pache cjuariro jiro tīre pjachoinare wa duaeraro, cahya, jicoaeraa, wahaa wahaha.

23 To ã cahyachu ñūno Jesu majarerūcu sūro, to buheinare ñūroca ò, ò sehe niha:

—Pache pua pūhtoro Cohamacu to sūho jiropure ti waha duachu mijobiara —niha tinare.

24 To ã nichu tūhoa tina sehe tīre tūho cūaa wahaha. Æ ni tuhsu Jesu pari turi õ sehe ni yahu namoha tinare:

—Coyea, jipihtina [Cohamacure wacūno marieno “Mari mū sūro mari cjuuā mehneta noano yūhdūnahca”, ni tūhotuina pache pua] pūhtoro Cohamacu to sūho jiropure ti waha duachu mijobiara. 25 Camello sehe awicā copacāre to sāa nuhri wijaa duachu basioerara. To ã jiro yūhdoro pache puro pūhtoro Cohamacu to sūho jiropure to waha duachu nu mijobiara —ni yahuha Jesu tinare.

26 To ã nichu tūhoa tina sehe tūho cūa yūhdūa waha, ti basi õ sehe niha:

—Cue, to nino seheta potocā jichu ne cūiro masunore yūhdoeraboca Cohamacu —niha tina ti basi.

27 Ti ã nichu tūhoro Jesu tinare ñūroca õ, õ sehe niha:

—Masa ti basi ti mū sūro yūhdū masierara. Wiho mejeta Cohamacu sehe masare pichacapu wahaborinare yūhdo masina. Tiro jipihtiare noano yoa masi pahñoriro jira —niha Jesu tinare.

28 To ã nichu Pedro tirore õ sehe niha:

—Tūhosiniga. Sā sehe jipihtia sā yare cūnocaas tii mūhu mehne tana —niha tiro Jesure.

29 To ã nichu ta Jesu õ sehe niha:

—Potocā niita nija mūsare. Noaa buheare, yū yare yoana tana yūhure ño payona tana mūsa wūhusere, mūsa bahanare, mūsa pocosānumiare, mūsa pohnare, mūsa weserire cūnocarina jina, pjíro wapatanaahca mūsa mipure. 30 Æ yoana mūsa wūhuserire, mūsa bahanare, mūsa pocosanumiare, mūsa pohnare, mūsa weserire, tó pano mūsa cjuariro yūhdoro mipure payu cjuanahca mūsa. Æ yoa paina mūsare ñano yoaahca. Æ jina baharopure pa turupu jipihtia dachoripe Cohamacu mehne jinahca. 31 Mipure payu pūhtoa jirina cjiri tí pjapure wiho jiina tjuanocaahca. Æ yoa mipure payu wiho jiina jirina cjiri tí pjapure pūhtoa cohtotaahca tjoa —ni yahuha Jesu tinare.

**Pari turi Jesu to yariahtore, to masa wijaahture yahuha
(Mt 20.17-19; Lc 18.31-34)**

32 Æ yoa tina mahapu majá, Jerusalépu mūjaa niha. Jesu ti panocā mū tāha. Æ to mū tāchū ñua to buheina ñu cūaa

wahaha. Å yoa ti baharo nñanü tiina sehe cuiro mehne nñanü tiha. Å yoa Jesu doce to buheinare ti sahsero naaha tjoa. Å naa tuhsü, masa tirore ti dohse yoah tire Jesu yahu dñcaha tinare:

33 —Tuhoga yuhure. Mipure Jerusalépü wahana nija mari. Tópü masa yuhure masunore Cohamacü warocarirore ñaha, painapure yuhure waahca. Sacerdotea puhtoare, mari coyea judio masare buheina cühure yuhure waahca. Å jia yuhure wajā dutiahca tina. Å wajā dutia judio masa jieraina sehere yuhure waahca. 34 Ti ã warí baharo tina sehe yuhure bujüpe, chahcho puti sihō, tjana, wajähaca. Å yoa yu yariari baharo tia nñamü wahaboroi masa wijaihca —ni yahuha Jesu tinare.

Santiago João mehne Jesure siniha

(Mt 20.20-28)

35 Å yoa Santiago, João mehne Jesu cahapü sua, siniha tirore. Tina Zebedeo pohna jiha. Å jia õ sehe ni siniha:

—Buheriro, sã sinino seheta sãre yoaga muhü —niha tina Jesure.

36 —¿Dohse yu yoachü cahmajari mësa? —niha Jesu tinare.

37 —Jipihtina bui puhtoro jicü sãre muhü mehne duji dutiga. Cüiro më poto buhusehei pairo më cõ buhusehei duji dutiga sãre, muhü mehne puhtoa sã jihto sehe —niha tina Jesure.

38 Ti ã nichü tñhorø õ sehe ni yahuha Jesu tinare:

—Mësa ñano yuhduhtore masierapanahä ã sinina yuhure. ¿Mipure yu ñano yuhduhto seheta ñano yuhduña cüno pjabocari mësa cühü? —ni sinituha tinare.

39 To ã sinituchü tñhoa tina õ sehe ni yuhtiha:

—Cüno pjanahca —ni yuhtiha tina.

Ti ã nichü Jesu õ sehe ni yahuha:

—Yu ñano yuhduhto seheta ñano yuhdunahca mësa cühü.

40 Mësa ã yuhduhtina mësa jipachüta, yuhü mehne dutihtinare, yuhü mehne dujihtinare bese masieraja yuhü. Ahrire yu Puchü sehe cahno tuhsüre. Å jia to besehtina dihta yu poto buhusehei yu cõ buhusehei dujiahca —niha Jesu tinare.

41 Å jia paina diez buheina Santiago, João ahrina pharo mehne susiniha ti ã sinirire tñhoa. 42 Ti ã susinichü ñano Jesu to buheinare pjiroca, õ sehe niha:

—Cohamacare masieraina p̄uhtoa sehe ti masare dutia, purño mehne dutira. **43** M̄usa sehe ne ã yoasi m̄usa basi. Diro m̄usa mehne macariro m̄usa bui p̄uhtoro ji duaro, jipihtina tiro mehne macaina cahamacuno yoaro sehe jia tiro cahmana tirore. **44** ã yoa diro m̄usa mehne macariro m̄usare dutiriro ji duariro m̄usa cahamacuno yoaro sehe jia tiro cahmana tirore. **45** Tó sehetra jiriro jija yuhu cūhu. Yuhu masuno Cohamacu warocariro jipacuta ahri yahpapure yuhure m̄usa yoadohohtire m̄usare sinii tai nierahi. M̄usa sehere yoadohoi tai nii. ã yoacu payu masa ya buhirire yaria, wapabasai tai nii. Yü ã yariaro mehne payu masare pichacapu wahaborinare yuhdachu yoai tai nii —niha Jesu tinare.

Bartimeore, capari ñuerarirore ñuchu yoaha Jesu

(Mt 20.29-34; Lc 18.35-43)

46 ã yoa baharo tina Jericópu s̄uha. Jesu to buheina mehne, ã jichu paina masa payu mehne tí macai jiina ti wahachu tí macare ti yuhdu wahcachu waro, Bartimeo sehe ti wahari maha d̄uhtu cahai dujiha. Tiro Timeo macuno capari ñuerariro jiro, masare niñerucare ã sinirucuriro jiha. **47** Ti wahari maha d̄uhtu cahai dujero, “Jesu Nazare macariro tara”, ti nichu t̄uhoro, Bartimeo sehe õ sehe ni sañurucuha:

—Jesu, Davi cjiro panamino masare yuhdohtiro, pja ñuga yuhure —ni sañurucuha Jesure.

48 To ã nichu t̄uhoro masa payu Bartimeoore “Dihta mariahga”, ni tuhtiha tina tirore. Ti ã ni tuhtichu t̄uhoro Bartimeoó tó pano to sañurucuriro yuhdo curero sañurucu namoha tjoa:

—Jesu, Davi cjiro panamino masare yuhdohtiro, pja ñuga yuhure —ni sañurucuha tiro.

49 To ã ni sañurucuha t̄uhoro Jesu sehe tjuarucu s̄u, “Pjirocaga tirore”, niha. To ã nichu t̄uhoro tina sehe capari ñuerarirore õ sehe ni yahuha:

—Wahchega. Wahcārūcaga. Tiro m̄uhure pjira —niha tina Bartimeoore.

50 Ti ã nichu t̄uhoro to bui macari suhtirore tjuwe cū, pu wahcārucu s̄u, Jesu cahapu surucu s̄uha. **51** ã jiro, Jesu sehe õ sehe ni sinituha tirore:

—¿Dohse yü yoachu cahmajari m̄uhu? —niha Jesu tirore.

—Yü p̄uhtoro, yuhure ñuchu yoaga —niha capari ñuerariro Jesure.

52 —Wahaga mʉhʉ. Mʉhʉ yʉhʉre wacū tuacʉ noariro wahara —niha Jesu tirore.

To ã nichʉta capari ñʉerariro ñʉa wahaha. Ñ noariro waharo Jesu mehne mahapʉ wahaa wahaha.

Jerusalēpʉ sʉha Jesu

(Mt 21.1-11; Lc 19.28-40; Jn 12.12-19)

11 1 Ñ yoa tina Jerusalēpʉ ti sʉhto panocã tācu Olivo wama tidʉ dʉhtʉ cahai jiri maca Betfagé wama tiri maca cahai, ã jichʉ Betania wama tiri maca cahai sʉ mʉhtaha. Tí macari pʉa maca cahai Jesu sʉro, to buheina pʉarore warocaro taro, õ sehe ni yahu quihõha:

2 —Sí macapʉ wahaga. Tópʉ sʉna dóihta burrocäre ti dʉhte daporirocäre boca sʉnahca. Tiro ne cãiro ti pisamahnoerarirocã jica. Tirocäre bocana, yuta dare pjã, na tabasaga yʉhʉre.

3 Mʉsa tirocäre pjāchʉ ñʉno cãiro dohse jiriro, “¿Dohse yoana tana burrocäre dʉhte daporí dare pjājari mʉsa?”, to nichʉ tʉhona, õ sehe ni yʉhtiga tirore: “Mari pʉhtoro burrocäre cahmarocasinire. Michapucacãta wiarohca tiro”, ni yahuga tirore —ni yahu duti warocaha to buheina pʉarore.

4 To ã nichʉ waha, tí wʉhʉ sopaca cahai burrocäre ti dʉhte daporirocäre bocaha. Boca, tirocäre pjāha. 5 Tirocäre yuta dare ti pjāchʉ ñʉa tóí ducuina õ sehe ni sinituha tinare:

—¿Dohse yoana tana burrocäre dʉhte daporí dare pjājari mʉsa? —ni sinituha tina.

6 Ti ã nichʉ tʉhoa, tina sehe Jesu to niriro seheta yahuha tóí ducuinare. Ti ã ni yahuchʉ tʉhoa tóí ducuina sehe “Naahga”, niha tinare. 7 Ñ jia tina burrocäre Jesu cahapʉ na sʉha. Ti na sʉri baharo tirocã bui ti bui sãa suhtire ti pjüpaha payo tuhsʉchʉ ñʉno, Jesu sehe tirocã bui mʉja pja, wahaha. 8 Tirocã bui to wahachʉ ñʉa, masa payʉ ti bui sãa suhtire tjuwe na, to wahahti mahai sañó cū mʉhtaha, Jesure ño payoa. Paina sehe campopʉ pūri tia dʉpʉrire yuchʉ dʉpʉrire dʉte na ta, to wahahti mahai duhu cūha.

9 Ñ jia to pano wahaina, to baharo nʉnʉ tiina mehne õ sehe ni sañurucuha:

—Ahriore wahche payojihna. Ahriore Cohamacʉ to warocariro noano jijaro. 10 Mari ñʉchʉ Davi cjiro pʉhtoro to noano sʉho jiriro seheta, ahriore marine to sʉho jihto cūhʉ

noano jijaro. Muano macariro Cohamacu, muh u tuariro waro jira —ni sañurucuha tina.

11 Ti ã yoari baharo Jesu sehe Jerusalép u súha. Su, Cohamacu ya wuhup sáa súro, tí wuhui jiare jipihiare n u pahñonocaha. N u tuhsu “Ñamichahap waro jira marine” nia, Jesu to buheina doce buheina mehne Betaniap wahaa wahaha.

Jesu higueracure yaria dutiha

(Mt 21.18-19)

12 Æ yoa pa dachoi tina Betaniap jiina wahaa wahaha. Æ jiro Jesu sehe j uca baa, yoarop higuera wama tid ure noano p u ri tid ure n uno tu dichare macano wahamaha. 13 Dicha mariahua. Dicha tiri pja jieraro p u ri dihta jiha. 14 Æ jiro dicha mariachu n uno õ sehe niha:

—Ahd u dichare masa ne pari turi ch uea tjijaro. Ne dicha tiero tjijaro —niha Jesu.

To ã nich u to buheina sehe t u h oha.

**Jesu Cohamacu wuhure Cohamacu mehne
durucuri wuhure yoa dutiha**

(Mt 21.12-17; Lc 19.45-48; Jn 2.13-22)

15 To ã yoari baharo tina Jerusalép u súha. Tóp u súro, Jesu Cohamacu ya wuhup sáa súro pache duainare, nuch uina c u h u re coh u wi oha. Æ yoaro niñeru cohtotaa mesarire yo wahc o na majare c u m u jaa tiha. Bujaare duaina ti dujia pahtari c u h u re ãta yoaha. 16 Æ yoaro paye barore na sáa dutieraha masare. 17 Tó sehe yoa tuhsu, Jesu õ sehe ni buheha tinare:

— Õ sehe nina Cohamacu yare ti joari p u i: “Y u wuh u Cohamacu mehne durucuri wuh u wama tirohca. Æ jiro jipihtiro macaina ya wuh u cjihto jirohca”, ni joaa tiha Cohamacu yare ti joari p u i. To ã nipach u ta m u s a sehe ahri wuhui duana, m u s a basi cahma yacara m u s a —ni buheha tinare.

18 To ã ni buhech u jipihtina masa sehe t u h o c u a a wahaha. Æ jia sacerdotea p u h ota, s a judio masare buheina mehne tirore cui niha. Æ jia tina tirore ti wajahiti cjihtire wac u macamaha. 19 Ti ã yoach u ñamichahap u Jesu to buheina mehne tí macap u jirina cjiri wahaa wahaha.



Higueracʉ ñaia wahaha
(Mt 21.20-22)

20 Ñ jia bohrearo mahapʉ majaa taa, higueracʉre ñʉha. Tu nʉhcɔriпʉ ñai dʉca, ñaia wahaha tu. 21 Ture ñʉno Pedro sehe wacūno õ sehe niha:

—Buheriro, ñʉga. Higueracʉ mʉ yaria dutidʉ yaria wahari jira —niha Pedro.

22 To ã nichʉta Jesu õ sehe ni yahuha tinare:

—Cohamacʉre wacū tuaga mʉsa. 23 Potocã niita nije mʉsare. Ahdʉ tʉcure pjiri mapʉ mʉsa cohã dutichʉ mʉsa niriro seheta ã waharohca. Cohamacʉre noano mʉsa wacū tuachʉ “Yʉ siniriro seheta ã waharohca”, mʉsa ni tʉhotuchʉ mʉsa niriro seheta ã waharohca. 24 Ñ jicʉ ahrire yahuhtja mʉsare. Cohamacʉ mehne durucuna, tirore sinina, “Yʉ siniriro seheta warohca yʉhʉre”, ni tʉhotuga. Mʉsa ã ni tʉhotuchʉ ñʉno Cohamacʉ mʉsa siniare warohca. 25 Ñ yoana Cohamacʉ mehne mʉsa durucuhto pano mʉsare paina ti ñano yoachʉ mʉsa suari cjirire duhuga. Mʉsa ã yoachʉ ñʉno Cohamacʉ mʉano macario mʉsa ñaa buhirire tiro cʉhʉ sua duhurohca. 26 [Mʉsare ñano

yoainare m̄asa sua duhuerach̄ mari P̄ch̄ c̄h̄ m̄ano
macariro m̄asa ñaa buhiri sehere bosi tiro c̄h̄] —niha Jesu.

**Sacerdotea p̄htoa, judio masare buheina,
buc̄una mehne Jesu mehne cahma sayoha**
(Mt 21.23-27; Lc 20.1-8)

27 To ã niri baharo tina Jerusalēp̄ wahaha tjoa. ã jia Jesu Cohamac̄ w̄h̄i to tinich̄ ñua sacerdotea p̄htoa, sã judio masare buheina, buc̄una mehne tiro cahap̄ sua tirore õ sehe ni sinitu ñ̄ha:

28 —¿Dohseac̄ canure ã yoari m̄uh̄? ¿Noa m̄uh̄re t̄ire ã yoa dutiri? —ni sinitu ñ̄ha tina Jesure.

29 Ti ã nich̄ Jesu õ sehe ni ȳhtiha:

—M̄asa sehere sinitu m̄htaihtja. Noano ȳh̄re m̄asa ȳhtich̄ m̄asare yahuichtja ȳh̄ c̄h̄. 30 ¿João masare to bautisach̄ diro baro sehe tirore bautisa dutia tiari, m̄asa t̄hotuch̄? ¿O Cohamac̄ dutiera tiari? ¿O masa sehe tirore dutia tiari, m̄asa t̄hotuch̄? —ni sinituha tinare.

31 To ã nich̄ tina sehe ti basi õ sehe niha: “¿Dohse ni ȳhtinahcari mari? ‘Cohamac̄ Joāore dutia tiri jire’, mari nich̄, ‘¿Dohseana Cohamac̄ Joāore to dutipach̄ta tirore t̄hoerari m̄asa?’ niboca Jesu marine. 32 ã yoa, ‘João to bautisach̄ Cohamac̄ sehe tirore dutierari jire’, mari nich̄ masa sehe suaahca mari mehne”, niha tina ti basi. “Potocāta João Cohamac̄ yare yahu m̄htariro jira”, ni t̄hotua tiha masa sehe. Ti ã ni t̄hotuch̄ masia, Joāore doca dahre duaeraha sacerdotea p̄htoa c̄h̄, “Masa suari”, nia. 33 ã jia tina Jesure õ sehe ni ȳhtiha:

—Joāore bautisa dutirirore sã masieraja —niha tina Jesure.

—Tí pja pinihta ȳh̄ c̄h̄ ahrire ȳa yoaare dutirirore yahueraja m̄asare —niha Jesu tinare.

Ñaina dahra cohtaina quitire yahuha Jesu
(Mt 21.33-46; Lc 20.9-19)

12 1 ã yoa Jesu to t̄hotua mehne õ sehe ni piti dahre buhe ducaha tinare:

—Wese p̄ro se dari cjihtire toaha. Toa tuhs̄, sahr̄nore dapo, sere ti t̄u m̄utohti copare saha, m̄hari w̄h̄cā dahreha tiro. Tuhs̄, tí wesere painare c̄t̄ buhusehe coa pahma cūno, tí wesere ñ̄a wihbo dutiha. Ñ̄a wihbo duti tuhs̄, pa yahpap̄

wahaha tiro. 2 Baharo se ñiri pja jichʉ wese puro tirore dahra cohtarirore wese macaa to ya coa macaa dichare na dutiro warocamaha. 3 Å jia tí wesere ñʉ wihiboina sehe tirore dahra cohtarirore ñaha, cjāha. Å yoa tuhsʉ tirore dahra cohtarirore se tōhorine waerapahta tjuaa dutiha tirore. 4 Å jiro wese puro pairo tirore dahra cohtarirore warocamaha tjoa. Å jia wesere ñʉ wihiboina sehe tirore dahra cohtariro dapure cami dahre, ñano yoaha tina tirore. 5 Tuhsʉ, pairo sehere to warocachʉ ñʉ wihiboina tirore wajāha. Payʉ paina cūhʉre ã dihta yoa mʉjaha. Paina sehere cjā, paina sehere wajāha tina.

6 'Å jiro wese puro macʉno dihta dʉhsaha. Tiro to cahīriro jiha. Å jiro to macʉnore warocaha jʉna, "Yʉ macʉ sehere ño payoahca", nino. 7 To ã ni tʉhotupachʉta tina ñʉ wihiboina ti basi õ sehe ni durucuha: "Wese puro macʉno baharo ahri wesere cjʉahtiro jira ahriro. Tirore wajājhna mari. Å jiro ahri wese mari ya wese tjuarohca", nimaha tina ti basi. 8 Å nia tirore ñaha, wajā, wese dʉhtʉ cahapʉ na wahcā, cohānocahna tina tirore.

9 '¿Ne wese puro taro dohse yoarohcari tiro wesere ñʉ wihiboinare? Ó sehe yoarohca tinare: Tiro tinare wajāno, paina sehere wesere ñʉ wihibo dutirohca. 10-11 ¿Cohamacʉ yare ti joari püre ahrire buherari mʉsa? Ó sehe ni joaa tiha:

"Ahriro Cristo tāca yoaro seheteta jira.

Tācare wʉhʉ dahreina ti cohāno seheteta masa tirore cohāahca.

Ti ã yoapachʉta mipʉre wʉhʉ dahreina wʉhʉre
yoaa ti cū mʉhtari tācare ti cūno seheteta
Cohamacʉ tirore pʉhto sōre.

Cohamacʉ sehe ahrire yoare.

To ã yoachʉ ñʉna, 'Noa yʉhdʉara', ni tʉhotuja mari", ni joaa tiha panopʉ. ¿Tíre ne buherari mʉsa? —niha Jesu tinare.

12 To ã nichʉ tʉhoa sacerdotea pʉhtoa, sã coyea judio masare buheina, bʉcʉna mehne õ sehe ni tʉhotuha: "Jesu wesere ñʉ wihiboina quiti mehne marine tuhtiro nina", ni tʉhotuha. Å ni tʉhotua Jesure ñaha duamaha. Å ñaha duapahta masare cui niha. Å cuia tirore cohā wahcāa wahaha.

**Fariseo curua macaina, Herode ya curua macaina
mehne gobierno macaa wapare sinituha Jesure
(Mt 22.15-22; Lc 20.20-26)**

13 Waha, tina fariseo curua macainare, Herode ya curua macaina cūhure Jesure sinitu dutia warocaha tjoa. Jesu ñano to yūhtichu yoa duamaha tina, tirore yahusāa taa. 14 Å jia Jesu cahapu sāa, tirore mahño cū sinitu ñūmaha:

—Buheriro, potocā durucuriro, mahñoa marieriro mū jichu masija sā. Cohamacu yare quihōno mū yahuchu cūhure masija sā. Å yoa cūiro pūhtoro waro to jipachuta tiro cūhure dórero marieno potota yahura mūhu. Å jicu sāre yahuga. ¿Roma macariro jipihtina bui pūhtoro jirirore gobierno macaare marine waparo cahmajari, mū tūhotuchu? ¿Mari dutia tirore wapa dutijari, mū tūhotuchu? —ni sinitumaha tina Jesure.

15 Ti ã sinituchu tūhoró ti yahusā duaare masino õ sehe ni sinituha tinare:

—¿Dohseana yu ñano durucuchu tūho duajari mūsa? Mipure niñeru tūre na tahga. Tí tūre ñūjihna —niha Jesu tinare.

16 To ã nichu tūhoa tina sehe cū tūre na taha. Ti na wihichu Jesu õ sehe ni sinituha tinare:

—¿Diro baro masu wahājari ahri tūre? ¿Diro baro wama wahājari? —ni sinituha tiro.

—César, masa bui pūhtoro masu, to wama cūhū wahāna —ni yūhtiha tina.

17 Ti ã nichu Jesu õ sehe ni yahuha tinare:

—Tí pja pinihta masa bui pūhtoro yare tiro sehere waga. Cohamacu yare Cohamacu sehere waga —ni yahuha Jesu.

To ã nichu tūhoa, tūho cūaa wahaha.

**Saduceo curua macaina Cohamacu to masoare sinituha Jesure
(Mt 22.23-33; Lc 20.27-40)**

18 Å yoa cāina Saduceo curua macaina Jesu cahapu wihiha. Saduceo curua macaina sehe “Cohamacu yariainare masosi”, ni tūhotuina jimaha. 19 Å jia tina õ sehe niha tirore:

—Buheriro, õ sehe ni buhea tiha Moise cjiro: “Cūiro to wahmino namo tiriro pohna mariaparota to yariachu ñuno to bahurore to wahmino namono cjirore nūoano cahmana. Å yoaro to wahmino mūnano to pohna tiboro seheta pohna tiro

cahmana to bahurore. Æ jia to pohna to wahmino m̄anano pohna yoaro sehe jiahca”, ni joaa tiha Moise cjiro —niha tina Jesure.

20 Tíre ni tuhsu, ahri quitireta yahu namoha Jesure:

—Cūiro masuno jiha. Seis to bahana jiha. Ti wahmino sehe namo ti, pohna mariaparota yariaa wahaha. **21** Tuhsu, paipo to bahuro cūhu to wahmino namono cjiore cjuamaha. To ã n̄uoari baharo to wahmino yoaro sehetia pohna mariaparota yariaa wahaha tjoa. Æ jiro ahriro bahuro to wahmino m̄anano yoaro sehetia pohna mariaparota yariaa wahaha tjoa. **22** Æ dihta wahaha cūiro pohna waro. Ne pohna mariapahta yaria pihtia wahaha tina. Ti namono cjiro cūhu ti baharota yariaa wahaha. **23** ¿Ne, Cohamacu jipihtinare yariaina cjirire to masochu diro namono sehe jirohcari ticoro? Tina jipihtina ticorore namo tirina cjiri jiha. ¿Æ jiro diro namono sehe jibocari ticoro pototi? —ni sinituha tina.

24 Jesu õ sehe ni yuhtiha tinare:

—Cohamacu yare ti joari püre, to masia cūhure ne masierara m̄usa. Æ jia m̄usa t̄hotua sehe ne quihōno jierara. **25** Yariarina cjiri ti masa mujari baharo tina anjoa yoaro sehe jira. Tina m̄ua namo tierara tópüre. **26** Yariarina cjiri ti masa wijaahio sehere m̄usare yahuihtja: Tíre Moise cjiro noano yahu pahñoha. To mahaducā jūri quitire õ sehe ni yahuha tiro: “‘Yuhu Abrahā, Isaa, Jacobo ti pühtoro tjija’, ni yahure Cohamacu yuhure”, ni joaa tiha Moise cjiro to joari tjui. **27** Ti yariari baharo “Ti pühtoro tjija”, ni yahuha Cohamacu. Æ niparota yariarina cjiri pühtoro jierara Cohamacu. “Ti pühtoro tjija”, to nia mehne catiina ti jichu masija mari. Tiro catiina pühtoro jira. Æ jina “Yariaina masasi”, ni t̄hotuna quihōno t̄hotuerara m̄usa —niha Jesu tinare.

Cūno noa yuhdaro to dutiare yahuha Jesu

(Mt 22.34-40)

28 Æ yoa cūiro sā coyea judio masare buheina mehne macariro tina cahapu wihi, ti cahma durucuchu t̄hoha. Jesu to noano yuhtiare t̄horor õ sehe ni sinituha tirore:

—¿Cohamacu ya dutia noa yuhdaro di baro sehe jijari, mu t̄hotuchu? —ni sinituha tiro Jesure.

29 Jesu tirore õ sehe ni yahuha:

—Ahri dutiata paye dutia yuhdoro noa yuhduara: “Israe masa tughoga. Cohamacu musa puhoro yuhu cūirota jija. 30 Tuaro musa yajeripohnari mehne, noano musa wacūa mehne, musa tuaa mehne yuhare cahīga”, nina Cohamacu. 31 Ahri dutia baharo paye dutia noa yuhduara: “Mu basi mu cahīno sehetu mu cahai jiina cūhure cahīga”, nina Cohamacu. Ahri puharo dutia jipihtia paye dutia yuhdoro jira —ni yahuha Jesu tirore.

32 To ã nichu tuhoro judio masare buheriro õ sehe niha:

—Ã tjira. Buheriro, potocā nina muhū. Cohamacu cūirota jira. Pairo tiro yoaro sehe jiriro mariahna. Mu nia potocā tjira. 33 Cohamacure tuaro mari yajeripohnari mehne, mari wacūa mehne, mari tuaa mehne tirore cahīno cahmana marine. Yu cahai jiinare yu basi yu cahīno sehetu tina cūhure cahīno cahmana yuhure. Wahiquinare wajā jū muo mari wari mehne mari ño payochu noa nimana. Ahri yuhdoro Cohamacure masa cūhure mari cahīna noa yuhduara. Mu ã nia potocā tjira —niha judio masare buheriro Jesure.

34 To ã noano yuhthicu tuhoro Jesu õ sehe ni yahuha tirore:

—Mahanocā dūhsara muhure Cohamacure mu noano masihto —niha tirore.

To ã nichu tuhua paina cuia, ne sinitu ñueraha tirore.

¿Diro baro coyeiro jijari Cristo?

(Mt 22.41-46; Lc 20.41-44)

35 Ñ yoa Cohamacu wuhui buhero õ sehe niha Jesu:

—“Cristo Davi cjiro panamino jira”, ni buhera mari coyea judio masare buheina. ¿Dohse yoa ã ni buhejari tina? 36 Davi cjiro to basi Espíritu Santo to dutiriro sehetu õ sehe ni yahua tiha:

“Cohamacu yu puhorore õ sehe nire:

‘Ói yu poto buhusehei dujiga.

Ã jicu muhure ñu tuhtiinare muhure
yuhdurucabasaihca yuhu’,
nire Cohamacu yu puhorore”,

ni joaa tiha Davi cjiro. 37 Ñ ni joaro Davi cjiro puhoro tia tiha Cristore. ¿Davi cjiro Cristo ñuchuño cjiro jiparota dohsearo Davi sehe puhoro tiari Cristore? Cristo Davi cjiro puhoro jira —ni yahuha Jesu.

To ã ni buhechu payu masa wahchea mehne tuhua tirore.

Jesu judio masare buheina ti ñaare yahuha
(Mt 23.1-36; Lc 11.37-54; 20.45-47)

38 Å yoa tiro buhe namono õ sehe niha:

—Mari coyea judio masare buheina ti ñaa yoaare noano ñuga. Å jina ti yoaro sehe yoaena tjiga. Tina yoaa suhti sää, masa ti ñuñocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. **39** Å cahmaina jia, mari judio masa buhea wuhusei noaa dujia dihtare duji duara. Tuhsu, bose nümü jichu to cähure noaa dujia dihtare cahmana tina. **40** Tina wapewahya numia ya wuhusere ti ya cähure mana tí numiare. Å yoaina jia, tina masa ti ñuñocaroi yoari pja Cohamacu mehne durucumana masare ñu dutia. Ti ã yoari buhiri paina bui curero tinare Cohamacu pjíro buhiri dahrerohca —niha Jesu tinare.

Wapewahyoro to warire yahuha Jesu
(Lc 21.1-4)

41 Å yoa Jesu niñeru wihbori caro cahapu dujiha. Tí caropu masa ti niñeru duhu säächü ñu dujiro niha. (Tí niñeru Cohamacu wuhure ti cahnochü ti wapahti jiha.) Å jia pache pua tí caropu pjíro duhu sääha. **42** Å yoa wapewahyoro pjachoricoro tí caropu ta, pua tucäre duhu sääha. Pua tu cü centavo posa jira. **43** Tí türire to duhu säächü ñuno to buheinare pjirocaha:

—Potocä niita nija mäsare. Ahricoro wapewahyoro pjachoricoro sehe niñeru wihbori caropu duhu sääano paina jipihtina ti wari yuhdoro wahre ticoro sehe. **44** Paina pache pua pjíro ti wapachuta ti ya pjíro dëhsara. Ahricoro sehe pjachoricoro jiparota jipihtia to chühtire to nuchuboacäre wa pahñohre —ni yahuha Jesu.

“Cohamacu wuhu cohäri wuhu jirohca”, niha Jesu
(Mt 24.1-2; Lc 21.5-6)

13 **1** Å yoa Cohamacu wuhupure ti wijaachu cäiro buheina mehne macariro õ sehe niha:

—Buheriro, ñuga. Ahri wuhuse noaa tää mehne ti yoaa wuhuse noacaa wuhuse jijari —niha tiro.

2 To ã nichu Jesu õ sehe ni yahuha tinare:

—Ahri jipihtia mari ñuri wuhuse cjiri, ahri tāa cūhū cohō pihtia wahaahca. Ne cūria tāca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Lc 21.7-24; 17.22-24)

3 Â yoa Jesu Olivo wama tidu tūcūpū Cohamacu wuhū potoi jidupū suha. Tū bui dujiha. Tói Pedro, Santiago, João, Andre mehne ti sahsero jia, tina tirore õ sehe ni sinituha:

4 —Yahuga sāre. ¿Dohse jichū ã waharohcari mū niriro sehe waharo? ¿Pihtiri dacho panocā to jichū dohse to waha ducachū ñuhnahcari sā? —ni sinituha tina Jesure.

5 Jesu õ sehe ni yūhtiha:

—Noano yoaga mūsa. Tuhsu, paina ti mahñōare tūhoena tjiga mūsa. 6 Payu masa “Cristo jija yūhū”, ni mahñoina taahca. Ti ã mahñochū tūhoa payu masa Cohamacu yare duhuahca.

7 'Mūsa cahacāi masa paina ti cahma wajāchū tūhonahca mūsa. Tuhsu, yoaropū cūhure ti cahma wajāchū tūhorocanahca mūsa. Â tūhorocapanahta ne tīre pjíro tūhotuena tjiga. Â waharohca. Ti ã yoachū pihtiri dacho cjihto dūhsasininohca mini. 8 Tí pjare cū yahpa macaina pa yahpa macaina mehne cahma wajāahca. Â yoa cūiro pūhtoro yaina pairo pūhtoro yaina mehne cahma wajāahca. Tuhsu, pjaró yahpa ñuhminohca. Â yoa payu masa jūca mehne yariaahca. To ã wahachū ahri yahpa macainare ti ñano yūhdū namohto dūhsasinina mini. Ñano yūhdūsiniahca.

9 To ã wahachū ñuna mūsa basi noano yoaga. Paina mūsare ñaha, ñano yoa dutia waahca paina pūhtoapure. Â yoa judio masa mari buhea wuhusei mūsare cjāahca. Ti ã yoachū bujua macari macaina pūhtoa, ti bui pūhtoa cūhū mūsare buhiri dahrea taa sinituahca mūsare. Yū yaina mūsa jiri buhirire paina mūsare yahusāhca. Â jina yare yahunahca mūsa tinare.

10 Â jia pihtiri dacho pano noaa buheare jipihtiro yahpari macainare yahua buhea jiahca. 11 Â jina mūsare buhiri dahre dutia, buhiri dahre dutiriro cahapū ti naachū tirore mūsa nihtire “Yahu masieraboca”, ni tūhotuena tjiga mūsa. Tí pjare mūsa nihtire mūsare Espíritu Santo yahurohca. To ã yahurire yahuga mūsa. Mūsa mū sūro durucusi mūsa. Espíritu Santo sehe mūsare durucubasarohca. 12 Tí pjare cūiro to bahūrore wajā dutiro warohca. Pairo sehe to wahminore wajā dutiro warohca. Ti pūchero to pohnare wajā dutiro warohca. Â yoa ti

pohna sehe ti pucusumare wajā dutia waahca. **13** Yū yaina mūsa jiri buhiri mūsare masa jipihtina ñū tuhtiahca. Ā ñano yuhdūpanahta yū yare mūsa ne cohāerachū pihtiri dacho jichū mūsare yuhdoiha.

14 Ā yoa ñabiarirore Cohamacū yare ñano yoarirore ñunahca mūsa. Cohamacū ya wuhui to ducuchū ñunahca. Tóí tirore jieraro cahmana. [Panopū Cohamacū yare yahu mūhtariro Daniel cjiro tirore yahuro joaa tiha.] Tóí to ducuchū ñua Judea yahpapū jiina tūyucupū duhti mūroca mūjaa wahajaro. Ahri yū nirire noano masiga mūsa. **15** Soaro mehne mūroca duhtijaro. Tí pjare ti wuhuseri bui macaa waparipū jiina wuhu puhichapū jiare ti yare na wahaea tjijaro ti waha bahrañohto sehe. **16** Ā jia tí pjare paina ti weseripū jiina ti bui macaa suhtire wuhupū jia suhtire na wahaea tjijaro ti waha bahrañohto sehe. **17** Tí pjare niji pocosanumia, ti pohnare pūa numia cūhū pjacuoro wahaahca. **18** Ā jina ò sehe ni siniga Cohamacure: “Puhiro jichū ã wahaero tjijaro”, ni siniga tirore. **19** Tí dachorire masa nu ñano wahaahca. Ahri yahpare to bajuamehneri baharo masa ñano ti yuhdua jia tiha. Ti ã jipachūta jipihtia tí puria yuhdoro pihtiri dacho jichū masa ñabiaro yuhduahca. Ā ñano ti yuhduri baharo pari turi tó sehe ñabiaro yuhduasi ahri yahpai juna. **20** Ā jiro Cohamacū tí dachorire mahaa dachoricā ti jichū yoarohca. To ã yoarerachū ne cūiro masuno yuhdueraboa. Ā jiro to beserina ti yuhdūhti cjihtire mahaa dachoricā ã cūsininohca Cohamacū.

21 Tí pjare paina mūsare “Ñuga. Ói jira Cristo”, ti nichū tinare tūhoena tjiga. “Tóí jira Cristo”, ti nichū cūhure tūhoena tjiga. **22** “Cristo jija”, ni mahñoina, “Cohamacū yare yahu mūhtaina jija”, ni mahñoina jiahca tí pjareta. Ā jia Cohamacū to beserinare mahñoa, tina bajuamehneare yoa ñoahca. Ti ã yoa ñochū ñua, Cohamacū yaina cāina tinare tūhoa “Potocā tjira” nia, Cohamacū yare pa tehe nia duhuboca. **23** Ahrire yahuyuja mūsare to ã wahahto pano. Ā jina noano yoaga mūsa —ni yahuha Jesu.

Jesu yahpapure to tjua tahtore yahuha
(Mt 24.29-35, 42-44; Lc 21.25-36)

24 Ā ni tuhsū ò sehe ni yahu namoha Jesu:

—Tí dachori ti ñano yuhduri baharo sū dacho macariro, ñami macariro cūhū buhria duhua wahaahca. **25** Ti ã wahachūta

ñahpichoha poca m̄anopu jia poca boraahca. ã jia m̄ano macaa yahpari tuaro ñuhmiahca. **26** Tí pjata yuhu masuno Cohamacu warocariro taitjta. Yuhu ã tachu m̄anopu yu tuaa mehne yu si sitea mehne m̄ano macaa me bui ahri yahpapure yu tjua tachu ñuhuahca masa. **27** ã jicu yu yaina anjoare jipihiropu ahri yahpapu warocaihtja. ã jia jipihiropu yu yaina yu beserinare tina naahca.

28 'Mipure higueracure t̄hotuga m̄usa. Tu quiti mehne m̄usare piti dahre buhehtja. Tu yucuchu pūri tichu ñuna, cūhma mahanocā dūhsachu masina m̄usa. **29** Tó sehetu ahri jipihtia yu niri cjirire ti ã wahachu ñuna, yu tjua tahto mahanocā dūhsachu masinahca m̄usa. **30** Potocā niita nija m̄usare. Tí pja macaina ti yariahto panore jipihtia yu niriro sehetu ã waharohca. **31** M̄ano, ahri yahpa cūhu pihtia wahaahca. Yuhu durucua sehe ne cohtotasi. Jipihtia yu niriro sehetu ã waha sohtori tiarohca.

32 'Tí dachore yu tjua tahti dachore, tí hora cūhure masieraja yuhu. Anjoa cūhu t̄ire masierara. Masa cūhu ne masierara. Yuhu P̄chü dihta t̄ire masina.

33 'M̄usa cūhu t̄i dachore masierara. ã jina noano yoaga. Noano cohtaga. (Cohamacure siniga m̄usa.) **34** Õ sehe cohtaga m̄usa. Ahri quiti mehne m̄usare piti dahre buhehtja. Wuhu puro yoaropu to tinino sehetu jira ahri. Tiro to wahahto pano to cahamacare wuhure cohta dutiha. Cāinare ti dahratire cūha. ã jiro wuhure ñu wihiborirore tirore to tjua tahtore cohta dutiha. **35** ã jina m̄usa cūhu noano wacū masi cohtaga. Wuhu puro to tjua tahtore tina ti masieraro sehetu yuhu m̄usa pūhtoro yu tjua tahti dachore masierara m̄usa cūhu. Ñamichahapu, ñami dacho macapu, caraca to duri pja jichu, bohrearopu taboca. **36** Yuhu ã wacuenoca yu wihihtore masina, yuhu yare ã yoarucuina jiga m̄usa. ã yoa yuhure noano cohtaga. **37** ã jicu m̄usare yuhu nino sehetu jipihtinare ã nija m̄usare: Noano wacū masi cohtaga —niha Jesu tinare.

**Sacerdotea pūhtoa, judio masare buheina
mehne Jesure wajā duaha**
(Mt 26.1-5; Lc 22.1-2; Jn 11.45-53)

14 **1** ã yoa t̄i pjare pascua wama tiri bose nūmu cjihto būchaerari pāore ti chūhti nūmuri cjihto pua dacho dūhsasiniha. Tí pjare sacerdotea pūhtoa, ã jichu sā coyea

judio masare buheina mehne dohse yoa ti mahñoa mehne Jesure ñaha ti wajáhtore cahma suhñuda niha:

2 —Mari bose nñumuri yñhdoro puro tirore ñahasinienatjijihna, “Masa sua sañurucuri”, nina —niha tina ti basi.

Numino me sitia se mehne Jesure pio payoha

(Mt 26.6-13; Jn 12.1-8)

3 Â yoa Jesu cñhü Betaniapü, Simo cami bñcü baariro cjiro ya wñhñpu jiha. Tópü ti chñro watoi numino sehe alabastro mehne ti yoariare me sitia nardo wama tia sere posa tiriare na wihiha. Tí se sehe wapa bñjü niha. Â na wihiro, ticoro tiare poharoca, Jesu dapu bui pio payoha. 4 To â yoachü ñua paina suaa waha, ti basi õ sehe niha:

—¿Dohse yoaro ahricoro ahri me sitia co wapa bñjñare â yoa sitejari? 5 Tíre ticoro duaboa. Tíre duaro tres cientos niñeru pñrine wapataboa. Â wapataro, tí niñerure pjacuoinare waboa ticoro —ni cohtaha paina sehe ticoro to â yoachü ñua.

Â jia tina ticorore tuhtiha.

6 Ti â nichü tñhoror Jesu tinare õ sehe ni yahuha:

—Â nienan tñjiga ticorore. Yñhñre ticoro noano yoaro nina.

7 Pjacuoina sehe mñsa mehne â jirucuahca. Â jina mñsa cahmari pja tinare wa masina. Yñhñ sehe ahri yahpare mñsa mehne â jirucusi. 8 To cñjaro puro mehne ticoro yñhñre â yoahre. Yñhñre ti yahto pano yñ pjacuare cahnøyuro, me sitiare pio payohre ticoro. 9 Â jicü potocä niita nija mñsare. Jipihtiro ahri yahpapü noaa buheare ti yahuropü ahricoro mipñre to yoarire yahuahca. Ti â yahuchü tñhoa ticorore masa payü wacñahca —ni yahuha Jesu.

Juda Iscariote Jesure ñü tuhtiinare to ñohtore yahuha sacerdotea pñhtoare

(Mt 26.14-16; Lc 22.3-6)

10 Tí pjareta Juda Iscariote wama tiriro doce to buheina mehne macapiro Jesure to ñohtire yahuro wahaha tirore ñü tuhtiinare, sacerdotea pñhtoare. 11 To â ni yahuchü tñhoa, sacerdotea pñhtoare tñre tñhoa wahcheha.

—Mñhñre niñerure wanahtja —niha tina Judare.

Ti â nichü tñhoror, tiro Jesure ñü tuhtiinare to dohse yoa ñohto cjihtore wacñ macaha.

Jesu to buheina mehne to ch̄a batoari n̄um̄ jiha
(Mt 26.17-29; Lc 22.7-23; Jn 13.21-30; 1Co 11.23-26)

12 Bucuaerari pāore ti ch̄aa n̄um̄ri ducari n̄um̄ sehe oveja pascua macaina cjihtire ti wajāhti n̄um̄ jiha. Tí n̄um̄hi to buheina sehe ò sehe ni sinitu ñ̄uha Jesure:

—¿Mari pascua macaa ch̄ah̄tire noho baroi cahnoyu dutirocijari m̄uh̄u sāre? —niha tina tirore.

13 Ti ã nich̄uha Jesu sehe p̄uaro to buheinare ò sehe ni yahu warocaha:

—Jerusalēp̄u wahaga. Tóp̄u m̄usa s̄uch̄u co situ w̄uariro m̄usare piti bocarohca. To piti bocach̄u tiro mehne wahaga.

14 Ñ̄ wahana tiro to s̄uho sāari w̄uh̄up̄u s̄una, tí w̄uh̄u p̄urore ò sehe niga: “‘¿Dí tahtiai ȳuh̄u ȳu buheina mehne pascua macaa ch̄uare ch̄unahcari?’ ni sinitu dutirocahre buheriro”, niga tí w̄uh̄u p̄urore. 15 M̄usa ã nich̄u t̄uhoro, tóp̄u m̄uano macari tahtiare pjiri tahtiare, noano ti cahnoyuri tahtiap̄ure m̄usare ñ̄onohca w̄uh̄u p̄uro. Tói mari ch̄uhti cjihtire dahrega m̄usa —niha Jesu tinare.

16 To ã nich̄u t̄uhua tina to buheina tí macap̄u wahaha. Tóp̄u ti s̄uch̄u tinare to niriro seheta ã wahaha. Ñ̄ jia tina pascua macaa ch̄uare dahreha.

17 Ñ̄ yoa nahitia bora tach̄u Jesu doce to buheina mehne tí w̄uh̄up̄ure s̄uha. 18 Tí w̄uh̄up̄u ti s̄uri baharo, tina mehne mesap̄u ch̄uero Jesu tinare ò sehe ni yahuha:

—Potocā niita nija m̄usare. Cūiro m̄usa mehne macariro ȳuh̄u mehne ch̄uariota ȳuh̄ure ñ̄u tuhtiinare ñ̄onohca ȳuh̄ure —ni yahuha Jesu tinare.

19 To ã nich̄u t̄uhua tina sehe cahyaha.

—¿Ȳuh̄uha jijari m̄uh̄ure ñ̄ohtiro? —ni sinitu pihtiaha tina cāina jipihtina Jesure.

20 —M̄usa mehne macariota jira tiro. Ȳu ch̄uari wapai ȳuh̄u mehne soha ch̄uariro tjira ȳuh̄ure ñ̄u tuhtiinare ñ̄ohtiro.

21 Panop̄u ȳuh̄ure ti yahu joariro seheta ȳuh̄u masuno Cohamac̄u warocariro yariaihca. Ȳuh̄ure ñ̄u tuhtiinare ñ̄ohtiro pjacuoro ȳuh̄d̄uorohca. Tiro to masa bajuerach̄u noaboa —niha Jesu tinare.

22 Ñ̄ ni yahu tuhs̄u, to buheinare s̄uho ch̄uero, Jesu pāore na, Cohamac̄ure “Noana”, niha. Ñ̄ ninota, tí curire nuha, witihā tinare.

—Ahrire na ch̄ga. Ahri ȳa pjac̄a jira —niha tiro tinare.

23 ã ni tuhs̄a tiro sihnia posa tiri wahware na, Cohamacure “Noana” ni tuhs̄a, waha tinare. To wach̄a tina jipihtina t̄re sihni pihtiaha.

24 —Ahri ȳa di jira. Paya masa ti ñaa yoari buhirire cohāc̄a tac̄a yariaihca. ã yariac̄a ȳa dire cohāihca. Cohamac̄a “M̄sare ȳuhdoihtja”, to ni cūriro mu s̄uch̄a ȳa ã yariaro mehne to niriro sohtori tirohca. 25 Potoc̄a niita nija m̄sare. Mip̄ure ahri co, se core ne sihni namosi ȳuhu. P̄a p̄uhoro Cohamac̄a m̄sare to s̄aho jich̄ap̄a ahrire coã pari turi sihniihca tjoa —niha Jesu tinare.

Pedro Jasure to cohāhtore yahuha Jesu

(Mt 26.30-35; Lc 22.31-34; Jn 13.36-38)

26 To ã ni tuhs̄ch̄a tina Cohamacure ño payoa c̄uno basaare basaha. Ti basa pahñori baharo, t̄ac̄a Olivo wama tid̄ap̄a tina wahaa wahaha. 27 Tóp̄a s̄aho s̄uro Jesu tinare õ sehe ni yahuha:

—Mip̄ure m̄usa jipihtina ȳuhure cohānahca. Õ sehetia nina Cohamac̄a yare ti joari p̄ui ȳuhure yahuro: “Ovejare ñu wihiboriyo yoaro sehe jirirore Cohamac̄a cohānohca. ã to cohāch̄a to yaina oveja yoaro sehe jiina duhti site wahcāa wahaaahca”, nina Cohamac̄a yare ti joari p̄ui. 28 ã yoa Cohamac̄a ȳuhure to masori baharo m̄usa pano Galileap̄a wahayuihca ȳuhu —niha Jesu tinare.

29 To ã nich̄a Pedro sehe õ sehe niha:

—Ȳuhu mehne macaina jipihtina ti cohā wahcāpach̄uta ȳuhu sehe m̄uhure ne cohāsi —nimaha Pedro tirore.

30 Jesu õ sehe ni ȳuhtiha:

—Potoc̄a niita nija m̄uhure. Micha ñami pinihtare caraca p̄ua taha to duhito pano “Ȳuhu Jasure masieraja”, niihca m̄uhu. Tia taha ã niihca m̄uhu —niha Jesu Pedrore.

31 To ã nipach̄uta Pedro õ sehe ni tuaro bisiro ȳuhtiha:

—M̄uhu mehne ȳuhure ti wajā duapach̄uta “Jasure masieraja”, ne nisi ȳuhu —ni ȳuhtimaha tiro Jasure.

Pedro to ã nich̄a t̄ahoa tiro mehne macaina c̄uhu ã dihta ni ȳuhtiha.

Getsemaní wama tiropʉ Jesu Cohamacure sinihā
(Mt 26.36-46; Lc 22.39-46)

32 Ñ yo a tina Getsemaní wama tiropʉ wahaha. Tópʉ súro, ñ sehe niha Jesu:

—Cohamacure yʉ sinino watoi õi dujiyusiniga mʉsa —niha to buheinare.

33 Ñ ni tuhsʉ Pedre, Santiagore, Joāore tina tiarore pji wahcāha. Tinare ã pji wahcāno, pjíro tʉhotu dʉcaha tiro.

Ñ yo a ñano yajeripohna tiha.

34 Ñ cahyaro tó mehne macainare to pji wahcāinare ñ sehe niha:

—Yuhʉ ñano yajeripohna tii nija. Ñano purīnore tʉhotui nija. Tí mehne yariahto cua yuhdʉaro coa taca yuhʉre. Ói tjuaga. Yʉ cūno potorita catiga mʉsa cūhʉ —niha Jesu tinare.

35-36 Ñ ni tuhsʉ tiro tópʉ mahancā waha namo, yahpai caha súro, Cohamacure ñ sehe niha:

—Mai, mʉhʉ jipihiare yo masina. Ñ jicʉ yʉ ñano yuhdʉtire yo a duaeracʉ yoai tjia. Yʉ ã nipachʉta yʉ cahmano sehe yoai tjia. Mʉhʉ sehe masina. Mʉ cahmano sehet yoaga yuhʉre —ni sinihā tiro Cohamacure.

37 Ñ ni tuhsʉ, tiaro to buheina cahapʉ wihiro, carīnare boca wihiha tiro. Tinare ñuño Pedre ñ sehe niha:

—Simo, ¿carīi nijari mʉhʉ? ¿Cū hora waro yʉ cūno potori cati masierari mʉhʉ? 38 Noano yoaga mʉsa. Mʉsa mʉ súro quihōno yo a duamana mʉsa. Wiho mejeta mʉsa basi tíre bihoerara. Ñ jina Cohamacure siniga ñano mʉsa yoerahto sehe —niha Jesu Pedre.

39 Ñ ni yahu tuhsʉ pari turi waha, Cohamacure sinihā. Tó pano to siniriro sehet sinihā tjoa. 40 Ñ sini tuhsʉro pari turi tina cahapʉ wihiha tjoa. Ñ wihiro carīnare boca wihiha tjoa. Wʉjo caha yuhdʉaha tina. Ñ jia tina Jesure dohse ni masieraha. 41 Ñ yo a pari turi Cohamacʉ mehne to durucuro súri baharo tina cahapʉ wihi, tinare ñ sehe niha:

—¿Carīi, sasinina nijari mʉsa? Tó puro carīga mʉsa. Michapucacā yuhʉre Cohamacʉ warocarirore ñano yoainare ti wahti pja mʉ sʉ tuhsʉra. 42 Wahcāga. Basa wahana. Ñuña. Yuhʉre ñu tuhtiinare ñohtiro õi tara —niha Jesu tinare.

Jesure ñu tuhtiina tirore peresu yoaha

(Mt 26.47-56; Lc 22.47-53; Jn 18.2-11)

43 To ã nino watoihta Juda, doce buheina mehne macariro cjiro wihiha. Tiro mehne masa payu ñosaa pjini, yucu siri cjuaina cühu wihiha. Sacerdotea pühtoa, sã judio masare buheina, ã jichu bucuna, ti warocarina jiha masa sehe.

44 Wahmanore Jesure ñu tuhtiinare ñohtiro sehe tiro mehne tahtinare õ sehe ni yahu quihõ tuhsuha:

—Yu wahsupu wihmiriro tirota jirohca musa ñahahtiro. Tirore yu wihmiri baharo ñahaga tirore. ã yoana tirore noano ñahaga to duhtierahto sehe —ni yahu quihõ tuhsuha Juda sehe.

45 ã yahu quihõ tuhsuero wihirota Jesu cahapu dóihta waha bahañoha.

—Yu pühtoro —ninota wahsupu wihmiha tirore.

46 To ã yoachu ñua tina Jesure ñahaha.

47 Ti ã yoachu ñuño cüiro Jesu cahapu ducuina mehne macariro to ñosari pjine tuäwe naroca, sacerdotea bui pühtoro cahamacunore to cahmonore dute pahrénocaha.

48 To ã yoachu Jesu õ sehe niha:

—¿Dohse jiro baro musa ñosaa pjini mehne, yucu tiri mehne tajari? ¿Yaca bucurore musa ñahanano sehetu yuhu cühure ñahanana tana nijari? 49 Dachoripe Cohamacu wuhupu musare yu buhe dujichu, musa yuhure ne ñahaerare. Musa ã ñahachu ahri jipihtia ã waharo nina Cohamacu yare ti ni joariro sehetu —niha Jesu masare.

50 To ã ni tuhsuchu, Jesu buheina tirore cohã wahcã, jipihtina muroca site wahcãa wahaha.

51 ã yoa cüiro wahmuno suhti marieriro cüno coma yosaro dihta comario Jesu baharo ñu nunu timaha. To ã ñu nunu tichu ñua tirore ñahamaha. 52 Tirore ti ñahachu ñuño to coma yosarore cohãnooca, suhti marieriro murocaa wahaha.

Pühtoa cahapu naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

53 ã yoa sacerdotea bui pühtoro cahapu Jesure na wahcãha. Ti na suri baharo sacerdotea pühtoa, bucuna, sã coyea judio masare buheina cühu jipihtina cahmachuha. 54 Tiro Pedro sehe Jesu baharo yoaropu nunu tiha. ã nunu tiro sacerdotea

bui puhtoa ya wuhu cahapu suha. Á suro tiro tí wuhure cohtaina surara mehne pichaca duhtu cahai sohma dujiha.

55 Sacerdotea puhtoa, jipihtina paina puhtoa cuhu Jesure wajã dutia taa, Jesu to quihõno yoarerarire ti yahusãhtire wacu macamaha. Wiho mejeta tiro bocaeraha.

56 Á wacu bocaerapahta payu masa tirore á yahusãmacanocaha. Ti á yahusãa potocá jieraha. Pairo soro ni, pairo soro niha. 57 Á yoa paina wahcãruchu su, Jesure ó sehe ni yahusãha tjoa:

58 —Ahriro ó sehe nire: “Yuhu ahri wuhure Cohamacu wuhure masa ti dahreri wuhure cohãhtja. Á cohãcu tia numu wahaboroi tí wuhure pari turi yoaihtja. Tí wuhu masa ti dahreri wuhu jisi”, to nichu sã tuhohi —niha tirore yahusãina.

59 Ti á ni yahusãpachuta ti yahusãa cuhu potocá jieraha. Pairo soro ni, pairo soro niha tjoa.

60 Ti á nichu tuhoro sacerdotea puhtoro ti watoi ducuriro wahcãruchu su, Jesure ó sehe ni sinituha:

—¿Ahrina muhure ti yahusãpachuta tinare yuhti cahmaerajari muhu? ¿Muhure ti yahusãrire dohse ni yuhti cahmajari muhu? —niha tiro Jesure.

61 To á nichu tuhoparota Jesu áta tuhotunocaha. To á yuhtierachu ñuno sacerdotea bui puhtoro tirore sinituha tjoa:

—Cristo, ¿Cohamacu warocariota jijari muhu? ¿Noariro Cohamacu macuno warota jijari muhu? —niha tiro Jesure.

62 —Tiro tija. Á jina yuhure masunore Cohamacu warocariore yu Pucu jipihtina bui Jiriro to poto buhusehei yu dujichu ñunahca musa. Á yoa muano macaa me watoi yu tachu cuhure ñunahca musa —niha Jesu tirore.

63-64 To á nichuta sacerdotea bui puhtoro sehe to sãari suhtirore to basi tuhrenocaha painare “Sua yuhduara”, ni ñu masi dutiro.

—Cohamacure ñano durucuro nina ahriro. To ñano durucuare tuho tuhsuja mari. Á jia tópeinata yahusãjaro ahrirore. ¿Á jina dohse yoanahcari mari mipure ahrirore? —niha sacerdotea bui puhtoro paina puhtoare.

—Cohamacure to ñano durucuri buhiri wajãnocano cahmana tirore —ni yuhtiha paina puhtoa.

65 Á ni yuhti tuhsu, cãaina tina mehne macaina Jesure chahcho puti sihõ muja, to caparire duhte ducata, tirore cjã, dota mujaha. Cjã tuhsu ó sehe ni bujupeha:

—¿Noa jijari mūhure dotaro? Ñuerapaihta yahuga sāre
—ni būjuepeha tina.

Ti á cjā dotari baharo pūhtoro yaina surara sehe tirore na wahcā, tina cāhū tirore ti wamomacari mehne ñano cjā namoha.

“Tirore masieraja”, niha Pedro Jesure

(Mt 26.69-75; Lc 22.56-62; Jn 18.15-18, 25-29)

66 Á yoa wāhū cahai jiri wapai noari wapai Pedro to jichū sacerdotea bui pūhtoro cahamacono wihiha. 67 Ticoro Pedro to sohmachū ñuno tiro dihtare ñurucuha.

—Nazare macariro mehne, Jesu mehne mūhū cāhū jihre
—niha ticoro Pedrore.

68 To á nichū tūhoro tiro õ sehe niha:

—¿Dohse nimacanocaco nijari mūhū? Mū nirirore ne masieraja yūhū —niha Pedro ticolorre.



To ã niri baharo Pedro sahrïno sopaca macari mahapù wahaha. Tói to ducuchù caraca duha. ⁶⁹ Tói to jichù ñùno cahamacono sehe ticoro cahapù ducuinare yahurocaha tjoa.

—Ahriro cähù Jesu buheina mehne macariro jira —niha ticoro.

70 To ã nichù tñhoró Pedro pari turi õ sehe niha tjoa:

—Tirore masieraja yuhù —niha tjoa.

Baharo curero tói ducuina Pedrore õ sehe niha:

—Potocã tjira. Muhù Galilea macariro jira. Æ jicù tina mehne macarirota jira muhù —niha tina tirore.

71 Ti ã nichù tñhoró tiro õ sehe ni yuhtiha:

—Potocäta Cohamacù mehne nii nija mûsare. Potocäta yùnierachù Cohamacù yuhure buhiri dahrejaro. Tirore mûsa niriore ne masieraja yuhù —ni yuhtiha Pedro tinare.

72 To ã nichùta caraca duha tjoa. To ã duchù tñhoró Jesu tirore to nirire wacüha: “Caraca pua taha to duhto pano muhù yuhure ‘Jesure masieraja’, niihca muhù. Tia taha ã niihca muhù”, Jesu to nirire wacüha Pedro sehe. To ã nirire wacüno, tuaro tiirucuha Pedro.

Pilato Jesure sinituha

(Mt 27.1-2, 11-14; Lc 23.1-5; Jn 18.28-38)

15 ¹ Æ yoa bohrearopù sacerdotea pñhtoa, bñchuna, sâ judio masare buheina, jipihtina paina pñhtoa mehne cahmachu, durucuha Jesure ti yoah tire masia taa. Tirore ti wajähtore durucuha cahno tuhsù, Jesure dñhte, na wahcä, Pilatore waha tirore. ² Tirore ti na sù wachù ñùno Pilato tirore õ sehe ni sinituha Jesure:

—¿Potocäta judio masa ti pñhtoro tjijari muhù? —ni sinitu ñuhà tiro Jesure.

—Ãja. Mu nino sehetu tirota jija —ni yuhtiha Jesu.

³ Æ yoa sacerdotea pñhtoa payù ni yahusâha tirore. ⁴ Ti ã ni yahusâchù tñhoró Pilato tirore õ sehe ni sinituha tjoa:

—Ahrina muhure payù yahusâa nina. ¿Ti ã yahusâpachùta dohse yoacù ne yuhtierajari muhù tinare? —niha tiro.

⁵ To ã nipachùta Jesu ne pari turi yuhti namoeraha. Æ jiro Pilato cñaa wahaha.

Jesure wajā dutiha
(Mt 27.15-31; Lc 23.13-25; Jn 18.38-19.16)

6 Cahmaripe pascuaripe masa yairo cjihtore cūiro peresupu jirirore, masa ti wio dutirirore Pilato ā wiobasa mūjaas tiha.

7 Tí pjare Barrabá wama tirore peresupu jiha. Tiro puhtoare cohā duaina, masare wajāina mehne macariro jiha. 8 Ā jia masa payu Pilato cahapu sua, tirore ò sehe ni siniha:

—Cuhmaripe sāre mū yoarucuriro seheta yoaga sāre. Cūiro peresupu jirirore sāre wiobasaga —niha tina.

9 Ti ā nichuāta Pilato tinare ò sehe ni sinitu ñuha:

—¿Ahriro Jesure mūsa judio masa puhtorore yu wiobasachu cahmajari mūsa? —ni sinitu ñuha masare Jesure wio duaro.

10 Jesure masa ti cahichu ñua sacerdotea puhtoa cūhu tirore ñu tuhtiha. Ā ñu tuhtia tirore waha Pilatopure. Ā jiro masa ti cahiri buhiri sacerdotea puhtoa ti ñu tuhtire ti peresu yoa dutichu masino Jesure wio duamaha Pilato. 11 To ā wio duapachuāta sacerdotea puhtoa masare Jesu mehne suachu yoaha. Ó sehe ni dutiha tinare: “Jesu wijaachu cahmaeraja. Barrabá sehere wioga”, ni dutiha masare. 12 Ā jiro Pilatore Barrabáre ti wio dutiri baharo Pilato sehe tinare ò sehe ni sinituha tjoa:

—¿Ahriro judio masa ti puhtoro mūsa niro sehere dohse yoaihcari yuhu mūsa ā nichu? —ni sinituha tiro.

13 —Crusapu cjā puha wajāga tirore —ni sañurucuha masa.

14 —¿Yaba barore ñaare yoari ahriro mūsa ā ni sañurucuchu? —ni sinitu namoha tinare.

To ā nichu tūhoa tina sañurucu namoha tjoa:

—Crusapu cjā puha wajāga tirore —ni sañurucuha tina.

15 Ti ā ni sañurucuchu tūhoru Pilato sehe masare wahchechuh yoa duaro Barrabáre peresupu jirirore wio dutiha masa ti wio dutirirore. Tirore to wio dutiri baharo, Jesu sehere ñano tjanaye dutiha. Tirore ti tjanayeri baharo, tirore surarare wiahā, crusapu cjā puha wajā dutiro.

16 Ā yoa surara Pilato ya wuhu puhichapu pretorio wama tiri wuhu puhichapu tirore na sāa sua. Na sāa su tuhsu, tina mehne macaina surarare pjiroca, cūnoi cahmachu dutiha.

17 Cahmachu tuhsu, tina puhtoro ya suhtiro yoaro sehe bajuri suhtirore Jesure sāa, pota sorore yoa, tí sorore to dapu bui duhu payoha. 18 Ā yoa tuhsu ò sehe ni būjupēha tina tirore:

—Noano tagá. Judio masa púhtoro noano tagá —ni býjúpeha.

19 Á niata yucacu mehne to dapure cјā mјja, tirore chahcho puti sihõ mјjaha tina. Tuhsu, cua pisaro yoaina yoaro seheta tirore na tuhcua caha su, ño payoro sehe yoaa, býjúpeha tirore. 20 Á yoa býjúpe tuhsu ti sääri suhtirore tjuwe naroca, to ya suhti sehere tirore sää, tirore crusapu cјā puha wajää waha, naa wahaha tina.

Tina Jesure crusapu cјā puha, wajähäa
(Mt 27.32-44; Lc 23.26-43; Jn 19.17-27)


21 Jesure ti ã naano watoi, tói wahariro Simo Cirene macariro campopu súriro, tina cahapu to wihibchü ñúa surara sehe tirore Jesu to wüari crusare wüa wahcä dutiha. Alejandro, Rufo püaro püchero jiha Simo sehe.

22 Baharo, Gólgota wama tiropu Jesure na suha. Gólgota nino, “Dapu cohã”, nino nina. 23 Tópü tirore ti na súri baharo, se core, mirra wama tidü co mehne ti morea core Jesure wamaha. Wiho mejeta tiro sehe tí core sihni duaeraha. 24 Baharo tina Jesure crusapu cјā puha dapoha. Cјā puha dapo tuhsu, to sää suhti cjirire ti basi cahma witia taa, “¿Noa yaro jirohcari õ?” ni masia taa, docapea poca mehne docape mјjaha tina.

25 Jesure crusapu ti cјā puhachü tia hora waro dñhsasiniha cohari pja to suhto. 26 Á yoa crusapu õ sehe ni joari pjíne duhu õha tina tirore ti yahusärire yahu duaa. “Ahriro judio masa bui púhtoro jiriro jira”, ni joaha tina tí pjíne. 27 Á yoa püaro yaca bùcuna Jesu cahai paye pjñipu crusaripu ti cјā puha daporina jiha tina. Cüiro to poto bùhusehei, pairo to cõ bùhusehei cјā puha dapoha tina cühüre. 28 [Ti ã yoachü panopu Cohamacu yare ti yahu joariro seheta ã waharo niha. Õ sehe ni joaa tiha: “ ‘Dutiare yahdúrúcaina mehne macariro jira’, ni tñhoture masa tirore”, ni joaa tiha panopu.]

29 Á yoa crusari cahai yahdú wahcaina Jesure ñü, ti dapanocare yurerüca, tirore ñano ni durucuha:

—Noana. Noana. ¿Cohamacu wühüre cohã, tia dacho wahaboroi pari turi tí wühüre dahrehtiro jijari muhü? 30 Á jiriro jicü, mu basi dujiaga. Á jicü mu basi yoadohoga. Á jii yahdú witihca muhü —ni býjúpeha tina.



31 Ti yoaro sehetā sacerdotea pah̄toa cūh̄ sā judio masare buheina cūh̄ tirore ã ni būj̄peha. ã ni būj̄pea õ sehe niha ti basi:

—Tiro painare yahdoriro jiparota to basi yahdo masierara:
32 “Cristo, Cohamacu warocariro Israe masa pah̄toro jija”,
nimana tiro. ã jina to basi to duji tach̄ nūna tirore wacū
tuanahca —ni būj̄peha tina.

Ã yoa yaca būcūna tiro cahai ti cjā puha ūrina cjiri cūh̄ tó
sehetā tirore nūno ni būj̄peha tina cūh̄.

Jesu yariaa wahaha

(Mt 27.45-56; Lc 23.44-49; Jn 19.28-30)

33 ã yoa cohari pja jich̄ tia hora waro jipihirop̄ nahitiano wahaha. 34 To nahitia duhuch̄ waro Jesu tuaro sañurucuha:

—Eloi, Eloi, ¿lama sabactani? —niha tiro.

Ã nino õ sehe nino niha. “Yū Cohamacu, yū Cohamacu,
¿dohseach̄ yuhure cohāri mūh̄u?”, nino niha.

35 To ã nich̄ tūhoa cāina tó ducuina õ sehe nimaha:

—Tūhoga mūsa. Cohamacu yare yahu mūhtariore Elia
cjirore pjirocario nina —nimaha tina.

36 Ñ jiro cāiro tina mehne macariro wihmi nari suhtere vino sūea core to sohari suhtere na mūroca, yucūcu sohtoapū dūhte ò, Jesure wihmi dutiha. Ñ wihmi dutiro, ò sehe nimaha:

—Depusinia. Elia cjiro wihi ahriore to na bororo tachū ñusinijhna mari —nimaha tiro painare.

37 To ã niri baharo Jesu sehe tuaro sañurucu, yariaa wahaha. 38 To yariachūta Cohamacū wuhū macari suhtiro tóre to jiri tahtia waropū ti dūcatari suhtiro dacho macai bui sehe tahnū bora ta, púa cahsaro tahnūroca yoja súa wahaha. 39 To ã yariachū ñuno surara pūhtoro Jesu to wahāno potoi ducuriro ò sehe niha:

—Potocā tjiri jimana. Ahriro Cohamacū macunota jiri jira —niha tiro.

40 Ñ yoa yoaropū ducua numia cūhū Jesure ñurocarucua niha. Tí numia mehne María Magdalena jiha. Pacoro María wama tircoro cāhū jiha. Ticoro sehe José, to bahūro Santiago ti pocoro jiha. Pacoro Salomé jiha. 41 Tí numia Jesu yahuare quihōno tūhoa numia jia, Galilea yahpai to jisinichū tirore piti ti, yoadoho tiha. Tí numia mehne payū paye numia cūhū Jerusalēpū Jesu to sūho tarina numia jiha.

Jesu pjacure masa copapū cūha

(Mt 27.57-61; Lc 23.50-56; Jn 19.38-42)

42-43 Ñ yoa tí dacho to yariari dacho Sabado pano judio masa sā sori nūmu pano jiri dacho jiha. Ñ yoa Pascua macaa cjihtire ti cahnori dacho jiha. Tí ñamiihta José Arimatea macariro cuiro marieno Pilato cahapū sūha Jesu pjacure sinino sūro. José judio masa sā pūhtoa mehne macariro, pūhtoa ti cua pisaro ñūriro waro jiha. Tiro pūhtoro Cohamacū masare to sūho jihtore cohtaro niha. 44 Ñ yoa José Pilatore to ã sinichū tūhoror, tūho cūaa wahaha Pilato sehe. “¿Jesu yaria tuhsuari?” ni tūhoturo, cūaa wahaha. Ñ jiro surara pūhtorore pjiroca ò sehe niha tirore:

—¿Potocāta Jesu yariaa wahari? —ni sinituha tirore.

45 To ã nichū surara pūhtoro ò sehe ni yūhtiha:

—Ãja. Yariaa wahahre —niha.

To ã nichū tūhoror, Pilato Jesu pjacure wa dutiha Josére.

46 To ã wa dutiri baharo José noari suhtirore nuchūbasaha. Nuchūbasaha tuhsū, Jesu pjacū cjiroke na boro, suhtiro mehne wahma, masa copapū tācái ti sahari copapū to pjacure siō sāa

payoha. Siō sāa payo tuhsu, tí copa cahai jiria tācare pjiria tācare tju turē wahcā, tí copare biha dapoha. **47** María Magdalena, ã jichu María José pocoro Jesure ti na sāa duhu payorirore ñuha.

Jesu masa wijaaha

(Mt 28.1-10; Lc 24.1-12; Jn 20.1-10)

16 **1** Ñ yoa Sabado dacho yuhduri baharo, sū sāari baharo, María Magdalena, Salomé, ã jichu María Santiago pocoro, tina tiaro numia wisōa me sitia core nuchuha Jesu pjacure wisōa taa. **2** Ñ jia domingo bohrea maja tachu Jesure ti duhu payori copapu ñua wahaha tina. **3** Tí copa cahapu waharucua, õ sehe niha tina ti basi:

—¿Tí copare bihari tācare noa marine pjōobasarohcari na?
—niha tí numia ti basi.

4 Baharo tí copa cahapu sua, tí copare bihari tācare, pjiria tācare ti nawe cūriare ñuha tina. **5** Ñ ñua tí copapu sāa wahaha. Tópu sua, cūiro wahmūnore ti poto buhusehei dujirirore, yehseri suhtiro sāariore ñua, chaa wahaha tina. **6** Ti ã cūachu ñuno, tiro sehe õ sehe niha tí numiare:



—Yuhare ñu cuaena tjiga. Jesu Nazare macapiro, crusapu ti cjā puha wajāriro cjirote mūsa macana nimana. Wiho mejeta tiro sehe masa wijaa tuhsuhre. Óre mariahna. Tirore ti duhu payoro cjirote ñuga. 7 “Tiro mūsa pano Galileapu wahayuhto jiyuhti. Tói to niriro seheta mūsa tirore ñuhtina jiyuhti”, ni yahuna wahaga to buheinare, Pedro cūhure —ni yahu dutiha wahmāno tí numiare.

8 To ã nichu tūhoa tina cui, tetere, masa copa cahai jirina mūrocaa wahaha. Ñ cuia painare yahueraha.

Jesu María Magdalenare bajuaha

(Jn 20.11-18)

9 [Ã] yo Jesu sehe domingo ñamicunucā to masa wijaari baharo, María Magdalenare to siete watia to cohāñohricorore tiro bajua mūhtaha. 10 Jesu mehne macaina cjiri sehe to yariachu ñua, tuaro cahya, tīia niha. Ñ ti tīiro watoi, María Magdalena sehe Jesure to ñurire tinare yahuro sūmaha.

11 “Jesu catihre. Ñuhi yuhu”, ni yahumaha ticoro. To ã ni yahupachu, tina sehe ticorore ne tūho duaeraha.

Jesu to buheinare bajuaha

(Lc 24.13-35)

12 Baharo pūaro tina mehne macaina masa marienopu ti tinichu Jesu soro bajuriro tina cūhure bajuaha tjoa. 13 To ã bajuachu ñua tina tjua waha, paina Jesu yainare tīre yahuha. Ti ã ni yahupachu, tina cūhure tūho duaeraha.

Jesu to yare buhe dutiro warocaha to buheinare

(Mt 28.16-20; Lc 24.36-49; Jn 20.19-23)

14 Baharo to buheina oncere mesa cahapu ti chu dujiro wato, tinare bajuaha tjoa Jesu. Tirore ñurinare ti yahuchu ti tūho duaerari buhiri, tirore ti noano wacū tuaerari buhirire masino, tiro tuhtihā tinare. 15 Ñ tuhti tuhsu, tinare õ sehe niha:

—Ahri yahpa jipihiropure ahri yu ya quiti noaa buheare jipihtina ahri dacho macainare noano yahu site pahñona wahaga. 16 Yuhare wacū tuainare ti bautisarinare pichacapu wahaborinare yuhdorohca Cohamacu. Tuhsu, yuhure wacū tuaerina Cohamacu to buhiri dahrehtina pichacapu wahahtina jiahca. 17 Ñ jia yuhure wacū tuaina yu tuaa mehne õ sehe yoaahca: Yu tuaa mehne, yu wama mehne watīare cohā



wioahca. Tuhsu, wahmaa duserire durucuahca. 18 Å yoa agãare ti ñahachu, jipihtia ñima dohse jia ñimare ti sihnichu, tinare ne purísi. Å yoa dohatina bui ti wamomacarine ti ña payochu tina noaina wahaahca —ni yahuha Jesu to buheinare.

Jesu muanopu mujaa wahaha

(Lc 24.50-53)

19 Å ni yahu tuhsu mari puhtoro Jesu muanopu mujaa wahaha. Tópu suro Cohamacu poto buhusehei dujiha tiro mehne puhtoro jiro. 20 Å jia tina jipihiropu noaa buheare Cohamacu masare to yuhduchu yohti buheare buhea wahaha. Ti å buhechu mari puhtoro tinare yoadohoha. To tuaa mehne yoa ño masichu yoaha tinare, masare to ya buheare tuho dutiro. Tó puro tjira.]

San Lucas

1 1-3 Pָuhtoro Teófilo, ahrire mַu buhehti cjihtire mֹuhure joarocai nije. Jesu sָa mehne jisinino to yoari cjirire payָ paina joa dָuca tuhsure. Wahmanopָre Jesure nָhina cjiri, to yare buheina cjiri ti ni yahuriro seheta paina tִre joa dָuca tuhsure. Ā jicָ ahri jipihtiare noano masi pahָno duacָ buhei. Ā jicָ yuhָ cָehָ tִre noano joa duaja mַu buhehti cjihtire yoacָ tacָ. **4** Jesu yare yahuina mֹuhure buhe tuhsure. Tִre noano mַu masi namohto sehe ahri tjure mֹuhure joarocai nije.

João masare bautisahtiro to masa bajuahrtire anjo yahuha

5 Herode Judea yahpa macaina pָuhtoro to jichָ cָuiro sacerdote Zacaria wama tiriro jia tiha. Ā jiro Zacaria to ya curua macaina sehe sacerdotea curua Abías cjiro ya curua jiha. Zacaria namono cָehָ sacerdote Aarō cjiro panamañono ji turiaricoropָ jiha. Ticoro Elisabe wama tiricoro jiha. **6** Tina pָuaro Cohamacָ dutiare noano yoa pahָnoina ti jichָ nָhno, “Ahrina yָu cahmano seheta ā jia tirucura”, ni nָhha Cohamacָ tinare. **7** Ticoro Elisabe ne pohna marienicoro jiha. Ā jia tina pָuaro ne pohna marieina ji, bָuhָna waro jiha.

8 Ā yoa sacerdotea ti dahraare dahraa taa, ō sehe yoaa tiha: Dahra mֹuhtri curua cjiro pa curua mehne cahma cohtota mֹujaa tiha. Ā jia Zacaria ya curua macaina dahrahti dachori jichָ, tina dachoripe sacerdotea ti dahraa tirucuriro seheta Cohamacָ ya wָuhָpu dahraa taa niha. **9** Sacerdotea Cohamacָre ti ño payori mesapָ inciensore me sitia pohcare jָuhtiro cjihtore besea taa, docapea mehne besea tiha. Ā yoa ti quihōri dacho jichָ Zacaria ya curua macaina me sitiare jָuhtirore besea taa docapeha. Ā docapea Zacariare beseha. Ā jiro tiro pָuhtoro Cohamacָ ya wָuhָpu sָaa wahaha me sitiare jָuho waharo. **10** Tí wָuhָpu tִre to jָuho watoi jipihtina masa sehe sopacapָ Cohamacָre sinia tiha. **11** Tí pjare Cohamacָ yairo anjo Cohamacָre ño payori mesa poto bָuhָsehei bajuarucָ suha Zacariare. **12** To ā bajuachָ nָhno Zacaria tirore nָh cua yuhdua wahaha. **13** To ā cuaachָ nָhno anjo tirore ō sehe ni yahuha:

—Zacaria, cuii tjiga. Cohamacu mu sinirire tuhore.

Ã jina mipure musa pohna tinahca. Musa macu cjihto masa bajuarohca. To bajuachu “João” ni wama pisuga tirocâre.

14-17 “Tiro yu tuaa mehne payu noaare yoarucuriro jira”, ni ñunohca Cohamacu mu macure. Tiro to masa bajuari baharo vinore, sihbiori cãhure sihnisi. Ã jiro tiro to masa bajuaho pano Espíritu Santo to niriro sehe yoariro jirohoca tiro. Espíritu Santo tiropure sãaruchu su tuhsu ã baju yoarucurohca tiro mehne. Ã yoa payu Israe masare Cohamacu mari puhtorore cahmaeraina cjirire noano cahmachu yoarohoca mu macu. Mari puhtoro to tahto pano Elia cjiro Cohamacu yare yahu muhtariro to buheriro seheta Espíritu Santo to yoadohoro mehne Cohamacu to tuaa mehne mu macu cãhu buherohca. A buhero ti pucusuma ti pohna mehne ñano jimarinare ti noano cahma cahu jichu yoarohoca. Ã yoa Cohamacure yuhdurucaina cjiri cãhure noano ño payoa mehne yuhtichu yoarohoca. Ã buhero mari puhtoro Cohamacu yaina cjihtire yoarohoca tiro. Ã jicu to masa bajuari baharo muhu wahcheihoca. Payu paina cãhu wahcheahoca —niha anjo Zacariare.

18 To ã nichu tuhoro Zacaria sehe õ sehe ni sinituha anjore:

—Sã bucuna jija. ¿Ã jicu mu niri potocã jichu dohse masicuhcari yuhu? —niha tiro.

19 To ã nichu anjo sehe tirore õ sehe ni yahuha:

—Yuhu Gabrie wama tiriro jija. Cohamacu cahamacuno to cahai ducuriro jija yuhu. Cohamacu ahri noaa quitire yahu dutiro, mu cahai yuhure warocare. **20** Yu yahuriro seheta potocãta waharohoca. Yu ã nipachuta yuhure muhu potocã tuhoerare. Ã jicu mipure muhu durucu masierariro wahaihoca. Mu macu to bajuari baharo durucuihoca tjoa —niha anjo Zacariare.

21 Sopacapu jiina masa Zacariare cohtaa niha. “¿Dohse jiro baro tiro Cohamacu wuhupu jiro, so wijaa taerajari?” ni, cohtaa niha masa tirore. **22** Tuhsu, tiro wuhupu jiriro wijaa wihi, tina mehne durucu masieraha. “Tiro Cohamacu wuhu bajuare ñuno niboca”, ni tuhotu masiha tina. Ã jiro tiro durucu masierariro jiro to wamomacari mehne yoa cayoha masa ti masihto sehe.

23 Cohamacu wuhu to dahraa pihtichu, tiro to namono mehne tjuaa wahaha ti wuhupu. **24** Ti ã tju suri baharo to namono Elisabe niji pocoro jiha. Ã jiro ticoro cinco suri waro

masa cahai wahaeraha. 25 Ó sehe ni tāhotuha ticoro: “Mipure yuhure Cohamacu yoadohore juna. Pohna marienicoro jico buobiaro yuhdahi yuhu. Cohamacu to yoadohoro mehne mipure nijinocare bocaja yuhu”, ni tāhotuha ticoro.

Jesu to masa bajuahtore yahuha anjo

26-27 Elisabe cinco sūri niji pocoro to ji wahcachu waro Cohamacu sehe anjore Gabrie wama tirirore nuhmino, ne mua mehne jieraricoro cahapu warocaha. Ticoro María wama tiricoro Nazarei Galilea yahpai jiri macai jia tiha. José wama tiriro jiha to manuno cjipto. Tiro panopu macariro Davi cjiro panamino ji turiarropu jiha. 28 A to warocachu María cahapu sūro, anjo ò sehe ni yahuha:

—María, ¿jimajari muhure? Cohamacu muhure yoadohoro nina. Muhure noano yoaro nina —niha anjo ticorore.

29 To ã nichu tāhoro, ticoro tuaro wacu tāhotuha. Anjo to yahurire tāhoturo “¿Dohse nino baro yuhure ã nicari?” ni wacuha ticoro. 30 To ã ni tāhotuchu masino anjo ò sehe ni yahu namoha ticorore:

—María, Cohamacu muhure tuaro cahīna. A jico muhure yu yahuhtire tāho cuaeco tjiga. 31 Noano tāhoga. Cāiro nijinocare pohna ticothca muhure. Tirocā to masa bajuarí baharo, “Jesu” ni wama pisucohca muhure tirocāre. 32-33 Tiro tua yuhdāriro jirohca. A jia tirore “Cohamacu Jipihtina Bui Jiriro macunota jira”, ni masiahca masa. Mu macu ñachuno munanopu Davi cjiro Israe masa ti pāhtoro to jia tiriro cjiro seheta mu macu cjipto cāhure cūnohca Cohamacu. A jiro jipihtia dachoripe tiro Israe masare dutirohca. Pāhtoro to jihito ne pihtisi —niha anjo.

34 To ã nichu tāhoro María sehe ò sehe ni sinituha:

—¿Dohse yuhu manu mariapacohta pohna tibocari yuhu?
—niha ticoro.

35 To ã nichu tāhoro anjo ò sehe ni yuhtiha:

—Espíritu Santo to tuaa mehne muhure nijinocare bocachu yoarohca. A jiro Cohamacu Jipihtina Bui Jiriro to tuaa muhure to masuruca caharo seheta bajuaeraparota tarohca muhure. A jia “Cohamacu macuno, ñaa buhiri tia marieriro jira”, niahca masa mu macure. 36-37 Cohamacu jipihtiare yoa masina. A jiro mu coyeacoro Elisabe cāhu būcoro waro jiparota mipure niji pocoro jira ticoro. Ticoro pohna tirohca munocare. Masa

ticorore “Nijinocā boca masienicoro jira”, ti niri coro cjiro mipure nijinocare to bocari baharo seis sāri waro wahara —niha anjo Maríare.

38 To ã nichu María õ sehe ni yahitiha:

—Yuhure tūhoga. Mari pūhtoro to cahamacono jija yuhu. Mu niri ro sehetu yuhure ã wahajaro —niha ticoro.

To ã niri baharo anjo wahaa wahaha.

María Elisabere ñuño wahaha

39 To ã niri baharo María tūyucuri jiri yahpapu Judea yahpái jiri macapu ño duaro wahaa wahaha. 40 Tópū súro, Zacaria ya wuhupu sāano, “¿Jimajari?”, niha ticoro Elisabere.

41 To ã nichu Elisabe to tūhochuta, to macuno sehe niji suhtiropu jirirocā ñuhmiha. Elisabe Espíritu Santo to dutiriro sehetu yoa pahñoricoro jiro, to tuaare cjuaricoro jiha. 42 Ñ jiro tuaro wahchea mehne ticoro bisiro durucuha:

—Jipihtia numia yuhdoro māhure noano yoahre Cohamacu. Mu macu cūhure noano yoahre Cohamacu. 43 Cue, yu pūhtoro pocoro yu cahai mu tachu noano yoara yuhure Cohamacu.

44 Mu yuhure “¿Jimajari?” mu nichu yu macu sehe niji suhtiropu jirirocā wahchea mehne ñuhmihi yuhure.

45 Cohamacu to niri ro sehetu yoarohca. Ñ jico to yahurire tūhoricoro jico wahchericoro jira muhu —niha Elisabe Maríare.

46 To ã nichu María õ sehe ni yahitiha:

“‘Cohamacu noariro, tuariro jira’, nija. Yuhu noano yajeripohna tija.

47 Cohamacu yuhure pichacapu wahaboricorore yoadohoriro jira.

Ñ jiro mipure yuhure noano wahchea mehne jichu yoara.

48-49 Tiro yuhure to cahamaconore wacuri jira.

Cohamacu tua yuhdūariro noaa dihtare yuhure yoadohohre.

Ñ jia mipure ‘Ticorore Cohamacu noano yoahre’, jipihtina masa ã ni, durucuahca yuhure.

Cohamacu ñaa marieriro jira.

50 Jipihtia dachoripe jipihtina tirore ño payoinare tiro pja ñuriro jira.

51 Cohamacu to tuua mehne yoaha. ‘Painare yuhdurucaja’, niinare yuhdurucaha tiro.

52 Puhtoare cohāha tiro. Ā jiro cahamaca sehete tiro puhtoa yoaro seheta cūha tinare.

53 Juca baaina cjirire tiro noaa chuare waha. Tuhsu, payu cuaaina cjirire paye baro cueaeraina yoaha tiro.

54-55 Mari ñuchusuma cjirire to yahu cūriro seheta yoa pahñoha Cohamacu.

To cahamaca Israe masare tiro yoadohoha.

Abrahā cjirore mari ñuchusuma cjirire jipihtina to coyea to baharo jiina cūhure Cohamacu jipihtia dachoripe ā pja ñurucuriro jia tiha.

Tinare to yahu cūrire boeraha Cohamacu”, niha María.

56 Tia su waro Elisabe mehne jiha ticoro. Tó puro to jiri baharo to ya macapu tjuaa wahaha María.

João masa bajuaha

57 Elisabe to niji wahcōri baharo to macuno masa bajuaha.

58 Ā jia Cohamacu ticorore to ā noano yoachu to ya maca macaina to coyea cūhu ticoro mehne wahcheha. 59 Ocho dachori to masa bajuari baharo, to pucusuma tirocāre mahanocā to pjacu cahsarocāre yihsu dutia taa niha. Ā jia tina mehne macaina ti cahapu suha ti yihsochu ñuha taa. Tina mehne macaina Zacaria to pucuro wamare tirocāre wamo duamaha. 60 Ti ā wamo duapachuta to pocoro õ sehe niha:

—To pucuro wamare wamoeraja. João wamoanahca tirocāre —niha ticoro.

61 —Mu coyea ne cūiro João wama tiriro mariahna —niha tina ticorore.

62 Ā jia ti wamomacari mehne yoa ño, Zacariare õ sehe ni sinitu ñuha tina:

—¿Mu waro dohse wamo duajari mu macure? —ni sinitu ñuha tirore.

63 Ti ā nichu tiro sehe joahti pjine siniroca, ñaha, joaha: “Yu macu João wama tirohca”, ni joaha Zacaria. To ā ni joachu tina sehe cuaa wahaha. 64 To ā ni joari baharo tirore durucuchu yoaha Cohamacu. Ā jiro tiro durucua wahaha juna:

—Cohamacu tuariro, noariro jira —niha tiro.

65 To ā ni durucuchu tuhoa tó macaina cuaa wahaha. Ā jia ahri jipihtiare Judea yahpa macainare tayucu watoi jiinare

masa yahu siteha. Á jia masa tó macaina noano masi pihtia wahaha. 66 Jipihtina tíre tūhoa wacūha. “Cohamacú tuaare ahrirocā cjhara. Á jiro wiho jiriro jierara ahrirocā”, ni tūhotuha masa.

Zacaria Cohamacure ño payoha

67 Á yoa to pñucuro Zacaria sehe Espíritu Santo to dutiriro seheta yoa pahñoriro jiro to tuaare cjhariro jiro Cohamacú yare õ sehe ni yahuha:

68 “Mari Israe masa Cohamacure, mari pñhtorore wahche payojihna mari. To yaina jija mari. Á jiro tiro mari cahapú wihiro, marine yoadoho, noano yñhdñchú yoaro taro nina.

69 Cohamacú marine, pichacapú wahaborinare yñhdñchú yoahtiore, tua yñhdñariore warocara.

Ahriro marine yñhdñchú yoahtiro cjihto sehe Cohamacure dahra cohtariro Davi cjiro panamino ji turiariro jira.

70 Panopure to yaina waro, to yare yahu mñhtaina cjurire ahri õ sehe wahahto cjihtore yahu cù mñhta tuhsú tiha.

71 ‘Mñsare ñu tuhtiinare, jipihtina mñsare ñano yoainare dñcataihtja’, ni cùha Cohamacú marine.

72 Mari ñuchusúma cjuripure ‘Mñsare pja ñui, yoadohohtja.

Mñsare yu yahu cûrire wacñihtja’, niha Cohamacú. Tí pjapure to ni cûriro seheta mipure marine sohtori tiro taro nina.

73-75 Panopure õ sehe ni cùa tiha Cohamacú Abrahâre: ‘Potocá niita njija mñhure.

Mñ coyea baharopú ji nññuhtinare paina tinare ti ñu tuhtichú, yñhu sehe tinare dñcataihtja.

Á jia mñ coyea sehe ne cuiro marieno yu dutiare yoa, yñhure ño payoahca.

Tina ti catiro puro yu ñuñocaroi buhiri marieno, quihõno jia tiina jirucuahca’, ni yahu cùa tiha Cohamacú mari coyeiro Abrahâ cjirore”,

niha Zacaria. Á ni tuhsú tiro to macuno cñhure õ sehe niha tjoa:

76-77 “Macʉ, mʉhʉre õ sehe niahca masa: ‘Cohamacʉ Jipihtina Bui Jiriro yare yahu muhtarirota jira’, ni masiahca mʉhʉre.

Mʉhʉ mari pʉhtoro Cristo to tahto panore masare yahuyui wahaihca.

Ã yahuyui wahacʉ, õ sehe ni yahuyuihca tinare: ‘Mari pʉhtoro tarohca.

Tiro mʉsa ñaa yoari buhiri tiare cohã, pichacapʉ wahaborinare yʉhdorohca mʉsare’, ni yahuihca mʉhʉ.

Ã ni yahucʉ, mari pʉhtoro to tahtore cahnoyu dutii niihca mʉhʉ tinare.

78 Cohamacʉ sehe marine tuaro pja ñʉriro ji, marine noano yoariro jitjiāno, tiro marine pichacapʉ wahaborinare yʉhdʉchʉ yoa duara.

Ã jiro tiro Cristore buhriaro yoaro sehe jirirore mari cahapʉ warocara.

79 Tiro mari cahai wihiro marine pichacapʉ wahaborinare nahitiano waropʉ jimarinare buhriaro marine to noano ñʉ bocachʉ yoaro sehetra Cohamacʉ ya potocã ni yahuare masichʉ yoarohca tiro.

Ã yoa mari tiro mehne cñno mehne mari noano ji masihto cjihto cñhʉre yahurohca marine”,

niha Zacaria.

80 Ã yoa Zacaria macʉno noano pjacʉ tiriro bucʉaha. Ã bucʉaro, Cohamacʉre tuaro ño payoriro jiha. Tuhsʉ, yoari pja masa marienopʉ jia tiha. Israe masare buhe dʉcaro tópʉta to jiriro cjiroi jia tiha.

Jesu masa bajuaha

(Mt 1.18-25)

2 1 Tí pjare jipihtia yahpari macaina bui pʉhtoro Augusto jia tiha. Ã jiro jipihtinare quihõ dutiha. 2 Ahrina masare ti coã quihõ dʉcachʉ Siria yahpa macaina pʉhtoro Cirenio wama tiriro jiha. 3 Ã jia jipihtina ti ñʉchʉsʉma panopʉ macaina ya macaripʉ ti wamare joa òa wahaha. 4 José cñhʉ Nazarepʉ Galilea yahpai jiri macapʉ jiina waha, Judea yahpapʉ Belē wama tiri macapʉ sʉha. Pʉhtoro Davi cjiro panopʉ macariro to masa bajuariro jiha Belē. José Davi cjiro panamino ji



turiariiro jiro puhtoa masare to quiho dutichu tuhoro Belepu to wamare joa õ dutiro wahaha. 5 ã jiro tiro María to namono cjihto mehne tópu to wamare joa õ dutiro suha. Ticoro sehe wihãrirocãre charo caharicoro jiha. 6 ã jiro Belepu suro ticoro niji wahcõha. 7 Tópure masa ti carrí wuhu ne mu sueraha tinare. ã jiro ticoro pohna ti tuhsu, tirocãre suhtiro mehne coma, wachua ti churi wahwai, tja bui tirocãre duhu payoha. Tirocã wahma to pohna ti muhtarirocã jiha.

Anjoa ovejare ñu wihboinare bajuaha

8 Tí ñamine campopu ovejare ñu wihboina ti yaina ovejare ñu wihboa niha. 9 Tópu ti jichu Cohamacu warocariro anjo tinare bajuaha. To ã bajuachu Cohamacu to si sitea tinare buhriaha. To ã si sitechu ñuha, ovejare ñu wihboina cuia wahaha. 10 Tí ã wahachu anjo tinare õ sehe ni yahuha:

—Noaa quitire m̄sare yahui taja. Jipihtinare masare wahchechü yoarohca ahri quiti. Å jina yuhure cuiena tjiga m̄sa. 11 Micha ñamine p̄htoro cjiro Davi ya macapü m̄sare pichacapü wahaborinare yuhdohtiro, Cristo Cohamacü warocariro mari p̄htoro masa bajua tuhsütre. 12 Suhtiro mehne comariro wachüa chüri wahwa bui ti duhu payoriro m̄sa ñuhtiro tiro tjirohca —ni yahuha anjo tinare.

13 To å nichüta payü m̄ano macaina ji m̄htariro anjo mehne Cohamacüre wahche payoha. Õ sehe ni wahche payoha tina:

14 “Cohamacüre m̄ano macariore ño payojihna.

Å jia Cohamacü to cahüina cuiro marieno

cahmacheno marieno noano jijaro”,

ni wahche payoha anjoa peri.

15 Å ni wahche payo tuhsü m̄uanopü ti m̄jari baharo ovejare ñü wihiboina sehe ti basi cahma durucuha:

—Ahrire Cohamacü marine to yahurire Belépü basa ñujihna —niha tina ti basi.

16 Å nia ño duaro wahaa wahaha tina. Maríare, Josére boca sü, wihibirocäre wachüa chüri wahwai ti duhu payorirocäre ñüha tina. 17 Ovejare ñü wihiboina tirocäre ñü tuhsü anjo wihibirocäre to yahurire yahu turiaha painare. 18 Ti å ni yahu turiachü jipihtina tinare tüho chaa wahaha. 19 Ahri jipihtiare María wacü tühoturucuha. 20 Å yoa ovejare ñü wihiboina sehe anjo to yahuriro seheta jichü ñüha, “Cohamacü tuariro jira”, ni wahcheha. Å ni wahche, majare tjuaa wahaha.

Cohamacü wühäpu Jesu pucusuma tirocäre naaha

21 Cü somana baharo wihibirocä to pjacüre mahancäca cahsarocäre yihsö na tuhsü tirocäre tina Jesu wamoaha. Jesure wahma to bocahto pano anjo sehe “‘Jesu’ ni wama pisuga tirocäre”, ni yahu tuhsüha. Å jia tirocäre “Jesu” ni wama pisuha.

22 Cohamacü dutia Moise to yahuriro seheta yoaa taa José, María mehne Jerusalépü wahaha. Tópü wahaha María to pohna tiri baharo to noaricoro to wahari baharo to å waharire ñono taro. Å wahaa, tina Jesucäre naa wahaha. Tirocäre Cohamacüre “Ahrirocä mü yairo cjihto jira”, ni ñoa wahaha. 23 Õ sehe yoaha Cohamacü yare ti joari püi to yoa dutiriro seheta. “Jipihtina m̄sa pohna wahma bajua m̄htainacäre

Cohamacure ñoga. ‘Ahrriocā mʉ yairo cjihto jira’, ni ñoga”, ni dutia tiha Cohamacʉ. 24 Ñ tuhsʉ Cohamacʉ to yoa dutiriro seheta tina minichahcare waa wahaha Cohamacure ño payoa. Ó sehe dutia tiha Cohamacʉ: “Bujaa pʉaro waga yʉhure. O tina mariachʉ urítua wiħainacā pʉaro waga yʉhure ño payona”, ni dutia tiha Cohamacʉ. To yoa dutiriro seheta yoaha tina ticoro pjacʉ noari pjacʉ to waharire ñoa taa.

25 Jerusalēi Simeo wama tiriro jiha. Tiro quihōno yoariro, Cohamacure ño payoriro jiro, Cohamacʉ Israe masare to yoadohohtire cohtariro jiha. Tiro Espíritu Santo to nino sehe yoariro jiha. 26 Ñ jiro tiro to yariahto pano Cohamacʉ to warocahtirore Cristore to ñʉhti cjihtire tó pano yahu tuhsʉha Espíritu Santo tirore Simeore. 27 Ñ jiro Espíritu Santo tirore to dutichʉ Cohamacʉ wʉhʉpʉ sāa wahaha. To sāa sʉri baharo Jesu pʉcʉsuma ti macʉnocāre na sāaha. Cohamacʉ to dutiriro seheta yoaa niha. 28 Simeo sehe tirocāre wʉa na, Cohamacure ño payo, “Noana” ni, tiro mehne durucuha.

Ó sehe niha tiro Cohamacure:

29-32 “Mipʉ pinijtare pʉhtoro, mʉ niriyo seheta jipihtina

masare pichacapʉ wahaborinare yʉhdʉchʉ
yoahtiro cjihtore warocahre mʉhʉ.

Tiro judio masa jierainare buhero mʉhʉre noano
masichʉ yoarohca tinare.

Masare yʉhdohtiro Israe masʉnore mʉhʉ cūha.

Sā coyeirore Israe masʉnore mʉ cūchʉ jipihtina
masia, ‘Israe masare noano yoara Cohamacʉ’,
niahca masa.

Ahrriocā sāre yʉhdʉchʉ yoahtiro jira.

Ñ jicʉ ahrirocāre ñʉ tuhsʉcʉ, mipʉre noano
wahcheriro yariaihca”,

niha Simeo.

33 Simeo tirocāre to ã nichʉ Jesu pʉcʉsuma sehe tʉho cʉaa wahaha. 34 Ñ jiro Simeo tinare “Noano jiga mʉsa” nino, tiro María Jesu pocorore ó sehe ni yahuha:

—Cohamacʉ ahrirocāre beseha. To ã beseriro to jipachʉta judio masa payʉ tirore yʉhdʉrʉcaahca. Ñ yoaa tina pichacapʉ wahaahca. Judio masare payʉ yʉhdohtirore Cohamacʉ beseha tirocāre. Tiro Cohamacʉ yare yahuriro to jipachʉta masa payʉ tirore ñano ni yahu wajaahca. 35 Ti ã yoachʉ paina ti ñano

wacūare masiahca. Ñ jico māhā tuaro cahyacohca —niha Simeo Maríare.

36 Tói Cohamacu yare yahu māhtaricoro Ana wama tricoro jiha. Ticoro Fanuel macono jiro, Aser cjiro ya curua macaricoro jiha. Bucoro waro jiha. Ticoro nuhmino jiro manu tiha. Ñ yo a siete cūhmari to manuno mehne jiha. Tó puro to jiri baharo to manuno yariaha. 37 Ñ jiro ochenta y cuatro cūhmari waro wapewahyoro jia tiha ticoro. Ñ jiro ticoro dachopu cūhure ñamipu cūhure Cohamacu yare yoaro taro chuaeraro, Cohamacu mehne durucu, Cohamacu wuhure ne wijaaera tiha. 38 Simeo to durucuro watoi ticoro tina cahai wihiro, wahchero Cohamacure “Noana”, niha. Ñ jiro Jerusalē macainare pichacapu wahaborinare yuhdohtirore cohtainare ticoro Jesucare yahuha tina jipihtinare.

José, María, Jesu mehne Nazarepu tjuaa wahaha tjoa

39 Cohamacu to dutiriro seheto yoa tuhsua, tina ti ya macapu Nazarepu tjuaa wahaha. Galilea yahpai jiha tí maca Nazare. 40 Jesu sehe noano bucua, tuariro wahaha. Ñ jiro tiro noano tuho masiriro bucua. Cohamacu tirore noano yoaha.

**Jesu wahma wahmua tariro jiro, Cohamacu ya wuhui
judio masare buheina mehne sahuduro niha**

41 Cūhmaripe Jesu pucusuma Jerusalépū pascua nūmrine bose nūmrine yuhdoa wahaa tiha. 42 Ñ jia Jesu doce cūhmari to cjuachu waro ti yoarucuriro seheto tina jipihtina Jerusalépū bose nūmrine yuhdoa wahaha tjoa. 43 Tí macapu su, tí bose nūmrine yuhdo tuhsu tina ti ya macapu majare tjuaa wahaha tjoa. Wiho mejeta Jesu sehe ti ã majare tjuaapachuta, Jerusalépū tjuanocaha. To pucusuma sehe tira to tjuarire masieraha. 44 “Paina mari mehne macaina mehne taca mari macu”, ni t̄hotumaha tina. Ñ jia tina cū dacho waro noano Jesu marieno waharucumaha. Tí dacho pihtichu waro tina Jesure ti coyea watoi ã jichu ti ñu masiina watoi cūhure macamaha. 45 Wiho mejeta ne bocaeraha. Ñ jia tina pari turi Jerusalépū majare tjuaa wahaha tjoa, tirore macaa wahaa.

46 Tia dacho baharo Cohamacu wuhu wijaroi tirore boca suha. Tói Jesu judio masare buheina watopu duji, tinare tuho, tinare sinituro niha. 47 Tina jipihtina Jesure to quihōno yuhkichu tuhoa noano masirirocā to jichu ñua, tina cuaa

wahaha. **48** Jesu pucusuma cāhū tirore ñua, tina cāhū chaa wahaha. Ā jiro to pocoro tirore õ sehe niha:

—Macū, ¿dohseacū ã yoari māhū sāre? Sā mā pucusuma pjíro tāhotu, cahya, macana nihī māhure —niha ticoro to macunore.

49 To ã nichū tāhoro tiro to pucusumare õ sehe ni yāhtiha:

—¿Dohseana yāhure macari māsa? Yā Pucū waro ya wāhū ji to dutiriro sehetā yoai nija. ¿Tíre masierajari māsa? —niha tiro tinare to pucusumare.

50 To ã ni yahupachūta tina to yahuare tāho ñahaerahā.

51 Æ yoari baharo, Jesu to pucusuma mehne Nazarepū tjuua wahaha. Tju sū, to pucusumare ne yāhdurūcaerariro jia tiha tiro. Ahri jipihtia to yoarire ñūno María noano tāhotu, wacūrucua tiha. **52** Æ yoa Jesu bāchū, noano tāho masiriro wahaha. Tó sehe jiriro to ji bāchachū ñūno, Cohamacū sehe tirore noano ñū ji coa, tuaro cahīa tiha. Masa cāhū tirore tó sehetā noano ñū ji coa, tuaro cahīa tiha.

João masare bautisariro masare Cohamacū yare yahuha

(Mt 3.1-12; Mr 1.1-8; Jn 1.19-28)

3 **1** Tí pjare ti bui pāhtoro jiriro Tiberio wama tiriro to pāhtoro jiri baharo quince cāhmari wahaha. Tuhsū, Poncio Pilato wama tiriro sehe Judea yahpa macaina pāhtoro jiha. Æ yoa Herode wama tiriro sehe Galilea yahpa macaina pāhtoro jiha. To bahūro Felipe sehe Iturea yahpa macaina, Traconite yahpa macaina cāhū ti pāhtoro jiha. Tuhsū, Lisanias wama tiriro Abilinia yahpa macaina pāhtoro jiha. **2** Tí pjare Ana, Caifa mehne jipihtina sacerdotea bui pāhtoa jiha. Ahrina jipihtina ti jiri pjare João Zacaria macūno masa marienopū jirirore Cohamacū sehe tirore to yare buhe dutiha. **3** Æ jiro Jordão wama tiri ma dūhtū cahai jiri yahpai jipihtiropū João buhero wahaha:

—“Noaina jija sā”, ni māsa tāhotumari cjirire tāhotu cohtota, Cohamacūre cahmaga māsa. Æ yoana tíre māsa yoarire ñona tana, bautisaina jiga. Māsa ã cohtotachū ñūno Cohamacū māsa ñaa buhirire borohca —ni buhea tiha tiro.

4 Isaia cjiro panopū macariro Cohamacū yare yahu muhtariro to joariro sehetā ahriro Joaõ yoaro niha. Õ sehe ni joaa tiha Isaia cjiro João to buhehtore:

“Masa marienopʉ durucu sañurucuriro õ sehe ni buherohca: ‘Mari pʉhtoro to tahto pano “Noaina jija sã”, ni mʉsa tʉhotumari cjurire tʉhotu cohtota, Cohamacure cahmaga mʉsa.

5 Pja wʉhturi, pja buri cʉhure noari wapa mari yoariro sehetu, tuhcua maharine potoa mahari mari yoariro sehetu, ñaa maharine noaa maharine mari yoariro sehetu, wetere mʉsa cosariro sehetu mʉsa ñaa tʉhotuare cohtota, cahno mʉhtaga mʉsa.

6 Mʉsa ã yoachʉ Cohamacʉ mʉsare pichacapʉ wahaborinare to yʉhdʉchʉ yoachʉ ñʉahca jipihti ahri yahpa macaina’, ninohca tiro sañurucu yahuriro sehe”,

ni joaa tiha Isaia cjiro panopʉre.

7 Masa payʉ João cahai wihia tiro tinare bautisachʉ cahmaha tina. Ñ jiro tiro tinare õ sehe ni yahuha:

—Agāa ñima tiina yoaro sehetu masare dojomehneina, cui duhti duaina jira mʉsa. Mʉsa ñaa yoarire mʉsa cahya, duhu duaerari buhiri Cohamacʉ to buhiri dahreneto pano duhti masierara mʉsa. **8** Potocāta mʉsa ñaa tʉhotumarine cohtotaina jina, Cohamacure cahmaina jina, tíre mʉsa yoaa mehne ñoga. Õ sehe ni tʉhotu wisiena tjiga. “Panopʉ macariro Abrahã mari ñʉchʉ cjiro jia tiha. Ñ jina to panamana jina mari Cohamacʉ yaina jija”, ni tʉhotu wisiena tjiga mʉsa. Mʉsare niita njia. Abrahã panamana mʉsa jiina jimana mʉsa. Mʉsa ã jipachʉta tí mʉsa ã jia yaba cjihti jierara. Cohamacʉ sehe ahri tāa mehne Abrahã coyeare dahre masina. Ñ jiro Abrahã coyea mʉsa jia wiho waro jira tāa ti wiho waro jiro sehetu. **9** Ó sehe jira: Masa yucʉri yoaro sehetu jira. Cohamacʉ sehe coma mehne yucʉrire cjā cohāriyo yoaro sehe jira. Ñ jiro noaa dicha maria yucure nʉhcōri mehnepʉta cjā cohānohca tiro. Tíre to cjā cohāri baharo, pichacapʉ jū cohānohca tiro. (Ñta yoaro taro nina masa cʉhure tirore cahmaerainare) —ni yahuha João masare.

10 To ã nichʉ tʉhoa masa sehe tirore õ sehe ni sinitu ñʉha:
—¿Dohse yoanahcari sã? —niha tina João.

11 —Pʉa suhtiro cjuariro suhti marierirore cʉno waga.
Ñ yoaa mʉsa chʉa cjuana paina cʉhure waga —niha João.

12 Mahainacā pūhtoa ya cjihtire wapa na cohtaina cūhū tinare to bautisachū cahmaha. Ā jia João cahai wihia, tirore ò sehe ni sinituha:

—¿Buheriro, sā sehe dohse yoanahcari sā? —niha tina tirore.

13 —Musa pūhtoa ti wapa na dutiro purota masare wapa naga. Mahño na namoena tjiga —ni yahuha João tinare.

14 Paina surara tirore ò sehe ni sinituha tjoa:

—¿Sā sehe dohse yoanahcari? —niha tina tirore tjoa.

—Masa ti niñerure maena tjiga. Ā yoana mahñoa mehne ti niñerure naena tjiga. Musare ti waparo purota wahchega —ni yahuha João.

15 Masa Cristore Cohamacū to warocahtirore cohtaa niha. Ā jia ò sehe ni tūhotu dūcaha tina Joāore. “Ahriro João sehe Cristo jiboca”, ni tūhotumaha tina. **16** Ti ã nichū tūhoro João jipihtinare ò sehe ni yahuha:

—Yu baharo yu yuhdoro tuariro tarohca. Noa yuhduariro jira tiro. Tiro yoaro sehe jieraja yuhū sehe. Ā jicū tirore tūhotucū, “Wiho jiriro jija yuhū”, ni tūhotuja yuhū. Yuhū sehe musare bautissacū co mehne yoamahi. Tiro sehe yu yuhdoro yoarohca. Espíritu Santore masa mehne ã jirucuchū yoarohca. Wiho mejeta paina sehere ti ñaare tūhotumari cijire tūhotu cohtota duaeraina sehere tiro pichaca mehne buhiri dahrerohca. **17** Yu baharo tariro cahsarire cohāriro yoaro sehe jira.

Cahsarire cohāriro to batiro mehne jipihtia to trigo yapari cahsarire putiwera. Ā yoa tuhsū trigo sehere to wihibori wuhui cūnlohca. Tó sehetra yoarohca ti tirore cahmainare yu baharo tariro. To putiwea cahsari sehere tiro jūnlohca. Tí cahsarire to jūri pichaca ne yatsi. (Āta yoarohca tiro yu baharo tariro tirore cahmaerainare) —ni yahuha João.

18 Payū to ã ni yahua mehne masare noaa buheare yahuha João. **19** Tuhsū, pūhtoro Herode sehe to bahūro Felipe namonore to namo tiri buhiri, pjíro ñaare to yoari buhiri cūhure João tirore yahumaha. **20** To ã ni yahuri buhiri Herode sehe ñaare yoa namoha, Joāore peresu yoaro.

João Jesure bautisaha

(Mt 3.13-17; Mr 1.9-11)

21 Joāore ti peresu yoahito pano paina masare João sehe bautisaro niha. Tinare bautisaro Jesu cūhure bautisaha. To ã

bautisachu, Jesu diapu ducuriro Cohamacre to sinino watoi muano parí muua wahaha. **22** To parí muari baharo Espíritu Santo buja yoaro sehe Jesu buipu duji taha. To ã duji tachu muanopu durucuro coa taha:

—Muhu yu macu yu cahíriro jira. Muhu mehne wahcheja —nino coa taha muanopu.

Jesu coyea panopu macainare yahua jira ahri

(Mt 1.1-17)

23 Jesu to buhe ducari cuhmare treinta cuhmari cjuaha tiro. “Tiro José macuno jira”, ni tuhotumaha masa. José sehe Elí macuno jiha. **24** Elí Matat macuno jiha. Matat Leví macuno jiha. Leví Melqui macuno jiha. Melqui Jana macuno jiha. Jana José macuno jiha. **25** José Matatías macuno jiha. Matatías Amós macuno jiha. Amós Nahum macuno jiha. Nahum Esli macuno jiha. Esli Nagai macuno jiha. **26** Nagai Maat macuno jiha. Maat Matatías macuno jiha. Matatías Semei macuno jiha. Semei Josec macuno jiha. Josec Joiadá macuno jiha. **27** Joiadá Johanán macuno jiha. Johanán Resa macuno jiha. Resa Zorobabe macuno jiha. Zorobabe Salatie macuno jiha. Salatie Neri macuno jiha. **28** Neri Melqui macuno jiha. Melqui Adi macuno jiha. Adi Cosam macuno jiha. Cosam Elmodam macuno jiha. Elmodam Er macuno jiha. **29** Er Josué macuno jiha. Josué Eliezer macuno jiha. Eliezer Jorim macuno jiha. Jorim Matat macuno jiha. **30** Matat Leví macuno jiha. Leví Simeo macuno jiha. Simeo Juda macuno jiha. Juda José macuno jiha. José Jonan macuno jiha. Jonan Eliaquim macuno jiha. **31** Eliaquim Melea macuno jiha. Melea Mená macuno jiha. Mená Matatá macuno jiha. Matatá Natán macuno jiha. **32** Natán Davi macuno jiha. Davi Jesé macuno jiha. Jesé Obed macuno jiha. Obed Booz macuno jiha. Booz Sélah macuno jiha. Sélah Nahasón macuno jiha. **33** Nahasón Aminadab macuno jiha. Aminadab Admín macuno jiha. Admín Arní macuno jiha. Arní Esrom macuno jiha. Esrom Fares macuno jiha. Fares Juda macuno jiha. **34** Juda Jacobo macuno jiha. Jacobo Isaa macuno jiha. Isaa Abrahá macuno jiha. Abrahá Taré macuno jiha. Taré Nahor macuno jiha. **35** Nahor Serug macuno jiha. Serug Ragau macuno jiha. Ragau Péleg macuno jiha. Péleg Éber macuno jiha. Éber Sélah macuno jiha. **36** Sélah Cainán macuno jiha. Cainán Arfaxad macuno jiha.

Arfaxad Sē macūno jiha. Sē Noé macūno jiha. Noé Lame macūno jiha. ³⁷ Lame Matusalē macūno jiha. Matusalē Enoco macūno jiha. Enoco Jared macūno jiha. Jared Mahalaleel macūno jiha. Mahalaleel Caina macūno jiha. ³⁸ Caina Eno macūno jiha. Eno Sete macūno jiha. Sete Adão macūno jiha. Adão Cohamacu to yoariro jiha.

Watīno ñaare yoa dutimaha Jesure

(Mt 4.1-11; Mr 1.12-13)

4 ¹ Jesu Espíritu Santo to dutiriro seheto yoa pahñoriro jiro, tiro Jordão wama tiri mapu jiriro tjuaa wahaha. To ã tjuaa wahachu Espíritu Santo sehe tirore masa marienopu naaha. ² Tópü sruo cuarenta dachori waro jiha. Tópü to jiro wato watīno sehe Jesure ñaare yoachu cahmamaha. Ñ jiro ñaare yoa dutimaha tirore. Tí dachorire Jesu chueraha. Ñ jiro tí dachori pihtichu waro tiro jüca baaha.

³ To ã jüca baachu ñuño watīno õ sehe nimaha Jesure:

—Muhu Cohamacu macūno jicu, ahria tācare chua dojomehnega —nimaha Jesure.

⁴ Jesu õ sehe ni yuhtiha:

—Yoaeraja. Cohamacu yare ti joari püi õ sehe nina: “Masare chua mehne dihta catieraro cahmana. [Jipihtia Cohamacu ya yahua mehne jiro cahmana]”, nina Cohamacu —ni yuhtiha Jesure watīnore.

⁵ To ã niri baharo watīno sehe tirore tūch muadu buipu na maja sruota jipihtia macari perire ño bahañoha Jesure.

⁶ Ñ nono Jesure õ sehe ni yahuha:

—Jipihtia ahri macari yuhure to wari cjiri jira. Ñ jicu yu cahmarirore wa masija. Ñ jicu ahri macarine, ti cjuaa mehne muhure waihtja. (Yu ã wachu ahri macari macainare muhure dutiihca.) ⁷ Yuhure mu ño payochu ahri macari jipihtia macarine muhure waihtja —niha watīno Jesure.

⁸ Jesu õ sehe ni yuhtiha tirore:

—Muhure ño payoeraja. Õ sehe nina Cohamacu yare ti joari püi: “Mu puhtoro Cohamacu dihtare ño payoga. To ya dutia dihtare yoaga”, ni joaa tiha Cohamacu yare —niha Jesu watīnore.

9-11 To ã niri baharo Jerusalép u watīno sehe tirore na wahcā, Cohamacu wuhu bui na suha tirore. Na su tuhsu tirore õ sehe nimaha:

—Cohamacu yare ti joari pū õ sehe nina:

“Cohamacu yaina anjoare muhure ñu wihibo dutirohca.

Ã jia tina sehe muhure ñu wihiboahca, ‘Muhupu
tacapu puha tu maari’ nia”,

ni joaa tiha Cohamacu yare ti joari pūi. To ã niri quihõno
jichu muhu Cohamacu macuno jicu, yahpapu pju bora ño
ñujuta yuhure. Muhure yoadohochu ño ñujuta yuhure —niha
watino Jesure.

12 Jesu pju bora ño duaeraro õ sehe ni yuhiha tirore:

—Cohamacu yare ti joari pūi õ sehe nina: “Musa puhtoro
Cohamacu to niri cjirire ‘¿Potoca tjijari?’ ni masi duana,
Cohamacure yoa ño duti macaena tjiga”, nina Cohamacu yare
ti joari pūi —niha Jesu watinore.

13 ã jiro watino jipihtia ñaare Jesure yoa dutimaha. ã duti
tuhstro mahanco duhu wahcasiniha.

Galilea yahpai Jesu buhe ducaha

(Mt 4.12-17; Mr 1.14-15)

14 Baharo Jesu Galileapu tjuaa wahaha. ã jiro, tiro Espíritu
Santo tuaa mehne yoaha. Tóí jipihtiropu masa tirore quiti
tiha. 15 Judio masa buhea wuhusei tiro buhea tiha. ã jia
jipihtina masa tirore noano durucuha.

Nazare macaina Jesure ne cahmaeraha

(Mt 13.53-58; Mr 6.1-6)


16-17 Baharo Nazarepu Jesu to buchariroputa tju suha.
Tópu tju suro, Sabado jichu to ã yoarucuriro sehetu tiro judio
masa ti buheri wuhupu saa suha. Tóí tiro Cohamacu yare ti
joari püre buhero taro ducuha. To ã ducuchu ñuta tó macaina
sehe Cohamacu yare yahu muhtariro Isaia cjiro to joari püre
tirore waha. Tí pūi Jesu ahri yahuare bocaro buheha:

18 “Cohamacu to Espíritu yuhu mehne jiro, yuhure
dutira.

Tiro pjacuoinare noaa buheare yahu dutiro
warocare yuhure.

Ã yoa peresupu jiina cuhure tinare to yuhdohtore
yahu dutiro warocare yuhure.

Capari ñueraina ti noano ñuhto cjihtore, painare ti
ñano ti yoapeinare wiohtiro cjihtore yuhure
warocare.



19 Mari puhtoro Cohamacu to yainare pichacapu
wahaborinare to yuhdohtore yuhure yahu
dutiro warocare”,
ni buheha Jesu.

20 ã ni buhe tuhsu Jesu ti pure noari tia turenoca, wuh
macarirore wia tuhsu, dujiha. To dujichu nua toi jiina jipihtina
tiro dihtare nuaha. 21 Ti ã yoachu tiro tinare õ sehe ni yahu
ducaha:

—Ahri michapucacã yu buheriro seheta Cohamacu to
niriro mu suro nina —niha Jesu.

22 To ã nichu tuhoa “Ahriro noariro jira”, ni tuhotuha tina.
Ã jia tina to noano buhechu tuhoa, cuaa wahaha. Ã cuaa
waha, õ sehe niha tina ti basi:

—Cuenah, ¿José macuno jierajari ahriro? —niha tina ti basi.

23 Ti ã nichu masino Jesu õ sehe ni yahuha tinare:

—Yu buheare tuho duaerana, õ sehe ni tuhotura musu
yuhure: “Duhturu dohatiro to basi co ti masina duhturu waro

to jiare ñono. Muhu cuhu duhturu to yoa ñono seheta muñiriro sehe jiriro jichu Cohamacu tuaa mehne yoa ñoga sâre. Capernaupure Cohamacu tuaa mehne yoa ñoyuhti muñhu. Sâ cuhure â yoa ñoga, muñ buheare ‘Potocâ tjira’, sâ ni masihto sehe”, ni duara muña yuhure.

24 'Ahrire yahuihtja muñare. Cohamacu yare yahu muñhtariore to ya maca macaina cahmaerara. Â jina yuhure cahmaerara muña õi yuñ buçuariro jichu. **25** Yuhure tûhoga mipure. Panopu Elia to jiri pjapure tia cuhma noano pa cuhma dacho maca waroi ne coro taeraha. Â jiro jipihtiroputa ne chua mariahua. Tí pjare payu wapewahya Israe yahpapu ti jipachuta Cohamacu Elia cjirote tinare yoadoho dutiro warocaeraha. (Eliare, Cohamacu ya cuhure ti cahmaerachu ñuno tinare yoadoho dutiro warocaeraha.) **26** To ya macare â yoa dutieraparota pa yahpai Sidô cahai jiri macai Sarepta wama tiri maca macaricoro wapewahyorore yoadoho dutiro Elia cjirote warocaha Cohamacu.

27 Baharo Cohamacu yare yahu muñhtariro Eliseo cjiro to jiri pjapure Israe yahpapu payu cami baina ti jipachuta cûiro Israe masunore ne noariro wahachu yoaeraha Eliseo cjiro. To ya yahpa macainare yoaeraparota Naaman wama tirirore Siria yahpa macariro dihtare noariro wahachu yoaha tiro. Â yoaro Israe masare yoadohoeraro, Israe masuno jierariro sehere yoadohoha Cohamacu —niha Jesu tinare.

28 To â nichu tûhoa jipihtina tí wuhui jiina sua yuhdua wahaha. **29** Â jia tina wahcáraca, Jesure na wijaa, tí maca duhtu cahai jiri cunupu tirore tjuroca boro duamaha. **30** Ti â yoa duapachuta Jesu ti watoihta wahaa wahaha.

Watño to cohtotariro Jesure piti bocaha (Mr 1.21-28)

31 Baharo Jesu Galilea yahpai jiri macapu Capernau wama tiri macapu su, Sabado jichu masare buheha. **32** Tiro noano masi pahñoriro to buhechu tûhoa masa tûho chua wahaha. **33** Tí wuhui watño to cohtotariro jiro, õ sehe ni tuaro sañurucuha:

34 —Muhu Jesu Nazare macariro sâre cariboi tjia muñhu. ¿Dohse yoai tai njari sâre? ¿Muhu sâre butichu yoai tai njari? Yuhu masija Cohamacu macuno, ñaa marieriro muñ jiare —ni sañurucuha Jesure.

35 To ã nichu tñhoro Jesu tuhtiha watñore:

—Dihta mariahga. Wijaahga tirore —niha Jesu.

To ã niri baharo masñnore watñno sehe yahpapu doca caha sñ tunuchu yoaro, tirore wijaaha. To ã yoari baharo tiro sehe noariro tjuaha. **36** Tóí jiina jipihtina to ã wahachu ñu cñaah wahaha. Ñ jia ti basi õ sehe ni durucuha:

—¿Yaba baro buhea jijari ahri ã wahachu yoaa? Cuenah. Tuaro mehne pñhtoro yoaro seheta ahriro watñare dutira. Ñ jia to dutiro seheta tina masare wijaara —ni durucuha tina ti basi.

37 To ã yoachu ñua tí yahpapu jipihtiropu masa Jesu yoarire yahu siteha.

Jesu Simo Pedro marechonore noaricoro wahachu yoaha

(Mt 8.14-15; Mr 1.29-31)

38 Judio masa ti buheri wñhure wijaa, Simo ya wñhupu sña saha Jesu. Tóí Simo marechono dohati, tuaro juaro tiha. Ñ jia tina ticoro to dohatichu yahuha Jesure. **39** Ti ã yahuri baharo tiro ticoro cahai sñ, juarore suru dutiha. To ã suru dutiri baharo ticorore juaro surua waha, dñihta noaricoro wahaha. Ticoro ã waharo wahcñ nuju sñ, tinare chñare payoha.

Payu dohatiinare noaina wahachu yoaha Jesu

(Mt 8.16-17; Mr 1.32-34)

40 Sñ sñari baharo jipihtina masa tó cahai jiina dohatiinare Jesu cahapu na sñha. Dohatiina payu soro jia dohatiare cñuha. Ñ jiro Jesu to wamomacari mehne tina bui ña payo, jipihtinare ti dohatiare noano yñhdñchu yoaha. **41** Watñia cñhure Jesu to wijaa dutichu tina wijaa wahaa, õ sehe ni sañurucuha:

—Mñhu potocäta Cohamacu macuno jira —niha tina Jesure.

Jesu Cohamacu warocariro to Cristo to jichu watñia masiha. Ñ jiro Jesu tinare durucu dutieraha, “ ‘Cristo jira’, ni yahu siteri”, nino.

Galilea yahpai buheha Jesu

(Mr 1.35-39)

42 Bohrea mñja tachu Jesu tí macai jiriro waha, masa marienopu sñha. To ã sñri baharo masa tirore maca, boca sñ õ sehe niha:

—Sñ ya macai tjuaga. Wahai tjiga —nimaha tina Jesure.

43 Ti ã nipachuta tiro sehe õ sehe ni yahitiha:

—Cohamacu masare puhoro to noano suho jiare noaa buheare paye macaripu cuhure buhero cahmana yahure. Cohamacu yahure warocare tire yahuhtirore —niha Jesu tinare.

44 Ñ ni tuhsuro judio masa ya yahpa macaa wuhusei, judio masa ti buhea wuhusei tiro buhe tiniha.

Jesu to buheinare payu wahire bocachu yoaha

(Mt 4.18-22; Mr 1.16-20)

5 1 Pa numu Jesu Genesare wama tiri bucpariro duthu cahapu suha. Tói to jichu ñua payu masa Cohamacu yare tuho duaa tirore nuna ti suha. Noano wahpa tarucu suha masa peri. 2 Puharia buso paduroi pahsaa busore Jesu ñua. Tí buso macaina wahi wajaina maja suruca, ti wañuyucuire cosaa niha. 3 Ñ jiro Jesu Simo yariapu samua wahaha. Samu tuhsu tia dohoriare dia duthu cahai coariare siõ buhu dutiha. Tuhsu, dohoriapu duji, masare buheha. 4 Buhe tuhsu, Jesu Simore õ sehe niha:

—Dacho maca cureroi siõ wioga. Ñ jina muhuh mehne macaina mehne musa wañuyucure doca ñoga wahi ñahana —niha Jesu.

5 To ã nichu tuhoro Simo Jesure õ sehe ni yahitiha:

—Puhoro, wahi maca bohreamahi sã micha ñamine. Bohreapanaha ne cüirocã wajäerahti sã. Ñ wajäerapanaha mu dutiro seheta doca ño ñunahtja —ni yahitiha Simo.

6 Ñ ni tuhsu tina doca ñoha. Ñ ti doca ñochu ti wañuyucure payu wahi sähaha. Payu ti sâachu wañuyuchu tuhnua wahamaha. 7 Ñ wahachu ñua tina paria macainare tina mehne macainare pjirocaha:

—Musa cuhu yoadohona tagu sâre —ni pjirocaha Simo cuhu.

Tina ti ã yoadohori baharo puhia buso noano minipahro bocaha wahire. 8 Simo Pedro ã wahi payu ti sâachu ñuno, Jesu panoi na tuhcua caha su, tirore õ sehe ni yahuha:

—Yuh puhoro, muhuh mehne jiboriyo jieraja yuhu. Ñariro jija yuhu. Ñ jicu mu cahai ji masieraja —niha Simo Pedro Jesure.

9 Tiro, jipihtina tiro mehne macaina cuhu payu wahi sâachu ñua, cuaa wahaha tina cuhu. 10 Puharo Simo Pedro mehne macaina Zebedeo pohna Santiago to bahuro João mehne, tina

cūhū ñu cuaa wahaha. Ti ã cuaachu ñuno Jesu Pedrore õ sehe ni yahuha:

—Cuaecu tjiga. Mipure muhū wahire ñaha cahmachuriro mu jiro seheta Cohamacu yaina cjihtire pji cahmachuriro jiihca muhū —niha Jesu Simo Pedrore.

11 To ã niri baharo tina ti buñore bucúpariro dñhtu cahapu waja mo cūnoca, ti ya jipihiare tóhta cūnoca, Jesu mehne wahaa wahaha.

Jesu cami barirore noariro wahachu yoaha

(Mt 8.1-4; Mr 1.40-45)

12 Ñ yoa Jesu pa macai to jichu cami bariro tirore piti bocaha. Ñ piti bocaro tiro Jesure ñu, na tuhcua caha su, õ sehe ni tuaro siniha:

—Puhoro, muhū yoa duachu yuhure noariro yoa masina muhū —ni siniha.

13 To ã niri baharo Jesu tirore ña payoro õ sehe niha:

—Tíre yoa duaja. Mipure noariro jiga muhū —niha.

To ã nichuta to cami bari cjiri yati muwa wahaha. 14 Ñ jiro Jesu tirore õ sehe ni dutiha:

—Ahri yu õ sehe yoarire painare yahui tjiga. Sacerdote cahai wahaga mipure. Ñ jicu mu pjacure noari pjacu to waharire ñoga tirore. Cohamacu dutia Moisere to cūri to niriro seheta yoaga. Ñ yoacu sacerdotere pñaro minichahcare waga noariro mu waharire sacerdoteare ñoi tai —niha cami bariro cjiroke.

15 “Yahui tjia”, to nipachuta jipihiropu masa tirore yahu site namoha. Ti ã yahu sitechu tñhoa masa payu tiro cahapu suha. Dohatiina noaina waha dua, tina cñhu tiro cahapu suha. 16 Ti ã supachuta Jesu masa marienopu Cohamacure sinino wahaha.

Jesu pjacu bñharirore noariro wahachu yoaha

(Mt 9.1-8; Mr 2.1-12)

17 Pa dachoi Jesu to buhechu fariseo curua macaina, judio masare buheina cñhu tñjua dujiha. Tina jipihtina Galilea yahpai jia macari macaina, Judea yahpai jia macari macaina, Jerusalé macaina jiha. Ti ã jichu ñuno Jesu Cohamacu tuaa mehne dohatiinare noaina wahachu yoaha. 18 Mahainacã muwa pjacu bñharirore to coñri cahsaro mehne yo wua wihiha. Ñ jia tirore

Jesu cahai cū duaa, wāhupū yo sāa duamaha tina tirore. **19** Ñ sāa duapahta masa payū jichū tina tirore yo sāa masieraha. Ñ jia tirore wāhu buipū yo mūjaha. Yo mūja sū, mahancā muji pahmare nawe, tí copai pjacū būharirore to coāri cahsaro mehneta duhu boroha Jesu cahai jiina watoi. **20** “Jesu ahrirore to dohatiare yāhdūchū yoarohca”, ni tūhotuha tina. Ti ã ni tūhotuchū masino Jesu pjacū būharirore õ sehe ni yahuha:

—Coyeiro, mū ñaare yoari buhiri tiare yāhu cohā tuhsūja —niha Jesu tirore.

21 To ã nichū tūhoa fariseo curua macaina, judio masare buheina cūhū ti basi õ sehe ni tūhotumaha: “Ahriro ã ni durucuero tjijaro. Tiro masuno mari yoaro sehe jiro, ñaare to yoari buhiri tiare cohā masierara. Cohamacū dihta masa ti ñaare yoari buhiri tiare cohā masina”, ni tūhotumaha tina.

22 Jesu ti ã ni tūhotuare masino, õ sehe niha:

—¿Dohse yoana ã ni tūhotujari mūsa? **23** “Mū ñaa yoari buhiri tiare yāhu cohā tuhsūja”, yū nichū, “Mahñoriro jira”, yūhure nina mūsa noano masierapanaha. “Wahcārūca wahaga”, yū nichū yū niri potocā jia jichū dóihta masinahca. **24** Yāhu masuno Cohamacū warocariro ahri yahpai ti ñaare yoari buhiri tiare cohā masija yāhu. Masa ti ñaare yoari buhiri tiare cohāhtiro cjihtore cūre Cohamacū yūhure. Yū ã cohārine mūsa masihto sehe õ seheta yoa ñoihtja mūsa ñuhti cjihtire —niha Jesu.

Ñ ni tuhsū pjacū būharirore õ sehe niha:

—Mūhure niita nija. Wahcārūcaga. Mū coāri cahsarore na wahcāga mū ya wāhupū —niha tirore.

25 To ã nichū tūhorota jipihtina ti ñurocari wahcārūca, to coāri cahsarore na, to ya wāhupū tjuaa wahaha. Ñ waharo tiro Cohamacūre ño payoro, wahchea mehne noano durucuha. **26** To ã yoachū ñua masa sehe jipihtina cūaa wahaha. Tina cūaa waha, Cohamacūre ño payoa, wahchea mehne noano durucuha:

—Michare soro jiare ñahi sā —niha tina.

Jesu Levíre piha (Mt 9.9-13; Mr 2.13-17)

27 Ñ yoa tuhsū waha, Leví wama tirirore to dahrari tahtiapū jirirore boca sūha Jesu. Leví sehe pūhtoa ya cjihtire masare wapa na cohtariro jiha. Ñ boca sūro tirore õ sehe niha:

—Yuhu mehne macariro cjihto taga mahu —niha tiro Levíre.

28 To ã nichu Leví sehe jipihtia to dahraare duhunoca, Jesu mehne wahaa wahaha.

29 Baharo Leví ya wuhui bose nümü Jesure yoa payoro niha. Tói payu wapa na cohtaina, paina cühu Leví mehne dujiha.

30 Tina mehne Jesu cühu ti dujichu ñua mahainacã fariseo curua macaina, judio masare buheina mehne sua, Jesu buheinare õ sehe ni sinitu ñuha:

—¿Dohseana ñano yoaina, wapa na cohtaina mehne chujari musa? —ni tuhtiha tina.

31 Ti ã nichu tuhoro Jesu yuhtiha tinare. Õ sehe ni piti dahre buheha:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira.

32 ã jicu ñaare yoainare yahui tai nihi yuhu Cohamacure cahma duticu. Ti basi “Noaina jija sã”, ni tuhotuinare yahui tai nierahi yuhu —niha Jesu.

Chu duhuare Jesure sinituha paina

(Mt 9.14-17; Mr 2.18-22)

33 ã yoa mahainacã masa Jesure õ sehe ni sinitu ñuha:

—João buheina payu tahari Cohamacure ño payoa taa chu duhura. ã yoaa, tina payu tahari Cohamacure sinina. Fariseo buheina cühu ti yoaro seheta yoara. Ti ã yoapachuta mu buheina sehe Cohamacure ño payoa taa chu duhuerara.

¿Dohse yoa ã yoaerajari tina? —niha tina Jesure.

34 Ti ã nichu Jesu to tuhotua mehne quiti dahre buhero taro tinare õ sehe ni yuhtiha:

—Ó sehe jira ti: Wamomaca dähteropu ti pjircaina wamomaca dähteriro mehne jia, chu duhu masierara. Tó seheta yu buheina cühu yuhu mehne jia, chu duhu masierara. Yuhu wamomaca dähteriro yoaro sehe jija. Wamomaca dähteriro bose nümü to yoachu tiro mehne macaina chueraina jierara.

35 Yu Puchu Cohamacu yuhure to naari baharo pinichtare yu buheina mehne jisi yuhu. ã jia tí pjaputa yu buheina cühu chu duhuahca —niha Jesu.

36 Panopu macaa buhea wahma buhea mehne ti buhe more duachu ñuno õ sehe ni namoha Jesu tinare piti dahre buhero:

—Ne wahma suhtirore mahari cahsarocā tührē na, mūnano suhtirore sere õno cahmaerara. Mari ã sere õna wahma cahsarore tührē cohāna nija. ã yoa wahma cahsaro mūnano suhtirore mehne cāno potori bajuerara. (Tó seheta mūna buhea wahma buhea mehne piti dahre buheraro cahmana.)

37 'Ã yoa ne se co bisia core wahiquiro cahsaro wajuru mehne mūna wajuru mehne posaeraro cahmana. Mari ã yoachu se co bisia pahmoapu mūna wajurure tührēnocabna. To tahnachu se co cūhū, wajuru cūhū cohōa wahara. 38 ã yoa se co wahma core wahma wajurupu posaro cahmana. Mari ã yoachu se co cohōera, wajuru cūhū cohōerara. (Tó seheta wahma buhea mūna buhea mehne buhe moreraro cahmana.) 39 Mūna core masa ti sihniri baharo, wahma core cahmaerara tina. Õ sehe nia tire masa: “Mūna co wahma co bui curero noaa jira”, nia tire masa —niha Jesu tinare.

Sabado jichu Jesu buheina trigo parorire paha yuhdu wahcāha
(Mt 12.1-8; Mr 2.23-28)

6 1 Pa dacho Sabado jichu Jesu cūhū trigo wesepu sūha. Tópu sū, to buheina sehe trigo parorire paha, tí pohcarire sahcā site boro, tí yaparire chu wahcāna niha. 2 Ti ã yoachu nūha mahainacā fariseo curua macaina tinare õ sehe ni sinituha:

—¿Dohse yoana mūsa Sabado mari sori nūmu to jipachuta dahrjari? Marine dutiare yuhdūrūcana nina mūsa —niha fariseo curua macaina Jesure.

3-4 Ti ã nichu tühroro Jesu tinare yuhhtiha, (“Yu buheina yuhdūrūcaa nierara”), nino taro:

—Davi cjiro tiro mehne macaina mehne jūca baaro, Cohamacu wuhupu sāa, Cohamacu ya pāore chūha. ã chūro tó mehne macaina cāhure tí pāore chū dutiro waha. Tí pāore sacerdotea dihtare chū dutira. Cohamacu dutia tí pāore painare chū dutierara. ¿Davi cjiro tīre to yoari cjurire buherari mūsa? (Tí pāore chūro Cohamacure yuhdūrūcaro nieraha. Michare ahri yaparire chūa yu buheina cāhu Cohamacure yuhdūrūcaa nierara.) 5 Yuhi masuno Cohamacu warocariro ahri dacho Sabado dachore masa ti yoahire yahuriota jicu pāhtorota jija —niha Jesu.

Wamomaca būhariro quiti jira

(Mt 12.9-14; Mr 3.1-6)

6 Pa dacho Sabado jichū Jesu judio masa ti buheri wāhāpū sāa sūro, buheha masare. Tóí wamomaca poto būhusehe būhariro jiha. 7 Mahainacā judio masare buheina, fariseo curua macaina cūhū Jesure yahusā duamaha. “Sabado dachoi masunore noariro wahachū yoaboca Jesu” ni, nū nūnū yahusā duamaha tina Jesure. 8 Jesu ti tūhotuare masino, būhariore ò sehe niha:

—Wahcā sūrūcaga jipihtina ti nūrocaroi —niha tirore.

To ã niri baharo būhariro sehe wahcārūcū sū, tóí ducuha.

9 Ñ jiro Jesu tinare ò sehe ni sinituha:

—Mūsare sinituhtja: ¿Sabado jichū yabare yoa dutijari Cohamacū dutia? ¿Noaare yoachū noaerajari? ¿O ñaare yoachū sehere noajari, mūsa tūhotuchū? Sabado jichū masunore masochū noa nina. Sabado jichū masunore wajāchū sehere noaerara —niha Jesu tinare.

10 Ñ nino Jesu tinare nūroca ò pahño, būhariore ò sehe niha tjoa:

—Mū wamomacare siōrocahga —niha tiro.

To ã nichūta būhariro sehe siōroca, noari wamomaca wahaha. 11 To ã yoachū nūa tina Jesu mehne tuaro suaha. Ñ suaña ò sehe niha:

—¿Dohse yoanahcari mari ahriore? —niha tina ti basi.

Jesu to buheinare doce to warocahtinare bese dapoha

(Mt 10.1-4; Mr 3.13-19)

12 Tí dachorire Jesu tūcūpū Cohamacūre sinino mūjaa wahaha. Tópū jiro, nāmine Cohamacū mehne durucu bohreaha. 13 Bohrearopū to buheinare to cahapū pjirocaha. Pjiroca tuhsū, tina mehne macainare doce waro to warocahtinare bese dapoha. 14-15 Ahrina jiha Jesu to bese daporina: Simo jiha. Simore Pedro ni pisuha Jesu sehe. Simo bahero Andre, Santiago, João, Felipe, Bartolomé, Mateo, Toma, Santiago jiha. Santiago sehe Alfeo macuno jiha. Ñ jia Simo cananista ya curua macariro cjiro, 16 Juda Santiago macuno, Juda Iscariote tina jiha to bese daporina. Juda Iscariote sehe Jesure nū tuhtiinare nōhtiro jiha.

Jesu payʉ masare buheha*(Mt 4.23-25)*

17 Å yoa Jesu to buheina mehne tūcʉ buipʉ jirina duji taa, payʉ paina to buheina mehne duji wihiሩca, noari wapai ducuha tina. Jipihtiro Judea yahpa macari macaina, Jerusalē macaina, Tiro wama tiri maca macaina, Sidō wama tiri maca macaina, pjiri ma ḫuhtʉ cahai jia macari macaina masa payʉ tiro cahapʉ wihiha. 18 Tina Jesu buheare tʉhoa taa, ti dohatiare cohāchʉ cahmaha tina. Watia ti cohtotarina cūhʉ tiro cahapʉ wihi, noaina wahaha. 19 Jesu to tuaa mehne noaina wahachʉ yoaha tinare. Å jia tina jipihtina tirore dahra ñua taha.

Jesu wahcheare, cahyaa cūhʉre buheha*(Mt 5.1-12)*

20 Baharo Jesu to buheinare ñu, õ sehe ni yahuha:

—Musa pjacchoina, pahtoro Cohamacʉ to sʉho jiropʉ wahanahca musa. Å jina musa wahchenahca.

21 'Mipʉ tiina jina, baharo musa bʉjʉnahca. Å yoa musa wahchenahca.

'Mipʉ tiina jina, baharo musa bʉjʉnahca. Å yoa musa wahchenahca.

22 'Yuhʉ masuno Cohamacʉ to warocariro jija. Å jina yʉ yare yoaina musa jiri buhiri paina mʉsare ti ñu tuhtipachʉta wahcheina jira musa. Mʉsare ti cohāpachʉta wahchenahca. Mʉsare ti ñano durucupachʉta "Ñaina jira", mʉsare ti nipachʉta musa sehe wahchenahca. 23 Mʉsare ti å yoachʉ ñuno mʉanopʉ musa sʉchʉ pjíro noano yoarohca Cohamacʉ mʉsare. Å jina tuaro wahcheina jiga. Noano yajeripohna tiina jiga. Mʉsare ñu tuhtiina ti coyea panopʉ macaina tó seheta ñano yoaha Cohamacʉ yare yahu mʉhtaina cjiri cūhʉre.

24 'Å yoa musa mipʉ payʉ cjhaina ahri yahpapʉ musa noano jinoca tuhsʉre. Å jina ñano yʉhdʉina jinahca musa.

25 'Mipʉ yapiina musa jʉca banahca. Musa å jina ñano yʉhdʉnahca.

'Mipure musa bʉjʉna jina baharopʉ musa cahya, tiinahca. Å jina musa ñano yʉhdʉnahca.

26 ' "Cohamacʉ yare yahu mʉhtaina jija", ni mahñoinare "Noaina jira", nimaha payʉ panopʉ macaina. Å nimirina ti coyea mipʉ macaina cūhʉ åta "Noaina jira", niboca cāina

musa mehne macainare. Ti ã nimarina musa jina ñano yuhduñahca musa cõhù —ni buheha Jesu.

Musare ñu tuhtiina ti jipachuta tina cõhure cahiga
(Mt 5.38-48; 7.12)

27 Å yoa õ sehe ni buhe namoha Jesu:

—Yuhure tuho duainare, musareta nii nija. Musare ñu tuhtiina ti jipachuta tina cõhure cahiga. Musare ñu tuhtiinare noano yoaga. 28 Musare “Ñano yuhdujaro”, niina ti jipachuta noa dutiga tinare. Musare ñano yoaina ti jipachuta “Tina cõhu noano jijaro”, ni siní payoga Cohamacure. 29 Cõiro musa wahsupure to cjachù, pa bühusehe cõhure cjã dutiga tirore. Musa bui macari suhtirore to machu musa camisa cõhure ã wanocahga tirore. 30 Musare sinirirore to sinino purota waga tirore. Musa yare to nachu tirore sinituena tjia pari turi tîre. 31 Paina musare ti noano yoachu cahmana musa. Tinare musa noano yoachu cahmano seheta musa cõhu noano yoaga tinare. Musare ti noano yoaperachuta musa sehe tinare noano yoaga.

32 'Musare cahina dihtare musa cahichu tí ne yaba cjihi jierara paina sehere musa cahierachu. Ñaina cõhu tinare cahina dihtare cahina. 33 Å jina musare noano yoaina dihtare musa noano yoachu tí cõhu ne yaba cjihi jierara paina sehere musa noano yoaerachu. Tíre ñaina cõhu yoaa tire. 34 Å yoa “Yuhure wiaa tire”, musa niina dihtare musa wasochu ne tí yaba cjihi jierara. Ñaina cõhu painare “Yuhure wiaa tire”, ti niinare wasoa tire. 35 Å jina musa sehe musare ñu tuhtiina cõhure cahiga. Å yoa, tinare noano yoaga. Pairore wasona “Yuhure ne wiasi ahriro”, ni tihotuenata tirore wasoga. Cohamacu sehe tirore ji coaeraina cõhure, ñaina cõhure noano yoara. To yoaro seheta yoaga musa cõhu. Musa ã yoachu Cohamacu pjíro noano yoarohca musare. Musa ã yoana Cohamacu tua yuhduariro muano macariro pohna jinahca. 36 Mari Puch muano macariro to pja ñuriro seheta musa cõhu masare pja ñuga —ni yahuha Jesu.

Paina cõhure “Ñaina jira”, nieno tjiga
(Mt 7.1-5)

37 Å yoa tinare õ sehe ni yahu namoha:

—Painare “Ñaina jira”, nieno tjiga musa. Musa ã nierachu Cohamacu musa cõhure “Ñaina jira”, nisi. Paina musare ti

ñano yoarire ti ñano niri cūhure boga mūsa. Mūsa ã bochū ñuno Cohamacū mūsa cūhure mūsa ñaa yoari buhirire borohca. **38** Paye barore cjhana painare waga. Mūsa ã wachū Cohamacū mūsare warohca. Æ waro noano quihōno mūsare pjíro warohca. Wahpa yuhduaro warohca. Painare mūsa wariro purota Cohamacū mūsa cūhure warohca —niha Jesu tinare.

39 Æ ni tuhsū Jesu quiti mehne piti dahre buhero õ sehe ni yahu namoha:

—Capari ñueraina sahsero ti basi noano tūā wahcā masierara. Æ tūā wahcāa, tina puaro doca wahā sū bora sāa wahaahca copapū. (Tó sehetra Cohamacū yare masieraina painare buhe masierara. Æ jia tina jipihtina pichacapū wahaahca.)

40 Buheina tinare buherirore masi yuhduacaerara. Æ jipahta jipihtina buheina ti noano buhe pahñori baharo tinare buheriro yoaro sehetra jiahca —niha Jesu.

41 Æ ni tuhsū paye quiti mehne yahu namoha:

—Mari piti dahre buhechū õ sehe yoaina jira mūsa:

Mūsa coyeiro to capariacapū mahari pohcarocā to sāachū tí pohcarocāre noano ñuna mūsa. Mūsa ya capariacare pjiri pjí to jipachuta tí pjíne ne ñuerara mūsa. (Mahari pohcarocāre mūsa ñuno sehetra mūsa coyeiro to ñano yoaa sehere noano ñuna mūsa. Mūsa basi mūsa ñaare tuaro yoapanahita tére masierara mūsa pjiri pjíne mūsa ñueraro sehetra.) ¿Dohse jiro baro ã jijari mūsa? **42** Õ sehe niina yoaro sehe jira mūsa: “Coyeiro, mūhū ñaare yoai nica mūhū. Æ jicū tére duhuga”, niina yoaro sehe jira mūsa. Æ niina jipanahta pjíro ñaare yoara mūsa sehe. ¿Dohseana mūsa ñaare yoapanahita tére masierajari mūsa? Masa ti baharo buhusehei ñano yoa cohtaina jira mūsa ã yoaina. Pjiri pjíne mūsa capariacai jiri pjíne mūsa na muhtaboriro sehetra mūsa ñaa yoaa sehere duhu muhtaga. Mūsa ã yoari baharo mūsa coyeiro to ñano yoaare duhuchū yoa masiboca mahari pohcarocāre mūsa naboro sehetra —ni buheha Jesu.

Masa ti durucuare tūhona ti jia tiare masija mari

(Mt 7.17-20; 12.34-35)

43 Æ yoa piti dahre buhero õ sehe ni yahu namoha tinare:

—Noadū yuchū ñaare dicha tierara. Æ yoa ñadū noaare dicha tierara. **44** Yuchū dichare masina tūre masina. Pota tidū higuera pocare dicha tierara. Æ yoa agā potacū se tōhorine

dicha tierara. 45 Tó seheta jira masa cūhū. Noariro to tūhotuapū noaa jira. Ā jiro tiro noaare yoara noadū to noano dicha tiro seheta. Ñariro to tūhotuapū ñiaa jira. Ā jiro tiro ñiaare yoara ñadū ñaare to dicha tiro seheta. Mari tūhotuapū marine ti jiro seheta durucuja mari —ni yahuha Jesu.

Pua wuhū yoaina quitire yahuha Jesu

(Mt 7.24-27)

46 Ā yoa tinare õ sehe ni yahu namoha:

—Musa yuhure “Puhoro”, nina. Ā nipanahta yu dutia sehere yoaebara mūsa. ¿Dohse jiro baro ā yoajari? 47 Jipihtina yuhure cahmaina yu yahuare tūhora. Ā jia yu dutiare yuhdūrūcaerara. Ó seheta jira yuhure yuhdūrūcaeraina: 48 Wuhū dahreriro yoaro sehe jira tina. Tiro cūaa coparire tāa wapai to sūchupū saha, wuhure noano dapo dūcaha. Tí wuhū noano to yoari wuhū jiro dia to minichū tuaro to cotiāpachūta tí wuhū noano tjuaha. 49 Ā jia yu dutiare tūhopahta yuhdūrūcaina sehe wuhure noano yoaebariro yoaro sehe jira. Tí wuhure buicā dapo, noano dahre dūcaeraha. To ā cūri wuhū jiro dia minino to cotiāchū dóihta tí wuhū būrua wahaha. Ā jiro tí wuhū tuaro bora sū cahaa wahaha —niha Jesu.

Surara puhoro cahamacūnore to dohatichū

Jesu noariro wahachū yoaha tirore

(Mt 8.5-13)

7 1 Tí quitire masare yahu tuhsu Jesu cūhū Capernaupū sūha. 2 Tói jiriro cien surara puhoro to cahamacūnore tuaro cahīha. To cahamacūno sehe dohatiriro jiro, yariaro cahariro jimaha. 3 Ā jiro Jesu to yoaare tūhorō, judio masa būcūnare Jesu cahapū warocaha puhoro sehe.

—Dohatirirore noariro wahachū yoai taga —ni yahu dutiro warocaha puhoro būcūnare.

4 Tina Jesu cahapū sūa, õ sehe ni tuaro mehne yahuha tirore:

—Surara puhoro sāre warocahre. To cahamacūnore dohatirirore to yuhdūchū cahmahre tiro. Tiro puhoro sehe noariro jira. To ā jichū yoadohoga tirore. 5 Mari ya maca macainare tiro cahīna. Ā jiro tiro sā buheri wuhure ti yoari wapa wapare —niha būcūna Jesure.

6 Ti ã ni yahuchu tuhoro Jesu sehe tina mehne wahaha. Surara púhtoro ya wuhu cahacái to súro cahachu púhtoro sehe tiro mehne macainare Jesure õ sehe ni yahu dutiro warocaha:

—Púhtoro, noanohca. Tai tjiga. Noariro jieraja yuhu. Ya wuhu mühure sää ta dutiboriro jieraja yuhu. 7 Æ jicu mu cahai wahaeraja. Yu ã jipachuta mu masia mehne noariro wahachu yoaga mühu tirore. Mu ã yoachu yu cahamacuno noariro waharohca. 8 Yuhure yu bui jiina paina púhtoa dutira. Æ jicu yuhu cöhur surarare dutija. Cöhurore “Wahaga”, yu nichu tiro wahara. Pairore “Taga”, yu nichu tiro tara. Yu cahamacunore “Ahrire yoaga”, yu nichu tira tiro yoara. (Mühu cöhur dutirirota jira. Æ jiro mu dutiriro seheta tiro dohatiriro yuhdúrohca) —ni yahu dutiha surara púhtoro.

9 To ã nichu taho cüaa waharo, payu masa tiro mehne jiinare majareracu su, õ sehe ni yahuha:

—Musare niita nija. Tiro surara púhtoro Israe masuno jierariro Cohamacure tuaro wacu tuara. To cahamacunore yu noariro wahachu yoahitire masi tuhsura. Israe masare ne ahriro yoaro sehe jiinare ñuerasinija —niha Jesu.

10 To ã niri baharo surara púhtoro Jesu cahai to warocarina sehe ti púhtoro ya wuhupu tjuaa wahaha. Tju su dohatiriro to noariro jichu ñuha tina.

Jesu wapewahyoro macunore masoha

11 To ã yoari baharocá Nai wama tiri macapu Jesu to buheina mehne payu masa mehne wahaha. 12 Tí macare sääri sopaca cahai to súchu yariarirore masa na wijaa taa niha. Yariariro pocoro wapewahyoro jiha. Cöhota jiriro yariaha. Æ jia tó macaina masa payu ticoro mehne wahaha. 13 To ã wahachu ñuno Jesu ticorore pja ñuha.

—Tiieco tjiga —niha Jesu ticorore.

14 Æ nino yariariro to masa putihu ña payoha. To ã ña payochu ñuha tí putire wuaina sehe surucaha.

—Macu, yuhu mühure õ sehe nija. Wahcá nuju suga —niha Jesu.

15 To ã niri baharo yariariro cjiro wahcá nuju su, durucuha. Æ jiro Jesu tirore to pocorore waha. 16 To ã yoachu ñuha tina jipihtina cuia wahaha. Æ jia tina Cohamacure ño payoa, õ sehe niha:

—Cohamacʉ yare yahu mʉhtariro masi yʉhdʉario mipʉ pinihtare mari watoi jira —niha tina.

—Cohamacʉ marine to yainare yoadohoro wihi tuhsʉhre —niha paina.

17 Ñ jia jipihtina Judea yahpa macainare tó dʉhtʉ cahai jia macari macainare Jesu to yoarire masa yahu site pahñoha.

João masare bautisariro to buheinare Jesure sinitu dutiha
(Mt 11.2-19)

18-19 Ñ yoa Jesu to yoarire ñʉa Joãore yahuha to buheina. Ñ ti yahuchʉ tʉhoro pʉharore tiro cahai pjiroca, Jesure sinitu dutiro warocaha João. Ó sehe ni sinitu dutiha:

—¿João “Yʉ baharo pairo tarohca”, to niriyo tijari mʉhʉ? ¿To niriyo mʉ jierachʉ pairore cohtanahcari sã? —ni sinitu dutiha João pʉaro to buheinare.

20 Ñ yoa tina Jesu cahai sʉ, sinituha tirore:

—João masare bautisariro mʉhʉre sinitu dutiro warocahre sãre. ¿João “Yʉ baharo pairo tarohca”, to niriyo tijari mʉhʉ? ¿To niriyo mʉ jierachʉ pairore cohtanahcari sã? —ni sinituha tina Jesure.

21 Tí pjata payʉ dohatiinare, watĩa ti cohtotainare, capari ñʉerainare noaina wahachʉ yoaha Jesu. 22 Ñ jiro João warocainare Jesu ó sehe ni yʉhtiha:

—Mipʉre mʉsa ñʉrire mʉsa tʉhorire Joãore yahuna wahaga: Ó sehe niga: “Capari ñʉeraina ñʉna. Tini masieraina tinina. Cami bʉcʉ baaina noaina wahara. Tʉho bocaeraina tʉhoa wahara. Yariaina masaa wahara. Tina jipihtinare noaina wahachʉ yoahi yʉhʉ. Ñ yoa pjacʉoinare noaa buheare yahuja. 23 Yʉhʉre tʉhoriro ‘Potocã tjira’, niriyo tiro wahcheriro jira”, João ni yahuna wahaga —niha Jesu.

24 João buheina ti wahari baharo Jesu sehe João to jia tiare yahu dʉcaha payʉ masare:

—Masa marienopʉ sʉna tjare wihnono to wãroca cohtotachʉ yoariro seheta to buheare cohtota mʉjarirore ñʉna sʉerare mʉsa. Ñ yoariro jierare João. 25 “Noa suhti tirirore ñʉna wahajihna”, nierare mʉsa masa marienopʉ wahana. Noaa suhti tiina wapa bʉjʉare cjhaina pʉhtoa ya wʉhʉsepʉ jira. Masa marienopʉ jierara. 26 Masa marienopʉ sʉna Cohamacʉ yare yahu mʉhtarirore ñʉna sʉhre mʉsa. Potocã tjira. João Cohamacʉ yare yahu mʉhtariro jira. Paina Cohamacʉ yare

yahu məhtaina yəhdoro jiriro jira tiro. 27 Panopʉ Cohamacʉ yare ti joari pūi Joāore ò sehe ni yahu joaa tiha:

“Mari Pʉcʉ to macʉnore ò sehe niha: ‘Mʉ pano mʉhure yahuyuhtirore warocai nija’, niha Cohamacʉ”,

ni yahu joaa tiha panopʉre Joāore. 28 Mʉsare potocā niita nija. Paina jipihtina bui jira Joāo. Ahri turupʉre to ã jipachʉta mʉanopʉre Cohamacʉ masare pʉhtoro to noano sʉho jiropʉre jipihtina docapʉ jiriro pinihta Joāo bui jira —niha Jesu masare.

29 To ã nichʉ tʉhoa jipihtina masa, pʉhtoa ya cjihtire wapa na cohtaina mehne Joāo to bautisarina jia ò sehe ni tʉhotuha Cohamacʉre. “Cohamacʉ quihōno yoariro jira”, ni tʉhotuha tina. 30 Fariseo curua macaina sehe judio masare buheina cʉhʉ Joāo to bautisanohrina ji duaerah. ã jia tinare Cohamacʉ to yaina to yoa duachʉ cahmaerah.

31 ã yoa Jesu pari turi ò sehe ni yahuha:

—¿Mipʉ macaina masa yabaina yoaro sehe jijari tina, mʉsa tʉhotuchʉ? 32 Tina macanacā yoaro sehe jira. Paina ti cahmano sehe ti yoaerachʉ tó wahaerara tinacāre. Pache duaropʉ pape dujia, ò sehe ni pisurucura tinacā ti basi: “Mʉsa basahti cjihtire sā putipemahi. ¿Dohseana mʉsa basaerari sā tíre putipechʉ? Sā tuaro ñahacaha tiipe, sañurucumahi. ¿Mʉsa sehe dohseana sā mehne tiiperari?” nirucuina yoaro seheta jira mipʉ macaina cʉhʉ. (Mipʉ macaina ti cahmano seheta sā yoaerachʉ ñha tó wahaerara tina cʉhʉre.) 33 Joāo bautisariro Cohamacʉre ño payoro taro ne chʉeraro, vinore sihnierare. To ã sihnierachʉ ñuna “Watīno to cohtotariro jira”, nimahre mʉsa tirore. 34 Yʉhʉ masʉno Cohamacʉ warocariro jicʉ, yʉhʉ chʉ sihnija. Yʉ ã yoachʉ ñuna ò sehe nina mʉsa yʉhʉ sehere. “Ñuga. Ahriro pjíro chʉriro, cahariro jira. Pʉhtoa ya cjihtire wapa na cohtaina, ñano yoaina cʉhʉ ti piti tiriro jira ahriro”, nina mʉsa yʉhʉre. ã nina macanacā yoaro sehe durucuina jira mʉsa. (Mʉsa cahmano sehe sā yoaerachʉ tó wahaerara mʉsare. Ne wahcherara mʉsa.) 35 ã masierapanaha sā yoa ñorire ñuna, Cohamacʉ yare sā masichʉ masinahca mʉsa —ni yahuha Jesu.

Simo wama tiriro fariseo curua macariro ya wʉhʉ jiha Jesu

36 Fariseo curua macariro to wʉhʉpʉ chʉ dutiro pjiha Jesure. To ã pjichʉ Jesu to ya wʉhʉpʉ sʉ, ti chʉri mesa cahai nuju sʉha. 37-38 Tí macapʉre ñaare ñaare yoarucuricoro cjiro

jiha. Jesu fariseo curua macariro ya wʉhʉpʉ to dujichʉ ticoro tʉhoho. Â tʉho tuhsʉ alabastro mehne yoariare me sitia posa tiriare na ta, Jesu baharo bʉhʉsehei wihi tarʉca, tiiha. Â tiiro Jesu dahporire to yahco co mehne wayo, to pjoari mehne pahā cohāha. To dahpori wʉachʉ ñʉ ticoro to dahporire wihmi, me sitia mehne pio payoha. **39** To â yoachʉ ñʉno fariseo curua macariro Jesure pjiriro to basi õ sehe ni tʉhotumaha:

“Ahricoro tirore ñaha ñʉricoro ñaare yoarucuricoro jira. Ahriro Jesu Cohamacʉ yare yahu mʉhtariro jiro tñre masiboa”, ni tʉhotumaha. **40** To â ni tʉhotuare masino Jesu õ sehe ni yahuha tirore:

—Simo mipʉ pinihtare mʉhʉre yahu duaja —niha Jesu.

—Buheriro, ¿yʉhʉre dohse ni yahu duajari mʉhʉ? —ni yʉhtiha Simo.

41 To â nichʉ Jesu õ sehe ni piti dahre buhe yʉhtiha:

—Pʉhtorore pʉaro wapamoina jiha. Cūiro wapamoriro quinientos niñeru tʉrire wapamoha. Pairo sehe cincuenta niñeru tʉrire wapamoha. **42** Â jia tina ti wapamoare ti wapa bihoerachʉ ñʉno pʉhtoro ti wapamoare wapa dutieraha. ¿Mipʉ pinihtare diro sehe wapamoriro sehe to pʉhtorore cahī yʉhdʉrohcari? —ni sinituha Jesu.

43 Simo õ sehe ni yʉhtiha:

—Bʉah, pjíro wapamoriro mahancā wapamoriro yʉhdoro to pʉhtorore cahī yʉhdʉboca —niha Simo.

—Potocā ni yʉtihre mʉhʉ yʉhʉre —niha Jesu.

44 Â ni tuhsʉ tirore pio payoricore majare ñʉ, Jesu Simore õ sehe ni yahu namoha:

—Ahricorore ñʉga mʉhʉ. Mu ya wʉhʉpʉ yʉ sāa wihiri baharo yʉ dahporire cosahti core yʉhʉre waerare mʉhʉ. Ahricoro sehe to yahco co mehne yʉ dahporire wayo, to pjoari mehne pahā cohābre yʉhʉre. **45** Mʉhʉ sehe yʉhʉre piti boca wihmierare. Ahricoro sehe òi yʉ dujiro puro yʉ dahporire wihmire. **46** Mʉhʉ sehe yʉ dapure se mehne pio payoerare. Ticoro sehe yʉ dahporire me sitia mehne pio payohre. **47** Â nichʉ mʉhʉreta yahui nija. Ahricoro to ñaa yoari cjiri payʉbia jira. Â jiricoro jiparota ticoro tuaro cahībre yʉhʉre. Â jicʉ ñaare to yoari buhirire cohāhi. Â jia ñaare ti yoari buhirire mahancā yʉ cohānahrina mahancā cahīna yʉhʉre —niha Jesu Simore.

48 Ñ ni tuhsʉ tiro ticorore õ sehe ni yahuha:

—Mipʉ pinihtare ñaaare mʉ yoari buhirire boja —niha Jesu.

49 To ã nichʉ tʉhoa Jesu mehne dujiina ti basi õ sehe ni durucuha:

—¿Dohse jiriro baro jijari ahriro ñaa buhirire boriro?

—niha tina ti basi.

50 Ñ ni tuhsʉ, Jesu numinore õ sehe ni yahuha:

—Yʉhure mʉ wacū tuachʉ mʉhure pichacapʉ wahaboricorore yʉhdoja. Cuiro marieno mʉ wʉhʉpʉ tjuaa wahaga —niha Jesu ticorore.

Numia Jeshire yoadohoha

8 ¹ Baharo bʉjʉa macaripʉ daa macaricāpʉ cūhure sʉ, Cohamacʉ masare pʉhtoro to noano sʉho jiare noaa buheare yahuha Jesu. Doce to buheina sehe tiro mehne jiha. ² Ñ yoa numia cūhʉ watīa ti cohtotari numia cjiri, dohatia numia cjiri Jesu noaa numia to yoari numia tiro mehne tiniha. “María”, ti nimiricorore “Magdalena”, ni pisua tiha ticorore. Ticorore siete watīare Jesu cohã wioha tó pano. Ñ jiro ticoro cūhʉ Jesu mehne tiniha. ³ Cuza wama tiriro Herodere dahra cohtaina pʉhtoro cjiro namono Juana cūhʉ Jesu mehne tiniha. Susana wama tiricoro cūhʉ paye numia mehne payʉ ti cjʉaa mehne tirore yoadohoha.

Jesu wesere toari masʉno quitire yahuha

(Mt 13.1-9; Mr 4.1-9)

4 Ñ yoa payʉ macari macaina Jesu cahapʉ cahmachuha. Ti ã cahmachuri baharo Jesu to tʉhotua mehne quiti dahre tinare õ sehe ni yahuha buhero taro:

5 —Toari masʉno toaro, to toaa yaparire doca site cūno wahaha. To ã doca site cū wahcāchʉ paye yapari mahai bora caha sʉha. Ti ã bora caha sʉchʉ paye yaparire masa tʉ diho cūha. Ñ jia paye yaparire minichahca duji ta, chʉnocaha. ⁶ Ñ yoa paye yapari sehe tāa wapa bui dihta se mininocā bui bora caha sʉha. Tí yahpapʉ co mariah. Ñ jia tí yapari du wija tarucuma ñaia wahaha. ⁷ Paye yapari sehe tja watoi bora caha sʉha. Tja sehe tí toaa mehne duha. Tja sehe dia yʉhdʉa waha, toaare wajānocaha. ⁸ Paye yapari noari yahpai bora caha sʉha. Noano dua jia noano dicha tiha. Ñ jia payʉ dicha tiha —niha Jesu.

Ã ni tuhsu õ sehe tuaro ni namoha:

—Ahrire taho duaina noano tūhoga mūsa —niha tiro.

Jesu quiti mehne to buherire yahuha

(Mt 13.10-17; Mr 4.10-12)

9 Baharo to buheina tí quitire masi dua, Jesure õ sehe ni sinituha:

—¿Ahri quiti mehne dohse ni yahui nijari mūhū? —ni sinituha tina.

10 Ti ã nichu Jesu õ sehe ni yūhtiha:

—Cohamacu masa bui pūhtoro to noano sūho jiare panopu paina ti masierari cjirire mūsare masichu yoarohca Cohamacu. Paina sehere ã yoarerara tiro. Tinare quiti mehneta buheihtja. Yū ã yoachu tina yu buheare tūhopahta masisi —niha Jesu to buheinare.

Jesu wesere toari masuno quitire yahu pahñoha

(Mt 13.18-23; Mr 4.13-20)

11 Ñ ni tuhsu tinare õ sehe ni yahu namoha:

—Ó sehe ni yahura ahri quiti: Toaa yapari noaa buhea yoaro sehe jira. **12** Ñ yoa maha dūhtu cahai bora yapari sehe noaa buhea yoaro sehe jira. Caina masa noaa buheare ti tūhochu ñūno watīno sehe ta, tí buheare masi dutierara masare, minichahca tí yaparire ti chu cohāno seheteta yoaro. To ã yoarerachu tina Cohamacure wacū tuaboa. Ti ã wacū tuachu ñūno Cohamacu sehe tinare pichacapu wahaborinare yūhdobo. **13** Ñ yoa tāa wapa bui dihta se mininocā bui bora yapari noaa buhea yoaro sehe jira. Ñ jia masa noaa buheare tūho, wahchea mehne tīre tūho ñūnū wahcāna. Ñ tūho ñūnūpahta tāa wapa buicā jia yucu ñūncori mariea yucu yoaro seheteta ahrina masa cūhu yoari pja cūno pjaerara. Ñ cūno pjaeraa yu yare ti cahmari buhiri paina tinare ti ñano yoachu ñūa yu yare duhunocahna. **14** Ñ yoa tja watoi bora yapari noaa buhea yoaro sehe jira. Ñ jia masa noaa buheare tūhopahta, ahri yahpa macaare wacū ñūnū yūhdūara. Niñerure būjua cahma, paye baro cūhure payu cahma, tīre goa pja yūhdūara tina. Ti ã yoachu tí sehe noaa buheare dūcatara. Ti ã dūcatachu masa noaa sehere yoarerara. Dicha maria yucu yoaro seheteta jira. **15** Ñ yoa noari yahpai bora yapari noaa buhea yoaro sehe jira. Ñ jia masa noaa buheare tūhoa, noano mehne tí buheare yūhdūrūcaerara.

Ã jia yucucu dicha tiro seheto noaa buheare tûhoina sehe Cohamacu to cahmano seheto noaare yoara —niha Jesu.

Jesu sihâria quitire buheha

(*Mr 4.21-25*)

16 Æ ni tuhsu paye quiti mehne piti dahre buheha tiro:

—Ne sihâriare ti sihâri baharo tiare dihi biato docai cûerara masa. Æ yoa tiare coâri casario docai cûerara. Mûanopu tiare duhu payora wûhpupu sâa taina ti noano ñu sâahto sehe.

17 Jipihti ti masierari cjirire baharo masa masiahca. Sihâria to buhriachu mari ñu masino seheto panopu ti masierari cjirire masiahca masa.

18 'Æ jina mûsa tûhona noano tûho nûnûga. Noano tûho nûnûriro, noano masinohca. Tûho nûnûerariro “Mahanocâ tûhoja”, to nipachuta tí sehere boa waharohca —niha Jesu.

Jesu coyea tirore pjiha

(*Mt 12.46-50; Mr 3.31-35*)

19 Baharo Jesu bahana ti pocoro mehne tiro cahapu wahaa nimaha. Masa payu jichu to cahapu sueraha. **20** Æ jiro cûiro Jesure õ sehe ni yahuha:

—Mû poco mu bahana mehne sopacapu ducuhre. Mûhure ñua taa niyuhti —niha tiro Jesure.

21 To ã nichu Jesu õ sehe ni yahuha jipihtinare:

—Cohamacu ya buheare tûhoina, tîre yûhdûrûcaeraina tinata yu poco yu bahana yoaro sehe jira —niha Jesu tinare.

Jesu wihnonore yusu dutiha

(*Mt 8.23-27; Mr 4.35-41*)

22 Pa dachoi Jesu to buheina mehne dohoriapu samu:

—Basa, pahâjihna —ni, tina jipihtina tia mehne bucúpariropu pahâa wahaha.

23 Æ pahâno caria wahaha Jesu. Ti ã pahârucuchu waro tuaro wihnono taha. Wihnono to tachu bûjua pahcôri wahcâ, tinare mionocamaha. Æ to wahachu minihto cua yûhdûaha tinare. **24** Æ wahachu ñua Jesu cahai waha, tirore wahcôha.

—Buheriro, mari mini yariana tana nijú —niha tina.

Ti ã nichu Jesu sehe wahcâ, wihnonore “Tó purota wâ duhuga”, niha. Æ ninota pahcôri cûhure “Yûshâ wahaga”, niha. To ã nichuta wihnono yûhdûa wahaha. Æ yoa pahcôri



cūhū yūsū boraah wahaha. 25 Æ wahari baharo Jesu tinare õ sehe niha:

—¿Mūsa yūhure wacū tuaerasinijari? —niha tiro.

To ã nichū tina sehe cui, cūaa waha, ti basi õ sehe ni durucuha:

—Cue, ¿dohse jiriro baro masūno jijari ahriro? Ahri wiwnono, pahcōri cūhū to dutichū yūhdūrūcaerara tirore —niha tina ti basi.

Watīa ti cohtotariore noariro wahachū yoaha Jesu

(Mt 8.28-34; Mr 5.1-20)

26 Æ yoa tina sie coapū Geresa macaina ya yahpapū pahā sūha. Tí yahpa Galilea yahpa potoihta jiha. 27 Tóí Jesu to maja sūrucū sūchū waro tó macariro watīa ti cohtotariro tiro cahapū taha. Tiro yoari pja suhti marieriro jiro, to wūhūpūre ne jieraha. Æ yoa masa copari tāa copari watoi jia tiha tiro. 28-29 Æ jia payū tahari watīa tirore ñahaha. Æ jiro tiro peresui to jichū to wamomacarine dahporire comaa dari mehne duhteriyo jiparota, tiro tí darire nuha mūjaha. Æ yoa watīa sehe tirore masa marienopū na wahcāa tiha. Æ yoa tiro Jesure ñūroca õ tuaro sañurucu, Jesu panoi na tuhcua caha sūha. To ã yoachū ñūno Jesu sehe tirore õ sehe ni dutiha:

—Watĩa, duhuga ahrirore —niha Jesu.

To ã nichu tuhoro watĩa ti cohtotariro tuaro sañurucu, õ sehe ni sinituha Jesure:

—Jesu, ¿Cohamacu Jipihtina Bui Jiriro macuno yabare yoai tai nijari mûhû yuhure? Yuhure, ñano yoai tjiga —niha watĩa ti cohtotariro.

30 To ã nichu Jesu sehe õ sehe ni sinituha tirore:

—¿Yabariro wama tijari mûhû? —niha.

Payu watĩa tiro mehne jiha. ã jiro õ sehe niha watĩa ti cohtotariro:

—Watĩa payu wama tija sã —ni yuhtiha watĩa ti cohtotariro tiro.

31 —Cuãri copapu sãre waha dutiecu tjiga —ni, tuaro siniha watĩa sehe.

32 Tí pjare tói tãchã dahpotoi yesea payu chua niha. Ti tói chuchu ñua watĩa õ sehe ni siniha Jesure:

—Sina yesea cahapu warocaga sãre ti pjacuripu sã sãahto sehe —ni siniha watĩa.

Ti ã sinichu tuhoro “Jai. Wahaga”, niha Jesu. 33 To ã dutichu, watĩa masuno mehne jirina cjiri sehe wahaa, yesea pjacuripu sãa wahaha. ã yoa tinare ti sãari baharo, yesea jipihtina bãcúpariro dãhtu cahapu pari cunupu muroca buha, tí taropu bora ñoja, mini yaria pihtia wahaha.

34 Yeseare ñu wihboina yesea ti ã minichu ñua, cui, murocaa wahaha. ã muroca wahcã pjiri macapu cãhure, daa macaricãpu cãhure tÃre ti ñurire yahu sitea wahaha. 35 Ti ã yahuchu taho, masa sehe payu ti ã waharire ñua wahaha. ã jia Jesu cahai su, watĩa ti cohtotariro cjirote to suhti tiro, taho masiriro to dujichu ñua tina. Tí jipihtiare ñua, tina cui niha. 36 Watĩa ti cohtotariro cjiro noariro to waharire ñuina, ti ñurire painare noano yahu pahn̄oha. 37 Tí pjata Gerasa yahpa macaina payu Jesure tuaro cuia, tirore pa sehepu waha dutiha. Ti ã waha dutichu Jesu dohoriapu samu, waharo taro niha. 38 Watĩa ti cohtotariro cjiro Jesu to wahahto pano tuaro siniha tirore:

—Muhu mehne waha duaja —ni sinimaha.

39 To ã nichuta Jesu tirore õ sehe ni yuhtiha:

—Mu ya macapu wahaga. ã wahacu Cohamacu mûhure to yoarire yahuga painare —niha Jesu.

To ã niri baharo waha to ya macapu s̄uro watia ti cohtotariro cjiro sehe Jesu tirore to yoarire jipihtina to ya maca macainare yahuha.

**Jairo maconore yuhdachu yoa, cahã ñuricoro
cuhure yuhdachu yoaha Jesu**
(Mt 9.18-26; Mr 5.21-43)

40 Pari turi Jesu tí b̄ucupariropu pahã wahaha tjoa. To pahã tariropu masa payu tirore cohtaa niha. ã cohtaa, tirore piti bocasiniha wahchea mehne. **41-42** Tói judio masa buheri wuhu p̄ahtoro Jairo wama tiro Jesu cahai su, to dahpori cahai na tuhcua caha suha tirore ño payoro. To macono yariaro niha. Ticoro cãcorota jiricoro doce cuhmari cjhacorico jiha. ã jiro tiro to ya wuhupu Jesure pji wahcãha. “Jai” ni, tiro mehne wahaha Jesu cãhu.

Mahai ti ã wahachu payubia masa tirore nunu ti wahcã, bihsaro surucu suha tirore. **43** To ã bihsaro wahachu numino doce cuhmari waro ã cahã ñurucorico tóji jiha. Tó pano duhturuare jipihtia to niñeru mehne wapamaha ticoro co wa dutiro. Ti ã co wapachuta munanota jirucunocaha ticoro.

44 ã jiro ticoro Jesu baharo masa payu watoi wihi, Jesu suhtirore to ñaha ñuchuta to cahã ñua pihtia wahaha. **45** To ã ñaha ñuchu t̄uhoturo Jesu õ sehe ni sinituha:

—¿Noa yu suhtirore ñaha ñuri? —niha tiro.

Jipihtina “Yoaerahí”, niha. ã jia Pedro cãhu õ sehe niha:

—Buheriro, bihsa nina. ã jia masa payu muhure pihanocahna. ¿Dohseachu ã ni sinitujari muhuh? —niha tina Jesure.

46 Ti ã nichu Jesu õ sehe ni yuhhtiha:

—Michapucacã yuhu noaricoro wahachu yoahi cãcorore.

Ã jicu yuhure to ñaha ñuchu masija —niha tiro.

47 To ã nichu t̄uhoro ticoro duhti masieraro, teterericoro Jesu cahai na tuhcua caha suha tirore ño payoro. ã jiro jipihtina masa ti t̄uhoroi to dohatiare, Jesure to ñaha ñurire to noaricoro to waharire yahuha ticoro. **48** To ã ni yahu tuhsuchu Jesu tcorore õ sehe ni yahuha:

—Maco, yuhure mu wacu tuaa mehne noaricoro tjuara mipure. Wahchea mehne wahaga —niha tcorore.

49 To ã nino watoi Jairo ya wuhui jiriro yahuro wihiha:

—Mʉ macocā yariaa wahahre. Ā jicʉ buherirore pji tai tjiga —niha tiro.

50 To ã nichʉ tʉhoror, Jairore õ sehe ni yahuha Jesu:

—Cahya tʉhotui tjiga. Yʉhure wacū tuaga. Tí dihtare yoaga. Mʉ ã yoachʉ ticorocā masaa waharohca —niha Jesu.

51 Ā ni tuhsʉ to wʉhʉpʉ sʉ, Pedro, João, Santiago, dohatiricoro pʉchʉsuma tópeinata na sāha. Paina sehere Jesu sāa dutieraha. 52 Tój jipihtina masa ti ñahacaha tiiro watoi sāa sʉha Jesu.

—Tiiena tjiga. Ticorocā yariaerare. Carīno nica —niha tiro.

53 To ã nichʉ tʉhoa tina sehe ticoro yariaricoro to jichʉ masia, Jesure bʉjʉha. “Ā nimacanocano nina”, ni bʉjʉha.

54 Ā yoa Jesu ticorocā wamomacare ñaha, õ sehe ni pisuha:

—Maharicorocā wahcāga —niha.

55 To ã nichʉta yariaricoro masaa waha, tí pjata wahcārʉcʉ sʉha ticorocā. To wahcāri baharo Jesu ticorore chʉare wa dutiha. 56 To ã masachʉ ñha to pʉchʉsuma ñʉ chaa wahaha. Ā jiro Jesu tīre painare yahu dutieraha.

Jesu doce to buheinare buhe dutiro warocaha

(Mt 10.5-15; Mr 6.7-13)

9 1 Ā yoa Jesu doce to buheinare pjiroca, to tuaare waha tinare. Watīare ti cohāhti cjihtire, dohatiinare noaina ti yoahiti cjihtire to tuaare waha tinare. 2 Ā yoa tuhsʉ tinare Cohamacʉ masare pʉhtoro to noano sʉho jiare buhe dutiro, dohatiinare noaina wahachʉ yoa dutiro warocaha tinare.

3 Ó sehe ni dutiha Jesu tinare:

—Mʉsa wahana paye barore naaena tjiga. Tjuadure, wajure, chʉare, niñerure naaena tjiga. Mʉsa sāano dihtare sāa wahcāga. Paye suhtire naaena tjiga. 4 Jipihtia macaripʉ mʉsare ti carīno wachʉ tí wʉhʉihta jinocasiniga. Coã wahanapʉ wijaahga tí wʉhʉre. 5 Paye macari macaina mʉsare ti cahmaerachʉ ñʉna tí macarine yʉhdʉ wahcāa wahaga. Ā wahana mʉsa dahpori macaa dihta pohcari mene wajā site cūga mʉsa tinare ti ya buhirire masichʉ yoana —niha Jesu.

6 To ã niri baharo to buheina sehe waha, jipihtia macaripepʉ noaa buheare yahu tinia tiha. Ā yoa dohatiinare noaina wahachʉ yoaa tiha.

Jesu to yoarire Herode tūhoha

(Mt 14.1-12; Mr 6.14-29)

7 Ñ yoa Herode Galilea yahpa macaina pūhtoro Jesu yoarire tūhorocaha. “¿Diro baro jijari tiro Jesu?” neparota ne masieraha. Cāina õ sehe nimaha Jesure: “João masare bautisariro cjiro pari turi bajuaro nica. Ñ jiro ‘Jesu’, ti niriro tiro tjira”, nimaha cāina. Ti ã nichu tūhoro Herode Jesure dohse ni masieraha.

8 Paina “Tiro Elia cjiro mipu bajuaro nina”, nimaha. Paina sehe “Cohamacu yare yahu mūhtaina panopu macaina mehne macariro cjiro mipu bajuaro nica”, nimaha Jesure. 9 Ti ã ni durucupachuta õ sehe ni tūhotuha Herode sehe: “João dapure dute ta duti tuhsuchi yuhu. ¿Mipure jiriro masa ti yahuriro diro baro jibocari tiro sehe?” ni tūhoturo tiro Jesure ñu duamaha.

Jesu cinco mil bui masare chua waha

(Mt 14.13-21; Mr 6.30-44; Jn 6.1-14)

10 Ñ yoa Jesu to warocarina tiro cahapu tju sua, ti yoarire yahuha Jesure. Ti yahu tuhsuchu Jesu tina dihtare Betsaida wama tiri macapu suho wahamaha. 11 Ti waharire masia, masa payu tinare nunu ti wahcāha. Jesure ti mu suchu ñuno piti bocasiniha Jesu tinare. Ñ jiro tiro Cohamacu masare pūhtoro to noano suho jiare tinare yahu, dohatiinare noaina wahachu yoaha.

12 Ñamichahapu doce to buheina tiro cahapu su, Jesure õ sehe ni yahuha:

—Ó masa marienopu jira. Ó majano macaa macaripu, daa macaricāpu cēhure ahrina masare warocaga. Caria ti chūhti cjihtire maca dutiga tinare —niha tina Jesure.

13-14 Ti ã nichu Jesu õ sehe ni yūhtiha tinare:

—Ñ nienata chūare waga tinare —niha.

To ã nichu tūhoa tina õ sehe ni yūhtiha:

—Cū wamomaca piertia pāo curiri, pūaro wahi tó purocāta cūaja mari. ¿Ahrina payu masa ti chūhti cjihtire nuchubocari sā? —niha to buheina.

Payu masa ti jichu ñua ã niha to buheina. Tópure cinco mil mua jiha. (Numia, macanacā cēhure jiha.) Ñ jiro Jesu õ sehe ni yahuha to buheinare:

—Cincuenta masare cū curuai duji dutiga. Paye curuari cēhure tópeinata duji dutiga —niha Jesu to buheinare.

15 To ã nichã to buheina to dutiriro seheto yoa, jipihtina masare duji dutiha. 16 Duji duti tuhsã Jesu cã wamomaca pihtia pão curirire pharo wahi mehne na, muanopã ñaha. ã ñuno Cohamacare “Noana”, niha. To ã niri baharo pão curirire nuha, to buheinare masare witi dutiro waha. 17 Ti ã witi tuhsãchã, tina jipihtina masa chã, yapi yuhdua wahaha. Ti yapi wahyorire doce phuse waro wahpo dapoha to buheina.

**Jesu potocã Cristo to jiare Cohamacã
warocariro to jiare yahuha Pedro**

(Mt 16.13-19; Mr 8.27-29)

18 Cã dacho Jesu cãirota jiro, Cohamacare sinino niha. To ã sinino watoi to buheina tiro cahapã suha. ã jiro Jesu õ sehe ni sinitu ñaha tinare:

—¿Diro baro jicari yuhu masa yuhure ti tãhotuchã? —ni sinitu ñaha.

19 To ã sinituchã tãhoa to buheina õ sehe ni yuhiha:

—“João masare bautisariro jira”, nina muhure. Paina “Elia cjiro jira”, nina. Paina “Panopã macariro Cohamacã yare yahu muhtariro cjiro masa wijariro cjiro jira”, nina muhure —ni yuhiha to buheina sehe tirore.

20 Ti ã niri baharo Jesu tinare õ sehe ni sinitu ñaha tjoa:

—¿Musa sehe musa tãhotuchã diro baro jicari yuhu? —ni sinitu ñaha tjoa.

—Muhu Cristo Cohamacã warocariro jira —ni yuhiha Pedro.

Jesu to yariahto cjihtore yahuha

(Mt 16.20-28; Mr 8.30-9.1)

21 ã yoa Pedro “Cristo jira muhã”, to nirire painare Jesu yahu site dutieraha to buheinare. 22 ã ni yahu site dutiera tuhsã õ sehe ni namoha:

—Yuhu masuno Cohamacã warocariro tuaro ñano yuhduihca. Ñta yuhduro cahmana yuhure. ã jia mari coyea judio masare buheina, bãcuna, sacerdotea photoa mehne yuhure cahmaeraa, yuhure wajãahca. Ti ã wajãri baharo tia dacho wahaboroi masa muhajihca —niha Jesu tinare.

23 Baharo jipihtinare õ sehe ni yahuha Jesu:

—Ciiro yu yairo ji duaro, to cahmano yoa duamarine duhunocanohca. ã yoa crusapã yu ñano yuhduhtiro seheto yu

yairo to jiri buhiri ñano yuhdparota yuhure duhusi. Å jiro yu yare yoarucuriro jirohca. **24** Masuno yuhure wacuno marieno to mu soro to cahmano seheta yoariro pichacapu tiro waharohca. Å jiro yu yare å yoarucuriro jipihtia dachoripe yuh mehne muanopu jirucurohca. **25** ¿Cüiro masuno ahri yahpa macaare jipihtiare cjuairo Cohamacure cahmaeraro pichacapu waharo yabare wapatajari tiro? Å jiriro ne wapataerara. **26** Caina yuhure, yu buheare buo tiboca. Ti å yoachu ñucu yuh cühu yuhure å yoainare buo tisäaihca. Yuh masuno Cohamacu warocariro noaina anjoa ti si sitea mehne, yu si sitea mehne, yu Puchu to si sitea mehne tjua tacu tinare buo tisäaihca. **27** Potocä niita nija musare. Mipure caina musa öpure jiina musa yariahto pano Cohamacu jipihtina bui puhtoro noano to suho ji ducachu ñunahca —niha Jesu tinare.

Jesu pjacu cohtotaha
(Mt 17.1-8; Mr 9.2-8)

28 Å yoa ocho dachori tíre to yahuri baharo Jesu Pedrore, Joăore, Santiagore tina dihtare pjiha. Å yoa waha, Cohamacure sinia waha, tucupu mujaa wahaha tina. **29** Cohamacure to sinino watoi Jesu wuhdua cohtotaha. To å cohtotachu to suhtiro minoari suhtiro noano yehseri suhtiro wahaha. **30** To å waharo watoi pharo mua tiro mehne durucua niha. Durucuina sehe Elia cjiro, Moise cjiro jiha. **31** Tina muano macaa si sitea mehne bajuaha. Jesu baharocäta Jerusalép to yariahtore tina Jesu mehne durucua niha. **32** Pedro cühu wujo caha yuhdua. Å caripahta cua wahcä wihi Jesu to si siteare ñua, pharo tiro mehne ducuina cühure ñuha. **33** Moise cjiro cühu ti wahahto panocä Pedro Jesure ö sehe nimaha:

—Puhtoro, mari õre jichu noa duara. Tia wuhucä yoanahtja. Mu ya wuhucä, Moise ya wuhucä, Elia ya wuhucä yoanahtja —nimaha Pedro.

Å niparota to nirire ne masieraha. **34** To å ni durucuro watoi tinare me curua duji boro pja suha. To å duji boro pja suchu ñua tina cuia wahaha. **35** Tuhsu, me curua puhichapu ö sehe ni durucuro coa taha:

—Ahriro yu macu, yu beseriro jira. Noano tihoga tirore —nino coa taha me curua puhichapu.

36 To å nino coa tari baharo Jesu dihtare ñuha tina. Baharo ti ñurire painare yahueraha. Ne cüirore yahueraha.

Jesu watīno to cohtotarirocāre noariro wahachū yoaha
(Mt 17.14-21; Mr 9.14-29)

37 Pa dachoi tina tācupū ti duji tachū payū masa Jesure piti bocaha. 38 Ā jiro tina mehne macariro Jesure ò sehe ni pisuha:

—Buheriro, mūhure tuaro ahrire sini duaaja yūhū. Yū macū cūirota jira. Ā jicū tirore nūbasaga mūhū. 39 Watīno tirore nīha, sañurucuchū yoa, tunu teterechū yoa, sahpo tua wahachū yoaa tihre. Ā yoaro watīno yū macure nīano yūhdūchū yoa, ne duhu duaerara. 40 Mū buheinare watīnore cohā wio duticū tuaro sinimahi. Yū ā sinipachūta tina sehe tirore cohā wio masierare —niha tiro Jesure.

41 To ā nichū Jesu sehe ò sehe niha:

—Mipū macaina mūsa nīaina jira. ¿Yūhure ne wacū tuaeraputiajari? Yoabiari pja mūsare buhemaja yūhū. ¿Noho puro yoari pja yūhure mūsa caribobocari? —ni tuhtiha Jesu.

Ā ni tuhsū watīno ti cohtotariro pūcūrore ò sehe niha:

—Mū macūre na tahga —niha.

42 To ā niri baharo to macūno Jesu cahapū to taro watoi watīno sehe tirore yahpapū doca caha sh, tunu teterechū yoaha. To ā yoachū Jesu watīnore wijaa dutiha. To ā wijaa dutichū watīno sāarirocā noariro wahaha. Ā jiro Jesu sehe tirocāre wiaha to pūcūrore. 43 Cohamacū tuaa mehne noariro to wahachū nūha, jipihtina masa cūaa wahaha.

Pari turi Jesu to yariahtore, to masahtore yahuha
(Mt 17.22-23; Mr 9.30-32)

Masa Jesu to yoarire ti nū, cūaa wahachū Jesu sehe to buheinare ò sehe ni yahuha:

44 —Michapucacā yū yahuhtire boena tjiga mūsa. Yūhure Cohamacū to warocariore pairo yūhure nīha dutiro warohca masare —niha Jesu.

45 To ā nipachūta tina sehe to yahuare noano tūho nīhaeraha. To yahurire tinare masihto basioeraha. Tí pjata Cohamacū tinare tīre tūho nīha dutierasiniha. Ā jia tina cuia, tīre tirore sinitu nūeraha.

Jesu buheina tina mehne macarirore pūhtoro sō duamaha
(Mt 18.1-5; Mr 9.33-37)

46 Baharo Jesu buheina durucu sayoa niha:

—¿Mari mehne macariro diro sehe pūhtoro ti cohtotacari?

—ni sayoa niha tina ti basi.

47 Ti ã nichu Jesu sehe ti tūhotuare masino, nijinocāre to cahai duhu dapo, to buheinare õ sehe ni yahuha:

48 —Yū yare yoana tana ahrirocāre cahmana yūhū cūhure cahmana mūsa. Ā yoa yūhure cahmana, yūhure warocariro cūhure cahmana mūsa. Mūsa mehne macariro mūsa cahamacūno jiro tiro cūhū pūhtoro tjirohca —niha Jesu.

Marine ñū tuhtiriro jieraro, mari mehne macariro jira

(Mr 9.38-40)

49 Baharo João Jesure õ sehe ni yahuha:

—Buheriro, mū wama mehne watīare cohāriore sā ñūhi. Tiro mari mehne macariro to jierachū ñūna tíre tirore yoa dutiera tihī sā —niha João Jesure.

50 To ã nichu Jesu Joāore paina buheina cūhure õ sehe ni yahuha:

—Ā nienā tjiga mūsa tirore. Marine ñū tuhtiriro jieraro, tiro mari mehne macariro jira —niha Jesu to buheinare.

Jesu Santiagore, João cūhure tuhtiha

51 Tí pjare Jesu mūanopū to wahahto panocā, “Jerusalēpū wahaihtja”, niha tiro. Ā nino tópū waharo niha. **52** Ā jia Jesu to panoī warocaina waha, Samaria yahpa macari macapū sū, tójī Jesu to jihtore cahno duamaha. **53** Jesu Jerusalēpū waharo taro niha. Tópū wahahtiro to jichu tūhoa, tó macaina tirore cahmaerahā. **54** Tíre tūhoa Santiago, João mehne õ sehe ni yahuha Jesure:

—Pūhtoro, mū cahmachū mūano macari pichaca mehne tinare wajā dutinahca —niha tina tirore.

55 Ti ã nichu Jesu majare ñū, tuhtiha tina pūarore.

[—Espíritu Santo yaina jira mūsa. Mipū mūsa tūhoturo seheta tiro sehe tūhotuerara. Yūhū masūno Cohamacū warocariro ahri yahpapū tacū pichacapū wahaborinare yoadohohtiro tai. Masare butichū yoachū tacū nierahi —ni yahuha Jesu.]

56 Ā tuhti tuhsū, pa macapū Jesu cūhū wahaa wahaha.

Paina Jesu mehne wahamaha
(Mt 8.19-22)

57 Tina mahai ti wahachu, masuno Jesure õ sehe ni yahuha:
 —Muhu mehne waha duaja nohoi mu waharoi —niha tiro.

58 To ã ni tuhsuchu Jesu õ sehe ni yuhtiha:
 —Cãina macaroca macaina wahiquina ti copari cuara.

Minichahca cuhu ti suhti cuara. Yuhu masuno Cohamacu
 warocariro sehe yu caríri wuhu maeraja —niha Jesu.

59 Baharo pairore Jesu pjiha:

—Yuhu mehne macariro cjihto taga —niha.

To ã nichu tiro õ sehe ni yuhtiha Jesure:

—Puhtoro, yu pucu to yariachu yasinii wahaihtja. ã ya
 tuhsucu pinihta muhu mehne wahaihtja —niha tiro.

60 To ã nichu Jesu õ sehe ni yahuha:

—Yuhure cahmaeraina yariaina yoaro seheta jira. Tina
 sehe yariainare yajaro. ã jicu muhu sehe Cohamacu masare
 puhtoro to noano suho jiare noaa buheare buhei taga —niha
 Jesu tirore.

61 ã yoa pairo Jesure õ sehe niha:

—Puhtoro, muhu mehne wahaihtja. Wahmanore yu coyeare
 coha sitisinii wahaihtja —niha tiro Jesure.

62 To ã nichu Jesu õ sehe ni yahuha tirore:

—Wachu sahari pjíne tuã puriro mehne dahrariro noari dare
 saha duara. ã dahrariro to baharo buhusehere majare ñuno,
 noano potori da saha masierara. (Tó seheta Cohamacu yare
 yoaro taro, dahrariro tó pano to jia tiare tuaro wacuboca tíre
 duhu duaeraro, dahrariro to majare ñuno seheta.) ã wacuriro
 Cohamacu mari puhtoro yare dahraboriro jierara —niha Jesu.

Jesu setenta y dos buheinare buhe dutiro warocaha

10 1 Baharo Jesu paina buheinare setenta y dos buheinare
 bese, macaripepu to wahahto pano warocayuha. Cãa
 macaripure puaro dihta warocaha tiro. 2 ã warocaro õ sehe ni
 yahuha tinare piti dahre buhero:

—Trigo payu ti bucua tuhsuchu payu jichu dahraa pjíro
 jira. Wiho mejeta dahraina sehe mahainacã jira. Tó seheta
 noaa buheare tuhohtina payu jichu pjíro jira mari dahraa.
 To ã jipachuta mahainacã dahrari masa yoaro seheta noaa
 buheare buhehtina cuhu mahainacã jira. ã jina noaa buheare

buhehtinare painare to warocahtore siniga Cohamacure m̄usa. 3 Wahaga m̄usa. M̄usare yu warocachu m̄usa oveja pohna yaya watoi ti jiro seheta m̄usa c̄uhu ñaina suaina watoi jinahca. 4 Niñeru wajure, bujhawacua waju c̄uhure, dahpo suhtire naaena tjiga. M̄usa mahai tinina painare boca su durucuena tjiga. Poto wahaga. 5 Jipihtia m̄usa sāa wuhusep̄u sāahna “Ahri wuhu macaina noano jijaro”, ni muhtaga. 6 Tí wuhu macaina noano mehne jiina cahmachea marieina ti jichu, t̄ire niga tinare. Noano mehne ti jierachu ñuna tí wuhu macainare ã nieno tjiga. 7 C̄u wuhui sāa surucana ti noaina jichu tí wuhuihta tjuaga. Tóti duhu payorire chu, sihnituga. Dahrainare ti wapataare nano cahmana. Á jina ti wapataare ti nano seheta ti duhu payorire naga m̄usa c̄uhu. Á jina c̄u wuhuihta m̄usa s̄uri wuhuihta jina, tí maca macaa wuhusep̄u ji tinienna tjiga. 8 Macapure m̄usa s̄una tó macaina sehe m̄usare ti cahmaina jichu ti chua ti duhu payorire chuga. 9 Tó macaina dohatiinare noaina wahachu yoaga. Á jina õ sehe niga tinare: “Cohamacu mipure mari p̄uhtoro noano to s̄uho jihtore yahuna nija m̄usare”, niga tinare. 10 Pa macapu m̄usa s̄uchu tina sehe m̄usare cahmaeraboca. Ti ã cahmaerachu ñuna tí maca dacho macapu waha, õ sehe niga tinare. 11 “Ahri maca macaa dihta pohcari mene wajá site cūna nija s̄are m̄usa cahmaerari buhiri ñona. Á jina ahrire wacuña. Cohamacu mari p̄uhtoro mipure to noano s̄uho jihtore yahuna nija m̄usare”, niga tinare. 12 M̄usare potocá niita nija. Sodoma macaina ñabiaina jiha. Ti ã jipachuta pihtiri dacho jichu Cohamacu to buhiri dahreri dacho jichu Sodoma macaina yuhdoro m̄usare cahmaeraina sehere buhiri dahrerohca —niha Jesu.

Paye macari macaina Cohamacure yuhdurucaina jira (Mt 11.20-24)

13 Baharo Jesu õ sehe niha macari macainare:

—Corazí macaina, m̄usa ñano yuhdunahca. Betsaida macaina, m̄usa c̄uhu ñano yuhdunahca. M̄usa ya macaripure Cohamacu tuaa mehne yoa ñomahi. Tiro wama tiri macare, Sidó wama tiri maca c̄uhure to tuaa mehne yu yoa ñochu ñua tó macaina sehe ti ñaare cahyaboa. Á yoa “Noaina jija”, ni ti t̄uhotumari cjurire t̄uhotu cohtotaboa. Dóihta tina duji, cahyaa suhtire sāa, ti basi niti pohcare ti bui dahra site payoboa ti ñaare cahyaare ñoa. 14 Cohamacu to buhiri dahreri dacho

jichu Tiro macaina, Sido macaina yahdoro ñaa buhiri tiina musa jiri buhiri musare ñano waro buhiri dahrerohca tiro.
15 Capernau macaina, musa mu suro muanopu waha duamana. Musa ã waha duapachuta musa ñaa buhiri tiina musa jiri buhiri musare Cohamacu pichacapu cohãnohca —niha Jesu.

16 ã ni tuhsu Jesu to buheinare õ sehe ni yahuha:

—Musare tuhoina yuhu cuhure tuhora. Musare cahmaeraina, yuhu cuhure cahmaerara. ã jia yuhure cahmaeraina, tina yuhure warocariro cuhure cahmaerara —niha Jesu tinare.

Setenta y dos buheina tju wihiha

17 Baharo setenta y dos buheina wahchea mehne tju wihiha:

—Puhtoro, mu wama mehne mu tuaa mehne wature sã dutichu tina sehe sãre yuhdurucaerare —niha tina Jesure.

18 Ti ã nichu Jesu õ sehe ni yuhtiha tinare:

—Muanopu to oroca site bora taro seheta, watuno to bora tachu ñuhi. **19** Noano tuhoga. Musare yu tuaare wahi yuhu. ã jina agãare, pichõno soroare, watunore marine ñu tuhtirirore musa yuhdurucahtire wahi yuhu. ã jia tina musare ñano yoa masierara. **20** Yu ã wapachuta watua musare ti yuhdurucaerachu ñuna tu dihtare wahchena tjiga. Ahri sehere wahchega. Muanopu Cohamacu yaina ti wamare to joa õri tjui musa wamare to joa õchu ñuna, tu sehere wahchega musa —niha Jesu tinare.

Jesu wahcheha

(Mt 11.25-27; 13.16-17)

21 Tí pjare Espíritu Santo Jesure tuaro wahchechu yoaha. ã jiro Jesu õ sehe niha:

—Mai, muhu muanopu cuhure yahpapu cuhure puhtoro jira. Masi yuhduruca sehinare mu yahuerari cjirire wiho jiina sehere yahure muhu. Mu ã yoachu ñucu “Noa yuhduara”, nija. ã tjira, Mai. Mu yoa duariro seheta, mu cahmariro seheta tinare mu yare yahure —niha Jesu.

ã ni tuhsu painare õ sehe niha:

22 —Yu Pucu jipihtiare yuhure ware. Yu Pucu dihta yuhure masina. Yuhu cuhu tirore masija. Yu beserina cuhu tirore masina, yu masi dutiina jia. Tópeinata yu Puchre masija sã —niha Jesu.

23 To ã niri baharo ti sahsero ti jichu Jesu to buheinare õ sehe niha:

—Ahri jipihiare musa ñuna wahcheina jira. 24 Potoca tjira. Payu Cohamacu yare yahu muhtaina cjiri, yahpari macaina puhtoa cuhu mipu musa ñurire ñu duamaha tina cuhu. Æ jia musa tuhori cuhure tuho duamaha —niha Jesu.

Noariro Samaria macariro quitire yahuha Jesu

25 Tí pjata judio masare buheriro Jesu cahai wihi, Jesure ñano to durucuchu yoa duamaha tirore yahusa duaro:

—¿Buheriro, yuhu jipihtia dachoripe Cohamacu mehne ji duacu dohse yoaihcari yuhu? —ni sinituha tiro Jesure.

26 To ã nichu Jesu õ sehe ni yuhtiha tirore:

—¿Dohse ni yahujari Cohamacu yare ti joari pui?

¿Cohamacu to ni joari cjirire dohse ni tuhotujarita muhu?

—niha Jesu tirore.

27 To ã nichu tiro õ sehe ni yuhtiha:

—Ó sehe niha Cohamacu: “Tuaro musa yajeripohnari mehne, noano musa tuaa mehne, musa wacua mehne Cohamacure cahiga. Æ yoa mu basi mu cahino seheta mu cahai jiina cuhure cahiga” —niha tiro Jesure.

28 To ã nichu Jesu õ sehe ni yahuha:

—Quihõno nire muhu. Tíre yoaga. Æ yoacu jipihtia dachoripe Cohamacu mehne jiihca muhu —niha tirore.

29 “Ahriro Cohamacu dutiare yoa pahñoriro jira”, masa tirore ti ni tuhotuchu

—¿Yabariro baro jicari yuhure mu cahi dutiriro? —niha tiro.

30 To ã nichu
Jesu õ sehe ni piti
dahre quiti mehne
yuhtiha:

—Cu dacho
Jerusalepu tariro
Jericópu wahariro
mahai to tinichu
yacaina tirore
ñahaha. Æ ñahaa, to
suhtirore tjuwe na,
tirore tuaro cjaha.



Ã tuaro cjāa, mahano to yariaro cahachū waro duhuha tina tirore. 31 Tí pjata sacerdote tí mahapū taha. Ñ taro ti cjāriro cjirote ñūparota maha pa būhusehe dūhtū cahai do yūhdū wahcā, yūhdāa wahaha. 32 Ñ yoa Cohamacū wūhūi dahrariro cūhū pjacuoriro cahai sū, tirore ñū, maha pa būhusehe coai do yūhdū wahcāa wahaha. 33 Ñ yoa Samaria macariro sehe tóí waha, yoa cureropū pjacuorirore ñū, tirore pja ñūha. 34 Ñ pja ñūno, tiro pjacuoriro cahai sū, se, vino mehne morea core to camine pio sihōha. Pio sihō tuhsū suhtiro cahsaro mehne dūhteha to camine. Tuhsū, pjacuorirore to burro bui duhu payo, carīni wūhūpū na sūha tirore. Tóí jiro, Samaria macariro noano ñū wihiboga tirore. 35 Pa dachoi tiro carīni wūhū pūrore pūa tū niñeru tūrire wa, õ sehe niha: “Ahrirore ñū wihiboga. Ahri mū suerachū pari turi tjua tacū wapa pahñoihtja”, niha Samaria macariro wūhū pūrore —niha Jesu.

36 Ñ ni tuhsū judío masare buherirore õ sehe ni sinituha Jesu:

—¿Ahrina tiaro mūa diro sehe jijari pjacuorirore cahīriro?
—niha Jesu.



37 To ã nichu tñhoró buheriro sehe Jesure õ sehe ni yñhtiha:
 —Pjachorirore yoadohoriro jica tirore cahñiro —niha tiro
 Jesure.

—Wahaga. Mñhu cñhu masare tó seheta yoai wahaga
 —niha Jesu buherirore.

Marta, María cñhu cahai Jesu tiniha

38 Ñ yoa Jesu to buheina mehne ti wahachu, pa macapu ti
 tinichu, Marta wama tñricoro tinare to wñhui sña ta dutiha.

39 To bahoro María to dahpori cahai duji, to buheare tñhoha.

40 To ã yoachu ñano Marta to dahraa pjíro jichu suaha. Ñ jiro
 tñcoro Jesure õ sehe ni sinituha:

—Pñhtoro, ¿yñhu cñcoro yu dñhrachu yñhure yu baho to
 yoadohoerachu mñhure noajari, mu ñuchu? Tñcorore yñhure
 yoadoho dutiga —niha Marta Jesure.

41 To ã nichu Jesu õ sehe ni yñhtiha:

—Marta, dahraa pjíro cñaco pjíro tñhotura mñhu.

42 Cohamacu to yare tñho dutira. María noaare yoaro taro tñre
 cahmahre. Ñ jicu yñhure to tñhochu “Dahradohoco wahaga”,
 nieraia tñcorore —niha Jesu Martare.

Jesu Cohamacure siniare buheha

(Mt 6.9-15; 7.7-11)

11 ¹ Cñ dacho Jesu Cohamacure sinino niha. To sini
 tuhsñchu, cñiro to buheina mehne macapiro tirore õ
 sehe niha:

—Pñhtoro, João to buheinare to buheriro seheta
 Cohamacure siniare sã cñhure buhega mñhu —niha tiro
 Jesure.

2 To ã nichu tñhoró Jesu tinare õ sehe ni yahuha:

—Ó sehe ni Cohamacure siniga:

“Sã Pñcu, mñhu ñaa marieriro ã jirucura.

Mipure jipihtina bui pñhtoro jiga.

3 Ñ yoa dachoripe sã chñhtire warucuga sãre.

4 Paina sãre ti ñano yoarire sã boja.

Ñ jicu mñhu cñhu sã ñaa yoarire boga.

Tuhsu, sã ñaare yoa duana sã goa pjachu ñuchu tñre
 sãre yoa duaerachu yoaga”,
 ni siniga Cohamacure —niha Jesu tinare.

5 Baharo Jesu quiti mehne to buheinare õ sehe ni buheha:

—Cūiro ñami dacho macai to coyeiro ya wuhuph waha, tirore õ sehe ni siniha: “Coyeiro tia curi pão curi waga yuhure. 6 Pairo yu coyeiro tinino tariro michapucacāta ya wuhui wihihire. Å yoa tirore yu chua waboa mariahna”, niha tiro to coyeirore. 7 To å nichu to coyeiro wuhu puhichapu jiriro yuhuhiha: “Yuhure cariboi tjiga. Sopa pahma bihariro jira. Yuhu yu pohna mehne carīna nija. Wahcāno pjaeraca yuhure. Muhure chhāre waboricu jieraja”, niha to coyeiro. 8 ¿Dohse waharohcari sinirirore? Potocā niita nija mūsare. To coyeiro jiparota, chua waboriro wahcā duaerahā. Wahcā duaeraparota chua siniriro sehe buo tiro marieno to yoari pja sinirucuchu tūhoro jipihtia to siniriro sehetā warohca. 9 Å jicu ahrire mūsare ni yahui nija: Cohamacure siniga. Å sinina mūsa sinirire ñahanahca. Mūsa sinirire bocanahca. Tirore å sinirucuga. Mūsa å yoachu tiro mūsare warohca. 10 Jipihtina Cohamacure siniina ti sinirire naahca. Å yoa ti sinirire bocaahca. Å jiro jipihtina Cohamacure å sinirucuinare tiro tinare warohca.

11 ¿Mūsa pohna mūsare wahire ti sinichu agā sehere wabocari mūsa tinare? 12 ¿Mūsa pohna caraca diecare ti sinichu pichōno soro sehere wabocari mūsa tinare? Ne wasi. 13 Mūsa ñaina jipanahta mūsa pohnare noaare wa masina mūsa. Å yoa Cohamacu sehe mūsa wari yuhdoro noaare wara mūsare. Tiro mari Pñcu muano macariro to Espíritu Santore warohca tirore siniinare —niha Jesu to buheinare.

“Jesu watīno tuaare cjhara”, ni yahusāha masa
(Mt 12.22-30; Mr 3.19-27)

14 Tí pjare Jesu watīnore cohā wioro niha. Watīno sehe durucu masierariro jichu yoaha masūnore. Å jiro watīno masūnore to duhuri baharo masūno sehe durucu dūcaha. To durucuchu tūhoa masa payu chaa wahaha. 15 Ti å c̄hapachuta paina sehe õ sehe niha:

—Ahriro Jesu watīare to cohā wiochhu Beelzebú wama tiriro watīa pūhtoro sehe tirore yoadohora —niha paina.

16 Paina “¿Jesu Cohamacu to warocariro jijari?” ni masi duaa tirore Cohamacu tuaa mehne yoa ño dutimaha. 17 Ti å dutichu tūhoro “Watīno tuaa mehne watīare cohā wiora”, ni ti tūhotuare masino, tinare õ sehe ni yahuha Jesu:

—Watīno ya tuaa mehne watīare cohā wioi nieraja. Cū maca macaina ti basi cahma wajāa, tí maca macaina yaria pihtia

wahara. Å jia cū wħħu macaina ti basi cahmachea, tí wħħu macaina waha pihtia wahara. 18 Å yoa watīno yaina watīa ti basi cahmachea, tina watīa cūħu waha pihtia wahaboa. Cū curua ji masieraboa. Mħusa yuhure õ sehe nina. “Tiro watīno tuaa mehne watīare cohā wiora”, mħusa yuhure nina nica.

19 ¿Yuhure mħusa niri potocā jichu mħusa mehne macaina watīare cohā wioa, watīno tuaa mehneta cohā wiojari tina cūħu, mħusa nħuchu? Mħusa mehne macaina watīare cohā wioa, watīno tuaa mehne cohā wioa nierara. Ahrire masina watīno to tuaa mehne watīare yu cohā wioerachu masinahca mħusa.

20 Å jicu yuhu sehe watīare cohā wiċċu Cohamacu tuaa mehne cohā wioja. Ahrire masina, Cohamacu mħusa pħħtoro to noano sħoh ji dukaare masinahca mħusa.

21 Tuariro to wamoar mehne to wħħure to nħu wihboch u to yare paina na masierara. 22 To ã nħu wihbopachu ta' pairo tua yuhduriro tiro mehne cahmache, tirore yuhduruca, to wamoar manoca, to yare manocahna. (Õ seheti yoa yuhduruca cahmana watīare.) 23 Ċūiro yuhure cahmaeraro, yuhure nħu tuhtiriro jira. Ċūiro yuhure yoadohoeraro yuhure nħano yoaro nina —ni buheha Jesu.

Watīno pari turi masħnore to sāari quitire yahuha Jesu (Mt 12.43-45)

24 Å yoa to tħotua mehne õ sehe ni piti dahre buheha tinare:

—Watīno masħnore duħuro tiro co marieni yahpai tinino, to soħto cjihtore macamaha. Bocaeraro, õ sehe ni tħotuha: “Masħno yu duħuriro mehne pari turi jii wahaihtja”, ni tħotuha tiro. 25 Å nino tiro tjua waha, masħnore bocaha. Å to bocachu masħno sehe noariro jimaha. 26 Tuhsu, watīno paina siete watīare tiro bui nħaa yuhdinare nano wahaha. Na wihi, tina jipihtina watīa masħno mehne jiha. Å jiro masħno sehe tó pano cūiro watīnore cjearo, nħariro jimaha. Mipu sehere payu watīa ti coħtotariro jiro, tó pano to jiriro yuhdoro nħa yuhduriro jiha —niha Jesu.

Jesu wahcheare yahuha

27 Tíre to ã nichu masa watoi jiricoro numino Jesure õ sehe ni yahuha:

—Muhure pohna tircoro, muhure puricoro wahchericoro jira —niha Jesure.

28 To ã ni tuhsachä tähoro Jesu ticolorre õ sehe ni yahitiha:

—Cohamacä durucuare tähoina to dutiare yoaina tina tjica wahcheina —niha Jesu ticolorre.

Masa ñaina Jesure Cohamacä tuaa mehne yoa ño dutiha
(Mt 12.38-42; Mr 8.12)

29 Ñ yoa payä masa Jesu cahai ti wihichä, tiro tinare õ sehe ni yahu namoha:

—Mipä macaina nu ñaina jira. Cohamacä tuaa mehne yä yoa ñochä ñä duamana. Ti ã ñä duapachäta Jona panopä macariro Cohamacä tuaa mehne to yoari dihtare ñonohca Cohamacä tinare. 30 Jona Cohamacä yare yahu muhtariro jiro, tiro Nínive macainare Cohamacä yare to masichä yoariro seheta yahä masuno Cohamacä warocariro masichä yoaja mipä macainare. 31 Buhiri dahrehti dacho jichä pühtorocoro sur macaricoro panopä macaricoro ducu, mipä macainare “Ñaina jira”, ni yahusänöhcä ticoro. Ticoro Salomo panopä macariro to masiare taho duaro yoaropä ahri yahpa pa sehepu jiricoro Salomore tähoro taha. Ñ yoaro noano yoaro niha mipä macaina yahdoro. Ñ jiro ticoro yahusänöhcä mipä macainare. Ñ nichä musare potocä niita nija. Mipä musare yä buhea Salomo to buheri yahdoro jira. 32 Buhiri dahrehti dacho jichä Nínive macaina cühä ducu, mipä macainare “Ñaina jira”, ni yahusähca tina. Jona tinare Cohamacä yare to yahuchä taho, ti ñaaare tähotumarire tähotu cohtota Cohamacäre cahmaha tina sehe. Ñ cahmaa noano yoaa niha mipä macaina yahdoro. Ñ jia tina cühä mipä macainare “Ñaina jira”, ni yahusähca. Musare potocä niita nija. Mipä musare yä buhea Jona to buheri yahdoro jira —ni yahuha Jesu.

Masa ti tähoturo seheta yoara
(Mt 5.15; 6.22-23)

33 Ñ ni yahu tuhsä, piti dahre buhero õ sehe ni yahu namoha tinare:

—Masa sihăriare sihăa nüoerara. Tiare sihăa dihi biato docapä duhu dapoerara. Tiare muanoí duhu payora wühpä sää taina ti noano ñä säähto sehe. 34 Sihăria to noano buhriachä mari noano ñä masino seheta noaare tähotua

mehne noaare yoa masinahca m̄usa. M̄usa t̄hoturo seheta yoara m̄usa. Noaare t̄hototuna noaare yoara m̄usa. Noaare t̄hotuerana ñaare yoara m̄usa. 35 Á jina noano yoaga. M̄usa t̄hotuap̄ ñaa jiero tjijaro. Ñaare goa pjaena tjiga. 36 Tuhsa m̄usa t̄hotuap̄ noaa jich̄, ñaa ne mariach̄ noaa dihtare t̄hotunahca —ni buheha Jesu.

**Fariseo curua macaina, judio masare
buheina c̄ahure Jesu tuhtiha**
(Mt 23.1-36; Mr 12.38-40; Lc 20.45-47)

37 Jesu to buhe tuhsach̄ ñu fariseo curua macariro tirore to ya w̄uhup̄ ch̄ dutiro pjiha. Á jiro Jesu tiro ya w̄uhup̄ sāa s̄a, ti ch̄roi tina mehne nuju s̄ha. 38 To á nuju s̄ach̄ fariseo curua macariro sehe Jesure ñu n̄ununo judio masa ti wamo cosarucuro seheta to wamo cosaerach̄ ñuno õ sehe ni t̄hotuha: “Cuenah. ¿Ahriro dohsearo wamo cosaerajari mari yoaro sehe?” ni t̄hotuha. 39 To á ni t̄hotuch̄ masino Jesu tirore õ sehe ni yahuha:

—M̄usa fariseo curua macaina sihnia wahwarire, wapari c̄ahure bui sehe dihtare m̄usa cosaro seheta noaare yoa ñona m̄usa buicā warohna. Á yoapanahtha Cohamac̄ yare quihōno yoaerara. Paina yare maina jina, ñaa dihtare t̄hotura m̄usa. 40 T̄ho masieraina jira m̄usa. Cohamac̄ m̄usa pjacurire yoariro m̄usa t̄hotuhti c̄ahure yoaha. ¿Tíre masierajari m̄usa? 41 Á jina m̄usa yare pjachoinare waga m̄usa. M̄usa á yoana noaare t̄hotuina jinahca.

42 'M̄usa fariseo curua macaina ñano yuhdunahca. Moa yoaro sehe jiare ch̄are coach̄ yoaare c̄jana mahancā wamana m̄usa. Cohamac̄re ño payona tana sacerdoteare wamana m̄usa. Á wapanahtha noaare yoaerara m̄usa. Á jina masare pja ñherara m̄usa. Á yoa Cohamac̄re ño payoerara m̄usa. Toaa dichacāre m̄usa narire mahancā Cohamac̄re m̄usa wach̄ noa nina. Á wana õ sehe yoa namoga: Noaare yoaga. Á yoa pja ñuga m̄usa masare. Tuhsa, Cohamac̄re ño payoga m̄usa.

43 'M̄usa fariseo curua macaina ñano yuhdunahca. Buheri w̄uhup̄ jina, noaa dujia dihtare duji duara m̄usa. Pache duarop̄ masa m̄usare p̄uhtoare noano ño payo ti sinino sehe ti piti bocasinich̄ cahmana m̄usa.

44 'Ñano yuhdunahca m̄usa. Masa copa n̄ori copa yoaro seheta jira m̄usa. Tí copa cahai masa jia, puhicha macariro baarirore ñuerara tina. Tó seheta masa m̄usa cahai jia, m̄usa t̄hotuapu ñaa jiare masierara tina —niha Jesu tinare.

45 To ã nichu t̄horo judio masare buheina mehne macariro Jesure õ sehe ni yahuha:

—Buheriro, tíre nichu sā cūhure ñano nii nica muhu —niha tiro Jesure.

46 To ã nichu Jesu õ sehe ni yuhтиha:

—Potocā tjira. Judio masare buheina m̄usa cūhu ñano yuhdunahca. M̄usa painare ti bihoeraare yoa dutira tinare. Ñ dutipanahta m̄usa sehe tinare ne mahancā yoadohoerara tí dutiare ti yoahuo sehe.

47 'A jina m̄usa ñano yuhdunahca. Cohamacu yare yahu muhtaina panopu macaina ti masa coparire noano cahnomana m̄usa tinare ño payoro sehe yoana. M̄usa ã yoapachuta panopu macaina m̄usa coyea sehe tinare wajāha. 48 Tina sehe Cohamacu yare yahu muhtaina cjirire ti wajāiro seheta m̄usa cūhu yoaboa. Ñ jina mipure ti masa coparire cahnomana m̄usa. Ñ cahnona m̄usa coyea tinare ti wajāri cjirire wacū bajuro wana nica m̄usa. Ñ ti wajārire wacūna “Noa nina”, nina nica m̄usa.

49 'Cohamacu to masia mehne õ sehe ni yahuha: “Yu yare yahu muhtaina cūhure yu buhe duti cūrina cūhure warocaitja tinare. Ñ jia tina yu warocainare painare wajā, painare ñano yooahca”, niha Cohamacu. 50-51 Ahri yahpore Cohamacu to bajuamehneri baharo Cañ sehe Abere wajāha. Tuhsu, Cohamacu yare yahu muhtaina cjirire Abe baharo jiina cūhure ñaina wajāha. Baharo Zacariare Cohamacu wuhui Cohamacure ño payori mesa cahai m̄usa coyeata wajāha. Jipihtina tinare ti wajāri buhiri mipu macainare Cohamacu buhiri dahrerohca. Ñ tjira. M̄usareta nii nija. Jipihtina tinare ti wajāri buhirire mipu macainare Cohamacu buhiri dahrerohca.

52 'M̄usa judio masare buheina, ñano yuhdunahca. Cohamacu masiare ti joaa pūrine cjapanaha painare yahuerara m̄usa. M̄usa basi Cohamacu yare t̄hoerara. Tuhsu, paina to yare ti t̄ho duapachuta tíre m̄usa tinare t̄ho dutierara —niha Jesu tinare.

53-54 To ã nichu t̄hoa judio masare buheina fariseo curua macaina cūhu tiro mehne sua tirore ñano ni durucuha. Ñ jia

Jesu to ñano ni yahütichü taho duaa, tina payü mahño cū sinitu ñumaha tirore, tirore yahusä duaa.

Fariseo curua macaina ti ã mahñorucurire Jesu yahuha

12 ¹ Å yoa Jesu cahai masa payü cahmachua, bihsa yahdøaha. Tói Jesu to buheinare õ sehe ni yahu ducaha:

—Noano wacū masiga mësa. Fariseo curua macaina ti pão buccharore ñuna noano wacū masiga. Ti mahñorucurire nii nija “Pão buccharo”, nicü. ² Jipihtia ñaare paina ti masierari cjirire baharo masiahca. ³ Å yoa ñamipüre ti pjiroca durucuri cjirire buhriaroi to bajuro waro seheta masiahca jipihtina. Bihari tahtiapü pairore yaroca ti nimari cjirire masa payü masiahca —ni yahuha Jesu.

Masa ti cuihtirore yahuha Jesu

(Mt 10.28-31)

⁴ Å ni tuhsü Jesu õ sehe ni yahu namoha tinare:

—Potocä niita nija mësare. Masa wajäina wajä tuhsü pari turi ti wajärina cjirire ñano yoa namo masierara. Å jina mësare wajä duainare cuiena tjiga. ⁵ Mipüre mësa cuihtirore mësa ño payohtirore yahuihtja. Cohamacü sehere cui, ño payoga. Tiro mësa yariari baharo pichacapü cohä masina mësare. Å tjira. Potocä nii nija. Cohamacü sehere cui, ño payoga.

⁶ 'Cinco siripia wapa mariahna. Ti ã wapa mariapachüta cüirocäre Cohamacü ne boerara. ⁷ Å yoa mësa pjoarire ne cü pjoa da dëhsaro marieno masi pahñona Cohamacü. Tó sehera mësa jia tia cëhüre masi pahñona Cohamacü. Å masino mësare ñü wihiborucura. Siripiare to cahïno yahüdoro mësa sehere cahïna Cohamacü. Å jina tirore ño payona cuiena tjiga mësa —niha Jesu.

Jesu yaina mësa jiare yahuga masare

(Mt 10.32-33; 12.32; 10.19-20)

⁸ Å yoa Jesu õ sehe ni yahu namoha:

—Mësare niita nija. Cüiro “Jesu yairo jija”, masare to nichü ñuchü, yahü masuno Cohamacü warocariro “Tiro yahü yairo jira”, ni yahuihtja Cohamacü yaina anjoare. ⁹ Cüiro “Jesu yairo jija”, masare nierariro sehere yahü “Tiro yahü yairo jierara”, ni yahuihtja Cohamacü yaina anjoare.

10 'Cāiro yāhure ñano to ni durucuchu tí ñaa buhirire Cohamacu bo masina. Ā boparota cāiro Espíritu Santo sehere to ñano ni durucuchu tí ñaa buhirire ne Cohamacu bosí.

11 'Mari judío masa buheri wāhupu pahtoa cahai paina māsare na sāa yahusāahca. Ti á yahusāchū māsa ni dācatahti cjihtire "Cue, masieraboca", ni tāhotuena tjiga. **12** Tí pjaihta Espíritu Santo māsa yahuhti cjihtire yahurohca —niha Jesu.

Pache puro quitire yahuha Jesu

13 Ā yoa masa mehne macariro Jesure ó sehe ni yahuha:

—Buheriro, sā pācu to yariari baharo to ya cjiри sāre tjuara. Ā jicu yā wahmine tére yāhu cāhure quihōno tju wa dutiga —niha tiro Jesure.

14 To á nichu Jesu ó sehe ni yāhtiha:

—Ne tí barore tju waboricu jieraja yāhu —niha Jesu tirore.

15 Ā ni tuhsu Jesu jipihtinare ó sehe ni yahuha:

—Noano yoaga māsa. Pachere, paye baro cāhure cahīna tjiga. Payu cjiapanaha tí mehneta wahche tuhsueraja mari —niha Jesu.

16 Ā ni tuhsu Jesu quiti mehne ó sehe ni yahuha tinare:

—Pache puro noari yahpare cjiāha. Ā jia tí yahpapu to toaa noano dicha tiha. **17** Ā jiro tiro to basi ó sehe ni tāhotumaha: "Dicha wihboa wāhuse ne mā suerara. **18** Mipāre ó sehe yoaihtja: Mipu yā wihboa wāhuse cohānoca, māna wāhuse cjiři yāhdoro wahma wāhuse yoaihtja. Tí wāhusei yā toaa dichare, jipihtiare yā yare wihboihtja. **19** Yā á yoari baharo, ó sehe ni tāhotuihtja yā basi: 'Yāhu jiape cjiāriro jija. Noano soihtja. Ā jicu chu, sihni, wahcheihtja', ni tāhotuihtja yā basi", ni tāhotumaha tiro. **20** To á ni tāhotuchu Cohamacu tirore ó sehe ni yahuha: "Māhu ne tāho masierariro jira. Micha ñamiihta māhu yariahca. Mā á wahachu mā ya mā cahīri butia wahaahca", niha Cohamacu tirore —niha Jesu masare.

21 Tíre nino, masare ó sehe ni yahuha Jesu:

—Āta wahaahca pache pāa Cohamacure wacūeraina. Payu pachere, niñerure to ya cjihti dihtare wihboriro, Cohamacure wacūeraro tiro pjacuoriro jirohca, Cohamacu to ñuchu. Ā jiro Cohamacu tirore ñu jicoaerara —niha Jesu.

Cohamacʉ to pohnare ñʉ wihbora

(Mt 6.25-34)

22 Å yoa Jesu to buheinare õ sehe ni yahuha:

—Ahrire mʉsare nii nija: Mʉsa chʉhti cjihtire, mʉsa suhti sāahtire pjíro cahya tʉhotuena tjiga. 23 Cohamacʉ mʉsare bajuamehneno, chʉhtina cjihti dihtare yoeraha mʉsare. Tuhsʉ, suhti sāahtina cjihti dihtare yoeraha tiro mʉsare. 24 Minichahca perire Cohamacʉ to ñʉ wihibore masiga. Tina weseri maeraina jira. Å jia chʉare ti wihiboa wʉhʉse tinare mariahna. Ti â jiina jichʉ ñʉno tinare Cohamacʉ ti chʉhtire wara. Minichahca yʉhdoro mʉsa sehere cahīna Cohamacʉ. 25 Pjíro mʉsa tʉhotua mehne cū hora waro mʉsare cati namochʉ yoa masierara mʉsa. Å jiro mʉsa pjíro tʉhotua yaba cjihti jierara. 26 ¿Å yoa pjíro mʉsa tʉhotua ti yaba cjihti jierapachʉta dohse yoana mʉsa chʉhtire, mʉsa sihnihtire, mʉsa sāahtire pjíro cahya tʉhotujari?

27 'Macaroca macaa cohori tʉhotuga. Tí cohori ti basi suhtire yoerara. Å yoerapahta noaa suhti tiina yoaro sehe noaa bajura tí cohori. Salomo cjiro noaa suhtire sāariro to jipachʉta tí cohori sehe tiro yʉhdoro noabiaa cohori waro jira. 28 Cohori noaa cohori yoara Cohamacʉ sehe. To â yoapachʉta cohori sehe mahaa dachoricā jirucuma ñai boraah wahara. Mahanocā ji, pa dachoi pichacapʉ jĩa wahara. Ti â jipachʉta cohori noaa cohori jichʉ yoara Cohamacʉ. Å jiro Cohamacʉ cohori to noaa cohori to yoariro yʉhdoro mʉsa cūhʉre noano yoarohca. Suhtire warohca. Mahanocā Cohamacʉre wacū tuara mʉsa. 29 Å jina mʉsa chʉhtire, mʉsa sihnihtire pjíro cahya tʉhotuena tjiga. 30 Cohamacʉre cahmaeraina sehe ahri yahpa macaina sehe tére â macarucua nina. Mari Pʉcʉ mʉano macariro jipihtia mʉsa cahmaare masina. To â masichʉ pjíro cahya tʉhotuena tjiga. 31 Cohamacʉ mʉsa pʉhtoro to jihto cjihtore cahma mʉhtaga. Jipihtia paye baro yʉhdoro tirore cahmaga mʉsa. Mʉsa â yoari baharo Cohamacʉ sehe mʉsa cahmaa dʉhsachʉ warohca —ni yahu namoha Jesu.

Mʉanopʉ mari payʉ cjiua masija

(Mt 6.19-21)

32 Å ni tuhsʉ, tinare õ sehe ni yahu namoha:

—Yü cahíina, mahainacā jipanahta, cuiena tjiga mūsa. Cohamacü mūsa pūhtoro to noano sūho jiropure tiro mehne mūsa jichü cahmana tiro. 33 Å jina mūsa yare dua pahñoga. Tíre duanoca tí niñerure na, pjachoinare waga. Tó sehe mūsa yoachü mūano macaa mūsa wapataa ne pihtisi. Mūanopü mūsa ya jia ne pihtierara. Tópure mūsa yare na masierara yacariro. Å yoa machü cühu tíre tua masierara. 34 Mūanopü mūsa ya jichü mūano macaa dihtare tūhotunahca mūsa —niha Jesu.

Jesu to tjua tahtore cohta dutiha to yainare

35-36 Å ni tuhsü tinare õ sehe ni yahu namoha:

—Mūsa yare cahnoyu tuhsüina yoaro sehe yü yare å yoarucuina jina cohtaga yuhüre. Dahra cohtaina ti pūhtoro wamomaca dähteri bose nūmüpü to wahachü to tjua tahtore tina cohtara. Tina ti å cohtariro sehetu yü tjua tahtore cohtaga mūsa cühu. Pūhtoro to wuhüpu wihi, sopacare to dotachü tūhoa tina dóihta pjöo sōhna tirore. 37 Dahra cohtaina ti pūhtoro to wiwhichü to cahmano sehetu yoarucuina jia, wahcheina jiahca. Ti å yoachü ñuno pūhtoro sehe dahra cohtariro yoaro sehe cohtotarohca. Å yoaro dahra cohtainare duji dutiro, tiro ti chüare duhu payorohca. 38 Tiro to wihihti pja ñami dacho macapü, o bohrearopü to jipachüta dahra cohtaina sehe to wihihti pjare tirore noano cohtaina jia, wahcheina jiahca tina. 39 Ahrire wacüga mūsa. Yacariro wuhüpu to wihipto pano tí wuhü puro masierara. Wuhü puro yacariro to wihihtore masino, tiro yacariore sää dutieraboa. Å jiro wacüenoca tara yacariro. 40 Å jina mūsa cühu cohtaga. Yuhü masuno Cohamacü warocariro wacüenoca taihca. Å jina yü yare å yoarucuina jina cohtaga mūsa —niha Jesu tinare.

Dahra cohtariro to pūhtorore ño payoriore, ño payoerariro cühüre yahuha

(Mt 24.45-51)

41 To å nichü Pedro sehe õ sehe ni sinituha Jesure:

—¿Ahri quitire yahucü säre nii nijari? ¿O jipihtinare å nii nijari? —niha Pedro.

42 To å nichü Jesu to tūhotua mehne õ sehe ni piti dahre buheha tinare:

—Dahra cohtariro to pūhtorore ño payoriro tūho masiriro õ sehetu jira. Pūhtoro tinino waharo, dahra cohtariore to

wuhure cūna. To cūriro sehe dutiriro jirohca. Ñ jiro tiro chari pja jichu paina dahra cohtainare chare witira. **43** Baharo puhtoro to wihichu dahra cohtariro sehe to puhtoro to dutiriro seheta yoa pahñoriro jiro, tiro wahcheriro jirohca. **44** Potocā niita nija mūsare. To ñ yoachu to puhtoro jipihtia to yare ñ wihiboriro cūnōhca tirore. **45** To ñ cūpachuta dahra cohtariro “Yu puhtoro yoari pja bajuerara”, niboca. Ñ nino paina dahra cohtainare mūare, numia cūhure cjape, payu chu, sihni, cahaboca. **46** To ñ yoari baharo wacuenoca to puhtoro wihirohca. Ñ wihiro tirore ñano buhiri dahrerohca. Ñ jiro Cohamacure yuhdutucainare to cohāriopu tirore cohānōhca.

47 Ñ yoa dahra cohtariro to puhtoro cahmaare masiriro jiparota tīre to yoaerachu, tiro to noano dahraerachu to puhtoro sehe tirore yuta da mehne tuaro tjananohca. **48** Pairo sehe dahra cohtariro to puhtoro cahmaare masierariro jiro to noano yoaerachu ñuno to puhtoro sehe pjiroca dero tirore tjananohca. Cohamacu to cahmaare masichu yoara masare. Ñ jiro masirirore yuhntiro cahmana. Tuhsu, noano masirirore noano yuhntiro cahmana —niha Jesu.

Jesu masare cahma tju wachu yoara
(Mt 10.34-36)

49 Ñ ni tuhsu Jesu tinare õ sehe ni yahuha tjoa:

—Pichaca to jūwero seheta yuhu ahri yahpapure Cohamacu tirore cahmaerainare to buhiri dahrehtore tinare masichu yoai tai nii. Mipu pinihta tīre ti masichu tuaro cahmaja yuhu.

50 Yuhu ñano yuhduthihca. Yu ñano yuhduthire cohtacu, ñano yajeripohna tija yuhu. **51** ¿Dohse ni tūhotujari mūsa yuhure? “Tiro masare to buheri baharo paina tinare ñu tuhtisi”, ¿ni tūhotujari mūsa yuhure? Ñ jierara. Masare yu buheri baharo caina yu yare tūhoahca. Paina sehe tinare ñu tuhtiahca. Cūno potori waro jisi masa. Mūsare nii nija. Masa yu buheare tūhoa, pua curua cahma tju waahca. **52** Mipure cū wuhu macaina cinco masa yu buheare tūhoa, pua curua ti basi cahma tju waahca. Cū curua tiaro, pa curua puaro jiahca. **53** To pucuro to macunore ñu tuhtirohca yu yairo to jiri buhiri. Tuhsu, pairo macuno cūhu to pucurore ñu tuhtirohca to pucuro yu yairo to jiri buhiri. Ñ yoa to pocoro to maconore ñu tuhtirohca yu yacoro to jiri buhiri. Tuhsu, pacoro macono cūhu to pocorore ñu tuhtirohca to pocoro yu yacoro to jiri buhiri. Ñ yoa to

marechono to macʉ namonore ñʉ tuhtirohca yʉ yacoro to jiri buhiri. Tuhsʉ, pacoro macʉ namono cʉhʉ to marechonore ñʉ tuhtirohca yʉ yacoro to jiri buhiri. Āta waharohca, yʉ buheare ti tʉhochʉ —niha Jesu.

**Noari dacho cjihtore, ñari dacho cjihtore
masa ti masiare yahuha Jesu**
(Mt 16.1-4; Mr 8.11-13)

54 Ā yoa Jesu masare õ sehe ni yahuha tjoa:
—Ahrie sehepʉ coro siterire ñʉna, dóihta “Coro tarohca”, nina mʉsa. Mʉsa ã niri baharo coro tara. 55 Ā yoa surpʉ wiñnono tachʉ “Siri dacho jirohca”, nina mʉsa ahri yahpai jiina. Mʉsa ã niri baharo dacho sira. 56 Mʉsa mahñoperucuina jira. Mʉsa ahri yahpare mʉano cʉhure ñʉna, noari dacho cjihtore, ñari dacho cjihto cʉhure masina mʉsa. ¿Ā jina mipʉ macaa dachorire masipanahta dohseana ahri yahpa macaina mipure mʉsa dohse wahahtore masierajari mʉsa? —niha Jesu.

Mʉsare ñʉ tuhtiriro mehne mʉsa cahmacherire cahma pjäga
(Mt 5.25-26)

57 Ā ni tuhsʉ õ sehe ni yahu namoha:
—¿Mʉhʉ quihōno mʉ yoahtire masierajari mʉhʉ mipʉ?
58 Pairo mʉhure yahušāno waharo buhiri dahre dutiri wʉhʉpʉ waha dutiboca. Tópʉ wahana “Pari turi mʉhure ã yoasi”, nicʉ cahma pjäga. Mʉ ã cahma pjäerachʉ tiro buhiri dahre dutiriro cahapʉ naaboca mʉhure. Tuhsʉ, buhiri dahre dutiriro sehe mʉhure surarare to wachʉ, mʉhure surara peresu yoaahca.
59 Mʉhure nii nija. Tópʉ jisiniihca mʉhʉ. Pʉ ti wapa dutirire mʉ wapa pahñoipʉ wijaaihca mʉhʉ —niha Jesu.

**“Noaina jija”, ni mʉsa tʉhotumarine tʉhotu
cohtota, Cohamacure cahmaga**

13 1 Tí pjare mahainacā masa Jesure õ sehe ni yahua tiha:

—Galilea macaina wahiquirore wajā jʉ mʉo Cohamacure ti ño payoro watoi Pilato sehe tinare wajāha. To ã wajāchʉ wahiquiro di mehne masa di moreha —ni yahuha tina Jesure.

2 Ti ã ni yahu tuhsʉchʉ Jesu õ sehe ni yahuha:

—¿Galilea macaina Pilato to wajärina cjirire dohse ni tħotujari mħsa? ¿Ti ā yariachħu paina Galilea macaina yħħdoro īnna ti jiri buhiri ā yoa dutiri Cohamacħu tinare, mħsa tħotuchħu? 3 Jierara. Mħsare niita nija. Mħsa sehe “Noaina jiġi” ni, mħsa tħotumari cjirire tħotu cohtotaerana, Cohamacħre cahmaerana, mħsa cūħu yariana pichacapu wahanahca. 4 Ā yoa soħo jirina diez y ocho masa Siloé wama tiri wħħu mħari wħħu ti bui bora pja wajā pahñoha. Ā waħa yariaa, paina Jerusalē macaina yħħdoro īnna jiri tina, mħsa tħotuchħu? 5 Jierara. Mħsare niita nija. Mħsa nħa tħotumari cjirire tħotu cohtotaerana, Cohamacħre macaerana, mħsa cūħu yarianahca. Ā jina pichacapu wahanahca —niha Jesu tinare.

Higueracħu dicha mariedu quitire yahuha Jesu

6 Ā ni tuhsu quiti mehne piti dahre yahuha tinare:

—Wese puro to wesepu higueracħre cjuha. Ā jiro tiro tħu dichare macano wahamaha. Bocaeraha. 7 Bocaeraro tiro wese dahrarirore yahuha. “Tħogħi yħħure. Tia cuhma waro higueracu dichare macamaja. Dicha mariahna. Tu dicha mariachiħu tħure cjà cohānocabħga. Tu yu wesei jichu padure yħħu toa masieraja. Yu wesei jiri yahpa macaare wiho waro nana tħu”, niha wese puro tirore dħatra coħtarirore. 8 To ā nichu tħoror dħatra coħtariro õ sehe niha: “Puhħtoro, ahdu cū cuhma waro ducusinijaro. Tu daphotoi yħħu saħaihtja. Tuħsu, wahiquiro tħu mehne tí copare yaiħtja. 9 Yu ā yoari baharo tħu pa cuhmai dicha tiboca. Tu dicha tierachħu mħħu cjà cohā dutiħħca”, niha dħatra coħtariro wese purore —ni yahuha Jesu.

Sabado dachoi Jesu dohatiricorore noaricoro wahachu yoaha

10 Tí pjare Sabado dachoi Jesu judio masa buheri wħħui buheri niha. 11 Tó i watħno to coħtotaricoro jiha. Watħno sehe diez y ocho cuhmari waro doħatichu yoaha ticorore. Ā jiro pari muti ducuricoro jiro, poto ducu masieraha. 12 To ā jichu nħu no Jesu ticorore nħu, õ sehe ni pisuha:

—Numino, mħu doħatia piħtia wahahre —ni pisuha Jesu.

13 To ā pisuri baharo ticorore to ħa payoču dóiħta ticor noano poto ducuricoro wahaha. Ā waharo “Cohamacħu tuariro, noariro jira”, ni ħa payoħa ticor. 14 Jesu ticorore Sabado

dachoi to noaricoro yoachu ñuno judio masa buheri wuhu puhtoro sehe tiro mehne suaha. Å suaro tiro masare õ sehe niha:

—Seis dachori jira mari dahraa dachori. Å jina musa dohatiinare noaina wahachu yoa duana, tí dachorire tíre yoaga. Sabado dachore mari sori dachore tíre yoaena tjiga —niha wuhu puhtoro.

15 To å nichu Jesu õ sehe ni yuhtiha:

—Musa å mahñorucuina jira. Musa wachure, burro cuhure cjuana Sabado dachoi ti duchteri dare pja, tinare na buha, sihni dutiboa. **16** Mipu ahricorore Abrahu cjiro coyeacorore watino diez y ocho cuhmari waro ticorore dohatichu yoahre. ¿Sabado dachoi ticorore noaricoro wahachu yoa dutierajari musa?

—niha Jesu.

17 To å nichu tuhoa, tina buoro wahaha. Å jia paina sehe jipihtina Jesu yoarire ñua, wahcheha.

Mostaza yapa quitire yahuha Jesu

(Mt 13.31-32; Mr 4.30-32)

18 Å yoa Jesu quiti mehne piti dahre buheha masare:

—¿Ne Cohamacu masa bui puhtoro to noano suho jia yaba baro yoaro sehe jijari, musa tuhotuchu? Ahri quiti mehne tíre puhtoro to suho jiare yahuijtja yuhu. **19** Mostaza yapacu yoaro sehe jira. Tí yapacure toari masuno to wesei toaha. To toari baharo tí yapacu duha. Å jia tu buchachu minichahica peri tu dupuripu suhti suhana. (Tó seheta muano macarirore mari puhtorore masiina mahainacu ti ji muhtapachuta baharopu tina payu wahaahca) —niha Jesu.

Pão bucharo quitire yahuha Jesu

(Mt 13.33)

20 Å ni tuhsu, pari turi Jesu õ sehe ni piti dahre buheha:

—¿Ne Cohamacu masa bui puhtoro to noano suho jia yaba baro yoaro sehe jijari, musa tuhotuchu? **21** Pão bucharo yoaro sehe jira. Tíre numino cu wajuru trigore co mehne noano tíre dahra morena pão buchahtore. To å yoachu pão bucharo sehe trigore noano sahseruca sura. (To sahseruca sura seheta muano macarirore mari puhtorore payu masa masiahca) —niha Jesu.

Mahari sopacacā quitire yahuha Jesu
(Mt 7.13-14, 21-23)

22 Å yoa Jesu bujħa macaripu, daa macaricāpu cūħure buhe wahcā, Jerusalēpu sħor taro niha. 23 To ã waharo watoi cūiro Jesure õ sehe ni sinituha:

—Puhtoro, ġimħainacā masare pichacapu wahaborinare yuħdorohcari Cohamacu? —ni sinituha tiro Jesure.

To ã nichu Jesu piti dahre buhero õ sehe ni yahuha:

24 —Payu masa Cohamacu cahapu waha duaa, sāa duamana. Mahari sopacacāre mħsa sāa duachu mijo curera. Tó seħeta Cohamacu cahapu mħsa waha duachu mijo nina. Masa ã sāa duapahta sāa masierara. Å jina mħsa sehe mahari sopacacāre mħsa tuaro sāa duaboro seħeta Cohamacu seħere tuaro masiga. 25 Ó sehe yoarohca Cohamacu payu masare. Tiro wħu puro yoaro sehe jira. Wħu puro wahcā, sopacacāre biharohca. To ã yoachu sopacacāpu ducuna, sopa pahmare dotanahca. Å dotana õ sehe ninahca: “Puhtoro, sopa pahmare pjōohga”, mħsa nichu wħu puro sehe õ sehe ni yuhtiħroħca. “Musare ne masieraja yuħu. Nohoi mħsa tariro cūħure masieraja”, ni yuhtiħroħca. 26 To ã nichu mħsa õ sehe ni yuhtiħinahca: “Mħu meħne sā chu, siħnihi. Sā ya macai buhere mħu”, ninahca mħsa. 27 Mħsa ã nichu tiro sehe õ sehe ni yuhtiħroħca: “Musare ne masieraja. Nohoi mħsa tariro cūħure masieraja. Jipihtina mħsa ñaa buħiri tiina yu cħai taena tjiga”, ninohca wħu puro. 28 Å yoa Abrahā cjiroke, Isaa cjiroke, Jacobo cjiroke, jipihtina Cohamacu yare yahu mħataina cjirire Cohamacu masare puhtoro to noano sħo jirore ti jichu ñuna, mħsa sehe sopacapu cohārina jina tuaro tiinahca. Å tiina jina, mħsa tuaro cahyaro meħne piri bahca diħonahca. 29 Tí pjare jipiħtiro macaina puhtoro Cohamacu to noano sħo jiropure sū, tiro meħne chu dujiahca. 30 Mipure wiho jiina jirina cjiri tí pjare puhtoa jiahca. Å jia mipure puhtoa jirina cjiri tí pjare wiho jiina jiahca —niha Jesu.

Jerusalē macainare tuaro cahīha Jesu
(Mt 23.37-39)

31 Tí pjare mahainacā fariseo curua macaina Jesu cahapu sħa, tirore õ sehe ni yahuha:

—Herode mūhure wajā duara. Ā jicū pa sehepū wahaga mūhu —niha tina tirore.

32 Ti ã nichū Jesu sehe õ sehe ni yahthiha:

—Herode mahñoa payūriro jira tiro. Ó sehe ni yahuga tirore: “Jesu watīare cohā wioro nina. Tuhsū, dohatiinare noaina wahachū yoaro nina. Tíre michare, ñamichaca cūhure yoarohca. Ñamichaca bohrearo dahra batoarohca”, ni yahuga Herodere. 33 Ā jicū michare waha, ñamichaca cūhure waha, ñamichaca bohrearo cūhure waha, Jerusalēpū sūihca.

Cohamacū yare yahu mūhtariore yūhure wajāahca masa. Cohamacū yare yahu mūhtainare ti wajāchū Jerusalēpū jiro cahmana tinare. Ā jicū yahū cūhure Jerusalēpū jiro cahmana.

34 'Cue Jerusalē macaina. Mūsa Cohamacū yare yahu mūhtaina cjirire wajā, mūsa cahai to warocainare tāa mehne doca wajāre mūsa. Mūsa coyea panopū macaina cūhū ãta yoarina cjiri jiha. Caracacoro to pohnare to ejāpū dūpuri mehne to moha coāno seheta payū tahari mūsare cahīrucumahi. Mūsare cahmamahi. Mūsa sehe yūhure ne cahmaerare.

35 Mipure mūsa jiro cohāri maca jirohca. Potocā niita njia mūsare. Cohamacū mari pūhtoro to tuaa mehne taihca yahū. Yū ã tachū ñūna mūsa yūhure “Cohamacū tuaa mehne tariro noajaro”, ninahca. Yūhure mūsa tíre nihto pano pari turi yūhure ñūsi mūsa —niha Jesu tinare.

Dohatirirore noariro wahachū yoaha Jesu

14 1 Pa dacho Sabado dacho jichū fariseo curua macaina pūhtoa mehne macariro ya wūhūpū Jesu chūro wahaha. Tí wūhū jiina tiro dihtare ñūroca õha. 2 Ti ã ñūroca õno watoi yachūri wipiriro, ñūchūa wipiriro tiro cahapū sūha. 3 Ā jiro Jesu judio masare buheinare, fariseo curua macaina cūhure õ sehe ni sinituha:

—¿Sabado dachore dohatirirore noariro wahachū yoa dutijari Cohamacū yare ti joari pūi? —ni sinituha Jesu.

4 To ã ni sinitupachūta tina yūhtieraha. Ti yūhtierachū ñūno Jesu dohatirirore noariro wahachū yoa, “Wahaga”, niha tirore. 5 Ā yoa tuhsūro, tinare õ sehe ni sinituha tjoa:

—“¿Cūiro mūsa mehne macariro to macūno Sabado dachoi mari sori dachoi copapū to bora sāachū na wioerabocari?” mūsa ã nina. “¿To wachū cūhure na wioerabocari?” mūsa ã nina —niha Jesu.

6 To ã nipachuta tina to sinituare yahua masieraha tjoa.

Wamomaca dñhteropu pjirocainare yahuha Jesu

7 Fariseo curua macariro ya wuhui jiro tí wuhu macariro to pjirocaina noaa dujiare ti besechü ñuha Jesu. Æ ñu tuhsu õ sehe ni yahuha jipihtinare:

8—Wamomaca dñhteri bose nñumü mñsare to pjirocachü, noaa dujiare bese dujiena tjiga. Mñsa yñhdoro cua pisainare pjirocaboca ahri wuhu puro. **9** To ã yoachü mñsa noaa dujiai dujichü, “Ahrina cua pisainare mñsa dujiare waga”, niboca wuhu puro mñsare. To ã nichü mñsa sehe bño tina, ñaa dujiai dujiboca. **10** Æ jina wuhu puro mñsare to pjirocachü, ñaa dujiai duji mñhtaga. Mñsa ã yoachü wuhu puro mñsare “Noaa dujia sehere dujina taga”, ninohca mñsare tiro. Mñsa ã wahachü paina to pjirocaina sehe mñsare ño payoa mehne ñuahca. **11** Cñiro to basi “Pñhtoro tjija”, ni tñhoturiro cahamacüno jirohca. Pairo “Cahamacüno jija”, ni tñhoturiro painare yñhdñrñca duaerariro tiro sehe pñhtoro jirohca —niha Jesu tinare.

12 Æ ni tuhsu Jesu wuhu purore õ sehe ni yahuha:

—Mñhü bose nñumü dahrecü mñ cahai jiinare, mñ bahanare, mñ coyeare, pache pñare pjiecü tjiga. Mñ tinare pjichü mñhü cñhure tina cñhü pji cahmaahca tjoa. Æ pji cahmaa mñhure ti wapamoare wapaahca. **13** Mñhü bose nñumü dahrecü pjacñoinare, tini masierainare, cñ bñhusehe dahporo dojori tiinare, capari ñuerainare pjirocaga. **14** Mñ ã yoachü ñuho Cohamacü mñhure noano yoarohca. Tina sehe mñhure ti wapamoare wapa masierara. Æ jiro noaina yariaina ti masa mñjari pja jichü Cohamacü sehe noaare mñ yoari wapa mñhure noano yoarohca —niha Jesu wuhu purore.

Pjiri bose nñumü quitire yahuha Jesu

15 To ã nichü tñhoró pairo churi mesa cahai dujiriro, Jesure õ sehe ni yahuha:

—Cohamacü masare pñhtoro to noano sñho jiroi to churi mesa cahai dujiina tuaro wahcheina jiahca —niha tiro Jesure.

16 To ã nichü Jesu ahri quitire yahuha tirore:

—Pjiri bose nñumü dahreriro payü masare pjirocaya.

17 To pjirocari baharo bose nñumü dachoi to cahamacüno to pjirocainare yahu dutiro warocaha. “Ma, jipihtiare bose nñumü

macaa cjihtire cahno tuhsuhre. Ñ jiro m̄usare pjirocahre”, ni yahu dutiha to cahamacunore. **18** To cahamacuno to ñ ni yahupachuta, to pjirocaina sehe “Waha masieraja”, niha tina. To pjiroca mahtariro õ sehe ni yahuha to cahamacunore: “Michapucacā yahpare nuchuhi. Ñ jicu tí yahpare ñui wahai tai nija. Ñ yoacu waha masieraja. Ño payo curea yuhure. Yuhure basioerahca”, niha to pjiroca mahtariro sehe to cahamacunore. **19** Pairo sehe õ sehe niha: “Wachuare pua wamomaca pihtiinare michapucacāta nuchuhi. Ñ jicu wachuare buhe cayo ñui wahai tai nija ti waja wahcāhtore. Ñ yoai wahaeraja. Yuhure basioerahca”, niha tiro cūh. **20** Pairo sehe õ sehe niha: “Yuhu michapucacā wamomaca dūtehi. Ñ jicu bose nūmupu waha masieraja”, niha tiro to cahamacunore. **21** To ñ nichu to cahamacuno sehe tjua waha, to pūhtoropure ti niri cjirire yahu pahñoha. To ñ ni yahuchu to pūhtoro tuaro susini, õ sehe niha to cahamacunore. “Macari macaa maharipu pjacuoina ti ducua maharipu wahaga. Ñ jicu pjacuoinare, tini masierainare, capari ñuerainare, cū būhusehe dahporo dojori tiinare cjero na tahga tinare”, niha pūhtoro. **22** Baharo curero to cahamacuno yahuha to pūhtorore: “Pūhtoro, mu dutiriro seheta yoahi. Yū ñ yoapachuta paina cūhu mu suahca”, niha to cahamacuno. **23** To ñ nichu pūhtoro tirore õ sehe ni dutiha: “Camporu wahaga. Tói būjua maharipu jiinare, daa maharicāpu jiina cūhure masare yu wuhupu ta dutiga, ya wuhu to noano wahpahto cjihto sehe. **24** Potocā nii nija mūhure. Ahrina yu pjiroca mahtarina yu ch̄are ne mahanocā ch̄usi”, niha pūhtoro —ni yahuha Jesu.

Jesu mehne wahachu mijo nina

25 Tí pjare payu masa Jesu mehne wahaha. Ñ jiro Jesu tinare majare ñu, õ sehe ni yahuha:

26 —Cūiro yu buheriro ji duaro painare to cahīriro yuhdoro yuhu sehere cahño cahmana. To pūcūrōre, to pocorore, to namonore, to pohnare, to bahanare, to pjacu cūhure to cahīriro yuhdoro yuhu sehere cahño cahmana. Ñ yoareraro yu buheriro ji masierara. **27** Cūiro yu buheriro ji duaro yu yare ñ yoarucuriro jirohca. Ñ yoa crusapu yu ñano yuhdūhtiro seheta yu yairo to jiri buhiri ñano yuhdu duaeraro yu buheriro ji masierara.

28 Ahrire masiyuro cahmana m̄usare. Õ sehe jira tí: Wuhu dahreriro to muari wuhure yoahto pano wuhu wapa tihtire

quiñó cū māhtana. Ñ yoaro to wuhure to pahñohtore masina tiro. 29 Wapa tihtire quiñóeraro to wuhure yoaro pahñoeraboa. Ñ jia tirore ñuina bujapeboa. 30 “Ahriro to wuhure yoaro bihoerare”, ni bujapeboa. 31 Puhotoro pairo puhotoro yaina mehne ti cahma wajáhto pano, to yaina surarare to cahma wajá dutihto pano, to surarare quiñónohca. “¿Yuhu diez mil surara mehne pairo veinte mil surara cjuariro mehne cahma wajácu bihobocari yuhu?” ni tūhoturo quiñónohca tiro. 32 Ñ quiñóno, to bihoerahtore masinohca. Ñ masino pairo puhotoro to surara mehne cahma wajáno tariro yoaropu to jichuta, bihoerariro sehe “Cahma wajáena tjijihna”, ni dutiro warocaboa dahra cohtarirore. 33 Ñ jina yu buheina ji duana, māsa yoah tire māsare masino cahmana. Māsa yoa duari sehere cohā duaerana, yu buheina ji masierara —ni yahuha Jesu.

Moa coaerarore yahuha Jesu

(Mt 5.13; Mr 9.50)

34 Ñ ni tuhsu tinare õ sehe ni yahu namoha:

—Moa noano coara. To coaerachu coa yoahto basioerara.

35 Moa coaerachu tí moa ne noaerara. Tí moare dohseahto basioerara. Tí ã jichu tí moare cohāno cahmana. Ne yaba cjihti jierara ti cohōa. (Ti yaba cjihti jieraro seheti jiena tjiga māsa. Moa noano to coaro seheti māsa cūhu ji coaina jiga. Tuhsu, paina mehne noano mehne jiga.) Ahrire noano tūhoga māsa —niha Jesu.

Oveja butiriro quitire yahuha Jesu

(Mt 18.10-14)

15 1 Ñ yoa pa dachoi payu puhtoa yare wapa na cohtaina paina “Ñaare yoaina”, ti niina mehne Jesure tūhoa taha. 2 Ti ã yoachu ñua fariseo curua macaina, judio masare buheina cūhu Jesure ñu tuhtia, õ sehe niha ti basi:

—Ahriro ñainare piti tira. Ñ jiriro jirota tina mehne chura —ni durucuha tina ti basi.

3 Ti ã ni durucuchu Jesu to tūhotua mehne õ sehe ni piti dahre buheha tinare:

4 —¿Cien oveja puro cūiro oveja butichu ñuño dohse yoarohcari tiro? Õ sehe yoarohcra. Tiro noventa y nueve ovejare ti churi campopu cū, butirirore macano waharohcra. Ovejare bocaropu duhurohca. 5 Tirore bocaro wahcherohcra. Ñ jiro to

comapariaca buipʉ tirore cjā payo, to wuhʉpʉ na tjuaa waharohca. **6** Na tju sʉ, to cahai jiinare, to coyeare pji cahmachunohca. “Yʉ oveja butirirore boca tuhsʉhi. Ā jina yʉhʉ mehne wahchega”, ninohca tiro tinare. **7** Potocā niita nija mʉsare. Noventa y nueve oveja payʉ ti jiriro seheta, payʉ masa õ sehe ni tʉhotura: “Ñano yoaeraja. Ā jicʉ yʉ ñaare cahya, yʉ tʉhotumari cjirire tʉhotu cohtotasi yʉhʉ”, ni tʉhotura payʉ masa. Ti ã ni tʉhotuchʉ ñʉa mʉano macaina Cohamacʉ cahai jiina wahcherara. Pairo sehere wahchera. Butiriro oveja cūirota to butiriro seheta to pʉro tirore to bocariro seheta cūiro ñariro to ñaare cahyachʉ, “Ñano yoaeraja”, ni to tʉhotumari cjirire tʉhotu to cohtotachʉ, Cohamacʉre to cahmachʉ ñʉa, Cohamacʉ cahai jiina tuaro wahchera —niha Jesu.

Niñeru tʉ butiri quitire yahuha Jesu

8 Ā ni yahu tuhsʉ, paye quiti mehne piti dahre yahu namoha tjoa:

—¿Diez niñeru tʉri cjhacircor o cū tʉ butichʉ ñʉno dohse yoarohcari ticoro? Ó sehe yoarohca ticoro. Sihāriare sihā, wʉhʉre coha, noano maca pahñonohca. Tí tʉre bocaropʉ duhurohca. **9** Tí tʉre boca tuhsʉ, to cahai jiinare, to coyeare pji cahmachunohca. “Niñeru tʉ ya tʉ yʉhʉre butiri tʉre bocahi. Ā jina yʉhʉ mehne wahchega”, ninohca ticoro. **10** Potocā niita nija mʉsare. Tó seheta cūiro ñariro to ñaare cahyachʉ, “Ñano yoaeraja”, ni to tʉhotumari cjirire tʉhotu to cohtotachʉ Cohamacʉre to cahmachʉ Cohamacʉ yaina anjoa sehe tuaro wahcheahca —niha Jesu.

To macʉno butiri quitire yahuha Jesu

11 Ā ni yahu tuhsʉ Jesu paye quiti mehne piti dahre yahu namoha tjoa:

—Bʉcuro pohna pʉaro mʉa jiha. **12** Dʉhsariro sehe õ sehe niha to pʉcurore: “Mai, mʉ yariari baharo yʉhʉre mʉ wahtire yʉhʉre wa bahrañoga”, niha tiro to pʉcurore. To ã nichʉ ti pʉcuro pʉaropʉreta to pohnare witira to cjʉari cjirire. **13** Mahaa dachoricā baharo dʉhsariro to yare jipihtiare na, yoaropʉ pa yahpapʉ wahaa wahaha. Tópʉ sʉro tuho masierariro seheta yoa, to niñerure to yare yoa site pahñonocaha. **14** To yoa site pahñori baharo tí yahpapʉre ne chʉa marieni pja ji

dūcaha. Æ jiro tiro jūca baaha. 15 Æ jiro tí yahpa macaa dahraare macaha. To bocachū to pūhtoro yesea cohtariro sōha tirore. 16 Æ jiro tiro yeseare nu, ti chūare chū duamaha. To Æ chū duapachūta tí chūare tó macaina waeraha tirore. 17 Æ yoa tirore tóí wacūa taha jūna. “Yū pūcure dahra cohtaina sehe būjūa chūare chūca. Ti chū dūhaa cūhū būjūa dūhsaca. Ti Æ noano yūhdūro watoi yūhu sehe õi jicū, jūca yariai niya.

18 Mipure yū pūcū cahapū tjuaihtja. Yū pūcū cahapū sūcū õ sehe niihtja tirore: ‘Mai, Cohamacure ñano yoahi. Mūhū cūhure ñano yohti. 19 Ñariro jija. Mū macū jiboriro jieraja yūhu. Mūhure dahra cohtaina seheto yoaga yūhure’, niihtja yū pūcure”, ni tūhotuha tiro. 20 Æ ni tūhoturota wahcārūca, to pūcuro cahapū tjuua wahaha. Tópū to sūriro tjua tachū to pūcuro sehe yoaropūta to macunore ñūha.

“To Æ wihihū ñūno to macunore pja ñūha. Æ pja ñūno to cahai mūroca wahcā tirore cјā suhsu mūa, to wahsupui wihamiha to pūcuro to macunore. 21 “Mai, Cohamacure ñano yoahi. Mūhū cūhure ñano yohti. Ñariro jija yūhu. Mū macū jiboriro jieraja yūhu”, niha tiro to pūcurore. 22 To Æ nichū tūhoro to pūcuro sehe dahra cohtainare pjiha: “Cjero, noa yūhdūri suhtirore na tahga. Æ jina yū macure sāaga. Sāa tuhsū, to wamomaca sāari sorore sāa, to dahporire dahpo suhti cūhure sāaga. 23 Sāa tuhsū, dihi tirirocā wachūcāre wajāga. Bose nūmu yoajihna. 24 Ahriro yū macū yariariro seheto wahare. Æ wahaparota mipure catira tiro. To butiboriro seheto jirirore mipure bocahi. Æ jina bose nūmu yoajihna”, niha to pūcuro. To Æ niri baharo bose nūmu dahre dūcaha tina.

25 “Tí pjare to wahmino sehe wesepū jiha. Wesepū jiriro coha tjua taro wūhū cahai sūro, ti basaare tūhorocaha tiro. 26 Æ tūhorocaro, cūiro dahra cohtarirore pjiroca, tirore sinitu ñūha tiro: “¿Dohse yoa basaa niri?” ni sinitu ñūha tiro dahra cohtarirore. 27 “Mū bahū tju wihihre. Tiro noariro, catiriro to tju wihihū mū pūcū dihi tiriro wachūcāre wajā dutihre”, ni yūhtiha dahra cohtariro. 28 To Æ ni yahuchū to wahmino sehe tuaro suaro, wūhūpū sāa taeraha. To sāa taerachū ñūno to pūcuro sopacapū wijaa ta, “Sāa taga” ni, tuaro pjjimaha to macunore. 29 “Tūhoga, Mai. Yoari pja mūhure dahra cohtariro seheto mūhure yoadohomahi. Æ jicū mū dutiare ne cū taha yūhdūrūcaera tihi. Yū mūhure dahra cohtapachūta yūhure ne waerare mūhū. Ne cūiro wahiquirocāre ne waera tire mūhū

yuhure yu pití tiina mehne yu bose numu dahrehti cjihtire. 30 Wiho mejeta ahriro mu macu sehe ñaina numia mehne mu yare yoa site pahñoyuhti. Tíre yoa site pahñ tuhsu, tiro weháp to tju wihichu dihi tirirocäre wachucäre wajá dutiyuhti muhá to chahiro cjihtore”, niha to wahmino to pucurore. 31 “Macu, yuhu mehne jipihtia dachoripe mu jichu jipihtia ya mu ya cuhu jira. 32 Mu bahu sehe yariariro seheta wahare marine. Á yoa mipure tiro catiriro jira. Tiro butiboriro seheta jire. To á wahari baharo mipure tirore bocahi. Á jina to tju wihichu mari bose numu yoa wahchechua noana”, niha tiro to macunore —niha Jesu tinare.

Niñeru ñu wihbo cohtariro taho masiriro quitire Jesu yahuha

16 1 Á yoa ahri quitire to buheinare õ sehe ni yahuha Jesu:

—Pache puro ya niñerure ñu wihbo cohtariro niñerure noano to ñu wihboerachu ñuno pairo sehe yahusáha pache purore: “Tiro mu niñerure yoa siterire yuhure yahure. Á jicu mipure yu yare ñu wihboriro jisi muhá. Á jicu yu yare mu yoari cjurire yahu pahño joaga. Muhure cohái niija”, niha to puhtoro tirore. 2 To yahusá tuhsuri baharo niñeru ñu wihbo cohtarirore pjirocaya. Á pji tuhsu, to wihichu ñuno, tirore puhtoro õ sehe niha: “Pairo yu niñerure mu yoa siterire yuhure yahure. Á jicu mipure yu yare ñu wihboriro jisi muhá. Á jicu yu yare mu yoari cjurire yahu pahño joaga. Muhure cohái niija”, niha to puhtoro tirore. 3 To á niri baharo õ sehe ni tuhotuha ñu wihboriro to basi: “Yu puhtoro yuhure coháno taro nica. Yuhu tuaeraja. Á jicu tuaro dahraare bihoeraja. Tuhsu, painare yuhu niñerure sinicu buobiaro yuhduboca yuhu. ¿Dohse yoaihcari yuhu? 4 Mipu pinihtare yu yoahtire masija yuhu juna. Ó sehe yu yoachu yu dahraa maerachu yu puhtorore wapamoina yuhure cahiahca. Á jia ti wuhusep saa dutiahca yuhure”, ni tuhotuha tiro. 5 Á ni tuhoturo tiro jipihtina to puhtorore wapamoinare pjirocaya. Pjiroca tuhsu, cohtaha. Á cohtaro wihi muhtarirore õ sehe ni sinituha tiro: “¿Yu puhtorore noho puro wapamojari muhá?” niha tiro. 6 To á nichu wapamoriro sehe õ sehe ni yuhtiha: “Cien tambores sere olivo dicha mehne ti yoari sere wapamoja tirore”, ni yuhtiha tiro. To á ni yahuchu niñeru ñu wihboriro sehe õ sehe ni yahuha: “Ói jira mu wapamonore joa õri pü. Dujiga. Á jicu mu wapamonore dacho macai na, dacho macai joa cahnoga”, niha ñu wihboriro wapamorirore. 7 Á ni tuhsu pairo wapamorirore sinituha tiro: “¿Muhu waro, noho

puro wapamojari?” niha tjoa. “Cien waju trigo yapari wajure wapamoja yuhu”, niha wapamoriro niñerure ñu wihiborirore. “Ói jira mu wapamonore joa òri pü. Mu wapamonore ochenta joa cahnoga”, niha ñu wihiboriro. ⁸ To ã noano mahño miñichu ñuno “Ahriro mahñoriro noano masiriro jica”, ni tuhotuha to pahtoro niñerure ñu wihiborirore. Ahri dacho macaina, Cohamacure cahmaeraina ti yare cahnorire ti niñeru ti ñu wihiborire Cohamacu yaina yuhdoro masica tina —niha Jesu.

9 Æ ni tuhsu Jesu õ sehe ni yahu namoha:

—Ahri quitire ã ni yahucu, mûsare õ sehe niita nija. Mûsa cjuaare, pjacuoinare mûsa wachu, tina sehe mûsare cahiahca. Mûsa ã yoachu mûsa cjuaa pihtiarí baharo mûsa muanopu suchu mûsare cahiahca tópure.

10 'Wiho jiina ya dahraare quihõno yoana, pahtoa ya dahraa cûhure quihõno yoanahca. Wiho jiina ya dahraare quihõno yoaerana, pahtoa ya dahraa cûhure quihõno yoasi mûsa. **11** Æ jina ahri yahpai mûsa cjuaa mehne mûsa noano yoaerana Cohamacu mûsare to yoa dutia cûhure noano yoasi mûsa. **12** Æ jiro pairo yare mûsa noano yoabasaerachu ñuno mûsa ya cjihtire wasi mûsare.

13 'Cûiro Cohamacu sehere wacûno, tuabiaro niñeru sehere wacûerara. Niñeru sehere tuabiaro wacûno Cohamacu sehere wacûerara. Niñeru dihtare cahmariro jiro Cohamacure wahchechuh yoaerara. Cohamacu cûhure, niñeru cûhure phuarore cahma yuhdurucahto basioerara mûsare. Niñerure cahma yuhduariro Cohamacure noano ño payo masierara —niha Jesu.

14 To ã nichu tûhoa fariseo curua macaina sehe tirore bûjupeha. Tina sehe niñerure cahîha. Æ jia bûjupeha. **15** Ti bûjupechuh tûhorro Jesu tinare õ sehe ni yahuha:

—Masa ti ñuocaroi mûsa noano yoamana. Mûsa ã yoachu “Noaina, quihõno yoaina jira”, nimana masa mûsare. Cohamacu sehe mûsa tuhotuare masina. Masa “Noa yuhduara”, ti nirire Cohamacu sehe soro ni tuhotu, tîre ñu yabira —niha Jesu.

Cohamacu to dutiare, pahtoro to suho jiare yahuha Jesu

16 Æ ni tuhsu õ sehe ni namoha Jesu:

—João masare bautisariro to jihto pano Moisere to cûri dutia mehne Cohamacu marine dutire. Cohamacu yare yahu

m̄htaina cjiri ti joari cjiri mehne c̄hure marine dutire. Mip̄ sehere João to buhe d̄ucari baharo noaa buheare, Cohamac̄ masare p̄uhtoro to noano s̄ho jia c̄hure masi d̄ucara masa. Ā masia masa ti m̄ s̄ero ti tuaa mehne Cohamac̄ masare p̄uhtoro to noano s̄ho jirore sāa duamana.

17 'Moisere to cūri dutiae Cohamac̄ to niriro seheta yoa pahñonohca tiro. Cohamac̄ yare yahu m̄htaina cjiri ti joari cjirip̄ c̄hure to niriro seheta yoa pahñonohca tiro. M̄ano c̄h̄ ahri yahpa c̄h̄ ti pihtia wahapach̄ta Cohamac̄ to niriro seheta yoa pahñonohca —niha Jesu.

Namonore cohāare yahuha Jesu

(Mt 19.1-12; Mr 10.1-12)

18 Ā ni tuhs̄ ō sehe ni namoha Jesu:

—Mas̄no to namonore cohāo, pacorore namo tiro, tiro ticoro mehne ñano yoaro nina. Tuhs̄, mas̄no pairo to cohāricorore namo tiro, tiro c̄h̄ ticoro mehne ñano yoaro nina —niha Jesu.

Pache p̄uro c̄hure, Lázaro c̄hure to yahuri quitire buheha Jesu

19 Ā yoa paye quiti mehne piti dahre yahuha Jesu:

—Tí pjap̄ure pache p̄uro jiha. To suhti sehe wapa b̄ijibiahia. Tuhs̄, dachoripe tiro noaa dihtare ch̄ero, payu ej̄aha tiro.

20 Ā yoa tí pjare pairo pjac̄oriro, Lázaro wama tiriro jia tiha. Tiro to pjac̄u payu cami tiriro jiha. To ā jiriro jich̄ paina sehe tirore pache p̄uro ya wuhup̄ na s̄ha. 21 Ā jiro pjac̄oriro sehe pache p̄uro to ch̄ari mesa docai yahpai dujiro to ch̄u site boroare ch̄umaha. “To ch̄u site boroare ch̄uc̄ yapic̄uhca yuhu”, ni t̄hotumaha tiro. Ā jia dieya to camine nehnea taa tiha. 22 Baharo pjac̄oriro to yariaa wahach̄, Abrahā cahap̄ paraíso wama tirop̄ anjoa tirore naa m̄ujaha. Pache p̄uro c̄h̄ to baharoc̄ata yariaa wahaha. To yariach̄ tirore yaha.

23 Ā yoa pache p̄urore tuaro pichaca j̄ūha. To ā tuaro j̄ūch̄, pichacap̄ jiro m̄hanop̄ jirirore Abrahāre ñ̄ha. Lázaro c̄hure ñ̄ha. 24 Ñ̄ tuhs̄, tiro Abrahāre pisurocaha: “Coyeiro Abrahā, pja ñ̄uga yuhure. Pichacap̄ yuhu ñano yuhd̄ui nica. Ȳu ā wahach̄ Lázaro re yuhure warocaga. Tiro core to wamo picap̄ soha, ȳu ñahmanore co mehne nehojaro. Tóre yuhuojaro tiro”, niha pache p̄uro. 25 To ā nich̄ Abrahā tirore ō sehe ni

yahuha: “Coyeiro, catiriro jicʉ jipihtiare mʉhʉ noaare cjhahre. Lázaro sehe dachoripe ñano yʉhdʉhre. Mipʉ sehere mʉhʉ ñano yʉhdʉchʉ tiro sehe òpʉre wahchea mehne jinocahno nina. ²⁶ Å yoa mari watoi cʉāri copa jira. Å jia òre jiina tópʉre waha masierara. Tuhsʉ tóre jiina òpʉ ta duaina ta masierara”, niha Abrahā pache purore. ²⁷ To ã nichʉ pache puro õ sehe ni namoha: “Coyeiro, tuaro sinija mʉhʉre. Lázarore yʉ pʉchʉ ya wʉhʉpʉ warocaga. ²⁸ Yʉhʉ cū wamomaca pihtiina bahana tija. Lázaro tinare yahujaro. Tina òre ñano yʉhdʉropʉre taea tjijaro”, niha tiro. ²⁹ To ã nichʉ Abrahā sehe õ sehe ni yʉhtiha: “Cohamacʉ dutiare Moise marine to cūri cjirire, Cohamacʉ yare yahu mʉhtaina ti joari cjirire cjhara mʉ bahana. Å jia mʉ bahana tíreta tʉhojaro”, niha Abrahā. ³⁰ To ã nichʉ pache puro sehe yʉhtiha: “Coyeiro Abrahā, tíre cjhapahta noano tʉhosí. Lázaro yariariro masariro tina cahapʉ to sʉchʉ ñua tina sehe ti ñaare cahya, noaare cohtotaahca. Å jia noaare yoaahca yʉ bahana sehe”, niha pache puro cjiro. ³¹ To ã nichʉ Abrahā sehe õ sehe ni yahuha: “Mʉ bahana Moise to cūri pū to yahuare, Cohamacʉ yare yahu mʉhtaina cjiri ti yahuare tʉhoeraina jira. Å jia Lázaro yariariro cjiro masariro to jipachʉta tina Cohamacʉre tʉho duasi”, niha Abrahā —ni yahuha Jesu.

Ñaare yoachʉ cua nina

(Mt 18.6-7, 21-22; Mr 9.42)

17 ¹ Å yoa Jesu õ sehe ni yahuha to buheinare:
 —Masare ñano yoachʉ yoaa payʉ jira. Å jia masa ñaare yoara. Ti ã jipachʉta masʉnore ñaare yoachʉ yoariro sehe ñabiaro yʉhdʉrohca. ² Masʉnore to wamʉai pjiria tāca dʉhte yo, pjiri mapʉ tirore ti cohāchʉ ñano wahaboa tiro. Pairo sehe ahrinacā mehne macarirocāre ñaare yoachʉ yoaro pjiri mapʉ ti cohāriro yʉhdoro ñano yʉhdʉrohca. Tirore tuaro buhiri dahrero cahmana. ³ Noano yoaga mʉsa. Mʉsa coyeiro ñano to yoachʉ ñuna “Yoai tjiga”, niga tirore. Å jina tiro to ñaare cahyachʉ, noaare to cohtotachʉ mʉsa sehe to ñaa yoaare boga. ⁴ Å yoa mʉsa coyeiro cū dachoihta siete tahari mʉsare ñano to yoachʉ tópe tahari mʉsare, “Yʉ ñaare cahyaja. Pari turi ã yoasi”, to nichʉ tópe taharita to ñaa yoaare boga —niha Jesu.

Cohamacure wacū tuaare yahuha Jesu

5 Æ yoa Jesu buhe duti to cūina tirore õ sehe niha:

—Cohamacure sāre noano wacū tua namochu yoaga

—niha tina Jesure.

6 Ti ã nichu Jesu õ sehe ni yuhtiha:

—Mostaza yapacā mahari yapacā jiparota duropu pjidu wahara. To ã wahariro seheta Cohamacure pjíro wacū tuana, õ sehe wahachu yoa masinahca mūsa. Ahdū sicómoro wama tidure õ sehe ni masina: “Mūhu yucucu mu basi duhtu wahcā, pjiri mapu bora ñojaga”, ni masina mūsa. Mūsa ã nichu tu yucucu sehe mūsa dutiro seheta waharohca —niha Jesu.

Dahra cohtariro to dahraare yahuha Jesu

7 Baharo õ sehe ni buheha Jesu:

—Mūsare dahra cohtariro jiro wesepu tjana, ovejare ñu wihbora. ¿Dahra cohtariro to tju wihichu dohse nibocari mūsa tirore? “Cjero taga. Mu chua õi jira”, ¿nibocari mūsa? 8 Æ nierara mūsa. Tirore õ sehe nina mūsa: “Yu chhāre doha cahnoga. Æ jicu yu chhāre sihnicha yu hure cohtaga. Yu baharo muhu cūhu chhāre sihniga”, nina mūsa dahra cohtariore. 9 Dahra cohtariro mūsa dutiare to yoachu tirore “Noana”, nierara mūsa. To dahraa dihtare yoaro nica tiro. 10 Mūsa cūhu tiro yoaro sehe tjira. Cohamacu to dutiriro seheta yoa pahñona õ sehe ni tūhotuga mūsa: “Sā cūhu dahra cohtaina dihta jija. Wiho jiina jija sā. Sā dahraa dihtare yoaja sā”, ni tūhotuga mūsa —niha Jesu to buheinare.

Diez cami baainare noaina wahachu yoaha Jesu

11 Pa dacho Jerusalépū Jesu waharo niha. Tópu waharo Samaria yahpa, Galilea yahpa dacho macai yuhdū wahcāha.

12-13 Pa macapu wahari mahapu to tinichu diez cami baaina sehe tirore piti bocaña. Æ jia tina yoa cureropu ducuata pisuha:

—Jesu, púhtoro, sāre pja ñuga —niha tina.

14 Ti ã nichu tinare ñu, õ sehe ni yahuha Jesu:

—Sacerdotere mūsa pjacurire noaa pjacuri ti waharire ñona wahaga —niha tinare.

To ã niri baharo ti waharo watoi tina ti pjacuri noaina wahaha. 15 Æ jiro cūiro tina mehne macariro noano to pjachu

wahachu ñuno, Jesu cahapu majare tjuaha. Á tjuaro tuaro mehne Cohamacre ño payoha. “Cohamacu tuariro, noariro jira”, tuaro ni, ño payoha tiro. 16 Á nino tiro Jesu dahpori cahai na tuhcua caha su, “Noana”, niha tiro. Tiro sehe Samaria macariro jiha. 17 To á yoari baharo Jesu õ sehe ni yahuha:

—Diez jihre masa noaina wahaina. ¿Paina nueve duhsaina sehe nohopu jicari tina? 18 Ahriro pa yahpa macariro dihta Cohamacre “Noana”, nino taro tjuah tare. ¿Dohse yoa paina taerari? —niha Jesu.

19 Á ni tuhsu Jesu õ sehe ni yahuha na tuhcua caha suriore:

—Wahcárucaga. Wahaga. Muhu Cohamacre wacu tuacu, noariro wahahre muhu —niha Jesu tirore.

Cohamacu masare puhtoro to noano suho jihtore yahuha Jesu (Mt 24.23-28, 36-41)

20 Tí pjare mahainaca fariseo curua macaina Jesure õ sehe ni sinituha:

—¿Dohse jichu puhtoro Cohamacu masare suho ji ducarohcari? —niha tina.

Ti á nichu Jesu õ sehe ni yuhtiha:

—Cohamacu masare puhtoro to noano suho ji ducachu masa ñu masierara. 21 “Cohamacu masare puhtoro to noano suho jia õi jira”, ni masierara. “Sohópu jira”, ni masierara. Cohamacu masare puhtoro to noano suho jia masa ti tuhotuapu jira —niha Jesu fariseo curua macainare.

22 Á ni tuhsu Jesu to buheinare õ sehe ni yahuha:

—Baharo yuhu masuno Cohamacu warocariro ahri yahparu yu tjuah tahtore tuaro cahmanahca musa. Cé dachoita yuhure ñu duapanahua yuhure ñusi musa. Musa yuhure á ñu duapachuta tí pjare tasi yuhu. 23 Paina musare õ sehe niahca: “Tirore ñuga. Tiro Cristo jira. Ahrirore ñuga. Ahriro Cristo jira”, niahca musare. Ti á nipachuta tinare tuhoena tjiga. 24 Oroca sitero wacuenoca to oroca sitero seheta yuhu céhu masuno Cohamacu warocariro wacuenoca tjuah taihca. 25 Á yu tjuah tahto pano yuhu tuaro ñano yuhd*u*ihca. Á jia yuhure mipu macaina cahmasi. 26 Noé to jiri pja macaina ti jiriro seheta yuhu masuno Cohamacu warocariro yu tjuah tachu tó seheta jiahca masa. 27 Noé to jiri pjare jipihtina masa á chárucua tiha. Á yoa sihnirucua tiha. Á jia musa numiare namo tia tiha.

Noé pjiria dohoriapu to samuhto pano Cohamacu tinare to miohto pano tí jipihtiare masa yoarucua tiha. Tó sehetá jirohca pari turi yu tjuá tachu cuhure. **28** Lote to jia tiri pja macaina ti jiriro sehetá yu tjuá tachu jiahca masa. Lote to jia tiri pjare masa chu, sihni, nuchu, dua, weserire toaa, wuhuse yoaha. **29** Ti á yoaro watoi Sodoma wama tiri macai jiriro Lote to wahari dachoi muano macaa pichaca, picha sohãa poca tãa peri cuhure coro taro sehetá tina bui bora ta, tinare wajá pahñonocaa tiha. **30** Yuhure masuno Cohamacu warocariro wacuenoca yu tjuá tachu tina yoaro sehetá yoaina jiahca masa tí pjare.

31 'Tí pjare cuero to wuhure bui macari wapapu jiriro wuhure puhichapu to ya jichu tére nano sâaeno tjijaro to waha bahrañohto sehe. Tuhsu, wesepu jiriro cuhure tí pjare to wuhure piha taero tjijaro to waha bahrañohto sehe. **32** Lote namono to waharire wacûga musa. **33** Masuno yuhure wacuno marieno to mu shero to cahmano sehetá yoaro pichacapu waharohca. Yu yare á yoarucuriro sehe jipihtia dachoripe yuhure mehne muhanopu jirucurohca.

34 'Tí ñamine puaro cu casario bui carinare cuero yuhure cahmarirore naaihca. Tuhsu, yuhure cahmaerariro tói tjuarohca. **35** Tí pjare puaro numia cuñoi ti trigore arëa numiare cuñoro yuhure cahmaricorore naaihca. Tuhsu, yuhure cahmaeraricoro tóihta tjuarohca. **36** [Á yoa wesepu puaro dahraina ti jichu cuero naihca. Cuero tói tjuarohca] —niha Jesu.

37 To á nichu to buheina sehe ó sehe ni sinituha tirore:

—¿Nohopu á waharohcari? —ni sinituha tina.

Ti á nichu Jesu ó sehe ni yuhtiha:

—Yucaare mari ñuna, yariariro to pjachu cjiro jichu mari noano masinahca. (Tó sehetá ahri mûsare yu yahuyurire mûsa ñuna noano masinahca ahri yahpapu yu tjuá tahto mahancá to duhsachu cuhure) —niha Jesu.

Wapewahyoro to buhiri dahre dutia quitire yahuha Jesu

18 **1** Á yoa Jesu tinare Cohamacure siniare yahuro ó sehe niha:

—Musa Cohamacure sinina, cohtaga to yuhtihtore. Yoari pja cohtapanaha cahyaena tjiga. Tirore sinina duhuena tjiga —niha Jesu.

2 To ã nirire buhero taro ahri quiti mehne piti dahre yahuha tinare:

—Pa macapu ti buhiri dahre dutiriro jiha. Tiro Cohamacure ño payoeraha. Á yoa masa cûhure ño payoeraha.

3 Wapewahyoro cûhure tópu jiha. Ticoro tiro cahapu súroca majareno õ sehe niha: “Yuhure ñu tuhtirirore buhiri dahre dutiga mûhu. Yuhure ni ducataga”, ni sinirucuha ticoro tirore.

4 To ã nichu payu tahari tiro “Yoasi yuhu”, nimaha ticorore. To ã nipachuta ticoro payu tahari ã sinirucuro tirore caribobiaro yoaha. To ã caribochu, tiro õ sehe niha to basi: “Yuhu Cohamacure, masa cûhure ño payoeraja. **5** Yu ã ño payoerariro yu jipachuta ahricoro sehe yuhure caribobiara. Yuhure ã cariboro yuhure pomea wahachu yoarohca ticoro. To ã ni yahusârucuchu ticorore ñu tuhtirirore buhiri dahre dutihtja”, niha buhiri dahre dutiriro —niha Jesu.

6 Á nino Jesu tinare õ sehe ni yahu namoha:

—Á niha tiro ñariro buhiri dahre dutiriro. To niri cjirire wacûga mûsa. **7** Tiro yuhdoro Cohamacu sehe to yainare to beseinare ñamipu cûhure, dachopu cûhure tirore sinirucuinare yuhtiro, yoadohorohca. **8** Mûsare niita nija. Cohamacure ti siniriro seheta dóicâta tinare yoadohorohca. ¿To ã yuhtiriro to jipachuta yuhu masuno Cohamacu warocariro ahri yahpapu tjua tacu Cohamacure wacû tuainare bocabocari yuhu? —niha Jesu.

Puaro Cohamacure ti sinia quitire yahuha Jesu

9 Á yoa pari turi piti dahre buhero õ sehe ni yahuha Jesu: “Sâ sehe noaina jija. Paina sehe ñano yoaina jira”, ni tûhotuina barore Jesu õ sehe ni yahuha:

10 —Cohamacu ya wuhupu puaro mûa Cohamacure sinia wahaha. Cûiro fariseo curua macariro jiha. Pairo puhtoa yare wapa na cohtariro jiha. **11** Á yoa fariseo curua macariro sehe wahcârhusu, õ sehe ni yahuha Cohamacure: “Cohamacu, yuhu paina yare mahñopea mehne nariro, ñano yoariro, paina namosânumia mehne wuhana tiriro ne jieraja. Paina yoaro sehe ñariro jieraja. Ahriro wapa na cohtariro yoaro sehe ñariro ne jieraja yuhu. Á jicu mûhure ‘Noana’, nija Cohamacu. **12** Yuhu somanaripe pua dachore ne chueraja, mu yare yoachu tacu.



Tuhsʉ jipihtia dohse jiape yʉ wapataa cūhure mahano *(diezmo) wa mujaja yʉhʉ muhure ño payocʉ”, niha fariseo curua macariro Cohamacure. 13 Å yoa wapa na cohtariro sehe yoa cureropʉ muhri yo ducʉ su, muanopure ñu muoeraha.

* (diezmo) Cūiro diez niñeru turi wapataro, Cohamacure cū tu waro, tiro diezmo waro nina. Tiro cien turi wapataro, Cohamacure diez turi waro, tiro diezmo waro nina. Tó purota jira cū diezmo.

Ã ñu muoeraro, to pēbuhi ciāroca õ, õ sehe ni siniha Cohamacure: “Cohamacu, yuhu ñaare yoariro jija. Ã jicu muhu pja ñuga yuhure”, niha tiro Cohamacure. ¹⁴ Musare niita niha. Ahriro wapa na cohtariro sehe Cohamacu to ñachu buhiri marieriro to ya wuhupu tjuaa wahaha. Wiho mejeta pairo fariseo curua macarirore “Mu ñaa buhirire cohāhi”, nieraha Cohamacu. “Yuhu noariro waro jija”, ni tūhoturirore Cohamacu buoro dahrerohca. Wiho mejeta “Yuhu ñaare yoariro jija. Ã jicu tīre tuaro cahyaja” nirirore Cohamacu wahchechu yoarohca tiro sehere —niha Jesu.

Macanacā ya cjihtire Cohamacure sini payoha Jesu

(Mt 19.13-15; Mr 10.13-16)

15 Ã yoa masa ti pohnare wihāinacāre Jesure ña payo dutia ta, to cahapu na wihimaha. Ti â yoachu ñua Jesu buheina tinacāre na wihinare tuhtiha. ¹⁶ Ti â tuhtichu ñano Jesu wihāinacāre pjirocaya to cahapu. Pjiroca tuhsu õ sehe niha tiro to buheinare:

—Macanacā yu cahapu tajaro. “To cahai wahaena tjiga”, nieno tjiga tinacāre. Tinacā Cohamacure ti pūhtoro tūhotura. Pūhtoro Cohamacu to suho jiina ahrinacā yoaro sehe tūhotuina baro dihta jira. ¹⁷ Potocā niita niha musare. Ahrinacā Cohamacu ti pūhtoro cjihtore cahmana. Ti yoaro sehetu mūsa cūhu Cohamacu mūsa pūhtoro cjihtore cahmaerana, pūhtoro Cohamacu to noano suho jihtina ne jisi mūsa —niha Jesu.

Pache puro Jesure sinitu ñuha

(Mt 19.16-30; Mr 10.17-31)

18 To â niri baharo judio masa pūhtoa mehne macariro Jesure õ sehe ni sinitu ñuha:

—¿Ne noariro, buheriro, jipihtia dachoripe Cohamacu mehne ji duacu, dohse yoaihcari yuhu? —niha tiro.

19 To â nichu Jesu õ sehe ni yuhitiha:

—¿“Noariro”, ni pisujari muhu yuhure? Noariro sehe Cohamacu dihta jira. ²⁰ Ahri Cohamacu dutiare masina muhu. “Numia mehne ñano yoaecu tjiga. Masare wajāecu tjiga. Yacaecu tjiga. Mahñoa mehne pairore yahusāecu tjiga. Mu pucusumare ño payoga”, ni dutira Cohamacu —niha Jesu.

21 To â nichu tiro Jesure õ sehe ni yuhitiha:



—Tíre jipihtiare yʉ wahma wahmʉa tariro jiipʉta yʉhdarʉcaera tihi yʉhʉ —niha tiro.

22 To ã nichʉ tʉhoro, Jesu tirore õ sehe ni yahuha:

—Mahanocā dʉhsara mʉhure mʉ yo a pahñohto. Jipihtiare mʉ yare duai wahaga. Ñ yoachʉ jipihtia mʉ wapatari niñerure pjacʉoinare waga. Mʉ ã yoachʉ pjíro mʉ wapataa mʉanopʉ, Cohamacʉ cahapʉ jiyuahca. Mʉ ã yoari baharo yʉhʉ mehne macariro cjihto taga —niha Jesu tirore.

23 To ã nichʉ tʉhoro tiro sehe payʉ pache cjuariro jiro tíre pjacʉoinare wa duaeraro, tuaro cahya, wahaa wahaha. 24 To ã cahyachʉ ñʉno Jesu õ sehe ni yahuha painare:

—Pache pʉa Cohamacʉ masare pʉhtoro to noano sʉho jiropʉre ti wahachʉ basioera curera. 25 Camello sehe awicā copacāre to sāa nuhri wijaa duachʉ basioerara. To ã jiro yʉhdoro pache pʉro pʉhtoro Cohamacʉ noano to sʉho jiropʉre to waha duachʉ nu mijobiara —niha Jesu.

26 To ã nichʉ tirore tʉhoina õ sehe niha:

—Cue, mʉ nino sehetra potocā jichʉ, ne cūiro masʉno Cohamacʉ cahapʉ waha masieraboca —niha tina Jesure.

27 Ti ã nichʉ Jesu õ sehe ni yʉhtiha:

—Masa ti basi ti mʉ sʉro yʉhdʉ masierara. Wiho mejeta Cohamacʉ sehe masare pichacapʉ wahaborinare yʉhdo

masina. Tiro jipihtiare noano yoa masi pahñoriro jira —niha Jesu tinare.

28 To ã nichʉ Pedro tirore õ sehe niha:

—Tuhosiniga. Sã sehe jipihtia sã yare cūnocaas tii mʉhu mehne wahana —niha tiro Jesure.

29 To ã nichʉ Jesu õ sehe niha:

—Potocā mʉsare niita nija. Mʉsa Cohamacʉ yare yoana tana mʉsa wʉhʉsere, mʉsa namosānumiare, mʉsa bahanare, mʉsa pʉcʉshumare, mʉsa pohnare cūnocarina jina, pjíro wapatanahca mʉsa mipure. **30** Mʉsa cūriro yʉhdoro wapatanahca. Ñ jina mʉsa yariari baharo jipihtia dachoripe Cohamacʉ mehne jirucunahca mʉsa —niha Jesu tinare.

Pari turi Jesu to yariahtore, to masa wijaahitore yahuha

(Mt 20.17-19; Mr 10.32-34)

31 Ñ yoa Jesu doce to buheinare ti sahsero naaha. Ñ naano tinare õ sehe ni yahuha:

—Tuhoga yʉhʉre. Mipure mari Jerusalēpʉ wahana nija. Tópʉ yʉhʉre masʉnore Cohamacʉ warocarirore Cohamacʉ yare yahu mʉhtaina cjiri panopʉ ti yahuriro cjiro seheta paina ñ yoaahca yʉhʉre. **32** Tópʉ masa yʉhʉre ñahaa, judio masa jieraina sehere waahca yʉhʉre. Yʉhʉre ti wari baharo tina yʉhʉre bʉjʉpe, ñano ni, yʉhʉre chahcho puti sihōahca. **33** Tuhsʉ, yuta dari mehne tjana tuhsʉ wajāahca yʉhʉre. Ti ñ wajāri baharo tia dacho wahaboroi masa wijaaihca yʉhʉ —niha Jesu tinare.

34 To ñ nichʉ to buheina to yahuare noano tʉho ñahaeraha. Cohamacʉ tíre tinare noano tʉho ñahachʉ yoaerasiniha.

Capari ñuerarirore ñʉchʉ yoaha Jesu

(Mt 20.29-34; Mr 10.46-52)

35 Ñ yoa Jesu cūhʉ Jericó wama tiri maca cahacāpʉ sʉha. Tói capari ñuerariro maha dʉhtʉ cahai duji, niñerure sinino niha. **36** Ñ jiro masa payʉ to cahai ti yʉhdʉachʉ tʉhoro tiro sinituha tinare:

—¿Dohse yoa payʉ masa yʉhdʉjari? —ni sinituha tiro.

37 —Jesu Nazare macariro waharo nina —ni yahuha paina tirore.

38 Ti ñ ni yahuchʉ tʉhoro tiro õ sehe ni sañurucuha:

—Jesu, Davi cjiro panamino masare yuhdohtiro, yuhure pja ñuga —ni sañurucuha Jesure.

39 To ã nichu to pano waha mhtaina sehe, “Dihta mariahga”, ni tuhtiha tirore. Ti ã ni tuhtipachta to pano to sañurucuriro yuhdo curero sañurucu namoha tjoa:

—Davi cjiro panamino masare yuhdohtiro, yuhure pja ñuga —ni sañurucuha tiro.

40 To ã ni sañurucuchu tuhoro, Jesu sehe tjuarucu su, “Pjirocaga tirore”, niha. To ã nichu tina sehe capari ñuerarirore pji wahcāha. Ti ã pji wahcāchhu tiro Jesu cahapu to sutchu Jesu sehe tirore õ sehe ni sinituha:

41 —¿Dohse yu yoachu cahmajari muh? —niha Jesu tirore.

—Yu puhoro, yuhure ñuchu yoaga —ni yuhtiha capari ñuerariro.

42 —Ñuga. Yuhure wacu tuacu, noariro wahara muh —niha Jesu tirore.

43 To ã nichu capari ñuerariro ñua wahaha. ã noariro waharo, tiro Jesu mehne waha, “Cohamacu tuariro jira”, niha tiro. ã jia masa payu capari ñuerariro to ñuchu ñua “Cohamacu noariro, tuariro jira”, niha tina cchu.

Zaqueo Jesure piti bocaha

19 ¹ ã yoa Jesu Jericóp su, tí macapu yuhdu wahcāno taro niha. ² Pache puro Zaqueo wama tiriro puhtoa ya cjihtire wapa na cohtaina puhoro tói jiha. ³ ã jiro tiro Jesure “¿Diro baro jicari?” ni ñu masino taro Jesure ñu duamaha. ã to ñu duapachuta yahparirocá to jichu masa payu tirocáre ducataha. ⁴ ã jiro tiro masare muroca yuhdua waha, sicómoro wama tidu yuchupu mujaha Jesure ñuno taro. Baharo curero tu cahai Jesu yuhduaro taro niha. ã jiro Zaqueo tui cohtaro niha. ⁵ To ã cohta pisaro watoi Jesu sehe tu dahpotoi suruca, Zaqueore ñuroca muo, tirore õ sehe niha:

—Zaqueo mipure mu wuhui tjuasinihtja yuhu. ã jichu cjero duji taga —niha Jesu tirore.

6 To ã nichu Zaqueo sehe soaro mehne duji ta, tuaro wahchea mehne to wuhupu pji wahcāha Jesure. ⁷ To ã ni piti bocachu ñua, jipihtina masa ti basi õ sehe ni durucuha:

—Ahriro Jesu ñaare yoariro ya wuhupu tinino waha duara —ni durucuha jipihtina ti basi.

8 Zaqueo sehe piti boca tuhsu tóí ducu, Jesure õ sehe ni yahuha:

—Puhtoro tuhoga yuhre. Jipihtia yu yare dacho macai pjacuoinare waihtja. Á jicu yuh pairore cien niñeru turire mahño mariro jicu, cuatro cientos niñeru turire wapa bui payohtja tirore —niha Zaqueo Jesure.

9 To á nichu Jesu sehe õ sehe ni yahuha tirore:

—Michare muhure mu wuhui jiina cahure pichacapu wahaborinare Cohamacu yuhdo tuhsura. Muhu cahu Abrahá cjiro coyeiro jira. **10** Yuhu masuno Cohamacu warocariro pichacapu wahaborinare macai tai nii. Tópu wahaborinare noano yuhdoi tai nii —niha Jesu Zaqueore.

Niñeru turi uru turi quitire yahuha Jesu

(Mt 25.14-30)

11 Á yoa tirore tuhojinare Jesu paye quiti mehne piti dahre yahuha. Mahanocá duhsaha Jerusalépu to suhto. Á jia tirore tuhojina õ sehe ni tuhotuha: “Puhtoro Cohamacu mipure suho ji ducaro taro nina”, ni tuhotuha tina. **12** Ti á ni tuhotuchu Jesu õ sehe ni yahuha tinare:

—Cüiro puhtoro saahtiro to ya yahpa macaina bui puhtoro jihtiro yoaropu waharo taro niha. Tópure to suchu nuno ti bui puhtoro tirore puhtoro sono taro niha. Puhtoro saahtiro ya maca macaina bui puhtoro sono taro niha tirore. Baharo to ya wuhupu tju wihiro taro niha. **13** Wahmanore to wahahto pano puhtoro diez dahra cohtainare pjirocaha. Á pjirocari, tiro tinare cainare típe turi niñeru turi wapa bujua turi uru turire waha. Wa tuhsu, õ sehe ni yahuha tinare: “Yuhu yu mariachu ahri niñeru mehne musa wapata namohtire macaga”, niha tiro dahra cohtainare. **14** Puhtoro saahtiro to jipachuta to ya maca macainata tirore cahmaeraha. Á cahmaeraa, ti warocahtinare tirore puhtoro sohtirore yahu dutia warocaha. “Ahriro sá puhtoro jichu cahmaeraja sá”, niha tina ti yahu duti warocaina sehe. **15** Á ti cahmaerapachuta baharo ti puhtoro saaha tiro. Á puhtoro saa tuhsuro tiro to wuhupu tjuu taha. Á tju wihiro tiro dahra cohtainare to niñeru mehne ti wapata namoare masino taro, tinare pjirocaha. **16** To pjirocari baharo, wihi muhtariro tirore yahuha: “Puhtoro mu niñeru tu, yuhre mu wari tu mehne diez turi wapata namohi yuhu”, niha dahra

cohtariro to puhtorore. 17 “Noano yoari jire muhu. Muhu noariro dahra cohtariro jira. Muhu mahanocã mehne yu dutiriro seheto yoa pahñoriro jicu mipu diez macari macaina ti puhtoro cjihto wahaihca muhu”, niha puhtoro dahra cohtariore. 18 To baharo wihiriro tiro mehne macariro õ sehe niha: “Puhtoro, mu niñeru tu, yuhure mu warí tu mehne cinco turi wapata namohi yuhu cuhu”, ni yahuha to puhtorore. 19 “Cinco macari macaina puhtoro cjihto wahaihca muhu”, niha puhtoro tirore. 20 To ã niri baharo pairo dahra cohtariro wihi, õ sehe ni yahuha: “Puhtoro, mu niñeru tu õ jira. Suhtiro cahsaro mehne coma, tí ture wihbohi. 21 Muhu tuaro dahra dutiriro jira. Paina yare mana muhu. Tuhsu, tuaro dahra dutiriro jicu dahraerario jipacuta muhu paina ya dahrari wapare nana. Å yoa toaerario jipaihta dichare nariro jira muhu. Å jicu muhure cui nihi”, niha to puhtorore “Wapataerahí yuhu”, ni yahuro. 22 “Muhu ã nicu ñano yoariro jira muhu. Yuhure mu ã niri buhiri muhure buhiri dahreijtja yuhu. Yuhu muhure tuaro dahra dutiriro yu jichu masina muhu. Paina yare yu nachu toaerario jipai dichare nariro yu jichu masina muhu. 23 Yu ã jiriro jichu ñipacuta ya ture niñeru wihbori wuhupu cuerare muhu. Tíre ti wasori wapa wapata namoboa muhu. ¿Dohseacu ã yoarerari muhu? Tíre mu yoachu tju wihicu wapata namoboa yuhu”, niha ti puhtoro. 24 Å ni tuhsu tiro cahai ducuinare dutiha: “Niñeru ture maga tirore. Diez ture cjiariore waga”, niha puhtoro. 25 To ã nichu tina sehe õ sehe ni yahuha tirore: “Puhtoro, diez turi cjiariro payu cjiua tuhsura”, niha tina. 26 Ti ã nichu puhtoro õ sehe ni yuhtiha: “Musare niita nija. Jipihtina cjiuainare wa namoijtja. Cjiuaerario sehere mahanocã to cjiuapachuta tíre maijtja. 27 Mipu pinihta yuhure ñu tuhtiinare yuhure ti puhtoro ji dutierainare yu cahai na tahga. Å yoana yu ñurocaroi wajaga tinare”, niha puhtoro dahra cohtainare —ni buheha Jesu.

Jerusalépu suha Jesu

(Mt 21.1-11; Mr 11.1-11; Jn 12.12-19)

28 Å ni tuhsu Jesu paina pano Jerusalépu wahaha. 29 Å yoa tina Jerusalépu ti suhto panocã tucu Olivo wama tidu duhtu cahai jiri maca Betfagé wama tiri maca cahai, ã jichu Betania wama tiri maca cahai su muhtaha. Tí macari pua maca cahai

Jesu s̄ero, to buheina p̄uarore warocaro taro, õ sehe ni yahu quihõha:

30 —Sí macap̄ burrocāre nana wahaga. Tóp̄ s̄una, burrocāre ti d̄akte daporirocāre boca s̄anahca. Tiro ne cāiro ti pisamahnoerarirocā jica. Tirocāre bocana, yuta dare pjā, na tabasaga yuhure. 31 Tirocāre m̄usa pjāch̄ ñuno, cāiro dohse jiriro “¿Dohse yoana tana burrocāre d̄akte dapor dare pjājari m̄usa?” to nich̄ t̄uhona õ sehe ni yuhiga tirore: “Mari p̄ahtoro burrocāre cahmarocasinire”, ni yahuga tirore —ni yahu duti warocaha to buheina p̄uarore.

32 To ã nich̄ tina p̄uaro sehe to nirirop̄ s̄uha. Ti ã s̄uch̄ jipihtia Jesu to niriyo sehetu wahaha. 33 Á jia tina tirocāre ti pjāch̄ ñua tirocā p̄ua tinare õ sehe ni sinituha:

—¿Dohse yoana tana burrocāre d̄akte dapor dare pjājari m̄usa? —ni sinituha tina.

34 —Mari p̄ahtoro burrocāre cahmarocasinire —ni yuhita tina.

35 Á ni yahu tuhs̄ tirocāre Jesu cahap̄ na s̄uha. Na s̄u tuhs̄ ti bui sāa suhtire tirocā bui pjūpaha payo tuhs̄ch̄ ñu, Jesu sehe tirocā bui to muja pjach̄ yoadohoha tina. 36 Jesu tirocā bui to pisach̄ to wahahto pano masa ti bui sāa suhtire tjuwe na, to wahahti mahai saño cū m̄ahtha, Jesure ño payoa. 37 Tina Jerusalē cahacāp̄ s̄u, Olivo wama tidui dujiari mahap̄ s̄uha. Tóp̄ Jesu to buhech̄ t̄uhoina payu jipihtia Cohamac̄ tuaa mehne to yoa ñorire, noaa to yoarire ti ñuri ejirire wacūa, Cohamac̄re “Noariro, tuariro jira”, ni sañurucuha. Á yoa Cohamac̄re ño payoa, õ sehe ni sañurucuha:

38 —Ahriro Cohamac̄ to warocariro, mari p̄ahtoro noano jijaro. M̄ano macaina noano jijaro. M̄ano macariro Cohamac̄, m̄uhu tuariro waro jira —ni ño payoha tina.

39 Ti ã nich̄ t̄uhua fariseo curua macaina mahainacā ti watoi jiina Jesure õ sehe ni yahuha:

—Buheriro, m̄u buheinare dihta mariea dutiga —niha tina.

40 —M̄usare niita nija. Tina ti sañurucuerach̄ tāa peri sehe sañurucuboa —niha Jesu fariseo curua macainare.

41 Á ni tuhs̄ Jesu Jerusalē cahacāp̄ s̄u, tí macare ñuocaro, tiha. 42 Ó sehe niha tiro:

—Jerusalē macaina mip̄u pinihtare m̄usare pichacap̄ wahaborinare Cohamac̄ to yuhdohtore m̄usa masich̄ noa yuhd̄aboa. Á jipach̄ta mip̄ure m̄usa t̄ire ne t̄uhua duaerare.

Ã jiro Cohamacu tíre m̄asare masi dutierare. **43** M̄asare ñu tuhtiina m̄usa jiri macare soroahca. Ñ yoaa m̄asare tina wijaaro wasi. **44** Tí pjata tina m̄usa ya macare cohā pahñoahca. M̄usa c̄uhure wajāahca. M̄asare ñu tuhtiina noano cohā pahñoahca m̄usa ya macare. Cohamacu pichacapu wahaborinare m̄asare to yuhdohtore m̄usa masi duaerare. M̄usa masi duaerari buhiri m̄asare ñu tuhtiinare Cohamacu m̄asare cohā dutirohca —niha Jesu Jerusalē macainare.

Cohamacu wuhupu Jesu s̄uha

(Mt 21.12-17; Mr 11.15-19; Jn 2.13-22)

45 Ñ yoa Jerusalēpu s̄uro, Jesu Cohamacu wuhupu sāa wahaha. Ñ yoaro pache duainare tí wuhupu jiinare boca s̄uro, tinare cohā wionocaha. **46** Ó sehe niha tiro tinare:

—Ó sehe nina Cohamacu yare ti joari pūi: “Yuh wuhupu Cohamacu mehne durucuri wuhupu wama tirohca”, niha to yare ti joari pūi. To ñ ipachuta m̄usa sehe ahri wuhupu duana, m̄usa basi cahma yacara m̄usa —niha Jesu.

47 Ñ yoa dachoripe Cohamacu wuhupu Jesu buheha. Ñ jia sacerdotea p̄uhtoa, judio masare buheina, masa p̄uhtoa c̄uhu tirore ti wajāhti cjihtire wacū macaha. **48** Masa jipihtina tirore ñ t̄uhorucua, to buheare noano t̄uhu nūnūtina jiha. Ti ñ noano t̄uhu nūnūchua ñuha, Jesure wajā duaina sehe tirore ti wajāhtire bocaerasiniha.

Sacerdotea p̄uhtoa, judio masare buheina,

bucuna mehne Jesure sinitu ñuha

(Mt 21.23-27; Mr 11.27-33)

20 **1** Pa dachoi Cohamacu wuhupu Jesu masare noaa buheare buhero niha. To ñ buhechu sacerdotea p̄uhtoa, judio masare buheina, bucuna mehne tiro cahapu wihia, tirore ñ sehe ni sinitu ñuha:

2 —Yahuga sāre. ¿Dohseacu canure ñ yoari muhupu? ¿Noa muhure tire ñ yoa dutiri? —niha tina Jesure.

3 Ti ñ nichu Jesu ñ sehe ni yuhütiha tinare:

—M̄usa sehere sinitu muhtaihtja. Yahuga yuhüre. **4** ¿João masare to bautisachu diro baro sehe tirore bautisa dutia tiari, m̄usa t̄uhotuchu? ¿O Cohamacu dutiera tiari? ¿O masa sehe dutia tiari, m̄usa t̄uhotuchu? —ni sinituha Jesu tinare.

5 To ñ nichu tina sehe ti basi ñ sehe niha:

—¿Dohse ni yahhtinahcari mari? “Cohamacu Joāore dutia tiri jire”, mari nichu, “¿Dohseana Cohamacu Joāore to dutipachta tirore tuho duaerari musa?” niboca Jesu marine. Ā jina “Cohamacu Joāore dutia tiri jire”, ni yahti masieraja mari. 6 Ahrina masa sehe “Potocāta João Cohamacu yare yahu muhtariro jira”, ni tuhotura tina. Ā ni tuhotua “João to bautisachu Cohamacu tirore dutierari jire”, mari nichu tuhoa marine tāa mehne docaboca masa. Ā jina tí cuhure yahu masieraja mari —ni durucuha tina ti basi.

7 Ā ni durucu tuhsu tina Jesure õ sehe ni yahthiha:

—Joāore bautisa dutirirore sā masieraja —niha tina.

8 Tí ã nichu Jesu õ sehe ni yahthiha:

—Tí pja pinihta yuhu cuhu musa sinitu muhtarire yahueraja musare. Ahrire yu yoarire dutirirore yahueraja musare —niha tiro tinare.

Naina dahra cohtaina quitire yahuha Jesu

(Mt 21.33-44; Mr 12.1-11)

9 Ā yoa Jesu to tuhotua mehne piti dahre õ sehe ni buhe ducaha masare:

—Wese puro se dari cjihtire toaha. Toa tuhsu, tí wesere painare cu buhusehe coa pahma cuha. Pahma cūno tí wesere tinare nu wihbo dutiha. Ā duti tuhsu pa yahpapu waha, yoari pja bajueraha. 10 Tuhsu, se niri pja jichu wese puro to cahamacunore wesere nu wihboina cahapu warocaha. Wese macaa to toaa dichare to ya coa macaare na dutiro warocamaha. Ā jia nu wihboina sehe to cahamacunore wiho piti boca cjānocaha tirore. Ā cjānocaa, tina tirore dichare waerapahta tjuaa dutiha tirore. 11 Ā jiro wese puro pairo to cahamacunore tí wese macaa toaa dichare na dutiro warocamaha tjoa. Ā jia wesere nu wihboina tiro cuhure cjā, nano yoaha. Ā yoa tuhsu tirore tí dichare waerapahta tjuaa dutiha tjoa. 12 Tirore ti ã yoari baharo wese puro pairo cahamacunore warocamaha tjoa. To ã warocachu nua, wesere nu wihboina sehe tiro cuhure cami dahre, tí wese duhtu cahai cohānocaha tirore.

13 'Ti ã yoari baharo wese puro õ sehe ni tuhotumaha: “¿Dohse yoaihcari yuhu? Ó sehe yoaitja. Yuhu yu macure yu cahiriore warocaihtja. Tina tirore ño payoboca”, ni tuhotumaha wese puro sehe. 14 Ā jia to macunore to

warocarirore to sáchá ñúa ñúa wihboina sehe ti basi õ sehe ni durucuha: “Ahriro wese puro macuno jira. Baharo ahri wesere cjahtiyo jira. Tirore wajájihna. Mari ã yoachá ahri wese mari ya wese tjuarohca”, nimaha tina ti basi. 15 Æ ni tuhsúa wese puro macunore wese dñhtá cahai cohā, wajánocaha tirore. ¿Ti ã yoachá ñuno dohse yoarohcari wese puro wesere ñúa wihboinare? —niha Jesu.

16 —Tiro wesere ñúa wihboinare wajáno taro, paina sehere wesere ñúa wihbo dutirohca —ni yuhtiha Jesu to basi.

To ã nichú tóhoa masa sehe õ sehe niha:

—Marine ã wahaero tjijaro —niha tina.

17 Ti ã nichú Jesu sehe tinare õ sehe ni sinituha:

—¿Cohamacú yare ti joari püre õ sehe ni durucua, dohse nino nijari, múa tóhotuchá?:

“Ahriro Cristo tâca yoaro sehetá jira.

Tâcare wuhú dahreina ti cohâno sehetá masa tirore cohâahca.

Ti ã yoapachúta mipüre wuhú dahreina wuhure
yoaa ti cû muhtari tâcare ti cûno sehetá
Cohamacú tirore pühto sôhre”,

ni joaha. 18 Jipihtina tia tâca bui bora pjainare payá dihicâ
peri yihsorohca tia tâca. Tuhsú, tia tâca masuno bui bora
pjaro, tahâncanohca tirore. Æ tahâno to pjacú cjiroke daa
manaricâ wahachá yoarohca. (Tó sehetá yuhure cahmaeraina,
yá buhiri dahrehtina ñano yuhduahca) —niha Jesu.

Pühtoa ya wapare paina sinituha Jesure

(Mt 21.45-46; 22.15-22; Mr 12.13-17)

19 To ã nichú tóhoa judio masare buheina sacerdotea pühtoa cûhú, “Jesu wesere ñúa wihboina quiti mehne marine tuhtiro nina”, ni tóhotuha tina. Æ ni tóhotuha tina Jesure ñaha duamaha. Æ ñaha duapahta tina masare cui niha. 20 Æ cuia, Jesure ti ñahahtí pjare cohtasiniha tina. Æ jia tina quihônó yoaina yoaro sehe ji mahño dutiha painare. To ñano ni yuhtichú yoa duaa nimaha tirore yahusâ duaa. Æ jia Jesure sinitu dutia warocaha mahñoinare. Jesu ñano to ni durucuchá tóhoa tí yahpa macaina bui pühtorore peresu yoa dutia taa nimaha. 21 Æ jia tina Jesure mahño cû õ sehe ni sinitu ñumaha:

—Buheriro, potocâ durucuriro, mahñoa marieriro mû jichú sâ masija. Æ jicú wiho jiinare, pühtoa cähure cûno potori yoara

mahu. Muhu Cohamacu yare potocā mu buhechū cāhure sā masija. 22 Yahuga sāre. ¿Ne, Roma macarirore jipihtina bui pāhtorore gobieno macaare marine waparo cahmajari, mu tāhotuchū? ¿Mari dutia wapa dutijari, mu tāhotuchū? —ni sinituha tina Jesure.

23 Ti ã nichu tāhoro Jesu ti ñano yoa duaare masino, tinare õ sehe ni yūhtiha:

24 —Mipure niñeru tāre na tahga. Tí tāre ñūjihna —niha.

Tí tāre ti na wihichu ñūno õ sehe niha Jesu:

—¿Diro baro masu wahājari ahri tāre? ¿Diro baro wama wahājari? —niha Jesu tinare.

—César, masa bui pāhtoro jiriro ya masu, to wama cāhu wahāna —ni yūhtiha tina.

25 Ti ã nichu Jesu õ sehe ni yahuha:

—Tí pja pinihta masa bui pāhtoro yare tiro sehere waga. Cohamacu yare Cohamacu sehere waga —niha Jesu tinare.

26 Ñ to noano yūhtichu, masa ti ñūrocaroi Jesure ñano ni durucuchu yoa masieraha tina. Ñ jia Jesu yūhtiare tāhoa, tina cħaa waha, dihta mariea wahaha.

Saduceo curua macaina Cohamacu to masoare sinituha Jesure (Mt 22.23-33; Mr 12.18-27)

27 Ñ yoa mahainacā saduceo curua macaina Jesu cahapu wihija. “Cohamacu yariainare masosi”, ni tāhotuina jiha saduceo curua macaina. Ñ jia tina õ sehe niha tirore:

28 —Buheriro, õ sehe ni buhea tiha Moise cjiro: “Cāiro to wahmino namo tiriro pohna mariaparota to yariachu ñūno to bahūrōre to wahmino namono cjirote nūoano cahmana. Ñ yoaro to wahmino mūnano to pohna tiboro seheta pohna tiro cahmana to bahūrōre. Ñ jia to pohna to wahmino mūnano pohna yoaro sehe jiahca”, ni joaa tiha Moise cjiro —niha tina.

29 Tíre ni tuhsu ahri quitire yahu namoha tjoa Jesure:

—Cāiro masūno jiha. Seis to bahana jiha. Ti wahmino sehe namo ti, pohna marieriro yariaa wahaha. 30 Ñ jiro pairo to bahūro cāhu to wahmino namono cjirote nūoaha. To ã nūoari baharo to wahmino yoaro seheta pohna mariaparota tiro cāhu yariaa wahaha. 31 Ñ jiro ahriro bahūro cāhu to wahmino mūnano yoaro seheta pohna mariaparota yariaa wahaa. Ñ dihta wahaha cāiro pohna waro. Ne pohna mariapahta yaria pihtia wahaha. 32 Ti namono cjiro cāhu ti baharota yariaa wahaha.

33 ¿Ne Cohamacu jipihtinare yariaina cijire to masochu diro namono sehe jibocari ticoro pototi? Tina jipihtina ticorore namo tirina cijri jiha. ¿Ã jiro diro baro namono jirohcari? —ni sinituha tina.

34 Ti ã nichu Jesu õ sehe ni yuhtiha:

—Mipu macaina wamomaca duhtera. **35** Ti ã duhtepachuta paina sehe pa turu macaina sehe ã jierara. Paina muare, numia cuhure to yainare Cohamacu ñaa marieina jichu yoarohca.

Tina ti yariari baharo masa mujaahca. Ã yoa tina topu wamomaca duhterara. **36** Ã jia tina anjoa yoaro seheta ne yariasi. Tina Cohamacu to masorina jia, Cohamacu pohna jira.

37 Mipure yariarina cijri ti masa wijaahto sehere musare yahuhtja. Tíre Moise cjiro noano yahu pahnoa tiha. To mahaducã juri quitire õ sehe ni yahua tiha tiro: “Yuhu Abrahã, Isaa, Jacobo ti puhtoro tjija”, ni yahure Cohamacu yuhure, ni joaa tiha Moise cjiro. **38** Ti yariari baharo “Ti puhtoro tjija”, ni yahua tiha Cohamacu. Ã neparota yariarina cijri puhtoro jierara Cohamacu. “Ti puhtoro tjija”, to nia mehne catiina ti jichu masija mari. Tiro catiina puhtoro jira. Jipihtina masa catira Cohamacu to ñuchu —niha Jesu tinare.

39-40 To ã nichu tina sehe pari turi Jesure sinitu duaeraha. Ã jia mahainacã judio masare buheina õ sehe niha:

—Buheriro, muhu noano yuhtihre —niha tina Jesure.

¿Diro baro coyeiro jijari Cristo?

(Mt 22.41-46; Mr 12.35-37)

41 Baharo Jesu õ sehe ni yahuha tinare:

—“Cristo Davi cjiro panamino jirohca”, ni buhera paina. ¿Dohse yoa tina ã ni buhejari? **42** Davi cjiro to basi Salmopu to joari tjupu õ sehe ni joaa tiha:

“Cohamacu yu puhtorore õ sehe nire: ‘Ói yu poto buhusehei dujiga.

43 Ñ jicu muhure ñ tuhtiinare muhure yuhduruocabasaihca yuhu’, nire Cohamacu yu puhtorore”,

ni joaa tiha Davi cjiro. **44** Ã ni joaro Davi cjiro puhtoro tiha Cristore. Davi cjiro Cristo ñuchuno cjiro jiparota Cristore puhtoro tiha. ¿Davi cjiro Cristo ñuchuno cjiro jiparota dohse jiro baro tiro puhtoro tiari Cristore? —ni yahuha Jesu. (Cristo sehe Davi cjiro puhtoro jira.)

Judio masare buheina ti ñaa yoaare yahuha Jesu

(Mt 23.1-36; Mr 12.38-40; Lc 11.37-54)

45 Masa payu Jesure ti tñuhoro watoi Jesu sehe to buheinare õ sehe ni yahuha:

46 —Mari judio masare buheina ti ñaa yoaare ñuna noano wacu masiga. A jina ti yoaro sehe yoaena tjiga. Tina yoaa suhti sãa, masa ti ñurocaroi majarea, pache duaropu paina puhtoare noano ño payo ti sinino sehe ti pití bocasinichu cahmana tina. A cahmaina jia, tina mari judio masa buhea wuhusei noaa dujia dihtare bese duji duara. Tuhsu, bose numu jichu to cuhure noaa dujia dihtare cahmana. 47 Tina wapewahya numia ya wuhusere ti ya cuhure mana tí numiare. A yoaina jia, tina masa ti ñurocaroi yoari pja Cohamacure sinimana masare ñu dutia. Ti a yoachu tinare Cohamacu pjíro buhiri dahrerohca —niha Jesu tinare.

Wapewahyoro Cohamacu wuhui to warire yahuha Jesu

(Mr 12.41-44)

21 1 A ni yahu tuhsu niñeru wihbori caroi pache pua ti niñerure ti duhu sãachu ñu dujiro niha Jesu. Tí niñeru Cohamacu wuhure ti cahnochu ti wapahti jiha. 2 A ñuno wapewahyoro pjachoricoro to pua tucare to duhu sãachu cuhure ñuha. 3 Tíre ñu tuhsu õ sehe ni yahuha:

—Potocã niita nija mûsare.
 Ahricoro wapewahyoro
 pjachoricoro sehe niñeru
 wihbori caropu duhu sãano
 paina jipihtina ti wari
 yuhdoro wahre ticoro sehe.
 4 Paina pache pua pjíro
 ti wapachuta ti ya pjíro
 duhsara. Ahricoro sehe
 pjachoricoro jiparota jipihtia
 to chuhire to nuchaboacare
 wa pahnöhre —ni yahuha
 Jesu.



**“Cohamacu wuhu cohāri wuhu jirohca”, niha Jesu
(Mt 24.1-2; Mr 13.1-2)**

5 Æ yoa paina Cohamacu wuhure õ sehe ni ñua niha:

—Noaa tāa mehne yoari wuhu, noacari wuhu jijari. Masa Cohamacu ya wuhu cjihtire ti warí cjiri cuhu tí wuhupure noaca cūri jira —ni durucua niha.

Ti ã nichu Jesu õ sehe ni yahuha tinare:

6 —Ahri jipihtia mari ñuri cjiri wuhuse, ahri tāa cuhu cohō pihtia wahaahca. Ne curia tāca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Mr 13.3-23)

7 To ã nichu tuhoa tina sehe õ sehe ni sinituha tirore:

—Buheriro, ¿dohse jichu mu niro sehe waharo ã waharohcari? ¿Pihtiri dacho panocā jichu dohse to waha ducachu ñunahcari sã? —ni sinituha tina Jesure.

8 Jesu õ sehe ni yuhiha tinare:

—Noano yoaga musa. Æ jina musare paina ti mahñore tuhoena tjiga. Payu masa “Cristo jiia yuhu”, niina taahca. Æ nia, “Mipure pihtiri dacho cjihto mahanocā duhsara”, niahca. Ti ã nichu tinare tuhoena tjiga. 9 Æ yoa paina “Cahma wajāa nina”, musare niahca. “Mipure puhtoare masa cohāa nina”, niahca. Musa tíre tuhona cuiena tjiga. Pihtiri dacho pano õ sehe waha muhtanohca. To ã wahachu pihtiri dacho cjihto duhsasininohca mini —niha Jesu.

10 Æ ni tuhsu õ sehe ni yahu namoha:

—Cu yahpa macaina pa yahpa macaina mehne cahma wajāahca. 11 Tuhsu, tuaro yahpa ñuhmi, masa payu juca mehne yaria, jipihtiro macaina dohatiahca. Æ yoa muano macaa bajuamehneare masa ñua, ñu cuaa wahaahca.

12 'Ahri jipihtia ti ã wahahto pano, paina musare ñaha, ñano yoaahca. Tuhsu, mari judio masa buhea wuhusei tina musare yahusā, peresu yoaahca musare. Ti ã yoachu yahpari macaina puhtoa panoi, macari macaina puhtoa panoi ducunahca musa ti yahusāhtina. Yu yaina musa jiri buhiri ã yoaahca. 13 Ti ã yahusāchu musa sehe noaa buheare tinare yahunahca. 14 Tí pjare musare ti yahusāchu puhtorore musa yuhitore “Yahu masieraboca”, ni tuhotuena tjiga musa. 15 Yuhu musare yahubasaihtja. Musare ã yoadohocu tuho

masiare, noaa durucua cāhure māsare yahuchu yoaihtja. Māsa ā yoachu māsare ñu tuhtiina sehe māsa durucuare tāho, “Tí potocā jierara”, ni yāhti masisi. 16 Tí pjare māsa pūcūsuma, māsa bahana, māsa coyea, māsa mehne macaina cāhū māsare ñu tuhtiinare waahca māsare yu yaina māsa jiri buhiri. Ti ā yoachu māsare ñu tuhtiina māsa mehne macainare painare wajāahca. 17 Ā yoa yu yaina māsa jichu ñua, jipihtina māsare ñu tuhtiahca. 18 Māsare ā ñu tuhtipahta ne mahancā māsare ñano yoasi. 19 Ā jina Cohamacāre wacū tuaina jiga māsa. Māsa ā yoana, Cohamacu mehne ā jirucunahca.

20 Ā yoa payu surara Jerusalēpū ti soroachu ñuna, Jerusalēne ti cohāhto to mahancā dūhsachu masinahca māsa. 21 Ti ā yoachu ñua Judea yahpai jiina tāyuchu cahapu mūroca duhtijaro. Ā yoa Jerusalēi jiina wahajaro. Ā yoa campoi jiina Jerusalēpū wahaea tjijaro ti waha bahañohto sehe. 22 Tí dachorihi buhiri dahrea dachorihi jipihtia Cohamacu yare ti joari pū to niriro cjiro seheta ā waharohca. 23 Jipihtiropu ahri yahpai ñano yuhduahca. To ā wahachu, niji wahcōa numia, ti pohnare pūina numia cāhū pjachoro wahaahca. 24 Paina ahri maca Jerusalē macaina mehne cahma wajāahca. Ā cahma wajāa, paina ahri maca macainare jipihtia yahparipu na wahcā, peresu yoaahca. Ā jia judio masa jieraina Jerusalēne ñano yoa, tinare yuhdūrūcaahca. Judio masa jieraina ya dacho to pihtichāpu Jerusalē macainare ñano yoa duhuahca —ni yahuha Jesu.

Jesu yahpapu to tjua tahtore yahuha

(Mt 24.29-35, 42-44; Mr 13.24-37)

25 Ā ni yahu tāhsu, tinare õ sehe ni yahu namoha:

—Tí pjare sū dacho macariro, ñami macariro, ñahpichoha cāhū cohtotaahca. Jipihtina ahri yahpa macaina “Cue, yarianahca”, ni tāhotuina pjiri ma macaa pahcōri cuaro choro ti bisiro coa tachu tāhoa tuaro cuiahca. 26 Tí pjare māano macaa yahpari, ñahpichoha cāhū tuaro ñuhmiahca. Ti ā wahachu ñua, masa sehe ahri yahpa to pihtihtore cohtaa, tuaro cuiahca. 27 Tí pjata yuhu masuno Cohamacu warocariro Cohamacu tuaa mehne to si sitea mehne yu tachu ñuhahca masa. 28 Ahri ti ā waha dūcachu ñuna, wacū tuaina jiga. Ā jina mānanopu ñuga. Tí pjare Cohamacu māsare pichacapu wahaborinare to yuhdohto mahancā dūhsarohca —niha Jesu.

29 Ñ ni tuhsu ahri quiti mehne piti dahre buheha Jesu:

—Higueracure, paye yucu cūhure tūhotuga mūsa. **30** Tí yucuri pūri tichu ñuna, cūhma cjihto to mahancā dūhsachu masina mūsa. **31** Tó seheta ahri jipihtia yu niri cjurire ti ã wahachu ñuna, Cohamacu masare pūhtoro to noano sūho jihti pja mahancā dūhsachu masinahca mūsa.

32 'Mūsare potocā niita nija. Tí pja macaina ti yariahto pano jipihtia yu niriro seheta ã waharohca. **33** Muano, ahri yahpa cūhu pihtia wahaahca. Yu durucua sehe ne cohtotasi. Jipihtia yu niriro seheta ã waha sohtori tiarohca.

34 'Yu tjua tahti dachore ne masierara mūsa. Ñ jina noano yoaga. Bose nūmūrine būjua yoarucuena tjiga. Ñ jina cahaena tjiga. Ahri yahpa macaare pjíro tūhotuena tjiga. Mūsa yu niriro seheta yoana, wacūenoca ahri yahpapu yu tachu mūsa ne cūasi. **35** Wahiquirore yurida wahiquirore wacūenoca to tuā suharo seheta wacūenoca taihca yuhu. Jipihtina ahri yahpa macaina ti masieraro watoi tí dachoi wacūenoca ã waharohca. **36** Noano wacū masi cohtaga. Ñ jina Cohamacure ahrire ã sinirucuga: "Ahri pihtiri dachore ã wahachu yuhure yoadohoga. Tuaare waga yuhure ahrire noano yu yuhduhti cjihtire. Tuhsu, Cristore mu warocariore cuiro marieno yuhure piti bocachu yoaga", ni siniga Cohamacure —niha Jesu.

37 Ñ yoa tí dachorire Cohamacu wuhui Jesu buhea tiha. Ñaminipe buhe tuhsuro Olivo wama tidu tūcūpu waha, tópu ji bohrea tiha. **38** Bohrea taharipe jipihtina masa Cohamacu wuhupu tirore tūhoa wahaa tiha.

Sacerdotea pūhtoa, judio masare buheina mehne wajā duaha Jesure

(Mt 26.1-5, 14-16; Mr 14.1-2, 10-11; Jn 11.45-53)

22 **1** Ñ yoa tí pjare būcaerari pāore ti chāhti bose nūmūri mahancā dūhsaha. Tí bose nūmūri pascua wama tiha. **2** Ñ jia sacerdotea pūhtoa, judio masare buheina mehne Jesure wajā duaa, ti wajáhtore wacū macaha. Jesure wajā duapahta, masa sehere cuiha, "Suari", nia.

3 Ñ yoa watño Juda Iscariotere ñano to yoa dutichu Juda sehe yuhütiha tirore. Juda doce buheina mehne macariro jimaha. **4** Ñ yoa tiro sacerdotea pūhtoare, Cohamacu wuhu macaina surara pūhtoa mehne cūhure sūhüduro wahaha.

Ti cahapu su, tinare Jesure to ñohtore suhuduha tina mehne.
 5 To ã nichu tuhoa, tina wahche, “Muhure niñerure wapanahtja”,
 niha tina Judare. 6 Ti ã nichu Juda “Jai, tirore musare ñoihtja”,
 ni masa ti ñueraro watoi Jesure ñu tuhtiinare to ñohti ñamine
 cohtasiniha.

Jesu buheina mehne to chu batoari numu jiha
(Mt 26.17-29; Mr 14.12-25; Jn 13.21-30; 1Co 11.23-26)

7 Bucaerari pao bose numuri ti ji ducari dacho jiha. ã jiro
 pascua macaina cjihtire ovejare ti chuhtinare ti wajahti numu
 jiha. 8 Tí pjata Pedrore, João cuhure Jesu õ sehe ni yahuha:

—Bose numu mari chuhtire cahnoyuna wahaga —niha
 Jesu tinare.

9 —¿Mari pascua macaa chuhtire noho baroi cahnoyu
 dutirocijari muhu sãre? —ni sinituha tina tirore.

10 Ti ã nichu Jesu õ sehe ni yuhtiha:

—Jerusalépu musa sachu co situ wuariro musare piti
 bocarohca. To piti bocachu tiro mehne wahaga. 11 ã wahana
 tiro to suho sãari wuhpu suna tí wuhpu puro õ sehe ni
 yahuga. “‘Dí tahtiai yuhu yu buheina mehne pascua macaa
 chuare chunahcari?’ ni sinitu dutirocahre buheriro”, niga tí
 wuhpu puro. 12 Musa ã nichu tuhoro, tópu muano macari
 tahtiare pjiri tahtiare, noano ti cahnoyuri tahtiapure musare
 ñonohca wuhpu puro. Tói mari chuhti cjihtire dahrega musa
 —niha Jesu tinare.

13 To ã nichu tina tí macapu wahaha. Tópu ti sachu tinare
 to niriro seheta wahaha. ã jia tina pascua macaa chuare
 dahreha.

14 Ti churi pja jichu Jesu doce to buheina mehne chu dujiha.
 15-16 Tópu ti churopu dujiro Jesu tinare õ sehe ni yahuha:

—Musare niita nija. Ahri pascua bose numurine mari
 dahreja Cohamacu to yainare to yuhdohtore wacuna. Baharo
 Cohamacu masare puhtoro to noano suho jiropu to yainare
 yuhdo tuhsurohca. To ã yuhdohto pano ahri numuri baro
 macaare pari turi chueraja yuhu. ã jicu mipure ñano yuhdu,
 yu yariahto pano ahri pascua macaa chuare musa mehne
 tuaro chu duaa tihi —niha Jesu.

17-18 ã ninota Jesu sihniri wahware na, Cohamacure
 “Noana”, ni sini, tinare õ sehe ni yahuha:

—Müsare niita nije. Cohamacü jipihtina bui pühtoro to noano süho jihto pano ahri vinore ne pari turi sihnisi yuhü. Ä jina ahri vinore na, müsa basi witi, sihniga —niha Jesu.

19 Ä ni tuhsü pão curire na, Cohamacure “Noana”, niha. Ä ninota, tí curire nuha, witiha tinare. Tí curire witirota, tinare õ sehe ni yahuha:

—Ahri yü pjacü jira. Yü pjacü yuhüre ñü tuhtiinare ti wari pjacü jirohca. Müsa ñaa yoari buhirire cohäcü tacü yariaihca yuhü. Ä jina yuhüre müsa wacühti cjihtire ahrire chüga —niha Jesu.

20 Ä chü tuhsü tó seheti tiro tinare sihniri wahwa cühüre waha. Ä waro, tinare õ sehe ni yahuha:

—Müsa ñaa buhirire cohäcü tacü yariaihca. Ä yoacü yü dire cohäihca. Cohamacü “Müsare yühdoihtja”, to niriro müsüchü ä yü yariaro mehne to niriro sohtori tirohca.

21 'Mipüre tühoga müsa. Yuhüre ñü tuhtiinare yuhüre ñohtiro mipüre yuhü mehne õi dujira. 22 Cohamacü to dutiriro seheti yuhü masüno Cohamacü warocariro yariaihca. To ä yaria dutipachüta yuhüre ñü tuhtiinare ñoriro pinihta ñabiaro yuhdärohca —niha Jesu tinare.

23 To ä nichü tina sehe ti basi õ sehe ni sinituha:

—¿Jesure ñü tuhtiinare ñohtiro mari mehne macariro diro baro jicari na? —ni durucuha tina ti basi.

**“Mari mehne macariro diro sehe jicari na pühtoro?”
ni durucuha Jesu buheina ti basi**

24 Baharo Jesu buheina õ sehe ni durucuha:

—¿Mari mehne macariro diro sehe jicari na pühtoro? —ni durucuha ti basi.

25 Ti ä ni durucuchü tühoro Jesu tinare õ sehe ni yahuha:

—Cohamacüre cahmaeraina pühtoa sehe ti masare dutia, purïño mehne dutira. Ä jia pühtoare “Tina masare yoadohoina jira”, nimana paina masa tinare. 26 Müsa sehe tó sehe yoasi müsa basi. Müsa mehne macariro müsa wahmi sehere to bahüro yoaro sehe jiro cahmana. Müsa mehne macariro pühtoro ji duaro cahamacüno yoaro sehe jiro cahmana tirore. 27 ¿Diro jijari pühtoro? ¿Chü dujiriro sehe pühtoro jijari? ¿O chüare duhu payoriro sehe pühtoro jijari? Chü dujirirota jica pühtoro. To ä jipachüta yuhü sehe cahamacüno yoaro seheti müsare yoadohoi tai.

28 'Masa yuhure ti ñano yoapachuta musa sehe yuhure duhuerare. **29** Å jicu yu Puch yuhure to puhtoro sōriro seheta musa cūhure puhtoa sōihtja yuhu. **30** Yuhu puhtoro yu jicu yu churi mesai musa cūhu chu, sihninahca. Å yoana musa puhtoa dujiare dujinahca. Musa tói dujina Israe masare doce curuari macainare besenahca musa ñaina, noainare —niha Jesu to buheinare.

Pedro Jesure to cohāhtore yahuha Jesu
(Mt 26.31-35; Mr 14.27-31; Jn 13.36-38)

31 Å ni tuhsu Pedrone Jesu õ sehe ni yahuha:

—Simo Pedro yuhure tūhoga. Musare jipihtinare yuhure cohāchhu yoa duara watīno. Trigo wese puro to trigore to wā site cohāriro seheta mūsare jipihtinare watīno ñano yoa duara “Ñaare yoajaro”, nino. Å yoa duaro, Cohamacure sinihre.

32 To å sinichu ñucu yuhu sehe Cohamacure sini payohi mūhure. Yuhure mu wacū tua duhuerahti cjihtire sini payohi mūhure. Å jicu mu yuhu mehne macariro pari turi jicu mu coyeare yu yainare yoadohoga mu —niha Jesu Pedrone.

33 To å nichu Pedro õ sehe ni yuhitiha:

—Puhtoro, yuhure ti peresu yoapachuta, yuhure ti wajā duapachuta muhū mehne macariro jiihtja —nimaha Pedro.

34 Jesu õ sehe ni yuhitiha:

—Pedro mūhure niita nija. Micha ñami caraca to duhoto pano “Jesure masieraja”, niihca muhū painare. Tia taha å niihca muhū —niha Jesu Pedrone.

Jesure ti ñano yoa dūcahto mahancā dūhsaha

35 Å ni tuhsu Jesu to buheinare õ sehe ni yahuha:

—¿Sohō jiri pja mūsa niñeru wajuru marieina, pjiri wajuru marieina, dahpo suhti marieina mūsare yu warocachu paye baro dūhsari mūsare? —ni sinitu ñuha Jesu.

—Ne sāre yaba dūhsaerare —ni yuhitiha tina.

36 —Tí pjare mūsare dūhsaerapachuta mipu sehere niñeru wajurure cjuana tíre naga. Pjiri wajurure cjuana cūhu naga. Å jina mūsare ñosari pjí mariachu mūsa suhtire duana tí pjíne nuchuña. **37** Ahrire mūsare nii nija. Cohamacu yare ti joari pūi ti niriro seheta yuhure å waharo cahmana. Õ sehe niha tí pūi: “ ‘Tiro dutiare yuhdūrūcaina mehne macariro jira’, niahca masa”, ni joaa tiha —niha Jesu.

38 —Ñuga p̄uhtoro. P̄ua pjī ñosaa pjīnīne cjuaja sā —niha to buheina.

—Tó puro tjica —ni yuhtiha Jesu.

Getsemaní wama tiropu Jesu Cohamacure siniha

(Mt 26.36-46; Mr 14.32-42)

39 Ā yoa Jesu to ã yoarucuriro sehetā Olivo wama tida tācūpu wahaha. To ã wahachū to buheina tiro mehne wahaha.

40 Tópu sūro tiro tinare õ sehe ni yahuha:

—Cohamacure siniga ñano mūsa yoerahto sehe —niha Jesu tinare.

41 Ā ni tuhsu tiro to sahsero mahancā waha namo, na tuhcua caha sū, 42 Cohamacure õ sehe ni siniha:

—Mai, yū ñano yuhdūhtire yoa duaeracū yoai tjia. Yū ã nipachūta yū cahmaa sehere yoai tjia. Mūhu sehe masina. Mū cahmano sehetā yoaga yuhure —ni siniha Jesu Cohamacure.

43 [To ã sinichū mūnanopu duji tariro anjo Jesure bajua, yoadohoha tirore. 44 Tuhsu, Jesu ñano yajeripohna ti, tuaro mehne Cohamacure siniha. Ā jia to so witia diyahpari yoaro sehe jia tirore wijaa, yahpapu bora caha sūha.]

45 Cohamacure sini batoa wahcārūchū sū, tiro to buheina cahapu wihiha. Ā to wihichū to buheina tuaro cahyaina jia, carīa niha. 46 Ā jiro Jesu tinare õ sehe ni yahuha:

—¿Dohseana carīna nijari mūsa? Wahcāga. Cohamacure siniga ñano mūsa yoerahto sehe —niha Jesu tinare.

Jesure ñū tuhtiina tirore peresu yoaha

(Mt 26.47-56; Mr 14.43-50; Jn 18.2-11)

47 To ã ni durucuro watoi masa payu wihiha. Juda doce buheina mehne macariro ejiro masare mū tā tariro jiha. Ā jiro tiro Jesu cahai wihi, wahsupu wihmiha tirore. 48 To ã wihmichū Jesu tirore õ sehe ni sinituha:

—Judá, ¿yuhu masūnore Cohamacū warocarirore yuhure ñū tuhtiinare ñocu yuhure wahsupu wihmijari mūhu? —niha Jesu.

49 To ã niri baharo Jesu buheina masa Jesure ti ñahahtire masia, tirore sinituha:

—P̄uhtoro, ¿sā ñosaa pjīni mehne tina mehne cahmachema? —niha tina.

50 Ti ã niri baharo cäiro Jesu buheina mehne macariro sehe sacerdotea bui pühtoro cahamacunore to ñosari pjí mehne to cahmonore poto bühusehei jiri cahmonore cjã pahrénocaha.

51 To ã yoachü ñuno Jesu tirore õ sehe niha:

—Ã yoai tjiga —niha.

Ni, cahamacuno cahmono jiriro ejiroi ña payoha. To ã ña payochüta cahmono munano sehetia jiha tjoa. **52** Ã yoa tuhsü sacerdotea pühtoare, Cohamacü wühü macaina surara pühtoare, buecuna cühure tirore ñaha tainare Jesu õ sehe ni sinituha:

—¿Dohse jiro baro mësa ñosaa pjíni, yucü tiri mehne yacarirore ti yoariro sehetia mësa yühure ñahana tajari?
53 Dachoripe Cohamacü wühüpu mësa mehne yü jichü, mësa yühure ne ñahaerare. Ä jipachüta mipüre mësa ya dacho yühure mësa ñano yohti dacho jira. Mipü watino to ñano yohti dacho cühü jira —niha Jesu.

“Tirore masieraja”, niha Pedro Jesure

(Mt 26.57-58; 69-75; Mr 14.53-54, 66-72; Jn 18.12-18, 25-27)

54 Tina Jesure ñaha tuhsü sacerdotea bui pühtoro ya wühüpu naaha tina tirore. Ti tópü naachü Pedro yoaropü tinare ñü nunü tiha. **55** Pühtoro wühüpu sü,トイ wühü cahai jiri wapai, noari wapa dacho macai pichaca wijäha paina. Ti ã wijächü ñuno Pedro pichaca cahai dujiina mehne dujiha. **56** To ã dujiri baharo cücoro cahamacono tirore noano ñü, painare õ sehe ni yahuha:

—Ahriro cühü tiro mehne jihre —niha ticoro.

57 To ã nichü tühorro Pedro õ sehe ni yühtiha:

—Numino, tirore ne masieraja yühü —nimaha tiro.

58 Ticoro to ã niri baharocäta pairo Pedrore ñü, õ sehe niha tjoa:

—Mühü cühü tina mehne macariro tjira —niha tiro.

—Ne jieraja —nimaha Pedro.

59 Cü hora baharo pairo painare õ sehe ni yahuha:

—Potocä tjira. Ahriro Galilea macariro jira. Ä jiro potocäta Jesu mehne jihre ahriro cühü —ni yahuha tiro painare.

60 To ã nichü Pedro õ sehe ni yühtiha:

—Ne, mü mirirore masieraja yühü —ni yühtiha Pedro.

To ã ni durucuro watoi caraca duha. **61** To ã duchüta Jesu wühü cahai jiriro Pedrore majare ñürocaha. To ã yoachü

Pedro sehe Jesu to yahurire wacūha. “Micha ñami caraca to duhto pano, ‘Yuhu Jesure masieraja’, niihca muhū. Tia taha ã niihca muhū”, Jesu to niri cjirire wacūha Pedro. 62 Ñ wacūno Pedro tópü jiriro wijaa ta, tuaro tiirucuha.

Jesure būjūpe, cjāha tina

(Mt 26.67-68; Mr 14.65)

63 Ñ jia Jesure cohtaina surara tirore būjūpe, cjā mujaha. 64 Ñ cjā muja, to caparire dūhte dūcata, tirore õ sehe ni sinituha:

—¿Diro muhure cjājari? Ñuerapaihta yahuga sāre —ni sinitu, būjūpeha tina.

65 Ñ jia payü ñano ni durucuha tina tirore.

Jesure pūhtoa sinituha

(Mt 26.59-66; Mr 14.55-64; Jn 18.19-24)

66 Bohrearoi judio masa būcūna, sacerdotea pūhtoa, judio masare buheina cūhu cahmachuha. Ti ã cahmachunoi paina tina cahapü Jesure na taha.

67 —Yahuga sāre. ¿Cristota jijari muhū? —ni sinituha tina Jesure.

Ti ã nichü Jesu õ sehe ni yūhtiha:

—Mūsare yu yahuchü, yuhure tūhosí mūsa. 68 Mūsare yu sinituchü yuhure yūhtisi mūsa. 69 Mūsa yūhtierapachüta baharo curero jipihtia dachoripe yuhu masüno Cohamacü warocariro Cohamacü tua yuhduariro to poto būhusehei dujihtja —niha Jesu.

70 To ã nichü tina jipihtina sinituha tjoa pari turi:

—¿Ñ nichü Cohamacü macünota jijari muhū? —niha tina.

—Tirota jija mūsa nino seheta —ni yūhtiha Jesu tinare.

71 To ã nichü tūhoa, tina õ sehe ni durucuha ti basi:

—Ahriro Cohamacüre pjíro to ñano durucuchü mari basi tūhoji. Ñ yoa ahrirore yahusáina tópeina tjijaro. (Tópeina mehne tirore mari wajā duti masija) —niha tina ti basi.

Pilato Jesure sinituha

(Mt 27.1-2, 11-14; Mr 15.1-5; Jn 18.28-38)

23 1 Ñ ni tuhsü tina jipihtina wahcārūca, Jesure Pilato cahapü naaha. 2 To cahapü na sua, Jesure yahusā dūcaha:

—Ahriro mari ya yahpa macainare to ñano yoa dutichu sā tūhohi. Mari bui pūhtorore ahriro wapa dutierara. Tuhsu, tiro “Pūhtoro jija. Cristo masare yūhdohtiro jija yūhū”, ni durucure to basi —ni yahusāha tina Jesure.

3 Ti ã ni yahusāri baharo Pilato Jesure õ sehe ni sinituha:

—¿Judío masa pūhtorota jijari mūhū? —niha tiro Jesure.

—Mu nino seheta tiro tjija —ni yūhtiha Jesu.

4 To ã nichu Pilato sacerdotea pūhtoare, masa cūhure õ sehe ni yahuha:

—Ahriro yaba buhiri mariahna —niha tiro.

5 To ã nipachuta tina tuaro yahusā namoha:

—Tiro to buhea mehne masare cahmachechū yoara.

Galilea yahpai tiro tíre yoa dūcare. Ñ yoa dūca tuhsu jipihtiro Judea yahpapū tíre tiro yoare. Mipu õpū cūhure tíre yoaro taro nina —ni yahusāha tina.

Herode Jesure sinituha

6 Ti ã ni yahusāchū tūhoro Pilato sehe õ sehe ni sinituha:

—¿Ahriro Galilea macariro jijari? —niha tiro.

7 —Tó macariro tjira —ni yūhtiha paina.

Ti ã ni yūhtichu tūhoro Pilato sehe Jesu to jiri yahpare masino pūhtoro Herode ya yahpa macariro Jesu to jichu masiha. Tíre masino Jesure Herode cahai warocaha. Tí pjare Herode Jerusalēi jia tiha. 8 Tó panopu Herode Jesure tūhoa tiha. To ã tūhori baharo yoari pja baharo tirore ñu duaha. Jesu Cohamacu tuaa mehne to yoa ñochu ñu duamaha tiro. Ñ jiro tiro Jesure ñu no, wahcheha. 9 Ñ jiro payu tahari sinituha Jesure. To ã sinitupachuta Jesu ne yūhtieraha tirore. 10 Sacerdotea pūhto, judío masare buheina cūhū Herode cahai wahcārūca, tuaro Jesure yahusāha. 11 Ti yahusāri baharo, Herode to surara mehne būjūpe, Jesure ñano yoaha. Ñ būjūpea, noari suhtirore pūhtoro to sāari suhtiro yoaro sehe bajuri suhtirore sāaha tina Jesure. Ñ būjūpe tuhsu, tirore Pilato cahapu warocaha tjoa. 12 Tí dachore Herode, Pilato mehne noano ti basi cahma yoaina ji dūcaha. Tó panore ti basi cahma ñu tuhtiina jisinimaha.

Masa Jesure wajā dutiha
(Mt 27.15-26; Mr 15.6-15; Jn 18.39-19.16)

13 Ñ yoa Pilato sacerdotea pūhtoare, paina pūhtoare, masa cūhure to pjirocachū, cahmachuha. 14 Ti cahmachu pihtichū ñano õ sehe niha Pilato tinare:

—Ahriore yūhure na tana, “Tiro masare ñano yoa dutira”, nimahre mūsa yūhure. Mipu mūsa ñūrocaroi ahriore noano sinitu pahñohi tjoa. Yū ã sinituri baharo mūsa tirore ã yahuśārucuchū tirore ñaa buhiri ne mariahna, yū ñuchū.

15 Herode cūhū tirore “Ne, ñaa buhiri mariahna”, nihre. Ñ nino ahriore pari turi sāre wa majare tjuhre tjoa. Ñ jina ahriore to ñaa buhiri mariachū tirore mūsa wajā duti masierara. 16 Ñ jicū tirore yuta dari mehne tjana dutiihca yūhū. Ñ ti tjanari baharo tirore wioihtja —nimaha Pilato masare.

17 [Cūhmaripe pascua bose nūmūrine masa yairo cjihtore cūiro peresupu jirirore Pilato wiobasa mūjaa tiha.] 18 Ñ jia Pilato “Jesure wioihtja”, to nichū tūhoa jipihtina masa õ sehe ni sañurucuha:

—Tirore Jesure wajāga. Sā yairo cjihtore Barrabá sehere sāre wiobasaga —ni sañurucuha masa.


19 Tí pjare Barrabá wama tirore Jerusalēpū pūhtoare cohā duaina mehne macariro, masūnore wajāriro peresupu jiha. Ñ jia tirore masa wio dutia niha. 20 Pilato Jesu sehere wio duamaha. Ñ jiro tiro masare sinitu ñūha tjoa. 21 To ã wio duapachūta tina tirore õ sehe ni sañurucuha tjoa:

—Crusapu cjā puha wajāga tirore. Wajāga tirore —ni sañurucuha tina.

22 Ti ã nichū Pilato tia taha waharoi õ sehe nimaha tinare:

—¿Yabare ñano yoari tiro mūsa ã ni sañurucuchū? Ne tirore ñaa buhiri mariahna. Ñ jicū tirore wajā duti masieraja. Tirore yuta da mehne tjana dutiihca. Tó purota yoa dutiihca. Ñ yoacū wioihca tirore —niha Pilato.

23 To ã nipachūta tina tuaro mehne sañurucu namo, Jesure crusapu wajā dutiha. Ti ã ni sañurucuchū tūhoro ti cahmariro seheta Pilato yoaha. 24 Tirore ti siniriro seheta Pilato Jesure wajā dutiha. 25 Ñ dutiro tiro peresupu jirirore masare cahmachechū yoarirore, masare wajārirore masa ti siniriro seheta Pilato Barrabá sehere wioha. Tuhsū, Pilato Jesure crusapu wajā dutiha.



Tina Jesure crusapʉ cⱫ puha, wajāha

(Mt 27.32-44; Mr 15.21-32; Jn 19.17-27)

26 To ã wajā dutichʉ tina Jesure wajāa wahaa, naaha. Tí pja ti ã yoaro watoi Simo wama tiriro Cirene macariro campopʉ sʉriro wihija. Jerusalēpʉ to wihičʉ ñua Jesure naaina tirore piti boca, ñaha, Jesu to whari crusare tirore wha wahcā dutiha Jesu baharo.

27 Ñ yoa masa payʉ Jesure ñʉ nñanʉ tiha. Ñ jia masa watoi jia numia tirore ti ã yoachʉ ñua tuaro tihi. 28 Ti ã tiichʉ tʉhoro, tí numiare Jesu majare ñʉ, õ sehe niha:

—Jerusalē macaa numia, yʉhure tienaa tjiga. Mʉsa basi, mʉsa pohna mʉsa ñano yʉhdʉhtire masina, tiibasaga. 29 Paye dachori jichʉ ñabiaro yʉhdʉnahca mʉsa. Tí pjare masa õ sehe niahca: “Pohna mariea numia, pohna tierari numia, pʉera numia mipʉ mari jichʉ noabiaboa”, niahca masa. 30 Tí pjare tʉchʉre õ sehe ni durucuahca masa. “Mʉhʉ tʉcʉ sã buipʉ bora

pjaga. Sāre ducatahga”, niahca masa cuia. **31** Masa buhiri marierirore yuhure õ sehe ti yoachu, ñaa buhiri cjhaina sehe ñabiaro wahaahca —niha Jesu.

32 Paina puaro, dutiare yuhdurucaina ti jichu tina cjhure Jesu mehne ti wajáhtinare naaha tina. **33** Tinare naa, “Dapu cohã”, wama tiropu su, crusapu Jesure cjã puha õha. Puaro yuhdurucaina cjhure paireore to poto buhusehei, paireore to cõ buhusehei cjã puha õha. **34** [Ti ã yoachu Jesu õ sehe niha:

—Mai, ahrina mipu ti ñaa yoarire boga tinare. Tina ti dohse yoarire masierara. Æ jicu ti ñaa yoari buhirire boga —niha Jesu.]



Æ yoa Jesu suhtire cahma witia tina docapeha. To suhti cjurire “Noa yaro jirohcari õ”, ni cahma docapeha tina. **35** Tuhsu, masa tói ducuina ti ñurucuro watoi judio masa puhtoa Jesure õ sehe ni bujupeha:

—Tiro paina masare yariaborinare yoadohoyumahtiro. Æ jiro tiro Cristo Cohamacu to beseriro jiro, mipu yariaboriro jiro, to basi yoadohojarro —ni bujupeha tina.

36 Surara cjhuhu tirore bujupeha. Jesu cahai sua, tina tirore ñaa co vinore wamaha. **37** Tíre waa, õ sehe niha tina:

—Muhsu judio masa ti puhtoro jicu muhsu basi yoadohoga. Æ jii yuhdu witihca muhsu —ni bujupeha tina.

38 Æ yoa tiro bui ti cjã puha õri pjíne õ sehe ni joaha: “Ahriro judio masa bui puhtoro jiriro jira”, ni joaha. (Griego

ya mehne, Roma macaina ya mehne, judio masa ya mehne â ni joaha.)

39 Pairo tiro mehne ti cjā puha daporiro yuhdūrūcariro sehe õ sehe ni, ñano durucuha Jesure:

—¿Muhu Cristo masare yuhdoriro jierajari? Mu basi, sā cūhure yoadohoga —niha tiro Jesure.

40 To â nichu tūhoro pairo yuhdūrūcariro Jesu poto buhusehei ti cjā puha daporiro sehe tirore õ sehe niha:

—Mari cūhure cūno potori buhiri dahrera tina. ¿Dohseach Cohamacure ne ño payoerajari muhū? 41 Marine ñaa buhirire yoaa, quihōno yoaa nina tina. Ñaare mari yoari buhiri marine buhiri dahrera tina. Ahriro sehe ñaare yoarerare —niha tiro pairo yuhdūrūcarirore.

42 Â nino, tiro Jesure õ sehe niha:

—Jesu, muhure pūhtoro jicu, tjuu tacu, yuhure wacūga —niha tiro Jesure.

43 To â nichu tūhoro, õ sehe niha Jesu:

—Muhure ahrire nii nija. Michare paraíso wama tiropu muhū yuhu mehne jiihca —niha Jesu tirore.

Jesu yariaa wahaha

(Mt 27.45-56; Mr 15.33-41; Jn 19.28-30)

44 Â yoa cohari pja jichu sū si duhua wahaha. Â jiro jipihtiro tí dihtapure tia hora waro noano nahitiano jiha. 45 Nahitiano to jiro watoi, Cohamacu wuhu macari suhtiro, dūcatari suhtiro dacho maca waroi bui sehe tūhnū bora ta, pua cahsaro tūhnūroca yoja súa wahaha. 46 Â jiro Jesu õ sehe ni tuaro sañurucuha:

—Mai, yu catiare muhure wiaja mu ñu wihbohto cjihtore —ni sañurucuha Jesu.

Â ni tuhsu yariaa wahaha.

47 To â yariachu ñuño, surara pūhtoro sehe “Cohamacu tuariro jira”, nino: “Ahriro Jesu cjiro potocāta noariro jiri jimana”, niha surara pūhtoro.

48 Â jia ti wajachu ñu tarina Jesu to yariachu ñu, ti wuhusepue tjuua wahaha. Tjuua waha, ti ñaa yoarire cahyaa mehne ti pēbuhiui cjā õ wahcāha. 49 Jipihtina Jesu yaina tiro mehne macaina, Galileapu tiro mehne tari numia cūhu Jesure yoaropu ñuocarucua niha.

Jesu pjacure masa copapu na sāa duhu payoha*(Mt 27.57-61; Mr 15.42-47; Jn 19.38-42)*

50-51 Tí pjare José wama tiriro tóji jiha. Judea yahpai jiri maca Arimatea wama tiri maca macariro jiha. Tiro noariro, quihōno yoariro jiro, Cohamacu to pūhtoro ji dūcahtore cohtariro jiha. Ā jiro tiro judio masa pūhtoa mehne macariro jiparota Jesure ti wajā dutichu cahmaeramaha tiro. 52 Ā jiro Pilato cahapu sū, Jesu pjacure siniha. 53 Sini tuhsu, Jesu pjacure na boro, noari suhtiro mehne to pjacure wahmaha. Ā wahma tuhsu, masa copapu tācai ti sahari copapu na sāa duhu payoha to pjacure. Tí copare ne paina yariainare duhu payoerasiniha mini. 54 Tí dacho Sabado dacho macaa cjihtire ti cahnoyuri dacho jiha. Sabado judio masa ti sori nūmu cjihto mahanocā dūhsaha.

55 Ā jia Galileapu Jesu mehne tari numia masa copapu José mehne wahaha. Masa copapu sū, tí copare ñuha, Jesu pjacure ti duhu payorire ñuha. 56 Baharo ti wūhūsepu tjuaa waha, me sitia mehne wisōa co mehne cahnoha tina. Tuhsu, Sabado jichu Cohamacu to dutiare Moise cjirore to cūri to dutiriro seheteta tina soha.

Jesu masa wijaa*(Mt 28.1-10; Mr 16.1-8; Jn 20.1-10)*

24 1 Domingo jichu bohrearopu tí numia ti me sitia ti cahnoyumarire Jesu masa copapu na wahcāmaha. 2 Tí copapu sua, tí copare bihari tāca pjōo ti duhu cūri tācare ñuha. 3 Ā ñuha tina tí copapu sāa wahaha. Jesu pjacure bocaeraha tina. 4 To pjacure bocaeraa, “¿Dohse wahapju?” ni tūhotuha tina. Ti á ni tūhotu durucu coāno watoi pūharo muā si sitea suhti tiina tina cahai ducuha. 5 Tóji ti ducuchu ñuha, numia cuia na tuhcua caha sūha. Tuhsu, muā sehe tí numiare ò sehe ni yahuha:

—¿Dohseana yariariro to jiriro cjirore tirore macajari muā? Mipūre tiro catiriro jira. 6 Tiro òre mariahna. Masa wijaa tuhsuhre. ¿Sohō jiri pjare Galileapu muā mehne jiro muāsare to niri cjirire wacūjari muā? 7 “Yūhūre Cohamacu warocarirore paipo warohca ñainare. To á wari baharo yūhūre crusapu cja puha wajāahca tina. Ā jichu yūhūre baharo tia dacho

wahaboroi masa wijaaihca yéhú”, ¿musare to nirire wacújari musa? —niha mua sehe.

8 Ti ã nichu tuhoa, numia sehe Jesu to nirire wacúha. **9** Ti ã niri baharo tina tjuaa waha, once buheinare paina cáhure tére yahu pahñoha. **10** Tí numia sehe María Magdalena, Juana, María Santiago pocoro jiha. Tí numia mehne paye numia cáhu jiha Jesu buheinare yahua numia. **11** Ti ã ni yahupachuta Jesu buheina sehe “Potocá nia nieraca. Mahñopea nica ahri numia”, ni tuhotumaha. Á jia tí numiare tuho duaeraha.

12 Ti ã nichu tuhoro, Pedro sehe masa copapu muroca wahcá, ñuno wahaha. Tí copapu su, tiro muhri caha, ñuroca sóha. Jesure ti wahmari suhtiro dihtare ñuha. “¿Dohse wahari na?” ni tuhotu, tiro wuhupu tjuaa wahaha.

Emau wama tiri macapu wahari mahapu Jesu bajuaha

(Mr 16.12-13)

13 Tí dachohta puaro Jesu buheina mehne macaina Emau wama tiri macapu wahaa niha. Jerusalé once kilómetro yoaro jira Emaupu sóhto. **14** Emaupu wahaa, jipihtia Jerusaléi tí pjare to ã waharire Jesure ti ñano yoarire durucu wahcáa niha. **15** Ti ã ni durucuro watoi Jesu sehe ti cahapu su, tina mehne wahaha. **16** Tirore ñupahta tina tirore “Jesu jira”, ni ñu masieraha.

17 —¿Dohse ni cahya durucu wahcána nijari musa? —ni sinituha Jesu.

18 To ã nichu tuhoa tina cahyaro mehne suruca, Cleofa wama tiriro sehe Jesure õ sehe ni yéhtiha:

—¿Mipure Jerusaléi tiniriro jipaihta muhu dihta ti yoari cjirire masierajari? —ni sinituha tiro.

19 —¿Dohse wahari Jerusaléi? —niha Jesu.

To ã nichu tina õ sehe ni yéhtiha:

—Jesure Nazare macarirore ti yoarire nina nija. Tiro Cohamacu yare yahu muhtariro jimahre. Á jia to durucurire tuhoa to yoari cáhure ñua, “Tuariro jira”, ni tuhotuhre masa. Cohamacu cáhu áta ni tuhotuca. **20** Mari sacerdotea puhtoa, paina puhtoa mehne tirore wajá dutia, painare wahre. Ti ã wachu paina sehe tirore crusapu cáju puha wajahre. **21** “Roma macainare coháhtiro Israe masa puhtoro cjihto jira”, ni tuhotumahi sá tirore. Micha mehne tia dacho wahara tiro to yariari baharo. **22-23** Mahainacá numia sá mehne macaa

numia sāre c̄achū yoahre. Bohrearopū Jesu to masa copapū tí numia sū, to pjacure bocaerayuhti. To pjacure bocaeraa, tina tju wihi yahuuhre. “Sāre anjoa bajuahre. Jesu catiyuhti”, ni yahuuhre numia sehe. **24** Ti ã nichū paina sā mehne macaina tí copapū sū, numia ti niro seheta ñ̄yuhti. Tina cāhū Jesure ñ̄uerayuhti —niha tina Jesure.

25 Ti ã niri baharo Jesu õ sehe ni yahuha tinare:

—Mūsa ne tāho masiera cureina jira. ¿Cohamacū yare yahu mūhtaina cjiri ti nirire noano tāhoerari mūsa?

26 Cristore to pāhtoro jihto pano mūanopū to mūjahto pano tirore ñano yuhdūro cahmare. ¿Tíre masierasinijari mūsa?
—niha Jesu tinare.

27 Ñ nino Cohamacū Cristore to ni yahu ti joari cjirire Jesu yahu pahñonocaha tinare. Moise cjiro to joari cjirire Jesu yahu dūcaha. Tuhsū, jipihtina Cohamacū yare yahu mūhtaina cjiri Cristore ti joari cūhūre yahu pahñonocaha tiro.

28 Tina ti wahari macapū ti sūa cahachū, Jesu sehe tinare yuhdū wahcāno sehe yoaro nimaha. **29** To ã yoapachūta tina tirore waha dutieraha:

—Sā mehne tjuaga. Ñamichahapū jira. Nahinopū nina
—niha tina tirore.

Ñ jiro Jesu tina mehne wuhupū sāa wahaha. **30** Wuhupū sāa sū, tiro tina mehne ti chūri mesapū nuju sū, pāore na, Cohamacūre “Noana”, niha. Ñ nino tí pāore nuha na, tinare waha. **31** To ã yoachū ñ̄ua tina Jesure ñ̄u masiha. Ti ñ̄u masi mūari baharo tiro buti mūa wahaha. **32** To ã buti mūa wahachū ñ̄ua tina ti basi õ sehe ni durucuha:

—Mahai tiro marine to durucuro watoi Cohamacū to joari cjirire to yahuro watoi tuaro mari wacū tāhotua mehne noano wahchea mehne tāhotuhi mari —niha tina ti basi.

33 Ñ ni tuhsū tina dōicāta Jerusalēpū majare tjuua wahaha tjoa. Tópū sūa, once buheinare paina mehne cahmachuinare bocaha. **34** Ñ ti sūchū, once buheina õ sehe niha:

—Potocāta mari pāhtoro masa wijaayuhti. Simo Pedro tirore ñ̄yuhti —niha once buheina.

35 Ti ã nichū pūaro Emau macaina mahai Jesure ti ñ̄uire yahuha:

—Jesu to pāore to nuhachū sā ñ̄u masihi tirore —ni yahu pahñoha tina painare.



Jesu to buheinare bajuaha

(Mt 28.16-20; Mr 16.14-18; Jn 20.19-23)

36 Ti ã ni yahuro watoi ti cahai ji tuhsuha Jesu sehe.

—¿Jimajari musa? Noano jiga musa —niha tiro tinare.

37 To ã nichu t̄hoa tina “Mari yariariro cjiore ñuna nija”, ni t̄hotua, tuaro cuiha. 38 Ti ã cuichu ñuno tiro tinare õ sehe ni yahuha:

—¿Dohseana cuijari musa? ¿Dohseana “Ahri potocã jierara”, nijari mosa? 39 Yü wamomacarine, yü dahpori cühare ñuga. Musa yühare ñuna, yü masinahca. Yühare ñaha ñuga. Ñaha ñuna, masinahca mosa. Yariariro cjiropu pjacu mariahna. Yü sehe pjacu tija —niha Jesu.

40 Æ nino to wamomacari cühare, to dahpori cühare ñoha tinare. 41 To ã ñopachuta tina tuaro wahche, cuaa waha, “Ahri potocã jieraca”, ni t̄hotusinimaha. Ti ã t̄hotuchu masino Jesu tinare sinitu ñuha:

—¿Ói chua jijari? —niha tiro.

42 To ã nichã tãhoa wahi doharirore mi cãhure waha tirore. **43** Tíre na, ti ñurocaroi Jesu chãha. **44** Chã tuhsã, Jesu yahuha tinare:

—Sohõ jiri pja musa mehne jicã musare yã yahuriro seheta mipã yãhã ã wahahi. Cohamacã dutia Moise cjiro marine to cûri cjiro to ã ni joariro seheta yãhure ã wahahre. Cohamacã yare yahu mûhtaina cjiro, Salmo joari tjure joaina cûhã panopã yãhure ti ni yahuriro seheta mipure yãhure ã wahahre. ãta waharo cahmahre —niha Jesu.

45 ã ni tuhsã Cohamacã yare ti yahu joari cjirire to buheinare masichã yoaha Jesu:

46 —Cohamacã yare ti joari cjiro õ sehe niha: “Cristore ñano yãhdaro cahmana. ã jiro tia dacho wahaboroi to yariari baharo tiro masa wijaarohca. **47** To masa wijaari baharo jipihtia yahparipã to yaina Cristo yare yahuahca. Masa ti ñaa yoarire ti cahyahti cjihtire, “Ñano yoaeraja” ni, ti tãhotumarire ti cohtotahti cjihtire, Cohamacãre ti cahmahti cjihtire, ti ñaa buhiri tiare to cohãhti cjihtire yahuahca to yaina. ã yahua taa, Jerusalépã yahu dãcaahca”, niha Cohamacã yare ti joari pãi —niha Jesu.

48 ã ni tuhsã õ sehe ni yahu namoha:

—Musa sehe ahri jipihtiare ñurina jira. ã jina painare yahunahca. **49** Cohamacã “Tirore musare warocaihtja”, to nirirore yãhã sehe musare warocaihtja. ã jina Jerusalépã ahri mûano macaa tuaa musare to wihihore cohtaga musa —niha Jesu to buheinare.

Jesu mûanopã mûjaa wahaha

(Mr 16.19-20)

50 ã ni tuhsã Jesu tinare Jerusaléi jiinare Betania cahapã naaha. Tópã sã, Jesu to wamomacari mehne ñui mûo, “Noano jiga”, niha tinare. **51** ã ni tuhsã, tinare cû, mûanopã mûjaa wahaha. **52** To mûjari baharo tina tirore ño payo, Jerusalépã tuaro wahchea mehne tjuaa wahaha. **53** Tói jia, dachoripe tina Cohamacã wûhui Cohamacã mehne durucu, “Noana”, ni ño payoha tina tirore.

San Juan

Cohamacʉ ya dʉserore yahuriro masʉnota ji dʉcaha

1 1 Dóipʉta ahri yahpa to jihto panopʉta Cohamacʉ ya dʉserore yahuriro Cristo masare yʉhdʉchʉ yoahтиro dóihta ji tuhsʉa tiha. Tiro Cohamacʉ mehne jiha. Ā yoa tirota Cohamacʉta jinocahno niha. 2 Dóipʉta wahmanopʉta Cristo Cohamacʉ mehne jiha. 3 Ā yoa wahmanopʉre ne mariahri ejirire bajuamehneha. Ahri yahpare, mʉanore, jipihtiare, jipihtina cūhʉre bajuamehne dutiha Cohamacʉ tirore. Ā jiro ahrire bajuamehne pahñoha tiro. Ahrire mipʉre mari ñʉare, mari ñʉera cūhʉre to bajuamehnerachʉ ne mariaboa. 4 Cristo catiare wariro jiro nina. Buhriaro marine to noano ñʉ masichʉ yoaro seheta tiro to Pʉcuro mʉano macarirore noano masichʉ yoara. Ā yoaro to Pʉcuro mʉano macarirore masichʉ yoara masare. 5 Ahri yahpa macaina ñaare ti wacū ti goa pjaa nahitiano yoaro sehe jia nina. Cohamacʉ ya dʉserore yahuriro buhriaro noano marine to ñʉ masichʉ yoaro seheta masare masichʉ yoara. Ā yoa nahitiano buhriarore to yʉhdʉrʉcaeraro seheta Cristore ñaa ne yʉhdʉrʉcaerara.

6-7 Cohamacʉ João wama tiro sehere warocaha, Cristore buhriaro yoaro sehe jirirore masare yahu mʉhta dutiro. To ā warocachʉ João sehe masare yahuro tare to yahurirore Cristore jipihtina ti wacū tuahti cjihtire. 8 João sehe Cristo jierare. Ā jieraro tiro Cristo sehere masare yahu mʉhtano tare. 9 Cristo buhriaro yoaro sehe jiriro jipihtina masare Cohamacʉre masichʉ yoahтиro sehe ahri yahpapʉ tari jire. Potocā tjira ahri. Tiro buhriaro yoaro sehe jiriro waro tjira.

10 Cristo ahri yahpai jia timare. Ahri yahpare bajuamehneriro jiri jimare. To ā jipachʉta ahri yahpa macaina sehe tirore ne masierare. 11 To ya yahpai tiro masa bajuarilo jimare. To ya yahpai masa bajuarilo to jipachʉta to ya yahpa macaina sehe ne tirore cahmaerare. 12 Ti ā cahmaerapachʉta, tirore cahmaina sehere, tirore wacū tuaina sehere Cohamacʉ to pohna jichʉ yoari jire. 13 Tina Cohamacʉ pohnata jia nina. Ā jia masa ti masa bajuarilo seheta jierara, Cohamacʉ pohna ti wahachʉ.

Tuhsʉ, masa ti cahmariro seheta jierara, Cohamacʉ pohna ti wahachʉ.

14 Å jiro Cristo masʉno to ji dʉcari baharo mari mehneta jire tiro. To ã jichʉ ñʉna masare cahíriro, potocã jiare yahuriro to jichʉ sã masii. Tiro dihta Cohamacʉ macʉno jiro tuariro noariro jire. To ã jiriro jichʉ sã masii. 15 João Cristore yahu muhtano õ sehe ni sañurucure masare yahuro:

—Siro tara yʉ õ sehe ni yahuriro: “Tiro yʉ baharo tariro jira. Å jiparota tiro yʉ yʉhdoro tuariro jira. Tiro yʉ masa bajuahто panopʉta ji tuhsʉha. Å jiro tiro yʉ yʉhdoro tuariro jira”, mʉsare yʉ ni yahuriro ahriro tjira —nire João Cristore masare yahuro.

16 Tiro Cristo sehe noariro tuaro masare cahíriro jiro marine jipihtinare noano yoarucure. 17 Cohamacʉ dutiare Moise cjiro sehe cübasa muhtaa tiha marine. Jesucristo sehe Cohamacʉ masare to cahíare buhero tare. Cohamacʉ to potocã durucua cūhure buhero tare tiro. 18 Masa ne Cohamacure ñuerara. Tirore mari ñuerapachʉta to macʉno to tuaro cahíriro cūriota jiriro sehe to Pʉcurore marine masichʉ yoare.

Paina João masare bautisarirore sinituha

(Mt 3.11-12; Mr 1.7-8; Lc 3.15-17)

19 Sã coyea judio masa pʉhtoa Jerusaléi jiinare sacerdoteare, Cohamacʉ wʉhui dahraina cūhure João cahapʉ warocari jire. “¿Diro baro jijari muhʉ?” ni sinitu dutia warocari jire tinare. Ti ã ni sinituchʉ õ sehe ni yahure João sehe. 20 Ne yaro marieno yahure. Potota yahure:

—Yʉhʉ Cristo Cohamacʉ masare yʉhdʉchʉ yoa dutiro to warocariro jieraja —nire tiro.

21 To ã nichʉ tina sehe tirore pari turi siniture tjoa:

—¿Mʉhʉ Cristo jieracʉ, Elia sehe jijari muhʉ? —nire tina.

—Jieraja yʉhʉ —nire tiro.

—¿Sã cohtariro Cohamacʉ yare yahu muhtariro sehe jijari muhʉ? —nire tina.

—Tiro jieraja yʉhʉ —nire João sehe.

22 To ã nichʉ tina tirore pari turi õ sehe ni siniture tjoa:

—Sãre sinitu dutiinare sã noano yahuhto sehe poto sãre yahu bahrañoga. ¿Diro baro sehe jijari muhʉ? ¿Mʉ basi muhʉ sehe dohse jiriro baro “Jija yʉhʉ”, nijari muhʉ? —nire tina Joāore.

23 Ti ã nichu õ sehe ni yuhtire tiro:

—Masa marienopu õ sehe ni sañurucuriro jija yuhu Cohamacu yare yahu muhtariro Isaia cjiro to ni yahuriro seheta: “Mari puhtoro to tahto pano musa ñaa tuhotuare cohtota, cahno muhtaga musa”, ni masare yahu sañurucuriro jija yuhu —nire João tinare.

24 Joãore sinituina fariseo curua macaina ti warocarina jire. **25** Æ jia tina João õ sehe ni siniture tjoa:

—¿Muhtu Cristo, Elia, Cohamacu yare yahu muhtariro sa cohtariro jierapacuta dohseacu masare bautisajari muhtu? —nire tina.

26 Ti ã nichu tuhoro õ sehe ni yuhtire tiro:

—Yuhtu co mehne masare bautisaja. Pairo sehe musa masierariro musa watoi ji tuhsura. **27** Tiro sehe yu baharo tariro yu yuhdoro tuariro jira. Noa yuhdhuariro jira. Tiro yoaro sehe jieraja yuhu sehe. Æ jicu tirore tuhotucu, “Wiho jiriro jija yuhu”, ni tuhotuja yuhu —nire João tinare.

28 Æ ni durucure tina, Betaniapu Jordão wama tiri ma pa buhusehe coaph, João masare to bautisariropu.

Jesu Cohamacu to warocariro to oveja yoaro sehe jiriro jira

29 Pa dachoi Jesu João cahai cahacã curero to tachu João tirore ñuno õ sehe nire:

—Ñuga. Ahriro Cohamacu to warocariro to oveja yoaro sehe jiriro jira. Ovejare mari wajäiro seheta masa ahriro cöhure wajähaca. Æ yariaro ahri yahpa macainare ti buhiri tiare cohänöhcä tiro. **30** Ahriota jira yu õ sehe niriro: “Yu baharo tariro yu yuhdoro tuariro jira. Yu masa bajuahto pano tiro ji tuhsüha. Æ jiro tiro yu yuhdoro tuara”, yu niriro ahriota jira. **31** Yu sehe ahriore noano waro masiera tihi. Æ masierapaihta co mehne bautisai tai nii yu coyea Israe masa ahriore ti masihto sehe —nire João.

32 Æ ni tuhsu João to ñuri cjirire õ sehe ni yahu namore tjoa:

—Espíritu Santo muhanopu buja yoaro sehe duji ta, Cristo mehne to tjuachu ñahi. **33** Cohamacu yuhure to yahuerachu tirore ne masieraboa yuhu. Wiho mejeta tiro yuhure masare co mehne diaph bautisa duti warocariro Cohamacu sehe õ sehe ni yahu muhta tuhsure yuhure: “Espíritu Santo duji ta to bui to tjuarucu suriro tirota jirohca. Tiro sehe Espíritu Santore to

yaina mehne ã jirucuchu yoarohca”, nire Cohamacu yuhue. 34 Mipu pinihtare to ã ni yahuriore ñu tuhsahi yuhu. Ñucu “Ahriro potocata Cohamacu macuno jira”, ni yahuja yuhu musare —ni yahure João sare.

Jesu buheina to pji muhtaina jira

35-36 Pa dachoi João mehne sã pharo to buheina sã ducuchu, Jesu sã cahai yuhdu wahcāno nire. To ã yuhdu wahcāchu João tirore ñuno, pari turi õ sehe nire sare:

—Ñuga. Ahriro Cohamacu to oveja yoaro sehe jiriro jira —nire João.

37 To ã nichu sã pharo to buheina sehe tīre tūhona Jesu baharo wahahi. 38 Sã ã wahachu ñuno Jesu sare majare ñu, õsehe ni siniture:

—¿Nohopu wahajari musa? —nire tiro.

To ã nichu sã cūhu õ sehe ni sinitu ñui tirore:

—Rabi, ¿nohopu jijari muhu? —nihi sã tirore. (Rabi sã ya mehne nina “buheriro”, nina nija.)

39 —Yuhu mehne tatjiāhna ñuna taga —nire Jesu sare.

To ã nichu sã sehe to jiropu ñuna wahai. Tí pjare ñamichahapu cuatro hora jire. Ñ jina tí dachore tiro mehne tjuai sã.

40 Sã pharo Joāore tūhoina, Jesure ñuhu ti wahcāina yu piti Andre mehne jii. Andre sehe Simo bahero jire. 41 Ñ jiro tiro dōihta to wahminore Simore maca, boca, tirore õ sehe ni yahuha:

—Mesiare Cohamacu marine yuhdchuhu yoa dutiro to warocariore sã bocahi —niha Andre Simore. (Mesia sã ya mehne nina “Cristo”, nina nija.)

42 Ñ ni tuhsu tiro Simore Jesu cahai naahre. To cahai ti suchu ñuno Jesu sehe Simore õ sehe nire:

—Muhu Simo wama tiriro, Jona macuno jira. Mipure muhure Cefa ni wama pisuihtja —nire Jesu Simore. (Cefa sã judio masa ya mehne nina “Pedro”, nina nija.)

Felipere, Natanae cūhure pjiha Jesu

43 Pa dachoi Jesu Galilea yahpapu waha duare. Ñ jiro to wahahito pano tiro Felipere piti boca, õ sehe nire:

—Yuhu mehne macariro cjihto taga —nire Jesu.

44 Felipe sehe Betsaida macariro jire. Tiro, Andre, Pedro mehne cā maca macaina jire tina. 45 Å yoa Felipe Natanaene maca, tirore bocaro õ sehe ni yahure:

—Cohamacu dutiare Moise cjiro to joari pūpu to yahurirore paina Cohamacu yare yahu mūhtaina cjiri cāhū ti yahurirore sā bocahi. Jesu Nazare macariro, José macuno tjira —nire tiro Natanaene.

46 —Nazarepure ne cāiro noariro mariahna —nire Natanae.

—Ñui taga mūhu —nire Felipe.

47 Å yoa Jesu cahai to suchu ñuno Jesu sehe õ sehe nire Natanaene:

—Ahriro mipu tariro potocāta noariro judio masuno waro jira. Tirore mahñoa ne mariahna —nire Jesu Natanae sehere.

48 To ã nichu tūhoro Natanae sehe tirore õ sehe ni siniture:

—¿Dohseacu yuhure noano masijari mūhu? —nire.

—Felipe mūhure to pjipto pano, higueracu docai mū jichu ñuhi yuhu mūhure —nire Jesu.

49 To ã nichu Natanae sehe tirore õ sehe nire tjoa:

—Buheriro, potocāta mūhu Cohamacu macuno jira. Mūhu Israe masa sā Puhtoro cjihto jira —nire Natanae.

50 To ã nichu tūhoro õ sehe ni yuhure Jesu:

—Higueracu docai mūhure yu ñuhire masicu yuhure “Cohamacu macuno jira”, ni wacu tuara mūhu. ¿Títa mūhure ã masichu yoajari? Ahri mūhure yu ñuri yuhdoro Cohamacu tuua mehne yoa ñoihca yuhu. Yu ã yoa ñochu ñuhihca mūhu —nire Jesu Natanaene.

51 Å ninota õ sehe ni yahu namore:

—Potocāta mūhure niita niya. Yuhu masuno Cohamacu warocariro tjiya. Muñopu parí muñachu Cohamacu to yaina anjoa yu bui ti duji tachu, ti muñachu cāhure ñuhihca mūhu —nire Jesu tirore.

Caná wama tiri macapu ti wamomaca dāhteropu Jesu wahaha

2 1 Tia dacho baharo Canái Galilea yahpai jiri macai wamomaca dāhteri bose nūmū jire. Å jiro Jesu pocoro tí wuhupu jire. 2 Jesu mehne sāre to buheina cāhure wamomaca dāhteropu pjirocare tina. 3 Ti bose nūmū macaa vino pihtichu Jesu pocoro tirore õ sehe ni yahure:

—Mipure vino pihtia wahare —nire ticoro Jesure.

4 To ã nichu tūhoro Jesu õ sehe nire:



—Inō, ¿dohseaco taco tíre yahure yahujari māhū? Masa yahure ti masihto dūhsasinina mini —nire Jesu to pocorore.

5 To ã niri baharo to pocoro sehe ti cahamacare õ sehe ni dutire:

—Yá macu to dutiriro sehetá yoaga —nire ticoro.

6 Tí pjapure sã coyea judio masa Cohamacu yare yoaa taa masare ti pjacurire ã cosarucunoca dutia tire. Á yoa tí wāhui seis situ pari tāa mehne ti yoaa situ pari co posa tia situ pari jire. Tí situ pari Cohamacu yare yoaa taa ti cosaa co posa tia pari cjiri jire. Tí situ parire cincuenta a setenta litro posa mu sure. 7 Tóti ti jichu ñuno tí wāhui macaina cahamacare õ sehe ni dutire Jesu:

—Ahri situ parire co mehne pio sää namoga wahpaa pari ti wahahto sehe —nire Jesu.

To ã nichu tina sehe noano wahpo dapo pahñonocare ti parire.

8 Ti ã yoari baharo Jesu tinare õ sehe ni dutire tjoa:

—Mipare tí core wa na, wuhu macarirore waga —nire.

To ã nichu tahoá tí core wa na, wuhu macarirore ware.

9 Ti ã wachu tiro sehe tí core vino to wahachu yoaa core sihni ñure. Tí core nohoi to tarirore masierare tiro. To ã masierapachuta to cahamaca tí core waina sehe masire. Wuhu macariro ã masieraro wamomaca dñhterirore pjiroca,

10 õ sehe ni yahure:

—Paina masa noaa core vinore wa muhtana. Masa ti noano sihniri baharo ña curea core wara tina. Muhu sehe noaa core wihbo, baharo curero tí core ware sãre —nire wuhu macariro wamomaca dñhterirore.

11 Canái Galileai jiri macai Jesu core vino to wahachu yoari cjiri coã to bajuamehne ducari jire. Ñ yoaro painare to tuaare ñore Jesu. To ã ñori baharo sã to buheina tirore wacu tuai.

12 Baharo Jesu to pocorore, to bahanare, sãre to buheina cöhure Capernaupu suho sure. Tóph suna, mahaa dachoricã tjuasinii sã.

Jesu Cohamacu wuhupure suha

(Mt 21.12-13; Mr 11.15-18; Lc 19.45-46)

13 Pascua jichu judio masa sã bose nãmuri cjihti mahanocã duhsatjähre. Ñ jiro Jesu Jerusalépü sure. 14 Tóph shro tiro Cohamacu wuhupu sãa shro, wachuare, ovejare, bujaare duainare boca shre. Tuhsu, niñerure cohtotaina ti mesaripu ti dujichu tina cöhure boca shre. 15 Ñ boca shro yuta dari mehne tjanari da yoa, tinare jipihtinare sopacapu tjana nãnu wionocare. Oveja, wachua cöhure tjana nãnu wionocare tiro. Ñ yoa niñeru cohtotaina ti mesarire na majareroca doca cünocare. Ti niñeru turi cöhure doca sitenocare. 16 Ñ yoa tuhsu bujaare duainare õ sehe nire:

—Muña bujaare na wijaahga. Yü Puchu ya wuhure pache duari wuhu yoaena tjiga —nire Jesu tinare.

17 To ã yoachu ñuna sã to buheina sehe Cohamacu yare ti joari püi to niri cjirire wacui: “‘Cohamacu, mu wuhure tuaro cahija. Ñ cahicu mu wuhure ñano ti yoachu ñicu tuaro cahyaja yuhu’, ni joaa tiha Cohamacu yare ti joari püi”, ni wacui sã Jesu buheina.

18 Jesu to ã yoari baharo sã coyea judio masa puhtoa tirore õ sehe ni siniture:

—¿Dohseacu muhu ahrinare Cohamacu wuhupure jiinare cohā wiori? Cohamacu muhure tīre yoa dutiriro to jichu Cohamacu tuaa mehne yoa ñoga muhu sā ñuhti cjihtire —nire tina Jesure.

19 Ti ã nichu Jesu õ sehe ni yuhtire:

—Ahri wuhure musa cohāchu tia dacho wahaboroi tuhsuhtja yuhu —nire Jesu tinare.

20 —Tia dacho mehne ahri wuhure tuhsusi muhu. Cuarenta y seis cuhmari waro ti yoari wuhu jira ahri wuhu —nire tina Jesure.

21 To ã nichu tina tirore noano tuhoerare. Jesu “Ahri wuhure” nino, to pjacure nino niri jimare.

22 Æ yoa to yariari baharo, to masa wijaari baharo sā to buheina sehe to niri cujirire wacūna, Cohamacu yare ti joari pure Jesu to yahuri cuhure “Tí potocu tjira”, ni wacui sā.

Jipihtina ti wacūare Jesu masina

23 Pascua bose numuri jichu Jesu Jerusalupu jire. Tóí to jichu masa payu Cohamacu tuaa mehne to yoa ñochu ñua tirore wacu tuare. **24** Ti ã wacu tuapachuta Jesu masa ti wacūare noano masino, “Yuhure ã wacu tuarucuahca”, ni tuhotueraha. **25** Tiro masa ti tuhotuare noano masire. Æ masino masa ti tuhotuare painare ne sinitu ñuerare.

Jesu Nicodemore yahuha


3 ¹ Tí macai Nicodemo wama tiro, judio masa puhtoa mehne macariro jire. Tiro fariseo curua macariro jire. ² Cu ñami tiro Jesu cahai ta, tiro mehne õ sehe ni suhuduri jire:

—Buheriro, muhu Cohamacu to buhe dutiro to warocariro mu jichu sā masija. Muhu payu tahari Cohamacu tuaa mehne yoa ñona. Cohamacu muhure to yoadohoerachu, muhu sehe to tuaa mehne ne ã yoa ñoaeraboa —niri jire Nicodemo Jesure.

3 To ã nichu tuhoror Jesu sehe õ sehe ni yahuri jire:

—Potocu muhure niita nija. Pari turi masa bajuariro yoaro sehe wahariro dihta mari puhtoro Cohamacu mehne ji masina —niha Jesu.

4 —Cuenah. ¿Bucuro sehe dohse yoa pari turi masa bajuabocari tiro? To pocoro niji suhtiropu majare sāa, pari turi bajua masieraboca tiro —niri jire Nicodemo.



To ã nichʉ tʉhoro Jesu õ sehe ni yʉhtiri jire tjoa:

5 —Potocā niita njia mʉhʉre. Co mehne, Espíritu Santo to tuaa mehne pari turi masa bajuariro dihta mari pʉhtoro Cohamacʉ mehne ji masina. 6 Numia nijipocosanumia jia, macanacāre masa bajuachʉ yoara. Espíritu Santo sehe masare Cohamacʉ pohna jichʉ yoara. 7 “Pari turi masa bajuariro yoaro sehe wahariro dihta mari pʉhtoro Cohamacʉ mehne ji masina”, yʉ nichʉ, tʉho wisiecʉ tjiga. 8 Espíritu Santo masare Cohamacʉ pohna to yoachʉ wihnono yoaro sehe jira. Wihnono to tarirope tara. To taro coa tachʉ mari tʉhoja. A tʉhopanahta to tarirore, to waharirore ne masieraja. Tó sehetra yoara Espíritu Santo masare Cohamacʉ pohna jichʉ yoaro —niri jire Jesu Nicodemore.

9 —Mʉ niare noano masieraja —niri jire Nicodemo.

10 To ã nichu tñohoro õ sehe niri jire Jesu:

—Mñhu judio masare buheriro jipaihta, ¿dohseachu yu niare tñoherajari? **11** Potocã mñhure niita nija. Sã masirire, sã ññurire sã yahuja. Sã ã yahupachuta ne mñsa sã coyea judio masa ne tñho duaerare. **12** Ahri yahpa macaa mehne masa ti masa bajuari mehne mñhure piti dahre yu buhe mñhtarire “Potocã tjira”, nierara mñsa. ã nierana piti dahre buhero marieno Cohamacu yare yu yahuchu cñhure “Potocã tjira”, nisi mñsa.

13 'Ne cñiro mñanopu Cohamacu cahapu wahariro ne pari turi tjua tasi. Yuhu masuno Cohamacu warocariro yuhu dihta mñanopu jiriro ahri yahpapu tahi. (Ã jicu yuhu dihta Cohamacu yare mñsare yahu masija.) **14** Panopure masa marienopu Moise cjiro bronce wama tiri comaa mehne ti yoariore agäre yucucu ti dapodu sohtoapu duhu õ daphoa. Yuhu cñhure masuno Cohamacu warocarirore tiro agäre to duhu õ daporiro seheta yuhu cñhure duhu õ dapoahca. **15** Yuhure ti ã yoari baharo jipihtina yuhure wacu tuaina jipihtia dachoripe Cohamacu mehne ã jirucuahca —niri jire Jesu.

Cohamacu jipihtinare cahïna

16 Ñ ni tuhsu õ sehe ni namori jire Jesu:

—Cohamacu jipihtina ahri yahpa macainare tuaro cahïna. Ñ jiro yuhure to macunore cñirota jirirore Cohamacu warocare jipihtina yuhure wacu tuaina pichacapu ti wahaerahto cjihtore. Ñ jia Cohamacu ya catia mehne ã catirucuahca tina.

17 Cohamacu yuhure to macunore masare buhiri dahre dutiro warocaerare ahri yahpapure. Masare pichacapu wahaborinare yuhdchuh yoahtiro cjihto sehere yuhure warocare.

18 'Yuhure Cohamacu macunore wacu tuainare ne buhiri dahresi Cohamacu. Yuhure wacu tuaeraina pinihare Cohamacu buhiri dahre duti tuhsure. Masa yuhure Cohamacu macunore cñirota jirirore ti wacu tuaerari buhiri buhiri dahrerohca tinare.

19 Yuhu Cohamacu macuno ahri yahpapu tacu buhriaro to noano marine to ñu masichu yoaro seheta Cohamacu yare noano masichu yoaja. Yu ã masichu yoapachuta, yuhure wacu tuaeraina sehe yuhure cahmaerara. Ti ñaa yoaa sehere noano cahmana. Ti ã cahmari buhiri tinare buhiri dahre duti tuhsure.

20 Jipihtina ñaare ã yoarucuina baro ti ñaa yoaa duhu duaerara. Ñ jia buhriaro to bajuro dahrero seheta ti ñaa yoarire

“Bajuro dahreri” nia, yuhure cahmaerara tina. **21** Quihōno yoaina sehe yuhure, yu buhea cuhure cahmana. Cohamacu yoadohoro mehne to yare ti yoaare yu noano bajuro dahrechua buo tierara tina. **22** A jia yuhure buhriaro yoaro sehe jirirore cahmana —ni yahuri jire Jesu.

Pari turi João masare bautisariro Jesure yahuha

22 Baharo Jesu sāre to buheinare Judea yahpapu suho wahare. Tópū sūro tó macaina mehne mahaa dachoricā tjua, tinare bautisare. **23** João cūhu masare bautisaro niha Enón wama tiri macai. Enón Salim wama tiri maca cahai jire. Tói dia jire. Tói dia jichu João bautisaro niha masare. **24** Tirore ti peresu yoahito pano Enóni masare bautisaro niha João.

25 Tí pjare João buheina mehne macaina mahainacā judio masuno mehne bautisaa macaare durucua niha. **26** A jia tina João cahapu sua, tirore ò sehe ni yahuha:

—Buheriro, Jordão sie coapu mūhu mehne jiriro “Tiro tjica”, mu niriro sehe mipure masare bautisaro nina. To ayoachu jipihtina tiro cahapu dihta wahara —niha tina João.

27 Ti a nichu tūhoro João ò sehe ni yuhtiha:

—Tiro tuariro to jichu Cohamacu sehe tirore a jichu yoariro jira. **28** “Cristo jieraja”, yu nichu tūhore mūsa. A jierapaihta to pano to waroca muhtariro jija yuhu. **29** Cristo mehne masa ti wahachu nūcu tuaro wahcheja. Ó sehe jira tí: Wamomaca dūhtericoro to manuno mehne jiro wahara. Wamomaca dūhtehtirore cohtariro sehe dūhtehtiro to namo tichu nūno to durucuchu tūhoro tuaro wahchera. A jichu yuhu wamomaca dūhtehtirore cohtariro to wahcheriro sehetra Cristo mehne masa ti wahachu nūcu tuaro wahcheja. **30** Cristo sehere wacū tuaro cahmana masare. Yuhu sehere wacū tuaeraro cahmana masare —ni yuhtiha João.

Cohamacu macuno mūanopu tariro jira

31 A ni tuhsūro ò sehe ni namoha João:

—Mūanopu tariro jipihtina yuhdoro tuariro jira. Ahri yahpapu jiina jina ahri yahpa macaina jija mari. A jina ahri yahpa macaare durucuja mari. Mūanopu tariro sehe jipihtina yuhdoro tuariro jira. **32** To nūri cjirire, to tūhori cjirire tiro yahura. To a yahupachuta to yahuare masa sehe ne tūho duaerara. **33** Mūanopu tariro to yahuare masa tūhoa, tīre

cahmaa, "Cohamacu potocā niro jira", nia nina tina. ³⁴ Ahriro Cristore Cohamacu warocariore Espíritu Santo ya tuaare cū pahñona Cohamacu. Ñ jiro tiro Cohamacu ya durucuare yahura. ³⁵ Cohamacu to macunore tuaro cahña. Ñ jiro jipihtina bui ti puhtoro ji dutire to macunore. Jipihtia puro ji dutire tirore. ³⁶ Cohamacu macunore wacū tuaina sehe Cohamacu catia mehne ã catirucuahca. To macunore cahmaeraina sehe Cohamacu catia mehne jisi. Ñ jiro Cohamacu tinare tuaro buhiri dahrerohca —niha João.

Jesu Samaria macaricoro mehne durucuha

4 ¹ Jesu João yuhdoro payu buheinare to cjachu João yuhdoro masare to bautisachu fariseo curua macaina tñhorocaha. ² Ti ã tñhorocapachuta Jesu sehe to basi masare bautisaerare. Sã to buheina sehe masare bautisahi. ³ Fariseo curua macaina ti ã masichu tñhoro Jesu sehe Judea yahpai jiriro Galilea yahpapu sãre suho tjuaa wahare.

⁴ Tópu wahana Samaria yahpare su yuhdu wahcãna tana nihi sã. ⁵ Ñ yuhdu wahcãna Samaria yahpai jiri macapu Sica wama tiri macapu suhi. Tí maca cahai panopu macariro Jacobo cjiro to macuno José cjirore to wari yahpa jire. ⁶ Tói Jacobo cjiro co to naari copa jire. Ñ yoa Jesu sehe yoaropu tariro cjiro jiro, tiro wahya yuhduaro tí copa duhtu cahai nuju sure. Tí pja tói to so nuju suri pja cohari pja waro jire. ⁷⁻⁸ Sã to buheina sehe macapu chuare sã nuchuna wahari baharo cñirota tiro tói tjua nuju sure. Ñ so nuju suro Samaria macaricoro tí copapu co waro to wihichu Jesu ticorore core siniha:

—Core waga yuhure —niha.

⁹ —Muhu judio masuno jira. Yuhu sehe Samaria macaricoro jija. ¿Dohseachu yuhure core sinijari muhu? —niha ticoro Jesure. Judio masa Samaria macainare ñu tuhtiina jira. Ñ jiro ticoro ã niha.

¹⁰ To ã niri baharo Jesu ticorore õ sehe ni yahuha:

—Muhure Cohamacu to yoadoho duarire masico, muhure core sinirirore masico, muhu yuhu sehere siniboa. Mu ã sinichu paye co sehere waboa yuhu. Tí co sehe catichu yoara —niha Jesu ticorore.

¹¹ To ã nichu tñhoro ticoro õ sehe ni yuh*ti*ha tirore:

—Ne māhure situ mariahna. Wiho mejeta ahri copa cāri copa jira. ¿Ā jicu ahri catichu yoaa core nohopu wabocari māhu? 12 Mari nāchus cjiro Jacobo panopu macariro ahri copare marine cūa tiha. Tiro, to pohna, to nuina cūhu ahri core sihnia tiha. “Paye core waboa yāhu” nīcu, ¿Jacobu yāhdoro masiriro jijari māhu, ā ni tāhotuchu? —niha ticoro.

13 To ā nichu Jesu ò sehe ni yāhtiha:

—Jipihtina ahri core sihniina, pari turi nāhma yapioahca. 14 Ya co sehore sihniina ne pari turi nāhma yapiosi. Ā jia ya core sihniina Cohamacu mehne ā jirucuahca. Ma pohtapu co to ā wijaarucuro seheta ya co ne pihtisi —niha Jesu.

15 To ā nichu tāhoro numino sehe ò sehe niha:

—Ne pari turi yā nāhma yapioerahto sehe tí core waga yāhure. Ā jico pari turi ne ópore co wasi —niha ticoro.

16 To ā nichu Jesu ticolorore ò sehe ni yahuha:

—Tí pja pinihta mu manure pjico wahaga. Pji tuhsu ópue taga tiro mehne —niha Jesu ticolorore.

17-18 —Manu marienicoro jija yāhu —niha ticoro.

—Potocāta nimana māhu. Māhu cinco tahari manu ti tuhsūmare. Tuhsu, mipure māhu mehne jiriro mu manu jierara. Ā yoa “Manu marienicoro jija” nico, potocāta nimana māhu —niha Jesu ticolorore.

19 To ā nichu tāhoro ò sehe niha ticoro:

—Ne, Cohamacu yare yahu māhtariro jira māhu, yā tāhotuchu. 20 Sā nāchus māma cjiri ahdu tācups Cohamacure ño payoa tiha. Ā jina māsa sehe judio masa “Jerusalēi Cohamacure ño payoro cahmana masare”, nia tire māsa judio masa —niha ticoro.

To ā nichu Jesu ò sehe ni yāhtiha:

21 —Numino yāhure tāhosiniga. Baharopu ahdu tācui, Jerusalēpu cāhure mari Pāchre ño payosi māsa. 22 Māsa sehe māsa ño payorirore masierara. Masare yāhduchu yoahistro judio masūnota jira. Ā jina sā judio masa sehe sā ño payorirore masija. 23 Mipure baharopu cāhure Cohamacure potocā ño payoina ti noano tāhotua mehne tirore ño payoahca. Tó sehe mari ño payochu cahmana Cohamacu. 24 Cohamacu pjacu marieriro to jichu masa tirore nāherara. Ā jia tirore ño payoa, ti noano tāhotua mehne tirore noano potocā ño payoro cahmana masare —niha Jesu.

25 To ā nichu ticoro ò sehe ni yāhtiha:

—Mesia, “Cristo” ti niriro sehe masare yahuduchu yoahiro, to tahti cjihtire masija yahua. Tiro taro, marine jipihiare buhe pahñonohca —niha ticoro.

26 —Yahuta jija Cristo —niha Jesu ticonore.

27 To ã ni yahuchu waro wihina sã to buheina sehe Jesu numino mehne to durucuchu ñuna, cuaa wahai. Ñ cuaapanaha “¿Dohse cahmajari mahu? ¿Dohse nii njari mahu ticonore?” ni sinitu ñherahi. 28 Ñ jiro numino to siture todi duhu daponoca, macapu waha, masare yahuro, õ sehe niha:

29 —Yü yoari cjirire yahu pahñorirore ñuna taga musa.

Tiro potocata Cristo jiboca pa tehe nino —niha ticoro.

30 To ã nichu tahoá tí maca macaina sehe Jesure ñua taa nire. 31 Tí pjare sã Jesu buheina sehe tirore tuaro chu dutimai:

—Buheriro, chuga —nimai sã.

32 —Soro jia chuare cjaja yahua. Tíre musa masierara —nire tiro.

33 To ã nichu tahoma sã basi õ sehe ni durucui:

—¿Paina tirore chuare wa tuhsuari? —nii sã basi.

Sã ã nichu Jesu õ sehe ni yahure:

34 —Masa sehe chu ji coara. Yuhure warocario to cahmaare yoacu ji coaja yahua sehe to yoa dutiriro sehetia yoa pahñocu tacu. 35 “Cuatro súri dñhsara dicha naahto”, wese puro to niriro sehetia musa sehe ni tñhotuena tjiga. “Cohamacu yare sã yahuhto dñhsasinina”, ni tñhotuena tjiga. Potocá niita nija mûsare. Mipu pinihtare masare ñuga. Dicha tichu musa naari pja to jiriro sehetia, mipu pinihta masa yu buheare ti tñhohti pja jiro nina. 36 Toaa dichare naainare ti wapariro sehetia yu yaina cjihti naainare yu yare buheinare ti ã yoari wapa tinare noano yoaihtja yahua. Ti ã buhechu tahoá yu buheare tñhoina yu yaina sehe Cohamacu mehne jipihtia dachoripe jirucuahca. Ñ jia tinare buhe mûhtaina, baharo yu yaina jichu yoaina cûhu cûno potori wahcherucuahca. 37 “Cûiro toa mûhtariro jira. Pairo sehe toaa dichare nariro jira”, nia tiha panopu. Tí potocâ tjira. Ti ã niriro sehetia caina yu yare yahu mûhtaina jira. Paina sehe yu yare buhe yu yaina jichu yoaina jira.

38 Wese puro to yaina dahraina toaeraina ti jipachuta to toaa dichare tinare naa dutiro warocaria. Tó sehetia masare buhe mûhtaeraina musa jipachuta yu yaina cjihti yoa duticu warocaja mûsare. Paina sehe tinare buhe mûhta tuhsure. Ti buherinapure pari turi buhe namona, yu yaina jichu yoanahca

musa sehe. Å jina buhe m̄htaina sehe ti yoadohoro mehne painare yu yaina jichu yoanahca musa —nire Jesu.

39 Tí pjare Samaria macaricoro “Yu yoari cjirire tiro yahu pahñore”, to ã nichu t̄hoa Samaria macaina payu Jesure wacu tua, tirore cahmaha. 40 Å jia Samaria macaina Jesu cahai sua, “Sã mehne tjuasiniga”, nire tirore. Ti ã nichu sã cöhü tiro mehne pua dacho tó tjuasinii. 41 Paina cöhü payu Jesure t̄hoa cahmare tirore. 42 Õ sehe nire masa numinore:

—Wahmanopure mu yahurire t̄hona, Jesure cahmahi. Mipu pinintare Jesu to durucuare t̄hona tirore wacu tuana, tirore cahmaja. Å jina tiro sehere t̄hona ahri yahpa macainare pichacapu wahaborinare yuhdachu yoariro potocä to jichu mipu sã masija —nire masa Samaria macaricorore.

Puhtoro macunore dohatirirore noariro wahachu yoaha Jesu

43 Pua dacho baharo Jesu sãre Galilea yahpapu sôho wahare. 44 Wahmanopure õ sehe nia tire tiro: “Cohamacu yare yahu m̄htarirore to ya yahpa macaina tirore ño payoerara. Å jia yuhure ño payoerara õ macaina õi yu bchiariro jichu”, nia tire Jesu. 45 Å jia Galileapu to suchu tó macaina tirore noano piti bocare. Tó pano Jerusalëi bose nûmhi Jesu Cohamacu tuaa mehne to yoachu ñuerina jire tina.

46 Å yoa Canápu Galileai jiri macapu core vino to wahachu yoari macapu wahaa wahai sã tiro mehne. Caná cahai jiri macai Capernau wama tiri macai jipihtina bui puhtoro docai jiriro puhtoro macuno dohatiro niha. 47 Tuhsu, Jesu Judeapu jiriro Galileapu to suchu puhtoro t̄hoha. Tíre t̄horo Jesu cahapu wihire:

—Yu macu yariaro nihre. Å yoa tirore noariro wahachu yoai taga —ni tuaro mehne pjire tirore.

48 To ã nichu t̄horo Jesu õ sehe ni yuhire:

—Cohamacu tuaa mehne yu yoachu ñuerana, ne yuhure wacu tuaerara musa —nire Jesu tirore.

49 To ã nichu puhtoro sehe õ sehe nire:

—Puhtoro, yu macu to yariahto pano taga —nire tiro Jesure.

50 —Tjuaahga. Mu macu catica —nire Jesu.

To ã nichu t̄horo, “To niriro seheta catirohca yu macu” nino, puhtoro tjuaahga wahare. 51 Å tjuaarucurirore to cahamaca tirore piti boca, õ sehe ni yahuha:

—Mu macu catihre —ni yahuha tina tirore.

52 —¿Noho waroi sū jichū noariro wahari tiro? —ni sinituha tiro to cahamacare.

—Canhre cohari pja baharocā juaro suruhre tirore —niha tina.

53 Ti ã nichū tāhoro õ sehe ni tāhotuha tiro: “Jesu yāhure to ã ni yahuri pjaihta juaro surua wahari jire”, ni tāhotuha pūhtoro sehe. “Potocāta nino niri jira yāhure” nino, tiro jipihtina to coyea mehne Jesure wacū tuaha.

54 Jesu Judea yahpapū jiriro Galilea yahpapū to sūri baharo pūhtoro macunore noariro to waharire mari quihōchū pūa taha Cohamacū to tuaa mehne yoa ño tuhsure Jesu.

Tini masierarirore noariro wahachū yoaha Jesu

5 1 Baharo judio masa Cohamacre sā ño payori bose nūmūri jichū Jesu Jerusalēpū sūre tjoa. 2 Tóí oveja wama tiri sopaca cahai cuhsūri copa jihre. Sā judio masa ya mehne nia Betesda wama tiri copa jihre. Tí copa cahai cinco tihamahnoera tahti poca jihre. 3 Tí tahti pocai payū dohatiina coāre. Capari ñueraina, cū būhusehe dahporo ñaina, pjacū būhaina tina tí copa cahai jia, [co ñuhmi múa mūjanore cohtaa nire. 4 Tópū buharo tí copa macaa core cāa tahari ñuhmichū yoa mūjare anjo. Tí copa macaa co ñuhmiri baharo ña mio mūhtariro sehe dohse jiare dohatiare cjāriro noariro wahare.] 5 Æ yoa tóí treinta y ocho cūhmari waro dohatiriro jire. 6 Tóí to coāchū ñuno to ã yoari pja dohatiriro jichū masire Jesu tirore. Æ masino tirore õ sehe ni siniture:

—¿Pjacū dohatia marieriro ji duajari mūhū? —nire Jesu.

7 To ã nichūta dohatiriro õ sehe ni yāhtire:

—Tí co to ñuhmichū yāhure co jiri copapū naboriro mariahna. Tí copapū yū ña mio duapachūta paina sehe yū pano ã ña mio mūhtarucura —nire tiro Jesure.

8 —Wahcārūcaga. Mū coāri cahsarore naa, wahaga —nire Jesu tirore.

9 To ã nichūta dohatiriro sehe to coāri cahsarore naa, ducu dūcare. Tí dacho Sabado judio masa sā sori nūmū jire. 10 Tí dachoi Jesu to ã yoachū ñua judio masa sā pūhtoa sehe dohatiriro cjirote õ sehe ni yahuha:

—Michare Sabado dacho mari sori nūmū jipachūta mū coāri cahsarore naahna mūhū. Æ yoachū mari dutiare yāhdūrūcái nina mūhū —niha tina tirore.

11 —Yuhure yu dohatiare cohāiro sehe õ sehe nire yuhure: “Mu coāri cahsarore na, wahaga”, nire tiro yuhure —ni yuhitiha dohatiriro cjiro.

12 —¿Tire muhure ã niriro sehe diro baro jijari tiro? —ni sinituha tina.

13 Tói masa payu ti jichu ñuno Jesu sehe waha tuhsuha. Ā jiro dohatiriro cjiro sehe tirore noariro wahachu yoarirore to wamare masieraha. 14 Baharo Cohamacu wuhui Jesu tirore piti boca, õ sehe ni yahure:

—Tuhosiniga muhuhu yuhure. Mipure noano pjacu tira muhuhu. Ñaare yoa namoi tjiga. Pari turi ñaare yoa namocu mu dohatiriro yuhdoro wahaihca muhuhu —nire Jesu tirore.

15 To ã niri baharo dohatiriro cjiro sehe sā judio masa puhtoa tirore sinituina cjiri cahapu sru, õ sehe ni yahuha tinare:

—Jesu wama tiro yuhure noariro wahachu yoahre —ni yahuha tiro.

16 Ā yoa Sabado jichu Jesu dohatirirore to dohatiare to cohachu masia judio masa sā puhtoa sehe tirore ñu tuhtia, yahusaa dua ducare.

17 Ā tirore ti yahusaa duachu masino Jesu sehe õ sehe ni yahure tinare:

—Yu Puchu mipure dahrasinina. Yuhuhu cuhuhu dahrasinii nija —ni yahure tirore yahusaa duainare.

18 To ã nichu judio masa sā puhtoa sehe tiro mehne tuaro suua, tó pano ti niriro yuhdoro tirore wajā duare. Sabado dachore sā sori nūmure cūirore to noariro yoachu ñua tina suare. Ā suua tiro Cohamacure “Yu Puchu” to nichu tūhoa, tina sehe tó pano ti niriro yuhdoro sua namoha tjoa. “ ‘Yuhuhu Puchu’ nino, Jesu to basi ‘Cohamacu mehne cūno potori jija’, ni wacūca tiro”, ni tūhoture judio masa sā puhtoa.

Jesu Cohamacu to warocariro jira

19 Ā yoa Jesu tinare õ sehe ni yahure:

—Potocā mūsare niita nija. Yuhuhu, Cohamacu macuno, yu mu sru yoaeraja. Yu Puchu to yoarire ñiacu, tire yoaja. 20 Yu Puchu yuhure, to macunore, cahīna. Ā jiro to yoarire yuhure ño pahñona. Ahri mipu to tuaa mehne yu yoari yuhdoro tiro payere yoa dutirohca yuhure. To ã yoa dutichu to tuaa mehne

yoa ñoihca yuhu. Ñ jina ñu cuanahca musa. 21 Yu Pucu yariarinare to masoriro sehetu yuhu cuhu yu cahmainare masohtja. 22-23 Ne yu Pucu sehe masa ti ñaa buhirire buhiri dahreriro jierara. Yuhu sehere tñre ti ñaa buhirire buhiri dahrehtirore cüre yu Pucu. Jipihtina masa tirore ti ño payoriro sehetu yuhu cuhure ti ño payohti cjihtire buhiri dahrehtirore cüre yuhure. Yuhure to macunore ño payoerana yu Pucu cuhure ño payoerara musa. Tiro jira yuhure warocariro —nire Jesu.

24 Ñ ni tuhsu õ sehe ni yahu namore:

—Potocäta musare nii nija. Yu durucuare tñhoina yuhure warocarirore wacu tuaina jipihtia dachoripe muanopu ñ jirucuahca. Ñ jicu tinare buhiri dahresi yuhu. Ñ jia tina pichacapu wahaborina yuhuahca. 25 Potocä musare niita nija. Pichacapu wahtina yuhure Cohamacu macunore ti tñhohti pja mipu jira. Baharopu cuhure yuhure tina tñhoahca tjoa. Ñ tñhoa tñho nññina sehe Cohamacu mehne ñ jirucuahca. 26 Cohamacu yu Pucu sehe ñ jirucuchu yoariro jira. Ñ jiro yuhure to macunore ñ jirucuchu yoahiro ji dutire tiro yuhure. 27 Ñ jicu yuhu masuno Cohamacu to warocariro yu jichu tiro masare buhiri dahrehtirore cüre yuhure. 28 Ahrire tñhona, tñho cuaena tjiga musa. Pa dachopure jipihtina yariaina masa coparipu jiina yu durucuchu tñhoahca. 29 Ñ tñhoa, noaare yoaina cjiri jipihtia dachoripe Cohamacu mehne jihtina cjichti masa mujaahca. Ñaare yoaina cjiri sehe ñaare ti yoari buhiri pichacapu wahaahca —ni yahure Jesu.

30 Ñ ni tuhsu õ sehe ni yahu namore:

—Yuhu yu mu suo ne yoeraja. Ne yu basi yu cahmano yoa duaeraja. Yuhure warocariro to dutiriro sehetu yoa duaja. Ñ jicu to niriro sehetu buhiri dahreja. Tuhsu yuhu masare buhiri dahrecu quihönota yoaja. 31 “Yuhu tuariro jija”, yu ni yahuchu “Mu yahua ne quihöno jierara”, ni masiboca musa. 32 Pairo jira yuhure yahuriro. Tiro João sehe masare yahure yuhure. Masare yuhure to yahuri cjiri quihöno tjira. Tíre yuhu noano masija. 33 Musa paina sehere Joäopure yuhure sinitu dutina warocare. Ñ jiro potocäta yahure tiro musare. 34 “Cohamacu macuno jira ahriro”, yuhure ni yahuhtinare macaeraja. Ñ macaerapacuta João masuno to jipachuta yuhure “Cohamacu macuno jira”, to ni yahurire yahui nija. Musa

yuhure wacū tuahti cjihtire, mūsa pichacapū wahaborina mūsa yuhduhti cjihtire yuhure Joāo to yahurire yahui nije. 35 Sihāria mahaa dachoricā to nū masichū yoaro sehetā Joāo mūsare buhe muhtano mahanocā to catiro puro mūsare masichū yoare. To ā buhechū tūhona mahaa dachoricā wahchere mūsa. 36 Yū jia tiare to ā buhepachūta Cohamacū sehe yū jiare noano yahura. To ā yahuchū Joāo yū jiare to yahua yuhdoro jira Cohamacū ya yahua. Ā jicū Cohamacū to tuaa mehne yuhure to yoa dutiri cjurire mipū yoai nije. Ahrire yū yoachū nūna potocāta Cohamacū to warocariro yū jiare masina mūsa. 37 Ā yoa yū Pūcū yuhure warocariro to basi “Tiro yū warocariro jira”, ni yahura mūsare. To ā ni yahupachūta to durucuare ne tūhoerare mūsa. Ā jina mūsa tirore ne masierare. 38 Yuhure Cohamacū warocariore mūsa ne tūho duaerare. Ā jina mūsa Cohamacū yare ne cahmaerare. 39 Cohamacū yare ti joari pūre mūsa buhena, “Mari ahri pūre buhena jipihtia dachoripe Cohamacū mehne ā jirucunahca”, nina mūsa. Tí pūita yuhure yahura. 40 Tí pū yuhure to yahupachūta mūsa sehe yuhure cahmaerara. Jipihtia dachoripe Cohamacū mehne mūsa ā jirucuhti cjihtire yuhure sini duaerara mūsa —ni yahure Jesu.

41 Ā ni tuhsū ò sehe ni namore:

—Yuhure mūsa ño payoerachū nūchū suaeraja yuhū sehe. 42 Mūsa sehe Cohamacure mūsa cahierachū masija yuhū. 43 Cohamacū yū Pūcū yuhure to dutiriro sehetā yū tapachūta mūsa yuhure cahmaerare. Pairo sehere Cohamacū tirore warocaerario to jipachūta to mū sūro to tapachūta tiro sehere cahmanahca mūsa. 44 Paina masa mūsare ti ño payochū cahmana mūsa. Cohamacū mūsa mehne to ji coachū cahmaerara mūsa. Tiro dihta Cohamacū waro jira. Ā cahmaerana yuhure tūhoerara mūsa. Yuhure wacū tuaerara. 45 Mūsare yū Pūcūpūre ne yahusāsi yuhū. Tíre masiga mūsa. Moise cjiro to joari pū sehe mūsare yahusānohca. “Tí pū macaa dutiare mari yoa pahñona, Cohamacū cahai wahanahca”, mūsa niri pū sehe mūsare yahusānohca. 46 Moise cjiro to joari pūi yuhū sehere yahuha. Ā jina tí pūre “Potocā tjira” nina, yū yahua cūhure “Potocā tjira”, niboa mūsa. 47 Moise cjiro to joari pūre “Potocā tjira” nierana, yū ya durucua cūhure “Potocā tjira”, nisi mūsa —nire Jesu tinare.

Cinco mil bui masare ch̄ua waha Jesu
(Mt 14.13-21; Mr 6.30-44; Lc 9.10-17)

6 1 Å to buheri baharo yoa cureri pja baharo Galilea wama tiri b̄uc̄upariro pa b̄uhusehe coap̄ sā to buheinare Jesu sūho pahāa wahare. Tí taro pjiri taro pa wama Tiberia wama tire. 2 Tó pano Galilea yahpai Jesu Cohamac̄ tuaa mehne yoa ño, dohatiinare ti dohatiare to cohāch̄u masa ñ̄ua tire. Å jia Jesu to pahāch̄u ñ̄ua, masa payu tirore n̄um̄ ti pahāre. 3 Å yoa baharo tí taro d̄uh̄tu cahap̄u Jesu sāre sūho pahā su, t̄ic̄up̄u m̄ija, tu buip̄u sāre sūho dujire. 4 Tí dachore Pascua wama tiri bose n̄um̄ cjihto, sā judio masa ya bose n̄um̄ sūhti dacho cjihto mahaa dachoricā d̄uhsare. 5-6 Tóp̄u dujiro, Jesu payu masa to cahap̄u ti tarucuch̄u ñ̄ure. Å ñ̄uno Felipere õ sehe ni sinitu ñ̄ure:

—¿Ahrina masa ti ch̄ehti cjihtire nohop̄u nuchunahcari mari? —nire Felipere.

Jesu to basi to yoahrtire masiparota Felipere å sinitu ñ̄ure “¿Dohse ni yuhtirohcari?” nino. 7 To å sinitu ñ̄uch̄u t̄uhoro Felipe sehe õ sehe ni yuhtire:

—Ocho sūri posa dahra wapataa niñ̄eru mehne ch̄are mari nuchupach̄uta masare cāinare daacā ch̄are mari witipach̄uta ne m̄u susi —nire Felipe Jesure.

8 Å yoa pairo, sā mehne macario Andre, Simo Pedro bahuro sehe Jesure õ sehe ni yahure:

9 —Ahriro wahma wahm̄ua tariro cinco pāo curirire, å jich̄u wahi p̄uarocā cūh̄ure cjhara. Wiho mejeta masa sehe payubia jira. Å jiro ahri mahancā ch̄ua ne m̄u susi —nire Andre.

10 To å niri baharo:

—Masare duji dutiga m̄usa —nire Jesu sā to buheinare.

Tói daacā tja jiro jire. Sā duji dutich̄u masa nuju s̄u pihtiare tja bui. Tina m̄ua dihtare sā quihöch̄u cinco mil wahtaroi jire.

11 Ti å nuju s̄uch̄u ñ̄uno Jesu sehe pāore na, Cohamac̄ure “Noana”, nire. Å ni tuhsuropa sāre to buheinare witi dutire. To å dutich̄u sā sehe tói dujiinare witi wahcāi. Tuhsu, p̄uaro wahi cūh̄ure witihi tinare. Jipihtinare noano ti ch̄u duaro puro ch̄are tinare witihi. 12 Baharo masa sehe yapi yuhd̄ua wahare. Ti å yapi yuhd̄uach̄u ñ̄uno Jesu sāre õ sehe ni yahure:

—Ti ch̄u d̄uharire noano saa cahmachu pahñoga. Å yoana ti ch̄u d̄uhaare ne bosí —nire.



13 To ã nichu tñhona sã sehe cinco pão curiri dñhsarire sã saa cahmachuchu doce puhuse waro wijare. 14 Ñ jia Jesu tíre to tuaa mehne to yoá ñochu ñua, masa sehe õ sehe nire:

—Potocäta jira. Ahriro Cohamacu yare yahu mñhtariro ahri yahpapu “Taroohca”, ti niriro mari cohtariro tjira —nire tina.

15 Ñ jia tina Jesure ti pñhtoro jihtiro cjihtore ñaha sõ duamare. Jesu ti ã ni tñhotuare masino pari turi cñirota tñcñpu wahaa wahare.

Jesu co bui ducu wahcäha
(Mt 14.22-27; Mr 6.45-52)

16 Ñamichahapu sã to buheina bñcupariropu buhai.
17 Tópore buhu su, dohoriapu samu, Capernau wama tiri macapu majare pahäi. Tí pjare sã majare pahäri pjare ñamipu jire. Jesu sehe sã cahapu tju wiherasinire mini. 18 Sã ã majare pahäno watoi wiwnono tuaro säre tachu, pahcõri bñjua pahcõri wahcäre. 19 Sã cinco kilómetro sñboron waroi sã sñchus waro Jesu säre mu sure. Co buipu to tachu ñui sã. Ñ sã cahai to tachu ñua, sã sehe cha yñhdña wahacñru. 20 Sã ã cha yñhdñachu ñuno tiro säre õ sehe ni yahure:

—Cuiena tjiga. Yuhuta jija —nire Jesu.

21 To ã nichu tuhona sã wahchea mehne tirore piti boca samu dutihi. To samuri baharocãta wacuenoca sã wahari yahpapare pahã su tuhsuhi.

Masa sehe Jesure macaha

22 Æ yoa tí ñamine masa bñçpariro pa bñhusehe coapu tjuaina sehe sã yaria bñsoca, sã pahähtia cûria to jichu ñure. Tia mehne sã sahsero sã pahã wahachu cûhure ñure tina. Tuhsu Jesu sã mehne to pahäerachu ñure tina. Æ jia pa dachoi tirore tóí cohtaa niri jimare tina. 23 Ti ã cohtaro watoi, paye bñso, Tiberia wama tiri macapu taa bñso Jesu Cohamacure “Noana”, to niriro cahacã cureropu, masare to chua witiriro cahacã cureropu wahã suri jire tí bñso. 24 Æ yoa sãre Jesu to suho jimariore to mariachu ñua, masa tí bñsopu samu, Capernaupu sãre nunu ti pahã tari jire, Jesure maca taa.

Jesu catichu yoaa chua yoaro sehe jiriro jira

25 Ti pahã wihiri baharo, Jesure boca wihi, tina masa õ sehe ni sinitu ñure tirore:

—Buheriro, ¿dohse jichu tari muh ñpore? —ni sinitu ñure tina.

26 Ti ã ni sinitu ñuchu, Jesu tinare õ sehe ni yahure:

—Potocã niita nija mñsare. Yuhu mñsare Cohamacu tuaa mehne yu yoa ñopachuta yuhure sehere wacu tuaerara mñsa. Yuhure wacu tuaerapananta yuhure macana mñsa. Yuhu mehne bñjua chu, mñsa yapirina cjiri jina yuhure maca tari jira mñsa. 27 Wiho mejeta chua ne ã jirucuerara. Baharopu pihtia wahara. Æ jina tñre ã macarucuena tjiga mñsa. Paye baro chua soro jia chuare macaga mñsa. Tí soro jia chuare bocana jipihtia dachoripe Cohamacu mehne jirucunahca. Æ jia tí chua pinihta ne pihtisi. Tí chuare yuhu masuno Cohamacu warocariro mñsare waihtja. Cohamacu yu Pñch yuhure tí baro chuare wa dutiriro jira. Tirota to warocariro yu jiare ño tuhsure mñsare —nire Jesu.

28 To ã nichu tñhoa tina õ sehe ni sinitu ñure tirore:

—¿Cohamacu to yoa dutiare yoana tana dohse yoanahcari sã? —ni sinitu ñure tina.

Jesu sehe ti ã nichu tñhoro, õ sehe ni yuhure tinare:

—¿Ahriro Jesu José machuno jierajari? To pucuro, to pocoro cūhure mari masija. Tuhsu mari yoaro sehe pjacu tirirota jira. ¿A jiparota dohsearo “Muhanopu tahi”, nijari tiro? —ni suare tina.

43 Ti ã nichu tūhoro Jesu ō sehe ni yahure tinare:

—Musa yuhure ñano ni durucuena tjiga. 44 Yü Pucu yuhure warocariro sehe masare yuhu sehere cahmachu yoara. To ã yoaeerachu masa sehe yü yaina ji masieraboa. Pihtiri dachoi yü yainare masoihca yuhu. 45 Cohamacu yare yahu muhtaina cjiri sehe õ sehe ni joaa tiha: “Cohamacu tinare buherohca”, ni joaa tiha Cohamacu yare yahu muhtaina cjiripu. Jipihtina yü Pucu to buheare tuhoina, tirore yuhtiina yuhure cahmana. Ä jia yü yaina jira.

46 'Yuh Pucure ne chiro masuno ñuerare. Yuh Cohamacu warocariro dihta yuh Pucure ñuehi. **47** Potocã niita nija muesare. Yuhure wacu tuariro jipihtia dachoripe yuh Pucu mehne ã jirucurohca. **48** Yuh catichu yoaa chua yoaro sehe jiriro jija. **49** Masa ñuchusuma cjiri masa marienopu manare chua tiha. ã tire chupahta yariaa wahaa tiha. **50** Muhanopu taa chhare yuh nia chhare masuno churo, ne pichacapu wahasi. **51** Yuh muhanopu taa chua catichu yoaa chua yoaro sehe jiriro jija. Ahri chhare churiro jipihtia dachoripe yuh Pucu mehne ã jirucurohca. Ahri chua catichu yoaa chua yoaro sehe jia yuh pjacuta jira. Jipihtiri yahpa macaina Cohamacu mehne ti ã jirucuhti cjihtire yuh pjacure waihtja. ã wacu yariaihca —nire Jesu.

52 To ã nichʉ tʉhoa sã coyea judio masa sehe tíre õ sehe ni durucure ti basi;

—¿Ahriro dohse yo a pjacure chüti cjihtire warohcari?
—nire tina ti basi.

53 Ti ã nichü tñhorø Jesu õ sehe ni yahure:

—Potocā niita nija m̄asare. Yuhu masuno Cohamacu warocariro jiwa. Yuhu pjacure ch̄uerariro, yuhu dire sihnierariro Cohamacu ya catia mehne ã jirucusi. 54 Yuhu pjacure ch̄uriro, yuhu dire sihniriro yuhu ya catia mehne ã jirucurohca. ã jicu pihtiri dachoi tirore masoijtja. 55 Yuhu pjacu potocāta ch̄ua waro yoaro sehe jira. Yuhu di potocāta sihnia waro yoaro sehe jira. 56 Yuhu pjacure ch̄uriro yuhu dire sihniriro yuhu mehne wahchea mehne jirucura. Yuhu cēhu tiro mehne wahchea mehne jirucura. 57 Yuhu Pucu yuhure warocariro ã jirucura. ã jirucuro, yuhu

cūhure ã jirucuchu yoara. ã jia yuhure ã jirucurirore masa chua, Cohamacu mehne muanopu ã jirucuahca tina cūhu.
58 Ahrita jira muanopu taa chua. Mari ñuchusuma cjiri maná wama tia ti churi cjiri yoaro sehe jierara ahri chua. Tina sehe tí chuaere chupahta yariaa wahaa tiha. Ahri chua sehere churiro muanopu ã jirucurohca —nire Jesu.

59 Capernauph judio masa sā buheri wuhui Jesu buhero, ãta ni yahure.

Jesu buheare tūhona muanopu ã jirucunahca mari

60 Payu Jesure cahmaina to ã ni buheare tūhoa, õ sehe ni durucure:

—Ahri buhea nucu mijona. ã jina mari tūho duaera cureja —ni durucure tina ti basi.

61 Ti ã nichu Jesu sehe ti durucuare masire. ã masino tiro õ sehe ni siniture tinare:

—¿Ahri buheare tūhona suajari mūsa? **62** ¿Yuhu masuno Cohamacu warocariro muanopu yu tjuaa wahachu ñuna dohse ni tūhotubocari mūsa? **63** Espíritu Santo masunore catichu yoara. Masa sehe ti basi catichu yoaerara. Espíritu Santo masare to catichu yoariro seheta yu buhea sehe mūsare Cohamacu mehne ã jirucuchu yoara. **64** Cāina mūsa mehne macaina ne yuhure wacū tuaerara —nire Jesu.

Wahmanopure Jesu tirore wacū tuaerainare masire. Tirore ñu tuhtiinare ñohtiro cūhure masi tuhsure. ã tirore wacū tuaerainare masino “Cāina mūsa mehne macaina yuhure wacū tuaerara”, nire Jesu.

65 ã ni tuhsu õ sehe ni namore:

—Ó sehe ni yahumahi mūsare: “Yu Puch sehe masare yuhu sehere cahmachu yoara. To ã yoaerachu masa sehe yu yaina ji masieraboa”, mūsare nii nimahi —nire Jesu.

66 To ã ni buhechu tūhoa payu Jesure cahmamarina cjiri tirore cohā, tiro mehne pari turi wahaerare. **67** Ti ã yoachu ñuno Jesu sāre doce to buheinare õ sehe ni siniture:

—¿Mūsa cūhu yuhure cohānahcari? —ni siniture sāre.

68 To ã nichu Simo Pedro õ sehe ni yuhtire tirore:

—Puhoro, sāre pairo buheriro mariahna. Mu ya buheare tūhona Cohamacu mehne ã jirucunahca sā. Mu ya buhea dihta tére yahura sāre. **69** ã jina sā mūhure wacū tuaja. ã yoa mūhu

noariro, Cohamacu macuno to warocariro mu jichu sã masija. ã jina muhure cohãsi sã —nire Simo Pedro Jesure.

70 To ã nichu tuhoro Jesu õ sehe ni yahure sãre:

—Yuhu sehe musare doce besehi. Wiho mejeta cãiro musa mehne macariro watino yairo cjihto jira —nire sãre to buheinare.

71 ã nino Judare Simo Iscariote macunore nino niri jire. Juda sehe doce buheina sã mehne macariro Jesure ñu tuhtiinare ñohtiro jire.

Jesu bahana tirore “Cohamacu macuno jira”, ni masieraha

7 **1** Baharo Jesu Galilea yahpai tinino wahare. Judea yahpai judio masa tirore wajã duare. Ti ã wajã duachu masino tiro tí yahpapu wahaerare. **2** Judio masa daa wuhusecã sã yoahiti numuri bose numuri mahancã duhsatjiähre. **3** ã jia Jesu bahana tirore õ sehe ni yahure:

—Judeapu wahaga. Tói mu yainare Cohamacu tuaa mehne mu ñohtiro cjihto wahaga muhu. **4** Masare yoa ño duacu yaeraro cahmana muhure. Yoa ñono cahmana. Potocãta Cohamacu tuaa mehne yoariro jicu tíre masare ñoga —nimare tina.

5 To bahana jipahta Jesure “Cohamacu macuno jira”,nierare. ã jia, ã nire tina tirore. **6** Ti ã niri baharo Jesu õ sehe ni yahure tinare:

—Masa yuhure ti noano masihti pja duhsasinina mini. Musa sehe ñu duana bose numuri jichu waha masina. **7** Ahri yahpa macaina musare ñu tuhtierara. Yuhu ti ñaa buhirire yu yahuchu tina yuhu sehere ñu tuhtira. **8** Bose numu jichu wahaga musa sahsero. Yuhure yu wahahto duhsasinina mini. ã jicu yuhu sehe bose numurine ñhi wahaerasinija —nire Jesu tinare.

9 ã nino tiro Galileai tjuare.

Jesu daa wuhusericã ti yoari numuri bose numuri jichu wahaha

10 Bose numripu Jesu bahana ti ñua wahari baharo Jesu cãhu ti baharo wahare. ã waharo masa ti ñueraro watoi wahare. **11** Bose numurihi jiina judio masa sã puhtoa tirore macare:

—¿Nohopu jicari tiro? —ni sinituha tina.

12 Å jia masa cāhū Jesure payū yahuwajaha. Paina “Tiro noariro jira”, niha. Paina sehe “Tiro ñariro jira. Masare mahñoriro jira”, ni yahuwajaha tina.

13 Å nipahta judio masa sā pāhtoare cuia, masa ti ñueraropū Jesure yahuwajaha.

14 Bose nūmūri dacho macai Cohamacū wāhūpū Jesu sāa sūro, buhere. 15 To å buhechū sā coyea judio masa tuho cuaa waha, ò sehe nire:

—¿Ahriro buheropū buhemahnoerariro jiparota dohsearo noano masi pahñonocajari? —nire tina tirore.

16 Ti å nichū Jesu ò sehe ni yahure tinare:

—Yū buheri cjiri yū ya durucua jierara. Yūhūre warocariro ya durucua sehe jira ahri buhea. 17 Cohamacū cahmaare yoa duaina yū buhea sehere Cohamacū ya durucua ti jichū masiahca. Yū mū sūro yū buherachū cāhūre masiahca tina.

18 Cāiro to mū sūro to masia mehne buheriro jiro “Yūhū dihtare ño payoga”, niroiro jira tiro. Wiho mejeta yūhūre warocariro sehere mūsa ño payochū cahmaja yūhū sehe. Yū å nichū tūhona “Potocā durucuriro jira tiro. Ne mahñoyerara”, ni masinahca mūsa.

19 ’Cohamacū dutiare Moise cjiro sehe cūa tiha mūsare. To å cūpachūta mūsa jipihtina tí dutia sehere ne yūhtierare. ¿Dohseana yūhūre wajā duajari mūsa? —nire Jesu sā coyea judio masare.

20 —Mūhū tūho masierariro, watīno to cohtotariro jira. Mūhūre wajā duaina mariahna —ni yūhtire tina Jesure.

Ti å nichū Jesu ò sehe ni yūhtire:

21 —Sori nūmū Sabado jichū cā tahata Cohamacū tuaa mehne dohatiriro to dohatiare yū cohāchū mūsa ñū chaa wahare. 22 Mari ñuchusūma cjiri panopū macaina sehe ti pjacūre mahancā cahsarocāre yihsolina ti yoariro sehetra Moise cjiro yihsola dutiha. To å dutichū Sabado mari sori nūmū jipachūta masunore to pjacūre mahancā cahsarocāre yihsora mūsa. 23 Sabado jichū masunore to pjacūre mahancā cahsarocāre yihsora mūsa, Moise cjiro dutiri cjirire yoana tana. ¿Mūsa cāhū Sabado dachoi tīre yoapanaha tī dachoi dohatirirore jipihtia to pjacūre noariro yū yoachū ñuna dohseana yūhū mehne suari mūsa? 24 Yū yoarire mūsa noano masierapanaha, yūhūre ñano tūhotuena tjiga. Mūsa noano masiri baharo yūhūre mūsa tūhotua potocā tjiahca —nire Jesu.

Jesu wahmanopʉ to tarirore yahuha

25 To ã ni yahuri baharo mahainacã Jerusalẽ macaina tirore õ sehe ni yahuwajare:

—¿Ahriro judio masa pʉhtoa ti wajã duariro jierajari? 26 Â tirore ti wajã duapachʉta jipihtina panoi masare buhero nina tiro. Wiho mejeta tirore wajã duaina jipahta ã ñʉnocahna. “Tiro potocãta Cristo jira”, ¿ni tʉhotubocari pʉhtoa sehe? 27 Wiho mejeta ahriro Jesu to tarirore sã masija. Cristo sehe masare yʉhdʉchʉ yoahiro to tachʉ to tariro sehere masimahnoerara. Â jiro masare yʉhdʉchʉ yoahiro Cristo waro jierara Jesu —ni yahuwajare tina Jerusalẽ macaina.

28 Ti ã niare masino, Jesu õ sehe ni tuaro sañurucu buhere Cohamacʉ wʉhʉi:

—Yʉhʉre õ sehe ni tʉhotura mʉsa: “Tirore masija. Â jina to tariro cʉhʉre masija”, ni tʉhotumana mʉsa. Mʉsa ã ni tʉhotupanahta yʉhʉre warocarirore ne masierara mʉsa. Yʉhʉre warocariro potocã niriro, potocã yoariro jira. Tirore ne masierara mʉsa. 29 Tirota yʉhʉre warocare. Â jicʉ tiro cahapʉta tahi. Â jicʉ yʉhʉ sehe tirore masija —nire Jesu judio masare.

30 To ã nichʉ tʉhoa tirore ñaha duamare. Ti ã ñaha duapachʉta Jesu to ñano yʉhdʉhti pja dʉhsasinire. Â jia tina tirore ñaha masierare. 31 Paina masa sehe payʉ tirore wacũ tua, õ sehe nire:

—Ahriro Jesu sehe payʉ tahari Cohamacʉ to tuaa mehne yoa ño tuhsure. Jipihtina paina yʉhdoro Cohamacʉ tuaa mehne yoa ñohna tiro. Â yoarota Cristo Cohamacʉ to warocariro tjira ahriro Jesu —nire Jesure wahma wacũ tua dʉcaina.

Fariseo curua macaina Jesure peresu yoa dutiha

32 Masa Jesure ti ã ni durucuchʉ tʉhoa sacerdotea pʉhtoa, fariseo curua macaina mehne Jesure ñaha dutia warocaha surarare.

33 Â jiro Jesu judio masare õ sehe nire:

—Mahaa dachoricã mʉsa mehne jisiniihca. Â jicʉ baharocãta yʉhʉre warocariro cahapʉ wahaihca. 34 Yʉ jihtopʉ mʉsa waha masierara. Â jina yʉhʉre macapanaha ne bocasi mʉsa —nire Jesu judio masare.

35 To ã nichu t̄hoa tina ti basi õ sehe ni durucure:

—¿Ahriro ã nino nohopu wahabocari, m̄usa t̄hotuchu?

¿Griego masa cahai judio masa waha siteina ti jia macari c̄jiripu griego masapure buhero wahabocari ahriro? 36 “Yu jihtopu m̄usa waha masierara. ã jina m̄usa yuhure macapanatha ne bocasi”, to nichu ¿dohse nino baro ahriro ã nijari? —ni durucure judio masa ti basi.

Catichu yoaa márine yahuha Jesu

37 Bose n̄am̄uri pihtiri dacho tí dacho waro jiro nire. Tí dachoi Jesu tó ducuro, tuaro mehne sañurucu õ sehe ni yahure:

—Ñahma yapioina core ti tuaro cahmano seheta jipihtia dachoripe Cohamacu mehne m̄usa jihtire tuaro cahmaina yuhure siniga. M̄usa ã sinichu Cohamacu yaina m̄usare ji dutihtja. 38 Yuhure wacu tuainare õ sehe ni joaa tiha Cohamacu yare ti joari tjui: “Mári pohtaripu catichu yoaa co to ã wijaarucuro seheta Cohamacu yaina mehne catichu yoariro ã jirucurohca”, ni joaa tiha Cohamacu yare ti joari tjui —ni yahure Jesu judio masare.

39 ã catichu yoarirore wama payo yahuro “Yuhure wacu tuainare Espíritu Santo sāarucu su m̄ua waharohca”, nino nire Jesu. Tiro m̄uanopu to m̄ujaerasinichu Espíritu Santo sehe wihierasiniha.

Judio masa p̄ua curua tju waha

40 Jesu to ã nichu t̄hoa, masa payu õ sehe ni durucure:

—Ahriro potocata Cohamacu yare yahu m̄uktariro mari cohtariro jira —nire masa.

41 Õ sehe nire paina sehe:

—Ahriro Cristo marine yuhdachu yoahistro jira —nire.

Paina sehe õ sehe nire tjoa:

—Cristo taro, Galilea yahpa macariro jisi tiro. Ahriro Jesu sehe tó macariro tjira. 42 Cristo Davi cjiro panamino ji turiariro jirohca. ã jiro Davi ya maca cjiroi Belēi Cristo masa bajuarohca. Õ sehetu ni yahura Cohamacu yare ti joari pūi. Ahriro Jesu sehe Belēi masa bajueraha. ã jiro tiro Cohamacu to warocariro Cristo waro jierara —nire tina.

43 Ñ jia Jesure t̄homarina cjiri tju ware ti basi p̄ua curua.
44 Mahainacā masa sehe Jesure ñaha duamare. Ñ ñaha duapahta tirore ñahaerare.

Judio masa p̄uhtoa Jesure ne wacū tuaeraha

45 Ñ yoa surara sacerdotea p̄uhtoa cahapu fariseo curua macaina cahapu tjuaa wahaha. Ti tju s̄uchu ñua tina surarare sinituha:

—¿Dohseana Jesure ñahaerari m̄asa? —ni sinituha tina sehe.

46 —Tiro noaputiaro durucuriro jihre. Paina tiro yoaro sehe durucuina ne mariahna —ni yuhtiha surara tinare.

47 Ti ã nichu fariseo curua macaina sehe õ sehe ni yahuha:

—¿M̄asare to mahñochu “Potocā nino nica”, niri m̄asa cūhu? 48 Mari p̄uhtoa Jesure wacū tuaeraina jia ne tirore cahmaerare. Sā cūhu ã jina tirore cahmaeraja. 49 Ahrina masa sehe Cohamacu dutiare Moise cjiore to cūrire masierara. Ñ masieraina jia Jesure wacū tuaina jia tirore cahmana. Ti ã cahmari buhiri tinare Cohamacu buhiri dahrerohca —niha fariseo curua macaina.

50 Fariseo curua macariro Nicodemo Jesure s̄uhaduro suriro cjiro tóí jiha tina mehne. Ti ã nichu t̄uhoro õ sehe niha tiro cūhu tinare:

51 —Jesu to ñano yoarire masieraja mari. Ñ masierana tiro marine to yahuhto pano tirore buhiri dahre masieraja mari. Ñ masierapanatha tirore buhiri dahrena, mari ya dutiare yuhdurucana nija mari —niha Nicodemo tinare.

52 To ã nichu t̄uhua õ sehe ni yuhtiha tina:

—¿M̄uhu cūhu tiro yoaro sehetu Galilea macariro t̄ijari? Cohamacu yare ti joari tjure buhe pahñoga. Ñ buhech, “Cohamacu yare yahu m̄uhu ne cūiro mariahna Galileare”, ni buhe masiihca m̄uhu. Ñ jiro ã nimacanocano nina Jesu —ni yuhtiha tina Nicemore.

53 [Ti ã niri baharo ti ya wuhusepu tjuaa wahaha.

M̄uno mehne ñano yoaricorore judio masa p̄uhtoa wacūenoca su pjaha

8 1 Jesu t̄ucupu Olivo wama tidupu wahare. 2 Ñ yoa pa dachoi bohrearo jichu Cohamacu wuhupu tiro s̄ure tjoa. To ã s̄uchu ñua masa payu tiro cahai cahmachure. Ti ã cahmachuchu ñuño tiro sehe dujitjiāhno tinare buhe ducare.

3 To ã buhero watoi sã coyea judio masa buheina, fariseo curua macaina mehne tí wuhupu numinore na tare. Ticoro muno mehne to ñano yoachu waro wacuenoca su pja suha tina ticorore. A su pja sua ticorore Cohamacu wuhupu na saare tina. Na sãa su tuhsu jipihtina panoi ticorore duhu dapo,

4 õ sehe nire:

—Buheriro, ahricoro muno mehne ñano to yoachu waro wacuenoca ticorore su pja suhi. **5** Cohamacu dutiare Moise cjiropu marine to curi õ sehe nina: “Muno mehne ñano yoaricorore tãa mehne doca, wajäga”, nia tiha Cohamacu dutia. Muhu waro, ¿dohse ni tuhotujari ahrire? —ni siniture tina Jesure.

6 Jesu to ñano nichu taho duaa nimare tina tirore yahusã duaa. Ti ã sinitupachuta Jesu sehe puhsa nuju su, yahpapu to wamo pica mehne joare. **7** A jiro ã ti ni siniturucuchu Jesu sehe wahcärucu, tinare õ sehe ni yahure:

—Muña mehne macariro ñano yoareriro sehe ticorore tãa mehne doca muhtajaro —nire Jesu.

8 A ni tuhsu pari turi tiro puhsa nuju, yahpapu joare tjoa. **9** Tíre taho ti ñaa yoarire wacua, ti wahmisuma sehe wijaa muhtare. Ti baharo tina mehne macaina cöhü wijaa pihtia wahare. A ti wijaa pihtiari baharo numino tói ducuricoro Jesu mehne tjuare. **10** A jiro Jesu wahcã nuju su, ticorore õ sehe ni sinitu ñure:

—¿Nohopu wahari tina? ¿Muñure buhiri dahre duamarina marijari mipure? —nire ticorore.

11 —Mariahna, puhotoro —ni yuhitre ticoro.

—Yuhu cöhü buhiri dahreraja muñure. Wahaga. A jico ñaare yoa namoeco tjiga —nire Jesu ticorore.]

**Buhriaro marine to ñu masichu yoaro seheta Jesu ahri
yahpa macainare Cohamacure masichu yoara**

12 Pari turi Jesu tí wuhupu jiinare õ sehe ni yahure:

—Buhriaro marine to ñu masichu yoaro seheta yuhu ahri yahpa macainare Cohamacure masichu yoaja. Yuhu wacu tuariro jipihtia dachoripe Cohamacu mehne ã jirucurohca. A jiro tiro noaare wacunohca. A yoa tiro ñaare wacu duasi —ni yahure Jesu.

13 To ã nichu tirore fariseo curua macaina õ sehe nire:

—Muhu mu basi mu jia tiare ã ni durucui nina. ã jia mu õ sehe ni, mu mu suro mu nimacanocachu tí yaba cjihti jierara —nire tina Jesure.

14 Ti ã nichu Jesu õ sehe ni yahitre:

—Yu tarirore masija yuhu. Yu wahahto cuhure masija yuhu. Musa sehe ne tíre masierara. Musa õ sehe nipachuta yu jia tiare musare yu yahuri potocã tjira. **15** Musa mu suro musa ñuri dihtare masina musa. ã jina noano masierara musa. ã masierapanahita yuhure ñano ni durucura musa. Yuhu sehe yu mu suro masare ne ã nieraja. **16** ã jicu masa ti jia tiare ñu masichu yu mu suro ñu masieraja. Yuhu pini yu Puchu yuhure warocariro mehne ñu masija. ã jicu masa ti jia tiare yu ñu masia tí potocã tjira. **17** Musare dutia ti joari pui õ sehe ni yahura: “Puarro masa cuño potori ti yahuchu ti yahua potocã tjira”, ni yahu joari jira. **18** Yuhure yahuriro mehne sã puarro tija. Yuhu yu jia tiare yahuja. Tuhsu, yu Puchu cuhu yahura yuhu sehere. Tirota jira yuhure warocariro —nire Jesu.

19 —¿Nohopu jicari mu Puchu? —ni siniture tina.

—Yuhure musa masierara. Yu Puchu cuhu masierara musa. Yuhure masina, yu Puchu cuhu masiboa musa —ni yahitre Jesu tinare.

20 Jesu tinare buhero ã ni durucure Cohamacu wuhui ti niñeru duhu sãa caa poca cahai. To ñano yuhduhti pja duhsasinire. ã jia tina mehne to jipachuta tina tirore ñahaerare.

“Yu wahahtopure musa sehe waha masisi”, niha Jesu

21 Pari turi Jesu tinare õ sehe ni yahure tjoa:

—Yu tariropu wahaihca. Yu wahari baharo yuhure macanahca musa. ã jina musa ñaa buhiri tiina yarianahca. Yu wahahtopure musa sehe waha masisi —ni yahure Jesu.

22 —“Yu wahahtopure musa sehe waha masisi”, ¿to nichu tuhoa ahriro to basi wajã yariarohcari ã nino? —nire sã coyea judio masa ti basi.

23 Ti basi ti ã nichu masino õ sehe ni yahure Jesu tinare:

—Musa sehe ahri yahpa macaina jira. Yuhu sehe muano macariro jija. Ahri yahpai bajuarina jira musa sehe. Muapropu tariro jija yuhu sehe. **24** Musa yu jia tiare yu nirire “Potocã jierara” nina, musa ñaa buhiri tiina yarianahca musa. ã jicu “Musa ñaa buhiri tiina yarianahca musa”, nimahi musare —nire Jesu tinare.

25 —¿Noa baro jijari mʉhʉ? —ni siniture tina.

—Wahmanopʉre yʉ nirucuriro seheta jija yʉhʉ. 26 Mʉsare yʉ yahuhti pjíro dʉhsasinina. Tuhsʉ, mʉsa ñano yoari buhirire mʉsare yʉ yahuhto cjiho pjíro dʉhsasinina mini. Á jicʉ yʉhure warocariro to yahuri cjirire ahri yahpa macainare yahuja. To yahuri potocã tjira —nire Jesu tinare.

27 “Yʉhure warocariro”, to nichʉ tʉhoa “Mari Pʉchʉ jica”, ni tʉhotuerare tina. 28 Ti ã ni tʉhotuerachʉ ñʉno Jesu õ sehe ni yahure tinare:

—Yʉhure masãnore Cohamacʉ warocarirore mʉsa yucãcu taño mehne wahcõ daponahca. Mʉsa ã yoana, “Tiro Cohamacʉ warocariro tjira”, ni masinahca. Á jina yʉ mʉ suro yʉ yoaerario yʉ jia tiare masinahca mʉsa. Á jina yʉ Pʉchʉ yʉhure to buheri dihtare yahuriro yʉ jia cãhure masinahca mʉsa. 29 Yʉhure warocariro sehe yʉhʉ mehne jira. To cahmaare jipihtia dachoripe yoarucuja. Á jiro yʉhure tiro ne cohãerara —nire Jesu tinare.

30 To ã nichʉ tʉhoa, tirore masa payʉ wacã tuare.

Cohamacʉ pohnare, ñaare yoaina cãhure yahuha Jesu

31 Á jia paina judio masa Jesure wacã tuare. Á jiro Jesu tinare õ sehe ni yahure:

—Yʉ dutiare yoa pahñoina jina, potocãta yʉ buheina jira mʉsa. 32 Á jina potocã masinahca mʉsa. Potocã jiare masina, ñaa yoaare duhu masinahca. Á jina cahamaca yoaro sehe ji namosi mʉsa —nire Jesu tinare.

33 To ã nichʉ tʉhoa tina õ sehe ni yʉhtire:

—Sá sehe panopʉ macariro Abrahã cjiro panamana ji turiaina jija. Á jina ne paina ti cahamaca jieraja sá. Á jicʉ “Cahamaca yoaro sehe ji namosi” nichʉ, ¿dohse jiro baro sáre ã njari mʉhʉ? —ni siniture tina Jesure.

34 Ti ã nichʉ tʉhoro õ sehe nire tiro:

—Potocã mʉsare niita njija. Jipihtina ñaare yoaina sehe ti ñaa yoaare duhu masierara. Á jia tí ñaa sehe ti pãhotoro yoaro sehe jira. Á jiina jia cahamaca yoaro sehe jira tina. 35 Cahamacuno sehe to pãhotoro ya curua macariro jipihtia dachoripe jirucuerara. Á jiro painare dutiriro jierara. Tí wʉhu macariro sehe to macuno sehe jipihtia dachoripe potocãta tí curua macariro jira tiro. (Yʉhʉ sehe Cohamacʉ macuno jija.

Ã jicʉ dutiriro jija. Mʉsa ñaa yoaare duhu dutihtja.) 36 Ñ jina yʉhʉ Cohamacʉ macʉno ñaare yʉ duhuchʉ yoarina jina potocāta ñaare duhurina jira mʉsa. (Ñ jina tí ñaa cahamaca yoaro sehe ji namoerara mʉsa.) 37 Abrahã cjiro panamana ji turiaina mʉsa jichʉ masija. Ñ jipanahta yʉ yahua sehore tʉho duaerara mʉsa. Ñ jina yʉhʉre wajā duara mʉsa. 38 Yʉ Pʉcʉ yʉhʉre to masichʉ yoari cjurire yahuja mʉsare. Yʉ ã yahupachʉta mʉsa pʉcʉ watīno mʉsare to dutiare yoara mʉsa cūhʉ —nire Jesu tinare.

39 —Abrahã cjiro panopʉ macariro sã ñʉchʉ cjiro jia tiha. Ñ jiro watīno sã pʉcʉ jierara —ni yʉhtire tina.

Ti ã nichʉ Jesu õ sehe ni yʉhtire:

—Abrahã panamana jina, to yoariro seheta yoaboa mʉsa.

40 Cohamacʉ yʉhʉre potocā to yahuare mʉsare yʉ yahupachʉta yʉhʉre wajā duara mʉsa. Abrahã cjiro sehe ne ã yoaera tiha.

41 Mʉsa pʉcʉ to yoariro seheta yoara mʉsa —nire Jesu tinare.

To ã nichʉ tina õ sehe ni yʉhtire:

—Wamomaca dʉhtemahnoeraina pohna jieraja sã. Cūriota jira sã Pʉcʉ. Tirota jira Cohamacʉ —nire tina.

42 Ti ã nichʉ Jesu õ sehe ni yʉhtire:

—Cohamacʉ mehne macariro jicʉ, òpʉre tahi. Ñ jina Cohamacʉ mʉsa Pʉcʉ to jichʉ yʉhʉre cahiboa mʉsa. Yʉ mʉ sʉro taerahí yʉhʉre pinihta. Cohamacʉ to warocachʉ tahi òpʉre.

43 ¿Dohseana yʉ durucuare tʉhoerajari mʉsa? Yʉ yahuare tʉhona bihoerara mʉsa. Ñ jina tʉho duaerara mʉsa. 44 Mʉsa pʉcʉ sehe watīno jira. Ñ jina watīno cahmaa sehore yoa duara mʉsa. Ahri yahpa wahmanopʉ to ji dʉcachʉpʉ, mipʉ cūhʉre tiro masare wajárucuriro jira. Tirore potocā durucua mariahna.

Ñ jiro tiro potocā ne durucuerara. Tiro wahmanopʉre mahñō mʉhta dʉcariro jia tiha. Ñ jiro tiro ã mahñorucuriro jiro, mahñōare yahura. 45 Yʉhʉ sehe mʉsare potocā yahuja. Ñ yʉ yahuchʉ yʉhʉre tʉhoerara mʉsa. 46 “Mʉhʉ ñano yoariro jira”, yʉhʉre ni masierara mʉsa. ¿Potocā mʉsare yʉ yahupachʉta dohseana tʉhoerajari mʉsa? 47 Cohamacʉ pohna sehe to durucuare tʉhora. To pohna jierana, to durucuare tʉho duaerara mʉsa —nire Jesu tinare.

Abrahã cjiro to jihto pano Cristo sehe ji mʉhta tuhsʉa tiha

48 To ã nichʉ tʉhoa judío masa tirore õ sehe nire:

—“Muhu Samaria macariro jira. Á jicu taho masierariro watino to cohtotariro jira muh”, sá niri potocá tjira —nire tina Jesure.

49 Ti á nichu tahoro ò sehe ni yuhtire Jesu:

—Taho masierariro, watino to cohtotariro jieraja yuhu. Yu Pucure ño payoja. Musa sehe yuhure ño payoerara. **50** Yuhure masa ti ño payohtire macaeraja yuhu. Yu Pucu sehe masare yuhure ño payo dutira. Tiro pinihta yu jia tiare noano ñu masino, áta ño payo dutira. Tuhsu, yuhure ti cahmaerari buhiri buhiri dahreriro jirohca tiro. **51** Potocata musare nii nija. Yu dutiare yoariro jipihtia dachoripe Cohamacu mehne á jirucurohca —nire Jesu.

52 To á nichu taho ò sehe nire tina:

—Mipu pinihtare taho masierariro, watino to cohtotariro mu jichu sá noano masija. Abrahá cjiro yariaa wahaha. Cohamacu yare yahu muhtaina cjiri cahu yaria pihtia wahaha. Á jicu “Yu dutiare yoariro jipihtia dachoripe Cohamacu mehne á jirucurohca” nicu, ¿dohse nicu á nijari muh? **53** ¿Sá ñuchu cjiro Abrahá yuhdoro tuajari muh? Tiro cjiro, Cohamacu yare yahu muhtaina cjiri cahu yariaa wahaha. ¿Muhu sehe diro baro jijari muh á ni durucuchu? Muhu á niboriro jierara —nire tina.

54 Ti á nichu tahoro Jesu ò sehe ni yahu namore:

—Yuhu yu basi “Tuariro jija yuhu” nicu, tuariro jieraboca yuhu. Yu Pucu sehe “Tiro tuariro jira”, nina yuhure. “Sá yairo Cohamacu”, musa niriro sehe yu Pucu tjira. **55** Musa sehe yu Pucure ne masierara. Yuhu sehe tirore masija. “Tirore masieraja” nicu, musa yoaro sehetia mahñoa payariro jiboa yuhu. Potocata tirore masija. Á jicu to dutiare yoaja. **56** Ahri yahpapu yu tahtore mari ñuchu cjiro Abrahá cjiro masia tiha. Á masino tiro wahchea tiha —nire Jesu.

57 To á nichu tina ò sehe ni yuhtire:

—Muhu cincuenta cahmari cuaerasinica. Abrahá cjiro panopu macariro jira. ¿Mipure tiro cjirore muh dohsea masiboari? —nire judio masa Jesure.

58 —Potocata musare niita nija. Abrahá to jihto pano yuhu sehe ji muhta tuhsua tii —nire Jesu tinare.

59 To á nichu taho tina sehe tääre na, tirore doca duamare. Ti á doca duapachuta Jesu sehe Cohamacu wuhui jiriro duhti wijaa wahare.

Capari ñuerarirore ñuchu yoaha Jesu

9 1 Å yoa Jesu sã to buheina mehne mahai wahana pairore capari ñuerarirore boca sui. Tiro wahma masa bajuaroputa capari ñuerariro jia tiha. 2 Sã cãhã tirore ñuna, õ sehe ni sinitu ñuhi Jesure:

—¿Buheriro, ahriro dohsearo capari ñuerariro masa bajua tiari? ¿Ñaare yoaa tiari å waharo? ¿O to pucusuma sehe ñaare yoaa tiari to å wahachu? —ni sinitu ñuhi sã sehe Jesure.

3 Sã å nichu tuhoro õ sehe ni yahire tiro:

—Ahriro to ñaare yoari buhiri capari ñuerariro wahaerare. To pucusuma cãhu ñaare ti yoari buhiri capari ñuerariro wahaerare. Cohamacu sehe tirore capari ñuerachu yoare tirore ñuchu yoaro taro masare to ñohitre. 4 Yuhure warocariro to cûrire mipure yoaro cahmana yuhure. Ñamipu mari dahra masieraro seheta baharopu yuhure warocariro to cûrire yoa masieraja yuhu. 5 Ahri yahpapu buhriaro marine to ñu masichu yoariro seheta jiriro jicu ahri yahpa macainare Cohamacu yare masichu yoaja yuhu —nire Jesu.

6 Å ni tuhsurota yahpapu chahcho puti cûre. To å chahcho puti cûrire dahra more, capari ñuerarirore to caparire wisore. 7 Å wisono õ sehe nire Jesu:



—Siloé wama tiri copai cuhsari copai m̄ caparire cosai wahaga —nire Jesu. (Siloé sā ya d̄usero mehne nia “Warocari copa”, nia nire.)

Jesu to caparire cosa dutiriro sehe waha, cosa, capari ñ̄uerirop̄ tju wihire. **8** To tju wihičh̄ tiro cahai jiina tirore ñ̄ure. Tó pano niñeru siniriro cjiro to jich̄ ñ̄urina tirore õ sehe nire ti basi:

—¿Ahriro sohō jiriro niñeru siniriro cjiro jierajari? —nire tina.

9 —Tirota jira wiho —nire paina sehe.

—Tiro jierara. Á jieraparota tiro yoaro sehe bajuriro jira —nire paina.

Ti á nich̄ t̄uhoro capari ñ̄uerariro cjiro sehe õ sehe nire:

—Tiro tjija yuhu —nire tinare.

10 To á nich̄ masa tirore õ sehe ni siniture:

—¿Capari ñ̄uerariro cjiro jic̄ dohse waha ñ̄uri m̄uhu?

—ni siniture tina tirore.

11 —Jesu wama tiriro dihta sohāare dahra more, yu caparire wisore. Yuhure wisō tuhsu “Siloé wama tiri copap̄ m̄ caparire cosai wahaga”, to nich̄ cosai suhi yuhu. Yu á cosari baharo yu capari noano bajure yuhure —ni yahure tiro masare.

12 —¿Muhure á yoariro nohopu jicari tiro? —nire tina.

—Buh. Nohoi jiro jica —nire tiro.

Capari ñ̄uerariro cjiroke fariseo curua macaina sinituha

13 Á ni durucu tuhsu tina capari ñ̄uerariro cjiroke fariseo curua macaina cahapu naahre. **14** Tí dacho Jesu dihta sohāare dahra more capari ñ̄uerarirore noariro to yoari dacho Sabado dacho jire. Tí dacho sā sori nūm̄i jire. **15** Á jia fariseo curua macaina sehe tirore õ sehe ni sinituha tjoa:

—¿Dohse yoa m̄uhu ñ̄uri? —ni sinituha tina.

—Dihta sohāa mehne yu caparire wisohre. Á jic̄ yu caparire yu cosari baharo ñ̄u d̄ucahi yuhu —ni yahuha tiro tinare.

16 —Tiro Sabado dacho mari sori nūm̄i mari dahra dutierari nūm̄i dahrahre. Á jiro tiro Cohamacu yairo jierara —niha paina fariseo curua macaina sehe.

Paina sehe õ sehe niha:

—Ñaare yoariro õ sehe noariro wahach̄ yoa masierara. Á jiro tiro noariro jiboca —niha paina.

16 Å jia tina pua curua ti basi tju waha. 17 Å jia pari turi tina capari ñuerariro cjiore õ sehe ni sinituha tjoa:

—¿Muhure mu caparire noano yoarirore muhur waro dohse ni tuhotujari Jesure? —niha tina tirore.

—Tiro potocata Cohamacu yare yahu muhtariro jira —niha capari ñuerariro cjiro.

18 Wahmanopure judio masa õ sehe ni tuhotumaha: “Ahriro capari ñuerariro cjiro jierara”, ni tuhotumaha tina. Å ni tuhotua capari ñuerariro cjiro pucusumare pjirocaha tina. 19 Pjiroca tuhsu, to pucusumare õ sehe ni sinituha fariseo curua macaina puhtoa:

—¿Ahriro potocata musa macu jijari? ¿Dóihta tiro capari ñuerariro masa bajuarí? ¿Potocata capari ñuerariro cjiro jiparota dohsearo ñujari mipure? —ni sinituha tina to pucusumare.

20 —Ahriro sa macuta jira. Å yoa dóihta capari ñuerariro masa bajua tire tiro. 21 Tíre masipanahta to ñurire, tirore ñuchu yoariro cuhure masieraja sa. Sa macure sinituga. Bucuro jira tiro. Tiro to basi yahu masina —niha to pucusuma.

22 Judio masa sa puhtoa wahmanopure õ sehe nia tiha:

—“Jesuta Cristo Cohamacu warocariro jira”, niinare mari buhea wuhusep saa dutisi sa —nia tiha judio masa puhtoa.

Ti a nichu taho capari ñuerariro cjiro pucusuma sehe judio masa puhtoare cui niha. 23 Å cuia, “Bucuro jira tiro. Tiroreta sinituga”, niha tina judio masa puhtoare.

24 Baharo judio masa sa puhtoa pari turi capari ñuerariro cjiore pjirocaha tjoa. Pjiroca tuhsu, õ sehe niha tirore:

—Cohamacu mehne poto yahuga muhur. Jesure mahñoriro to ñaa yoariro jichu sa masija. Å jichu poto yahuga sare —niha judio masa capari ñuerariro cjiore.

25 Ti a nichu tahoro õ sehe ni yuhtiha tiro:

—Jesure to ñaa yoariro to jichu masieraja yuhu. Cenota masija yuhu. Panopure capari ñuerariro jia ticuru yuhu. Mipu sehere ñuja yuhu. Tí dihtare masija yuhu —ni yuhtiha capari ñuerariro cjiro tinare.

26 —¿Dohse yoari muhure tiro? ¿Mu capari ñuhto cjihtore dohse yoari tiro muhure? —ni sinituha tina tjoa.

27 —Tíreta musare yahu tuhsu mahicu yuhu. Y u a ni yahupachuta musa ne taho duaerare yuhure. ¿Dohse yoa

duana pari turi yu yahuchu tuho duajari musa? ¿Musa cahua to buheina ji duajari? —niha tiro tinare.

28 To ã nichu taho tina tuhtiha tirore:

—Muhu Jesu buheriro jira. Sã sehe Moise cjiro buheina jija. **29** Potocata Cohamacu Moise cjirore durucua tiha. Jesu to tarirore sã masieraja —niha tina capari ñuerariro cjirore.

30 Ti ã nichu õ sehe ni yuhtiha tiro:

—¿Tiro to tarirore musa masierachu yuhure ñuchu yoariro jiro Cohamacu warocariro jierabocari tiro? **31** Cohamacu ñaa yoainare ti siniare tahoerara. Tí pinihtare mari masija. Tinare tahoeraparota Cohamacure ño payorirore, to dutiare yoarirore to siniare tihora Cohamacu. **32** Wahmanopure ahri yahpa to ji ducachupure ne coã masa bajuaropu capari ñuerarirore ne cahiro baro ñuchu yoariro mariea tiha. **33** Á jiro Jesu Cohamacu warocariro jieraro yuhure ñuchu yoaeraboa tiro —niha tiro tinare.

34 —Muhu dóihta ñariro jia tiha. ¿Á jipacuta sãre buhe duajari muhu? —niha judio masa sã puhtoa tirore.

Á ni tuhsuata tina tirore cohã wionocaha.

**Jesu yare cahmaeraina capari ñueraina ti ñu
masieraro seheta Cohamacure masierara**

35 Á yoa capari ñuerariro cjirore ti cohã wiorire Jesu tihore. Á tihoro capari ñuerariro cjirore boca suro, tirore õ sehe ni siniture:

—¿Masunore Cohamacu warocarirore wacu tuajari muhu?
—nire Jesu.

36 —¿Puhoro, noa jijari tiro? Tirore masichu wacu tuaihtja tirore —nire capari ñuerariro cjiro Jesure.

37 —Tirore ñu tuhsure muhu. Mipure muhu mehne durucuriro tiro tija yuhu —nire Jesu capari ñuerariro cjirore.

38 —Puhoro, muhure wacu tuaja —nire capari ñuerariro cjiro.

Á ninota tiro Jesu panoi na tuhcua caha su, tirore ño payore.

39 To ã ño payochu ñuno õ sehe nire Jesu:

—Noaina, ñaina cahua ti yoarire masichu yoai tai ahri yahpapure tahi. Capari ñueraina ti ñu masieraro seheta tina yoaro sehe jiina yu Puchure masierara. Á masierainare yu Puchure masichu yoai tai tahi yuhu. “Sã noano masija”, ni

tuhotumarina noano ti masierarire masichu yoai tai tahi yuhu —nire Jesu.

40 To ã nichu taho mahainacã fariseo curua macaina tirore õ sehe nire:

—“Capari ñueraina ti ñu masieraro seheta noano masierara musa cöhü”, ¿nii nijari muhü sâre? —nire fariseo curua macaina Jesure.

41 Ti ã nichu Jesu õ sehe nire:

—Capari ñueraina ti ñu masieraro seheta potocã musa noano masierachu, musare buhiri mariaboa. “Sã noano masiina jija”, musa niri buhiri buhiri tiina jisinina musa mipure —nire Jesu tinare.

Ovejare ñu wihboriro quitire yahuha Jesu

10 ¹ Baharo quiti mehne piti dahre buhero taro õ sehe nire Jesu:

—Potocäta nii nija musare. Ovejare wihbori sahrño sopacai sääerariro, sopaca marienopu sääriro sehe yaca bucuro jira. ² Sopacai sääriro sehe ovejare ñu wihboriro jira. ³ Sopacare cohtariro sopacare pjöohna ovejare ñu wihboriro to sähito sehe. Ovejare ñu wihboriro to durucuchu taho tara to nuina oveja peri. Tinare pjirocero, ti wama mehne pisurocarucura tiro. Æ yoaro tinare sahrñopu jiinare pji wiorucura sopacapu. ⁴ To yainare jipihtinare pji wio tinare mu tärucura. Oveja sehe to durucuare masia, to baharo nñu tirucura. ⁵ Pairore ti masierarirore nñu tierara tina. Æ jia paina ti durucuare taho, cui murocaa wahara —nire Jesu tinare.

6 Ahri quitire to ã yahupachuña to yahuare taho ñahaerare tina.

Jesu ovejare noano ñu wihboriro yoaro seheta to yainare noano ñu wihbora

7 Pari turi Jesu tinare õ sehe ni yahure tjoa:

—Potocäta musare nii nija. Ovejare wihbori sahrño sääri sopaca yoaro sehe jija yuhu. ⁸ Jipihtina yu pano tarina quihõno yu durucuare buheraina, ovejare ñu wihbo mahñoina yacaina yoaro sehe jira. Ti ã jipachuña yu yaina sehe oveja yoaro sehe jiina painare ne taho wahcäerara. ⁹ Yuhu ovejare wihbori sahrño sääri sopaca yoaro sehe jija. Tí sopacai sääina yoaro sehe tjira yuhure wacu tuaina. Æ jicu yuhu tinare

pichacapu wahaborinare yuhduchu yoaihtja. Oveja sehe tinare ñu wihiboriro mehne ti cahmaare bocaro yoaro seheta yu yuhduchu yoaina cuhu yuhu mehne ti cahmaare bocaahca. Yuhu tinare noano ducata, noano ñu wihiboihca —nire Jesu.

10 Ñ ni tuhsu õ sehe ni namore:

—Musare mahñoina buheina, ovejare ñu wihibo mahñoina sehe ovejare yacaina yoaro sehe jira. Yacaa taa, wajaa taa, dojomehnea taa tara tina. Wiho mejeta yuhu sehe yu yainare, oveja yoaro sehe jiinare, tuaro waro ti wahchea mehne ã catirucuchu yoai tahi. 11 Ovejare noano ñu wihiboriro yoaro sehe jija yuhu. Ovejare noano ñu wihiboriro tinare noano ducata, to yariahtore ne cuierara. Tó yoaro seheta yuhu cuhu yainare noano ducata, yariahca, tinare ne soro wahaerahto sehe. 12 Oveja pro cahamacuno sehe potocã ovejare ñu wihiboriro jierara. Ñ jia oveja to yaina jierara. Ñ jiro yairo ovejare to churo tachu ñuno to cahamacuno sehe ovejare cohã cnoca, mrocaa wahara. To ã cohã cru baharo, yairo ovejare to ñahachu ñua oveja peri mroca site wahcãa wahara. 13 To cahamacuno sehe to wapataa dihtare cahman. Ñ jiro tiro ovejare noano ñu wihibo ji coaerara —nire Jesu.

14 Ñ ni tuhsu õ sehe ni namore:

—Ovejare noano ñu wihiboriro yoaro sehe jija yuhu. Ñ jicu yu yainare masija yuhu. Ñ jia yu yaina sehe yuhre masina. 15 Tó seheta yu Pucu cuhu yuhre masina. Ñ jicu yuhu cuhu yu Pucure masija. Oveja yoaro sehe jiina yu yaina Cohamacu mehne ti ã jirucuhti cjihtire yariaihca yuhu. 16 Paina oveja pa sahruno macaina yoaro sehe jiina paina masa cuhu yu yaina jiahca. Tina cuhre naaihca. Ñ jia yu durucuchu tuho wahcãahca tina cuhu. Ñ jia yu yaina jipihtina cu curuata jiahca. Ñ jicu yuhu dihta yu yainare ñu wihiboihca —nire Jesu.

17 Ñ ni tuhsu õ sehe ni namore:

—Yu yaina Cohamacu mehne ti ã jirucuhti cjihtire yariaihca. Yu yariari baharo masa mujaihca. Yu ã yoahiro jichu yu Pucu yuhre cahuna. 18 Yu waju dutierachu yuhre waju masieraboa tina. Yu cahmano sehetu yuhre wajuahca. Ñ jicu yu yaina Cohamacu mehne ti ã jirucuhti cjihtire yariaihca. Yaria masija yuhu. Ñ yoa masa muja masija. Yu Pucu yuhre tireta yoa dutire —nire Jesu.

19 To ã nichu tuhoa judio masa pra curua tju ware. Paina soro tuhotu, paina cuhu soro tuhoture:

20 —Tiro watīno to cohtotariro jira. Ā jiro tūho masierariro jira. ¿Dohseana tirore pari turi tūhojari mūsa? —nire paina payū judio masa.

21 Paina sehe ò sehe nire:

—Watīno to cohtotariro jiro ã ni durucueraboa. Capari ñuerarirore ñāchū yoa masierara watīno to cohtotariro. Ā jiriro jiro tiro watīno to cohtotariro jierara —nire paina judio masa.

Judio masa Jesure cahmaeraha

22 Pa dachoi sā coyea judio masa Jerusalēi bose nūmūri yooa nire pari turi. Cohamacū wūhūre panopū tirore ti wari ejirire ti wacūhti dachori jire. Tí pjare puhiro jire. **23** Tí dachoi Salomo wama tiri tahtiapū Cohamacū wūhūi jiri tahtiapū Jesu ñū tinino nire. **24** Tí tahtiapū to jichū ñua sā coyea judio masa tiro cahapū cahmachu, tirore ò sehe ni siniture:

—Yoaputiari pja sāre noano yahueraca mūhu. Poto sāre noano yahu bahrañoga mūhu. ¿Cristo Cohamacū to warocariro tijari mūhu? —nire tina Jesure.

25 Ti ã nichū tūhoro ò sehe ni yūhtire Jesu:

—Mūsare yahu tuhsumajacū yūhu. Yū ã yahupachūta yūhūre tūho duaerare mūsa. Yū Pūcu yūhūre to dutiriro sehetu to tuaa mehne yoa ñoja. Ā yoachū yū Cristo jiareta mūsare ñoi nija. **26** Yū ã ñopachūta yūhūre tūho duaerara mūsa. Mūsa sehe yū yaina jierara. Ā jina pairo yaina oveja yoaro sehe jiina jina, yūhū sehere tūhoerara mūsa. **27** Ovejare ñū wihiborirore to yaina ti tūhoriro sehetu yūhū cūhūre yū yaina tūhora. Ā jicū yū yainare masija yūhū. Ā jia tina yūhū mehne wahara. **28** Ā jicū jipihtia dachoripe Cohamacū mehne ã catirucuchū yoaja tinare. Ā jia tina sehe pichacapū ne wahasi. Ā jia yū yainare yū ñu wihibochū paina sehe ne cūirore yūhūre ma masierara tinare. **29** Ā yoa yū Pūcu yū yainare yūhūre wariro jipihtina yūhdoro tuariro jira. Ā jiro yū Pūcu sehe yū yainare to ñū wihibochū, ne cūiro tiro cūhūre ma masierara tinare. **30** Yūhū yū Pūcu mehne cūirota jija —nire Jesu judio masare.

31 To ã nichū tūhoa judio masa sehe tirore ti doca wajāhti tāare pari turi namare tjoa. **32** Ti ã yoachū ñuño Jesu ò sehe ni siniture tinare:

—Yū Pūcu ya tuaa mehne payū tahari yoa ñomahi mūsare. ¿Di baro sehere yū yoari buhiri yūhūre fāa mehne doca wajā duajari mūsa? —ni siniture Jesu.

33 To ã nichu t̄hoa õ sehe nire tina:

—Cohamacu tuaa mehne yoa ñori buhiri m̄uhure tāa mehne doca wajā duaeraja sā. Cohamacure m̄ ñano durucuri buhiri m̄uhure tāa mehne doca wajā duaja sā. Masuno jipaihta “Cohamacu jija yuhu”, m̄ nia buhiri mehne m̄uhure tāa mehne doca wajā duaja sā —ni yuhure tina.

34 Ti ã ni yuhichu t̄horo Jesu tinare õ sehe ni yahure:

—M̄usa c̄uhure “Cohamana”, ni pisure Cohamacu. Āta ni joaa tiha to dutiare ti joari pūi. 35 Cohamacu yare ti joari pū quihōno to jichu mari masija. “Mahñoa jira”, tí pūre ni masieraja mari. Ā jiro to yare masiinare potocāta tiro “Cohamana”, ni pisura. 36 Cohamacu yuhure besetjiāhno, ahri yahpapure warocare. Ā jichu yuhu “Cohamacu macuno jija”, yu niri buhiri “Cohamacure ñano durucuro nina Jesu”, nina m̄usa yuhure. ¿Dohseana yuhure ã nijari m̄usa? 37 Yu Pucu to cahmariro seheta to tuaa mehne yu yoa ñoerachu pinihtare yu buherire “Potocā tjira”, nieraboca m̄usa. 38 Yu Pucu to tuaa mehne yu yoa ñopachuta yuhu sehere t̄ho duaeraboca m̄usa. Ā t̄ho duaerapanaha to tuaa mehne yu yoa ñochu ñuna yu yoarire “Potocā tjira”, niga m̄usa. M̄usa ã nina, yu Pucu mehne sā cūno potori sā jichu masinahca m̄usa. Ā jina yuhu yu Pucu mehne cūno potori yu jichu masinahca m̄usa. Ā jina t̄ho ñahanahca m̄usa —nire Jesu tinare.

39 To ã nichu tina pari turi tirore ñaha duamare. Ti ã ñaha duachu ñuno tiro duhti wijaa wahare.

40 Ā wijaariropu Joāo masare to bautisa muhtariropu Jordāo sie sehepu pari turi wahare tjoa. Tópu sruo tjuanocare tiro. 41 Ā jia masa payu tirore ñua sure. Õ sehe nire tina ti basi:

—Joāo sehe Cohamacu tuaa mehne yoa ñoerare. Ā to yoa ñoerapachuta jipihtia Jesure to yahuri cjiri sehe potocāta jira —nire masa ti basi.

42 Ā jia tópure masa payu wacu tua ducare Jesure.

Lázaro wama tiriro yariaa wahaha

11 1 Ā yoa c̄iyo Lázaro wama tiriro to wahmiosānumia María, Marta c̄uhu mehne Betania wama tiri macai jia tire. Tiro cū nūmu dohatia wahari jire. 2 Tiro wahmiono María sehe baharo Jesu to dahporire me sitia wisō, to pjoari mehne tirore pahā cohāhticoro jiri jire. 3 Ā yoa to dohatia

wahachu ñua, to wahmiosânumia sehe painare Jesure yahu dutirocari jire:

—Puhtoro, mu cahíriro dohatiro nina —ni yahu dutirocari jire Lázaro wahmiosânumia.

4 Tí quitire tuhoro õ sehe nire Jesu:

—Mipure Lázaro to dohatia to yariahti cjihti jierara.

Cohamacu tuaare masare ñohti cjihtire mipure tiro dohatira. Â jia yuhu to macuno tuariro yu jia cuhre ñuhahca masa —nire Jesu.

5 Jesu Martare, to bahoro cuhre, Lázaro cuhre tuaro cahia tire. 6 Â nino Lázaro dohatiriro to jichu tuhoparota tóí Jesu sehe puha dacho tjuasinire. 7 Pua dacho baharo Jesu õ sehe nire sâre to buheinare:

—Pari turi Judea yahpapu tjuua wahajihna tjoa —nire sâre.

8 —Buheriro, canupucâta judio masa tó macaina muhre tâa mehne doca wajá duamare. ¿Dohseacu tópu pari turi tjuua waha duajari muhu? —nihî sâ to buheina.

9 Sâ â nichu tuhoro, tirore ti wajá masierasininore yahuro, piti dahre buhero sâre õ sehe nire:

—Pjíro tuhotuena tjiga. Cu dachore doce horari waro jira. Su dacho macariro to jisinichu, noano ñuja mari. Â jina dachore tinina ne puha tu mua boraeraja mari. 10 Wiho mejeta nahitianoi tiniina sehe puha tu mua boraah wahara. Su dacho macariro mariachu noano ñuerara tina —nire Jesu. (Â nino õ sehe nino niri jimare: “Mipure yu Pucu yare yu yahu pahñonto duhsasinina. Â jia yuhre wajá masierasinina”, nino niri jimare.)

11 Â nino sâre õ sehe ni yahu namore tjoa:

—Mari mehne macariro Lázaro, caríno nica. To â carípachuta yuhu tirore wahcói wahaihtja —nire sâre.

12 —Puhtoro, Lázaro caríriro jiro, yuhdurohca —nimahi sâ.

13 Sâ â nipachuta Jesu “Caríno nica” nino, “Yariaa wahaca”, nino niri jimare. To â nichu tuhona “Lázaro soro nica”, ni tuhotumai sâ sehe. 14 Sâ â ni tuhotuchu masino Jesu poto yahure sâre:

—Lázaro yariaa wahaca. 15 Yu marieno to yariachu, noa nina. Â jina musa yuhre wacu tua namonahca. Musa yu jia tiare masi namo, musa yuhre wacu tua namohti cjihti jiahca ahri. Â yoana basata. Mari ñuna wahajihna to cahapu —nire Jesu.

16 Toma sūhʌduariro wama tiriro õ sehe nire sāre:

—Mari cāhʉ Jesu mehne wahajihna. Tirore wajāa, mari cāhʉre wajājaro —nire Toma.

Jesu ã jirucuchʉ yoariro masare masoriro jira

17 Ñ yoa sā tópʉre sā sʉna cahachʉ waro tó macaina õ sehe ni yahure Jesure:

—Pititia dachori wahara Lázaro cjirore masa copapʉ ti siõ sāari baharo —ni yahuha tirore.

18 Betania wama tiri maca sehe Jerusalē cahacāi tia kilómetro yoaro jire. **19** Ñ jia Lázaro to yariari baharo, payʉ Jerualē macaina sā coyea judio masa Martare, María cāhʉre ñahacaha tiia taa tari jire. **20** Tópʉre sā sʉna cahachʉ tʉhoro, Marta sehe sāre piti bocaro wihire. Wiho mejeta to bahoro María sehe to ya wʉhʉpʉ tjuari jire. **21** Marta sehe Jesure piti boca wihi, õ sehe nire tirore:

—Pʉhtoro, yʉ bahʉ to yariahto pano mʉ õi jichʉ, tiro yariaeraboa. **22** Mipʉ cāhʉre Cohamacʉre mʉ sini payochʉ, tiro mʉ sinino seheta yoarohca —nire Marta Jesure.

23 —Mʉ bahʉ masa wijaarohca —nire Jesu ticorore.

24 —Ája. Ahri yahpa to pihtiri dachoi yariarina cjiri ti masa wijaahти dachoi to masa wijaahture masija yʉhʉ —nire ticoro sehe.

25 To ã nichʉ Jesu õ sehe ni yahure tjoa:

—Yʉhʉ masa wijaachʉ yoariro jija. Yʉhʉ ã jirucuchʉ yoariro jija. Yʉhʉre wacū tuariro yariaparota ã catirucurohca. **26** Ñ jia jipihtina Cohamacʉ mehne ã catirucuina, yʉhʉre wacū tuaina pichacapʉ ne wahasi. ¿Ahrire masijari mʉhʉ? —nire Jesu ticorore.

27 —Pʉhtoro, masija yʉhʉ. Cristo Cohamacʉ macʉno, masare yʉhdʉchʉ yoariro “Ahri yahpapʉ tarohca”, ti niriro mʉ jichʉ masija yʉhʉ —nire Marta Jesure.

Lázaro to masa copa cahai Jesu tiiha

28 Marta ã ni tuhsʉ to bahoro Maríare pjiro wahare:

—Marine buheriro mari ya macai taro nina. Mʉhʉre pjihre —ni yaroca yahuri jire Maríare.

29 To ã nichʉ tʉhoro María ño duaro wahcārʉca, sā cahapʉ tari jire Jesure ñʉno taro. **30** Ti ya macapʉ sʉerasinihi sā. Marta sāre to piti bocaroihta jisinihi sā. **31** Judío masa tí wʉhʉi

Mariare ñahacaha tiia niha. Ñ jia ticoro to wahachʉ ñʉa, tina ticorore nʉnʉ ti tari jire. “To wahmino cjiore ti siõ sãari copapʉ tiiro waharo nina ticoro”, ni tʉhoturi jimare tina. Ñ ni tʉhoturi ticorore nʉnʉ ti tari jire.

32 Ñ yoa María sã cahapʉ wihiro, Jesure ñʉ, to dahpori cahai na tuhcua caha sure.

—Puhtoro, yʉ bahʉ to yariahto pano mʉ õi jichʉ tiro yariaeraboa —nire ticoro Jesure.

33 Ñ jiro ticoro judio masa ticoro mehne tarina cãhʉ ti tiichʉ ñʉno Jesu sehe tuaro cahya ñano yajeripohna tire.

34 —¿Lázaro cjiore nohopʉ siõ sãari mʉsa? —ni siniture Jesu.

—Ñhi taga —ni pji wahcãre tina.

35 Ti ã nichʉ tʉhoro Jesu tiia wahare.

36 —Lázaro cjiore Jesu tuaro cahíri jira —nire judio masa ti basi.

37 Wiho mejeta paina tina mehne macaina sehe õ sehe nire:

—Capari ñuerarirore ñʉchʉ yoariro jira ahrirro Jesu. ¿Ñ jiro Lázaro cãhure to yariaborore yʉhdʉchʉ yoaeraboori ahrirro? —nire tina ti basi.

Lázaro masa wijaaha

38 Ñ jiro pari turi Jesu tuaro cahya namore. Ñ jina sã jipihtina to masa copapʉ sʉhi. Tí copa tācapʉ ti sahari copa jire. Tí copapʉ to pjacʉ cjiore siõ sãa, tāca pjiria mehne tju biha cūri jire tina.

39 —Tācare na pjoohga —nire Jesu.

To ã nichʉ tʉhoro Marta yariariro cjiro wahmiono õ sehe nire:

—Puhtoro mipʉ pititia dachori waha tuhsʉra to yariari baharo. Ñ jiro to pjacʉ cjiro ʉrībiahca —nire Jesure.

40 —“Yʉhure wacū tuaco Cohamacʉ tuaare ñʉcohca”, mʉhure nimahi —nire Jesu Martare.

41 To ã niri baharo tina tācare na pjoohre. Ñ ti na pjoori baharo Jesu sehe mʉanopʉ ñʉ, Cohamacʉre õ sehe nire:

—Mai, yʉhure mʉhure tʉho tuhsʉre. Tíre mʉ yoachʉ masicʉ wahcheja mʉhure. 42 Ñ yoa yʉhure mʉhure dachoripe ã tʉhorucura. Tíre masija. Ñ masipaihta yʉhʉ mʉ warocariro yʉ jiare õre ducuina ti masihti cjihtire mʉhure ã nii niija. Tíre



“Potocā tjira”, ti nihti cjihti cūhure ã nii nija —nire Jesu to Pucurore.

43 Æ ni tuhsu Jesu tuaro sañurucure:

—Lázaro, wijaa tagá —ni sañurucure tiro.

44 To ã nichu yariariro cjiro to wamomacarine to dahpori cūhure suhti cahsari mehne ti wahmariro cjiro, to dapure suhtiro mehne ti wahmariro cjiro, masa copapu wijaa tare juna.

—Ti wahmari cjurire pjäga —nire Jesu.

Judio masa puhtoa sehe Jesure ñaha duamaha

(Mt 26.1-5; Mr 14.1-2; Lc 22.1-2)

45 To ã masochu ñua, payu judio masa Maríare ñua tarina mehne macaina Jesure wacu tuare. 46 Wiho mejeta paina sehe, tina mehne macaina sehe fariseo curua macaina cahapu waha, su, Jesu to yoarire yahuri jire tinare. 47-48 Æ jia sacerdotea puhtoa, fariseo curua macaina puhtoa cuhu cahmachu, ti basi õ sehe ni durucuha:

—Jesu payu tahari Cohamacu tuaa mehne yoa ño mujana. To ã yoa ñoare mari tirore ã ñunoca mari ducataerachu, jipihtina masa tirore wacu tua, tiro mehne waha pihtiaboca. Æ yoa tiro Jesure ti puhtoro cjihto ti sôchu ñua, Roma macaina puhtoa sehe “Marine cohää nina”, ni sua, ñano yoahca marine. Tuhsu, Cohamacu wuhure cohä duti warocaahca ti yaina surarare. Mari ya dihta cuhure maahca tina. ¿Æ jina dohse yoanahcari mipure? —ni durucuha tina ti basi.

49 Ti ã nipachuta pairo Caifa wama tiro, tí cuhmare sacerdotea bui puhtoro jiriro tinare õ sehe ni yahuha:

—Musa sehe ne masierara. 50 Judio masa jipihtina mari ya cjihtire cuiro masuno to yariachu noana. To yariaerachu mari jipihtina judio masare cohä pahñonocaboa. Tíre musa masierara —niha Caifa tinare.

51 Æ nino to mu suro ã nino nieraha. Sacerdotea bui puhtoro to jichu judio masa ya cjihtire Jesu to yariahtore Cohamacu sehe Caifare ã ni yahu dutiha. 52 Jesu yariaro judio masa dihtare yuhduchu yoaro taro nierare. Æ yariaro jipihtina Cohamacu pohna ahri yahpapu ji siteina cuhu cu curuata ti jihti cjihtire yariahtiro jire Jesu. 53 Æ jia tí dachoihta tina “¿Jesure dohse yoa wajänahcari mari?” ni durucua, tirore wajä taa nimaha.

54 Tirore ti ã wajä duachu masino Jesu payu judio masa watoi pari turi tinino wahaerare. Æ jiro masa marieno cahacäi Efraï wama tiri macapu sâre suho wahare. Sâre tí macai suho tjuasinire Jesu.

55 Tí pjare pascua bose numuri sâ judio masa sâ bose numuri cjihto mahancä duhsatjiähre. Æ jia bose numuri panocä masa payu paye macari macaina Jerusalëpu cahmachure. Pascua macaare ti chuhto pano Cohamacu yare yoaa taa ti ñaa buhiri cosaa taa nire. 56 Tí pjare tina Jesure

macaa niri jire. Ñ a jia Cohamacu wuhupu jiina õ sehe ni durucuha:

—¿Bose numurine ñuno taerabocari Jesu, musa tñhotuchu?
—ni durucuha tina ti basi.

57 Ñ a jia sacerdotea pñhtoa, fariseo curua macaina cñhu õ sehe ni yahu dutiha masare:

—Jesu to jirore musa masina, yahuga sãre. Tirore ñahana tana nija —niha pñhtoa masare.

María Jesu dahporire me sitia mehne pio payore

(Mt 26.6-13; Mr 14.3-9)

12 1 Jesu sã to buheina mehne Betaniapu sã suri baharo pascua dachori seis dachori waro dñhsasinire. Lázaro Jesu to masoriro cjiro tí maca macariro jire. 2 Sã suri baharo Jesu cñhu ya chua cjihtire yoare paina. Ñ yoa Lázaro, Jesu, sã mehne mesai nuju súhi. Sã ã nuju suri baharo Marta chuare payore sãre. 3 Tuhsu, María me sitia sere nardo wama tidu macaa sere cù kilo dacho macai na ta, Jesu dahporire pio payore. Pio payo tuhsu to pjoari mehne tju cosare. To ã pio payori baharo tí wuhu noano me siti sahsea wahare. 4 Sã mehne macariro, Jesure ñu tuhtiinare ñohtiro Juda Iscariote sehe õ sehe nire:

5 —¿Dohse yoaro ahricoro ã yoa sitejari? Tíre ticoro duaboa. Ñ duaro tres cientos dachori posa dahrari wapa wapataboa. Ñ jiro ticoro tí niñerure pjacuoinare waboa —nire tiro.

6 Juda sehe pjacuoinare yoadoho duaerare. Tiro sã niñerure wihibobasariro jiparota yacariro jire. Tuhsu, tiro sã niñerure cña tahari na mujare. Ñ jiro “Tí niñerure naihtja” nino, ã nire Maríare tiro.

7 To ã nichu tñhoru õ sehe nire Jesu:

—Ñ niechü tjiga ticorore. To me sitiare yuhure to dñharire yuhure pio payore, yuhure masa copapu ti siõ sãahto pano yu pjacuare cahnoyuro. Pjacuoina sehe musa mehne ã jirucuahca. Ñ jina tinare wa masina musa. 8 Yuhu sehe ahri yahpapure musa mehne ã jirucusi —nire Jesu.

Sacerdotea pñhtoa Lázaro re wajã duaha

9 Ñ yoa Jesu Betaniapu to jichu tñhoa sã coyea judio masa payu tirore ñua tare. Tiro dihtare ñua taa nierare. Lázaro yariariro cjirore Jesu to masorirore tiro cñhu ñua taa nire.

10 Tí ñua surire masia sacerdotea púhtoa Lázaro cähure wajā duare. 11 Lázaro yariariro cjiro Jesu to masoriro jichu ñua payu masa Jesure wacū tuare. To á masochu ñua payu judio masa ti sacerdotea ya buhea sehere duhunocari jire. Á ti duhuchu ñua sacerdotea púhtoa sehe sua yuhdua Lázarore wajā duare.

Jerusalépū suha Jesu

(Mt 21.1-11; Mr 11.1-11; Lc 19.28-40)

12 Pascua bose nūmūrine ti yoachu payu masa Jerusalépū ñua wahari jire. Pa dachoi Jerusalépū Jesu to tahto cjihtore masa tūhori jire. 13 Á jia pja pū sahnarine na wahcā, tirore piti bocaa wahare. Á piti bocaa ó sehe ni sañurucure tina:

—Ahriore wahche payojihna. Ahriro Cohamacu to warocariro noano yuhdujaro. Ahriro Israe yahpa macaina mari púhtoro tjira —ni sañurucure tina.

14 Jesu burrocā to bocariro bui pisare. “Ó seheta yoarohca”, ni joaa tiha Cohamacu yare ti joari tui:

15 “Jerusalē wama tiri maca macaina, cuiena tjiga mūsa.

Ñuga. Mūsa púhtoro burrocā bui pisa tara”, ni yahuha Cohamacu yare ti joari tui.

16 “To á ni joari Jesure nino nica” ni, sā to buheina noano masierasinihi. Á masierasinipanahta mūanopu Jesu to mūjari baharo sā ti joari cjirire wacū boca tūho ñaha masihi. Ó sehe ni tūhotuhi: “Cohamacu yare ti joari tju sehe Jesure yahuro nimaha. Á jia Cohamacu yare ti joari tju to niro sehetu yoare masa Jesure”, ni tūhotu, sā masihi.

17 Lázarore ti siō sāari copapu jirirore Jesu to pisuchu tirore to masochu ñurina cjiri yahure masare. 18 Á jia Lázarore Jesu masorire ti tūhori baharo masa payu Jesure ñua tare. 19 Ti á tachu ñua fariseo curua macaina ti basi ó sehe niri jire:

—Jipihtina Jesu yaina dihta wahaa nina mipure. Á jina mari dohse yoa masieraja tinare —niri jire fariseo curua macaina ti basi.

Mahainacā griego masa Jesure maca taha

20 Á yoa bose nūmūri Cohamacure ño payoa taina mehne macaina mahainacā griego masa jire. 21 Á jia tina Felipe cahapu wihihi jire. Felipe sehe Betsaida wama tiri maca Galilea



yahpai jiri maca macapiro jire. Æ jia tiro cahapu wihirina õ sehe niri jire tirore:

—Jesure ñu duaja sã —niri jire tina.

22 Ti ã nichu tuhoro Felipe Andrepure tére yahuro wahari jire. Æ jia tina púaro Jesure yahure. **23** Ti ã yahuri baharo Jesu tinare õ sehe ni yahure:

—Yuhu masuno Cohamacu warocapiro jija. Yuhure jipihtina ti ño payohti pja mipure jirota nina. Mipure yu yariahti pja jirota nina. **24** Potocáta mûsare yahui nija. Toari yapare yahpapu mari yaerachu, tí yapare mari toaerachu cû yapata tjuarohca. Æ jiro tí yapare mari yari baharo dicha tirohca. (Tó seheta yu yariari baharo yuhure masa copapu ti siô sâari baharo payu masare Cohamacu mehne ã jirucuhtina jichu yoaihca yuhu.) **25** Ahri yahpai mûsa jiare pjíro tûhotuboca mûsa. Æ tûhotuna Cohamacure wacuerana, pichacapu wahanahca mûsa. Ahri yahpai mûsa jiare ã tûhotunocahna, Cohamacu mehne ã jirucunahca. **26** Yu yare yoa duana, yu buheare noano tûhoga mûsa. Mûsa ã yoana mûsa cûhu yu jihtopure jinahca. Yu yare yoariore yu Puchu sehe wahchea mehne ñuñohca —nire Jesu.

Jesu to yariahtore yahuha

27 Æ ni tuhsu õ sehe ni namore:

—Mipure yuhu ñano yajeripohna tija. ¿Yu Puchure dohse niihcari yuhu? “Mai, yu ñano yuhdûhtore yoai tija yuhure”, ¿nibocari yuhu? Tíre nieraja yuhu. Ñano yuhdûhtiro cjihtota ahri yahpapure tahi. Æ yoa yu ñano yuhdûhti pja mipure jiro nina —ni yahure Jesu sâre to buheinare.

28 Æ yoa õ sehe nire to Puchurore:

—Mai, mu tuariro jiare mipure ñoga masare —nire Jesu to Puchurore.

To ã nichu muanopu durucuro coa tare:

—Tuariro yu jiare masare ño tuhsuhi. Mipure ã jicu pari turi ñoihca masare —nino coa tare.

29 To ã nino coa tachu tûhoa tói ducuina masa payu õ sehe nire:

—Wupo jica ã coa taro —nire masa.

—Anjo Jesure yahuro nire —nire paina masa.

30 Õ sehe nire Jesu sehe:

—Mūanopu yūhure tūho dutiro ā nino coa taerare. Mūsa sehere tūho dutiro ā nino coa tare. **31** Mipure ahri yahpa macaina ti ñano yoari buhirire buhiri dahrerohca tinare. Ahri yahpa macaina ti pāhtorore watñore cohānohca Cohamacu. **32** Ā jicu yūhure crusapu ti wahcō dapochu payu masare yūhu mehne macaina ti wahachu yoaihca yūhu —nire Jesu.

33 Ā nino “Crusapu to yariahtore”, yahuro nire Jesu masare. **34** To ā nichu tūhoa masa sehe tirore ō sehe nire:

—Cohamacu yare ti joari tjui ō sehe nina: “Cristo jipihtia dachoripe jirohca”, ni joaa tiha. ¿To ā ni joachu mūhure masñore Cohamacu warocariore dohse jiro baro mūhure crusapu wahcō dapoahcari masa? ¿Masñono Cohamacu warocariro noa jijari tiro? —ni siniture tina.

35 Ti ā nichu ō sehe ni yūhtire Jesu:

—Buhriaro to ñu masichu yoaro sehetu jicu masare Cohamacu yare noano masichu yoaja yūhu. Baharo curerocā mūsa mehne jisi yūhu. Mūsare yu buhechu mipure tūhoga ñaare mūsa yoerahti cjihtire Cohamacu mehne mūsa ā jirucuhti cjihtire. Yu buheare tūhoeraina nahitiano tiniina yoaro sehetu ti wahahtore masierara. **36** Yūhu buhriaro yoaro sehe jiriro tjija. Ā jicu mūsare buhechu Cohamacu yare noano masichu yoaja mūsare. Mipure yu wahahto pano yūhure wacū tuaga. Ā wacū tuana yu yaina jinahca mūsa —nire Jesu.

Ā ni yahu tuhsu duhti wahcāa wahare.

Judio masa Jesure cahmaerah

37 Payu tahari Cohamacu tuaa mehne tinare Jesu to yoa ñopachuta judio masa payu tirore ne tūho duaerare.

38 Cohamacu yare ti joari tjui Isaia cjiro to joapiro sehetu ā yoa nire tina. Ō sehe ni joaa tiha Isaia cjiro:

“Cohamacu, mu buheare sā yahuchu masa tūho
duaerare.

Mu tuaare tinare mu yoa ñopachuta, tīre ‘Potocā
jierara’, nire tina”,
ni joaa tiha Isaia cjiro.

39 Ti ā tūho duaerachu ñuno Cohamacu tinare masierachu yoare. Tí cūhure Isaia cjiro ō sehe ni joaa tiha tjoa:

40 “Capari ñueraina yoaro sehe jiina jichu yoaa tiha
Cohamacu tinare.

Ā yoa to yare masierachu yoaa tiha tinare.

Ã jia to tuaare ñüpahta tina ti ñürire taho ñahaerara.
 ã jia to buheare tühopahta tíre taho ñahaerara tina.
 Cohamacü ya buheare masia, ti ñaa yoari buhirire
 cohã dutiboa.

Ã jiro tinare yuhuchü yoaboa tiro”,
 ni joaa tiha Isaia cjiro Cohamacü yare ti joari tjui. 41 ã ni
 joaro Isaia cjiro Cristo tuaare masino to niriro seheta Cristore
 yahu joaa tiha tjoa.

42 Paina Jesure ti cahmaerapachüta judio masa, sã pühtoa
 mehne macaina cühü payü Jesure wacü tuaa, tirore cahmaren.
 ã cahmapahta tina fariseo curua macainare cuia painare
 “Jesu mehne sähäi”, ni yahu duaerare. Tíre ti yahuchü taho
 Jesure ti cahmari buhiri judio masa sã buheri wühüpü tinare
 sää dutieraboa fariseo curua macaina sehe. 43 Cohamacüre
 wahchechü yoa duapahta tí yuhedoro fariseo curua macaina
 sehere wahchechü yoa duare Jesure cahma däcaina. ã jia tina
 “Jesu yaina wahahi”, ni painare yahu duaerare.

Jesu yahuare ti taho duaerari buhiri masa buhiri tiahca

44 ã yoa Jesu tuaro sañurucu, õ sehe ni yahure:

—Yuhüre wacü tuariro, yuhü dihtare wacü tuaerara.
 Yuhüre warocariro cühüre wacü tuara tiro. 45 Tuhsü, yuhüre
 masiina yuhüre warocariro cühüre masina. 46 Buhriaro to ñü
 masichü yoaro seheta ahri yahpapü Cohamacü yare masichü
 yoai tai nihi yuhü. ã jicü Cohamacü yare masare masichü
 yoaja. Nahitianoi wahariro yoaro sehe jiriro ñaare yoarucura.
 Yuhüre wacü tuariro tiro yoaro sehe yoasi. Yuhüre wacü
 tuariro quihöno tühorohca. 47 Paina yü yahuare tühopahta
 yü niriro seheta yoarerara. Ti ã yoaerapachüta yü yahuare
 ti yoaerari buhirire buhiri dahresi yuhü sehe tinare. Ahri
 yahpapüre buhiri dahrei tai nierahi yuhü. Ahri yahpa
 macainare pichacapü wahaborinare yuhuchü yoahtiro cjihto
 tai nihi yuhü. 48 Yuhüre cahmaerainare, yü yahua cühüre
 cahmaerainare buhiri dahrea jiahca. Tina yü yahuare ti
 tühoerari buhiri ahri yahpa pihtiri dachoi buhiri tiahca.
 49 Yuhü yü ma suo yahueraja. Yü Pücu yuhüre warocariro
 sehe yuhüre yahu dutire. ã jia yü yahua sehe to ya durucua
 jira. 50 To ya durucuare “Quihöno jira” nina, Cohamacü
 mehne ã jirucunahca mësa. ã jicü yü Pücu to yahu dutiriro
 seheta yahuja mësare —nire Jesu.

Jesu to buheina dahporire cosaha

13 ¹ Å yoa pascua bose nūmūri panocā ahri yahpare to cohā wahcāhto cjihtore to Pucuro cahapū to wahahto cjihtore masire Jesu. Tuhsū, ahri yahpa macainare to yainare tiro tuaro cahīre tina mehne to jiro puro. Å cahīrucura to yainare.

² Tí ñamine Jesu sā to buheina mehne sā chuchū Juda Iscariotere Simo macñore Jesure ñū tuhtiinare ñō duti tuhsūri jire watño sehe. ³ Tuhsū, to Pucuro Cohamacū Jesure jipihtina bui to pūhtoro sōrire masire Jesu. Å yoa Cohamacū cahapū to tari cjirire, baharo muanopū to mūjahti cūhure masire. ⁴ Å masino wahcārūca, to suhtiro bui macanore tjuwe na, tóre cū tuhsū, suhtiro cahsaro mehne to pjaro yūjū dūhtere. ⁵ Dūhte tuhsū, waparoi core pio sāa, sā to buheinare sā dahporire cosa dūcare. Sāre cosa tuhsū to dūhteri cahsaro mehne pahā cohāre sā dahporire.



6 Paina buheinare cosa wahcā, Simo Pedropare sure. To dahporire to cosahto pano Pedro sehe tirore ò sehe nire:

—Pūhtoro, ¿yu dahporire cosai tai nijari mūhu? —nire Jesure Pedro.

7 —Michapucacā mūhure yu yoah tire masierara mūhu. Ā masierapacāta baharo masiihca mūhu —nire Jesu.

8 —Yu dahporire ne cosasi mūhu —nire Pedro.

—Mūhure yu cosaerachā yu yairo jisi mūhu —nire Jesu.

9 —Pūhtoro, yu dahpori dihtare cosai tjiga. Yu dahporire, yu wamomacarine, yu dapu cūhure cosaga —nire Pedro.

10 To ā nichu Jesu piti dahre buhero ò sehe nire:

—Cūiro masuno cuhsuro to pjacure noano tju cosa pahñona. Ā jiro pari turi tirore tju cosaro cahmaerara. To dahpori dihtare cosaro cahmana. Jipihtina mūsa ñaa yoari buhirire cosarina cjiri mūsa jipachāta cūiro mūsa mehne macariro to ñaa yoari buhirire cosamahnoerario jira —nire Jesu.

11 Jesu tirore ñu tuhtiinare ñohtirore masire. Ā masino “Cūiro mūsa mehne macariro to ñaa yoari buhirire cosamahnoerario jira”, nire.

12 Sā dahporire cosa tuhsu, to suhtirore sāa tuhsu, nuju sure to dujiriroihta.

—¿Michapucacā mūsare yu yoarire tūho ñahajari mūsa?

13 Mūsa yuhure “Buheriro”, ni pisuna, “Pūhtoro”, ni pisuna potocāta nina nica yuhure. Mūsare buheriro, mūsa pūhtoro potocāta jija yuhu. 14 Ā jina yuhu mūsare buheriro, mūsa pūhtoro jipaihta mūsa dahporire cosariro yu jichu ñuna mūsa cūhu mūsa mehne macaina dahporire cosaga. 15 Michapucacā mūsare cosacu, baharo mūsa yoahiti cjihtire mūsare ñoi nija. Mūsa mehne macainare mūsa yoadohohtire ñoi nija. Mūsare yu yoariro seheta mūsa cūhu yoaga. 16 Potocā mūsare niita nija. Mūsa yu cahamaca yoaro sehe jiina yu bui jierara. Mūsare buhe duti yu warocarina jira mūsa. Ā jina yu bui jierara mūsa. Ā jicuta “Yu yoariro seheta yoaga”, nihi mūsare.

17 Ahrire masina, yu dutiare yoana, wahcheina jinahca mūsa.

18 Mūsare jipihtinare ā nieraja. Yu beserinare masija yuhu. Cohamacu to yare ti joari tjui to ni joari seheta ā waharohca. “Yuhu mehne chūriota yuhure wajā duare”, ni joaa tiha Cohamacu yare ti joari tjui. 19 To ā yoahito pano ahrire yahuyui nija mūsare. Yuhure to ā yoari baharo “Jesuta Cristo Cohamacu warocariota jira”, mūsa nihti cjihtire ahrire mūsare yahuyui

nija yuhu. 20 Potocā mūsare niita nija. Yū warocainare cahmariro yuhu cūhure cahmana tiro. Tuhsu, yuhure cahmariro yuhure warocariro cūhure cahmana tiro —nire Jesu sāre to buheinare.

Juda Jesure ñu tuhtiinare to ñohtore yahuha Jesu

(Mt 26.20-25; Mr 14.17-21; Lc 22.21-23)

21 Ā ni yahu tuhsu Jesu tuaro cahyare. Ā cahyaro õ sehe ni yahure tiro sāre:

—Potocāta mūsare nii nija. Cūiro mūsa mehne macariro yuhure ñu tuhtiinare yuhure ñonohca —nire Jesu.

22 To ã nichu tūhona Jesure ñohtirore masierana, sā basi cahma ñuropa õi. 23 Cūiro Jesu to buheina mehne macariro yuhu, Jesu to cahīriro sehe to pari wahpa dujihi. 24 Yū ã dujichu ñano Simo Pedro yuhure to wamomaca mehne yoa ño, siniture:

—¿Jesure ñohtirore diro sehere nino nibocari Jesu? Yahuga sāre —ni to wamomaca mehne yoa ño, sinitu ñure Pedro.

25 To ã nichu yuhu sehe Jesu cahacāi dujiriro jicu sinitu ñuhi tirore:

—Pūhtoro, ¿diroke nii nijari mūhu? —ni sinitu ñuhi yuhu.

26 —Ahri pāore dahra waha na, soha yū wahtiro sehe tirota jira yuhure ñohtiro —nire Jesu.

Ā ni tuhsu ti pāo to dahra waha narirore soha tuhsu tīre Judare Simo Iscariote macunore ware. 27 Ā yoa pāore to ñahari baharo watīno sehe Judare ñano yoa dutiri jire. Ā jiro Jesu tirore õ sehe nire:

—Mū yoahito cjihtore cjero yoa bahrañoga mūhu —nire Jesu Judare.

28 To ã nichu tūhona sā mesapu dujiina, Jesu Judare to nirire noano tūho ñahaerahí. 29 Cāina õ sehe ni tūhotumahi: “Judá sā niñerure wihboriro jira. Ā jiro bose nūmhi sā chūhti cjihtire nuchu dutiro warocare Jesu Judare. O pjacuoinare niñerure wa dutiro niboca Jesu”, ni tūhotumahi sā cāina.

30 Ā yoa Juda tí pāore ñaha tuhsu, wijaa wahare. To wijaari pja ñami jire.

Wahma dutiare yahuha Jesu

31 To ã wijaari baharo õ sehe nire Jesu:

—Mipʉ pinihfare yʉhʉ masuno Cohamacʉ warocariro yʉ tuariro yʉ jia tiare ñonohca Cohamacʉ masare. Ā jicʉ Cohamacʉ to tuariro to jiare ñoihca yʉhʉ sehe. 32 Ā jiro Cohamacʉ to tuaare yʉ ñochʉ tiro sehe yʉ ya tuaa cūhure mipʉ pinihfare ñono taro nina. 33 Yʉ pohna yʉ cahīina, yʉhure tāhoga. Mahaa dachoricā mʉsa mehne jisiniihca. Yʉ wahari baharo yʉhure macanahca mʉsa. Ā jicʉ mari coyea judio masare yʉ niriro seheta mʉsa cūhure nije. “Yʉ wahahore mʉsa sehe waha masierara”, tinare yʉ niriro seheta mʉsa cūhure ā ni yahuja. 34 Wahma dutiare mʉsare yahuhtja. Mʉsa mehne macainare cahīga mʉsa. Mʉsare yʉ cahīriro seheta, mʉsa mehne macainare cahīga. 35 Ā jina mʉsa mehne macainare mʉsa cahīchʉ ñua yʉ yaina mʉsa jiare masiahca paina —nire Jesu sāre.

**“Jesure masieraja”, Pedro to nihto cjihtore yahuha Jesu
(Mt 26.31-35; Mr 14.27-31; Lc 22.31-34)**

36 To ā nichʉ Simo Pedro Jesure õ sehe ni sinitu ñure:

—Pʉhtoro, ¿nohopʉ wahaihcari mʉhʉ? —nire Pedro.

—Yʉ wahahopure mipure yʉhʉ mehne waha masierara mʉhʉ. Mipure waha masierapaita baharo yʉ cahai wahacʉhca —nire Jesu Pedrore.

37 —Pʉhtoro, ¿dohseacʉ mipure mʉhʉ mehne waha masierabocari yʉhʉ? Yʉhure ti wajā duapachʉta mʉhure ne duhusi yʉhʉ —nire Pedro Jesure.

38 —Ā tjijari? ¿Mʉhure ti wajā duapachʉta, mʉhʉ yʉhure duhueraihcari? Potocāta mʉhure nii nije. Caraca to duhto pano “Jesure masieraja”, niihca mʉhʉ painare. Tia taha ā niihca mʉhʉ —nire Jesu Pedrore.

Jesu Cohamacʉ cahapʉ wahari maha yoaro sehe jira

14 ¹ Baharo Jesu sāre õ sehe ni yahure:
—Ne cahya pjíro tʉhotuena tjiga. Cohamacure wacū tuaga. Ā jina yʉhʉ cūhure wacū tuaga. “Cohamacʉ mehne yʉhdʉnahca”, ni tʉhotuga tirore. Yʉhʉ cūhure āta ni tʉhotuga mʉsa. 2 Yʉ Pʉcʉ to jiropure payʉ wʉhʉse jira. Mʉsa jihto cjihtore cahnoyui wahai nije. Tí potocā tjira. Ā jicʉ mʉsare tīre yahuja. 3 Ā jicʉ mʉsa jihto cjihtore cahno tuhsʉ, òpʉta pari turi majare tjua taihtja yʉhʉ. Ā jina tóí yʉ jiroita mʉsa

cūhū jinahca tjoa. 4 Mipure yu sahtopure wahari mahare masi tuhsura mūsa —nire Jesu sāre to buheinare.

5 —Pūhtoro, mū sahtore masieraja sā. Ā jina dohse yoa mū wahari mahare masinahcari sā? —ni sinitu ñure Toma Jesure.

6 To ā ni sinituchū tūhoro Jesu sehe ò sehe ni yūhtire:

—Yūhū Cohamacū cahapū wahari maha yoaro sehe jiriro jija. Cohamacū cahapū wahachū yoariro, potocā yahuriro, ā catirucuchū yoariro jinocaita nija yūhū. Ā jia yu yaina dihta yu Pūcu cahapū wahaahca. 7 Panopū yūhūre masina, yu Pūcu cūhūre masiboa mūsa. Mipure tirore ñure mūsa. Ā jina tirore masi tuhsura mūsa —nire Jesu sāre.

8 To ā nichū Felipe sehe ò sehe nire:

—Pūhtoro, mari Pūchūre ñoga sāre. Tó purota ñu duaja sā —nire tiro.

9 To ā nichū Jesu ò sehe ni yahure:

—Felipe, ¿yoari pja yūhū mehne jipaihta, mūhū masierasinijari yūhūre? Yūhūre ñūriro yu Pūcu cūhūre ñu tuhsure. Ā jicū “Mari Pūchūre ñoga sāre” nicū, ¿dohseacū ā nijari mūhū yūhūre? 10 Yūhū yu Pūcu mehne pūaro jipanahta cūirota jija. ¿Tíre “Potocā jierara”, niimeje nijari mūhū? Mūsare yahucū yu mū sūro yahui nieraja. Yū Pūchūre yahubasai nija. Ā jiro tiro yūhū mehne jiriro to tuaa mehne yoa ñona. 11 Yūhū yu Pūcu mehne pūaro jipanahta cūirota jija. Tíre “Potocā tjira”, ni wacūga mūsa. Tíre “Potocā tjira” nierana, Cohamacū tuaa mehne yu yoa ñoare wacūna, yu Pūcu mehne yu cūirota jiare “Potocā tjira”, ni wacūga mūsa. 12 Potocāta mūsare nii nija. Yūhūre wacū tuariro yu yoariro seheta yoarohca. Ā yoa tiro yu yūhdoro yoarohca. Yū Pūcu cahapū tjuuai tai nija mipure. Ā jiro yūhūre wacū tuariro yu yūhdoro Cohamacū tuaa mehne yoa ñonohca. 13 Ā jicū yūhūre wacū tuaina ti sinino purota yoaihca. Ā yoacū yu Pūcu to tuariro jiare ñoihca. 14 Yūhūre wacū tuaina mūsa jichū mūsa sinino purota yoaihcta —nire Jesu.

“Espíritu Santore mūsare warocaihtja”, ni yahuha Jesu

15 Ā ni tuhsū ò sehe ni namore:

—Yūhūre mūsa cahīna, yu dutiare noano yoanahca. 16 Yū Pūchūre sinibasaihtja. Yū ā sinibasachū yu Pūcu sehe paireore mūsare yoadohohtirore mūsare warocarohca. Ā jiro tiro mūsare

yoadohohtiro sehe jipihtia dachoripe m̄usa mehne ā jirucurohca. **17** Tiro potocāta yahuriro Espíritu Santo tjira. Ahri yahpa macaina yūhure cahmaeraina sehe tirore masierara. Ā jia tirore c̄jua masierara. Tirota m̄usa mehne ā jirucurohca. Ā jina tirore masina m̄usa.

18 'M̄usare cohāsi yūhū. M̄usa mehne jihtiro cjihto tjua taihca yūhū tjoa. **19** Wiho mejeta mahancā dūhsara yū wahahito cjihto. Yū wahari baharo ahri yahpa macaina yūhure wacū tuaeraina yūhure pari turi n̄ūsi. M̄usa sehe yūhure n̄unahca. Yū catiriro jichū m̄usa c̄hū jipihtia dachoripe Cohamacū mehne catirucunahca. **20** Tí dachoi yū tjua tahti dachoi yūhū yū Pūcū mehne cūirota sā jichū masinahca m̄usa. Ā jina yūhū mehne macaina m̄usa jichū m̄usa mehne macariro yū jichū cūhure masinahca m̄usa. **21** Yū dutiare yoariro yūhure cahīrirota jira. Ā jiro yūhure cahīrirore yū Pūcū sehe cahīnohca. Ā jicū yūhū c̄hū yū dutiare yoarirore cahīlhca. Ā yoa yū jia tiare noano masichū yoaihca tirore —nire Jesu sāre to buheinare.

22 Sā mehne macariro pairo Juda wama tirore jire. Juda Iscariote Jesure n̄ū tuhtiinare n̄ohtiro jierare tiro. Pairo Juda jire. Ā jiro tiro Jesure ò sehe ni siniture:

—Pūhtoro, ¿dohse yoaijari m̄uhū tinare ā nichū? ¿Ahri yahpa macainare m̄uhure masichū yoaejacū, dohse yoacū sā dihtare m̄uhure masichū yoaihcari m̄uhū? —ni siniture Juda.

23 To ā nichū tūhoro Jesu tirore ò sehe ni yahure:

—Yūhure cahīina, yū dutiare noano yoaa nina. Ti ā yoachū yū Pūcū sehe tinare cahīnohca. Ā jina tina mehne jina tanahca sā. **24** Yūhure cahīerariro yū dutiare yoaebara. Tuhsū, yū yahua m̄usa tūhori cjiri sehe yū ya yahua jierara. Yūhure warocariro ya yahua sehe jira. Tiro yū Pūcū tjira.

25 'M̄usa mehne jisinicū ahrire m̄usare yahusinii nija. **26** Baharo yū sinibasachū yū Pūcū Espíritu Santore warocarohca m̄usare. Tiro Espíritu Santo sehe m̄usare yoadohohtiro jiro, m̄usare buhe pahñonohca tiro. Ā yoa m̄usare yū yahuri cjirire m̄usare wacūchū yoarohca tiro.

27 'M̄usare noano jichū yoaihca yūhū. Yūhū yū noano jiriro seheta noano jichū yoaihca m̄usare. Ahri yahpa macaina ti mahñoperiro seheta yoasi yūhū m̄usare. Yūhū pinightha potocāta noano jichū yoaihca m̄usare. Cahya pjíro wacūena tjiga m̄usa. Ā jina cuiena tjiga m̄usa. **28** “Yūhū wahaihca. Ā jichū m̄usa

mehne jihtiro cjihto tjua taihtja tjoa”, m̄asare yu ã ni yahuchu t̄ho tuhsure m̄usa. Tíre t̄hona, wahcheboa m̄usa. Yuhure m̄usa potocā cahīrina jina, wahcheboa m̄usa. Yu P̄ucu sehe yu yuhdoro tuara. ã jina tiro cahapu yu wahahto cjihtore m̄usa masiri baharo yuhure cahīna, wahcheboa m̄usa. ²⁹ Yuhure m̄usa wacū tuahti cjihtire yu wahahtore yahuyui nija m̄asare.

30 ’Ahri yahpa macaina p̄uhtoro watino sehe tara mipure. To ã tachu yuhu m̄usa mehne yu durucu batoahti pja mahanocā dūhsara. Tiro sehe yuhure yuhdūrūca masierara. ³¹ Wiho mejeta yuhure yu P̄ucu to dutiriro seheto yoaja yuhu. ãta yoaja yuhu yu P̄ucu yu cahīare ahri yahpa macaina ti masihti cjihtire. Wahcārūcaga. Basa wahana —nire Jesu sāre to buheinare.

Jesu secu yoaro sehe jiriro jira

15 ¹ Baharo piti dahre buhero sāre õ sehe nire Jesu: —Yuhu potocāta secu yoaro sehe jiriro jira. Yu P̄ucu sehe sechre ñu wihiboriyo yoaro sehe jiriro jira. ² Yu yaina secu dūpuri yoaro sehe jiina yuhu mehne macainata jira. Dicha mariea dūpurire sechre ñu wihiboriyo to paha cohāriro seheto yu P̄ucu to cahmaare yoainerare cohāna. Dicha tia dūpurire sechre ñu wihiboriyo to cahnoriro seheto yu P̄ucu to cahmaare yoainerare yoadohorohca tiro “Yu cahmaare yoa namojaro”, nino. ³ Yu yahuare t̄hona, “Potocā tjira”, nire m̄usa. ã jiro yu P̄ucu m̄usa ñaa yoari buhirire cohā tuhsure. ⁴ Yuhu mehne macaina jiga m̄usa. ã jii m̄usa mehne jihca. Secu dūpuri secu mehne wahā shera dūpuri jia, tí dūpuri sehe dicha mariahna. Tó seheto yuhu mehne macaina jierana yu P̄ucu cahmaare yoa masierara m̄usa.

⁵ Yuhu secu yoaro sehe jiriro jira. M̄usa sehe t̄u dūpuri yoaro sehe jiina jira. Yuhu mehne macariro mehne yu jichu dicha tia dūpuri yoaro sehe tiro yu P̄ucu cahmaare yoara. Yuhu mehne macaina jierana yu P̄ucu cahmaare yoa masierara m̄usa. ⁶ Ñaa dūpurire to cohāboriro seheto yuhu mehne macaina jierainare yu P̄ucu cohānōhca. Tí dūpuri ñaia wahachu sechre ñu wihiboriyo tí dūpurire na cahmachu pichacapu jū cohānōhca. ãta yoarohca Cohamacu yuhu mehne macaina jierainare.

⁷ Yuhu mehne macaina jina, yu buheare boeraboca m̄usa. ã boerana, m̄usa cahmano purota siniga. ã jicu m̄usa sinino

purota yoabasaihtja. **8** Yü Pucu cahmaare yoaina mësa jichü ñua “Jesu yaina jira ahrina”, ni masiahca masa. Å jia mësare ñua yü Pucure ño payoahca. **9** Yü Pucu yuhure to cahïriro seheta mësare yuhü cühü cahïna tih. Yü cahïina jirucuga mësa. **10** Yü cahïina jirucuina yü dutiare yoara. Yü Pucu to dutiare yoaja yuhü. Å yoacu to cahïriro jirucuja yuhü. Tó seheta mësa cühü yü dutiare yoana yü cahïina jirucunahca mësa.

11 ’Ahrire mësare yahuhi yuhü mehne mësa noano wahchehto cjihtore. Å jina tuaro wahchenahca mësa. **12** Õ sehe dutija mësare: Mësare yü cahïriro seheta mësa mehne macaina cühure cahïga. **13** Cüiro masüno tiro mehne macariro yaro jiboriore yariaro tiro mehne macarirore tuaro cahïna, paina ti cahïriro yuhdoro. **14** Å jina yü dutiare yoana yuhü mehne macaina jira mësa. **15** Potocäta yuhü mehne macaina waro jira mësa. Mësa ã jiina jichü jipihtia yü yoarire yahuja mësare. Cahamacuno to puhtoro yoarire masierara tiro. Å jicu “Yü cahamaca wiho jiina jira mësa”, mësare nieraja. Yü Pucu yuhure to yahurire mësare yahu pahñohi. Å yahucu “Yuhü mehne macaina jira mësa”, mësare njia mipure. **16** Mësa sehe yuhure ne beserare. Yuhü sehe mësare besei yü Pucu cahmaare mësa yoahntina cjihtire. Mësa ã yoachü mësa yoaa ne wiho waro jisi. Å jia mësa yoaa ã jirucuahca. Mësa ã yoachü yuhure mësa wacü tuachü yü Pucure mësa sinino purota tiro mësare warohca. **17** Ahrire mësare dutija yuhü: Mësa mehne macainare cahïga mësa —ni yahure Jesu.

Jesure to yaina cühure ahri yahpa macaina ñü tuhtira

18 Å yoa tiro õ sehe ni yahu namore:

—Ahri yahpa macaina mësare ti ñü tuhtichü ñuna ahrire wacüga mësa: Mësare ti ñü tuhtihto pano yuhü sehere ñü tuhti ducare tina. **19** Cohamacure cahmaeraina mësa jisinichü, tina mehne macainare ti cahïriro seheta mësa cühure cahïboa tina. Ahri yahpa macaina mësa jisinichü mësare besei. Å jina mipure ahri yahpa macaina waro jierara mësa. Mësa ã jierachü ñua ahri yahpa macaina mësare ñü tuhtira. **20** “Yü yaina jina mësa yü bui jierara”, mësare yü niri cjirire wacüga mësa. Å yü docai jiina jina yü ñano yuhduriro seheta ñano yuhdunahca mësa cühü. Yuhure ñano yoarinata mësa cühure ñano yoaahca. Yü buhechü yuhтирината mësa buhechü cühure yuhтиахка тина. **21** Ahri yahpa macaina yuhure warocariore masierara. Å jia

yuhure wacū tuaina musa jichu ñua tina ñano yoaahca musa cūhure.

22 Tinare yu buhei taerachu yuhure ti cahmaerari buhiri buhiri mariaboa. Mipare tinare yu buheri baharo “Naa buhiri mariahna sāre”, ni masierara tina. 23 Yuhure ñu tuhtiriro yu Pucu cūhure ñu tuhtira. 24 Cohamacu to tuaa mehne paina ti ne yoaeerarire yoa ñohi. Å yoa tinare tīre yu yoa ñoerachu tinare ñaa buhiri mariaboa. Cohamacu tuaa mehne yu yoa ñoare ti ñuri baharo yuhure yu Pucu cūhure ñu tuhtira tina. 25 Å ñu tuhtia Cohamacu yare ti joari tui dōipata to ni joariro seheta yoaa nire tina. Õ sehe ni joaa tiha: “Tinare yu ñano yoaeerapachuta yuhure ñu tuhtire tina”, ni joaa tiha dōipata Cohamacu yare ti joari tui.

26 ‘Yu baharopu mūsare yoadohohtiro, yu Pucu mehne jiriro mūsare yu warocahtiro Espíritu Santo tjira. Tiro potocāta yahuriro jira. Å jiro tiro taro yu jia tiare yahurohca mūsare. 27 Masare yu buhe dūcachupata mūsa cūhū dachoripe yuhu mehne å jirucure. Å jina mūsa cūhū yu jia tiare yahunahca painare —ni yahure Jesu.

16 1 Å ni tuhsu sāre õ sehe ni yahu namore:
 —Baharo yu buheare yuhu cūhure mūsa cohāerahti cjihtire ahrire jipihiare yahuhi mūsare. 2 Judio masa mari buhea wuhusepū mūsa sāa duachu sāa dutisi mūsare yu yaina mūsa jiri buhiri. Å jia pa tehepu mūsare wajāa, “Cohamacu cahmaare yoana nija”, ni tūhotuahca paina. 3 Yu Pucure, yuhu cūhure tina masierara. Å masiera mūsare ñano yoaahca tina. 4 Å jina mūsare ñano ti yoachu ñuna, “Ti õ sehe yoahto panota Jesu yahu tuhsure sāre”, ni wactūnahca mūsa. Mūsa å ni wacūhti cjihtire mipare ahrire yahu mūhtai nija mūsare —ni yahure Jesu.

Espíritu Santo to yoahrtire yahuha Jesu

Å ni tuhsu õ sehe ni yahu namore Jesu:

—Wahmanopure mūsa mehne jicu ahrire mūsare yahuerahi.

5 Mipu sehere yuhure warocariro cahapu wahaihca wahai tai nija. “¿Nohopu wahaihcari mūhu?” yuhure ni, ne cūiro barota sinitu ñuerara mūsa. 6 Å sinitu ñuerapanaha yu wahahtore mūsare yu yahu mūjachu mūsa ñano yajeripohna tira. 7 Mūsare potocāta yahui nija. Yu wahari baharo mūsare noanocanohca. Yu mūnanopu wahaerachu mūsare yoadohohtiro sehe taeraboa.

Wahacu musare tirore warocaihtja yuhu. **8** Yu ã warocachu tiro tarohca. ã wihiro ahri yahpa macaina ñaa yoaina ti ñaa buhiri tiare tinare masichu yoarohca tiro. Noano jia tia cuhure buherohca tiro masare. Tuhsu, Cohamacu masare to buhiri dahreto cuhure masichu yoarohca masare yoadohohtiro sehe. **9** Yuhure wacu tuaeraina jira ahri yahpa macaina. ã jiro yoadohohtiro sehe masa ñaa yoaina ti ñaa buhiri tiare tinare masichu yoarohca. **10** Yu Pucu cahapu wahaihca. Yu ã wahari baharo musa yuhure ne ñusinisi. ã jiro noano jia tia cuhure masichu yoarohca yoadohohtiro sehe. **11** Ahri yahpa macaina puhtoro watinore Cohamacu buhiri dahre duti tuhsure. ã jiro Cohamacu masare, watino mehne macainare to buhiri dahrehti cuhure masichu yoarohca yoadohohtiro sehe.

12 "Pjíro jira musare yu yahuhti cjihti. Wiho mejeta musa sehe yu yahu pahñochu, tuho ñaha pahñoyeraboa. **13** ã jiro potoca jiare yahuriro Espíritu Santo sehe musare quihõno jiare yahu pahñono tarohca. Tiro to mu suro musare yahusi. Yu Pucu tirore to yahu dutirire tiro yahurohca musare. ã yoa "Baharopu õ sehe waharohca", ni yahuyurohca tiro sehe musare. **14** ã yoa yu yare musare tiro yahurohca. ã yahuro yuhure ño payochu yoarohca musare. **15** Jipihtia yu Pucu ya yu ya cuhu jira. ã jicu "Espíritu Santo sehe yu yare yahurohca musare", nihi musare —ni yahure Jesu.

**"Cahyaina jipanahta baharo wahchenahca musa",
ni yahuha Jesu**

16 ã ni tuhsu õ sehe ni yahu namore:

—Mahanoca baharo yuhure ñusi musa. ã jina baharocata musa yuhure ñunahca tjoa —nire Jesu sãre to buheinare.

17 To ã nichu tuhona, sã sehe mahainaca õ sehe ni durucui sã basi:

—“Mahanoca baharo yuhure ñusi musa. ã jina baharocata musa yuhure ñunahca tjoa” nino, ¿dohse nino ã niri marine? ã yoa “Yu Pucu cahapu wahaihca” nino, ¿dohse jiro baro marine ã niri tiro? **18** “Mahanoca” nino, ¿dohse nino ã niri tiro? To yahurire noano tuho ñahaeraja mari —ni durucui sã basi.

19 Sã ã ni durucuchu Jesu tirore sã sinitu duarire masino, sãre õ sehe ni yahure:

—“Mahanocā baharo yuhure ñusi musa. Ā jina baharocāta yuhure ñunahca tjoa”, yu niri cjurire sinitu duajari musa? ¿Tíre yu nirire tuho ñahaerajari musa? 20 Potocāta musare nii nija. Yu yariachu ñuna musa tiinahca. Tuhsu, tuaro cahyanahca. Ā jia yuhure ño payoeraina sehe wahcheahca. Musa sehe cahyaina cjiri jipanahta, baharo wahchenahca musa. 21 Ó sehe jira tí: Numino niji wahcōno, to ñano yuhduhto pano jira. Ā jiro ticoro tuaro cahyara. Ā cahyaparota to pohna tiri baharo ticorore puririre wacuerara ticoro. Wihārirocā ahri yahpapu to masa bajuachu ticoro wahchera. Ā jiro ticorore puririre wacuerara ticoro. 22 Tó seheta musa mipure cahyanahca. Baharo musare ñuihca tjoa. Yuhure ã ñuna musa tuaro wahchenahca. Musa ã wahchechū paina musare cahyachu yo masisi.

23 Tí dachoi yuhure musa ñuri dachoi yuhure sinitu ñusi musa. Masi tuhsurinapu jinahca. Potocāta musare nii nija. Yuhure musa wacū tuachu ñuno yu Pucure musa siniare tiro musare warohca. 24 Yuhure wacū tuaina jina, Cohamacure sini masina musa. Ahri dacho panoi tirore ã sinierasinire musa. Yuhure wacū tuatjiahna Cohamacure siniga. Musa ã sinichu musa sinirire musare warohca, musa wahche pahnōhti cjihtire —nire Jesu sāre.

Ñainare Jesu yuhdūrūcaya

25 Ā ni tuhsu ó sehe ni namore:

—Quiti mehne musare yahua tihi. Ā yahupaihta baharo musare quiti mehne yahusi yuhu. Ā yahuercas yu Pucu sehere noano poto yahuhtja musare. 26 Tí dachore musa ya cjihtire yu Pucure sini payosi yuhu. Yuhure wacū tuana, musa basi tirore sininahca. 27 Musa yuhure cahīna. Ā jina yu Pucu cahapu yu tariro jichu “Potocā tjira”, nina musa. Ā niina musa jichu ñuno, yuhure cahīna musa jichu ñuno yu Pucu sehe musare cahīna. To ã cahichu tirore musa sininahca. 28 Yu Pucu cahai jiriro jicu ahri yahpapu tai yuhu. Ā jicu mipure ahri yahpapu jiriro jisinichu yu Pucu cahapu wahaihca —nire Jesu.

29 To ã nichu sā to buheina ó sehe nii:

—Mipu pinihta quiti marieno durucui noano poto yahui nina mūhu sāre. 30 Mūhu noano masi pahnōriro mu jichu mipu pinihtare sā masija. Ā jia paina mūhu buhe masierara.

Tíre mipure sā noano masija. Sā noano masiina jina, Cohamacʉ cahapʉ tariro mʉ jichʉ “Potocā tjira”, niya sā —nii sā Jesure.

31 Sā ã nichʉ Jesu õ sehe ni yʉhtire sāre:

—¿Mipure “Potocā tjira”, nijari mʉsa jʉna? **32** Baharo curero jipihtina mʉsa wʉhʉseptʉ waha siteina jina, yʉhʉre cohānahca mʉsa. Mʉsa ã cohāpachʉta yʉ Pʉcʉ sehe yʉhʉ mehne jira. Ñ jicʉ yʉhʉ cūriota jieraja. **33** Ahrire mʉsare yahu mʉtahai, yʉhʉre mʉsa wacū tuaa mehne mʉsa noano jihto sehe. Cohamacʉre cahmaeraina cahapʉ mʉsa jichʉ ñano yoaahca mʉsare tina. Ti ã yoapachʉta wahchega mʉsa. Ahri yahpa macaina ñaa buhiri tiinare, ti pʉhtoro watīno cūhʉre yʉhdʉrʉcariro jija yʉhʉ. Ñ jina yʉhʉre wacū tuana wahchega mʉsa —nire Jesu sāre to buheinare.

Jesu to buheina ya cjihtire Cohamacʉre sini payoha

17 **1** Ñ ni yahu tuhsʉ Jesu mʉanopʉ ñʉroca mʉo,
Cohamacʉre õ sehe ni durucure:

—Mai, mipure mʉ yahu quihōriro seheta yʉhʉre ñano ti yoahiti pja mʉ sʉrota nina. Yʉhʉre mʉ macʉre masare ño payochʉ yoaga. Mʉ ã yoachʉ mʉhʉre masare ño payochʉ yoaihca yʉhʉ cūhʉ. **2** Jipihtina bui pʉhtoro yʉhʉre cūre mʉhʉ. Ñ jicʉ yʉhʉre mʉ warinare mʉhʉ mehne ã jirucuchʉ yoaihca yʉhʉ. Tuhsʉ, mʉhʉre masare ño payochʉ yoaihca yʉhʉ. **3** Mʉhʉ dihta Cohamacʉ waro jira. Yʉhʉ Jesucristo mʉ warocariro jija. Ñ jia jipihtina mʉhʉre masiina, yʉhʉ cūhʉre masiina mʉanopʉ mari mehne ã jirucuahca —nire Jesu.

4 Ñ ninota õ sehe ni namore Cohamacʉre:

—Ahri yahpapure mʉ yoa dutiri cjirire yoa pahñoja yʉhʉ. Ñ yoacʉ mʉhʉre masare ño payochʉ yoaja yʉhʉ. **5** Ahri yahpa to jihto pano mʉhʉ mehne yʉ jichʉ jipihtina yʉhʉre ti ño payo mʉhtariro seheta mipure yʉhʉre ti ño payochʉ yoaga tjoa.

6 ’Ahri yahpai jiinare yʉhʉre mʉ warinare mʉhʉre masichʉ yoahi. Mʉ warina mʉ yaina jira. Ñ jicʉ tinare ware mʉhʉ yʉhʉre. Ñ jia mʉ dutiare yoare tina. **7-8** Yʉhʉre mʉ yahurire tinare buhehi. Yʉ ã buhechʉ tʉhoa yʉ buheare cahmare tina. Ñ jia potocāta mʉ cahai tariro yʉ jichʉ masina tina. Tuhsʉ, mʉ warocariro yʉ jichʉ “Potocā tjira”, ni tʉhotura tina. Ñ yoa jipihtia yʉ ya mʉ ya ti jichʉ masina tina.

9 ’Ti ya cjihtire mʉhʉre sini payoi niya. Paina ya cjihti sehere sini payoi nieraja yʉhʉ. Yʉhʉre mʉ warina mʉ yaina jira. Ñ

jicu ti ya cjihtire sini payoi niya muhure. 10 Tina jipihtina mu yaina jira. Ã jia mu yaina sehe yu yaina jira. Yuhure wacu tuaa yu tuariro jiare masichu yoara tina masare.

11 'Mipure ahri yahpapure tjuasi yuhu. Mu cahapu wahai tai niya. Yu ã wahapachuta mipure yuhure mu warina ahri yahpare tjuahca. Mai, muhu noariro jira. Yuhure mu warinare mu tuaa mehne ñu wihibobasaga. Mu ã ñu wihibochu mari cãirota mari jiro seheta tina cãhu cã curuata jiahca. 12 Tina mehne jicu mu tuaa mehne tinare noano ñu wihibohi. Cãiro pinihta pichacapu waharohca mu yare ti joari tjui to yahuriro seheta.

13 'Mipure mu cahai wahai tai niya. Ã jicu ahri yahpai ahri jipihtiare yu yainare yahuja yuhu mehne ti noano wahchehto cjihtore. 14 Mu yare yahuhi tinare. Tina yu yoaro seheta ahri yahpai ji dojahtina jierara. Ã jia ahri yahpa macaina sehe tinare ñu tuhtira. 15 "Ahri yahpai jiinare, yu yainare naaga", nieraja. Ã nierapaihta tinare noano ñu wihiboga "Watino ñaare yoa dutiri", tinare nicu. 16 Ahri yahpa macariro jieraja. Tina cãhu yu yoaro seheta ahri yahpai ji dojahtina jierara. 17 Yu yainare mu buhea mehne noaina wahachu yoaga tinare. Mu yahua sehe potocã tjira. 18 Ahri yahpapure yuhure mu warocariro seheta yuhu sehe yu yaina cãhure mu yare buhe duticu warocahi. 19 Mu cahmaare yoahktiro cjihtore yariahtiro jicu yu pjacure waja. Ã waja yuhu yu yaina cãhu mu cahmaare potocã ti noano yoahti cjihtire.

20-21 'Yu yaina mipure jiina dihtare yoadohoga", ni sini payoeraja yuhu. Yu yaina painare yu yare ti buheri baharo paina cãhu yuhure wacu tuaahca. Tina cãhure yoadohoga, yu yaina jipihtina cã curuai ti jihto cjihto sehe. Yuhu muhu mehne mari puaro jipanahta cãiro tjija. Mari cãirota mari jiro seheta tina cãhu mari mehne cã curuaita jijaro. Cã curuaita jijaro mu warocariro yu jiare jipihtina masa "Potocã tjira" ti nihto sehe. 22 Yuhure mu masichu yoariro seheta yu yainare yu jia tiare masichu yoai. Tinare yu ã masichu yoachu cãirota mari jiriro seheta tina cãhu cã curuaita jiahca. 23 Yuhu tina mehne jija. Tuhsu, muhu yuhu mehne jira. Mari ã jiina jichu yu yaina potocãta cã curuaita noano jiahca. Cã curuaita ti jichu ñua mu warocariro yu jiare ahri yahpa macaina masiahca. Tuhsu, yuhure mu cah*í*riro seheta yu yaina cãhure mu cah*í*are masiahca masa.

24 'Mai, ahri yahpa to ji d̄acahto pano yāhure cahia tire māhu. Ā cahicu yu masi pahñoriro, si siteriro yu jichu ñore māhu. Ā jicu yāhure mu warina yāhure mehne ti jichu cahmaja masi pahñoriro, si siteriro yu jichu ti masihti cjihtire. 25 Mai, māhu noariro jira. Ahri yahpa macaina ñaina māhure masierara. Yāhu sehe māhure masija. Ā jia mu warocariro yu jichu masina yu yaina. 26 Māhure tinare masichu yoai. Baharopu cāhure māhure tinare masichu yoaihtja yāhure mu cahíriro seheta painare ti cahíhti cjihtire. Ā jicu yu yaina mehne jiihca —nire Jesu Cohamacure.

Jesure peresu yoaha

(Mt 26.47-56; Mr 14.43-50; Lc 22.47-53)

18 1 To ã niri baharo Jesu sā cāhu to buheina Cedrō wama tiri mare pahā, olivo wama tia yucuri ti toari wesepu sui. 2 Payu tahari tí wesei, tí yucu docai sā Jesu mehne cahmachua tii. Ā jiro Juda Jesure ñu tuhtiinare ñohtiro tí wesere masire. 3 Ā masino pu curua surarare mu tā tare tí wesepu Jesure ñono taro. Cā curua surara waro jire. Pa curua surara Cohamacu wāhure cohtaina jire. Tina sacerdotea puhtoa, fariseo curua macaina ti warocaina jire surara, Cohamacu wāhure cohtaina mehne. Ā taa sihāa pocare, sihāa yucuri cāhure sihā tare. Ti wamo cāhure cjuare tina. 4 Tí wesepu ti wihiри baharo Jesu to ñano wahahtore masino, tinare piti boca, õ sehe ni siniture:

—¿Noare macana nijari mūsa? —nire Jesu.

5 —Jesu Nazare macarirore macaja sā —ni yāhtire tina.

—Tiro tjija yāhu —nire Jesu.

Juda sehe, Jesure ñaha dutiro ñoriro tina mehne jire.

6 Ā jia “Tiro tjija yāhu”, Jesu to nichuta tina sehe c̄haa waha, yahpapu du siti mu bora caha sure. 7 Ti ã wahachu ñuno tinare pari turi õ sehe ni siniture Jesu:

—¿Noare macana nijari mūsa? —nire.

—Jesu Nazare macarirore macana nija sā —ni yāhtire tina tjoa.

8 —“Tiro tjija”, ni tuhs̄umahicu yāhu mūsare. Ā jina yāhure ñahana, ahrinare yāhu mehne macainare peresu yoaena tjiga mūsa —nire Jesu.

9 Æ sâre cahîno ne cûirore butichû yoarerare. Æ yoaro tó pano Cohamacure to niriro seheta yoaro nire tiro. “Yuhure mu warinare ne cûirore boerahi”, to niriro seheta yoaro nire Jesu. 10 Æ yoa Simo Pedro ñosari pjíne cjuaro, tí pjíne tñá we naroca, sacerdotea bui puhtoro cahamacuno Malco wama tiriro cahmonore cjã pahrënocare. To poto bñusehe macari cahmonore cjã pahrënocare. 11 Æ to cjã pahrëchû ñuno Jesu tiroke õ sehe nire:

—Mu ñosari pjíne wiwboga. Yu Pucu yahure to ñano yuhda dutiriro sehetu ñano yuhdwihtja yahua —nire Jesu Pedrore.

Sacerdotea bui puhtoro cahapu Jesure naaha tina

(Mt 26.57-58; Mr 14.53-54; Lc 22.54)

12 To ã ni tuhsuchuta surara, ti puhtoro mehne, Cohamacu wuhure cohtaina surara cûhù Jesure ñaha, tirore dûhtere.

13 Duhte tuhsʉ Ana cahapʉ naa muhtare tina. Ana sehe Caifa marechʉno jire. Caifa sehe tí cʉhmare sacerdotea bui pʉhtoro jire. 14 “Judio masa ya cjihtire cūiro masʉno yariachʉ noana”, niriro cjiro jire Caifa sehe.

“Jesure masieraja”, niha Pedro

(Mt 26.69-70; Mr 14.66-68; Lc 22.55-57)

15 Ñ jina yuhu Simo Pedro mehne Jesure yoa cureropu ñu nunu tii. Yuhu sehe sacerdotea bui puhtoro to ñu masiriro jicu Jesu baharo puhtoro wuhui jiri sahrinopu sãa wahai. 16 Yuhu ã sãachu Pedro sehe sahrinó sopacai tjuaruchu sure. Ñ jicu majare wijaa ta, sopacare cohtaricorore sinitu ñhi “Ahriro Pedro sãa ta masijari”, nichu. Yuhu ã sinitu tuhsuchu ticoro Pedrone sãa ta dutire. To sãa ta dutiri baharo yuhu Pedrone na sãa wahai. 17 Yuhu ã na sãachu ñuno sopacare cohtaricoro sehe Pedrone õ sehe ni siniture:

—¿Jesu buheina mehne macapiro jierajari mūhu? —nire tictoro Pedrone.

—Jieraja vuhtu —ni vuhtire Pedro sehe.

18 Sā s̄uhto pano tó macaina cahamaca, surara mehne ti sohmahti pichacare wijā tuhsuri jire. Ȳusua nire. Ā jia tina tí pichaca d̄uh̄t̄ cahai ducua, sohmaa nire. Ti ã sohmach̄ ñuno, Pedro c̄uh̄t̄ waha, sohmare.

Sacerdotea puhtoro Jesure sinituha
(Mt 26.59-66; Mr 14.55-64; Lc 22.66-71)

19 Æ yo a sacerdotea bui puhtoro Jesu buherire, sáre to buheina cúhure sinitu ñüri jire Jesure. 20 To ã sinituchü Jesu sehe õ sehe ni yühtiri jire tirore:

—Jipihtinare buhecu ti panoi ducuhi. Æ buhecu judio masa mari buhea wáhusei Cohamacü wáhü cúhure ã buherucuhi. Musa ñüuenoi buherahi yühü. 21 ¿Dohseacü yühure sinitujari muhu? Sinitu duacü yü buheinare sinitu ñüga. Yü buherire tina masina —ni yühtiri jire Jesu.

22 To ã nichüta tühoró tó ducuriro surara sehe to wamomaca mehne Jesure cjäri jire.

—Æ nii tjiga sacerdotea bui puhtorore —niri jire surara sehe Jesure.

23 To ã nichüta Jesu õ sehe niri jire:

—Ñano yü ni durucurire yahuga yühure. ¿Potocäta musare yü yahupachüta, dohseacü yühure cjäjari muhu? —niri jire Jesu surarare.

24 Baharo Ana Jesure paina ti düchterirore Caifa sacerdotea bui puhtoro cahapü warocari jire.

“Jesure masieraja”, pari turi niha Pedro
(Mt 26.71-75; Mr 14.69-72; Lc 22.58-62)

25 Æ yo a Simo Pedro pichaca dühtü cahai ducuro, sohmano nire. Æ to sohmarucuchü ñüa, tó macaina tirore õ sehe ni siniture:

—¿Muhu cúhü Jesu buheina mehne macapiro jierajari muhu? —nire tina Pedrore.

—Jieraja yühü —ni yühtire Pedro.

26 Tuhsü, sacerdotea bui puhtoro cahamaca mehne macapiro, Pedro to cahmono cjä pahräriro coyeiro sehe Pedrore õ sehe ni siniture:

—¿Jesure ti ñahari wesei yü jichü muhu cúhü tiro mehne jierapakte? —ni siniture tiro Pedrore.

27 —Yühu tiro mehne jierahi —nire Pedro. To ã nichüta caraca dure.

Jesure Pilato sinituha
(Mt 27.1-2, 11-14; Mr 15.1-5; Lc 23.1-5)

28 Ñamiwacūnu jichʉ Caifa ya wʉhʉpʉ jirina Jesure naa wijaa, tí maca macaina pʉhtoro Pilato ya wʉhʉpʉ naa wahare tina. Á wahapahta to ya wʉhʉpʉ sāaerare. Pascua dachori jichʉ tina tí bose nʉmʉri macaare chʉhtina jia ò sehe nire: “Judío masʉno jierara Pilato. To á jiriro jichʉ to ya wʉhʉre sāana, mari dutiare yʉhdʉrʉcana niboca. Á jina mari sāachʉ marine bose nʉmʉri macaa chʉare chʉ dutierahca”, nire tina. Á nia pʉhtoro Pilato ya wʉhʉre sāaerare Jesure naahrina sehe. 29 Ti á sāa taerachʉ ñʉno Pilato tina cahapʉ, wʉhʉ sopacapʉ sʉrʉcʉ sʉro, tinare ò sehe ni siniture:

—¿Yaba buhirire ahriore yahusā duajari mʉsa? —nire Pilato tinare.

30 —Ahriro to noariro jichʉ mʉhʉre sā waeraboa. Ñariro jira tiro —ni yʉhtire tina.

31 Ti á nichʉ Pilato ò sehe nire:

—Mʉsa sehe tirore naahga. Á jina mʉsa ya dutia ti niriro seheta tirore buhiri dahrega —nire Pilato tinare.

—Mʉsa Roma macaina ya dutia sehe sāre masʉnore wajā dutierara —nire tina Pilatore.

32 Á nia Jesure judío masa ti wajā duarire masichʉ yoaa nire. Jesu sehe crusapʉ to yariahtore tó pano to yahuriro seheta á waharo nire. 33 Ti á ni durucuri baharo Pilato sehe wʉhʉpʉ majare sāa, Jesure pjirocari jire. Pjiroca tuhsʉ, tirore ò sehe ni sinituri jire:

—¿Judío masa ti pʉhtoro tjijari mʉhʉ? —ni sinituri jire Pilato.

34 —¿Mu mʉ sʉrota á sinitui nijari mʉhʉ yʉhʉre? ¿O paina sehe yʉhʉre ti yahusāri baharo tíre sinitu ñʉjari mʉhʉ? —niri jire Jesu Pilatore.

35 —Judío masʉno jieraja yʉhʉ. Mu ya yahpa macaina, sacerdotea pʉhtoa cūhʉ mʉhʉre ware sāre. ¿Yabare ñano yoari mʉhʉ ti á buhiri dahre duachʉ? —niri jire Pilato.

36 —Ahri yahpa macariro pʉhtoro jieraja yʉhʉ. Ahri yahpa macariro pʉhtoro yʉ jichʉ yʉ buheina yʉhʉre yoadohoboa. Judío masare yʉhʉre ñaha dutieraboa. Yʉ pʉhtoro jia ahri yahpa macaa jierara —niri jire Jesu Pilatore.

37 —¿Á jichʉ pʉhtoro jijari mʉhʉ á nichʉ? —niri jire Pilato.

—Mu nino seheta puhtoro tjija. Masa ti puhtoro jihtiro cjihto masa bajuai yuhu. Ā jicu ahri yahpapu tai ti puhtoro jicu tachu, potocā jiare yahucu tachu. Jipihtina potocā jiare tuho duaina, yu yahuare tuhora —niri jire Jesu.

38 —¿Yaba baro jijari potocā jia? Potocā jiare masihto basioerara —niri jire Pilato.

Judio masa Jesure wajā dutiha

(Mt 27.15-31; Mr 15.6-20; Lc 23.13-25)

Ā ni tuhsu Pilato judio masa cahai majare tjua waha, tinare õ sehe ni yahure:

—Ahriro Jesure yaba buhiri mariahna. 39 Cuhmaripe pascua jichu cuiro peresui jirirore musa wio dutirucura. ¿Ā jicu ahriro Jesureta musa puhtoro cjihto musare wiobasabocari yuhu?
—nire Pilato judio masare.

40 To ã nichu tuhoa judio masa õ sehe ni sañurucure:

—Tirore wioi tjiga. Barrabá sehere sâre wiobasaga —ni sañurucure judio masa Pilatore.

Barraba sehe yaca bucuro jire.

19 ¹ Ti ã ni sañurucuri baharo Pilato Jesure tjana dutiri jire. To ã dutichu to muua sehe tirore tjanari jire.

² Tjana tuhsu tina pota soro dahre tuhsu, Jesu dapu bui duhu payori jire. Duhu payo tuhsu, puhtoa ya suhti barore tirore sâa, payu tahari tiro cahacu suruca, õ sehe ni bujuperi jire tina:

3 —Noano tagú. Judio masa puhtoro noano tagú —ni bujupe, Jesu wuhduahi cjua mujari jire.

4 Ā yoa pari turi Pilato judio masa cahapu waha, tinare õ sehe ni yahure:

—Tuhoga musa. Ahriore ñaa buhiri mariahna. Ā jicu ture musa masihti cjihtire musa cahai tirore na tai tai nihi —nire tiro.

5 To ã ni tuhsuchuta Jesu pota soro pisariro, puhtoa ya suhti barore sâa, wuhu jiriro wijaa tare. To ã wijaa tachu Pilato tinare õ sehe nire:

—Ñuga. Ahriro tjira tiro —nire Pilato.

6 To ã ni tuhsuchu tuhoa, sacerdotea puhtoa, Cohamacu wuhu cohtaina surara cuhu Jesure ñua, sañurucure:

—Crusapu cjua puha wajuga tirore. Crusapu cjua puha wajuga tirore —ni sañurucure tina.



—Tirore ne ñaa buhiri mariahna. Å jina m̄usa basita tirore naaga. Å jina m̄usata tirore crusapu cjā puha wajāga —nire Pilato tinare.

7 —Tiro to basi “Cohamacu macuno jija”, nia tire. Tíre to å nichu sā dutia sehe tirore wajā dutira —nire tina Pilatore.

8 Ti å nichu tuhoro tó pano to cuiriro yuhdoro cuia wahare Pilato sehe. 9 Å jiro pari turi to wuhupure majare sāa, Jesure õ sehe ni sinituri jire tjoa:

—¿Noho macariro jijari m̄uhu? —niri jire Pilato Jesure.

To å ni sinitupachuña Jesu tirore yuhtierari jire.

10 To å yuhtierachu ñuño Pilato tirore õ sehe ni sinitu namori jire:

—¿Yuhure yuhtierajari m̄uhu? Yuhu m̄uhure peresui jirirore wio masija. Å yoa m̄uhure crusapu cjā puha wajā duti masija yuhu. ¿Tíre masierajari m̄uhu? —niri jire Pilato Jesure.

11 —Cohamacu m̄uhure to dutierachu yuhure ñano yoape dutieraboa m̄uhu. Yuhure ñu tuhtiinare ñoriro sehe mu yuhdoro ñano buhiri tira —niri jire Jesu Pilatore.

12 To å nichu tuhoro Pilato sehe tirore wio duari jimare. To å wio duapachuña pari turi judio masa õ sehe ni sañurucure:

—Jesu “Puhotoro jija” nino, mari jipihtina bui puhotoro jirirore Roma macarirore ñu tuhtiriro jira tiro. Å jicu tirore

wioch mahh cahh mari bui pahtoro jirirore nu tuhtiriro jiihca —ni sañurucure judio masa Pilatore.

13 Ti ã nichh tahoro Jesure wuhh jirirore na wijaa ta, buhiri dahre dutiro taro to dujiri pahtai nuju sure Pilato sehe. Tó to buhiri dahre dutiri wapa, taa mehne ti yoari wapa judio masa sã ya mehne Gabatá wama tire. 14 Tí dacho pascua dacho bose numh sã chuhti cjihtire sã cahnori dacho jire. Tí pjare cohari pja waro jire. Nuju su tuhsu Pilato masare õ sehe ni yahure:

—Ahriro tjira musa pahtoro —nire tiro.

15 To ã nichh tahoa judio masa õ sehe ni sañurucure:

—Yariajaro tiro. Yariajaro tiro. Crusapu cjã puha wajãga tirore —ni sañurucure tina.

—¿Musa pahtoro to jipachuta tirore crusapu cjã puha wajã dutijari musa? —nire Pilato.

To ã nichh tahoa õ sehe ni yuhtire sacerdotea pahtoa:

—Mari jipihtina bui pahtoro Roma macariota sã pahtoro jira. Pairo pahtoro sãre mariahna —ni yuhtire sacerdotea pahtoa.

16 Ti ã ni durucuri baharo Pilato Jesure crusapu cjã puha wajã dutiro, tirore ware tinare, tirore wajãhtinare.

Jesure cjã puha wajãha tina

(Mt 27.32-44; Mr 15.21-32; Lc 23.26-43)

17 ã jia tina Jesure naa wijaare. Ti naa wijaachu Jesu sehe to crusare to basi wua naa, dapu cohã wama tiropu sure. Sã judio masa ya mehne dapu cohã Gólgota wama tire. 18 Tópu sua tina Jesure cjã puha õre. Tuhsu, paina puarore cahiro to poto buhusehei, pairo to cõ buhusehei cjã puha dapore tina. ã jiro Jesu ti dacho macai jire. 19 Ti cjã puha tuhsuchu, Pilato taboa pjine joa, Jesure ti cjã puha õri crusai cjã puha õ dutire tí pjine. Ó sehe ni joare tiro: “Ahriro Jesu Nazare macariro, judio masa bui pahtoro jira”, ni joare Pilato tí pjine. 20 Tí pjine joaro judio masa ya dusero mehne, Roma macaina ya dusero mehne, griego masa ya dusero mehne joare tiro. ã yoa Jesure crusapu ti cjã puha daporiro maca cahacai jire. Tó cahacai jiina payu judio masa Pilato joarire nu, buhere. 21 ã buhe tuhsu judio masa sã sacerdotea pahtoa õ sehe nire Pilatore:

—“Ahriro judio masa pahtoro jira”, ni joai tjiga. Sã pahtoro jierara ahriro. ã jich õ sehe ni joa cahnoga muhu. “Ahriro




‘Judío mas púhtoro jija’, ni cūriota to basita ã ni tūhoturiro jira”, ni joa cahnoga —nire sacerdotea púhtoa.

22 —Yū joa muhtariro seheta jirohca —nire Pilato tinare.

23 Jesure ti cjā puhari baharo pititiaro surara sehe Jesu suhtire ti basi witire. Ti ã witi duapachūta cū suhtirota yoari suhtiro dohori marieni suhtiro jire. Tí suhtiro suhari suhtiro jire. 24 Tí suhtiro to ã jichū õ sehe nire tina ti basi:

—Ahri suhtirore tūhrēna tjijihna. Ahri suhtirore nahtiro cjihtore masi duana, docapejihna mari —nire tina ti basi.

Ã docapea, Cohamacū yare ti joari tjui ti ni joariro seheta yoaa nire tina. “Yū suhtire tina ti basi witire. Ñ jia yū suhtire nahtiro cjihtore masi duaa, docapere tina”, ni joaa tiha Cohamacū yare ti joari tjui. To ã ni joariro seheta ã yoaa nire tina.



25 Surara ti ã yoachu Jesu pocoro, Jesu muono, María Cleofa namono, María Magdalena mehne Jesu crusa cahacái ñurucure tina. 26 ã jiro to pocoro yuhu to cahíriro cuhu to cahacái sã ducuchu ñuño to pocorore õ sehe ni yahure Jesu:

—Mipure ahriro mu macu cjihto jira —nire Jesu to pocorore.

27 ã ni tuhsu, yuhare õ sehe ni yahure tiro:

—Mipure ahricoro mu poco cjihto jira —nire Jesu yuhre. To ã niri baharo Jesu pocorore yu ya wuhupu ji dutii.

Jesu yariaa wahaha
(Mt 27.45-56; Mr 15.33-41; Lc 23.44-49)

28 To ã ni yahuri baharo õ sehe ni tñhotu masiri jire Jesu: “Jipihtia Cohamacu yuhure dahra dutiro to cûrire yoa pahñohi”, ni tñhotu masiri jire Jesu. Ñ masino Cohamacu yare ti joari tjui to ni yahuriro seheta õ sehe nire Jesu:

—Ñahma yapioca yuhure —nire Jesu.

29 Ñ yoa tñi vino sñea core posa tñri situ dujire. Ñ jiro tñi jiriro wihmi nari sñhtere sñea co mehne ti sohari sñhtere yucuñ hisopo wama tñdu sohtoai dñhte õre. Dñhte õ tuhsu, Jesu dñseroi siõ muo, siõ õre. 30 Tí core Jesu wihmi tuhsu õ sehe nire:

—Tó puro tjica —ninota to dapure muhriruca, yoja su, yariaa wahare.

Surara Jesu patipahma batoi ñosaha ñosadu mehne

31 Tí dacho pascua bose nñmu pano jire. Tí bose nñmu macaare sã chühti cjihtire sã cahnori nñmu jire. Ñ jia pa dacho Sabado jichu tí bose nñmu jichu crusaripu ti wajärinare cû duaerare judio masa. Tí dacho Cohamacure ti ño payori dacho bose nñmu jire. Ñ jia tí dachoi ti cjä puharina cjirire crusapu ti jichu cahmaerare tina. Ñ jia ti cjä puharina cjirire ti ñuchua cohärine cjä nuha dutia taa judio masa sininha Pilatore, ti yaria mñrocahito cjihto sehe. Ti ã yoari baharo ti pjacuri cjirire na boro bahrañoa taa nire. 32 Ti ã dutichu surara sehe crusari cahapu su, cñiro yacariro cjiro ñuchua cohärine cjä nuhare. Pairo cñhure ãta yoare tina. 33 Ñ jia Jesu ñuchua cohärine cjä nuha tamaa, to yariariro jichu ñua, cjä nuhaerare.

34 Ñ cjä nuhaeraa cñiro surara to patipahma batoi ñosadu mehne ñosare. To ã ñosachu dóihta to di, co mehne wijaare.

35 To ã wahachu ñhi yuhu. Yuhu ahri tjure joariro mñsare potocä yahuja. Potocä yu yahua jichu masija yuhu. Mñsare yahuja mñsa cñhu Jesure mñsa wacu tuahito sehe. 36 Cohamacu yare ti joari tju to niriro seheta ã wahare: “To cohärine ne cñ cohäre cjä nuhaerare”, to ni joariro seheta Jesu ñuchua cohärine ne cñ cohäre cjä nuhaerare. 37 Ñ yoa pa tju Cohamacu yare ti joari tjui õ sehe nina: “Tirore ti ñosariro cjiore ñuahca tina”, ni joaa tiha Cohamacu yare ti joari tjui.

Jesu pjacure masa copapu cūha
(Mt 27.57-61; Mr 15.42-47; Lc 23.50-56)

38 To yariari baharo José Arimatea macariro Jesu pjacu
cjirore na bororo taro, Pilatore siniri jire. José sehe paina judio
masare cuiro, Jesure wacú tuariro to jiare yahu duaerari jire.
To pjacu cjiroke to siniri baharo Pilato sehe to pjacure naa
dutiri jire. To ã na dutichu José crusa cahai su, Jesu pjacu
cjirore naa wahari jire. 39 Nicodemo cūhu me sitiare yucuchu
di pohca, mirra wama tia me sitia yucuchu pohca mehne dahra



moreare na tari jire. Jesu pjacu cjirore masa copapu ti siõ sãahto pano ti cahnohti jiri jire tí me sitia. Ti na tari cjiiri treinta kilo nucuri jire. Nicodemo sohõ jiri pja Jesu mehne to coã durucuri pja ñamipa Jesu cahai suriro jiri jire. **40** A jia tina puaro Jesu pjacu cjirore naa, judio masa sã yarinare sã yoarucuriro seheto to pjacu cjirore me sitia mehne suhtiro cahsaro mehne wahmari jire. **41** Crusapu Jesure ti wajãno cahai wese jire. Tí wesepu masa copa tâcapu wahma ti sahari copa jire. Tí copai ne yariariro cjirore siõ sãaerasinire.

42 Pascua dacho bose nãmhi judio masa sã bose nãmhi sã chuhti cjihtire sã cahnori dacho jire. To a jiri dacho jichu tí copa cahacãi to crusa jichu, tói siõ sãari jire tina Jesu pjacu cjirore.

Jesu masa wijaaha

(Mt 28.1-10; Mr 16.1-8; Lc 24.1-12)

20 **1** Domingo ñami curero jichu, bohreahto panocã María Magdalena Jesu masa copapu suri jire. Tópu suro tí copare ti tju bihari tâcare ti pjõo cûria tâcare ñuri jire ticoro. **2** A ñericoro jiro sã cahapu murocaa tare ticoro. Simo Pedro mehne yuhu sã puaro jii. Wihi, õ sehe ni yahure sãre ticoro:

—Mari puhtoro pjacu cjirore naanocari jihre. A jina tiro cjirore ti cûrire mari masieraja —nire ticoro sãre.

3 To a nichu tuhona, Pedro mehne masa copapu ñuna wahai sã. **4** A ñuna wahana sã puaro muroca wahcãi. A murocana, yuhu Pedore muroca yuhdu wahcãchu masa copapu su muhtai. **5** Tópu sucu muhri caha ñuroca soi tí copapure. Muhri caha ñuroca sôchu tirore ti wahmari suhtiro cjiro dihtare ñui. A jii tí copare sãaerahi. **6** Y u a ñuri baharopu Simo Pedro yu baharo wihire. Wihi, masa copapu sãa, to pjacu cjirore ti wahmari suhtiro cjirore ñure tiro. **7** Jesu dapure ti wahmari cahsaro cûhure ñure tjoa. Tí cahsaro soro coãno to turêri cahsaro jire. **8** A jicu yuhu cûhure masa copapu su muhtariro tí copapu sãai. Jesure to a mariachu ñuchu “Potocâta Jesu masa wijaari jira”, ni tuhotui yuhu. **9** Tí copapu sã wahahto pano Cohamacu yare ti joari tui Cristo to yariahtore yahurire, to masa wijaahore yahuri cûhure sã noano tuho ñahaerasinimai. Tí copare yu ñuri baharo, “Potocâta Jesu masa wijaari jira”, ni tuhotui yuhu. **10** A ñu tuhsuna sã wuhusepu tjuaa wahai.

Jesu María Magdalena bajuaha
(Mr 16.9-11)

11 Æ yoa masa copapu María majare tjua ta tí copa sopacapu wihi, ducuro, tiiro niri jire. Æ tiiparota ticoro muhri caha ñuroca sôri jire masa copapure. 12 Æ ñuroca sôno püaro anjoare, yehsea suhti tiinare Jesu cjiro to coäriro cjiropu ti dujichu ñuri jire ticoro. Cäiro to dapu coäriro cjiroi dujiri jire. Pairo to dahpori coäriro cjiroi dujiri jire. 13 Tinare to ñuchu tina sehe ticorore õ sehe ni sinituri jire:

—Numino, ¿dohse jiro baro tiico nijari mühu? —niri jire tina.

—Yü pühtoro pjacu cjiore naanocari jihre. Æ jico to pjacu cjiore ti cûrire masieraja yuhu —niri jire ticoro.

14 Æ ni tuhsu, majareruca sumahno Jesure tói ducurirore ñuri jire ticoro. Æ ñuparota Jesure ñu masierari jire ticoro.

15 —Numino, ¿dohse jiro baro tiico nijari mühu? ¿Noare macaco nijari? —niri jire Jesu ticorore.

“Ahriro ahri wesere ñu wihboriro jira”, ni tühotumari jire ticoro Jesure. Æ ni tühoturo, õ sehe niri jire ticoro:

—Mühuta to pjacu cjiore naariro jicu to pjacure mu cûriore yahuga yuhure. Mu yahuri baharo to pjacu cjiore naaco wahacohtja —niri jire ticoro tirore.

16 To ã niri baharo Jesu õ sehe niri jire:

—María —niri jire.

To ã ni pisuchu tühorro majare ñuroca, ticoro hebreo ya mehne sã judio masa ya mehne õ sehe niri jire:

—Raboni —niri jire ticoro Jesure. (Raboni nino “Buheriro”, nino nina.)

17 —Yü Pucu cahapu müjaerasinija yuhu. Yu ã müjaerasinichu yuhure ñahaeco tjiga. Tuhsu, paina yu yaina cahapu wahaga. Ti cahapu suco õ sehe ni yahuga tinare: “Yü Pucu cahapu wahai tai nija. Masa Pucu cühu jira tiro. Yu yairo Cohamacu cahapu wahai tai nija. Masa yairo Cohamacu cühu jira tiro”, nihre Jesu”, ni yahuga tinare —niri jire Jesu Maríare.

18 To ã niri baharo María Magdalena sã Jesu buheina cahapu wihi, yahure sâre:

—Mari pühtorore ñuhi yuhu —ni, Jesu ticorore to yahu dutirire yahure sâre ticoro.



Jesu to buheinare bajuaha

(Mt 28.16-20; Mr 16.14-18; Lc 24.36-49)

19 Tí dacho domingoí ñamichahai sā Jesu buheina sā coyea judio masare cuina, wuhupu biha sāa, dujii sā. Sā á dujichū Jesu sā watoi bajuarucu suro, sāre ó sehe nire:

—¿Jimajari mūsa? Noano jiga mūsa —nire.

20 Á ni tuhsu, to wamomacarine, to patipahma bato cūhure sāre ñore. Á jina sā tirore sā pūhtorore ñuna, wahchei. **21** Pari turi Jesu sāre ó sehe nire:

—Noano jiga m̄usa. Ȳu Puc̄a yuhure to warocariro seheta, m̄usa c̄uhure ȳu ya buheare buhehtinare warocaja —nire Jesu sāre.

22 ã ni tuhs̄a tiro sāre puti sāare. ã puti sāano Espíritu Santo sāre to sāarach̄a su m̄ua wahahtore ñono nire sāre. Ño tuhs̄a õ sehe nire:

—Mip̄u Espíritu Santore ñahaga m̄usa, m̄usa mehne jihtiroe.
23 Paina ti ñaa yoarire m̄usa boch̄a, ãta jiahca. ã jia paina ti ñaa yoarire m̄usa boerach̄a tí bori jisi —nire Jesu sāre to buheinare.

Jesure masa wijaarirore Toma ñuha

24 Jesu sā watoi to bajuach̄a Toma s̄uhduariro ti ni pisuriro sā mehne mariahre.

25 To ã mariach̄a sā mehne macaina tirore yahumare:

—Mari p̄uhtorore sā ñuhi —ni yahumai sā Tomare.

Sā ã ni yahupach̄a õ sehe nire Toma:

—To wamomacarine ti cjā puhaa coparire ñuerac̄a tí coparire ȳu wamo pica mehne be ñuerac̄a, “Potocāta masa wijaari jira”, nisi ȳuhu. ã yoa to patipahma batoi jiri copare ȳu wamomaca mehne siō sōerac̄a, “Potocāta masa wijaari jira”, nisi ȳuhu tirore —nire Toma.

26 Ocho dachori baharo pari turi sā to buheina sā wuhup̄a jii. Tí pjare Toma sā mehne jire juna. Tí wuhu bihari wuhu jire. Bihari wuhu to jipach̄a Jesu wuhup̄a sāa taro, sā watoi bajuarach̄a suro õ sehe nire:

—¿Jimajari m̄usa? Noano jiga —nire.

27 ã ni tuhs̄a, tiro Tomare õ sehe ni yahure:

—Ñuga ȳu wamomacarine. ã yoa m̄u wamo pica mehne ȳu wamomacarine ti cjā puhaa coparire be ñuga. Tuhs̄a, m̄u wamomaca mehne ȳu patipahma batoi jiri copare siō sō ñuga. “Potocā jierara”, nii tjiga. “Potocā tjira”, niga m̄uhu, —nire Jesu Tomare.

28 To ã niri baharo Toma õ sehe ni yuhure:

—Muhu ȳu p̄uhtoro jira. Muhu ȳu yairo Cohamac̄a jira —nire Toma Jesure juna.

29 —Yuhure m̄u ñuri baharo yuhure wacū tuara m̄uhu. Paina sehe yuhure ñuerapahta yuhure wacū tuaahca. ã jia tina m̄u yuhdoro wahcheahca —nire Jesu Tomare.

Jesure masa ti masihti cjihtire ahri tjure joaha João

30 Ñ yoa payu paye cūhure Cohamacu to tuaa mehne yoa ñiore Jesu sā mehne jiro. Tíre to yoarire ahri tjui joa pahñoperati yuhu. 31 Ñ joa pahñoperapaihta ahri tjui yu yahuare joahi “Jesuta Cristo Cohamacu to warocariro jira. Tiro potocáta Cohamacu macuno jira”, musa ni masihti cjihtire. Ñ jina musa tirore wacu tuaina Cohamacu mehne musa ñ jirucuhti cjihtire joahi ahri tjure.

Jesu siete to buheinare bajuaha

21 1 Baharo Tiberia wama tiri bucúpariro duhtu cahai sāre to buheinare Jesu pari turi bajuare tjoa. Sāre bajuaro ñ sehe yoare tiro tjoa. 2 Simo Pedro, Toma súhdúariro ti niriro, Natanae Galilea yahpai jiri maca Caná wama tiri maca macapiro, Zebedeo pohna sā púaro, paina púaro buheina sā ñopeinata cahmachui.

3 Sā ñ cahmachuri baharo Simo Pedro sāre ñ sehe nire:

—Wahi wajái wahai nija —nire tiro.

—Sā cāhu muhu mehne wahanahtja —nii sā tirore.

Ñ ni tuhsu buhaa wahai. Ñ jina dohoria mehne wahai. Wiho mejeta tí ñamine sā noano maca bohreapanaha ne cūiro wahi wajáerahi. 4 Bohrea parí cahachu Jesu paduroi to ducuchu tirore ñúmai sā. Ñ ñúpanaha tirore “Jesu jira”, ni ñú masierahi sā. 5 Ñ jiro sāre tiro ñ sehe ni siniture:

—¿Ne, wahi wajári musa? —nire Jesu.

—Ne wajáeraputiati sā —ni yuhu sā.

6 —Dohoria poto bühusehe sehe doca ñoga. Tie sehe doca ñona wahi wajánahca musa —nire sāre.

To ñ nichu tühona sā to niriroihta doca ñoi. Sā doca ño tuhsuchu payu wahi sāare. Payu wahi sāachu wañunore dohoriapu waja sāana bihoerahi sā. 7 Ñ jichu yuhu Jesu cahíriro Pedrone ñ sehe ni yahui:

—Mari puhtorota jira siro paduroi ducuriro —nii Pedrone.

Yuhu ñ nichu tühoro Jesuta to jichu masino, Simo Pedro to suhtirore sāare. Wahi wajáno taro to suhtirore tjuweriro jisinire. To suhtirore sāa tuhsu, diapu pjuroca ñojare. 8 Sā paina buheina dohoriái jina, cien metro yoaro diapure pahsai sā. Ñ jina wañunore wahi payu sāadure dohoria mehne waja nujai sā. 9 Duhtu cahai wahā suna pichaca niti dihta si coári

pichaca bui Jesu to pahō cūriore wahire ñui sā. Pāo cūhure ñui sā.

10 Sā ã ñuchu ñuño Jesu sāre õ sehe nire:

—Michapucacā mħsa wajärinare mahainacā na tahga
—nire sāre.

11 To ã nichu Simo Pedro sehe Jesu mehne jiriro dohoriapu samu, wañunore, bçjina wahi ciento cincuenta y tres wahi sāadure waja majare. Payu wahi sāapahta wañunore tührerare.

12 —Chusinina taga —nire Jesu sāre.

“¿Noa baro jijari mħuh?” ni sinitu ñuerahi sā tirore. Sā puhtoro to jichu masii sā. 13 Æ yoa Jesu pichaca cahapu sūro, pāore na, sāre witire. Wahi cūhure witire.

14 Æ jiro Jesu to masa wijaari baharo paduroi bajuarō tia taha sāre to buheinare bajuarō nire.

Jesu Simo Pedro mehne sħħuduha

15 Sā churi baharo Jesu Simo Pedrore õ sehe ni siniture:

—Simo Jona macuño, ¿ahrinare mu cahīriro yħdoro yħħure cahījari mħuh? —nire Simo Pedrore.

—Puhtoro, mħħure cahīja yħħu. Mħħure yu cahīch u masina mħuh —ni yħtire Simo Pedro.

—Æ jicu ovejacāre ti nuriro seheta yu yainare buhega mħuh —nire Jesu.

16 Æ ni tuhsu pari turi tiro Simo Pedrore õ sehe ni siniture:

—Simo Jona macuño, ¿yħħure cahījari mħuh? —nire Jesu.

—Puhtoro, mħħure cahīja yħħu. Mħħure yu cahīch u masina mħuh —ni yħtire Simo Pedro.

—Ovejare ñu wihboriro ovejare to noano ñu wihboriro seheta, yu yainare noano buhe ñu wiħboga —nire Jesu Pedrore.

17 Æ ni tuhsu pari turi tiro Simo Pedrore õ sehe ni siniture:

—Simo Jona macuño, ¿potocāta yħħure cahījari mħuh?

—nire Jesu tjoa.

Tia taha ã ni to sinituchu tħoror Simo Pedro tuaro cahyare.

—Puhtoro, mħħu masi pahñona. Mħħure yu cahīch u masina mħuh —ni yħtire Simo Pedro.

—Ovejare ti nuriro seheta yu yainare buhega mħuh.

18 Potocā mħħure niita nija. Mħħu wahmħu jicu mu suhtire sāa, mu cahmariro pū tinia tiri jire mħuh. Æ jiricu mu jipachu ta baharo mu buċu jichu, mu wamomacarine mu siōrocachu

pairo mūhure suhtire sāanohca. Tuhsu, mū waha duaeraropu mūhure naanohca —nire Jesu Simo Pedrore.

19 Â nino Simo Pedrore dohse waha to yariahtore yahuro nire. Â jiro Simo Pedro yariaro Cohamacare “Noariro, masi pahñoriro jira”, masa ti nichu to yoahture yahuro nire Jesu. Â Pedro mehne suhudu tuhsuro õ sehe ni namore Jesu tirore:

—Quihōno yu buheriro seheta yoaga mūhu —nire Jesu Pedrore.

Jesu to cahíriro buheriro ahri tjure joariro jira

20 To â nichuña Pedro sehe majare ñuropa, yuhure Joāore Jesu to cahíriro buherirore tinare yu nuna tichu ñuno Pedro Jesure siniture. Yuhu sehe to ñurido tó pano õ sehe niriro jii: “Puhu, ¿muhure ñu tuhtiinare ñohtiro sehe diro baro jicari tiro?” ni, Jesure sinitu ñurido jii yuhu. Tí pjare Jesu to pari wahpa chu dujii yuhu sehe. 21 Â jiro yuhure ñuno Pedro Jesure õ sehe ni siniture:

—Puhu, ¿ahriro sehe dohse waharohcari? —ni siniture.

22 —Tíre muhure yahueraja. Ahri yahpapu yu tjua tahto pano ahriore jirucuchu yu yoachu tíre masierara muhu. Â jicu muhure yahueraja. Quihōno yu buheriro seheta yoaga muhu —nire Jesu Pedrore.

23 Tíre to yahurire jipihtina Jesu yaina ti basi yahu sitemare. Tíre yahu sitea õ sehe nimare tina sehe: “Jesu to cahíriro buheriro yariasi”, ni yahu sitemare yuhure Jesu yaina ti basi. Ti â nipachuña “Tiro yariasi”, nino nierari jimare Jesu. “Ahri yahpapu yu tjua tahto pano ahriore jirucuchu yu yoachu tíre masierara muhu. Â jicu muhure yahueraja”, nire Jesu Pedrore.

24 Jesu buheriro ahrire yahuriro, ahri tjure joariro jija yuhu. Â jina ahri yu yahua quihōno jichu masija mari.

25 Payu paye cūhure Jesu yoare. To yoarire mari joa pahñochu tí tjuri joaa tjuri payubia wahaboa. Â jia tí tjurire mari wihbochu mu sueraboa ahri yahpa. Wahpaa yuhdua wahaboa, yu tūhotuchu. Tó puro tjira.

Hechos

“Espíritu Santo tarohca”, niha ahri tjure joariro

1 1-2 Teofilo, ahri quitire məhure joarocai nija. Pano yu joa məhtari pūre Jesu to yoaare, to buheare məhure yahu tuhsu. Pū məanopu to məjarire yahu batoai. To məjahto pano Jesu Espíritu Santo mehne dutiha to bese cūrinare. 3 Æ yoa Jesu crusapu to yariari baharo payu tahari pjacu tiriro bajua məjaha to cūrinare, tina “Potocāta tiro catira”, ti ni masihto sehe. Cuarenta dachori waro tiro bajua məjaha tinare. Æ bajuaro tiro to basi to catiriro jiare ñono niha tinare. Æ bajuaro pūhtoro Cohamacu to sūho jiare yahuha tinare.

4 Jesu to cūrina mehne jisinino tinare õ sehe ni yahuha:

—Jerusalēita jisiniga mipure. “Espíritu Santore məsare warocaihtja”, yu Pucu to nirirore cohtasiniga. Tíre to nirire məsare yahui yuhu. 5 João məsare bautisaro co mehne yoamare. Yuhu sehe tí yuhdoro yoaihtja məsare. Maha dachoricā baharo yuhu sehe Espíritu Santore məsa mehne jirucuchu yoaihtja məsare —niha Jesu.

Jesu məanopu məjaa wahaha

6 Æ yoa tina tūcu Olivo wama tidupu Jesu mehne cahmachuina sehe õ sehe ni sinitu ñuha tirore:

—Pūhtoro, ¿mipure sāre Israe yahpare pari turi cū, mari coyea warore pūhto sōihcari məhu? —ni sinitu ñuha to yaina.

7 Ti ã nichu tūhoro Jesu õ sehe niha:

—Məsa pūhto sāhti pjare yahu quihōriro, ã wahachu yoariro yu Pucu dihta jira. Məsa sehere tīre ne masihto basioerara. 8 Wiho mejeta məsare Espíritu Santo to wihibu Cohamacu ya masiare cjuanahca məsa. Tí masiare məsa cjuana Jerusalē macainare, jipihtina Judea yahpa macainare, Samaria yahpa macainare, ã yoa jipihtina ahri dacho mu sūro macainare noaa buheare buhenahca məsa. Yu yariarie, yu masa məjarire tinare buhenahca məsa —ni yahuha Jesu tinare.

9 To ã ni tuhsu baharota, Cohamacu Jesure məanopu məjachu yoaha juna. Tina tirore ti ñu nñu məochuta me



curua watopʉ sāa, buti mʉjaa wahaha. 10 To ã buti mʉjari baharota tina Jesu to mʉjarirore ti ñʉ mʉono watoi pʉaro anjoa yehsea suhti tiina Jesu to cūrina watoi bajuarʉcʉ sʉha. 11 Ñʉ bajuarʉcʉ sʉ, tinare õ sehe niha:

—Mʉsa Galilea macaina, ¿dohse jiro baro ñʉ mʉorucuna nijari mʉsa? Ahriro Jesu, mʉsa mehne jiriro cjirota, Cohamacʉ mʉanopʉ to mʉjachʉ yoarirota, mipʉre to mʉjachʉ mʉsa ñʉriro seheta, pari turi duji tarohca tjoa —ni yahuha anjoa tinare.

Jesu to cūrina Juda cjirore cohtotahtirore beseha

12 Ñʉ yoa Jesu yaina tācʉ Olivo wama tidʉpʉ jiina duji taa, Jerusalépʉ tju sʉha. Tʉ tācʉ cʉ kilómetro bui curero yoaro jira Jerusalē dʉhtʉ cahapʉre. 13 Tju sʉ, tina mʉanopʉ ti jiri tahtiapʉ mʉjaa wahaha. Ahrina jiha: Pedro, João, Santiago, Andre, Felipe, Toma, Bartolomé, Mateo, Santiago, Simo, Juda jiha. Santiago sehe Alfeo macʉno jiha. Simo sehe cananista wama tiri curua macariro jimaha. Juda sehe Santiago macʉno jiha. 14 Payʉ tahari ahrina jipihtina, to cūrina, ã jichʉ numia, María Jesu pocoro, ã yoa Jesu bahana mehne cūhʉ noano cahmachu, Cohamacʉre ã sinirucua tiha.

15 Ñ yoa tí dachorire masa payu cahmachuha. Ciento y veinte jia jiboa. Ñ jiro Pedro sehe tiro mehne macaina Cristo yaina watoi ducu, ñ sehe ni yahuha tinare:

16 —Yu coyea, Cohamacu panopu to niriro seheta ñ waharo nihre. Tíre Espíritu Santo Davi cjiore yahu dutiha Juda cjiore. Juda cjiro Jesure ñahahtinare ñoriro jihre. 17 Ñ yoahiro jiparota mari mehne Jesu yare yoariro jimahre. Ñ jiro sã mehne macarirota jimahre —niha Pedro.

18 Juda cjiro sehe Jesure ñ dutia ti waparire to wiari baharo to basita wajá yariaha. Ñ yoaro boraawaha, to tu misida tñhnua waha, yariaa wahaha. To wiari cjiri mehne paina mahanocã yahpare nuchuha. 19 Jipihtina Jerusalé macaina masi pihtinocari jire Juda cjiro to ñano yoarire. Ñ masia ti ya dñsero mehne to niñeru mehne ti nuchuariyahpa cjiore Acéldama wamoari jire. Acéldama nia, “Di yahpa”, nia nina. 20 Baharo ñ sehe ni namoha Pedro:

—Panopu to joariro seheta ñ wahahre Juda cjiro. Salmo to joari tuij ñ sehe ni joaa tiha:

“Tiro to jiri wuhu masa marieni wuhu tjuarohca.

Ne noa jisi tí wuhure”,
ni joaa tiha. Ñ cuhure ñ sehe ni joaa tiha:

“Pairo to dahraa cjirire cohtotariro jirohca”,
ni joaa tiha Salmopu.

21-22 Ñ jina mari cñiro besejihna. João masare bautisariro cjiro masare to buhero watoi caina Jesu yaina mari mehne wahare. Tina mehne macarirore cñiro bese nano cahmana mari mehne macarirore cjierto. Jesu mehne mari jichu mari mehne ñ jirucurirore besero cahmana. Ñ mari beseri baharo Jesu to masa mujarire mari mehne buherohca —ni yahuha Pedro to coyeare Cristo yainare.

23 To ñ nichu tñhoa pñarore bese dapoha tina. Cñiro José Justo wama tirirore beseha. Tiro Barsaba ti ni pisuriro jiha. Bese tuhsu, pairore Matia wama tirirore beseha. 24-25 Tinare bese dapo tuhsu, tina Cohamacure ñ sehe ni sininha:

—Muhiu sã pñhtoro jipihtina masa ti tñhotuare masina. Ahrina pñaro sã beseina jira. Juda cjirore cohtotahtirore diro mu cahmarirore besega. Jesure cohñtijahno Juda cjiro sehe pichacapu wahaha. Tirore cohtotahtirore Jesu to cñriro jirohca. Ñ jiro sã mehne noaa buheare buherohca —ni sininha tina Cohamacure.

26 Ñ niata tāa mehne doca mūjaha besea taa. Matia yaro to noano quihōno wijachū, tiro sehe Jesu to cūrina once cūrina mehne macariro tjuaha.

Espíritu Santo Jesu yaina mehne ji ducaha

2 **1** Ñ yoa Pentecoste wama tiri dacho jichū tina jipihtina cū wuhui cahmachuha. **2** Tí pjareta wihnono to tuaro taro seheta mūanopū bisiro coa taha. To ã bisiro coa tachū tūhoha jipihtina tí wuhupū jiina. **3** Ñ yoa picha pohna yoaro sehe jia tina jipihtina dapu poca bui bajuaha. Tí picha pohnaricā ñahmanoricā yoaro sehe bajuha. **4** Ñ yoa Espíritu Santo tinapure sāarucu sua wahaha. Tinapure to sāarucu sua wahachū, paina ya durucuare to durucuchū yoaa mehne tina sehe paina ya durucuare noano durucuha.

5 Tí dachorire Jerusalēpū payū judio masa, cū curua macaina masa jipahta, paró paye yahpari macaina jiha. Cohamacure ño payoina jiha. **6** Ñ yoa mūanopū coa tachū tūhoa tina Jesu buheina cahapū payū cahmachu wahcāha. Cahmachuina masape ya durucuare Jesu buheina ti durucu pahñochū tūhoa, tina tūho cūaa wahaha.

7-8 —Cuenah. ¿Dohse yoaa ahrina Galilea macaina jipahta mari ya durucuare noano durucujari? Tina mari ya yahpapū taina yoaro seheta durucua nina —niha tina sehe.

9-10 —Jipihtina mari durucuare mipure durucua nina: Ópe yahpari macaina mari õre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia yahpai Cirene cahapū jiina, Romapū taina jija mari. Cāina judio masa waro jija mari. Paina judio masa dojoina jija mari. **11** Crete macaina cūhū, Arabia macaina cūhū jira mari mehne. Mari payū paró macaina soro durucua tiina mari jipanata ahrina sehe mari masape curuari macaina durucuare ti durucuchū tūhoja mari. Tina mari ya durucua mehne Cohamacu tuaa mehne to yoarire yahua nina —ni durucuha masa ti basi.

12 Ñ niata tina cūaa waha, ti ñuri cūhure ti tūhorí cūhure noano tūho ñahaeraha.

—¿Ahrina dohse jiro baro paina ya mehne Cohamacu yare ã noano durucujari, mūsa tūhotuchū? —ni cahma sinitu ñūha tina ti basi.

13 Wiho mejeta paina Jesu yaina ti durucuchá túhoina
mehne macaina sehe tinare ò sehe ni bújapeha:

—¿Dohse ahrina sihbiori sihni cahaa nijari? —ni bújapeha
paina tinare Jesu yainare.

Pedro masare yahuha

14 Á jiro Pedro once Jesu to cûrina mehne wahcârhcú su,
tuaro durucutjiahno masare ò sehe ni yahuha:

—Músa Judea yahpa macaina, jipihtina Jerusalépú jiina,
ahrire masiga músa. Yú yahuchá túhoga músa. 15 Músa tuhotua
quihôno jierara. Nueve hora jira mipúta. Mari chú sihnini hora
jierasinica. Á jia ahrina cahaina jierara. 16 Ahrina Cohamacú
panopú to niriro seheta yoaa nina. Tí pjapúre Joere Cohamacú
yare yahu múhtariro cjiore, ahrire yahu dutia tiha Cohamacú
sehe:

17 “Sohtori tia dachori jichú ò sehe jirohca: ‘Yú yairo
Espíriture masare jipihtinare warocaihtja.

Á jia músa pohnapú yú yare yahuahca.

Á yoa músa mehne macaina wahma yapia
bajuamehneare ñúahca.

Á jia músa mehne macaina búcuna cahânopú
cahâahca.

18 Á jicú yú cahamacare, múhare, numia câhure yú
yairo Espíriture warocaihtja.

Á jia tina yú yare yahuahca.

19 Tuhsú, yú tuaa mehne bajuamehneare yoa ñoihca
múanopú.

Yahpapú câhure yú bajuamehneare ñoihca:
Dire, pichacare, mene ñoihca.

20 Tuhsú, sú dacho macariro nahitianore cohtotarohca.
Ñami macariro di yoaro sehe sohâiro cohtotarohca.
Ó sehe waharohca Cristo músa púhtoro to tahti
dacho, yú niri dacho panoi.

Tí dachoi ñú cúaa wahaahca masa.

Á jiro wiho jiri dacho jisi.

Tí dacho noari dacho jirohca.

21 Á jiro ò sehe jirohca.

Jipihtina masa Cristore ti ñaa buhirire cohâ duti
siniinare tiro tinare pichacapú wahaborinare
yúhdorohca’, nina Cohamacú,

ni joaha Joe.

22 'Musa Israe masa yu yahuchu tukhoga: Jesu Nazare macariro sehe Cohamacu to warocariro jihre. Jesure to warocarire masa ti masihto sehe Jesu to Pucuro ya tuaa mehne yoa nohre muesare. Musa tire masina. 23 Jesure wajā dutina judio masa jierainare wahre muesa. Cohamacu panopu to cahmariro sehetu, "A waharohca", to niriyo sehetu a yoahre. A jina muesa Jesure crusapu wajā dutihre Cohamacu dutiare cjiuaerainare. 24 Musa a yoapachuta Cohamacu sehe Jesure yariariro cjiore masohre. Pari turi ne yariasi tiro. Tiro yaria dojoaerara. A catirucuhtiro jira. 25 O sehe nia tiha Davi cjiro panopu macariro Cristo to ni durucuboriro sehetu:

"Yu puhoro yuhu mehne jira muhu.

Jipihtia dachoripe Cohamacu yu puhoro yu cahai mu jichu nua tihi yu cuierahto sehe.

26-27 Musu Cohamacu yuhure yariaina ti jiropure ne cohaci.

Yuhure mu cahirirore nanopu cohaci muhu.

Yuhu mu cahamacuno muhure no payoriro jija.

Yu pjacure baa dutisi muhu.

A jicu tuaro wahcheja.

Wahchea mehne durucuja.

A jicu muhure Cohamacure noano wacu tuariro jicu
nua buhiri marieriro jicu cuiro marieno noano
jinocaja.

28 Yuhure pari turi catichu yoaihca muhu.

Yuhu mehne mu jichu tuaro wahcheja",
ni joaa tiha Davi cjiro Cristo to ni durucuboriro sehetu.

29 'Coyea, o sehe noano yahuhtja muesare Davi cjiore mari coyeiro, panopu macarirore. Tiro yariaa wahaha. A jiro tiro to masa copa mipure jisinina. (A jiro "Yu pjacure baa dutisi muhu", ni joaro to basi wama payo yahuro nieraha.) 30-31 Panopu Cohamacu Davi cjiore o sehe niha: "Potoc nii niha. Mu panamana ji turiaina mehne macariro mu yoaro sehetu ahri yahpa macaina bui puhoro jirohca", nia tiha Cohamacu Davi cjiore. Davi Cohamacu yare yahu muhtariro cjiro jiha. A jiro Cristore Cohamacu to puheto sohtore masino, Cristo to masa mujahtore yahu muhta tuhsuha Davi sehe. O sehe niha: "Tiro yariaina ti jiropure ji dojosi. To pjacu to'i baasi", nia tiha Davi cjiro. 32 Ahriro Jesureta Cohamacu masohre. Sa jipihtina

tirore ñahi. 33 Mipure Cohamacu poto bühusehepü jira dutiriro jiro. Tó panopu to Pucuro “Espíritu Santore mu yainare warocaihtja”, to ni cūriro sehetra wari jire Jesure. Ā jiro Jesu sehe ahrinare Espíritu Santore warocari jira. Ā jina mipure Espíritu to yoaaare mūsa ñu, tūhona nina. 34 Davi cjiro sehe Jesu to mūjariro sehetra mūanopu mūjaeraa tiha. Ā jiro tiro to basi õ sehe nia tiha:

“Cohamacu õ sehe nire yu pūhtorore: ‘Yu poto bühusehei dujiga mūhu.

35 Mūhure ñu tuhtiinare mūhure cūihtja mu cahamaca yoaro sehe jihtinare’, nire Cohamacu yu pūhtorore”,

nia tiha Davi cjiro.

36 Ā jina jipihtina Israe masa ahrire noano masiga mūsa: Ahriro Jesure mūsa crusapu wajāriro cjiore mūsa pūhtoro sōhre Cohamacu sehe. Tirore mūsare yūhdohtirore Cristore cūre Cohamacu —ni yahuha masare Pedro.

37 To ã nichu tūhoa tuaro cahya, pjíro tūhotua, masa sehe Pedro cūhure õ sehe ni sinitu ñuha:

—¿Sā coyea, dohse yoanahcari sā? —ni sinitu ñuha tina.

38 Ti ã ni sinitu ñuchu õ sehe ni yūhtiha Pedro:

—Mūsa ñaa yoari buhirire cahyaga. Mūsa ñaa tūhotumari cjurire tūhotu cohtota, “Ā tjiri jira” ni, Cohamacureta maca, tūhoga. Ā yoa Jesu yaina jina, bautisarina jiga mūsa jipihtina. Jesure mūsa wacū tuachu ñuño, mūsa ñaa yoari buhirire borohca Cohamacu. Tó sehe mūsa yoachu Espíritu Santore warohca mūsare. 39 Mūsare, mūsa pohnare, mūsa panamana ji turiaínare, yoaro macainare, ã yoa jipihtina Cohamacu mari pūhtoro to beserinare, “Potocāta yūhdoihtja mūsare”, ni cūha Cohamacu —niha Pedro.

40 Tuhsu, tuaro mehne õ sehe ni yahu quihōha tinare:

—Ahri yahpa macaina, Cohamacure ji coaerainare buhiri dahrerohca Cohamacu. Wiho mejeta mūsa sehe, tina watoi jiina, Cohamacu yahurire, “Ā tjira”, ni bahrañoga mūsa yūhdūhto sehe —yahu quihōha Pedro masare.

41 To ã nichu tūhoa tina payu to yahuare noano tūhoha. Ā jiro tinare tiro bautisa dutiha. Tí dachore Cohamacu yaina mehne macaina tres mil masa waha namoha. 42 Ā yoa tina masa Cristo to cūrina mehne dachoripe cahmachu, tí buheare

taho nūnū, tíre yāhti mūjaa tiha. Tina pāore nuha, cahma witi, Cohamacūre sini, Cristo to cūrina mehne noano jinocaa tiha.

Jesu yaina wahma ji dūcaina ti jia tiare yahuha

43 Å yoa Cohamacū to tuaa mehne yoa ño mūjaha to cūrina. Ti ã yoachū ñūa masa jipihtina ñū cūaa wahaa tiha. 44 Jipihtina Jesure wacū tuaina cahmachu, noano jinocaa tiha. Å jia ti yare cahma witia tiha. 45 Ti yare dua, jipihtinare paye baro maerainare cāina ti cahmaare waa tiha tina. 46 Å jia dachoripe tina Cohamacū wūhū wijaaroi cahmachua tiha. Å yoa cāa wūhuse, ti ya wūhusepū cūhure nohopeina cahmachu, pāore nuha, wahchea mehne tina cānoi chūa tiha. 47 Ti ã cahmachuno watoi “Cohamacū noariro jira”, ni ño payoa tiha. Paina masa tinare ji coa yāhdūa tiha. Å yoaro dachoripe Cohamacū painare to yaina to yāhdohtina wahachū yooa tiha.

Tini masierarirore noariro wahachū yoaha Cohamacū

3 1 Cē nūmū ñamichahapū tres jichū Cohamacū mehne durucuri pja jichū Pedro, João mehne Cohamacū wūhupū wahaa niha. 2 Dachoripe tí wūhure ti sahrī sāari sahrīno tāa mehne ti yoari sahrīno macari sopaca cahai paina cūiro masūnore na ta duhu dapoa tiha. Tí sopaca noari sopaca wama tiha. Tiro masūno sehe wahma masa bajuaropūta dojori wahiro jiro tini masierariro jiha. Å jiro tiro tí sopaca cahai niñerure sini dujia tiha tí sopacai sāainare. 3 Å yoa Pedro, João mehne tí sopacare ti sāa cahachū tini masierariro sehe tinare ñū, niñerure siniha. 4 Å jia tina pūaropūta tirore ñū, Pedro sehe õ sehe niha:

—Sāre ñūga mūhū —niha Pedro tirore.

5 To ã nichū tūhoro “Ahrina mahancā yūhure niñerure waahca”, ni tūhoturo ñūroca õ tūhoha tinare. 6 To ã ni tūhotupachūta Pedro tirore õ sehe ni yahuha:

—Niñerure cjueraja yūhū. Cjuerapaihta, ahrire yoaíhtja mūhure. Jesucristo Nazare macariro to tuaa mehne wahcārūca, tiniga mūhū —niha Pedro tini masierarirore.

7 Å ninota to wamomacare poto būhusehe macari wamomacare ñaha, tirore waja wahcō dapoha. To ã yoachūta tini masierarirore to ñūchūa tuaa wahaha. 8 To ã wahachūta tiro wahcārūca purūca sū, tini dūcaha. Å tini dūcaro tiro waha, pu tini “Cohamacū noariro jira”, to ni wahcheriro mehne tina

mehne Cohamacu wuhu macari sahrino puhichapu saa wahaha. 9 To ã tinichu “Cohamacu noariro jira”, to nichu masa jipihtina tirore ñuha. 10 ã jia masa tirore ñu masiha. Tiro Cohamacu wuhu macari sahrino taa mehne to yoari sahrino macari sopaca noari sopaca cahai niñerure to sini dujirire masiha masa. ã jia tiro to tinichu ñu, ñu cuaa wahaha.

Cohamacu wuhu Pedro masare buheha

11 ã yoa tini masierariro cjiro Pedro cuhure to siõ suha mujanu watoi, masa jipihtina ñu cuaa waha, noari wapapu Salomo wama tiri wapapu muroca wahca, cahmachuha. 12 Ti ã cahmachurucu suchu ñuno, Pedro sehe õ sehe ni yahuha tinare:

—Musa Israe masa, ¿dohseana ahriore ñu cuajari? ¿Dohseana sare musa ñu nunujari? Sã sehe sã ya tuaa mehne noaina sã jia tia mehne sã mu suro ahriore tinichu yoaerah sã. Jesu sehe tire yoahre. 13 Abrahã, Isaa, Jacobo mari ñuchusuma, panopu macaina ti yairo Cohamacu sehe to cahamacuno Jesure Jipihtina Bui Jiriro cuhure. Wiho mejeta musa sehe tó sehe jirirore tirore ñu tuhtiinare wahre. Baharo puhtoro Pilato tirore to wio duapachuta, musa sehe tirore to wiocu cahmaerare. 14 Pilato tirore wio duamahre. Wiho mejeta musa Jesure ñaa buhiri marierirore, quihõno yoariore cahmaerana, pairore masa wajãriro sehere wio dutihre musa. 15 ã yoana Jesure marine catichu yoariore wajãchu yoare musa sã coyea judio masa. To yariachu Cohamacu tirore masohre. Tire sã ñuhi. 16 ã jina Jesu pjiriro to jia tiare wacu tuaina jija. Tirore sã ã wacu tuachu ñuno ahriore musa mipu ñuriore musa ñu masirirore Jesu sehe to tuaa mehne tinichu yoahre.

17 'Yu coyea, musa puhtoa mehne Jesure noano masierapanaha tirore wajãchu yoare musa. Tire masija yuhu. 18 Wiho mejeta panopu macaina Cohamacu yare yahu muhtaina cjiри Cohamacu tinare to yahu dutiriro seheta, yahua tiha tina. “Cristo ñano yuhdu, yariarohca”, ni yahua tiha tina. Ti ã ni yahuriro seheta ã wahahre mipure. 19 ã jina musa ñaare yoari buhirire cahyaga. Musa tuhotumari cjirire tuhotu cohtota, ñaare musa goa pjariре duhu, Cohamacureta majareruca, to ya sehere quihõno tuhoguca. Musa tirore majareruca, quihõno tuhocu ñuno, Cohamacu musa ñaare yoari buhirire borohca. ã boro, musare wahchehti dachorire cu, musare noano yajeri sãachu yoarohca

tiro. **20** Å yoa tiro m̄usa p̄uhtoro cjihtore to beseriro Cristore m̄usare warocarohca tjoa. Tiro Cristo sehe Jesuta jira.

21 Cohamacu cahapu jisininohca Jesu, p̄u Cohamacu ahri yahpapu jipihtiare wahma to cohtota pahñochapu. To ã cohtota pahñohtore Cohamacu yare yahu muhtaina cjiri, to yaina waro panopu yahu quihõ tuhsua tiha. **22** Moise cjiro t̄ire yahuro õ sehe ni muhtaha: “C̄iyo mari mehne macarirore mari coyeiroreta Cohamacu yare yahu muhtahtiro cjihtore Cohamacu mari p̄uhtoro warocarohca m̄usare. Yuhure to warocariro seheta warocarohca tiro c̄uhure. Å jina m̄usare to yahuchu t̄uhona, ‘Jai’, ni yuhti pihtinocaga m̄usa. **23** Õ sehe jirohca. Jipihtina tirore yuhtieraina to cohähtina jiahca. Cohamacu yaina mehne macaina jisi tina”, ni muhtaa tiha Moise cjiro.

24 ‘Jipihtina Cohamacu yare yahu muhtainape Samue, ã yoa to baharo jiina c̄uhu mipu jia dachori cjihtire yahu muhtaa tiha. **25** Mari ñuchusuma cjirire, Cohamacu yare yahu muhtaina cjiri c̄uhure panopu macainare yahua tiha Cohamacu. Mari c̄uhure ã ni yahuro nia tiha. Abrahãre to niriro seheta mari c̄uhure ni yahuro nia tiha. Õ sehe ni yahua tiha Cohamacu Abrahãre: “Jipihtiro ahri yahpa macainare noano yoaihtja. Õ sehe t̄ire yoaihtja: Mu coyeiro baharo jiriro sehe masare noano yoabasarohca yuhure”, nia tiha Cohamacu Abrahãre. **26** Cohamacu to macunore masa wijachu yoaro mari cahapu waroca muhtare mari ñaa yoaare duhuchu yoahtiore. Å yoaro marine tiro noano yoare —niha Pedro tinare.

Pedro, João mehne p̄uhtoa mehne suhuduha

4 **1-3** Pedro, João c̄uhu masa mehne ti durucuro watoi sacerdotea, Cohamacu wuhure cohtaina surara p̄uhtoro, saduceo curua macaina c̄uhu tinare t̄uhoha. Õ sehe ni buheha Pedro João mehne masare:

—Jesu to yariari baharo masa mujaa wahahre. To ã masa mujarire ñua mari c̄uhu baharo to yaina mari masa mujahtore masija mari —ni yahuha Pedro c̄uhu.

Ti ã nichu t̄uhoa p̄uhtoa sehe tina mehne suaha. Å suaah nahi cahachu ñua tina Pedrone, João c̄uhure ñaha, peresu yoaha.

4 Å tinare peresu ti yoapachuta payu ti yahuare t̄uhoina sehe “Potocäta jira”, ni t̄uhotuha. Å jia Jesu yaina payu waha, tí dachoi wahma to yaina ji ducaina, å yoa tó panopu Jesure

wacū tua tuhsurina mehne múa sahserore mari quihōchú, cinco mil masa súro cahai jiha.

5 Á yoa pa dachoi tí maca macaina púhtoa, búcuna, á yoa judio masa buheina cáhu Jerusalépú cahmachuha. 6 Ti á cahmachunoi sacerdotea bui púhtoro, Ana wama tiriro cáhu tóí jiha. Á yoa to coyea cáhu jiha. Caifa, João, Alejandro, paina mehne Ana coyea cáhu jiha. To coyea to dahraare dahraina jiha tina cáhu. 7 Á jia tina Pedro cahure ti cahmarocachú, surara sehe púhtoa watopú tinare naa wihi dapoha. Ti á na wihi dapochú, tina púhtoa ò sehe ni sinitu núa Pedro cahure:

—¿Noa ya tuaa mehne múa tirore noariro yoari? ¿Noa jijari mísare tíre yoa dutiriro? —ni sinitu núa tina.

8 Ti á nichú túhoro Espíritu Santo to yoa dutiriro seheta to tuaa mehne yahuha Pedro tinare:

9 —Musa púhtoa, ¿musa búcuna, sá dohse yoa ahriro tini masierarirore sá tinichú yoarire masi duana, sáre sinitu núa nijari múa? 10 Tí pja pini ahrire masiga múa jipihtina, Israe masa. Jesucristo Nazare macariro, múa crusapú wajáriro, Cohamacú to masoriro tiro sehe ahriro tini masierarirore noariro wahachú yoahre. Á jina ahrirore mipure múa níurocaroi to tinichú núa múa. Ó sehe nina Cohamacú yare ti joari púi Jesu cjihtore yahuro: 11 “Ahriro taca yoaro sehe jiriro jira. Tácare wáhú dahreina wiho jiriare ti coháriro seheta múa judio masa tirore coháhre. Musa á yoapachúta mipure wáhú dahreina wáhúre yoaa ti cù mührtari tácare ti cüriro seheta Cohamacú tirore púhtoro sôhre. Tiro Cristo mariachú Cohamacú yaina wahaerboa masa. (To á wiho jiriro jierapachúta múa mari púhtoa mehne tirore cahmaerare. Musa á cahmaerapachúta Cohamacú sehe tirore mari púhtoro sôhre)”, ni joaha panopú. 12 Ne, pairo masare pichacapú wahaborinare yûhdoriro ne mariahna. Ahri yahpapúre Jesu dihta masare yûhdoriro jira. Ne paina tiro yoaro sehe jiina mariahna —ni yahuha Pedro tinare.

13 To á ni yahuri baharo Pedro, João mehne buhemahnoeraina jipahta cuiro marieno ti buhechú núa, púhtoa, búcuna, judio masa buheina mehne núa chaa wahaha. Á jia Jesu yoaro sehe ti buhechú núa, ó sehe masiha tina: “Potocá Jesu mehne macaina tjira ahrina”, ni masiha tina. 14 Á yoa tini masierariro cjiro Pedro cáhu mehne jiha. Tiro to noariro jichú núa púhtoa, búcuna, judio masa buheina mehne.



Ã jia tina Pedro cūhure “Ñano yoaa nina”, ni yahusā masieraha. 15 Ñ yahusā masiera pūhtoa ti cahmachuri tahtiapū jiinare Pedro cūhure wijaa dutiha. 16 Ti wijaari baharo pūhtoa sehe ti basi õ sehe ni sūhuduha:

—¿Ahrinare dohse yoanahcari mari? —ni durucuha tina ti basi.

Ó sehe ni durucu namoha:

—Pedro, João Cohamacū tuaa mehne tini masierarirore tinichū yoari jire. Ñ jia Jerusalē macaina jipihtina ti ñ yoarire masica. Ñ jina mari sehe “Ñ yoarerare tina” ni masieraja mari. 17 Ñ jina Jesu to buheri cjirire painare buhe dutienas tijihna tinare, “Paina tí buheare cahmari”, nina —ni durucuha tina ti basi.

18 Ñ ni durucu tuhsua Pedro cūhure pjiroca, õ sehe niha:

—Jesu to buheri cjirire ne buhena tjiga painare. Tíre ne durucu namoena tjiga —ni yahumaha tinare.

19 Ti ã ni yahuchu tuhoa tina Pedro João mehne õ sehe ni yuhtiha tinare:

—Musa õ sehe ni dutichu musare yuhtina, Cohamacu sehere yuhdurucana niboca sã. ¿Diro ya sehere sã yoachu quihõno jijari Cohamacu to ñurocarore? ¿Musa ya sehere sã yoachu quihõno jijari? ¿Cohamacu ya sehere sã yoachu quihõno jierajari, musa tuhotuchu? **20** Sã sehere sã ñurire, sã tuhorire sãre yahto basioerara —ni yuhtiha Pedro, João mehne.

21 Ti ã nichu tuhoa puhtoa sehe pari turi dutimaha tjoa tinare:

—Jesu to buherire musa buheri buhiri ñano yuhdunahca musa —niri jimare puhtoa tinare.

“João, Pedro mehne ñano yoaa nina”, ni masierari jire tina. Â jia masa sehe tini masierariro to noariro wahachu ñua, “Cohamacu potocãta noariro jira”, niha masa. Ti ã nichu tuhoa puhtoa sehe Pedro cuhure ti dohse yoa buhiri dahreboare bocaeraa, tinare wioha. **22** Tini masierariro, noariro ti yoariro cuarenta cuhmari bui cjuariro jiha.

Jesu yaina ti cuierahto cjihtore siniha Cohamacure

23 Â yoa, Pedro João mehne ti wiori baharo tina mehne macaina cahapu su, sacerdotea puhtoa, bucuna jipihtia tinare ti niri cjirire yahuha. **24** Ti ã ni yahuchu tuhoa tina jipihtina cuno potori Cohamacure siniha:

—Sã puhtoro muhu muhanore, yahpare, mári cuhure yoariro jipihtina catiinare bajuamehneriro jira muhu. **25** Mu Espíritu Santo sã ñuchu cjirote Davire mu cahamacunore ahrire yahu dutia tiha mu niriro seheta:

“¿Dohse yoa Israe masa jieraina suajari?

¿Dohse yoa Cohamacure ti yuhdurucahtire wiho waro durucujari tina?

26 Payu yahpari macaina puhtoa cahmachu, mari puhtoro Cohamacure, to puhtoro sôriro Cristo cuhure ñu tuhti, ñano yoa duara tinare”,

ni yahua tiha Davi cjiro mu ni dutiriro seheta.

27 Â tjira. Ahri macai Herode, Poncio Pilato, judio masa jieraina, â yoa judio masa cuhu cahmachuhre, mu beseriore Jesure noariro mu cahamacunore wajâa taa. **28** Tí pja mu cahmariro seheta “Â waharohca”, mu niriro seheta yoahre tina. Mu masia mehne â ni yahuha muhu. **29** Â jicu mipure sã

púhtoro, tina sáre puríno mehne mʉ jia tiare ti yahu namo dutierachʉ wacū payoga mʉhʉ. Sáre mʉ cahamacare cuiro marieno mʉ buheare yahuchʉ yoaga sáre. **30** Mʉhʉ mʉ tuaa mehne dohatiinare noaina yoaga. Å jicʉ mʉ buheare cuiro marieno yahu dutiga sáre. Å yoa Jesu noariro mʉ cahamacʉno to tuaa mehne yoa ño masichʉ yoaga sáre. Å jicʉ dohatiinare noaina sã waha dutichʉ to tuaa mehne yoadohoga sáre —ni sininha tina Cohamacʉre.

31 Ti ã ni siniri baharo, ti cahmachuri wʉhʉ ñuhmi mʉaa wahaha. To ã ñuhmichʉta Espíritu Santo to tuaa mehne wacū tua namoina wahachʉ yoaha tinare. Tinare ã wahachʉ Espíritu Santo to dutiriro seheta yoaa, cuiro marieno Cohamacʉ yare yahu namoha tjoa tina.

Jesu yaina ti yare tju waa tiha

32-33 Å jia Cohamacʉ to tuaa mehne tina Jesu to cūrina õ sehe ni yahua tiha masare: “Jesu yariariro to masarire sã ñʉhi”, ni yahua tiha tina masare. Å jiro tinare jipihtinare Cohamacʉ noano yoadohorucua tiha. Å yoa Jesure wacū tuaina payʉ jia, tina cūno potori tʉhotuina jia tiha. Å jia tina ti yare ti cjʉaare “Yʉ ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha. **34** Å jia tina mehne macaina pjacʉoina mariea tiha. Tina mehne macaina yahpari cjʉaina, wʉhʉse cjʉaina ti yare duaa tiha.

35 Å duaa ti wapa narire tina na ta, Jesu to cūrinare waa tiha. Å jia tina sehe tíre tina mehne macainare tju waa tiha. Jipihtina cjʉerainare tju waa tiha. **36** Tí pjare cūiro tina mehne macariro José wama tiriro jiha. Jesu to cūrina José Bernabé ni wama pisuha. To wama Bernabé “Masare wahchechʉ yoariro jira”, nia nina. Tiro Leví ya curua macariro Chipre nʉco macariro jiha. **37** Å jiro tiro yahpare cjʉariro jiro tíre duaha. Å duaro to wapa narire Jesu to cūrinare waha tiro painare witi dutiro.

Anania to namono Safira mehne mahñoha

5 **1** Paina cūhʉ Bernabé yoaro sehe yoaa timaha. Tina Anania wama tiriro, to namono Safira wama tircoro jiha. Ti ya yahpare duaha tiro. **2** Å duaparota tiro to wapatarire to basi naha. To namono cūhʉ to ã yoarire masiha. Å jiro ti wapataa ti dʉharire na ta, Jesu to cūrinare waha Anania sehe.

Á waro “Wa pahñoi nija”, nimaha tiro. 3 To á yoachu ñuno Pedro tirore ó sehe ni yahuha:

—Anania, watíno mūhure mahñó dutiri jire Espíritu Santore. Á jicu mu ya yahpare dua, mu wapatarire mu basi nari jire mūhu. 4 Mu duahto pano mu ya yahpa jihre. Á jiro mu duari baharo mu ya wapataa jihre. ¿Á yoacu dohse jiro baro á mahñori mūhu? Mūhu sā dihtare mahñoyerare. Cohamacu cūhure mahñohre muhu —niha Pedro tirore.

5 To á nichu tūhorota, Anania sehe doca caha su, yariaa wahaha. Á jia jipihtina tiro to á wahachu masia, tuaro cuiha. 6 To yariari baharo wahma yapia ta, to pjacure suhtiro cahsaro mehne wahma, sopacapu na wijaa, masa copapu cohānocaha tirore.

7 Á yoa tia hora baharo Anania mūnano namono, to yariarire masieraro Pedro cahapu sāaha. 8 Á jiro Pedro ticorore ó sehe niha:

—¿Muña ya yahpare duatjiahna noho puro wapatari muña?
—niha tiro.

Á jiro ticoro to manuno mūnano to niriro purota, “Tó purota wapatahi sā”, ni yuhtimaha ticoro.

9 To á ni yuhtichu tūhoro Pedro ó sehe ni yahuha ticorore:
—¿Dohse yoana muña cūno potori Cohamacu Espíriture mahñó duajari? ¿Potocāta marine buhiri dahrebocari?” nina. Tūhoga mipure. Mu manu cjiore yarina tara. Mūhu cūhure mu pjacure naa taa nina —niha Pedro.

10 To á ni yahuchuta ticoro doca caha su, yariaa wahaha. Á jia wahma yapia tí wūhure sāa wihi, ticoro pjacure na wijaa wahaha. Na wijaa, to manuno mūnano pari wahpa ticoro pjacure masa copapu cohāha. 11 Á jia Jesu yaina jipihtina paina tīre tūhoa cui yūhdúa wahaha.

Jesu to cūrina Cohamacu tuaa mehne yoa ñoha

12 Á yoa masa watoi Jesu to cūrina payu tahari Cohamacu tuaa mehne yoa ñoa tiha. Á yoa tina Salomo wama tiri tahtiapu tihamahnoeni tahtiapu cahmachua tiha. 13 Á jia paina Jesu yaina jieraina sehe cui curea, tina cahapu wahaera tiha. Á cuipahta tinare Jesu yaina warore “Noaina jira ahrina”, nia tiha masa. 14 Á jia muña, numia payu Jesure wacu tua dūcaa tiha. 15 Á jia tina dohatiinare na ta, coma yosaa mehne pjūpaha duhu cūa tiha mahapu tinare. Á yoa Pedro tinare to ña

payochu cahmaha tinare na taina sehe dohatiina ti noaina wahachu cahmaa. Tinare to ña payoerachu Pedro ti bui masuruca cûchu cahmaha tina. Tí dihtare cahmaa tiha ti noaina wahahto sehe. 16 Á jia Jerusalé cahai jia macari macaina cûhu dohatiinare, watuti ti sâaina cûhure na taa tiha. Ti á na tachu tina jipihtina ti pjacuri noaina wahaha.

Jesu to cûrinare paina ñano yoaa tiha

17 Ti á yoachu ñua sacerdotea bui puhtoro, tiro mehne macaina mehne Pedro cûhure ñu tuhtiha. Sacerdotea puhtoro mehne macaina saduceo curua macaina jiha. 18 Á ñu tuhtia tina sua yuhdua Jesu to cûrinare ñaha, peresu yoaha. 19 Á jiro ñamipu Cohamacu yairo anjo pjôoha tinare peresui dujiinare. Á yoa tinare wijaa ta dutiro õ sehe ni yahuha anjo:

20 —Cohamacu wuhupu wahaga. Tí wuhupu jina Cohamacu to masorire ahri noaa buheare yahuga masare —niha anjo tinare.

21 To á nichu tuhoa, ñamiwacunu jichu Cohamacu wuhupu sâa, masare buhea tiha tina. Tí dachoihta sacerdotea puhtoro, tiro mehne macaina, Israe masa puhtoa mehne cahmachu, Jesu to cûrinare peresupu jiinare na ta dutimaha surara puhtoare. 22 Wiho mejeta surara puhtoa peresu ti yoari wuhupu waha, ñumaha. Tinare bocaeraha. Bocaeraa tjuaa wahaha. Tju su õ sehe ni yahuha ti puhtoare:

23 —Peresupu jia pahmari bihaa pahmari jihre. Á jia tí pahmari cahai ti peresu yoarinare cohtaina ti ducuchu ñuhi sâa. Wiho mejeta pjôo sâa, sâ ñuchu, ti peresu yoarina mariahre —ni yahuha tina.

24 Ti á nichu tuhoa, surara Cohamacu wuhupu cohtaina puhtoro, sacerdotea puhtoa mehne tíre tuho, cuaa waha, “¿Dohse waha sohtori tiahcu tina á yoaa?” ni tuhotuha tina. 25 Á jiro tina cahapu pairo su, tinare õ sehe ni yahuha:

—Musa peresu yoarina Cohamacu wuhupu jihre. Ñuna wahaa wiho. Tí wuhupu masare buhea nihre tina —ni yahuha.

26 To á nichu tuhoru, surara puhtoro, to surara mehne waha, Jesu to cûrinare pari turi ñaha taha tjoa. Wiho mejeta tinare surara tuhtieraha. Á jia tinare cjâborina jipahta, masare cuia cjâeraha tinare. “Ahrinare mari cjâchu paina masa sehe tâa mehne docaahca marine”, ni tuhotuha tina surara sehe.

27 Å jia tinare na ta, puhtoa panoí duhu dapoha tina. Ti ã na wihi dapochus sacerdotea puhtoro tinare õ sehe ni tuhtiha:

28 —Musare sã tuaro dutimahi. “Jesu yare buhena tjiga”, nimahi sã musare. Sã ã nipachuta musa sehe jipihtina Jerusal   macainare bukehre musa. Jesu to yariari buhiri, s  re buhiri tichu yoá duana nica musa —niha puhtoro sehe.

29 To ã nichu t  horo Pedro sehe paina Jesu to c  rina mehne õ sehe ni y  htiha:

—Cohamacu to dutiri sehere yoá muhtanahtja. Å jina baharo Cohamacu cahmachu masa ti dutiare yoanahtja.

30 Cohamacu, mari coyea panopu macaina puhtoro, Jesure masori jire. Tirota jira musa crusapu cj   puha waj   dutiriro.

31 Jesure “Noariro jira” ni, to poto b  husehei duji dutihre Jesure Cohamacu sehe. Å jiro Jesu masa puhtoro, masare masoriro jiro, Israe masare ti ñaa yoarire cahyaina ji dutiro, ti ñaa yoari buhirire coh   duara Jesu. 32 Å jina s   sehe Jesu to yoarire ñ  rina jina t  re yahuja s  . Esp  ritu Santo t  re ñ  riro jiro yahura tiro c  hu. Tirore Esp  ritu Santore Cohamacu warocahre. Jipihtina Cohamacu dutiare yoainare tiro Esp  ritu Santore wahre —ni yahuha tinare.

33 To ã nichu t  hoa puhtoa sehe sua y  hd  aha. Å suaa, tina Jesu to c  rinare waj   duamaha. 34 Wiho mejeta Gamalie, fariseo curua macapiro t  i jiro tinare waj   dutiro taro nieraha. Tiro puhtoa mehne macapiro, dutiare buheriro to jichu, masa tirore ño payoa tiha. Tiro Jesu to c  rinare mahanoc   cohta dutiro pa sehepu tinare naa wahc   dutiha surarare. 35 Ti ã naari baharo tiro õ sehe ni yahuha masare:

—Musa Israe masa, ahrinare musa yoahire noano t  hotuga “M  sapu waj  ri”, nina. 36 Wac  ga Teuda cjiore. Tiro to basi “Masare y  hd  cariro jija y  hu”, nire masare. To ã yoachu ñ  a, masa payu cuatro cientos masa tiro mehne macaina tjuare. Baharo paina sehe tirore waj  ri jire. To buheare buherina cjiri sehe waha sitea wahari jire. Å jia tina cjiri mipure mariahna. 37 Baharo masare ti quih  ri pja jichu Galilea macapiro Juda wama tiriro cjiro masare to buhechu tiro mehne masa payu tjuare. Tiro c  hu yariaa wahari jire. Å yoa to yaina jipihtina waha sitea wahari jire. 38 Å nicu musare mipu ahrire nii nija. Å ñ  nocabahga ahrinare Jesu yare yahuinare. Å yoa ahri buhea, ahrina ti ya buhea Cohamacu ya buhea jieraa, pihtia wahaahca Teuda c  hu ti ya buhea ti pihtiriro seheta. 39 Wiho mejeta

ahri Cohamacu ya buhea jia, ne pihtisi. Ahri buhea Cohamacu ya jichu ne ahrire butichu yoa masierara musa. Musa ahrire butichu yoa duana Cohamacu mehne cahmachena niboca musa —niha Gamalie tinare.

40 To ã ni yahuchu tuhoa, “Potocã tjira”, ni tuhotuha masa. **Ã** jia tina Jesu to cûrinare pjiroca, ti wihichu ñua, tinare tjanaha. “Jesu yare buhe namoena tjiga musa”, ni tuhsu, tinare waha dutiha. **41** Ti ã waha dutichu tuhoa tina puhtoa cahapu jirina cjiri wahaa wahaha. Jesu yare ti yoari buhiri ñano yuhdua tuaro wahcheha Jesu to cûrina. **42** **Ã** jia dachoripe Cohamacu wuhu cahai jia waparihi, ti ya wuhusei Cristo yare buhea, yahua tiha tina.

Siete yoadohoinare beseha Jesu yaina

6 **1** Tí dachorire Jesu yaina payu wahaha. Wiho mejeta ti ã waharo wato, cã curua macaina judio masa jipahta, pa sehepu masa bajuaina griego ya durucuina jiha. **Ã** jia tina tóita masa bajuaina hebreo ya durucuinare õ sehe ni tuhotu, nureha: “Dachoripe masare yoadohoare ti witichu, mari griego ya durucuina wapewahya numia sehere daacã waro wara”, ni tuhotu, nure cohtaha. **2** Ti ã nurechu masia, Jesu cûrina, doce jiina sehe jipihtina Jesu yainare ti cahapu pjiroca, õ sehe ni yahuha tinare:

—Sã Cohamacu yare buheina jija. Tíre duhu, masare yoadohoare witiborina sã jirucuchu tó wahaerara. **3** Musa sã coyea, siete muare, paina noaina ti niinare Espíritu Santo to dutirire yoainare, noano tuho masiinare macaga. Tinare ahri dahraare cûga musa. **4** Wiho mejeta sã sehe dachoripe Cohamacure sini muja, Cohamacu yare painare buhenahca —ni yahuha tina Jesu to cûrina.

5 Ti ã nichu tuhoa, “Jai. ãta yoajihna”, niha tina jipihtina Jesu yaina. Baharo Estebâre Cristore wacû tuariore, Espíritu Santo to dutiare yoariore beseha tina. **Ã** jichu Felipere, Prócorore, Nicanore, Timore, Parmenare, Nicola cûhure Jesu yainare yoadohohtinare beseha tina. Nicola sehe Antioquía macapiro, judio masuno jierapiro, judio masa ya buheare cahmano, tina mehne sâaapiro jiha. **6** Tinare bese tuhsu, ti beserinare Jesu cûrina cahai na wihiha tina. Ti ã na wihichu ñua, tina Jesu cûrina sehe tinare Cohamacure sini payo tuhsu, ti dapu poca bui ti wamomacarine duhu payoha.

7 Ñ yoa Jesu yaina painapure Cohamacu yare yahu site pahñoa wahaha. Ñ jia Jerusalépü jiina paina Jesu yaina payu waha namoha. Sacerdotea cühu payu Jesu yaina wahaha.

Paina Estebare ñahaha

8 Ñ yoa cüiro masare yoadohoare witi cohtariro Estebá sehe Cohamacu to noano yoariro ji, Cohamacu tuaare cjuaariro jiha. Ñ jiro tiro Cohamacu tuaa mehne yoa ño mñjaha masa ti ñurocaroi. 9 Wiho mejeta judio masa buheri wuhu macaina tirore ñu tuhti, to yahuchu, tirore soro ni cohtaha. Tina soro ni cohtaina “Cahamaca ji, wijarina cjiri”, wama tiri curua macaina sehe jiha. Ñ jia Cirene macaina, Alejandría macaina, Cilicia macaina, ã jichu Asia macaina cühu jiha tina. 10 Tirore soro ni cohtapahta, Espíritu Santo to masia mehne Estebá to durucu mihnichu, tina to buheare ti dohse soro ni yuhtiboare wacu bocaeraha. 11 Ti soro ni yuhtiboare wacu bocaeraa, tina painare mahño dutia, wapaha tinare. Ti ã mahño dutichu õ sehe ni yahusáamaha tina:

—Ahriro Cohamacure, ã jichu Moise cjiore Cohamacu to cüri dutia cühure to ñano durucuchu sã tñohohi —ni yahusáamaha tina mahñoina Estebare.

12 Ti ã nichu tñohoa masa, judio masa buheina, bucuna cühu tiro mehne suaha. Ñ jia tina Estebare ñaha, ti pñhtoa cahapu naaha tirore. 13-14 Ñ yoa tina painare mahño dutiha:

—Ahriro dachoripe Cohamacu wuhure, to dutia cühure ñano durucuriro jira. Tñohohi sã tirore to õ sehe nichu: “Jesu Nazare macapiro Cohamacu wuhure cohã, ã yoa Moise dutiri cjiri, marine to yahu cüri cjirire cohtotarohca”, nihre Estebá sã tñochu —ni mahño yahusáamaha tina.

15 Ñ jia jipihtina tóí dujiina Estebare noano ñuroca õ, to wuhduare ñuha tina. Anjo yoaro sehe bajuha to wuhdua.

Estebá Jesu yare yahuha

7 1 Ñ yoa sacerdotea bui pñhtoro õ sehe ni sinitu ñuha Estebare:

—¿Ahrina ti nia potocã tjijari? —ni sinitu ñuha tiro Estebare.

2 To ã nichu tñohoro, Estebá sehe tinare õ sehe ni yuhtihia:

—Coyea, bucuna sã pñcusuma tñohoga. Abrahã mari ñuchu cjiro panopu macapiro Mesopotamiapu to jisinichu, Harapu to jihto pano, Cohamacu tuariro si siteriro sehe tirore Abrahâre

bajuaa tiha. **3** Å bajuaro, Cohamacʉ õ sehe ni yahua tiha tirore: “Mʉ ya yahpare, å jichʉ mʉ coyea poto cūhure duhunoca, wahaga. Pa yahpa, yʉ mʉhure ñohti yahpapure wahaga”, nia tiha Cohamacʉ Abrahāre. **4** To å nichʉ tʉhorø Abrahā cūhʉ Caldea yahpai jiina wijaa, Harāpʉ sʉ, jisinia tiha. Abrahā pucuro to yariari baharo, tiro cūhʉ tí macai wijaa, ahri yahpa, mipʉ mʉsa jiri yahpapʉ Cohamacʉ yoadohoro mehne taa tiha. **5** Cohamacʉ Abrahāre òpʉ sʉho na taparota, tirore dói “Ahri yahpa puro jiga”, ni cūerasinia tiha. Ne mahancā ahri yahpare, “Pʉ tiga mʉhʉ”, ni dutierasinia tiha tiro. Wiho mejeta Abrahā pohna marieriro to jipachʉta, Cohamacʉ sehe tirore õ sehe ni yahu mʉhtaa tiha. “Mʉhure å jichʉ mʉ panamana, pa tjuru macaina pʉ cūhure ahri yahpare waihtja”, nia tiha Cohamacʉ Abrahāre. **6** Å ninota õ sehe ni yahu namoa tiha Cohamacʉ. “Mʉ panamana pa tjuru macaina pa yahpapʉ waha, tópʉ paina cahapʉ jia, ti cahamaca jiahca tina. Tuhsʉ, cuatro cientos cūhmari waro tó macaina ñano yoapeahca mʉ panamanare. **7** Å jicʉ tó macainare ti å yoari buhiri buhiri dahreihjtja yʉhʉ. Yʉ å yoari baharo mʉ panamana ji turiaina ahri yahpapʉ wihi, yʉhure ño payohtina jiahca tina”, nia tiha Cohamacʉ Abrahāre. **8** To å ni yahu cūare ti noano wacūrucusu sehe, õ sehe yoa turia wahcā dutiha tirore. Mʉno pjacure mahancā cahsarocāre yihsø na dutia tiha tirore. Å jiro ocho dachori to macuño Isaare to pohna tiri baharo, mahancā cahsarocāre yihsø naa tiha tiro Isaa pjacure. Baharo Isaa Jacobore pohna ti, to pjacʉ cūhure mahancā cahsarocāre yihsø naa tiha. Baharo Jacobo cūhʉ doce to pohnare å dihta yoaa tiha ti pjacurire. Tina doce mʉa sehe tópe curuari, mari masa curuari dahpoto macaina cjihti jia tiha.

9 ’Å yoa baharo, tina Jacobo pohna, mari ñʉchusuma cjiri, ti bahuro Josére pahsu tia, paina ti cahamacuño cjihtore duanocaa tiha Egiptopʉ wahainare. Ti å yoapachʉta, Cohamacʉ Josére yoadohoaa tiha. **10** Jipihti tí to ñano yʉhdure Cohamacʉ tirore noano yʉhdutchʉ yoaa tiha. Cohamacʉ tirore noano tʉho masichʉ yoaa tiha. Å yoa faraō Egipto macaina pʉhtoro sehere Josére ñʉ ji coachʉ yoaa tiha. Å jiro faraō sehe Josére pʉhto sōa tiha, tiro mehne masare dutihtiro cjihtore. Tirore faraō ya wʉhʉ cūhure pʉhtoro cūa tiha.

11 ’Å yoa tí pjapure Egiptopʉ, Canaapʉ cūhure paró ne coro taeraa, yahpa sehe wʉaa sāa wahaa tiha. To å wʉa sāa

wahachu, masa ti toamari cāhu ñai pihtia wahaa tiha. Ã jia mari ñuchusuma cjiri ñano yuhdua, ti chuboare ne bocaeraa tiha. 12 Wiho mejeta Egiptopu “Trigo jiyuhca”, ti nichu tuhoro, Jacobo sehe to pohnare, mari ñuchusuma cjirire tópu coã warocaa tiha. 13 Baharo pari turi to warocarina cjiri Egiptopu ti suchu tjoa, José to wahmisumare “Musa bahuta jija yuhu”, ni yahu, tinare masichu yoaa tiha. 14 Baharo José to wahmisumare, ti pucuro Jacobore, ã jichu jipihtina ti coyea cāhure cahmarocaa tiha. To coyea setenta y cinco masa jia tiha. 15 To macuno to pjirocachu tuhoro Jacobo cjiro wahaa tiha Egiptopu to macuno cahapu. To macuno cahapu jiro, tiro yariaa wahaa tiha. Ã yoa to pohna, mari ñuchusuma cjiri cāhu tópu yaria pihtia wahaa tiha. 16 Tina ti yariari baharo, ti coyea ti pjacuri cjurire Siquẽ wama tiropu naa tiha. Tópu na su, tāa coparipu Abrahã Hamor pohnare niñeru mehne to nuchuri yahpapu tina ti pjacuri cjurire cūa tiha.

17 Ã yoa Cohamacu Abrahãre “Canaa yahpare waihtja muhure”, to ni cūriro cjiro mu suro cahachu, Abrahã panamana, Israe masa, Egipto jisinia payu wahaa tiha. 18 Ti ã payu wahari baharo, pairo faraõ, Egipto masa puhtoro José cjirote masierariro sāa tiha. 19 Tiro mari coyeare mahño, ñano yoa, ti pohnare mu pohnare wajã dua, cohãnoca dutia tiha tinacãre. Wahma bajuainacãre cohã dutia tiha “Tinacã yariajaro”, nino. 20 To ã yoaro watoi Moise cjihto sehe masa bajuaa tiha. Tirocã noariro, Cohamacu to noano ñu jicoariro jia tiha. Tia su waro to puchusuma tirocãre noano ñu wihboa tiha. 21 Ã jiro Moisere nuo namo masiera, diapu tirocãre puhuroi comape mehne ti bihari puhuroi poho buroha. Ti ã yoachu faraõ macono tirocãre ñu boca, na maja, to macunore yoaro sehetu cuaa tiha tirocãre. 22 Ã jia tina Egipto macaina, noano masiina ya jipihtiare Moisere buhe buchua tiha. Baharo, ne cuiro marieno durucuriro, puhtoa jia tia cāhure mihni yuhduruchu suriro wahaa tiha Moise.

23 Ã yoa tiro cuarenta cāhmari cuaro to coyea Israe masare ñu duaro ti cahapu ñu ñano wahaa tiha. 24 Tópu ñu ñano suro, Egipto macariro cāiro Moise coyeirore to ñano yoachu ñu tiha. Tiro to ñano yoaborirore ducata duaro, Egipto macariro sehere wajã cohãnocaa tiha. 25 Ã wajã cohãno, Moise o sehe ni tuhotua timaha. “Yu coyea ti coyeirore yu yoadohochu ñu ‘Cohamacu marine noano yuhduchu yoa dutiro warocare

ahriore', ni t̄hotuahca ȳ coyea", ni t̄hotua timaha Moise. Wiho mejeta tina sehe ne ã ni t̄hotueraa tiha. **26** Pa dachoi Moise to coyeare p̄uaro ti basi cahmacheinare boca sua tiha. ã boca s̄ero, tinare yahu duaro tinare õ sehe ni yahua timaha: "¿M̄sa basi jipanahta cahmachejari m̄sa?" ni yahua timaha Moise tinare. **27** To ã ni yahuchu t̄horo, c̄iro to coyeirore ñano yoariro sehe Moisere tjurocaa tiha. "M̄hu s̄a p̄uhtoro jierara. S̄are yahuboriro jierara m̄uhu. **28** ¿Canure Egipto macarirore m̄u wajāiro sehetu yuhu c̄uhure wajā duacu nijari m̄uhu?" nia tiha tiro Moisere. **29** To ã nichu Moise t̄ho c̄uaa waha, m̄urocaa duhti wahcā, Madiā yahpapu wahaa wahaa tiha. Tóp̄e pa sehe macariro jiparota, numino boca, p̄uaro pohna tia tiha.

30 'A yoa Moise cuarenta c̄uhmari waro tói to jiri baharo, Sinaí wama tidu t̄c̄u cahai masa marienopu to jichu anjo tirore bajuaa tiha. Anjo sehe mahaducā jūri pitcha pohnai bajuaa tiha. **31** Tu yucchucāpu to j̄rucuchu ñuño, Moise ñu c̄uaa wahaa tiha. Tí pitchacare cahacā noano to ñu wahcāchus waroi Cohamacu to durucuchu t̄hoa tiha. **32** "Cohamacu jija yuhu. Mu ñuchusuma cjiri, Abrahā cjiro, Isaa cjiro, Jacobo cjiro ti ño payoriro jija", nia tiha Cohamacu Moisere. To ã nichu t̄horo Moise sehe tetere, ne ñu wahcōeraa tiha. **33** Cohamacu õ sehe ni durucu namoa tiha tirore. "Yuhu ñaa marieriro yu õi jiro wato, mu ducuri yahpa sehe wiho jiri yahpa jierara. ã jicu mu dahpo suhtire tjuwe cūga. **34** ã yoa yu yaina masa Egiptopu ti ñano yuhdūchus ñuña. Ti tiichu t̄hoa. ã jicu òp̄e wihija yuhu, tinare yuhdū witichu yoai tai. Ti ã wahachu, ñucau wahaga m̄uhu c̄uhu. Egiptopu m̄uhure warocaihtja. Tinare na wioi wahaga", nia tiha Cohamacu Moisere.

35 'Tó panopu tina sehe mari coyea, Israe masa Moisere cahmaeraa tiha. "M̄hu s̄a p̄uhtoro jierara. M̄hu s̄are yoadohoboriro jierara", ni tuhtia tina tirore. Wiho mejeta baharo, Cohamacu ti ã niriro cjire Egiptopu warocaa tiha, mari coyea Israe masare yuhdū witichu yoahktiro, ã jichu ti p̄uhtoro jihtiro cjihtore. ã yoa anjo, tirore j̄udupu bajuariro sehe to ã yoahktire yahua tiha tirore. **36** Moise jia tiha mari coyea, Israe masare Egiptopu jiinare na wioriro. Tinare na wioro, Egiptopu Cohamacu tuaa mehne tiro sehe yoa ño d̄ucaa tiha tóp̄u jiinare. Pjiri ma sohāri mapu ãta yoa ñoa tiha tjoa. Baharopu masa marienopu c̄uhure cuarenta c̄uhmari waro

Cohamacu tuaa mehne yoa ño mujaa tiha tiro to masare. 37 Æ yoa Moise cjiro jia tiha mari coyea, Israe masare õ sehe ni yahuriro: “Cohamacu cãiro musa coyeiro, to yare yahu muhtahtiro, yu yoaro sehe jirirore warocarohca musare”, nia tiha Moise tinare. 38 Moise masa marienopu mari coyea Israe masa mehne jia tiha. Tuhsu, Sinaí wama tidu tãcipu ti cahmachuchu tirore yahuriro anjo mehne jia tiha. Æ yoa mari ñuchusuma panopu macaina cjiri mehne jia tiha tiro. Cohamacu to dutiare cûriro jia tiha Moise.

39-40 Æ jia tí dutiare tãchi Moisere to cûno watoi mari ñuchusuma cjiri Egiptopu tjua duaa Moisere yuhdurucaa tiha. Tina tirore cahmaeraa tiha. Æ cahmaeraa tina Moise cjiro wahminore Aarõ wama tiriro cjiroke õ sehe nia tiha: “Paina cohamanare yoaga mari yaina cjichti. Tina mari wahahti mahare marine suho naahca. ¿Wiho mejeta marine Egiptopu jiinare na tariro Moise dohse wahari tiro? Masieraja sã”, nia tiha tina. 41 Æ jia tí dachorire tina wachu masure uru mehne yoaa tiha. Æ yoa tuhsu, tina wahiquinare wajã, ti yoariro cjiro cahai na ta, ño payoa tiha tirore. Æ jia tina ti yoariro cjiroke wachure ñu, wahche, bose numu yoaa tiha. 42 Wachure ti ño payochu ñuno, Cohamacu tinare cohã wahcãa wahaa timaha. “Yuhure cohã, muanopu bajuaa, su dacho macariro, su ñami macariro, ã yoa ñahpichoha poca cãhure ño payowahnojaro”, nino cohã wahcãa wahaa timaha. Cohamacu yare yahu muhtaina cjiri ã ni joaa tiha:

“Musa Israe masa, yuhure nu ñano yoare.
Masa marienopu cuarenta cãhmari waro jina
wahiquinare musa wajainare musa wajã, jã wa
muopanahta, yuhure musa ño payoboriro
seheta yoamare musa.

Wiho mejeta yuhu sehere musa ño payoerare.
43 Æ jina musa Molo wama tiri masure ño payoina
jiina, tí masure ño payori wuhure cjuare musa.
Æ yoa pairo cohamacu ñahpichohaca Refã wama
tiria to masure musa yoariare musa cjuare tjoa.
Tí masurine musa yoarire musa ño payore.
Musa ã yoari buhiri musare Babilonia sie sehepu
cohãrocaitja yuhu”,
ni yahu joaa tiha Cohamacu yare yahu muhtaina cjiri.

44 'Á jia masa marienopʉ Cohamacʉ masa mehne to jiri wʉhʉre wahiquina cahsari mehne ti yoari wʉhʉre cⱃaa tiha mari ñʉchʉsʉma cjiri panopʉ macaina. Tí wʉhʉ Cohamacʉ masa mehne to durucuri wʉhʉ jia tiha. Tí wʉhʉpʉ Cohamacʉ dutia to joaa pjñi tāa pjñi jia tiha. Tí wʉhʉre Cohamacʉ Moisere to ñoriro seheta, "Ó sehe yoaga", to ni yoa dutiriro seheta yoaa, tí wʉhʉre cⱃaa tiha tina. 45 Á yoa ti panamanapʉ cãhʉ cⱃaa turia nñuu tia tiha tí wʉhʉre, wahiquina cahsari mehne ti yoari wʉhʉre. Baharo mari ñʉchʉsʉma cjiri Josué mehne Cohamacʉ mari coyea Israe masare to cūhti yahpapʉre, ahri yahpapʉre pʉ tia taha. Ti pʉ tia tachʉ ahri yahpai ji muhtaina cjirire Cohamacʉ cohãnocaa tiha. Tí pjare Cohamacʉre ti ño payori wʉhʉre na taa, cⱃaa tiha tina ahri yahpapʉ, mipure mari jiri yahpapʉ. Pʉ Davi cjiro to jiri tjurupʉ cⱃaa batoa tiha tí wʉhʉre. 46 Tiro Davi cjiro sehe Cohamacʉre wahchechʉ yoariro jia tiha. Cohamacʉ ya wʉhʉ cjihtore pa wʉhʉ tiro yoa duaro, sinia timaha Cohamacʉre. 47 To á sinipachʉta Salomopʉ Cohamacʉ ya wʉhʉ sehere yoaa tiha. 48 To á yoapachʉta Cohamacʉ Jipihtina Bui Jiriro sehe masa ti yoari wʉhʉpʉre jierara. Ó sehe nia tiha Cohamacʉ yare yahu muhtariro cjiro:

49 “ ‘Muano yʉ dujiro jira.

Tój dujicʉ dutija yʉhʉ.

Á jiro yahpa sehe yʉ dahporire duhu payoro yoaro
sehe jira.

Yʉhʉ tua yʉhdʉariro jija.

Yʉ ya wʉhʉ cjihtore yoa masierara mʉsa.

Cohamacʉ yʉ jichʉ yʉ jihti wʉhʉre mʉsa yoa
masierara.

50 Yʉ basi ahri yahpare jipihtiro yoahi yʉhʉ',
ni durucua tiha Cohamacʉ",

ni joaa tiha Cohamacʉ yare yahu muhtariro cjiro.

51 'Mʉsa Cohamacʉ yare tʉhopanahta, tirore yʉhti duaerara. Cohamacʉre masieraina yoaro sehe tʉhotuina baro jira mʉsa. Espíritu Santore yʉhdʉruca yʉhdʉara mʉsa. Mʉsa ñʉchʉsʉma cjiri ti yoariro cjiro seheta yoara mʉsa cãhʉ. 52 Mʉsa ñʉchʉsʉma cjiri jipihtina Cohamacʉ yare yahu muhtaina cjirire ñano yoaa tiha. Tina Cohamacʉ yare yahu muhtaina cjiri "Baharo cãiro ñaa buhiri Marieriro tarohca", ti ni yahu quihõ muhtachʉ tʉhoa, mʉsa ñʉchʉsʉma cjiri sehe tinare wajāa tiha. Á yoa mipʉ cãhʉre tiro "Ñaa buhiri Marieriro", tó panopʉ ti niyuriro


sehe òpù to wiwichù, “Muhu mehne macaina jija”, ni ji mahño, tirore wajähre. 53 Cohamacù dutiare anjoa sehe yahu turia timaha mësare. Ti ã yahu turiachù mësa tí dutiare ejamaha. Wiho mejeta tí dutiare yahdurucara mësa —niha Estebã.

Tina Estebare taa poca mehne doca wajaha

54 To ã nichu tñhoa tina sehe tuaro suaha. Ñ tuaro suaa, cuaina wahaha. 55 Ti ã suapachuta Estebã sehe Espíritu Santo mehne wacu tuariro to tuaa mehne muanorpñuroca mño, Cohamacù si siteare ñuha. Ñ yoaro Cohamacù poto bñusehei Jesu to ducuchù cñhure ñuha tiro. 56 Ñ ñuroca mñono, õ sehe niha:

—Ñu mñoga mësa. Muanorpñ mahanocã to tjuwe mñachù, Jesu Cohamacù to warocariro Cohamacù poto bñusehei to ducuchù ñuha yah —niha Estebã tinare.

57 To ã nichu tñhoa tina tuaro sañurucu, ti cahmo coparire bihanoca, cñno potori tiro cahapu mñroca wahcã, tirore ñahaha. 58 Ñaha tuhsu, tirore na wahcã, tí maca dñhtu cahapu cohäha tirore. Ñ jia taa poca mehne doca wajaha tirore. Ti ã wajäto pano tirore yahusärina tirore taa poca mehne docahtina ti bui sña suhtire tjuwe na, wahmñore Saulo wama tirirore ti suhtire ejabasa dutiha. 59 Estebare ti taa docaro watoi, sinino sehe õ sehe niha tiro:



—Jesu, yu puhtoro yu catiare naga —niha tiro.

60 Ni tuhsu, tiro na tuhcua caha su, õ sehe ni tuaro sañurucuha:

—Puhtoro Jesu, ahrina mipu yuhure ti wajãri buhiri tinare buhiri dahrei tjia —ni sañurucuha Estebã.

Ã ni sañurucu batoarota, yariaa wahaha tiro.

Saulo Jesu yainare ñano yoaha

8 1 Estebã to ã yariachu ñano, “Noana”, niha Saulo sehe. Tí dachoreta Jesu yainare Jerusalãe macainare ñano yoa ducaha Saulo mehne macaina sehe. Ti ã yoa ducachu Jesu yaina Judea yahpapu, Samaria yahpapu yoaropu duhti site wahcãa wahaha. Ti puhtoa, Jesu to cûrina dihta wahaeraha. 2 ã yoa paina Cohamacure ño payoina Estebã pjacu cjiore tâca copapu, duhu sâa, tiro cjiore tuaro tii payoha tiro cjiore tina. 3 Wiho mejeta Saulo sehe Jesu yainare ñabiaro yoaa timaha. Tiro ti wuhusepu sâa, muare, numiare ñaha wahcã, peresupu biha dapoа tiha.

Samariai Jesu yare buheha Felipe

4 ã yoa yoaropu waha siteina cjiiri nohoi ti waharoi Jesu yare buheha tiha. 5 C*h*iro tina mehne macariro Felipe c*h*u maca, Samaria wama tiri yahpai jiri macapu su, Cristo masare yuhdoriro ya quitire buheha tí maca macainare. 6 To ã buhechu, tó macaina sehe tirore tâho cahmachu, Cohamacu to tuaa mehne to yoa ñochu ñuha tina. ã jia tina jipihtina c*h*u potori to yahuare noano tâho nunuha tiha. 7 Payu masa watâa sâanohrina tiro cahai ti wihichu ñano, watâa sehere tiro wijaa dutia tiha masapu jirinare. To wijaa dutichu, tina watâa sehe tuaro sañurucu, wijaa wahaha. Tuhsu payu pjacu buhainare, pari yuri tiniina c*h*u hure pjacu noaina wahachu yoaa tiha.

8 To ã yoa ñochu ñuha tí maca macaina payu masa wahchea tiha.

9 Tí pjare Simo wama tiriro tí maca macariro yairo jiha. ã jiro yaya ti yoarire yoa ñoa tiha Samaria macainare. To ã yoa ñochu ñuha, tó macaina ñu cuaa waha, tirore cua pisaro ñuina jiha.

—Yuhu masi pahñoriro jija —nimaha Simo sehe tinare.

10 To ã yoachu ñuha masa sehe õ sehe nia timaha:

—Ahriro Cohamacu ya tuaare cjuariro jira. Cohamacu yoaro sehe tuariro jira —nia timaha tirore masa, puhtoa mehne. Tina jipihtina noano tuho nunuha tirore.

11 Tiro yaya ti yoaa mehne yoari pja yoa ñoa tiha tinare. To ã yoa ñochu ñua tina cuaa wahaha. ã cuaa waha, tina tirore ño payoa tiha. 12 Wiho mejeta ti ã ño payopachuta Felipe sehe puhtoro Cohamacu to suho jiare, Jesucristo yare noaa buheare yahuha. To ã yahuchu tina tirore noano tuhoha. Ti ã noano tuhochu ñuno muare, numia cuhre bautisaha Felipe. 13 ã jiro Simo cuhu Felipere noano tuhoa tiha. ã jiro tiro cuhre bautisaha. To ã yoari baharo Felipe mehne tjuaa tiha tiro. Felipe sehe Cohamacu tuaa mehne to yoa ñochu ñuno Simo ñu cuaa wahaa tiha.

14 ã yoa Samaria yahpa macaina Cohamacu yare ti tuaro cahmachu tuhoa Jerusalepu jiina tuhorocaa tiha tinare. ã ti cahmachu tuhoa Pedrone, João cuhre warocaa tiha Samaria yahpapu. 15 Tópu sua Pedro cuhu Cohamacure sinihai: “Ahrina Samaria yahpa macaina muhre ño payoinare mu Espíritu Santo sãajaro”, ni sini payoha tina Cohamacure. 16 Tina Samaria yahpa macaina Jesucristo yaina jia to bautisarina jiha. Tí dihtare masiha tina. ã jiro Espíritu Santo tinare sãerasiniha. 17 ã jia Pedro, João mehne Samaria yahpa macainare ti wamomacarine ti dapupoca bui ti duhu payori baharo Espíritu Santo tinare sãari jire.

18 ã yoa Pedro cuhu ti wamomacari mehne ti duhu payochu ñuha Simo. Espíritu Santo tinare to sãachu cuhre ñuha tiro. ã ñuriro jiro, tí tuaare cahmano niñeru mehne wapa duamaha. 19 Õ sehe nimaha Simo:

—Yuhu cuhre waga ahri tuaare. Yuhu cuhu yu wamomacari mehne masa dapupoca bui duhu payoi tai nija Espíritu Santo tinare to sãaho sehe. ã jicu ahri yu yohti wapare wapa duaja —nimaha Simo tinare.

20 To ã nichu tuhoro Pedro õ sehe niha:

—Muhu niñeru mehne Cohamacu ya tuaare mu nuchu duari buhiri mu niñeru mehneta pichacapu wahaga muhu. Cohamacu mu tuhotuare masina. Muhu ñiariro jisinina. 21 ã jicu ahrire sã yoaaare yoa masierara muhu. Ahri mu yoaa baro jierara. 22-23 Paina ti cjuare ñucu suariro jira muhu. ã jicu ñaa yoaaare ne duhu masierara muhu. ã jicu ahrire mu ñaa yoarire cahyaga muhu. Cohamacure mu ñaa tuhotuare to bohto sehe siniga

muhu. Mu á yoachu ñano tiro mu ñaa buhirire boboca, pa tehe nino —ni yahuha Pedro tirore.

24 To á nichu tñhoró Simo ó sehe ni yñhtiha tirore:

—Yñhure sini payoga musa Cohamacure mu niriro sehe yu wahaerahto sehe. Tí buhiri pichacapu waha duaeraja yñhu —niha Simo tirore.

25 Baharo Pedro João mehne Cohamacu yare yahuha: “Jesu to masa mujachu ñahi sã”, ni payu Samaria yahpai jia macari macainare noaa buheare buheha. Tinare Cohamacu yare buhe tuhsu, Jerusalép u tjuaa wahaha.

Felipe Etiopía yahpa macarirore buheha

26 Á yoa Cohamacu yairo anjo Felipere ó sehe ni yahuha:

—Mipure sur sehepu wahaga. Jerusalé cahai jiri mahapu Gazapu wahari mahapu, masa marienopu jiri mahapu wahaga —ni yahuha anjo Felipere.

27 To á nichu tñhoró tiro sehe tí mahapu wahaan tiha. Baharo tí mahapu cñiro masunore piti bocaro taro niha. To piti bocahtiro jiha Etiopía yahpa macariro pñhtoro. Tiro numiare cahmaerario eunuco masuno jiha. Á jiro Candace wama tñricoro Etiopía macaricoro pñhtorocoro yare niñerure jipihiare ñu wihiboriro jiha. Wiho jiriro jieraha. Tiro Jerusalép u Cohamacure ño payoro waha tuhsuha. 28 To ya macapu tunuria mehne tjua taro tiapu wahaparota buhero niha. Cohamacu yare yahu muhtariro Isaia cjiro to joari pñre buhero niha. 29 Á jiro Espíritu sehe Felipere ó sehe ni yahua tiha:

—Siro tunuriapu wahariro cahapu wahaga —niha Espíritu tirore.

30 To á nichu tñhoró Felipe sehe tunuria cahapu mñroca wahcã, Isaia cjiro to joarire Etiopía macariro to buhechu tñhoha. Á tñhoró Felipe ó sehe ni sinituha tirore:

—¿Mu buheare tñho ñahajari muhu? —niha tiro.

31 To á nichu tñhoró Etiopía macariro ó sehe ni yñhtiha:

—Pairo yñhure yahu yñhdoriro mariachu noano masieraja yñhu. Õi yñhure yahu dujii taga yu pari wahpa —ni yñhtiha tiro Felipere.

—Jai —ni nuju sñha to cahai.

32 Á yoa Cohamacu yare Etiopía macariro to buheri pñ ó sehe niha:

“Ovejare ti ñaha wajāriro sehetá tiro cāhure ñaha
wajāahca masa.

Ã jiro ovejacā to pjoare ti sachu to sañurucueraro
sehetá tiro masuno cāhu dihta marieriro jirohca.

33 Tirore tina bājueeahca.

Ã jia tiro to ñano yoaperapachuta tina sehe ñano
yoahca tirore.

Tiro ahri yahpapu to jichu tina tirore wajāahca.

Ã jiro tiro pohna marieriro yariaa waharohca”,
ni joaha tí pūpure.

34 Tí pū to ã ni yahuchu ñuno, Etiopía macariro õ sehe ni
sinituha:

—Yahuga yuhure. ¿Ó sehe Isaia cjiro to niro diro baro
jicari ahriro? ¿Isaia cjiro to basi yahuro nicari? ¿O pairore
yahuro nicari? —ni sinituha Etiopía macariro.

35 To ã ni sinitu ñuchu tuhoro Felipe sehe tí pūre ñu, Jesu
yare yahuha Etiopía macariro. 36 Ñ yoa tina tia mehne waha,
mácapu suha.

—Ñuga, õi máca jira. Ahri mácapu yuhure bautisaga
—niha Etiopía macariro.

37 [—Jesure mu noano wacu tuachu ñuchu muhure
bautisaihtja —niha Felipe tirore.



—Jesure wacū tuaja yuhu. Tiro Cristo Cohamacu macano jira. Tíre noano masija yuhu —niha Etiopía macariro.]

38 Æ ninota tiro tunuria uturirore yusho dutiha. Tia to yusu caha sari baharo wijaaha tina. Wijaa, tí mácapu su, nínumuracu suha tina. Tói nínumuracu su, Felipe sehe tirore bautisaha.

39 Bautisa tuhsu ti maja surucu súchua Cohamacu to Espíritu Felipere naa wahaha. To ã wahari baharo Etiopía macariro noano wahcheriro to ya yahpapu tjuaa wahaha. To ã yoari bato tichua ne pari turi Felipere níueraha. 40 Æ yoa tuhsu Azotopu suha Felipe sehe. Tuhsu, payu macarine noaa buheare buheha masare. Pü Cesareapu buhe batoa tiha.

Saulo Jesucristore níuno tirore wacū tua dñacaña

(Hch 22.6-16; 26.12-18)

9 1 Wiho mejeta tí pjare Saulo Jesu yainare ã níu tuhtirucusinino, “Tinare wajáihjtja” nino, tiro sacerdotea pühtoro cahapu wahaha. 2 Tópu súro tiro joaa pürine õ sehe ni sinihha sacerdotea pühtorore:

—Joaa pürine waga yuhure yu tuahiti püri cjihtire. Tí püripu mu wama mu joa payochu, yuhu sehe tí püri mehne, mu dutiro mehne Damascopu wahaihtja. Tópu su, judio masa mari buhea wuhusepu Jesu yaina mu, numia cühure boca súcu, tinare níaha dñhte, õpu Jerusalépu na majare tjuaa taihtja —ni sinihha Saulo sacerdotea pühtoare.

3 Ti pürine na tuhsu, tiro waha, Damasco cahai to súro cahachu waro muanopu wacúenoca si siteroca boroha tirore.

4 Wacúenoca to ã si siteroca borochata tiro yahpapu bora caha súro, õ sehe ni durucuchu tóhoha:

—Saulo, Saulo, ¿dohseacu muhuhu yuhure níano yoajari? Muuhu yuhu mehne suacu yuhure yuhtieracu, mu basita níano yuhdura —nino coa taha.

5 —Pühtoro, ¿diro baro jijari muhuhu? —ni sinitu níuha Saulo sehe.

—Yuhuta jija Jesu, mu níano yoarucuriro —niha Jesu Saulore. 6 [To ã nichu õ sehe ni sinituha Saulo:

—Pühtoro, ¿dohse yu yoachu cahmajari muhuhu? —niha Saulo.]

—Wahcárucaga muhuhu. Macapu wahaga. Tí macapu mu súchua tó macariro mu yoahtire yahurohca muhure —niha Jesu Saulore.

7 To ã nichu Saulo mehne macaina sehe to durucua dihtare tuhoha. Wiho mejeta Jesu sehere ñuheraha. To ã wahachu ñuha, cuia, tina durucu masieraha. 8 ã jiro Saulo yahpapu coãriro wahcãruca, to ñuchu to capari bajueraha. ã jia tina to wamomacare ñuha, Damascopu tuã wahcãa wahaha tirore. 9 Tópu suro, tiro tia dacho waro ne ñuhera, chuera, ne sihniera tiha.

10 ã yoa cãiro Jesu to buheriro Anania wama tirore Damascoi jiha. ã jiro Jesu bajua tiha Ananiare. ã bajuar o sehe ni pisuha tirore:

—Anania, ¿jimajari muhu? —niha Jesu.

—Jimaju —ni yuhtiha Anania tirore.

11 To ã nichu Jesu sehe o sehe ni yahuha tirore:

—Potori Maha wama tiri mahapu wahaga. ã wahacu Juda ya wuhupu cãiro Tarso macariro Saulo wama tirirore macaga. Tiro Cohamacure sinino nica. 12 Tiro cahãnopure tirore mu yoah tire ño tuhsuhi yuhu. O sehe jiare ñuhre tiro: Muhu mu wamomacarine tiro bui duhu payo, to capari noaa wahachu ñuhre tiro to cahãnopure —niha Jesu Ananiare.

13 To ã nichu tuhoro Anania sehe o sehe ni yuhtiha:

—Puhtoro, tiro mu yainare, noainare Jerusalu macainare nu ñano yoa mujayuhti. Payu masa yuhre ã ni yahure. 14 ã yoa o cãhure tiro jipihtina muhure cahmainare peresu yoaro taro niyuhti. Sacerdotea puhtoa tirore ã yoa dutiyuhti —ni yuhtiha Anania Jesure.

15 To ã nichu Jesu sehe o sehe ni yahuha tirore:

—Tiro Saulo sehe yu beseriro jira. Tiro yu ya buheare judio masa jierainare, ti puhtoare, ã jichu Israe masa cãhure buheroha. ã jicu wahaga muhu. 16 Payu tahari yu yare yoaro tiro ñano yuhduroha. Tíre tirore masichu yoaihtja —niha Jesu Ananiare.

17 To ã niri baharo Anania sehe waha, su, Saulo to jiri wuhupu sãaha. Sãa su, to wamomacarine Saulo bui duhu payo, o sehe ni yahuha tirore:

—Coyeiro Saulo, mu capari mu ñuhto sehe, Espíritu Santo muhu mehne to jihto sehe, to dutiriro sehetu mu yoahito sehe, mari puhtoro Jesu sehe mahapu muhure bajuariro yuhre warocahre —ni yahuha Anania Saulore.

18 To ã nichuta to caparire wahi nuhtri yoaro sehe bajua to caparipu wahãa pahna borachu ñuhha Saulo. To ã ñu tuhsuri

baharo to wahcārhch̄ such̄a pairo sehe tirore bautisaha.

19 Tirore to bautisa tuhsuch̄a, tiro sehe ch̄a, tuariro wahaha.

Saulo Damasco Jesu yare buhe d̄ucaha

Ã yoa Saulo mahaa dachoricā Damasco macaina Jesu yaina mehne jiha.

20 Dói tí dachorita tiro judio masa buhea wuhusep̄a s̄a, Jesu Cohamacu macuno to jiare yahu d̄ucaha masare. **21** To ã yahuch̄a ñua jipihtina tirore t̄hoina c̄aa wahaha.

—Cho, ahriro Jerusalēp̄ure Cohamacu yainare Jesure cahmainare ñano yoariro cjiro jira. Æ yoa tirota jimana õ macaina Jesure cahmaina c̄uhure ñaha, d̄uhete, sacerdotea p̄uhtoare wiaboriro. Æ yoa duaro òp̄ure tari jimahre tiro —niha masa tirore t̄hoina.

22 Wiho mejeta Saulo sehe cui t̄hoturo marieno buhe mihni wahcāa tiha. “Ahriro Jesu potocāta Cristo, marine yuhdohtiro jira”, to ni yahu mihnich̄a, tó macaina judio masa ti ni yuhdi yuhdūrūcaborirore bocaeraha.

23 Æ jia payu dachori baharo judio masa tirore wajā duaa, ti basi durucua tiha. **24** Wiho mejeta Saulo tirore ti wajā duach̄a masiha to basi. Tina tí macare sahrīno tāa mehne ti yoari sahrīno macaa sopacarire dachop̄ure ñamip̄a c̄uhure cohtaa tiha tirore wajā duaa. **25** Ti ã wajā duach̄a ñua ñamip̄a Saulo buheina tirore p̄uhuro pjiri p̄ahi na sāa, tí maca macari sahrīno baharo buhusehei duhu boroha tirore. Tó sehe ti yoach̄a yuhdūha tiro.

Saulo Jerusalēi jiha

26 Æ yoa Saulo Jerusalēp̄a sh̄o, tóp̄a Jesu yaina mehne tiro ji duamaha. Wiho mejeta tina tirore “Jesu buheriro jierara ahriro” nia, tirore cui niha. **27** Ti ã cuipach̄ta Bernabé sehe tirore na wahcāha Jesu to cūrina cahap̄a. Æ jiro Saulo mahai Jesure to ñurire, Jesu Saulore to durucuire, ã jich̄a Damascop̄a cuiro marieno Jesu yare to buhe d̄ucarire yahuha Bernabé sehe. **28** To ã ni yahuri baharo Saulo sehe tina mehne sāano, Jerusalēp̄a tina mehne jia tiha. **29** Tiro cuiro marieno judio masare Jesu yare yahu yuhdūrūcaro niha. Tina judio masa griego masa yare durucuina jiha. Æ yoa Saulo to ã yahu yuhdūrūcach̄a, tina tirore wajā duamaha. **30** Ti ã wajā duach̄a ñua, Saulo mehne macaina Jesu yaina sehe tirore Cesareap̄a

na duhti wahcāa wahaha. Tópū tirore sāho jirucuma Tarsopū warocaha tirore.

31 Ñ yoa jipihiropū, Judea yahpapū, Galilea yahpapū, Samaria yahpapū cāhure Cohamacū yaina noano jia tiha. Tí pjare ne masa ñano yoaera tiha tinare. Ñ jia noano buheha tina. Tina Cohamacū yare buhe, tirore masi namo, noano yuhtia tiha. Ñ yoa Cohamacūre cua pisaro ñua tiha. Espíritu Santo tinare to yoadohochū tina sehe payū wahaa tiha.

Pedro Eneare noariro wahachū yoaha

32 Ñ yoa Pedro jipihtia macaripū waharo, Jesu yaina Lida macaina cahapū cāhure sūha tiro. 33 Tópū sūro Enea wama tirirore boca sūha. Enea pjacū būhariro jiro, ocho cāhmari waro ti pūpaha cūriro coāa tiha. 34 Ñ jiro Pedro sehe tirore õ sehe niha:

—Enea, Jesucristo māhure noariro wahachū yoara. Wahcārūcaga. Mū pūpaha coāri cahsarore cahnoga —niha Pedro tirore.

To ã nichūta tiro wahcārūcaha. 35 Ñ jia jipihtina Lida macaina, Sarón macaina tirore ñua, tina ti ñaa yoaare duhu, Jesure wacū tuaa tiha.

Dorca wama tircorore masoha Pedro Jesu to tuaa mehne

36 Ñ yoa Jope wama tiri macai Jesure ño payoricoro Tabita wama tircoro jiha. To wama Tabita griego ya dāsero mehne Dorca jira. Ticoro noaare yoaro payū waa tiha pjachoinare.

37 Ñ jiro tí pjare ticoro dohati wahcō, yariaa wahaa tiha. To yariachū ñua, tina tircorore noano cosa, māano macari tahtiapū cūa tiha tircorore. 38 Lida wama tiri maca Jope cahai jire. To ã jichū Jesu buheina Jope macaina Pedro Lidapū to jichū tūhorocaa tiha. Ñ tūhorocaa, pñaro warocaha Pedro cahapū. Tiro cahapū sūa Pedrone õ sehe ni yahuha tina:

—Soaro mehne sājiropū wahaga —ni yahuha tina.

39 Ti ã nichū tūhoro tina mehne wahaa wahaha tiro. Tópū tirore ti na sūri baharo māano macari tahtiapū na mājaa wahaha tirore. Ñ jia jipihtina wapewahya tiro cahai sūruca, tīa tiha. Tabita tina mehne jisininopū payū suhtire yoaa tiha. Ñ jia tina to yoari suhti cjirire ñoha Pedrone. 40 Wiho mejeta Pedro tinare tī tahtiapū jiinare wijaa dutiha. Ti wijaari baharo

tiro na tuhcua caha s̄a, Cohamacure ticorore sini payoha.

Ã jiro to pjacu cjirote majare ñu:

—Tabita wahcāga —niha tiro.

To ã nichu ticoro sehe ñu wahcō, Pedrore ñu, wahcā nuju suha. 41 To wahcā nuju suchu ñu, tiro to wamomacare ñaha, tuā wahcō dapoha ticorore. Ñ jiro tiro tó macainare Jesu yainare, wapewahyare pjiroca, ticorore catiricorore wiaha tinare. 42 To ã yoari baharo jipihtina Jope macaina tíre masia, payu masa Jesure wacū tua ducaa tiha. 43 Baharo Jopepū Simo wahiquina cahsarire cahnoriyo mehne payu dachori Pedro tiro mehne jia tiha.

Pedro Corneliore Jesu yare yahu ducaha

10 1 Ti pjare Cesareapū cūiro Cornelio wama tiriro jiha. Tiro cien surara puhtoro jiha. Tina surara sehe ti ya curua Italiano wama tiha. 2 Cornelio to ya wuhu macaina mehne judio masa jieraina jipahta, Cohamacure ño payolina, cua pisaro ñuina jiha. Tiro judio masa pjacuoinare yoadohoro payu waha. Ñ yoa dachoripe tiro Cohamacure siniha. 3 Cū nūmu ñamichahapū tres jichu Cohamacu yairo anjo tirore bajuaha. Ñ bajuaro Cornelio cahapu sāaha.

—Cornelio —niha anjo tirore.

4 To ã nichu tñhoro Cornelio tirore ñu, cuiro õ sehe niha:

—Puhtoro, ¿yabare cahmajari muh? —niha tiro.

—Masa pjacuoinare mu warire, Cohamacure mu sinirire Cohamacu noano ñuno nina. 5 Ñ jicu Jopepū mu muare warocaga. Tópū Simo Pedro wama tiriro jira. Tirore na ta dutiga mu muare. 6 Tiro pairo Simo wahiquina cahsari cahnoriyo cahai, pjiri ma duhtu cahai jiri wuhui jira —niha anjo Cornelio.

7 Anjo ã ni tuhsu, wijaa wahaha. To wijaari baharo Cornelio puaro tirore dahra cohtainare, ã yoa cūiro to surara mehne macarirore pjirocaha. Surara sehe Cohamacure ño payoriro jiro, dachoripe Corneliore yoadohoa tiha. 8 Ñ jiro Cornelio tinare anjo to yahuri cjirire yahu pahño, Jopepū warocaha tinare.

9 Ñ yoa pa dachoi Jopepū ti waharo watoi cohari pja jichu Pedro sehe wuhu buipū Cohamacure sinino wahaha. 10 To muja sūri baharocā tirore jüca puríchu chu duaha. Wiho mejeta paina to chuare ti dahrero watoi, tiro sehe õ sehe bajuachu

ñuha. 11 Muñanore parí muñachu, pjiri cahsaro pititia sohtoarire duhteri cahsaro to duji tachu ñuha. 12 Tí cahsaro puhichapure payu wahiquina bua tiniina, chihchöina, wüina peri cühu jiha. 13 Tíre to ñuri baharo, Pedro durucuro coa tachu tühoha:

—Pedro, wahcärhcaga. Ahrinare wajá chuga —nino coa taha tirore.

14 To á nipachuta Pedro ó sehe niha:

—Puhoro, ne tina barore chueraja yuhu. Ñainare, Cohamacu to chü dutierainare ne chüera tihí yuhu —niha Pedro.

15 To á niri baharo Pedro pari turi durucuro coa tachu tühoha:

—Cohamacu “Noaina jira”, to niringare “Ñaina jira”, nii tjia muhu tinare —nino coa taha Pedre.

16 Á yoa tia taha ti á ni durucuri baharo tí cahsaro muñanopu muñaa wahaha tjoa. 17 To á muñaa wahari baharo, Pedro tuaro wacú “¿Dohse ni duaro nijari á bajuaró?” ni tühotuha tiro to basi. To á ni tühoturo watoi Cornelio muña to warocaina sehe Simo ya wuhupu súha. “¿Simo ya wuhu nohopu jijari?” ni, ti sinituri baharo to ya wuhupu súha tina. 18 Su, tina sinitu ñu bahrainoha. “¿Simo Pedro wama tiriro ahri wuhui jijari?” ni sinitu ñuha tina. 19 Á jiro Pedro to tühoturo watoi Espíritu Santo tirore ó sehe ni yahuha:

—Ñuga. Tiaro muña muñure macaa nina. 20 Wahcärhcaga. Dujiaga. Tina mehne wahaga. Jiape ni tühotuecata wahaga noano mehne. Yuhu sehe tinare ópure warocahi —niha Espíritu Santo Pedre.

21 To á nichu tühoro Pedro ti cahapu dujia wahaha.

—Ñuga. Ói jija yuhu muña maca tariro. ¿Dohse yoana tana niri muña yu cahai? —niha Pedro tinare.

22 To á nichu tina sehe ó sehe niha:

—Cornelio cien surara puhoro, noaare yoariro, Cohamacure cua pisaro ñuhiro, jipihtina judío masa “Noariro”, ti niro muñure pji ta dutiro warocahre sáre. Cohamacu yairo anjo Cornelio muñure pji dutiyuhti. Ó sehe niyuhti: “Pedre mu wuhupu na ta dutiga mu muñare. Á yoa tiro muñure to yahuchu, noano tühoga tirore”, ni pji dutiyuhti anjo Cornelio —ni yahuha Cornelio Pedre to pji dutirina sehe.

23 Ti á nichu Pedro sehe tinare sá ta duti, chua wa, to jiri wuhupu carí dutiha tinare. Pa dachoi Pedro wahcä, tina mehne

wahaa wahaha. Æ yoa paina Cristo yaina Jope macaina Pedrore piti ti wahcāha.

24 Pa dachoi tina Cesareapu sūha. Ti sūhto panocā Cornelio sehe to coyeare, tiro mehne macaina cāhure pji cahmachu, Pedrore cohtaa niha. 25 Æ jiro Pedro Cornelio ya wuhu cahapu to tachu ñuno Cornelio sehe tirore piti boca wijaa, to dahpori cahai caha sūha. 26 Wiho mejeta Pedro tirore na wahcō õ sehe niha:

—Ducuga mūhu. Yuhu cūhu mu yoaro sehetra jiriro jija
—niha Pedro tirore.

27 To ã ni tuhsūri baharo Cornelio tirore na sāa wahaha to ya wuhupu. Tópu sāa sūro masa peri tí wuhupu cahmachu tirore cohtainare ñūha Pedro. 28 Tinare ñuno õ sehe ni yahuha tinare:

—Judio masuno jipaihta pa curua macaina mūsa mehne jicu, mūsa wuhusepu sāacu, judio masa sā dutiare yuhdūrūcái nija yuhu. Tíre noano masina mūsa. Wiho mejeta pa curua macainare “Naina jira”, yuhure ni dutierare Cohamacu. Tíre ni yahuhre yuhure tiro. 29 To ã nichu tūhocu õpūre mūsa cahapure tahi. Mūsa yuhure pjirocachu “Ne wahaeraja”, nierahi. ¿Dohse jiro baro yu õpūtachu cahmari mūsa? —niha Pedro tinare.

30 To ã nichu tūhoror Cornelio sehe õ sehe niha:

—Pititia dachori wahara, Cohamacu yairo anjo yuhure to bajuari baharo. Tí dachore tres jichu, ahri hora waroichta Cohamacure yu sinino watoi anjo minoa suhti tiriro yu cahai ducuhre. 31 Æ ducuro tiro yuhure õ sehe nihre: “Cornelio, mūhu Cohamacure mu sinichu tiro tūhohre. Æ yoa pjacuoinare ti cahmaare mu wachu noano masino, Cohamacu mūhure yoadohorohca. 32 Æ jicu Jopepu mu muare warocaga, Simore, Pedro wama tirirore mu cahapu ti na tahto sehe. Tiro pairo Simo wahiquina cahsari cahnoriyo ya wuhui, pjiri ma duhtu cahai jiri wuhui jira tiro. Mu cahapu wihiro mūhure yahurohca”, ni yahuhre yuhure tiro. 33 To ã nichu tūhocu dōicāta yu muare mūhure na ta duticu warocahi yuhu. Æ jicu noano yoacu tari jira mūhu sā cahapure. Æ jina sā jipihtina õre Cohamacu to ñūrocarijina nija sā. Jipihtiare Cohamacu mūhure to yahu dutirore tūho duana, cohtahi sā —niha Cornelio Pedreore.

Pedro Jesu yare yahuha

34 To ã nichu tñhoró, Pedro õ sehe ni yahuha:

—Mipu masija. Potocã tjira. Cohamacu cãno potori noano yoara marine. **35** Ñ jiro jipihtia macari macaina Cohamacure cua pisaro ti ñuchu, noaare ti yoachu Cohamacu sehe tinare ñu wahchera. **36** Cohamacu sã judio masa cahai Jesucristore noaa buheare yahuhtirore warocare. Masa Cohamacu mehne noano ji masica Jesu to yaria masa mñjano mehne. Tí buheare musa masina. Jesucristo sehe jipihtina masa pñhtoro jira.

37 João bautisariro masare, “Musa ñaa yoari buhiri tiare masiga”, ni yahu, to bautisari baharo, Galileapu noaa buheare Jesu sehe yahu dñcare. Baharo Judea yahpapu cñhure tí buheare yahu pahñore. **38** Ahriro Jesu Nazare macarirore Cohamacu sehe to tuaare Espíritu Santo mehne to yoa masihtire ware Jesure. Ñ jiro Jesu noano yoaro wahare. Ñ waharo watia sãanohrinare, ñano yñhdünare jipihtinare noaina wahachu yoare. Cohamacu Jesu mehne jiri jire. **39** Judea yahpai, Jerusalé cñhure jipihtia to yoarire sã ñuhi. Baharo tina crusapu cjã puha wajahre tirore. **40** Wiho mejeta tia dacho wahaboroi Cohamacu tirore masori jire. Maso, Jesure sãre bajuachu yoari jire Cohamacu. **41** Tí pjare Jesure jipihtina ñuerare. Sã dihtare bajuahre tiro. Cohamacu to cahmainare, Jesure ñu, painapure yahuhtinare panopu sãre beseha. Sã sehe Jesu to masari baharo tiro mehne chu, sihnihi. **42** Ñ jiro tiro sãre õ sehe ni dutihre. “Masare õ sehe ni yahuga. Yuhu Jesu jipihtina catiinare, yariaina cjiri cñhure ti ñaa yoari buhiri tiare yahuhtiro buhiri dahrehtiro yu jichu yoare yñhure Cohamacu. Ñ jina tñre masare yahuga”, ni dutihre Jesu sãre. **43** Dohse jiina baro Jesure ti wacu tuachu ñuño Cohamacu ti ñaa yoari buhiri tiare borohca. Tñre jipihtina Cohamacu yare yahu mñhtaina cjiri panopu macaina yahyuha —ni yahuha Pedro.

Judio masa jierainapu cñhure Espíritu Santo sãarucu sua wahaha

44 Tí jipihtiare to ã ni yahuro watoi, jipihtina tñre tuhoinapure Espíritu Santo sãarucu sua wahaha. **45-46** Tinapure to sãarucu sua wahachu, tñho mahnoeraa dñseri mehne wahchea mehne durucu dñcaha tina. Tí dñseri mehne Cohamacure “Tuariro, noariro jira mñhu”, nia niha. Tí ã nichu tñhoha Pedro mehne

tarina judio masa, Jesu yaina. Ā tūhoa Espíritu Santo judio masa jierainapū cūhure to sāaracū sū yoadohochū ñua, judio masa sehe cūaa wahaha. Ā jiro Pedro ò sehe ni yahuha judio masare:

47 —Mari yoaro seheta Espíritu Santore cjūara ahrina cūhū. Ā jina tina bautisa duaa ti sinichū, tinare, dūcataena tjijihna —niha Pedro tinare.

48 Ā ni tuhsū judio masa jierainare Jesu yaina ti jiare ñohto sehe bautisa dutiha Pedro. Ti ã yoari baharo “Sā mehne mahaa dachoricā tjuasiniga”, niha tina Pedro cūhure.

Pedro Jerusalē macainare Jesu yainare yahuha

11 1 Ā yoa judio masa jieraina cūhū Cohamacū yare ti noano cahmachū Jesu to cūrina sehe ti coyea Judeapū jiina mehne tūhorocaha. 2 Ā jia Pedro Jerusalēpū to tju sūchū ñua judio masa Jesu yaina mahainacā tirore ò sehe ni tuhtiha:

3 —¿Judio masa jierainare dohse jiro baro ñūi sūri mūhū? ¿Dohse jiro baro tina mehne chūri mūhū? —ni tuhtiha Pedrone tina.

4 Ti ã nichū tūhoro Pedro to yoari cjirire yahu pahñoha tinare. Ó sehe ni yahuha:

5 —Yūhū Jopepū jicū Cohamacūre sinii nihi. Ā jiro yūhure ò sehe bajuahre. Pjiri cahsaro pititia sohtoarire dūhteri cahsaro mūanopū yū cahai to duji tachū ñūhi. 6 Ā jicū tí cahsarore noano ñūhi “¿Yaba baro tí cahsaropūre jijari?” nichū. Ā jicū ñūhi tí cahsaropūre jiinare: Tí cahsaro puhichapūre payū wahiquina, būa tiniina, chihchōina, wūina peri cūhū jire. 7 Ā jicū yūhure to durucuchū tūhohi. “Pedro, wahcārūcaga. Wajā chūga ahrinare”, nino coa tahre yūhure. 8 To ã nichū tūhocū ò sehe nihi yūhū: “Pūhtoro, ne tina barore chūeraja yūhū. Ñainare, Cohamacū to chū dutierainare ne chūera tihī yūhū”, nihi yūhū. 9 Wiho mejeta mūanopū pari turi yūhure durucuro coa tahre tjoa. “Cohamacū ‘Noaina jira’ to niinare, ‘Ñaina jira’, nii tja mūhū”, nino coa tahre yūhure. 10 Ā jiro tia taha sā ã ni durucuri baharo tí cahsaro mūanopū mūjahre tjoa. 11 Yū ã ñūno watoi tiaro mūa sā jiri wūhūpū sūri jihre. Tina Cesarea macapiro to warocarina jiri jihre. 12 Ā jiro Espíritu Santo sehe yūhure tina mehne waha dutiro, “‘Tina ñaina jira’, nii tja tinare”, ni yahuhre yūhure tiro. Ā jia ahrina seis mehne yū coyea Jesu yaina mehne Cesarea macapiro ya wūhūpū sāahi

sā. 13 Ñ jiro tiro sāre õ sehe ni yahuhre: “Anjo yu wāhui ducuchu ñuhi yuhu. Ó sehe ni yahuhre yuhure: ‘Jopep Simore Pedro wama tirirore na ta dutiga. 14 Tiro māhure mu coyea mehne māsare jipihtinare pichacapu wahaborina māsa yuhdātore yahurohca’, nihre anjo yuhure”, ni yahuhre Cesarea macariro yuhure. 15 Ñ yoa yu durucuro watoi Espíritu Santo sehe tinapure sāarhcu suahre, marine to yoa māhtariro sehetā. 16 Ñ jicu Jesu to yahurire wacūhi yuhu. Ó sehe ni yahuhre tiro: “João māsare bautisaro, copu yoamahre. Yuhu sehe tí yuhdoro yoaihtja māsare. Baharo Espíritu Santore māsa mehne jirucuchu yoaihtja māsare”, ni yahuha. 17 Ñ jiro Jesucristo mari puhtorore mari wacū tuachu ñuño Cohamacu to Espíritu Santore wahre marine. Ñ jiro Cohamacu marine to Espíritu Santore to wariro sehetā judio masa jieraina cūhure tiro wahre. Cohamacu to ã yoachu ñucu tirore yuhdāraca masieraja yuhu —niha Pedro tinare, judio masare Jesu yainare.

18 To ã nichu tūhoa, tina tirore ne ni namoeraha. Ñ ni namoeraa, Cohamacure wahche payo, tina õ sehe niha:

—Tí pja pini judio masa jieraina cūhure Cohamacu cahiri jira. Ti ñaa yoari buhiri tiare masi, Cohamacure cahma, tina cūhucu Cohamacu mehne ã catirucuahca —niha tina.

Antioquíai paina Jesu yaina jiha

19 Ñ yoa Estebāre ti wajāri baharo masa Jesu yainare ñano yoaha. Ti ã yoachu ñua Jesu yaina duhti sitea wahaha. Ñ jia tina Feniciapu, Chiprepu, Antioquíapu cūhure waha site, tópure judio masa dihtare Cohamacu yare yahua timaha tina. 20 Wiho mejeta paina Jesu yaina mehne macaina Chipre macaina, Cirene macaina, Antioquíapu su, judio masa jierainare Jesu yare buheha Cohamacu tinare to yuhdohto sehe. 21 Ti ã buhechu, Cohamacu tinare yoadohoha. Ñ jia masa payu Cohamacure cahma dūca, mari puhtoro Jesure wacū tuaha.

22 Ñ yoa “Antioquía macainapu Jesure cahmaca”, ni tūhorocaha Jerusalē macaina Jesu yaina. Ti ã tūhorocari baharo Jerusalē macaina Bernabé wama tirirore Antioquíapu warocaha. 23 Tópu suro, Cohamacu yoadohoa mehne judio masa jieraina to yaina ti wahachu ñuño, tuaro wahcheha. Tuaro wahche, tiro tó macainare õ sehe ni yahuha:

—Jesure ã wacū tuarucuga. To yare ne duhuena tjiga —ni yahuha tiro jipihtina tinare.

24 Bernabé noariro jiro, Espíritu Santo dutiare yoariro Jesure noano wacū tuaha tiro. Ā jia to buheri baharo Jesure wacū tuaina payu waha namoha tjoa.

25 Baharo tiro Tarso wama tiri macapu Saulore macano wahaha. 26 Tópū tirore boca sūha. To boca sūri baharo Antioquíapu na majare tjuaaha Saulore. Tópū ti sūri baharo cū cūhma waro tina Cohamacu yaina mehne cahmachu, payu masare buheha tina. Ā jia Antioquíapu Cristo yaina Cristiano wama ti dūcaha.

27 Tí pjare Cohamacu yare yahu mūhtaina Jerusalēpū jiina cjiri waha, Antioquíapu sūha. 28 Ā ti sūri baharo tina mehne macariro Agabo wama tiriro Jesu yaina watoi ducuro, Espíritu Santo to tuaa mehne yahuha tinare. “Jipihtiro yahpapure tuaro jūcaro waharohca”, ni yahuyuha tiro. Tí pjare chūa marieni pja jichū jipihtina bui pūhtoro Claudio jiha. 29 Ā jia Cristo buheina, jipihtina ti cjhāro puro ti coyeare wa duaa ti basi cahma durucuha. “Judea yahpa macaina Jesu yainare niñerure warocajihna”, niha tina ti basi. 30 Ti ā niri baharo Bernabé Saulo mehne tí niñerure na wahcābasaha. Tópū sūa Judea yahpa macainare Jesu yaina pūhtoare waha tí niñerure pja c̄hoicare tju wa dutia.

Pedrore peresu yoaha

12 ¹ Tí pjare pūhtoro Herode cāinare Jesu yainare ñano yoa dūcaha. ² Tiro João wahminore Santiago sehere yoari pjī mehne to wajā dutichū pairo sehe tirore wajāha. ³ Santiagore to wajāchū judio masa wahcheha. Ti wahcheare Herode masino, “Ā dihta cahmana tina”, nino Pedro cūhure peresu yoaha. Tí dachorire būchāerari pāore ti chūhti bose numuri pascua jiha.

4 Ā jiro Herode Pedrore ñaha, peresu yoaha. Peresu yoah diez y seis surarare cohta dutiha tirore. Pititiaro surara cohtaha tirore. Baharo pititiaro ti cohtotaina tirore cohta mūjaa tiha. Āta yoaha tina diez y seis surara. Herode sehe pascua baharo Pedrore peresupu jirirore masa panoi duhu dapo duamaha tirore wajā dutiro taro. 5 Ā jiro Pedro peresupu jiha. Tópū to jichū Jesu yaina sehe Cohamacure tuaro sini payorucua niha tirore.

Cohamacʉ peresupʉ jirirore Pedrore wioha

6 Å yoa ñamine Pedro pʉaro surara mehne comaa dari mehne ti dʉhteriro jiha. Å ti dʉhteriro jiro, ti watoi carño niha. Å yoa paina surara sopacai cohtarucua niha tirore. Tí ñami bohrearo Herode Pedrore judio masa panoi duhu dapo duamaha tirore wajā dutiro taro. 7 Wacūenoca Cohamacʉ yairo anjo Pedro cahai to ducuchʉ to peresu jiri tahtia buhria pihtia wahaha. Å jiro anjo Pedro cahai ducuro Pedro patipahmai be careha, tirore wahcōno.

—Cjero wahcārʉcaga —niha tiro Pedrore.

To ã nichʉta to wamomacarine ti dʉhlea dari comaa dari parī site boraan wahaha. 8 Å yoa anjo tirore õ sehe ni yahuha:

—Tuā dihoga mʉ tuā dihori dare. Mʉ dahpo suhti cʉhure sāaga —niha tiro.

To ã nichʉ Pedro sehe to niriro seheta yoaha.

—Mʉ bui macari suhtirore sāa, yʉhʉ mehne wahaga —niha anjo.



9 To ã nichʉ tí tahtiapʉ jiriro wijaa, anjo baharo wahaa wahaha tiro. Å wahaparota õ sehe ni tʉhotumaha tiro. “¿Ahri potocā jieracari? ¿Cahāi nicari yʉhʉ?” ni tʉhotumaha tiro. 10 Å yoa tina to jiri tahtia sopacai ducuina surarare yʉhdʉ wahcā, paina yoawacūno ducuina cʉhure yʉhdʉ wahcā, pjiri sopacapʉ sʉha. Tí sopa pahma, comaa pahma macapʉ wahari mahare dʉcatari pahma jiha. Tí sopa pahma to mʉ sʉro

paríchʉ tina wijaa wahaha. Wijaa waha, tina mahapʉ mahano wahachʉta, anjo sehe buti mʉa wahaha. 11 Ñ jiro Pedro cāirota tjuaha. 11 Ñ tirore anjo to wahari baharo to yoarire Pedro masiha. Ó sehe ni tʉhotuha tiro. “Potocā tjira. Anjo Cohamacʉ to warocariro peresupʉ jirirore yʉhʉre wioro wihihre. Mipʉ tñre masija to ñ yoarire. Judio masa sehe yʉhʉre ti ñano yoaborire Cohamacʉ sehe tinare yoa dutierare. Ñ jiro yʉhʉre, Herode to peresu yoarirore wiohre”, ni tʉhotuha Pedro.

12 To ñ ni tʉhoturi baharo María João pocoro ya wʉhʉpʉ sʉha Pedro. João sehe pa wama Marco wama tira. Tí wʉhʉpʉ masa payʉ cahmachu, Cohamacʉre sinia niha. 13 Tí wʉhʉpʉ sʉro, Pedro sopa pahmare dotaha. Cācoro ti cahamacono Rode wama tñricoro to dotachʉ tʉhoror, ñno sʉha ticoro. 14 Ñ yoaro Pedro ticorore to pisuchʉ tʉhoror to durucuare tʉho masi, tuaro wahche, sopa pahmare pjōoboricoro pjōoeraha. Pedro tñri to ducuchʉta ticoro majarerʉca mʉroca sãa wahaha painare yahuro waharo.

—Pedro sopacapʉ wihihre —ni yahuro sãaha.

15 To ñ nichʉ tʉhoa, tí wʉhʉi jiina sehe:

—Ñ ninocaco nica muhʉ —niha tina ticorore.

—Potocā tjira. Potocā nicota nija —niha ticoro.

To ñ nichʉ tʉhoa:

—Tiro jieraca. To yairo anjo wihiro nica —nimaha tina sehe.

16 Ti ñ nino watoi Pedro sopa pahmare ñta dotarucuro niha. To ñ yoachʉ tʉhoa, tina sopacare pjōo, tirore ñʉ, cʉaa wahaha. 17 Ñ jiro tiro Pedro to wamomaca mehne “Dihta mariahga” ni, Cohamacʉ peresupʉ tirore to wiorire yahuha tinare:

—Ahrire yahuga mʉsa pʉhtoro Santiago, paina Jesu yaina cāhʉre —niha tiro.

Ñ ni yahu tuhsʉ tiro pa sehepʉ yʉhdʉ wahcãa wahaha.

18 Ñ yoa bohrea bora tachʉ surara Pedro to dohse yoa wijaarie ne masieraha. Ñ masieraa cʉaa wahaha. 19 Ñ jiro Herode Pedrore maca dutimaha. Ñ dutiro tiro surarare peresu cohtainare to sinituri baharo tinare wajã dutiha Herode sehe. Ñ jiro Herode Judeapʉ jiriro waha, Cesareapʉ jiro wahaha.

Herode yariaa wahaha

20 Ñ yoa Tiro wama tiri maca macaina mehne, Sidõ macaina mehne Herode sehe suaha. To ñ suachʉ ñua tí macari macaina

sehe Herode tina mehne to suarire cahnoa waha, tiro mehne durucua wahaha. ã jia to docai jiriro púhtorore Blasto wama tirirore piti tiha. ã jia tina Blasto to yoadohoro mehne Herode cahapú suha. Tiro cahapú sua, õ sehe niha:

—Mari noano jijihna. Mari basi ñu tuhtiena tjijihna —ni siniha tina Herodere.

Tina ya yahpa macaina Herode ya yahpai chhare bocaas tiha. ã jia Herode tinare ñu tuhtichu cahmaeraha tina. 21 ã yoa Herode to quihõri dachoi, púhtoro to sää suhti noaa suhtire sää tiha tiro. ã sääno tiro to dujiroi dujitiähno, masare durucu ñoaa tiha. 22 To ã durucu ñochu tóhoa masa sehe õ sehe ni sañurucuha:

—Ahriro durucuriro masuno jierara. Cohamacu jira —ni sañurucu payomaha tina Herodere.

23 Ti ã nichuña Cohamacu yairo anjo Herodere dohatichu yoaha. Cohamacure ño payoeraro, “Cohamacu jieraja yuhu”, ne nieraha Herode. To ã nierari buhiri anjo tirore dohatichu yoaha. To ã dohatichu tirore dachoa chu wajänocaha.

24 ã yoa Jesu yaina payu masare Jesu ya buheare buhea tiha.

25 ã jia Bernabé, Saulo mehne buhe tuhsu, Jerusalép u tjuua wahaha. ã jia João Marco wama tirirore tina na wahcäha tina mehne.

Jesu yaina Bernabére Saulo cühure Cohamacu yare buhe dutia warocaha

13 1 Tí pjare Antioquíapu Cohamacu yaina mehne macaina Cohamacu durucuare yahu turiaina jiha. ã yoa Cohamacu to joa na dutiri cjirire, Jesu yaina ti yoaa tiare yahuina cühu jiha. Bernabé, Simo Negro wama tiriro, Lucio Cirene macariro, Menahem, Saulo mehne tina jiha. Menahem sehe púhtoro Herode cjiro mehne tina puaro cüno potori bùcuaina jimaha. 2 Cü nümü tina Jesu yaina chu duhu, Cohamacu yare ti buhero watoi Espíritu Santo õ sehe ni yahuha tinare:

—Bernabére, Saulo mehne cüga yu cahmano sehe yoahtinare. Tíre yoahtinare bese cüi nija tinare —niha Espíritu Santo.

3 To ã nichuña tina sehe chu duhu namo, Cohamacure sini, Bernabé dapu bui Saulo dapu bui ti wamomacarine duhu payoha. ã duhu payoa tinare buhe dutia warocaha.

Chiprepʉ Jesu to cūrina buheha

4 Ñ̄ jia tina Espíritu Santo to warocaina jia, Seleuciapʉ sʉ, tí macare dohoriapʉ samu, Chipre wama tiri nucopʉ pahāha tina. 5 Ñ̄ pahā, Salamina wama tiri pitamahapʉ wahā sʉha. Tí macai judio masa buhea wʉhusepʉ, Cohamacʉ yare yahu dʉcaha tina. Ñ̄ yoa João Marco cūhʉ tina mehne jiro, tinare yoadohoha. 6 Tuhsʉ, tina tí nucos sohtoai maja, tí nucos topai jiri macapʉ Pafo wama tiri macapʉ sʉha, yairore boca sʉha tina. Tiro judio masʉno, Barjesu wama tiriro jiha. Barjesu griego ya mehne nia Elima ti ni pisuriro jiha. “Cohamacʉ yare yahu mʉhtariro jija yʉhʉ” ni, masare mahñoperucuriro jiha tiro. 7 Ñ̄ yoa tiro Sergio Paulo wama tiriro mehne macariro jiha. Sergio Paulo sehe tí nucos macaina pʉhtoro masi pahñoriro jiha. Ñ̄ jiro Cohamacʉ yare tʉho duaro tinare Bernabé, Paulo mehne pjirocaya tiro. 8 Wiho mejeta Elima yairo sehe tinare buhe dutieraha. Tiro Sergio Paulo Jesu yare to ñ̄ payochʉ cahmasāeraha yairo sehe. Ñ̄ jiro Sergio Paulore Cohamacʉ yare cohā dutiro nimaha. 9-10 To ñ̄ dutipachʉta Saulo, Paulo ti niriro Espíritu Santo dutiare yoariro jiro yairore noano ñ̄ diho cū tirore ñ̄ sehe ni yahuha:

—Mʉhʉ mahñoa payʉriro, ñ̄ariro, watīno to dutiare yoariro, noaare ñ̄ yabiriro jira mʉhʉ. ¿Dohseachʉ Cohamacʉ yare “Ñaa jira. Mahñoa jira”, ñ̄ nirucujari mʉhʉ? 11 Mʉhʉ ñ̄ yoori jicʉ Cohamacʉ mʉhʉre to pihachʉ capari bajuerariro jiihca mʉhʉ. Ñ̄ jicʉ mahaa dachoricā mʉhʉ ahri dachore ñ̄usinisi —niha Paulo.

To ñ̄ nichʉta tiro yairo sehe me yoaro sehe jiare ñ̄ mʉhtano, baharo nahitiano dihtare ñ̄ha. Ñ̄ jiro tirore tʉāhtirore macaha tiro. 12 To ñ̄ wahachʉ ñ̄no, Sergio Paulo sehe Jesu yare “Potocā tjira”, ni masiha. Mari pʉhtoro yare tiro tʉho, cʉaa waha, Jesure wacū tua dʉcaha.

Paulo Bernabé mehne Antioquíai Pisidia yahpai jiri macai jiha

13 Ñ̄ yoa Paulo cūhʉ Pafopʉ jiina dohoria mehne pahā turia waha namo, Pergepʉ sʉha. Perge Panfilia yahpapʉ jira. Tópʉ sʉ, João Marco tinare cohā wahcā, Jerusalēpʉ majare tjuaa wahaha. 14 To ñ̄ wahapachʉta tina sehe Pergepʉ jiina waha namo, Antioquíapʉ sʉha. Antioquia Pisidia yahpapʉ jira. Tópʉ sʉa, Sabado dacho jichʉ tina judio masa buheri wʉhʉpʉ sāa

sú, tópù dujiha. 15 Tí wuhu macaina puhtoa Cohamacu dutiare, Moise cjiro masare to cūrire, ã yoa Cohamacu yare yahu muhtaina cjiri ti joari cjirire ti buhe ñori baharo tina pjirocaha Paulo cähure:

—Coyea, ¿masare wahchechú yohti cjihti múa yahu duaa jijari? Tíre yahu duana, yahuga michapucacá —niha tí wuhu macaina puhtoa.

16 Ti ã nichu tñhoró, Paulo wahcárucu sú, “Durucuena tjiga”, nino to wamomaca mehne cjá tuha. Ti dihta mariachú ñu, tiro õ sehe niha:

—Israe masa, ã yoa múa Israe masa jieraina, Cohamacure ño payoina, tñhoga múa. 17 Mari ñuchusuma cjiri Cohamacure ño payoa tiha. Tina cjirire Cohamacu besea tiha. Ñ jia mari ñuchusuma cjiri yoari pja Egiptopu jia tiha paina jipahta. Tópù ti jichu Cohamacu noano yoaa tiha tinare. Ñ jia payu masaputia tiha tina. Õ sehe yoaa tiha tinare. Tinare Egiptopu jiinare to tuaa mehne wioa tiha Cohamacu. 18 To ã wiori baharo tina cuarenta cühmari waro masa marienopu tinia tiha. Tópù tirore ti yuhdñucachu Cohamacu ñta tñhotunocaa tiha. 19 Tuhsu, Canaa wama tiri yahpapure siete curuari macainare cohã tuhsu, Cohamacu tí yahpare waa tiha Israe masa sehore. 20 Israe masa Egiptoí ti ji dñucachu, pu Cohamacu ahri yahpare to wachupu cuatrocientos cincuenta cühmari waro yuhdua tiha. Baharo Israe masare dutihtinare cúa tiha Cohamacu tinare. Pu, Cohamacu to cürina Samue to jichupu ji batoa tiha. Samue sehe Cohamacu yare yahu muhtariro cjiro jia tiha.

21 'Baharo Israe masa sehe ti puhotoro cjihtore macaa tiha. Ñ jia Cohamacure sinia tiha. Ti ã sinichu ñuno Cohamacu Saulo cjirore cúa tiha tinare. Saulo cjiro Cis macuno jiro, Benjami ya curua macariro jia tiha. Ñ yoa cuarenta cühmari waro ti ti puhotoro jihtiro cjihtore cúa tiha Cohamacu tiro cjirore.

22 Cohamacu Saulo cjirore to cohãri baharo Davi cjirore cúa tiha tiro. Õ sehe nia tiha Cohamacu Davi cjirore: “Davi Jesé macunore bocahi yuhu. Tiro mehne wahcheja yuhu. Tiro yu cahmaare yoarohca”, nia tiha Cohamacu. 23 Ahriro Davi cjiro to panamino ji turiariro jira Jesu. Cohamacu Jesure cûri jire Israe masare yuhdohtiro cjihto. “Masare noano yoaihca”, niha Cohamacu. To niriro sehetia yoare tiro. 24 To ã yoahto pano Jesu to tahto pano João cjiro õ sehe ni buheri jire: “Musa ñaa tñhotumari cjirire tñhotu cohtota, Cohamacure macaga.

Á yoana bautisarina jiga”, ni buheri jire João cjiro jipihtina Israe masare. **25** João cjiro to buhe batoahto pano, to yariahto pano õ sehe ni yahua tiri jire: “¿Diro baro jijari yahua, m̄usa tahotuchu? Cristo jieraja yahua. Pairo jija. Á jipachata tuhoga yahuhre. Yuhu baharo yuhdoro tuariro tarohca. Tiro noa yuhduariro jira. Tiro yoaro sehe jieraja yahua”, ni yahuha João cjiro masare.

26 ‘Coyea, Abrahā panamana, jipihtina Cohamacu re cua pisaro n̄uina marine ahri to yuhdohtore yahua buheare warocari jire Cohamacu. **27** Jerusalē macaina ti puhtoa mehne Sabado dachori jichu Cohamacu yare yahu m̄uhhtaina cjiri ti joarire buhepahta noano tuho n̄ahaerari jire. Á tuho n̄ahaera, Jesu tinare yuhdohtiro to jichu cūhure masierari jire. Tina á masierapahta Jesure wajā dutiha. Á yoaa Cohamacu yare yahu m̄uhhtaina cjiri ti joariro seheta yoaa niha. **28** Tirore ti wajāhto pano tina Jesure yahusāmaha. Wiho mejeta to n̄aa yoaerapachata tina Pilatore Jesure wajā dutia taa, siniha. **29** Á yoaa, panopu ti joariro seheta Jesure yoa tuhsu, tirore crusapu jirirore na boro, masa copapu tācai ti sahari copapu na sāa, duhu payoha tirore. **30** Tirore ti á wajāpachata tiro to yariari baharo Cohamacu masori jire tirore. **31** Á jia Galileapu taina Jerusalēpu tiro mehne sūina payu dachori tirore yaria masa bajuarirore n̄ua tiri jire. Á jia mipure tirore ti n̄urire masare yahuhre tina.

32-33 Á jina noaa buheare yahuja sā m̄usare. Cohamacu mari n̄uchusuma cjirire “Masare noano yoaihca”, panopu to niriro seheta mipure marine tinare ji n̄anu ti turiainare yoahre. Tíre to yahuri cjirire õ sehe yoahre tiro. Cohamacu Jesure masori jire. Á jina Jesure to masorire yahuja m̄usare. Salmo capítulo dosre panopu to joariro seheta á wahari jire: “‘Muhu yu macu jira. Michare muhure yahua mu Puchu jiare masichu yoahi’, nina Cohamacu to macunore”, ni joaa tiha panopu. **34** Á jiro Cohamacu Jesure to masohtire pari turi to yariaerahtore yahuyuro õ sehe ni yahu joaa tiha Salmo joariro. “‘Davire yu pja n̄uriro seheta tirore yu niriro seheta potocāta noano yoaihtja m̄usa cūhure’, nire Cohamacu”, ni joaa tiha. **35** Tuhsu, pa Salmo cūhure õ seheta ni yahua tiha: “Cohamacu mu yairo n̄aa buhiri marieriro to pjacure baa dutierara m̄uhu”, ni joaa tiha. **36** Á jiro Davi Cohamacu to cahmariro seheta to jisiniri pja macainare yoadohoha. Baharo

tiro yariaa wahaha. To yariari baharo to pucusumare ti yoari sehet masa copapu siō sāaha tiro cūhure. Ā jiro tiro baa wahaha. 37 To ā baapachuta ahriro, Cohamacu to masoriro sehe ne baaerare. 38 Ā jina mūsa yu coyea ahrire masiga: Jesu to yariaro mehne Cohamacu mari ñaa yoari buhiri tiare to cohāhtore mūsare yahuja sā. 39 Ā jiro Jesure wacū tuainare Cohamacu ti ñaa ñano yoaa, buhiri tiare bonocanohca. Wiho mejeta Moise cjiro to cūri dutiare mūsa yoari mehne mūsa ñaa yoari buhiri tiare ne cohāsi Cohamacu. 40 Ā jina noano yoaga. Mūsa noano yoaerachu Cohamacu yare yahu muhtaina cjiri ti joariro sehet mūsare wahaboca. Ó sehe ni joaa tiha:

41 “Tuhoga mūsa.

Cayoa payuina, yuhure ñu tuhtiina jira mūsa.

Yu ò sehe yoachu cuiga mūsa.

Ā jina pichacapu wahaga.

Mūsa jia dachorire mūsare yoa ñoihtja.

Yu ã yoa ñochu ñupanahta ‘Potocā tjira’, nisi mūsa.

Pairo tīre mūsare to noano yahupachuta ‘Potocā tjira’, nisi mūsa”,

ni joaa tiha Cohamacu yare yahu muhtariro cjiro —ni yahuha Paulo tinare.

42 To ã ni yahuri baharo judio masa buheri wuhupu ti wijaari baharo, masa sehe tinare ò sehe ni siniha:

—Pa somanapu Sabado jichu sāre ahrire buhega tjoa —ni siniha tina Paulore.

43 Ā yoa tí wuhupu jirina wijaa, judio masa payu, judio masa jieraina cūhu Paulo cūhu mehne wahaha. Judio masa jieraina sehe judio masa yare Cohamacu warore ti ño payoa tiare buheina jiha. Ti ã wahachu Paulo, Bernabé mehne noano yahuha tinare: “Cohamacu mūsare cahīna. Ā jina tirore ño payoina, wacū tuaina ã jirucuga mūsa”, ni buheha tina.

44 Ā yoa pa somanare Sabado jichu jipihtina Jesu yare tūho duaina cahmachuha. 45 Wiho mejeta judio masa sehe payu masare Jesu yare tūho duainare ñua pahsu tia wahaha. Ā pahsu tia tina soro ni durucu, Paulore ñano quiti dojomehneha.

“Mūsare to buhea potocā jierara”, niha tina. 46 Ti ã nichu tūhoa, Paulo, Bernabé mehne tinare quiti dojomehnerinare cuiro marieno ò sehe ni yahuha:

—Cohamacu to dutiriro sehet mūsare buhe muhtamahi sā. Wiho mejeta mūsa sehe tīre cahmaera tuhsuhre. Cohamacu

catia mehne ã catirucua cãhure cahmaera tuhsuhre musa.

Ã jina sã sehe judio masa jieraina sehere buhe ducanahca.

47 To joa dutiri cjiri mehne õ seheta dutiha Cohamacu sãre:

“Musa judio masa jierainare buhena tinare yu yare
noano masichu yoanahca musa.

Ã jicu ahri yahpa mu suro macainare musa buhechu,
noano yuhure wacu tuaina sehere pichacapu
wahaborinare yuhdoihsca yuhu”,

ni yahu dutiha sãre Cohamacu —ni yahuha Paulo, Bernabé
mehne.

48 Ti ã nichu tahojudio masa jieraina sehe wahcheha.
“Cohamacu ya sehe noaa jira”, niha tina. Tópeina Cohamacu
to cahmaina, to catia mehne ã catirucuare to wa duarina
Jesure wacu tua ducaha. **49** Æ jia mari puhtoro Cristo yare tí
yahpapure yahu site pahñoha. **50** Ti ã yahu site pahñochu ñua
udio masa ji coaeraha. Æ jia tina Paulo cãhure ñano durucuha.
Tópu Cohamacure ño payoa numia, masa ti cua pisaro ñua
numia jiha. Æ jia judio masa Paulo cãhure ñano durucuha. Ti
ã ni durucuchu tahojudio tí numia Paulo mehne, Bernabé mehne
cãhure suaha. Æ yoa tí maca macaina puhtoa cãhu tina mehne
suaha. Æ suaa tó macaina ñano yoaha Paulo cãhure. Ti ã yoari
baharo Paulo cãhure ti ya yahpai jiinare cohã wioha. **51** Ti ã
yoachu ñua Paulo, Bernabé mehne ti dahpori macaa dihta
pohcarire cjã site boro cûha tí maca macaina ti ñaa yoari buhiri
tiare ñoa. Æ yoa tuhsu tina Iconiopu wahaa wahaha. **52** Æ yoa
tina Jesu yaina pjíro wahchea, Espíritu Santo dutiare yoaina
jiha.

Paulo, Bernabé mehne Iconioi jiha

14 ¹ Æ yoa Iconiopu su, Paulo Bernabé mehne judio masa
buheri wuhupu sãa, Jesu yare noano durucu mihnia
mehne yahuha. Æ jia payu masa Jesure wacu tua ducaha,
udio masa cãhu, judio masa jieraina cãhu. ² Wiho mejeta
udio masa Jesure cahmaeraina cãhu tina mehne jiha. Tina
udio masa jierainare Jesu yaina mehne ti suachu yoaha tjoa.
Ti ã yoachu judio masa jieraina ñano tûhotuha Jesu yainare.
³ Ti ã tûhotuchu ñua Paulo, Bernabé mehne tópu yoari pja jia,
cuiro marieno mari puhtoro Jesu yare noano buheha. Cohamacu
masare to cahñare buheha. Æ buhea Cohamacu to tuaa mehne
yoa ñoha tina, “Ahri buhea potocã tjira”, nia. ⁴ Wiho mejeta tí

maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina cūhū tjuaha. Tina p̄ua curua tjuaha. 5 Å jia judio masa jieraina, judio masa ti p̄uhtoa mehne Jesu to cūrinare ñano yoa duama, tāa mehne doca wajā duamaha tinare. 6 Ti ã yoa duarire masia, Paulo Bernabé mehne Licaonia yahpapu duhti wahcāa wahaha. Tí yahpai jia macaripu Listra, ã yoa Derbepu suha. 7 Tópū suha, noaa buheare buheha tjoa tí macari macainare, tó cahai jiina cūhure.

Listrai Paulore tāa mehne docaha

8 Å yoa Listrai tini masierariro jiha. Tiro wahma masa bajuaropūta tini masierariro jiro ne tiniera tiha. 9-10 Å jiro tiro Paulo to buhechū tūhoha. To tūhoro watoi Paulo sehe tiro dihtare ñūha.

—Ahriro Jesure wacū tuara. Å jiro tiro noariro waha duara —ni tūhotuha.

Å ni tūhoturo tuaro mehne durucutjiāhno õ sehe niha Paulo tirore:

—Wahcārūcaga —niha Paulo tirore.

To ã nichū tūhorota tini masierariro sehe pu s̄urucū su, wahaa wahaha. 11 Paulo to ã yoachū ñua masa ti ya mehne, Licaonia ya mehne õ sehe ni sañurucuha:

—Ahrina cohamana, m̄ua yoaro sehe bajuina m̄uanopu jiina mari cahapu duji tari jira —ni sañurucuha tina.

12 Å jia tina cohamanare ti ni pisua wamari mehne tinare ni wama pisuha. Tina Bernabére “Zeus”, ni pisuha. Å yoa Paulo buhe m̄uhtariro to jichū ñua, “Hermes”, ni pisuha tina tirore. 13 Å jiro Zeusre ño payoina ya wūhū tí maca dūhtū cahai jiha. Å jiro Zeus yaina ti sacerdote sehe wachūare cohori mehne macapu sāa tari sopaca cahapu na taha. Zeusre ño payo duaro to wachūare jū m̄uono, Paulore, Bernabére wa duamaha tiro, to masa mehne. 14 Ti ã yoachū ñua Paulo, Bernabé mehne ti basi ti ya suhtire tūhrērocaha ti cahyaare masare ñoa. Tūhrēroca tuhsū masa watoi m̄urocaa, õ sehe ni sañurucu wahcāha tina:

15 —M̄usa õ sehe yoaena tjiga. Sā cūhū m̄usa yoaro seheta masa jija. Õ sehe m̄usa yoaa ne yaba cjihti jierara. Å jina m̄usare buhena tahi m̄usa õ sehe yoaare duhu dutina tana. Ahri cohamana m̄usa niare, m̄usa yoaa, wiho jia masuri jira. Tí masurine cohāga. Å jina Cohamacure catiriro sehere ño

payoga. Cohamacu sehe muanore, yahpare, pjiri mare, jipihtiare yoariro jira. **16** Panopure tiro jipihtia macari macaina ti yoarire ã ñuñocaha. **17** Wiho mejeta tiro to jia tiare ñona masare. Tiro masare noaare yoa, coro tachu yoa, dichare wa, masare chuare ã warucura. To ã wachu masa wahchera. Tó seheta tiro to jia tiare ñona masare —niha Paulo, Bernabé mehne.

18 Wiho mejeta ti ã nichu tuhopahta masa wachuare wajã jumuo tinare ño payo duamaha. Tó sehe ti ño payo duachu ñua tinare ã yoa dutieraha Paulo cuhu. Ti ã yoaare duhu duaeraapahta duhuha tó macaina sehe.

19 Ñ yoa paina judio masa Antioquía macaina, Iconio macaina cuhu Listrapu suha. Tópu sua, Paulore ñano durucuha tjoa judio masa. Ti ã ni durucuchu tuhoa masa tiro mehne suaha. Ñ suaas taa mehne docaha tirore. Taa mehne tirore doca tuhsu “Ahriro yariaa wahara” nia, tí maca duhtu cahapu tirore waja sucunoca, wahaa wahaha. **20** Ti ã yoari baharo Jesu yaina Paulore ñua wahaha. Tiro cahai ti cahmachurucu suchu waro Paulo wahcurcuca, tina mehne macapu wahaa wahaha. Ñ yoa pa dachoi tiro Bernabé mehne Derbepu wahaha.

21 Tópu su, tina noaa buheare tó macainare ti yahuri baharo, payu masa Jesure wacu tuaina ji ducaha. Ñ yoa baharo tina ti suha macaripe Listra, Iconio, Antioquíapu majare tjuaa wahaha. **22** Tí macaripu sua tí macari macainare Jesu yainare noaa buheare yahua, tinare noano yajeripohna tichu yoaha. Ñ Jesure wacu tuarucu dutia õ sehe ni yahuha tinare:

—Cohamacu to jiropure mari suhto pano, tuaro marine ñano yuhduro cahmana —ni yahuha.

23 Ñ jia macaripe macainare Jesu yainare ti puhtoa cjihtire cuha Paulo Bernabé mehne. Cu tuhsu, ti chu duhuri baharo Cohamacure õ sehe ni sini payoha:

—Puhtoro, ahrina mu yainare ñu wihboga —ni sini payoha tina Cohamacure ti wacu tuarirore.

Paulo Bernabé mehne Antioquíapu ti ji muhtari macapu tjuaa wahaha

24 Ti ã yoari baharo tina Pisidia yahpapu jirina cjiri wahaa wahaha Panfilia yahpapu. **25** Tópu su, Pergepure tina buhe tuhsu Atalia wama tiri macapu wahaa wahaha. **26** Tí macapu su, Antioquíapu tjuaa, dohoria mehne pahua wahaha. Tí

macaihta panopu ti jisinichu Jesu yaina Cohamacu yare buhe dutia Paulo cãhure warocaha. Ã warocaa:

—Cohamacu mu cahu mehne ahrinare nu wihboga —ni warocaha tina.

Ã tju sua tinare ti buhe dutirire buhe tuhsuha Paulo, Bernabé mehne. 27 Antioquuapu ti tju suri baharo Jesu yaina mehne cahmachu, Cohamacu to tuaa mehne ti yoarire yahu pahnoha tina. Judio masa jieraina cãhu Cohamacu yaina ti waharire yahuha tina. 28 Ã jia Paulo cãhu tópure Jesu yaina mehne yoari pja jiha.

Jerusalépu Jesu yaina cahmachuha

15 1 Ã yoa Judea yahpa macaina mahainacã Antioquuapu sua, Jesu yainare õ sehe ni buhe ducaba tina:

—Cohamacu to dutiare Moise cjiore cûno õ sehe ni cûha. Jipihtina ti pjacure mahari cahsarocure ti yihsotore yahu cûha Moise cjiore. Musa tíre yoaerachu Cohamacu musare yuhdosi —ni buheha tina tó macainare.

2 Ti ã ni buhechu tóhoa Judea yahpa macaina sehe cahma sayoha Paulo cãhure Bernabé mehne. Ti ã cahma sayori baharo Jesu yaina sehe Paulore, Bernabére paina tó macaina cãhure Jerusalépu warocaha. Judea yahpa macaina ti buherire Jesu to cûrinare Jesu yaina puhtoa cãhure sinitu nu dutia warocaha Paulo cãhure.

3 Ã jia Jesu yaina tinare ti warocachu waha, Fenicia yahpare su, yuhdu wahcã, Samaria yahpapu suha. Tí macaripu sua, judio masa jieraina Cohamacu yare ti cahma ducarire yahuha tina tó macainare. Ti ã yahuchu tóhoa tó macaina Jesu yaina tuaro wahcheha.

4 Ã yoa tina Jerusalépu ti suchu nuua tó macaina Jesu yaina, Jesu to cûrina, to yaina puhtoa mehne wahchea mehne noano piti bocaha tinare. Ti ã piti bocachu Paulo, Bernabé mehne Cohamacu to tuaa mehne ti yoarire yahuha tina Jerusalé macainare. 5 Wiho mejeta tópu fariseo curua macaina Jesu yaina mahainacã jiha. Ã jia tina tópure wahcãruca, õ sehe ni yahuha:

—Tinare judio masa jierainare ti pjacure mahari cahsarocure yihsoro cahmana. “Cohamacu Moise cjiore to dutirire yoaga musa cãhu”, nino cahmana tinare —niha tina fariseo curua macaina cãhu.

6 Ti ã nichʉ tʉhoa Jesu to cūrina, to yaina pʉhtoa mehne ti ã nirire cahnoa taa, cahmachuha. **7** Å cahmachua tina payʉ ti durucuri baharo Pedro wahcārʉca, õ sehe ni yahuha tinare:

—Coyea, panopʉ yʉhʉre mʉsa mehne jirirore Cohamacʉ õ sehe yoa dutiro yʉhʉre cūre. Tiro yʉhʉre noaa buheare judio masa jierainare yahu dutiro cūre. Tinare Jesure wacū tua dutiro yʉhʉre tinare buhe dutire. **8** Cohamacʉ masa ti tuhotuare masina. Å jiro tiro judio masa jierainare to yaina to yoarire ñono taro tiro Espíritu Santore ware tinare, marine to yoariro seheta. **9** Å waro tiro marine tina cūhʉre cūno potori noano yoare. Tina tirore ti wacū tuachʉ ti ñaa buhirire bore tiro.

10 Mari sehe Cohamacʉ Moise cjirote to cūri dutiare cūno pjaeraja. Mari ñuchʉsuma cjiri cūhʉ cūno pjaeraha. ¿Å mari cūno pjaerapachʉta dohse yoana Jesu yainare judio masa jierainare tīre yoa duti duajari mʉsa? Å yoa dutina Cohamacʉ tinare to yoarire “Quihōno wahaerara”, nina nica mʉsa.

11 Wiho mejeta õ sehe sã tʉhotuja. Mipʉre judio masa jieraina yoaro seheta mari cūhʉre mari pʉhtoro Jesu cahia mehne Cohamacʉ yʉhdorohca. Dutiare mari yoaa mehne marine yʉhdosi —niha Pedro tinare.

12 To ã nichʉ tʉhoa jipihtina dihta mariea wahaha. Ti ã dihta mariachʉ Paulo, Bernabé mehne judio masa jieraina watoi Cohamacʉ tuua mehne ti yoa ñorire yahuha tinare.

13 Å ti yahu tuhsʉri baharo Santiago õ sehe ni yahuha:

—Coyea, tʉhoga yʉhʉre. **14** Cohamacʉ judio masa jierainare to yaina cjihtire to coã yoarire yahu tuhsʉre Pedro. **15** Panopʉ macaina Cohamacʉ yare yahu mʉhtaina cjiri ti yahuriro seheta ã wahahre judio masa jierainare. Õ sehe ni Cohamacʉ yare joaa tiha tina:

16 “Panopʉ Davi cjiro ya curua macaina ti pʉhtoa jiri cjiri pihtia wahare.

Baharo tjua taihca yʉhʉ.

Å jicʉ pari turi to ya curua macarirore pʉhtoro sõihca.

17 **Yʉ** ã yoari baharo jipihtina paina judio masa jieraina yʉhʉre pʉhtoro tiahca tina.

‘**Yʉ** yaina jiga’, **yʉ** ni pjirocarina sehe yʉhʉre cahmaahca.

18 Åta nina mari pʉhtoro.

Panopʉ tiro ahrire masare yahua tiri jire”, ni joaa tiha Cohamacʉ yare yahu mʉhtaina cjiri.

19 ~ Á jicʉ ò sehe ni tʉhotuja yʉhʉ. Judio masa jierainare Cohamacʉ yare wahma cahma dʉcainare payʉ yoa dutiena tjijihna mari. **20** Wiho mejeta tinare joa, warocajihna mari. Ò sehe ni joarocajihna: “Ñaa chʉare, ‘Cohamacʉ jira’, ti nia masʉrine ti waa chʉare chʉena tjiga. Tuhsʉ, numia mehne ñano yoaena tjiga. Numia cūhʉ mʉa mehne ñano yoaena tjiga. Á yoa wamʉa ti ñaha wajāinare wahiquinare chʉena tjiga. Dire sihnieno tjiga”, ni yahu joarocajihna. **21** Yoari pja judio masa buhea wʉhʉsepʉ Sabado jichʉ Cohamacʉ Moise cjirore to cūri dutiare buhea tire masa. Á yoa jipihtia macaripʉ Moise cjiro to yahuare buhea tire. (Á jina yʉ niriro seheta judio masa jierainare Jesu yainare joarocajihna, judio masa sehe tina mehne “Suari”, nina) —niha Santiago.

22 Tí pjare Jesu to cūrina, Jesu yaina pʉhtoa, jipihtina Jesu yaina mehne pʉaro tina mehne macainare beseha ti warocahtinare. Antioquíapʉ Paulo, Bernabé mehne ti wahachʉ wahahtinare tinare bese warocaha. Á jia tina Judare, Sila mehne warocaha. Juda sehe Barsaba pʉaro wama wama tiha. Ti coyea Jesu yaina tinare ño payoha. **23** Tinare ti beseri baharo Jesu yaina joarocari püre warocaha tina mehne. Ò sehe ni joaha tina:

“Jesu to cūrina, to yaina pʉhtoa, mʉsa coyea Jesu yaina mehne sã noa dutija mʉsare. Jipihtina judio masa jierainare Antioquíapʉ, Siriapʉ, Ciliciapʉ jiinare mʉsare Jesu yainare noa dutija sã. **24** Sã mehne macaina mʉsa cahapʉ sua, mʉsare payʉ dutiare yoa dutiyuhti. Á yoaa mʉsare cariboyuhti. Tina Cohamacʉ dutiare Moise cjirore to cūri cjiripʉre, mahari cahsarocare yihsoa cūhʉre yoa dutiyuhti. Wiho mejeta sã sehe tinare tére buhe dutina warocaerahi. **25-26** Á jina sã jipihtina cūno potori mʉsa cahapʉ warocahtinare sã besehi. Mari cahīinare Paulo, Bernabé mehne Cristo Jesu mari pʉhtoro yare cuiro marieno ti buhechʉ payʉ tahari paina tinare wajāmoñoha. Ti á wajāmoñochʉ mahancā mehne yʉhdʉha tina. Tina mehne sã beserinare mipure warocaja. **27** Á jina Judare, Sila mehne mʉsa cahapʉ warocaja. Sã joarocarire tina sehe mʉsare yahuahca. **28** Espíritu Santo to wacūno seheta sã cūhʉ tʉhotuja. Ò sehe jira tí: Paye dutiapure cūeraja mʉsare. Ahri dutia dihtare cūnahca mʉsare: **29** Ñaa chʉare, ‘Cohamacʉ jira’, ti nia masʉrine ño payo ti duhu payoa chʉare chʉena

tjiga. Dire sihniena tjiga. Wamħare ti ñaha wajainare wahiquinare chħena tjiga. Ā jina numia mehne ñano yoaena tjiga. Numia cūħu mua mehne ñano yoaena tjiga. Ahri yu yoa dutierare yoaerana noaare yoana nica mħsa. Tó puro tjira mħsare sā yahu duaa”, ni joarocaha Jesu yaina Jerusalēpū jiina.

30 Tí pūre joa tuhsu, waha Antioquíapū wahainare. Ti war baharo waha, Antioquíapū suha. Ti tópū suri baharo payu masare cahmachu duti, ti joari pūre wiaha tinare. 31 Tí pūre ti buheri baharo tina yajeri sāa, noano wahcheha. 32 Ā jia Juda, Sila mehne Cohamacu yare yahu mħħtina jia, yoari pja Jesu yainare Cohamacu yare yahuha. Ti ā yahuchu tħoħra, Jesu yaina sehe wahche, noano tħotuha. 33 Ā jia Juda, Sila mehne tópū mahaa dachoricā ti jiri baharo Jerusalēpū ti tjuua wahachu tó macainare ti coha sitichu, “Noano wahaga mħsa”, niha Antioquía macaina. Ā jia Juda cūħure warocarinare noa dutirocaha. Ti ā niri baharo Juda sehe tjuua wahaha. 34 [Wiho mejeta Sila sehe tópūta tjuanocaha Antioquíapūta.] 35 Ā jia Paulo Bernabé cūħu mahaa dachoricā tjuasiniha tí macai tjoa. Tó tina paina payu mehne Jesu yare buheha.

Pari turi Paulo noaa buheare buhe tinino wahaha

36 Ā yoa mahaa dachoricā baharo Paulo õ sehe ni yahuha Bernabé:

—Jipihtinare mari buhe ducarinare “¿Dohse jijari tina?” ni, ñuna wahajjhna tjoa —niha Paulo cūħu ti basi.

37 Ā ni tuhsu, Bernabé sehe João Marcore tina mehne naa duamaha. 38 To ā naa duapachu tó pano tiro tina mehne Panfiliapū suro tina mehne tjueraha. Ti yoaare cūno pjaerar tjuua wahaha. Ā jiro Paulo pari turi tirore naa duaerah. 39 To naa duaerachu ñuno Bernabé Paulo mehne pħaro ti basi cahma durucu cahno masiera, soro dihta wahaa wahaha. Bernabé sehe Chipre wama tiri nacopu Marcore na pahā wahaha.

40 Paulo sehe Silare piti ti wahċāa wahaha. Ti buhea wahahto pano Jesu yaina tinare waroca, “Cohamacu mħsare noano ñu wiħbojaro”, niha. Ti ā niri baharo Paulo Sila mehne wahaa wahaha. 41 Ā wahaa, Siria yahpapu, Cilicia yahpapu cūħure suu, tópū Jesu yainare noano yajeripohna ti, Jesure wacū tua namochu yoaha tinare.

Timoteo Paulo mehne wahaha

16 ¹ Ti ã yoari baharo Paulo cãhã Derberpã, Listrapã sãa, Timoteore boca sãha. Timoteo Jesu yairo jiro, judio masono macuno jiha tiro. To pocoro cãhã Jesu yacorota jiha. To pãcuro sehe griego masuno jiha. ² ã jia Listra macaina, Iconio macaina Jesu yaina, “Timoteo masa noariro jira”, ni yahua tiha. ³ ã jiro Paulo Timoteore naa duaha. Wiho mejeta tí yahpa macaina judio masa sehe Timoteo pãcuro griego masuno to jichã masiha. ã jiro Paulo judio masare “Suari” nino, Timoteo pjacure mahari cahsarocã yihsø naha. Judio masa ti dutia ti niriro seheta yoaha. ⁴ To ã yoari baharo tina ti sãa macari macainare ti joarocari pã macaare yahuha. Tí pã Jesu to cûrina, to yaina pãhtoa mehne Jerusalépã jiina ti joarocari pã jiha. ã jia tí dutiare noano yahu turiaha tó macainare Jesu yainare. ⁵ Ti ã yahuchã tûhoa Jesu yaina sehe Jesure wacã tua namoha. ã yoa Jesure wahma wacã tua ducaina dachoripe payã waha namoha.

Paulo cahãnopã Macedonia macarirore ñuha

⁶⁻⁷ ã yoa Asia yahpapã sehere noaa buheare buhe dutieraha Espíritu Santo tinare. ã jia tina Frigia yahpare yûhdña Galacia yahpare yûhdña, Misia yahpa duhtã cahai sãha. Tópã sã, Bitinia yahpa sehe waha duamaha tina. Wiho mejeta Espíritu Santo sehe tinare tópure waha dutieraha. ⁸ To ã niri baharo tina sehe Misia yahpare yûhdña, Trôadepã buhtã wihire. ⁹ Tópã ti buhtã wihiri baharo, tí ñamine õ sehe cahãri jire Paulo. Macedonia yahpa macariro to cahai ducuchã ñuri jire tiro. “Sãre Macedonia yahpa macainare yoadohoi taga” ni, pjiri jire tiro Paulore. ¹⁰ To cahãri baharo wahcã wihi, sã yare cahno tuhsã, Macedoniapã wahaa wahai sã. “Cohamacã tí yahpapure noaa buheare buhe dutiro nina marine”, ni tûhotui sã.

Paulo, Sila mehne Filipopã jiha

¹¹ ã jina sã Trôadepã jiina dohoria mehne Somatracia wama tiri nãcopã pahã sãi sã. ã yoa pa dachoi Neapolipã pahãa wahai sã. ¹² Tí macare yûhdñana, Filipopã Roma macaina ya macapã sãi sã. Tí maca Macedonia yahpai jiri maca jire. Wiho jiri maca jierare. Tópure mahaa dachoricã sã jii. ¹³ Tópã jina

Sabado jichʉ sā tí maca dʉhtʉ cahapʉ, dia dʉhtʉ cahapʉ sūi. Tóí Cohamacʉ mehne ti durucuro jire. Tóí dujina tóí cahmachua numia mehne sʉhʉdui sā. 14 Cūcoro sāre tʉhoricoro Tiatira wama tiri maca macaricoro Lidia wama tiricoro jire. Ticoro noaa suhti wapa tia suhtire duaricoro, Cohamacʉre ño payoricoro jire. Å jiro Paulo to yahuare noano tʉhochʉ yoare Cohamacʉ ticorore. 15 To quihōno tʉhochʉ ñuno ticorore to wʉhʉ macaina mehne bautisare Paulo. To å bautisari baharo õ sehe nire ticoro:

—“Jesu yacoro tjira mʉhʉ cūhʉ”, nina mʉsa yʉhʉre. Å jina ya wʉhʉ sāa tasinia mʉsa. Yʉhʉ mehne tjuasinia —nire ticoro sāre.

To å nichʉ tʉhona to wʉhʉ tjuasinii sā.

16 Pa dacho Cohamacʉ mehne ti durucuropʉ sā wahachʉ watīno to cohtotaricoro piti bocare sāre. Ticoro paina cahamacono jire. Ticoro watīno yoadohoro mehne masare “Ó sehe waharohca mʉsare”, ni yahuyuricoro jire. Å yahuro pjíro wapatabasare to pʉhtoare. 17 Å jiro Paulo mehne sā wahachʉ, sāre nʉnʉ ti, sañurucure ticoro:

—Ahrina Cohamacʉ Jipihtina Bui Jiriro to yoadohoina jira. Cohamacʉ marine to noano yʉhdohtire yahura tina —ni sañurucure ticoro.

18 Payʉ dachori å ni cariborucure Paulore. To å ni sañurucuchʉ Paulo majare ñʉ, õ sehe nire watīnore:

—Jesucristo tuaa mehne dutija mʉhʉre. Ticorore wijaahga. Waharisa mʉhʉ —nire Paulo.

To å nichʉta watīno sehe wahaa wahare.

19 To å wahari baharo ticoro pʉhtoa sehe niñeru to wapataeraricoro to wahachʉ ñʉ, tina Paulore, Sila cūhʉre ñahare. Ñaha tuhsʉ, tinare naahre tí maca dacho macapʉ jiina pʉhtoa cahapʉ. 20 Å naa wahcā, buhiri tiare cahnoina cahapʉ tinare cūre tina.

—Ahrina judio masa mari ya macare cariboa nina. 21 Tina mari dutiare cohā dutia, paye buheare buhea nina. Mari ya dutiare yʉhdʉrʉcachʉ yoa duaa nina. Mari Roma macaina jina ahrina ti yahua sehere yoa masieraja mari. Å jina ti buheare mari cahmaeraja —nire ticoro pʉhtoa buhiri tiare cahnoinare.

22 Ti å nichʉ tʉhoa masa payʉ Paulo cūhʉ mehne sua yʉhdʉa wahare. Å jia buhiri tiare cahnoina sehe Paulo cūhʉ suhtire ti tʉhrē cohāri baharo, yucʉri wasōri mehne tjana

dutire tinare. **23** Tuaro tjana tuhsu peresu yoare tinare. Ti ã peresu yoari baharo peresure cohtariore noano ñu wihbo dutiha tina. **24** Ti ã dutiri baharo tinare cohtariro sehe tí wuhu puhicha macari tahtiapu tinare cu, taboa pahtari mehne ti dahporire biha dapoha.

25 Ñami dacho macai Paulo, Sila mehne Cohamacre sini, tirore basa payoha. Ti ã basachu tuhoха paina peresupu jiina. **26** Ti ã ni basachuta tí wuhu tuaro ñuhmiha. To ã ñuhmichu cuno potori jipihtia sopa pahmari paru mua, peresupu jiinare ti duhthea dari comaa dari nuhnu site boraah wahaha. **27** To ã wahachu tí wuhre cohtariro sehe wahcu wihi, “Peresu jiina duhti tuhsuri jire”, ni tuhotumaha. Æ ni tuhoturo to ñosari pjune naroca, to basi ñosamaha. **28** To ã yoachu ñuno Paulo tirore tuaro sañurucu õ sehe niha:

—Mu basi ñano yoai tjiga. Jipihtina õre jija sã —niha tiro tinare cohtariore.

29 To ã nichu tuhoro tinare cohtariro sehe sihu buhria duti, tina cahapu muroca wahcu Paulo, Sila ti dahpori cahapu tetere, caha suha tiro. **30** Tuhsu, tiro tinare tí tahtiapu jiinare na wijaa, sinituha tinare:

—¿Dohse yoaicari yuhu Cohamacu yairo ji duacu, to yuhdohtiro ji duacu? —ni sinituha tiro.

31 —Jesucristore wacu tuaga muhu. Mu coyea cuhu tirore wacu tuajaro. Musa ã yoachu musare pichacapu wahaborinare Cohamacu yuhedorohca —ni yahuha tina.

32-33 Ti ã niri hora ñami dacho maca baharocu jiha. Ti ã niri baharo tinare cohtariro to ya wuhunaaha tinare. To ya wuhunaaha na su ti camine cosaha tiro. To ã cosa tuhsuri baharo to coyea mehne Cohamacu yare buheha Paulo cuhu. Ti buheri baharo bautisaha tinare. **34** Ti bautisa tuhsuri baharo tinare cohtariro cjiro Paulo cuhre chuare payoha. Æ jia tiro to coyea mehne noaa buheare ti tuhori baharo tuaro wahcheha, Cohamacre masi ducaa.

35 Bohrea paru cahachu ñua puhtoa sehe surarare peresupu warocaha Paulo cuhre wio dutia. **36** Ti ã wio dutiri baharo tí wuhre cohtariro Paulo cuhre yahuha:

—Puhtoa musare wio dutire. Æ jina cuienata wijaahga —niha tiro Paulo cuhre.

37 Ti ã wio duapachuta Paulo õ sehe ni yahuha surarare:

—Sā ñano yoauerahi. Å jina sā ne buhiri c̄juaeraja. Wiho warota tina p̄uhtoa sehe masa ti ñuñocaroi yucuri wasōri mehne tjanahre sāre, Roma macaina sā jipach̄ta. Tjana tuhsu peresu yoahre sāre. Å jia mipu masa ti ñueraroi wio duara sāre, sāre ñano ti yoarire “B̄uoro yuñhdurí”, nia. P̄uhtoa ti basita ta, wioa tajaro sāre —niha Paulo surarare.

38 To ã nichu t̄uhoa surara sehe p̄uhtoare yahua wahaha. Ti ã ni yahuri baharo Paulo, Sila mehne Roma macaina ti jichu masia p̄uhtoa sehe cui niha. 39 Å jia tina Paulo c̄uhu cahai su, õ sehe niha:

—Ñano yoichti sā m̄usare. Ne pari turi ã yoasi —niha p̄uhtoa Paulo c̄uhure.

Å ni tuhsu p̄uhtoa tinare peresupu jiinare wio, tinare pa sehepu waha dutiha. 40 Ti ã niri baharo Paulo, Sila mehne peresupu jiina wijaa, Lidia wama tirimoro ya w̄uhupu wahaha. Tí w̄uhupu ti sūri baharo Jesu yainare piti bocaha. Å jia tina Jesu yainare noano buhea, noano yajeripohna tichu yoaha tinare. Ti ã yoari baharo Paulo, Sila mehne wahaa wahaha.

Tesalónica macaina suaha Jesu yaina mehne

17 1 Å yoa tina Anfipolipu su, yuñhdúa, Apoloniapu su, yuñhdúa, Tesalónicapu suha tina. Tói judio masa buheri w̄uhu jiha. 2 Somanaripe to yoariro sehetra Paulo buheri w̄uhupu wahaa tiha. Tópu su, tia somana waro sabado dachoripe tiro panopu macaa ti joari cjirire Cohamacu yare masare buhe, tíre tina mehne suhuedua tiha Paulo. 3 Å yoaro tiro Cohamacu yare õ sehe ni yahuha:

—Judio masa, m̄usa p̄uhtoro m̄usa cohtariro Cristo tari jire ñano yuñdúhtiyo. Cohamacu to ni cūriro cjiro sehetra tiro yariaa wahaha masa muñjano taro. Å jiro ahriro Jesu, yu yahuriro, tiro Cristo warota jira marine yuñdohtiyo. Tirota jira m̄usa cohtariro. Õ sehetra nina Cohamacu yare ti joari pū —ni yahuha Paulo.

4 To ã nichu t̄uhoa, cāina tói jiina “Potocā tjira”, niha. Å jia tina Paulo c̄uhu mehne wahaha. Å jia paina c̄uhu griego masa payu Cohamacure ño payoina sehe Paulore quihōno t̄uhoa, å yoa tina mehne macaa numia c̄uhu payu p̄uhtoa numia masa ti cua pisaro ñua numia c̄uhu tirore quihōno t̄uhoa Jesu yaina tjuaha. Å jia tina c̄uhu Paulo c̄uhu mehne wahaha. 5 Wiho

mejeta judio masa sehe ti ã wahachu ñua, pahsu tiha. ã jia tina ñaina dahraerainare payu pji cahmachu õ sehe ni dutiha: “Ahrina ñano yoaa nina”, ni sañurucu dutiha tinare. ã sañurucua jipihtina tí maca macainare suachu yoaha Paulo cûhû mehne. ã jia judio masa Jasõ ya wuhupu sâa, Paulo cûhure macamaha, tinare masapure waa taa. **6** Wiho mejeta tinare bocaeraha. ã jia Jasõre, paina Jesu yaina cûhure ñaha, waja wijaa wahaha tinare. Puhtoa cahapu na su õ sehe ni yahusâha tina:

—Paulo cûhû masare jipihtiropure caribobiara. ã jia mipure tina mari ya macare wihi tuhsuhre. **7** ã jiro ahriro Jasõ tinare to ya wuhupu sâa ta dutihre. Tina jipihtina mari bui puhtoro Roma macariro to dutiare yuhdurecara. “Pairo musa puhtoro jira. Jesu tirota jira” nia, mari puhtoro dutiare yuhdurecara tina —ni yahusâha judio masa sehe puhtoare.

8 Ti ã ni yahusâchû tûhoa, jipihtina masa, puhtoa cûhû sua, tuaro sañurucuha. **9** Wiho mejeta puhtoa Jasõre, tiro mehne macaina cûhure, niñerure wapa duti, wioha.

Paulo Sila mehne Bereapu suha

10 Tí pjata ñamipu Paulo cûhure Jesu yaina nuo warocaha Bereapu. Tópu sua tina judio masa buheri wuhupu sâa wahaha. **11** Berea macaina sehe Tesalónica macaina yuhdoro Jesu yare noano tûhoina jiha. ã jia tina Jesu yare ti tûhori baharo “¿Potocâ tijari?” ni masi duaa, dachoripe Cohamacu yare ti joari pûre ã buherucua tiha tina. **12** ã jia tina payu Jesure wacû tua ducaha. Griego masa cûhû, muâ, puhtoa numia mehne Jesure wacû tuaina jiha. **13** Wiho mejeta Paulo Bereapu Cohamacu yare to buhechu cûhure tûhorocaa Tesalónica macaina judio masa tópu suha. Tópu sua, Berea macainare quiti dojomehnea, Paulo cûhû mehne suachu yoaha tina. **14** Ti ã yoachu ñua Jesu yaina Paulore soaro mehne pjiri ma dûhtu cahapu warocaha. Wiho mejeta Sila, Timoteo mehne Bereapu tjuaha. **15** Paina sehe Paulore Atenapu na wahcâ soha. Tirore so tuhsu majare tjuua wahaha Bereapu tjoa.

—Soaro mehne waha, piti tina wahaga Paulore —ni yahuha Silare, Timoteo cûhure.

Ã ni yahu dutiha Paulo tinare.

Paulo Atenai jiha

16 ã jiro Paulo Atenapu cohtaro niha Sila, Timoteo cãhure. Tinare cohtaro Atena macaina ti “Cohamana jira”, ti nia masurine payu ti cjuechü ñuno Paulo tuaro cahyaha tina mehne. 17 ã cahyaro, judio masa buheri wuhupu judio masa mehne, ã yoa judio masa jieraina mehne cãhure durucuha tiro. Judio masa jieraina sehe Cohamacure ño payoina jiha. ã yoa Paulo tí maca dacho macai dachoripe tiro cahapu ã tini majare sãaina mehne durucuha. 18 Paina Epicureo yare buheina, Estoico yare buheina cãhu Paulo mehne durucuha:

—¿Ahriro durucua pihtierariro dohse ni durucuro njari tiro? —niha tina.

Paulo Jesu yare, to masa mujarire to yahuchu tûhoa õ sehe ni tûhotumaha masa: “Tiro paina cohamanare yahuro nica”, ni tûhotumaha tina. 19 Ti tûhorí baharo tina Areópago wama tiropu Paulore naaha.

—Ahri buhea, wahma buheare mu mipu yahurire masi duaja sâ. 20 Mu buhea soro sehe jira. ã jina sâ tîre masi duaja —niha tina Paulore.

21 Jipihtina Atena macaina, ã yoa paye yahpari macaina cãhu Atenapu jiina dachoripe wahma buheare durucurucu duaha. ã jia Paulo to yahuare tûho duaha tina.

22 ã jiro Paulo Areópago wama tiroi wahcárüca õ sehe ni yahuha:

—Atena macaina, payu mûsa cohamanare mûsa tuaro ño payoina mûsa jichu masija yûhu. 23 Ahri maca mûsa ya macare cohamanare mûsa ño payoa altarire ñu tinihi yûhu. ã ñu tinicu yûhu cû altarpu, cohamanare ño payona mûsa waare mûsa cûnoi ahrire buhehi. “Cohamacu, mari masimahnoperario ya altar jira”, ni joari jire mûsa tîre mûsa cûnoi. Mûsa tirore masierapanaha tirore ño payori jire mûsa. Tiroreta mûsa masierarirore yahu potoi niija yûhu mûsare.

24 ‘Cohamacu jipihtiri yahpare, jipihtiare bajuamehneriro jira. Tiro mûnlore, yahpapure pûhtoro jiro, tiro masa ti yoaa wuhusei jierara. 25 ã jiro tiro mari jiare, mari yajeri naare, jipihtia marine paye barore wariro jiro, mari yoadohoare cahmaerara. Tiro pjachoriro jierara.

26 ‘Tiro cûiro mûnlore yoa dûcaha. Tiro mehneta jipihtia yahpari macaina cjihtire masare yoaha. ã masare yoaro

jipihtiro yahpapure marine cūha tiro. “Ó puro yoari pja òpure jiahca”, nino quihō cūha marine. **27** “Tina yuhare maca, bocaboca”, ni tūhotuha Cohamacu. Wiho mejeta Cohamacu yoaropu jierara. Mari mehneta jira. Ó sehe ni joaa tiha paina: **28** “Marine jichu yoara tiro. Mari masapere catiina, ñuhmiina jichu yoara tiro”, ni joaa tiha. Masa mehne macaina panopu macaina basaare noano joaina quiti yahuina ejiri ti joariro seheta nii niha. “Mari cūhu Cohamacu pohna jija”, ni joaa tiha tina. **29** Å jina mari to pohna jina õ sehe ni tūhotuena tjiga mūsa. Masurine, uru, plata, tāa mehne mūsa mū sūro mūsa yoari masurine “Cohamana jira”, ni tūhotuena tjiga mūsa. **30** Panopu masa ti masieraina jisinichu ti ñaare yoapachuta Cohamacu ã ñūnucasiniha. Wiho mejeta mipure jipihtiri yahpa macainare ti ñaa yoari buhiri tiare masi, cahya dutira Cohamacu. **31** Baharo Cohamacu to quihōri dachoi jipihtiri yahpa macainare potocā beserohca noaina, ñainare. Tiro to bese duti to cūriro Jesu sehe beserohca. Jesure yariarirore masoha tiro. Å masono “Ahriro yu cūriro jira” ni, ñono niha Cohamacu masare —ni yahuha Paulo Atena macainare.

32 To ã nichu masa mūjarire to durucuchu tūhoa paina tirore būjupēha. Wiho mejeta paina sehe õ sehe niha:

—Pari turi ahrire mū yahuchu sā tūho duaja —niha tina Paulore.

33 Ti ã niri baharo Paulo wahaa wahaha. **34** To ã wahachu, cāina tiro mehne waha, Jesure wacū tua dūcaha. Dionisio Areópago macariro pūhtoa mehne macariro Jesure wacū tua dūcaha. Å yoa Damari wama tiricoro cūhu, paina mehne Jesure ãta wacū tua dūcaha.

Paulo Corinto wama tiri macai jiha

18 **1** Å yoa, Paulo Atenapu jiriro waha, Corinto wama tiri macapu sūha. **2** Tópu sūro, judio masuno Aquila wama tirirore boca sūha tiro. Jipihtina bui pūhtoro Claudio wama tiriro judio masare Romapu jiinare to cohachu Aquila sehe to namono Priscila mehne waha, Corintopu sūha. Aquila sehe Ponto wama tiri yahpai masa bajuariro jiha. Å jia tina Corintoi ti jichu, Paulo tina cahapu sūha. **3** Aquila cūhu suhti wūhusere yoaina jiha. Paulo cūhu suhti wūhusere yoariota jiha. Å jiro tiro tina mehne dahra, tóti tjuaha. **4** Å jiro Paulo sabado jichu somanaripe judio masa ti buheri wūhupu judio masare, judio

masa jieraina cāhure Cohamacū yare yahuha. To ã ni yahuchū tūhoa, “Potocā tjira”, niha tina cāina.

5 Ā yoa Sila, Timoteo mehne Macedoniapū jiina, Paulo cahapū sūha. Tópū ti sūri baharo Paulo sehe jipihtia dachoripe judio masare noano buhea tiha.

—Jesu, Cristo masare yūhdohtiro mari cohtariro jira —ni yahua tiha.

6 To ã ni buhepachūta, judio masa sehe tirore tūho duaeraha. Ā jia tina ñano ni quiti dojomehneha tirore. Ti ã yoachū Paulo tinare to tuhtiboriro seheta, to suhti macaa mene ejā siteroca cūha.

—Mūsa ya buhiri pichacapū wahanahca. Cohamacū to dutiriro seheta mūsare buhemahi yūhū. Wiho mejeta mūsa yūhure tūho duaerare. Mipūre judio masa jieraina sehere buhei wahaihtja —niha Paulo judio masare.

7 To ã niri baharo tiro tópū jiriro waha, Ticio Justo wama tiriro ya wūhūpū sūha. Justo Cohamacūre ño payoriro jiha. To ya wūhū sehe judio masa buheri wūhū cahai jiha. 8 Ā jia Crispo wama tiriro buheri wūhū pūhtoro, to namono, ti pohna cūhū Jesure wacū tuaina jiha. Ā yoa paina Corinto macaina payū Cohamacū yare tūhoa, Jesure wacū tuaha. Ti ã wacū tuaina jichū tinare bautisaha. 9-10 Cū ñami Cohamacū cahānopū õ sehe ni yahuha Paulore:

—Mūhū mehne jiha. Ahri maca macaina yū yaina masa payū jira. Ā jia paina masa mūhūre ñano yoa masierara. Ā jicū cuieçū tjiga mūhū. Wiho mejeta yū yare tuaro yahu namoga mūhū. Yahu duhueçū tjiga —ni yahuha Cohamacū Paulore.

11 Ā yoa cū cūhma noano, pa cūhma dacho maca waroi Paulo Corintopū ji, tó macainare Cohamacū yare buhea tiha.

12 To ã buhero watoi Galiō wama tiriro Acaya yahpa macaina pūhtoro to jichū, judio masa jipihtina cūno potori Paulore yahusāa taa, tirore buhiri tiare cahnoina cahapū naaha tina.

13 —Ahriro Paulo masare Cohamacūre ño payo dutiro ahri yahpa macaa dutia sehere cohā dutiro nina —ni yahusāha judio masa buhiri tiare cahnoinare.

14 Ti ã ni yahusāchū tāhoro Paulo sehe tinare yahu duamaha. Wiho mejeta Galiō sehe judio masare õ sehe ni yahuha:

—Ahriro sā Roma macaina ya dutiare yūhdūrūcariro to jichū, mūsare yūhtiboa yūhū. 15 Wiho mejeta mūsa judio masa ya dutia sehere ahriro yūhdūrūcariro to jichū mūsa basi ahrire

cahnoga. Ahrire masieraja yuhu musa mehne —ni yahuha tiro judio masare.

16 Ñ ninota tinare judio masa Paulore yahusāmarina cjirire to ya tahtiapu jiinare cohā wioha tiro. 17 To ñ cohā wiori baharo jipihtina tí wuhui jiina Sostenere judio masa buheri wuhu puhorore Jesu yairore ñaha, buhiri tiare cahnoina cahapu cjāha tirore. Ti ñ cjāchü ñuno Galiō ñ ñnocaha.

Paulo Antioquíapu tjuaa wahaha

18 Ñ yoa Paulo Corintoi yoari pja jiriro cjiro “Wahai nija”, ni coha sitiha tiro Jesu yainare. To ñ niri baharo tiro Priscila, Aquila mehne Siria yahpapu pahāa taa niha. Ti pahāto pano Cencrea wama tiri macapu sū, tópu jisinino Paulo Cohamacüre “Ó sehe mühure yoabasaihtja”, to nirire yoa tuhsuriropu jiha. Ñ jiro tó sehe yoaina judio masa ti yoarucuriro seheta to pjoarire wuhu pahño dutiha. 19 Tíre to yoari baharo tina Efeso wama tiri macapu pahā sū, Priscilare, Aquila cūhure cū, judio masa ti buheri wuhupu wahaha Paulo. Tí wuhupu sū, Cohamacüre yare yahuha. Ñ yahuro judio masa mehne suhuduha. 20 To ñ suhuduri baharo tirore tina mehne tjua dutimaha.

—Tjuaeraja musa mehne. 21 Wiho mejeta Cohamacüre cahmacha, pari turi tjuaa taihtja —niha tinare Paulo.

Ñ ni tuhsu, Efesopu jiriro cjiro pahāa wahaha tiro.

22 Pahāa, Cesareapu pahā sū, yuhdu wahcā, Jerusalépu suha. Tópu sū, tó macaina Jesu yainare “¿Ne jimajari mūsa?” ni, tinare ñu yuhdua Antioquíapu suha. 23 Tói mahaa dachoricā jiha. Tói jiriro cjiro yuhduha. Galacia yahpai jia macaripu, Frigia yahpai jia macaripu pari turi sū, tí macari macainare Jesu yainare buhero, Jesure wacū tua namo wahchechü yoaha tiro.

Apolo wama tiriro Efesoi buheha

24 Tí pjare, judio masuno Apolo wama tiriro, Alejandría macariro Efesopu suha. Tiro noano yahu mihnriro jiha. Ñ jiro tiro Cohamacüre to joari cjirire noano masiha. 25 Pairo tirore Cohamacüre yare yahu tuhsua tiha. Ñ jiro tiro João masare bautisariro to buhea dihtare masiha. Ñ jiparota tiro tuaro wahchea mehne Cohamacüre yare noano buheha. 26 Ñ jiro judio masa ti buheri wuhupu tiro cuiro marieno tinare buhe ducaha. To ñ buhechü ti tūhori baharo Priscila, Aquila mehne

tirore tina mehne naaha. Cohamacu yare to quihõno yahu pahñoyerachu ña quihõno yahu pahñoha tina tirore. 27-28 Ã jia tiro Apolo sehe Acaya yahpapu to waha duachu Jesu yaina tirore “Noano wahaga”, ni joaa pûrine waha tirore. Tí pûri Acayapu jiina Jesu yainare Apolore noano piti boca dutia pûri jiha. Ã jiro Apolo tópu suro, tó macainare noano yoadohoha. Tó macaina Cohamacu cahia mehne Jesure wacu tuaina jiha. Judio masare tí macai jiinare õ sehe ni yahuha:

—Cohamacu to warocariro musa cohtariro jira Jesu. Cristo waro jira tiro —ni yahuha Apolo judio masare paina masa ti ñurocaroi.

Cohamacu yare ti joari cjiri mehne to noano quihõno yahuchu tuhoa tina “Potocã jierara”, ni masieraha.

Paulo Efesopu wahaha

19 ¹ Corintopu Apolo to jiro watoi, Paulo sehe tuyucapu muja yuhdua, Efesopu suha. Tópu suro cãina Jesu yainare bocaha. ² Tinare boca suro tiro tinare õ sehe ni sinitu ñuha:

—¿Musa Jesure wacu tuari baharo musa sehe Espíritu Santore cjua ducari? —ni sinitu ñuha Paulo.

To ã nichu tuhoa tirore õ sehe ni yahuha tina:

—“Espíritu Santo jira”, ni yahuerare sãre —ni yahuha tina.

³ Ti ã ni yahuri baharo Paulo tinare õ sehe ni sinitu ñuha tjoa:

—¿Noa ya buheare musa tuhori baharo bautisari musare?
—niha tiro tjoa.

—João ya buheare sã tuhori baharo bautisahre sãre —ni yahuha tina.

⁴ Ti ã nichu tuhoro õ sehe niha Paulo:

—Masa ti ñaa yoarire cahya, tére ti duhuchu ñuno bautisaha João. Ã jiro to bautisari cjiri sehe ti ñaa yoarire ti duhurire masare ti ñohti cjihti jira. Wiho mejeta paye baro cãhure yahu namoha João. “Yu baharo tariro sehere wacu tuaga musa”, ni yahuha tiro. Ã nino Jesure yahuro niha —ni yahuha Paulo tinare.

⁵ To ã nichu ti tuhori baharo, Jesu wama mehne to tuaa mehne bautisaha tinare. ⁶ Ã to bautisachu, Paulo tina cãina bui to wamomaca to duhu payochu, Espíritu Santo sehe

wihihia tinapure. To ã wihiri baharo tina sehe tãhomahnoera duseri mehne durucu, Cohamacu yare yahuha. ⁷ Tina jipihtina doce mua jia jiboa.

8 Baharo Paulo judio masa ti buheri wuhupu sãa, tia sã waro cuiro marieno pãhtoro Cohamacu to sãho jiare yahu, durucuha tina mehne. Tirore ti ã tãhori baharo “Ahri potocã jira”, niha tina. **9** Wiho mejeta paina sehe tãho duaeraha. ã jia tina masa ti tãhoroi noaa buheare ñano ni ñoha. Ti ã nichu tãhoro Paulo sehe Jesu yainare pji wijaa, pa sehepù wahaha. Waha, Tirano wama tiriro to buheri wuhupu dachoripe masare Cohamacu yare yahuha Paulo. **10** Pua cãhma waro buhea tiha tinare. To ã buhechu jipihtina Asia yahpa macaina judio masa, judio masa jieraina mehne mari pãhtoro Jesu yare tãhoha.

11 ã yoa Cohamacu tuaa mehne Paulo masare ñu cua yuhduachu yooa barore yoa ñoha. **12** Masa sehe suhti cahsari Paulo to pjacure pihaa cahsari cjirire, ã yoa tirore pihaa suhti cãhure naa, dohatiinare pihoha masa. Tí suhtire dohatiinare ti pihochu noaa wahaha. ã jichu watia tinapure jirina cjiri wijaa wahaha, tí suhtire ti pihori baharo.

13 Wiho mejeta paina judio masa, ã tinirucuina, watia cohãina jiha. ã yoa pãhtoro Jesu wama pisuro mehne watia cohã duamaha. ã jia watia õ sehe ni dutimaha tina:

—Paulo to yahuriro Jesu to wama mehne dutija mûsare. Wijaahga. Ahriro mehne pari turi jiena tjiga —nimaha tina watia warocaa.

14 Esceva wama tiriro siete to pohna sehe ãta yoamaha. Esceva sehe judio masuno sacerdotea pãhtoro jiha. **15** To pohna watinore ti wijaa dutiri baharo, watino sehe õ sehe niha tinare:

—Jesure masija. Paulo cãhure masija. ã masipacuta mûsa sehere masieraja —niha watino tinare.

16 To ã nichuta watino to cohtotariro sehe tuaro mehne tinare ñaha muaa wahaha. Tinare ñaha, ñaabiaro yoa, yuhducanocaha. To ã yoachu Esceva pohna sehe suhti marieina, cami tiina muroca wijaa wahaha tina tí wuhure. **17** Tí ã yoari baharo jipihtina Efeso macaina, judio masa, judio masa jieraina mehne tira tãhoa, cui yuhduaha tina. ã jia pãhtoro Jesu yare bujupero marieno durucuha masa sehe.

18 ã yoa masa payu Jesure wacu tuaina ti ñano yoari buhirire yahu yuhdua taha. **19** Tina mehne macaina payu yaya

puti siteina jiha. Ñ jia tina ti joaa tjurire yaya ti yoaaare yahua tjurire tópü na ta, masa ti ñuñocaroi tí tjurire jù cohãnocaha tina. Tí tjuri ti wapa tirire tina ti quihöchü, jipihtia tjuri cincuenta mil tñri plata mehne ti yoaa tñri posa waro wapa timaha tí tjuri. **20** Ñ jia Cohamacü yare cahmaina payü wahaha. Cohamacü tuaa mehne to yaina wahaha.

21 Ti ã wahari baharo Paulo õ sehe ni tñhotuha: “Macedonia yahpapü sù mñhta, tí yahpare yñhdña Acaya yahpare sñihtja. Tí yahpare yü sùri baharo Jerusalépü wahaihtja. Tí macare yü sùri baharo Romapü wahaihtja”, ni tñhotuha Paulo. **22** Pñaro tirore yoadohoinare to pano waroca mñhtaha Macedonia yahpapü. Timoteo, Erasto cñhü jiha tina. Ñ jiro Paulo sehe cñirota tjua nññü tisiniha Asia yahpapü.

Efesoi masa sua, sañurucuha

23 Tí pjare Efesoi Jesu yare paina cahmaeraa, Paulo cñhüre payü masa tuhti, sañurucuha. **24** Cñiro platare dahrariro Demetrio wama tirore plata mehne cohamaco Artemisa wama tñricoro ya wñhü masüri yoariro jiha. Ñ jiro tiro paina plata dahraina mehne tí masürine dua, pjíro wapataha tina. **25** Ñ jiro Demetrio paina plata dahrainare pji cahmachu õ sehe ni yahuha tinare:

—Tñhoga mñsa. Ahri dahraa mehne pjíro mari wapatarire masina mñsa. **26** Ahriro Paulo to yoarire to buheri cñhüre masina mñsa. Õ sehe ni buhera tiro: “Cohamana masüri masa ti yoari catiina jierara”, ni yahua tire tiro. To ã nichü tñhoa payü Efeso macaina, jipihtiroi paina Asia yahpa macaina cñhü tí buheare “Potocä tjira”, nia tire. **27** Ñ nia mari dahraare masa ñano durucuhto cua yñhdña. Ñ yoa masa mari cohamaco Artemisa ya wñhüre “Wiho jiri wñhü jira”, ni cohãboca. Ti ã cohñchü ticoro jipihtina Asia yahpa macaina, jipihtiri yahpa macaina ti ño payoricoro to jipachüta to tuaa butiarohca. Ñ jia masa baharopü jiina tñcorore masieraboca —niha Demetrio tinare.

28 To ã nichü tñhoa tina sehe tuaro sua, sañurucuha:

—Artemisa Efeso macaina mari yacoro cohamaco tuaricoro jira —ni sañurucuha tina.

29 Ñ jia Efeso macaina jipihtina sañurucu yñhdña, tñho masia pihtia wahaha. Ñ wahaa, Gayore, Aristarco cñhüre ñaha, masa

ti cahmachunopʉ tinare waja wahcāha. Gayo, Aristarco mehne Macedonia macaina jia, Paulo mehne tiniina jia tiha. **30** Ñ jia Paulore masa cahai to waha duachʉ, Jesu yaina sehe tirore waha dutieraha. **31** Ñ jia paina tí yahpa macaina pʉhtoa, Paulo mehne macaina jia, ti cahamacare yahu dutiha Paulore:

—Masa ti cahmachunopʉ wahai tjiga —ni yahu dutiha pʉhtoa Paulore.

32 Ñ jia tóí cahmachuina mehne macaina sehe payʉ “¿Dohseana tana mari cahmachuna njari?” ni masieraha. Ñ jia tina sañurucu namoha. Ahrie sehepʉ jiina soro ni, sañurucuha. Paina cūhʉ soro ni sañurucuha. **33** Ñ jia judio masa sehe Alejandro wama tirirore masare yahu dutimaha. Ñ jiro Alejandro “Dihta mariahga”, nino to wamomaca mehne cjātuha. “Ahrina sāre judio masare tuhtia nina”, ni tʉhoturo judio masare dʉcata duaro, durucumaha. **34** Wiho mejeta tiro judio masuño to jichʉ ñʉa masa jipihtina cūno potori pua hora waro sañurucuha:

—Artemisa, Efeso macaina mari yacoro cohamaco tuaricoro jira —ni sañurucuha tina.

35 Ti ñ ni sañurucuchʉ ñuño, Efeso macaina pʉhtoare yoadohoriro masare, “Dihta mariahga”, ni yahuha tinare.

—Mʉsa Efeso macaina tʉhoga. Efeso macaina tuaricoro cohamaco Artemisa ya wʉhʉ cohtaina mari jichʉ jipihtia yahpari macaina masina. Ñ jia mʉanopʉ bora tari masure ñʉ wihiboina mari jichʉ cūhʉre masina masa. **36** Ñ jia paina “Ahri potocā jierara”, ni masierara. Ñ jina suaena tjiga mʉsa. Noano tʉhotuga mʉsa. **37** Ahrina mʉsa ñaha taina mari cohamacore ñano ni durucuerare. Ñ yoa tina cohamaña wʉhʉsepure sāa, yacaerare. Ñ jina noano yoaga mʉsa. **38** Ñ jia Demetrio, plata dahraina mehne ahrinare mʉsa ñahainare yahusā duaa, buhiri tiare cahnoina sehere yahusājaro tina. **39** Pari turi cahmachuna noano mehne cahmachuga. Mʉsa yoariro sehe yoaena tjiga. **40** Michare mʉsa sua, sañurucuire mari pʉhtoa tʉhoa, “Marine cohāa nica”, ni tʉhotuahca tina. Ñ jina mʉsa ni sañurucuire tinare noano poto yahu masieraja mari —niha pʉhtoare yoadohoriro masare.

41 Ñ ni yahu tuhsʉ, “Tó puro tjira. Wahaga”, niha tiro masare.

**Macedonia yahpapu cūhure,
Grecia yahpapu cūhure Paulo sūha**

20 ¹ Ti ã wahari baharo, Paulo sehe Jesu yainare pji cahmachu yahu quihōha. Yahu quihō tuhsu, tinare wahchechü yoa, tinare coha sitiha. Coha siti tuhsu, Macedonia yahpapu wahaa wahaha. ² Tópü su buhe, tí yahpai jia macari macainare Jesu yainare wahchechü yoaha tiro. Tinare buhe tuhsu, Grecia yahpapu sūha tiro. ³ Tói tiro tia sū waro jiha. Tói jirucuma, Siria yahpapu pahāa waha duamaha. Wiho mejeta judio masa cohtamaha tirore ñaha duaa. ⁴ Á jiro Paulo pa mahapu, Macedoniapu wahari mahapu mūnanopuña majare tjuaa wahaha tjoa.

⁴ Á waharo Asiapuña sūha. Tói Berea macariro Sópatro wama tiriro Pirro macuño Paulore piti ti wahcāha. Á yoa Tesalónica macaina Aristarco, Segundo cūhü tirore piti ti wahcāha. Tuhsu, Derbe macariro Gayo wama tiriro Timoteo cūhü tiro mehne wahaha. Asia macaina Tíquico, Trófimo cūhü Asiapu tirore piti ti wahcāha. ⁵ Tiro mehne macaina to pano waha, Tróade wama tiri macapu tirore cohtari jire. ⁶ Ti ã cohtachü būchaaerari pāore ti chüa bose nūmūri baharo sā sehe Filipoj jiina dohoria mehne waha, cinco dachori pahā, Tróadepu sā tinare mu shi. Siete dachori waro jii tópure.

Tróadepu Paulo tinino wahaha

⁷ Domingo jichü Jesu yaina cahmachu pāore duhu payore Santa Cena yooaa taa. Ti ã yoahto pano Paulo tinare buhere. Á yoaro Paulo pa dachoi wahahtiro jiro yoari pja tiro buhere. Ñami dacho macapu buhe duhuro taro nimare. ⁸ Á jina mūano macari tahtiae payu poca sihāa poca jiri tahtiae cahmachui sā. ⁹ Paulore to tūhoro watoi, cūiro wahmūno Eutico wama tiriro mahari sopaca cahai mūja pja dujire. Duji, Paulo tinare yoari pja to buhe namochü wahmūnore wūjo tare. Wūjo ta, tiro carī mūa, tia casario buipu dujiriro majare boraa wahare. Boraa waha, yaria yūhdúa wahare. To yariari baharo tina tirore yariariro cjiropure na wahcō dapore. ¹⁰ Ti ã yoachü ñūno Paulo dujia, wahmūnore cjā suhsure. To ã yoari baharo Jesu yainare õ sehe ni yahure tiro:

—Yajeripohna ñaena tjiga. Yarierara ahriro. Catira —nire Paulo sehe.

11-12 To ã nichu wahmuno yariariro cjiro masaa wahare. To ã masachu ñha tina wahche yuhduare. Æ wahchea muano macari tahtiapu muja, paoore duhu payore Santa Cena yoaa taa. Ti ã yoari baharo yoari pja Paulo tinare buhe namore tjoa. Pu bohreahto panocapu tinare buhe duhure. To buhe tuhsuchu wahaa wahai sã.

Paulo Tróadepu jiriro waha, Miletopu suha

13 Paulo pano dohoria mehne Asöpü sã sehe su muhtai. Paulo sehe mahapu waha duare. Paulo to niriro seheta Asöpü tirore sã piti bocai. **14** Tirore sã piti bocachu, sã mehne tiro samure dohoriapu. Tia mehne waha, Mitilenepu sã sui. **15** Tópore su yuhdua pa dachoi Quío wama tiri nacore yuhduai sã. Pa dachoi Samopu sui sã. Pa námu sehere Miletopu sui sã. **16** Paulo Pentecoste dacho waroi Jerusalépü su duare. Æ jiro Asia yahpapu yoari pja ji duaerare. Æ jiro Efesore poto yuhdua, Miletopu wahã sui sã.

Paulo Efeso macainare Jesu yainare puhtoare yahuha

17 Æ jiro Paulo Miletopu jiro, Efeso macainare Jesu yaina puhtoare pjirocate tiro. **18** Æ to pjirocari baharo tina Paulo cahapu wihire. Ti wihichu ñuno tinare Paulo õ sehe ni yahure: —Asiapu coã wihichu musa mehne yu yoarire masina musa. **19** Musa mehne jicu ne soro nino marieno Jesu, mari puhtoro yare yoaa tii yuhu. Æ yoachu musare pja ñui. “Musare yuhducaja”, nierahi yuhu. Judio masa yuhure ñano ti yoapachu ta Cohamacu yare yoaa tii yuhu. **20** Musa noano wahahtore cahmacu musare buhe pahñonocai yuhu. Masa ti ñurocaroi, ã yoa mua wuhusepü cühure cüno potori buhei yuhu. “Musa ñaa yoari buhiri tiare masi, Cohamacu mehne tjuaahga. Æ yoa Jesu mari puhtorore wacu tuaga”, ni yahui yuhu. **22** Æ yoa mipore Espíritu Santo to dutiriro seheta Jerusalépü wahai njia. Yuhu tópu wahacu yu dohse wahahtore masieraja yuhu. **23** Espíritu Santo to yahuri dihtare masija. Õ sehe nihre Espíritu Santo yuhure: “Nohoi mu sua macaripepu muhu ñano yuhduihca. Æ jia muhure peresu yoahca”, nihre Espíritu Santo yuhure. **24** To ã nipachu ta noaa buheare, Cohamacu masare to cahia buheare yahuhtiro cjihto jija. Jesu

mari puhtoro to yoa dutirire yoa pahño duaja. Ahrire yoariro jicu, yu yariahtore cuieraja yuhu.

25 'Musa mehne jich puhtoro Cohamacu to saho jiare yahua tii yuhu musare. Mipure ne musare pari turi nuasi yuhu. Ahrire masija yuhu. 26-27 A masicu michare ahrire yahuja musare. Jipihtia Cohamacu yare yahui yuhu musare. A jiro jipihtina musa mehne macaina Cohamacu yare cahmaeraina ti jichu ya buhiri jierara. 28-29 Musa basi noano yoaga. A jina Jesu yainare Espíritu Santo musare to nu wihibo dutiinare nu wihiboga.

Ovejare nu wihiboina ovejare ti nu wihiboro seheta Jesu yaina cuhure nu wihiboga musa. Cohamacu macuno to yariaro to di cohano mehne Cohamacu tinare to yaina cjihti yoare. Yu õre wahari baharo paina naina sehe yairo ovejare to chu cohano seheta Jesu yare musa yoaborire dojomehneahca. A jina Jesu yainare noano nu wihiboga. 30 Baharopure paina musa mehne macaina sehe Jesu yainare mahño, paye buheare tuho dutiahca. Ti ã dutichu tina tuhohto cua yuhduara. 31 A jina noano yoaga musa. Tia cuhma waro dachoripe, naminipe pja nusa mehne buhei yuhu musa jipihtinare. Tíre noano wacuga musa.

32 'Mipure yu wahari baharo, Cohamacu musare nu wihiborohca. Masare to cahia buheare musa basi cahma buhena, noano jinahca musa. Cohamacu to buhea mehne musare wacu tua namochu yoarohca. Baharopure to yainare "Noano yoaitja", to niriro seheta musa cuhure noano yoarohca. 33 Musa niñerure, musa suhti cuhure "Yuhure waga", nierahi musare. 34 Yu basi dahra wapatai yu ya cjihtire. A yoa yu cahmaare, yuhu mehne macaina ti cahmaa cuhure yu dahraa wapatari mehne nahi. Yu ã yoarire masina musa. 35 Mari õ sehe tuaro dahrana paye baro cjiherainare yoadohoro cahmana marine. Ahrire musare yoa noi yuhu. Jesu mari puhtoro to niri cjirire wacuga musa. "To wachu ñahariyo yuhdoro wariro sehe wahchera", niri jire Jesu to basi —ni yahure Paulo Jesu yainare.

36 A ni batoa Paulo tina mehne na tuhcua caha su, Cohamacure sinire. 37 To ã sini batoachu tina jipihtina Paulore cja suhsu, wahsupu wihami, tiihre. 38 "Musare pari turi nuasi yuhu", pano to nichu tuhoa tuaro cahyare tina. A jia tirore tju nunu ti buhare pu pitamahapu. Tópu sâre nu nu tire sâ wahachu.

Paulo Jerusalépu pari turi wahaha

21 1 Jesu yainare “Wahana nija” ni, dohoria mehne Cos wama tiri nucopu poto waha, pahã sui sã. Pa dachopu Roda wama tiri nucopu pahã su, yuhdua, Pátara wama tiri macapu sui sã. 2 Pátarai jina, Feniciapu wahahtiare, dohoriare bocai sã. ã jina tia mehne wahai sã. 3 ã wahana Chipre wama tiri nucore poto ñu yuhduai sã. Cõ buhusehe sehe jire tí nucó. Tí nucore yuhdua, Siria wama tiri yahpapu sui sã. ã jina dohoria macaa pachere dohoria macariro Tiro wama tiri macai to dure mochu, tói pahsasinii. 4 Tói Jesu yainare ñuna, siete dachori waro tjuasinii sã tí macai. ã jia tó macaina Jesu yainare Espíritu Santo to yahuriro seheta tina Paulore Jerusalépu waha dutieramare. 5 Ti ã nipachuta tí macare siete dachori sã jiri baharo, wahai sã. Sã wahahto panocã jipihtina Jesu yaina, ti namosãnumia mehne, ti pohna mehne, tí maca dñhtu cahai sãre ñu tjuua wahare. ã jina jipihtina sã paduroi su, na tuhcua caha su Cohamacure sinii. 6 Sã ã siniri baharo, “Wahana nija” ni, tinare cjã suhsu batoa, wahai sã. Sã wahachu ñu nunu ti, tina sehe majare majaa wahare ti ya wuhusepu.

7 Tiro wama tiri macai jiina wahana Tolemaidapu wahã sui sã. Tóhta pjiri mare waha batoai sã. Tí macai su, Jesu yainare “Coyea, ¿jimajari?” ni, cu dacho sã tina mehne jisinii. 8 ã yoa pa dachoi tjoa Cesarea wama tiri macapu sui sã. Tópu su, noaa buheare yahuriro Felipe wama tiriro ya wuhupu sui. ã jina tiro mehne tjuai sã. Felipe Jesu yaina ti siete beseina mehne macariro jire. 9 Tuhsu, tiro pititiaro numia puchro jire. Tí numia sehe Cohamacu yare yahua numia jire. Nuhmia jire. 10 Tópu sã mahaa dachoricã sã jiri baharo, Agabo wama tiriro Cohamacu yare yahu turiariro Judeapu jiriro sãre ñuno wihire. 11 ã wihiro tiro Paulo ya dare tuã dihorí dare na, to basi to dahporire, to wamomacarine dñhte cayo õ sehe ni yahure:

—Ó sehe nire Espíritu Santo: “Ahri dare cjuariro Jerusalépu to suchu, judio masa ãta dñteahca tirore. Dñhte tuhsu, judio masa jierainare waahca tina tirore”, nire Espíritu Santo —ni yahure Agabo.

12 To ã nichu tñhona, sã Cesarea macaina mehne Paulore tuaro cahii sã. Tirore Jerusalépu waha dutieramai. 13 Sã ã nichu Paulo sehe õ sehe ni yuhitre:

—¿Dohse ni tiina nijari m̄sa? Yuhu sehere cahyachu yoaca m̄sa. Tina yuhure peresu ti yoachu noanohca. Yuhu Jerusalép̄u Jesu mari puhtoro yare yu yoari buhiri yu yariachu noanohca —nire Paulo sāre.

14 “Wahaeraja”, to nichu t̄ho duana nimai sā. To “Wahaihtja” to nichu, ā t̄hotunocahi sā. Ó sehe nii:

—Mari puhtoro to cahmano sehetu yoajaro —nii sā.

15 Tíre suhudu batoa, sā yare cahno, wahaa wahai sā Jerusalép̄u wahana. 16 Tóp̄u sā wahachu mahainacā Cesarea macaina Jesu yaina sehe sā mehne wahare. Ā yoa tina mehne macapiro Chipre macapiro Mnasō wama tiriro ya wuhupu sui sā. Tiro yoari pja Jesu buheriro jire. Ā jiro to ya wuhu sā carihti wuhu jire. Tí wuhui sā carini baharo, Jerusalép̄u sui sā.

Paulo Santiagore ñuno wahaha

17 Jerusalép̄u sā suchu, tó macaina Jesu yaina sehe “¿Wihimajari?” ni, wahchea mehne piti bocare sāre. 18 Pa nūmuí Paulo sā mehne Santiagore ñuno sure. Sā tóp̄u suchu tói jipihtina Jesu yaina puhtoa jire. 19 Tói ti jichu ñuno Paulo tinare to wamomaca ñahari baharo judio masa jierainare to buherire yahu pahñore Jesu yainare. Cohamacu to yoadoho mehne to yoarire yahu pahñore. 20 To ā ni yahuchu t̄ho, “Cohamacu noariro, tuariro jira”, ni ño payore tina sehe. Ā ni tuhsu tina Paulore ó sehe ni yahure:

—Coyeiro, mipure payu judio masa Jesure wacū tuaina jira. Tíre masina muhure. Ā jia tina ó sehe ni t̄hotura: “Cohamacu to dutiare, Moise cjiropu marine to cūrire marine yoa pahñono cahmana”, nia nina. 21 Ó sehe ni namona tina. “Pa sehepu jiinare judio masa jieraina watoi jiinare judio masare Cohamacu Moise cjiore to cūri cjrile cohā dutiha Paulo”, nimare ó macaina judio masa muhure. “Paulo judio masa pohnare mahari cahsarocāre yihsa na dutierara”, nimare muhure tina. “Judio masa ti yoaa tiare Paulo duhu dutira”, ni ahri cūhure ni yahuwajara muhure. 22 Ā jia mu òre wihihu t̄ho tina cahmachuahca muhure tuhtia taa. Ā jicu ó sehe yoaro cahmana muhure. 23 Muhure sā dutiro sehetu yoaga. Mipure òre pititiaro muu Cohamacure wacūina “Ó sehe yoanahtja”, niina jira. 24 Tina mehne wahaga. Ā jia Cohamacu Moise cjiore to dutiriro sehetu ti basi Cohamacu yare yoaa taa ti dutiare

yuhdurucaare cosaa nina. Muhs cahua ãta yoaga. ã yoacu ti ã yohti wapare wapaga muhs sehe. Mu ã wapari baharo ti pjoarire wha duti masina tina. Mu ã yoachu ñua masa muhure ti nia mahñori jichu masiahca jipihtina. Cohamacu Moise cjirore to curi dutiare yoariro mu jichu masiahca tina. 25 Wiho mejeta judio masa jieraina Jesu yaina sehere sã joari pûre waroca tuhsui. Õ sehe ni, joai sã. “ ‘Cohamacu jira’, ti nia masurine ño payo ti duhu payoa chhare, dire, wamua ti ñaha wajainare wahiquinare chhena tjiga musa. ã jina numia mehne ñano yoaena tjiga. Numia cahua muha mehne ñano yoaena tjiga”, ni yahu joahi sã joari püpore —nire tina Paulore.

Cohamacu wuhupu judio masa Paulore ñahaha

26 Ti ã ni durucuri baharo pa dacho Paulo sehe pititiaro muha mehne ti basi Cohamacu yare yoa taa ti dutiare yuhdurucaare cosaa taa, Cohamacu wuhupu sãa wahaha. Tí wuhupu sãa shro, tinare yahuha Paulo: “Ópe dachori dëhsara musa cosahto”, ni yahuha tiro pititiarore. ã jia ti cosa batoari dachoi tina caina Cohamacure wahiquinare ti wahti dacho jire.

27 ã yoa ti cosa pahñoboriro mahancã dëhsachu waro Cohamacu wuhupu Paulo to jichu Asia yahpa macaina judio masa sehe ñua tirore. ã ñua Paulore quiti dojomehne, tí wuhupu jiina jipihtinare tiro mehne suachu yoaha tina. ã sua judio masa Paulore ñaha, 28 õ sehe ni sañurucuha:

—Musa sã coyea Israe masa sãre yoadohona taga. Ahriro jira marine dojomehneriro. Ahriro Cohamacu Moise cjirore to curi dutiare ahri wha cahure “Wiho jia jira”, ni buhe sito tara jipihtinare. ã yoa tiro Cohamacu wuhupure judio masa jieraina cahure na sãare. ã yoaro ahri wha ñaa marieni wha tiro dojomehnere —ni sañurucuha judio masa Asia yahpa macaina to macainare.

29 Tó pano Jerusaléi Paulo Trófimo wama tiro mehne to jichu judio masa ñua thia. Trófimo sehe Efeso macariro judio masuno jierariro jire. To ã jichu masia õ sehe ni tûhotuha tina: “Paulo Trófimore Cohamacu wha ñaa sâano nica”, ni tûhotumaha judio masa.

30 Masare ã ni yahu ti sañurucuri baharo tí maca macaina payu tuaro suaha. Payu muroca ta, Cohamacu wha jirirore Paulore ñaha waja wijaa wahaha. ã wijaa tuhsu, tí wha

sopacarire bihana tina. 31 Æ yoaa tina tirore wajāa taa nimaha. Ti ã yoachu ñha paina sehe “Jipihtina Jerusalē macaina sua, sañurucua nire”, ni yahua wahaha surara puhtorore. 32 Ti ã nichu tehoro surara pahtoro sehe to surarare, ti dutiina cehure cahmachuroca, tina mehne Paulore wajā duaina cahapu merroca wahcā, suha. Surara ti suchu ñha Paulore cjāmaina cjā duhunocaha. 33 Æ jiro surara puhtoro Paulo cahapu su, tirore ñaha, pua da comaa dari mehne tirore duhte dutiha. Ti duhte tuhsuchu ñha, surara puhtoro Paulore cjāmainare sinitu ñha:

—¿Diro baro jijari ahriro? ¿Yaba buhiri tirore ã yoari musa? —ni sinitu ñha tiro tinare.

34 To ã sinituchu tehoa masa sehe “Ó sehe yoare tiro” ni, paina cuhu soro ni sañurucu, yahuha surara puhtorore. Æ ni ti sañurucuchu surara puhtoro noano tehoeraha. Æ jiro tiro surara ya wuhpu Paulore naa dutiha. 35 Tí wuhpu su, Paulo mujari escadai to mujano cahachu masa sehe tirore cjā duaa nimaha. Ti ã yoachu surara sehe tirore na wha, na mujaa wahaha. 36 Masa tinare payu nunu ti, sañu nunu tihaa:

—Tirore wajānocabahga —ni sañurucuha tina Paulore.

Paulo “Ne masare ñano yoaeraja yuhu”, ni yahuha

37 Æ yoa Paulore tí wuhpu ti peresu yoahto pano, Paulo sehe surara puhtorore õ sehe ni siniha:

—Yuhu muhu mehne suhdu duaja —ni siniha Paulo.

—¿Muhu griego masa yare durucujari? 38 ¿Sohō jiriro, Egipto macariro jierajari muhu? Tiro masare ti puhtoare cohā dutiro, cuatro mil puhtoare cohā duaina sehere masa marienopu naari jire. ¿Tiro jierajari muhu? —niha surara puhtoro Paulore.

39 To ã nichu tehoro Paulo õ sehe ni yuhtiha:

—Tiro jieraja yuhu. Judio masuno jija. Tarsoi Cilicia yahpai jiri macai masa bajuai yuhu. Wiho jiri maca macariro jieraja yuhu. Yuhu ahrina masa mehne durucu duaja yuhu —niha Paulo tirore.

40 To ã nichu tehoro surara puhtoro sehe tirore durucu dutiha masa mehne. Æ jiro Paulo mujari escadai ducuro to wamomacari mehne “Dihta mariahga”, niha masare. To ã yoachu ñha, dihta mariea pihtia wahaha. Ti dihta marieachu ñha, Paulo judio masa ya mehne yahuha tinare.

22 1 —Yü coyea, yü yoarire yahuhtja m̄usare. Yü yahuchü t̄uhoga m̄usa —niha Paulo.

2 To ã nichü Paulo judio masa ya mehne to durucuchü t̄uhua masa sehe dihta marieina tjuaha. Â jiro Paulo tinare õ sehe ni yahuha:

3 —Yühu judio masunota jija. Tarso wama tiri macai, Cilicia yahpai jiri macai masa bajuai yühu. Wiho mejeta ahri maca Jerusaléihta b̄ucuai yühu. Tuhsü, yühure Gamalie wama tiriro buhea tire. Â jicü yühu mari ñuchusuma cjiri dutiare noano buhei. Mipure Cohamacure m̄usa yoaro sehetu yühu cühu ño payoa timai. 4 Â jicü Jesu yainare ñano yoaa ticuru yühu. Câina tinare wajää ticuru yühu. M̄are, numia cühure ñaha, peresu yoaa tii yühu. 5 Sacerdotea bui p̄uhoro, judio masa b̄ucuna mehne yü tuhti püri cjihtire Jesu yainare ñaha dutia pürine yühure joabasare. Mari coyeare Damasco macainare tí pürine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusalépü tinare na ta duamai buhiri dahrei tai. Õ sehe yü nichü sacerdotea bui p̄uhoro, judio masa b̄ucuna cühu noano masina —ni yahuha Paulo.

Paulo Jesu yairo to waha d̄ucarire yahuha

(Hch 9.1-19; 26.12-18)

6 Â ni tuhsü õ sehe ni yahu namoha:

—Â yoa cohari pja jichü, Damascopü yü sui cahachü waro m̄uanopü wacuenoca si siteroca boroa tire yühure. 7 To ã si siteroca borochuta yühu yahpapü bora caha shai yühu. Yu bora caha suri baharo durucuro coa tare yühure. “Saulo, Saulo ¿dohseachü yühure ñano yoajari?” ni durucuro coa tare yühure. 8 “Puhoro, ¿diro baro jijari m̄uhü?” ni sinuiti yühu. “Yühu Jesu Nazare macapiro, m̄ü ñano yoariro jija yühu”, ni yühtire yühure tiro. 9 Yu ã wahachü yühu mehne macaina buhriarore ñüre. Wiho mejeta yühu mehne to durucuchü t̄uhuerare tina. 10 “Puhoro, ¿dohse yoaihcari yühu?” ni sinuiti Jesure. “Wahcârcaga. Damascopü wahaga. Tói m̄ü wahachü, m̄uhure jipihtia yü yoa dutihtire pairo yahurohca m̄uhure”, nire tiro yühure. 11 Tuaro to minoa siterocachü, yü capari wapoa wahare yühure. Â jia, yühu mehne macaina yü wamomacare ñaha, Damascopü tñä wahcâre yühure.

12 Tóí Anania wama tiro, Cohamacure ño payoriro, marine Cohamacu dutiare yoa pahñoriro jire. Tó macaina judio masa jipihtina ti ño payoriro jire. 13 Á jiro tiro yu cahai wihi taruca yuhure yahure. “Coyeiro Saulo, ñuga pari turi tjoa”, nire tiro. To á niri baharo pari turi ñui yuhu. Á ñu ducacu tirore ñui yuhu. 14 Yu á ñuchu tiro Anania yuhure yahure: “Cohamacu to cahmaare noano masihtirore panopu bese tuhsuyuhti mühure. Á jiro ‘Yu macu noarirore ñu, tuhorohca’, ni yahuyuhti mühure Cohamacu panopu. Tiro jira mari ñuchusuma muna ti ño payoriro. 15 Á jicu mühu mu ñurire, mu tuhorire yahuihca mühu jipihtinare. 16 Á jina mipure yoari pja jiena tjijihna. Wahcärucaga. Á jicu bautisariro jiga. Jesure mu sinichu mu ñaare yoari buhirire cohānohca”, nire yuhure tiro —niha Paulo.

Paulo judio masa jierainare to buherire yahuha

17 Á ni tuhsu Paulo õ sehe ni yahu namoha:

—Á yoa tuhsu yuhu Jerusalépu tjua ta, Cohamacu wuhupu Cohamacure sinii shi. 18 Yuトイ jichu Jesu yuhure bajua tire. Á bajuar yuhure yahure. “Jerusalé macaina yu yare mu yahuchu taho duaerara. Á jicu cjero pa sehepu wahaga”, nire Jesu yuhure. 19 To á nichu tuhocu yahui tirore: “Puhtoro, mu yainare judio masa buhea wuhusei jiinare yu ñaha, cjári cjirire masina Jerusalé macaina. 20 Á jicu mühure yahurirore Estebá sehere ti wajachu ñucu ‘Noano yoa wajána’, nimai. Tirore ti wajachu ti suhtire cjúbasai yuhu. Tí cühure masina ahri maca macaina. Á jia yu yahuchu tuhoboca yuhure”, ni yahui yuhu Jesure. 21 Yu á nichu tuhoro Jesu yuhure õ sehe ni yahure: “Yoaropu judio masa jierainare buhehtirore warocaihtja mühure. Á jicu wahaga mühu”, nire yuhure yu puhtoro —niha Paulo masare.

Surara puhtoro Paulo mehne durucuha

22 To yahu mührtari dihtare noano tühomaha masa. Wiho mejeta judio masa jieraina cahai Jesu Paulore to warocahtire to yahuchu taho tina sañurucu ducaha tjoa:

—Ahriro mipu pinihare yariawahnojaro —ni sañurucuha tina.

23 Á jia tina sañurucu namo, sua mehne ti suhtire wahba siteruca, dihta mehne docaha. 24 Surara puhtoro surara ya

wuhupu Paulore na sāa dutiha to surarare. Ā jiro surara pūhtoro “¿Dohse yoa Paulo mehne sua ā ñaca sañurucua nijari masa?” ni sinitu duamaha. Paulore tīre sinituro taro, yuta dari mehne tjana dutimaha tirore. **25** Wiho mejeta tirore ti dūhteri baharo, tiro cahai jirirore surara pūhtorore ó sehe ni yahuha Paulo:

—Yuhu Roma macapiro jija. Ā jina “Ñano yoariro jira ahriro”, yuhure ni yahusā masierara mūsa. Ā yahusā masierana yuta dari mehne yuhure tjana masierara mūsa —niha Paulo tirore.

26 To ā nichu tūhoro surara pūhtoro, to bui pūhtorore ó sehe ni yahuro wahaha:

—Ahriro Roma macapiro jira. Ā jicu noano yoaga tirore —ni yahuha tiro to pūhtorore.



27 To ã niri baharo surara bui pãhtoro sehe Paulore sinituro wahaha:

—¿Potocãta mãhã Roma macariro jijari? Yahuga yãhãre tire —niha tiro.

—Tiro tjija yãhã —ni yãhtiha Paulo.

28 To ã nichã tãhoro surara bui pãhtoro sehe tirore õ sehe ni yahuha:

—Yãhã Roma macariro ji duacã niñeru pjíro wapai —niha tiro.

—Yãhã Roma yahpa macari macapã masa bajuai. ã jicã Roma macariro jija —niha Paulo.

29 To ã nichã tãhoa tirore tjanaborina wahaa wahaha.

Ã jiro Paulo Roma macariro to jiriro jichã masino, tirore comaa dari mehne ti dãhteri cjirire wacûno, cui niha surara pãhtoro sehe.

Paulo judio masa pãhtorore yahuha

30 ã yoa surara pãhtoro judio masa Paulore ti yahusãrire noano masi duaha. ã masi duaro pa dachopã comaa darire tirore to pjã dutiri baharo, sacerdotea pãhtoare, judio masa bucãna mehne cahmachu dutiha surara pãhtoro. To ã cahmachu dutiri baharo tiro tópã Paulore na wahcã, ti pano duhu dapoha tirore.

23 ¹ ã jiro Paulo judio masa bucãnare ñã piti boca, õ sehe ni yahuha:

—Coyea, Cohamacã to ñãrocarni jipihtia dachoripe noano yoarucuja yãhã —niha Paulo.

2 To ã nichã tãhoro jipihtina sacerdotea bui pãhtoro jiriro Anania sehe Paulo dãserore cjã dutiha. 3 To cahai ducuinare cjã dutiha. Tirore ti cjãri baharo Paulo Ananiare tuhtiha:

—Masa ti ñãrocarni dihtare noano yoariro jira mãhã. Masa ti baharo bãhusehei ñano yoa cohtariro jira mãhã. “Cohamacã dutiare yãhdurãcái nina”, yãhãre nipaihta yãhãre cjã dutira mãhã. ã cjã duticã mãhã sehe dutiare yãhdurãcái nica —niha Paulo tirore.

4 To ã nichã tãhoa Paulo cahai ducuina õ sehe niha tirore:

—Cohamacã to beseriro sacerdotea bui pãhtorore ñano durucui tjiga mãhã —niha tina Paulore.

5 Ti ã nichã tãhoro Paulo õ sehe ni namoha tjoa:

—Coyea, tiro to sacerdotea bui puhtoro to jiare masierahi yuhu. ã jii ã nimacanocati yuhu. Cohamacu yare ti joari cjiri õ sehe ni yahura tirore: “Mu ya maca macaina puhtorore ñano ni, durucui tjiga”, ni joaa tiha —niha Paulo tinare pjāo.

6 ã yoa tói pua curua macaina jiha. Cã curua saduceo curua macaina jiha. Pa curua sehe fariseo curua macaina jiha. Pua curua ti jichu masino, Paulo judio masa bucunare tuaro sañurucu õ sehe ni yahuha:

—Coyea, yuhu fariseo curua macariro jija. Fariseo curua macariro macuno tjija yuhu cãhu. “Yariaina masa mujaahca”, yu ã niri buhiri yuhure ñano yoa duara musa —niha Paulo.

7 To ã nichu tóhoa fariseo curua macaina, saduceo curua macaina ti basi cahma tuhtiha. ã jia ti basi pua curua tju waha. 8 Saduceo curua macaina õ sehe niina jiha: “Yariaina masa mujas. Espíritua, anjoa cãhu ne mariahna”, niina jiha. Wiho mejeta fariseo curua macaina sehe tina yoaro sehe nieraha. ã jia Paulo “Yariaina masa mujaahca” to nichu tina ti basi cahma tuhtiha. 9 ã cahma tuhtia, tuaro sañurucuha. ã yoa fariseo curua mehne macaina judio masa buheina wahcáruca, tuhti, õ sehe ni yahuha:

—Ahriro Paulo ñano yoaerare. ã jiro espíritu o anjo, potocã tiro mehne durucuriro jiboca. [ã jina ahrirore buhiri dahrena, Cohamacure ñu tuhtiina jiboca mari. ã yoaina jiena tjiga musa] —niha tina.

10 Ti ã niri baharo, tina jipihtina cahma tuhti, tuaro suaha. “Ti basi cahma sua sayo, tirore wajãboca”, ni cuisâaha surara puhtoro sehe. ã jiro Paulore, masa watoi ducurirore na wio, to ya wuhupu na ta dutiro warocaha to surarare.

11 Pa ñamihi puhtoro Jesu Paulo cahai ducuro, õ sehe ni yahuha tirore:

—Wacu tuaga. Mipure õre Jerusaléi yu ya buheare yahure muhu. Tó sehetu Romapu cãhure yahui wahaihca muhu —niha puhtoro Jesu Paulore.

Judio masa Paulore wajã duamaha

12-13 Pa dacho bohrearoi judio masa cahmachu, ti basi õ sehe ni cahma durucuha:

—Ó sehe yoajihna. Paulore wajãjihna. Cohamacure õ sehe ni yahu cãjihna. Ne mari sihnisi. Ne chusi, pu tirore mari wajãri

baharopã. Tirore mari wajäerachã, mari sehere Cohamacã buhiri dahrejaro —niha tina ti basi.

Tina cuarenta bui curero judio masa jiha. 14 Ti ã niri baharo tina sacerdotea pãhtoare, bãcuna cãhure yahua wahaha:

—Paulore sã wajähto pano chãare sã chãeraja. “Tirore sã wajäerachã Cohamacã sã sehere buhiri dahrejaro”, nihi sã.

15 ã jina mãsa, bãcuna mehne õ sehe ni pjirocaga. “Paulore pari turi sinitu duaja”, niga surara bui pãhtorore. Mãsa ã niri baharo surara bui pãhtorore na ta dutiga Paulore. Wiho mejeta Paulo to õre to wihiro cahachã waro tirore wajänahca sã —niha tina sacerdotea pãhtoare.

16 Wiho mejeta Paulo pjacamacãno ti ã ni durucuchã tuhoho. Ti ã nichã tuhoro waha, surara ya wãhupã Paulore yahuro sãaha. 17 To ã yahuri baharo Paulo sehe cãiro surarare pjiroca, õ sehe ni yahuha tirore:

—Ahriro wahmãnore pãhtoro cahapã naahga. Ahriro mu pãhtorore yahu duaro nina —niha Paulo.

18 To ã nichã tuhoro surara sehe Paulo pjacamacãnore to pãhtoro cahapã na sã, õ sehe ni yahuha:

—Peresupã jiriro Paulo sehe yuhure pjiroca, ahriro wahmãnore mu cahapã naa dutihre. Ahriro mãhure yahuro taro nihre —niha surara to pãhtorore.

19 To ã nichã tuhoro pãhtoro sehe wahmãno to wamomacare ñaha tuã wahcã, masa marienopã tirore sinitu ñãha:

—¿Dohse nii tai niri mãhu yuhure? —niha tiro Paulo pjacamacãnore.

20 To ã sinituchã tuhoro õ sehe ni yahuha:

—Judio masa cãno potori, “Ó sehe yoajihna” ni, ñamichacapã judio masa bãcuna cahapã mãhure Paulore naa dutiahca. “Bãcuna Paulore pari turi sinitu duara”, ni mahñoahca. 21 Wiho mejeta cuarenta bui curero mu tirore wajã duaina bãcua caha duara. Tina tirore ti wajähto pano chãare chãsi. ã yoa sihnisi. “Tirore mari wajäerachã, Cohamacã mari sehere buhiri dahrejaro”, nire tina ti basi. ã jia mipã mãhure Paulore na ta dutia tina sehe duhti cohta tuhsãtre, Paulore wajãa taa. ã jicã ti yahua wiwichã tinare yãhtii tjiga mãhu —ni yahuha wahmãno surara pãhtorore.

22 To ã nichã tuhoro surara pãhtoro õ sehe niha:

—Yuhure mu yahurire painare yahui tjiga —ni yahuha wahmãnore.

Ã ni tuhsu wahmuno “Wahaga”, niha tiro.

Paulore puhtoro Feli wama tiriro cahapu warocaha

23 ã ni tuhsu, surara puhtoro puaro to surarare pji wahcã, tinare õ sehe ni dutiha:

—Dos cientos surarare, setenta cawaloa bui pisainare, dos cientos doca yuch cjuaina mehne ti yare cahno dutina wahaga. Micha ñami nueve jichu Cesareapu wahanahca musa. 24 Paulore cawaloare to pisahthinare cahnobasaga. Cesareapu puhtoro Feli cahapu, noano ñu nunu soga tirore —niha surara puhtoro.

25 ã ni tuhsu papera joaro, õ sehe ni joaha tiro:

26 “Yuhu Claudio Lisia muhure tuariro puhtoro Felire noa dutija. 27 Judio masa ahriro Paulore ñaha, wajãmare. ã jicu tiro Roma macariro to jichu masichu, yu surara mehne tirore yoadohoi suhi. 28 ã jicu tirore ti yahusãrire masi duacu judio masa bueuna cahai nahi tirore. 29 ã jicu tiro judio masa ya dutia dihtare to yuhdureucachu mari ya dutiare to yuhdurecaerachu ñucu, tirore peresupu cù duaerah. Yaba buhiri yariaro mariahna tirore. 30 ã jiro judio masa tirore wajã dua, ti buchua cahachu tuhoro pairo yahure yuhure. To ã yahuri baharo Paulore mipure mu cahapu warocai nija. ã jicu tirore yahusãrinare to ñaa yoarire muhure yahu duti tuhsuhi yuhu”, ni joaha surara puhtoro.

31 ã yoa surara ti puhtoro to dutiriro seheta yoaha. Tí ñamine Antipatri wama tiri macapu Paulore na suha. 32 Pa dachoi paina surara cawaloa buipisaeraina tí macai tjua taha ti ya macapu. Paina surara cawaloa bui pisaina dihta tirore na yuhdu wahcãha. 33 Pu Cesareapu na suha Paulore. ã jia surara puhtoro to warocari pure puhtoro Felire waha. ã jia Paulore na suha puhtoro cahapu. 34 Ti ã wari baharo puhtoro tí pure to ñuri baharo tiro painare sinitu ñuha:

—¿Di yahpa macariro jijari ahriro Paulo? —ni sinitu ñuha tiro.

—Cilicia yahpa macariro jira —ni yahuha tirore.

35 Tinare sinitu tuhsu, Feli Paulore õ sehe ni yahuha:

—Muhure yahusãrina õre ti wiwichu mu yahuchu tahoichtja —niha Feli Paulore.

To ã niri baharo Herode ya wuhupu tirore cùha. ã jiro to muare tirore cohta dutiha puhtoro.

Paulo “Ñano yoaerahí yahua”, ni yahuha Felire

24

1 Cinco dachori baharo, Anania sacerdotea bui pahotoro, paina judio masa bñcuna, dutiare mihniriro Tértulo wama tiriro mehne Cesareapu súha. Á jia tina Paulore yahusá dua, pahotoro Feli cahapu súha. 2 Á jiro Paulore tópore ti na súri baharo Tértulo tirore yahusá dñcaha. Á yahusá dñcaro ò sehe ni yahusáha Felire:

—Muhu noano masiriro, sã pahotoro mu noano dutichu sã ahri yahpa macaina noano jinocaja sã cahmachenno marieno. Mu dutia mehne noaa sehere cohtotaro nina ahri yahpa. 3 Á jina sã noano jinocahna wahcheja. Á jina muhhu mehne noano wahcheja. 4 Mipore mahanocã muhure cariboihtja yahua. Mahanocã muhhu mehne suhudu duaja. Sare tñhorocasinia muhhu. 5 Ahriro sare caribobiara. Jipihtia yahpari macainare judio masare ti sua sañurucuchu yoara ahriro. Á jiro masa ti basi cahma tuhtichu yoara ahriro. Á jiro nazareno wama tiri curua pahotoro jira. 6 Á jina Cohamacu wñhure ñano to yoa duachu ñuna sã ñahahi ahriore. [Sã ñahari baharo sã ya dutiare to yahdñurucariro jichu tirore buhiri dahre duamahi sã. 7 Wiho mejeta surara pahotoro Lisia wama tiriro tirore sare tuaro mehne manocahre. 8 Baharo tirore yahusärinare mu cahapu waha dutihre Lisia. To á nichu tñhona tahi sã.] Muñhu pinihta ahriore sinitucu, jipihtiare to ya buhirire masicuhca muhhu —niha Tértulo Felire.

9 To á niri baharo paina judio masa “Tértulo to niriro seheta potocã tjira”, niha tina cñhu. 10 Ti á ni yahusári baharo pahotoro Feli Paulore yahu dutiha. Ó sehe ni yahuha Paulo:

—Payu cñhmari ahri yahpa macainare mu dutirire masija yahua. Á jicu yu yoarire muhure yahucu wahcheja. 11 Doce dachorita wahara Jerusalépü Cohamacure yu ño payori baharo. Muñhu ahri potocã ti jichu masi duacu painare sinitu ñuga. 12 Judio masa yahure Cohamacu wñhure boca ti ñahachu masare ñano ni sañurucui nierahi. Á yoa masare sua sañurucuchu yoai nierahi. Á yoacu judio masa buhea wñhusere, ti ya maca cñhare ne ti nino sehe ñano yoaerahí. 13 Á jia yahure yahusárina sehe ti yahusári cjirire “Ó sehe yoare ahriro”, ni yahu masierara muhure. 14 Mipu yu yoarire yahuhtja muhure. Dóihfa sã ñchusuma ti ño payorirore Cohamacure ño payoja yahua cñhu. Á jicu to yare yoaja Jesu ya noaa buhea

ti nino seheta. Ahrina “Jesu ya mahñopea jira”, ni durucura ahrina judio masa. Wiho mejeta Cohamacu dutia, Moise cjiropure to cûri cjirire tí cûhure ño payoja yûhu. Cohamacu yare yahu mûhtaina cjiri ti joari cûhure ño payoja yûhu.

15 Ahrina paina judio masa ti tûhoturo seheta Cohamacu jipihtina masare yariainare noaina, ñaina mehne ti masa mûjachu yoarohca. Yûhu cûhu ãta ni tûhotuja. **16** ã jicu buhiri maraja yûhu. Cohamacu yûhure tûre masina. ã yoa masa cûhu tûre masina. ã jii potocâta yahuja yûhu mûhure. ã jicu noano tûhotunocaja.

17-18 ’Paye cûhmarine pa sehepu tiniriro jicu Jerusalëne tju wihi, yû coyeare judio masa pjachoinare niñerure wai tai nihi. Tju wihi Cohamacure ño payoi tai to ya wûhupu sûmahi. ã jicu Cohamacu to cosa dutiriro seheta yû basi yû yûhdurucarire yû cosari baharo wahiquirore wa duamahi tirore ño payoi tai. Tópu yû jichu ahrina judio masa yûhure bocahre. Ti bocachu paina yûhu mehne mariahre. Sua, sañurucuina mariahre.

19 Wiho mejeta paina judio masa Asia yahpa macaina tói jihre. Tina yû ñano yoachu ñûrina jia yahusâa tajaro. **20** Ahrina õpu jiina sehe judio masa bucuna mehne yû jichu ñûina yû ñano yoarire masia, tina cûhu yahusâjaro. **21** Cûnocâ pinihtare yûhure tina yahusâ masina: Pano tina mehne jicu õ sehe ni tuaro sañurucuhi yûhu: “ ‘Yariaina masa mûjaahca’, yû niri buhiri, buhiri dahrera mûsa”, nihi tinare —ni yahuha Paulo Felire.

22 To ã ni yahuri baharo Feli õ sehe ni yahuha Paulore:

—Mipu tó puro tjira. Surara pûhtoro Lisia to wihiri baharo mûhure yû yoahvore masiinhca yûhu —niha Feli Paulore.

Feli sehe Jesu yaina ti yoarire noano masi pahñoriro jiha.

23 ã ni tuhsu, Paulore cohtariro surarare Feli noano ñu nûnu dutiha “Peresupu jiriro duhtiri”, nino. Wiho mejeta mahancâ ware to tinihtore. Paulo mehne macainare tirore peresupu jirirore yoadoho dutiro ã dutiha Feli.

24 Mahaa dachoricâ baharo Feli to namono Drusila wama tircoro mehne ta, Paulore pjiha. Feli namono sehe judio masono jiha. Paulore ti pjiri baharo, Jesucristore to wacû tuaare Paulo sehe yahuha tinare. **25** ã yahuro quihõno yoaare, ñaare yoa duaparota yoaeraare, pihtiri dacho jichu Cohamacu masare to buhiri dahrehtore yahuha Paulo. To ã ni yahuchu tûhoro Feli cuiro, Paulore õ sehe ni yahuha:

—Mipure waharisa. Baharo yuhure dahraa mariachu mühure pjihtja tjoa —niha Paulore.

26 Á nino Paulo to niñeru wachu cahmamaha Feli. Á jiro tiro niñerure cahmano, payu tahari Paulore pji, tiro mehne durucua timaha Feli. 27 Pua cuhma baharo Porcio Festo wama tiriro púhtoro Felire cohtotariro jiha. Wiho mejeta Feli sehe judio masare tiro mehne wahchechü yoa duaha. Á jiro púhtoro Feli to púhtoro wijaahlo pano, tiro Paulore peresui ji dutisiniha.

Paulo Festore to yoarire yahuha

25 1 Á yoa Festo tí yahpapu tia dacho to jiri baharo, Cesareapu jiriro waha, Jerusalépu suha. 2 Tói to jichu sacerdotea púhtoa, judio masa púhtoa mehne Paulore ti yahusárire yahuha Festore. 3 Paulo to mahapu wahachu tirore buchua caha, wajá duaa nimaha tina. Á jia tina Festore tuaro sinimaha:

—Paulore Jerusalépu warocaga —ni sinimaha tina Festore.

4 Tí á nichu túhoror, Festo ó sehe ni yahuha tinare:

—Mipure Paulo Cesareapu peresu jira. Yuhu tópu wahai tai nija. 5 Paulo to ñano yoariro jichu, musa púhtoa Cesareapu yuhu mehne waha, tirore yahusága —niha Festo.

6 Á jiro Festo ocho o diez dachori tina mehne to jiri baharo Cesareapu tjuaa wahaha. Pa dachoi tiro buhiri tiare cahnori wuhui dujiro, Paulore na ta dutiha. 7 Á jia Paulo Festo cahapu to wiwhichu, judio masa Jerusalépu tarina sehe Paulo cahai ducu, tirore tuaro mehne yahusá ducaha. Á yahusápahta “Ahriro to ñano yoachu ñuhí”, ni yahu masieraha. 8 Ti á ni yahusári baharo Paulo to yoarire yahuha:

—Judio masa ti dutiare, Cohamacu wuhu macaa dutiare, Roma púhtoro to dutiare yuhdurucaerah —niha Paulo.

9 Festo sehe judio masare wahchechü yoa duaro, Paulore ó sehe ni sinituha:

—¿Jerusalépu waha duajari mühu? Mu yoarire yuhure tópu yahuihca mühu —niha Festo Paulore.

10 To á nichu túhoror Paulo ó sehe ni yahuha:

—Jipihtina bui púhtoro César to ya wuhui buhiri tiare cahnori wuhui ji ja mipure. Ahri wuhu baroi yu yoarire tühoga. Judio masare yu ñano yoarerare noano masina mühu.

11 Dutiare yuhdurucairo yu jichu, yuhure wajachu noaboa. Wiho mejeta ahrina ti yahusári sehe mahñoa ti jichu yuhure

yahuſārinare yuhure wiho waro wia masierara muhū. Yū yoarire jipihtina bui pūhtorore Césare yahu duaja. Tiro sehe yū buhiri tiare to cahnochū cahmaja —niha Paulo.

12 To ã nichu tēhoro Festo sehe noano masi yahuinare sinitu tuhsu, ò sehe ni yahuha Paulore:

—Muhū jipihtina bui pūhtorore mu yoarire mu yahu duachū, tiro cahapu warocanahtja sā muhure —niha Festo Paulore.

Paulo pūhtoro Agripare to yoarire yahuha

13 Baharopu pūhtoro Agripa, Berenice wama tircoro mehne Cesareapu Festore ñua sūha.

—¿Ne, wihimari muhū cūhu? —niha tina Festore piti bocasinia.

14 Tóí payu dachori ti jiri baharo Festo ò sehe ni yahuha Agripare Paulore:

—Óre Feli to peresu yoariro jira. 15 Á jia Jerusalépu yū wahachu judio masa ti sacerdotea pūhtoa, ti būcuna mehne ahriore yahusāhre. “To ya buhirire wajāga tirore”, ni sinihre tina yuhure. 16 Ti ã nichu tēhocu yuhu tinare ò sehe ni yahuhi: “Roma macaina sehe peresu ti yoainare masare waerara. Á jicu tirore waeraja mūsare. Sā ñahariore tirore yahusārinare to ñuhto pano tirore buhiri dahre masieraja sā. To basi to yoarire to yahuerasinichu tirore buhiri dahre masieraja sā”, nihi tinare. 17 Á jicu tina òre ti wihiphu ñucu yoari pja yoaerahi yuhu. Wiho mejeta pa dachoi buhiri tiare cahnori wuhui dujicu, ti yahusāriore pjirocahi. 18 Á jia tí wuhui to wihiphu ñua tirore ñu tuhtiina wahcārūcare. Ti ã wahcārūcachu ñucu “Ñabiaro ni yahusāhca”, ni tūhotumahi yuhu tinare. Tirore yahusā duapahta yahusā masierare tina. 19 Wiho mejeta ahriore Cohamacu yare to yahuri buhiri judio masa tirore tuhtihre. Jesu wama tiriro yariapiro cjiro to masa mūjarire to yahuri buhiri yahusāhre ahriore. Ahri dihtare yahusāhre. 20 Ahrire masieracu tirore noano sinitu ñuhi. “¿Jerusalépu waha duajadi yuhu mehne? Tópu yahuga mu yoarire yuhure”, nimahi tirore. 21 Wiho mejeta tiro waha duaerare. “Yū yoarire jipihtina bui pūhtorore Césare yahu duaja”, nire tiro yuhure. To ã niri baharo õihta tirore cohta dutihi jipihtina bui pūhtoro cahai tirore yū warocahto pano —niha Festo Agripare.

22 —Yū basi tēho duaaja tirore —niha Agripa Festore.

—Ñamichacapu tirore tuhoga muhu —ni yuhtiha Festo.

23 Pa dachoi Agripa, Berenice mehne ti buhiri tiare cahnori wuhupu su, “Puhtoa jija ss”, nia cua pisaro yoa ñoha tina, surara puhtoa, ti maca macaina puhtoa mehne. Tó sehe yoa saa tiha ti wuhupu saa. Ti saa suri baharo Paulore pjirocaha Festo. 24 Á jiro Festo ò sehe ni yahuha:

—Puhtoro Agripa, musa jipihtina ahri wuhure cahmachuina tuhoga. Óre ahriro payu judio masa ti yahusáriro jira. Jerusalépu, Cesareapu cuhure tina tirore yahusáhre. “Tirore wajága”, á nirucua nina tina. 25 Ti á nipachuta ò sehe tuhotuja yuhu. Ahriro ne ñano yoariro jierara. ¿Yaba buhiri wajábocari mari tirore? Á jicu jipihtina bui puhtorore César Augustore ahriro to yoarire to yahu duachu jipihtina bui puhtoro cahapu warocaitja tirore. 26-27 Á jicu ahriro to yoarire noano masierasinija yuhu. Á masierasinicu mari puhtorore yahu joa masieraja. Á jicu musare to yahuchu tuho dutii nija mipure. Puhtoro Agripa mipu pinihtare ahriro jira mu sinitu ñuhtiro. Mu sinitu ñu tuhsuchu mari masiri baharo ahrirore ti yahusárire noano yahu joaihtja. Ahriro to ñano yoarire yu masierapachu mari puhtoro cahapu tirore yu warocachu noaerara. Á jicu mipure ti yahusárire noano masi duai nija —niha Festo tinare.

Paulo Agripare to yoarire yahuha

26 1 To á niri baharo Agripa Paulore ò sehe ni yahuha:
—Mu basita yahuga —niha tiro Paulore.

To á niri baharo Paulo sehe, “Dihta mariahga”, nino to wamomacarine wahcáruca, to yoarire yahuha:


2 —Puhtoro Agripa, yuhure judio masa ti yahusárire, yu yoarire muhure yahucu, mipure noano yajeripohna tija.

3 Muhu judio masa sã yoaa tiare, sã buhea cuhure mu noano masichu pinine wahcheja yuhu. Á jicu muhu yuhure noano tuhoga —ni ducaha Paulo.

Paulo Jesu yairo to jihto pano to jia tirire yahuha

4 Á ni tuhsuro ò sehe ni namoha tiro:

—Wahmuno yu jia tia cjirire jipihtina judio masa masina. Jipihtia dachoripe yu masa bajuari baharo yu ya dihtapure, Jerusalépu cuhure yu jiri cjirire masina tina. 5 Fariseo curua macaina paina yuhdoro sã dutiare yuhdurca dutieraina jira.



Wahmanopture fariseo curua macariro jimai. ã jicu fariseo curua macaina ti dutiare, ti yoaa barore yoa pahñoriro yu jichu tina masina. Tina muhre yahu duaa, tire yahu masina tina. 6 Ahri buhirita yuhre yahusã mujana. Sã fuchusuma cjirire “Yariainare masoijtja”, Cohamacu to ni curire “Potocã tjira”, yu niri buhiri ahrina yuhre yahusã mujana. 7 Yu coyea judio masa jipihtina doce curuari macaina Cohamacu masare to masohtore wahche cohtarucura. ã yoa Cohamacure ño payorucura. ã cohtarucuina jia sã yoaro seheto yoara tina. Puhtoro Agripa, ã cuno potori yoaina sã jipachuta tina sehe to masohtore yu cohtari buhiri yuhre yahusã mujana judio masa. 8 ¿Dohse yoana Cohamacu to masorire sã yahuchu tuho duaerajari musa judio masa? —ni yahuha Paulo.

Paulo Jesu yainare to ñano yoari cjirire yahuha

9 ã ni tuhsu õ sehe ni yahu namoha:

—Jesure Nazare macarirore ñherasinichu, ñaa dihtare yoa duamai to yainare. **10** ã jicu Jerusalépu ã yoaa timai yuhu. Sacerdotea puhtoa yuhre ti dutiri baharo payu Jesu yainare

peresu yoaa tii. Ñ jicu p̄uhtoa tinare ti wajā dutichu, wajā dutii yuhu cūhu. 11 Payu tahari jipihtia judio masa buhea wuhusei Jesu yainare ñano yoa dutia tii. Ñ yoacu Jesu yaina Jesure ti cohachu yoa duai nimai. Tina mehne tuaro suai yuhu. Ñ jicu paina masa ya macaripu cūhure tinare ñano yoai sua tihí yuhu —ni yahuha Paulo.

Paulo Jesu yairo to waharire yahuha

12 Ñ ni tuhsu õ sehe ni yahu namoha:

—Damascopu Jesu yainare ñano yoa duacu sumai. Tinare ñano yu yoa duachu ñua sacerdotea p̄uhtoa yuhure waha dutire. 13 Õ sehe jire p̄uhtoro Agripa: Cohari pja jichu waroi mahai yu wahachu muano macaa si sitea, sū dacho macariro yuhdoro, yuhure yuhu mehne wahaina cūhure si sitere. 14 Sā jipihtina yahpapu bora caha su, judio masa ya mehne yuhure to durucuchu tūhoi. “Saulo, Saulo, ¿dohseacu muhu yuhure ñano yoajari? Muhu yuhu mehne suacu yuhure yuhtieracu, mu basi ñano yuhdura”, nire yuhure. 15 “P̄uhtoro, ¿diro baro jijari muhu?” ni sinitui. “Yuhu Jesu, mu ñano yoariro jija.

16 Wahcārūcaga muhu. Muhere yu cahamacuno cjihtiyoai tai mipu bajuaja yuhu. Michare yuhure mu ñūrire, baharo muhere yu ñohti cūhure painare yahuihca muhu. 17 Judio masare judio masa jieraina cūhure muhere buhe duticu, warocaihtja. Ti cahai mu jichu, muhere ti ñu tuhtichu muhere yoadohohtja. 18 Yu yare tinare masichu yoaga muhu. Ñ jicu nahitianopu tiniina yoaro sehe jiinare ti ñaare duhuchu yoaga. Buhriaropu tiniina yoaro sehe noaa sehere cohtotachu yoaga tinare.

Watínore cahmaerachu yoaga muhu. Ñ yoacu Cohamacu ya sehere yuhkichu yoaga muhu tinare. Mu ã yoachu tina yuhure wacu tuaahca. Ti ã wacu tuachu ñucu ti ñaa yoari buhirire boihca. Ñ jia tina Cohamacu to beserina mehne macaina jiahca. To wahtire cjuahntina jiahca tina”, nire Jesu yuhure —ni yahuha Paulo.

Paulo to yoarire to dahraare yahuha

19 Ñ ni tuhsu õ sehe ni yahu namoha:

—P̄uhtoro Agripa, muano macaa yu tūhoare yuhdūcaerahi. 20 Damascoi buhe muhtai. Baharo Jerusaléi buhei tjoa. Baharo Judea yahpai, judio masa jieraina cahapu cūhure masare “Ñaano yoeraja sā”, ni ti tūhotumari cjurire tūhotu cohtota

duti, Cohamacu yare cahma dutii. “Noaare musa yoachu ñua ‘Noaina jija sa’ ni, musa tuhotumari cjirire musa tuhotu cohtotarire paina masiahca” nicu, tinare noaare yoa duticu buhei. 21 Cohamacu ya wuhui yu jichu yu ã ni yahuri buhiri judio masa yuhure ñaha, wajã duamare. 22 Wiho mejeta dachoripe Cohamacu to yoadohoro mehne ã buherucuja. ã jicu mipare musa jipihtina puhtoare wiho jiina cuhure to yare yahui nija. Panopu macaina Cohamacu yare yahu muhtaina cjiri, Moise cjiro mehne ti yahu muhtariro seheta yahuja yuhu cuhu. Õ sehe ni yahu muhtaa tiha tina: 23 “Cristo Cohamacu warocariro sehe ñano yuhdurohca. ã jiro yariaro masa muja muhtariro waharohca tiro. ã jiro masare to yuhdohtore judio masare, judio masa jieraina cuhure masichu yoarohca”, ni yahu muhta joaa tiha panopu macaina cjiri. Yuhu cuhu ti yoaro seheta yahuja —ni yahuha Paulo Agripare.

Paulo Agripare Jesu yairo cjipto yoa duamaha

24 To ã ni yahuri baharo Festo tirore tuaro sañurucu õ sehe ni durucuha:

—Paulo, muhu tuho masierariro jira. Muhu payu buhecu tuho masierariro wahara —ni sañurucuha tiro Paulore.

25 To ã nichu tuhoro Paulo õ sehe ni yuhtiha Festore:

—Puhtoro tuho masierariro jieraja yuhu. Yu yahua potocã tjira. ã jicu yuhu ahrire cua pisaro mehne nija. 26 Puhtoro Agripa sehe, ahri yu yahurire noano masina. ã jicu yuhu tirore cuiro marieno yahuja. Ahri yahuare jipihtina masa masina. ã jicu jipihtia ahrire yu nirire puhtoro Agripa to masichu masija yuhu —niha Paulo Festore.

Ã ni tuhsu õ sehe niha Agripare:

27 —Puhtoro Agripa, Cohamacu yare yahu muhtaina cjiri ti yahuri cjirire tuhora muhu. Ti yahuare mu tuhochu masija yuhu —niha Paulo Agripare.

28 —¿Ahrire yuhure yahuch mahanocã mu yahua mehne Jesu yairo yu wahachu yoa duai nijari muhu? —niha Agripa Paulore.

To ã nichu Paulo õ sehe ni yuhtiha:

29 —Mahanocã durucucu o yoari pja durucucu musa, jipihtinare “Yu jiro seheta Jesu yaina jijaro”, ni sini payoja Cohamacure. Wiho mejeta yu yoaro sehe peresupu musa jichu cahmaeraja yuhu —niha Paulo Agripare.

30-31 To ã niri baharo Agripa, Festo, Berenice jipihtina paina mehne wahcárüca, wijaa, ti basi õ sehe ni durucuha:

—Ahriro to yoari buhiri ne peresu yoa masieraja mari. ¿Ã jina mari yaba buhiri tirore wajábocari? —ni durucuha tina ti basi.

32 —Ahriro “Jipihtina bui púhtorore Césare yá yoarire yahu duaja”, to nierachü mari wioboa tirore peresupü jirirore —niha Agripa Festore.

Paulo tirore ti yahusárire Romapü yahuro wahaha

27 1 Paulore Italiapü dohoria mehne warocaa taa, tirore paina mehne ti peresu yoarina mehne Julio wama tirirore cûre tina. Julio cien surara púhtoro jiro, to ya curua “César yaina surara”, wama tire. 2 Â jina Adramitio wama tiro macaria dohoriai samui sã. Tia Asiapü wahahtia jire. Samu tuhsü, tia mehne wahai. Aristarco Tesalónica wama tiri maca macariro sã mehne wahare. Tesalónica Macedonia yahpai jira. 3 Pa dachoi sã Sidópü súi. Tópü súro Julio Paulore noano yoare. Â yoaro Paulore tó mehne macaina cahapü ñüno waha dutire. Â jiro Paulo mehne macaina tirore to cahmaare ti wachü “Noanohca”, nire Julio. 4 Dohoria mehne sã pahächü tuaro wiñnono säre pa sehepü wäröca pjohöre. Â jina Chipre wama tiri nüco ducatari poto bühusehei wahai sã. 5 Pü Ciliciare yühdüa, Panfilia cühure yühdüa, Mira wama tiri macapü Licia yahpai jiri macapü wahä súi.

6 Tópü súna, Alejandríapü tariare, Italiapü wahahtiare dohoriare bocai. Â jiro säre tiapü surara púhtoro naare. 7 Payü dachori pjiro dero waha, “Nu wapuoca” ni, waha, Gnido wama tiri maca potoi súi sã. Tópü sú yühdüa, wiñnono tuaro wã, sã waha duariroi säre wäröcaerare. Â jina sã cõ bühusehepü majare paa wahai. Â jina Creta wama tiri nüco to ducatari pahrë sehe sã pahää waha, Salmo wama tiri ñoacare yühdüai sã. 8 Tópü yühdü, tí nüco dühü cahai waha, “Nu wapuoca” ni, waha, Noari Pitamaha wama tiropü wahä súi. Pitamaha Lasea wama tiri maca cahapü jira.

9 Tópü yoari pja sã jiri baharo, sã wahahto sehe cuabiare. Â jiro ti chü duhuri dacho bose nümu yühdüri baharo, Paulo tinare õ sehe ni yahure:

10 —Tuhoga múa. Chü duhuri dacho bose nümu baharo mari wahachü marine minihto cuabiara. Ahria dohoria,

dohoria macaa, m̄usa pache c̄h̄ mari mehne macaina c̄h̄ mari butiboca wahana —nire Paulo.

11 Wiho mejeta surara p̄uhtoro dohoria p̄urore t̄ahoro, oturiro c̄h̄ure t̄ahoro, Paulo to yahua sehore t̄aho duaerare waha duaro. 12 Ti pahsari pitamaha noari pitamaha puhiro jich̄ ti pahsari pitamaha jierare. To ã jiri pitamaha jich̄ dohoria macaina payu waha dua, Fenicep̄ yoja duamare. Fenice Creta wama tiri n̄aco macari pitamaha jiro, wihnono to tariorp̄ s̄u m̄aja taro sehep̄ cō b̄uhusehep̄, poto b̄uhusehep̄ c̄h̄ure ñuroca, wihnono tach̄ noano d̄ucatari maca jire. To ã jiri pitamaha jich̄ masia tina tóp̄ c̄ puhiro ji duamare.

Pjiri map̄ wihnono, coro pjíro taha

13 ã yoa sur sehe pjiroca wihnono ta d̄ucare. “Michare noari dacho mari wahahti dacho jira”, ni t̄hotumaha tina. ã ni t̄hotua tina comaa tañore t̄ã wahcō, Creta n̄aco d̄uht̄ caha cahai yojai sā. 14 Wiho mejeta baharo curero wihnono noresté wama tiri wihnono tuaro wāre. 15 ã jiro dohoriare wihnono tuaro wahā wihire. Wihnono to wār̄ucarore waha masierana, majare paha, wihnono mehne wahai sā. 16 Cauda wama tiri n̄ococā cahap̄ sur sehep̄ waha, tí n̄ococā sāre mahanocā d̄ucatare. “Marine nu wapuoro wahara”, nina tóre pjiria dohoria macaria mahariacā b̄usocare noano waja payo d̄uhtei sā. 17 Tiare dohoriay sā waja payo d̄uhteri baharo pjiria dohoriap̄ pjiri da mehne tina wahma ñaha payore. Sirte wama tiri pad̄ure “Dohoria doca wahā sūri”, nia cui nire tina. ã jia tina co turure ti duhu miori baharo dohoria dihtare wihnono wārocare. 18 Wihnono, coro mehne tuaro tare. Pa dacho c̄h̄ure wihnono m̄ananota tjoa to tach̄ ñha tina ti pachere diap̄ dureroca ño tuhs̄ pahā wahai sā. 19 Pa dacho dohoria macaare diap̄ cohāre tina ti basi. 20 Payu dachori ñichua dachori jich̄, s̄u dacho macariro ñahpichoha poca c̄h̄ ne bajuerare. ã jiro tuaro wihnono tare. ã jina “Minia wahaja mari. ã jina yariaa wahanahca”, ni t̄hotumai sā.

21 ã jia tina yoari pja ti ch̄ duhuri baharo Paulo ti pano ducu, õ sehe ni yahure tinare:

—Pano m̄usare yu yahuch̄ t̄hoerare m̄usa. “Cretap̄ jiina mari wahach̄ cua nica”, yu nich̄ t̄hoerare m̄usa. Yuhure t̄uhona, ahria macaa jipihtiare boeraboa m̄usa. 22 Wiho mejeta mip̄ m̄usare yahuja. Cuiena tjiga. Jipihtina mari yuhdunahca.



Ahria dohoria dihta marine wahtiabasarohca. 23 Micha ñamine Cohamacʉ yairo anjo yuhure bajuahre. Cohamacʉ yairo jija yuhʉ. Ā jicʉ tirore dahra cohtariro jija yuhʉ. Anjo sehe yʉ cahai taro, ò sehe ni yahuhre: 24 “Paulo, cuiecʉ tjiga. Jipihtina bui pahtorore mʉ yoari cjirire mʉhure yahuro cahmana. Cohamacʉ noariro jira. Ā jiro tirore mʉ siniriro seheta mipure mʉhʉ mehne macaina cūhure yoadohorohca”, nihre yuhure anjo. 25 Ā jina cuiena tjiga mʉsa. Anjo yuhure to niriro seheta waharohca. Cohamacʉre wacū tuaja yuhʉ. Ā jicʉ to yahuriro seheta “Potocā tjira”, ni tʉhotuja yuhʉ. 26 Wiho mejeta marine nʉscopʉ wihnono wāroca, cohānohca —ni yahure Paulo tinare.

27 Că ñami púa somana baharo pjiri ma Adriático wama tiri mai wiñonono säre tuaro wäre. Tí pjare ñami dacho macai dohoria macaina múa sehe “Dühtü cahapü jija mari”, ni tuhoture tina. 28 Á ni tuhotua nucuri taño comaa tañore yuta da mehne dühte, duhuropa mio, quihöre. Treinta y seis metro waro cuäre. Mahanocă waha, quihöre tjoa. Tí pjare veintisiete metro waro cuäre. 29 Á jia tääre “Doca wahā sura”, nia dohoria oturopü pititia tañori comaa tañorine yuta dari mehne dühte, duhuropa miore diapü. Á jia “Cjero bohreajaro” ni, tuaro sinire tina. 30 Dohoria macaina múa sehe duhtimare. Tina mahariacäre dohoria macariare diapü waja boro, dohoria quenoi comaa tañorine ti boroboriro seheta yoare tina mahariacäre “Marine ñuri”, nia. 31 Wiho mejeta Paulo surara pühtorore, to surara mehne yahure:

—Ahrina múa mahariacă busocai ti wahachü múa yarianahca —nire Paulo.

32 To á nichü tuhoa surara sehe mahariacäre dühtea darire yihsa ta, tiare cohäre.

33 Bohreahto panocă Paulo tinare tuaro chü dutire.

—Púa somana waro ne chuerare múa. 34 Á jina mipüre chüna taga. Tuaro mísare chü dutija. Múa cati duana chüga. Jipihtina múa yuhdunahca —nire Paulo tinare.

35 To á niri baharo Paulo pão na, jipihtina ti pano Cohamacäre “Noana” ni, duhu payo, tére chü ducare tiro. 36 To á chüchü ñúa tina cuiro marieina waha, jipihtina tina cüchü chüre. 37 Sá jipihtina doscientos setenta y seis masa dohoriapü jii sá. 38 Tina jipihtina yapia waha “Ahria dohoria nucu nica” ni, payü trigo chüare diapü cohäre.

Dohoria paduropü doca pja suha

39 Bohreachü dohoria macaina múa nucore ñúa, “Ó sehe wama tiri nucó jira ahri nucó”, ni ñu masierare. Wiho mejeta tina pari tucúi paduro jichü ñúa, “Mari tí tucúpü wahana, tópüre doca pja suboca paduroi”, nire tina. 40 Á nia, comaa tañorine dühtea darire yihsa taroca mioha. Oturi pjí dühtea dari cüchüre yihsa tanocare tina. Ti á yoari baharo dohoria queno macari suhtirore wahcō dapore poto wiñonono wärocachü cahmaa. 41 Wiho mejeta dohoria queno sehe pa paduropü caha su, nüja masierare. Á jiro oturore tuaro pahcöri

cjā wahcōchū tia oturo wahtia wahare. **42** To ã wahachū ñua õ sehe nire surara:

—Ahria minichū mari peresu yoaina dñhtu cahapu ba wahā sū duhtinocaahca. Å jina tinare wajā pahñonocajihna —nire surara.

43 Wiho mejeta surara pñhtoro sehe Paulore wajā duaeraro, jipihtina peresu jiinare wajā dutierare. Å jiro jipihtina ba masiinare surara pñhtoro poto dñhtu cahapu ba wahā sū dutire. **44** Å jia paina dohoria macaa pjñi wahti sitea pjñi mehne bora ñoja, tí pjñi bui pisa ba nñjare. Sā tó sehe yoana sā jipihtina dñhtu cahai wahā sñi.

Paulo Malta wama tiri nñcoi jiha

28 **1** Å yoa tí nñcopu sā jipihtina maja sñruchu súna tí nñco wamare masii. Malta wama tiri nñco jire. **2** Tí nñco macaina masa säre noano yoare. Å jina sā coro waari baharo yñsua yuhduare säre. Å jia tó macaina sehe pichaca wijā tuhsu, säre sohma dutire. **3** Paulo pichare na ta, na tiäre. To na tiäri baharo tí picha puhichapu sääriro agã tuaro sichu tñhoturo wijaa taro, Paulo wamomacai bahca wäha sure yahawero marieno. **4** To bahca wahā sñchú ñua tí nñco macaina ti basi õ sehe ni durucure:



—Ahriro masa wajāriro jiboca. Ā yoaro tuaricoro buhiri dahrericoro muano macaricoro tirore buhiri dahrero, cati dutierara. Tiro pjiri mapu minino yahdu tuhsuri jimare. Mipure ticoro sehe tirore cati dutierara —nimare tina ti basi.

5 Wiho mejeta Paulo agāre pichacapu wajā siterocare. Tirore agā purierare. 6 “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore purierare. Yoari pja baharo to wipierachu ñua, to purierachu ñua, soro tħoture tina. “Ahriro cohamaña mehne macariro jiboca”, nimare tina.

7 Ti ba wahā suriro cahacāi Publio wama tirore ya weseri jire. Tiro tí nucoco macariro pħektoro jire. Ā jina tiro sare to noano yoachu, tia dacho waro to ya wħħui jii sā. 8 Publio pħecuro yojaro ti, juaro tirore jire. Ā jiro tiro camai coāre. Ā jiro Paulo dohatiriro ya taħtiapu sāa, Cohamacure sini, to wamomacarine tiro bui duhu payo, noariro wahachu yoare tirore. 9 To noariro wahachu ñua jipihtina paina tí nucoco macaina dohatiinare Paulo cahapu na tare. Ti ā na tachu ñuno Paulo noaina wahachu yoare tina cūħure. 10 Baharo tina payu sare wapa marieno ware. Sā wahalto panocā jipihtia sā cahmaare, sā wahana sā chħtire dohoriapu dure sāare tina.

Paulo Romapu suha

11 Tia sā tí nucopu sā jiri baharo dohoria mehne wahai sā. Tia dohoria quenoi pharo cohamaña Cástor, Pólux wama tiina ti masu ducure. Alejandríapu taria jire tia. Puhiro puro tí nucopu tia dohoria pahsare. 12 Waha, Siracusa wama tiri macapu suna, tia dacho waro tí macare jii sā. 13 Tí macare wijaa, waha, Regio wama tiri macapu sā sui. Pa dachoi surpu wiħnono ta, sare wārōcare. Pua dacho baharo Puteoli wama tiri macapu sui. 14 Tópū Jesu yaina mahainacā sare piti bocare.

—Cū somana waro sā mehne tjuaga —nire tina sare.
Ti ā nichu tħħona cū somana waro tina mehne tjuasinii. Baharo mahai maja, Romapu sui sā. 15 Tó macaina Jesu yaina sehe Romapu sā suħtire tħħoħa, Apio wama tiropu pache duaropu sare piti bocare. Paina Jesu yaina Tia Wħħu wama tiropu sare piti bocare. Ti ā piti bocachu ñuno Paulo wahċeħa mehne Cohamacure “Noana” ni, noano yajeri sāa wahare. 16 Romapu sā suri baharo ti peresu ti yoarinare tó macarirore

peresu cohtaina puhtorore yahure. Wiho mejeta Paulo sehere cuirota cure to macaina puhtoa. A jiro tirore cuirota surara cohtare.

Paulo Romai buheha

17 Tia dacho baharo Paulo judio masa puhtoa mehne cahmachuno taro, tinare pjire. Ti cahmachuri baharo tiro tinare o sehe ni yahure:

—Coyea, mari coyeare soro yoauerahi yuhu. A yoa mari nuchusuma cjiri ti yoaa tirire, marine ti buheri cuhure yuhdurecaerahi yuhu. A yu yuhdurecaerahi Jerusalenp yuhure nuahahre judio masa. Ti nuahari baharo Roma macainare yuhure peresu yoa dutihre tina. **18** Ti a yoachu Roma macaina yuhure sinitu, yu nuano yoaueriro yu jichu yuhure “Buhiri tiro jira”, ni masierare. “¿Ne yaba buhiri wajabocari mari tirore?” nihre yuhure tina. A jia yuhure sinituina sehe yuhure wio duamahre. **19** Wiho mejeta judio masa sehe yuhure wiochu cahmaerare. Yu coyeare judio masare yuhure ti yoarire yahusa duaeraja. Wiho mejeta yuhure ti wio duaerachu nuscu, “Jipihntina bui puhtoro Césare yu yoarire poto yahu duaja yuhu”, ni sinih. **20** A jicu musare ahrire yahu duacu pujih. Cristo marine yuhdohtiro judio masa mari cohtariro to yare yu yahuri buhiri yuhu peresupu jija. A jicu tore musare yahui tai pujih —nire Paulo judio masa puhtoare.

21 To a nichu tuhoa tina sehe tirore o sehe ni yahure:

—Judea yahpa macaina Judio masa muhure quiti yahua purine sure ne warocaerare. A yoa topu tarina cuhu mari coyea sure mu a waharire yahuera tire. Tina “Tiro nuano yoariro jira” ni, muhure yahuera tire. **22** Wiho mejeta Jesu yare mu yahuri curua macainare jipihiropu masa nuano ti durucuchu su masija. A masina mu buheare mu yahuchu tuho duaja su —nire tina tirore.

23 A ni tuhsu, “Pa dachopu jijihna”, nire tina. Pa dachopu Paulo mehne cahmachu muhtaina yuhdoro masa payu to jiropu wihire. Nami cureroca puhtoro Cohamacu to suho jiare noaa buheare tiro buhe duca, pu, nampipu Moise cjirore Cohamacu to curi dutiare, a yoa Cohamacu yare yahu muhtaina cjiri ti joari cjiri cuhure buhere. A buhero, tinare Jesure “Tiro tjica mari cohtariro”, ni masichu yoa duaro nimare Paulo. **24** Caina to buherire noano mehne tuhore. Wiho mejeta paina sehe

tuho duaerare. 25 ã jia tina ti basi pa curua tju wa, wahaa taa nire. Ti wahahto pano Paulo Isaia cjiro to durucuri cjurire tinare yahure. Õ sehe nire tinare:

—Isaia Cohamacu yare yahu mãhtariro cjiro to yahuri potocãta jira. Mari ñãchãsãma cjurire yahuro taro Espíritu Santo Isaia cjirore õ sehe ni yahu joa dutiha:

26-27 “Ahrire ahrinare yahui wahaga:

‘Dapu bãtiina jira mãsa.

Yu yare tuho duaerara mãsa.

Cahmo copari susueraina yoaro seheta tuho
duaerara mãsa.

Ã jina yu yare tuhopanahta tuho ñahasi mãsa.

Mãsa â jieraina jina, noano tuho ñahaboa mãsa.

Ã jina yuhãre cahmaboa mãsa.

Ã jicu mãsare pichacapu wahaborinare yuhdoboa
yuhã’, niha Cohamacu Isaia cjiro to joari tjupu”

—nire Paulo tinare. 28 ã ni tuhsu, Paulo õ sehe ni yahu namore:

—Ahrire masiga mãsa. Cohamacu ya buheare masare to noano yuhdoare judio masa jierainare buhenahca sã. Tina sehe tuhoahca —nire Paulo judio masare.

29 [To â nichu tuhoa judio masa tíre ti basi tuaro cahma sayo, wijaare.]

30 Pa cãhma waro Paulo to â waparucuri wãhãpu jire. Tói jiro, jipihtina to wãhãpu wihiinare wahchea mehne piti bocare tiro. **31** ã jiro tiro cuiro marieno pãhtoro Cohamacu to sãho jiare, pãhtoro Jesucristo ya cãhãre buhea tire. To â buhechu ne paina tirore “Buhei tjiga”, nierare.

Romanos

Paulo Roma macainare Jesu yainare joarocaha

1 1 Yuhu Paulo m̄usare Roma macainare joarocaja. Yuhu jija Jesucristo cahamacuño. Tiro yuhure beseri jire. To ya noaa buheare buhe duti warocahtiro cjihtore yuhure cūri jire tiro.

2 Tí buheare noaa buheare panopu Cohamacu “Yahui tai nije”, nia tiha. To ã ni yahuriro seheta to yare yahu m̄uhlaina cjiri panopu macainare to yahuhtire to ya pūi joa dutiha. 3 Tí buheata to macuñore yahua jira. Tiro masuno waro jiro taro, Davi cjiro panamino ji turiariro jiha tiro. 4 Jesucristo mari puhtoro Cohamacu macuño ñaa buhiri marieriro to jiare õ sehe ñori jire Cohamacu. To yariari baharo Cohamacu to tuaa mehne tirore masa wijaachu yoari jire. Å yoaro Jesucristo potocāta Cohamacu macuño to jiare ñori jire Cohamacu masare. 5 Tirota sâre pja ñuno sâre to yare buhe dutiro warocare jipihtina Jesucristore wacu tua ti ño payohti cjihtire. 6 Å jiro m̄usa cūhure Jesucristo yaina cjihtire beseha tiro.

7 M̄usare, Cohamacu to cahīnare, Roma macainare, to yaina cjihti yoare m̄usare tiro. M̄usare jipihtinare ahri pūre joarocaja. Å jicu Cohamacu mari P̄ch, mari puhtoro Jesucristo mehne m̄usare noa dutija. Tina ti yoadohoa mehne noano jiga m̄usa.

Paulo Romapure ñuno waha duaro nimaha

8 Ahrire yahu m̄uhtaijtja m̄usare: Jipihtia macari macaina Jesucristore m̄usa wacu tuarire masa yahuhre yuhure. Ti ã ni yahuchu tūhocu “Noana”, nija Cohamacure. Jesucristo to yoadohoro mehne ã nija tirore. Cohamacure sini payocu m̄usa ya cjihti cūhure ã sini payorucuja. 9 Tiro yuhure to dutichu to macuño ya buheare noaa buheare tuaro buhecu to cahamacuñota jija yuhu. Å jiro m̄usa ya cjihtire Cohamacure yu ã sini payorucucha tiro masina. 10 Å sini payocu Cohamacu cahmacha mipu pinihartare m̄usa cahapu yu ñhi wahahto cjihto cūhure sinija. Yoari pja m̄usare ñu duacu yu wahahtore cohtai yoanocamaja yuhu. 11 Espíritu Santo yuhure to buheri cjirire

m̄asare buhe turia duaja Jesure m̄asa wacū tua namohto cjihto sehe. Ā jic̄ m̄asare tuaro ñ̄u duaja yuh̄u. 12 Jesure wacū tuaja mari. Ā jic̄ m̄asare ñ̄u duaja Jesure mari wacū tuaa mehne p̄u buh̄seheri mari cahma wahchech̄a yoahito cjihto sehe.

13 Ȳu coyea, ahrire m̄asa masich̄a cahmaja. Noaa buheare ȳu buheri baharo paye macari macaina m̄asa coyea judio masa jieraina cūh̄u Jesure wacū tuare. Ā jic̄ payū tahari m̄asa cahap̄ū waha duamahi tina, Jesure ti wacū tuariro sehetā m̄asa mehne macaina cūh̄ū ti wacū tuahto cjihto sehe. Ā waha duapaihta waha masiera tihī yuh̄u. 14 Jipihtinare noaa buheare buhero jiro nina yuh̄ure. Buheinare, buhemahnoeraina cūh̄ure, masiinare, masieraina cūh̄ure buhehtiro cjihto jii nija yuh̄u. 15 Ā jiriro jic̄ m̄asare Roma macainare noaa buheare tuaro buhe duaja.

Noa buheare masa t̄hoa Jesure wacū tua d̄ucara

16 Noaa buheare t̄hoa Jesure wacū tua d̄ucara masa. Ā jiro jipihtinare Jesure wacū tuainare Cohamacū to tuaa mehne pichacap̄ū wahaborinare yuh̄dora. Ti ã yuh̄dutch̄ū masic̄ū ahri buheare noaa buheare b̄uo tiro marieno yahuja. Ahri buheare judio masa t̄ho m̄uh̄tari jire. Ti baharo, judio masa jieraina cūh̄ū t̄ho turiari jire. 17 Ahri buhea õ sehe ni yahura: Jesure wacū tuainare “Ñaa buhiri marieina, noaina jira”, ni ñ̄una Cohamacū. Tirore wacū tuaina dihtare ã ni ñ̄una Cohamacū. Ahri panop̄ū ti ni joariro sehetā jira: “ ‘Noaina jira’, to ni ñ̄una Cohamacure wacū tuaina dihta jira. Ā wacū tuaa, to ya catia mehne ã catirucuahca tina”, ni joaa tiha.

Masa ti ñaa yoari buhirire yahuha Paulo

18 Cohamacū muanop̄ū jirirore masa ti yuh̄dúrúcarire, ti ñaa yoari cūh̄ure ñ̄uno, ti ã yoari buhiri tina mehne suara. Tó sehe jiina barore to buhiri dahrehtore masich̄ū yoara tiro. Masa ti ñaa yoaa mehne painare noaa buheare t̄hoerach̄ū yoara tina sehe. 19 Cohamacū to basi to jia tiare masich̄ū yoaha. To ã yoach̄ū Cohamacure masich̄ū mijoyerara masare. 20 Cohamacure mari ñ̄uerapach̄ūta muano macariro to jia tiare, tuariro to jia cūh̄ure to basi masich̄ū yoara tiro. Ahri yahpare to bajuamehneri baharo jipihtia to bajuamehnerire ñ̄ua “Cohamacū to yoari cjiri jira ahri” nia, Cohamacū to jia tiare masina masa. Ā jia masa Cohamacure masipahta ã ñ̄aare yoarucua, buhiri tira.

“Muhure masierahi. Å jicu ñaare yoahi”, ni masisi Cohamacure. 21 Å jia Cohamacu to jia tiare masipahta tina tirore ño payoerara. Å jia tiro tinare to noano yoapachuta tina sehe “Noana”, nierara tirore. Å taho masieraina jia, wiho jia macaare, ñaa dihtare tħoturucuina baro jira tina. 22 “Taho masiina jija”, nipahta taho masieraina wahara tina. 23 Å wahaa Cohamacure å jirucuriore tina ño payoerara. Å ño payoeraa, ti ño payoboriro sehere cohtota, wiho jia masuri sehere “Cohamacu jira”, ti nia masuri sehere ño payora. Wiho jia masuri sehere yariahtina masa masurine, å yoa minichahaca masurine, chihchōina masurine, wahiquina masuri cāħure “Cohamacu jira”, ni ño payora tina.

24 Ti å yoachu ñuño “Ti mu sru ñaare goa pja, yoawahnojaro”, nino Cohamacu cohānocare tinare. To å cohāri baharo tina ñabiaro, pjíro bħoro wahachu yoaare cahma yoarucura ti basi. 25 Å jia Cohamacu ya sehere cahmaeraa, mahñoa sehere noano tħora tina. Cohamacu ya sehere mahñoa yoaro sehe jichu yoara tina. Potocata Cohamacu warore jipihtiare bajuamehnerirore jipihtia dachoripe noano ño payoro cahmana. Wiho mejeta tina sehe tirore ño payoerara. Å tirore ño payoeraa, Cohamacu to bajuamehneri cjiri, wiho jia sehere ño payora tina.

26 Ti å ño payochu ñuño “Ti mu sru goa pja, yoawahnojaro”, nino Cohamacu cohānocare tinare. Å jia tina numia muu mehne manu tiboina cohtota, ti basi numia dihta ñano yoara ti pjacuri mehne. 27 Ti yoaro sehetu jiina muu cūħu numia mehne namo tiboina jipahta, tħire cohtota, muu ti basita ti pjacuri mehne ñabiaro yoara. Å yoaa, ti basita ti ñano yoari buhiri ti pjacuri sehe ñano yħdhera.

28 Å Cohamacure ti cahmaerari buhiri Cohamacu tinare cohāre. To å cohāħu tina sehe ñano wacūraru, ñano yoarucura. 29 Å jia tina tuaro ñano yoarucura. Numia mehne ñano yoarucuina, muu mehne ñano yoarucua numia, ñaare goa pjarucuina, paina yare tuaro cahmaina, painare ñano yoarucuina, paina paye baro ti cħachu ñu goa pjaina, masare wajjaina, cahma sayoina, mahñoina, masare ñu tuhtiina, ñaa quiti dahreina, 30 paina ti yoaerapachuta ñano ni yahuwajaina, Cohamacure ñu tuhtiina, painare purino yuhtiina, “Sā sehe masi yħdheru sħa”, ni tħotuina, painare å ni yahuina, paye ñaare yoa ducaina, ti pucusumare

yúhtieraina, 31 tóho masieraina, ti nino seheta yoaeraina, masare ne cahíeraina, ti basi cahma susini duhueraina, ne pja ñíueraina jira tina. 32 Á ñano yoarucuinare Cohamacü pichacapü coháñohca. To á coháhtire masipahta tina tí ñaare á yoarucura. Á jia paina tinare ñu cü ti yoaro seheta ñano ti yoachü ñua, “Mari yoaro seheta ñano yoara”, ni wahchera tina.

Masare buhiri dahre dutiro tére quihöno yoarohca Cohamacü

2 1 “Tina ñabiaina jira”, ni yahuwajaena tjiga painare. 2 Músa cühü ti yoaro seheta yoara. “Ñaare yoeraja sá. Á jina buhiri maeraja”, ni masierara múa. Músa yahu wajaina yoaro seheta ñaare yoana, múa cühü múa basita buhiri dahre dutina nica. 3 Tó sehe yoainare Cohamacü to buhiri dahrechü potocäta quihöno to buhiri dahrechü masija mari. 3 Painare “Buhiri tiahca”, ni yahu waja ti yoaro seheta múa yoachü, múa cühüre buhiri dahrerohca. Á jina “Säre buhiri dahresi”, ni tóhotuboca múa. Jierara. Músa cühüre buhiri dahrerohca tiro. 4 Músa ñano yoapachüta Cohamacü mísare pja ñuno, dói waro buhiri dahrerara. Á jina “Cohamacü yuhü mehne suasi”, ni tóhotuboca múa. Jierara. Cohamacü mísare pja ñuno, dói waro buhiri dahrerara múa ñaa buhiri tiare cahyachü ñu duaro, tirore múa yuhüchü cahmano. 5 Á buhiri dahre duaeraparota, múa Cohamacüre yuhüti duaerachü, múa ñaa buhiri tiare múa cahyaerachü, buhiri dahrerohca mísare. Tó pano mísare to buhiri dahrenboriro yuhdoro tí to buhiri dahrenhti dacho waropüre ñano, tuaro waro mísare buhiri dahrerohca Cohamacü. Quihöno buhiri dahrerohca. 6 Cäinare ti yoa wapataro seheta yoarohca Cohamacü. 7 Cäina noaare yoarucuina jira. Tina Cohamacüre noano wahchechü yoa duaina, jipihtia dachoripe Cohamacü mehne ji duaina jira. Tina pinihtare dachoripe tiro mehne jirucuchü yoarohca Cohamacü. 8 Wiho mejeta paina sehe tina yoaro sehe jierara. Tina ti mu súro jia ti, ñaare goa pja yoarucuina baro jira. Cohamacü ya warore cahmaerara. Tina mehne Cohamacü tuaro sua, buhiri dahrerohca. 9 Jipihtina ñano yoaina ñano yuhduahca. Judio masare áta waha muhtanohca. Tuhsü, judio masa jieraina cühüre áta waharohca. 10 Jipihtina noaare yoaina sehere Cohamacü “Noana”, ninohca. Á jia masa tinare ño payoahca. Á jiro tinare noano jichü yoarohca Cohamacü.

Judio masare ãta waha muhtanohca. Tuhsu, judio masa jieraina cûhure ãta waharohca.

11 Cohamacu judio masare, ã jichu judio masa jieraina cûhure jipihtinare cäno sehe ñuna. Mari yoarire ñuno, quihõno besera jipihtinare, ñaina, noaina cûhure. 12 Paina Cohamacu Moise cjirore to dutia cjirire masieraina sehe buhiri tiare ti yoachu, to dutiare ti masierapachuta tinare buhiri dahrerohca Cohamacu. ã yoa tí dutiare masiina cûhure buhiri tiare ti yoachu, tí dutiare ti yuhdûrûcari buhiri buhiri dahrerohca Cohamacu. 13 Cohamacu dutiare tûhopahta yûhtierainare “Buhiri marieina, noaina jira ahrina”, ni ñuerara Cohamacu. To dutiare yoaina sehere “Noaina jira”, ni ñuna tinare Cohamacu. 14 Judio masa jieraina Cohamacu Moise cjirore to cûri dutia maerapahta, ti mu suro noaare yoaa, Cohamacu dutiare yoaa nina. ã yoaa Moise cjirore to dutiare joari pûre cjuaerapahta tina ti mu suro to dutiare masina. 15 ã jia to dutiare ti tûhotuapu potocâta cjûara tina. ã cjuaa ñaare yoaa dóicâta ti ñaa yoarire masina tina. ã jiro ñaare yoariro “¿Dohse jiro baro ñaare yoari yuhu?” ni tûhotura tiro. ã jiro noaare to basi to yoari cûhure masina tiro. 16 ã jiro Cohamacu Jesucristore to warocahti dachoi masa ti yoarire ti yahu duaerarire Jesucristo masi pahñono, tiro tinare beserohca noaina, ñaina cûhure. Tó sehe yoarohca tiro noaa buhea to nino seheta. Ahrita jira masare yu buhea.

Cohamacu Moise cjirore to dutirire yahuha Paulo

17 Mûsa sehe judio masa jina, Cohamacu Moise cjirore to dutiare ño payoina jina, “Cohamacu to yaina jija”, ni tûhotumana mûsa. 18 ã jina Cohamacu dutiare masiina jina, to cahmaare masina mûsa. ã masiina jina, “Noaare sâ yoahture bese masija sâ”, ni tûhotumana mûsa. 19 ã ni tûhotuna õ sehe ni tûhotu namona mûsa: “Painare ne masierainare noano masichu yoaja sâ. Tinare sâ buherachu ne Cohamacure masieraboa tina. ã jia ñaare duhueraboa”, ni tûhotumana mûsa. 20 ã jina “Tûho masierainare noaare yoa dutiina, macanacâ cûhure buheina jija sâ”, ni tûhotumana mûsa. ã jina “Cohamacu dutiare cjûana, potocâ jiare masi pahñaja sâ”, ni tûhotumana mûsa. 21 ¿ã jina painare buheina jipanahta, dohse yoana mûsa sehe mûsa buheriro sehe yoaerajari? ¿Painare yaca dutieraina jipanahta dohseana mûsa sehe

yacajari? 22 ¿Pairo namono mehne ñano yoa dutieraina jipanahta dohseana m̄usa sehe pairo namono mehne ñano yoajari? “Cohamacu jira”, ti nia masurine ñu yabiina jira m̄usa. ¿A ñu yabiina jipanahta dohseana tí masurine ti ño payoa wuhueperu sāa yacajari m̄usa? 23 “Cohamacu Moise cjiore to dutiare cjuaja sā”, niina jipanahta to dutiare yuhdūrūcara m̄usa. A yuhdūrūcana Cohamacure ño payoerachu yoana nica m̄usa painare. 24 Ata nina Cohamacu yare ti joari pūi: “Cohamacu dutiare m̄usa yuhdūrūcari buhiri judio masa jieraina sehere Cohamacure ti ñano durucuchu yoara m̄usa judio masa”, ni joaa tiha Cohamacu yare ti joari pūi.

25 “Cohamacu yaina jija”, ni t̄hotura cāina judio masa mahancā cahsarocāre yihsolina. Cohamacu yare ti yoachu judio masa ti jichu noa nina. To yare ti yoarerachu judio masa ti jia tia yaba cjihti jierara. Yihsoina ti jia tia cūhu yaba cjihti jierara. 26 A jiro judio masa jieraina mahancā cahsarocāre yihsoraina ti jipachuta, Cohamacu dutiare ti yoachu ñuno “Yu yaina masata jira”, ni ñuna Cohamacu tinare. Judio masa sehere to a ni ñuboriro sehetu judio masa jieraina sehere a ni ñuna. 27 Payu judio masa Cohamacu Moise cjiore to dutiare cjuaptahtá t̄re yoarerara tina. A jia paina judio masa jieraina sehe mahancā cahsarocāre yihsoraina jipahta to dutiare yoara. A yoaina jia judio masa ti ñano yoarire masichu yoaa nina. 28 Mipure judio masuno waro to jiare yahuhtja m̄usare. To pjacure mahancā cahsarocāre yihsoriro jiparota Cohamacure ño payoeraro potocāta judio masuno waro jierara. 29 Cohamacu yairo Espíriture cjuahtiro tirore yuhtriro tiro tjira judio masuno waro. A yoa to pjacure mahancā cahsarocāre to yihsco cohātiro sehetu to ñaa yoaare duhura tiro. To mu s̄ero dutiare yoariro jieraparota Espíritu Santo to yoadoho mehne to ñaa yoaare duhura. Tó sehe yoarirore “Noariro jira”, ni ñuna Cohamacu sehe. Masa sehe tirore ti a nierapachuta, a nina Cohamacu sehe.

3 1 ¿Yu a nichu judio masa ti jia tia wiho waro jijari, m̄usa t̄hotuchu? Ne wiho waro jia nierara. ¿Cohamacu judio masare to dutiriro sehetu ti pjacuire mahancā cahsarocāre ti yihsco cohāa wiho waro jijari, m̄usa t̄hotuchu? Ne wiho waro jia nierara. 2 Judio masa ti jia tia wiho waro jierara. Cohamacu yare ti joari pūre judio masare cū muhtaha. A jia judio masa ti jichu noa nina tinare. 3 A jia cāina judio masa Cohamacure ti

túhoerapachuta to niri cjiri potocata jira. Á jiro to ni cûriro seheta yoarohca tiro. ⁴ Áta jira. Jipihtina masa mahñoina ti jipachuta Cohamacu sehe ne mahñoyerara. Panopu to yare yahu mûhtariro cjiro to ni joariro seheta ne mahñoyerara Cohamacu. Ó sehe ni joaa tiha:

“Potocá níriro jira mûhu Cohamacu.

Mûhure á jia masa ‘Cohamacu quihôno yoaerara’,
ni masierara mûhure”,

ni joaa tiha panopu.

⁵ Ó sehe ni tûhotuboca masa: “Mari ñaare yoana Cohamacu noaare to yoariro jichu masichu yoaja. Á jiro ñaare mari yoachu noa nina. ¿To á noaa jipachuta dohsearo tiro mari ñaare yoari buhiri buhiri dahremacanocajari?” ni tûhotuboca masa. Masa ti tûhotuboriro seheta á nii nija. ⁶ Tó jierara ti á ni tûhotuchu. Mari ñaa yoari sehe noaa jichu Cohamacu mari ñaare yoari buhiri buhiri dahre masieraboa.

⁷ Masa sehe mahñoina jira. Cohamacu sehe ne mahñoyerara. Á jina masa ti mahñochu ñuna Cohamacu sehe ne mahñoyerariro to jichu noano ñu masija mari. Á jia masa mahñoa, Cohamacu to mahñoyerariro to jiare ñoa niboca tina. Áta ni tûhotumana caina. Á ni tûhotua ó sehe ni tûhotu namomana tina: “Sâ mahñoa mehne Cohamacu to mahñoyerariro jiare ñona nija. Á ñona noano yoana nija. Á jia sâ mahñoa noa nina. ¿Sâ mahñoa noaa nichu dohse jiro baro sâ mahñori buhiri sâre buhiri dahremacanocabocari Cohamacu?” ni tûhotumana caina masa. ⁸ Á jia ó sehe ni mahñona caina sâre: “‘Ñano yoana Cohamacu to noariro jichu ñona nica. Á jina ñano yoajihna’, nihre Paulo cûhu”, ni mahñó yahusâna sâre caina. Ti á niri buhiri tinare Cohamacu buhiri dahrerohca. Áta yoaro cahmana tinare.

Jipihtina buhiri tiina jija mari

⁹ ¿Á yoa dohse ni tûhotujari mûsa? ¿Mari judio masa paina yûhdoro noaina jijari mari? Jieraja mari. Judio masa, judio masa jieraina cûhu ñaa buhiri tia cjaina dihta jija mari. Á jina jipihtina buhiri tiina jija mari. Áta jira. Jipihtinare yu buheriro seheta jira. ¹⁰ Panopu to ni joariro seheta jira ahri: Ó sehe ni joaa tiha:

“Ne cûiro masuno noariro mariahna, Cohamacu to ñuchu.

- 11** Jipihtina masa t^uho ñahaeraina dihta jira.
 Tuhs^u, jipihtina masa ne Cohamac^ure macaeraina
 jia, tirore wacū payoerara.
- 12** Tina Cohamac^u yare cohāa jipihtina ñaare yoaina
 wahare.
 Ne c^ūiro noaare yoariro pinihta mariahna.
- 13** Ti d^useri masa copari ti pjōo daporí yoaro sehe jira.
 Ti durucuch^u, masa copari үrīa wijaaro sehe
 mahñoa dihta ti d^userire wijaara.
 Ā durucua agā d^useroi to ñima purīa wijaaro seheta
 purīno ti durucua wijaara ti d^userire.
- 14** Tina painare ñano durucuina, purīno durucuina jira.
- 15** Ā jia sua ñaina dóicāta masare wajāina jira.
- 16** Nohoi ti waharoi tina masare ñano yo,
 ñano y^uhd^uch^u yoara tinare.
- 17** Tó sehe jia paina masa mehne tina noano jierara.
- 18** Ā yoa Cohamac^ure ne ño payoerara”,
 ni joaa tiha panop^ure.

19-20 Cohamac^u jipihtiare to joa na dutiri cjirire sāre judio
 masare cūha. Ā jiro tó sehe to ni joariro cjiro mari c^ūhure
 dutisinina. “Buhiri mariahna sāre”, ni masieraja mari. Ā jina
 mari jipihtiro macaina judio masa, ā jich^u judio masa jieraina
 cūh^u to buhiri dahrehtina mari jia tiare masija mari. Ā jina
 buhiri tiina mari jiare masina, “Noaina jija sā”, ni masieraja
 Cohamac^ure. Cohamac^u to yoa dutia sehere ne mari yoeraja.
 Ā jiro to dutia sehe buhiri tiina mari jia tiare masich^u yoara
 marine. Ā masina, õ sehe ni masieraja mari: “Cohamac^u dutiare
 yoa pahñohi. Ā jiro Cohamac^u marine ‘Noaina jira’, ni ñ^una”,
 ne ni masieraja mari jipihtiro macaina.

Cohamac^ure noano mari wacū tuana to yaina wahaja mari

21 Wiho mejeta mip^ure Moise cjirore to dutiri cjirire yoa
 pahñono marieno masare ti ñaa buhirire to cohārire masich^u
 yoara marine Cohamac^u. Moise cjiro to joari cjiri mehne,
 Cohamac^u yare yahu m^uhtaina cjiri ti joari cjiri mehne yahu
 cū mahta tuhs^uha ahrire. **22** Jipihtina Jesucristore wacū
 tuainare, tirore t^uhojinare “Noaina jira”, ni ñ^una Cohamac^u.
 Tó sehe c^ūno potori ñ^una tiro jipihtina dohse jiina Jesucristore
 wacū tuainare. **23** Mari jipihtina ñaare yoaina buhiri tiina
 dihta jija. Ā jina Cohamac^u to cahmano sehe mari jiboriro

dūhsa yuhduara. 24 Mari ã jiina jipachuta Cohamacu marine pja ñuna. ã jiro Jesucristo sehe mari ñaa buhirire wapabasari jire. To ã wapabasaro mehne “Buhiri marieina noaina jira”, ni ñuna Cohamacu marine. 25 Panopu macaina cjiri buhiri tiina ti jipachuta Cohamacu dóicata buhiri dahreraha tinare. ã buhiri dahreraro ti buhiri tiare wiho waro ã tūhotunocano nieraha. Baharo tiro Jesucristore warocari jire mari ñaa buhiri yariahtiro cjihtore, to di mehne mari ñaa yoarire wapabasahtiro cjihtore. Jesucristore mari wacū tuachu Cohamacu sehe mari ñaa yoari buhirire borohca. Ahrire yoaro, quihōno yoariro to jia tiare masichu yoaro niha. 26 ã yoa mipu cūhure quihōno yoariro to jia tiare masa ti masichu cahmana tiro. Quihōno yoariro jira tiro. ã jiro Jesure warocari jire masa ti ñaa buhiri yariahtiro cjihtore. ã jiro Jesure wacū tuainare, “Buhiri marieina, noaina jira”, ni ñuno, quihōno yoaro nica.

27 ¿Mipure “Noaina jija mari”, ni masicari mari musa tūhotuchu? Tíre ne ni masieraja mari. ¿Dohseana ã ni masieracari mari? ¿Cohamacu to dutiare yoana, “Noaina jija”, ni masibocari mari? Jierara. Tí cūhure ni masieraja mari. Mari ã ni masierapachuta Jesure mari wacū tuachu “Noaina jira”, ni ñunohca marine Cohamacu. 28 Õ sehe masija mari: Jesure mari wacū tuachu ñuno marine ñu jicoara Cohamacu. ã jiro marine “Buhiri marieina, noaina jira”, ni ñuna tiro. To dutiare mari yoari wapa ã ni ñuerara. Tirore mari wacū tuachu ã ni ñuna.

29 Tuhsu, Cohamacu judio masa pūhtoro dihta jierara. Judio masa jieraina pūhtoro cūhu jira tiro. 30 ã jiro Cohamacu cūirota jiriro jiro, jipihtina bui pūhtoro jira. ã jiriro jiro judio masare, ã jichu judio masa jieraina cūhure Jesure ti wacū tuachu, tinare cūno potori “Buhiri marieina, noaina jira”, ni ñunohca Cohamacu. 31 ¿A jina Jesure wacū tuana Cohamacu Moise cjiroke to dutiare cohāna nibocari mari? Cohāeraja mari tíre. Jesure wacū tuaina jina, Cohamacu dutiare yoa pahñona nija mari.

Abrahā Cohamacure to wacū tuarire yahuha Paulo

4 1 Mari ñuchu cjiro panopu macapiro Abrahā cjiroke Cohamacu õ sehe yoaha: 2 Abrahā cjiro noaare to yoapachuta “Noariro jira”, ni ñueraha Cohamacu tirore. ã jiro noaare yoaparota ñariro jisinino “Yuhu pini noariro jija”, ni

masieraha Abrahā, Cohamacʉ to ñuchʉ. 3 Cohamacʉ yare ti joari pū õ sehe nina: “Abrahā Cohamacʉ to nirire to quihōno tʉho ñaha, tirore to wacū tuachʉ ñʉno Cohamacʉ tirore ‘Potocāta noariro jira’, ni ñʉha”, ni yahura Cohamacʉ yare ti joari pūi. 4 Pʉhtoro dahrainare waparo, wiho waro to pja ñua mehne waparo nierara. Ti dahrari wapa tinare waparo nina. 5 Wiho mejeta Cohamacʉre wacū tuainare dahrainare ti waparo sehe yoarerara Cohamacʉ. Cohamacʉre wacū tuarirore “Noariro jira”, ni ñʉna Cohamacʉ. To ã ni ñuchʉ tí noaa to yoari wapa jierara. Cohamacʉ sehe tirore cahmaeraina cjurire tirore ti cahmachʉ ñʉno buhiri marieina, noaina wahachʉ yoara. Ā jiro masʉno Cohamacʉre to wacū tuachʉ ñʉno “Noariro jira”, ni ñʉna Cohamacʉ tirore. 6 Āta niha panopʉ macariro Davi cjiro. Masʉno noaare to yoapachʉta Cohamacʉ tirore “Noariro jira”, ni ñʉeraca. Tirore to wacū tuachʉ ñʉno pini Cohamacʉ tirore “Noariro jira”, ni ñʉna. Cohamacʉ to ã ni ñʉriro wahcheare yahuha Davi cjiro. Ó sehe niha:

7 “Cohamacʉ ti ñaa yoarire to cohāchʉ masiina sehe tuaro wahchera.

8 ‘Noaina jira. Mʉsa buhiri tiare wacūsi yʉhu’,
to nichʉ tʉhoina tuaro wahchera”,

niha Davi cjiro.

9 ¿Judío masa ti pjacʉre mahancā cahsarocāre yihsorina dihtare ti ñaa yoarire boari Cohamacʉ? Jierara. Judío masa jieraina yihsoraina cʉhʉre ti ñaa yoarire bora tiro. Pari turi Abrahāre wacūga mʉsa. Tiro Cohamacʉre to wacū tuachʉ ñʉno “Noariro jira”, ni ñʉha Cohamacʉ. 10 ¿Dohse jichʉ ã yoari Abrahā, mʉsa tʉhotuchʉ? To pjacʉre mahancā cahsarocāre to yihsorito panopʉta tirore “Noariro jira”, ni ñʉha Cohamacʉ. Ā jiro yihsoro, to ñaa yoarire cohā tuhsʉriropʉ yihsorita. 11 Ā jiro dóihta Cohamacʉre wacū tua mʉhtaha Abrahā. To ã wacū tuachʉ ñʉno “Noariro jira”, ni ñʉha Cohamacʉ tirore. Ā to wacū tuaare, to yairo to jiare to ñohto cjihtore Cohamacʉ tirore to pjacʉre mahancā cahsarocāre yihsorita. Ā jiro Abrahā to yihsorito pano Cohamacʉ sehe “Noariro jira”, ni ñʉ tuhsʉha tirore. Tiro to yihsorito pano to ã ni ñʉriro seheta jipihtina Cohamacʉre wacū tuainare judío masa jieraina yihsorainare “Noaina jira”, ni ñʉna Cohamacʉ. To ã ni ñʉina ti jichʉ Abrahā ti ñuchʉno cjiro waro yoaro sehe wahara. 12 Tí yoaro seheta masa, yihsolina Cohamacʉre ti wacū tuachʉ ti ñuchʉno cjiro

waro jia tiha Abrahā. Tiro to yihsonto pano Cohamacure wacū tuaha. Ā jia tiro yoaro seheta wacū tuaina judio masa Abrahā panamana ji turaina jira.

Cohamacu Abrahāre to ni cūrire “Potocā tjira”, niha Abrahā

13 Panopu õ sehe niha Cohamacu Abrahāre: “Ahri yahpare mūhure, mu panamana ji turainapu cūhure waihtja”, ni yahu cūha Cohamacu Abrahāre. To dutiare to noano yoari wapa ā nieraha Cohamacu tirore. Abrahā Cohamacure to wacū tuari wapa sehere ā niha Cohamacu tirore, “Noariro jira”, tirore to ni ūri baharo. 14 “Cohamacu Moise cjiore to cūri dutia dihtare yoaro cahmana”, nina judio masa. Tó sehe niina Cohamacure wacū tuaro marieno ahri yahpa jipihtirore na duara. Wacū tuaro marieno ti nachu mari sehe Cohamacure mari wacū tuaa yaba cjihti jieraboa. Ā jiro Cohamacu marine to ni cūri cjiri yaba cjihti jieraboa. 15 Moise cjiore to cūri dutia sehere yoaerara masa. Ā jiro to dutiare ti yuhdūrūcari buhiri masare buhiri dahrerohca Cohamacu. Wiho mejeta to dutia mariachu to dutiare yuhdūrūcaro cūhu mariaboa.

16 Ā yoa Cohamacure wacū tuaina dihta to wahtore naahca. Abrahā cjiro Cohamacure wacū tuaha. Ā jiro jipihtina tiro yoaro sehe Cohamacure wacū tuaina ti ūchuno waro yoaro sehe tjuara Abrahā cjiro. Ā jiro “Ahrire mūsare waihtja”, Cohamacu nino jipihtinare tirore wacū tuaina pinihtare nino niha. Ā jia Cohamacu Moise cjiore to dutiri cjirire yoaina Cohamacure wacū tuaina Cohamacu to wahtore naahca. Tina dihta nasi. Jipihtina Abrahā cjiro yoaro sehe Cohamacure wacū tuaina cūhu tinare to wahtore naahca. 17 Tíre Abrahā cjiore to niriro seheta joaa tiha panopure: “ ‘Payu macari macaina ti ūchuno cjihto cūhi mūhure’, ni cūa tiha Cohamacu Abrahā cjiore”, ni joaa tiha panopu. Ā jiro tiro Cohamacure wacū tuaa tiha. Ā to wacū tuachu mari ūchhu cjiro yoaa tiha Cohamacu tiro cjiore. Cohamacu sehe yariainare masoriro, jipihtinare, jipihtia cūhure bajuamehneriro jira.

18 “Payu yahpari macaina mu panamana ji turaina jiahca”, Cohamacu to ā ni cūchhu Abrahā cjiro sehe pohna marieriro jiparota, “Potocāta jira”, ni tūhotua tiha. Ā ni tūhoturo payu yahpari macaina mari ūchhu cjiro yoaro sehe wahaha tiro Cohamacu tirore to ni cūriro seheta.

19 Å jiro cien cähmari cjħariro jiparota “Buhro waro jija”, ni tħotuparota, Sara to namono ne pohna marienicoro to jipachħata “Pohna ti masieraja sā”, ni tħotueraa tiha Abrahā cjiro. Å jiro Cohamacu to ni cūrire “Potocāta jira”, nia tiha Abrahā cjiro. 20 “To niriro seheta yoaeraboca”, ne ni tħotueraa tiha Abrahā cjiro. Å jiro tiro Cohamacu to ni cūrire noano tħoħa tiha. To ã niare tħotjiāħno “Cohamacu tuariro jira”, ni ño payoro nia tiha. Å jiro Cohamacure wacū tua namoa tiha tiro. 21 “Cohamacu to niriro seheta noano bihorohca”, ni tħotu noano masia tiha Abrahā cjiro. 22 To ã masichu Cohamacure to wacū tuachu Cohamacu sehe “Noariro jira”, ni ñħa tiha Abrahā cjiore. Āta ni joaa tiha Cohamacu yare ti joari pūi.

23 Å yoa Abrahā cjiro dihtare ã ni joaeraa tiha. 24 Tíre mari masihi cjihtire mari cähħare ã ni joaa tiha. Å jiro Cohamacure mari wacū tuachu “Noaina jira”, ni ñħonhca mari cähħare Cohamacu. Tiro pini mari pħektoro Jesu to yariachu masori jire tirore. 25 Jesu sehe mari ñħa buhiri yariari jire. To yariari baharo masa wijaari jire tiro Cohamacu marine “Noaina jira”, to ni ñħto cjihtore.

“Noaina jira”, Cohamacu to ni ñħachu õ sehe waharohca marine

5 1 Jesucristore mari wacū tuachu ñħo “Buhiri marieina, noina jira”, ni ñħna marine Cohamacu. To ã ni ñħachu Cohamacu meħne macaina marine jichu yoara mari pħektoro Jesucristo. 2 Å jina mari tirore wacū tuachu ñħo Cohamacu marine cahħno, pichacapu wahaborinare yħqdore tiro meħne mari jihto sehe. Cohamacu pinihta noa yħdħariro jira. Å jiro tiro yoaro seheta jiina wahachu yoarohca marine tiro. To ã yoħġi cjihtire noano masi, wahcheja. 3 Å yoa ñħo yħdħuna cähħu wahcheja mari. Ñħo yħdħuna, tħixx cäno pja masija mari. Å cäno pjana, ñħo yħdħupanahta noano Cohamacure wacū tuaina waha namoja mari. Å jina Cohamacu yare duhueraja mari. 4 Mari ã yoachu ñħo “Noana”, ni ñħonhca Cohamacu marine. Å jina marine to yħdohtore noano masi, wacū coħtana nija mari. 5 Ne wiho waro wacū coħtana nieraja. Cohamacu marine to Espíritu Santo warocare mari meħne jihtirore. Å jiro Espíritu Santo sehe mari meħne jiro Cohamacu marine to ã cahħrucuare masichu yoara. To ã masichu yoachu marine to yħdohto noano waro jiro nina. Potocāta yħdħunahca mari.

6 Tó pano mari ñaa yoarire mari basi mari yuhdú masierachú ñuno, to quihóiro mu suchú, Cohamacure cahmaeraina mari jipachúta, Cristo sehe mari ñaa buhirire yariabasaha. **7** Cúiro masuno noariro jiparota yariahtiro to jichú pairo sehe to yariaborirore cohtota, to yariabasa duachú mijo yuhdúara. Noaa dihtare yoariro yaro jiborirore pairo yariabasaboca pa tehe nino. **8** Wiho mejeta Cohamacú sehe ò sehe yoara. Buhiri tiina mari jisiniipachúta mari yaro jiborirore Cristo yariaha. To ã yoachú Cohamacú marine to tuaro cahíare masija mari. **9** Mari yaro jiborirore to ñano di wijaa, yariachú Cohamacú sehe marine “Buhiri marieina, noaina jira”, ni ñuna. To ã ni ñuri baharo mipu pinihtare marine pichacapu wahaborinare yuhdorohca Jesu. Marine to yaina wahachú to yoari baharo marine buhiri dahresi pichacapu Cohamacú. **10** Cohamacure ñu tuhtiina mari jipachúta, to macuno sehe yariaro, mari ñaa buhiri tiare coháno, Cohamacure mari ñu tuhtirire duhuchú yoare. To ã yoaro mehne Cohamacú mari buhiri tiare bora. Tuhsú marine to yaina wahachú yoara. Mipu pinihtare tí yuhdo curero yoarohca marine. To yaina mari jichú Jesu to masa mujari mehne marine pichacapu wahaborinare noano yuhdorohca tiro. **11** Ña jina baharopu mari yuhdúhtore masina wahcheja mari. Mipure ahri cöhre wahcheja. Mari puhtoro Jesucristo mari ñaa yoari buhirire to yariari baharo Cohamacú yaina jija mari. Ña jina wahcheja.

Adáore, Cristore yahuha Paulo Roma macainare

12 Adão cjiro Cohamacure to yuhdúrhcari baharo ahri yahpare ñaa buhiri tia ji ducaha. Ñaa buhiri tia ji ducaro mehne masa yaria ducaha. Jipihtina mari ñaare buhiri tiare yoaja. Ña jina jipihtina ñaina mari jiri buhiri yariaja. **13** Cohamacú to dutiare Moise cjirote to cühto pano potocata ahri yahpa macaina ñaa buhiri tiare yoaa tiha. Ti ã yoapachúta to dutia mariachú to dutiare ti yuhdúrhcari buhiri buhiri dahre masieraha. **14** To ã buhiri dahre masierapachúta Adão cjiro cöhre to baharo jiina cöhre tí dutia mariasinipachúta yariaa tiha. Moise cjiro to jihto pano tí dutia mariasinipachúta masa yariaa tiha. Paina ñano yoaa Adão cjiro ñano to yoariro sehe waro yoaera timaha. Ña jipahta tina cöhre yariaa tiha. Ña jiro Adão cjiro ñaare to yoa ducariro seheta yoari pja baharopu ahri yahpapu tariro noaare yoa ducari jire.

15 Adão cjiro to yuhdúrucari Cohamacu masare to pja ñua yoaro sehe jierara. Cohamacu to pja ñua sehe noa yuhdúara. Adão cjiro cüirota jiparota ñaare to yoa ducari buhiri payu masa yariaa tiha. Cohamacu sehe marine pja ñuno, Jesucristore warocari jire. To ã warocachu tiro cüirota jiriro pichacapu wahaborinare masare payu yuhdora. 16 ã jiro Cohamacu masare to pja ñua Adão cjiro to yuhdúrucari yoaro seheta jierara. Adão cjiro sehe cüirota jiriro ñaare to yoari buhiri jipihtina masa ñaa buhiri tiina jira. ã ti buhiri tiina jipachuta masa pjíro ti ñaare yoapachuta mipure masare pja ñuno Cohamacu ti ñaare bora. ã boro "Noaina jira", ni ñuna tiro tinare. 17 Adão cjiro cüirota jiriro ñaare to yoa ducachu jipihtina masa yariarucura. Tí potocã tjira. To ã jipachuta ahri sehere wahchenahca mari. Mipure Cohamacu masare pja ñuno Jesucristo cüirota jiriro to yariaro mehne ti ñaare boro, tinare "Noaina jira", ni ñuna. ã jia jipihtina to ã ni ñuina muhanopu Cristo mehne puhtoa jiahca.

18 Adão cjiro cüirota to jipachuta to yuhdúrucari buhiri jipihtinapu buhiri tiina waha ducaha. ã jia Cohamacu to buhiri dahrehtinapu tjuaha tina. Tó yoaro seheta Jesu cühu cüirota jiparota noano yoaro jipihtina ti buhiri tiare cohã masina. Ti buhiri tiare to cohachu, "Buhiri marieina, noaina jira", ni ñuna tinare Cohamacu. ã jia to ya catiare cjuua, ã catirucuahca tina.

19 Adão cjiro cüirota Cohamacure yuhdúrucaha. To ã yuhdúrucachu, payu masa ñaa buhiri tiina wahaha. Tó yoaro seheta Jesu cühu cüirota Cohamacure yuhhtiha. ã yuhтиro, payu masa ti buhiri tiare cohã masina tiro. To ã cohachu "Ñaare ti yoari buhiri tia mariena, noaina jira", ni ñuna Cohamacu tinare.

20 Cohamacu to dutiare Moise cjiore cúa tiha tí mehne jipihtina masa ti ñaa buhiri tiare ti noano masihto cjihtore. ã jia masa ti ñaa buhiri tiare masia tí yuhdoro Cohamacu tinare tuaro to cahia tia cühure masiahca. Tiro marine cahí yuhdúara. 21 Buhiri tiina ti jiri buhiri masa yariahtina jira. Ti yariari baharo, pichacapu wahaahca. Wiho mejeta Cohamacu masare cahí yuhdúara. ã tuaro cahíno, mari puhtoro Jesucristo masare to yariabasaro mehne masare "Buhiri marieina, noaina jira", ni ñuna. To ã ni ñuina sehe to ya catia mehne ã catirucuahca.

**Yariaina cjiri ti ñaare yoareraro seheta
Cristo yaina cūhū ñaare yoarucuerara**

6 ¹ ¿Dohse yoanahcari mari mipare, musa tūhotuchū? Cāina õ sehe niboca: Ñaare mari yoachū ñuno Cohamacū mari ñaa buhirire borohca. ¿Cohamacū marire to cahī namochū ñū duana ñaare yoa namobocari mari? ² Jierara. Ñaare yoaena tjijihna mari. Yariaina cjiri ñaare ti yoareraro seheta Cristo yaina jina mari cūhū ñaare yoarucu masieraja mari. ³ Jesu yaina mari jia tiare masa ti ñū masihto cjihtore copū bautisare marine paina. Å jina mari pūhtoro Jesucristo to yariachū, mari cūhū tiro mehne yariaina seheta wahahi. ¿Tíre masierajari musa? ⁴ Å bautisarina wahana Cristo pjacure masa copapū ti siō sāa payo cohāriro seheta pano mari ñaa yoarire duhuja. Å jina Cohamacū to tuaa mehne Cristo to masa mūjariro seheta mari cūhū to tuaa mehne mari jia tia cūhure, mari tūhotua cūhure cohtotaja. Å cohtotana to yare wahma yoarucaina wahaja mari.

⁵ Cristo yaina jina, tiro mari pūhtoro mehne yariaina seheta jina, to masa mūjariro seheta mari cūhū masa mūjanahca. Tí potocāta jira. ⁶ Cristo yaina ji ducana crusapū tiro mehne yariaina seheta wahai pari turi mari ñaare yoarucueraho sehe. Å waharina jina ñaare yoarucuina ji namo duasi mari. Tíre mari masija. ⁷ Yariariro cjiropure ñaare goa pjaa mariahna. Å jiro tiro cjiro ñaare to yoa duhuriro seheta tí ñaa sehe tirore to dutipe namoeraboro seheta tí ñaare duhura tiro. ⁸ Cristo mehne yariaina yoaro sehe jina, to masa mūjariro seheta mari cūhū masa mūjanahca. “Tí potocā tjira”, ni tūhotuja mari. Å jina tíre mari masa mūjahtire wacū cohtaja mari. ⁹ Cristo to yaria masa mūjari baharo ne pari turi yariasi. Å catirucuriro jira tiro. Tíre mari masija. ¹⁰ Å jiro Cristo cū tahata yariaro, masa ti ñaa yoari buhirire cohāno taro yariaha. To masa mūjari baharo Cohamacū to cahmano seheta yoarucuhtiro jira tiro. ¹¹ Tiro yoaro seheta musa cūhū õ sehe ni tūhotuga: “Yariaina cjiri ti yoareraro seheta mari cūhū ñaare yoa duaeraja. Jesu yaina jina Cohamacū to cahmano seheta yoahtina cjihtita jina nija mari cūhū”, ni tūhotuga musa.

¹² Å jina musa yariahtina jina ñaare yoarucuina jiena tjiga. Å jina musa ñaa yoaare goa pjapanahtha tíre å tūhotunocabga. ¹³ Ñaare yoaina jiena tjiga. Musare pichacapū wahaborinare Jesu to yuhdorina jira musa. To å yoarina jina Cohamacū

cahmaa dihtare yoaina jiga m̄usa. ã jina noaare yoaina jiga m̄usa. 14 Mip̄ure Cohamacã Moise cjiore to dutia mehne marine dutierara. Cohamacã marine cahino tiro sehe marine dutira. ã jina to yoadohoro mehne ñaare yoa duasi mari.

M̄usa ñaare yoarucuchã tí ñaa m̄usa p̄uhtoro yoaro sehe jira

15 ¿Yü ã nichã dohse ni t̄uhotujari m̄usa? ¿Cohamacã sehere yühtihtina jina Moise cjiore to dutiare yühtihtina jierana, ñaare yoarucubocari mari? Jierara. 16 ¿Ahrire masierajari m̄usa? M̄usa noano yühtiriro m̄usa p̄uhtoro jira. ã jina to cahamaca jira m̄usa. M̄usa ã yühti m̄usa p̄uhtoro tiriro sehetra ñaare yoarucuina m̄usa jichã tí ñaa yoaa m̄usa p̄uhtoro yoaro sehe jira. ã jina ñaare duhu masierara m̄usa. ã jiina jina pichacapu wahahtina jira m̄usa. Cohamacure noano ño payoina jina pinihta, to cahamaca jira m̄usa. ã jina to yaina noaina jira m̄usa. ¿Tíre masierajari m̄usa? 17 Panopu ñaare yoarucuina m̄usa jichã tí ñaa yoaa m̄usa p̄uhtoro yoaro sehe jimare. Mip̄ sehere noaa buheare t̄uhona Jesure wacú tuana Cohamacure noano ño payoina wahare m̄usa. M̄usa ã wahachã ñuna Cohamacure “Noana”, nija. 18 ã wahana mip̄ure ñaa ti dutiriro cjiro sehetra yoarerara m̄usa. ã jina Cohamacã cahamaca jina noaa sehere yoara m̄usa. 19 Cahamaca ti p̄uhtoare ti noano ño payoare masi pahñona m̄usa. ã jichã tí m̄usa masiri mehne tí mehne pití dahre buhehi m̄usare ahri buheare noano masieraina m̄usa jichã ñucu. Panopu ñaare yoarucuina jimare m̄usa. M̄usa ã yoarucuriro sehetra mip̄ sehere noaare yoarucuina jiga m̄usa. ã jina Cohamacã cahmaa dihtare yoanahca m̄usa.

20 Panopu ñaa dihtare yoaina jina, noaa sehere yoaera tire m̄usa. 21 ¿Tí pjapure ñaa dihtare yoana dohse jirore wapatari m̄usa? Tí m̄usa ñaa yoarire wacúna mip̄ure b̄uo tica m̄usa. Tí ñaare m̄usa yoari buhiri pichacapu wahaboa m̄usa. ã jina ñaare yoana ne wapataerara. 22 Mip̄ sehere m̄usa ñaa yoarire duhuna Cohamacã cahamaca wahare m̄usa. ã jina Cohamacã cahmaa dihtare yoaina jinahca. ã jina jipihtia dachoripe Cohamacã mehne jirucunahca. 23 Ñaare mari yoari buhiri pichacapu wahahtina jija jipihtina mari. Mari ã jipachãta mari p̄uhtoro Jesucristore mari wacú tuachã ñuno, jipihtia dachoripe tiro mehne marine jirucuchã yoarohca. Mari ã jirucuhtore ã wanocanohca.

Cohamacʉ Moise cjirote to dutiare yahu namoha Paulo tjoa

7 1 Yʉ coyea, Cohamacʉ Moise cjirote to dutirire noano masina mʉsa. Masano to catisinichʉ tí dutiare yʉhdʉrʉca dutierara. To yariari baharo pinihtare tí dutiare yoaro mariahna. Tí cãhʉre masina mʉsa. 2 Ó sehe jira: Numinore to manʉno to catiro puro tiro mehne dihta ji dutira Cohamacʉ Moise cjirote to dutiri sehe. To á dutipachʉta to manʉno to yariari baharo ticoro sehe pairore manʉ ti masina. Ticoro tí dutia mehne ji namoerara. 3 Á jiro to manʉno to jipachʉta ticoro pairore manʉ tiro, ñano yoaricoro jira. Wiho mejeta to manʉno to yariari baharopʉ pairore manʉ tiro, Cohamacʉ dutiare yʉhdʉrʉcaerara ticoro á yoaricoro. Á yoaro ñano yoaricoro jierara ticoro.

4 Musa cãhʉ yʉ coyea Jesu yaina wahana, Jesu to yariachʉ, mʉsa cãhʉ tiro mehne yariaina seheta wahare. Á jina yariaina cjirire dutia ti marieno seheta Moise cjirote to dutia to cūri cjiри mʉsa cãhʉre mariahna. Tí dutia mʉsare dutierara. To manʉno to yariari baharo, pairore manʉ tircoro yoaro seheta mʉsa cãhʉ panopʉ mʉsare dutimarie duhu, Cristo mehne jira, ticoro pairo mehne to jiro seheta. Á jina mipure to yaina jira mʉsa. Tiro sehe to yariari baharo masa mʉjari jire Cohamacʉ cahmaare mari yoahito cjihtore. 5 Panopʉ ñaare mari mʉ sru yoaa timai. Á jina Cohamacʉ Moise cjirote to dutirire mari masiri baharo tí dutiare yʉhdʉrʉca duamai. Tí dutia mariachʉ yʉhdʉrʉca duaeraboa. Á jina tí dutiare mari masiri baharo ñaare tuaro yoamai mari. Á mari ñaare yoana mari pichacapʉ wahahtinata jia timai. 6 Á wahaborina jipanahta Cristo yaina jina mipure tí dutia mehne jieraja mari. Á jiro Espíritu Santo mari mehne jiriro marine noaa sehere cohtotachʉ yoara. To á yoachʉ panopʉ macaa dutia mʉna dutia to joari cjiри tí mehne jieraja mari mipure.

To ñaa yoari cjirire yahuha Paulo

7 ¿Á jina Cohamacʉ Moise cjirote to dutirire dohse nibocari mari? ¿Tí to dutia ñaa jicari, mʉsa tʉhotuchʉ? Jierara. Tí yʉhʉre to dutiri mehne ñaare masii. Á jicʉ to dutia mariachʉ ñaare masieraboa yʉhʉ. To dutia ó sehe jira. “Paina yapure tuaro cahmaena tjiga”, niha to dutia. Ti á nierachʉ paina yapure tuaro ti cahmari ti ñaa jichʉ masieraboa yʉhʉ. 8 Á jicʉ tí dutiare yʉ masiri baharo paina yapure tuaro cahmaa tii

yuhu. Tí dutiare masierasinicu paina yapure tuaro yu cahmari ti ñaa jichu masieraboa yuhu. 9 To dutiare yu noano masihto pano á tħotunocai. To dutiare yu masiri baharo pinihta tuaro ñaare yoa duamai. Á jicu pichacapu yu wahahtore masia tii. 10 Á jia Cohamacu dutiare yuhdūrūcaeraa masa tiro mehne noano jirucuboa. Á jia tí dutia sehe noano jirucuchu yoabori dutia jipahta yu yuhdūrūcari buhiri yuhure pichacapu waha dutimare. 11 Á jicu ñaare yoacu Cohamacu Moise cjiroke to dutiare yuhdūrūca duamai. Ñaare goa pjariro jicu noaare masierahi. Tí ñaa yuhure dojomehnere. Á jicu noano masierahi. Á masieracu Cohamacu dutiare yuhdūrūcrai. Á jicu to dutiare yu masiri baharo yu ñaa buhirire pichacapu yu wahaborirore masii. To dutia mehne á masii.

12 Á jia Moise cjiroke Cohamacu to cūri dutia noaata jira. Á jia quihōno jiata nina tí dutia. 13 ¿Á jipahta marine tí noaa dutia sehe pichacapu wahachu yoajari? Jierara. Tóp u wahachu yoarerara. Mari ñaa yoaa sehe marine pichacapu wahachu yoara. To dutiare mari masiri baharo tí dutiare yuhdūrūcana ñaare yoana masija mari. Á jina mari ñaina mari jiare masina mari pichacapu wahahto cāhure masija mari. Á jina to dutiare masina mari yuhdūrūcarire ti ñaa yuhdua jichu masija mari.

14 Cohamacu to dutiare Moise cjiroke cūha. Tí to cūa noaa ti jichu masija mari. Wiho mejeta yuhu sehe paina yoaro seheta ñariro jija. Á jicuta ñaare yoarucuca yuhu. 15 ¿Dohse waharo nijari yuhure? Ne noano masieraja yu yoaare. Yu yoa dua sehere ne yoadera, yu tuaro yoa duaeraa sehere yoaja yuhu. 16 Ñaare yoa duaerapaita ñaare yoaja yuhu. Tíre yoacu Cohamacu dutia noaa dutia ti jichu masija yuhu. 17 Á jicu mipure yuhu waro tí ñaare yoamerama. Wiho mejeta yu tħotuapu jia ñaa tí sehe yuhure ñaare yoachu yoara. 18 Noaare tuaro yoa duapaita ne bihoeraja. Ahri yahpa macariro jicu yu tħotuapu ñaa dihta jira. Ne noaa mariaputiara. Á jicu noaare tuaro yoa duapaita ne bihoeraja. Ñaa sehe yuhure dojomehne mujana. 19 Noaa yu yoa dua sehere yoadera yuhu. Ñaare yu yoa duaeraa sehere yoaja. 20 Yu yoa duaeraare yoacu mipure yuhu waro tíre yoamerama. Yu tħotuapu jia ñaa tí sehe yuhure ñaare yoachu yoara.

21 Á jiro yuhure ó sehe wahara: Noaare yu yoa duapachuta yu tħotuapu ñaa jira. Á jicu noaa sehere ne yoa masieraca. 22 Cohamacu Moise cjiroke to dutirire yu tħotua mehne tuaro

cahma, quihōno yoa duamaja. **23** Æ jicʉ yʉhʉ ahrire yʉ basi masija: Yʉ tʉhotua mehne noaare Cohamacʉ dutiare yoa duaja. Æ yoa duapaihta yʉ basi ñaare tuaro yoa duaca. Yʉ mʉ sʉro ñaare duhu masieraja yʉhʉ.

24 Æ ñaare duhu masieracʉ pjachoriro jija yʉhʉ. Ñaare yoacʉ pichacapʉ wahaihca yʉhʉ. Cuenah. ¿Yʉhʉre pichacapʉ waha dutia ñaare noa yʉhʉre yʉhdobasabocari? **25** Jesucristore yʉ wacʉ tuachʉ tiro sehe ñaa yʉ yoari buhirire yʉhdobasarohca. To ã yoachʉ Cohamacʉre “Noana”, nija yʉhʉ. Æ jicʉ mipʉre yʉhʉ yʉ basi yʉ tʉhotua mehne Cohamacʉ dutiare quihōno yoa duamaja. Æ yoa duariro jipacʉta yʉ pjacʉ mehne yʉ mʉ sʉro ñaare duhu masieraja.

Espíritu Santore cjʉaina ti jia tiare yahuha Paulo

8 **1** Mipʉre Jesucristo yainare ti buhiri tiboro mariahna. **2** Æ jiro Jesucristo yairo yʉ jichʉ Espíritu Santo ã catirucuchʉ yoariro ñaare yʉhdurʉcachʉ yoara yʉhʉre. Ñaare yʉhʉre yʉhdurʉcachʉ yoaro yʉhʉre pichacapʉ wahaborirore yʉhdore tiro. **3** Cohamacʉ Moise cjirote to dutiare mari mʉ sʉro ne yoa pahñosi. Æ yoa pahñoyerana yʉhdurʉcaina jija mari. Æ jina tí dutia yooa mehne ne yʉhdusi mari. Mari ã jiina jipachʉta õ sehe Cohamacʉ marine yʉhdorohca. To macʉnore mari yoaro seheta pjacʉ tihtirore warocaha, mari buhiri tiare buhiri tihtiro cjihtore, marine yariabasahtiro cjihtore. Æ jiro mari tʉhotuapʉ jia ñaare tiro duhuchʉ yoari jire. **4** Æta yoare Cohamacʉ dutiare to tuaa mehne mari bihohto cjihtore. To dutiare bihoina jina mari mʉ sʉro jieraja. Espíritu Santo to yoadohoa mehne to dutiro seheta yoaja mari.

5 Ñaare yoa duaina, tí dihtare goa pjara. Espíritu Santo to dutiro seheta yoarucuina sehe tí to dutia dihtare wacʉ nʉnʉ, yoa duara tina. **6** Ñaa dihtare goa pja, wacʉ nʉnʉina pichacapʉ wahaahca. Espíritu Santo to cahmano seheta tuaro yoa duaina sehe jipihtia dachoripe Cohamacʉ mehne ã catirucuahca. Æ jia tina Cohamacʉ mehne noano jinocaahca. **7** Ñaa dihtare goa pja, wacʉ nʉnʉina Cohamacʉre ñʉ tuhtira. Tina Cohamacʉ dutiare ne yʉhtierara. To dutiare yʉhti duaerara. Yʉhtia cūhʉ bihoeraboa tina. **8** Æ jia ti mʉ sʉro yoaina Cohamacʉre wahchechʉ yoa masierara.

9 Wiho mejeta mʉsa sehe mʉsa tʉhotuapʉ jia ñaare yoarerara. Espíritu Santo mʉsa mehne to jichʉ to cahmano seheta yoara

musa. Å jia Espíritu Santore cjuaeraina sehe Cristo yaina jierara. **10** Musa sehe to yaina jira. Musa ñaa buhirita musa pjacuri yariara. Å musa pjacuri yariahtina jipanahta Cristo musa mehne to jichu tiro mehne to ya catia mehne å catirucunahca musa. Cohamacu musare “Buhiri marieina, noaina jira”, to ni ñuchu musa tiro mehne å jirucunahca. **11** Cohamacuta Jesure masori jire. Å masoriro jiro Espíritu Santo mari mehne to jirucuchu mari yariari baharo Cohamacu mari cöhure masonohca. Å masono wahmaa pjacuri wahachu yoarohca marine. Jesure to masoriro seheta masonohca mari cöhure.

12 Yü coyea, to å yoachu ñuna ñaa mari goa pjarire yoaena tjijihna. **13** Mari ñaare yoaina jina, pichacapu wahahtinata jinocanata nije. Espíritu Santo to yoadoho mehne ñaa yoaare duhuna, jipihtia dachoripe Cohamacu mehne jirucunahca.

14 Jipihtina Espíritu Santore yühtiina Cohamacu pohna jira. **15** Espíritu Santo mari mehne to ji ducachuta Cohamacu pohna ji ducái. Wiho mejeta tiro marine dutipe, dahrachu yoahktiro jierara. Å jina panopu mari cuiro sehe mipu sehere mari cuieraja. To pohna jina, Espíritu Santo to yoadoho mehne mipure “Yü Pucu”, nije mari Cohamacure. **16** Å jiro Espíritu Santo mari wacüapu marine õ sehe ni masichu yoara: “Potocäta Cohamacu pohna jija mari”, ni masichu yoara. **17** Å jina to pohna jina, Cohamacu jipihtiare to pohnare “Waihtja”, to nirire mari sehe cjuanahca. Jesucristo cöhü cjua, mari cöhü cjuanahca tíre. Cristo yare mari yoari buhiri ñano yühdüina jina mari tiro mehne muhanopu noano wahchea mehne jinocanahca. Å jina Cohamacu to pohnare to “Waihtja”, to nirire cjuanahca mari Cristo mehne.

18 Mipure ahri yahpae ñano yühdusinija mari. Baharopure mari muhanopu noano jinocanahca. Å jina mipure ñano yühduna, pjíro cahya tühotuena tjijihna. Ahri mari ñano yühdüa wiho waro jira. Baharo noano jinocanahca Cohamacu mehne. Å jina tuaro wahchenahca. Ahri pini wiho waro jierara. **19** Cü nümü Cohamacu to pohnare cohtotarohca. Buhiri marieina, yariaerahtina, noaina waro jichu yoarohca marine. Mari å wahachu jipihtia Cohamacu to bajuamehneri cjiri cöhü wahma dihta cohtota pihtia wahaahca. **20** Jipihtiro pure to bajuamehneri noaa ti jiborire dojomehneha masuno ñano yoa ducaro. Ti mu súro å wahaeraha. Masuno Cohamacure to yühdürücaro mehne to bajuamehneri å wahaha. Å jiro Cohamacu to bajuamehneri

cjirire āta ñano ji dutisiniha. Baharo to bajuamehneri cjirire noaa wahachʉ yoarohca tjoa tiro. 21 Ā jiro Cohamacʉ to bajuamehneri cjirire baa pihtiborire noaa wahachʉ yoarohca tjoa. Cohamacʉ pohnare noaina to wahachʉ yoariro seheta, tinare noano to yʉhdoriro seheta noaa wahachʉ yoarohca Cohamacʉ to bajuamehneri cjirire cāhure. 22 Jipihtia Cohamacʉ to bajuamehneri cjiri ñano ti ji dʉcari baharo ñano yʉhdʉa tiha. Numino niji wahcōno to ñano yʉhdʉro seheta to bajuamehneri cāhʉ dachoripe ñano yʉhdʉrucura. Tíre mari masija. 23 Ā yoa mari cāhʉ to bajuamehneri cjiri yoaro seheta ñano yʉhdʉja. To yaina mari wahachʉ, Cohamacʉ to yairo Espíritu Santore dóihta ware marine. Ā jina “‘Waihtja’, to niriro seheta sohtori tirohca”, ni masija mari. Ā jina noaa sehere marine to cohtotahtore tuaro waro cohtaja. Ā yoa to pohna mari tiro mehne mari noano jihto cāhure tuaro cohtaja mari. Tuhsʉ, wahma pjacʉre marine to wahto cāhure tuaro cohtaja. 24 Mari ā cohtaina jichʉ, tirota marine pichacapʉ wahaborinare yʉhdore. Tiro cahapʉ jirina jina tiro cahapure mari wahahtore cohtaeraboa mari. Marine to yʉhdo tuhsʉri baharo tíre cohta namoeraboa. 25 Ā jina to wahtire ñuerapanahita Cohamacʉ marine to yʉhdohtore cohtana, noano mehne ā cohtarucuja.

26 Ā yoa Cohamacʉre wacū tuaera cureina to cahmaare noano masieraina ji ja mari Ā jina tirore quihōno siniina cāhʉ jieraja mari. Wiho mejeta mari ā jiina jipachʉta, Espíritu Santo sehe marine yoadohora. Marine tuaro pja ñuño mari ya cjihtire durucuro marieno to tʉhotua mehne tiro Cohamacʉre tuaro sini payobasara. 27 Cohamacʉ to cahmano seheta mari Jesu yaina ya cjihtire sini payobasara tiro Espíritu Santo. To ā sini payobasachʉ Cohamacʉ mari tʉhotuare masi pahñoriro jiro, Espíritu Santo to sini payobasaare masina.

Cristo to tuaa mehne ñaa yoaare yʉhdʉrʉcanahca mari

28 Ahrire yʉ yahuhtire masija mari: Jipihtina Jesure cahīna mari jichʉ to cahmaare yoahtinare besere marine tiro. Ā jiina mari jichʉ ñuño Cohamacʉ ā yoadohorucura marine. Ā jina mari ñano yʉhdʉpanahita ñano yʉhdʉrucu dojoaeraja. Ā jina Cohamacʉ yoadohoro mehne noano jinahca mari. 29 Cohamacʉ marine to yaina cjihtire dóipʉta masi, bese tuhsʉha. Ā besero to macʉno Jesu to yoaro seheta jihtina cjihtire marine cūha,

payʉ masa to macʉnore mari wahmi tihto cjihtore. **30** Panopʉ to yaina to ji dutirina mari jichʉ, to pohna mari jihtina cjihti cūhure beseha marine. Ā jiro marine to beserinare tiro “Buhiri marieina, noaina jira”, ni ñure. Marine to ã niinare tiro yoaro sehe jihtina cjihtire tiro mehne mʉanopʉ noano jichʉ yoarohca Cohamacʉ.

31 Tíre masina õ sehe tʉhotuja mari: Cohamacʉ marine to cahīnare ne paina ñʉ tuhtia bihosí. **32** Cohamacʉ mari ya buhirire yariahtirore to macʉnore warocaha. “Yʉ macure cahīja. Ā jicʉ tirore warocaeraja”, nieraḥa tiro. Marine ã tuaro yoadohoriro jiro, jipihtia marine dʉhsarire wa pahñonohca. **33** Cohamacʉ to beseina mari jichʉ, tiro marine “Ñaa buhiri marieina, noaina jira”, ni ñure. Mari ã jiina jichʉ paina marine “Ñaina jira”, ne ni yahusā masierara. **34** Cristo mari ya buhirire yaria masa mʉajaha. Mipure Cohamacʉ poto bʉhʉsehe sehei jira pʉhtoro jiro. Ā jiro tiro mari ya cjihtire potocāta sini payoro nina Cohamacure. Ā jia paina sehe marine ne buhiri dahre duti masierara Cohamacure. **35** Cristo marine to tuaro cahīchʉ paina tirore “Cahī tjia”, ne ni masierara. Cahī duhusi tiro. Mari ñano yʉhdʉpachʉta, mari cuipachʉta, paina marine ti ñano yoapachʉta, mari jʉca baapachʉta, suhti marieina mari jipachʉta, nu cuaroi mari jipachʉta, marine ti wajāpachʉta Cristo marine ã cahīrucurohca. **36** Cohamacʉ yare ti joari pūi mari ñano yʉhdʉhtore yahuro, õ sehe nina:

“Mʉ yaina sā jichʉ masa ñʉ jicoaeraa, ti wajāhtina ã jirucunata nija.

Oveja ti wajāhtina ti jiriro seheta sā cūhure ã wahara”,

ni joaa tiha Cohamacʉ yare ti joari pūi.

37 Ā jina mari ñano yʉhdʉpanahta Cristo marine cahīriro to yoadohoro mehne tí jipihtiare yʉhdʉ witinahca. Ā yʉhdʉna to yare ne duhusi mari. **38-39** Jesucristo yaina mari jichʉ ñuno Cohamacʉ sehe marine tuaro cahīna. Ā jiro tiro marine ne cahī duhusi. Mari yariachʉ cūhure, mari catichʉ cūhure, mipure, baharopʉ cūhure, tiro marine cahī duhusi. Ā yoa anjoa, watīa pʉhtoa, ahri yahpa macaina pʉhtoa, mʉano macaina, ahri yahpa macaina cūhʉ marine Cohamacure “Mʉ yainare cahī tjia”, nia bihosí tina. Cohamacʉ to bajuamehneri cjiripure tirore marine ne cahī duhuchʉ yoaa mariahna. Marine ne tiro cahī duhusi.

Israe masa Cohamacu to beserina jira

9 1-2 Yü coyea Israe masare wacūch tuaro cahyaja. Cristore cahmaerara tina. Å jicu ñano cahya yajeripohna tija yuhu. Tí yu ã ni yahua potocäta jira. Yuhu Cristo yairo tjiya. Å jicu m̄asare “Cahyaja”, yu nia sehe potocäta jira. M̄asare ã nicu mahñoi nieraja. Espíritu Santo yu ã mahñoeachu masino, yuhure “Quihōno m̄u cahyarire yahure m̄uhu” ni, yuhure masichu yoare. 3 Israe masa yu coyea yu ya yahpa macaina pichacapu wahaahca. Cohamacure tinare yuhdo duti duacu õ sehe ni duamaca yuhu sehe: “Ti ya buhirire yuhu sehe pichacapu wahaihtja. Å jiro ti yaro jiborirore yuhu sehere buhiri dahrejaro Cristo”, ni duamaca yuhu. 4 Tina yu coyea Israe cjiro panamana ji turiaina jira. Tinare to pohna cjihtire cūha Cohamacu. Tuhsu, to si sitea mehne ti watoi jia tiha. Tinare jipihtinare to noano wahachu yoaa cāhure yahu cū muhtaa tiha. Tuhsu, Moise cjiroke to dutiri cāhure dōiputa tinare Israe masareta cū muhtaa tiha. Tirore ti ño payohti macaa cāhure tinareta cū muhtaa tiha. Tuhsu, masare to yuhdohto cāhure yahu cūa tiha tinare Cohamacu. 5 Sā ya curuari waro doce curuari waro jira. Sā ñuchusuma ji muhtarina cjiripu ti panamana jia tiha. Ti panamana ji turiainapu jija sā Israe masa. Å jiro mari yoaro sehe pjacu tiriro taro, sā coyeiro Israe maseno waro jire Cristo. Tiro Cohamacuta jira. Å jiro tiro jipihtina bui p̄uhotoro jira. Jipihtia dachoripe tirore noano ño payojihna mari. Å ño payorucujihna.

6 Paina Israe cjiro panamana ji turiaina jipahta Cohamacu yaina waro jierara. Å jina tina to yaina ti jierachu ñuna õ sehe ni t̄uhotuboca m̄usa: “Israe masare yu yaina jichu yoaihtja”, neparota cāinare Cohamacu to niriro sehetu yoaerara”, ni t̄uhotuboca m̄usa. Å ni t̄uhotuena tjiga. 7 Õ sehe jira: Paina Abrahā panamana ji turiaina ti jipachuta “Abrahā panamana ji turiaina waro jira”, ni ñuerara Cohamacu tinare. Å jiro õ sehe nia tiha Cohamacu: “Mu macu Isaa panamana ji turiaina tina pinihta potocäta m̄u panamana ji turiaina waro jiahca”, ni yahu cūa tiha Cohamacu Abrahāre. 8 To ã ni yahu cūchua ahrire masinahca mari: Abrahā cjiro panamana jipihtina waro Cohamacu pohna jieraca. Cohamacu to ni cūrire noano t̄uhoina tirore wacū tuaina sehe tinata jica Cohamacu pohna. Å jia tinata jira Abrahā cjiro panamana ji turiaina waro.

9 Ó sehe niha Cohamacu Abrahā cjiore: “Pa cuhma ahri pja baroihta yu tjuu tachu mu namo Sara wihārirocāre cjuarohca mu macure”, nia tiha Cohamacu Abrahā cjiore. Ā nino Cohamacu Abrahā cjiro macuno to masa bajuahtore yahu cūyuro nia tiha.

10 Baharo Isaa cjiro namono Rebeca wama tircoro puaro pohna tia tiha. Ti puchro Isaa sā ñuchu cjiro jia tiha. 11-12 Ā jia ti pohna ti masa bajuerasinipachuta, noaare, ñaa cuhre ti yoaerasinipachuta Cohamacu ti pocoro cjihtore ò sehe nia tiha: “To bahero sehe to wahminore dutirohca. Ā jiro to puhtoro jirohca”, nia tiha ticorore. Cohamacu to cahmano seheta besera tiro. Ā jiriro jiro cuirocāre besero ticorore ãta ni yahua tiha. Ā jiro masa ti yoaare ñueraparota to cahmano seheta tiro to yaina cjihtire besera. 13 ãta ni joaa tiha to yare ti joari pui: “‘Jacobo sehere cahīa tihi. Esaú sehere cahīera tihi’, niha Cohamacu”, ni joaa tiha panopu.

14 ¿Tíre wacūna dohse ni tuhotubocari mari? ¿Ti yoahfire ñueraparota cuirore ã besero Cohamacu quihōno yoaro nierabocari, musa tuhotuchu? Jierara. 15 Ó sehe nia tiha Cohamacu Moise cjiore: “Diro yu pja ñu duariore pja ñuihtja”, nia tiha tiro Moise cjiore. Ā jiro cuirore ã besero quihōno yoaro niha Cohamacu. 16 Ā jina mari mu suro mari cahmano sehe Cohamacure marine pja ñuchu yoaeraja mari. Tuhsu, ne mari noaare mari yoari wapa cuhre marine pja ñuerara tiro. To mu suro to pja ñu duaina sehere pja ñuna. 17 Egípto macaina puhtoro farao cuhre to cahmano seheta yoaai tiha tiro. Ó sehe nia tiha Cohamacu faraōre: “Egípto macaina puhtoro cjihtore cui nii muhure yu tuare jipihtinare yu ñohto cjihtore. Tuhsu, jipihtia yahpari macaina yuhure ti masihto cjihtore puhtoro soi nii yuhu muhure”, nia tiha Cohamacu faraōre. Tó sehera nina Cohamacu yare ti joari pui. 18 Ā jiro to pja ñu duainare to mu suro pja ñuna tiro. Tuhsu, paina sehere to mu suro yuhtierachu yoara tiro. To cahmano sehera yoara tiro.

19 To ã yoariro jichu ñuna yuhu sehere ò sehe niboca musa: “Cohamacu marine to cahmano sehera to yoachu mari sehe tirore yuhdurucana bihos. ¿Mari ã yuhdurucana bihoerapachuta dohse jiro baro marine buhiri dahre duajari tiro?” ni susini sinutuboca musa yuhure. 20 Tíre ò sehe ni yuhtija musare: ¿Masa wiho jiina jipanahta Cohamacure tuhtijari musa? Dihi

biato dahrerirore “¿Dohseacʉ yuhure õ sehe jiri biato yoari mʉhu?” tí biato to ni sinituboriro sehetanina nica mʉsa Cohamacure. Tó sehe ni masierara mʉsa. 21 Dihbiato dahreriro dihi mehne to yoa duaro sehetayoara. Á yoaro cūria dihica mehne noaare cūhti biatore yoa masina tiro. Tia dihica mehneta wiho jiare cūhti biato cūhure yoa masina tiro. Tiro yoaro sehetanina Cohamacʉ cūhʉ to yoa duaro sehetayoara.

22 Á jiro Cohamacʉ pichacapʉ to cohāhtinare ti ñaa yoarire to ñʉ yabiare, to tuaa cāhure ñono taro, tinare dói buhiri dahre duamaha. Á dói buhiri dahre duaparota, yoari pja ti ñaa yoaare á ñʉnocasiniha. Á jiro tinare buhiri dahrerasiniha. 23 Áta yoaha Cohamacʉ noabiariro to jiare, to tuaa cāhure mari masihto cjihtore. Panopʉ marine to pja ñʉina cjihtire tiro beseri jire jipihtia to tuaare to noaa cāhure mari cjuahito cjihtosehe. 24 Á jina mari sehe to beserina jinata nija. Á jia to beserina sehe cāina judio masa dihta jierara. Cāina judio masa jieraina cāhʉ jira to beserina. 25 Áta nina judio masa jierainare Cohamacʉ yare Osea cjiro to joariro sehetanina:

“Pano yʉ yaina jieraina cjiri cāhure baharopʉ tinare
‘Yʉ yaina jira’, niihtja.

Á yoa pano yʉ cahīeraina cjiri cāhure baharopʉ
tinare ‘Yʉ cahīina jira mʉsa’, niihtja”,
nia tiha Cohamacʉ.

26 “Yʉ yaina jierara mʉsa”, Cohamacʉ to nia yahpari
macaina tina Cohamacʉ catiriro pohnata
jiahca”,

ni joaa tiha Osea cjiro panopure. 27 Tuhsʉ, panopʉ macariro Isaia cjiro cāhʉ Israe masare õ sehe ni yahua tiha: “Pjiri ma macaa padʉ yaparicāre mari quihōna bihoeraja. Israe masa tí yaparicā peri payʉ ti jiro sehe jiina ti jipachʉta mahainacā Cohamacʉ yuhdorohca tinare. 28 Cohamacʉ ahri yahpa macainare payʉ masare to nino sehetanina cjiro mehne potocāta buhiri dahre bahrañonohca”, nia tiha Isaia cjiro. 29 Á yoa pari turita Isaia cjiro õ sehe ni joaa tiha tjoa:

“Mari pʉhtoro jipihtina bui pʉhtoro mahainacā mari
mehne macainare yuhdoeraro, marine judio
masare jipihtinare butichʉ yoaboa tiro.

Sodoma macainare, Gomorra macaina cāhure to
butichʉ yoariro sehetanina mari cāhure butichʉ
yoaboa tiro”,

ni joaa tiha Isaia cjiro yu coyea Israe masare.

Judio masa noaa buheare cahmaeraha

30 Å tjira. Å jina ahrire masi namoga m̄usa: Judio masa jieraina Cohamac̄re macaerapahta tirore bocare. Jesucristore ti wacū tuach̄ ñuno, “Buhiri marieina, noaina jira”, ni ñure tinare Cohamac̄. 31 Wiho mejeta judio masa sehe “Cohamac̄ dutiare mari yoach̄ tiro marine yuhdorohca”, nia Cohamac̄ Moise cjiroke to dutiare yoapahta, bihoerare. Ti å bihoerach̄ ñuno, Cohamac̄ “Noaina jira”, ni ñuerare tinare. Å jia noaina ji duapahta bihoerare. 32 Õ sehe yoaa, tina bihoerare: Tina Cohamac̄re wacū tuaro marieno ti mu s̄uro Moise cjiroke to dutirire yoa duamare, to yaina ji duaa. Mari piti dahre buhech̄ Cristo tāca yoaro sehe jiriro jira. Ti mu s̄uro yoainare Cristo p̄ha tu borach̄ yoari tāca yoaro sehe jiriro jira. M̄roca wahcāriro sehe tācap̄ p̄ha tu, bora su caharo to wacū wahcānop̄re ne s̄uerara. (P̄ha tu borariro yoaro sehetia tina Cristore tāca yoaro sehe jirirore cahmaeraina Cohamac̄ cahap̄ ne s̄usi.) 33 Åta ni joaa tiha Cohamac̄ yare ti joari p̄ui:

“Jerusalē wama tiri macai p̄ha tu borach̄ yoari
tāca yoaro sehe jirirore cūja.

Mari piti dahre buhech̄ õ sehe jira: M̄roca
wahcāriro tācap̄ doca wahā su bora su caharo
to wacū wahcānore s̄uerara.

Tāca yoaro sehe jirirore cahmaeraina sehe tiare
p̄ha tu bora, ti wacū wahcānop̄re ti s̄ueraro
sehetia Cohamac̄ cahap̄ s̄usi.

Wiho mejeta tirore wacū tuaina sehe tiro mehne å
wahcherucuahca”,

ni joaa tiha.

10 ¹ Yu coyea, Israe masare pichacap̄ wahaborinare Cohamac̄ to yuhdohtore, tuaro yu yajeripohna mehne cahmasāamaja yuhu. Å jic̄ Cohamac̄ tinare to yuhdohto cjihtore sini payoja yuhu. ² Potocāta tina Cohamac̄ cahmaare tuaro yoa duamana. Å yoa duapahta to cahmaa warore masierara. ³ Tuhs̄, tinare Cohamac̄ to noaina wahach̄ yoaborire tina t̄ho ñahaerare. Å t̄ho ñahaeraa, ti mu s̄uro noaare yoa duapahta bihoerare. Ti å yoach̄ tinare Cohamac̄ to wacū tua dutiriro sehetia ti yoaerach̄ ñuno, tiro sehe tinare “Noaina jira”, ni ñuerare. ⁴ Wiho mejeta Cristore wacū tuaina

sehere “Noaina jira”, ni ñuna Cohamacu. Á jina dutia yoaa mehne yuhdheraja mari. Cristo mehne yuhduja.

5 Moise cjiro panopu macariro õ sehe ni joaa tiha: “Cohamacu to dutirire ne ceno dëhsaro marieno mari yoa pahnochu Cohamacu yuhdorohca marine”, ni joaa tiha tiro. 6-7 To á ni joapachuta mipure masa Cristore ti wacu tuachu ñuno Cohamacu tinare “Noaina jira”, ni ñuna. Tí buhea noaina ti wahachu yoari buhea õ sehe ni yahura: Cristo to basi ahri yahpapu wihi tuhsuri jire. Tuhsu, masa mija tuhsuri jire. Á jina õ sehe ni tåhotuena tjiga musa: “¿Diro sehe muanopu Cristore na tabasaro wahabocari marine to yuhdohto sehe? ¿Diro sehe yariaina cahapu Cristore masobasa na tabocari? Tirore na taboriro mariahna”, ni tåhotuena tjiga musa. 8 Ó sehe ni yahura Cohamacu yare ti joari pui: “Cohamacu ya buheare mari macachu to buhea õi jira. To buheare masi tuhsura musa. Á yoa to buheareta durucua tire musa”, ni joaa tiha. Tí buheare Cristore wacu tuaa buheare masare yahuja sã. 9 Tí buhea õ sehe ni yahura: “Jesu mari puhtoro jira”, ni mari yahuchu, “Cohamacu Jesure yariariro cjirote potocata masore”, ni mari wacu tuachu, Cohamacu marine pichacapu wahaborinare yuhdorohca. 10 Jesure mari wacu tuachu Cohamacu sehe marine “Noaina jira”, ni ñunohca. Jesure mari wacu tuaare painare mari yahuchu tiro marine pichacapu wahaborinare yuhdorohca.

11 Ó sehe nina Cohamacu yare ti joari pui: “Cohamacu wacu tuaina tirore ti wacu tuaa mehne ne cahyasi”, niha Cohamacu yare ti joari pui. 12 Judio masare, judio masa jieraina cöhure Cohamacu ceno potorita yoadohora. Mari puhtoro jipihtina bui puhtoro jira tiro. Á jiro tirore to yoadohoare siniinare jipihtinare noano waro yoadohorohca tiro tinare. 13 Ó sehe ni joaa tiha panopure: “‘Yu buhiri tiare cohäbasa, yuhure yuhdoga’, ni mari puhtorore masa ti sinichu tinare pichacapu wahaborinare mari puhtoro yuhdorohca”, ni joaa tiha Cohamacu yare. 14 Wiho mejeta masa sehe Cristore wacu tuaeraa, tirore á ni sini masierara tina. Tuhsu, to buhea cöhure tuhoeraa, tirore wacu tua masierara. Á yoa to buheare yahuriro mariachu cöhure tira tina masisi. 15 Tuhsu, to buheare yahuhtinare Cohamacu sehe to warocaerachu to buheare yahu masierara. Á ni joaa tiha Cohamacu yare ti joari pui: “Noa

buheare yahuhtina ti tachu noano wahcheja mari”, ni joaa tiha panopure.

16 Tí ã ni joari jipachuta masa payu noaa buheare tuho duaerara. Áta ni joaa tiha Isaia cjiro: “Yu puhtoro, tinare mari yahurire tina ne tuho duaerare”, ni yahua tiha Isaia cjiro Cohamacure. 17 Á jia masa noaa buheare tuhoa Cristore wacu tuare. Ti tuhoa sehe noaa buhea sehe Cristo ya buhea waro jira.

18 Á jicu ahrire ò sehe ni sinitu ñu duaja musare: ¿Israe masa Cohamacu yare tuhoerari, musa tuhotuchu? Potocáta tina tuhoa waro tuhomare. Áta nina Cohamacu yare ti joari pu cuhu:

“Cohamacu noa putiariro to jia tiare yahuina
jipihiropu yahu sitea wahare.

Á jia jipihiro macainapu to yare tuho sahseare”, ni joaa tiha panopure. 19 Pari turi musare ò sehe ni sinitu ñu duaja tjoa: ¿Israe masa tuhopahta noano masierari tina, musa tuhotuchu? Masia timaha tina. Ahrire yahu namocu Moise cjiro to nirire yahu muhtaihtja. Ò sehe ni joaa tiha tiro:

“Ó sehe ni yahura Cohamacu Israe masare: ‘Tuho
masieraina, ñaina jira”, ni musa ñuhina sehere
yu yaina cjihti wahachu yoaihtja.

Yu á yoachu musa sehe tina mehne sua, tinare ñu
tuhtinahca.

Á yoacu musare suachu yoaihtja yuhu’, ni yahure
Cohamacu Israe masare Israe masa jierainare to
yaina jichu yoaro taro”,

ni joaa tiha Moise cjiro. 20 Tuhsu, Isaia cjiro cuhu cuiro
marieno ò sehe nia tiha:

“Ó sehe nina Cohamacu: ‘Yuhure macaeraina sehe
yuhure bocahre.

Á jicu yuhure cahmaerainare tinare yuhure masichu
yoahi yuhu’, nire Cohamacu”,

ni joaa tiha Isaia cjiro judio masa jierainare. 21 Tuhsu, Israe
masa sehere ò sehe ni joaa tiha Isaia cjiro: “Ó sehe nina
Cohamacu: ‘Tina yuhure yuhdurucaina, yuhure cahmaeraina
jira. Á jicu tinare ti ñaare cahya duticu “Yu yaina wahaga”,
á nirucumai tinare. Wiho mejeta tina sehe yuhure ne yuhti
duaerare’, nire Cohamacu”, ni joaa tiha Isaia cjiro.

**Mahainacā Israe masare pichacapū wahaborinare
yuhdorohca Cohamacū**

11 1 ¿Ã jiro Israe masare Cohamacū to beseina cjirire cohāno niri tiro, mūsa tūhotuchū? Jierara. Tinare cohāerare tiro. Yuhu cūhū Israe masuno, Abrahā panamino ji turariropū jija. Benjami ya curua macariro jija yuhu. 2 Panopure Israe masare to ya curua macaina cjihtire Cohamacū besea tiha. To ã beserinare cohāerare. Cohamacū yare ti joari pūi Elia cjiro ya quitire yahura. ¿Elia cjiro Cohamacūre sinino, Israe masare to yahusārire masierajari mūsa? Ó sehe ni yahusāha tiro: 3 “Yū pūhtoro Cohamacū, tina Israe masa mū yare yahu mūhtainare wajāre. Tuhsū, tinata paina mūhure ño payoa taa, wahiquinare wajā jū mūoa tuhuri cūhure cohāre. Ñ jicū yuhu dihta mū yairo dūhsaja mipure. Yū ã jichū tūhoa yuhu cūhure wajā duara tjoa, mipure”, niha Elia cjiro Cohamacūre. 4 To ã nichū tūhoro Cohamacū sehe õ sehe ni yuhitiha Elia cjirore: “Siete mil waro mūa yū yaina jira mipure. Tinare wihiboi yuhu. Tina yū yaina sehe Baal wama tiri masure ne ño payoera tire tina. Ñ jicū cuii tjiga mūhū”, nia tiha Cohamacū Elia cjirore panopure. 5 Tí pjare Elia cjiro to jia tiri pjapure to yaina masare to beseriro seheta mipū cūhure mahainacā Israe masare to yaina cjihtire besere Cohamacū. Cohamacū tinare cahmano tinare pja ñūno besere. 6 Noaare ti yoari wapa tinare besero nierare. Tinare ã cahmano, pja ñūno besere. “Noaare mūsa yoari wapa mūsare beseihtja” nino, tiro tinare potocāta pja ñūno nieraboa.

7 Ñ yoa õ sehe jira: Israe masa Cohamacū tinare “Noaina jira”, to ni ñūchū yoa duapahta tina cūno pjaerare. Wiho mejeta Cohamacū to basi to beserina sehe noaina to yaina wahare. Tirore cūno pjaeraina sehe to yare tūho duaerare. 8 Ñta nia tiha Cohamacū yare ti joari pūi:

“Cohamacū tirore cahmaerainare to yare tūho
ñahaerachū yoare.

Ñ jiro potocā jiare ti tūhopachūta tinare ne noano
tūho ñahaerachū yoare Cohamacū.

Ñta jirucura tina mipū cūhure”,
ni joaa tiha panopure. 9 Ñ yoa panopū macariro Davi cjiro Israe masa Cohamacūre ti cahmaerari buhiri õ sehe nia tiha Cohamacūre:

“Tina Israe masa ti bose nūmūri, ti wahchea nūmūri
 ti yūhdoro wato, yurica ñahñoriro to ñano
 yūhdūro seheta tina cāhure ñano yūhdūchū
 yoaga.

Tó sehe yoainare tinare ñano buhiri dahrega mūhu.

10 Tuhsū, mū yahuare tinare ne tūho ñahaerachū
 yoaga mūhu.

Ã buhiri tirucuina ji, ã cahyarucuina jijaro tina”,
 nia tiha Davi cjiro Cohamacure.

**Judio masa jierainare pichacapū wahaborinare
 yūhdorohca Cohamacū**

11 ¿Judio masa Cristore ti cahmaerachū ñūno, Cohamacū
 tinare cohāno warota nibocari, mūsa tūhotuchū? Cohāsi tinare.
 Ñ cohāeraparota tina Cristore ti cahmaerachū mipūre judio
 masa jieraina sehere Cohamacū yūhdorohca. Mipūre tinare
 to yaina jichū yoare Cohamacū. To ã yoachū ñua cāina judio
 masa sehe tina mehne sua sayo, Cohamacū yainata ji duaahca.
12 Judio masa ti yūhdūrūcachū ti noano yoaerachū paina
 sehere ahri yahpa macainare cāinare Cohamacū yūhdore. To ã
 yūhdochū tina sehere noano wahare. To ã yoariro yūhdoro,
 baharo judio masa sehe Cristore ti noano wacū tua dūcachū
 pinihfare ahri yahpa macainare jipihtropūre noaputiaro
 waharohca.

13 Mipūre mūsare judio masa jierainare yahui tai nije.
 Cristo cūre yūhure judio masa jierainare buhehtiro cjihtore.
 Ñ jia yū dahraa sehe wiho jia jierara. **14** To cūriro sehetu yūhu
 mūsare buheja, yū coyea judio masa sehere mūsare ti ñu cūchū
 yoa duacū. Cohamacū yūhdorina mūsa jichū ñua tina cūhū
 Cristore cahmaa, to yūhdoina wahaboca. **15** Judio masare
 cohābo curero, judio masa jieraina sehere noaa buheare
 Cohamacū yahu dutire. Tí buheare ti tūhori baharo Jesure ti
 wacū tuari baharo cāina judio masa jieraina, jipihtiro ahri
 dacho macaina Cohamacū yaina wahare. Ñ jiro judio masare
 to cohābo curechū noano wahare paye yahpari macaina sehere.
 To ã yoariro yūhdoro judio masa to cohābo cureina cjirire pari
 turi to yaina cjihti to yoachū pinihfare jipihtinapūre ahri yahpa
 macainare noaputiaro waharohca. To yaina cjihti pari turi ti
 wahachū, jipihtinapū to yaina yariaina cjiri sehe pari turi ti
 masaboro sehetu jirohca.

16 Ó sehe jira: Trigo yəbə mehne wahma pāoca ti yoaria Cohamacʉ yaria cjihto Cohamacure ti wachʉ, tiare ti yoā dūhari yəbə cāhʉ to yariata jira. Tuhsʉ, yucʉcʉ nəhcori cāhʉ Cohamacʉ ya nəhcori cjihti jia, tʉ dəpəri cāhʉ Cohamacʉ yata jira. Ó sehe mari ni piti dahre buhechʉ Abrahā sā ūnchʉ cjiro Cohamacʉ yairo to jiriro seheta to panamana ji turiaínarʉ cāhʉ Cohamacʉ yaina jiahca Cristore wacū tuaina jia. Yoā dūhari yəbə cāhʉ to yariata jica. Tuhsʉ yucʉcʉ nəhcori cāhʉ Cohamacʉ ya nəhcori cjihti jia, tʉ dəpəri cāhʉ Cohamacʉ yata jica. Ó sehe mari ni piti dahre buhechʉ, Abrahā sā ūnchʉ cjiro Cohamacʉ yairo to jiriro seheta to panamana ji turiaínarʉ cāhʉ Cohamacʉ yaina jira, Cristore wacū tuaina jia.

17 Ti ã jihtina jipachʉta cāinare ti coyea sehere judio masare Cohamacʉ cohāre. Olivo wama tidʉ dəpərire cāa dəpərire to dūte cohāboro seheta cāina judio masa sehere Cohamacʉ cohāre. Æ yucʉcʉ dəpərire cohāno to cohāri dəpəri jiriro cjiroi paye dəpərire nəcʉ macadʉ olivocʉ dəpərire cohtota duhu ōhre. Tó yoaro seheta Cohamacʉ məsare judio masa jierainare Abrahā panamana ji turiaína cohtotare məsare, məsa cūhure yəhdoro taro. 18 Məsare to ã cūchʉ “Judio masa yəhdoro noaina jija sā”, ni təhotuena tjiga. Ahrire yə yahuhtire wacūga məsa: Judio masa sehere bese məhtaha Cohamacʉ. Æ besero ti coyeiro cjihtore cūha Cristore, məsare yəhdoro taro. Æ jina “Judio masa yəhdoro noaina jija”, ni təhotuena tjiga məsa.

19 Məsa judio masa jieraina sehe ò sehe niboca: “Cāa ūnaa dəpərire to cohāboro seheta Cohamacʉ cāina judio masare cohāre. Paye dəpərire cohtota to òno seheta to yaina marine cūno taro ã cohāre tinare”, niboca məsa judio masare yəhdurʉca duana. 20 Tí məsa nia potocāta jira. To ã jipachʉta tina Jesure ti wacū tuaerari buhiri Cohamacʉ cohāre tinare. Æ jiro məsa cūhure Jesure məsa wacū tuaerachʉ to yaina cjihti məsare cūeraboa. Æ jina “Judio masa yəhdoro noaina jija sā”, nienā tjiga məsa. Æ nieranata “Cohamacʉ cua pisariro jira”, ni təhotuga məsa. 21 Olivocʉ ji məhtaa dəpəri waro yoaro sehe judio masa sehe Cohamacʉ yaina ji məhtaha. To cohtotaa dəpərire to òboro seheta Cohamacʉ to yaina məsa sehere cohtota cūha. Wiho mejeta to yaina ji məhtaina judio masa tirore ti wacū tuaerachʉ, cāinare cohāre. Tinare to cohāriro seheta məsa cūhure cohānohca, tirore məsa wacū tuaerachʉ. 22 Cohamacʉ məsare noano yoariro to jichʉ masiga məsa. Tuhsʉ, cua pisaro

mehne buhiri dahreriro to jichʉ cāhure masiga mʉsa. Tirore ño payoerainare tiro buhiri dahrerohca. Å jiro tirore mʉsa ño payoerachʉ olivocʉ dʉpuri warore to cohāriro cjiro sehetu mʉsa cāhure cohānohca Cohamacʉ. 23 Å yoa judio masa to cohābo curerina cjiro Cristore ti wacū tua dʉcachʉ ñʉno, olivocʉ dʉpuri warore pari turi to duhu ñono sehetu Cohamacʉ to yaina cjihti yoarohca tinare. Cohamacʉ to å yoa masihti cjihtireta tuaare cjhara tiro. Å jiro tiro tinare cāinare to yaina cjihti yoarohca. 24 Mʉsa judio masa jieraina jina, nʉchʉ macadʉ olivocʉ dʉpuri yoaro sehe jira mʉsa. Å jiina mʉsa jipachʉ olivocʉ toadʉ nʉchʉ macaa dʉpuri to na ta ñboro sehetu, Cohamacʉ mʉsare to yaina cjihti yoahre. To å yoachʉ, ne mijoeerare tirore. Judio masa Cohamacʉ to bese mʉhtarina jira. Olivocʉ toadʉ dʉpuri waro yoaro sehe jira tina. Å jiro ti jidʉ waro cjiopure pari turi to duhu ñboro sehetu to yaina cjihti pari turi judio masare to yoachʉ, ne mijoeerara tirore.

Baharo judio masare pichacapʉ wahaborinare yʉhdorohca Cohamacʉ

25 Yʉ coyea, ahrire masa ti masieraare mʉsare yahuhihtja. “Mipure sā dihtare besere Cohamacʉ. Cohamacʉ sā masi yʉhdurʉcʉ suchʉ ñʉno, tiro sāre besere”, mʉsa ni tʉhotuerah sehe ahrire yahuhihtja mʉsare. Ó sehe jira: Mipure payʉ judio masa Cohamacure tʉho duasi. Wiho mejeta payʉ judio masa jierainare Cohamacʉ to quihōriro puro to yaina to yoari baharo judio masa cāhʉ tirore cahma dʉcaahca. 26 Ti å cahmachʉ judio masa payʉ warore pichacapʉ wahaborinare Cohamacʉ yʉhdorohca. Cohamacʉ yare ti joari pūi åta ni yahu joaa tiha:

“ ‘Jerusalē wama tiri macai judio masa ya macai
tinare yʉhdohtiro tarohca.

Jacobo panamana ji turiajinare ti ñaa yoari
buhirire tiro cohānohca.

27 Tinare yʉhdoci panopʉ tinare yʉ ni cūriro sehetu
yoai nija’, nire Cohamacʉ”,
ni joaa tiha Cohamacʉ yare ti joari pūi.

28 Mipure tina judio masa Cristo yare ño payoeraina
Cohamacure ñʉ tuhtira. Ti å yoachʉ mipure mʉsa sehe judio
masa jieraina Cristore wacū tua dʉcare. Judio masa sehere
Cohamacʉ bese mʉhtarri jire. Judio masa ñuchʉsʉma cjiro to
beserina ti jichʉ mipʉ jiina judio masa cāhure tiro cahīna.

29 Cohamacu to ni cûriro seheta tinare to beseriyo seheta quihõno yoarohca tiro. To nirire ne bosi tiro. **30** Panopure musa cûhu Cohamacure yuhdurucari jire. Mipure judio masa Cohamacure ti yuhdurucachu ñuno tiro musa sehere pja ñuno yuhdore. **31** Mipure judio masa tirore yuhdurucare. Ti ã yoapachuta Cohamacu musare to pja ñuriro seheta tina cûhure baharopure pja ñunohca. **32** Õ sehe jira: Jipihtina masare “Yuhure yuhdurucaina jira”, nina Cohamacu. ã jiro jipihtina tirore yuhdurucaina ti jichu ñuno jipihtinare pja ñu masina tiro.

33 Cohamacu tua yuhdurucu suriro jira. Noano masi pahñoriro jira tiro. ã jiro to tuhotuare, to yoarire marine noano masihto basioerara. **34** Õ sehe ni joaa tiha Cohamacu yare: “Cohamacu mari puhtoro to tuhotuare ne masa noano masierara. ã jia masa tirore ‘Õ sehe yoaga’, ni masierara. **35** ã jia masa Cohamacure paye barore ti wari baharo ‘Tiro marine wapamona’, ni masierara masa”, ni joaa tiha panopure. **36** Cohamacu jipihtiare yoaa tiha. Tuhsu, to tuaa mehne jipihtiare jisinichu yoara tiro. ã jia jipihtia to ya jira. To ã jiriro jichu jipihtia dachoripe tirore ño payojihna mari. ãta yoarucujihna.

Cohamacu cahmaare marine yoarucu dutiha Paulo

12 ¹ Cohamacu marine tuaro pja ñure. To ã pja ñuriro to jichu ñuna, yu coyea, musa sehe oveja noarirore ti ju wa muoriro seheta Cohamacure ti ño payoriro seheta musa cûhu tirore ño payorucuga, to yare musa noano yoarucuhto sehe. Musa ã yoachu, tiro wahcherohca. ãta yoaro cahmana marine, Cohamacure quihõno ño payona tana. ã jicu musare tire tuaro yoa dutija. ² Ahri yahpa macaina ñaa yoaina yoaro sehe yoaena tjiga musa. ã yoa musa tuhotuapure Cohamacu noaa tuhotua sehere to cohtota, cûchu, yuhtiga musa. ã yuhtina, noaa sehere tuh cohtotarina jinahca musa. ã yoana noaare, Cohamacu cahmaare, ñaa mariare, potocã jiare masinahca musa.

³ Cohamacu yuhure to yare yoa masichu yoariro buhe dutiro beseri jire yuhure. ã jicu jipihtina musare õ sehe ni tuhotu dutieraja yuhu. “Noabiaina ji yuhdurucaja sâ”, ni tuhotuena tjiga. ã tuhotunocahga. Jesure musa wacu tuari baharo, Cohamacu musa cainare noaare yoa masihtire to cûchu, “To yoadohoro mehne ahri noaare yoaja”, ni tuhotuina jiga musa.

4 Ó sehe ni yahu namoijtja yuhu m̄usare. Mari wamomacari, mari dahpori, mari capari jipihtiro mari pjaci jia payu jira. Mari pjaci jia cū pjaci jiparota soro jia dahraa cjhara. 5 Tí jiro seheta soro sehe jia dahraare cūna Cohamacu marine. Ā jina payu masa jipanahta Cristore wacū tuaina jina, to pjaci cū pjaci yoaro seheta cū curuata jija mari.

6 Cohamacu marine to yoadohoro purota to tuaa mehne yoa dutira. Ā yoaro marine cāinare soro jia mari yoahtire cūna tiro. To ā yoachu marine to cūrire mari sehe noano yoajihna. Ā jia Jesu yaina ó sehe yoajaro. Cāinare Cohamacu to yare yahuhtinare cūna. Ā jia tina Cristore ti wacū tuaro puro to yare noano yahujaro. 7 Cāinare Cohamacu m̄usare yoadohohtinare cūna. Ā jia tina m̄usare noano mehne yoadohojar. Cāinare Cohamacu m̄usare buhehtinare cūna. Ā jia tina m̄usare noano buhejaro. 8 Ā yoa paina cūhu m̄usare suho wahchechū yoahtina jia, m̄usare noano suho wahchechū yoajaro. Tuhsu, paye barore wahtina jia, ti wahtire noano mehne yajeripohna ti, wajaro. Ā yoa paina cūhu m̄usare suho ji m̄uhtahtina jia, noano mehne suho jijaro. Ā yoa pjachoinare yoadohohtina jia, wahchea mehne yoadohojar.

Jesu yaina jina ó sehe yoaina jiga

9 “Sā basi cahma cahīja”, ni mahñono marieno m̄usa basi cahma cahīga. Ā yoana ñaare ñu yabiina jiga m̄usa. Tuhsu, noaa sehere ā cahmarucuga. 10 Tuhsu m̄usa bahana warore m̄usa cahīno seheta Jesu yainare m̄usa mehne macainare cahīga. Ā yoana m̄usa basi noano cahma ño payoga m̄usa.

11 Cohamacu cahmaare yoana, ne caparo marieno yoaga. Ā yoana mari puhtoro to dutiro seheta noano wahchea mehne yoaga.

12 Cohamacu m̄usare pichacapu wahaborinare to yuhdorinapu jira m̄usa. Ā jiro m̄usa wahahto noaputiaro jira. Tíre masina wahchega m̄usa. Ā yoa ñano yuhduna, cūno pjaga “Cristo yare duhuri”, nina. Tuhsu, Cohamacure ā sinirucuga.

13 Paye baro Jesu yainare dūhsachu waga tinare. Ā yoa m̄usa ya wuhusepu cūhure masa ti sachu noano yajeripohna tiro mehne tinare piti bocaga.

14 M̄usare ñano yoainare “Noano wahajaro tinare”, ni sini payoga. Tinare ā sini payona, “Tina ñano yuhdūwahnojaro”, nienia tjiga.

15 Æ yoa paina wahcheina mehne jina, m̄usa c̄h̄ tina mehne wahchega. Tuhs̄ paina ñano cahyaro mehne tiina mehne jina, m̄usa c̄h̄ cahya, tiidohoga tinare.

16 M̄usa mehne macaina mehne noano jiga m̄usa. Æ jina “Paina yuhdoro noaina jiia”, ni t̄hotuena tjiga. Õ sehe ni t̄hotuga: “Wiho jiina jiia”, ni t̄hotuga. Æ jina “Masi yuhduruacaina jiia sâ”, ni t̄hotuena tjiga.

17 Paina m̄sare ti ñano yoapach̄ta, tinare ñano yoa cahmaena tjiga. Noaa sehere yoaga, noaina m̄usa jia tiare jipihtina masa ti masihti cjihtire. 18 M̄usa bihoro puro jipihtina mehne noano jinocahga m̄usa. 19 M̄usa yu cahiiña, yu coyea paina m̄sare ti ñano yoapach̄ta tina yoaro sehe ñano yoa cahmaena tjiga. Cohamac̄ sehe m̄sare ti ñano yoari buhiri buhiri dahrejaro tinare. Cohamac̄ yare ti joari pūi ãta ni joaa tiha: ‘Yuhu sehe m̄sare ti ñano yoari buhiri buhiri dahreriro jiia. Æ jic̄ potocâta buhiri dahreichtja’, nina mari p̄uhtoro”, ni joaa tiha panop̄re. 20 Æ jina õ sehe yoaga m̄usa: M̄sare ñu tuhtiriro to j̄aca baach̄ ñuna nuga tirore. To ñahma yapioch̄ c̄h̄re ñuna tirore sihôga. M̄usa ã yoach̄ ñuno m̄sare to ñano yoari buhiri buhiri tirohca. 21 Æ jina paina m̄sare ti ñano yoapach̄ta m̄usa sehe tinare ñano yoa cahmaena tjiga. Tinare noaa sehere yoaga m̄usa. Æ yoana ñaa sehere cahmaerana nica m̄usa.

13 ¹ Jipihtina m̄usa bui p̄uhtoa cjihtire Cohamac̄ dihta bese cûna. Ne c̄airo p̄uhtoro Cohamac̄ to bese cûerariro mariahna. To ã cûrina ti jich̄ ñuna jipihtina m̄usa tinare noano yuhliga. ² Mari p̄uhtoare noano yuhtierana Cohamac̄ to bese cûrinare yuhduruacana nija mari. Æ yuhduruacainare Cohamac̄ sehe buhiri dahrerohca. ³ Noainare cuich̄ yoahntina jierara p̄uhtoa. Ñaare yoaina sehere cuich̄ yoahntina jira tina. Noaare yoaga m̄usa p̄uhtoare m̄usa cuierahto cjihto sehe. Æ yoana cuiisi m̄usa. Noaare m̄usa yoach̄ p̄uhtoro sehe “Noaare yoare m̄usa”, m̄sare ni ñunohca. ⁴ M̄usa p̄uhtoa Cohamac̄ to cûno sehetra m̄sare yoadohohtinata jira m̄usa noano jinocahnta cjihto sehe. Wiho mejeta m̄usa ñaare yoana pini tinare cuiga. Tina m̄sare buhiri dahrehtina cjihtita jira. Jipihtina ñaare yoainare buhiri dahre dutiro Cohamac̄ tinare besere. ⁵ Ti ã buhiri dahrehtina ti jich̄ ñaare yoana m̄usa p̄uhtoare cuiga. Æ jina ño payoa mehne “Noaare yoaro cahmana yuhhre”, ni t̄hoturo mehne noano yuhlijhna. ⁶ M̄usa p̄uhtoa ti dahratii

cjihtire Cohamacu cûre. Æ jina ti dahraare ti yoachu ñuna mûsa pûhtoare wapa nabasainare wapara mûsa.

7 Jipihtinare mûsa pûhtoare noano yûhtiga. Tuhsu, pûhtoare wapa nabasaina cûhure wapaga mûsa. Æ yoa pûhtoa sehe payere ti wapa dutichu cûhure wapaga. Æ jina jipihtina pûhtoare noano ño payoga. 8 Tuhsu, paina masare wapamoenatjiga. Tinare cahîno cahmana. To cahai jiinare cahîriro Cohamacu dutiare yoa pahñø tuhsûriro jira. Æ jina mûsa cahai jiina cûhure cahîga. 9 Õ sehe nina Cohamacu dutia: "Pairo namonore wûana tienatjiga. Numia cûhu pacoro manunore wûana tienatjiga. Masare wajâena tjiga. Yacaena tjiga. Painayare goa pjaena tjiga", ni yahura to dutia. Paye dutia cûhu jira. Ti ã jipachûta cûno dutiare mûsare yahui tai nija. Tí dutia cûno dutia to jipachûta tí dutiare yoana Cohamacu dutiare yoa pahñona nija mari. Tí dutia õ sehe nina: "Mû basi mû cahîno seheta mû cahai jiina cûhure cahîga", nina. Tí dutiare yoana Cohamacu dutiare yoa pahñoina jîna nina. 10 Mûsa cahai jiinare cahîna, tinare ñano yoasi. Æ jina tinare cahîna, Cohamacu dutiare yoa pahñoinata jira mûsa.

11 Æ jina carîina yoaro sehe jiena tjiga mûsa. Noano wacû masiga. Jesure noano wacû cohtaga. Jesu marine to tjua ta naahto mahancâ dûhsatjiâna. Tirore mari coã wacû tua dûcachu Jesu marine to yûhdoro tahto mahancâ dûhsamare. Mipu pinihtare cahacâ waro jira to tahto. Ahri yû nirire masina mûsa. 12 Mipure ñaina ya dacho jira. To tahto mahancâ dûhsara. Tíre masina, buhiri tichu yoaare, nahitiano yoaro sehe jiare duhu pahñojihna mari. Æ jina Cohamacu cahmaa sehere yoajihna mari. Æ Cohamacu yare yoana, ñaare duhu pahñonahca mari. Ahri dachore payu ñaa baro jichu, ñami yoaro sehe jira. Wiho mejeta Cristo to tachu, ñami yoaro sehe jiro pihtia waha, pa dacho, buhria mûja taro yoaro sehe waharohca. Surara coma suhtiro to sâa dûcataro seheta Cohamacu ñaare to dûcataare noano cjuâ pahñojihna mari. Æ tîre cjuana ñaare duhu, Cohamacu cahmaa sehere mari yoajihna. 13 Æ jina Jesu to tahtore wacû cohtaina jina, noaa sehere yoajihna. Bose numurine yoana ñano yoaena tjijihna. Tuhsu, cahaena tjijihna. Æ jina numia mehne ñano yoaina, paina mehne ñano yoaina, cahma sayoina jiena tjijihna. Mûsa numia cûhu mûa mehne ñano yoaena tjiga. 14 Wiho mejeta Jesucristore pûhtoro tina, tirore yûhtiga mûsa. Æ yûhtina to

jiro seheta jiga m̄usa. Ā jina ñaare m̄usa goa pjaa sehere yoaena tjiga.

**M̄usa coyeare Jesu yainare “Ñano yoaa nina”,
ni yahuwajaena tjiga**

14 1 Jesure wacū tuariore to noano wacū tuaro d̄uhhsasinich̄ ñ̄una tirore ji coaro mehne cahmaga. To ā jiriro jich̄ ñ̄una “Ne masierara m̄uh̄” ni, tiro mehne cahmasayoena tjiga. 2 “Jipihtiare ch̄ masija yuh̄”, ni t̄hotura paina. Paina sehe Jesu yare noano masierasinia wahiquinare ch̄ueraina, toaa dicha dihtare ch̄ura. 3 Jipihtiare ch̄uina sehe toaa dicha dihtare ch̄uinare ñ̄u tuhtiea tjijaro. Ā yoa toaa dicha dihtare ch̄uina cūh̄ jipihtiare ch̄uinare “Ñano yoaa nina”, ni cahma yahuwajaea tjijaro. Jipihtiare ch̄uina sehe Jesure wacū tuaina ti jich̄ Cohamac̄ tinare to yaina yoa tuhs̄ure. To yaina ti jich̄ ñ̄ua wahiquinare ch̄ueraina sehe tinare yahuwajaea tjijaro. 4 Jesure wacū tuaina Cohamac̄re dahra cohtaina dihta jira. Ti ā jich̄ ñ̄una m̄usa tinare yahuwaja masierara. Jesure wacū tuaina to cahmano sehe ti quihōno yoarerach̄ ñ̄uno tiro dihta ti p̄uhtoro jiro, t̄ire yahu poto masina. To cahmaare quihōno ti yoach̄ cūh̄re t̄ire yahu masina tiro. Ā jiro tiro sehe to yainare “Ñano yoare m̄uh̄”, ni yahuhtiro jirohca. Ā jiro tirore dahra cohtainare noaa dihtare yoarucu masich̄ yoariro jira Cohamac̄.

5 Cāina cāa dachori cua pisaro mehne Cohamac̄re ti ñ̄o payohti dachori cjihtire cj̄uara. Paina sehe, “Dohse jiri dachore Cohamac̄re ñ̄o payoch̄, noana”, ni t̄hotu, ñ̄o payoina jira. Tina cūno potori ā yoeraina jipahta jipihtina õ sehe ni t̄hotujaro: “Jesu to cahmano sehetia noano yoana nija”, ni t̄hotu masijaro. 6 Cūiro cāa dachori cua pisaro mehne Cohamac̄re ti ñ̄o payoa dachorihi Cohamac̄re ñ̄o payoro, tiro cūh̄ quihōno ñ̄o payoro nina. Tuhs̄ jipihtiare ch̄uriro ch̄urota, Cohamac̄re “Noana”, ni wahche payora tiro. Ā jiro tiro cūh̄ Cohamac̄re ñ̄o payorota nina. Ā yoa pairo sehe cāa ch̄uare ch̄uerara, Cohamac̄re ñ̄o payoro. Tiro cūh̄ Cohamac̄re “Noana”, ni wahche payora.

7 Tuhs̄, mari cahmaa dihtare yoaina ne ji masieraja mari. Cristo jira mari p̄uhtoro. Ā jiro mari caticch̄ mari yariach̄ cūh̄re mari p̄uhtorota jira. 8 Mip̄ure mari catisinino puro Cristo yare yoahquina jija mari. To yaina jija. Mari yariari baharop̄

cūhure to yainata jinahca. Æ jiro mari catichu mari yariachu cūhure Cristo mari puhtoro jira. 9 Æta jira. Cristo yaria masa mūjaha catiinare, ã jichu yariaina cūhure ti puhtoro jiro taro.

10 ¿Dohseana tana mūsa coyeirore Jesu yairore “Ñano yoaro nina”, ni yahuwaja duajari mūsa? ¿Dohseana tana mūsa coyeirore tu diho cū duajari mūsa? Mari jipihtina Cristo panoi mari ducuchu tiro sehe mari yoarire masi pahñonoriro jiro, marine beserohca noainare, ñainare. To ã besehtiro to jichu mūsa coyeirore “Ñarioro jira”, ni yahuwajaena tjiga.

11 Cohamacu yare ti joari pūi õ sehe ni joaa tiha:

“Õ sehe nire mari puhtoro: ‘Yuhu catiriro jija.

Ã jicu õ sehe ni quihōno warota yahuja mūsare.

Jipihtina yu panoi na tuhcua caha sūahca.

Ã na tuhcua caha sū, “Noariro, tuariro jira mūhu”

ni, yuhu ño payoahca’, nire mari puhtoro”, ni joaa tiha. 12 Æ jiro jipihtina mari yoarire Cohamacu siniturohca marine. “¿Dohse yoana ã yoari?” ni siniturohca. To ã sinituchu yuhu jica marine.

Mūsa coyeirore ñano yoachu yoaena tjiga mūsa

13 Æ jina mari mehne macainare “Ñaina jira mūsa”, ni cahma yahuwajaena tjjihna. Æ yoana mari coyeirore Jesu yairore dojomelnena tjjihna “Jesure wacū tua duhuri”, nina.

14 Yuhu Jesucristo yairo jicu, ahri yu nihtire noano masija yuhu. Yuhu sehe jipihtia chūare yu chuchu yu churi buhiri, buhiri mariahna. Wiho mejeta pairo sehe “Ahri chūare chucu buhiri tii nica yuhu”, ni tūhoturiro sehe chūro, potocāta buhiri tiriro jira. 15 Tí potocā tjira. Paina ti sio, chūera barore mūsa chuchu ñuño, mūsa coyeiro ñu cū chūro, “Cue, ñano yoai nica yuhu”, ni pjíro tūhotuboca tiro. Tirore ã ñu cū chuchu yoana, tirore cahīna nieraca mūsa. To sio, chūera barore mūsa chuchu, tiro cāhu ñu cū chuboca. Æ chūro “Ñano yoai nija”, ni tūhoturo Cristore duhuboca. Mūsa coyeiro yaro jiboriro cāhure yariari jire Cristo. Æ jina “Cristore duhuri”, nina tirore ñu cū chuchu yoaena tjiga. 16 Æ jia “Ahri sā yoari noa nica”, mūsa ni tūhotuchu paina mūsare yahuwajaboca. Ti ã yahuwajachu ñuna mūsa ã yoarire yoa namoena tjiga, “Yahuwaja namori”, nina. 17 Cohamacu sehe mari puhtoro jira. To ã jichu mari chūa, mari sihnia cāhu ã jinocaa nina. Wiho warota jira. Æ jia mari puhtoro to dutiare, noaa cāhure mari yoachu tí waro jia

nina. Paina mehne mari noano jinocachü cühure noaa waro jia nina. Tuhsü, Espíritu Santo yoadoho mehne mari wahchechü noaa waro jia nina. **18** Tó seheta Cristo yare yoarirore ñüa Cohamacü, masa cühu “Noano yoare mühu”, niahca.

19 Tó seheta yoajihna mari pinihta noano mari jinocahto cjihtore, mari basi mari cahma yoadohohto cjihtore. Á yoana Jesure wacü tua namonahca. **20** Pairo Jesu yairo to chü dutierari cjirire müsa chüchü ñüano tiro sehe ñü ji coaeraro Cohamacü yare cohüboca. Á jina tíre chüena tjiga. Potocáta jipihtia chüua noaa chüata jira. Tí á jipachüta paye barore mari chüchü pairo “Ñaa chüua jica ahri”, niriro jiparota ñü cü chüboca. Á chüro ñüano yoaro nica tiro. Á jina marine to ñü cü chüchü, mari cühu ñüano yoana nija. **21** Wahiquina dihire müsa chüchü ñüno, vinore müsa sihnichü ñüno, pairo Jesu yairo “Tíre chücü ñüano yoai nica yühu”, ni tühoturiro jiparota tiro cühu ñü cü, chü sihniboca. Á ni tühoturiro pinihta chü sihnino ñüano yoaro nina. Á jina tiro to ñüano yoerahto sehe Jesure to wacü tua duhuerah sehe wahiquina dihire, vino cühure müsa sehe müsa duhuchü noa nina. **22** “Jipihtiare chü masija”, ni tühotuna, tíre Cohamacü dihtare yahuga. Ñaare yoaerariro, “Noano yoai nica yühu”, ni tühoturiro wahcheriro jira. **23** Pairo sehe “Ahri chüare chücü ñüano yoai niboca yühu”, ni tühoturiro jiparota tí chüare chüro, buhiri tiriro jira tiro. “Ahrire chücü potocáta noaare yoai nija”, ni tühotuerara tiro. Á ni tühotueraro tíre chüro, to chüri buhiri buhiri tira tiro. “Noaare yoai nija”, ni tühotueraro tíre yoaro, buhiri tira tiro.

Mari cahai jiinare noano yoajihna

15 ¹ Mari Cohamacüre noano wacü tuaina sehe wacü tuaera cureinare yoadohoijhna. Á yoana mari ya cjihti dihtare yoaena tjijihna. ² Á jina mari cahai jiinare Jesu yainare noano yoajihna ti noano jinocahto cjihtore, Cohamacüre ti noano wacü tua namohto cjihtore. ³ Cristo sehe to ya dihtare yoaeraha. Áta nina Cohamacü yare ti joari püi. Ó sehe ni joaa tiha: “Cristo ó sehe nire Cohamacüre: ‘Mühu sehere ñüano durucuborina yühu sehere ñüano durucure’, nire Cristo Cohamacüre”, ni joaa tiha panopüre. Á ñüano ti durucuriro jiro Cristo to Püchüro ya sehere yoaro niha. ⁴ Panopü Cohamacü yare ti joari püi tina joaa tiha mari noano buhehto cjihtore. Á jina tí püre buhena wahcheja. Á buhena mari ñüano yühdüna

cūno pjana, noano mari yahdahore cohtanahca. 5 Cohamacū mūsare tuachū yoariro wahchechū yoariro mūsare jipihtinare cūno potori noano jichū yoajaro, Cristo to cahmano seheta. 6 Āta yoajaro tiro mūsa jipihtina cūno potori Cohamacure mari pūhtoro Jesucristo Pūcurore “Noariro, tuariro jira”, ni mūsa ño payohto cjihtore.

Judio masa jierainare noaa buheare yahu dūcaha

7 Cristo marine to yoariro seheta mūsa mehne macainare noano cahma piti bocaga. Mūsa ã yoachū ñua “Potocāta Cohamacū noariro jira”, ni ñuahca masa sehe. 8 Mūsare ahrire niita nija: Judio masare yoadohohtiro cjihto taha Cristo. Cohamacū tirore warocaro judio masa sā ñuchusūma cjiripure to ni yahuriro cjiro seheta yoaro niha. Tíre to yoari cjirire masare masichū yoahktiro cjihto taha Cristo. 9 Masare Cristo to yoadohochū Cohamacū pja ñuno nire tinare. To ã pja ñuchū judio masa jieraina cūhū Cohamacure “Noariro, tuariro jira” ni, ño payora mipure. Tina cūhure to yaina jichū yoaro taha Cristo. Cohamacū yare ti joari pūi ãta ni joaa tiha:

“Cristo õ sehe niha Cohamacure: ‘Judio masa jieraina cahai mūhure “Cohamacū noariro, tuariro jira”, ni ño payohtja.

Ā jicū tina cahai basachū mū ya cjihtire basaihtja’, niha Cristo Cohamacure”, ni joaa tiha panopure. 10 Tuhsū, õ sehe ni joaa tiha tjoa: “Cohamacū to beserina judio masa mehne cahma wahchega mūsa cūhū judio masa jieraina”, ni joaa tiha panopure. 11 Tuhsū, õ sehe ni joaa tiha tjoa:

“Judio masa jieraina jipihtina Cohamacure ño payojaro.

Ā jia jipihtiro macaina tirore ‘Noariro, tuariro jira’, ni ño payojaro”, ni joaa tiha. 12 Ā yoa Isaia cjiro cūhū õ sehe ni joaa tiha: “Jesé panamino ji turiariro tarohca. Ā taro judio masa jieraina bui pūhtoro jirohca tiro. Ā jia tina sehe tirore wacū tuaa, tinare pichacapū wahaborinare to yuhdohtore masiahca tina”, ni joaa tiha panopure.

13 Cohamacū marine baharopū to yuhdohtore wacū cohtachū yoariro noano mūsare wahchechū yoajaro. Tuhsū,

m̄usare Jesure wacū tuainare noano jinocachū yoajaro tiro. M̄usare to ã yoachū m̄usare to yuhdohtore Espíritu Santo to tuaa mehne wahchea mehne wacū cohta namochū yoajaro.

14 Ahrire m̄usare yu yahuhtire noano masija. M̄usa sehe noaina jira. Tuhsū, Jesu yare noano masina m̄usa. ã masina m̄usa basi noano cahma yahu, buhe masina m̄usa. 15 M̄usa ã masiina m̄usa jipachūta cāa tahari ahri pūphre m̄usare cuiro marieno noano yahu pahño joahi tīre m̄usa boerahto sehe. Cohamacū yuhure cahño m̄usare buhe dutiro cūre yuhure. ã jicū to cūriro seheto yoaja, m̄usa tīre boerahto sehe. 16 Yuhure to ã cūchū, sacerdote to yoaro sehe yoaja yuhū. ã yoacū, Jesucristo yare noaa buheare judio masa jierainare buheja yuhū. Yu ã buhechū tūhoa, tina Jesure wacū tuara. Tina Jesure wacū tuainare yuhū sehe sacerdote wahiquinare wajā jū mūo Cohamacūre yu waboriro seheto, tinare “Mū yaina jira”, nija Cohamacūre. Yu ã niinare Espíritu Santo sehe tinare Cohamacū yaina cjihītī jichū yoara. Ti ã jiina jichū ñūno, Cohamacū sehe ji coaro mehne tinare ñahanohca.

17 Cohamacū to buhe duti cūriro jicū Jesucristo to yoadoho mehne yu yoari cjirire wahchea mehne yahuja m̄usare. 18-19 Tuhsū, ahri pinihtare m̄usare pototi yahu duahi. Yu yahua yu mū suo yu yahua ne jierara. Paina judio masa jierainare Cristo to yoadoho mehne tinare yu buhechū tūhoa, yu yoarire ñūa, ã jia Jesu tuaa mehne yu yoa ñorire ñūa, Espíritu Santo to tuaa mehne tina Cristore wacū tuare. Jerusalēpū wahma yu buhe ducari baharo jipihtia macaripepū buhe wahcāhi. Pū Ilirico yahpapū cūhure Cristo ya buhea noaa buheare buhei sui. 20 Cristo yare masieraina dihtare noaa buheare tuaro buhe duahi, yuhū mehne macaina ti buherinapūre buhe duaeracū. 21 Ñata ni joaa tiha Cohamacū yare ti joari pūi:

“Panopū tirore ne tūhoeraina cjiri tirore masiahca.
Ña yoa tirore ne tūhoeraina cjiri to yare noano
tūhoahca”,
ni joaa tiha Cohamacū yare ti joari pūi.

Paulo Romapū to wahahtore yahuha

22 ã jicū jipihtiro macainare buheriro jicū payū tahari m̄usa cahai waha duapaihta waha masiera tihi. 23 Mipū pinihtare ahri yahparipūre yu dahraa pihtia wahahre. ã jicū

payu cuhmari musa cahapu waha duariro jicu musa cahapu wahaihtja. 24 Espanapu wahacu, msare toi ñu yuhduaihtja. Ã yoacu musa mehne wahcheihtja. Tuhsu, musa mehne mahancu yu jiri baharo yuhre musa yoadohoa mehne Espanapu yuhdu wahcaihtja. 25 Mipure Jerusalepu wahasinii tai nija. To macainare Jesu yainare yu coyeare niñerure naasinii wahai nija. 26 Macedonia yahpa macaina, Acaya yahpa macaina cuhno noano mehne Jesu yainare Jerusalepu jiinare pjacchoinare niñerure warocahre tinare yoadohoa. Ã jicu tinare tire wai wahai nija. 27 Tí niñerure waa, noano mehne wahre tina. Ti ã yoachu noa nina, yu tuhotuchu. Tinare judio masa jierainare judio masa sehe Cohamacu yare buhe muhtare. Ã jia tinare to yuhdohto cuhre buhe muhtare judio masa. Ti ã buhechu ñuc Macedonia macaina Acaya macaina mehne judio masare ti yoadohochu noa nina yuhre. Tinare ti buheri wapa yoaro sehe jira tí, yu tuhotuchu. 28 Ã jicu Jerusalé macainare tí niñerure wa tuhsu Espanapu wahaihtja. Tópu wahacu msare ñu yuhduaihtja. 29 Ã yoa musa cahapu yu wahachu Cristo yare msare yu buhechu tiro msare noano yajeriphona tichu yoarohca.

30 Yu coyea, mari puhtoro Jesucristore wacu tuara musa. Ã yoa Espíritu Santo to tuaa mehne painare cahina musa. Ã jiina jina yuhu cuhre tuaro sini payoga Cohamacre. 31 Ó sehe ni sini payoga: Judea yahpa macaina Jesure ño payoeraina yuhre ti ñano yoa duachu Cohamacu yuhre to ñu wihibohto sehe sini payoga. Tuhsu, Jerusalé macaina Jesu yainare niñerure yu wabasachu tina tire wahchea mehne ti ñahahto sehe sini payoga. 32 Musa ã sinichu Cohamacu cahmachau wahchea mehne musa cahapu wahaihtja. Ã jicu musa mehne jicu wahchea mehne soihtja. 33 Cohamacu marine noano jinocachu yoariro musa mehne jirucujaro.

Paulo noa dutiha

16 1 Mari coyeacoro Febe wama tircoro musa cahapu waharo taro nina. Ticoro Cencrea wama tiri macai Jesu yainare cahmachuinare yoadohoricoro jira. 2 Ã jiro payure yoadohoricoro yuhu cuhre yoadohoricoro jihre tico. Tuhsu, mari puhtoro Jesu yacoro jira. Ã jina tico. noano mehne musa mehne ji dutiga. To seheto yoaro cahmana

marine Jesu yainare. Ñ yoana ticorore paye baro to maerachü ñuna ticorore waga mësa.

3 Aquila, to namono Priscila cãhü noajaro. Jesucristo yare yü buhechü tina cãhü yühü mehne dahrare. 4 Tinare mahano wajämöñore paina yühüre ti wajä duachü ti yoadohori buhiri. Ñ jicü tina mehne wahcheja yühü. Tuhsü, judio masa jieraina Jesu yaina jipihtina tina cãhü tina mehne wahchera. 5 Aquila ya wühüi cahmachuina cãhü Jesu yaina noajaro. Yü cahíriro Epeneto cãhü noajaro. Tiro Asia yahpa macariro tóji jiro Cristore wacü tua mähtariro jire. 6 María cãhü noajaro. Ticoro mësa mehne tuaro dahratre. 7 Yü coyea Andrónico, Junia cãhü noajaro. Peresui yü jichü tinata yühüre piti tiina jihre. Ñ jia yü pano Cristore wacü tua mähtare tina sehe. Paina Jesu to cürina sehe tinare “Potocäta noaina jira”, ni durucura.

8 Ampliato cãhü yü cahíriro Jesu yairo jira. Tiro noajaro. 9 Urbano cãhü noajaro. Tiro cãhü mari mehne Cristo yare dahratre. Ñ yoa yü cahíriro Estaqui noajaro. 10 Apele cãhü noajaro. Tiro potocäta noano Jesure wacü tuara. To yoarire ñuna täre masija mari. Tuhsü, Aristóbulo ya wühü macaina jipihtina to namono to pohna cãhü noajaro. 11 Yü coyeiro Herodiö noajaro. Ñ yoa Narciso ya wühü macaina Jesu yaina noa pihtinocajaro. 12 Ñ yoa Trifena, Trifosa cãhü noajaro. Tí numia mari pühtoro Jesu ya dahraare yoara. Mari cahíricoro Pérsida cãhü noajaro. Ticoro mari pühtoro yare tuaro yoara. 13 Rufo mari pühtoro Jesure noano wacü tuari, to yare noano yoari noajaro. To pocoro cãhü noajaro. Ticoro yü poco yoaro sehe jiricoro jira. 14 Asíncreto, Flegonte, Herme, Patroba, Herma, paina Jesu yaina tina mehne macaina cãhü noajaro. 15 Tuhsü, Filólogo, Julia, Nereo, to bahoro cãhü, Olimpa, paina tina mehne macaina cãhü Jesu yaina noajaro.

16 Ñ yoa mësa mehne macainare piti bocana, noano mehne piti bocaga. Jipihtina Jesu yaina jipihtiro macaina mësare noa dutira.

17 Yü coyea, mësa mehne macaina caina mësare cahma ñü tuhti, cahma tju wachü yoaina jira. Ñ jia mësare Jesu ya buheare dojomehnena. Ñ jina tó sehe yoainare ñuna noano yoanohbü, “Dojomehneri”, nina. Ñ yoainare piti tieno tjiga. 18 Tó sehe yoaina mari pühtoro Jesucristo yare yoaebara. Ñaare ti goa pjaa dihtare yoara. Tuhsü, noano tüho ji coaro dero mahño buhera noano masierainare. Ti ñ mahñochü tinare

noano tūhora. Ā jina ã yoainare piti tieno tjiga mūsa. 19 Mūsa sehe Jesure noano yūhtiina jira. Tíre jipihtina masina. Ā noano yūhtiina mūsa jichū wahcheja yūhū. Ā jicū noano mūsa yoahore mūsa masichū cahmaja yūhū. Ā yoa ne ñaare yoeraina mūsa jichū cūhūre cahmaja yūhū. 20 Ā jiro Cohamacū marine noano jinocachū yoariro mahancā baharo watīno Satanare yūhdūrūcachū yoarohca mūsare. Ā yoa mari pūhtoro Jesucristo mūsare noano wahachū yoajaro.

21 Timoteo yū piti mūsare noa dutira. Yū coyea judio masa cūhū, Lucio, Jasō, Sosípatro mūsare noa dutira.

22 Yūhū Tercio ahri pūre Paulore joabasariro jija. Yūhū Jesu yairo jicū mūsare Jesu yainare noa dutija.

23 Gayo ya wūhūi jinocai nija yūhū Paulo. To ya wūhūi Jesu yaina cahmachuna. Tiro cūhū mūsare noa dutira. Ā yoa Erasto ahri maca macaina pūhtoare niñerure ñū wihibobasariro mūsare noa dutira. Mari coyeiro Jesu yairo Cuarto cūhū mūsare noa dutira.

24 [Yū coyea mari pūhtoro Jesucristo mūsare jipihtinare to cahīa mehne noano yoajaro. Āta yoajaro.]

Paulo Cohamacūre ño payoro joa batoara

25-27 Mari pūhtoro Jesucristo ya buhea mehne noaa buhea mehne Cohamacū mūsare tirore wacū tua namochū yoa masina. Panopūre tí buhea noaa buhea ne masare yahuerari buhea jimaha. Mipūre Cohamacū yare yahu mūhtaina cjiri ti joari cjiri mehne tí buheare yahua jira. Yūhū cūhū tíreta buheja. Tí buheare Cohamacū á jirucuriro to yahu site dutiro seheta jipihtiro macainapū mipūre masina. Tí buheare tirota yahu dutiha masa tirore yūhti, ti wacū tuahto cijito sehe. Ā jina tirore “Potocāta noariro, tuariro jira mūhū”, ni wahche payojihna. Tiro cūriota Cohamacū dihta noano masi pahñoriro jira. Jesucristo to yoadoho mehne Cohamacūre ã ño payorucujihna mari. Āta yoarucujihna.

1 Corintios

Paulo Cohamacʉ yainare Corinto macainare joarocaha

1 1-2 Yʉhʉ Paulo, Jesucristo yare buhe duti to cūriro jija. Cohamacʉ to cahmano sehetu Jesu to cūhtiro cjihtore beseri jire yʉhʉre tiro. Sostene wama tiriro mehne mʉsare Cohamacʉ yainare Corinto macainare joarocaja sā. Ahriro cūhʉ mari coyeiro Jesu yairo jira. Jesucristo mehne macaina mʉsa jichʉ Cohamacʉ yaina cjihti beseri jire Jesu mʉsare. Ā yoa jipihtina paina mari pʉhtoro Jesucristore siniina jia, tina cūhʉ Cohamacʉ yainata jira. Ti ã jichʉ Jesucristo sehe mari jipihtina pʉhtoro jira. Ā jina mʉsare jipihtinare joarocaja sā. 3 Ā yoa Cohamacʉ mari Pʉcʉ mehne, mari pʉhtoro Jesucristo mehne mʉsare noa dutija. Cohamacʉ to yoadoho mehne noano jiga mʉsa.

Jesucristo sehe mʉsare noano yoabasaha Cohamacure

4 Jesucristo yaina mʉsa jiri baharo tiro sehe mʉsare noano yoabasari jire Cohamacure. To ã yoabasachʉ ñʉchʉ, Cohamacure “Noana”, nirucuja yʉhʉ dachoripe. 5 Cristo yaina mʉsa jichʉ ñʉno Cohamacʉ sehe mʉsare noano jichʉ yoari jire. Tuhsʉ, to yare mʉsare painare noano yahuhtina cjihtire yoari jire tiro. Ā jiro tiro to yare noano masichʉ yoari jire mʉsare. 6 Cristo yare mʉsare sā buheriro sehetu ã yoari jire mʉsare, Cristo yaina mʉsa wahachʉ. 7 Ā yoa Cohamacʉ mʉsare noano yoadoho pahñonocanohca. Mari pʉhtoro Jesucristo ahri yahpapʉ to tjua tahtore mʉsa cohtaro watoi Cohamacʉ mʉsare ã yoadohorucurohca. 8 Cohamacʉ mʉsare yoadohorohca to yare mʉsa ne duhuerahto sehe. To ã yoachʉ mʉsa sehe dachoripe, ahri dacho pihtichʉpʉ cūhʉre ñaa buhiri marieina jirucunahca, Cohamacʉ to ñʉchʉ. Ā jina Jesucristo mari pʉhtoro to tjua tachʉpʉre ñaa buhiri marieina jinahca mʉsa. 9 Tíre Cohamacʉ to niriro sehetu tiro yoara. Tiro to macuño mari pʉhtoro Jesucristo yaina cjihtire marine beseri jire. To ã beserinare Jesu yaina jichʉ yoare marine.

Jesu yaina Corinto macaina cahmachua cahma sayoha ti basi

10 Yu coyea, mari puhtoro Jesucristo to dutiro mehne musatuaro mehne yahui tai niija ahrire: Musa basi cahma sayoena tjiga. Ã yoa musa basi cahma tju wa dapo jiena tjiga. Cã curuaihta jiga musa. Ã jina jiape ni durucuena tjiga musa basi. Ã yoana musa yoahito cjihtore tuhtuna, cno potorita yoaga musa. 11 Yu coyea, musa basi cahma sayona niyuhca musa. Ã ni yahure caina Cloé ya wuh macaina yuhre.

12 Caina musa mehne macaina õ sehe ni cahma sayoyuhca: “Paulo ya curua macaina jija sã”, ni cahma sayoyuhca caina musa. Ã yoa paina “Apolo ya curua macaina jija sã”, niyuhca tina cuh. Paina sehe tjoa “Pedro ya curua macaina jija sã”, niyuhca tina cuh. Paina sehe tjoa “Cristo ya curua macaina jija sã”, niyuhca tina cuh. 13 Musa ã nipachuta Cristo yaina cã curuaihta jija mari. Mari basi cahma tju wa dapo masieraja mari. Cã curuaihta jija mari. Yuh Cristo jieraja. Tiro yoaro sehe musa ya buhirire crusapu yariariro cjiro jieraja. Tuua maeraja. Ã jicu wiho jiriro jija. Ã yoa msare pairo bautisaro, Cristo yaina musa jichu msare bautisari jire. Yu yaina musa jichu sehere msare bautisaerari jire. (Ã jina yuh sehere nu wahäena tjiga musa.)

14 Msare, musa mehne macaina cuhre bautisaerahi yuh. Crispore, Gayo cuhre tina dihtare bautisahi. Paina sehere bautisaerario yu jichu noana, yu tuhtuchu. 15 Payu masare bautisario yu jichu “Paul yaina sã jichu bautisare sãre”, ni nu wahäboa musa yuhre. Ã jicu tire musa yoachu cahmaeraja. 16 Estéfana ya wuh macaina cuhre bautisahi yuh. Tópeinata bautisahi yuh. Yu bautisarinare painare wacueraja yuh. 17 Cristo yuhre warocaro, masare bautisahtirore cuerare yuhre tiro. Noaa buheare buhehtiro sehere yuhre cure. Cristo crusapu to yariarire mari buhechu tí buhea marine noaina wahachu yoara. To ã yoapachuta noaa buheare yu mu suro yu buhechu yuh sehere nu wahäboa musa. Musa ã nu wahäna noaa buhea sehere no payoeraboa musa. Tuhsu noaina wahaeraboa. Ã jicu Jesu ya buheare buhecu yu mu suro yu masia mehne buheraja yuh.

Cohamacʉ to tuaa cūhure to masia cūhure cjuariro jira Cristo

18 Pichacapʉ butihtina sehe Cristo crusapʉ to yariarire mari yahuri buheare “Tʉho masieraina ya buhea jira tí”, nimana butihtina sehe. Mari sehe Cristo to yʉhdʉchʉ yoahntina cjihti jina ò sehe nija: “Crusapʉ to yariarire mari yahuri buhea tí waro jia nina. Tí buhea Cohamacʉ to tuaare yahura marine”, nija mari. 19 Cohamacʉ sehe to yare ti joari pūi ò sehe nina:

“Ahri yahpa macainare ‘Noano masiina jira’,
ti niinare ti masia yaba cjihti jierachʉ
yoihca yʉhʉ”,

nia tiha Cohamacʉ to yare ti joari pūi.

20 Å jia ahri yahpa macaina noano masiina ti masia yaba cjihti jierara. Sā coyea judio masare buheina cūhʉ ti masia yaba cjihti jierara. Mipʉre ahri yahpa macaare durucu sayo mihiina cūhʉ ti masia yaba cjihti jierara. Ahri yahpa macaina noano masiina ti jipachʉta quihōno masieraina ti jirire masichʉ yoare Cohamacʉ. 21 Cohamacʉ pinihta noano masiriro jira. To å jichʉ ahri yahpa macaina ti ya masia mehne Cohamacʉre ne masierara tina. Cohamacʉ to masi dutieraro seheta å wahare tinare. Cohamacʉre cahmaeraina sehe ò sehe nina noaa buhea warore: “Tʉho masieraina ya buhea jira”, nimana. Å jia noaa buheare “Tʉho masiera buhea”, ti nia buheare tʉhoa Cristore masi dʉcara masa. Ti å masi dʉcachʉ Cristore ti wacʉ tuachʉ ñʉno tinare pichacapʉ wahaborinare yʉhdʉchʉ yoara Cohamacʉ.

22 Judio masa Cohamacʉ to tuaa mehne to yoa ñorire ñʉ duaa nina. Å yoa griego masa judio masa jieraina sehe noano ti masihti cjihtire macaa nina. 23 Mari sehe Cristo crusapʉ to yariarire yahuri buheare buheja mari. Tí buheare judio masa sehe ñʉ yabira. Å yoa tí buheare judio masa jieraina sehe “Tʉho masieraina ya buhea jira”, ni tʉhotura. 24 Ti å ni tʉhotupachʉta Cohamacʉ to yaina cjihti to beserina sehe tí buheare ò sehe nina. “Cristo ya buhea Cohamacʉ to tuaare, to noano masiare masichʉ yoara marine”, nina tina ahri buheare. Tina judio masa, judio masa jieraina jipahta, å nina Jesu yaina. 25 Cohamacʉ masi pahñoriro jira. “Tiro tʉho masierario jira”, masa ti ni tʉhotupachʉta ahri yahpa macaina yʉhdoro noano masi pahñoriro jira tiro. Tuhsʉ Cohamacʉre “Tuaerario jira”, masa ti ni tʉhotupachʉta ti bui tua yʉhdʉrʉchʉ sʉriro jira tiro.

26 Y^u coyea, Cohamac^u m^usare to yaina yoach^u m^usa pay^u wiho jiina m^usa jirire wacūga m^usa. Ahri yahpa macainare “Noano masiina”, ti niinare mahainacā Jesu yaina cjihtire beseri jire Cohamac^u. Tuhs^u p^uhtoa cūhure mahainacā Jesu yaina cjihtire beseri jire tiro. **27** “Tuho masieraina jira”, ti niinare Cohamac^u beseri jire “Noano masiina jira”, ti niina ti b^uoro wahahito cjihto sehe. Tuhs^u “Yaba cjihti jierara”, ti niinare Cohamac^u beseri jire, “Wiho jiina jierara”, ti niina ti b^uoro wahahito cjihto sehe. **28** Masa ti ñ^u yabiinare “Yaba cjihti jierara”, nina masa. Ti ã niringare Cohamac^u to yaina cjihtire beseri jire tinare. Æ besero “P^uhtoa waro jira”, ti niinare wiho jiina ti jiare masich^u yoari jire Cohamac^u tinare. **29** To ã yoach^u ñ^ua ahri yahpa macaina ne cūiro “Tuariro, noano masiriro jija”, ne ni y^uhdur^uca masierara, Cohamac^u to ñ^uch^u.

30 Cohamac^u sehe marine Jesu yaina jich^u yoare. To yaina jina marine to y^uhd^uch^u yoari baharo jipihtia dachoripe Cohamac^u mehne jirucunahca mari. Jesucristo sehe Cohamac^u yare noano masich^u yoara marine. Tuhs^u mari ñ^uaa buhirire cohāna. Æ yoaro mari ñ^uaa yoari buhirire cosaro, marine “Noaina jira”, to ni ñ^uch^u yoara Cristo Cohamac^ure. Æ yoaro marine pichacap^u wahaborinare y^uhd^uch^u yoara. **31** To ã yoach^u Cohamac^u yare ti joari p^ui to ni joariro seheta ã wahara: “‘Y^u m^u s^uro masi pahñoriro jija’, niriro t^ure nieno t^uijaro. Õ sehe nijaro: ‘Mari p^uhtoro Cristo sehe marine y^uhd^uch^u yoariro jira’, nijaro tiro”, nina Cohamac^u yare ti joari p^ui.

Cristo crusap^u to yariarire sā yahuri buhea jira ahri

2 **1** Y^u coyea, m^usa cahap^u s^uch^u “Noano masi pahñaja”, m^usare ni buherahi. Cohamac^u yare m^usare buhecu, tó sehe ni buhecu nierahi. **2** “Õ sehe ni buheihtja”, nich^u m^usa mehne jic^u Jesucristo ya dihtare crusap^u to yariari dihtare wacūch^u, tí buheare buhei y^uhu. **3** Tuhs^u, m^usa mehne jic^u wiho jiriro yoaro sehe jii y^uhu. Æ jic^u Cohamac^u yare quihõno buhe duariro jic^u cuirido tetereriro yoaro sehe jii y^uhu. **4** Æ jic^u Cohamac^u yare buhecu, “Masi pahñaja”, ni buherahi. Mijo durucua mehne y^u m^u s^uro buherahi. To yare y^u buhech^u Espíritu Santo to tuaa mehne y^u buhech^u ñ^ure m^usa. **5** Õ seheta

ni buhei yuhu m̄asare masa ti mu s̄uro ti buhea sehere m̄asa cahmaerahto sehe. Cohamacu sehere m̄asa wacū tuahore ã ni buhei yuhu.

Espíritu Santo sehe Cohamacu to jia tiare buhera marine

6 ã jina Cohamacu ya buheare m̄asare Jesure noano masiinare yahuja sā. Masa ti mu s̄uro ti buhea yoaro sehe jierara ahri m̄asare sā buhea. Ti p̄ehtoa ya buhea cūhu jierara. Tina sehe pihtia wahaahca. 7 Paina ti masierari cjirire Cohamacu ya durucua cjirire yahuja sā sehe. Panopure ahri buheare Cohamacu yaina cjiri noano masi pahñoyerari jire. Ahri yahpa to jihto pano ahri buhea ti niriro sehetia “Ãta wahajaro”, ni tuhsuha tiri jire Cohamacu. Marine pichacapu wahaborinare to yuhdachu yoahito cjihtore, tiro mehne mari jirucuhto cjihtore, tiro yoaro sehetia mari wahahto cjihto cūhure. “Ãta wahajaro”, nia tiri jire tiro. 8 To ã nichu Cohamacure cahmaeraina p̄ehtoa ne to buheare tūho duaeraa, masierari jire. Tíre noano masia, mari p̄ehtorore Cohamacu macuño warore crusapu cjā puha wajāeraboa tina. 9 Cohamacu yare ti joari tjui õ sehe nina:

“Jipihtina Cohamacure cahīna ya cjihtire

Cohamacu noano cahnobasa tuhsuha.

Noa yuhdūara tí to cahnobasari.

Tí to cahnobasarire mari ne ñuerana, tūhoerahi.

Ã jina ‘Ó sehe yoarohca Cohamacu’ ni, dohse

masiyu pahñohto basioerara marine”,

nina Cohamacu yare ti joari pūi. 10 To ã nipachuha Espíritu Santo Cohamacu yare masichu yoare marine. Jipihtia

Cohamacu yare Espíritu Santo masi pahñona. ã masino tiro marine tíre masichu yoara.

11 Ne paina sehe masuño to masiare masierara. Wiho mejeta masuño sehe to basi to wacūapu to tūhotuare masina. Tó sehetia paina Cohamacu to masiare ne masierara. Cohamacu to Espíritu Santo dihta to masiare masina, masuño to basi to tūhotuare to masino sehetia. 12 ã yoa mari sehe Jesu yaina jina masa ti mu s̄uro ti buheare cjueraja. Cohamacu to Espíriture ware marine masichu yoaro taro. Tiro marine to noano yoahtore masichu yoara Espíritu Santo sehe. 13 Cohamacu yare m̄asare buhenia, masa ya masia mehne sā mu s̄uro buheraja sā. Espíritu Santo to buhea sehere m̄asare buheja. ã buhena Espíritu Santore cjuainare Cohamacu yare noano buheja sā.

14 Espíritu Santore c̄juaeraina sehe Espíritu Santo yare ne cahmaerara. “To ya wiho warota jira”, nimana tina. Espíritu Santo to yoadohoro marieno ne to yare masihto basioerara masare. Å jia tina to yare ne masierara. 15 Espíritu Santore c̄juaeraina sehe Cohamacu yare noano masina. Å jia jipihtiare noano bese masina. Paina sehe tinare “Noaina jira. Ñaina jira”, ni bese masierara Espíritu Santore c̄juaeraina. 16 Õ sehe nina Cohamacu yare ti joari pūi: “Mari pūhtoro Cristo to tūhotuare masiina ne mariahna. Å yo a tirore masa ne ‘Õ sehe yoaga’, ni masierara”, nina to yare ti joari pūi. Mari sehe Cristo yaina jina, Cristo yoaro sehetia masija mari.

Jesu yaina cāno potori Cohamacure dahra cohtaina jira

3 1-2 Yü coyea, m̄usare buhecü Espíritu Santore noano yühtiinare yü buheriro sehetia buhe masierahi m̄usa sehere. Cristo yaina jipanahta, wihäinacä ti wahiquiro dihirote ti chü masierariro sehetia Cohamacu yare noano masierare m̄usa. Mipu cühure noano masierasiniyuhca m̄usa. Å jina wihäinacä pēchore ti püno sehetia mijoea curea buhea dihtare tūhoyuhca m̄usa. Å jicü tó sehe jia buhea dihtare buhei m̄usare. Cristo yaina jipanahta wihäinacä ti chü masierariro sehetia Cristo yare noano masierayuhca m̄usa. 3 M̄usa sehe m̄usa mehne macainare ti noano wahachü ñuna ñü tuhtina, cahmachena, m̄usa basi cää curuari tju warucü suna, Espíritu Santore c̄juaeraina yoaro sehe yoana niyuhca m̄usa. Å yoana ahri yahpa macaina Cristore cahmaeraina yoaro sehe yoayuhca m̄usa. 4 Õ sehe niyuhca m̄usa: “Paulo mehne macaina jija sā”, niyuhca cäina m̄usa. Å jia paina m̄usa mehne macaina sehe “Apolo mehne macaina jija sā”, niyuhca. M̄usa å ni durucuna Espíritu Santore c̄juaeraina yoaro sehe ni durucuna nica m̄usa.

5 ¿Yühü Paulo, Apolo mehne dohse yoahtina cjihti jijari sā, m̄usa tūhotuchü? Õ sehe yoahtina jina nija sā: Cohamacu to dutiriro sehetia tirore dahra cohtaina wiho jiina jija sā. Å jina m̄usare sā buhechü tūhona Jesucristore wacü tua dūcare m̄usa. 6 Noaa buheare buheina wesepü dahraina yoaro sehe jira mari piti dahre buhechü. Wese puro to toa muhtariro sehetia yühu cühu m̄usare buhe muhtahi. Tuhsü, paire wesere to cure nuna tiriro sehetia Apolo sehe yü baharo m̄usare buhe namo nuna tire. Sā å buhepachüta wese macaa toaare buchü namochü to yoariro sehetia Cohamacu sehe m̄usare to yare masi namochü

yoahre. 7 Æ jichu yuhu buhe muhtariro jipaihta wiho jiriro jija. Æ jiro Apolo yu baharo buhe nunu tiriro cahu wiho jirirota jira. Cohamacu pinihta toaare to bucua namochu yoariro seheto yainare tirore masi namochu yoara. Æ jiro Cohamacu sehe wiho jiriro jierara. 8 Toa muhtariro, baharo cure nunu tiriro ceno potori dahra cohtaina wiho jiinata jimana tina. Æ jia ti dahrariro purota wapatara tina. Tó seheto jija sã, Apolo mehne. 9 Æ jina sã Cohamacu yare dahra cohtaina jija. Æ yoa Apolo yu piti jira. Sã ã jichu musa sehe Cohamacu ya wese yoaro seheto jira. Musa ã jichu Cohamacu wese macaa toaare to bucua namochu yoariro seheto msare to yare masi namochu yoarohca tiro.

Æ yoa Cohamacu msare to yainare noari curua yoaro nina. Æ jina tãa mehne ti yoari wuhu yoaro sehe jira musa to ya curua macaina mari piti dahre buhechu. 10 Musa ã jichu Cohamacu yuhure to dutiriro seheto yuhu sehe wuhu dahre mihniriro tãare to cu muhtariro seheto Jesucristo yare msare buhe muhtai. Æ jiro tí tãa bui pairo to yoa namo mujariro seheto pairo yu baharo buhe namo nunu tiro nina. Æ buhe namono noano yoaro cahmana. Ne papero marieno noano buhejaro tiro. Cristo ya dihtare buhejaro tiro. 11 Wuhure ti dahre duca ti cu muhtariro tãa yoaro sehe Cristo jira. Æ jina tí tãare sã noano cu muhtariro seheto Cristo yare buhe tuhsu. Pairo ya buhea sehere mari buhechu tó wahaerara. 12-15 Uru mehne, plata mehne, wapa bujua tãa mehne mari yoari wuhure mari ju ñuchu juerara. Tó seheto Jesucristo yare mari noano yoari baharo pihtiri dacho jichu Cohamacu mari yoarire to ju ñnno seheto yoarohca mari yoarire masino taro. Tó sehe to yoachu noari wuhu to juerariro seheto mari yoarire ti noaa jichu masinohca. Æ yoaro mari noano yoarina mari jichu masichu yoarohca tiro. Noaare mari yoari wapa noano yoarohca marine. Yucari mehne, tja mehne, ñaia puri mehne mari yoari wuhure mari ju ñuchu jua waharohca. Tó seheto Jesucristo yare mari noano yoarerari baharo pihtiri dacho jichu, Cohamacu mari yoarire ju ñnno sehe yoarohca mari yoarire masino taro. Tó sehe to yoachu ñari wuhu to jua wahariro seheto mari yoarire ñaa ti jichu tiro masinohca. Æ yoaro mari noano yoareraina mari jichu marine masichu yoarohca tiro. Noano yoareraina mari jichu ñnno noaare mari yoamari wapare noano yoasi. Tó sehe jiinare Cohamacu

yuhdachu yoarohca. To ã yuhdachu yoapachuta tó sehe noano yoaeraina mahanocã cohõbo cure yuhdchahca.

16 Masa sehe Jesu yaina Cohamacu ya wuhu yoaro sehe jira. Masa ã jichu ñano tí wuhui to jiboro sehetu Espíritu Santo sehe mosa mehne jira. ¿Tíre masierajari mosa? **17** Cohamacu ya wuhu ñaa marieni wuhu jira. ã jina mosa cuhu tí wuhu yoaro sehe jina to yaina warota jira. ã jiro to yainare cuero to dojomehnechu Cohamacu pichacapu cohãnohca tiro sehere.

18 Mahñoare tûhotuena tjiga mosa. “Mipu macaina ya masiare noano masija”, ni tûhoturiro mosa mehne macariro jiro Jesu ya sehere noano masijaro. To ã masichu ñua paina tirore “Tûho masierariro jira”, niahca. ã jiro Jesu yare masino, potocata noano masiriro waharohca. **19** Masa ti mu sruo ti basi ti masiare “Wiho warota jira”, ni tûhotura Cohamacu. Ata nina Cohamacu yare ti joari pui: “Ti mu sruo masiina ti masia yaba cjihti jierara Cohamacu to ñuchu. ã jiro ti yoa duaare ducatara tinare”, nina Cohamacu yare ti joari pui. **20** ã yoa pa püpü õ sehe nina: “Masa ti mu sruo masi pahñoina ti tûhotua yaba cjihti ti jierachu masina mari puhtoro Cohamacu sehe”, nina Cohamacu yare ti joari pui. **21-22** ã jina “Sâ mu sruo yoahi”, ni masieraja mari masa jina. ã jina yuhu Paulo, Apolo, Pedro mehne sâ jipihtina Cohamacu mûsare to yoadoho dutiina jina, mûsare dahra cohtaina jija sâ. Jipihtia mosa ya jira. Cohamacu to bajuamehnerire, catia cuhure ware mûsare. Tuhsu, pichacapu wahaerachu yoarohca mûsare. Mipu jiare baharopu jihti cuhure mûsare warohca. ã jia jipihtia mosa ya jira. **23** ã yoa mosa sehe Cristo yaina jira. Cristo sehe Cohamacu yairo jira.

Cristo to yare buhe duti to cûrina ti dahraare yahuha Paulo

4 **1** Õ sehe ni tûhotuga mosa yuhure Apolo cuhure: “Tina sehe Cristore dahra cohtaina jira. ã jia masa ti masierari cjurire Cohamacu yare buheina jira”, ni tûhotuga mosa sâre. **2** Dahra cohtaina ti puhtoro to dutiro sehetu yoa cohtara. **3** Wiho mejeta yuhure mosa yahuwajapachuta ã tûhotunocaja yuhu. Paina puhtoa yuhure ti yahuwajachu cuhure ã tûhotunocaja yuhu. Yu yoaare ñuna “Ahri noaa jira. Ahri ñaa jira”, ni masierara mosa. Yuhu cuhure masunota jija. ã jicu yu yoaare noano masi pahñeraja yuhu cuhure. **4** “Cristo yare yu yuhdurucari yuhure mariahna”, ni tûhotumaja yuhu. Yu õ

sehe ni t̄hotupach̄ta buhiri tia jisiniboca yuhare. Mari p̄htoro Cristo dihta yu yoare ñuno, noano masina. 5 Å jina mari p̄htoro to tjua tahto pano masare ñano ni yahuwajaena tjiga m̄sa. Tiro tjua taro masa ti yoarire, panop̄ paina ti masierari cjirire Cristo masich̄ yoarohca. Å jiro mari yoa duarire, mari t̄hotuare tiro masich̄ yoarohca. Å yoaro to yare yoainare Cohamacu “Noano yoare m̄sa”, ninohca.

6 Yu coyea, yuhu Apolo mehne sā buheri cjirire yahuhi yuhu m̄sare buhec̄ tach̄, sāre m̄sa ñu cūhto sehe. Å yahuhi yuhu Cohamacu to yare ti joari pūi to niriro seheta quihōno m̄sa yoarucuhto sehe. Å yoana m̄sa mehne macainare cūno potori ño payoga. Cūiroreta ño payoena tjiga. 7 M̄sa sehe paina yuhdoro noaina jierara. Masi yuhdūrūcaina jierara m̄sa. Cohamacu m̄sare to wari cjiri dihtare cj̄ara m̄sa. Å cj̄ana m̄sare to yahuri cjiri dihtare masina m̄sa. ¿M̄sa mu s̄uro cj̄ainam̄sa, m̄sa mu s̄uro masiina jierapanaha, dohse yoana “Masi pahñoina jija”, nijari m̄sa? Å nina “Sā mu s̄uro masija sā”, niborina seheta yoara m̄sa.

8 M̄sa sehe “Cohamacu yare masi pahñoya sā. Sāre yaba waro d̄hsaerara”, nimana m̄sa. Tuhsu, m̄sa cahai sā jierach̄ m̄sa õ sehe ni t̄hotumana: “P̄htoa yoaro sehe masiina jija sā”, ni t̄hotumana m̄sa. Potocāta Cohamacure masi pahñoina p̄htoa yoaro sehe masiina m̄sa jich̄ m̄sare noabiaboa. M̄sa å jich̄ m̄sa mehne sā cūhtu p̄htoa yoaro sehe masiina jiboa.

9 Ò sehe ni t̄hotuja yuhu pinihta: Sāre Jesu to yare buhe dutiro cūno, masape doca macari curua cūre sāre. Paina ti wajāhtina yoaro sehe ñuna masa sāre. Ahri yahpa macaina masa, anjoa cūhu wapanañoina yoaro sehe ñuna sāre. 10 Cristo yare sā buhechu ñua “T̄ho masieraina jira”, ni ñuna masa sāre. Å jia Cristo yare sā yoach̄ ñua, sāre ñu tuhtira. M̄sa sehere ñua, “Noano masiina jira”, ni t̄hotumana masa.

“Cohamacure wacū tuaeraina jira”, ni t̄hotumana masa sāre. M̄sa sehere ñua, “Noano wacū tuaina jira”, ni t̄hotumana tina. M̄sa sehere masa ño payora. Sā sehere tina ne ño payoerara. 11 Sā sehe mipure ñano yuhdāina, j̄aca baaina, ñahma yapiolina, ñano suhti maeraina, wuhuse maeraina jija. Tuhsu, paina sāre ño payoeraa, sāre ñano yoara. 12 Å yoa sā tuaro dahraja. Tuhsu, paina sāre ñano ni ti durucupach̄ta sā sehe tinare “Noano jiga”, nija sā. Å yoana paina sāre ñano ti

yoapachuta ã tãhotunocaja sã. 13 “Ñano yoaina jira”, sãre ti nipachuta sã sehe noano mehne tinare yoaja. Panopu, mipu cãhure ñaa wete tiina yoaro sehe masape curuari doca macari curua yoaro sehe ñuna masa sãre.

14-15 Mûsare noaa buheare buhe mûhtacu mûsa puchu yoaro sehetu wahai yûhu. Payu mûsare Cristo yare buheina ti jipachuta mûsare buhe mûhtariro cûirota jija yûhu. ã jiriro jicu mûsare bao tichu yoai tai ahrire joai nieraja yûhu. Yû pohna warore, yu cahîinare yu dutiboriro sehetu mûsare noano mehne duticu tacu ahrire joaja yûhu. 16 ã jicu ahrire mûsare tuaro mehne dutii tai nija yûhu. Yûhure ñu cûga mûsa.

17 Ahrire yoa duticu tacu mûsa cahai Timoteore warocahi. Tiro yu cahîriro mari pûhtoro Jesu yairo jira. ã jiro Cristo yare yoarucura tiro. Cristo yare mari yoahrtire jipihtina Jesu yaina cahapu buhei yûhu. Timoteo tûre mûsare wacûrucuchu yoarohca. ã jicu Cristo yare yu yoariro sehetu mûsa ñu cûhto sehe Timoteore warocahi yûhu. 18 Timoteore yu warocachu câina mûsa mehne macaina pûhtoa ji duaina õ sehe nimana: “Paulo marine cuiro, mari cahapu tasi”, ni tûhotumana tina. 19 Cohamacu cahmachu mûsa cahapu michapucacata suihca. ã sachu pûhtoa ji duainare mûsa mehne macainare ti durucua quihõno jichu masihtja yûhu. ã yoa Cohamacu tuaare potocata ti cjachu cûhure masihtja yûhu. 20 “Cohamacu sã pûhtoro jira”, mari ni yahupachuta to yare mari yoarerachu tí mari ã nimari cjiri yaba cjihti jierara. Cohamacu to tuaa mehne to cahmano sehe yoa masija. Tí pinihta wiho waro jierara. 21 ¿Mûsa cahapu mûsare buhiri dahrehtiro mûsare tuhtihtiro yu wahachu cahmajari mûsa yûhure? ¿O mûsare cahîriro mûsare wahchehtiro yu wahachu cahmajari mûsa yûhure? ¿Dohse jiriro yu wahachu cahmajari mûsa?

Corinto macaina ti wuana tirire yahuha Paulo

5 1 Potocata õ sehe quiti tira sãre paina: Cûiro mûsa mehne macariro to pucuro namonore wuana tiyuhca. ãta ni yahura masa sãre. Paina Cohamacure cahmaeraina jipahta tina sehe tó sehe yoaina jierara. 2 Mûsa mehne macariro to ã yoapachuta mûsa sehe “Quihõno yoana nija sã”, ni tûhotumana. ¿Dohse yoana to ñaa yoarire masipanahta cahyaerajari mûsa? ã jina ã ñano yoarirore mûsa mehne Jesu yaina mehne jirirore cohã wioboa mûsa. 3 Yûhu mûsa mehne jierapaihta yu

wacūapu m̄usa mehneta jija yuhu. Å jicu m̄usa mehne jicu yu niboriro seheta ñano yoarirore to å ñano yoari buhiri buhiri dahre duti tuhsuja yuhu. 4 Jesu to dutiro mehneta å yoa dutija. Å jina m̄usa cahmachuna yu wacūa mehnepu m̄usa mehne yu jichu to p̄uchuro namono mehne ñano yoarirore cohā wiona, mari p̄uhtoro Jesu to tuaa mehne õ sehe niga ñano yoarirore: 5 “Watīno to cahmano seheta m̄uhure yoawahnojaro”, niga tirore. Åta niga tirore ñaare to goa pjari cjirire to duhuhto sehe. M̄usa å cohāchū tiro ñano yuhdūrohca. Mari p̄uhtoro Jesu to tjua tari dachoi ñano yoariro cjiro Jesu mehne to noano yuhdūhto sehe mip̄ure tirore å niga.

6 “Quihōno yoana nija sā”, nipanahta ñano yoana nica m̄usa. Ñano yoarirore m̄usa å ñūnocabna, tí ñaare m̄usa jipihtina piha pihtia wahanahca. Pāo b̄ucharo trigore to noano sāarūchū sh̄iro seheta tí ñaa m̄usare piha, noano sāarūchū sua waharohca. ¿Tíre masierajari m̄usa? 7 Yu coyea judio masa pascua jichu ovejare wajā, jū m̄uo, Cohamacure ño payora. Tó seheta oveja to yariariro seheta Cristo mari ñaa buhirire yariari jire. To å waharire masina, m̄usa sehe ñano yoarirore m̄usa mehne macarirore cohā wioga tí ñaa m̄usare to pihaerahto sehe. M̄usa ñaa yoari buhirire cohā tuhsure Cristo. Å jina ñano yoarirore cohā wioga “Tí ñaare pihari”, nina. 8 Pāo b̄ucharo trigore to sāarūchū sh̄iro seheta panopu ñaare ñu cū yoa pihtiina jimai mari. Å jina pascua bose nūmūrihi pāo b̄ucharo marieno pāore ti ch̄uriro seheta mari cūchū ñaare goa pjaro marieno ñano yoaro marieno jijihna. Panopu mari ñaare mari yoaa tiriro sehe yoena tjijihna. Å yoana potocā noano t̄hotua mehne, noano yoaina jijihna.

9 M̄usare yu joarocari p̄up̄ure Jesu yairo jiparota å w̄hana tirucurirore ne piti ti dutieramahi. 10 Å nicu numia mehne ñano yoainare, m̄ua mehne ñano yoaa numiare, paina yare goa pjainare, yacainare, “Cohamacu jira”, ti nia masūrine ño payoinare Jesu yaina ti jierachu “Tina mehne jienna tjiga”, nieraja. Ahri yahpai tó sehe jiina marieno Jesure cahmaeraina marieno mari dihta ji masieraja. Jipihtiropu jira tina sehe. 11 Å jicu m̄usare joarocacu õ sehe yoa dutimahi: M̄usa mehne macariro “Jesu yairo”, ti niriro to jipachuta numino mehne ñano yoariro, paye barore goa pjariro, “Cohamacu jira”, ti nia masūrine ño payoriyo, ñano quiti dahrerucuriro, cahariro, yacariro to jichu tirore piti tieno tjiga. Å jina tó sehe yoariro

mehne pinihatare ch̄ena tjiga. 12 Jesu yaina jierainare ti ñaa yoari buhirire ne buhiri dahre dutiriro jieraja yahua. Tó sehe buhiri dahre dutiriro jira Cohamacu sehe. Yü ä nipach̄ta m̄usa mehne cahmachuina Jesu yaina m̄usa basi m̄usa yoarire ñuna masino cahmana m̄usa sehere. Ä t̄hotunocaeraro cahmana. Ä jina m̄usa sehe tina ti ñano yoach̄u ñuna buhiri dahrega tinare. 13 Jesu yaina jieraina sehere Cohamacu sehe buhiri dahrerohca. Ä jina m̄usa sehe m̄usa mehne macarirore ñano yoarirore cohā wioga.

Jesu yainare ti basi ti yahusaārire yahuha Paulo

6 1 ¿M̄usa basi cahma ñu tuhti yahusā duana dohse jiro baro Jesu yaina jieraina cahapu m̄usa coyeare Jesu yainare yahusāna wahajari? Jesu yainare m̄usa mehne macainare yahusā duana paina Jesu yaina sehere tére yahuro cahmana m̄usare. Ä jia Jesu yainapu besejaro. 2 Pihtiri dacho jichu mari Jesu yaina sehe masa jipihtina ti yoarire ñuna “Ahri ñaa jira. Ahri noaa jira”, besenahca mari tinare. ¿Tére masierajari m̄usa? Ä jina pihtiri dacho jichu masa jipihtinare besehtina jina, mipu cūhure bese masija mari. Ä jina mipure wiho jiacā buhiri cūhure bese masija mari. 3 Anjoa ti yoarire ñuna tina cūhure besenahca mari. ¿Tére masierajari m̄usa? Mari ä besehtina jina potocāta tí yuhdoro mipu cūhure Jesu yaina ti yoarire ñuna bese masija mari. 4 ¿Ä jina dohse yoana m̄usa mehne macainare yahusā duana mari mehne jieraina cahapu Jesu yainare yahusāna wahajari m̄usa? 5 Ahrire nii nija m̄usa quihōno yoarerare m̄usa cahyahto cjihtore. ¿M̄usa mehne macainare m̄usa cahma sayochu m̄usare yahuhtiro m̄usa mehne macariro noano masiriro marajari? Jira. 6 To ä jipach̄ta m̄usa mehne macariro Jesu yairo pairo Jesu yairore yahusā duaro Jesure cahmaerainare yahusāno wahara.

7 Masare beseina puhtoare m̄usa mehne macainare yahusāna Jesu yaina jipanahta quihōno yoarerara m̄usa. Pairo m̄usa mehne macariro m̄usare ñano to yoachu ä ñuñocaboa m̄usa. Jesure cahmaerainare m̄usa yahusāhto pano m̄usa coyeirore m̄usa ä ñuñocachu noabiaboa. Jesu yairo m̄usare to yacachu tirore m̄usa yahusāhto pano tiro to yacarire m̄usa ä ñuñocachu noabiaboa. 8 Ä yoaborina jipanahta paina m̄usa mehne macaina Jesu yaina ti jipach̄ta tinare ñano yoaina, yacaina jira m̄usa.

9-10 Tó sehe yoaina puhtoro Cohamacu to suho jiropure muanopure waha masierara. ¿Tíre masierajari musa? Mahñoare tuhotuena tjiga musa: Wuana tiina, “Cohamacu jira”, ti nia masurine ño payoina, numia mehne ñano yoaina, mua mehne ñano yoaa numia, mua sahsero ti pjacuri mehne ñano yoaina, numia sahsero ti pjacuri mehne ñano yoaa numia, yacaina, paina yare goa pjaina, cahaina, masare ñano tuhtipeina, masa ti chuaare maina baro ne Puhtoro Cohamacu to suho jiropure muanopure waha masierara. **11** Panopure musa chu to sehe yoaina tujimahre. Å yoamarina musa jipachuta mipure musa ñano yoari buhirire cosa tuhsuri jire Jesucristo sehe. Å to cosarina musa jichu to yaina chijitire yoare Cohamacu musare. Å yoaro “Noaina jira”, ni ñuna musare tiro. Åta yoare musare mari puhtoro Jesucristo, Espíritu Santo chu ti tuaa mehne.

Mari pjacuri Cristo ya pjacuri jia nina

12 “Yu cahmano sehe yoa masija yuhu”, niyuhcá caina musa. Tí potocu to jipachuta tíre yoacu noano jieraboca yuhu. Yu cahmano sehe yoa masija. Å yoa masipaihta caa tahari å yoariro jicu tíre duhu masieraboca yuhu. Å jicu tíre pari turi yoasi yuhu, “Tíre duhu masieraboca”, nicu. **13** Ó sehe nina musa: “Jipihtia chua mari pjaro macaa chijiti jira. Tuhsu mari pjaro chua posa tihti pjaro jira”, nina musa. Tí potocu tjira. Å jiparota baharo Cohamacu sehe mari chuare mari pjaro chure ti pihtia wahachu yoarohca. Å jia mari chua wiho warota jia nina. Chua mari pjaro macaa chijiti jira. Å jiparota mari pjacuri numino mehne ñano yoahí pjacuri jierara. Mari pjacuri sehe mari puhtoro Cristo ya pjacuri chijiti jia nina. Å jiro mari puhtoro sehe mari pjacurire noano yoahíro chijito jira. **14** Cohamacu to tuaa mehne mari puhtoro Cristore masori jire. Å to yoariro seheta mari chure masonohca tiro.

15 ¿Å jina musa pjacuri Cristo ya pjacuri ti jichu masierajari musa? ¿Ti å jichu Cristo ya pjacu mehne ñano yoaricoro mehne mari ñano yoachu noajari, musa tuhotuchu? Noaerara. **16** Ñano yoaricorore ñahariro to pjacu sehe ticoro ya pjacu mehne jiro, cu pjacu yoaro seheta jira. ¿Tíre masierajari musa? Åta ni joaa tiri jire Cohamacu yare ti joari tjui: “Tina puaro jipahta cu pjacu yoaro sehe wahara”, ni joaa tiri jire. **17** Mari

púhtoro to yaina mehne jira. Ñ jiro Jesu yairo Jesu mehne púaro jipahta cāno potori tūhotuina cūirota ti jiboro sehetá jira.

18 Á jina numia mehne ñano yoaaare, múa mehne ñano yoaaare goa pjaena tjiga. Tíre múa yabiro sehetá tíre yoaaena tjiga. Paye ñaaare mari yoana mari pjacüre dojomehneraja.

Numino mehne ñano yoariro sehe to pjacüre ñano dojomehnena.

19 Espíritu Santore marine ware Cohamacü. Á jiro mari mehne jiro nina Espíritu Santo sehe. ¿Tíre masierajari múa? Á jia múa pjacüri múa catia cūhü múa ya cjihti waro jierara. Cohamacü yaina cjihti waro jira múa. **20** Múa ñaa buhirire buhiri dahre tuhsüre Cristore. Á jina to yaina cjihti waro jira múa. To yaina jina múa pjacüri mehne Cohamacü to cahmano sehe yoaga.

Á yoana Cohamacüre ño payona nina múa.

Namo tiare yahuha Paulo

7 **1** Mipüre yuhüre múa sinitu múa joarocari cjirire yuhü cūhü yuhti cahmai tai nija: Masuno namo tierachü cühüre, noanocahna, yu tūhotuchü. **2** Tí á jipachüta múa sehe namo tijaro paina numia mehne ti ñano yoerahto sehe. Á jia numia cühü manu tijaro paina múa mehne ti ñano yoerahto sehe.

3-4 Manu tiricoro to pjacü to ya pjacü dihta jierara. To manu no ya pjacü cühü jira. To manu no cühü to pjacü to ya pjacü dihta jierara. To namono ya pjacü cühü jira. Á jina múa múa sehe múa namosänumiare noano cjhaga. Á yoa múa numia cühü múa manusümare “Yu pjacüre pihaecü tjiga”, nieno tjiga.

5 Wiho mejeta Cohamacüre púaro múa sini duana “Mahaa dachoricä mari basi jiena tjijhna. Cohamacüre sinijhna”, cūno potori á nina, múa basi wahä duhu masina múa. Múa á duhuri baharo múa jiriro sehetá jirucuga tjoa, Satana ñano mísare to yoa dutierahto sehe. “Paina mehne ñano yoaboca” nina, múa basi piti ti duhuena tjiga. Múa jiriro sehetá jirucuga tjoa.

6 Ahrire mísare mipü yu niri cjirire yahucü mísare dutia waro mehne nieraja. Á yahuta nija múa yoahore múa masihto sehe. **7** Jipihtina múa yu yoaro sehetá namo tieraina múa jichü noaboa yuhüre. Á ji duapanahá mari jipihtina cūno potori jieraja. Cánare marine namo ti dutira Cohamacü. Cánare namo ti dutierara.

8 Á yoa namo marieinare, manu marieinare, wapewahya cühüre õ sehe nija: Namo marieina, manu marieina ji masina,

āta jinocahga m̄usa ȳ yoaro sehetā. 9 Ā ji masierana tuaro ūnaare goa pjana, potota namo tiga. Ā yoa numia cūhū manu tiga. ūnaare m̄usa goa pjachū noaeraputiara m̄usare. M̄usa ā goa pjana m̄usa namo tichū pininta noa nina. Ā yoa m̄usa manu tichū cūhūre noana.

10 M̄usa namo tiinare, manu tia numiare õ sehe dutija. Ȳ ã nipachūta ya dutia waro jierara ahri. Mari pūhtoro Cristo ahrire dutira: M̄usa numia sehe m̄usa manusumare cohāena tjiga. 11 M̄usa manusumare cohāena, manu mariea numia sehe tjuaga. Ā tjueraera parí turi tjoa m̄usa manusuma mehne noano jiga tjoa. Ā yoa m̄usa cūhū m̄ua m̄usa namosānumiare cohāena tjiga.

12 Ā yoa m̄usa cūhūre painare õ sehe nija yūhū. Mari pūhtoro to dutia jierara ahri. Yūhū sehe õ sehe nija m̄usare: Cāina m̄usa mehne macaina Jesu yaina sehe Jesure cahmaeraa numiare namo tiina jira. Ā jina m̄usa namosānumia m̄usa mehne ti tjua duachū tí numiare cohāena tjiga m̄usa. 13 Ā yoa cāina m̄usa mehne macaa numia Jesu yaina numia Jesure cahmaerainare manu tia numia jira. Ā jina m̄usa manusuma m̄usa mehne ti tjua duachū tinare cohāena tjiga. 14 M̄usa manusuma Jesure cahmaeraina jipahta Jesu yaina numiare ti namo tichū, Cohamacū noaina yoaro sehe ūna tinare. Ā yoa m̄usa m̄ua sehe Jesu yaina m̄usa jichū m̄usa namosānumia Jesure cahmaera numia jiboca. Ti ã jipachūta m̄usa mehne tí numia manu tichū Cohamacū noaa numia yoaro sehe ūna tí numia cūhūre. To ã ūherachū m̄usa pohna Jesure cahmaeraina pohna yoaro sehe ūboa Cohamacū. Wiho mejeta ti pohna cūhūre noaina yoaro sehe ūna Cohamacū. 15 Ā yoa m̄usa m̄ua sehere m̄usa namosānumia Jesure cahmaeraa numia m̄usare cohā dua, āta yoajaro. M̄usa manusuma cūhū ã cohā dua, āta yoajaro. Noano mari jichū cahmana Cohamacū. Ā jiro tí numia m̄usare ti cohā duachū “Tí numia mehne jisiniga”, ni dutierara Cohamacū. 16 Ti namosānumia Jesu yaina numia sehe noano ti yoachū ūna baharopū ti manusuma sehe Jesure cahmaboca. Ā ti cahmachū Cohamacū tinare pichacapū wahaborinare yūhdūchū yoarohca. Ā yoa ti manusuma Jesu yaina sehe noano ti yoachū ūna baharopū ti namosānumia Jesure cahmaboca. Ti ã cahmachū Cohamacū tí numiare pichacapū wahabori numiare yūhdūchū yoarohca. Ā Jesure

cahmaborina ti jipachhata potota Jesure ti cahmahtore masiyuhto basioerara musare.

17 Å jina jipihtina musa mari puhtoro Cristo musare to ji dutiriro seheta yoaga. Å yoana Cohamach musare to cūri cjirire yoaga musa. Tíre jipihtina Jesu yainare å yoa dutirucuja yuhu. 18 Jesu yaina musa jihto pano circuncisiõre yoarina cjiri jina, åta jirucuga. Tuhsu, Jesu yaina musa jihto pano circuncisiõre yoaeraina cjiri jina mipu cūhure åta jirucuga. 19 Mipure circuncisiõre yoarina musa jichu yaba cjihti jierara. Tíre yoaeraina musa jichu cūhure yaba cjihti jierara. Wiho mejeta Cohamach dutiare mari yoachu tí pini wiho waro jierara. 20 Å yoana Cohamach Jesu yaina musare to cūri pja musa jiriro seheta tjuaga. 21 Jesu yairo mu ji ducahto pano masunore dahra cohtariro mu jichu noanohca. Åta tjuasiniga. Mu puhtoro muhure to wio duachu sehere wijaga muhu. Mu wijachu noanohca muhure. 22 Mari puhtoro Jesu yairo cūiro jiro masunore dahra cohtariro jiparota Jesu to yuhduchu yoariro jira. Åta pairo mari puhtoro Jesu yairo jiro, masunore dahra cohtariro jieraparota Jesure dahra cohtariro jira tiro cūhu. 23 Mari ñaa buhirire buhiri ti tuhsuri jire Cristo. Å jina tiro dihtare “Yu puhtoro waro jira”, ni tuhotuga musa. Paina musare tíre ti å ni tuhotu dutierachu tinare tuhoena tjiga. 24 Å jina yu coyea, Jesu yaina cjihti Cohamach musare to cūri pja musa jiriro seheta tjuaga. Å tjuana Cohamach mehne macaina jiga.

25 Mipure namo marieinare, manu maria numia cūhure yahu duaja musare. Mari puhtoro ahrire “Ó sehe niga”,nierare yuhure. Yuhure to pja ñuchu yuhure to yoadohochu to cahmano seheta yoarucuriro jija yuhu. Å jiriro jicu ahrire noano yahuihtja musare. 26 Mipure musa ñano yuhduna nica. Å jiromahchu musa namo marieina cūhu manu maria numia cūhu musa tjuachu noanohca, yu tuhotuchu. 27 Namo tiina, manu tia numia musa jina åta tjuaga. Å yoa namo marieina, manu maria numia musa jina åta tjuaga. 28 Namo tina ñano yoaerara musa. Å yoa musa nuhmia manu tina ñano yoaerara musa cūhu. Wiho mejeta namo tiina, manu tia numia musare wapuoro tjuarohca ahri yahpahi masa ti ñano yuhdaro seheta musa ñano yuhduchu. Å jicu musare “Å wapu tiri” nicu, “Namo marieina, manu maria numia tjuaga”, nihi yuhu.

29 Y^h coyea, ahrire m^usare yahui nija. Cristo ahri yahpap^u to tjua tahto mahancā d^uhsara. Ā jia mip^ure namo marieina Cohamac^u to cahmano sehe ti noano yoa masino seheta noano yoaro cahmana namo tiina c^ūh^ure. Ā yoa man^u tia numia c^ūh^ure āta Cohamac^u to cahmano sehe noano yoaro cahmana.

30-31 Ahri yahpa to mip^u jiro seheta baharocāta pihtia waharohca. Ā pihtihi yahpa to jich^u mip^ure mari ñahacaha tiia, mari wahchea, mari cj^uaa pihtia wahaahca. Ā jia tí wiho waro jira. Cohamac^u yare yoaa sehe wiho waro jierara. Ā jia ahri yahpa macaare cj^uaina, cj^ueraaina yoaro sehe jijaro. Ahri yahpa macaare pjíro t^uhotuea tjijaro. Ahri yahpa to mip^u jiro seheta baharocāta pihtia waharohca.

32 M^usa ñano y^uhd^uerach^u cahmaja y^uh^u. Pjíro m^usa t^uhotuerach^u c^ūh^ure cahmaja. Namo marieriro Jesu yairo jiro Jesu yare wac^urucura. Ā wac^urucuro Jesu cahmaare tuaro yoa duara. **33** Namo tiriro sehe to namono cahmaa sehere tuaro yoa duara. Ā jiro ahri yahpa macaare pjíro t^uhotura. **34** Ā jiro tiro puaro macaare yoa duara. Jesu cahmaa c^ūh^ure, to namono cahmaa c^ūh^ure tiro yoa duara. Ā yoa b^ucoro man^u marienicoro jiro, ticoro mari p^uhtoro Jesu cahmaare tuaro yoa duara. Nuhmino c^ūh^u āta yoa duara. Ā yoa duaro to pjac^u mehne, to wac^una mehne c^ūh^ure ticoro tuaro Cohamac^u yacoro ji duara. Man^u tircoro sehe ahri yahpa macaa sehere to man^uno cahmaa sehere tuaro yoa duara. Ā jiro ahri yahpa macaare pjíro t^uhotura.

35 Ahrire m^usare nii nija m^usare yoadohoc^u tac^u. Wap^uoa dutiare m^usare c^u duaeraja. Ā c^u duaerapaihta noano m^usa yoach^u cahmaja. Jesu mari p^uhtoro yare m^usa tuaro yoa duach^u cahmaja y^uh^u.

36 M^usa mehne macariro to s^uh^uduricoro to b^ucoro curero to wahach^u ñ^uno namo tijaro tiro ticorore. “Āta yoaro cahmana ticorore”, ni t^uhoturo to niriro seheta yoajaro tiro ticorore. Ticorore namo ti masina. Ā yoaro tiro ñano yoaerara. **37** Pairo sehe to s^uh^uduricoro namo ti duaeraro, to cahmano seheta yoajaro tiro ticorore. “Ticorore namo tieraja y^uh^u”, ni t^uhoturo to cahmano seheta yoa duaro, tó seheta yoajaro. Ā yoariro noano yoara. **38** Ā yoa to s^uh^uduricoro namo tiriro c^ūh^u noano yoara. Tuhs^u, to s^uh^uduricoro mip^ure namo tierariro sehe pairo y^uhdoro noano yoaro nina.

39 Manu t^uricorore to manunore cohā dutierara Cohamacu. To ã cohā dutierapachuta to manuno to yariari baharo ticoro pairo mehne to cahmariro mehne manu ti masina. Ticoro to manu tiriore Jesu yairo jiro cahmana tirore. **40** Ticoro manu marienicoro tjuardo, manu t^uricor yuhdoro noano wahchericoro jirohca ticoro. Æta ni tuhotuja yuhu sehe. Cohamacu to Espíritu Santore cjuariro jija. (Yu ã jiriro jichu masina ahri yu yahurire masiga musa.)

**“Cohamacu jira”, ti nia masurine ño payo
ti duhu payoa chuare yahuha Paulo**

8 **1** Mipure “Cohamacu jira”, ti nia masurine ño payo ti duhu payoa chuare yahu duaja. Jipihtina musa tí barore “Masija”, ni tuhotura musa. Æ ni tuhotuma “Painare masi yuhdurucaja”, ni tuhotumana caina. Æ ni tuhotua painare yoadohoerara tina. Painare cahia tinare yoadohora. Æ yoa masia yuhdoro painare cahia sehe wiho waro jierara. **2** “Masi pahñonocaja”, ti mu suro niina jia, Cohamacu noaare to masi dutiare masierasinica tina. **3** Wiho mejeta Cohamacure ti cahichu tinare masina tiro. (Æ jia to yaina jira tina.)

4 Æ yoa “Cohamacu jira”, ti nia masurine ño payo ti duhu payoa chuare ahriretya yahuhtja: Tí masuri ne yaba cjihti jierara. Potocáta tí masuri yajeripohna mariahna. Cohamacu sehe c*ü*riota jira. Paina cohamana mariahna. Ahrire mari masija. **5-6** “Payu cohamana jira. Tina mari puhtoa jira”, ni tuhotumana masa. Æ yoa muanopu, ahri yahpapu c*ü*hure “Cohamana”, ti niina jipachuta mari sehore c*ü*riota jira Cohamacu. Tiro mari Pucu jipihtiare bajuamehneriro jira. Æ yoaro to yaina cjihti yoari jire tiro marine. Æ jiro mari puhtoro Jesucristo c*ü*riota jira. Tiro jipihtiare mari Pucure yoabasario jira. To yaina cjihtire yoari jire tiro marine. Æ jina tiro mehne ã jirucunahca mari.

7 Yu niriro sehe ã jipachuta paina Jesu yaina ture masierara. Panopu tina “Cohamacu jira”, ti nia masurine “Catiina jira”, ni tuhoturucumaha. Tí pjapure ã yoarina jia mipu c*ü*hure tí masurine ño payo ti duhu payoa chuare “Cohamana ya chua jira”, ni tuhotumana. Æ yoaa tí chuare chua, “Mari ñano yoana nija cohamana ya chuare chua”, ni tuhotumana. Ture ti yoarire noano masiera, ã ni tuhotumana. Æ jia tina ñano yoaa nina, ti tuhotuchu. **8** Tí chuare mari chuchu mari chuerachu c*ü*hure

Cohamacʉ marine “Noaina jira”, ni ñuerara. Å yoa tí chʉare mari chʉchʉ wiho warota jinocahno nina tí chʉa. Mari tíre chʉna ñano yoeraja. Tí chʉare mari chʉerachʉ cūhure wiho warota jinocahno nina. Ti duhu payoa chʉare mari chʉerana paina yʉhdoro noaina jieraja mari cūhʉ. 9-10 Wiho mejeta noano yoaga mʉsa. Tí chʉare chʉrina cjiri mʉsa jichʉ paina mʉsare, “Masija” niinare, ñʉ cū chʉboca. Å ñʉ cū chʉa ti yoarire noano masiera, “Ñano yoana nija mari”, ni tʉhotuahca tina cūhʉ. Ti ã ni tʉhotuchʉ tina sehere ñano yoachʉ yoana nica mʉsa. Å jina noano yoaga mʉsa. 11 “Mari tí chʉare mari chʉchʉ noanohca marine”, mʉsa ni tʉhotuina jina paina noano masieraina cjirire ñano yoachʉ yoaboca mʉsa, mʉsare ti ñʉ cūchʉ. Tina ya cjihti cūhure yariari jire Cristo. Å yoana Cristo yainare mʉsa coyeare ñano yoachʉ yoana niboca mʉsa. 12 Noano masierainare Cristo yainare mʉsa ñano yoachʉ yoana, Cristo cūhure ñano yoana nica mʉsa. 13 Å jicʉ tí masirine ño payo ti duhu payoa chʉare yʉhʉ chʉcʉ Cristo yainare ñano yoachʉ yoai niboca yʉhʉ. Cristo yaina ti ñano yoachʉ cahmaeraja. Å jicʉ “Yʉhʉ tinare ñano yoachʉ yoari” nicʉ, tí chʉare ne pari turi chʉsi yʉhʉ.

Paulo Jesu to cūriro to jia tiare yahuha

9 1 Jesu to yare buhe dutiro to cūriro jiia. Å jicʉ paina to cūrina ti yoaro sehetia yoa masija yʉhʉ cūhʉ. Mari puhtoro Jesure ñʉriro tjija yʉhʉ cūhʉ. Å jina Jesu yare yʉ buhechʉ mʉsa sehe tíre noano tʉhorina jina to yaina wahare mʉsa. Å to yaina waharina jina Jesu to cūriro yʉ jichʉ masi tuhsʉra mʉsa. 2 Paina yʉhure yahuwajaa “Tiro Jesu to cūriro jierara”, niboca. Ti ã nipachʉta mʉsare yʉ buheri baharo Jesu yaina wahana, “Jesu to cūriro jira” ni, yʉhure masi tuhsʉra mʉsa. Å jina paina ti yahuwajapachʉta mʉsa sehe to cūriro yʉ jia tiare masina.

3 Yʉhure yahuwajainare õ sehetia ni yʉhtiiltja: 4 Mʉsare yʉ buheri baharo yʉ chʉhtire yʉ sihnihti cūhure yʉhure waboa mʉsa yʉ buheri wapa. 5 Å jicʉ namo tiriro jicʉ yʉ namo Jesu yacoro to jichʉ ticoro mehne tini masiboa yʉhʉ. Paina Jesu to cūrina, Jesu bahana, Pedro cūhʉ ti namosānumia mehne ti tiniriro sehetia yʉhʉ cūhʉ tini masiboa. 6 Yʉhʉ Bernabé mehne mʉsare noaa buheare sã buhepachʉta sãre ne paye barocã waerare mʉsa. Å jina sã basita sã chʉhti cjihtire dahra

wapatai sā. ¿Sā dihtare wapataro marieno buhero cahmajari, mūsa tūhotuchu? 7 Ahrina yu yahuhtina sehe ti dahrari wapa wapatara. Cūiro surara to dahrachu to pūhtoa tirore wapara. To basi wapaerara. Chūare toariro cūhu to toari dicha tichu tíreta chū masina. Ā yoa ovejare nū wihiboriro to nuina pēchore sihni masina tiro. 8 “Ti dahrari wapare waparo cahamana”, nicu masa ti dutia dihtare mūsare yahueraja. Cohamacu to dutiapu to niri cjiri cūhure mūsare yahui nije. 9 Moise cjirore to cūri dutiare to yare ti joari pūi ò sehe ni yahura: “Wachu trigo yaparire to dahpori mehne suhtiwerirore to chū duachu to dūserore dūcataena tjiga”, nia tiri jire Cohamacu dutia. 10 Ā dutiro wachuare nino nierari jire. Ā dutiro marine nino niri jire marine buhero taro. Wesere sahariro cūhu tí dichare narina cūhu ti dahrari baharo dicha tiri pja jichu ti wapatahtore cohtara tina. (Ā jina dahrainare ti dahrari wapare waro cahmana marine.)

11 Mūsare Cohamacu yare noaa buheare buhei sā. ¿Sā á buhechu mūsa sehe sāre chūare waeraro cahmajari, mūsa tūhotuchu? Waro cahmana. Mūsa wachu noaboa sāre. 12 Ā waerarina jipanahta paina chūare mūsare ti sinichu mūsa tina sehere wara. Tina mūsare ti chūare sinichu sā sehe tina yuhdoro mūsare chūare siniborina jimaja.

Ā wa dutiborina jipanahta sā sehe “Sāre waga”, ne nierahi. “Cristo ya buheare mūsapu cahmaeraboca” nina, sāre chūa mariapachu ta mūsare ne sinierahi. 13 Cohamacu wuhui dahraina tí wuhuihta ti chūare nana. Ā yoa Cohamacure ti ño payori mesai cohtaina wahiquirore ti jūriore mahancā na chūra tina cūhu. ¿Tíre masierari mūsa? 14 Tó sehetá ti yoariro sehetá noaa buheare buheinare ti buheri wapare ti chūhtire tinare waro cahmana mūsare. Āta yoa dutire mari pūhtoro Jesu. 15 Ā jichu mūsare siniboriro jipaihta yuhu ne paye barore sinierahi mūsare. Ā jichu ahrire mipure joacu paye barore wapa cahmai tai joai nieraja. Mūsare ne wapa cahma duaeraja. Yariahtiro jipaihta ne wapa cahmasi yuhu mūsare. Wapa marieno buhechu ji coa yuhduaja. Ā jichu mūsare yu buheri wapa ne wapata chusi.

16 Noaa buheare buhe dutiro yuhure cūre Cohamacu. Tíre buheri masuno jinocaihta nije yuhu. Noaa buheare buheracu pjachoriro jiboa yuhu. Ā jichu tí buheare buhechu “Painare masi yuhducaja”, niboriro jieraja yuhu. 17 Noaa buheare yu mu

suro buhecu yu buheri wapa wapaa naboa yuhu. Cohamacu yuhure to yare buhe dutiro cire yuhure. **18** ¿To yare ã buhecu yaba barore wapatajari yuhu? Õ sehe jira yu wapataa: Noaa buheare buhecu musare ne paye barore sinieracu wapa marieno ti buheare buheja musare. Yu ã nirire masicu wahcheja. Yu wahcheata jira yu wapataa.

19 Ne masare dahra cohtariro jierapaihta jipihtinare dahra cohtariro yoaro sehe jija yuhu payu paina masa Jesu yaina ti wahahto sehe. **20** ã jicu yu coyea judio masa mehne jicu, ti yoaro seheta yoaja yuhu Jesu yaina ti wahahto sehe. Cohamacu to dutia cjirire Moise cjirote to ciri cjirire ño payoriro jierapaihta, ti dutia dihtare ño payoina mehne jicu ti dutiare ño payoriro baro yoaro seheta jija yuhu. Ñta yoaja yuhu tina Jesu yaina ti wahahto sehe. **21** ã jicu Cristo yairo jicu Cohamacu dutiare Moise cjirote to ciri cjirire yuhduruca duaeraja. Tí dutiare yuhduruca duaerapaihta tí dutia marieina mehne jicu tí dutia marieriro yoaro seheta jija. Ñta yoaja yuhu tina cihu Jesu yaina ti wahahto sehe. **22** Jesure noano masieraina mehne jicu ti yoaro seheta jija. “Masi pahñoriro jija”, nieraja yuhu. Ñta yoaja yuhu tina cihu Jesu yaina ti wahahto sehe. ã jicu jipihtina masa ti jiriro seheta jija yuhu caina tina Jesu yaina to yuhdachu yoaina ti wahahto sehe. **23** Ahrire yoaja noaa buheare jipihtina ti tuhohto cjihtore. Yu ã yoachu ñano Jesu to buheriro seheta tiro yuhu cihure noano yoara. (ã jicu masa ti jia tiro seheta jija.)

24 Ó seheta jira mari piti dahre buhechu. Murocapeina murocaa tina jipihtina murocara. Ti ã muroca pihtipachuta muroca yuhduruçariro su muhtana. Ñ su muhtariro wapatara. Ñ jina ti murocariro seheta musa cihu Cohamacu cahmaare yoaga musa wapatahto sehe. **25** Jipihtina murocaina ti pjacure dojomehneare duhunoca noano murocapora ti muroca tuahto sehe. Tuhsu, ti noano murocahto cjihtore quihõno chua, quihõno caria, noano yoara tina. Ñta yoara tina muroca su, ti wapatahto sehe. Ñ jia ti ã yoa wapataa puri mehne ti yoari soro jira. Tí soro ñaco baaerara. Mari sehe Cohamacu yare noano buheja to yare mari wapatahto sehe. Tí wapataa pinichta ne baaerara. **26** ã jicu yuhu pa sehe murocariro yoaro sehe yoeraja. Potori da murocariro yoaro sehe yoaja yuhu. Tuhsu, cahmacheperiro pa sehe dota moñoroca muijariro yoaro sehe yoeraja. Ñ yoa duaeracu Cristo yare quihõno yoa duaja.

27 Ñ jicu m̄ucocapeina, cahmachepeina cāhu ti pjacurire ti buheriro sehetu noano quihōno ti yoariro sehetu yuhu cāhu yu pjach mehne noaa dihtare yoapoja. Ñ yoeracu painare buheriro jipaihta yaba cjihti jieraboa yuhu sehe.

“Cohamacu jira”, ti nia masurine ño payo dutieraha Paulo

10 1 Ñ yoa yu coyea, ahrire masiga m̄usa. Sã Israe masa ñuchusuma cjiri panopu macaina jipihtina Cohamacu to me curuare ñu ñunu ti wahcāa, wahaa tiri jire. Ñ wahaa sohāri mare co watoi jiri mahai wua cahari mahai pahā tinia wahari jire. 2 Ñ wahaa tina jipihtina me curua mehne sohāri ma macaa co mehne bautisarina yoaro sehe wahari jire. Bautisarina wahana Cristo yaina mari jiare ñona nija. Tó sehetu tina sohāri mare bautisarina yoaro sehe wahaa, Moise cjiro yaina ti jiare ñoa nia tiri jire. 3 Ñ yoa tina jipihtina m̄ano macaa ch̄are ch̄a tiri jire Cohamacu to waare. 4 Ñ ch̄a tina jipihtina Cohamacu to waa co cūhure sihnia tiri jire. Tí pjapure tí core Cohamacu to cūri tācā wijaa core sihnia tiri jire tina. Tia tācā yoaro sehe jiriro, tinare co wariro Cristo jiri jire. 5 Tina ñ waharina ti jipachuta paina tina mehne macaina ñano ti yoachu ñuno Cohamacu sehe payu tina mehne macainare ñu ji coaerari jire. Ñ jiro tinare masa marienopu yariachu yoari jire Cohamacu. Ñ yoaro masa marienopu ti pjacurire cohā sitea wahari jire.

6 Áta yoari jire Cohamacu tinare marine buhero taro. Á jiro tinare ñu cū ñaare mari goa pjaerahto cjihtore Cohamacu á yoari jire tinare. 7 Á jina “Cohamacu jira”, ti nia masurine ti ño payoriro sehetu yoena tjiga m̄usa sehe. Tí masurine ti ño payorire Cohamacu yare ti joari pūi yahuro õ sehe nina: “Tina ch̄u duji sihni tuhsu, wahcāruchu su, bose ñam su yoa ducari jire wachu masure ño payoa taa”, ni joaa tiri jire panopure. 8 Baharo paina sehe Israe masa numia mehne ñano yoari jire. Ti yoari sehetu yoeraro cahmana marine. Tina ti ñano yoari baharo cū dachoichta tina veintitrés mil masa yariaa wahari jire. 9 Ti ñ wahari baharo pari turi paina Israe masa sehe Cohamacure tina mehne suachu yoari jire. “Marine buhiri dahresi”, nia ñaa warore yoari jire. Á yoaa tirore suachu yoari jire. Ti ñ yoari buhiri Cohamacu agāa mehne bahca wajāri jire tinare tjoa. Á jina tina yoaro sehe Cristore yoena tjiga m̄usa “Marine buhiri dahresi”, nina. 10 Pa tehe

tjoa paina ñaa quiti dahre ti tuhtichʉ anjo masare wajāriro tinare wajāri jire. Å jina tina yoaro sehe yoaena tjiga.

11 Å wajā dutiri jire tinare Cohamacʉ marine buhero taro. Mari sehe pihtiri dacho panocā jiina jija. Mari ã jiina jichʉ panopʉ macaina ti ã waharire Cohamacʉ joa dutiri jire marine noano buhero taro. 12 Å jina “Noaina jija sã, Cohamacʉ to ñichʉ”, ni tuhotuina jina, noano yoaga mʉsa “Ñaare yoari”, nina. 13 Mari jipihtina cūiro dʉhsaro marieno cāa tahari ñaare wacūja. Å wacūna tí ñaare yoa duaja. Mari ã yoa duapachʉta Cohamacʉ marine yoadohorucuriro jira. Å jiro tí ñaa wacūare mʉsa bo masierachʉ tiro sehe mʉsare yoadohorohca. Å jiro tí ñaare mʉsa yoa duachʉ ñuño Cohamacʉ tí ñaare mʉsare yoa duaerachʉ yoarohca. To ã yoachʉ tí ñaare yoa duasi mʉsa.

14 Å jina yʉ cahīina yʉhure tʉhoga. “Cohamacʉ jira”, ti nia masʉrine ne ño payoena tjiga. 15 Mʉsa noano masiina jichʉ mʉsare yahuja. Å jina yʉ nihti cjihtire quihōno ti jichʉ masiga mʉsa basi. 16 Cristore ti ñahari ñamine vinore to sihnipto pano Cohamacʉre “Noana”, niri jire. To niriro seheta mari cūhʉ tí core sihnina Cohamacʉre “Noana” nina, mari ya buhiri Cristo to yariarire masichʉ yoana nija. To di wijaarire masichʉ yoana nija. Tuhsʉ, to yaina mari jia tia cūhure masichʉ yoana nija mari. Å yoa pāore mari Cristo yaina nuha, chʉna, mari ya cjihtire to pjachʉ crusapʉ to yariarire masichʉ yoana nija. Tuhsʉ, to yaina mari jia tia cūhure masichʉ yoana nija. 17 Å jina payʉ masa jipanahta cū curi pāo curire chʉna jipihtina mari Cristo yaina cū curuata jija.

18 Israe masa ti yoarire wacūga mʉsa: Tina wahiquirore wajāa, jʉ mʉo waa, Cohamacʉre ño payora. Å ti wari baharo cū curuaita ti wariro cjiroke chʉra. Å chʉa Cohamacʉre ti ño payoare masichʉ yoara tina. 19 Cohamacʉre ti waa chʉare yahucʉ “ ‘Cohamana jira’, ti nia masʉrine ti waa chʉa sehe tí waro jira”, nii nieraja. Tí chʉa pinihta wiho waro jia nina. Tí masuri cūhʉ wiho waro jia nina. 20 Tí chʉa ti yaba cjihi jierapachʉta tí chʉare chueraro cahmana. Ó sehe jira tí. Cohamacʉre cahmaeraina wahiquirore wajā, jʉ mʉoa, Cohamacʉre ño payoa nierara. Å yoaa watĩa sehere ño payora tina. Ti ã ño payoina jichʉ tina mehne chʉna watĩno yaina yoaro sehe yoana nica mʉsa cūhʉ. Mʉsa ã yoachʉ pinihtare ne cahmaeraja. 21 Santa Cenare mari yoari dachoi mari pʉhtoro Jesure wacūna tana sihnija. Mari ã sihniina jina, watĩa sehere

ño payo masieraja mari. ~ yoa Jesure wacūna tana pāore chūja. Mari ã chūna jina, watīa sehere ño payo masieraja mari. 22 ¿Jesure mūsa mehne suachū yoa duajari mūsa, puarore mūsa ño payona? ¿Tiro yuhdoro tuaina jijari mūsa? Jierara. (Ã jina noano yoaga mūsa.)

Cohamacū to cahmaa dihtare yoaga

23 Ó sehe nina cāina: “Sā cahmano sehetā yoa masija sā”, nina. Mūsa yoari cjiri ñaa ti jierapachūta tīre yoana painare yoadohoeraboca mūsa. Tuhsū, tīre yoana Jesure wacū tua namochū yoeraboca mūsa painare. 24 Mūsa cahmaa dihtare yoaena tjiga. Paina sehere noano yoadohoga mūsa.

25-26 Chūa duaropūre chūare nuchūna “¿Ahri chūa masurine ti duhu payoa chūa jijari?” ni sinitu ñueña tjiga. “Ñaare yoari” nina, sinitu ñuboca mūsa. Ñi sinitu ñueña tjiga. Ahri yahpa, ahri yahpai jia cūhū Cohamacū ya jira. Ñi jina tī chūare “¿Ñaa chūa jijari?” nieno tjiga.

27 Jesure cahmaerario mūsare chū dutiro to pjirocachū waha duana wahaga. Ñi wahana mūsare to duhu payoare chūga. “¿Ahri chūa masurine ti duhu payoa chūa jijari?” ni sinitu ñueña tjiga. 28 Ñi jina pairo Jesu yairo “Ahri chūa masurine ti duhu payoa chūa jira”, mūsare to ni yahuchū tī chūa pinichtare chūena tjiga. Mūsare ñi yahuriro “Ñaa chūare chūra ahrina”, mūsare to ni tūhotuerah to sehe chūena tjiga mūsa. Mūsa cūhū ñi tūhoturi nina tī chūare chūena tjiga. 29 Ñi chū dutieracū mūsa ya cjihtire ñi nierahi. Mūsare ahrir yahuriro ya cjihti sehere tī chūare chū dutieraja. Tiropū mūsare “Ñaa chūare chūra ahrina”, niboca. “Ñi niri” nina, tī chūare chūena tjiga.

“Chūena tjiga”, yū nichū ñi sehe ni sinitu yūhtiboca mūsa yūhure: “¿Dohse jiro baro pairore ‘Soro tūhoturi’ nina, chuerabocari sā? 30 ¿Cohamacūre ‘Noana’, sā niri baharo sā chūchū dohsearo tīre sā chūri buhiri pairo sāre yahuwajabocari?” ni sinitu yūhtiboca mūsa yūhure. 31 Ahri jipihiare yahucū ñi sehe nii nija mūsare: Dachoripe Cohamacū to dutiriro sehetā wahchea mehne chū, sihnija, Cohamacūre masa tī ño payohto sehe. Ñi jina jipihiare noano yoarucuga Cohamacūre masa tī ño payohto sehe. 32 Ne judio masare, judio masa jierainare, Cohamacū yaina cūhure ñano yoachū yoaena tjiga mūsa tinare. 33 Ó sehetā yoaja yūhū sehe. Masa jipihtinare yoadoho duaja.

Ã yoachu ya cjihti waro sehere pjíro tuhotueraja. Yu ñano yuhduchu noanohca. Payu masa sehere yoadohoja tinare pichacapu wahaborinare Cohamacu to yuhduchu yoahu sehe.

11 1 ã jina Cristore yu ñu cûrire yu yoachu musa cuhu yuhure ñu cûga.

Corinto macaina ti cahmachunoi numia ti yoahuahu

2 Musare yu buhe turiari cjirire yu yoari cuhure wacu pahñoyuhuca musa. ã wacuna musare yu yoa dutiriro seheta yoayuhuca musa. ã yoana noano yoara musa. 3 ã yoaina musa jipachuta ahri cuhure musa masichu cahmaja: Jipihtina muua ti puhtoro, Cristo jira. Tuhsu, to namono puhtoro to manuno jira. ã jichu, Cristo puhtoro to Puchuro jira. 4 Cohamacure siniriro to dapure mohariro sinino, to puhtoro Cristore ño payoeraro seheta yoaro nina. Cohamacu yare yahuriro cuhu to dapure mohano ãta yoaro nina tiro cuhu. 5 Tuhsu, to dapure mohaeraricoro Cohamacure sinino, to manunore ño payoeraro seheta yoaro nina. Cohamacu yare yahuricoro cuhu to dapure mohaeraro ãta yoaro nina ticoro cuhu. ã yoaro to pjoarire wuha pahñoricoro yoaro seheta yoara ticoro. 6 To dapure moha duaeraro ticoro to pjoarire saa pahño dutijaro. To ã yoari baharo to dapure buo tiro, ticoro mohajaro to dapure. 7 Muua sehe Cohamacu noariro, tuariro to jia tiare ñona tina sehe. ã jia ti dapupure mohaeraro cahmana tinare. Numia sehe muua ti puhtoa jia tiare ñona. ã jia tina numia sehe ti dapupure mohajaro. 8 Cohamacu munore yoaro, numino ya pjacu macano mehne munore yoaerari jire. Numino sehere yoaro, muno ya pjacu macano mehne ticorore yoari jire. 9 Tuhsu, munore yoaro, numino yairo cjihtore yoaerari jire. Numino sehere yoaro muno yacoro cjihtore yoari jire Cohamacu ticorore. 10 ã jia numia ti dapupure mohajaro anjoa cuhu muua ti puhtoa ti jirie ti masihto sehe. 11-12 Cohamacu numinore yoaro, muno pjacu macano mehne yoari jire. ãta mipure muno masa bajuaro, numino pjaciu masa bajuara. Tuhsu, jipihtinare Cohamacu sehe yoari jire. ã jiro muno to ji muhtaerachu numino mariaboa. ã yoa numino to mariachu muno cuhu mariaboa.

13 ¿Musa basi dohse tuhotujari? ¿Numino to dapu mohaeraricoro, Cohamacure to sinichu noajari, musa tuhotuchu? Noaeraputiara. 14 Tuhsu, muno pjoa nahmo muriro to jichu ñaa nica. Jipihtina masa ti mu suro ture masina. 15 ã yoa numino

to pjoa nahmo to dapure mohari cahsaro yoaro sehe jira. Ticoro pjoa nahmo māricoro jiro noaricoro bajura ticoro. Tí cūhure jipihtina masina. **16** Mūsa mehne macariro ahrire yū yahurire to tuho duaerachū, ò sehe ni yahuhtja tirore: “Yū ni yahuriro seheta mari yoaa tia jira. Paina Jesu yaina cūhū āta yoarucura tina cūhū. Sā ā yoarina jichū ñūcū yū ni yahuriro seheta yoaga mūhū cūhū”, ni yahuhtja yū yahurire tuho duaerariore.

Santa Cenare ti chūro watoi dojomehneha Corinto macaina

17 Mipūre mūsare ahrire yahui tai, “Noano yoaina jira”, nieraja yūhū mūsare. Mūsa cahmachuna noano yoaerara. Ñano yoara mūsa. **18** Ó sehe ni yahu mūhtaihtja mūsare: Mūsa cahmachunopū cahma sayona mūsa basi cāa curuari tju wayuhca mūsa. Paina tīre yūhure ti yahuchū “Potocā tjica”, ni tuhotu cureja yūhū. **19** Āta yoayuhca mūsa. Mūsa ā tju warina mūsa jichū ñūna baharo Jesu yaina waro jiina sehere masinahca mari. **20** Mūsa basi ā ñū tuhtiina jina mūsa cūnōi cahmachu chūchū tó wahaerara. Potocāta Santa Cena waro yoana nierayuhca. **21** Mūsa cahmachuna cāina mūsa sahsero chū mūhcona, paina sehere jūca baachū yoana niyuhca mūsa. Tuhsū, sihni mūhtaina sehe cahaa wahayuhca. **22** ¿Mūsare mūsa wūhuse mariajari? Mūsa wūhusepūta chū, sihniga. Mipūre Cohamacū yaina ti cahmachunore dojomehnena niyuhca mūsa to yaba cjihti jieraboro sehetra. Tuhsū, paina Jesu yaina pjacuoinare chūa maeraina sehere mūsa sehe buoro yūhdūchū yoayuhca. ¿Dohse ni yahuhtjari yūhū mūsare? “Noano yoana nina mūsa”, nieraja yūhū.

Santa Cenare yoaa taa, ti chūrire yahuha Paulo

(Mt 26.26-29; Mr 14.22-25; Lc 22.14-20)

23 Mari pūhtoro Jesu to chū batoarire yahure yūhure. Ā to yahuri baharo yūhū sehe mūsare tīre yahu turiahi. Tí ó sehe jira: Tirore ñū tuhtiinare Juda to ñohti ñamihī mari pūhtoro Jesucristo pāore na, Cohamacūre “Noana”, niyuhti. **24** To ā niri baharo tī pāore nuha, to buheinare witiyuhti. Ā witiro ó sehe niyuhti: “Ahrire chūga. Ahri yū pjacū jira. Mūsa yaro jiboriore yariaihca. Yūhure mūsa wacūhti cjihtire ahrire chūga”, niyuhti Jesu mari pūhtoro. **25** Ā ti chūri baharo tiro sihniri wahware na wahcāno ó sehe niyuhti: “Mūsa ñaa yoari buhirire

cohācʉ tacʉ yariaihca. Ñ yoacʉ yʉ dire cohāihca. Cohamacʉ ‘Mʉsare yʉhdʉchʉ yoaihtja’, to niriro mʉ sʉchʉ yʉ yariaro mehne to niriro sohtori tiarohca. Ahri wahwai posa tiare sihnina, yʉ di cohārire wacūnahca. Ahrire sihnina, yʉhure mʉsa wacūhti cjihtire sihniga”, niyuhti Jesu. 26 Ñ yoa Santa Cena macaa pāore mʉsa chʉna, sihniare sihnina, Jesu mari pʉhtoro mari ya buhirire to yariarire ñona nina mʉsa. Ñ ñorucunahca mʉsa pʉ ahri yahpapʉ to tjua tachʉpʉ.

“Santa Cenare chʉ sihnina õ sehe yoaga”, ni yahuha Paulo

27 Santa Cenare chʉ, sihnina, Jesure ño payoro marieno yoana, cua pisaro yoaerana, to pjacʉre to di cohāri cūhure bʉjʉpero sehe yoana nija mari. Ñ yoana Jesure bʉjʉpena nija mari. Tó sehe yoaina buhiri tiina jira. 28 Ñ jina mari yoarire, mari jia tiare noano wacūjhna. Ñ wacūna Santa Cenare chʉ, sihni masija mari. 29 Mari pʉhtoro mari ya cjihtire to pjacʉ to yariarire wacūno marieno Santa Cenare chʉ, sihnina mari buhiri tinahca. 30 Ó sehe dihta yoayuhca payʉ mʉsa mehne macaina. Ñ yooa tina cāina tuaeraina, dohatiina wahayuhti. Tuhsʉ, paina ti ñ yoari buhiri yariaa wahayuhti. 31 Wiho mejeta Santa Cenare mari chʉ, sihnina, mari yoarire, mari jia tiare noano wacūna, mari ñaa yoarire duhuna tí buhirire buhiri tisi mari. 32 Mari pʉhtoro sehe marine tuhtira, tí buhirire marine buhiri ti dutieraro. Paina ñaina Jesure ño payoeraina buhiri tilhtina dihta jira. Tina yoaro sehe marine buhiri tichʉ cahmasāerara mari pʉhtoro.

33 Ñ jina yʉ coyea, Santa Cenare chʉna tana cahmachuna, cohtasiniga mʉsa coyeare. 34 Tuhsʉ, mʉsa mehne macaina jʉca baa, ti ya wʉhʉsepʉ chʉsinijaro. Ñ yoana Santa Cenare chʉna tana cahmachuna, cua pisaro yoaeraina ya buhiri buhiri tisi mʉsa. Paye barore yahu duamahi mʉsare. Baharo yʉ basi suipʉ mʉsare yahuhtja tére.

**Cohamacʉ yare mari yoahvore cūno marine
yoa masichʉ yoara Espíritu Santo**

12 ¹ Yʉ coyea, ahrire yahu duaja mʉsare. Cohamacʉ yare mari yoahvore cūno marine jipihtinare yoa masichʉ yoara Espíritu Santo. Ñ jicʉ tére mʉsa noano masichʉ cahmaja.

2 Jesu yaina jierasinina soro jia buheare tʉho nʉnʉtina jina, mʉsa sehe “Cohamacʉ jira”, ti nia masʉrine, durucuera

masurine ño payosinimare. Tíre masina múa. 3 Å jiina múa jirina cjiri jichú mipure õ sehe ni yahuhtja mísare: “Jesu ñano wahajaro”, niina Cohamacú yairo Espíritu to tuaa mehne å nia nierara. Espíritu Santo warore cjaerara tina. Tuhsú, “Jesu mari púhtoro jira”, niina Espíritu Santo to tuaa mehne å niina jira tina.

4 Cohamacú yare yoa masia payú jira. Ti å jipachúta marine yoa masichú yoariro sehe cüirota jira. Tiro Espíritu Santo jira. 5 Å yoa Cohamacú yare yoahquina payú jina, to yare soro sehe mari yoahki cühú payú jira. Tí å jipachúta mari púhtoro Jesu sehe cüirota jira. 6 Å yoa Cohamacú yare yoaa cühú payú jira. Ti å jipachúta Cohamacú marine yoa masichú yoariro sehe cüirota jira. 7 Marine Jesu yainare Espíritu Santo yoadohoro Cohamacú tuaare ñono nina. Ó seheta yoadohora tiro Jesu yainare jipihtinare mari noano yoadohohto sehe. 8 Cäinare noano masi, yahuchú yoara Espíritu Santo. Tuhsú, painare Cohamacú yare noano buhe masichú yoara tiro Espíritu Santo pinihta. 9 Å yoa painare Cohamacúre noano wacú tuachú yoara tiro. Å yoaro painare Cohamacú tuaare wara tiro. Tí tuaa mehne tina sehe dohatiinare noaina wahachú yoara. Espíritu Santo cüirota jiriro tí tuaare wara. 10 Tuhsú, tiro painare Cohamacú tuaa mehne yoa masichú yoara tiro. Å yoaro painare Cohamacú yare noano yahu masichú yoara tiro tinare. Å yoaro paina Jesu yainare buheare noano bese masichú yoara tiro. Å masia watíno ya buhea ti jichú masina tina. Espíritu Santo waro ya buhea cühure ti jichú masina tina. Tuhsú, painare tühomahnoeraa dñserire ti durucu masichú yoara tiro. Å yoa tühomahnoeraa dñserire durucuina ti nino seheta yahu yáhdo masichú yoara tiro painare. 11 Espíritu Santo cüirota jiriro to cahmano seheta marine cäinare ahri jipihtiare yú yahuriro seheta yoa masichú yoara. Cäinare soro yoa masichú yoara. Paina cühure soro yoa masichú yoara.

Cristo yaina jina cü curuata jija mari

12 Ó sehe jira ahri mehne mari piti dahre yahuchú: Mari pjacú cü pjacú to jipachúta wamomacari, capari, dahpori, cahmori tí pinihta payú jira mari pjaci jia. Åta jija mari Cristo yaina cühú. Cristo yaina to pjacú yoaro sehe cü curuata jira. 13 Å jina Cristo yaina jina, to pjacú yoaro sehe cü curuata jija mari. Judio masa, judio masa jieraina, dahra cohtaina, dahra

cohtaina jieraina, payu curuari jipanahta cāirota jiriro to pjacu yoaro sehe cū curuata jija mari. Espíritu Santo cāirota jiriro to tuaa mehne bautisarina jija mari. Ā jina cāiroreta Espíritu Santore cjuaja mari, Cristo ya curua macaina jina.

14 Mari pjacu cū pjacu to jipachuta wamomacari, capari, dahpori, cahmori tí mari pjacui jia payu jira. 15 Mu dahporo durucuri dahporo jiro, ò sehe niboia mūhure soro ni duaro: “Wamomaca jieraja yuhu. Ā jicu pjacu macariro jieraja yuhu”, niboia. Mu dahporo ā neparota pjacu macano jirota nina. 16 Mu cahmono durucuri cahmono jiro ò sehe niboia mūhure soro ni duaro: “Capariaca jieraja yuhu. Ā jicu pjacu macariro jieraja yuhu”, niboia. Mu cahmono ā neparota pjacu macano jirota nina. 17 ¿Mari pjacu capariaca dihta jichu dohse tūhobocari mari? Basioeraboa. ¿Ā jina mari pjacu cahmono dihta jichu dohse wijī tūhotubocari mari? Basioeraboa. 18 Tó sehe jierara mari pjacu. Ò sehe jira. Mari pjacui jiare Cohamacu to cahmano seheta cūri jire mari pjacure. 19 ¿Mari pjacui jia mariachu dohse wahaboari mari pjacu? 20 Mari pjacu ò seheta jira: Cū pjacu to jipachuta mari pjacui jia payu jira.

21 “Mu yoadohochu cahmaeraja”, mu capariaca ni masierara mu wamomacare. Ā jichu, mu dapu mu dahporire “Mu yoadohochu cahmaeraja”, ni masierara. 22 Paye mari pjacui jiare “Wiho jia curea jira”, mari nia sehere pototi cahmaja mari paye mari pjacui jia yuhdoro. 23 Paye mari pjacui jiare “Soro jira”, mari ni tūhotupanahta tīre mari pjacui jiare noano yoaja. Tuhsu, paye mari pjacui jiare mari buo tiare suhti mehne nūoja mari. 24 Paye mari pjacui jiare nūoeraja mari. Tí pinine nūona, buo tieraja. Ò sehe ji dutiri jire Cohamacu mari pjacure. Mari nūoeraare mari pjacui jiare mari noano ño payoa mehne cjuaja. Āta yoa dutiri jire Cohamacu. 25 Ā jia mari pjacui jia ti basi cahma yoadohora, cū pjacuta to noano jihto sehe. 26 Ā jia mari capari ñano yuhduchu paye mari pjacui jia cūhu ñano yuhdura. Tuhsu, mari capari noaa wahachu mari pjacui jia cūhu wahcheina masa yoaro seheta noano tūhotura.

27 Ā jicu ò sehe nii nija mūsare: Mūsa sehe Cristo to pjacu yoaro sehe cū curuata jira. Ā jina jipihtina mūsa to pjacui jia yoaro sehe to yaina jira. 28 Ā jiro Jesu yainare mari yoadohohti cjihtire cūri jire Cohamacu marine. Ò sehe cūri jire tiro marine. Cāinare marine buhe dutiro to cū mūhtainare cūri jire tiro. Painare to yare yahuhtinare cūri jire. Painare masare

buhehtinare, painare Cohamacu tuaa mehne yoah tinare, painare dohatiinare ti yuhduchu yoah tinare, painare masare yoadohohtinare, painare masa puhtoa jihtinare, painare tuhomahnoeraa duserire durucuhtinare curi jire Cohamacu marine. **29** Ã to cuchu jipihtina cno potori to curina jieraja mari. Paina Cohamacu yare yahuhtina jierara. Paina Cohamacu buhe dutiro to curina jierara. Tuhsu, paina masare buheina jierara. Paina Cohamacu tuaa mehne yoaina jierara. **30** Tuhsu, paina dohatiinare yuhduchu yoaina jierara. Paina sehe tuhomahnoeraa duserire durucuina jierara. Tuhsu, paina tuhomahnoeraa duseri durucuare yahu yuhdoina jierara. Ã jiro cainare mari yoah tire curi jire tiro. **31** Wiho mejeta Cohamacu yare yoa masi duana noa yuhdua sehere tuaro cahmaga musa. Jipihtia ahri yu niri yuhdoro musa cahmahti cjihtire mipure yahuhtja musare yuhu.

Painare noano ti cahihire yahuha Paulo

13 **1** Masa ya duserire durucu masipanahta, anjoa ya duserire durucu masipanahta, painare cahierana yaba cjihti jieraja mari. Mari durucua cuhu yaba cjihti jierara. Painare cahierana mari durucuna, wiho waro durucuna nija. **2** Cohamacu yare noano yahu masipanahta, masa ti masierari cjihire Cohamacu yare ti buheri cjihi cuhre masi pah*n*opanahta, painare cahierana yaba cjihti jieraja mari. “Ahdu tucu pa sehepu wahajaro”, mari nichu, “Potocata mari siniriro sehetu Cohamacu yoarohca”, ni mari tuhotuchu Ãta yoarohca. Cohamacure Ã ni tuhotuina jipanahta painare cahierana, yaba cjihti jieraja mari. **3** Jipihtia mari yare pjacuoinare wapanahita painare mari cahierachu ti mari wari yaba cjihti jierara. Tuhsu, Cohamacu yare yoana tana mari pjacure mari ju dutipachuta, painare mari cahierachu marine yaba cjihti jierara.

4 Suaeraja painare cahina. Tinare cahina noano yoaja tinare. Tuhsu, painare cahina tinare pahsu tieraja. Mari cahiriro mehne jina “Mu yuhdoro jiriro jija”, niina jieraja mari. Painare cahina “Musare masi yuhduracaja”, ni tuhotueraja mari tinare. **5** Ã yoa painare cahina tinare ño payoro mehne yoaja mari. Painare cahina “Sa cahmano sehe yoaja. Mu cahmano sehe yoaeraja”, nieraja mari. Tuhsu, tinare cahina suaeraja mari tina mehne. Painare cahina marine ñano ti yoachu cuhre tina mehne Ã

suarucueraja mari. **6** Painare cahīna ñaare ti yoachū ñuna wahcheraja mari. Noaa sehere quihōno ti yoachū ñuna tuaro wahcheja. **7** Painare cahīna ti ya buhiri ñano yuhdūpanahta tinare ā cahīrucuja mari. Painare cahīna paina sehe tinare ti yahuwajachū tūhopanahta tīre tūho duaeraja mari. Painare cahīna “Tina ñaare yoasi”, ni tūhotuja mari tinare. Painare cahīna ñano yuhdūpanahta tinare cahī duhusi mari.

8 Painare cahma cahīa ne pihtisi. Cohamacū yare masa mari yahua sehe baharo pihtia wahaahca. Tūhomahnoeraa dūserire durucua cūhu baharo pihtia wahaahca. Cohamacū yare masa ti buheri cjiri cūhu baharo pihtia wahaahca. Painare cahma cahīa sehe ne pihtisi. **9** Mipure Cohamacū yare mari masi pahño masieraja. Ā jina to yare yahuna mari yahu pahño masieraja. Mari masi pahñoonto dūhsasinina mini. **10** Ā jina Cristo ñaa marieriro to tjua tari baharo mari masi pahñonahca. “Masieraja”, ni namosi.

11 Mari masi pahñoonto õ sehe jira: Nijinocā jicū nijinocā yoaro sehe durucumai yuhu. Nijinocā to yoaro sehe tūhoturucumai. Būchro wahaipū nijinocā to yoariro sehetā duhunocai. (Tó sehetā mari mipure “Masi pahñoeraja”, nípanahta baharopure masi pahñonahca.) **12** Ñono to noano masu bajueraro sehetā mipure noano masi pahñoerasinija mari. Baharo pairore noano mari ñu masino sehetā mari masi pahñonahca. Mipure mari masi pahñoonto marine dūhsasinina mini. Cohamacū marine to noano masi pahñoriro sehetā baharo mari cūhu noano masi pahñonahca. **13** Ā yoa tiarore mari yoa masija mipure. Cohamacure wacū tua masija. Ā yoa marine to yuhdūchū yoahtore masina, mari noano cohta masija. Ā yoa painare cahma cahī masija. Ahri tiaro jira pototi mari yoahti. Tuhsu, painare cahma cahīna, ahri pūaro yuhdoro yoahtaa yuhdoro jira cahma cahīa sehe.

Tūhomahnoeraa dūseri durucuare yahuha Paulo

14 **1** Ā jina painare cahma cahīna jiga mūsa. Ā yoa Cohamacū yare mūsa noano yoa masihtore cahmaga mūsa. Cohamacū yare mūsa yahuhti pinihitare tuaro cahmaga mūsa. **2** Tūhomahnoerari dūserore durucuriro Cohamacū mehne dihta durucura. Ā ni durucuro masa mehne durucuro nierara tiro. To ā ni durucuchū tūhoa masa sehe ne tūho

ñahaerara tirore. Masa ti masierare Espíritu Santo to tuaa mehne durucuro nina tiro. ³ Cohamacʉ yare yahuriro sehe masa sehere yahura. Ñ yahuro tiro masare yoadohoro nina. Tinare buhero nina tiro. Tuhsʉ, ti ñano yʉhdachʉ tiro tinare wahchechʉ yoara. ⁴ Tʉhomahnoerari dʉserore durucuriro cãirota buhera. Painare buherara. Cohamacʉ yare yahuriro sehe painare Jesu yainare buhero, yoadohora tiro.

⁵ Tʉhomahnoeraa dʉserire jipihtina mʉsa durucuchʉ noaboa, yʉ tʉhotuchʉ. Wiho mejeta Cohamacʉ yare mʉsa yahuchʉ pinihtare tuaro cahmaja. Cohamacʉ yare yahuriro pinihta tʉhomahnoerari dʉserore durucuriro yʉhdoro painare yoadohora. Ñ jipachʉta tʉhomahnoerari dʉserore durucuriro to durucuare pairo to yahu yʉhdochʉ tí sehe pototi painare yoadohora. To durucuare yahu yʉhdoriro jiro tiro sehe painare Jesu yainare buhero nina. ⁶ Tʉhomahnoerari dʉserore mʉsa mehne durucucʉ pairo mʉsare to yahu yʉhdoerachʉ mʉsare yoadohoeraboca yʉhu. Ñ jicʉ Cohamacʉ yʉhure to yahurire yahucʉ, to yare yʉ masiare yahucʉ, payere to yare yahucʉ mʉsare yoadohoi nija. Tíre mʉsa tʉhohto sehe mʉsare buhecʉ mʉsare noano yoadohoi nija yʉhu.

⁷ Tʉhomahnoerari dʉserore durucuriro to durucua ti putipea ti bʉapʉtēa yoaro sehe jira. Carisure putina, arpare bʉapʉtēna tíre mari quihōno yoaerachʉ tí basaare painare masihto basioerara. ⁸ Ñ yoa cornetare putiriro surara jiro ti cahma wajāhto panore quihōno to putierachʉ paina surara sehe ti cahma wajāhtore masisi. Ñ jia ti cahma wajāhto pano ti wajāhtire wamoare cahnoyueraina jiahca tina. ⁹ Tó seheta mʉsa cãhure tʉhomahnoerari dʉserore mʉsa durucuchʉ tʉhoa, yahu yʉhdoriro mariachʉ paina tíre ne masisi. Ti ñ masierachʉ mʉsa durucua yaba cjihti jierara. ¹⁰ Ahri yahpai payʉ dʉseri durucua jica. Ñ jia tí dʉserire durucuina ti basi ti ñ durucuare noano tʉhora. ¹¹ To ya dʉserore yʉ tʉhoerachʉ ñuno tíre durucuriro sehe “Pa dihta macariro jira”, ni tʉhoturohca yʉhure. Ñ jicʉ yʉhu cãhʉ ñata ni tʉhotuihca tirore. ¹² Ñata jire mʉsa cãhʉ tʉhomahnoerari dʉserore durucuna. Espíritu Santo to tuaa mehne tuaro yoa duamana mʉsa. To tuaa mehne ñ yoa duana paina Jesu yainare mʉsa buhehti sehere tinare mʉsa yoadohohti sehere tuaro cahmaga mʉsa.

¹³ Ñ jiro tʉhomahnoerari dʉserore durucuriro to durucuare to noano yahu yʉhdohto cjihtore Cohamacure sinijaro tiro.

14 Tuhomahnoerari dusero mehne Cohamacre sinicu Espíritu Santo mehne sinii nija. ã sinicu yu tuhotuare masi namochu yoaeraja. **15** Ahrire masina, õ sehe yoanahca mari: Espíritu Santo to tuaa mehne tuhomahnoerari dusero mehne Cohamacre sininahca. Tuhsu, pa tehe noano masi tuhotu paina ti noano tuhohto sehe ti ya durucua mehne Cohamacre sinina, tí cuhure sininahca tjoa. Espíritu Santo to tuaa mehne tuhomahnoerari dusero mehne Cohamacu yare basanahca. Tuhsu, pa tehe noano masi tuhotu paina ti noano tuhohto sehe ti ya durucua mehne Cohamacu yare basana, tí cuhure basanahca tjoa. **16** Mari ã yoaerachu tuhomahnoera duseri mehne Espíritu Santo tuaa mehne Cohamacre “Noariro, tuariro jira”, mari nipachuta paina ne tuhoerara. ã tuhoeraa “Tóihita jira”, ni masierara. **17** Tuhomahnoera duseri mehne Cohamacre “Noana”, ni masija mari. Mari ã nia noaa jipachuta tére yahu yuhdoerana painare buheraja mari. ã jina tinare yoadohoeraja mari. **18** Jipihtina musa yuhdoro yuhu sehe tuhomahnoeraa duserire durucuja. ã jicu Cohamacu yuhure ã durucu masichu to yoachu tirore “Noana”, nija yuhu. **19** ã durucuriro yu jipachuta Jesu yaina cahmachuina watoi yu jichu, tuhomahnoerari dusero mehne payu duserire yu nipachuta yaba cjihti jierara. Tí yuhdoro masa ti noano tuhohto sehe mahaa dusericã yu yahupachuta noa nina, yu tuhotuchu.

20 Yu coyea, macanacã tuho masieraina ti jiro sehe jiena tjiga musa. Wahma masa bajuaina ñaa yoaare ti masieraro seheta jiga musa cuhu. Tuhsu, bucuna tuho masiina ti jiro sehe jiga musa. **21** Cohamacu yare ti joari pui õ sehe nina: “ Tuhomahnoeraa duserire durucuinare ahrina masare yu yare yahu dutihtja. ã yoa pa dihta macaina ya durucua mehne yu yare yahu dutihtja ahrina masare. Tinare ti ã yahupachuta ahrina yu yahuare tuhosí’, nina Cohamacu mari puhtoro”, nina Cohamacu yare ti joari pui. **22** Tuhomahnoeraa duserire durucua Jesu yainare Cohamacu tuaare masichu yoahti cjihti jierara. Tí durucua Jesure cahmaeraina sehere Cohamacu tuaare masichu yoahti cjihti jira. ã yoa Cohamacu yare yahua Jesure cahmaerainare Cohamacu tuaare masichu yoahti cjihti jierara. Cohamacu yare yahua Jesu yaina sehere Cohamacu tuaare masichu yoahti cjihti jira. **23** ã yoa jipihtina musa Jesu yaina cahmachuchu tuhomahnoeraa duserire musa

durucuchʉ tire masieraina, paina Jesure cahmaeraina cāhʉ sāa ta tʉhoboca. Ā tʉhoa “Tina tʉho masieraina jira”, niboca mʉsare tina. 24 Jipihtina mʉsa Cohamacʉ yare mʉsa yahuchʉ pinihta tire masierariro, Jesure cahmaerariro sāa ta tʉhoror, to ñaa yoari buhirire masiboca tiro. Ā masino to ñaa yoarire cahyaboca tiro. 25 Ā jiro potocā to jia tiare to tʉhotua cāhʉre masiboca tiro. Ā yoaro Cohamacʉ panoí na tuhcua caha suro, tirore ño payorohca. Tuhsʉ, “Cohamacʉ potocāta mʉsa mehne jira”, ninohca tiro mʉsare.

Mʉsa cahmachuna noano yoaga dojomehneno marieno

26 Ā jicʉ yʉ coyea, mʉsare ahrire nii nija: Mʉsa Jesu yaina cahmachuna cāina mʉsa mehne macaina Cohamacʉ yare basa duara. Ā yoa paina mʉsa buhe duara. Tuhsʉ, paina mʉsa Cohamacʉ mʉsare to buheri cjirire yahu duara. Paina mʉsa tʉhomahnoerari dʉserore durucu duara. Tuhsʉ, paina mʉsa tí dʉseri durucuare yahu yʉhdo duara. Tí jipihtiare ā yoana mʉsare tʉhoina ti noano masihto sehe tire yoaga. 27 Ā jina tʉhomahnoerari dʉserore mʉsa durucuna pʉaro, tiaro tópeinata durucuga mʉsa. Ā yoana cāinata durucuga. Mʉsa ā durucuchʉ, cāiro mʉsa mehne macariro mʉsa durucuare painare yahu yʉhdojaro. 28 Mʉsa durucuare yahu yʉhdojaro mariachʉ mʉsa cahmachuna jipihtina mʉsa tʉhomahnoeraa dʉserire durucu duaina durucuena tjiga. Ā jina masa marienoi Cohamacʉ mehne durucuga mʉsa. 29 Ā yoa Cohamacʉ yare yahu duana pʉaro, tiaro tópeinata yahuga mʉsa. Mʉsa ā yahuchʉ paina mʉsare tʉhoina mʉsa yahurire Cohamacʉ ya to jichʉ noano masijaro. Cohamacʉ ya to jierachʉ cāhʉre noano masijaro. 30 Ā yoa Espíritu Santo Cohamacʉ yare pairore tóí dujirirore to yahu dʉcachʉ tiro cāhʉ Jesu yainare yahu duara. Ā jiro Cohamacʉ yare yahu mʉhtariro sehe dihta marajaro. 31 Ā jina jipihtina mʉsa Cohamacʉ yare yahuna, cāinata yahuga mʉsa jipihtina paina ti noano tʉhohto sehe, ti noano wahchehto sehe. 32 Ā jina Cohamacʉ yare yahuina jina, noano tʉho masi, noano tʉhotu dapo, durucuina jiga. 33 Cohamacʉ to yaina ti cahmachunopʉ ti cahma wisiachʉ cahmaerara tiro. Dojomehneno marieno ti noano jichʉ cahmana tiro.

Jipihtiropʉ Jesu yaina cahmachua, õ sehe yoara tina: 34 Ti cahmachunoi numiare masa panoí yahu dutierara. Tí numiare mari sehe durucu dutieraja. Cohamacʉ to joari pū to niriro

seheta numiare m̄are noano yuhtia numia jiro cahmana. Ñ jia cahmachunoi numia durucuea tjijaro. 35 Jesu yaina ti cahmachunoi numia ti durucuchu ñaa nina. Ñ jiro paye barore masi duaro numino to ya wuhupata to manunore sinitujaro.

36 Ahri yu yahuhtire noano masiga m̄usa. Cohamacu durucuare yahu d̄caina jierara m̄usa. Tuhsu, to yare t̄horina m̄usa dihta jierara. Paina cūh to ya buheare cjara. 37 M̄usa mehne macariro “Yuhtia Cohamacu yare yahuriro jija”, ni t̄hoturiro jiro ahri m̄usare yu joari cjiri Cohamacu to dutia jichu masijaro tiro. Tuhsu, pairo “Espíritu Santo to tuaa mehne yoa masija”, ni t̄hoturiro jiro tiro cūh ahri yu joari cjiri Cohamacu to dutia jichu masijaro tiro. 38 Tíre to masi duaerachu yu joari cjirire “Potocā jierara”, to nichu tirore duhunocahga. T̄hoena tjiga tirore.

39 Ñ jina yu coyea, Cohamacu yare yahuina m̄usa jihtore tuaro cahmaga m̄usa. Tuhsu, m̄usa mehne macaina m̄usa cahmachunoi t̄homahnōeraa d̄serire ti durucu duachu ñ durucu dutiga tinare. 40 Ñ cahmachuna noano, cahma dojomehneno marieno yoaga m̄usa.

Cristo to masa mujarine yahuha Paulo

15 1 Mip̄re yu coyea, noaa buheare m̄usare yu yahurire m̄usare wacūch u yoa duaja. Tí buheare noano cahmare m̄usa. Ñ cahmana tí buheare ñ yuhtirucure m̄usa. 2 M̄usa ñ cahmachu tíre m̄usa ñ yuhtirucuchu Cristo m̄usare pichacapu wahaborinare yuhduchu yoa tuhsure. M̄usa ñ t̄hori baharo Cristo yare m̄usa duhunocachu tí m̄usa t̄hori cjiri yaba cjihti jierara.

3 Ó sehe ni yahu muhtaihtja m̄usare. Ahri wiho waro jierara. M̄usare buhecu yuhture Cristo to yahuri cjirire m̄usare õ sehe ni yahui: Cohamacu yare ti joariro sehetamari ñaa buhirire Cristo yariari jire. 4 Ñ yoa Cohamacu yare ti joariro sehetamari Cristo to yariari baharo paina to pjacu cjiore copap̄re ti duhu payori baharo tia dacho jiboroi tiro masa wijaari jire. 5 Tiro to ñ masa wijaari baharo Pedrore bajuari jire. To ñ bajuari baharo to buheinare bajuari jire tjoa. 6 To ñ bajuari baharo cū tahata quiniento bui jiinare to yainare tiro bajuari jire tjoa. Câina tirore ñurina cjiri mip̄re yariarina cjiri jira. Ti ñ jipachuá payu tina mehne macaina cjiri mip̄re jisinina. 7 Baharo Cristo

Santiagore bajuari jire tjoa. Æ to bajuari baharo jipihtina to buhe duti to cūrinare bajuari jire tjoa.

8 Jipihtina painare to bajuari baharo yuhu cūhure bajuare tjoa. Wihārirocā to quihōri dachoi masa bajuerarirocā to masa bajua nūnū tiriro seheta yuhu cūhure Jesure wacū tua nūnū tiriro jija. Yū ã jiriro jichu ti baharopu bajuare Jesu yuhu cūhure tjoa. Yuhureta tiro bajua batoare juna. 9 Panopure Jesu yainare ñano yoamai. Æ yoariro cjiro jicu paina Jesu to cūrina jipihtina ti docapu waro jija yuhu. Æ jicu mipu cūhure Jesu buhe duti to cūboriro jieramaja yuhu, yu tuhotuchu. 10 Æ jipaihta Cohamacu yuhure to cahichu mipure Jesu to cūriro jija yuhu. Æ jicu tiro yuhure to cahichu mipure to cahmaare yoa pahñoja. Æ jicu yuhure to cahichu to yairo ã jinocai nieraja. Jipihtina paina to cūrina yuhdoro yuhu sehe tuaro buhei. Æ buhecu yu mu sūro buherahi. Cohamacu yuhure cahīno yuhure yoadohore. 11 Yuhu sehe ahri buheare yu buhech u tūhorina jiboca mūsa. O paina sehere tūhorina jiboca mūsa. Æ jipachuta yuhu, yuhu mehne macaina cūhu cūno potori ahri buheare buheja sā jipihtina Jesu to cūrina. Æ sā buhech u tūhona mūsa sehe ahri buheare noano tūhore.

Yariarina cjiri ti masa mūjarine yahuha Paulo

12 Cristo to yariari baharo to masa mūjarine sā buhepachuta “Yariarina cjiri ne masa mūjaerara”, nina mūsa mehne macaina cāina. ¿Dohse jiro baro ã nijari tina tīre? 13 Æ jiro yariarina cjiri ti masa mūjaerach u Cristo cūhu ne masa mūjaeraboa. 14 Æ yoa Cristo to masa mūjaerach u noaa buheare sā yahuri cjiri ne yaba cjihti jieraboa. To masa mūjaerach u tirore mūsa wacū tuaa cūhu yaba cjihti jieraboa. 15 Masa mūjano mariach u sā sehe Cohamacu yare mahñona niboa. Yariarina cjiri ti masa mūjaerach u Cohamacu sehe Cristore masa mūjach u yoaeraboa. To ã yoaerach u “Cohamacu Cristore masa mūjach u yoari jire”, sā nina mahñoina jiboa sā. 16 Yariarina cjirire Cohamacu masoeraro, Cristo cūhure tiro masoeraboa. 17 Æ jiro Cristo to masa mūjaerach u tirore mūsa wacū tuaa yaba cjihti jieraboa. Æ yoa mūsa ñaa yoari buhiri buhiri tiina jisiniboa mūsa. 18 Masa mūjano mariach u Cristo yaina cjiri yaria mūhtaina cjiri pichacapu waha tuhsuboa. 19 Cristore mari wacū tuari baharo mari yariana masa mūja masierana jipihtina paina masa yuhdoro pjacchoina jiboa mari sehe.

20 Potocāta Cohamacu Cristore masa mujachu yoari jire. Cristo to masa mujari baharo mari cuhu yarianapu masa mujahtina tjija. Tiro ã masa mujano, marine suho masa muja mahtariro jira. **21** Ó sehetu jira ahri: Adão mehne masa yaria ducaha. Tó sehe Jesu mehne yariarina cjiri masa mujaahca. **22** Adão yaina ji nunu tiinapu mari jipihtina yarianahca. Tó sehetu Cristo yaina mari jichu mari yariari baharo marine masa mujachu yoarohca Cohamacu. **23** Caa curuari Cohamacu to quihoriro mu suchu masa mujaahca. Cristo marine suho ji muhtariro masa muja muhtari jire. Baharo tiro ahri yahpapu to tjua tachu mari to yaina cuhu masa mujanahca. **24** Tí pjata pihtiri dacho jirohca. Æ jiro jipihtina ñaina puhtoare, dutiinare, tuainare cohano Cristo yuhdurucarohca. To ã yoari baharo jipihtina bui to puhtoro to jirire Cristo wiarohca Cohamacu to Pucurore. **25** To wiahto pano to Pucuro Cristore ñu tuhtiinare to yuhduruca pahnohto pano Cristo pinihta jipihtina bui puhtoro jirohca. Æ jirirota jiro cahmare tirore. **26** Tirore ñu tuhtiinare to yuhdurucari baharo, yariaro cuhre cohã batoarohca tiro. Yariaro pihtia waharohca. Pari turi yariasi masa. **27** Jipihtina bui dutihtiro cjihtore curi jire Cohamacu Cristore. Jipihtia puro cuhre curi jire tirore. Æta nina Cohamacu yare ti joari pui. Cohamacu sehe tirore curiro jira. Æ jiro “Jipihtina bui dutihtiro cjihtore curi jire tirore” nino, “Cohamacu bui dutiriro jira tiro”, nino nierari jire to yare ti joari pui. **28** Jipihtina bui dutiriro Cristo Cohamacu macuno to jichu Cohamacu tirore curiro sehe to macuno bui dutiriro jirohca. Æ jiro Cohamacu sehe jipihtina bui puhtoro waro jira. Jipihtia puro cuhu jira.

29 ¿Masa mujano mariapachuta dohse yoa paina masa yariarina cjiri ya cjihtire ti bautisarina jijari? Yariarina cjiri masa mujaerachu ti ya cjihtire paina bautisarina ti jichu tí yaba cjihti jieraboa.

30 Sã sehere sã buheri buhiri dachoripe paina sãre ti ñano yoa duachu cua nina sã cuhre. Sãre ã cuapachuta masa mujano to jichu masina ã buherucuja sã. **31** Yu coyea, mari puhtoro Jesucristo yaina musa jichu tirore wacu tua namoina musa wahachu yuhu sehe tuaro wahche tuhotuja musare. Tí potocāta jira. Æ yoa, “Dohse jiri numu yuhre yariaho cua nina”, yu nichu tí cuhu potocāta jira. **32** Efeso macaina suaina noaa buheare yu buheri buhiri yuhre tuhti, cjähre. Masa

m̄jano mariach̄u Jesu yairo yu jierach̄u, yu ã ñano yuhduri yaba cjihti jieraboa. Wiho waro ñano yuhdai niboaa yuhu. Yariarina cjiri ti masa m̄jaerach̄u õ sehe niboaa mari: “Baharo curero yarianahca. Dohse wahasi mari. ã jina ch̄u sihnijihna. Mari m̄u s̄uro yoajihna”, niboaa mari.

33 Mahñoare t̄hotuena tjiga m̄usa. “Ñainare piti tina, noaa m̄usa yoaa tiare duhunahca m̄usa”, nina masa. Tí potocâta jira. 34 Noaare t̄hotuina jiga m̄usa. Tuhsu, noaare yoaina jiga tjoa. ã yoa ñaare yoa namoena tjiga tjoa. Câina m̄usa mehne macaina sehe ne Cohamacâre masierara. M̄usa buo tihto sehe m̄usare ã nija.

**Yariarina cjiri masa m̄jaina ti pjacuri
cjihtire yahu namoha Paulo**

35 ã yoa m̄usa mehne macariro õ sehe ni sinituboca yuhure: “¿Dohse yoa yariarina cjiri masa m̄jaahcari? ¿Dohse jia pjacuri masa m̄jaahcari?” ni sinituboca. 36 ã sinituriro t̄ho masierariro seheti bisiro coa tara. Toari yapare mari toari baharo tí yapa baro cahach̄u waro dura. Tó sehe wahaeraro ne dusi. Tíre masina m̄usa. 37 Bucu yucupure toaeraja mari. Pja yapari dihtare toaja mari. Tí yapari trigo yapari jia ji, o paye yapari baro jia jiboca. 38 Tí yatarire mari toari baharo Cohamacâ to cahmariro seheti tí yatarire bucua m̄jach̄u yoara. ã yaro mostaza yatarire mostaza yucu wahach̄u yoara tiro. Trigo yatarire trigo yucu wahach̄u yoara. ãta du dutira Cohamacâ. 39 Jipihtina pjacuri cûno potori bajuerara. Masa pjacuri sehe cûno sehe jira. Wahiquina pjacuri cûhu soro sehe bajura. Minichahca pjacuri cûhu soro sehe bajura. Wahi cûhu soro sehe pjacuri tira.

40 ã yoa m̄ano macaa poca cûhu soro sehe bajura. Tuhsu, ahri yahpa macaina cûhu pjacu tira. ã yoa m̄ano macaina pjacuri soro sehe bajura. ã jia ahri yahpa macaa m̄ano macaa yaro sehe jierara. 41 Õ seheti jira. Sû dacho macariro si sitera. ã yoa ñami macariro cûhu soro jira. Potota buhriara. Tuhsu, ñahpichoha poca cûhu soro sehe bajua si sitea cjâara. Ñahpichoha poca peri cûhure mari ñuchu câa poca pjiroca sia poca bajura. ã yoa paye poca tuaro sia poca bajura. 42 Tó seheti jira yariarina cjiri ti masa m̄jach̄u. Masuno to pjacure mari yari baharo to pjacu baa waharohca. Baharo pa pjacu soro jiri pjacu jipihtia dachoripe catihti pjacu masa

mujanohca. 43 To pjacure mari yachu yariariro cjiro pjacuo nina. Cohamacu tirore to masochu to pjacu noa yuhduari pjacu jira. Tuhsu, to pjacu mari yari pjacu wiho jiri pjacu jira. Cohamacu tirore to masochu pinihare to pjacu wiho jiri pjacu jieraro, tua yuhduara. 44 Ahri yahpa macari pjacure mari yachu tiro yariariro cjiro to masa mujachu to pjacu muano macari pjacu jirohca. Ahri yahpa macari pjacure mari cjuana, muano macari pjacu cuhure cjuanahca, masa mujana.

45 Ó sehe ni yahura Cohamacu yare ti joari püi: “Ahri yahpai ji muhtariro Adão wama tiriro catiriro wahaa tiha”, ni joaa tiha. To á jipachuta Adão yoaro sehe jiriro bato tiriro Cristo sehe catiare waro tari jire. 46 Ahri yahpa macari pjacu ji muhtari pjacu jira. Baharopu muano macari pjacu jirohca. 47 Ó sehetra jira: Ji muhtariro Adão sehe ahri yahpa macariro dihta mehne to yoari pjacure pjacu tiri jire. To baharo tariro, Cristo sehe muanopu tari jire. 48 Dihta mehne ti yoari pjacu ti muhtariro to jiriro sehetra jipihtina paina dihta mehne to yoari pjacu tiina jija mari. Á yoa muanopu tariro yoaro sehetra to yaina jipihtina to yoaro sehe pjacu tiina jinahca mari. 49 Dihta mehne to yoari pjacu tiro Adão yoaro sehe bajuja mari. Baharo muano macariro Cristo yoaro sehe bajunahca mari.

50 Yü coyea, musare ahrire yahu duaja: Ahri yahpa macari pjacu di mehne, dihi mehne jiri pjacu puhtoro Cohamacu to suho jiropure muanopure ne wahasi. Mari pjacuri baahti pjacuri jira. Á jia muanopu jipihtia dachoripe mari jihtopure ahri pjacuri wahasi. 51 Panopure masa ti masierari cjurire mipure musare yahu duaja: Mari mehne macaina caina yariasi. Á jina dóicata, mari pjacurire cohtotaina jinahca. 52 Corneta to puti batoari dachoi áta waharohca marine. Dóicata, mari capari wihmitjiä mari ñu pjöorocaro sehe ó sehe waharohca. Corneta to bisiri baharo yariarina cjurire Cohamacu masonohca jipihtia dachoripe mari jihtina cjihtire. Tuhsu, mari pjacurire cohtotaina jinahca mari cuhu. 53 Mari pjacurire to cohtotachu to pano mari baahti pjacuri ti jipachuta mari cohtotari baharo ne baasi. Á yoa mari pjacuri ti cohtotachu to pano mari yariahti pjacuri ti jipachuta ne yariasi. 54 Mari bahti pjacuri ne baerahti pjacurire cohtotarohca. Á yoa mari yariahti pjacuri á jirucuhti pjacurire cohtotarohca. Marine to á cohtotachu panopu to joariro sehetra á waharohca: “Ñaina mari jiri buhiri tiare Cristo to cohã pahnori baharo, Cohamacu yariarore cohãnocari jire.

55 Ne pari turi mari yariasi. Ā jina yariaro mehne pari turi ñano yuhdusí mari”, ni joaa tiri jire panopure. 56 Mari ñaa buhiri jichu pinihta yariaropu ñano yuhdunahca. Ā yoa Cohamacu dutia Moise cjirore to cūri cjurire mari masiri baharo, buhiri tija mari. Ā jiro marine pichacapu waha dutira Cohamacu dutia. 57 To ā dutipachuta mari púhtoro Jesucristo sehe marine pichacapu wahaerachu yoara. To ā yoariro jichu masina Cohamacu mehne wahche “Noana”, nija mari.

58 Ā jina yu coyea, yu cahíina, Cristore wacu tua duhuena tjiga. Ā yoana paina mūsare noaa buheare ti cohā dutichu, ne cohāena tjiga tíre. Ā yoa dachoripe mari púhtoro Jesucristo to yoa dutirire noano yoarucuga mūsa. Mari púhtoro Jesucristo yare mari yoachu, ahri wiho waro jierara. Ahrire masina to yoa dutirire noano yoarucuga mūsa.

**Painare Jesu yainare Corinto macaina
niñeru ti wahtire yahuha Paulo**

16 1 Mipure painare Jesu yainare mūsa niñeru wahtire yahu duaja mūsare. Galacia yahpa macainare Jesu yainare yu dutiriro sehetu mūsa cūhu yoaga. 2 Somanaripe domingo jichu jipihtina mūsa Jesu yainare wahti cjihti niñerure mahancā waga. Mahancā cjuana mahancā waga. Ā yoa pji curero cjuana pji curero waga. Somanaripe mūsa ā yoachu mūsa cahapu yu sūchū mūsa warocahti cjihti niñeru ji tuhsucohca. 3 Mūsa wahtire, mūsa warocahtina cūhure yahuri pūre joaihtja. Ā jicu mūsa cahapu sūchū tí pūre Jerusalépū wahahtinare mūsa beserinare waihtja. Ā wa tuhsuchu Jesu yainare mūsa warocari niñerure nahtina cjihtire tinare warocaihtja Jerusalépū. 4 Tí macapure yu yohti jichu yuhu cūhu wahaihca. Yu ā wahachu yuhu mehneta tina wahaahca.

To tinihto cjihtore yahuha Paulo

5 Macedonia yahpa macainare masa boca yuhdúihca yuhu tinare. Yuhdu wahcā, mūsa cahai Corintopu súihca. 6 Tópu súchū mūsa mehne mahaa dachoricā jiboca yuhu pa tehe nicu. Yoa cureri pja puhiro puro mūsa mehne jiboca yuhu. Ā jina pa sehepu yu wahachu mūsa cūhu yuhure yoadohoroca masina. 7 Mahaa nūmūricā ji duaeraja yuhu mūsa mehne. Ā jicu Cohamacu cahmachu yoa cureri pja mūsa mehne jiihtja yuhu. 8 Ā ji duapaihta Pentecoste bose nūmūri jichupu Efesoi

jisiniihca yuhu. 9 Ói Efesoi mipure mari pahtoro Jesu yare taho duaina payu jira. Ti a taho duachu tinare yahuja. Yu a yahuchu yuhure nu yabiina payu jira.

10 Timoteo yu yoaro sehetu mari pahtoro yare yoara. To a yoariro jichu musa cahapu to sachu noano mehne tirore piti boca, tiro mehne noano wahchea mehne jiga musa. 11 A yoana tirore nu yabiro marieno noano mehne piti bocaga musa. Tuhsu, to coha sitichu noano mehne tirore yoadohorocaga yu cahapu to tjua tachu. Tiro paina Jesu yaina mehne ti tahtore cohtana nija sa. A jina noano mehne yoadohorocaga tinare.

12 Apolo mari coyeiro Jesu yairo musare to nuno wahachu tuaro cahmamahi. A jicu tirore waha dutimahi paina Jesu yaina mehne to wahahto cjihtore. Yu a waha dutipachata mipure tiro waha duaerare. A jiro baharo tirore yoaa mariachu musa cahapu waharohca tiro.

Paulo noa duti batoaha

13 Noano wacu masiga musa. Cristore wacu tua duhuena tjiga musa. Ne cuieraina jirucuga musa. A yoa Cohamacu tuua mehne wacu tuaina jirucuga musa. 14 Dohse jiare musa yoana, painare cahia mehne tire yoaga musa.

15 Mipure yu coyea musare ahrire yahu duaja: Estefana ya whu macaina Acaya yahpa macaina noaa buheare taho mhtaina, ti ya yahpai Cristore wacu tua mhtaina jire tina sehe. Tuhsu, painare mari coyeare Jesu yainare noano yoadohorucure tina. Tire musa masina. 16 Tina yoaro sehe jiinare, paina Cristo yare yoadohoinare musa noano yuhichu cahmaja yuhu.

17 Estefana, Fortunato, Acaico chu yu cahapu wihi tuhsuhre. Ói ti jichu pjiro mehne wahcheja yuhu. Musa mariachu musare tuaro wacui nimahi yuhu. A jicu tina ti wiwichu wahcheja yuhu. 18 Tina mehne jicu noano yajeripohna tiriro wahahi yuhu musa chu tina mehne musa wahcheriro sehetu. Tinare noano no payoa mehne tihoga musa. A yoa paina tina yoaro sehe jiina chuhre no payoa mehne tihoga.

19 Asia yahpa macaina Jesu yaina musare noa dutira. A yoa Aquila, Priscila, ti ya whu cahmachuina mehne Cristo to cahia mehne musare pjiro noa dutira. 20 Ó macaina Jesu yaina jipihtina musare noa dutira. Musa mehne macainare noano mehne piti bocasinia.

21 Yuhu, Paulo yu basi ahri dihtare joaja. Musare noa dutija.

22 Mari pahtoro Jesucristore pairo to cahierachu,
Cohamacu tirore buhiri dahrejaro. Mari pahtoro cjero tjua
tajaro.

23 Yu coyea mari pahtoro Jesucristo musare jipihtinare to
cahia mehne noano yoajaro. 24 Yuhu Jesucristo yairo jichu, to
yaina musa cuhu musa jichu musare tuaro cahija.

2 Corintios

Ó sehe ni joarocaha Paulo Corinto macainare

1 1 Yuhu Paulo Jesucristo buhe dutiro to cūriro jija.

Cohamacu to cahmariro seheta cūre yuhure Jesu. Yuhu, mari coyeiro Jesu yairo Timoteo mehne mūsare Cohamacu yainare, Corinto macainare joarocaja tjoa. Jipihtina Cohamacu yainare Acaya macainare mūsa cūhure joarocaja. 2 Æ jina Cohamacu mari Puch, mari puhtoro Jesucristo mehne mūsare noa dutija. Cohamacu to cahia mehne to yoadoho mehne noano jiga mūsa.

Paulo to ñano yuhduriro ó sehe ni yahuha

3 Mari puhtoro Jesucristo Puchero Cohamacu marine pja ñuna. Æ jiro tiro marine ã yoadohorucura. “Noa yuhduriro jira tiro”, nijihna mari. 4 Mari ñano yuhdurchu ñuno jipihtinare marine to yainare yoadohora tiro painare mari yoadohohto sehe. Cohamacu marine to yoadoho mehne mari cūhū paina cūhure yoadohonahca. 5 Cristo yaina mari jiri buhiri mari ñano yuhdurchu tiro tuaro yoadohorohca marine. 6 Sā sehe mūsare yoadohona ñano yuhduja. Cristo mehne mūsa yuhdutho sehe mūsare sā yahuri buhiri ñano yuhduja. Æ yoa Cristo sāre to yoadohochu sā sehe mūsa cūhure yoadoho masija. Æ jina sā ñano yuhduriro seheta mūsa cūhū ñano yuhduña, noano mehne cūno pjanahca mūsa. 7 Noano mehne mūsa cūno pjahtore sā masija. Sā ñano yuhduriro seheta ñano yuhdure mūsa cūhū. Æ jina Cohamacu to yoadoho mehne wahche, sā cūno pjariro seheta mūsa cūhū wahchena, cūno pjanahca.

8 Sā coyea, mipure ahri yu yahuhtire mūsa noano masichu sā cahmaja. Asia yahpai ñabiaro yuhdhi sā. Ó sehe ni tūhotumai sā: “Ne bihosí mari. Ne cūno pjasi. Æ jina mari yarianahca”, ni tūhotumai sā. 9 “Marine wajānocaahca”, ni tūhotumai sā. Æ ñano yuhduña Cohamacu dihtare tuaro sā wacū tua namoi. Sāre ti ñano yoachu cahmaha Cohamacu tirore sā wacū tua namohto sehe. Tiro sehe yariainare masoriro jira. Æ tirore wacū tuana sā mu suro sā cūno pjaerarire masija. Cohamacu sehe

marine yoadohora. 10-11 Sāre cuabiaro jipachūta to yoadohoro mehne sā yuhdūi. Baharopū cūhure pari turi sāre yuhdorohca. Sāre Cohamacure mūsa sini payochū tiro sāre yoadohorohca. Sāre to yoadohohtore masija sā. Ā jina sāre to yoadohochū ñūna, tirore “Noana”, ninahca mūsa. Payū mūsa sini payorire to yuhthicū ñūna wahche, “Noana”, ninahca mūsa Cohamacure. Payū paina cūhu ãta niahca.

Paulo Corintopū to waha duamarire yahuha

12 Mūsa mehne sā jirire wacūna wahchea mehne õ sehe tūhotuja sā: Ahri yahpai Cohamacū to yoadohoa mehne mahñono marieno noano mehne masare piti ti buhehi. Mūsa pinihtare noano piti ti buhei. Õ sehe yoana sā mū shro sā masia mehne yoaerahi. Cohamacū cahīa mehne to tuaa mehne ā yoahi. 13-14 Ā yoana noano yahu joarocahi mūsare, noano mūsa masihto sehe. Mipū sāre mūsa masi pahñohto dūhsasinina mini. Sā jia tiare mūsa noano masichū tuaro cahmaja sā. Ā sāre noano masina, mari puhtoro Jesu to tjua tachū sā mehne wahchenahca mūsa. Mūsa mehne sā wahcheriro sehetā mūsa cūhu sā mehne wahchenahca.

15-16 Õ sehe nichū Macedonia yahpapū waha duamaja yuhu. Ā wahacū mūsare ñū yuhdū wahcā duamaja yuhu. Ā jicū tópure shricū tjua tachū pari turi mūsa mehne mahaa nūmūricā jiboca yuhu. Ā jina pua taha mūsa mehne yū jichū ñūna pjíro yuhu mehne mūsa wahcheboca. Baharo mūsa cahapū jiricū Judea yahpapū yū wahachū ñūna yuhure yoadohoboca mūsa. 17 “Wahaihtja”, yū nichū tūhorina jina mūsa cahapū yū sūerachū ñūna “Paulo mahñono niri jira”, ñi tūhotujari mūsa? “Wahaihtja”, nichū yū mū shro ã nichū nieraja yuhu. “To niriro sehetā yoaerara”, yuhure ni tūhotujari mūsa? 18 Õ sehe ni mahñoriro jieramaja yuhu. Ā jicū “Yoaihtja”, nichū yū niriro sehetā yoaja yuhu. Tíre masina Cohamacū. 19 Yuhu, Sila, Timoteo mehne Jesucristo Cohamacū macūno yare mūsare yahui sā. Cristo sehe “Yoaihtja” nino, quihōno yoariro jiro nina. Cohamacū to niriro sehetā Cristo yoara. 20 Jipihtiare Cohamacū to yahurire Cristo yoa pahñoha. To ã yoariro jichū ñūna Jesu yoadohoro mehne to yare sā painare “Ā tjira”, ni yahuja Cohamacure ti ño payohto sehe. 21 Cristo yaina marine jirucuchū yoariro Cohamacūta jira. Ā jiro to yare yahuhtinare sāre besere tiro. 22 Ā yoa to yaina mari jiare ñūno tíre marine

masichu yoara tiro. À yoaro, Espíritu Santore mari mehne ji dutire tiro. Mari mehne jiro tirota marine Cohamacu to yuhdohtore masichu yoara.

23 Mipure poto yahuhtja musare. Poto yu yahuerachu Cohamacu sehe musare poto yahujaro. Tirota yu tuhotuare masina. Musare tuhti duaeracu musa cahapu wahaerah*i*. “Musare cahyachu yoari”, nicu musa cahapure Corintopu wahaerah*i*. **24** À jina “Musare wacu tua dutiina jija sâ”, nina nieraja. Cristore noano wacu tua tuhsure musa. À jina “Ó sehe Cristore wacu tuaro cahmana musare”, nina nieraja sâ. Musare yoadoho duaja sâ musa noano wahchehto sehe.

2 **1** À jicu ó sehe ni tuhotuhi: “Pari turi tinare cahyachu yoa duaeraja. À jicu mipure wahaeraja”, ni tuhotuhi. **2** Musare cahyachu yoa duaeraja. Musa cahyachu ñicu yuhu sehe musare wahcheraboa. À jina yuhure wahchechu yoahntina jieraboa musa sehe. **3** À jicu musa cahapu wahaerah*i*. Wiho mejeta musare wiho joaroca bahrañohi. Musa yuhure wahchechu yoahntina jipanahta yuhure cahyachu yoaboa musa, musa cahapu yu suchu. Musa mehne yu wahchechu, musa cuhu wahchenahca. Tíre masija yuhu. À jicu mipure musa mehne cahya duaeracu wahaerah*i* musa cahapu. **4** Pjíro tuhotucu, ñano yajeripohna ticu, tuaro yahco mehne musare joarocapacuta musare cahyachu yoa duaerahi. Musare tuaro yu cahírire musare masichu yoa duacu musare joarocahi.

Tina mehne macariro to ñano yoarire bo dutiha Paulo Jesu yainare

5 Cáiro musa mehne macariro yuhure cahyachu yoariro jire. Wiho mejeta musare to tuaro cahyachu yoariro seheta yuhu sehere pjíro cahyachu yoarerare tiro. À ñano yoariro caina musa sehere tua curero cahyachu yoayuhti. “Tua curero”, nija yuhdo curero yahu duaeracu. **6** Payu musa mehne macaina tirore buhiri dahre tuhsuyuhti. Tó purota buhiri dahre duhuro cahmana tirore. **7** Tirore musa buhiri dahrerucuchu tuaro cahyaboca tiro. À jiro Cristo yare duhuboca. À jina to ñaa yoarire boga musa. Tirore yoadohoga to wahchehto sehe. **8** Tuhsu, tirore noano yoaga musa tirore musa cahírire to masihto sehe. Musa ã yoachu tuaro cahmaja yuhu. **9** Tó pano musare joarocachu “¿Potocáta yuhure yuhtiahcari?” nicu ã ni yahu joarocahi musare. Yuhure musa yuhtichu ñu duacu

m̄usare ã ni joarocahi. 10 Mip̄ure to ñaa yoarire m̄usa boch̄u ñuc̄u yuhu c̄uhu t̄ire boihtja. Yuhure ñano yoaerari jire tiro. M̄usa sehere ñano yoayuhti. To ã jiriro jipach̄ta to ñaa yoarire boja yuhu c̄uhu. M̄usare noano yoadoho duac̄u Cristo to ñurocaroi to ñaa yoarire boja. 11 T̄ire boja Satana marine to yuhdurucerahta sehe. Tiro marine ñaare yoach̄u cahmana. T̄ire noano masija mari. ã jina Jesu yaina ti ñaa yoarire wac̄urucueraja mari, “Tinap̄u Satana yare cahmari”, nina.

**Tróade wama tiri macai jiro Titore bocaeraro
pjíro cahya tuhotuha Paulo**

12 ã yoa Tróade wama tiri macap̄u sui Cristo yare buhe duac̄u. Tóp̄u yu jich̄u payu masa noaa buheare t̄aho duaina jire. Mari p̄uhoro to yoadoho mehne to yare yu buhehtina payu masa jire. 13 ã jipach̄ta mari coyeirore Titore bocaerac̄u pjíro cahya tuhotui. ã jic̄u tó macainare coha siti tuhsuc̄u Macedonia yahpap̄u wahai.

Cristo to yoadoho mehne ñaare yoarucueraja mari

14 ã yoa Cohamacu Satanare to yuhdurucari baharo mari c̄uhure tirore yuhdurucach̄u yoara, Cristo mehne ñaa yoaare marine duhuchu yoaro. Surara mahap̄u pari pohna wahaga ti yuhdurucarire ti yoa ñono sehetu mari c̄uhu Cohamacu mehne Satanare mari yuhdurucarire yoa ñona nija Cohamacu mehne. ã jina “Noana”, nija tirore. ã jina Cohamacu marine to dutichu masina jipihirop̄u Cristore masare masichu yoaja mari. ã tirore masia tina noano wahchera me sitiare ti wahcheriro sehetu.

15 Cristo yaina jina, Cohamacu sehere wahchechu yoaja mari, me sitiare mari wahcheriro sehetu. ã jia Cristo yaina mari jia tiare ñu masina paina Cohamacu to yuhdohtina. Paina ti ñaa buhiri pichacap̄u wahahtina c̄uhu Cristo yaina mari jia tiare ñu masina. 16 Cristo yaina mari jichu ñua, ti ñaa buhiri pichacap̄u wahahtina sehe pichacap̄u ti wahahtore masina. Cohamacu to yuhdohtina sehe marine Jesu yainare ñua jipihtia dachoripe tiro mehne ti jihtore masina. ã jia Cristo ya wiho jia buhea jierara. ã jiro ahrire Cristo yare to mu suro buhe sohtori tiriro ne mariahna. 17 Payu paina Cohamacu yare buhemana niñerure wapata duaa. Sã sehe tina yoaro sehe yoaeraja. Mahñono marieno Cristo to tuaa mehne to yare buheja sã. Cohamacu sãre to cûch̄u to ñurocaroi noano buheja sã.

3 1 ¿Pari turi sā jia tiare m̄usare yahuna nijari sā, m̄usa t̄uhotuchu? Paina m̄usare ti buhehto pano ti jia tiare masi duana ti joari p̄ure cahma m̄uhicare m̄usa. Sāre masi tuhs̄ra m̄usa. ¿Sāre masipanahta tí pū barore cahmajari m̄usa? ¿O paina cahap̄ sā buhena wahana tí pū barore sāre nano cahmajari, m̄usa t̄uhotuchu? 2 Tí pū barore cahmaeraja sā. M̄usa sehere jipihtina paina ñua m̄usare sā noano buherire masiahca. M̄usare sā buhechu Cristo yaina ji ducare m̄usa. 3 Ā jina tí pū baro yoaro sehe jira m̄usa sehe. Cristo painare to joarocari pū yoaro sehe jira m̄usa. Tí p̄ure tiro to joarocaboro sehetá, Espíritu Santo tuaa mehne m̄usa jia tiare noano cohtotachu yoari jire Cristo, painare to tuaare ñono taro. Potota tinta mehne to joarocari pū yoaro sehe jierara m̄usa. Cohamacu catiriro waro to Espíritu Santo mehne m̄usare cohtotachu yoaro, joarocari pū painare to joaroca ñono sehetá, m̄usa sehe Cristo yaina wahana, to yare m̄usare sā quihōno buherire noano ñona painare. 4 Ahrire jipihtiare michapucacā yu ni joarire t̄uhotuja sā Cohamacure noano wacū tuana. Cristo to yoadohoa mehne ā wacū tuarucuja sā. 5 “Sā m̄u s̄ro ahri dahraare yoaja sā”, ni masieraja sā. Cohamacu to yoadohoa mehne bihoja sā.

6 Mip̄ure to yahuare noaa buheare Cohamacu sehe noano sāre buhe masichu yoara. Ahri buhea panop̄ to dutia to joari cjiri yoaro sehe jierara. Noaa buhea sehere buheja sā. Panop̄ to dutirire mari m̄u s̄ro ne bihoeraja. Ā mari bihoerari buhiri pichacap̄ wahaboa mari. Noaa buhea sehere t̄uhona Espíritu Santo to yoadohoa mehne Cristore wacū tuaja. Ā wacū tuana jipihtia dachoripe Cohamacu mehne jirucunahca mari.

7 Cohamacu to dutiare cūno tāa pjñip̄ joa õ tuhs̄, Moise cjirote cūri jire. To ā cūri baharo to si sitea bajuari jire. Moise cjiro w̄uhdua si siteri jire. Minoa yuhduari jire. Baharo tí si sitea pihtia wahari jire. Baharo to si sitea to pihtia wahahito to jipachuta wahmanore to w̄uhduare masa ne ñuropa õa bihoerari jire. Tí dutiare masa ti yoa pahñoerari buhiri pichacap̄ wahahtina jia tiri jire. Ā jia tí dutia masare pichacap̄ waha dutipahta, tuaro si sitea mehne ji ducari jire tí dutia. 8 Tí dutia yuhdoro noaa buhea sehe noa yuhduara. Ahri buheare painare mari buhechu ti noano t̄uhochu Espíritu Santo tina mehne jirohca. Ā jia panop̄ macaa dutia yuhdoro Cristo ya sehe noa yuhduara. 9 Cohamacu dutia panop̄ macaa masare

pichacapu waha dutiri jire. ã dutipahta Cohamacu tuaa mehne to si sitea mehne ji ducari jire. Tí yuhdoro noaa buhea sehe Cohamacu to tuaa mehne jira. Tí buhea mehne noaina wahara masa Cohamacu to ñucha. **10** Panopu Cohamacu to dutiri cjiri sehe wiho jia dutia yoaro sehe tjuanocahna mipure noaa buhea mehne mari ñu piti bocachu. Noaa buhea sehe noa yuhduara. **11** Panopure to dutia yoa cureri pja si sitea jirucuma, pihtia wahaha. Tí dutia yuhdoro noaa buhea sehe noa yuhduara. Tí buheare noano tuhona, Cohamacu mehne ã jirucunahca.

12-13 Mari ã jirucuhtore masina, cuiro marieno noaa buheare noano yahu pahñonocaja sã. Moise cjiro sehe sã yoaro sehe yoaerari jire. “‘Cohamacu to si sitea pihtiro nina’, Israe masa ni ñuri”, nino to wuhduare ducatari jire Moise cjiro. Sã sehe tiro yoaro sehe yoaeraja. Cuiro marieno, ducataro marieno to yare noaa buheare buheja sã. **14** Tí pjapu macaina Israe masa sehe ne masiera tiri jire. Mipu cuhre Cohamacu yare panopu to joaa purine tina buhea, ne masierara. Moise cjiro to wuhduare to ducatachu Cohamacu to si siteare ti ñuroca õerariro sehetina noaa buheare noano masierara. Cristore cahmaeraa, masisi tina. Tirore noano wacu tuaa, tí pja pinihta to yare masiahca. **15** Mipu cuhre Israe masa Cohamacu dutia Moise cjirore to curire buhea, tinare ducataro sehetina noaa buheare ti tuhborore ductara. **16** Mari sehe mari puhtorore mari cahmachu tirota marine masichu yoara. Moise cjiro to wuhdua ducatarore to nanocaboriro sehetina mari puhtoro marine to yare noano masichu yoara. **17** “Mari puhtoro” nicu, Espíritu Santore nii nija. Cohamacu to Espíritu Santo mari mehne to jichu pichacapu wahaborinare to yuhdoina jija. ã jina “Panopu macaa dutia mehne mari yuhdunahca”, nieraja mari. ã jina tí dutiare duhuna, Espíritu Santo to cahmano sehetina yoaja mari. **18** ã jina Jesu yaina jina, Cohamacu yahuare masija mari. Ti wuhdua pocare ducataro marieina yoaro sehetina Cristo to tuaare ñona nija mari. ã jiro mari puhtoro Espíritu Santo marine noaa sehere cohtotachu yoaro nina. To ã yoachu Cristo noa yuhduariro to jiro sehetina wahana nija mari.

4 **1** ã yoa Cohamacu sãre pja ñuno, noaa buheare yahuhtinare cûre sãre. To ã cûrina sã jiare masina, to yare buhena pomerana, bujua witi tuhhotueraja. **2** To yare buhena mahñu cure buheraja. Tuhsu, sã tire cohtotaeraja. Soro curero buhena buoro yuhduboa. ã jina tó sehe yoaare

cahmaeraja sā. Cohamacu to ñuñocaroji jija sā. Ā jina noaa buheare noano quihōno buheja sā. Sā ã buhechū ñua tíre noano masina sāre tūhoina. 3 Sā ya buheare noaa buheare buheja sā. Sā tíre buhepacchūta paina ne noano tūhoerara tíre tinare dūcataro seheta. Ā tūhoeraina pichacapu wahahtina jira. 4 Satana ñariro ahri yahpa macaina bui pūhtoro tinare masierachū yoara. Capari ñueraina ti ñu masieraro seheta masierachū yoara tinare. Noaa buheare Cristo tua yuhdūrūcu sūriro ya buheare ti masierachū yoara tiro. Cristo sehe Cohamacu to jia tiare marine masichū yoara. Tiro Cristo Cohamacu waro jira. 5 Sā buhena “Sā sehere ño payoga”, ni buheraja. Ó sehe ni buheja sā: “Jesucristo sehe jira mari pūhtoro”, ni buheja sā. Sā sehe Jesure yuhitiina jina, mūsare dahra cohtaina yoaro sehe jina, to yare mūsare buheja sā. 6 Panopu ò sehe niha Cohamacu: “Nahitianopure buhriaro jiga”, ni dutiha tiro. Mipure tirota jira marine to tuaare masichū yoariro. Buhriarocaro marine to noano bajuchū yoaro seheta, tiro to tuaare marine masichū yoara. Cristo Cohamacu tuaare, to jia tia cūhure marine masichū yoara.

Cristo to tuaa mehne mari jija

7 Ā masiina jina, to tuaare, noa buhea cūhure painare masichū yoaja. Ā yoaina jipanahta wiho jiina jija sā. Dihbiato dóihta to wahtiro yoaro seheta sā cūhū wiho jiina jija. Ā jipanahta Cohamacu to tuaare, noa buhea cūhure painare buheja sā. Sā ã buhechū ñua, wiho jiina sā jichū ñua, sāre tūhoina ò sehe ni, masiahca. “Ti muñero ahri buheare masierara. Cohamacu sehe tua yuhdūriro tinare masichū yoara”, ni masiahca paina sāre. 8 Jipihtina paina sāre ñano yoapahta Cohamacu sāre to yoadohochū tina sāre yuhdūrūcaerara. Ā jina “Ñano yuhdūna nija”, ni tūhotupanahta, Cohamacu yare ne duhueraja. 9 Sāre ti ñano yoarucupachūta Cohamacu sāre ã yoadohorucura. Sāre ti cjāroca cū mūjapachūta to yoadoho mehne yarieraja sā. 10 Ti wajāhtina jinocanata nija sā, Cristo ahri yahpái to ñano yuhdūriro seheta. Ā ti wajāhtina jinata nija sā Cristo catiare wariro to jiare masa ti masiito sehe. Sā ã ñano yuhdūchū ñua tíre masiahca masa. 11 Ā yoa dachoripe sāre paina nu wajāhto cuara Cristo yaina sā jiri buhiri. Ó seheta ñano yuhdūja sā Cristo to catiare wariro to jiare paina ti masiito sehe. Sā pjacuri baharo yariaa wahaahca. Sā ã

wahahtina jipanahta Cristore catiare warirore masichu yoaja sã painare. 12 ã jia musare sã buheri buhiri sã sehere paina nu wajahto cuara. Sã buheare musa tuhori baharo jipihtia dachoripe Cohamacu mehne jirucuhtina jira musa.

13 Cohamacu yare ti joari pui õ sehe nina: “Cohamacure wacu tuacu, to yare yahuhi”, ni joaa tiha panopu macariro. Sã cuhu to seheta yoaja. Cohamacure wacu tuana, to yare yahuja. 14 ã buheja sã ahri yu nihtire noano masina: Cristo to yariari baharo Cohamacu tirore masori jire. ã jiro Cristo yaina mari jichu ñano tiro mari cuhure masonohca. To ã masori baharo to cahapu naanohca marine. 15 ã jina musare yoadohona, ñano yuhduja sã. ã jina Cristo yaina musa payu wahana, payu musa Cohamacure wahchea mehne ño payonahca. Tirore “Noana”, ninahca.

16 Musa ã wahachu ñuna, sã ñano yuhdupanahta cahyaeraja. ã jina Cristo yare buhe duhueraja. Dachoripe wahyarucuna nija sã. Sã ã wahyarcupanahta dachoripe wahcheina jirucuja sã. 17 Mipure ñano yuhdupanahta ñano yuhdu dojօeraja. Tí mari ñano yuhdua pihtia wahaahca. ã jina marine mahancu ñano yuhdro cahmana. ã mari ñano yuhdurina cjiri jina, baharopu pjiro wahchea mehne jirucunahca Cohamacu mehne. ã jina mari ñano yuhdri yuhdoro pjiro wahchea mehne jirucunahca. 18 Mari ñari cjiri baa pihtia wahaahca. Mari ñuerari sehe ã jirucuahca. ã jina mari ñueraare Cohamacu yare ã wacurucu maru. ã wacurucuna baharopu mari noano jihtore wahcheja.

5 1 Wuhre to cohaboriro seheta baharo mari pjacuri sehe butia wahaahca. ã jiro wahma wuhre to yoaboru seheta Cohamacu wahmaa pjacurire yoarohca. ã yoaro tí pjacurire marine warohca. Tí pjacuri masa ti yoaa pjacuri jierara. ã jina muanopu ã jirucunahca tí pjacuri mehne. Tíre mari masija. 2 ã jina tí pjacurire muano macaa pjacurire tuaro cahmana, mari ã cohtarucuna nija. 3 Tí pjacurire tuaro cahmaja, mari yariari baharo suhti marieina mari jiboro seheta pjacuri marieina ji duaerana. 4 Mipure ahri pjacurire cohu duaerapanahca wahmaa pjacuri sehere tuaro cohtaja mari. Mipure mari pjacurire cohu duaerapanahca jipihtia dachoripe Cohamacu mehne mari jihtore tuaro cahmaja mari. ã jina ahri mari pjacuri yariahti pjacuri ti jichu masina, wahmaa pjacuri mehne Cohamacu mehne ã jirucu duaaja mari. 5 Mari ã jirucuhtore

cahnore Cohamacu sehe. À cahnono Espíritu Santore ware marine. À jiro Espíritu Santo mari mehne jiro, marine Cohamacu to yoahvore “Potocā tjira” nino, marine masichu yoara tiro.

6 À jina Cohamacure wacū tuarucuja mari. Cuiro marieno jija mari. Ahri mari ji muhtari pjacu jina, mari puhtoro mehne jierasinija. 7 Muano macaare Cohamacu cuhure mari ñuerapanaha “Tí potocata jira”, ni tuhotuja mari. À jina tirore wacū tuaja mari. 8 À jina mari cuieraja. Mari pjacurire ahri yahpai cohāna mari puhtoro mehne muanopu jirucunahca mari. À yoa mari yariachu noa nina marine. 9-10 À jina Cristore wahchechu yoa duaja mari. Ahri yahpa macari pjacu mehne jisinina tirore wahchechu yoa duaja. Muanopu cuhure tirore wahchechu yoa duaja.

Jipihtina Cristo cahapu mari wahachu ñuno tiro mari yoarire ñuno marine beserohca. Ñano mari yoarire masinohca tiro. À masino wapa marieno to waborire marine wasi tiro. Noaare mari yoari cuhure masinohca. À masino wahchero marine noano yoarohca. To à masiriro jichu ñuna tirore wahchechu yoa duaja mari.

Cohamacu marine to ñu tuhtichu ñuno Cristo marine yahura

11 À jina cua pisaro mehne Cristore ño payoro cahmana marine. Ahrire masina, Cristo yare masichu yoaja sa masare. Tinare cuisâana, tirore wacū tuachu yoa duaja sa tinare. Noano mehne sa tíre sa buherire Cohamacu noano masina. Sa à buherire musa cuhure noano musa masichu cahmaja yuhu. 12 Pari turi noaina sa jia tiare musare yahuna nieraja. “Painare yuhdurucaja”, niinare musa yahuhto sehe noano mehne sa buherire yahuna nija sa musare. Tina sehe ti tuhotuapu ñaina jipahta masa ti ñurocaro dihta noaina yoaro sehe yoa ñomana. À jina sa mehne musa wahchehto sehe ahri jipihtiare musare yahu joana nija. “Paulo cuhu sare noano mehne buhere”, sare painare musa ni ducatahto sehe ahri jipihtiare musare yahu joana nija. 13 ¿Sa ò sehe ni yahuna tuho masieraina jijari sa, musa tuhotuchu? Masa sare ñua, tuho masieraina yoaro sehe ñuna sare. Cohamacu yare sa yoachu ñua à ni ñuboca sare. Ti à ñuborina jipanahta à jiina jieraja sa musare yoadoho namona tana. 14 Cristo marine to cahuchu ñuna musare à yoadohoja. To à cahuchu ñuna to yare à yahurucuja sa. Cuirota Cristo

jipihtina mari ñaa buhirire yariari jire. To ã yariari baharo mari sehe jipihtina mari ñaa buhirire yariarina yoaro sehe jina, ñaare yoa namo duaeraja. 15 Jipihtina mari ñaa buhiri yariari jire tiro Cohamacù ya dihtare mari yoahito sehe. Mari mû sôro yoa dutieraro, to cahmaa sehere marine yoa dutiro yariari jire tiro. Tiro sehe mari yaro jiborirore yariaro, masa mûjari jire. 16 ã jina mipure sâ mû sôro masare “Noaina jira. Ñaina jira”, ni ñheraja sâ. Panopù sâ mû sôro yoaa timai. ã jina Cristore masierahi. 17 ã jina Cristo yaina wahana wahma masa bajuaina yoaro sehe wahaja mari. Panopure mari mû sôro mari tûhotumarire, mari yoamarire duhunocaja mari. Mipure wahma masa bajuaina yoaro sehe jina, noaa sehere cohtotana, Cohamacù ya dihtare yoa duaja mari.

18 Cohamacù sehe marine noaa sehere cohtotachù yoare. Cohamacùre ñu tuhtiina mari jichù ñuno Cristo sehe mari ñaa buhiri tiare cohâre. ã cohâno mari ñu tuhtirire duhuchù yoare tiro. ã yoachù yoare Cohamacù Cristore. ã yoaro sâre to yare buhe dutiro cûre. ã buhena, painare Cohamacù mehne ti ñu tuhtirire duhuchù yoaja sâ cûhù. 19 Õ sehe masare yahu dutire Cohamacù sâre: “Cristore mari wacù tuachù ñuno mari ñaa buhirire buhiri dahrerara Cohamacù marine. ã yoaro marine ñu tuhtiriro cjiro jiparota tiro marine to yaina jichù yoara”, ni yahu dutire Cohamacù sâre. 20 ã jina Cristo yare buhehtina to cûrina jija sâ. Cohamacù mûsare to yahuboriro sehetâ sâ sehe õ sehe ni mûsare yahuja: Cristore yahubasana nija. ã jina mûsare bosaja. Cohamacùre mûsa ñu tuhtiare tó purota duhuga. 21 Cristo ñaare to yoaerapachùta Cohamacù sehe tirore mari ñaa buhirire yaria dutiri jire. ã yoaro mari ñaa buhirire buhiri dahreri jire Cohamacù tirore. ã jiro Cristo yaina mari wahachù Cohamacù yoaro sehe noaina jichù yoare tiro marine.

6 1 Cohamacù yare buhedohoina jija sâ. ã jina ahrire tuaro mûsare yoa dutija sâ. Cohamacù yare noaa buheare mûsa tûhoriro sehetâ yoaga mûsa. Mûsa tûhoriro sehe mûsa yoaerachù tí mûsa tûhori yaba cjihti jierara. 2 Õ sehe nina Cohamacù:

“Yù quihõri pjare, mûsare yù noano yoahiti pjare
mûsa siniare tûho, yûhtihi.”

ã yoacù mûsare yù yûhdohti dachore mûsare
yoadohohi”,

nina tiro. Tuhoga m̄sa. Mip̄re Cohamacū musare to noano yoahiti pja jira. Mip̄re Cohamacū musare to yuhdohti dacho jira.

3 Ne mahancā painare ñano yoeraja sā. Painare ne ñano ni durucueraja, “Noaa buheare musare sā buheare cahmaerari”, nina. 4 Ā jina Cohamacure dahra cohtaina sā jiare musare masichū yoa duaja. Ó sehe jija sā: Ñano yuhduna, paina ti ñano yoarina jina cūhū ã tuhotunocaja. Sāre ti ñano yoapachuta suaro marieno jija. 5 Ó sehetu ñano yuhduti sā: Masa sāre cjachū, peresu ti yoachū, payū masa sāre wajā dua ti sañurucuchū, ñano yuhduti sā. Sā tuaro dahra wahyana, wujo puripachuta carierana, jüca baana ñano yuhduti. 6 Numiare ã ñunocai. Ā jina ne ñano yoerahi. Ā yoa Cohamacū yare noano masi buhei musare. Tuhsū, ne suaerahí sā. Ā yoa noano niji siaro mehne yoai sā musare. Ā yoana Cohamacure dahra cohtaina sā jiare masichū yoana nii sā musare. Espíritu Santo to yoadohoa mehne Cohamacure dahra cohtaina sā jiare masichū yoana nii musare. Potocā musare sā cahichū ñuna, tirore dahra cohtaina sā jiare masina m̄sa. 7 Ā jina noaa buheare musare quihōno sā buhechū ñuna, Cohamacu tuaa mehne sā yoachū ñuna tirore dahra cohtaina sā jiare masina m̄sa. Noaa sehe jipihtia sā yoari cjiri sā wamo yoaro sehe jira noano sā ducatahto sehe. Tí noaare yoana watīnore sā ducatana nija. Ā yoana tí noaare sā yoari mehne tirore sā yuhdurecaja. 8 Paina sāre ño payora. Paina sehe sāre ño payoerara. Paina noano ni durucura sāre. Quihōno sā buhepachuta “Mahñoina jira”, ni yahuasāna paina sehe sāre. 9 Paina sāre ñu masiina jipahta sāre ñu masieraina yoaro sehe yoara. Sāre ti wajā duapachuta catisinija sā. Ñuga sāre. Potocā tjira. Sāre buhiri dahre ti cjachū, yarierasinija sā. 10 Sā cāa tahari cahyaina jipanahta, ã wahcherucuja. Pjacuoina jipanahta painare noaa buheare buhena tinare pjíro pachere sā waboro sehetu yoana nija tinare. Paye baro cjuaeraina jipanahta, potocāta Cohamacū yare cjua pahñonocaja sā.

11 Ne Corinto macaina yū coyea musare noano mehne yahu pahño joahi sā musare. Musare tuaro cahīna, ã yahuhi musare. 12 Sā sehe musare cahī duhueraja. M̄sa sehe sāre cahiera curera. 13 Ā yoa pohna ticū yū pohnare yū yahuboro sehetu musare yahuhtja: M̄sa sā tuhoturiro sehetu m̄sa cūhū ãta noano tuhotuga sāre. Ā jina sāre cahīga m̄sa cūhū.

Cristore cahmaerainare piti ti dutieraha Paulo

14 Å yoana Cristore cahmaeraina mehne ã piti tirucuena tjiga. Tina mehne macaina jiena tjiga. Cūno potori jierara mūsa. Noaare yoariro ñaare yoariro mehne noano ji masierara. Cohamacūre cahmaina Cohamacūre cahmaeraina mehne noano cahma piti ti masierara, buhriaro nahitiano mehne to ji masieraro seheta. 15 Å jia Cristo watīno mehne cūno potori tūhotuerara. Å yoa Cristo yairo, Cristore cahmaerariro mehne noano cahma piti ti masierara. 16 Cohamacū wūhū “Cohamacū jira”, ti nia masūrine mari cjuachū ñaa nina. To ya wūhū tí masūrine mari cūchū tó wahaerara. Tó seheta Cristo yaina Cristore cahmaeraina mehne mari piti tirucuchū cūhure ñaa nina. Tina pua curua cūno mehne ji masierara. Cohamacū catiriro to wūhū yoaro seheta jija mari. To wūhū to jiro seheta mari mehne jira tiro. Ô seheta nina Cohamacū:

“Tina mehne jiihtja yūhū.

Ti watoi ã jirucihtja.

Yūhū Cohamacū ti pūhtoro jiihtja.

Å jia tina sehe yū yaina masa jiahca”,
nina tiro.

17 Å yoa õ sehe ni namona tiro mari pūhtoro:

“Ñaina mehne tjuena tjiga.

Tinare piti tieno tjiga.

Cristore cahmaeraina ti ñaa yoaare ñū cūena tjiga.

Mūsa ã yūhure yūhtichū ñucū, yūhū sehe mūsare
piti tihihtja.

18 Å jicū mūsa Pūcū jiihtja.

Mūsa sehe yū pohna jinahca”,

nina Cohamacū mari pūhtoro tua yūhdūariro.

7 1 Yū coyea, yū cahiina, ahri jipihtiare Cohamacū to ã ni
yahuchū tūhona jipihtiare ñaa yoaare duhujihna mari.
Ñaa wacūa cūhure duhujihna mari. Cohamacūre noano ño
payoa mehne ñaa buhiri tia marieno jijihna mari.

Paulo wahchea mehne yahuha Corinto macainare

2 Noano mehne jiga mūsa sā mehne. Ne mahancā mehne ñano yoaerahí sā mūsare. Å yoa tuhsū, mūsare buhena, ne mūsare dojomehnerahi. Ne cūiro mūsa mehne macariore mahñoa mehne wapa cahmaerahí. 3 Å nicū mūsare tuhtii

nieraja. Mūsare yahu tuhsūhi. Sā yajeripohnari mehne tuaro cahīja sā mūsare. Catisinina mūsare ā cahīrucunahca. Mari yariari baharopū cūhure mūsare ā cahīrucunahca. 4 Yū niriro seheta mūsa yoarire, mūsa yoahiti cūhure masija yūhu. Ā jicā mūsare wacūrocacū wahcheja. Sā ñano yūhdūro watoi mūsa sehe yūhure pjíro wahchechū yoara.

5 Ā yoa Macedonia yahpapū sā sūri baharo tópū jina, ne soerahi sā. Tópūre ñano yūhdūhi sā. Paina sā mehne cahma sayo yūhdūrūcahre. Ā jina “Cristo yare duhuri”, nina Cristo yaina sehere cuisāahi sā. 6 Sā ā ñano yūhdūpachūta Cohamacū sāre wahchechū yoahre. Tiro cahyainare wahchechū yoariro jira. Ā jiro Tito sā cahapū to wihiro mehne sāre wahchechū yoahre Cohamacū. 7 Tito to wihičhū ñuna wahchehi. Tirore mūsa wahchechū yoarire sāre to yahuchū wahchehi. Ahri cūhure wahchehi. Mūsare to quiti yahuchū cūhure tuaro wahchehi sā. Yūhure mūsa ñu duarire yahuhre sāre. Yūhure mūsa cahya mūsa pjíro tūhoturi cūhure yahuhre tiro. To ā ni yahuchū tūhocū pjíro wahchehi yūhu.

8 Tó pano yū joarocari pū mehne mūsare cahyachū yoamahi. Ā yoaricū jipaihta cahyaeraja yūhu sehe. Tí pūre mūsa buheri baharo cahyayuhti mūsa. Tuhsū, mahancāta cahya duhuyuhti mūsa. Ā jicū wahma joaroca mūhtacū cahyapaihta mipūre cahyaeraja. 9 Mipū pinichtare wahcheja yūhu. Mūsa cahyachū tūhocū wahcheraja. Wiho mejeta ā cahyana, mūsa ñaare tūhotumarire cohtotayuhti mūsa. Ā mūsa cahyachū ñuno, Cohamacū sehe to cahmano seheta mūsa ñaare tūhotumarire cohtotachū yoari jira. Ā jina mūsare cahyachū yoana, ñano yoa dojomehnena nierahi sā mūsare. 10 Ā jina Cohamacū to cahmano seheta cahyana, mari ñaare tūhotumarire cahyanahca. Cohamacū to cahmano seheta cohtotanahca. Tó sehe mari cahyachū ñuno marine pichacapū wahaborinare yūhdora Cohamacū. Mari ā cahyachū noa nina marine. Cristore cahmaeraina sehe ti ñaare tūhotumarire cahyaeraapahta, ā cahyamacanocaa, pichacapū wahahtina jisinina. 11 Mūsa sehe Cohamacū to cahmano seheta cahyayuhti. Mūsa ā cahyana ò sehe yoayuhti mūsa: Mipure ñaare yoainare ā ñuñocaerayuhti mūsa. Tinare duhu dutiyuhti mūsa. Ā jina ti ñaa yoaare cuiyuhti mūsa “Tina yoaro sehe sā yoari”, nina. Ā yoana yūhure ñu duayuhti mūsa. Tuhsū, ñaare yoarirore buhiri dahre duayuhti mūsa. Tí jipihtiare mūsa

yoana mipure quihōno yoaina musa jirire masichu yoahre mosa sāre. **12** Panopu ñano yoariore mūsare yahu joarocapaihta tirore yoadohocu tacu ã ni yahu joarocaerahi. To ñano yoa payoriro cūhure yoadohocu tacu ã ni joarocaerahi. Mūsa sehere yoadohocu tacu tí püre joarocahi. Sāre noano ño payora mūsa Cohamacu to ñurocaroi. Tíre mūsa ño payorire noano mūsa masihto sehe tí püre joarocahi mūsare. Cohamacu tíre mūsare masichu cahmire. **13** ã jina Tito mūsa yoarire to quiti yahuchu tūhona tuaro wahchehi sā.

Tito cūhu tuaro wahchere. Tirore mūsa noano mehne mūsa piti bocachu tūhona, mūsa mehne to wahcherire tūhona sā cūhu noano wahchehi. **14** Wahmanopu mūsa cahapu to wahaheto pano mūsa mehne yu wahcherire, noaina mūsa jirire yahuhi tirore. Yu ã yahuchu yu niriro sehetra noano yoayuhti mūsa tirore. ã jichu tirore yu nirire buo tieraja. Mūsare quihōno ã yahurucuja sā. Tó sehetra Tito cūhure quihōno sā yahuhi mūsare to ñuriro sehetra. **15** Mūsa cahapu to sūchu ño payoa mehne tirore piti bocayuhti mūsa. Mūsa ã piti bocachu, noano yuhtiina, yuhdūpahta marieina mūsa jichu ñuyuhti tiro. ã jiro mūsare cahñ namono nina tiro. **16** Mipure noano yuhtiina, Cohamacu to cahmano sehetra mūsa noano yoa pahñoina mūsa jichu noano masija yuhu. ã masicu tuaro wahcheja.

Cristo yaina jina, painare ã wanocano cahmana marine

8 **1** Sā coyea, ahri yu yahuhtire mūsare masichu cahmaja sā. Cristo yaina Macedonia yahpa macaina Cohamacu cahñ mehne to pja ñha mehne ti yoarire mūsare yahuhtja. **2** Tina ñano yuhdūpahta, niñeru maeraina jipahta niñerure cahño marieno ã wanocahre pjachoinare Jesu yainare. Cristo mehne tuaro wahcheina jia, tina Judea yahpa macainare noano mehne ti cjharaare ã wanocahre. **3** Mūsare niita nija. Tina ti cjharo puro wahre. Jierara. Bui curero wahre. Sā sinibasaerapachuta pjachoinare wahre tina. **4** Cohamacu yainare pjachoinare tuaro yoadoho dua, “Macedonia macainare tuaro wa duaja sā”, nire tina sāre. **5** “Ó puro waahca”, tinare sā ni tūhoturiro bui curero wahre tina. Ó sehe yoahre tina: Wahmanore niñerure ti wahto pano mari puhtror Cristo to cahmano sehetra yoa pahñori jihre tina. ã yoa tuhsu, Cohamacu to cahmano sehetra sā cūhure ño payoa mehne yuhtiri jihre. ã yoaina jia tina niñerure wahre. **6** Ti ã wa tuhsuchu ñuna Titore sā sehe õ

sehe nihi: "Corinto macainare mu buhe ducariro seheto noano mehne pjachoinare ti wahtore buhe pahñoga", nihi sa tirore. Musa chu painare pja ñuna, musa yoadohohto sehe ã nihi tirore. 7 Musa sehe jipihtiare noano yoaina ji tuhsura: Cristore potocãta noano wacu tuara musa. ã jina to yare noano yahura musa. ã yoa Cohamacu yare noano masina musa. ã masina, Cohamacu to cahmano seheto tuaro yoa duara musa. ã yoa sãre cahhna musa. Õ seheto noano yoaina ji tuhsura musa. Musa ã noaina jipachhta mahancã duhsasinina mini musare. Pjachoina pinihtare musa pja ñuchu cahmaja sa. ã jina jiape nino marieno tinare noano mehne musa pjíro wachu cahmaja sa.

8 ã nicu musare dutii waro nieraja. ã ni yahuita nija musare. Paina pjachoinare ti tuaro yoadohorire musare yahui nija. "¿Potocãta pja ñuina jijari musa?" ni masi duai nija.

9 Mari puhtoro Jesucristo sehe marine to pja ñurire masina musa. Tí to pja ñuri potocã tjira. Tiro muanopu pjíro chuariro jiparota ahri yahpapu taro pjachoriro wahari jire. ã yoaro mari yaro jiboriore yariaro pjachoriro wahari jire. Õ sehe wahari jire tiro mari sehe to yare pjíro mari chuahto sehe, tiro mehne mari ã jirucuhto sehe.

10 Musare ã yahuita nija noaare musa masihto sehe. Õ sehe ni tuhotuja yuhu sehe pja choinare musa wahtire: Chu chuma wahara pja choinare musa wahtire musa wihibori baharo. Tí yuhdoro noano yoayuhti musa. Paina ti wa duahto pano musa sehe pjachoinare wa dua muhtayuhti. 11 ã jina musa wa dua muhtariro seheto mipure noano waga tinare. ã yoana pjíro chaina jina, pjíro waga. Mahancã chaina jina, mahancã waga. 12 Tuar musa wa duachu tíre musa warire Cohamacu wahcherohca. ã jina noho musa wa duaro puro waga. Musa wariro purota musa wachu wahcherohca Cohamacu.

"Pjachoinare wa yuhdoga", musare ninonierara tiro.

13 "Pjachoinare waga", nicu tinare pjíro chua duticu nieraja. ã jicu musa sehere pjachoina jichu yoa duaeraja.

Musare chu potori chua duticu ã nii nija. 14 Mipure musa sehe pjíro chara. ã chuana paye baro maerainare wa masina musa. Baharo musare paye baro maerachu tina chu wa masina musare. Musa ã cahma wana chu potori chuanahca jipihtina Cristo yaina. 15 Õ sehe nina Cohamacu yare ti joari pui: "Pjíro nariro chu paina bui curero chuaerare. Mahancã nariro

cūhare ne mahanocā duhsaerare”, nina Cohamacū yare ti joari pūi.

Tito tó mehne macaina mehne Corintopu wahaha

16 Ā yoa mūsare yu yoadohoriro sehetu Tito cūhū mūsare yoadoho duara. Cohamacū sehe mūsare to yoadoho duachū yoahre tirore. To ã yoachū ñūca “Noana”, nija Cohamacure.

17 Titore mūsa cahapū sā waha dutichū tiro noano mehne yūhtihre. Tirore sā waha dutihto panopūta to basita mūsa cahapū tuaro waha dua tuhsūriro jire.

18 Tirore pairo Jesu yairo mehne piti dahrerocahi sā tirore. Tito pitire jipihtina paina Jesu yaina noano ño payora. Noaa buheare to noano yahuriro jichū ñūa tirore noano ño payora. **19** Ā jia Jesu yaina tirore cahmahre sā mehne to tinino wahahto sehe. Tí niñerure pjacūoina cahapū sā naachū sā mehne wahahtirore cahmahre tirore. Ā jia tí niñerure sā wabasachū ñūa “Marire yoadohoriro jira”, niahca masa Cohamacure. Sā ã wabasana tinare tuaro mari yoadoho duarire masichū yoanahca tinare. **20** Ā jina ahri niñerure, pjíro Jesu yaina ti warire naabasana, noano ñū wihibonahca ti warocaire, “Sāre yahusāri”, nina. **21** Mari pūhtoro to ñurocaroi quihōno, noano yoa duaja sā. Masa ti ñurocaro cūhūre quihōno yoa duaja.

22 Ā yoana tana pairore mari coyeirore warocanahca Tito cūhū mehne. Sā piti dahrerocariore payu tahari painare to noano yoadohochū ñūhi sā. Ā jiro mipūre mūsa sehe painare mūsa yoadoho duachū ñūno tiro tó pano to yoariro yūhdoro noano mūsare yoadoho duara. **23** Tito sehere mūsare yahuhtja. Tiro yu piti jira. Mūsare yu yoadohochū tiro yūhu mehne dahrariro jira. Paina tiro mehne wahahtina Jesu yaina ti beserina ti warocarina jira. Tina Cristo yare yoara paina tirore ti ño payohto sehe. **24** Ā jina cahīa mehne noano mehne tinare piti bocaga mūsa. Mūsa ã yoachū ñūa paina Jesu yaina sehe mūsa cahīare masiahca. “Noano piti bocaahca Corinto macaina”, ni yahu tuhsūhi painare. Mūsa ã noano piti bocachū ñūa tí sā yahuri cjiri quihōno ti jichū masiahca paina Jesu yaina.

Jesu yainare pjacūoinare ti wahtore yahuha Paulo

9 **1** Ā yoana Cohamacū yainare mūsa yoadohohtore mūsa wahtore masi tuhsūra mūsa. **2** Painare mūsa yoadoho duaare masija yūhu. Ā masicū Macedonia yahpa macainare õ

sehe ni yahuhi: “Corinto macaina, ti ya yahpa Acaya yahpa macaina cūhū Jesu yaina sehe painare yoadoho dua tuhsūhre. Cū cūhma yuhdūra ti yoadoho duariro”, ni yahu tuhsūhi tinare mūsare. Mūsa ā yoadoho duachū tūhoa payū tina cāhū pjacūoinare yoadoho duahre. ³ Mūsare ā ni yahuriro jicū mipūre ahrinare mari coyeare mūsa cahapū warocai tai nije, Macedonia yahpa macainare yū yahuriro sehetā mūsa yoahito sehe. Ā jicū pjacūoinare mūsa wahtore mūsa cahmachu mūsa cjuayuhto sehe ahrinare warocai nije. ⁴ Tinare warocaeracū Macedonia yahpa macaina mehne mūsa cahapū sūcū, mūsa wahtire mūsa cjuaeerachū nūcū būo tisāboa yūhū mūsare. “Pjacūoinare waahca”, mūsare yū ni tūhoturi baharo mūsa waerachū nūcū būo tisāboa yūhū. Mūsa cūhū būoro yuhdūboa. ⁵ Ā jicū mūsa cahapūre yū sūhto pano tinare mari coyeare waroca mūhtai nije. “Pjacūoinare wanahca”, pano mūsa nirire mūsa cjuayuhto sehe tinare waroca mūhtai nije. Mūsa wahtire mūsa cahmachuchū tina sehe mūsare yahu quihōahca. Mūsa wahtire mūsa cjuayu tuhsūchū wahchea mehne mūsa wa duarire masiahca jipihtina. Mūsare sā wa dutiri jisi tí. Mūsa mu sūro mūsa wari jiahca.

⁶ Ā jina ahrire wacūga mūsa: Mahaa yaparicā toariro mahaa pocacā nanohca. Payū yapari toariro payū poca nanohca. (Tó sehe jira pjacūoinare mari wachū. Mahanocā mari wachū, Cohamacū mahancā warohca marine. Pjíro mari wachū, pjíro marine warohca.) ⁷ Ā jina cāina mūsa “Ó puro wanahtja”, ni waga. Niñerure cahīno marieno waga. “Marine wa dutire”, nino marieno waga. Wahchea mehne wainare cahīna Cohamacū. ⁸ Tiro sehe mūsa cahmano yuhdoro mūsare warohca. Ā jina jipihtia mūsa cahmarire dūhsaro marieno cjuā pahñonahca. Ā jia painare mūsa wachū cāhūre noano mu sūahca mūsa cjuāa. ⁹ Ó sehe nina Cohamacū yare ti joari pūi:

“Pjacūoinare pjíro wara Cohamacū.

Noano mehne masare ā yoarucura tiro”, nina to yare ti joari pūi. ¹⁰ Ā jiro toaa dicha tiri baharo toariro to toahti capare wara Cohamacū. Baharo to toarire dicha tichū yoara to chūhtire. Pjacūoinare mūsa pjíro wachū toarirore to wariro sehetā mūsa cūhūre pjíro warohca Cohamacū. Tó sehe dihta mūsare warohca pjacūoinare mūsa wa namohto sehe. ¹¹ Ā tjira. Pjíro warohca mūsare painare pjíro mūsa ā warucuhto sehe. Ā jia mūsa warocari niñerure pjacūoinare sā wachū payū

tina sehe Cohamacure wahchea mehne “Noana”, niahca. 12 Ñ yoana pjacuoinare Cohamacu yainare wana, tinare yoadohora musa. Ñ yoadohona wahchea mehne Cohamacure “Noana”, ti nichu yoanahca musa. 13 Ñ painare musa yoadohochu ñua, Cohamacure ño payoa mehne durucuahca masa. Tinare paina cuhure pjíro musa wachu ñua Cohamacure “Noa yuhduariro jira”, niahca masa. Õ seheta niahca Cristo ya buhea noaa buhea ti niriro seheta musa yoachu ñua tinare musa wachu ñua. 14 Ñ jia Cohamacu musare tinare to wa dutichu musa sehe tinare musa pja ñuchu tina sehe musare cahia mehne sini payoahca Cohamacure. 15 Cohamacu marine noa yuhduaro yoara. To ã yoarire masina “Noa yuhduaro yoara”, nijihna mari tirore.

Jesu buhe duti to cûriro to jiare yahuha Paulo

10 1 Mipure yuhu Paulo, musare yahuihtja. Caina musa mehne macaina õ sehe nina yuhure: “Mari mehne jiro painare yuhduruca duaerario, wiho jiriro yoaro sehe jira. Ñ jiparota pa sehepü jiro marine curo marieno tuhtirocara”, nina musa caina yuhure. Cristo sehe ne suaerario, masare noano yoariro jira. Tiro yoaro seheta yuhu cuhu ji duaja. 2 Ñ jicu musare ahrire tuaro mehne yahuihtja: Musa cahapu yu suchu noano yoaga musa “Paulo sare tuhtiri”, nina. Caina yuhure õ sehe nina: “Tiro to mu soro, Cohamacu to dutiro marieno yoara”, nina yuhure caina. Tó sehe niina pinihtare tuhtiboca yuhu. 3 Sã cuhu ahri yahpa macaina jina nije. Ñ jipanahta ahri yahpa macaina ti mu soro ti yoaro sehe yoaeraja sã, Cohamacu dutiare yoana. 4 Surara cahma wajã ti yuhducariro seheta sã sehe ñaare yuhduruca duaja. Tí ñaare yoa duaeraja. Sã ã yoachu sã wamoahri yahpa macaina ti wamoahri yoaro sehe jierara. Surara ti wamoahri cjhoro seheta sã sehe Cohamacu to tuaare cjhaja. Tí tuaa mehne Cohamacure cahma dutierainare cohaja sã. Masa ti mu soro ti masiare ti yaba cjihti jierachu masichu yoaja sã tí tuaa mehne. 5 Tuhsu, jipihtina yuhduruca duainare, ti mu soro tihotuinare, Cohamacure masi dutieraina sehere duhuchu yoaja sã. Ñ yoa tí tuaa mehne Cohamacure cahmaerainare Cristore noano yuhitiina ti jichu yoaja sã. Cristo to cahmano seheta tinare tihotuchu yoaja sã. 6 Ñ yoa, paina musa mehne macaina

Cristore ti yuhdurecachu ñuna tinare buhiri dahrenahca sā. Mūsa sehe mūsa noano yuhrtiri baharo Cristore yuhdurecainare ã buhiri dahrenahca sā.

7 Yū pjacu dihtare masina mūsa. Yū jia tia sehere ne masierara mūsa. “Cristo yaina jija”, niina jina, õ sehe masiga mūsa: Sā cūhu mūsa yoaro sehe Cristo yaina tjija. 8 “Mari pūhtoro ya buheare noaa buheare buhe dutiro, cūre sāre”, nicu payu tahari mūsare ã ni yahupaihta bho tieraja yuhu. Sāre ã buhe dutiro mūsare yoadohohtinare cūre sāre. Mūsare dojomehnehtinare cūno nierare sāre. 9 Ó sehetra poto ni yahuja mūsare “Cuiri”, nicu. Ahri yu joarocari pūre ñuna mūsa ñu cūachu cahmaeraja. 10 Cāina mūsa mehne macaina õ sehe nina: “Paulo joarocaro tuhtiriro yoaro sehetra joaroca mūjana marine. A jiriro jiparota mari mehne jiro ne ã jica nierariro jira. Pjacuoriro yoaro sehe jira. Ñ jia, marine to durucua yaba cjihti jierara”, nina cāina. 11 Tó sehe niinare õ sehe ni yahuhijtja: “Ó sehetra yoanahca”, sā ni joarocariro sehetra tó sehetra yoanahca sā, mūsa cahai jina.

12 Cāina mūsa mehne macaina “Noano masi pahñoina jija”, ni durucura ti basi. Cuenah, noacaro masiina jijari tina ã ni durucua. Sā sehe ti yoaro sehe ne ã ni durucusi. Ti basi cahma ñu piti boca “Mari sehe noa yuhdurecaina jija”, nina tina ti basi. Tuho masieraina jira tina. 13 Sā sehe tina yoaro sehe yoasi. Cohamacu sāre buhe dutiro to cūri dihtare yahuja sā sehe mūsare. Paina ya dahraare “Yoahi”, nina nieraja. Tiro mūsare buhe dutiro sāre cūre. 14 Ó sehe nina, mahñona nieraja sā. Noaa buheare Cristo yare mūsare buhe mūhtana sūhi sā. Ñ jina Cohamacu sāre buhe dutiro to cūri dihtare buhena nija mūsare. 15 Ñ jina paina ya dahraare “Sā sehe tīre yoahi”, ne nieraja sā. Wiho mejeta Cristore mūsa wacū tua namochu cahmaja sā. Ñ cahmana mūsare buhe namo duaja sā. Ñ buhena Cohamacu to dutiriro purota buhe duaja mūsare. 16 Ñ yoa mūsa ya yahpa yuhdurepū noaa buheare yahuna wahanaahca. Ñ wahana paina ti buheri baharo sūna, “Sā buhehi”, nisi sā.

17 Mari yoaare “Sāta yoaja”, nieraro cahmana. Mari pūhtoro Jesu to yoa sehere ñuna wahchero cahmana. Tí sehere painare yahuro cahmana. 18 Masa ti basi “Sā sehe yoahi”, ti nichu ji coaerara Cohamacu. Mari pūhtoro Cristo “Ahrina noano yoare”, to niina sehere ji coara Cohamacu.

“Jesu to cūrina jija sā”, ni mahñoinare yahuha Paulo

11 ¹ Yū jia tiare yahucū tūho masierariro yoaro sehe yahui nija. Ā yahuriro yū jipachūta yuhure tūhosiniga mūsa mipure. ² Cohamacū mūsare to cahīno seheta tuaro cahīja yuhu cūhu mūsare. Cristo yare mūsare yū buhechū tūhona tirore wacū tua dūcare mūsa. Ā jicū ahrire nija mūsare: Manū tilticoro to manūno cjihto dihtare to cahīno seheta, Cristo sehere tuaro cahīga painare mūsa cahīriro yuhdoro. Tó sehe yoaina ñaa buhiri tia marieina mūsa jichū mūsare Cristore wa duaja to yaina cjihtire. Tó sehe jiinare, “Tinare mūhure waihtja”, nihi Cristore. ³ Paina ñaina mūsare mahñoa, soro jia buheare cahmacha yocaboca mūsare. Agā Evare mahñono to masia mehne ticolorre Cohamacure to yuhdūrūcachū yoari jire panopure. To ā yoariro seheta mipure ñaina mūsare mahñoa, Cristore mūsare noano ño payoerachū yocaboca. Ā jicū mūsare cuisāja. ⁴ Tina “Ó sehe jiriro jira Jesu”, ti mū sūro soro ni ti mahño buhepachūta tūhoyuhca mūsa. Mūsare sā buheriro sehe jierapachūta mūsare mahño buheinare tūhoyuhca mūsa. Tuhsū, “Ó sehe jiriro jira Espíritu Santo”, ti mū sūro soro ni ti mahño buhepachūta tūhoyuhca mūsa. Mūsare sā buheriro Espíritu Santo waro jira. Tiro sehere quihōno ti yahuerapachūta mūsare mahño buheinare tūhoyuhca mūsa. Tina soro jia buheare ti mahño buhechū noaa buheare ti buherapachūta tíre tūhoyuhca mūsa. ⁵ Mūsa mehne macaina “Jesu to cūrina jija”, nimarina yuhure masi yuhdūrūcaerara. Tinare docarūcaeraja yuhu. ⁶ Noano yahu mihniriro jieraboca yuhu. Noano yahu mihnierapaihta Cohamacū yare noano masija. Yū ā masiare payū tahari mūsare noano masichū yoahi.

⁷ Noaa buheare Cohamacū yare mūsare buhecu ne wapa cahmaerah. Mūsare yoadoho duacū wapa cahmaerah. Wiho jiriro yoaro sehe jii yuhu. ¿Yū ā wapa cahmaerachū noaerajari, mūsa tūhotuchū? ⁸ Mūsare yū buhechū paye macari macaina Jesu yaina yuhure niñerure ware. Ti ā wachū tí niñerure ñahai sinino marieno mūsare buhei tai. Mūsa sehe yuhure mūsa waborirore tina sehe yuhure ware. ⁹ Mūsa mehne jicū paye baro yuhure dūhsapachūta mūsare niñerure ne sinierahi. Mari coyea Macedonia yahpa macaina Jesu yaina jipihtia yū cahmarire na wihire yuhure. Panopure mūsare ne cariboerah yuhu. Baharopu cūhure mūsare ne caribosi. ¹⁰ Cristo potocāta

to yahuriro seheta yʉhʉ cãhʉ mipare mʉsare potocata yahui nija. Jipihtiro Acaya yahpai jiinare ahri mʉsare yʉ sinierari cjirire ã yahurucuihtja. 11 ¿Mʉsare yʉ sinierari cjirire painare yʉ ã yahurucuchʉ tʉhona, dohse ni tʉhotujari mʉsa? “Paulo ã ni yahuro sare cahãleraro nina”, ¿ni tʉhotujari mʉsa? Jierara. Mʉsare cahãja. Mʉsare yʉ cahãre Cohamacʉ masina.

12 Wapa cahmano marieno mʉsare yʉ buhe dãcariro seheta sohtori tiichtja. Yʉ buheri wapa yʉ wapa nachʉ ñʉa tina “Jesu to cãrina jija”, ni mahãnoina õ sehe niboca: “Paulo noaa buheare buhero, wapa nana. ã jina sã cãhʉ to yoaro seheta yoaja”, niboca tina “Paulo yoaro sehe yoaja sã”, ni duaa. “ã niri” nicʉ, wapa cahmano marieno buheihtja mʉsare. 13 Tina potocata Jesu to cãrina waro jierara. Tinare ne cãuerare tiro. “Jesu to cãrina jija”, ni mahãnoa, sã yoaro seheta jimana. 14 Ti ã mahãnoina jichʉ masi tuhsãja yʉhʉ. Satana cãhʉ noariro yoaro sehe cohtota mʉjana. Tiro anjo si siteriro yoaro sehe ji duaro cohtotamana. 15 To ã yoariro jichʉ masicʉ Satana yaina “Jesu to cãrina jija”, ni mahãnoina Cohamacʉre yoadohoina yoaro sehe ti mahãnoina jichʉ ñʉcʉ, mahãnoina ti jiare masi tuhsãja yʉhʉ. ã mahãnoina ti jichʉ ñʉno, pihtiri dacho jichʉ jipihtia ti ñʉno yoari buhirire buhiri dahrerohca Cohamacʉ tinare.

To ñano yahdurire yahuha Paulo

16 Pari turi ahrire mʉsare yahuihtja. Ne “Tʉho masierariro jira”, yʉhʉre nien a tjiiga. Yʉ ã ni dutierapachʉta yʉhʉre mʉsa ã ni tʉhotuchʉ noanohca yʉhʉre. “Tʉho masierariro jira”, yʉhʉre ni tʉhotupanahta tʉhosiniga mʉsa yʉhʉre. Mahanocã yʉ jia tiare yʉ yahuchʉ tʉhoga mʉsa. 17 Mʉsare ã yahucʉ tʉho masierariro yoaro sehe yoai nija. Mari puhtoro Jesu yʉhʉre “Mʉ basi mʉ jia tiare yahuga”, nierare yʉhʉre. 18 To ã nierapachʉta ahrire yahuihtja mʉsare. Ti mʉ suro “Noaina jija”, niina payã paina ti jichʉ ñʉcʉ yʉhʉ cãhʉ yʉ jia tiare mʉsare yahuihtja. 19 Mʉsa sehe tʉho masierainare tʉhona wahchea mehne ñʉyuhca mʉsa tinare. Noacaro masiina jijari mʉsa sehe ã tʉhona. 20 Mʉsare cahamaca ti dahrechʉ, mʉsare ti wapa cahmacha, mʉsa yare ti machʉ, ã ñʉnocahna mʉsa. ã yoa mʉsare ti doca dahrechʉ, mʉsa wahsupurire ti cjãchʉ, ã tʉhotunocahna mʉsa. 21 Noacaro yoajari mʉsare tina. Cue,

masare yuhdurucaina jijari tina. Sā sehe tina yoaro sehe yuhdurucaina jieraja.

Ã jina tina yoaro sehe yoaeraja. Tina yoaro sehe jierapaihta tina “Ó sehe jiina jija”, ti nichu tūhocu yuhu cūhu ãta ni yahuboca. Pari turi tūho masierariro yoaro sehe yoacu, ó sehe ni yahuhiytja m̄asare tjoa. 22 Tina “Hebreo masa jija”, nina painare yuhduruca duaa. Hebreo masunota jimaja yuhu cūhu. “Israe masa Cohamacu to beserina jija”, nina tina tjoa. Ti yoaro seheta to beseriota jimaja yuhu cūhu. “Abrahā c̄jiro panamana ji turiaina jija”, nina tina tjoa painare yuhduruca duaa. Ti yoaro seheta Abrahā panaminota jimaja yuhu cūhu. 23 “Cristo cahamaca jija”, nina tina tjoa. Yuhu cūhu Cristo cahamacunota jija. Tina yuhdoro Cristo yare noano yoaja yuhu. Cuenah, ã nichu tūho masierariro yoaro sehe durucui nija. Tina yuhdoro tuaro mehne dahrai yuhu Cristo yare yoacu. Payu tahari tina yuhdoro Cristo yairo yu jiri buhiri peresu yoare paina yuhure. Tina yuhdoro payu tahari tjanare yuhure masa. Tina yuhdoro Cristo yairo yu jiri buhiri payu tahari masa yuhure wajā duamare. Ti ã wajā duachu mahanocā yuhdui yuhu ti wajāboriro. 24 Cinco tahari judio masa yuhure ñahare. Yuhure ti ñahape tahari treinta y nueve tahari yuhure tjanare. 25 Tia taha paina yuhure ñahare. Ñahaa tina pinihta yuhure ñano yucuri mehne c̄jare. Pa tehe yuhure paina tāa mehne docare. Tia taha dohoria mehne tācapu doca wahā su, minii. Ñ jicu cū dacho, cū ñami pjiri ma dacho macapure ba pahsai. 26 Payu tahari macaripure buhe tinii su. Yu ã buhe tinichu cua yuhdure yuhure. Yuhure nu minihto cua nire. Yuhure yacahto cua nire. Yu ya dihta macaina judio masa, judio masa jieraina cūhu yuhure ñano yoahto cua nire. Macaripu, masa marienopu, pjiri mapu cūhure yuhure nu yariahto cua nire. “Muhu mehne macaina jija”, ni mahñoina cūhu yuhure ñano yoahto cua nire. 27 Cristo yare yoacu tuaro dahraa tii. Ñ dahracu ñano wahyaa tii. Payu tahari yuhure wujo ñano puripachuta ã dahrarucua tii. Ñano j̄eca baa tii. Ñ yoa ñahma yapioro jia tire yuhure. Payu tahari ch̄ua bocaeraa tii. Yu suhti sääboa cūhu ne mariea tire yuhure. Ñ yoa yuhure yusua yuhdua tire.

28 Õ sehe ñano yuhdūpaita dachoripe jipihtina paina Cristo yainare, m̄usa c̄uhare pjíro wacū t̄uhotuja. 29 A jic̄a c̄uiro Cristo yairo to ã jinocariro to jich̄a ñuc̄a cahyaja. Paina

Cristo yairore ñano yoa dutiboca. Ti ã yoachu ñus Cristo yairore cuisacu, tina ñaina mehne suaja. 30 Yahu duaerapaihta yu jia tiare yahui tacu, yu mu suro wiho jiriro yu jia tiare musare wahchea mehne yahuja. 31 Cohamacu mari puhtoro Jesu puchero dachoripe mari ño payohtiro tirota musare yu mahñerachu masina. Ahrire musare quihõno yahuijtja. 32 Damasco wama tiri macaru yu jichu ñuno, cuiro puhtoro yuhure ñaha duamare. Jipihtina masa bui puhtoro Areta wama tiriro to docai jiriro puhtoro pinihta yuhure ñaha duamare. Æ ñaha duaro tí maca macari sahríno, tā mehne ti yoari sahríno macaa sopacaripe surarare cohta dutiri jire. 33 Ti ã cohtaro watoihta yuhu mehne macaina pjiri puhuropu yuhure duhu sáa, tí sahríno macari sopacacápu yuhure duhu borore. Tí sahríno baharo buhusehepu yuhure duhu borore. Ti ã duhu borori baharo duhti wahcáa wahai.

Cristo Paulore to ñorire yahuha Paulo

12 1 Yu jia tiare wahchea mehne yu yahuchu yaba cjihti jierara. To ã jipachuta yu jia tiare yahu namoihtja musare. Mari puhtoro Jesu yuhure to ñorire to masichu yoarire yahuijtja musare. 2 Õ sehe ño ducare tiro yuhure: Catorce cuhmari waro wahara yuhure Cristo yairore muanopu to naa mujari baharo. Muanopu ñahpicohoa buipu yuhure naa mujare. Yu tuhotua dihtare to naachu masieraja yuhu. O yu pjacu cuhure to naachu ne masieraja. Cohamacu dihta tíre masina. 3-4 Æ jiro paraíso wama tiropu naa mujare yuhu. Yu tuhotua dihtare to naachu masieraja yuhu. O yu pjacu cuhure to naachu masieraja. Cohamacu dihta tíre masina. To ã naa mujachu suchu tópure to yahuare tuhoi. Tí yu tuhorire masa ne masierara. Tí to yahurire marine yahu dutierara. 5 Tó sehe yuhure to ñorine musare yahucu, “Yuhu cuirota painare yuhdurcariro jija”, niboa yuhu. Æ nieraja yuhu. Yu mu suro masierariro yu jiare ñano yuhduriro, wiho jiriro yu jiare wahchecu musare yahuijtja. Tí dihtare wahchecu musare yahuijtja. 6 “Painare yuhdurcaja”, musare ni yu yahu duachu yu niri cjiri potocu tjiboa. Tó sehe ni yahucu tuho masierariro jieraboa yuhu. Wiho mejeta “Õ sehe painare yuhdurcaja”, ni yahusi yuhu musare, “Cua pisaro choro yuhure ñuri”, nicu. Yuhure ñu masina ño payora musa. Musa ã ño payopachuta tí yuhdoro yuhure musa ño payochu cahmaeraja. Yu yoarire ñuna, yu

nirire təhona quihōno məsa ño payoriro yəhdoro yəhure məsa ño payochu cahmasāeraja məsare.

7 Cristo noa yəhdure məanore yəhure to ñochu ñəriro jicu, “Painare yəhdəraca”, niboca yəhu sehe. Ā yə nierahto sehe Satana yə pjacure to duti dahrechu ñuno “Noanohca”, niri jire Cohamacu. Yəhure duti dahreri jire Satana yəhure ñano wahachu yoaro. Ahri dohatiro potaca sāano to purīno seheta yəhure purīna. 8 Ó yə dohatirore yəhure yəhdo duticu sinia timai Cristore mari pəhtorore. Tia taha sinia timai. 9 Ó sehe ni yəhtia tire yəhure tiro: “Ó mə dohatiro pinichtare məhure yəhdəchū yoasi yəhu. Ā məhure yəhdoerapaihta məhure cahija. Yə cahia mehne noano jiihca məhu. Dohaticu ñano yəhdəriro, wiho jiriro jicu yə tuaare noano masichu yoaihca məhu. Tuaina yəhdoro məhu sehe yə tuaare masare masichu yoaihca”, ni yəhtia tire tiro yəhure. To ā nichu təhocu ñano yəhdəriro, wiho jiriro yə jiri cjirire masicu wahcheja. Ā jicu ñano yəhdəriro, wiho jiriro yə jiare məsare wahchea mehne yahuihca. Ó seheta ni yahuihca Cristo to tuaa mehne yə noano jiare məsa noano ñu masihto sehe. 10 Ā jicu Cristo yairo yə jiri buhiri yəhure purichu wahcheja. Paina ñano yəhure ti ni durucuchu, ñabiaro yəhdəcū wahcheja. Yəhure ti ñano yoarucuchu, ñano yəhdəcū Cristo tuaa mehne cāno pjaja tirore wacū tuacu. Ā jicu wahcheja.

Corinto macainare Cristo yainare pjíro cahya təhotuha Paulo

11 Yə jia tiare yahucu təho masierariro yoaro sehe yoahi yəhu. Yə ã yahupachuta tí məsa ya buhiri jira. Məsa sehe yə jia tiare painare noano yahuboa. Yəhu yə mə suro jicu yaba cjihti jieraboa yəhu. Ā jiboriro jipaihta “Jesu to cūrina, masi pahñoina jija”, ni mahñoinare docarūcaeraja yəhu. 12 Potocāta ñano yəhdəriro jipaihta Cohamacu tuaa mehne yoa ñomai məsare. Ā ñocu Jesu to cūriro yə jiare ñoi nimai məsare.

13 Ó seheta yoamai. Paye macari macainare Jesu yainare məsa cāhure cāno potori yoaa timai yəhu. Wiho mejeta məsa dihtare cariboerahi. Məsa dihtare paye barore sinierahi. ¿Yə ã sinierachu ñaa nijari, məsa təhotuchu? Tí ñaa jichu tí ñaa boga məsa yəhure.

14 Pəa taha məsa cahapu yə suri baharo pari turi waha duaja tjoa. Tópu súcu məsare caribosi yəhu. Paye barore sinisi yəhu məsare. Məsa yare cahmaeraja. Cristo ya sehere məsa

yuhtiina jichu cahmasaja yuhu. Masa pohna sehe ti puchusumare ti cahmaare waerara. Ti puchusuma sehe ti pohna cahmaa sehere wara. (Tó sehetu musa yu pohna yoaro sehe jiina yu cahmaa sehere wasi musa.) 15 Æ jicu yuhu pinihta yu cjaaa sehere wa duaja musare yoadohocu tacu. Musa cahamacuno yoaro sehe ji duaja musare yoadohocu tacu. Musa sehere yu ã tuaro cahipachuta yuhure musa sehe pjiroca cahuna, yu tuhotuchu.

16 Æ jicu musa mehne jicu musare cariboerahi. ¿Potocu tijitarita, musa tuhotuchu? Wiho mejeta caina musa mehne macaina õ sehe niboca: “Paulo paye baro marine na duaro mahñore marine”, niboca. 17 ¿Musa ã niriro sehetu yoariro jicu, dohse ture yoari yuhu, musa ñuchu? ¿Musa cahapu yu warocarina yaba barore yuhure mahño mabasari tina musare, musa ñuchu? Mahño maerari jire tina. 18 Soho jiri pjapu musa cahapu Titore waha duti tuhsuhi tirore. Æ jicu pairore Cristo yairore tiro mehne piti dahre warocahi. ¿Tito paye barore musare mahño mari, musa ñuchu? Mahño maerari jire. Tiro yu yoaro sehetu Cohamacu to cahmano sehetu yoariro jira. ¿Æ jiro yu yoaro sehe yoaerari tiro, musa ñuchu? Yu yoaro sehetu yoari jire.

19 “Ñano yoaeraja sã”, ni ducatana nieraja sã. Cristo yaina jija. Æ jina Cohamacu to ñurocaroi musare yahuna niya. Yu coyea, yu cahuna, musare yahuhi musa sehere yoadoho duana. Musare yahuna, sã sehere musare cahmachu yoana nierahi. 20 Tópu yu suchu yu cahmano sehe yoaina jieraboca musa. Æ jicu musare tuaro cuiuaja. Æ yoa musa cahmano sehe yoariro jieraboca yuhu cuhu, tópu suchu. Soro musa yoachu ñuchu yahuihuca musare. Tópu yu suchu musa sehe cahma sayoina, painare pahsu tiina, ñaco suaeraina, musa mu suro painare yuhduruca duaina, painare ñano durucuina, ñaa quiti dahreina, “Painare yuhdurucaja” niina, musa cahmачunore dojomehneina jiboca musa. Æ jina musa jirore dojomehnena niboca musa. “Tíre yoari” nicu, cuiuaja yuhu musare. 21 Tópu yu suchu musare yuhure buho tisuachu yoaboca Cohamacu. Jipihtinare panopu ñano yoainare, ti ñaare cahyaerainare ñuchu tuaro cahyaihuca yuhu. Numia mehne ñano yoainare, musa mehne ñano yoa numiare, wuana tiinare, ñaare goa pjainare ñuchu cahyaihuca yuhu.

Paulo yahu batoaha

13 ¹ Mipure m̄usa cahapu wahacu tia taha s̄ihca tópure. P̄a taha tópure su tuhsui. Õ sehe nina Cohamacu yare ti joari pūi: “Cūirore mari buhiri dahrehto pano tiaro tirore yahusāno cahmana. Tiaro mariachu p̄aro tirore yahusāno cahmana. Ti ā yahusāri baharo buhiri dahre masija mari”, nina Cohamacu yare ti joari pūi. ² Panopure ñano yoaina cjiri m̄usa jichu m̄usare, jipihtina paina cūhure ahrire cuaro mehne yahui. Cē taha m̄usa cahai pari turi s̄ucu m̄usare ahrire yahui. Mipure m̄usa mehne jieracu pari turi m̄usare ahrire yahurocahtja tjoa: Mipure m̄usa cahapure s̄ucu, panopu ñano yoainare paina cūhure potocāta buhiri dahrehtja yuhu. ³ Yū ā yoachu ñuna, Cristo to cūriro yū jia tiare to tuaa mehne yū buherire masinahca m̄usa, m̄usa masi duariro seheta. Cristo sehe m̄usare dutiriro tua yuhdurucu s̄uriro jira. Ā jiro to tuaare ñona m̄usare. ⁴ Mari yoaro sehe pjacu tiro, to tuaare ñoaeraro tiro wiho jiriro yoaro sehe crusapu yariari jire. Ā yariaparota Cohamacu to tuaa mehne catiriro jira tiro mipure. Tiro crusapu jiro wiho jiriro to jiriro seheta sā cūhu wiho jiina jija. Ā jipanahta Cohamacu tuaa mehne jinahca m̄usare yoadohona tana.

⁵ Ā yoa m̄usa sehe cāina m̄usa basi õ sehe ni t̄hotuga: “¿Potocāta Cristore wacu tuajari yuhu?” ni t̄hotuga m̄usa cāina. “¿Potocāta Cristo to cahmano seheta jijari yuhu?” ni t̄hotuga m̄usa cāina. M̄usa ā jierana to yaina waro jierara m̄usa. To yaina waro m̄usa jichu Cristo m̄usa mehne jiro nina. ¿Tíre masierajari m̄usa? ⁶ Sā sehe “Jesu yaina, to yare yahu duti to cūrina jija”, ni mahñoina jieraja. To yaina, to cūrina waro jija sā. Tíre m̄usa masichu cahmaja yuhu. ⁷ Ā jicu m̄usa ñano yoerahto sehe Cohamacure sini payoja m̄usare. Āta sini payoja sā noaare, Cristo yare m̄usa yoahito sehe. M̄usa ā yoachu ñuna sā õ sehe niboca: “Corinto macainare buhena, quihōno buhei sā”, niboca sā painare sāre ño payo dutina. Ā ño payo dutieraja sā. Tí yaba cjihti jierara. Ā jina Cohamacure sini payona, m̄usa ya cjihtire sini payona nija. Paina sāre “Mahñoina jira”, ti nipachuta noaare, Cristo yare quihōno m̄usa yoachu pinihrtare cahma yuhduaja sā. ⁸ Ó sehe dihta m̄usa noaare yoachu cahmasāja sā. Cristo yare, potocā jiare soro ni yahu masieraja sā. ⁹ “Cristo cahmaare yoarerara m̄usa”,

ni m̄asare yahusā masierana, wiho jiina yoaro sehe jiboca sā, m̄usa ñuchu. Noanohca. Noaare, Cristo yare yoana m̄usa sehe wiho jiina jierara. M̄usa ã jichu ñuna wiho jiina yoaro sehe sā jipanahta wahcheja. Å jina Cristore wacū tuaina, noano yuhtiina m̄usa wahahtore Cohamacure sini payona nija sā m̄asare. 10 Å jicu m̄usa mehne jieracu m̄asare ahri tjure joarocayui nija. M̄usa cahapu s̄achu, ñano yoaina m̄usa jichu ñucu m̄asare buhiri dahreichtja. Cristo yuhure to dutiriro seheta m̄asare buhiri dahreichtja. Yü ã buhiri dahrerahto sehe ahri tjure m̄asare joarocayui nija. Cristo yuhure to dutiriro seheta m̄asare yoadohohtirota jija. M̄asare dojomehnehtiro jieraja.

11 Mipure yü coyea, ahrire yahu batoihtja m̄asare. Noano wahcheina jirucuga m̄usa. Cristore wacū tua namoga. Å yoana noaina, tirore yuhtiina jiga. M̄usa mehne macaina mehne cūno mehne jiga. M̄usa basi noano mehne jiga. M̄usa ã jichu ñuno m̄usa mehne Cohamacu jirohca. Tiro marine cahma cahichu yoariro, marine noano mehne jichu yoariro jira. 12 Å yoana m̄usa mehne macainare noano mehne piti bocasiniga.

13 Jipihtina õ macaina Cohamacu yaina m̄asare noa dutira.

14 Mari p̄uhoro Jesucristo m̄asare to cahia mehne, Cohamacu cūhu m̄asare to cahia mehne Espíritu Santo m̄usa mehne jirucuriro to yoadohoa mehne noano jiga m̄usa.

Gálatas

Galacia wama tiri yahpa macainare
Jesu yainare joarocaha Paulo

1 1 Yuhu Paulo, Cristo yare buhe dutiro to cūriro jija. Masa ti cūriro jieraja yuhu. Ā yoa masa sehe yuhure Cristo buhe dutiro to cūhtore yuhure yahuerare. Cohamacu Jesu Pucuro sehe Jesure yariarirore masoriro yuhure cūre to yare buhehtirore. Jesucristo cūhu yuhure cūre. Ti ā cūriro jicu ahrire joarocaja mūsare. 2 Yuhu mūsare Jesu yainare Galacia yahpa macainare noa dutija. Yuhu mehne macaina Jesu yaina cūhu mūsare noa dutira. 3 Cohamacu mari Pucu, mari pūhtoro Jesucristo mehne mūsare noa dutija. Cohamacu to yoadohoa mehne noano jiga mūsa. 4 Tiro Jesucristo sehe mari ñaare yoari buhirire yariari jire. Mipure masa ti ñaare yoari dacho jira. Ā jiro ahri dacho baroihta tiro yariari jire Cohamacu mari Pucu to cahmariro sehetra marine yuhdutchu yoaro taro. Ā to yuhdutchu yoachu ñaare mipure ti yoariro sehetra yoa duasi mari. 5 Ā yoa jipihtia dachoripe tirore mari Pucure ño payojihna. Āta yoajihna.

**Cohamacu masare to yuhdutchu yohti buhea
cūnota jira. Paye buheapu mariahna**

6 Cristo mūsare cahino to yaina cjihtire mūsare cūre. Ā jicu mūsare cūriro yare cohāna, soro jia buhea sehere dói mūsa cahmachu ñu cuaa wahaja yuhu. 7 Paye buhea noaa buhea yoaro sehe jia buhea waro jierara. Ti ā jierapachuta caina mūsa cahai jiina mūsare cariboa, soro jia buheare buhea, noaa buheare ni dojomehne duara. 8 Ā yoa mūsare sā buhe muhtari cjurire mari cohāchu soro jia buhea sehere mari buhechu Cohamacu marine buhiri dahrejaro. Tuhsu, anjo mūano macariro ā to buhechu tiro cūhure buhiri dahrejaro Cohamacu. 9 Pano sā niriro sehetra mipure pari turi niihtja tjoa: Cūiro mūsare sā buherire cohāno, soro jia buheare to buhechu Cohamacu tirore buhiri dahrejaro.

10 Ñ nicu “Tiro dihta noano buheriro jira”, yuhure ni dutii niera ja. Cohamacu sehe yuhure “Noano buhere muhhu”, to nichu cahmaja. Masare wahchechu yoachu tachu soro jia buheare buheboa yuhu. Å buhecu ne Cristo cahamacuno jieraboa yuhu.

Paulo Cristo to buhe duti to cûriro to ji ducarire yahuha

11 Yü coyea, ahrire musa masichu cahmaja yuhu: Noaa buheare yü buheri cjiri masa ya buhea jierara. 12 Tí buhea masunore yü tuhori jierara. Å jia paina masa yuhure tí buheare yahuerare. Jesucristo sehe yuhure tí buheare masichu yoare.

13 Panopure yü coyea judio masa ti yoaa tiriro sehe yü yoariro jichu masina musa. Õ sehe yoaa tii yuhu: Jesu yainare tuaro ñano yoachu tinare noano wajä pahñonoca duamai. 14 Sä ñuchusuma ti buherire tuabiaro yoa duachu yü coyea yü cüno potori bucharina yuhdoro yoa muhtariro jia timai yuhu. 15 Yü å jiriro jipachuta yü masa bajuahlo pano Cohamacu yuhure besetuhuri jire. Å jiro yuhure cahino tiro to yairo cjihto, to cahamacuno cjihto cüre yuhure. 16 Å yoa to cahmano sehetu to macunore yuhure masichu yoare to yare noaa buheare judio masa jierainare yü buhehti cjihtire. To å yoachu “¿Dohse ni buhero cahmacari yuhure?” ni masare sinitu ñuerahi yuhu. 17 Å yoa Cristo to cûrina yü pano jirina cahapure Jerusalépure sinitu ñhi wahaerah. Arabia yahpapu wahai yuhu. Å jicu Damascopu majare wihii tjoa.

18 Tia cuhma baharo Pedrore ñuchu wahai yuhu Jerusalépu. Tópure pua somana waro jii. 19 Å yoachu painare Cristo to cûrinare ñuerahi. Santiago dihtare mari puhoro bahurore ñhi. 20 Õ sehe ni joarocacu Cohamacu mehne ne mahñope joaeraja.

21 Baharo Siria yahpapu, Cilicia yahpapu cuhure wahai. 22 Tópure yü súchu tí pjare Judea yahpapu jiina Jesu yaina yuhure ne ñu masierasinire. 23 Å jia ahri dihtare yuhure masi ducare tina: “Panopure marine ñano yoariro mipure noaa buheare to cohã duari buheare buhero nina”, ni masi ducare tina. 24 Yuhure å masia Cohamacure “Noa yuhdhariro jira”, nire tina.

Paina Cristo to cûrina Paulore piti bocaa dóihta cahmana

2 1 Catorce cuhmari baharo pari turi Jerusalépu wahacu Bernabé mehne wahai. Tito cuhu wahare yuhu mehne. 2 Cohamacu yuhure to waha dutichu tópure wahai. Jerusaléi

jicʉ Jesu yaina pʉhtoa ti sahsero ti cahmachuchʉ ñāchʉ noaa buheare judio masa jierainare yʉ buherire yahui tinare.

“¿Judío masa jierainare noaa buheare yʉ buhechʉ noajari, mʉsa tʉhotuchʉ?” nicʉ, ã ni yahui tinare. Â ni yahui tinare panopʉ yʉ buherire mipʉre yʉ buheri cāhure ti noano masihto cjihtore, tíre “Noana”, ti nihto cjihtore. Ti ã nierachʉ yʉ buheri cjiri yaba cjihti jieraboa. 3 Yʉhʉ mehne macariro Tito judio masuño jierariro jiro, circuncisiōre yoarerario jira. To ã yoamahnoerario to jipachʉta Jesu yaina pʉhtoa “Mʉhʉ cāhʉ circuncisiōre yoaga”, niera tirore. 4 Ti ã nierapachʉta cāina “Jesu yaina jija”, ni mahñoina wacūenoca sā mehne sāa, tirore circuncisiōre ti yoachʉ cahmamare tina. Jesu yaina mari jina “Panopʉ macaare ti dutiriro sehe yoana tí mehne yʉhdʉsi”, ni tʉhotuja mari. Mari ã ni tʉhotuina jichʉ mari yoaaře ñʉ duaa tina sehe sā mehne mahñō sāare. Â yoaa sā ñʉchʉsʉma ya dutiare yoa duti duaa, tí dutiare ño payorucuina jichʉ yoa duamare sāre tina. 5 Ti ã yoa duapachʉta noaa buheare quihōno mʉsa noano masihto cjihtore ne mahanocā mehne tʉho duaerahí sā tinare.

6 Â yoa Jesu yaina pʉhtoa noaa buheare yʉ buherire ti tʉhorí baharo “Ó sehe ni yahu namoga judio masa jierainare”, ni yahu quihōerare tina yʉhʉre. Jesu yaina pʉhtoare wiho jiina yoaro sehetu tʉhotuja tinare. Cohamacʉ sehe jipihtinare cāno potori tʉhotura. Â jicʉ ãta tʉhotuja yʉhʉ cāhʉ. Tina sehe yʉ buheriro sohtoare buhedoho masierare. 7 Â jia judio masa jierainare yʉ buhehtire Cohamacʉ yʉhʉre to cūrire tʉhoa, “Tóihtha jira”, nire tina. Judio masare buheare Cohamacʉ Pedrore to cūriro sehetu tó sehetu yʉhʉ cāhure cūre judio masa jierainare yʉ buhehtiro cjihtore. 8 Judio masare Pedrore buhe dutirirota yʉhʉ cāhure tirota buhe dutire judio masa jierainare.

9 Â jia Santiago, Pedro, João mehne “Jesu yaina pʉhtoa”, ti niina noaa buheare buherire Cohamacʉ yʉhʉre to cūrire tʉhoa “Tóihtha jira”, nire tina. Â niata yʉhʉre Bernabé mehne noano wahchea mehne wamomaca ñahare sāre piti tia. Â jia judio masa jierainare buheina jija sā. Santiago cāhʉ sehe judio masare buheina jira. “Ãta wahajaro”, nii sā sā basi. 10 Â nipahta tina judio masare pjacʉoinare yoadoho dutire sāre.

Pjacʉoinare yoadohohtiro jiita nija yʉhʉ.

Antioquíai Paulo Pedrore tuhtiha

11 Æ yoa Pedrore Antioquíapʉ to sʉri baharo quihōno to yoaebari buhiri tuhtii tirore. 12 Ó sehe yoare tiro: Santiago to warocaina Antioquíapʉ ti sʉhto panocā, Pedro sehe judio masa jieraina mehne chʉro nire. Santiago warocaina judio masa jierainare “Circuncisiōre yoaga” niina, judio masa panopʉ macaina ya dutiare yoa dutiina jire. To ã chʉro watoi tina sʉre. Æ chʉriro jiparota tina to cahapʉ ti sʉchʉ ñʉno, tinare cuiro, Pedro judio masa jierainare duhunoca, pari turi tina mehne chʉro wahaerare. “Mipʉre wihiina yʉhʉre tuhtiri” nino, judio masa jieraina mehne chʉ namoerare. 13 To ã mahñō cureriro seheta to yoachʉ ñʉa, paina judio masa cʉhʉ tirore ñʉ cū, tina cʉhʉ tó seheta yoare. Æ jiro Bernabé masa noariro jiparota tina yoaro seheta yoare tiro cʉhʉ. 14 Æ jicʉ judio masa jierainare ti duhuri buhiri noaa buhea ti niriro seheta tina ti yoaeerachʉ ñʉcʉ, jipihtina Jesu yaina panoi Pedrore yahui: “Judio masa ya dutiare yoa dutiina ti ñʉrocaroi judio masa jieraina mehne mʉ chʉ duaerachʉ ñʉa õ sehe ni tʉhotuboca tina judio masa jieraina: “Jesu yaina dihta jina judio masa yoaro sehe yoajihna mari cʉhʉ”, ni tʉhotuboca. Æ ni tʉhotuchʉ yoara mʉhʉ tinare. ¿Dohseacʉ tinare judio masare ñʉ cʉchʉ yoa duajari mʉhʉ ã piti ti duhuch? Judio masʉno jipaihta judio masa jieraina yoaro sehe yoamare mʉhʉ. Æ yoacʉ judio masa yoaro sehe yoaebarare mʉhʉ. ¿Æ yoariro cjiro jipaihta dohseacʉ judio masa jierainare judio masare ñʉ cʉchʉ yoa duajari mʉhʉ?” nii tirore.

Judio masare paina masa yoaro seheta Jesure wacʉ tua dutiha Cohamacʉ

15 Sã sehe judio masa masa bajuana, paina ñano yoaina judio masa jieraina yoaro sehe jieraja sã. 16 Æ jiina sã jipachʉta Cohamacʉ dutiare Moise cjirote to cūrire yoarina sã jichʉ “Noaina jira”, ni ñʉeraboa Cohamacʉ sãre. Tíre mari masija. Æ yoa Jesucristore mari wacʉ tuachʉ Cohamacʉ marine “Noaina jira”, ni ñʉnohca. Tíre masina, sã cʉhʉ Jesucristore wacʉ tuaja tirore sã wacʉ tuari mehne sãre “Noaina jira”, Cohamacʉ to ni ñʉhto cjihtore. To dutia cjirire sã yoarina jichʉ “Noaina jira”, ni ñʉeraboa Cohamacʉ sãre. Ne tí dutia yoaa mehne noaina jierara masa, Cohamacʉ to ñʉchʉ.

17 Wiho mejeta Cristore mari wacū tuaa mehne noaina Cohamacū yaina mari waha duachū, ñaina mari jiare masichū yoarohca Cristo. ¿Cristo mari ñaare marine masichū yoaro ñaina marine jichū yoajari tiro, mūsa tūhotuchū? Ne mahancā mehne yoaerara. 18 Sā dutia yoaa mehne yūhdū duamarina cjiri jipanahta tí buheare cohāi. Ā cohāpanahta pari turi tí buheare yoana tí dutiare sā yoa pahñoyerari buhiri potocāta buhiri tinahca sā. 19 Cohamacū dutiare Moise cjiore to cūrire cūno pjaeraja mari. Ā jia, tí dutia marine duti namoerara. Cohamacū to tuaa mehne to yaina jija mari. Cristo mehne crusai yariaina yoaro sehe jija mari. 20 Ā jina yariariro to mūsuro to yoaerariro seheta mari mūsuro yoaeraja mari. Cristo ya tuaa mehne yoaja. Ā yoa mipūre Cohamacū macūnore wacū tuaa mehne jirucuja mari. Tiro Cohamacū macūno marine cahīre. Ā jiro mari ya buhirire yariare. 21 To dutia yoaa mehne noaina Cohamacū yaina mari wahachū Cristo to yariari sehe ne yaba cjihti jieraboa. Cohamacū marine to cahīrire, Cristo to yariarire wiho jia yoaro sehe jichū yoa duaeraja yūhū sehe. Ā jicū “Dutia mehne yūhdūihca”, ne nieraja yūhū.

**Cohamacū dutia Moise cjiore to cūrire,
wacū tuaa cūhūre yahuha Paulo**

3 1 Yū coyea, mūsa Galacia macaina tūho masieraina ji wama tira mūsa. Jesucristo crusai to yariari buheare jipihtina ti ñūrocaroi mūsare yahui. ¿Ā jina mipūre to yare mūsa yūhdūrūcahtore paina mūsare ti dojomehnechū dohse yoana tinare yūhtiri mūsa? 2 Ahrireta yahu duaja mūsare: Dutiare mūsa yoaa mehne Espíritu Santore cjuerara mūsa. Noaa buhea sehere tūhona Cristore mūsa wacū tuaa mehne Espíritu Santore cjuara mūsa. 3 Espíritu Santo mehne mūsa Cristo yaina ji dūcana mipūre mūsa mūsuro mūsa yoaa mehne Cohamacū cahapū mūsa waha duachū ña nina. Tūho masieraina jira mūsa, ā yoana. 4 ¿Noaa buheare mūsa yoari buhiri payū tahari mūsa ñano yūhdūna wiho warota ñano yūhdūnocana niri mūsa, ā wahana? Wiho waro jierara mūsa ā wahari. 5 ¿Dohse mūsa yoari wapa Espíritu Santore mūsare wari Cohamacū, mūsa tūhotuchū? To dutiare mūsa yoari wapa waerare tiro. To buheare noano mūsa tūhochū ñono tirore mūsa wacū tuari baharopū Espíritu Santore ware tiro. ¿Cohamacū mūsa watoi to tuaa mehne yoa ñono dohse jiro

baro ã yoa ñojari tiro, m̄usa t̄uhotuchu? To dutiare m̄usa yoari wapa ã yoa ñoerare tiro. To buheare noano m̄usa t̄uhochu ñuño tirore m̄usa wacū tuari baharopu ã yoa ñore tiro.

6 Abrahā cjiro Cohamacure wacū tuaa tiri jire. To ã yoachu tirore Cohamacu “Noariro jira”, ni ñua tiha. 7 ã jina ahri yu nihtire masiga m̄usa: Cohamacure wacū tuainata potocāta Abrahā cjiro panamana ji turiaina waro pa turu macaina yoaro sehe jira. 8 Panopu Cohamacu yare ti joari pūi õ sehe ni yahua tiha: Judio masa jieraina Cohamacure ti wacū tuachu ñuño “Noaina jira”, ni ñuna Cohamacu. To ã ni ñehtore Cohamacu pano masiyuro, tiro noaa buheare Abrahāre pano yahu m̄uhta tuhsua tiha. “M̄uhu mehne ahri yahpa macainare jipihtinare noano yoaihtja”, nia tiha Cohamacu Abrahāre. 9 ã jiro Abrahā cjiro Cohamacure noano t̄ho wacū tuaa tiha. To ã wacū tuachu ñuño Cohamacu tirore noano yoaa tiha. ã yoa paina masa Cohamacure ti wacū tuachu, tina cūhure noano yoarohca Cohamacu, Abrahā cjirote to yoariro seheta.

10 “Moise cjirote to cūri dutia mehne Cohamacu yaina wahanahca”, ni t̄uhotuina buhiri tiina jira. To joari pūi ãta nina: “Cohamacu dutiare to ya tui ti joarire yoa pahñōeraina buhiri tiina jira tina jipihtina”, ni joaa tiha. 11 Cohamacu yare ti joari pūi õ sehe nina: “Cohamacure wacū tuainare ‘Noaina jira’, ni ñuna Cohamacu. ã wacū tuaa jipihtia dachoripe Cohamacu mehne ã jirucuahca”, nina Cohamacu yare ti joari pūi. To ã nichu ahri yu nihtire mari noano masija: To dutiare ti yoaa mehne masa noaina wahaerara, Cohamacu to ñuchu. 12 Dutia yoaa mehne Cohamacu cahapu waha duaina Cohamacure wacū tuaerara. Õ sehe nina Cohamacu yare ti joari pūi: “Dutiare yoaa mehne noaina waha duainare tí dutiare yoa pahñono cahmana tinare, d̄uhsaro marieno”, nina Cohamacu yare ti joari pūi. Wiho mejeta to dutiare yoa pahñōeraina jira masa. ã jia Cohamacu ñuñocaroi noaina waha masierara.

13 ã jia tí dutia marine buhiri tichu yoara. Mari ã buhiri tichu ñuño Cristo sehe to basi mari yaro jiborirore buhiri tiriro waharo, mari buhiri tiborirore tiro sehe cohābasare marine. Cristo to buhiri tihtore yahuro õ seheta ni joaa tiha panopure: “Jipihtina yucucupu ti duhu õina buhiri tiina jira”, ni joaa tiha panopure. 14 To ã ni yahu joariro seheta ã yoari jire Cristore. Cohamacu Abrahā cjirote “Ahri yahpa macainare noano yoaihtja”, to niriro seheta yoaro niri jire masare. ã yoari jire

Cristo mehne. Tiro yariari jire Cohamacu judio masa jierainare noano to yoahito cjihtore. A yoaro Jesucristo mehne Cohamacu Abrahâre to niriro sehetu tuhstri jire. A yoari jire tiro tirore mari wacu tuari baharo Espíritu Santore mari cuahto cjihtore.

To buherire quiti mehne yahu namoha Paulo

15 Yu coyea, masa ya quiti mehne tí yu nirire yahuhtja musare: Cúiro pairo mehne “Ó sehe yoajihna mari”, ni cúno mehne ti joa cúpachuta pairo tí püre soro ni dojomehne joa namo masierara. A yoa tuhst, tí püre “Quihõno jierara”, ni masierara tiro. 16 Tí püre cúno potori ti joa cúriro sehetu “Musare noano yoaihtja”, Cohamacu nino, Abrahâre to panamino ji turiariro cúhûre ni yahu cúno nia tiha. A ni yahu cúno paina to panamana ji turiainapure ni yahu cúno niera tiha. Cúrioreta to panamino ji turiariro dihtare ni yahu cúno nia tiha Cohamacu. Tiro Abrahâ panamino Cristo jira. 17 Mipüre noano yahuhtja musare: Abrahâ cúhûre Cohamacu “Musare noano yoaihtja”, to ni cúri baharo cuatrocientos treinta cúhmari yuhduri baharo to dutiare Moise cjiroke cúa tiha. A cúno Abrahâ cúhûre Cohamacu “Musare noano yoaihtja”, to yahu cúri cjirire boro taro niera tiha. 18 Cohamacu marine yuhduchu yoaro, dutiare mari yoa mehne marine yuhduchu yoaerara. Dutiare yoa mehne mari yuhduchu Cohamacu “Musare noano yoaihtja”, to ni yahu cúri sehe yaba cjihti jieraboa. Wiho mejeta to dutia mariasinchu Abrahâre a ni cú muhtaa tiha.

19 ¿A jiro dohse jiro baro to dutiare cúri Cohamacu? To dutiare cúha tí dutiare mari yuhdurcarire mari noano masihto sehe. A jiro panopure Cohamacu “Mu panami mehne masare noano yoaihtja”, Abrahâre to niriro to wihipto pano Cohamacu to dutiare cuaa timaha masa. Cohamacu to dutiare to cúchu to anjoa sehe tíre duti turiaa tiha. A yoa Moise cjiroke ti cúchu, tiro sehe masare cú turiaa tiha tjoa. 20 To dutiare Moise cjiro to cú turiachu Cohamacu to basita masare cúera tiha. A cúeraparota Cohamacu “Mu hûre noano yoaihtja”, Abrahâ sehere ni yahu cúno, to basita a ni yahu cúa tiha.

21 Cohamacu Moise cjiroke to dutiare cúno, tó pano Abrahâre to ni yahu cúrire “Yu niriro sehe yoasi yuhu”, nino niera tiha tiro. Abrahâre to niriro sehetu yoaro taro nia tiha. To dutia yoa mehne Cohamacu yaina wahana tí pja pinihta

dutiare mari yoaa mehne noaina wahaboa mari. 22 Wiho mejeta Cohamacu to yare ti joari pū sehe jipihtina ñaa buhiri tiina, ñaare duhu masieraina ti jirire yahua tiha. Å ni yahua tiha Cohamacu “Müsare noano yoahtja”, pano to niro sehetia to yoaho cjihtore. Å yoaro Jesucristore wacū tuainare noano yoara tiro pano to niro sehetia.

23 Jesucristo ya buheare mari tūhohto pano, tirore mari wacū tuahto pano Cohamacu Moise cjirore to cūri dutia dihtare masimahi mari. Å masimarina jina ñaa buhiri tiina, peresupu jiina yoaro sehe tí ñaare duhu masieraina jina, dutia dihtare masiina jimahi mari. 24 Å jia Cristo to wihinto pano Cohamacu dutia sehe marine yahure dahra cohtariro to pūhtoro pohnare to yahuriro sehetia. Å yahure marine baharo Cristore mari wacū tuaa mehne Cohamacu “Noaina jira”, marine to ni ñuhto cjihtore. 25 Mipu pinihtare Cristore mari wacū tuari pja jira. To å jichu dahra cohtariro yoaro sehe to dutia sehe marine yahu namoerara. Marine dutirucu namoerara. 26 Å jina Cristo Jesure wacū tuaina jina Cohamacu pohna jira müsa. 27 Jipihtina müsa co mehne bautisarina jira Cristo yaina müsa jiare ñiona tana. Å yoana to yaina jina, Cristo yoaro sehe jiina wahana nina müsa. 28 Mipure pua curua jierara müsa. Judio masa jieraina, judio masa mehne pua curua jierara müsa. Dahra cohtaina, dahra cohtaina jieraina mehne pua curua jierara müsa. Müsa, numia mehne pua curua jierara müsa. Jipihtina müsa Cristo yaina jina, cū curuata jira müsa. 29 Cristo yaina jina, Abrahā Cohamacure to wacū tuariro sehetia yoaina jina, Abrahā panamana waro jira müsa. Müsa å jiina jichu Cohamacu Abrahāre “Müsare noano yoahtja”, to ni yahu cūriro sehetia müsa cūhure noano yoarohca tiro. Cristo yaina müsa jichu ñuno müsare noano yoarohca.

4 1 Ó sehe jira ahri quiti mehne yu yahu namochu: To pucuro baharo to yare nahtiro wahma būchuariro jiropu jipihtia to ya jipachuta dahra cohtariro yoaro sehetia ne paye baro maerariro yoaro sehetia jira tiro. 2 Å jia tiro wahma būchuariro to jichu tirore ñu wihiboina to yare ñu wihbora. Å yoa to pucuro to quihōri pja mu suchapu to pucuro yare cjuarohca to macuno. 3 Ó sehetia wahma būchuariro yoaro sehetia jimiari mari cūh. Å jiina mari jisinichu dahra cohtainare ti dutiriro sehetia Moise cjirore to cūri dutia, mari ñuchusuma panopu macaina ti cūri dutia cūh marine dutisinimare.

4 Mari ã jiina jipachuta to quihōri pja mu suchu Cohamacu to macunore warocari jire. ã to warocachu to macuno cūcoro numino mehne masa bajuari jire. ã jiro tiro judio masuno masa bajuaro Cohamacu dutia Moise cjirore to cūri cjirire yoarucuriro jiri Jimare. 5 Mari cūhure tí dutiata dutisiniri Jimare. ã jiro marine yuhduchua yoahktiro cjihtore warocari jire Cohamacu to macunore, to pohna waro mari wahahto cjihtore.

6 ã jiro to pohna musa jichu ñuno, Cohamacu macuno to yairo Espíritu Santore musa mehne jihtirore warocari jire Cohamacu. To yairo Espíritu sehe Cohamacure “Mai”, niriro jira. 7 ã jina musa Cohamacu to yoadoho mehne dahra cohtaina jierara musa mipure. To pohna jira musa. ã jina to pohna jina, Cohamacu to wahtire cjuanahca musa.

Paulo Galacia macainare Jesu yainare cuisāha

8 Panopu Cohamacure musa masierasiniina jina “Cohamacu jira”, musa nia masurine ño payona tí masurine dahra cohtaina jiri Jimare musa. Musa ã ño payoina potocata cohamana waro jierari jire. 9 ã jirina cjiri jipanahta mipure Cohamacu warore masina musa. Jierara. Tiro pinihta musa sehere masina.

¿To ã masipachuta dohse yoana ahri yahpa macaina ya buhea sehere cahmajari musa tjoa? Ti ya buhea mehne noano yuhdu duapanaha ne yuhdu musa. ã yoa baharo Cohamacu jipihtia dachoripe musare to wahtire cjiasi musa. ã yoana tí buhea mehne yuhdu duana, pari turi ti ya dutiare dahra cohtaina yoaro sehe wahana nica musa. 10 Caa dachorire, caa sūrine, caa puhibucure, caa cuhmarine bose nūmūrine dahre dutira musa. “Mari ã yoaa mehne dutia mehne yuhdunahca”, ni tūhotumana musa. 11 Musa ã ni tūhotuchu musare tuaro yu buheri cjiri yaba cjihti jieraboca, yu tūhotuchu.

12 Yu coyea ahrire tuaro dutihtja musare: Cristore yu tūhoturiro sehetu musa cūhu tirore tūhotuga. Panopu dutia yoaa mehne yuhdu duaina jierari Jimare musa judio masa jieraina jina. Mipu sehere yuhu cūhu musa yoaro sehetu wahai dutia yoaa mehne yuhdu duaeracu. ã jina Cristore yu tūhoturiro sehetu musa cūhu ãta tirore tūhotuga. Musa mehne yu jichu ne ñano yoarerare musa yuhure. 13 Ahrire masina musa. Tópu dohatiriro jicu, pa sehepu waha masieracu noaa buheare musare buhe ducal. 14 Yu ã dohatiriro jipachuta, yuhure pumeborina musa jipanahta, yuhure yabierare musa.

Ã jina yuhure “Waharisa”, nierare m̄sa. ã jina Cohamacu yairo anjore, Jesucristo cūhure m̄sa piti bocaboriro seheta yuhure noano piti bocare m̄sa. 15 ¿Mipure dohse wahari yuhu mehne m̄sa wahchea? M̄sare ahrire niihtja: Cūno pjana m̄sa caparire orewe na yuhure waboa m̄sa. 16 ¿Yuhu mehne macaina jipanahta mipure quihōno m̄sare yu yahuchu ñu tuhtijari m̄sa yuhure?

17 Sohõ jiina soro ni buheina m̄sare tuaro cahmasāana. Ti t̄hotua soro jira. Noaa jierara. Tina m̄sare yuhure yuhdūrūcachu cahmana, tina sehere m̄sa cahmahto sehe. 18 Noano mehne m̄sa noano wahahto sehe m̄sare ti cahmasāachu noa niboa. ã yoa tóp̄re yu mariachu cūhure ti ã cahmasāachu noa niboa. 19 Yü pohna, niji wahcōricoro to ñano yuhdūro sehetu m̄sare ñano wacū t̄hotuja yuhu. Pü Cristo yoaro sehe m̄sa jichupu m̄sare wacū duhuihca. 20 Michapucacā m̄sa mehne jicu tuhtiro marieno wahchea mehne m̄sa mehne yu s̄uhuduchu noaboa yuhure. M̄sare pjíro t̄hotui niya yuhu.

Agar Sara mehne ti jiri cjirire yahuha Paulo

21 T̄hoga m̄sa yuhure. Cohamacu to dutiare yoaa mehne yuhdu duaina jipanahta to dutia sehere noano masierara m̄sa. 22 Ó sehe nia tiha Cohamacu yare ti joari pūi: Abrahã p̄aro pucuro jia tiha. Tirore dahra cohtaricoro Agar wama t̄ricoro mehne cūiro pohna tia tiha. ã yoa to namono poto Sara wama t̄ricoro mehne cūiro pohna tia tiha. 23 Wiho mejeta tirore dahra cohtaricoro macuño masa mari yoaro sehetu masa bajuaa tiha tiro. To namono poto macuño sehe Cohamacu “Cūirocā pohna tinahca m̄sa”, to niriro sehetu masa bajuaa tiha tiro sehe. 24 Ahri quiti marine noano piti dahre yahura: Cohamacu p̄ua taha masare “M̄sare yoadohoihtja”, to nia yoaro sehetu jira ahri numia p̄aro numia. Cūcoro Sinaí wama tidupu to dutiare wari yoaro sehe jira. Ticoro Agar jira. Ticoro mehne mari piti dahre buhechu judio masa cūhu dutiare yoarucua mehneta yuhdu duaina ticoro yoaro sehe jira. Tina dahra cohtaina yoaro sehe jira. 25 Ticoro Sinaí wama tidu Arabiapu jidu yoaro sehe jiricoro jira. Mipure Jerusalē macaina judio masa dutia yoaa mehne yuhdu duaina dutiare dahra cohtaina yoaro sehe jira. ã jia mari piti dahre buhechu tina ticoro yoaro sehe jira dahra cohtaricoro to jia tiro sehe. Tina Cohamacu

pohna jierara. **26** Pacoro sehe Abrahā namono poto m̄anop& jiri maca Jerusalē wama tiri maca yoaro sehe jira, mari piti dahre buhech&. Ticoro dahra cohtaricoro jieraro, to mac&no c&h&u dahra cohtariro jierari jire. (Â yoa Jesucristore wacū tuaina mari jina, Sara mac&no yoaro sehe jija. Mari c&h&u Cohamac& Moise cjiore to cūri dutia mehne y&hd&u duaina jieraina jina, dahra cohtaina yoaro sehe jieraja.) **27** Cohamac& yare ti joari p&ui õ sehe ni joaa tiha Cohamac& pohna warore, Sara yoaro sehe jiricorore yahuro:

“Pohna marienicoro, wahcEGA.

Â yoa wahchea mehne sañurucuga, niji wahc&no pur&nore masieraricoro jico.

M&hu sehe man& tiricoro y&hd&oro pay& pohna ticoHca.

Â jico wahcEGA”,

ni joaa tiha panop&re to pohna tihto pano Sara yoaro sehe jiricorore yahuro.

28 Y& coyea, Cohamac& to niriro seheta Isaa masa bajuaa tiha. Mari c&h&u tiro yoaro sehe Cohamac& to niriro seheta to pohna jija mari. **29** Wiho mejeta tí pjap&re masa yoaro sehe masa bajuariro ñano yoaa tiha paireo Espíritu Santo to niriro seheta masa bajuarirore. Mip& c&h&re ãta jira to jiriro seheta. **30** Wiho mejeta õ sehe nina Cohamac& yare ti joari p&ui:

“Dahra cohtaricoro mac&no to p&uc&ro yare c&ju masierara.

To namono poto mac&no sehe to p&uc&ro yare c&ju masina.

Â yoa ticoHre dahra cohtaricoro cjiore to mac&no mehneta coh&nocahga”, ni joaa tiha. **31** Y& coyea, ne dahra cohtaricoro pohna yoaro sehe jieraja mari. Wiho mejeta to namono poto pohna yoaro sehe jija mari.

Jesucristo yare noano t&ho ñahana, t&re duhuena tjiga

5 **1** Dutia yoaa mehne y&hd&u duaina tí dutiare dahra cohtaina ti dutipeina yoaro sehe jira. Cristo yaina wahana ti dutipeina mari jiare wijaana, Cristo mehne y&hd&uja mari. Â to y&hd&uch& yoarina jina, to yare â yoarucuga, “Tí dutia yoaa mehne y&hd&unahca”, ni t&hoturo marieno.

2 Mip&re y&h&u Paulo ahrire yahuichtja m&usare: “Circuncisi&re mari yoari mehne y&hd&unahca”, m&usa ni t&hotuna, Cristo m&usare to yoadohorire yaba cjihti jierach& yoana nina m&usa. **3** Jipihtina circuncisi&re m&usa yoari mehne y&hd&u duainare

pari turi ò sehe ni yahuihtja yuhu: Circuncisiore musa yoari mehne yuhdu duana, paye Cohamacu dutiare yoa pahñorana, yuhdu si mosa. ⁴ Dutia yoaa mehne yuhdu duaina jina Cristo sehere cohare mosa. A yoaina jina, Cohamacu musare to cahiriire, musare to yuhduchhu yoa duarire cahmaerara mosa. ⁵ Wiho mejeta mari sehe Espíritu Santo to tuua mehne Cohamacure wacu tuaja. Mari a wacu tuachhu “Noaina, nna buhiri marieina jira”, ni nna Cohamacu marine. To a ni nuchhu marine to yuhduchhu yoahtore masija mari. ⁶ Cristo Jesu yaina jina circuncisiore mari yoachhu ne yaba cjihti jierara. Circuncisiore mari yoaerachhu cahure ne yaba cjihti jierara. Wiho mejeta Cristo pinire wacu tuana painare cahinahca mari. Tí wacu tuua sehe wiho waro jia nierara. Tí waro jia nina.

⁷ Musa Cristore noano wacu tuasinimare. ¿Diina baro noaa buheare yuhduhaca dutiari musare? ⁸ Ti ya buhea Cohamacu musare to pohnare cüiro to ya buhea jierara. ⁹ Ahri yu nihtire wacuga mosa: Mahanocã pao bucharo trigo yubure noano sahserucu sura. (To a sahserucu suriro seheta yu coyea judio masa ya buhea sehere mosa cahmarucuchhu nna payu masa mosa mehne macaina cahu tí buheare cahmaboca tina cahu.) ¹⁰ Mari puhotoro Cristore wacu tuaja mari. A jicu ahri yu nihtire masija yuhu. Cristo to yoadohoa mehne paye buheare baharopure cahmasi mosa. Tíre masija yuhu. Musare dojomehne cohtaina dohse jiina jica. Tinare Cohamacupu buhiri dahrerohca.

¹¹ Yu coyea, “Dutia yoaa mehne yuhduhaca”, ti nia buheare yu buheriro jichu judio masa yuhure nno yoaeraboa. Cristo crusai to yariari buheare yu buheri buhiri tina nno yoara yuhure. Cristo ya buhea mehne judio masa ya buheare yu buhe morechu yuhure nno yoaeraboa tina. ¹² Musare dojomehne cohtaina musare mahanocã mosa pjachu macari cahsarocare yihsu dutiina ti basi dihta yihsojaro.

¹³ Yu coyea, “Dutia mehne yuhduhaca”, ni tihotu dutierara Cohamacu musare. Wiho mejeta “Dutia mehne yuhduhaca”, ni tihotuina jierapanaha “To dutiare yuhduhacajihna”, ni wacuena tjiga. A yoa mosa mehne macainare cahma cahina, tinare dahra cohtaina yoaro seheta yoadohoga tinare.

¹⁴ Cunota dutiare noano yoana, Cohamacu dutiare yoa pahñona nija mari. O sehe jira tí dutia: “Mu basi mu cahino seheta mu cahai jiina cahure cahiga”, ni dutia tiha. ¹⁵ A jina

wahiquina suaina yoaro sehe m̄usa basi cahma sayoena tjiga. Tuhs̄u, cahmachena tjiga. M̄usa mehne macaina jipihtinare “Dojomehneri”, nina noano yoaga m̄usa.

**Masa ñaare ti goa pjaare, Espíritu Santo
to cahmaa cūhure yahuha Paulo**

16 Espíritu Santo to cahmariro seheteta jirucuga m̄usa. Ā jina m̄usa ñaare m̄usa goa pjaare yoaena tjiga. **17** Ñaare m̄usa goa pjach̄u t̄ire m̄usa yoach̄u, Espíritu Santo ñ̄u yabira. To ā ñ̄u yabich̄u tí ñaare duhunahca m̄usa. Ā jina ñaare m̄usa goa pjana, t̄ire yoana, Espíritu Santore ñ̄u tuhtira m̄usa. Ā ñ̄u tuhtina to cahmano sehe yoaerara m̄usa. Ā jina m̄usa goa pjaare m̄usa yoa duaro seheteta yoa masierara m̄usa. **18** Ā yoa Espíritu Santo to cahmaare yoaina jina “Dutia mehne mari yuhdunahca”, ni t̄hotuerara m̄usa.

19 Masa ñaare ti yoaare mari noano masi tuhs̄u. Õ sehe jira tí: Numino mehne ñano yoaa, m̄uno mehne ñano yoaa, w̄uana tia, tó sehe jia ñaare b̄uo tiro marieno yoaa, **20-21** “Cohamac̄u jira” ti nia masurine ño payoa, puti sitea, paye yaya ti yoaa, ñ̄u tuhtia, cahma sayoa, doaa, sua, to basi dihta cj̄ua dua, ñ̄u tuhti cahma tju waa, c̄u curua macaina pa curuare ñ̄u tuhtia, paina yare tuaro cahmaa, cahaa, cahaa bose n̄umurine dahrea, tó sehe jia jira ñaare yoaa. Panop̄u m̄usare cuaro mehne yu niriro seheteta mip̄u cūhure niihtja: Tí barore yoaina puhtoro Cohamac̄u to s̄uho jirop̄ure m̄uanop̄ure ne s̄usi.

22-23 Espíritu Santo sehe marine õ sehe yoaina jich̄u yoara: Masare cah̄ina, wahcheina, cuiro marieina, so suaeraina, painare noano yoaina, noaina, duhuro marieno Cohamac̄u cahmaare yoaina, painare yuhdūrūca duaeraina, noano mehne yoaina, ti ñaa goa pjaare yoaeraina jich̄u yoara marine tiro. Tó sehe yoainare “Ā yoaena tjiga”, ne cūiro nierara. **24** Cristo Jesu yaina jina mari ñaa goa pjaare yoa namoeraja. **25** Espíritu Santo marine Cohamac̄u mehne ā jirucuch̄u yoarohca. Ā jina to cahmano seheteta yoarucuina jijihna mari.

26 “Painare masi yuhdūrūcaja sā”, ni t̄hotuina jiena tjijihna mari. Ā jina mari mehne suach̄u yoaena tjijihna painare. Ā yoana mari mehne macaina noano ti wahach̄u ñ̄una tinare sua t̄hotuena tjijihna.

Musa mehne macainare yoadohoga

6 1 Yü coyea, cäiro musa mehne macariro to ñaare yoachü ñäna, Cristore noano wacü tuaina jina niji siaroca dero tirore yoadohoga noaare pari turi to yoahito cjihto sehe. Ä yoana musa cähu “Ñaare goa pjari”, nina noano yoaga. 2 Musa mehne macaina ti ñano yuhdurchü cähhure yoadohoga tinare. Musa ä yoana Cristo to dutiro seheta yoana nina musa.

3 Cäiro wiho jiriro jiparota “Painare yuhdurchaca”, ni tühoturo, to basi mahñoa dihtare tühoturiro jira. 4 Cäina musa sahsero musa yoarire “Ahri noaa jira. Ahri ñaa jira”, ni masiga. Ä masina musa yoari noaa jichü musa basi wahchenahca. Ä jina “Painare yuhdurchaca”, nisi musa. Ä nierana painare musa yuhdurchari mehne wahchesi musa. 5 Ä jiro Jesu yairo to musüro Cohamacü yare yoara. Pairo masüno tirore tïre yoadoho masierara.

6 Ä jina noaa buheare buherirore paye baro musa cjuare tirore waga musa to yahuare tühoina.

7 Toari masüno ñaa yaparire toaro ñaa dichare cjuarohca. Noaa yaparire toaro noaa dichare cjuarohca. (Tó seheta mari cähu ñaare yoana ñaare cjuanahca. Ä jiro mari ñari buhiri buhiri dahrerohca. Noaare yoana noaare cjuanahca. Ä jina noano jinahca.) Ä jina “Sä ñaare yoachü Cohamacü säre buhiri dahresi”, ni tühotuena tjiga. Ñaare yoaina Cohamacüre bühupeina jira. Cohamacüre bühupeinare buhiri dahrerohca tiro. 8 Mari ñaare goa pjana, tïre yoana, tí mehneta yarianahca. Ä jina pichacapü wahanahca. Espíritu Santo sehe to cahmaare mari yoachü tiro marine jipihtia dachoripe muanopü jirucuchü yoarohca. 9 Ä jina noaare yoana tïre pumena tjijhna mari. Cohamacü to quihöri pja jichü noaare cjuanahca mari pumerana. 10 Ä jina jipihtinare mari ñchinape noano yoajihna mari. Mari coyea Jesu yaina pinichtare paina yuhdoro noano yoajihna.

Paulo yahu batoaro, noa duti batoaha

11 Bühua letrari mehne yü wamomaca waro mehne mäsare yü joarocarire ñüga musa. 12 Mäsare circuncisiõre yoa dutiina masa tinare ño payochü cahmana. Cristo crusai to yariari buheare mari buheri buhiri masa ñano yoara marine. Ti ä yoachü ñua ahrina mäsare circuncisiõre yoa dutira “Judio

masa ya buhea sehere yoaja”, nia. Å ti yoa dutichu judio masa tinare ñano yoaeraboca. Å jia circuncisiõre yoa dutira. 13 Musare circuncisiõre yoa dutiina sehe Cohamacu to dutiri cjirire yoa pahñoyerara. Å jia circuncisiõre musare ti yoa dutiri baharo musa yahtichu ñua, judio masa tinare musare dutiinare ño payoboca. Ti ã ño payohti cjihtire musare circuncisiõre yoa dutira tina. 14 Mari puhtoro Jesucristo crusai yariariro ya buhea dihtare jipihtinare wahchea mehne yahu duaja. Ne paye buheare ã ni yahu duaeraja. Å crusai to yariachu ahri yahpa macaa ñaare watïno yuhure yoa dutiro bihoerara. Å yariaro tí ñaare yuhure cahmaerachu yoare tiro. 15 To ã yoachu Cristo Jesu yaina mari jichu circuncisiõre mari yoachu ne yaba cjihti jierara. Circuncisiõre mari yoaerachu cuhure ne yaba cjihti jierara marine. Wiho mejeta pari turi masa bajuaina yoaro sehe, Cohamacu cahmano seheta yoaina, marine to cohtotachu pinihta wiho waro jierara. 16 Jipihtina ahri yu buherire yoaina, Cohamacu yaina waro jina, cuiro marieno noano jiga musa. Å jina Cohamacu to pja ñua mehne jiga musa.

17 Mari puhtoro Jesure dahra cohtariro yu jiri buhiri yu pjacure cami tija yuhu. Yu ã jiriro jichu mipure paina yuhure cariboea tjijaro.

18 Yu coyea mari puhtoro Jesucristo musare jipihtinare to cahia mehne noano yoajaro. Åta yoajaro.

Efesios

Efeso macainare joarocaha Paulo

1 1 Yuhu Paulo m̄usare Efeso macainare joarocaja. Yuhu Jesucristo yare buhe dutiro to cūriro jija. Cohamacu to cahmano seheta Jesu yuhure to yare buhehtirore cūre. Ā jicu m̄usare Cohamacu yainare Jesucristore ā wacū tuarucuinare joarocaja yuhu. 2 Ā joarocacu yuhu m̄usare noa dutija. Cohamacu mari Pucu, ā yoa mari p̄uhtoro Jesucristo cūhu m̄usare noano yoa, noano jichu yoajaro.

Cristo yaina mari jichu ñuno Cohamacu noano yoara marine

3 Cohamacu, mari p̄uhtoro Jesucristo Pucuro marine noano yoarucura Cristo yaina mari jichu ñuno. Jipihtia to ya m̄uano macaa noaa mehne tiro marine noano yoarucura. Espíritu Santo mehne marine ā noano yoarucura. To ā yoariro jichu ñuna noano ño payoa mehne tirore noano wahche payojihna. 4 Ó sehe yoaa tiri jire tiro marine to yainare: Ahri yahpare to bajuamehnehto pano mipure to yaina jihtinare beseyu tuhsua tiri jire tiro marine. Ā besea tiri jire marine ñaa buhiri marieina mari jihto sehe. Ā yoana ñaa buhiri marieina jija mari, Cohamacu to ñuchu. Ā jiro marine “Ñaa buhiri tiina jira”, nisi tiro. 5 Panopu ó sehe nia tiri jire tiro marine: “Yu macu Cristo tinare to yoabasari mehne tina yu pohna jiahca”, ni cūa tiri jire marine panopu. To ji coapiro seheta to cahmariro seheta ā wahachu yoaa tiri jire tiro marine. 6 Wiho jiina mari jipachuta marine to ā noano yoachu ñuna ño payoa mehne tirore noano durucujihna. To macuno to cahíriro yaina mari jichu ñuno noano marine yoara tiro. Ā jina tirore noano durucujihna. 7-8 Cristota jira marine pichacapu wahaborinare yuhduchu yoariro. Cristo mari ñaa buhirire yariabasaro, to dire cohā, mari ñaa yoari buhirire cohāri jire. Mari ñaa yoari buhirire to cohāchua ñuno, Cohamacu sehe mari ñaa buhirire bonocahna. Marine ñaa dihtare yoaborinare ā cahmano marine noaputiaro yoari jire Cohamacu. Ā yoa marine to ā yoainare noano waro tūho masiina wahachu yoari jire. 9-10 Tūho masiina wahachu

yoa, baharopu to yoahore marine masichu yoare. Panopu painare tíre masichu yoarerari jire tiro. Ó sehe jira baharopu to yoahoto: Tiro to cahmariro seheta to túhoturiro seheta jipihtinare cã curuata Cristo yaina jichu yoarohca. Á jiro jipihiare to ya jichu yoarohca. To quihóri pja musachu muano macainare, ahri yahpa macaina cãhure, cã curuata to yaina jichu yoarohca tiro. Á yoa muano macaare, ahri yahpa macaa cãhure to ya jichu yoarohca. Á jiro Cristo sehe jipihtina bui páhtoro jirohca. Á yoa jipihtia páro jirohca. Á jihtiro ji dutia tiha Cohamacu tirore.

11 Á yoaro Cristo yaina mari jihtore masino panopu Cohamacu marine bese tuhsua tiha to yaina mari jihtinare. Ahri jipihiare to yoarire, baharopu to yoahoto cãhure, “Á waharohca”, ni cãyua tiha tiro to túhoturiro seheta, to cahmariro seheta yoaro taro. Á yoaa tiha tiro to yare sã yoahoto cjihtore. 12 Sã sehe judio masa Cristore cahma muhtaina jina sãre to yúhdachu yoahore cohta muhtaina jija. Cohamacu sãre besea tiha to yare sã yoahoto cjihtore. Cohamacu yare sã á yoachu níua, paina tirore nío payo, “Tuariro jira”, ti nihto sehe Cohamacu sãre besea tiha. 13 Musa cãhu quihóno durucuareta noaa buheare túhore. Tí buhea “Cohamacu cahapu musa waha duachu, ó sehe jira”, ni yahura marine. Tíre túhona tirore wacu tua, noano túhona to yaina wahare musa. To yainare ó sehe niri jire Cristo: “Musare Espíritu Santore warocaihtja”, ni yahu cãri jire. 14 Á jiro tirore musa wacu tua, noano túhochu níno to yairo Espíritu Santo ware musare. Á jiro Espíritu Santo mari mehne jiro Cohamacu yaina mari jia tiare masichu yoara tiro sehe. Á yoa Espíritu Santo parore masichu yoara. Cohamacu mari níaa buhirire bore marine yúhdachu yoaro. Á jiro baharo to cahapu naanohca marine to yainare. Marine to naahto pano Espíritu Santo sehe Cohamacu cahapu mari sãri baharo to yare mari cãuahore masichu yoara marine. Cohamacu marine á yoara tirore nío payoa mehne “Noariro jira”, mari nihto cjihtore.

Paulo Cohamacu sini payoha Jesu yainare

15-16 Cristore wacu tuaina musa jichu túhorocacu Cohamacu á sini payoruropa musare. Mari páhtoro Jesucristore musa wacu tuarire, jipihtina to yainare musa cahírire túhorocacu Cohamacu “Noana”, nija. 17 Ó sehet

tirore sini payoja m̄asare: Cohamacu m̄ano macariro mari p̄uhtoro Jesucristo P̄ucuro, noa yuhd̄uariro to yare m̄asa noano masihto sehe sini payoja. Å yoaro tirore m̄asa noano masihto sehe sini payoja m̄asare. 18 Å jicu paye yu nihti cāhure m̄asa noano masihto sehe m̄asare sini payoja Cohamacure. Tiro m̄asare yuhd̄uchu yoaro, to yaina cjihtire yoare. To å yoachu noa yuhduara marine. Tíre m̄asa masihto sehe sini payoja m̄asare Cohamacure. Å yoa marine to wahtire noa yuhdua tí waro ti jichu cāhure m̄asa masiyuhto sehe sini payoja m̄asare Cohamacure. 19 Õ sehe cāhure m̄asa masihto sehe sini payoja m̄asare Cohamacure. Cohamacure wacu tuaina mari jichu ñuno to tuaa mehne marine yoadohora tiro. Tiro sehe paina bui tua yuhd̄uariro jira. Tí cāhure m̄asa masihto sehe sini payoja Cohamacure. 20 Tí to masia mehne, to tuaa mehne tiro Cristo yariarirore masori jire. Å maso tuhsuro, m̄anopu to poto b̄uhusehei Cristore dujichu yoari jire Cohamacu, jipihtinare dutihtiro to jihto sehe. 21 Tói dujiro jipihtina m̄ano macaina p̄uhtoa bui, å yoa jipihtina ahri yahpa macaina dutiina bui jiriro jira Cristo. Mipure jipihtina ahri dacho macaina bui p̄uhtoro jira. Baharopu jipihtina pa tjuru macaina cāhure ti bui p̄uhtoro jihtiro cjihtota jira tiro. 22 Å yoa jipihtina bui cūri jire Cohamacu Cristore. Å yoaro jipihtiare p̄u tichu yoari jire tirore. Å jiro Cristo yaina cū curua jiina bui p̄uhtoro sōri jire tirore. Ti dapu jira tiro sehe. 23 Cristo yaina cū curuata jina, to pjacu yoaro sehe jija mari. Cristo jipihtiropu å jirucura. Å jina mari to yaina mehne to jirucuchu, to jiro seheta wahana nija. Å wahana to jia tiare ñona nija.

Cohamacu marine cahño, pja ñuno yuhd̄uchu yoaha marine

2 1 Cohamacu yuhd̄urucaina, ñaa buhiri tiina yariaina cjiiri yoaro sehe jiri jimare m̄asa, Cohamacu to ñuchu.
 2 Panopure ahri yahpa macaina Cohamacure yuhd̄urucaina yoaro sehe yoarucuri jimare m̄asa cūhu. Å yoana watño to dutiro seheta yoarucuri jimare m̄asa. Tiro watño ahri yahpai dutiriro Cohamacure yuhd̄urucaina p̄uhtoro jira. Watña p̄uhtoro cūhu jira tiro. 3 Panopure jipihtina mari å dihta yoarina jimai. Mari ñaa dihtare goa pjamai. Mari mu s̄uro, mari t̄uhotu, mari cahmano seheta yoamai. Å yoaina jina jipihtina paina yoaro seheta, mari cūhu ñaa buhiri tiina jirucumai. Mari å jiina jiri buhiri, Cohamacu to buhiri dahreborina jimai. 4 Mari å jiina

jipachuta, Cohamacu marine tuaro pja ñuno, noano cahiri jire marine. 5 A cahí yuhduro, Cohamacure yuhduruacaina, yariaina yoaro sehetá mari jipachuta Cristo mehne marine catichu yoari jire. 6 A jiro Cristo yaina mari wahachu, Cohamacu Cristo mehne marine maso, a yoa manopu Cristo mehne dujihtinare marine so daporu jire, tiro mehne dutihtina cjihti mari jihto sehe. Cristo yaina jina, ata wahaina baro jija mari, Cohamacu to ñuchu. 7 O sehetá noano yoara tiro marine to pja ñurire, to tuaro cahiriire baharopu jihtinare masichu yoaro taro. Cristo yaina mari jichu ñuno a yuhdutchu yoara tiro marine. 8 Cristore wacu tua, mari noano tuhochu ñuno Cohamacu marine pichacapu wahaborinare yuhdutchu yoara. Marine pja ñuno, marine cahino marine yuhdutchu yoara. Mari mu sru mari noano yoaa mehne Cohamacu cahapu waha masieraja mari. Cohamacu sehe marine yuhdutchu yoara. A jiro tiro mehne mari a jirucuhtore cuna marine. 9 To a cuchu mari mu sru noaare mari yoari wapa jierara ti.

“Sã mu sru yuhduthi”, niboca”, nino o sehe dutiri jire tiro: Mari mu sru yuhdu dutierara marine. 10 Cristo yaina jichu yoare marine Cohamacu sehe noaa dihtare yoahitina mari jihto sehe. Panopu noaare mari yoahitire cu tuhsua tiri jire tiro marine.

Cristore cjana mari noano jija

11 A jina panopu masa jia tirire mipu cuhure wacuga msa. Cristo yaina jierasinina judio masa jieraina jina msa coyea yoaro sehe yoarina jiri jimare msa. Circuncisiore yoaeraina jire msa mipu msa jiro sehetá. Msa a yoaeraina jichu ñuna sa judio masa sehe circuncisió yoaina sehe mssare o sehe nia tii. “Circuncisiore yoaeraina jia, Cohamacu yaina jierara”, nia tii mssare. Circuncisiore yoaina mua pjacuire mahanocã cahsarocare yihsu narina jira. 12 Panopu Cristo yaina jierari jimare msa. Sã judio masa sehe Cohamacu to beseina jia tii. Sã a jichu “Mssare yuhdutchu yoaihtja”, ni cuá tiha Cohamacu sare. Msa sehe to a ni curina jierari jimare. A yoa Cohamacu to beserinare nu tuhtiina jisiniri jimare msa. Msa ñaa buhirire pichacapu wahahtina jiri jimare msa. Cohamacu maeraina jina pichacapu butiborina jia tiri jimare msa. 13 Mipu sehere Cristo Jesu yaina jira msa. Panopu Cohamacure nu tuhtiina jipanahta, mipure to yaina jira msa. Cristo msa ñaa buhiri

crusapu to di cohāri mehne Cohamacu yaina jichu yoare mūsare. ¹⁴ Sā judio masare cahma nū tuhtiina mūsua jichu nūno Cristo marine “Mūsua basi cahma nū tuhtiena tjiga”, ni yahure. Masare noano yahuriro jira tiro. Sā judio masa, judio masa jieraina mehne pāa curua mari jichu nūno, tiro cū curuata yoare marine. Dūcatari sahrīnore ti tju site cohāno yoaro sehe mari cahma nū tuhtire duhuchu yoare tiro.

15-16 Ó sehe tīre yoare tiro: Mari nāa buhirire crusapu yariaro marine pichacapu wahaborinare yūhdūchu yoare. Á yūhdūchu yoaro to yaina jichu yoare marine. Á yoaro pāa curua mari jimariore cū curuata wahma curua jichu yoare marine. Á yoaro panopu mari cahma nū tuhtiina mari jimariore marine cūnoi noano jichu yoare. Á yoaro judio masa sā dutia cjirire cohāre tiro. Tí dutia marine pāa curua ji dutiri jimare. Mipūre cū curuata jija mari. Cristo Cohamacu yaina jichu yoare marine.

17 Á yoa Cristo noaa buheare marine yahuro tari jire. Mūsua judio masa jieraina Cohamacu yare cjāeraina jiri jimare.

Mūsua á jichu nūno mūsare yahuro tari jire tiro. Sā judio masa sehe Cohamacu yare cjāai. Sā cūhūre yahuro tari jire. Á yahuro taro jipihtina marine cū curuata noano mehne ji dutiro tari jire tiro. ¹⁸ Mipūre jipihtina mari judio masa, judio masa jieraina cūhūre Cohamacu mari Pūchu mehne noano ji masija mari. Espíritu Santo to yoadoho mehne mari Pūchu mehne noano ji masija mari. Cristo sehe marine á noano jichu yoari jire. ¹⁹ Á jina mipūre pa dihta macaina yoaro sehe jierara mūsua. Mipūre Cohamacu yainare nū tuhtiina jierara mūsua. Cohamacu yaina mehne macaina jira mūsua. To ya curua macaina jira mūsua. ²⁰ Cohamacu ya durucuare yahu turiaina, sā cūhū to yare buhe dutiro to cūrina jina to ya durucuare mūsare yahu dūcūai sā, wahma wūhūre Cohamacu ya wūhūre ti dahre dūcariro seheta. Tí wūhūti cū mūhtari tāca yoaro sehe jiriro Cristo sehe marine yūhdūchu yoariro mariachu mari ne yūhdūeraboa. ²¹ Á jiro to tuaa mehne marine to yainare cū curuata jichu yoare tiro, Cohamacu wūhūre nāa marieni wūhūre ti dahreboriro seheta. To á yoachu to tuaa mehne noaina wahaja mari, Cohamacu to nūchu. Mari á jichu nūno, tirota mari mehne jirucura. ²² Á jina Cristo yaina jina jipihtina paina to yaina mehne cū curua wahare mūsua cūhū.

Mūsua á wahachu Cohamacu to Espíritu Santo mūsua mehne jiro nina, Cohamacu ya wūhūi to jiboro seheta.

Judio masa jierainare noaa buheare yahuriro jiha Paulo

3 ¹ Å to ya curua macaina m̄usa jich̄u ñ̄acu yuh̄u Paulo m̄usare sini payoja Cohamacure. Cristo Jesu yare m̄usare jipihtina judio masa jierainare yu yahuri buhiri peresupu jija yuh̄u. ² Cohamacu wiho jiina mari jipach̄ta, marine cah̄no, noaa buheare m̄usare judio masa jierainare yuh̄ure yahu dutiro c̄ure. Tíre masi tuhs̄ure m̄usa. ³ Panopu masare to yahuerari cjirire Cohamacu baharopu yuh̄ure masich̄u yoare. Ahrire mahancā yahu m̄usare joaroca tuhs̄uhi. ⁴ Yu ã joarocarire buhena Cristo to yare yuh̄ure to masich̄u yoarire masinahca m̄usa. ⁵ Tí to yahuri cjirire panopu macainare tiro yahuera tiha. Mipu sehere sâre Jesu to cûrinare Cohamacu yare yahu m̄uhntaina cûhure sâ jipihtina tirore dahra cohtainare to yahuri cjirire masich̄u yoare Cohamacu. To yairo Espíritu Santo sehe sâre masich̄u yoabasare Cohamacure. ⁶ Õ sehe jira to yahuri cjiri: Sâ judio masa dihtare Cohamacu yuhd̄uchu yoaebara. Judio masa jieraina cûhure yuhd̄uchu yoarohca tiro. Å jina sâ judio masa, m̄usa judio masa jieraina mehne Cristo yaina jina, cã pjacu yoaro sehe cã curuata jija mari. Å jina mari jipihtina Cristo Jesu yaina jina câno potori Cohamacu “M̄usare yuhd̄uchu yoaihtja”, ni to yuhd̄uchu yoaina jija mari.

⁷ Cohamacu yuh̄ure pja ñ̄uno, yuh̄ure cah̄no ahri noaa buheare yahuhtirore yuh̄ure c̄ure. To tuaa mehne ã c̄ure yuh̄ure tiro. ⁸ Jipihtina Jesu yaina ti doca macapiro waro jija yuh̄u. Yu ã jipach̄ta judio masa jierainare noaa buheare yahuhtirore c̄ure Cohamacu yuh̄ure. Tí buhea Cristo noa yuhd̄uariro to jiare, noa yuhd̄ua to cjuaare to wahtire yahura marine. ⁹ Yuh̄ure ã cûno Cohamacu “Ó sehe yuhd̄uchu yoaihtja masare”, nino to yuhd̄uchu yoahlore noano yahu pah̄nohtirore c̄ure yuh̄ure tiro. Å jiro panopu macainare tí buheare ne yahu pah̄noerasinia tiha Cohamacu. Jipihtiare bajuamehneriro jira tiro. ¹⁰ Mipu noaa buheare yahu dutiro c̄ure marine to yainare tiro to noano masi pah̄noare masich̄u yoaro taro. Masi pah̄noriro to jia tiare m̄ano macaina puh̄toare masich̄u yoa duari jire. Å yoaro taro noaa buheare buhe dutire marine Jesu yainare. ¹¹ Ahri yahpa to jihto panopu “Masare pichacapu wahaborinare yuhd̄uchu yoaihtja”, nia tiha Cohamacu. Å niriro jiro mipu mari puh̄toro Cristo Jesu yaria to masa m̄ujano mehne to niriro sehetu marine yuhd̄uchu yoara Cohamacu. ¹² To ã yuhd̄uchu yoachu mipu

Cristore wacū tuana to yaina wahaja mari. To yaina jina wacū tuaa mehne, cuiro marieno Cohamacū mehne durucu masija mari. 13 Noaa buheare mūsare yū buheri buhiri mipūre peresupū jicū yū ñano yuhdāchu ñuna cahyaena tjiga. Noaa buheare yū yahuchū tūhona Cohamacū yaina wahare mūsa. Yū ã yoari buhiri peresui jija. Ñ jicū mūsare yū yoadohori buhiri ñano yuhdāni nija. Mūsa noano yuhdāhto sehe ã wahaja yuhu. Tíre masina wahchega mūsa. Tíre tuaro wahche dutija mūsare.

Cristo masare tuaro cahīna

14 Ñ jicū ahri jipihtia Cohamacū mari Pūcū to yoarire wacūcu tiro pano na tuhcua caha sūcu sini payoja mūsare. 15 Tiro jipihtia curuari macaina mūnanopū jiina, ahri yahpai jiina cūhu ti Pucuro jira. Jipihtinare bajuamehneriro jira tiro. 16 Tirore õ sehe ni sini payoja mūsare: Tiro masi pahñoriro jira. Tua yuhdāriro jira. Ñ jicū to tuaa mehne mūsare noano to wacū tuachū yoahito sehe sini payoja. Espíritu Santo to yoadohoa mehne ã yoarohca. 17 Ñ sini payocū Cristore mūsa wacū tua namohto sehe tiro mūsa mehne to noano jihto sehe sini payoja mūsare. Ñ jicū painare noano cahīna mūsa jihto sehe sini payoja mūsare. 18-19 Jipihtina paina Cohamacū yaina cūhu mūsa mehne Cristo masare to tuaro cahīare mūsa masihto sehe sini payoja. Tiro jipihtina masare cahī yuhdāriro jira. To ã cahī yuhdārare noano masi pahñohto basioerara.

Ñ jipachūta to ã cahīriro to jia tiare mūsa noano masihto sehe sini payoja mūsare. Ñ yoa to cahīare mūsa masichū cahmaja Cohamacū mūsa mehne to noano jihto sehe. Noa yuhdāriro, ñaa marieriro to jiro seheta mūsa wahahto sehe to cahīare mūsa masichū cahmaja. Ñ jicū to cahīare mūsa masihto sehe sini payoja mūsare Cohamacūre.

20-21 Ñ yoa Cohamacūre pjíro ño payoa mehne “Tiro tuariro jira”, nijihna. To tuaa mehne noaa sehere cohtota masina marine tiro. Marine noaina jichū yoa masina. Mari siniri yuhdoro yoa masina tiro. Mari cahmaare mari tūhoturi yuhdoro yoa masina tiro. Cristo Jesu yaina to ya curua macaina jina jipihtia dachoripe jipihtina Cohamacūre ño payojihna. Ñta yoajihna.

Cristo yaina jina cū curuata jija mari

4 1 Æ jicū yuhu, mari pūhtoro Cristo to cahmaare yu yoari buhiri peresupu jiriro jicū, mūsare õ sehe ni tuaro dutija: Cohamacū to yaina cjihtire mūsare besea tiri jire. Æ to beserina jina to cahmano seheta yoaina jiga mūsa. 2 “Sā pinihta masi yuhdūrūcaina jija”, ni tūhotuina jiena tjiga. Painare noano mehne yoaga suaro marieno. Mūsa mehne macaina mūsare ti ñano yoapachūta tinare cahīa mehne noano yoaga. 3 Æ jina Espíritu Santo to yoadohoa mehne noano mehne cūno mehne jirucuga mūsa. Æ yoana cahmachea marieno jinahca mūsa. 4 Cū pjacū yoaro seheta cū curuaihta jija mari. Æ yoa Espíritu Santo cūriota jira. Cohamacū to yaina cjihti mūsare besea tiha mūsare yuhdūchū yoaro taro. Æ jina to yuhdūchū yoahture cohtasinina mūsa. Cūnota jira mūsa cohtaro. 5 Mari pūhtoro Cristo cūriota jira. To yahua, mari wacū tuaa cūhu cūnota jira. To yainare bautisarire yahua cūhu cūnota jira. 6 Æ jiro Cohamacū cūriota jira. Tiro jipihtina Pucuro jira. Æ jiro jipihtina mari pūhtoro jira. Jipihtinare marine to cahmano seheta yoachū yoa masina tiro. Jipihtina mari mehne jira. Æ yoa jipihiropu jira tiro.

7 Cū curua mari jipachūta jipihtina marine cāinare mari yoa masihtire cūre marine Cristo. Tiro to cūriro seheta yoa masija mari. Tiro marine ã cūno paye barore to ã wanocaboriro seheta yoaro nire tiro. 8 Æta nina Cohamacū yare ti joari pūpū:

“Cohamacure ñu tuhtiinare to yuhdūrūcari baharo
tiro tinare naa mujaa wahare.

Æ naa mujano tiro payu ã wanocare ahri yahpa
macaina sehere”,

ni joaa tiha panopure.

9 “Tiro mujaa wahare”, to nichu wahmanore mūanopu jiriro ahri yahpapure to tari cūhure mari masija. Ahri yahpapure to duji tarire mari masija. 10 Æ jiro õpure duji tariro tirota jira mujaa wahariro. Jipihtiro bui mujaa wahari jire tiro, jipihiropu jiro taro. 11 Tiro jira “Ahri yahpa macainare payu ã wanocapiro”, ti niriro. Masare to ã wanocano seheta tiro payu ti yoa masihtire cūri jire masare. Õ sehe cūri jire tiro: Cainare Cristo to yare yahu duti to warocahtinare cūri jire. Painare Cohamacū ya durucuare yahu turiahtinare cūri jire. Noaa buheare buhe tinihtinare painare cūri jire. Cristo yaina cahmachuinare ñu

wihboina cjihtire, noano buhehtina cjihtire cūri jire painare. **12** Tó sehe yo, dahratina cjihtire cūri jire marine painare to yainare mari yoadohoho sehe Cohamacure mari masi noano namohto sehe. Å cūri jire marine to yainare tirore mari wacū tua namohto sehe. **13** Å jina mari jipihtina noano mehne cūno mehne jinahca. Åta jiro cahmana marine Cristore wacū tuaina jina. Å jina mari jipihtina Cohamacu macunore noano masinahca. Å yoana Cristo tuariro, noano masiriro to jiriro seheta mari cūhū noano masiina, Cohamacure noano wacū tuaina wahanahca.

14 Mari å wahana macanacā yoaro sehe jisi mari. Macanacā noano tūho masierasinica. Paina ti buhechū “Ahri potocā jira”, ni ti mahñō mihnia mehne ti mahñochū tinacā yoaro sehe jiina soro jia buheare cahmana. Å yoa paina ti soro buhechū tí buhea sehere cahmana tjoa. Pjiri ma macaa pahcōri ti å cohtotarucuro seheta tó sehe å cohtotarucuina jira tinacā yoaro sehe jiina. Tina yoaro sehe jisi mari. **15** Õ seheta yoanahca mari: Mari mehne macainare cahma cahīna, potocā noaa buheare cahma yahunahca mari basi. Å yoana macanacā būchū tūho masiina ti wahariro seheta mari cūhū tuaina, Cohamacu yare noano masiina wahanahca. Cristo to jiro sehe wahanahca. Tiro jira mari dapu. **16** To yaina jina to pjacū yoaro sehe cū curuaita jija mari. Å jina mari capari, mari cahmori, mari dahpori cū pjacū ti noano jiro seheta mari cūhū payū jipanahta cūno potori noano jija. Mari å cūno potori mari jihto sehe Cristo yoadohora. Å jina mari wamomaca mari pjacure to noano yoadohoriro seheta mari noano yoadohoja paina Cristo yainare. Mari mehne macainare Cristo yainare noano cahīna, tinare noano yoadohona, tuaina Cristore wacū tua namoina wahanahca mari.

**Cristo yaina wahana mari ñaa yoaare duhu,
noaa sehere cohtotaja mari**

17 Å yoa mari pūhtoro Cristo to dutiro mehne õ sehe niihtja mūsare: Cohamacure cahmaeraina waro yoaro sehe yoaena tjiga mūsa. Tina ti tūhotua sehe ñaa dihta jira. Å jia ti tūhotua yaba cjihti jierara. **18** Å jia nahitianoi ti ñū masieraro seheta tina Cohamacu yare ne masieraputiera. To yare ne tūhoeraputiera. Tūho duaerara tina. Å jia Cohamacu to noano ji dutiriro seheta jierara tina. **19** Å jia tina ñaare yoa ne būo tieraputiera. Å yoa

ne cahyaerara. Ñaare ti goa pjaa dihtare yoarucura. Jipihtia ti ñaare yoaare duhu duaerara. **20** M̄usa sehe ã yoaerare, Jesure masi d̄ucana. **21** Potocā to yare t̄hoina m̄usa jich̄, Jesu yare noano masiina m̄usa jich̄ m̄usa sehere tina yoaro sehe yoa dutierara tiro. **22** ã jina ñano wete tia suhtire m̄usa tjuwe cohāno sehetu panopu m̄usa yoari cjirire duhunocahga. Tí pjare ñaare yoarucuina m̄usa jich̄ tí ñaa sehe m̄usare dojomehneno niri jimare. “Ñaare yoana, noano wahchenahca”, ni t̄hotuina jipanahta ne potocā wahcherare m̄usa. **23** ã yoa m̄usa t̄hotuare noaa sehere Cohamacu to cahmano sehetu cohtotaro cahmana m̄usare. **24** ã jina noaa sehere cohtotaina jiga m̄usa. Tó sehe jiina Cohamacu yoaro sehetu jira. M̄usa ã jiina jina, noaare yoarucunahca. ã yoana ñaare ñu yabinahca.

25 ã jina mahñō namoena tjiga m̄usa. M̄usa mehne macainare quihōno yahuga, mahñono marieno. Mari c̄ū pjacu yoaro sehe c̄ū curua macainata jina nija. ã jina m̄usa mehne macainare mahñoenia tjiga.

26 Paina mehne suana, ñaano yoaena tjiga. ã jina suana, c̄ū dacho waro noano suarucuena tjiga. **27** Yoari pja suana, watīno to cahmano sehe yoana nica. ã yoaena tjiga watīno m̄usare “Dojomehneri”, nina.

28 M̄usa mehne macaina Jesu yaina m̄usa jihto pano yacaina jirina cjiri pari turi yacaena tjiga. ã yoana mipu sehere noano dahraga m̄usa wapataa mehne pjac̄oinare m̄usa yoadohohto sehe.

29 Ne ñano durucuena tjiga “Painare dojomehneri”, nina. Noaare durucuna painare yoadohora Cohamacu cahmaare m̄usa masi namohto sehe. ã jina noaa dihtare durucuga. **30** Ñaare yoana Espíritu Santore cahyach̄ yoana nica m̄usa. ã yoaena tjiga. Mip̄re pihtiri dacho pano Cristo marine to naahto pano Cohamacu to Espíritu Santo marine ñu wihbora ñaare mari yoaerahto sehe. ã jiro Cohamacu yaina mari jiare masich̄ yoara tiro marine. ã jina tirore cahyach̄ yoaena tjiga.

31 ã jina ne painare ñano yoa namoena tjiga. Cahma sayo namoena tjiga. Painare sua, ñano ni sañurucu namoena tjiga. Painare ñano quiti dahre namoena tjiga. Ne painare ñano ni t̄hotu namoena tjiga. **32** ã yoa m̄usa mehne macainare noano mehne noano yoaga. Cristo yaina m̄usa jich̄ ñu m̄usa ñaa buhirire bonocahre Cohamacu. Tó sehetu m̄usa c̄uh̄ paina m̄usare ti ñano yoach̄ ñuna ti ñaa yoarire bonocahga.

“Cohamacʉ pohnare ò sehe jiro cahmana”, ni yahuha Paulo

5 1 Å yoa Cohamacʉ pohna to cahīina jina Cohamacʉ to jiro sehe jiga mʉsa. 2 Å jina painare ã cahīrucuga. Cristo marine cahīno, mari ñaa buhiri yariari jire. Å yariaro Cohamacure ji coachʉ yoari jire tiro. Å jina marine to cahīriro seheta mʉsa cūhʉ painare cahīga.

3 Å jina Cohamacʉ yaina jina ne numia mehne ñano yoaena tjiga. Numia cūhʉ mʉa mehne ñano yoaena tjiga. Paye ñaare tó sehe jia ñaare yoaena tjiga. Paye barore cahma yʉhdʉrʉcaena tjiga. Ne ã yoaeraro cahmana mʉsare, Cohamacʉ yaina jina.

4 Å yoana bʉoro durucueraro cahmana mʉsare. Tʉho masieraina yoaro sehe durucueraro cahmana mʉsare. Å jina ñano ni bʉjʉperaro cahmana mʉsare. Ahri sehere yoaro cahmana mʉsare. Cohamacʉ mehne durucuga mʉsa. Å durucuna tirore “Noano yoahre mʉhʉ sāre”, nino cahmana. 5 Paye barore goa pjana, tíre tuaro cahmana, “Cohamacʉ jira”, ti nia masʉrine ti ño payoro seheta yoana nije mari tíre. Å yoa numia mehne ñano yoaina, ñaa dihtare tʉhotuina, paye barore goa pjaina Cohamacʉ Cristo mehne pʉhtoro ti sʉho jiropʉ ne wahasi tina. Tíre noano masija mari. 6 Ò sehe yoaina ti yoari buhiri buhiri dahrerohca Cohamacʉ tirore yʉhdʉrʉcainare. Å jina paina mʉsare “Ahri ñaa jierara”, ti ni mahñochʉ tʉhoena tjiga. 7 Å jina tó sehe yoa yʉhdʉrʉcainare ne pití tienan tjiga.

8 Cristo yaina mʉsa jihto pano ã jirina cjirita jire mʉsa cūhʉ nahitianoi jiina yoaro seheta. Mipʉ sehere to yaina jina buhriaroi jiina ti ñʉ masino seheta, Cohamacure noano masina mʉsa. Cohamacʉ yaina noaare yoara. Å jina tó seheta yoaga mʉsa cūhʉ. 9 Å jina Cristo yaina jina buhriaroi jiina yoaro seheta noaare, Cohamacʉ cahmaare, mahñono marieno yoarucunahca mʉsa. 10 Noaare mari yoachʉ ñʉno mari pʉhtoro Cristo wahchera. Tó sehe jiare, mari pʉhtorore wahchechʉ yoaa sehere masi wahcāga mʉsa. Å masina tíre yoaga.

11 Cristore cahmaeraina nahitianoi jiina yoaro seheta ñaa ti yoaa, ñaa waro jira. Å jina tina yoaro seheta mʉsa sehe yoaena tjiga. Noaa buheare Cristo yare yahuga tinare. Å yoa ti ñaa yoaaare tinare masichʉ yoaga buhriaroi mari ñʉ masino seheta.

12 Masa ti ñuenoi tina ñano yoa cohtara. Ti ã yoarire durucuna mari bʉo tiboa. Å yoa ñaputiaro yoara tina. 13 Å jina tinare noaa buheare mari yahuna ñaputiina ti jia tiare masichʉ yoana

nija mari tinare buhriaroi mari ñu masino sehetu. 14 Tó sehetu noaa buheare tinare yahuna, ñaina ti jia tiare masi pahñochu yoana nija tinare. Å jia ð sehe ni yahura paina:

“Ne, cariina ti tahoeraro sehetu yuhure taho duaeraina, tihoga musa cariina ti wahcāno sehetu.

Å yoana yariaina tahoeraina ti jiro sehetu Cohamacu yare tahoeraina ji namoena tjiga.

Musa ã yoachu ñuno, Cristo buhriaro yoaro sehe jiriro musare noano masichu yoarohca”,

ni yahura.

15 Å jina dachoripe noano yoaga musa. Taho masieraina yoaro sehe jiena tjiga. Taho masiina jiga. 16 Mipu macaina masa ñabiaro yoarucura. Å jina musa sehe noaare, Cristo yare musa yoa masino sehetu ã yoarucuga musa. 17 Å yoana taho masieraina jiena tjiga. Cohamacu to cahmaa sehere noano masiga. Å masina tíre yoaga. 18 Å yoa cahaena tjiga. Cahainare ñano wahahto cua yuhduara. Å jina pahmoa core pjíro cahmaena tjiga. Espíritu Santo sehere pjíro cahmaga musa mehne to noano jihto sehe. Tirore noano yuhtiina jiga.

19 Musa basi Cohamacu ño payoa basaare cahma durucuga. Å yoa Salmore Cohamacu yare basaare, paye tirore ño payoa basaa cuhure tirore basa payoga musa. Noano wacu ño payoa mehne basa payoga. Å yoana mari puhtoro Cristore wahche payoga. 20 Cohamacu mari Puchu jipihtiare musare to warire, to yoari cuhure wahchena, “Noana”, ã nirucuga musa tirore. Mari puhtoro Jesucristo yaina jina mari Puchu “Noana”, ã nirucuga musa.

**“Musa cuhu wuhu macaina Jesu yaina jina,
ð sehe yoaga”, ni yahuha Paulo**

21 Å yoa musa mehne macainare noano ño payoa mehne cahma yuhtiina jiga Cristore noano ño payoina jina.

22 Musa namosanumiare yahuhtja mipure. Mari puhtoro Cristore mari yuhtiriro sehetu musa manusumare noano mehne yuhtia numia jiga. 23 Jesucristo marine yuhduchu yoare to pjacu yoaro sehe jiina to ya curua macaina mari jihto sehe. Å yoa mari to ya curua macaina mari puhtoro to jiro sehetu musa manusuma musa namosanumia bui puhtoa jira. 24 Cristo

yaina jina tirore ã yuhtirucuja mari. Tó seheta m̄usa manu tia numia m̄usa manusumare noano yuhtirucua numia jiga.

25 M̄usa manusumare yahuhtja tjoa mipure. Cristo marine to yaina jichu yoaro taro, marine cahino, mari yaro jiborirore yariari jire. ã jina marine to cahiro sehetam̄usa cahu m̄usa namosānumiare noano cahirucuga. **26** Cristo ya buheare tuhona Cohamacu yaina wahahi mari. ã jina to ya buheare “Quihōno jira”, ni mari t̄hoturi baharo, mari ñaa buhirire cosawere tí buhea mehne. Co mehne marine ti bautisachu cahure mari ñaa buhirire Cristo to cosawerire ñona nija mari. **27** ã cosawere tiro marine to yaina cjihti yoaro taro. To ã cosawechu ne ñaa buhiri marieina jinahca, Cohamacu to ñuchu. **28** M̄usa namosānumiare cahina, m̄usa basi m̄usa pjacurire m̄usa cahino sehetatí numiare cahiga. Mari namore cahina jina mari pjacure cahina jija. **29-30** Ne mari pjacurire ñano wahachu cahmaeraja. Mari chuare chuna noano yoana nija mari pjacurire. Cristo yaina jina to pjacu yoaro sehe to ya curua macaina jija mari. ã jiro marine noano yoara tiro. Cristo marine to noano yoariro sehetam̄usa cahure ãta noano yoaro cahmana marine.) **31** ãta nina Cohamacu yare ti joari pūi: “ã yoa m̄uno to p̄ucusumare wijaaro to namono mehne jirohca. ã jia tina p̄haro jipahta cahure yoaro sehe jiahca”, ni joaa tiri jire panopure. **32** Ahri to joari cjirire paina noano t̄hoerari jire. Tíre õ sehe ni yahuhtja m̄usare. Õ sehe ni yahuro nica: “Cristo to yaina mehne cahure yoaro sehetam̄usa curuata jira”, ni yahuro nica. **33** ã jichu m̄usare õ sehe ni yahu namoihtja tjoa: M̄usa pjacurire m̄usa cahino sehetam̄usa namosānumiare cahiga. ã yoa m̄usa manusumare noano ño payoga m̄usa.

6 **1** Mipure m̄usa pohnare yahuhtja. Mari p̄uhotoro Cristo yaina jina m̄usa p̄ucusumare noano yuhtiina jiga. M̄usa ã yoana, quihōno yoana nina. **2-3** Õ sehe nia tiri jire Cohamacu dutia: “M̄usa p̄ucusumare noano ño payoga”, ni dutia tiri jire tiro. Ahri dutia mehne Cohamacu yahu namoa tiri jire. Õ sehe nia tiri jire: “M̄usa p̄ucusumare ño payona, ahri yahpapu yoari pja wahchea mehne jinahca m̄usa”, ni yahua tiri jire. ã ni yahuro ahri dutiare mari yuhtichu mari noano wahahtore coã cuno nia tiri jire. ã jina to niriro sehetam̄usa p̄ucusumare ño payoga.

4 Mipure ti puchumare yahuhtja: Musa pohnare ã tuhtirucuena tjiga, “Suachu yoari”, nina. Mari puhotoro Cristo to cahia mehne to yoadoho mehne tinare noano buchoga. A yoa quihono ti yoarerachu ñuna tinare noano yahuga.

5 Mipure dahra cohtainare yahuhtja: Cua pisaro mehne, ño payoa mehne ahri yahpa macainare musa puhtoare, musare dahra dutiinare noano yuhtiina jiga. Mahñono marieno noano yuhtiina jiga. Cristore musa yuhtiro sehetu tinare yuhtiga musa.

6 Ti ñurocaro dihtare yuhtiina jiena tjiga. To sehe yoaina masa dihtare tinare ñu jicoachu cahmana. Musa sehe Cristore dahra cohtaina musa jiro sehetu musa puhtoa cuhure ã yuhtirucuga. Cohamacu to cahmano sehetu noano wahchea mehne yuhtiina jiga. **7** A jina Cristore yuhtiina musa jiro sehetu wahchea mehne yuhtiga musa puhtoa cuhure. Masa dihtare yuhtiina jierara musa. **8** A yoana ahrire wacuga musa: Mari jipihtina noaare mari yoachu ñuno mari puhotoro Cristo noano yoarohca marine. Dahra cohtainare, dahra cohtaina jieraina cuhure noano yoarohca.

9 Mipure puhtoare dahra dutiinare yahuhtja: Musare dahra cohtainare noano yoaga. Tinare noano yu yoa dutiriro sehetu yoaga musa cuhu tinare. Tinare noano mehne dutiga, tuhtiro marieno. Muano macapiro Cohamacu potocata ti puhotoro jira. Musa yairo puhotoro jira tiro cuhu. A jina jipihtina musa tirore dahra cohtaina dihta jira. A jiro tiro cuño potori ñuna musare jipihtinare. A jina musare dahra cohtainare noano mehne dutiga, tuhtiro marieno.

Cristo yaina watñore ti ducataare yahuha Paulo

10 Ahrire yahu batoihtja musare: Cristore noano wacu tuaina jiga musa. Mari puhotoro Cristo musa mehne jira. A jina tua yuhduriro to jia mehne wacu tuaina jiga. **11** Watño marine mahñono, ñano yoa dutira marine. Cohamacu marine ducatara ñaare mari yoerahto sehe. Marine to ducataar surara to ducatari suhtiro, comaa suhtiro yoaro sehe jira. A jina ti suhtirore musa sâano sehetu Cohamacu to ducataare noano cju pahñoga. **12** Jesu yaina mari jichu, marine ñu tuhtiina masa waro jierara. Muano macaina ñaina, tuaina, tina sehe jira marine ñu tuhtiina. Watña ahri yahpa macaina puhtoare jira. A jia tina cuhu jira marine Jesu yainare ñu tuhtiina. **13** A jina

mipure ducatari suhtirore musa sâano sehetu Cohamacu musare to ducatahto sehe to yare noano cju pahñoga. A yoana watino musare to ñano yoa dutichu, musare to ñano yoa duachu, tirore ducatanahca. A yoa tirore yuhdûrucanahca. 14 A yoana tuaina jiga. Cohamacu musare to ducatahto cjihtore o sehe yoaga musa: Surara to comaa suhtirore to tuã dihoru dare sari dare noano tuã diho to ducatariro sehetu, Cohamacu yare potoca yahuare noano wacûga musa, watinore musa ducatahto sehe. A yoa, surara to comaa suhtirore mehne to yajeripohnare to ducatariro sehetu Cristo to yoadoho mehne quihõno yoaina jiga musa, watinore musa noano ducatahto sehe. 15 Surara to dahpo suhti mehne to dahporire to noano ducatariro sehetu noaa buheare noano masiga musa, watinore musa ducatahto sehe. Tí buhea marine noano jichu yoara. 16 Surara to ducatari tu mehne to ducatariro sehetu Cristore noano wacû tuarucuga musa, watinore musa ducatahto sehe. Buea yucu mehne musare to buebora sehetu watino musare ñano yoachu yoa duara. A jina Cristore noano wacû tuana, watinore ducatanahca musa. 17 Surara to comaa chapea mehne to dapure to ducatariro sehetu musare pichacapu wahaborinare Cristo to yuhdachu yoarina jiga musa, watinore musa ducatahto sehe. Surara to ñosari pjí mehne to ducatariro sehetu Cohamacu ya buheare noano masiga musa, noano musa ducatahto sehe. A jina painare noano yahuga to yare. Tí Cohamacu ya buheare Espíritu Santo marine yahura. 18 A watinore musa ducatana Cohamacure dachoripe a sinirucuga. Espíritu Santo to yoadoho mehne a sinirucuga. A yoana noano wacû masiga. A sinina, pumena tjiga. Jipihtina Cohamacu yainare a sini payorucuga. 19 A yoana yuhu cuhure sini payoga Cohamacure. O sehe ni sini payoga: Noaa buheare, panopu ti masierari cjurire noano yu yahuhto sehe sini payoga yuhure. A jina cuiro marieno yu yahuhto sehe sini payoga yuhure. 20 Cristo to yare yahu dutiro yuhure warocare. Yu a yahuri buhiri peresupu jija mipure. Oi jipacuta cuiro marieno to yare yu yahuhto sehe sini payoga yuhure. To yare yahuhtiro jiita nija yuhu.

Paulo noa duti batoaha

21 Mipure Tíquico musa cahapu suo yu jia tiare musare yahu pahñonohca. Tiro mari coyeiro mari cahíriro jira. A jiro mari puhtoro Cristore dahra cohtariro a jirucura. 22 Sâ jia

tiare m̄asare yahu dutic̄a tirore warocai nija m̄asa noano wahchehto sehe.

23 Cohamac̄a mari P̄uch̄ mari p̄uhtoro Jesucristo c̄ah̄a m̄asare Jesu yainare tirore wac̄u tuainare noano jich̄a yoajaro. **24** Jiro m̄asare noano cahma cahīch̄a yoajaro. **24** Jipihtina mari p̄uhtoro Jesucristore cohtotaro marieno cahrucuinare m̄asare noano jich̄a yoajaro.

Filipenses

Peresupʉ jiriro ahri tjure joarocaha Paulo

1 1 Yuhʉ Paulo, Timoteo mehne Jesucristore dahra cohtaina jija sã. Ñ jina jipihtinare mʉsare Jesucristo to noaina wahachʉ yoainare Filipo macainare joarocaja sã. Mʉsa pʉhtoa cūhure, mʉsare yoadohoina cūhure joarocaja. 2 Cohamacʉ mari Pʉchʉ, mari pʉhtoro Jesucristo mehne mʉsare noa dutija. Cohamacʉ to yoadohoaa mehne noano jiga mʉsa.

Paulo Jesu yainare Cohamacure sini payoha

3-6 Cohamacʉ mʉsare noaa sehere cohtotachʉ yoaro nina. Ñ jiro mʉsare to ñ yoa dʉcariro sehetia sohtori dahrerohca tiro. Ñ jina Jesucristo ahri yahpapʉre to wihichʉpʉre ñaa marieina jinahca mʉsa. Wahmanopʉre Jesu yaina mʉsa jiri baharo, mipʉ cūhure yoadohora mʉsa yʉhure noaa buheare yʉ buhechʉ. Mʉsa ñ yoaina jichʉta Cohamacure “Noana”, nija yʉhʉ. Mʉsare wacūcʉ õ sehe dihta nija yʉhʉ. Mʉsare Cohamacure sini payocʉ, wahchea mehne sini payoja. 7 Mʉsare yʉ ñ tʉhotuchʉ noa nina. Noaa buheare “Potocã tjira”, pʉhtoare yʉ ni tua yʉhdʉrʉcachʉ mʉsa yʉhure yoadohore. Tí buheare potocã ti jiare tinare yʉ yahuchʉ yoadohore mʉsa. Peresui yʉ jichʉ cūhure mʉsa yʉhure yoadohore. Cohamacʉ marine noano yoaro, to yare cūre marine. Mʉsa yʉhure yoadohore. Ñ jina to cūrire mari cūno potori yoana nija. Ñ jicʉ yʉ yajeripohna mehne tuaro wacūja yʉhʉ mʉsare. 8 Jesucristo to cahĩa mehne tuaro mʉsare wacūja yʉhʉ. Yʉ ñ wacūchʉ Cohamacʉ tīre masina. 9 Mʉsare õ sehe ni sini payoja yʉhʉ Cohamacure: Cohamacʉ yare noano masia mehne, tʉho masi pahñoa mehne painare mʉsa cahĩ namohito cjihtore sini payoja yʉhʉ mʉsare Cohamacure. 10 Noa yʉhdʉare mʉsa masichʉ cūhure sini payoja mʉsare. Mʉsa ñ masina Cristo ahri yahpapʉ to tjua tachʉ noaare yoaina, ñaa buhiri marieina jinahca mʉsa. 11 Ñ jiina jina noaare, Cohamacʉ cahmaare yoanahca mʉsa. Mʉsare ñ yoachʉ yoarohca Jesucristo sehe. Cohamacʉ

noabiariro tuariro to jiare ñono taro, jipihtina tirore ti ño payohto cjihtore to cahmaare m̄usare yoach̄a yoarohca.

Paulo Cristo yairo to jia tiare yahuha

12 Ȳa coyea, ahrire m̄usa noano masich̄a cahmaja ȳuhu. Mipure peresui jiriro ȳa jiro watoi noaa buheare sehe ã m̄a tārucuro nina. Paina masa tí buheare cahmaina waha namoa nina. **13** ã yoa Cristo yairo ȳa jiri buhiri peresui ȳa jirire masi pihtira p̄uhtoro ya w̄uhu macaina surara. Jipihtina paina c̄uhu õi jiina tíre masina. **14** ã jia peresui ȳa jich̄a ñ̄a, payu mari coyea Jesu yaina mari p̄uhtoro Jesure wacū tua namoa nina. ã wacū tuaa, cuiro marieno noaa buheare painare buhera tina.

15 Cāina Cristo yare buheraborina jipahta ȳuhure ñ̄a tuhtia, Cristo yare buhera paina tina sehere ñ̄a wahāch̄a cahmaa. Paina sehe noano mehne Cristo yare buhera. **16** Noaa buheare ȳa ni tua d̄ucatahti cjihtire Cohamacu ȳuhure to cūrire noano masina ahrina sehe. ã masia tina cahīa mehne Cristo yare buhera. **17** Paina sehe ȳuhure ñ̄a tuhtia, masa tina sehere ti ñ̄a wahāch̄a cahmaa, Cristo yare buhera. ã yoa peresui ȳa jich̄a tina ȳuhure ñano ȳuhd̄uchu yoa duara. **18** Noanohca. Cristo yareta buheare nina. Tina Cristore potocā cahīerapahta Cristo yareta buhera. Paina sehe noano mehne buhera. Jipihtina tina to yare ti buhech̄a wahcheja. ã jic̄a wahche namoihca ȳuhu.

19 Cohamacure m̄usa sini payori mehne Jesucristo Espíritu to yoadoho mehne Cohamacu to wioriro jiihca ȳuhu peresupu jiriro. Tíre masija. ã jic̄a ã wahcherucuihca ȳuhu. **20** Õ sehetayoaihca ȳuhu. Dachoripe ȳa yoariro sehetayipu c̄uhure cuiro marieno Cristo yare buheja masa tirore noano ti ño payohto sehe. Õ sehetayoa duaja ȳa yoarire ȳa buheri c̄uhure ȳa b̄uoro ȳuhd̄erahto sehe. Catisinicu waro õ sehetayoa duaja. Tina ȳuhure ti wajā duapach̄uta õ sehetayoa duaja. **21** Catisinicu Cristo yare yoasinihca. Yariacupu pinihta tí ȳuhdoro noano tjuaihca ȳuhu. **22** ã nipac̄uta catisinicu Cristo yare ȳa yoa namohto sehe cati namosini duaja. ã nipaihta yariaa c̄uhure cahmaja. ¿Di baro sehere ȳuhu cahmabocari? Masieraja ȳuhu. **23** Ȳa õ sehe ni durucuchu mijo nina ȳuhure. Cristo mehne tuaro ji duaja. ã jic̄a mipure tiro cahapu waha duaja. Catia ȳuhdoro ahri sehe noa ȳuhd̄urucara. **24** To ã jipach̄uta m̄usare ȳa yoadohohto cjihto sehe catisinino cahmana ȳuhure. **25** Tíre masicu õ m̄usa mehne ȳa jisinihtore masija ȳuhu. ã jisinihca

musa Cristore wacū tua namohto cjihtore tí wacū tuaa mehne musa wahchehto cjihtore. **26** Ahri yahpai jisinicu musa cahapu pari turi yu wahachu musa wahchenahca. Cristo Jesu yuhure to yoadohochu masina, “Tuariro jira tiro”, ni ño payonahca musa tirore.

27 Mipure ahri dihtare yahuichtja musare. Cristo ya buhea ti niro sehetia jirucuga musa. Wacū tuaina jiga. Á yoa cahma tju waro marieno noaa buheare ni tuaga. Ó sehetia yu mariachu cuhure yu jichu cuhure musa yoachu cahmaja. Á jiina musa jichu tñhoroca duaja yuhu. **28** Musare ñu tuhtiinare cuiena tjiga. Musa á cuierachu ñua Cohamacu yaina musa jichu masiahca tina. Á masia tina pichacapu ti wahahto cuhure masiahca. Cohamacu musare to yuhdachu yoahto cuhure masiahca. Ó sehetia masichu yoara Cohamacu masare.

29 Cristore musa wacū tuahitore Cohamacu cüha musare. Ahri cuhure cüha tiro. Cristo yare musa yoari buhiri musa ñano yuhduhto cjihto cuhure cüha Cohamacu. **30** Ó sehe jira tí. Cristo yaina musa jiri buhiri paina musare ñano yoara. Musare ti yoariro sehetia yuhu cuhure ñano yoara tina. Musa mehne yu jichu yuhure ti á yoachu ñure musa. Mipu cuhure yuhure ti á yoachu tñhorocayuhti musa. Á jina mari cüno potori ñano yuhduja.

**Cristo wiho jiriro to sãari baharo,
jipihtina bui puhtoro cjihto wahaha**

2 **1-2** Cristo musare noano yajeripohna tichu to yoachu Cristo to cahia mehne musa wahchena, yuhure noano wahchechhu yoaga musa. Á yoa Espíritu Santo jipihtina musa mehne to jichu painare cahina, pja ñuina jina, yuhure noano wahchechhu yoaga musa. Ahri yu nihtire musa yoachu wahcheihca: Cüno potori noano yajeripohna tiga musa. Tuhsu, cüno potori tñhotuina ji, musa basi cahma cahiga. Á yoa cüno mehne noano jiga. **3** Musa ya dihtare tñhotuina, painare yuhduraca duaina jiena tjiga. Á tñhotunocaina jiga musa. Á jina painare noano ño payo, ó sehe ni tñhotuga: “Tina sehe yu yuhdoro noaina jira”, ni tñhotuga. **4** Cäiro painare yoadoho duaeraboca. To ya cjihti dihtare tñhoturiro jiboca. Tiro yoaro sehe yoaena tjiga. Paina cuhure yoadohoga.

5 Cristo Jesu painare yuhduraca duaerariro to jiriro sehetia musa cuhu painare yuhduraca duaeraina jiga. **6** Tiro sehe

Cohamacu waro jiparota “Cohamacu mehne cāno potori yu jiare ne wijaasi yuhu”, ni tuhotuerari jire tiro. 7 Æ ni tuhotueraro tiro Cohamacu mehne cāno potori to jiare wijaa, õpu taro, masunota masa bajuaro, tiro dahra cohtariro yoaro sehe ji ducari jire. 8 Æ jiro tiro masuно cāno potori pjacu tiriro jiro, wiho jiriro waro sāari jire. Æ sāano “Crusapu wajāga tirore”, ti nichu tiro yuhdurucaerari jire. Crusapu yariahtiro jiparota tiro yuhdurucaerari jire. 9 Æ jiro Cohamacu jipihtina ti ño payohtirore cūri jire Jesure. Æ jiro jipihtina bui puhtoro sōri jire Cohamacu tirore, 10 jipihtina muano macaina, ahri yahpa macaina, yariaina cjiri yahpa puhichapu jiina cāhu Jesu wamare tuhoina ti na tuhcua caha su ti ño payohto sehe. 11 Æ puhtoro sōri jire tirore Cohamacu jipihtina “Jesucristo mari puhtoro jira”, ti nihtiro cjihtore. Æ nia Cohamacure mari Pucure ño payoa nina.

**Cristo yaina buhriaro yoaro sehe jia,
noaare masare yahu, masichu yoara**

12 Æ jina yu cahīina yu coyea Jesu yaina musa mehne yu jichu musa yuhtirucuriro seheta, mipu yu yoaropu jichu cāhure pano musa yuhtiriro yuhdoro yuhtiga yuhure. Æ jina pichacapu wahaborina to yuhduchu yoarina jina, Cristo yoaro sehe wahana tana, Cristo to yoadohoro mehne ñaa marieina jiga. Æ jina ño payoa mehne papero marieno Cohamacu yare yoaga. 13 Cohamacu noaa sehere musare cahmachu yoaro nina to cahmano seheta musa yoahto sehe. Æ jiro tíre musa yoahtore yoadohoro nina Cohamacu. (To ã yoachu tí yu niriro seheta Cohamacu yare yoaga musa.)

14 Jipihtiare yoana nureno marieno, musa basi jiape ni durucuro marieno yoaga. 15 Cohamacu pohna jira musa. Æ jina nureno marieno jipihtiare yoaga musa ñaa buhiri marieina, ñaare yoeraina musa jihto cjihto sehe. Æ yoaga musa masa mahñoina, ñaina watoi dojomehneno marieno musa jihto cjihto sehe. Tina ñaina watoi jina buhriaro to ñu masichu yoaro seheta noaa buheare buhena masichu yoara musa ahri yahpa macainare. 16 Tí buheare musa tuho ñahari baharo Cohamacu mehne ã jirucuhtina wahare musa. Tí buheare ahri yahpa macainare musa ã buhechu ñucu musa mehne wahcheihca. Æ jicu musare yu buherire “Wiho waro buherari jica yuhu”, niihca yuhu. Æ jicu Cristo ahri yahpapu to tjua tachu musa

mehne wahcheihca. **17-18** Cristore m̄sa wacū tuach̄ Cohamac̄ m̄sare ñ̄ jicoarohca. To ã ñ̄ jicoach̄ masic̄ m̄sare Cristo yare ȳ buheri buhiri ȳhure ti wajā duapach̄ta wahcheihtja. **19** A jina mari jipihtina c̄no potori wahchenahca. Tó seheta m̄sa c̄hure cahyaro marieno wahchero cahmana ȳhū mehne, ȳ yariari baharo.

Timoteore, Epafroditō c̄hure yahuha Paulo

19 Mari p̄htoro Jesu to cahmachi soaro mehne Timoteore m̄sa cahap̄ waroca duaaja ȳhū m̄sa jia tiare masic̄ tac̄. **20** A masiip̄ta wahcheihca. **21** Tiro Timoteo ȳ yoaro seheta m̄sa noano jihtore potoc̄ta pjíro t̄hotura m̄sare. Pairo to yoaro sehe jiriro mariahna ȳhū mehne. **22** Paina sehe jipihtina ti cahmaa dihtare yoa duaaja, Cristo Jesu to cahmaa sehere yoa duaerara. **23** Timoteo sehe noano yoariro to jiare masina m̄sa. Ȳ mac̄ yoaro seheta tiro ȳhū mehne noaa buheare yahua tihre. **24** A jic̄ p̄htoa ȳhure ti dohse yoahiore masic̄ta, Timoteore m̄sa cahap̄ waroca duaaja. **25-26** A yoac̄ mari p̄htoro Jesu to yoadoho mehne soaro mehne ȳhū c̄hu m̄sa cahap̄ wahaihtja.

25-26 Ȳhure yoadoho dutina m̄sa Epafroditore warocari jire ȳ cahap̄. Tiro ȳ coyeiro Jesu yairo ȳhū mehne dahrariro, ȳ piti, Cohamac̄ yare buhe tuariro jira. Tiro m̄sare tuaro wacūrocara. **27** A jiro to dohatirire m̄sa t̄hoch̄ masino tiro sehe pjíro cahya t̄hotuhre. **28** A pjíro to t̄hotuch̄ ñ̄c̄ “Tirore m̄sa cahap̄ waroca tjuro cahmana ȳhure”, ni t̄hotuja ȳhū mip̄re. **29** Potoc̄ta tiro tuaro dohatihre. Mahano yariabiho ȳhdure. To ã tuaro dohatipach̄ta Cohamac̄ tirore pja ñ̄no, ȳhduch̄ yohare. Tiro to yariach̄ ȳhū sehe pano ȳ cahyariro ȳhdoro tuaro cahyaboa. **30** A jiro Cohamac̄ ȳhū c̄hure pja ñ̄hure tirore ȳhduch̄ yoaro. **31** A jic̄ mip̄ pinihtare soaro mehne tirore m̄sa cahap̄ waroca duaaja pari turi m̄sa tirore ñ̄, m̄sa yajeri sāhto sehe. M̄sa ã wahchech̄ ñ̄c̄ ȳhū c̄hu wahcheihtja. **32** A jina tirore Epafroditore mari p̄htoro yairore mari coyeirore noano wahchea mehne piti bocaga. A yoana painare tiro yoaro sehe jiinare ñ̄ payoa mehne ñ̄uga. **33** Tiro Cristo yare yoadohomahno mahano yariabiho ȳhdure. M̄sa sehe ȳhure yoadoho masierach̄ tiro sehe ȳhure yoadohomahre. A yoaro yariamahre tiro.

Noano yoaa warore yahuha Paulo

3 1 Mipu pinihata ahrire yahu batohtja. Mari puhotoro yaina musa jina wahchega. Ahri buheare pano ya yahurire pari turi musare yahu joarocacu ji coaja yuhu. Â jicu musare ahrire yahucu yoadohoi nije musare. 2 Noano yoaga musa. Ñaare yoarucuina, dieya yoaro sehe jiina ñaina circuncisiore yoa dutia, musa pjacurire yihsu duara. Noano yoaga musa â yoa dutiina sehe “Soro ni buheri”, nina. 3 Tina circuncisiore yoapahta Cohamacu dutiare noano yoerara. Mari sehe potocata Cohamacu dutiare noano yoaina jija mari. Espíritu Santo to yoadohoa mehne Cohamacure ño payoja mari. Â jina Jesu yaina mari jiare wahchea mehne painare mari yahuja. “Sâ mu suo Cohamacu dutiare bihoja”, ne ni tuhotueraja. 4 Â ni tuhotuerariro jipaihta “Tinare doca dahrenocaja”, ti yoaro sehe niriro jicu â tjiboa yuhu cuhu. Pairo “Tinare doca dahrenocaja”, ni yuhduraeca duara. Yuhu sehe tiro yuhdoro â niboa yuhu. 5 Õ sehe yoariro jimai yuhu: Ocho dachori ya masa bajuari baharo circuncisiore yoari jire yuhure. Israe masuno jicu Benjami ya curua macariro jija yuhu. Yu pucusuma hebreo masa ti jichu potocata hebreo masuno warota masa bajuai. Cohamacu dutiare quihono pahnó duacu fariseo curua mehne sâamai yuhu. 6 “Cohamacu ya jipuchu”, nicu noano yoamai. Â yoacu Jesu yaina sehere ñano yoaa timai yuhu. Potocata Cohamacu dutiare yoacu tîre yuhduraecaro marieno yoa pahnói. 7 Panopure “Tí noaa jipuchu”, ni tuhotumai. “Tí ya â ni tuhoturi cjiri panopu ya jia tiri yaba cjihti jierari jira”, ni tuhotuja mipure. Õ sehetu ni tuhotu ducal yuhu Cristore wacu tuacu tacu. 8 Cristo Jesu ya puhotorore ya masichu pininta noa yuhduara. Â jicu paye sehere masa “Noaa jira”, ti nirire “Tí jipihtia yaba cjihti jierari jira”, ni tuhotuja yuhu. Tí jipihtiare duhunocai Cristo ya sehere yoai tai. Â jicu tîre ya duhurire “Wiho jia waro jiri jira”, ni tuhotui Cristore noano masicu tacu tiro mehne macariro jicu tacu. 9 Â jiro ya mu suo noano ya yoari wapa “Noariro jira”, ni ñuerara Cohamacu yuhure. Â jiro Cohamacu dutia Moise cjirore to cûrire ya yoari wapa cuhure “Noariro jira”, ni ñuna tiro yuhure. Cohamacu sehe marine buhiri marieina jichu yoara, tirore mari wacu tuachu. 10 Â jicu pano ya ni tuhotu muhtamari cjirire duhunocaja

Cristore noano masicʉ tacʉ. Cohamacʉ tuaa mehne Cristo masa mʉjari jire. Tí tuaa mehne ji duaja. Å yo a tí tuaa mehne noaare yoa duaja. Cristo crusapʉ yariari jire mari ñaa yoari buhirire cohāno taro. Å jicʉ to yare yʉ yoari buhiri tiro yoaro sehetu ñano yʉhdʉ duaja yʉhʉ cūhʉ. 11 Å jicʉ Cristo to masa mʉjariro sehetu masa mʉjahtiro jiihca yʉhʉ cūhʉ. Cristo yʉhʉre to å masa mʉjachʉ yoahvore wacʉ cohtaja yʉhʉ.

12 Ahri jipihtiare å nicʉ, “Cristo yare yoa pahñonocaja yʉhʉ”, ni tʉhotueraja. Yʉ å ni tʉhotuerapachʉta Cristo sehe to yairo yoa tuhsure yʉhʉre. Å jicʉ to yare tiro cūhʉre noano masi namo duacʉ tuaro mehne to yare yoaja yʉhʉ. Å yoahiro cjihtore besere tiro yʉhʉre. 13 Yʉ coyea, “Cristo yare noano yoa pahñonocaja”, ni tʉhotueraja. Å tʉhotuerapaita ahri pinihare yoaja: Pano yʉ yoari cjurire å ñʉnocaja. Tíre pjíro tʉhotueraja. Å yoacʉ Cristo yare noano yoa pahñonoca duacʉ, tíre tuaro yoaja mipʉre. 14 Mʉrocaperiro to wapata duariro sehetu Cristo yare tuaro yoaja yʉhʉ yʉ wapatahtore yʉ ñahahto sehe. Cristo yairo yʉ jichʉ ñʉno Cohamacʉ tí yʉ wapatahtore yʉhʉre waro taro mʉanopʉ pjirocara yʉhʉre to catia mehne yʉ catirucuhto sehe.

15 Õ sehe yʉ tʉhoturiro sehetu tʉhotuga mʉsa cūhʉ Cristore noano masiina jina. Wiho mejeta, ahri mʉsare yʉ yahurire mʉsa tʉho duaerachʉ, soro mʉsa tʉhotuchʉ Cohamacʉ mʉsare noano masichʉ yoarohca. 16 Å jina to yare mari masirire noano yoa sohtori tijhna.

17 Yʉ coyea, mʉsa jipihtina yʉhʉre ñʉ cūga. Å jina paina sã yoaro sehe yoainare noano ñʉga mʉsa tinare mʉsa ñʉ cūhto sehe. 18 Payʉ tahari painare yahui yʉhʉ mʉsare. Mipʉ cūhʉre tuaro cahyacʉ tinareta yahuja mʉsare. Payʉ tina Cristo crusai to yariari buheare ñʉ yabiina jira. 19 Tina pichacapʉ wahantina jira. Ti ñaa goa pjaa sehere tuaro cahmana tina. Tuhsʉ, ti bʉo tiboare yoaa, tíre “Noaa jira”, nina tina. Ahri yahpa macaa dihtare noano tʉhotura tina. 20 Mari sehere mari ya maca mʉanopʉ jira. Å jiro tópʉta marine yʉhdʉchʉ yoahiro, mari pʉhtoro Jesucristo tarohca. Å jina to tahtore cohtana nija mari. 21 Tiro taro mari pjacurire wiho jia pjacurire soro sehe jia pjacuri dihta cohtotarohca tiro. Å yoaro to ya pjacʉ yoaro sehe noa yʉhdʉari pjacure si siteri pjacure warohca marine to tuaa mehne. Jipihtina bui pʉhtoro sãari jire tiro tí to tuaa mehne. Å jiro jipihtia puro jira tiro tí tuaa mehne.

Dachoripe mari puhtoro mehne wahchega

4 1 Æ jina yu coyea, yu cahiina, tuaro yu wacuuna, yuuhure wahchechu yoaina, pano musa wacu tuariro seheta mipure musare yu yahu joariro seheta mari puhtoro Jesure tuaro wacu tuana, to yare ne duhuena tjiga musa.

2 Ahrire yahuijtja musare Evodiare, Sintique cuhre: Jesu yaina numia jira musa. Æ jina cahma sayoro marieno noano mehne jirucuga musa. 3 Muh sehe potocata yu piti warota jira. Muh cuhre yahuijtja: Tí numia yuh mehne, Clemente mehne, paina yu piti tiina mehne dahrare noaa buheare sã buhechu. Cohamacu tina jipihtina wamare joa õha to ya tjui. Jipihtia dachoripe catiare to warina wamare to joa õri tjui joa õha. A jicu tí numiare “Cuno mehne noano jiga”, ni yahuga muh.

4 Dachoripe mari puhtoro mehne wahchega. Pari turita yahuijtja tjoa: Wahchega. 5 Noano yoaga jipihtinare masa yoaro seheta. Mari puhtoro Cristo to tahto mahanocã duhsara.

6 Ne cahya pjíro tuhotuena tjiga. Cohamacure noano yahu pahnoga. Æ yoana tirore siniga. Æ sinina, “Noana”, niga tirore. 7 Musa ã yoachu noano jichu yoarohca musare Cohamacu. To ã yoachu noa yuhduara. Ahri mari noano jia noa yuhduara. Masa jina, marine to ã noano jichu yoarire noano tuho ñaha masieraja mari. Cristo Jesu yaina mari jichu marine noano jichu yoaro, Cohamacu marine noano yajeripohna tichu yoarohca. Æ yoaro cahya tuhotuerachu yoarohca marine.

Noaare tuhotuga

8 Ahrire yahu batoi tai niija musare, yu coyea. Quihõo jiare, masa ti ño payoare, noano yoaare, ñaa mariare, ji coaare, masa “Noaa jira”, ti niare tuhotuga musa. Noa yuhdua ti jichu tireta tuhotuga. Masa noaare ñua ti wahchea sehere musa cuh wahche tuhotuga.

9 Musare yu buheriro seheta ã yoarucuga musa. Æ yoana, yuuhure ñu cuga musa. Musa ã yoachu Cohamacu musare noano jichu yoariro musa mehne jirohca.

Filipo macaina Paulore ti wari ejirire yahuha tiro

10 Mipu pinihta yoari pja baharo musa pari turi yuuhure wacuuna musa yoadohoare wahcheja. Æ wahchecu mari

puhtoro Cristore “Noana”, nija. “Yuhure boaa wahare musa”,nieraja yuhu. Panopure yuhure yoadoho duapanatha yoadoho masierare musa. 11 Yuhure musa yoadohorire yahucu yuhure duhsarire musare yahui tai nieraja. Musare paye barore cahmacu ã nii nieraja. Yu cuaa mehne ji masija yuhu. 12 Paye baro cueaeracu cuhu noano ji masija yuhu. ã yoa pjíro cuhasu cuhu noano ji masija. Dachoripe juca baasu cuhu jipoaja. Yapiriro jicu cuhu jipoaja. Pjíro cuhasu cuhu jipoaja. Yuhure paye baro mariachu cuhure jipoaja. 13 Cristo yuhure tuachu yoariro mehne jipihtiare Cohamacu to cahmaare yoa masi pahñoya yuhu. 14 Yu ã jipoariro yu jipachuta yu ñano yuhdachu musa yoadohona yuhure noano yoare musa.

15 Noaa buheare yu buhe ducachu Macedonia yahpai jiriro cjiro yu wahachu musa dihta yuhure yoadohore. Tíre masina musa. 16 ã yoa Tesalónicai yu jisinichu ñuna yuhure yoadohona cã tahari warocari jire musa. 17 Paye barore sinicu ã nicu nieraja. Painare musa yoadohochu Cohamacu musare noano yoarohca. Musa ã yoadohori wapa Cohamacu musare to noano yoachu cahmaja yuhu. 18 Mipure yuhure noano wa pahñohre musa. Yu cahmari yuhdoro wahre musa yuhure. Yuhure Epafroditó mehne musa warocari baharo paye baro ne duhsaerara yuhure. Cohamacu wuhupu inciensore ju muo Cohamacure ti noano ji coachu yoariro seheta yuhure musa wari cuhu Cohamacure noano ji coachu yoara. 19 Cristo yaina jira musa. ã jiro jipihtiare musare duhsarire warohca Cohamacu musare, noa yuhdua to cuuaare. 20 Jipihtia dachoripe mari Puchure Cohamacure ño payojihna. ãta yoajihna.

Paulo noa dutiha

21 Jipihtina Cohamacu yaina, tópu jiina, Jesucristo yaina noajaro. Mari coyea cuhu Jesu yaina yuhu mehne macaina musare noa dutira. 22 Jipihtina Cohamacu yaina, õ macaina, Jesu yaina noa dutira. Roma macaina bui puhtoro ya wuhu macaina pinihta tuaro noa dutira.

23 Mari puhtoro Jesucristo musare to cahia mehne noano yoajaro.

Colosenses

Colosa macainare joarocaha Paulo cūhū

1 1-2 Yūhū Paulo mari coyeiro Timoteo mehne mūsare Colosa macainare joarocaja sā. Yūhū Jesucristo to yare buhe dutiro to cūriro jija. Cohamacū to cahmano sehetā Jesu yūhūre to yare buhehtirore cūre. Ā jina mūsare sā coyea Cristore wacū tuarucuinare joarocaja. Ā jina Cohamacū mari Pucū mehne mūsare noa dutija. Ā jina tiro mehne noano jiga mūsa.

Jesu yainare Paulo sini payoha Cohamacūre

3 Mūsa ya cjihtire Cohamacūre sini payona “Noana”, ā nirucuja sā. Tiro sehe mari pūhtoro Jesucristo Pūcūro jira. 4-5 Tirore “Noana”, nirucuja sā mūsa jia tiare tūhorocana. To ya buhea potocā jia buheare mūsa tūhoriro sehetā jipihtia dachoripe mūanopū mūsare jichū yoarohca Cristo sehe. To ā yoahktiro jichū tīre mūsa ā cohtarucu wama tira. Ā jina Cristo Jesure wacū tua wama tira mūsa. Tuhsū, to yainare cahī wama tira mūsa. Mūsa ā jiina jichū Cohamacū mehne wahche tirore “Noana”, nija sā. 6 Jipihtiro pūre Jesu yaina potocā jia buheare noaa buheare ti yahuchū tūhoa masa Cohamacū yare cahmaa, noaa sehere cohtota namoa nina. Mūsa cūhū noaa buheare Cohamacū mūsare to cahīare quihōno mūsa tūho dūcari baharo tina yoaro sehe Cohamacū yare cahmana, noaa sehere cohtota wama tira mūsa. 7 Ahrireta mūsa cūhūre Epafra noaa buheare yahuri jire. Tiro sā tuaro cahīiro sā mehne Cristore dahra cohtariro, Cristo yare ne duhuerariro jira. Mūsare sā buhe masierachū tiro sehe sāre cohtotariro jiro, mūsare buheri jire. 8 Tiro jira mūsa jia tiare sāre yahuriro. Espíritu Santo to yoadohoa mehne Jesu yainare mūsa cahīrire yahure sāre.

9 Ā jina mūsare tūhorocana mūsare sā tūhorocari dachoihta dōihta ā sini payorucuja sā Cohamacūre. Cohamacū to cahmaare mūsa masi pahñohto sehe tirore sini payoja sā. Espíritu Santo yoadohoro mehne Cohamacū yare noano masiina mūsa jihto

sehe sini payoja sā. 10 Ó sehetā sini payoja sā mari pāhtoro Cristo to cahmano sehetā noano mūsa yoah̄ti cjihtire. Mūsa ā yoach̄u ñāno tiro wahcherohca. Ā jina jipihtia noaare mūsa yoah̄to sehe sini payoja. Cohamacūre mūsa masi namohto sehe sini payoja. 11 Ahri yū yahuhti cāh̄ure sini payoja sā. Cohamacū ya tuaa noa yāhd̄ara. Cohamacū tí tuaa mehne mūsa tuah̄tore mūsare sini payoja. Ó sehetā sini payoja mūsa ñāno yāhd̄panahta wahchea mehne mūsa cūno pjahto sehe. 12 Cohamacū to yaina cjihtire marine jich̄u yoari jire. Ā yoaro to waare cjuah̄tina cāh̄ure yoari jire marine tiro. To jiropū buhriaropū mari cjuah̄tire warohca tiro. To ā yoach̄u ñāna tirore mūsa “Noana”, nihto cjihtore sini payoja sā mūsare. 13 Tirota marine pichacapū wahaborinare yāhd̄uch̄u yoari jire. Tó panore ñāare yoa duhu masieramai mari. Ñariro sehe nahitianoi jiriro marine dutiriro jisiniri jimare. Cohamacū sehe to macūnōre to cah̄irirore pāhtoro sōno mūanopū marine jich̄u yoari jire. Ā jina to macūnōre mehne jinahca. 14 To macūnōre mehne marine yāhd̄ora Cohamacū. To macūnōre to yariaro mehne mari ñaa yoari buhirire bori jire Cohamacū.

**Masa Cohamacū mehne ti cahma ti pū būh̄useheri
ti ñū tuhtich̄u ñāno Cristo bosaha**

15 Jesu Pūch̄ore ñūmahnoerara. To macūnōre sehe to Pūch̄ro to dohse jia tiare ñona masare. Tiro to macūnōre jipihtina pano jipihtia pano ji tuhs̄ri jire. Ā jiro jipihtia pūro, jipihtina bui pāhtoro jira tiro. 16 Cohamacū to dutich̄u to macūnōre sehe to Pūch̄ro mehne jipihtinare, jipihtiare bajuamehneri jire. Mūanopū jiare ahri yahpapū jia cāh̄ure bajuamehneri jire. Mari ñūrīre mari ñūerari cāh̄ure bajuamehneri jire. Mūano macaina ñūmahnoerainare pāhtoare, dutiinare, jipihtinare bajuamehneri jire. Ā jia jipihtina to yaina cjihti jimari jire. Jipihtia cāh̄u to ya cjihti jimari jire. 17 Jipihtina pano jipihtia pano Cristo ji tuhs̄ri jire. Ā yoa to tuaa mehne jipihtia cāh̄u jipihtina cāh̄u mipūre jia nina. 18 Mari to yaina jipihtina to pjacū yoaro sehetā to ya curua macaina jija. Ā jiro tiro mari dapu mari pāhtoro jira. Tiro yariaro masa mūja muhtariro jira jipihtina bui pāhtoro, jipihtia pūro jiro taro. 19 Cristo to Pūch̄ro mehne cūno potori to jiro sehetā jira. To ā jich̄uta cahmana Cohamacū sehe. 20 Jipihtina to Pūch̄ore cahma ñū tuhtia tiri jire. Ā ti cahma ñū tuhtich̄u ñāno Cristo tinare “Ñū tuhtienā

tjiga”, ni yahuri jire. Muano macainare ahri yahpa macaina cūhure to Pucurore “Ña tuhtieno tjiga”, ni yahuri jire Cristo. Å yoa muano macaa ahri yahpa macaa cūhū noano ti jichū cahmari jire tiro. Å mari ñu tuhtirire duhuchū yoa duari jire tiro crusapū yariaro to di cohāno. To Pucuro to cahmariro seheta ã yoari jire Cristo.

21 Musa cūhure ãta yoari jire tiro. To Pucurore ñu tuhtiina tiro mehne jieraina jimari jire musa cūhū. Ñaare yoari jimare musa. 22 Å jimarina musa jipachūta tiro to yariaro mehne to Pucurore musare ñu tuhtierachū yoari jire tiro. Å yoari jire tiro noaina ñaa buhiri marieina musare to yoahito cjihtore. Musa ã jichū tiro musare tó sehe jiinapure to Pucurore warohca. 23 Ñaare yoari jire tiro noaa buheare musa tūhorire musa boerachū tí buheare musa ã yūhtirucuchū. Tí buheare noaa buheare jipihtina ahri yahpapure jiina tūhori jire. Å jicū yūhū cūhū Paulo Cristore dahra cohtariro jicū, tí buheareta yahuriro jija.

**Jesu yainare tina mehne macainare
yoadohohtinare cūha Paulo**

24 Cristo mari ñano yoari buhirire ñano yūhdūri jire. Å jicū yūhū cūhū musare yū buheri buhiri ñano yūhdūcu wahcheja. Å ñano yūhdūcu Cristo marine to cūrire yoa sohtori tii nija. Å jicū wahcheja. Cristo yare mari yoari buhiri mari ñano yūhdū namohto dūhsasinina mini. Å jicū tirore musa wacū tuahtore ñano yūhdūcu, wahcheja yūhū. To pjacū yoaro sehe jiina to ya curua macaina jira musa. 25 Jesu yainare yoadohohtirore cūre Cohamacu yūhūre. Musa ya cjihtire yoahtiore yūhūre cūre tiro. To yare jipihtirore yahu pahñohatiore cūre yūhūre. 26 Tí to yare panopure payū tjururi macainare yahu pahñohatiore tiri jire Cohamacu. Mipure ahri tjuru macainare to yainare tīre noano yahu pahñonocare jūna. 27 “Judío masa jieraina ya cjihtire yū ya buhea noa yūhdūara”, ni to yainare tīre yahuri jire. Pano to yahuerari cjirire yahuri jire. Ó sehe jira to ya: Cristo to yaina mehne jira. To ã jichū to yaina muanopū Cohamacu cahapū noa yūhdūaropū jiahca. Tí jira panopū ti masierari cjiri Cohamacu ya.

28 Cristoretta yahuja. Jipihtinare cuisāana tinare buheja sā. Noano masia mehne buheja sā noano Cristore masare masichū yoana tana. Å buheja sā to yare noano yoaina ñaa buhiri

marieina tinare jichʉ yoana tana. **29** Ahri jira yʉ dahraa. Cohamacʉ to ya tuaa mehne yʉhʉre to wari tuaa mehne tuaro dahraba yʉhʉ, to yare buhecʉ.

2 **1** Ahrire mʉsa masichʉ cahmaja yʉhʉ. Mʉsa ya cjihtire, Laodicea macaina ya cjihtire, jipihtina paina ya cjihti cūhʉre tuaro dahraba yʉhʉ. Jipihtina mʉsa yʉhʉre ñueraina ya cjihti cūhʉre tuaro dahracʉ mʉsare tuaro yoadohoja yʉhʉ. **2** Ó sehetu mʉsare yoadohoja yʉhʉ mʉsa noano yajeripohna tihto cjihtore. Mʉsa mehne macainare mʉsa cahma cahīhto cjihto cūhʉre ā mʉsare yoadohoja yʉhʉ. Cohamacʉ ya panopʉ to yahuerari cjiri Cristore masichʉ yoaa jira. To yare mʉsa masichʉ noa yʉhdʉara. Cristore mʉsa noano masihto cjihtore, tiro mehne mʉsa noano jihto cjihto cūhʉre tuaro yoadohoja mʉsare. **3** Paina ti masierari cjirire, noa yʉhdʉare Cohamacʉ to masiare Cristo dihta noano masichʉ yoara marine. **4** Ahrire nija mʉsare “Paina mʉsare tʉho wisiachʉ yoaa durucua mehne mahñori”, nicʉ. **5** Yʉhʉ mʉsa watoi jierapacʉta yʉ wacūno mehne mʉsa watoi jiriro yoaro sehetu tʉhotuja. Ā jicʉ Cristore mʉsa noano wacūn tuarucurire, quihōno mʉsa yoari cūhʉre masicʉ wahcheja yʉhʉ.

6 Ā jina Cristore mʉsa wacūn tua dʉcariro sehetu āta tirore wacūn tuaa mehne dachoripe noano jirucuga. **7** Tirore noano masiina jiga mʉsa. Ā yoa dachoripe tirore masi namoga pano mʉsare paina ti buheriro sehetu. Ā yoa Cristore wahche, “Noana”, nirucuina jiga mʉsa.

Cristo yaina jina noaa sehere cahmaja mari

8-10 Noano yoaga mʉsa. Masa ti mʉ sʉro ti mahñō buheare tʉhoena tjiga mʉsa. Tina panopʉ macaina ti mʉ sʉro ti niare buhera. Ti ā nia yaba cjihti jierara. Ahri yahpa macaina ti mʉ sʉro ti tʉhotuare buhe, Cristo ya sehere buherara. Cristo Cohamacʉ to jiro sehetu jiriro jiro, ahri yahpapʉ pjacʉ tiro, Cohamacʉ warota jirota nina. To yaina jina Cohamacʉ mehne noano jija mari. Tirota jira jipihtina anjoa pʉhtoa bui paina bajueraina bui pʉhtoro jiriro. Tíre masina mahñōare buheinare tʉhoena tjiga. **11** Circuncisiōre ti yoari sehetu mahancā pjacʉ cahsarocāre ti yihsø cohāri sehetu Cristo ñaa buhiri tiina mʉsa jia tiare cohā, duhuchʉ yoari jire. Ahri circuncisiō masa ti pjacʉrire mahancā cahsarocāre ti cohāri jierara. Ahri circuncisiō yoaro sehe yoaro, Cohamacʉ sehe ñaa buhiri tiina

mari jia tiare cohāna Cristore mari wacū tuachʉ ñʉno. 12 To yaina jina bautisarina wahari jire mʉsa. To bautisarina wahana ð sehe ñona niri jire mʉsa: Panopʉ macaa mʉsa ñaa yoarire mʉsa duhurile ñona niri jire mʉsa. Tí mʉsa ñaa yoari buhirire mʉsa ya cübora sehetá tíre duhuri jire mʉsa. Cristo masa mujanu noanopʉ wahari jire. To ð waharo sehetá Cohamacʉre wacū tuana “Tiro tuariro jira”, niina jina noaa sehere cohtotari jire mʉsa. Tiro Cohamacʉ sehe Cristore masoriro jira. To bautisarina wahana noaa sehere mʉsa cohtotarire ñona nina mʉsa. 13 Panopure ñaa buhiri cjhəarina mʉsa jiri buhiri pichacapʉ wahaborina jimari jire mʉsa. Ð wahaborina jimari jire mʉsa Cohamacʉ yaina jierasinina. To dutiare cjhəeraina jimari jire mʉsa. Mipure Cohamacʉ marine tiro mehne ð jirucuhtinare yoari jire. Cristo to yariaro mehne ð yoari jire tiro marine. Ð yoaro jipihtina mari ñaa yoari buhirire bonocari jire tiro. 14 Cohamacʉ to dutiare ti joari cjhirire yʉhdʉrʉcaina mari jipachʉta Cristore mari wacū tuachʉ ñʉno tiro marine buhiri ti dutierare. Cristo crusapʉ to yariaro mehne Cohamacʉ sehe mari ñaa buhirire cohānocabna panopʉ to dutiare, marine buhiri ti dutiare to cohānocaboriro sehetá. Crusapʉ yariaro tí tañopʉ panopʉ macaa dutiare ti joari püre to cjā puha ðboro sehetá tí dutiare cohānocabna. 15 Masa ti ñʉrocaroi watia pʉhtoare Cohamacʉ yʉhdʉrʉcari jire. Wiho jiina, tuaeraina tjuanocari jire tina sehe. Ð yoaro tinare bʉoro wahachʉ yoari jire, surara ti yʉhdʉrʉcainare masare ti naa ño ti bʉoro wahachʉ yoaro sehetá. Crusapʉ yariaro Cristo watia pʉhtoare cohānocabna jire.

Mʉano macaare Cohamacʉ yare cahmaga

16 Ð yoa paina mʉsa chhare mʉsa sihnia cjhʉre ñua mʉsare “Buhiri tiina jira”, ni ñʉboca. Ti ð ni ñʉchʉ ð ñʉnocabga tinare. Sʉripe jia dachorire, somanaripe jia dachorire, bose nʉmuri mʉsa yʉhdoerachʉ ñua mʉsare “Buhiri tiina jira”, ni ñʉboca tina. Ti ð ni ñʉchʉ ð ñʉnocabga tinare. 17 Panopʉ tí chhʉa dutiare, bose nʉmuri yʉhdo dutiare, paye dutia cjhʉre cūri jire Cohamacʉ marine buhero taro. Tí dutia mehne baharopʉ to dohse yoahtore Cohamacʉ yoa ñono niri jire. Cristo to jia tia cjihtire yoa ño curero niri jire masare. “Tiro ð sehe waharohca”, nino ð yoa ñono niri jire. Ð yoa ñohti cjtii jiri jimare tí dutia. 18 ð sehe nimana tí dutiare yoa dutiina.

“Soro jiare bajuachʉ ñʉhi sā” nia, tina Cohamacure ti ño payoboro sehe anjoare ño payomana. Å jiina jia “Masi pahñonocaja sā”, ni tʉhotumana tina masa ti mʉ sʉro ti tʉhoturiro seheta. Å jia tina painare yʉhdʉrʉcaeraina, noaina yoaro sehe yoa ñomana mʉsare. Å yoa “Quihōno yoarerara mʉsa”, ni yahusāna mʉsare. Ti ã ni yahusāchʉ, tinare ã ñʉnocahga. 19 Tó sehe yoapahta mʉsare yahusāina Cristo to dutiro sehe yoaa nierara. Cristo sehe to yaina dapu ti pʉhtoro jira. To yaina sehe to pjacʉ yoaro sehe jiina to ya curua macaina jira. Mari cohāri dohsaa mari wa dari cāhʉ mari pjacure cā pjacʉ jichʉ yoara. Tó seheta Cristo sehe to yainare cānoi noano mehne jichʉ yoara. Å yoa marine yoadohora Cohamacʉ cahmaare mari noano yoahito sehe.

20 Å yoa Cristo yaina jina tiro mehne yariarina yoaro sehe jira mʉsa, Cohamacʉ to ñʉchʉ. Å jina ñaare mʉsa yoarire duhurina jira mʉsa. Å jina ahri yahpa macaa ñaa buheare, masa ti mʉ sʉro ti buheare cahmaeraborina jira mʉsa. Å jiborina jipanahta dohse yoana masa ti mʉ sʉro ti dutiare yʉhtijari mʉsa? 21 Ó sehe ni dutira ti mʉ sʉro dutiina: Ahri barore chʉena tjiga. Ahri barore ne chʉ ñʉena tjiga. Ahri barore pihaena tjiga. Tó sehe ni dutira tina. 22 Mari paye barore chʉchʉ dói pihtia wahara. Tó sehe jia barore pihtia barore tʉhotua nina ã dutiina. Ti ã dutichʉ ahri yahpa macaa dutia dihta jira tí dutia. Masa ti mʉ sʉro ti buhea dihta jira ahri buhea. Å jia yaba cjihti jierara. 23 Tí dutiare yoaina Cohamacure ño payoina yoaro sehe jimana. Å yoa painare yʉhdʉrʉcaeraina yoaro sehe yoa ñomana. Ti pjacʉrire ñano yoaa Cohamacure ño payoina seheta yoa ñomana tina. Ti ã yoachʉ ti ya dutia sehe masi pahñoina ya dutia yoaro sehe jimana. Å jierara. Tí dutiare yoapahta ti ñaare goa pjaare duhuerara. Å jia tí dutia sehe yaba cjihti jierara.

3 1 Å yoa Cristo yaina jira mʉsa. Å jina Cohamacʉ tuaa mehne Cristo to masa mʉjariro seheta tí tuaa mehne pano mʉsa ñaa yoarire duhu, noaa sehere cohtotare mʉsa. Å cohtotaina jina mʉano macaare Cristo yare cahmaga mʉsa. Tópʉre mʉanopʉ Cohamacʉ poto bʉhusehei dujira tiro. 2 Mʉano macaare Cohamacʉ yare noano tʉhotuga mʉsa. Ahri yahpa macaare ne wacū nʉnʉhena tjiga mʉsa. 3 Cristo yaina jina tiro mehne yariaborina seheta mʉsa wahana ahri yahpa macaare pjíro tʉhotuena tjiga. Å jiro Cristo mehne mʉsa

jirucuhtore cahno tuhsuri jire Cohamacu. 4 Ñ yoa Cristo muanopu marine ã jirucuhtinare yoariro si sitea mehne to tachu tiro mehne wahanahca mari. Ñ wahana tiro mehne muanopu Cohamacu yare cjuanahca.

Cristo yaina jierasinina ñaare yoamai mari

5 Ñ yoa ahri yahpa macaa ñaa musa yoaare duhunocahga musa: Numino mehne ñano yoaare, muño mehne ñano yoaare, ñaa yuhduaro yoaare, pairo namonore goa pjaare, pacoro manunore goa pjaare, ñaa goa pjaare duhunocahga musa. Paye barore tuaro cahmaina jiena tjiga. Paye barore cjona, tire tuaro cahmana “Cohamacu jira”, ti nia masurine ti ñio payoro seheto yoana nija mari tire. 6 Tí ñaare yoaina Cohamacure yuhduruacina jira. Ti ã yoa yuhduruacachu ñuno tinare buhiri dahrerohca. 7 Panopure musa sehe tí ñaare yoarina jina tina mehne macaina jiri jimare musa. 8 Wiho mejeta mipure ahri ñaare duhu pihtinocahga musa: Suaare, sua yuhduare, painare ñano ni tuhotuare, painare ñano quiti dahreare, ñano durucuare tí jipihtiare duhunocahga. 9-10 Musa sehe Jesu yaina wahana tí ñaa yoaare duhu tuhsuri jire. Ñ jina musa tuhotuare cohtotaina jira musa. Musare noaa sehere cahmachu yoaro nina Cohamacu to yoaro sehe musa jihto sehe. Õ seheto yoara tiro noano tirore musa masi namohto sehe. Ñ jiina jina musa mehne macainare mahnoena tjiga. 11 Cristo yaina jina judio masa, judio masa jieraina cuhu cuno potorita jira musa, Cohamacu to ñuchu. Circuncisiore yoaina, yoeraina cuhu Cristo yaina jia cuno potorita jira, Cohamacu to ñuchu. Pa yahpa macaina, masieraina, musa ya yahpa macaina cuhu Cristo yaina jia cuno potorita jira, Cohamacu to ñuchu. Dahra cohtaina, dahra cohtaina jieraina cuhu Cristo yaina jia cuno potorita jira, Cohamacu to ñuchu. Jesu jipihtina to yaina mehne jira. Wiho jiriro jierara tiro, to yaina tí ñuchu.

12 Ñ yoa Cohamacu to beserina, noaina, to cahina jina õ sehe jiga musa: Painare pja ñuina, painare noano yoaina, painare yuhduruca duaeraina, painare niji siaro dero yoaina, musare ti ñano yoapachuta ã tuhotunocaina jiga musa.

13 Musa mehne macaina mehne suana, dóihta musa basi musa suarire pjaga. Mari puhoro musa ñaa yoari buhirire bohre. Ñ to boriro seheto musa cuhu musa mehne macaina musare ti

ñaa yoarire boga. 14 Ahri dutia mehne ò sehe ni dutija mûsare: Painare cahîga. Mûsa ã yoana noano jipihtina mehne cûno mehne jinahca. 15 Cristo marine noano jichû yoara jiape ni durucueraina mari jihto sehe. To ã yoachû noano jiga mûsa, mûsa basi. Ò sehetia jihtina cjihtire to yaina cjihtire bese cûri jire Cohamacû mûsare. Æ jina to pjacû yoaro sehetia cû curuata jira mûsa. Æ yoa Cohamacûre “Noana”, ni wahcheina jiga mûsa Cohamacû mehne.

16 Cristo ya buheare noano wacûrucuga mûsa. Noano masi buhega to yare. Cua pisaro mehne tîre yahuga. Æ yoa tuhsû, Salmore, Cohamacû yare basaare, paye tirore ño payoa basaare tirore basa payoga. Noano wacû ño payoa mehne basa payoga. Æ basana to yare noano wacûga mûsa. Æ yoana Cohamacûre “Noana”, ni wahcheina jiga mûsa Cohamacû mehne.

17 Jipihtia dohse jia mûsa yoaare noano yajeripohna ti yoaga mari pûhtoro Jesu to wahchehto sehe. Cristore ño payora mûsa. Æ yoa tirore ño payoa mehne noaa dihtare durucuga. Æ yoana Cristo to yoadohoa mehne Cohamacû mari Pûchûre “Noana”, ni wahche payo siniga tirore.

Jesu yainare noano mehne ti jihti dutia ò sehe jira

18 Mûsa manû tia numia, mûsa manusumare noano yûhtiga mûsa. Æta yoaro cahmana mari pûhtoro Cristo ya numia jina.

19 Mûsa namo tiina sehe, mûsa namosânumiare cahîga. Æ yoa tî numiare ne tuhtienia tjiga. 20 Mûsa ti pohna cûhû, mûsa pucusumare yûhdûrûcaeraina jiga. Mûsa ã yoachû ñûno mari pûhtoro noano ji coara. 21 Mûsa ti puchusuma cûhû mûsa pohnare suachû yoaena tjiga “Cahyachû yoari”, nina. 22 Mûsa tinare dahra cohtaina, mûsa pûhtoare ahri yahpa macainare noano yûhtirucuga. Ti ñûrocaro dihtare yûhtiina jiena tjiga.

Ti mariachû cûhûre yûhtiina jiga. Mari pûhtoro Cristore cua pisaro mûsa ñûriro sehetia noano mehne yûhtiga mûsa pûhtoa cûhûre. 23 Potocâtia Cristo yaina jina noano yûhtira mûsa tirore. Æ jina mûsa pûhtoare ahri yahpa macainare yûhtina, tina dihtare yûhtina nierara. Cristo cûhûre mûsa yûhtiboro sehe yûhtinata nina mûsa. Æ yoana mûsa pûhtoa ti dutiro sehetia tuaro mehne dahraga, Cristo ya dutia ti jiboriro sehetia.

24 Mûsa ã yoachû Cristo mûsare noano yoarohca. “Mûsare waihtja”, to niare mûsare warohca mari pûhtoro. Tîre masina mûsa. Mari pûhtoro Cristore dahra cohtaina jira mûsa. Æ jiro

tiro sehe m̄usa p̄uhtoro waro jira. 25 Ñaare yoainare buhiri dahrerohca mari p̄uhtoro. Å yoainare cūiro d̄uhsaro marieno cūno potori buhiri dahrerohca tiro.

4 1 M̄usa p̄uhtoa sehe, m̄usare dahra cohtainare potocāta noano yoaga tinare. M̄usa cūhū p̄uhtoro cj̄ara. M̄usa p̄uhtoro m̄usa cj̄ariro sehe m̄uano macariro jira.

2 Dachoripe Cohamacure siniga m̄usa. Noano wacū t̄uhotu siniga. Å yoana “Noana”, niga Cohamacure. 3 Sā ya cjihti cūhure sini payoga tjoa. Cristo yare paina pano ti masierari cjirire buhena nije sā. Tinare sā noano masichū yoahto sehe sini payoga Cohamacure. Cristo yare yū buheri buhiri yūhū mip̄ure peresupū jija. 4 Å jicū m̄usa ã sini payochū cahmaja to yare yū noano yahuhto cjihto sehe. Cristo to dutiriro sehetu yū yahuhto cjihto sehe sini payoga.

5 Jesu yaina jieraina mehne jina noano yoaga m̄usa. Cristo yare yahuga tinare. Tina mehne m̄usa jiro puro ãta noano yoaga. 6 Paina mehne sūhuduna noano ji coaro mehne sūhuduga. Noaa dihtare durucuga. Paina m̄usare ti sinituchū noano masi yūhtiga tinare.

Noa duti batoaha Paulo

7 Tíquico mari coyeiro Jesu yairo jira. Tiro mari cahīriro, Cristo yare buhero, sā mehne dahrariro jira. Å jiro Cristo yare ne duhuerara tiro. Tiro yū jia tiare m̄usare yahurohca. 8 M̄usa cahapū tirore warocai nije yūhū sā jia tiare m̄usa masihto sehe, m̄usare wahchechū yoahtiro cjihtore. 9 Onésimo mari coyeiro mari cahīriro mehne piti dahre warocai nije. Tiro cūhū Cristo yare ne duhuerara. M̄usa mehne macariro jira. Tina p̄uaro sā òre dohse sā yūhdūrire yahuahca m̄usare.

10 Aristarco peresupū jiriro yūhū mehne macariro m̄usare noa dutira. Marco cūhū noa dutira. Tiro Bernabé tañuno jira. Tirore yahuroca tuhsui m̄usare. M̄usa cahapū to sūchū ñuna noano mehne tirore piti bocaga. 11 Jesu “Justo” ti ni pisuriro cūhū noa dutira m̄usare. Ahrina tiarota yūhū mehne dahraina judio masa waro jira. Judio masa waro tina dihta Cohamacū yare yūhū mehne buhera. Ó sehe buheja sā Cohamacū yaina masa ti wahahto sehe, Cohamacū ti p̄uhtoro to jihto sehe. Tina yūhure noano yoadohoina jira. 12 Epafra m̄usa mehne jiriro cjiro m̄usare noa dutira. Tiro Cristore dahra cohtariro jira. Cohamacure sinino, m̄usa ya cjihtire tuaro sini payorucura

tiro. Cohamacure noano wacū tuarucuhtina, to cahmano sehe yoahquina mūsa jihto sehe ã sini payorucura tiro Cohamacure.

13 Tiro mūsa ya cjihtire tuaro sini payore mūsare pjíro tahoturo. Laodicea macaina ya cjihtire, Hierapolí macaina ya cjihti cūhure tiro tuaro sini payore. To ã yoariro jichū ñucu mūsare yahurocái nija. **14** Duhturu Luca mari cahíriro mūsare noa dutira. Dema cūhū noa dutira.

15 Noajaro mari coyea Jesu yaina Laodicea macaina. Ninfa cūhū noajaro. Jesu yaina ticoro ya wuhūi cahmachuina cūhū noajaro. **16** Ahri pūre yu joarocari pūre mūsa mehne macainare mūsa buhe tuhsuri baharo Laodicea macaina cūhure warocaga. Æ yoa tinare Laodicea macainare yu joarocari pūre mūsa cūhū buhega. **17** Æ yoa õ sehe niga Arquipore: “Mari puhtoro Jesu yairo mu jichū to yare buhehtiro cūre mūhure. To ã cūchū noano buhe sohtori tiga mūhū”, niga tirore.

18 Yuhū Paulo, yu wamomaca mehne ahrire joaja. Mūsare noa dutija yuhū. Peresui yu jiare wacū, sini payoga mūsa Cohamacure. Noano jiga mūsa. Cohamacu to cahia mehne mūsare noano yoajaro. Æta yoajaro.

1 Tesalonicense

Paulo cūhū joarocaha Jesu yainare Tesalónica macaina

1 1 Yuhū Paulo, Silvano, Timoteo sā tiaro ahri pū mehne mūsare noa dutija. Mūsa sehe Tesalónica macaina mari Pūchū Cohamacū yaina jira. Mari pūhtoro Jesucristo yaina cūhū jira mūsa. Ā jina Cohamacū mari Pūchū, mari pūhtoro Jesucristo ti cahīa mehne mūsare noa dutija. Cohamacū yoadohoa mehne noano jiga mūsa.

Jesu yaina Tesalónica macaina sehe Jesure noano wacū tuaha

2 Cohamacūre sinina, jipihtina Jesure mūsa wacū tuaare wacūna “Noabiara sāre”, nirucuja sā mūsare. Cohamacūre sinina, mūsa ya cjihtire ā sini payorucuna ni ja sā. 3 Mūsa sehe Jesucristore noano wacū tuayuhca. Ā wacū tuana, Jesu yare yoayuhca mūsa. Jesucristore, paina cūhūre cahīyuhca mūsa. Ā cahīna, Jesu yare tuaro yoana niyuhca mūsa. Jesucristore mari pūhtorore wacū tuarucuyuhca mūsa. Ā wacū tuarucuna mūsare to yuhdohtore masina, tīre cohtana niyuhca mūsa. Ā yoa tirore wacū tua duhuerayuhca mūsa ñano yuhdūpanahta. Cohamacū mari Pūchūre sinina, tīre mūsa ā yoarire wacūja sā. 4-5 Sā coyea, Cohamacū to cahīna jira mūsa. Mūsare to beserire masija sā. Sohō jiri pja mūsare noaa buheare buhena ā yahunocana nierahi mūsare. Espíritu Santo to tuaa mehne noaa buheare buhena nii mūsare. Ā buhena tí buhea quihōno jichū noano masii sā. Ā jina mūsa watoi sā jina, sā yoarire masina mūsa. Mūsare yoadohona ā yoai sā. Mūsare buheina jina Cohamacū to beserina mūsa jichū masija sā.

6 Sohō jiri pjapūre mūsa ñano yuhdūna jina, noaa buheare cahmaren mūsa. Mūsa ā cahmachechū, Espíritu Santo sehe mūsare noano wahchechū yoare. To ā yoachū mūsa sehe sāre ñū cū, sā yoariro sehetra yoare. Ā yoana Jesu cūhūre ñū cūre mūsa. 7 Ā jia Jesu yaina Macedonia yahpa macaina, Acaya yahpa macaina cūhū Jesu yare mūsa yoarire masire. Ā masia tina cūhū mūsare ñū cū, mūsa yoariro sehetra yoara. 8 Macedonia yahpa macaina Acaya yahpa macaina cūhū mari pūhtoro yare

musa buhechü tñhorocare. Cohamacüre musa wacü tuarire tñhorina sehe tina dihta jierare. Jipihtiro macaina musa wacü tuarire tñhoyuhti. Å jia sã tinare yahuerapachüta tñre masi tuhsare tina. 9 Å jia musa cahai sã tinirire, sãre musa noano piti bocarire yahure tina jipihtiro macainare. Å yoa Cohamacü sehere wacü tuana, "Cohamacü jira", musa nia masurine musa cohñocarire, Cohamacü ya sehere musa yoarire yahure tina jipihtiro macainare. Tiro Cohamacü sehe catiriro, Cohamacü waro jira. 10 Å yoa "Cohamacü macñore mñanopü tahtirore Tesalónica macaina cohtaa nina", ni yahura masa musare. To macñore yariariro cjirore Cohamacü masori jire. To å masochü to macñeo Jesu sehe marine ñabiaro to buhiri dahreborinare yñhdori jire.

Tesalónica wama tiri macapü to dahrarire yahuha Paulo

2 ¹ Musa cahai jina sã å jinocana niera tii. Musare noano yoadohoina jia tii sã. Tñre noano masina musa, sã coyea. ² Å yoa Filipoj jina ñano sã yñhdürire, sãre ñano ti yoarire potocäta masina musa. Sãre ti å yoapachüta Cohamacü to yoadohoa mehne cuiro marieno Cohamacü yare noaa buheare buhei sã musa cñhure. Sãre masa payü ti ñü tuhtipachüta noaa buheare buhei sã musare. ³ Musare buhena noano sã masirire buhei sã musare. Å buhena musare dojomehne duana nierahi. Å yoa mahñoyerahi. ⁴ Cohamacü to cahmano sehetu buheja sã. Noa buheare buhehtina cjihtire Cohamacü besere sãre. To å beserina sã jichü to ya buheare sã buhechü noa nina, Cohamacü to ñüchü. Å jina õ sehetu buheja sã. Masa ti tñho ji coahaire buhena nieraja sã. Cohamacü sehe sãre to ñü ji coahito cjihtore to yare buheja sã. Tiro sehe mari tñhotuare, dohse mari yoa duaare noano masina. ⁵ Noa buheare buhena tñho ji coaa dñseri mehne buhena nierahi. Ahrire masina musa. Å yoa sã buhena, musare paye barore wapa cahmana nierahi sã. Ahrire Cohamacü masina. Potocä nii nija. ⁶ Å buhena masa sãre ti ñü wahähti cjihtire yoana nierahi sã. Musare paina cñhure sãre ñü wahä dutina tana nierahi. ⁷ Å ñü wahä dutierapanaha Cristo to cñrina jija. Å jina musare wapa cahmaboa sã. Å yoa pñhtoa yoaro sehe musare dutiina jiboa sã. Wiho mejeta numino wiñrirocäre to noano buçhoriro sehetu noano niji siaroca dero yoai sã musare. ⁸ Å jina musare noano cahmana, Cohamacü yare noaa buheare buhei sã musare. Å yoana tí

dihtare yoaerai m̄asare. M̄asare noano yoadohoi sā catisinina waro. Sā cahīna m̄usa jichū m̄asare ā yoadohoi sā. 9 Ā m̄asare cahīna tuaro yoadohoi sā m̄asare. Tíre wacūna m̄usa, sā coyea. Cohamacū yare noaa buheare buhena m̄usa c̄jaare sini cariboaerai m̄asare. Ā jina dachopū, ñamipū c̄uhure dahrai sā.

10 Noano, m̄asare ñano papero marieno, mahñono marieno m̄asare Jesu yainare sā yoarire masina m̄usa. Cohamacū c̄uhure tíre masina. 11 Ā jina ti p̄uc̄ro to pohnare to noano yahu to wahchechū yoariro seheta m̄usa c̄uhure yahuna wahchechū yoai m̄asare. Tíre masina m̄usa. 12 P̄uhotoro Cohamacū to s̄oho jiropū, noa yuhd̄haropū m̄asare pjirocare. Ā jina to yaina m̄usa jichū Cohamacū to cahmariro seheta m̄asare ji dutii sā.

13 Cohamacū yare m̄asare sā yahuri c̄jirire m̄usa t̄uhona, õ sehe ni t̄uhoture m̄usa: "Masa ti m̄u s̄ero ti buhea jierara. Cohamacū ya buheata jira", ni t̄uhoture m̄usa. Tíre m̄usa t̄uhotuchū masina wahcheja sā. Ā jina Cohamacūre sinina "Noana", nirucuja sā tirore. Tóilta jira. M̄asare sā buhea Cohamacū durucua potocā jiata nina. Ā jiro Cohamacū m̄usa Jesure wacū tuaina jichū to ya buhea mehne m̄asare noaa sehere cohtotachū yoaro nina. 14 Jesucristore wacū tuainare Judea yahpa macainare ti yoariro seheta m̄usa c̄uhure yoare paina. Judea yahpa macainare Jesu yaina sehere judio masa ñano yuhd̄uchū yoare. M̄usa c̄uhure m̄usa ya dihta macaina ãta ñano yuhd̄uchū yoare. 15-16 Judio masa sehe Cohamacū yare yahu m̄uhainta c̄jirire panopū macainare wajāa tiri jire. Ā jia mari p̄uhotoro Jesu c̄uhure wajāri jire tina. Tuhsū, tina sāre cohāre. Cohamacūre tina cahyachū yoahre. Ā yoaina jia, payū masare ñū tuhtira tina. Judio masa jierainare Cohamacū yare sā yahu duamai tina c̄uhure pichacapū wahaborinare "Cohamacū yuhdojaro", nina. Sā ã yahu duapachūta judio masa sehe sāre ne Cohamacū yare painare yahu dutierare. Ā yahu dutieraaj p̄jíro buhiri ti namoa nina tina. Mipūre tinare tuaro Cohamacū buhiri dahrerohca jūna.

Paulo Tesalónica macaina cahapū pari turi tini duamaha

17 Sā coyea, mipūre mahancā m̄usa mehne jierana m̄asare wacūna nija. Ā jina m̄asare tuaro ñū duana, m̄usa cahai waha duamai. 18-19 Cāa tahari yuhū Paulo m̄asare ñūi waha duamai. Yū ã waha duapachūta Satana sehe sā wahaborirore d̄ucatare. Ā jina wahaerahī sā. Sāre wahchechū yoaina m̄usa jichū

m̄usare ñu duamai. Mari p̄uhtoro Jesu ahri yahpapu to tjua tachu m̄usa sehe sâre wahchechu yoanahca. Ā jina wahchea mehne m̄usa mehne Jesu panoi ducunahca. **20** Āta jira.

M̄usare ñuno Jesu sehe “Noano buheri jira m̄usa”, ninohca sâre. Ā jina noano wahcheja sâ.

3 **1-2** Ā yoa m̄usare yoari pja ñuerana m̄usare tuaro tūho duana tére wacūna, Timoteore m̄usa cahapu warocai. Tiro mari coyeiro Jesu yairo Cohamacure dahra cohtariro jiro, sâ mehne noaa buheare buheriro jira. Ā jina tirore warocai Jesucristore noano m̄usa wacū tuahti cjihtire, m̄usa wahchehti cjihti cūhure. Tirore warocana sâ sahsero Atena wama tiri macai tjuai. **3** M̄usa ñano yuhdūpanahta Jesu yare m̄usa cohāerahto cjihtore warocai sâ Timoteore. Jesu yaina jina ñano yuhdūnahca mari. Tíre masina m̄usa. **4** M̄usa mehne tō panopure jisinina mari ñano yuhdūhtoreta yahu tuhsui m̄usare. Ā jina sâ niriro seheta mari ñano yuhdui. Tíre m̄usa noano masina. **5** Ā jicu m̄usare yoari pja ñueracu m̄usare tuaro tūho duai. Ā jicu Jesure m̄usa wacū tuarire masii tai Timoteore warocai yuhu. “Watīno m̄usare ñano yoa dutiri” nicu, “M̄usare sâ buheri cjurire m̄usapu duhuri” nicu, tirore warocai yuhu.

6 Ā yoa mipure Timoteo m̄usa cahapu jiriro sâ cahapu tju wihihre. Ā tju wihiro noaa quitire sâre yahure tiro. Jesure m̄usa noano wacū tuaare, painare m̄usa cahia cūhure tiro yahure sâre. Ā ni tuhsu sâre m̄usa noano wacūrire, m̄usare sâ ñu duariro seheta m̄usa cūhure tuaro sâre m̄usa ñu duarire yahure sâre tiro. **7** Ā jina sâ coyea, mipure sâ ñano yuhdūpanahta m̄usa Jesure noano wacū tuachu tūhona sâ wahcheja. **8** Jesure m̄usa noano wacū tuarire to yare m̄usa cohāerarire tūhona noano yajeri sâaja sâ. **9** M̄usare ā ni tūhotuna, Cohamacu to ñurocaroi sâ tuaro wahcheja. Ā wahchena Cohamacure “Noana”, nija sâ. **10** Dacho cūhure, ñamipu cūhure Cohamacure sinija sâ m̄usare sâ ñuhti cjihtire. Jesu yare m̄usa noano masi pahñochu yoa duaja sâ noano m̄usa tirore wacū tua namohto sehe.

11 Cohamacu mari Pucu to basi, mari p̄uhtoro Jesu cūhu sâre ti yoadohochu cahmaja sâ m̄usa cahapu sâ wahahlo sehe. **12** Ā yoa mari p̄uhtoro Jesu jipihtina m̄usa mehne macainare, jipihtina paina cūhure cahī namochu yoajaro m̄usare. M̄usare sâ cahīriro seheta tuaro cahī namochu yoajaro m̄usare.

13 M̄usare noano to yoadohochu, buhiri marieina, ñaa marieina jinahca m̄usa, Cohamacu mari Pucu to ñuchu. Mari p̄uhtoro

Jesu jipihtina to yaina buhiri marieina mehne ahri yahpapá
tjua taro ã jiina jichu yoajaro musare.

**“Cohamacre ji coachu yoa duana õ
sehe yoaga”, ni yahuha Paulo**

4 ¹ Mipure Jesu mari puhtoro to dutiro mehne musare õ
sehe ni yahu batoaja: “Cohamacre ji coachu yoa duana
õ sehe yoaga”, ni buhei sã musare. Sã ã buheri baharo sã
buheriro seheta yoayuhti musa. Musa ã yoariro seheta yoa
namoga. Tíre tuaro yoa dutija musare.

² Jesu mari puhtoro to buhe dutiro mehne musare sã
buherire noano masina musa. ³ Ahrire musare yahu namohtja:
Musa õ sehe jichu cahmana Cohamacu: Ñaare yoaeraina,
Cohamacu yare yoaina jiga. Ã jina numia mehne ñano yoaena
tjiga. Musa cuhu numia mua mehne ñano yoaena tjiga. ⁴ Ñano
yoapero marieno, ño payoro mehne musa namosãnumiare
cjuaga. Cohamacu musa tíre masichu cahmana. ⁵ Cohamacre
cahmaeraina Cohamacre masieraina ñaare goa pjaa, numia
mehne ñano ti yoariro seheta yoaena tjiga musa cuhu. ⁶ Musa
ã yoachu cahmaerara Cohamacu to yairore musa coyeirore
musa ñano yoaerahto sehe. Musa ã ñano yoana musa coyeirore
yuhdurucana nica. Mari puhtoro Cohamacu tí ñaare ti yoachu
ñuno buhiri dahrehtiro jinocanota nina. Ã jina tíre yahu tuhsui
musare “Tí buhirire buhiri tiri”, nina. ⁷ Ñaare yoahquina cjihtire
beserari jire marine Cohamacu. Ñaare yoaeraina cjihtire
beseri jire marine. ⁸ Ã jina jipihtina musa ahri sã buherire
yuhdurucana, masa ya buhea sehere yuhdurucana nierara
musa. Cohamacu ya sehere yuhdurucana nina. Tiro musare
Espíritu Santore wariro jira.

⁹⁻¹⁰ Musa coyeare Jesu yainare musa cahihtire Cohamacu
musare buhe tuhsui jire. To ã buhechu potocata Jesu yainare
Macedonia macainare jipihtinare noano cahina musa. Musa ã
cahichu ñuna “Musa coyeare cahiga”, ni buheraja musare.
Tinare cahin tuhsra musa. Ã ni buhe namoerapanaha ahri
sehere musare dutija. Mipure painare musa cahino seheta cahin
namoga musa. ¹¹ Ã yoa musa basi cahma ñu tuhtiro marieno
jiga musa. Painare soro ni durucuena tjiga. Ã ñunocahga tinare.
Ã jina musa ya dahraa sehere noano dahraga. Panoputa musare
ã yoa dutii. ¹² Ãta yoaga musa, paina musare ti ño payohto
sehe, paina yare musa cariboerahto sehe.

Ahri yahpapure Jesu to tjua tahtore yahuha Paulo

13 Coyea, mipure yariarina cjirire yahuhtja m̄asare: Jesure cahmaeraina Cohamacu cahapu wahasi. Ā jia tina mehne macaina ti yariachu ñua tuaro cahyara. Yariarina cjiri ti wahahtore quihōno noano m̄asa masichu cahmaja sā, paina ti cahyariro sehetu m̄asa cahyaerahto sehe. 14 Jesu to yariari baharo masa m̄ujari jire. “Ti potocāta jira”, nija mari. Ā niina jina ahri cūhure “Potocāta jira”, nija mari. Cohamacu sehe to yaina cjirire yariarina cjirire masa m̄ujachu yoaro, baharopu Jesu mehne na tarohca. Tí cūhure “Potocāta jira”, nija mari.

15 Jesu to tjua tachu to yaina yariarina cjiri catiina pano masa m̄uja m̄uhtaahca. Mari puhtoro Cohamacu ya yahua tjira ahri. 16 Ó sehe jirohca Jesu to tjua tachu: Mari puhtoro to basi tuaro sañurucu m̄uhtanohca. Ā jiro to anjoa puhtoro tuaro pisurohca. Ā to pisuchu Cohamacu to corneta bisiro coa tarohca. Ti ā yoachu Jesu yaina yariarina cjiri masa m̄uja m̄uhtaahca. 17 Baharo catiinare, yariarina cjiri mehne Cohamacu m̄uanopu me yehsea cururipu m̄ujachu yoarohca. To ā yoachu mari puhtoro Jesure piti bocanahca mari. Ā piti bocana jipihtia dachoripe mari puhtoro Jesu mehne jirucunahca mari. 18 Ahri yu yahurire m̄asa mehne macainare yahuga. Ā ni yahuna wahchenahca m̄asa jipihtina.

5 ¹ Yu coyea, Jesu to tjua tahti dachore “Ahri dachoi tjua tarohca” ni, m̄asare yahu joarocaro cahmaerara. ² Mipu m̄asa masino sehetu to tjua tahti dachore marine masihto basioerara. Yacariro ñamipu wacüenoca to yacaro taro sehetu ahri yahpapure mari puhtoro wacüenoca tjua tarohca. Ahrire m̄asa basita noano masina. ³ “Mipure mari noano jinocaja. Cuaro mariahna marine”, masa ti ni wacuchu dóicāta ñano waharohca tinare. To ā wahachu tina duhti masisi. Niji wahcōricoro wacüenoca to puríno t̄hoturo sehetu wacüenoca ā waharohca masare. ⁴ Yu coyea, m̄asa sehere ā wahasi. Yacariro wuhu purore to choriro sehetu m̄asa sehere ā wahasi. Jesu taro m̄asare chosi. Nahitianoi jiina ti ñu masieraro sehetu paina Jesure ne masierara. M̄asa sehe tina yoaro sehe jierara. ⁵ M̄asa jipihtina Jesu yaina jira. Ā jina buhriaroi ti ñu masino sehetu Jesu to tahtore masina m̄asa. Paina nahitianoi jiina sehetu tirore masieraina yoaro sehe jieraja mari. ⁶ Ā jina cariina yoaro sehe Cohamacure t̄ho nunueraina jiena tjijhna

mari. Paina ãta yoara. Tina yoaro sehe yoaena tjijihna mari. Caríeraina yoaro sehe quihõno yoaina, noano wacū masiina jijihna mari. ⁷ Caríina ñamipu carína. Ñ jia cahaina ñamipu cahara. ⁸ Mari sehe buhriaroi jiina yoaro sehe Jesure masiina jina, noano wacū masiina jijihna. Ñ yoa surara comaa suhtiro mehne to cutirore to sāa ducatariro sehetá Cohamacure wacū tuaga m̄usa, watñore to ducataheto sehe. Ñ yoana Cohamacure, paina cūhure cahiga. M̄usa ã yoachutá Cohamacu m̄usare ñu wihiborohca. Ñ jina m̄usare pichacapu wahaborinare Jesu to yuhdohtore “Potocá tjira”, niga m̄usa. M̄usa ã niina jichu surara to dapure comaa chapea mehne to pisa ducatariro sehetá watño m̄usare to ñano yoa duachu Cohamacu tirore ducatarohca. ⁹ To buhiri dahrehtinare marine beserari jire Cohamacu. Jesucristo mari púhtoro pichacapu wahaborinare to yuhdohtina cjihtire marine beseri jire tiro. ¹⁰ Jesu mari ya cjihtireta yariari jire tiro mehne mari jihto sehe. Catíina, yariaina cūhu tiro mehneta jiahca. Ñ jina jipihtina tiro mehne jinahca mari to yaina jina. ¹¹ Ñ jina m̄usa mehne macainare mipu m̄usa wahchechü yoariro sehetá m̄usa basita wahchechü yoaga tjoa. Ñ yoana m̄usa basita Cohamacure wacū tua namochu yoaga m̄usa mehne macainare.

Jesu yainare Paulo yahu batoaha

12 M̄usare buheinare, Cohamacu dutiare m̄usare yahuhtinare mari púhtoro buhe dutiro taro beseri jire. To ã ni beserinare noano ño payoga m̄usa. M̄usa ã ño payochu cahmacu tuaro dutija m̄usare. **13** Ti dahraare ti yoachu tinare cahia mehne noano ño payoga. Ñ yoa m̄usa mehne macaina mehne cahmacheno marieno jiga.

14 M̄usare sā coyeare, ahrire tuaro dutija: Dahra duaerainare dahra dutiga m̄usa. Cahyainare wahchechü yoaga m̄usa. Jesure wacū tuaera cureinare yoadohoga. Tina jipihtina mehne noano suaro marieno ji coaro jiga m̄usa.

15 Cäiro m̄usare to ñano yoachu ñuna tirore ñano yoa cahmaena tjiga. Ñ jina m̄usa mehne macainare, jipihtina paina cūhure noano yoaga.

16 Ñ yoana dachoripe ã wahcherucuga m̄usa. **17** Ñ jina Cohamacure ã sinirucuga dachoripe. **18** M̄usa ñano yuhdúpanahta Cohamacure wahche, “Noana”, niga. M̄usa noano yuhduri pja cūhure “Noana”, niga tirore. Ñ nina

Cohamacʉ to cahmano seheta yoana nica mʉsa. Cristo Jesu yaina mʉsa jichʉ ñʉno mʉsa ã nichʉ cahmana tiro.

19 Espíritu Santore yʉhti duaeraina jiena tjiga. **20** Espíritu Santo to masia mehne paina sehe mʉsare buhera. Ti ã buhechʉ tí buheare cahmaeraina jiena tjiga. **21** Paina mʉsare soro ti ni buhechʉ tí Cohamacʉ ya jierachʉ masiga mʉsa. Ñ jina Cohamacʉ ya buhea ti jichʉ cūhure masiga mʉsa. Ñ masina noaa buhea dihtare cahmaga. **22** Ñ yoana jipihtia ñaare cahmaena tjiga mʉsa.

23 Cohamacʉ marine noano jichʉ yoariro jira. Tiro to basi mʉsare to yainare noaina ñaa marieina jichʉ yoa namojaro mʉsare. Mʉsa pjacuri cūhure mʉsa catia cūhure noano ñʉ wihbojaro. Mari pʉhtoro Jesucristo ahri yahpapʉre to tjua tahto pano mʉsare Cohamacʉ noano ñʉ wihbojaro ñaare mʉsa yoaerahto sehe. To ã yoachʉ Cristo to tachʉ ñaa marieina jinahca mʉsa. **24** Ñata jichʉ yoarohca Cohamacʉ. Tiro mʉsare beseriyo to niriro seheta yoara.

Paulo cāhʉ noa dutirocaha

25 Sã ya cjijtire Cohamacure sini payoga mʉsa, sã coyea.

26 Mʉsa mehne macainare noano mehne piti bocasiniga.

27 Jipihtina Jesu yainare ahri tjure buhega mʉsa. Jesu mari pʉhtoro to dutia mehne ahrire mʉsare dutija yʉhʉ.

28 Jesucristo mari pʉhtoro to cahĩa mehne mʉsare noano yoajaro.

2 Tesalonicense

Paulo cāhū joarocaha Jesu yainare Tesalónica macainare

1 1 Yuhū Paulo, Silvano, Timoteo cāhū ahrire mūsare joarocaja tjoa. Mūsa sehe Tesalónica macaina mari Pucu Cohamacū yaina jira. Mari pūhtoro Jesucristo yaina cāhū jira mūsa. 2 Ā jina Cohamacū mari Pucu, mari pūhtoro Jesucristo mehne mūsare noa dutija. Cohamacū yoadohoa mehne noano jiga mūsa.

Ahri yahpapure Cristo tjua taro buhiri dahrerohca

3 Cohamacūre sinina Jesure mūsa wacū tuaare wacūna “Noabiara sāre”, nirucuja sā Cohamacūre. Sā ã nichū noa nina. Dachoripe Cohamacūre mūsa noano wacū tua namona niyuhca. Ā yoana dachoripe mūsa mehne macainare cahī namona niyuhca mūsa. Ā jichū Cohamacūre “Noabiara sāre”, sā nichū noa nina. 4 Paina mūsare ñano ti yoapachūta Jesure wacū tuarucuyuhca mūsa mipū cāhūre. Ā yoa tirore wacū duhuerayuhca. Mūsa ã yoachū ñuna tīre mūsa yoarire paina Cohamacū yainare wahchea mehne yahuja sā. 5 Ā wacū tuarucuna Cohamacū mari pūhtoro yaina mūsa jiri buhiri ñano yuhdūna niyuhca mūsa. Ā jiro pūhtoro Cohamacū to sūho jiropure waha dutira mūsare. To ã dutichū to quihōno yoariro jichū masija mari.

6 Ā yoa Cohamacū quihōno yoariro jira. Ā jiro mūsare ñano yuhdūchū yoaina sehere ñano yuhdūchū yoarohca tiro. 7 Ā yoaro mūsa ñano yuhdūrina cjiri jichū tiro mūsare noano jichū yoarohca. Sā cāhūre noano jichū yoarohca. Mari pūhtoro Jesu to yaina anjoa tuaina mehne, picha pohna mehne mūanopū bajuaro noano jichū yoarohca marine, ñano yuhdūrina cjirire. 8 Ā yoa Cohamacūre masierainare, mari pūhtoro Jesu to buheare noaa buheare yuhdūrūcarinare Cohamacū buhiri dahrerohca. 9 Cohamacū tinare õ sehe buhiri dahrerohca: Pichacapū tina ñano yuhdūrūcuahca. Ā jia tina tuariro mari pūhtoro Jesu cahai ne ji masierara. Ā jia tua yuhdūariro to jiare ñusi tina. 10 Āta waharohca tí dachoi Jesu

to tjua tahti dachoi. Tí dachoihta tiro tarohca noaina tirore wacū tuaina “Noariro, tuariro jira Jesu”, ni wahchea mehne ti ño payohto cjihtore. Mūsare sā buherire mūsa noano tūhore. (Â jina mūsa cūhū tiro mehne jinahca.)

11 Â jina Cohamacūre ã sini payorucuja sā mūsa ya cjihtire. Õ sehe ni Cohamacūre sini payoja sā: To cahmano seheta yoahthinare mūsare to cūriro seheta mūsa jihtina cjihtire sini payorucuja sā mūsare. Mūsa noaina ji duanata niyuhca. Â jina Cohamacū to tuaa mehne noaina mūsa ji duariro seheta mūsa jihto cjihtire sini payorucuja sā. Mūsa Cohamacūre wacū tuayuhca. Â wacū tuana to yare yoayuhca mūsa. Tíre mūsa noano yoa namohti cjihtire Cohamacūre sini payorucuja sā mūsare. 12 Â yoana mari pūhtoro Jesucristore painare ño payochū yoanahca mūsa. Mūsa ã yoachū Jesucristo yaina mūsa jichū ñūta paina ño payoahca mūsare. Cohamacū to cahīa mehne, mari pūhtoro Jesucristo cūhū to cahīa mehne ã waharohca.

Ñano yoarucurirore yahuha Paulo

2 1 Mipure mari pūhtoro Jesucristo ahri yahpapure to tjua tahtore, tirore mari cahmachu mari piti bocahtore yahu namo duaja yūhū. Õ seheta tuaro yahu duaja mūsare, sā coyea: 2 Paina mūsare õ sehe niboca: “Mari pūhtoro to tjua tahti dacho, pihtiri dacho jiropū nina”, niboca mūsare. Ti ã nichū tūhona, tūho cuaena tjiga. Â yoa tūho wisiena tjiga. “Cohamacū yūhūre ãta niri jire”, niboca mūsare pairo. Pairo cūhū mūsare buhero ãta niboca. Pairo cūhū ãta ni joarocaboca, “Yūhū Paulo tjija”, ni mahñjo joarocaro. 3 Paina mūsare ti ã mahñochū tūhoena tjiga mūsa. Tí dachoi ahri yahpa to pihtihto panocā payū masa Cohamacūre duhuahca. Â jiro tí dachoi ñano yoarucuriro pichacapū wahahtiro bajuarohca jipihtina ti ñūhtiro cjihtore. 4 Tiro Cohamacū warore, paina bajueraina masa ti ño payoina cūhūre jipihtina masare ño payo dutisi ñano yoarucuriro. Tiro õ sehe ni tūhoturohca. “Ahrina jipihtina bui pūhtoro jija yūhū”, ni tūhoturohca. Â jiro Cohamacū wūhū dujiryo “Yūhū sehe Cohamacū jija”, ninohca.

5 Mūsa mehne jisinicū tíreta yahui. ¿Tíre wacūerajari mūsa? 6 Mipure pairo sehe ñano yoarucurirore ne ji dutierasinina. Â yoa tirore ji dutierarirore masina mūsa. Tiro sehe to dutichū to quihōri dacho jichū ñano yoarucuriro bajuarohca. 7 Mipure masa ti ñūenoi tiro yoaro seheta paina ñiaare yoa tuhsūra. Ti ã

yoapachuta ñaare yoa dutierariro to wahahto pano tiro ñano yoarucuriro sehe jisi. **8** To wahari baharo pinihtare ñano yoarucuriota bajuarohca. Baharo mari puhtoro Jesucristo tirore yuhduruacarohca. Ahri yahpapu to si sitea mehne tjua taro, to dñsero mehne putirocaro, tirore wajã boarohca. **9** Ñano yoarucuriro sehe watino tuaa mehne taro, payu bajuamehnerire, mahnoa bajuamehnerire yoa ñonohca. **10** Payu ñaa to yoa ñoa mehne to ã mahnochu pichacapu wahahtina sehe tirore tñhoahca. Tina sehe noaa buheare cahmaerare. Ti ã cahmaerachu Cohamacu tinare pichacapu wahahtinare yuhdosi. Tina pinihta ñano yoarucuriro mahñoriro to yoarire “Potocã tjira”, niahca. **11** Å jiro noaa buheare ti cahmaerari buhiri Cohamacu tinare wisiomehnenoohca. Å wisiaa mahñoare cahmaahca tina. **12** Å jiro jipihtina noaa buheare tñho duaerainare, ñaa dihtare yoa ji coainare tirota buhiri dahrerohca.

**“Cohamacu mûsare beseha to yaina
jichu yoaro taro”, ni yahuha Paulo**

13 Mûsa sã coyea, mari puhtoro Jesu to cahîna jira mûsa. Dóipuha wahmanopureta mûsare pichacapu wahaborinare to yuhdohtina cjihtire Cohamacu beseri jire mûsare. Mûsare beseri jire Espíritu Santo to tuaa mehne to yaina ñaa marieina mûsare jichu yoaro taro. Å jiro noaa buheare “Potocã tjira”, nihtina mûsa jichu ñuno mûsare beseri jire. To ã beserina mûsa jichu ñuna Cohamacure wahche, “Noana”, nirucuja sã. **14** Noa buheare mûsare sã buhechu Cohamacu mûsare beseri jire mari puhtoro Jesucristo to masa mujariro seheta mûsa cûhu mûsa masa mujahto cjihtore.

15 Å jina yu coyea, noano wacu tuaina jiga mûsa. Å jina sã durucua mehne sã joarocaa pûri mehne mûsare sã buherire noano wacuga mûsa. Å yoa tí buheare yuhduruacaena tjiga. **16** Mari puhtoro Jesucristo to basi, Cohamacu mari Pucu cûhu marine cahia, jipihtia dachoripe marine wahchedchu yoare. Marine cahia marine pichacapu wahaborinare yuhdoahca. Å jina Cohamacu to yuhdohtore noano masina wahcheja mari. **17** Jesucristo, mari Pucu mehne mûsare noano yoajaro pjíro mûsa wahchehto sehe. Å yoa jipihtia noaare mûsa yoahto sehe, mûsa noano durucuhto sehe Cohamacure mûsare sini payoja.

**“Sā ya cjihtire Cohamacure sini payoga”,
ni joaha Paulo cūhu**

3 ¹ Mipu sā coyea, sā ya cjihtire Cohamacure sini payoga mari pūhtoro Jesu to buhea payu masare sā buhehto sehe. To buheare mūsa noano cahmariro sehetá paina cūhu tí buheare ño payoa mehne ti cahmahto sehe sini payoga mūsa Cohamacure. ² Cāinata Jesure wacū tuara. Paina sehe to yare tūho duaeraa, Jesure wacū tuaerara. Ā jina ñaina masa sāre ti ñano yoa duachu Cohamacure sini payoga mūsa sāre to yoadohohto sehe. ³ Mari pūhtoro Jesu to niriyo sehetá yoariro jira. Ā jiro mūsare tirore wacū tuachu yoarohca. Ā yoa tuhsu, watīno mūsare to ñano yoa dutichu tiro mūsare yoadohorohca. ⁴ Cohamacu mūsare to yoadohorire masija sā. Ā jina mūsare sā dutiriro sehetá mūsa yoachu cūhure masija sā. Ā yoa ãta yoarucunahca mūsa. Tí cūhure masija sā. ⁵ Cohamacu mūsare to cahíare mūsare masichu yoajaro. Ā jina Cristo yoaro sehe ñano yuhdūpanahta cūno pjaina jichu yoajaro mūsare mari pūhtoro.

Marine tuaro dahraro cahmana

⁶ Jesucristo mari pūhtoro to dutiro mehne õ sehe ni dutija mūsare: Jesu yainare dahra duaerainare, mūsare sā buheriro sehetá yoaerainare, tinare piti tieno tjiga. Ā ñūnocabga tinare. ⁷ Sohō jiri pja mūsa mehne sā jichu tuaro sā dahrachu ñure mūsa. Ā jina sā yoariro sehetá mūsa cūhure dahraro cahmana. Tíre noano masina mūsa. ⁸ Ā jina mūsa chūare wapa marieno chuerahi sā. Ā yoa dachopure, ñamipu cūhure tuaro dahrai sā “Mūsa chūare sā siniri”, nina. ⁹ Sā buheri wapa mūsare wapa cahmaboa sā. Ā wapa cahmaborina jipanahta wapa cahmaerana tuaro dahrai sā, mūsa sehe sāre mūsa ñu cūhto sehe. ¹⁰ Mūsa mehne jina, õ sehe ni buhei mūsare: “Dahraeraina chūea tjijaro”, ni buhei sā mūsare. ¹¹ Cāina mūsa mehne macaina ne dahra duaerayuhca. Ā dahra duaeraa, painare ā yahu wajamacanoca, caribobiaro yoayuhca tina. ¹² Mari pūhtoro Jesucristo to dutiro mehne ā dahra duaerainare õ sehe nija: Noano wahchea mehne dahrabaro tina ti noano jihto sehe, ti ya chūare ti chūhto sehe.

¹³ Sā coyea, mūsa sehe noaare yoarucuna pumena tjiga. ¹⁴ Cāina tó macaina ahrire sā joarocarire yuhdūrūcaboca. Ti ā

yoachu ti yoarire noano ñuga. Å ñuna tinare piti tieno tjiga ti buoro wahahto sehe. **15** Å piti ti duhupanahta tinare ñu tuhtieno tjiga. Tina musa coyea, Jesu yaina tjira. Ti å jichu ti yuhduracarire yahuga tinare tire ti yoaerahto sehe.

Paulo tinare noa duti batoaha

16 Mari puhtoro Jesu marine noano jichu yoariro mehne dachoripe noano jirucuga musa. Å jicu “Mari puhtoro musa jipihtina mehne jirucujaro”, nichu musare noa dutija.

17 Yuhu Paulo, yu wamomaca mehneta mipure yu basita joa batoai nija: Å joacu musare noa dutija. Jipihtia yu joarocaa purine õ sehe dihta yu wamomaca mehne joa batoaja yuhu. Yu õ sehe dihta yu joa batoachu ñuna yu joarocari pu to jichu masinahca musa. **18** Mari puhtoro Jesucristo to cahua mehne noano yoajaro musare jipihtinare.

1 Timoteo

Paulo Timoteore joarocaha

1 1-2 Yuhu Paulo ahrire mühure Timoteore joarocaja. Cohamacu marine pichacapu wahaborinare yuhdoriro jira. Jesucristo yare buhe dutiro to cüriro jija yuhu. To Pucuro, to Macuno Jesu mehne ti dutiriro sehetu ti cüriro jija yuhu. Jesuta marine yuhdora. Ä jina marine to yuhdohtore masina, tîre cohtaja mari. Mühure Timoteore Jesu yare buhei. Yu ä ni buhechü tûhocü Jisure wacü tua ducare mühu. Ä jicu mühu potocäta yu macu yoaro sehe jicuta nina. Cohamacu mari Pucu mehne, mari puhtoro Jesucristo mehne mühure noa dutija. Ä yoa mühure cahia, pja ñua ti yoadohoa mehne noano jiga mühu.

Paulo mahñoa buheare buhe dutieraha

3 Sohö jiri pjare Macedonia yahpapu wahacu mühure Efesoi cü yuhdu wahcái. Tói caina ti ya buheare mahñoa buheare buheina jire. Tí buheare mu buhe dutierahtiro cjihtore cüi yuhu mühure. 4 Tina ti mu sru ä buhemacanocahna. Ä yoa ti coyea panopu macaina cjiri ti mu sru ti buherire ä buherucura. Tí buhea mehne paina mehne cahma sayorucura. Cohamacu marine to dutirire noano yoachü yoaerara tina ä buhea. Cohamacu ya sehere yoana tirore wacü tuaja. Ä jicu ti mu sru ti buherire buhe dutierahtiro cjihtore cüi mühure.

5 Ä cüi mühure Jesu yaina painare ti cahíhti cjihtire. Naa buhiri mariea mehne, noaa wacua mehne, potocä Cohamacure wacü tuua mehne painare ti cahíhti cjihtire ä cüi mühure. 6 Caina ahri noaa buheare cohä tuhsu paye buhea sehere cahmana tjoa. Ä ti cahmachü, tí buhea sehere ti cahma sayochü to wahaerara. Tí buheare ti cahma sayoa yaba cjihti jierara. 7 Tina Cohamacu dutiare buheina ji duamana. Ä buhe duapahta tí buheare tina ti basi noano masierara. Tí buheare masiina yoaro sehe buhepahta tí buheare ne masierara tina.

8 Cohamacu dutiare Moise cjiro marine to cüri cjirire quihöno mari buhechü noaa dutia jira. Tíre mari noano masija.

9-10 Tí dutiare buhena ahrire masino cahmana: Tí dutia noaare yoainare ti buhehti cjihti jierara. Ahrina sehere ti buhehti cjihti jira. Puhloare cohā duainare, dutiare yuhdūrūcainare, ñaa dihtare yoainare, ñano buhiri tiinare, Cohamacure ño payoerainare, Cohamacu yare cahmaerainare, ti puchusumare wajainare, ti pocosānumia cūhure wajainare, paina masare wajainare, numia mehne ñano yoainare, mua mehne ñano yoaa numiare, cahma numia mehne ti ñano yoariro sehetamua sahsero o numia sahsero jipahta ti pjacuri mehne ñano yoainare, masa pohnare paina cūhure duhti yacainare, mahñoinare, painare mahñoa mehne yahusāinare Cohamacu dutia Moise cjiro marine to cūri cjiri sehe tinare buhehti cjihti jira. Å yoa paina jipihtinare noaa buheare yuhdūrūcainare buhehti cjihti jira Cohamacu to dutia. **11** Tí buhea noaa buhea sehe noariro Cohamacu to ya buheata jira. Tí buhea sehere yuhure Cohamacu buhe dutire.

Cohamacu Paulore to pja ñuare yahuha tiro

12 Å yu buhechū Jesucristo mari puhotoro yuhure tuaare waro yuhure yoadohora. “Paulo noano buherohca yu yare”, ni tħoture Jesu yuhure. Å jiro yuhure besero tirore yoadohohtiro cjihtore cūre yuhure. To å yoachū “Noana”, nija yuhu tirore. **13** Tó panopure Cristore yu ñano durucupachuta, to yainare ñano yu yoapachuta, tiro yuhure beseri jire. Tirore masierasinichu tirore ñano yoacu “Ñano yoai nica yuhu”, ni tħotueracħru. Yuhu å masierasinichu ñano tiro pja ñuare yuhure. **14** Å pja ñu, Cohamacu mari puhotoro yuhure tuaro cahino, noano yoare yuhure. Å yoa Cristo Jesure wacū tuachħu yoare yuhure tiro. Å yoaro painare cahicħu yoare yuhure Cohamacu.

15 Yuhu sehe paina yuhdoro ñaa yuhdūariro jimai. Naina mari jipachħta Jesucristo ahri yahpapu tari jire ñainare pichacapu wahaborinare yuhdohtiro cjihto. Tí potocā tjira. To å jiriro jichu jipihtina tħix masijaro. **16** Ñaa yuhdūariro yu jipachħta tiro yuhure pja ñu. Å pja ñu Jesucristo suaro marieno yuhure to noano yoarire masichu yoaro nire painare baharo tirore wacū tuahtinare masichu yoaro taro. Å wacū tuahtina mħanopu å jirucuahca. **17** Cohamacu jipihtia dachoripe masa bui puhotoro jira. Tiro ne yariaerara. Mari mehne to jipachħta tirore ñueraja mari. Tiro dihta Cohamacu

waro jira. “Potocāta noariro, tuariro jira tiro”, nijihna tirore. Jipihtia dachoripe tirore ño payojihna. Āta yoajihna.

18 Timoteo, yu macu yoaro sehe jira muhū. Ā jicu mipure ahrire muhure dutija: Mari coyea Jesu yaina Cohamacu yare yahu muhtaina baharo mu yoah tire ti ni muhtariro seheta muhure dutija. Cristo yare noano yahurucuga. Ā yoa ñano yuhdupaihta tirore wacu tua duhui tjiga muhū. Tuhsu, to yare quihōno buherainare poto yahuga duhuro marieno. 19 Jesure ā wacu tuarucuga. Ñaa buhiri marieriro jiga. Noaa dihtare yoaga. Caina tīre yoaeraa Jesu yare cohāna. Ā cohāa tirore wacu tua duhure. 20 Āta yoare Himeneo, Alejandro mehne. “Watino to cahmano seheta yoawahnojaro musare”, ni cui tinare, ñano Cohamacure ti durucu namoerahto sehe.

Cohamacure sini payoare yahuha Paulo

2 1 Mipure õ sehe ni dutija musare. Ahri wiho waro jierara: Jipihtina ya cjihtire Cohamacure sini payoga. Ā sini payona “Noana. Wahcheja”, niga Cohamacure. 2 Puhtoa, paina masa bui dutiina cūhu ti ya cjihti cūhure Cohamacure sini payoga, cahmachenno marieno Cohamacure ño payolina mari noano jihto cjihtore. Ā sini payona mari Cohamacu cahmaare, quihōno yoaina noano ji masija. 3-4 Tó sehe paina ya cjihtire mari sini payochu noa nina. Tíre mari yoachu ñuno Cohamacu marine yuhdohtiro sehe marine noano ñu jicoara. Jipihtina pichacapu wahaborinare to yuhdoina jichu cahmana Cohamacu. Ā yoa noaa buheare ti masichu cahmana tiro. Ā jiro paina ya cjihtire mari sini payochu wahchera tiro. 5 Cūirota jira Cohamacu. Ā yoa Cohamacure mari ñu tuhtichu Cohamacu cūhu marine to ñu tuhtichu bosariro cūirota jira. Tiro masunota jiriro, Jesucristota jira. 6 Wapamonore waparo seheta jipihtina ti ñaa yoari buhirire yariari jire tiro. Cohamacu to quihōri pjai tīre masare masichu yoari jire. 7 Tíre yahuhtiro cjihtore, Jesu to cūhtiro cjihtore tiro yuhure beseri jire. Judio masa jierainare Jesure wacu tuaare, noaa buheare buhehtiro cjihtore beseri jire yuhure. Potocāta musare yahui nija yuhu. Mahñoeraja.

8 Cohamacu yare noano yoaina jipihtiro macaina sehe Cohamacure ti sinichu cahmaja. Ā yoa tina suaro marieno, cahma sayoro marieno tiro mehne ti durucuchu cahmaja. 9 Ā yoa, numia sehere carera numia yoaro seheta ti suhti tiina

jichh cahmaja. À jia soro bajua pjoari ti pjoarire yoaea tjijaro. Uru dari busaa darire perla yapari dari cuhure busaea tjijaro tí numia painare “Goa pjachh yoari”, nia. À yoa wapa bujua suhtire sâaea tjijaro tina Jesu ya numia. Painare goa pjachh yoaa numia jiea tjijaro. 10 À yoa tí numia noaa sehere yoajaro. Ata yoaro cahmana “Cohamacu ya numia jija”, nia numiare.

11 Dihta marieno ño payoa mehne buheare tuhojaro tí numia. 12-14 À jia numia muare buhea tjijaro. À yoa muare dutiea tjijaro. Tí numia sehe dihta mariea numia jijaro. Adâore Cohamacu bajuamehne muhtari jire. To baharo Evare bajuamehneri jire. À yoa watîno to mahnochu tuhori Adâo jierari jire. To mahnochu tuhoricoro sehe Eva jiri jire. À to mahnochu tuhoro, Cohamacure yuhdurucaricoro wahari jire ticoro. À jia numia sehe muare dutiea tjijaro. 15 Numino ji muhtaricoro to yuhdurucapachhta numia ti pohna tichh ñano tinare Cohamacu yoadohorohca. Tí numia pohna tia numia sehe Cohamacure ti wacu tuarucuchh tiro yoadohorohca tinare. À yoa masare, Cohamacu cuhure ti cahrucuchh, noaa numia ti jirucuchh, quihõno yoaa numia ti jichh Cohamacu tinare yoadohorohca.

Jesu yaina puhtoa ti yoah tire yahuha Paulo

3 1 Masa Jesu yaina puhtoa ji duaa, noaare yoa duaa nica tina. Tí potocâta jira. 2 Jesu yaina puhtoare besecu õ sehe jiinare besega: Buhiri marieinare besega “Paina tinare ñano ni yahusâri”, nicu. À yoa câa numiata namo tiinare, noano tuho masiinare, quihõno yoainare, paina ti ño payoina, masare wahchea mehne ti wuhure sâa ta dutiinare, painare noano buhe mihniinare besega muhu. 3 À besecu cahaerainare, cahmacherainare, masare noano yoainare, cahma sayoerainare, niñerure caherainare besega muhu. 4 À yoa mu beseina ti ya wuhu macainare noano yahuina, ti pohnare noano ño payoa mehne yuhtichh yoaina, noano yahuina jijaro. 5 Tinare yuhtichh yoa masiera, noano yahu masiera, Jesu yaina cuhure noano yahu, yuhtichh yoa masieraboca tina. 6 Jesu yaina puhtoa ji duaina Jesu yaina wahma sâaina jia, tina puhtoa ji masierara. Wahma sâainare Jesu yaina puhtoa musa cûch tina “Noa yuhduaina jija”, ni tuhotuboca. Ti ã ni tuhotuchh Cohamacu tinare buhiri dahre dutirohca watînore to yoariro seheta. Watîno cuhu ãta ni tuhotua timaha

Cohamacʉre yuhdʉrʉca duaro. 7 Ñ yoa pʉhtoa ji duaina Jesu yaina jieraina ti ño payoina jiro cahmana tinare. Noano yoaina ti jichʉ ñua paina ño payoahca tinare. Ñ jia masa tinare ñano quiti dahresi. Ñ jiro watñō tinare dojomehne masisi.

Jesu yainare yoadohoina ti yoah tire yahuha Paulo

8 Ñ yoa Jesu yainare yoadohohtina sehere beseçʉ õ sehe jiinare besega: Tina masa ti ño payoinare, noano potocāta durucuinare, cahaerainare, niñerure cahíerainare, mahñoa mehne wapata duaerainare, 9 Cohamacʉ to yahuri buhea to nino seheta yoainare, ñaa buhiri marieinare besega mʉhʉ.

10 Tinare mʉ besehto pano Jesu yainare yoadohoina ji duainare ti yoarire ñuga mʉhʉ. Tinare mʉ ñ ñuri baharo tina sehe ñaa buhiri marieina, ñaa yoaeraina jia, Jesu yainare yoadohoina sãajaro tina. 11 Ñ yoa ti namosãnumia õ sehe ti jichʉ cahmaja mari. Masa ti ño payoa numia, masa noaa numia, ñano quiti dahrera numia, tʉho masia numia, jipihiare noaare yoarucua numia ti jichʉ cahmaja mari. 12 Jesu yainare yoadohohtinare beseçʉ cãa numiata namo tiinare, ti pohnare paina ti wʉhʉ macaina cʉhʉre noano yuhtichʉ yoainare besega. 13 Ñ jia mʉ beseina Jesu yainare ti yoadohochʉ paina tinare noano ñʉ ji coaadca. Ñ jia tina yoadohoina sehe noaa buheare, Jesucristore ti wacū tuaa cʉhʉre cuiro marieno bueahca tina.

Cohamacʉ ya buheare yahuha Paulo

14-15 Mipʉre mʉ cahapʉ waha duai nimaja. Ñ waha duapaita mipʉre wahaerasinicʉ ahri pūi yahu, mʉhʉre joarocai nije. Jesu yaina cahmachuina watoi mʉsa dohse yoahtore mʉhʉre yahu joarocai nije, “Michapucaca yʉhʉ wahaerasiniboca”, nicʉ. Jesu yaina Cohamacʉ catiriro yaina jira. To yaina potocā jia buheare Cohamacʉ ya buheare cjʉara. Ñ cjʉaa, tíre buherucura. 16 Ahri potocā tjira. Marine Cohamacʉ to buheri cjiri, panopʉ mari noano masierari cjiri noa yuhdʉa buhea jira. Ahri buhea õ sehe jira:

Tiro Cristo mari pjacʉ seheta pjacʉ tiriro masa
baujari jire.

Noariro, ñaa marieriro to jichʉ ñore Espíritu Santo
sehe.

Anjoa cʉhʉ tirore ñuri jire.

Ã yoa buhe duti to cûrina paye yahpari macainare
to yare buhei sâ.
Ã jia ahri yahpai masa payu tirore wacû tuare.
Baharo muanopu Cohamacu naahre tirore.
Tí jira noaa buhea.

Noa buheare cohârina cjirire yahuha Paulo Timoteore

4 1 Espíritu Santo ahrire noano yahura: Pihtiri dacho panocâ
câina masa Jesu ya buheare cohâahca. ã cohâa mahñoa
buheare watia ya buhea sehere tûho nûnahca tina. 2 Tí
buheare mahñorucuina yahuahca masare. Tina mahñorucuina
sehe “Ñaa buhiri mariahna sâre”, ni tûhotuina jira. ã jia tina
ti ñaa yoaare ne tûhotuerara. 3 Õ sehe ni buheahca tina:
“Namo tieno tjiga. Ahri chuare chueno tjiga”, ni buheahca tina.
Ti ã chuare dutierapachuta Cohamacu chuare bajuamehneno
mari chuhti cjihtire noaare cûri jire tiro. Mari Cristore wacû
tuaina jichu noaa buheare mari masiina jichu, mari ya cjihtire
tí chuare bajuamehnea tiri jire tiro. Tí chuare ejuhana tirore
“Noana”, mari nichu cahmana tiro. 4 Jipihtia Cohamacu to
bajuamehneri cjiri noaa jira. ã jina to bajuamehneri chuare
nana, Cohamacu “Noana” nina, tîre marine cohâeraro
cahmana. Tîre marine chu ji coaro cahmana. ã jicu paina ti chu
dutierachu tûhoech u tjiga tinare. 5 To bajuamehnea noaa ti jichu
yahu tuhsua tiri jire Cohamacu. ã jia tirore “Noana”, mari ni
wahcheri baharo tí chua to yoari chua noaa waro jia nina.

Jesucristore dahra cohtarirore noariore yahua Paulo Timoteore

6 Ahri yu yahurire Jesu yainare mari coyeare buhech
Jesucristore dahra cohtariro noariro jira muh. ã buhech noaa
buheare, quihôno mu tûhori cjirire muhure ti yahuriro sehetia
noano mu masirire yahuriro jiihca muh. 7 ã jicu ti mu suro ti
buherire, Cohamacu ya jieraare tûhoi tjiga. Cohamacu cahmaa
sehere yoaporiro jiga muh. 8 Mu muocapochu noa curera.
Mu muocaporiyo yuhdoro Cohamacu cahmaare mu yoapochu
noa yuhduara muhure. Cohamacu cahmaare yoapochu mipure
noano jiihca muh. Mu yariari baharopu cuhure masa mujacu
noano jiihca muh. 9 Tí potocâta jira. Jipihtina tîre yu nirire
masiinare “Potocâta jira”, nino cahmana tinare. 10 Jipihtina
tîre ti nihti cjihtire Cohamacu cahmaare ti yoahti cjihtire mari

tuaro dahraja. Å jina ñano yuhdija mari, paina marine ñano ti yoachu. Cohamacu catiriro, jipihtinare pichacapu wahaborinare yuhdoriro jira. Tirore wacu tuaina pinihtare tiro yuhdorohca. Å jina to yuhdohto cjihtore masina, cohtaja mari.

11 Ahri jipihtia yu nirire dutiga Jesu yainare. Å yoa tire buhega muh. 12 Wahmuno mu jichu ñua paina Jesu yaina muhure yuhduruaca duaboca. Ti å yoaerahto sehe õ sehe yoa ñoga tinare. Masare cahiga. Å yoa Jesure wacu tuarucu, buhiri marieriro jiga. Wahmuno jipaihta mu å yoachu ñua muhure yuhduruacasi tina. Å jia mu durucurire thoa, mu yoarire ñua muhure ñu cüahca. 13 Å jicu mu cahapu yu suhto pano Jesu yainare Cohamacu yare ti joari püre buhe tuhsu, musa cahmachupe tahari tinare å yahurucuga. 14 Jesu yaina mehne macaina pühtoa Cohamacu yare yahu tuhsu mu bui ti wamomacarine duhu payore. Ti å duhu payochu Cohamacu ya cjihtire mu yoa masihto sehe cüre muhure Cohamacu. To å cürire boecu tjiga. Å yoa tire å yoarucuga.

15 Ahri dutiare tuaro cahmaga. Å cahmacu ahri dutiare å yoarucuga muh. Mu å yoari baharo noaare mu yoa namochu jipihtina ñuahca. 16 Muh sehe noano yoaga, “Soro yoari”, nichu. Å yoa noano buhega muh, “Soro buheri”, nichu. Å jicu mu basita pichacapu wahaboriro yuhdoriro jiihca. Å jia muhure tuhorina cühu pichacapu wahaborina yuhduruina jiahca.

“Paina Jesu yainare õ sehe yoaga muh”,
niha Paulo Timoteore

5 1 Ne bñchore tuhtiecu tjiga. Mu pñcure mu noano yoari sehetu bñchro cühure noano mehne yahuga. Å yoa mu bahanare mu noano yoari sehetu wahma yapia cühure noano ño payoro mehne tinare yahuga. 2 Å yoacu mu pocore mu noano yoari sehetu bñchro numia cühure noano ño payoa mehne yahuga. Mu bahana numiare mu noano ño payoriro sehetu nuhmia cühure ñano goa pjaro marieno, noano ño payoa mehne yahuga tina numiare.

3 Å jicu wapewahyaa numiare potocata pjacua numiare ño payoa mehne yoadohoga tí numiare. 4 Wapewahyoro pohna tiricoro to jichu, o panamana tiricoro to jichu cühure tina sehe ticorore yoadohojaro. Å yoadohoja Cohamacu masare ti coyeare to yoa dutirire yoa nina tina. Å yoa tina ticorore ti wapamonore wapaa nica ticoro to bñchori wapa. Ti å yoachu

ñuno Cohamacu noano wahchera. **5** Pjachoricoro, wapewahyoro coyea marienicoro jiro, Cohamacu ticorore to yoadohohto cjihtore cohtara ticoro. **6** Jiro ñaminipe, dachoripe ticoro Cohamacu mehne ã durucurucura. **7** Pacoro sehe wapewahyoro ã yoamacanocaricoro carericoro jiro, ticoro catiricoro jiparota pichacapu butihticoro ji tuhsra. **8** Ahri jipihtia yu yahurire Jesu yaina cuhare yoa dutiga muh, noaa dihtare ti yoahti cjihtire. Ti ã yoachu ñha paina tinare “Ñano yoaa nina”, ni masierara. **9** C*ü*iro to coyeare ñu wihboeraro, to pohna, ti pocoro cuhare noano ñu wihboeraro “Jesu yairo jija”, ni masierara. **10** Jiro Jesure cahmaeraina yuhdoro ña yuhduariro jira tiro.

9 Wapewahyaa numiare yoadohonahca musa. Õ sehe besega musa yoadohohti numiare. Ti wamare joa õhti pui joai tai õ sehe besega tí numiare: Sesenta cuhmari sueraricorore to wamare joa õi tjiga. Tuhsu, tó pano puaro cjirore manu tircoro wape wahyoro to wamare joa õi tjiga. C*ü*irota manu tircoro wapewahyoro wamare joa õga. **10** Tí numiare, “Noaare yoaa numia jira”, masa ti nia numiare, ti pohnare noano buchoa numiare besega. **11** A yoa tuhsu, ti wuhusei painare noano sãa ta dutia numiare, dahra cohtaina yoaro sehe Jesu yainare yoadohoa numiare, ñano yuhduinare yoadohoa numiare, noaa dihtare yoaa numiare besega. Tí numiare musa yoadohohti numiare bese tuhsucu, ti wamare joa õga muh.

11 Wiho mejeta wapewahya numia nuhmia curero ti jichu tí numia sehere besei tjiga. **12** Jicu tí pui ti wamare joa õi tjiga. Baharo tina muare goa pja, Cristore cohã, pari turi manu tiboca. **13** Tina Cristore “Pari turi manu tisi sã. Mu yainare yoadohonahtja”, niri numia jipahta baharopure ti niriro seheta yoaeraboca tí numia. Ti ã yoaerari buhiri buhiri tiahca. **14** Tí numia õ sehe yoaa numia jira: Dahraera numia jipora. **15** A jia paina ya wuhusepu waharucu, ñaa quiti dahre, tí numiare mari sinituerapachuta tí mu suro mari jia tiare ã yahurucura. Tuhsu, ti yahu dutierari cjirire yahura tí numia. **16** A jicu ti õ sehe yoachu cahmaja yuh: Wapewahya numia nuhmia curero jia numia manu tijaro. **17** A manu tia, pohna tijaro. Ti ya wuh macainare noano ñu wihbojaro. Mari ya numia wapewahyaa numia ti ã yoachu marine ñu tuhtiina marine “Ñaare yoaa nina”, ni tuhti masierara. **18** Mipu pinihfare cãa numia

wapewahya numia Cristo yare duhu, watīno cahmaa sehere yoa tuhsūra. Ā jicū ã ni yahuja mūhūre.

16 Jesu yaina ti coyeacoro wapewahyoro to jichū tina to coyea ticorore yoadohojaro. Paina Jesu yaina sehe ticorore yoadohoea tjijaro. Ā jia tina paina Jesu yaina ticorore coyea cjhāricorore yoadohoeraa, paye numia wapewahya numia coyea mariea numia sehere yoadoho masina.

17 Jesu yaina pūhtoa mūsare ti noano buhechū ti dahraare ti noano yoachū ñuna ji coaro mehne ñūga tinare. Ā yoa noano wapaga tinare. Cāina tina mehne macaina Cohamacū yare yahuina, mūsare buheina cūhū jira. Tina pinihtare paina yūhdoro ji coaro mehne ñūga. 18 Cohamacū yare ti joari pūi õ sehe nina, dahrarirore ti wapahtore yahuro: “Wachū trigo yaparire to dahpori mehne suhti werirore to chū duachū to dūserore dūcataena tjiga”, ni joaa tiri jire. Ā yoa pa pūi õ sehe nina: “Dahrarirore to dahrari wapare waro cahmana”, nina Cohamacū yare ti joari pūi. (To ã nichū tūhona Jesu yaina pūhtoare ji coaro mehne ñū, noano wapaga tinare.)

19 Jesu yaina pūhtorore to ñano yoachū ñūno cūriota paina Jesu yaina cahmachuinare yahusā masierara. Pūhtoro to ñaare yahusāhtina tiaro jia, tirore yahusā masina. Tiaro mariachū pūaro yahusā masina. 20 Ā yoa ñaare yoarucurirore jipihtina mūsa watoi to jichū tirore tuhtiga, cuia, paina ñaare ti yoaerahto cjihtore. 21 Ā jicū Cohamacū, Jesucristo, to beserina anjoa cūhū ti ñūrocaroi ahrire dutija mūhūre: Mipū mūhūre yū dutiri cjurire yoa pahñoga. Ā yoariro jicū jipihtinare Jesu yainare cūno potori yoaga. Pairore soro, pairore soro yoai tjiga. 22 Painare Cohamacū dahraare mū cūhti cjihtire ti bui mū wamomacarine mū duhu payohto pano soaro marieno noano tūhotu pahñō, tinare besega. Tina ñaina jiboca. Ā jiihare Cohamacū dahraare cūi tjiga. Ā cūcū mūhū cūhū mū beseina ti ñaare yoaro seheto yoai nica. Tó sehe yoai tjiga. Ā yoa ñaa marieriro jiga mūhū.

23 Sūroca pjaro cariro jira mūhū. Mipūre co dihtare sihnimana mūhū. Ā jicū mahanocā vino cūhūre sihniga mūhū. Co jira tí.

24 Cāina ti ñaare yoachū mari ñūja. Ā jina Cohamacū tinare to buhiri dahrehtore masija mari. Paina sehere ti ñaa yoarire mari masieraja. Ti ñaa yoarire baharo masinahca. 25 Tó seheto cāina noaare ti yoachū tīre mari masija. Paye ti noaa ti

yoaerarire mari masierapanaha baharo masinahca mari. Tíre n̄uohto basierara.

6 ¹ Dahra cohtaina Jesu yaina sehe ti p̄uhtoare noano ño payojaro. Ti ã ño payochu ñua paina Cohamacure, mari buhea cūhure ne ni dojomehne masierara. ² Ti p̄uhtoa Jesu yaina ti jichu ñua tinare dahra cohtaina sehe Jesu yaina jia, tinare ñupoa ño payoeraboca. Å yoaeraro cahmana. Ti p̄uhtoa Jesu yaina ti jichu pinihtare tinare dahra cohtaina noano ño payojaro tinare. Å ño payoa dahra cohtaina sehe Jesu yainare, ti cahiiñare ti coyeare yoadohoa nina. Ti p̄uhtoare Jesu yainare dahra cohtaina jia, Jeshire cahmaerainare ti ño payoriro yuhdoro Jesu yaina sehore ño payojaro p̄uhtoa ti cahiiña ti jichu. Ahri yu yahurire buhega. Å jicu ahrire dutiga.

Cohamacure ño payoa cūhure noano jia cūhure yahuha Paulo

³ Soro jia buheare buheriro mari p̄uhtoro Jesucristo ya buheare noaa buheare “Potocā tjira”, ni t̄uho duaerara. Å t̄uho duaeraro, mari ya buheare Cohamacure ño payoa buheare cahmaerara. ⁴ Å jiro tiro “Masi pahñoriro jija”, neparota tíre ne masierara. Å masieraro, t̄uho masierariro yoaro seheta tuaro cahma sayo duara tiro. Å yoa Cohamacu yare ã nimacanoca sayorucuriro tjira. Masa tiro yoaro sehe jiina cahma sayoa, paina ti noano wahachu ñu tuhtia, cahma ñu duaeraa, noano mehne jierara. Tuhsu, painare ñano quiti dahre, masierapahta masare ñano ni t̄uhotura tina. ⁵ Tina ñaa dihtare t̄uhotuina, potocā jiare ne masieraina ã cahma sayorucuina jira. Å yoa “Cohamacu yare buhena niñerure wapatanahca mari”, ni t̄uhotura tina. ⁶ Mari ya mahanocā mari cjuua mehne wahchena, Cohamacure ño payona, to cahmano seheta yoana, potocātua noano jina nija. ⁷ Ahri yahpapure masa bajuana ne paye barore na taerah mari. Å yoa mari yariari baharo wahana ne paye barore naa masieraja mari. ⁸ Å jina mari ch̄uare mari suhti cūhure cjuana payere cahma namoena t̄ijihna. Mari cjuaro purota wahchejhna mari. ⁹ Pache p̄ua ji duainare watino ñaare to yoa dutichu tina sehe jiape ñaare yoarucuina jiboca. Å yoaa tina payu tahari t̄uho masieraina seheta paye barore tuaro cahmaa, ñaa yoaare duhueraa, ti basita ñano yuhdura. Å duhueraa pichacapu wahaahca tina. ¹⁰ Niñerure tuaro cahmaa, jiape ñaare yoa ducara masa. Câina niñerure

cahia, tuaro cahmaa, Jesure wacu tua duhua, payu tahari ñano yuhdura tina.

Cohamacu yare yoana ñaare duhuga

11 Muhu pini Cohamacu yairota jira. A jicu ahri ñaare yoai tjiga. Noaa sehere cahmaga. Cohamacu yare yoaga. A yoacu Jesure wacu tuaga. Painare cahiga. Ñano yuhdupaihta cuno pjaga. A yoa painare noano dero yoaga. 12 Surara cahmachero tuaro to yoariro sehera, muhu cuhucu Cohamacure wacu tuacu to yare tuaro yoaga. Muhanopu a jirucuhtiro cjihtore Cohamacu beseri jire muhure. A jicu Cohamacure mu wacu tuaare payu masare noano yahuhire muhu. A jicu ñano yuhdupaihta tirore wacu tua duhui tjiga. Muhanopu a jirucuhtiro jiga. 13 Cohamacu jipihtinare, jipihiare jichu yoariro jira. Jesucristo sehe Poncio Pilatore Cohamacu yare noano yahuriro jira. A jicu tina Cohamacu, Jesucristo cuhucu ti ñurocaroi ahrire muhure yoa dutihtja: 14 Muhure Cohamacu to dutirire yoa pahnnonocahga. Jesucristo to tjua tahto pano masa muhure ñaare ti ne yahuaserahto cjihtore to dutirireta yoarucuga. 15 To quihoriroihta Cohamacu Cristore tjua tachu yoarohca. Cohamacu noariro, tiro dihta masare dutiriro jira. A jiro jipihtina paina puhtoa ti bui puhtoro jiriro jira tiro. 16 Tiro dihta ne yariaerariro jira. To si sitea mehne jiriro jira. To si sitea cahapu waha masierara masa. A yoa tirore masa ne ñuerare. Mipu cuhure tirore ñuerara. Tiro sehere no payojihna. A jina “Jipihtia dachoripe tuariro jira tiro”, nijihna tirore. Ata yoajihna.

17 Ahri yahpa macaina pache puare o sehe ni dutiga muhu: “Painare yuhdurecaja”, ni ti basi tukhotuea tijaro tina. Ti pache ti cjuaa pihtia wahaahca. A jia ti cjuaa dihtare wahchea tijaro. Cohamacu sehere tuaro wahchejaro. Jipihtia pototi mari cahmaare wariro jira tiro. Tiro sehere wacu tuajaro tina pache puu. 18 A jia tina noaa sehere yoajaro pjiro noaare yoaina ti jihto sehe. A yoa ti cjuare waina jijaro. 19 Ti a yoachu muhanopu Cohamacu cahai ti ya jiahca. Ti ya topu jia, ne butisi. A jia topu a jirucuahca tina.

Paulo Timoteore duti batoaha

20 Timoteo, muhure Cohamacu to cūrire to buhe dutirire noano yoanohbu. Boi ninohbu muhu. Caina masa Cohamacure

cahmaeraina yoaro seheta mahñoare, tūho masieraina ya buheare durucurucura. Ñ durucua “Noano masiina ya buhea jira”, nimana tina. Ñ ti ni durucuare tūho nūnūi tjiga. 21 Cāina tí durucuare tāho nūnūina Cristo yare cohānocare. Cohamacu to cahīa mehne mūsare noano yoajaro.

2 Timoteo

Paulo Timoteore pari turi joarocaha

1 1 Yuhu Paulo, ahrire mühure Timoteore joarocaja tjoa.
“Jipihtina Jesucristore wacū tuaina mhanopu ã jirucuahca” ni, cüre marine Cohamacu marine yuhdutchu yoariro. To ã ni cürire yahuhtiro cjihtore yuhure bese cüre Jesu. ã cuno Cohamacu to cahmano seheta yoaro nire yuhure.
2 Muhu Timoteo yu cahíriro jira. Muhure Jesu yare yu buhechua tühocu tirore noano wacū tua dñcare mühu. ã jicu yu macu yoaro sehe jira mühu. ã jicu Cohamacu mari Pucu, mari pühtoro Jesucristo mehne mühure noa dutija. ã yoa mühure pja ñua, cahia tina ti yoadohoa mehne noano jiga mühu.

Masare Cristo yare ti yahurire yahuha Paulo

3 Namipu dachopu cühure Cohamacu mehne durucucu mu ya cjihtire sini payocu mühu mehne wahcheja. ã wahchecu Cohamacure “Noana”, niya yuhu. Panoru macaina yu coyea Cohamacu yare ti yoariro seheta yuhu cühu “Buhiri tija”, ni tühoturo marieno mipure to yare yoaja. 4 Sohõ jiri pjare yu wahachua mu tii nunu tirire wacucu mühure tuaro ñu duaja mühu mehne noano wahche duacu. 5 ã jicu Jesure potocata mu wacū tuarire wacuja yuhu. Mu ñuchocoro Loida, mu poco Eunice cühu Jesure wacū tua mühare mu pano. ã yoa mipure mühu cühu tirore mu wacū tuachu noano masija yuhu.

6 ã jicu ahrire mühure wacuchu yoa duaja. Mu bui yu wamomacarine yu duhu payochu Cohamacu yare mu yohti cjihtire tuaare ware mühure. Tí tuaa mehne yoa namoga mühu. 7 Cohamacu marine Espíritu Santore wari jire. ã jiro masare marine cuierachu yoara Espíritu Santo. ã yoaro tuaina, masare cahíina, taho masiina marine jichu yoara tiro. 8 ã jicu mari pühtoro ya cjihtire painare yahucu, buo tiecu tjiga mühu. Yuhu to yare yu yoari buhiri peresui jiriro jija. Peresui yu jichu yuhure buo tisääi tjiga mühu. Wiho mejeta noaa buheare mu buheri buhiri ñano yuhduschu “Noanohca”, niga mühu cühu. Mu ã ñano yuhdutchu Cohamacu mühure

yoadohorohca. 9 Cohamacu sehe marine pichacapu wahaborinare yuhduchu yoare. À yoa noaina to yaina jihtina cjihtire tiro besea tiri jire marine. Mari noano yoari mehne besera tiri jire marine Cohamacu. To mu suro to cahmariro seheto yoaro ahri yahpare to bajuamehnehto pano marine cahîno, tiro marine besea tiri jire. Marine à cahîno marine yuhduchu yoahtirore Jesucristore warocari jire Cohamacu. 10 Mipure Jesucristore marine yuhduchu yoahtirore warocaro, marine potocâta to cahîare noano masichu yoaro niri jire Cohamacu. Jesu marine to yainare pichacapu wahaerachu yoare. À yoaro “Yuhure wacû tuana Cohamacu mehne à jirucunahca” nino, buhriaro marine to ñu masichu yoaro seheto noaa buheare marine masichu yoaro tari jire tiro.

11 Tí buhea noaa buheare yahuhtiro cjihtore to cûhtiro cjihtore besea tiri jire yuhure. 12 À to beseriro jicu mipure ñano yuhduja yuhu. Ó sehe ñano yuhdupacuta yuhu buo tieraja. Yuwacû tuarirore Jesure masija yuhu. Tuariro jira tiro. À jiro yuhure to yare buhe duti cûno noano yoadohorohca yuhure. À yoa ahri yahpapu to tjua tahto pano, “Muhure yuhduchu yoaihtja”, to niriro seheto sohtori tiarohca yuhure. Yuhure yuhduchu yoarohca tiro. Tíre noano masija.

13 Muhure noano yuyahurire yoa pahñoga. Cristo Jesu yaina jina tirore noano wacû tuaja mari. À yoa painare noano cahîja. À jicu tirore à wacû tuarucuga muhu. Tuhsu, painare noano cahîrucuga. 14 Espíritu Santo mari mehne jiriro to yoadohoro mehne noaa buheare noano yoaga. Quihõno buhega. Soro ni buhecu tjiga.

15 Jipihtina Asia yahpa macaina Jesu yaina yuhure yoadoho duaeraa cohâ wahcâa wahare. Tina mehne macaina puaro Figelo, Hermógenes àta yoare tina cûhu. Ti à cohâ wahcârire masi tuhsura muhu. 16-17 Ti à cohâpachuta Onesíforo sehe payu tahari yuhure yoadohoro noano yajeri sâachu yoare. À yoaro peresui yujichu tiro yuhure buo tisâerare. À jiro Romai yujichu à macarucuri jire yuhure. À macarucuro yuhure bocare. À jiro tirore, jipihtina to ya wuhu macaina cûhure pja ñuñohca Jesu mari puhtoro. To à yoahto sehe tirore sini payoja. 18 À yoa ahri yahpapu Jesu mari puhtoro to tjua tahti dachoi tirore pja ñuñohca. To à yoahto sehe tirore sini payoja. Efesoi payu tahari yuhure to yoadohorire noano masina muhu.

Ñano yuhduparota Jesu yairore cūno pjaros cahmana

2 1 Muhu sehe yu macu yoaro sehe jiriro, Jesucristo marine noano yoariro to yoadohoro mehne tirore wacu tuarucuga.

2 Ayoacu payu masare yu buherire mu tuhorire paina cuhure buhega muhu. Tina mu buheina Cohamacu yare yoarucuina jijaro. A jia painare buhe turiaina jijaro.

3 Surara ñano yuhduparota to cūno pjariro sehetu muhu cuhu Jesu yairo jicu ñano yuhduch cūno pjaga muhu. 4 Surara to puhtoro dutia sehere yoara tirore wahchechu yoaro taro. A yoaro tiro surara jieraina yoaro sehe wiho jiare yoarerara tiro. (Muhu cuhu to sehetu Cohamacu dutia dihtare yoaga.)

5 Murocaperiro muroca dutiina ti dutiare quihono yoareraro to muroca yuhduri wapare na masierara. (A jicu murocaperiro ti dutiare quihono to yoariro sehetu Cohamacu dutiare quihono yoa pahnoga muhu.) 6 A yoa wese dahrariro wapu tiro mehne noano dahrariro sehe ti wese maca dichare noano na muhta, noano wapatara. (A jicu muhu cuhu tiro yoaro sehe Cohamacu yare mu noano yoachu tiro muhure noano yoarohca.)

7 Jipihtiare noano masichu yoarohca Jesu mari puhtoro muhure. A jicu mipure muhure yu nirire noano wacu tihotuga.

8 A jicu Jesucristore wacuga. Tiro puhtoro Davi cjiro panopu macariro to panamino ji turiariro jia tiri jire. A jiro yariaro masa mujari jire tiro. Noaa buheare buhec to a waharireta buhei nija. 9 To yare buhec ñano yuhduja yuhu. A jicu tire yu buheri buhiri ñaare yoariro yoaro sehe peresupu jija yuhu. Yu a jipachuta Cohamacu ya durucuare buhe duhuch yoa masierara masa. 10 A yoa Cohamacu to beserinare buhec payu tahari ñano yuhduja yuhu, tina cuhu Jesucristo yaina ti jihi cjihire. To yaina jia tina pichacapu wahaborina sehe to yuhduch yoahtina jiahca. A jia tina Cohamacu mehne a jirucuahca.

11 Ahri yu yahuhti potocã tjira: Cristo crusapu to yariariro sehetu wahana, yariaina ti yoaaare ti duhuriro sehetu mari ñaa yoarire mari duhuna, Cristo mari mehne macariro a jirucurohca.

12 A yoa to yare mari yoari buhiri ñano yuhdupanahta cūno pjana puhtoro to suho jiropure tiro mehne puhtoata jinahca mari cuhu.

“Cristore sā masieraja”, mari nichu, tiro cāhu
marine āta ninohca.

13 Tirore mari yuhdūrūcachu ñuno to niriro seheta
marine yoarohca.

To niriro seheta yoariro jira tiro.
Ne mahñoerara tiro.

**Cohamacu to ñu ji coainare, to yare buheinare
yahuha Paulo Timoteore**

14 Ahrire mūhu mehne macainare wacūchū yoaga. Ti mu
suro durucu ti yuhdūrūcaa yaba cjihti jierara. Ā jia tinare
tuhoinare ñano yoachu yoaa, tinare dojomehnena. Ā jicu mari
puhtoro to ñuocaroi õ sehe ni yahuga tinare. “Ā ni durucuena
tjiga mūsa”, niga tinare. **15** Mūhu sehe Cohamacu yare noano
buhega. Ā yoa Cohamacu yare tuaro yoaga. Mu ã yoachu ñuno
“Noano yoare mūhu”, ninohca Cohamacu mūhure. Ā jicu mu
buherire to ñuchu bho tisi mūhu. Ā jicu to buheare noano
masiga mūhu. Tíre quihōno buhega. **16** Ti mu suro durucu
yuhdūrūcaina ñaare ã yoarucu, Cohamacu yare yoaerara. Ā
jicu ti ã ni durucuare ã ñunocabahga. Tinare tuhoi tjiga mūhu.
17 Tina ti durucua sehe camino to ñano baa mūjano yoaro
sehe jira. Camino to ñano baa mūjano seheta ti durucua cāhu
paina Jesu yainare ñaina wahachu yoaahca. Ā durucuina
mehne macaina Himeneo, Fileto cāhu jira. **18** Tina “Jesu yaina
masa mūja tuhsūhre”, ni buhea, noaa buheare duhunocahre
tina. Ā solo buhea cāina Jesu yainare tirore wacū tua duhuchu
yoahre tina. **19** Ti ã ñano buhepachuta Cohamacu ya buhea
sehe ne cohtotaerara. Ó sehe nina to buhea: “Mari puhtoro
Jesu to yainare masina”, nina. Ā yoa õ cāhure nina: “Jipihtina,
‘Jesu yaina jija’, niina ñaare duhunocajaro”, ni yahura
Cohamacu ya buhea.

20 Mari piti dahre buhechu masa pja wahwari yoaro sehe
jira. Pjiri wuhui uru, plata mehne ti yoaa wahwari jira. Tuhsu,
tí wuhui paye wahwari yucuchu mehne, dihi mehne ti yoaa
wahwari jira. Uru, plata mehne ti yoaa wahwari noaare ti
posahti jira. Paye wahwari wiho jiare ti posahti jira. **21** Ā yoa
ñaire yoarerario uru wahwa noari wahwa yoaro sehe jirohca.
Ā jiro tiro sehe Jesu ya dihtare yoarucuriro jirohca. Wuhu
puro noari wahwa mehne noaare to yoariro seheta, ñaire
yoarerario Jesu ya cjihtire noaare yoarohca.

22 Wahmhno jira mhu. **Ã** jicu wahma yapia ñaare goa pja ti yoariro seheto yoai tjiga mhu. **Ã** jicu noaare yoaga. Jesure wacu tuarucuga. Tuhsu, tirore, masa chure cahhga. **Ã** yoa mhu mehne macaina Jesu yaina mehne jicu cahmacheno marieno noano jiga mhu. Tina Cohamacu yhtiina tirore sinirucuina chu ãta yoajaro. **23** **Ã** jicu thoturo marieno ti durucu yhdrucaare mhu chu tho nunhi tjiga. Tuhsu, mhu chu durucu yhdrucaij tjiga. **Ã** durucu yhdrucaa masa ti basi cahma suara. **24** Cohamacu dahra cohtarirore durucu yhdrucaeraro cahmana. **Ã** yoa jipihtinare noano yoariro, buhe mihniriro, dicata suaerariro tirore jiro cahmana. **25** **Ã** jiro paina tiro mehne ti durucu yhdrucachu tiro tinare yahuro noano mehne suaro marieno yhtiro cahmana tirore. To ã yhtichu ñua Cohamacu to yoadoho mehne tina sehe ti ñaa yoaare cahyaboca. **Ã** jia noaa buheare masi ducaboca. **26** Tinare watuno sehe peresu yoaro sehe jiinare cjuamare to cahmaare yoahtina cjihtire. **Ã** jia quihõno ti thoturi baharo noaa buheare masia, watunore cohãnoocahca.

Pihtiri dacho cjihtore yahuha Paulo Timoteore

3 **1** Pihtiri dacho panocure ñano yhdruahca masa. Tíre noano masiga mhu. **2** Tí pjare masa painare wacu payoeraina, niñerure cahma yhdrucaina, “Painare yhdrucaja”, ni ti basi thotuina, tíre painare ã ni yahurucuina, Cohamacu ñano durucuina, ti pucsuumare yhdrucaina, ti wapachuta “Noana”, nieraina, Cohamacu ño payoeraina jiahca. **3-4** **Ã** jia masare cahheraina, paina mehne sua, tíre bo duaeraina, ñaa quiti dahreina, ti mu suro ñano yoarucuina, masare ã charucuina, noaare ñu yabiina, tina mehne macainare ñano yoaina, thotua marieina, “Masi pahhoina jija”, ni thotuina jiahca masa. Tina ñaare ti goa pjaare yoa ji coaina jia Cohamacu sehere cahmaeraina jiahca. **5** **Ã** jia tina masa ti ñurocaroi Cohamacu ño payopahta “Cohamacu wiho jiriro jira”, ni thotumana tina. **Ã** niinare piti tii tjiga mhu.

6 Tina mehne macaina tho masiera numia ya wuhusei saa, tí numiare mahhoare buhera. Tí numia sehe ã ñaare yoarucua numia, tuaro ñaare yoa duara. **7** Tí numia wiho jia buheare ã buherucua numia jia, soro jia buheare thoia numia jia, Cohamacu ya buhea sehere ne masierara. **8** Panopu Jane, Jambre yaya jirina Moise cjirore ti ñu tuhtiriro seheto pihtiri

dacho panocā jiina masa noaa buhea sehere ñu yabiahca. Tina ñaa dihtare tūhotuina jiahca. Ā jia Jesure wacū tuaina waro jierara. 9 Tó sehe yoaina mahñoa bihosí. Baharo ti mahñore tūho masieraina ti jia cāhure jipihtina masiahca. Jane, Jambre mehne ti mahñore panopu masa ti masiriro sehetā ãta masiahca pihtiri dacho panocāi jiina ti mahñore.

Paulo Timoteore duti batoaha

10 Yū buheare, yū yoaa tiare, yū jia tiare, Jesure yū wacū tuaare masina mūhū. Yū ã jiriro jichū, suaro marieno yoariro yū jichū, masare cahíriro yū jichū, ñano yūhdūpáihta yū cūno pjachū masina mūhū. 11 Ā yoa yūhure ti ñano yoaare, yū ñano yūhdūare masina mūhū. Antioquíai, Iconioi, Listrai yūhure ñabiaro ti yoari cāhure masina mūhū. Yū ã wahachū ñuno mari pūhtoro Jesu sehe yūhure yoadohore. 12 Jipihtina Jesucristo yaina ti ji duachū Cohamacū to dutiriro sehetā ti yoarucu duachū paina tinare ñano yoaahca. Tí potocā tjira. 13 Ñaina sehe mahñoa buheina cāhū ñabiaina wahaahca. Painare mahñoa, ti basi cāhū mahñore tūho, ãta ñabiaina wahaahca.

14 Mūhū sehe mūhure yū buherire, noano mu tūhorire ã wacūrucuga. Ā jicū yū buheriro sehetā yoaga. Mūhure buherinare masina mūhū. 15 Mūhū wiħāriro jicūpūta Cohamacū yare ti joari pūre masi dūcari jire. To yare ti joari pūi õ sehe ni yahura mūhure: “Jesucristore wacū tuaina dihtare pichacapu wahaborinare yūhdūchū yoara Cohamacū”, ni yahura mūhure. 16 Cohamacū yare ti joari pūi jipihtiare Cohamacū sehe joa dutia tiri jire. Ā jina tí pūre buhena mari masi namoja. Tí pūre buhena Cohamacū dutiare mari yoahtire masija. Ā buhena mari ñaa yoarire “Ahri ñaa jica”, ni tūhotuja mari. Ā jiro tí pū marine noaa sehere cohtota dutira. Ā jiro dachoripe mari noaare yoarucuhti cjihtire yahura tí pū. 17 Cohamacū yairo to ya pūre buhero, masi pahñonohca. Ā masino jipihtia noaare yoa masinohca tiro.

4 1 Jesucristo jipihtina bui pūhtoro, tjua tahtiro, catiinare, yariaina cāhure buhiri dahre dutihtiro to ñūrocaroi mūhure õ sehe ni yahuijtja. Cohamacū cāhū to ñūrocaroi õ sehe ni yahuijtja mūhure. 2 Dachoripe masa ti tūho duachū ti tūho duaerachū cāhure Cohamacū yare yahuga. Ā yahucū masa ti ñaa yoari buhirire masichū yoaga tinare. Ā yoa ti ñaa yoarire “Yoa namoena tjiga”, ni yahuga tinare. Noaa sehere

yoa dutiga. Ñ buhecʉ ne suaerariro, pumerariro jiga mʉhʉ. Å jicʉ ne painare buhe duhui tjiga. 3-4 Baharo, pa tehepʉre masa noaa buheare tʉho duasi. Å tʉho duaeraa ti cahmano sehetaa yoaa, ti tʉho ji coaa dihtare buheinare cahmaahca tina. Å jia mahñoa buheare payʉ buheinare cⱥaahca. Tina ã yoaa noaa buhea sehere cohã, ã ti buhemacanocarire tʉho nʉnʉahca. Å jicʉ noaa buheare buhe duhui tjiga mʉhʉ. 5 Mʉhʉ cʉhʉ ã jicʉ dachoripe tʉho masiriro jiga. Ñano yʉhdʉpaihta cʉno pjaga. Å yoacʉ noaa buheare ã buherucuga. Cohamacʉ mʉhʉre to yoa dutirire yoa pahñonocahga mʉhʉ.

6 Yʉhʉ Cohamacʉ yare yʉ yoari buhiri yʉ yariahto mahancā dʉhsara. Å jicʉ mahaa dachoricā catisiniihca. Å jicʉ mipʉre mʉhʉre dutija. 7 Yʉ yariahto panocā ahrire yahuhtja: Jesu noaa buheare yʉhʉre buhe dutiro to cūrire noano buhe sohtori tihi. To dutiare noano yoa pahñonocahi. Å jicʉ ñano yʉhdʉpaihta tirore ne wacʉ tua duhuerahi. 8 Mipʉre Cohamacʉ yare yʉ yoari wapare mʉanopʉ wihboro nica. Å jiro mari pʉhtoro buhiri dahre dutiro quihõno yahuriro to tjua tahti dachoi to yare yʉ yoari wapare warohca yʉhʉre pʉhtoro to pisari soro uru mehne ti yoari sorore yʉhʉre to waboriro sehetaa. Paina cāhʉre to tjua tahtore cohtainare tirore cahīinare to yare ti yoari wapare warohca Jesu.

Paulo yahu namoha Timoteore

9 Yʉ cahapʉ cjero ñui taga mʉhʉ. 10 Dema ahri yahpa macaa jipihtiare tuaro cahmano yʉhʉre yoadoho duaeraro yʉhʉre cohã wahcāa wahahre Tesalónica. Crescente cʉhʉ Galacia yahpapʉ wahahre. Å yoa Tito Dalmaciapʉ wahahre. 11 Luca dihta yʉhʉre mehne jira. Marco yʉhʉre noano yoadohohtiro jira Cristo yare yʉ buhechʉ. Å jicʉ tirore na tahga mʉhʉ. 12 Å yoa Tíquicore Efesopʉ warocahi. 13 Ópu tacʉ, yʉ bui sāari suhtirore, Troai Carpo ya wʉhʉi yʉ cūri suhtirore na tahga. Å yoa sohō jia tjuri joaa tjuri cʉhʉre na tahga. Sohō jia cahsari joaa cahsari pinihtare tuaro cahmaja yʉhʉ. Å jicʉ tí cahsari cʉhʉre na tahga.

14 Alejandro comaare dahrariro yʉhʉre ñabiaro yoare. Å jiro to ã yoari buhiri Cohamacʉ tirore buhiri dahrerohca. 15 Tiro Alejandro mari buheare tuaro ñʉ yabire. Å jicʉ tiro mʉhʉre “Ñano yoari” nichʉ, tirore ñʉchʉ noano wacʉ masiga.

16 Masare beserirore peresu yoa dutirirore yu yoarire, yu buheri cãhure tirore yu coã yahuchu ne cãiro baro Jesu yairo yuhure yoadohoerare. Jipihtina yuhure yoadohoeraa cohã wahcãa wahahre. Ti ã cohãpachuta yuhure ti cohãri buhiri Cohamacu buhiri dahrero tjijaro. **17** Yu ã wahapachuta Cohamacu yuhure yoadohohre. ã jiro to buheare yu noano yahuhti cjihtire to tuaare wahre yuhure, jipihtina judio masa jieraina tí buheare ti tõhohti cjihtire. ã jiro yuhure ñano ti yoa duapachuta yuhure ti wajãborirore yuhduchu yoare mari põhtoro suaina yayare yuhure to yuhduchu yoaboriro sehetra. **18** Jipihtina yuhure ñano yoainare yuhdurcaro, yuhure yoadohorohca mari põhtoro. ã jiro mõanopu põhtoro to sõho jiropu yuhure ji dutiro yuhure yuhduchu yoarohca tiro. ã jina “Tiro noa yuhduariro, tua yuhduariro jira”, nijihna mari jipihtia dachoripe. ãta nijihna.

Paulo noa dutiha Timoteo cahai jiinare

19 Prisca, Aquila, Onesíforo ya wãhu macaina cãhu noajaro. **20** Erasto Corintoi tjuahre. Trófimo Miletoi dohatia wahahre. ã jicu tirore tóí cûhi yuhu. **21** Puhiro pano cjero taga mõhu. Eubulo, Pudente, Lino, Claudia cãhu, jipihtina paina Jesu yaina mehne mõhu noa dutira.

22 Mari põhtoro Jesucristo mõhu mehne jirohca. ã jiro Cohamacu to cahu mehne mõsare jipihtinare noano yoajaro.

Tito

Paulo Titore joarocaha

1 1 Yuhu Paulo Cohamacure dahra cohtariro, Jesucristo yare buhe dutiro to cūriro jija. Cohamacu to beserina Jesure ti wacū tuahti cjihtire noaa buheare ti masihti cjihtire Jesu buhe dutiro yuhure cūre. Tí buhea Cohamacu to dutiro seheta mari yoahfire yahura. 2 ã jicu jipihtia dachoripe Cohamacu yaina muanopu ti jirucuhto cuhure buheja tinare. Cohamacu ne mahñoa marieriro ahri yahpare to bajuamehnehto pano õ sehe ni cūa tiri jire marine: “Muanopu ã jirucunahca”, ni cūa tiri jire marine. 3 ã jiro to quihōri pjai Cohamacu to ni cūrire yahu dutire masare. Tó seheta yuhure ni yahu dutire tiro. Marine pichacapu wahaborinare yuhdoriro jira tiro.
4 Muhure Titore Jesu yare buhei. Yu ã buhechua tūhocu Jesure wacū tua dūcare muhu. ã jicu muhu potocāta yu macu yoaro sehe jicuta nina. Muhure ahrire joarocai nija. Cohamacu mari Puchu mehne, Jesucristo marine yuhdoriro mehne muhure noa dutija. Muhure pja ñua, cahia ti yoadoho mehne noano jiga muhu.

Creta wama tiri nūcoi Tito to yoahfire yahu quihōha Paulo

5 Creta wama tiri nūcoi muhure yu cūchua Jesu yaina ti buhehto cjihto dūhsasinire tí pjare. ã jicu ti yoahfire yahuhtiro cjihtore cūi yuhu muhure. ã yoa macaripe macaina Jesu yaina pūhtoa cjihtire bese duticu cūi muhure. 6-8 Tina pūhtoa Cohamacure dahra cohtaina jira. ã jicu tinare besecu noainare besega soro yoaerainare. ã besecu, cāa numiata namo tiinare, “Painare yuhdurucaja”, ni tūhotuerainare, suaerainare, cahaerainare, cahmacherainare, paina yare mahñoa mehne tuaro na duaerainare besega. ã besecu ti wuhusere sāa sūinare noano ñu wihiboinare, noaa sehere noano ji coainare, tūho masiinare, noaare yoarucuinare, ñaa marieinare, ñaare yoaerainare, caparo marieno dahrainare besega. ã yoa mu besehtina pochnare õ sehe jiina jiro cahmana: Jesure wacū tuaina, noano yoarucuina, jipihtinare noano yuhitiina jiro

cahmana puhtoa pohnare. 9-10 ã yoa noaa buheare quihõno mari buherucuriro seheta ne duhueraina jijaro puhtoa mu besehtina. ã jia tina noaa buheare yahuina jiahca paina ti buhea mehne ti wahchehto sehe. ã yoa noaa buheare ñu yabiinare buhea, ti ya mahñoa ti jichu masichu yoaahca tina. ã jicu noano besega Jesu yaina bui puhtoa jihtinare.

Payu ti puhtoare yuhdurucaina, noano tuhotu durucueraina, mahñoina jira mipure. ã yoaina judio masa pinihta ñabiaro yoaa nina. Ti ya buhea ti potocã jierachu tinare masichu yoaro cahmana. 11 Tina judio masa sehe niñerure wapata duaas mahñobuhera. ã yoareraro cahmana tinare. ã buhea cãa wuhuse macainare jipihtinare Cohamacu ya sehere cohachu yoaa nica tinare. Ti ã yoachu tinare ã yoa dutieraro cahmana.

12 Ti yare panopu yahuriro tina mehne macariro jiparota õ sehe ni yahuri jire: “Creta nuco macaina ã mahñorucuina jira. Tina nucu macaina wahiquina yoaro sehe suaina jira. ã yoa ã churucuina jia ne dahra duaeraa, capa bujuina jira”, niri jire tiro to ya nuco macainare. 13 To ã nia potocã tjira. Ti ã jichu ñucu tinare tuaro tuhtiga Jesu ya buhea sehere noano ti masihto cjihtore. 14 ã jicu judio masa panopu macaina ti mu suro ti nimacanocari cjurire, Jesu yare potocã jiare cahmaeraina ti dutia cuhure Creto macaina ti tuho nunuerahto cjihtore tuhtiga tinare.

15 Buhiri marieina noa dihtare tuhotura. Ñaare yoarucuina, Jesure wacu tuaeraina sehe ñaa dihtare tuhotura. Tina ti tuhotua sehe ñaa yuhdura. ã jia noa sehere bese masierara.

16 Tina “Cohamacure masija sã” nipahta, ñaare yoara. ã yoaina ti jichu ñuna Cohamacure masieraina ti jichu masija mari. ã jia tina ñaa yuhduraina, Cohamacu yare yuhdurucaina jira. Ne noaare yoa masierara.

Noa buheare quihõno yahu dutiha Paulo Titore

2 1 Muhu sehe buhecu noaa buhea ti nino seheta noano buhega. 2 Bucunare õ sehe ni yahuga: Cua pisaina, masa ti ño payoina, tuho masiina, Jesure noano wacu tuaina, Jesure, masa cuhure cahíina, ñano yuhdupahta cuno pjaina jijaro tina. 3 Bucu numia cuhure ãta ni yahuga: Cua pisaa numia, Cohamacure ño payoa numia, ñaa quiti dahrera numia, cahaera numia jijaro ti numia cuhu. ã jia numia jia, noaare buhejaro paye numiare. 4-5 Paye numiare õ sehe ni buhejaro

bucu numia: Ti manusumare, ti pohna cūhure ti cahītore, tūho masia numia, paina mua mehne ñano yoaeraa numia, cū wāhū macaina jiina noano ñu wihiboa numia, masa noaa numia, ti manusumare noano yūhtia numia ti jihtore buhejaro tí numia Cohamacu ya buheare paina ti dojomehnerahto sehe.

6 Å yoa wahma yapia cūhure õ sehe ni yahuga: Tūho masiina jijaro tina. 7 Muuhu sehe noaa dihtare yoarucuga māhure ti ñu cūhto sehe. Buhecu ne mahñono marieno buhega. Å buhecu cua pisaro mehne buhega muuhu. 8 Å buhecu noano tūho masino mehne noano buhega ne paina “Ahriro ñano yoaro nina” ni, muuhure ti yahusāerahto sehe. Mu ã buhechu ñua marine ñu tuhtiina jipahta marine wiho warota yahusā masierara. Marine wiho waro ã yahusāmacanoca bñoro waahaahca tina.

9 Å yoa dahra cohtainare õ sehe ni yahuga: Ti pñhtoare noano yūhtiina jijaro. Å jia ti pñhtoare noano wahchechū yoajaro. Å dihta yoajaro. Å jia ti pñhtoare purño yūhtiea tijaro. 10 Å yoa ti pñhtoa yare yacaea tijaro. Tuhsu, noaina, ti pñhtoa dutiare quihōno yoarucuina jijaro. Å noano yūhtiina ti jichu ñua Cohamacu marine yñhdoriro to buheare tūho ji coaahca paina.

11 Masare to cahīare Cohamacu masare ño tuhsure. Å cahīno jipihtina pichacapu wahaborinare Cohamacu tuaro yñhdo duara. 12-13 Masare ã cahīno Cohamacu marine õ sehe ni buhera: Cohamacure ñu yabiare, ñaa goa pjaare duhunoca dutira marine. Cohamacu tuariro, Jesucristo marine yñhdoriro to si siteare mari ñuhti dachore, noari dachore mari cohtana nija. Å jiro mari cohtari dacho panoi tūho masiina, noaare yoarucuina, Cohamacu cahmaare yoarucuina, marine ji dutira Cohamacu. 14 Tiro Jesucristo mari ya cjihireta yariari jire jipihtia mari ñaa yoaare duhuchu yoaro taro marine to yaina wahachu yoaro taro. Mari ñaa yoari cjirire to ã cohāchū mari ñaa yoari buhiri marieina jinahca. Å jina tuaro noaare yoa duaina jinahca.

15 Ahri jipihtiare tí nñco macainare Jesu yainare buhega muhu. Ti pñhtoro jinocaita nina muhu. Å jicu tinare yahuga. Ti ñaare yoachu ñucu yahuga tinare. Jipihtina paina muuhure ño payoa mehne yūhtijaro.

Jesu yaina ti yoahти cjihtire yahuha Paulo

3 1 Ó sehe ni yahuga tó macaina Jesu yainare: Ti pühtoare paina tinare dutiina cühure noano yühtiina jijaro.

Jipihtia noaare yoahтиna jijaro. 2 Á yoa painare ne ñano quiti dahrea tjijaro. Á jia masa noaina, jipihtinare ño payoina jijaro.

3 Panopure mari cühu tüho masieraina, yühdürcaina, mahñoare tüho nüñüina, ñaare yoa ji coaina, tére goa pja duhu masieraina, dachoripe ñaare yoarucuina, paina ti cüaare cjoina jia timai mari cühu. Á yoa marine paina ñu tuhtire. Mari cühu tinare ñu tuhtimai. 4-5 Á jirina cjiri mari jipachüta Cohamacü marine pichacapü wahaborinare yühdüchü yoare. Á yühdüchü yoaro to noariro jiare, masare to cahia cühure marine ñono nire tiro. Noano mari yoari mehne yühdüchü yoarerare marine. Marine pja ñuno mari ñaa yoari buhirire cosaro, Espíritu Santo mehne marine yühdüchü yoare. Á yoaro marine to pohna wahachü yoare. Á to yoachü Espíritu Santo sehe noaina mari jihtina cjihtire cohtotachü yoare marine. 6 Jesucristo marine yühdüchü yoariro to yaria masa müjaa mehne Cohamacü to yairo Espíritu Santore ware marine pjíro to tuaa mehne marine yühdüchü yoahтиro cjihto. 7 Marine cahíno, marine noano yoa duare. Á yoa duaro tiro to yairo Espíritu Santore marine ware ñaa buhiri marieina mari jihto cjihtore, müanopü mari á jirucuhto cjihtore. Mari á jirucuhtore masina, tére cohtana nije.

8 Tí yü niri potocata jira. Á jicü tére yü ni joariro sehetá masare buhecü tí dutiare yoa pahño dutiga mühä. Á jicü Cohamacüre wacü tuainare tére buhega noaare ti noano yoahто cjihtore. Ahri yü ni buheri noaa buhea jira. Á jia jipihtina masa ahri buheare ti tüho nüñuchü wiho waro jierara. 9 Paina ti durucua sehe yaba cjihti jierara. Á jia masierapahta ti ni yühdürcaaare mü tüho nüñuchü yaba cjihti jierara. Á jia ti coyea panopü macaina ti jia tiare ti ni yühdürcaaare, Cohamacü Moise cjirore to dutirire ti ni yühdürcaaare tí jipihtiare noano mü tüho nüñuchü yaba cjihti jierara. Á jicü tére tüho nüñüi tjiga.

10 Musa mehne macariro á ni yühdürcariro müsare cahma tju wachü to yoachü ñucü “Yoai tjiga”, niga tirore. Püa taha tére tirore mü yoa dutierari baharo to yühtierachü ñucü tirore piti tiecü tjiga. 11 Tó sehe yoariro ñaa dihtare goa pjarucuriro jira. To á jichü ñuna to ñariro to jichü masija mari.

Paulo duti batoaha

12 Nicopolipʉ puhiro puro jii tai nijs. Ñ jicʉ Artemare o Tíquicore mʉ cahapʉ yʉ waroca mʉhtachʉ yʉ warocahtiro tópʉre to sʉchʉ, Nicopolipʉ yʉhʉre piti bocaga mʉhʉ tiro mehne. 13 Ñ yoa dutiare noano mihnirirore Zena wama tirirore, Apolo cʉhʉre noano yoadohoga ti wahahto cjihtore. Ñ yoacʉ ti cahmaare jipihtiro tinare waga “Paye baro dʉhsari”, nicʉ. 14 Ñ jia Jesu yaina mari mehne macaina noaare yoapojaro paye barore dʉhsainare ti yoadohohto sehe noaare yoarucuina ti jihto sehe.

Paulo noa dutirocaha Jesu yainare

15 Jipihtina yʉhʉ mehne macaina mʉhʉre noa dutira. Tój jiina Jesu yaina sãre cahīna noajaro. Cohamacʉ to cahīa mehne mʉsare jipihtinare noano yoajaro.

Filemón

Paulo Filemo wama tirirore joarocaha

1 Yuhu Paulo, Jesucristo yairo yu jiri buhiri peresupu jija. Yuhu, mari coyeiro Jesu yairo Timoteo mehne mühure Filemore joarocaja sā. Muhū sā cahíriro Cristo yare sā mehne dahradohoriro jira muhū. 2 Á jina Jesu yaina mu ya wuhui cahmachuina cühure joarocaja sā. Mari coyeacoro Jesu yacoro Apia cühure joarocaja sā. Arquipo cühure joarocaja sā. Arquipo sehe sā yoaro sehe Cristo yare yahuriro jira. 3 Á jina Cohamacu mari Puchu, mari puhtoro Jesucristo mehne musare noa dutija. Cohamacu to macuno mehne ti cahia mehne, ti yoadohoa mehne noano jiga musa.

**Filemo painare to cahiare,
Cristore to wacū tuaare yahuha Paulo**

4-5 Yu coyeiro Jesu yairo Filemo, Cohamacure muhure sini payocu muhure wacúcu “Noana”, nija tirore. Cristore mu cahichu, tirore mu wacū tuachu, paina Cohamacu yainare mu cahichu tūhorocahi yuhu. Á jicu Cohamacure “Noana”, ni wahcheja. 6 Cristore mari wacū tuana cuno potori to yaina jina nija mari. Á wacū tuaina jina, Cristore mari noano cahina, pjíro noaare cjuanahca mari. Tíre musa noano masihto sehe sini payoja Cohamacure. 7 Coyeiro, mipure painare mu cahichu tūhocu wahcheja yuhu. Jipihtina Cohamacu yainare noano wahchechú yoayuhti muhū. Mu á yoachu tūhocu wahcheja yuhu.

Paulo Onésimo ya cjihtire sini payoha Filemore

8-10 Á jicu mipure Onésimore muhure dahra cohtarirore mu yoahire muhure sini payo duaja. Peresupu yuhu mehne to jichu Cristo yare yahuhi yuhu tirore. Tíre tūhoro Cristore cahmahre tiro. Á yoaro tiro Cohamacu yairo wahahre. Á waharo yu macu yoaro sehe jiriro jira. Á jicu yuhu Paulo bucuro jicu Cristo yare yu buheri buhiri peresui jicu muhure yahurocaijta Onésimore mu yoahire. Cristo buhe dutiro to cūriro jija yuhu. Á jiriro

jicʉ tirore mʉ yoah tire dutiboa yʉhʉ. Ñ jiriro jipaihta mʉhʉre dutisi yʉhʉ. Cahĩa mehne mʉhʉre yahurocahtja tó purota.

11 Cristo yairo to jihto pano Onésimo mʉhʉre dahra cohtariro jiro yaba cjihti jierasiniri jire. Mʉhʉre noano yoadoho masierasiniri jire. Mipʉ pinihare tiro mʉhʉre, yʉhʉ cʉhʉre noano yoadoho masiriro jirohca. Mipʉre Cristo yairo jiro wiho jiriro waro jierara. 12 Ñ jicʉ mipʉre tirore mʉhʉre waroca tjui nija. Ñ jicʉ tirore noano piti bocaga mʉhʉ. Tirore tuaro cahĩja. 13 Noaa buheare yʉ buheri buhiri peresupʉ yʉ jiro watoi tirore yʉhʉre yoadoho dutiboa yʉhʉ tirore warocaeracʉ. Yʉhʉ mehne tjua dutiboa yʉhʉ. Mʉhʉ sehe yʉhʉre mʉ yoadoho masierachʉ tiro sehe yʉhʉre yoadohoriro tjuaboa, tirore warocaeracʉ.

14 Yʉhʉre yoadohoboriro to jipachʉta tirore mʉhʉre waroca tjuja. Mʉhʉ sehe tirore “Paulo mehne tjuasiniga”, mʉ nichʉ masicʉ yʉhʉ mehne tirore tjua dutiboa yʉhʉ. Yʉhʉ sehe “Yʉhʉ mehne cūga tirore”, ni duaeraja mʉhʉre. Ñ jicʉ tirore waroca tjui nija. 15 Tiro Onésimo mahaa nʉmʉricā mʉhʉre to duhti wahcāri baharo pari turi mʉhʉ mehne jira. Cohamacʉ to cahmariro seheta mʉhʉre duhti wahcāri jire tiro Cohamacʉ yairo to wahahto sehe, yʉ tʉhotuchʉ. Ñ jiro pari turi mʉhʉ mehne jiro ñ jirucurohca mʉhʉ mehne. 16 Ñ jiro tiro mipʉre dahra cohtariro jierara. Dahra cohtariro bui curero jiriro jira tiro, yʉ ñʉchʉ. Mipʉre tiro mʉ coyeiro Jesu yairo jira. Ñ jicʉ tirore tuaro cahĩja. Mʉhʉ sehe yʉ yʉhdoro tirore cahīlhca. Mʉ ñ cahīriro jiro dahra cohtariro jisiniparota mipʉre dahra cohtariro to jiriro sehe jierara tiro. Tiro mʉ coyeiro Jesucristo yairo jira.

17 Ñ jicʉ yʉhʉre mʉ piti bocaboriro seheta Onésimo cāhʉre noano piti bocaga. Mʉhʉ mehne macariro yʉ jichʉ tʉhotuchʉ tiro cāhʉre noano piti bocaga mʉhʉ. 18 Ñ jicʉ mʉhʉre solo to yoariro jichʉ mʉhʉre to wapamoriro jichʉ yʉhʉ sehe tíre wapaihtja. 19 Yʉhʉ Paulo yʉ basi ahrire mʉhʉre yahu joaihtja: Yʉhʉ sehe wapaihtja mʉhʉre. Mʉhʉre yʉ buheri baharo Cristo yairo wahacʉ jipihtia dachoripe Cohamacʉ mehne jirucuhtiro jira mʉhʉ. Mʉhʉre yʉ ñ buheri baharo mʉhʉ cāhʉre yʉhʉre pjíro wapamoriro jiboca. Mʉ ñ jipachʉta mʉhʉre wapaihtja to wapamonore. 20 Yʉ coyeiro yʉ cahīriro mari pʉhtoro Cristo yairo jira mʉhʉ. Cristo yairo jicʉ yʉ coyeiro jira mʉhʉ. Ñ jiriro jicʉ yʉhʉre noano wahchechʉ yoaga. (Ñ jiriro jicʉ Onesimore noano piti bocaga.)

21 Ahri yu yahurire noano yoaihca muhu. Yu yahuri yuhdoro yoaihca muhu. Tíre masicu muhure joarocai nija.
22 Ahri cuhure yahuihtja muhure. Musa cahapu yu wahahto sehe Cohamacure sini payoyuhti musa yuhure. Musa ã sini payorire tiro yuhtiboca. “Jai” to nichu cahmaja yuhu. ã jicu musa cahapu yu suhti tahtiare cahnoyuga muhu.

Paulo noa duti batoaha Filemore

23 Epafra muhure noa dutira. Tiro sehe Cristo yare to yoari buhiri yuhu mehne peresupu jiriro jira. **24** ã jia Marco, Aristarco, Dema, Luca mehne muhure noa dutira. Cristo yare yu buhechu tina sehe yuhu mehne buheina jira.

25 Mari puhtoro Jesucristo to cahua mehne musare noano yoajaro.

Hebreos

Cohamacʉ macʉno to Pucurore yahubasaha masare

1 1 Panopʉ Cohamacʉ payʉ tahari mari coyeare panopʉ macaina cjirire to yare yahua tiri jire. Payʉ to beserina to yare yahu turiaa tiri jire. To yare yahu mʉhtaina cjirire yahu dutiro, ã yahua tiri jire tiro mari coyeare. 2 Mipure pihtiri dacho panocā jia dachorire to macʉnore to yare to yahu dutichʉ tiro sehe marine yahua tire. Tiro to Pucuro to yoa dutiro mehne ahri yahpare, mʉano cūhʉre yoariro jira. To Pucuro sehe pihtiri dacho panocā jipihtiare cjuahтиore cūa tiri jire tirore. 3 Ñ jiro to macʉno sehe to Pucuro si siteare cjuahтиiro jiro, cūno potori to Pucuro yoaro seheta jiro, to Pucuro to jia tiare marine ñiono. Ñ yoa to macʉno to tuaa mehne to dutichʉ ahri yahpa, mʉano cūhʉ ñ jirucura. Ñ yoa mari ñiono yoari buhirire to cosari baharo mʉanopʉ to Pucuro tua yʉhdʉariro poto bʉhʉsehei dujiri jire tiro, to pʉhtoro jiare ñiono.

Cohamacʉ macʉno anjoa bui jira

4 Tiro Cohamacʉ macʉno wama tira. Tí wamaré cūri jire Cohamacʉ tirore. Ñ wama tiro paina bui pʉhtoro jira. Ñ jiro tiro anjoa yʉhdoro tua yʉhdʉrʉcariro jira. 5 To yaina anjoa sehere Cohamacʉ ne õ sehe ni yahuerari jire:

“Yʉ macʉ jira mʉhʉ.

Michare yʉ macʉ mʉ jiare masichʉ yoaihca”,
niri jire Cohamacʉ to macʉnore. Anjoa sehere ne õ sehe ni yahuerari jire. Tinare ahri cūhʉre ne yahuerari jire:

“To pucuro jija yʉhʉ.

Ñ yoa tiro yʉ macʉ jira”,

niri jire Cohamacʉ to macʉnore. Anjoa sehere ne õ sehe ni yahuerari jire. (Ñ jiro to macʉno tina yʉhdoro tua yʉhdʉrʉcariro jira.) 6 Pa tehe to macʉnore wahma masa bajuarirore ahri yahpai cūno õ sehe niri jire Cohamacʉ tirore:

“Jipihtina yʉ yaina anjoa na tuhcua caha sʉ,

ñno payoahca tina yʉ macʉre”,

niri jire tiro. 7 Æ yoa to yaina anjoa sehere yahuro taro õ sehe niri jire tiro:

“Yü yaina anjoare wihnono yoaro sehe pjacü tichü yoaja yühu.

Tina yühure dahra cohtaina jira.

Tinare pichaca yoaro sehe pjacü tichü yoaja yühu”, ni yahuri jire Cohamacü. 8 Tinare ã neparota to macuno sehere õ sehe niri jire:

“Mühu Cohamacü jipihtina bui pühtoro ã jirucuihca.

Quihöno dutiihca mühu mü yainare.

9 Mahñono marieno yoaare, noano yoaare tuaro cahmana mühu.

Ã jicü ñaa yoaare ñü yabira mühu.

Mü ã jiriro jichü ñucü yühu mü Pucü jipihtina paina yühdoro mühure wahchechü yoahi”,

niri jire Cohamacü to macunore. 10 Ahri cühure niri jire tiro to macunore “Pühtoro”, ni pisuro:

“Pühtoro, wahmanopüre ahri yahpare, müano cühure bajuamehnere mühu mü basi.

11 Tí jipihtia cohtota pihtia wahaahca.

Mühu sehe ne cohtotasi.

Ã jirucuihca mühu.

Tí jipihtia suhtiro to baa boraro sehetia pihtia wahaahca.

12 Tí jipihtia müanore ahri yahpa cühure cohtotachü yoaihca mühu.

Münano suhtirore mü cohäboro sehetia tí jipihtiare cohtotachü yoaihca mühu.

Suhtirore tjuwe na mü cohtotaro sehetia tí jipihtia cohtotaahca.

Mühu sehe ne cohtotasi.

Ã jirucuihca mühu”,

niri jire Cohamacü to macunore. 13 Ne anjoa sehere ahrire yahuerari jire Cohamacü:

“Yü poto bühusehei dujiga mühu.

Pühtoro jira mühu.

Ã jicü mühure ñü tuhtiinare doca dahre, yühdurucabasaihtja.

Tina bui pühtoro jiihca mühu”,

niri jire Cohamacu to macunore. 14 Jipihtina anjoa sehe Cohamacre dahra cohtaina jira. Å jiro Cohamacu warocara tinare to yaina anjoare Cristo to yuhduchu yoahthinare yoadoho dutiro.

**Cohamacu yare noaa buheare marine
ã tuhotunocano cahmaerara**

2 1 Å yoa Cohamacu macuno waro marine yahuriro to jichu masina to yahuare mari tuhorire noano wacuno cahmana marine, “Tíre bori”, nina. 2 Anjoa masare Cohamacu dutia cjirire ti yahu cu turiariro seheta tí dutiare yuhduraca dutierari jire. Å jia masa sehe anjoa ti yahurire ti yuhdurucachu ñono Cohamacu tinare quihöno buhiri dahreri jire. 3 Anjoa ti yahurire mari yuhtiri yuhdoro Cristo sehere yuhtiro cahmana. Tiro mari puhtoro marine to yuhduchu yoahtere yahu muhtari jire. Å jia tirore tuhorina sehe to yahurire marine yahu turiare marine noano masichu yoaa taa. Å jiro tí buheare marine to yuhduchu yoahtri buheare mari ã tuhotunocachu Cohamacu tuaro marine buhiri dahrerohca. Tíre duhti masieraja mari. 4 Tí buheare tuho muhtaina painare ti buhero watoi Cohamacu sehe tí buhea quihönota ti jichu ñono nire. To tuaa mehne ñono nire. Å yoa payu tahari to tuaa mehne yoa ñono, tí buheare quihöno ti jichu ñono nire. Å yoaro to yainare ti yoahtere to cahmano seheta curi jire to buhea quihöno ti jiare ti masihti. Espíritu Santo sehe jira marine ã yoa masichu yoariro.

Jesucristo mari yoaro seheta pjacu tiriro masa bajuaha

5 Pihtiri dacho baharoi jiina Cohamacu cahai jiina michapucacã yu yahurina cjiri bui puhtoa jisi anjoa sehe. Tina anjoare puhtoa sosi Cohamacu. 6 Wiho mejeta chiro Cohamacre to durucurire õ sehe ni joari jire panopu:

“Masa wiho jiina ti jipachuta tinare wacuna muhu.

Masare noano yoara muhu.

7 Mahaa numricã anjoa docai masare curi jire muhu. Å cupacuta mipure tinare tuaare wacu puhtoa sori jire muhu.

8 Mu ã sochu ahri yahpa macaa bui jipihtia bui jira masa”,

niri jire panopu macariro Cohamacre. Å cuno ahri yahpa macaina wahiquina jipihtina bui, jipihtia bui curi jire Cohamacu.

Masare to ã pãhtoa sôpachûta jipihtina ahri yahpa macaina, ahri yahpa macaa bui jierasinica masa. 9 ã tina bui jierasinipanahta, Jesu sehere masija mari. Mahaa nãmãricã anjoa docai Cohamacã to macåno cãhure cûri jire, mari yaro jiborirore yariahtirore. Cohamacã marine cahîno Jesure mari yariaborirore to yariachû cahmari jire. ã jiro to ã yariachû ñuno tirore tuaare waro, pãhtoro sôri jire tirore.

10 Cohamacã jipihtiare bajuamehneriro jira. ã yoa jipihtia to ya dihta jira. ã jiro Jesure to yaria dutichû, tiro sehe mari ñaa yoari buhirire cohâri jire. ã cohâri jire tiro masa payã to yaina jihtinare mûanopã naano taro. Jesu to ñano yûhdûchû masare yûhdûchû yoahktiro Cohamacã to waha dutiro sehetia yaro niri jire tirore. To ã yoachû pinihta noa nina. ã jiro Jesu sehe marine yûhdûchû yoariro waro, mari pãhtorota jira.

11 Jipihtina masare ti ñaa yoari buhirire Jesu, to cosawerina mehne pucu tira Cohamacure. ã jiro mari Pucu cûirota jira. Mari Pucu to jichû Jesu marine to yainare to cosawerinare “Yû coyea jira”, ni pisuro ne buo tierara. To ã ni pisurire mûsare yahuhtja. 12 Õ sehe nino niri jire tiro:

“Cohamacã, mu jia tiare yahuhtja yû coyeapure.

Jipihtina yû yaina panoi mûhure ño payocu ‘Tuariro jira’, ni yahuhtja yûhu tinare”,

niri jire tiro to Puchurore. 13 Ahri cãhure niri jire tiro:

“Cohamacure wacu tuaihca yûhu”,

niri jire tiro. Ahri cãhure niri jire tiro:

“ ‘Ôi jija yûhu.

Cohamacã pohna mehne ôi jija.

Yûhure to cûrina yû coyea mehne ôi jija’, niri jire

tiro to yainare ‘Yû coyea’ ”,

ni pisuro.

14 “Cohamacã pohna”, to niina pjacu tiina mari jichû ñuno, Jesu sehe mari ya pjacu yoaro sehe jiriro tari jire. ã jiriro tari jire tiro crusapu yariaro taro, watînore butichû yoaro taro. Tiro watînore sehe yariachû yoariro jira. 15 ã yoa watînore butichû yoaro, marine yûhdûchû yoare. Mari sehe dachoripe mari yariahtore cuimai. ã cuiina jina pichacapu wahaborina jimai mari. ã jiina mari jichû ñuno tiro marine yûhdûchû yoare. 16 ã yûhdûchû yoaro anjoa sehere yoadohoro taerari jire tiro. Abrahã panamanare Cohamacã yainare mari sehere yoadohoro tari jire. 17 ã taro tiro mari coyeiro warota tari jire.

Cūno potori mari yoaro sehe pjacū tiro taro jire. Ā taro mari yuhdūhtire mari ñaa yoari buhirire Cohamacūre cohā dutiro taro niri jire. Ā yoaro mari sacerdotea pūhtoa bui pūhtoro to yoariyo sehe yoaro taro niri jire. Mari yoaro sehe jiro marine noano pja ñuna. Ā yoa marine noano yoadohoro. Ā jiro tiro mari sacerdotea pūhtoa ti bui pūhtoro jiro nina Cohamacūre dahra cohtariro jiro. 18 Tiro ñano yuhdūri jire. Ā jiro watīno tirore ñano yoa dutimari jire. Yoaerari jire tiro. Ā ñaare yoaerariro jiro, tiro sehe mari cūhure ñaare yoaerachū yoa masina. Watīno to ñaare to yoa dutichū ñuno marine ñaare yoaerachū yoa masina Jesu.

Jesu Moise cjiro bui jiriro jira

3 1 Jesu to ã jiriro jichū ñuna tirore noano wacūga mūsa. Yū coyea Jesu yaina, Cohamacū to beseina jira mūsa. Tiro Jesu sehe Cohamacū to warocariro jiro mari sacerdotea pūhtoa ti bui pūhtoro jira. To buheare noaa buheare mari quihōno tūho, buheja. Tiro sehe Cohamacū warocariro, mari sacerdotea bui pūhtoro to jia tiare noano wacūga mūsa. 2 Cohamacū tirore marine to yuhdūchū yoahtore to cūchū tiro sehe to cūriro seheta yoari jire. Ne yuhdūrūcaerari jire. Moise cjiro cūhure Cohamacū yaina Israe masare yoadohoro ne yuhdūrūcaerari jire. Āta yoari jire Jesu cūhure. 3 Moise cjiroke ti ño payoriro yuhdoro Jesu sehere ño payoro cahmana marine. Ó sehe jira tí mari piti dahre buhechū: Wuhure mari ño payoriro yuhdoro wuhure dahreriro sehere ño payoro cahmana marine. Ā jiro Jesu sehe wuhure dahreriro yoaro sehe jiriro to jichū Moise cjiroke mari ño payoriro yuhdoro tiro sehere ño payoro cahmana marine. 4-6 Ó sehe jira ti: Mari Cristo yaina Cohamacū ya curua macaina jija. Cristo sehe wuhure to cūboriro seheta marine to ya curua macaina cjihtire cūno nina. Masa sehe wuhure yoaina jira. Cohamacū sehe jipihtiare yoariyo jira. Moise cjiro sehe Cohamacū ya curua macainare yoadohorucuriro jiro, baharopū Cohamacū to yahuhtore yahua tiri jire masare. Cristo sehe Cohamacū macūno jiro, Cohamacū yare yoarucuriro jiro, Cohamacū ya curua macaina bui pūhtoro jira. To ã jiriro jichū ñuna Moise cjiroke mari ño payoriro yuhdoro Cristo sehere ño payoro cahmana marine. Ā jina mari sehe Cristore wacū tua duhuerana, marine to yuhdūchū yoahtore ã wahcherucuna to ya curua macaina jija mari.

Cohamacu to yainare tiro mehne ti noano sochu cahmana

7 Ñ jina Cristore mari wacū tua duhuerahlore õ sehe yoaro cahmana marine. Ó sehe nina Espíritu Santo:

“Michare yuhu Cohamacu m̄asare yu yahuchu,
yuhuhtia duaeraina jiena tjiga.

8 Noano yuhuhtiga m̄usa yuhure.

Panopu Israe masa masa marienopu jia,
âta yuhdúrúcarucure yuhure.

Ñ jina tina yoaro sehe yoaena tjiga m̄usa yuhure.

9 Tóphre cuarenta cuhmari waro tinare yu tuaa
mehne yoa ñomai.

Yu ã yoa ñopachuta tina sehe õ sehe ni t̄hotua
timare: ‘Ñaare mari yoachu ñuno Cohamacu
marine buhiri dahrebocari?’ ni t̄hotua timare.

Ñ ni t̄hotua ñano yoa ñua tire.

10 Ti ã yoachu ñucu tina mehne suai.

Ñ suacu õ sehe nii: ‘Tina yu durucuare t̄ho
duaeraa, soro jia buheare ã wacūmacarucua
nina.

Ya sehere ne yuhuhtia duaerara’, nii tinare.

11 Ñ jicu tina mehne suacu õ sehe ni yahui: ‘Tina yuhu
mehne macaina ne jisi.

Ñ jia wapu tiro marieno jisi tina’, ni yahuri jire
Cohamacu”,

niri jire Espíritu Santo sehe.

12 Ñ jina yu coyea, noano yoaga m̄usa, “Cohamacure
cohāri”, nina. M̄usa ñaare t̄hotuna, Cohamacure catirirore
wacū tuaerana, tirore cohāboca m̄usa. Ne cūiro m̄usa mehne
macariro ã yolero tjijaro. **13** Ñ jina ahri sehere yoaro cahmana
m̄asare: M̄usa mehne macainare dachoripe Cohamacu yare
m̄usa basi cahma durucuga “Ñaare yoari”, nina. Ñaare yoana,
“Tí mehne wahcheja” nina, mahñoare t̄hotuna nija mari.

Ñ ni t̄hotuena tjiga. Ñaare yoarucuna Cohamacu ya sehere ji
coaeraja mari. Ñ yoana ñaare duhu duaeraja. “Ñ yoari” nina,
m̄usa mehne macainare Cohamacu yare m̄usa basi cahma
durucuga. Cristo to tahto pano dachoripe t̄ire ã cahma
durucurucuga. **14** Wahmanore Cristore mari wacū tua d̄cariro
seheta tó seheta mari wacū tuarucuna, mari catiro puro to
yare duhuerana, tiro mehne macaina jija.

15 Ó sehe nina Cohamacu yare ti joari püi:

“Michare yuhu Cohamacu musare yu dutichu noano
yuhtiga musa yuhure.

Panopu macaina Israe masa yu yahupachuta ño
payo duaeraa, yuhure yuhti duaerare.

Â jina tina yoaro sehe yoaena tjiga musa,
niri jire Cohamacu”,

ni joaa tiri jire panopu. 16 Â yoa Cohamacu to yahurire
tuhomarina jipahta tina tirore yuhtierari jire. Tina jipihtina
Egiptopu jiina Moise to na wiorina jipahta tirore ne yuhtierari
jire. 17 Â jia ã ñano yoarucua, cuarenta cuhmari waro
Cohamacure suachu yoa mujaa tiri jire. Ti ã yoari buhiri masa
marienopu yariari jire tina. 18 Tirore ti ã yuhti duaerachu
ñuno õ sehe cua pisaro mehne niri jire tiro: “Tina yuhu mehne
macaina ne jisi. Â jia wapu tiro marieno ne jisi tina”, niri jire
tiro. 19 To ã nichu tuhona ahri sehere masinahca mari: Tina
Cohamacure ti wacu tuaerari buhiri tiro mehne macaina ji
masierari jire. Â jia tiro mehne noano so masierari jire.

4 1 Â jiro panopu macainare tiro mehne ti noano sohtore
cahmano, tinare “Yuhu mehne wapu tiro marieno
sonahca”, ni curi jire Cohamacu. Mari cuhure ãta ni curi jire
tiro. Â jina cuaro mehne Cohamacure yuhdurucaena tjijhna
mari, “Cohamacu yare yoa moñori”, nina. Â yoa moñona tiro
mehne noano sosi mari. 2 Panopu macaina cjiri Cohamacu
yare ti tuhoriro seheta mari cuh noaa buheare tuhohi. Tina
tuho muhtaina cjiri sehe tuhoa, “Cohamacu ya waro jira”,
ni tuhotuerari jire. Â jia ti tuhori cjiri yaba cjihti jierari jire.
3 Mari sehe tirore wacu tuana Cohamacu mehne macaina jija.
Â jina tiro mehne noano jinocahna, tiro mehne sonahca.
Wapu tiro marieno jinahca. Cohamacu to niriro seheta jira tí.
Ó sehe niri jire tirore yuhtieraina cjirire:

“Tina mehne suacu cuaro mehne õ sehe ni yahui:

“Tina yuhu mehne macaina ne jisi.

Â jia wapu tiro marieno ne jisi’, ni yahui”,
niri jire Cohamacu yare ti joari püi. Ahri yahpare to yoari
baharo dahra duhusiniri jire tiro. Yoari pja dahra duhuparota
tina sehere tiro mehne so dutierari jire tiro. 4 Ahrire mari
masija. Seis dachori ahri yahpare to yoari baharo to dahra
duhurile yahuro õ sehe niri jire Cohamacu ya durucuare ti
joari püi:

“Seis dachori baharo jipihtiare to dahraare pahñono,
Cohamacü dahra duhuri jire”,
niri jire to yare ti joari pūi. 5 Å yoa pari turi Cohamacü yare ti
joari pūi õ sehe ni yahura tiro mehne noano jierainare:

“Tina yuhu mehne macaina ne jisi.

Å jia wapü tiro marieno ne jisi, niri jire Cohamacü”,
nina to yare ti joari pūi. 6 Noaa buheare tuho mühntaina tirore
ti yuhduruçari buhiri tiro mehne macaina jisi tina. Å jia tiro
mehne wapü tiro marieno jisi tina. Paina sehe tiro mehne
macaina jiahca. Å jia tiro mehne wapü tiro marieno soina
jiahca. 7 Å jiro masare to yuhdutchü yoahti dachori paye
dachorire cüri jire pari turi Cohamacü. Tí dachorita mipure
jira. Payü cühmari baharo Israe masa cjiri Cohamacüre ti
tuho mühntari baharo tí dachorire yahuri jire Davi cjiro sehe.
Cohamacü tirore to yahu dutichü yahuri jire tiro. Cohamacü
ya durucua ti joarire müsare yu yahua dachorire õ sehe ni
joari jire Davi cjiro:

“Ahri dachorire yuhu Cohamacü müsare yu
yahuchü yuhduruçaro marieno noano
yuhütiga müsa yuhüre”,

ni joari jire panopüre. 8 Tí pjapüre Josué cjiro Israe masare
Cohamacü to warí yahpai na surí jire. “Yuhu mehne wapü tiro
marieno soina jiahca” nino, tí yahpai ti sohtore nino nierari
jire Cohamacü. Tí yahpai so dutiro, paye dachori to yuhdutchü
yoahti dachorire cüeraboa tiro. 9 Wiho mejeta seis dachori
baharo ahri yahpare to yoari baharo Cohamacü to dahra
duhuriro sehetá mari to yaina cühü tiro mehne wapü tiro
marieno mari sohto jirohca. Tiro mehne mari noano jihto
jirohca. 10 Cohamacü sehe to dahrarire duhunocasiniri jire.
Tó sehetá tiro mehne soina cühü mari wapü tirire
duhunocanahca. 11 Å jina mari to yaina noano yoajihna.
Cohamacü yare noano yuhütijihna tiro mehne mari noano
sohto sehe. Panopü macaina mari coyea cjiri ti yuhduruçari
baharo Cohamacü mehne macaina ji masierari jire tina.
Tina yoaro sehe yoaena tjijihna mari.

12 Cohamacü ya durucua marine catichü yoara. Noaa
sehere marine cohtotachü yoara. Å jia to ya durucua wiho
jia jierara. Å yoa ñosari pjí pü bühuseheri siori pjí mehne
dihiore ti yihsö ñü ti masiriro sehetá to ya durucua cühü
mari jia tiare noano masichü yoara. To durucuare mari

tuhochu, t^íre mari buhechu mari jia tiare, mari tuhotua c^úhure noano masi pahñochu yoara marine. **13** Ne Cohamacure mari jia tiare mari dohse yoarire n^úo masieraja mari. Jipihiare to bajuamehnerire, to bajuamehnerina c^úhure n^úna tiro. **Ã**jina mari yoarire tirore yahu yuhd^uro cahmana marine.

Jesu tuariro mari sacerdotea p^úhtoa bui p^úhtoro jira

14 Jesu Cohamacu macuno to Pucuro cahapu tjuariro jira. Tiro tuariro mari sacerdotea p^úhtoa bui p^úhtoro jira. **Ã**jiro marine Cohamacure sini payora. To **ã**jiriro jichu n^úna mari sehe to yare noano yuh^utijihna. Tirore noano wac^u tuarucujihna. **15** Tiro mari sacerdotea p^úhtoa bui p^úhtoro mari n^úano yuhd^uchu n^úno noano pja n^úriro jira. Mari n^úaa goa pjaare masina tiro. Watino jipihiare n^úaare marine to yoa dutiriro seheta tiro c^úhure n^úaare yoa dutimari jire. To **ã**yoa dutipachuta tiro n^úaare yoaerari jire. **Ã**n^úaare to yoa dutimariro jiro, marine pja n^úno tiro yoadoho masina marine. **16** **Ã**jina cuiro marieno Cohamacure sinijihna. Tiro marine cahina. **Ã**jiro tirore mari sinichu tiro sehe pja n^úno, marine yoadohorohca. Watino marine to n^úaare yoa dutichu, mari n^úano yuhd^uchu c^úhure tiro marine yoadohorohca.

5 **1** Sacerdotea p^úhtoa bui p^úhtoro re besero, masunore besera Cohamacu. **Ã**to beseriro jiro sacerdotea p^úhtoa bui p^úhtoro sehe tiro mehne macainare yoadohoro taro, Cohamacure dahra cohtariro jira. **Ã**jiro ti n^úaare ti yoari buhiri Cohamacure sinibasara tiro mehne macainare. Wahiquirore waj^u j^ú muono, Cohamacure sinibasara. **2** Sacerdotea p^úhtoa bui p^úhtoro paina masa yoaro sehe noano masi pahñoperario jira. **Ã**masi pahñoperario jiro paina masierainare yoadoho masina. **Ã**jiro noano yoaeraina c^úhure noano yoadoho masina. **3** **Ã**jia sacerdotea noano yoa pahñoperaina jia n^úaa buhiri tiina jira tina c^úhu. **Ã**jia ti basi ti n^úaare ti yoari buhiri wahiquirore waj^u j^ú muo, Cohamacure sinina. Paina masare yoadohoa taa, ti n^úaa buhiri ti sinibasario seheta ti basi ti n^úaa buhiri c^úhure sinina Cohamacure.

4 To basi to mu^u suro sacerdotea p^úhtoa bui p^úhtoro s^áaerara. Cohamacu sehe tirore besero, sacerdotea p^úhtoa bui p^úhtoro s^óna. Panopu macariro Aarõ cjiore to c^úriro seheta paina sacerdotea p^úhtoa bui p^úhtoro c^úhure c^úna tiro. **5** Tó seheta Cristo c^úhu to basi to mu^u suro sacerdotea p^úhtoa bui

púhtoro sáaerari jire. Cohamacú sehe tirore púhto sôno, ò sehe niri jire:

“Yü macú jira mühú.

Michare yü macú mü jiare masichú yoaihca”, niri jire Cohamacú. **6** Pa tehe ò sehe niri jire Cohamacú Cristore:

“Jipihtia dachoripe sacerdote jirucuihca mühú.

Melquisede to jiriro seheta sacerdote
jirucuihca mühú”,

niri jire to macunore. **7** Cristo ahri yahpai jiro sañurucua mehne, yahco mehne Cohamacure tuaro siniri jire tiro “Yuhure masoga”, nino. Cohamacú sehe tirore yariarore maso masiriro jira. To á sinichú Cohamacú tuhori jire tirore. Cohamacú cahmaa dihtare to yoachú ñano Cohamacú sehe to sinirire tuhori, tirore yuhürti jire. **8** Cristo Cohamacú macuno jiparota ñano yuhürti jire tiro. Á ñano yuhürti jire Cohamacure. Á yuhürti noano yuhütiare masiri jire. **9** Á ñano yuhürti, crusapú yariaro jipihtina tirore yuhütihtinare yuhüdchú yoahtiro wahari jire. **10** Á jiro Cohamacú sehe tirore sacerdotea púhtoa bui púhtoro cüri jire. Á jiro Melquisede sacerdotea púhtoro to jiriro seheta jira Cristo.

Cristo yaina tirore wacú tua duhuchú cua nina

11 Payü ò sehe jiare müsare yahu namo duaja sã. Sã á yahu namo duapachuta müsa sehe dapu butiina jira. Á jina müsare sã yahuchú mijo nina sãre. **12** Yoari pja Cristo yaina jimana müsa. Á jina mipüre painare buheinapú ji tuhsüboa müsa. Müsa á jiinapú jiborina jipachuta paina müsa sehere buheahca tjoa. Cohamacú yare mijoera curea buhea dihtare tuhora müsa. Wihäinacä pécho dihtare ti sihni masino seheta müsa cühú mijoera curea dihtare noano tuhora. Wahma buhe ducaina yoaro sehe jira müsa. **13** Pécho sihniina wihäinacä jisinina. Tina yoaro seheta müsa cühú jira mijo cureare tahoerana. “Ahri ñaa jira. Ahri noaa jira”, ni bese masierara müsa. **14** Chüare chüina sehe buechuna jira. Tina yoaro sehe jiina noano tuho masiina noano buheina jira. “Ahri ñaa jira. Ahri noaa jira”, ni bese masina tina sehe.

6 **1-2** Á jina Cohamacú yare noano masiina, noano yuhütiina jijihna. Cristo yare wahmanore mari buhe ducaina ò sehe masi ducai: Mari mü sure mari yoaa yaba cjihti jierara. Mari

noano yoaa mehne yuhdusi mari. Cohamacure wacū tuaro cahmana marine. Ahrire wahmanopure buhe ducare marine. Æ jia bautisaare, wamomacarire marine ti duhu payoare, yariaina ti masa mujaare, ahri dacho to pihtiri baharo Cohamacu to buhiri dahrehtore, to buhiri dahrehtina ti ñano yuhdurucohu cöhure ahri cöhure wahmanopure marine buhe ducare. Õ sehe jia buheare masi tuhsu, paye sehere noano buhe namojihna tjoa. 3 Æ jina Cohamacu to cahmachu ãta yoanahca mari.

4 Mari ã yoarerana Cohamacu yare duhuboca mari.
 Cohamacu yare masiina jipahta tîre duhuinare ne pari turi pano ti ñaa tûhotumarire cohtotachu yoa masierara. Tó sehe jiina Cohamacu tinare to noano yoahture masia, Espíritu Santo to yoaa tiare mahancă masimare. 5 Æ yoa Cohamacu ya durucuare tûhoa noaa durucua ti jichu masimare. Tuhsu, pihtiri dacho baharopu Cohamacu to tuaa mehne mari ã jirucuhtore, masare to buhiri dahrehto cöhure tina masimare. 6 Æ jiinapure Cristo yare duhurinare pari turi ti ñaa tûhotumarire tinare cohtotachu yoa masierara. Tó sehe yoaina Cohamacu macunore pari turi crusapu ti cjä puharo sehetra tirore yoaa nina. Ti ã yoachu ñua paina masa Cristore bûjupera. Ti ã yoachu tinare ti ñaa tûhotumarire tinare cohtotachu yoa masierara. 7 Õ sehe jira tí mari piti dahre buhechu: Noari yahpare pjíro coro tachu tí toaa noano du, dicha tira. Æ jiro tí wese puro dichare cjúara to chühtire. Tí yahpa Cohamacu noano to yoari yahpa jira. (Tó sehetra noano yoara tiro to yaina cöhure.) 8 Wiho mejeta agã pota mehne, tja mehne tí yahpa diaro yaba cjihti jierara. Æ jiri yahpa Cohamacu to jü cohähti yahpa jira. Æ jiro tí yahpare jünocanohca. (Tó sehetra yoara tiro duhuinare.)

Cristore ã ño payorucuinare yuhdachu yoara Cohamacu

9 Yü cahïina, mûsare ã ni yahupaihta mûsa sehere “Cristore duhuina jira”, nii nieraja. Mûsa sehe Cristo to yuhdachu yoaina jira. Æ jina noaare yoana nica mûsa. Tíre masija yuhu.
10 Noano mari yoari wapa quihõno marine noano yoariro jira Cohamacu. Æ jiro to yare mûsa tuaro dahrari wapare bosí tiro. Tirore cahïna noano yoadohore mûsa tirore. Paina Cristo yaina cöhure yoadohore mûsa. Æ yoa tinare yoadohosinina nica mûsa. Æ yoaina mûsa jichu ñuno bosí tiro. 11 Mûsa catisinino puro painare mûsa cahïrucuchu, mûsa yoadohorucuchu

căhure cahmaja sā, baharopʉ Cohamacʉ yare mʉsa duhuri nina. Mʉsa ã noano yoachʉ ñuño noano yoarohca Cohamacʉ mʉsare. 12 Ñ jina mʉsa capa bʉjʉtina mʉsa jichʉ cahmaeraja sā. Paina Cristo yaina ñano yʉhdʉpahta to yare ne duhuerara. Ti ã yoachʉ ñuño Cohamacʉ “Mʉsare waihtja”, to nirire tinare wa pahñonohca. Ñ jina mʉsa căhʉ tina yoaro seheta yoarucuga.

13-14 Panopʉ Cohamacʉ Abrahā cjiore õ sehe ni căa tiri jire: “Yʉ wama mehne ahrire potocā nii nija mʉhure. Mʉhure noano yoaihtja. Ñ yoachʉ mʉ panamana ji turiainapure payʉ masa jichʉ yoaihtja”, ni yahu căa tiri jire Cohamacʉ Abrahā cjiore. Ñ ni yahu căno to ya wama mehne ã ni yahuro niri jire. Pairo tiro bui jiriro ne mariachʉ to ya wama mehne to basita ã ni yahua tiri jire. 15 “Mʉhure noano yoaihtja”, Cohamacʉ to ni cărire Abrahā cjiro sehere noano to cohtachʉ ñuño to niriro seheta tirore noano yoaa tiri jire. 16 “Cohamacʉ mehne potocā nina nija”, masa sehe nia, tina ti bui jiriro wama mehne ã ni yahua nina. “Cohamacʉ mehne potocā nii nija”, căiro to nichʉ tʉhoro tiro pairo mehne cahma sayoriro “Potocā tjira”, ninohca. Ñ jia cahma sayo duhuahca tina. 17 Cohamacʉ Abrahāre “Mʉhure noano yoaihtja”, ni căno to ya wama mehne ã ni yahua tiri jire. To ã ni yahurire tʉhona “Potocā tjira tí. Ñ yoa to niri ne cohtotasi” ni, masija mari. Tíre mari masihto sehe to ni cări mehne “Yʉ wama mehne potocā nii nija”, ni yahua tiri jire Cohamacʉ. 18 Ñ jiro pʉaro to ni durucuri mehne potocāta to nirire masichʉ yoari jire Cohamacʉ marine: To ni cări căhʉ “Yʉ wama mehne potocā nii nija”, to ni yahuri căhʉ tí pʉaro mehne to ni durucuire yahua tiri jire tiro. To ni cări căhʉ, “Yʉ wama mehne potocā nii nija”, to ni yahuri căhʉ ne cohtotaerara. Cohamacʉ ne mahñoyerara. To ã jiriro jichʉ masina, marine to yoadohohtore macana, tirore noano wacū tuana, wahchea mehne marine to yʉhdʉchʉ yoahitore cohtanahca mari. 19-20 Ñ to yʉhdʉchʉ yoahitore cohtana, wacū tuaina jija mari. Ñ jina cuieraja. Sacerdotea pʉhtoa bui pʉhtoro Cohamacʉ to jiri tahtia waropʉ sāano, dʉcatari suhtirote yʉhdʉ sāahna. Ñ sāano masa ya cjihtire sini payobasara Cohamacure. To ã yoariro seheta Jesu căhʉ baharo mari wahahto seheta mʉanopʉ Cohamacʉ cahapʉ waharo, mari ya cjihtire sini payobasara Cohamacure. Tópʉ mari wahahto pano tiro sehe wahari jire. Ñ jiro jipihtia

dachoripe sacerdotea puhtoa bui puhtoro jira tiro. Melquisede sacerdote to jiriro seheta sacerdotea puhtoro jirucura tiro cuhu.

Melquisede sacerdote to jiriro seheta Jesu sacerdote jira

7 1 Melquisede cjiro sehe Sale wama tiri maca macaina bui puhtoro jia tiri jire. Sacerdote jiro Cohamacu tuarirore, muano macariore sini payobasario jia tiri jire. ã jiro paina puhtoare Abrahã cjiro cahma wajã yuhdaruca tuhsu, to tjua tachu waro Melquisede cjiro to ya macai jiriro Abrahã cjirore piti bocaro sua tiri jire. ã piti bocaro tirore sini payobasaa tiri jire Cohamacu: “Noano yoaga ahriore”, ni sini payobasaa tiri jire Cohamacu Abrahã cjirore. 2 To ã piti bocahto pano Abrahã cjiro sehe tirore ñu tuhtiinare wajã tuhsu to wajärina cjiri puhtoa yare naa tiri jire. To ã nari cjirire mahanoca waa tiri jire Melquisede cjirore. Cohamacu to dutiriro purocãta mahanoca waa tiri jire Melquisede cjirore. Melquisede cjiro to wama sehe “Bui puhtoro noano yoariro jira”, nino nina. Tiro cjiro Sale wama tiri maca macaina puhtoro to jichu to wama õ sehe nino nina: “Bui puhtoro noano jichu yoariro”, nino nina. “Sale” nino, “Noano jia”, nino nina. 3 Ne Melquisede cjiro pucusumare, to pano ji muhtainare to coyeare ti yahu joa õri mariahna. To masa bajuarire, to yariari cuhure yahu joa õri mariahna. ã jiro ã jirucuriro yoaro sehe jira tiro cjiro. To ã jiriro jichu Cohamacu tiro mehne marine piti dahre buhera. Cohamacu to macuño to sacerdote to jirire marine buhera. Melquisede cjiro sacerdote ã jirucuriro yoaro sehe jira. Tiro yoaro seheta Cristo cuhu sacerdote ã jirucuriro jira.

4 ã jiro Melquisede ne wiho jiriro jiera tiri jire. Abrahã mari ñuchu cjiro puhtoro waro jiparota mahanoca to tjua narire tiro sehere waa tiri jire. Mahanoca waa tiri jire Melquisedere. 5 ã jia Cohamacu dutia Moise cjirore to curi dutia jipihtina paina Israe masare tó purota wapa dutira. ã dutiro Leví panamana ji turiajinare ti coyea waparire ñaha dutiro, cuua tiri jire. Leví panamana sacerdotea wahaa tiri jire. ã jia Israe masa Abrahã panamana ji turiajina jipahta ti sacerdoteare wapaa tiri jire. 6 Melquisede sehe Leví panamino ji turiarero jieraparota wapa naa tiri jire Abrahãre. Cohamacu “Muhure noano yoaihtja”, to ni curi jiparota Abrahã sehe Melquisedere wapaa tiri jire. ã jiro Melquisede sehe Cohamacure Abrahãre sini payobasaro noano yoa dutia tiri jire. 7 Noano yoa dutiriro

Melquisede cjiro sehe to noano yoa dutiriro bui Abrahā bui jira. Tíre mari noano masija. ⁸ Mari mehne macaina sacerdotea marine mahancā wapa naina mari yoaro seheta masa jira. Ā jia yariahtinata jira tina cūhū. Ahriro Melquisede sehe Abrahāre mahancā wapa nariro cjiro ā catirucuriro yoaro sehe jira, mari piti dahre buhechū. To yariarore yahueraro, āta nino nia tiri jire Cohamacū yare ti joari pūi. ⁹ Mipū macaina Leví panamana ji turiaina sacerdotea jia, mahancā wapa nana. Ā jiina ti jipachūta Abrahā Melquisedere mahancā waparo jipihtina Leví panamana ji turiaina ya cjihti cūhūre wabasaro sehe yoaro nia tiri jire. Ā jia tina cūhū Melquisedere mahancā wapaina yoaro sehe jira. ¹⁰ Melquisedere Abrahā to wapari pjare Leví sehe masa bajuerasinia tiri jire. Ā masa bajuerasiniparota to ñuchūno cjiro Abrahā pjacupū to jiboriro seheta Leví sehe ji tuhsūro nia tiri jire. Ā jiro Melquisede Abrahāre to piti bocachū Leví cūhū to ñuchūno cjiro mehne jiro sehe jiro nia tiri jire. Ā jia Leví, to panamana ji turiaina mehne Melquisedere mahancā wapaina yoaro sehe jia, tina to docai jia nia tiri jire.

¹¹ To dutiare cūno Cohamacū Levíre to coyea cūhūre sacerdotea ji dutia tiri jire. Ā jia to dutia ti niriro seheta tina sacerdotea wahiquinare wajā jū māo, sinibasaa tiri jire Cohamacūre masa ya cjihtire. Ti ā yoari mehne mari yuhdūna, paipo sacerdotere soro sehe jiriro sacerdotere cahma namoeraboa mari. Ā jina paipo sacerdotere cahmaja mari mipūre, Melquisede yoaro sehe jirirore. Leví ya curua macariro Aarō cjiro yoaro sehe jiina sacerdoteare mipūre mari cahmaeraja. ¹² Ā jina sacerdotere mari cohtotana, marine dutia cūhūre cohtotaro cahmana marine. (Sacerdotea ti yoadoho mehne mari yuhdūeraro seheta tí dutia mehne mari yuhdūeraja. Ā yoana tí dutiare cohtota pahñono cahmana marine.) ¹³ Aarō, Leví cūhū ti ya curua macaina dihtare sacerdotea sāa duti muhtaa tiri jimare Cohamacū to dutiare cūno. To ā dutipachūta mipūre mari puhtoro sacerdote to sōriro pa curua macariro jira. Tí curua macariro ne sacerdote jierasinire. ¹⁴ Tiro Cristo Juda ya curua macariro masa bajuari jire. Tíre mari noano masija. Moise cjiro sehe sacerdotea sōno, Juda ya curua macainare ne cūiro sacerdote sōera tiri jire.

¹⁵ Ahrire masina, ó sehe mari noano masija: Mipūre wahma to sōriro sacerdote Cristo Melquisede yoaro sehe jiriro jira. ¹⁶ Panopū macaa dutia ti niriro seheta Leví ya curua macaina

dihta sacerdotea sāari jire. Mipure to sōriro sacerdote ti yoaro sehe jiriro sacerdote sāerari jire. Tiro Cohamacu tuaa mehne jipihtia dachoripe jiriro jira. Ā jiro tí tuaa mehne sacerdote sāari jire tiro. 17 Ó sehe nina Cohamacu yare ti joari pūi:

“Jipihtia dachoripe sacerdote jirucuihca mūhū.

Melquisede sacerdote to jiriro sehetra sacerdote jirucuihca mūhū, nia tiri jire Cohamacu to macunore”,

ni joaa tiri jire panopu. 18 To dutia to cū mūhtari dutiare masa ti bihoerachu yaba cjihti jierari jire. Ā jiro tí dutiare duti namoerari jire Cohamacu. 19 Moise cjiroke to cūri dutia mehne ne yuhdherara masa. Ā jiro mipu sehere Cohamacu marine to yuhdachu yoahtore marine cūre. To ā yoahtu mipure tiro cahapu waha masija mari. Ā yoa tiro mehne durucu masija.

20 Ā yoa Cristore sacerdote sōno, “Yū wama mehne potocā nii nija”, nino tirore sōri jire to Pucuro. Paina sacerdoteare tirore to yoariro sehe wama payo sōerari jire. 21 Cristo sehe Cohamacu tuaro to yahuri mehne sacerdote sāari jire. Ó sehe nia tiri jire to Pucuro Cristore:

“Yuhu mu puhtoro yu wama mehne mūhure
potocā yahuhtja.

Ahrire ne duhu cūno marieno yahuja mūhure.

Jipihtia dachoripe sacerdote jirucuihca mūhū”, ni cūa tiri jire Cohamacu to macunore. 22 Ā “Yū wama mehne potocā nii nija”, to nino mehne cūno, wahma buheare noaa buheare marine cūno, marine to yuhdachu yoahtire cūno nia tiri jire. Panopu macaa dutia yuhdoro mari noano jihtore cūno nia tiri jire. Ā cūno Cohamacu “Mūsare yuhdachu yoaihtja”, to niriro sehetra yoaro taro, Jesure warocari jire marine yuhdachu yoahtiro cjihtore. 23 Ji mūhtaina sacerdotea ti yariachu ñua paina cohtota sāana tjoa. Ā jia tina payu sacerdotea wahara. 24 Jesu sehe ā jirucura. Ā jia tirore cohtotaina mariahna sacerdotea. 25 Ā jiro tiro ā jirucuro, Cohamacure ā sini payobasarucura to yaina ya cjihtire. Ā yoa Cohamacu mehne ti ā jirucuhto sehe masare yuhdachu yoa masina tiro. Jipihtina tirore wacū tuaina Cohamacu cahapu wahaahca. Ā jiro Jesu jira pototi tinare yuhdachu yoariro.


26 Ā jiro Jesu jira mari sacerdotea puhtoa bui puhtoro. Tiro pinihatre tuaro cahmaja mari. Ne ñaa buhiri marieriro jira tiro. Masa yoaro sehe ne ñaare yoaerare. Ā jiro Cohamacu

tirore ñaina cahai jirirore naahno, m̄anopu cū, jipihtina paina bui p̄htoro sōri jire. ²⁷ Paina sacerdotea yoaro sehe jierara tiro. Tina sehe dachoripe wahiquinare wajā, jū m̄oa, Cohamacure sinia tihre. Ti basi ti ñaa yoari buhirire sini muhtaa tihre. Baharo paina masa ti ñaa buhirire cāhure sinibasaa tihre tina. ²⁸ Jia payu tahari tina Cohamacure sinia tihre. Jesu sehe sacerdote jiro, cū tahata to yariaa mehne siniri jire Cohamacure masa ti ñaa buhirire cohāno taro. ²⁹ Yariaro to basi to pjacure to catia cāhure Cohamacure to waboriro sehetia yoaro niri jire. Cohamacu dutia Moise cjiore to cūri cjiри sacerdotea p̄htoare sāa dutira. ³⁰ Sāapahta ñaa marieina jierara ā sacerdotea sāa. Tí dutia baharo jia buhea mehne Cohamacu “Yū wama mehne potocā nii nija”, to nino mehne to yahuri buhea mehne to macāno sacerdotea p̄htoro sāari jire. Tiro sehe ñaa marieriro ā jirucura.

Cohamacu “M̄usare yāhdūchū yoaihtja”, ni cūha tjoa Moise cjiore to cūrire cohtotaro. Tíre yahubasariro jira Jesu

8 ¹ Tí jipihtiare yahuna, ahri pinihtare m̄usare yahuna nija: M̄usare sā yahuriro sacerdotea p̄htoa bui p̄htoro tiro pini mari yairo waro jira. M̄anopu Cohamacu tua yāhdūariro to p̄htoro dujiro cahai to poto bāhusehei dujira Cristo mari sacerdotea p̄htoro. ² ² Jiro ahri yahpa macari wāhū, masa ti yoari wāhū sacerdotea dahraare yoaerara tiro. M̄anopu jiri wāhūpūre mari p̄htoro to yoari wāhūpūre sacerdotea dahraare yoara tiro. Tí wāhū pinihta Cohamacu waro ya wāhū jira.

³ Jipihtina ahri yahpa macaina sacerdotea p̄htoa wahiquinare wajā jū m̄oa, wara, Cohamacure ño payoa. ⁴ Āta yoa dutia tiri jire tinare. Mari yairo sacerdote cāhure wa dutia tiri jire Cohamacure mari ño payohto sehe. Mari ñaa buhirire tirore wa dutia tiri jire. ⁵ Jiro Cristo mari ñaa buhirire yariaro wahchechū yoari jire Cohamacure sacerdotea p̄htoa Cohamacure waa ti wahcheriro sehetia. ⁶ Mari judio masa mari dutia ti niriro sehetia ahri yahpapu sacerdotea masa ti ñaa buhirire wara Cohamacure sinia. Ahri yahpapu sacerdotea ji tuhsūra. ⁷ Jiro Jesu sehe mari yairo sacerdote ahri yahpapu jisinino, sacerdote jieraboa tiro sehe. ⁸ Ahri yahpa macaina sacerdotea ti dahraare ahri yahpa macari wāhūlita dahrara. Tí wāhū Cohamacure ti ño payorire ñuna m̄ano macari



wuhupure tirore mari ño payohtore masi cureja. “Tí wuhu yoaro sehe jira”, nino nia tiri jire Cohamacu tucui Moise cjiore to wuhure dahre dutiro. To ã dahrehto panocã Cohamacu õ sehe nia tiri jire tirore: “Tucui mühure yu ñoriro sehetá tí wuhu to jiriro sehetá yu ya wuhure quihõno dahrega”, nia tiri jire Cohamacu tirore. ⁶ Mipu sehere Jesu sacerdote jiro to dahraa paina sacerdotea ya dahraa yuhdoro jira. Wiho waro jierara. Cohamacu marine “Musare yuhduchü yoaihtja”, to ni yahuri cjiri panopu macaa dutia Moise cjiore to cüri dutia yuhdoro jira. Marine to yahuri cjiri tí dutia yuhdoro marine noano jichü yoaahtca. ã jiro marine Cohamacure yuhduchü yoabasariro jiro, Cristo sehe paina sacerdotea yuhdoro jira.

⁷ Wahmanopure to dutiri cjiri mehne mari yuhdueraja. Tí dutia mehne mari yuhduchü, paye buheare cueraboa Cohamacu. ⁸ Wiho mejeta tí dutiare ti yoa pahño masierarire yahuro õ sehe nia tiri jire to yainare Israe masare:

“Ó sehe nina mari puhtoro: ‘Noano tuhoga.
Baharopu paye buheare “Ó sehe yoadohoihtja
musare”, ni yahuihtja yu yainare Israe masare,
Juda ya curua macaina cüchüre.

⁹ Tí buhea ti ñuchusuma cjirire yu yahu cüri cjiri
yoaro sehe ne jisi.

Yu basi tinare Egipto yahpai jiinare na wiocu
tinare yahumai.

Yü ã ni yahurire yuhduruucare tina.

Ti ã yoachü ñucü tinare ã ñuñocahi.

10 Ñ jicü baharopü Israe masare õ sehe ni yahuhtja:

Yü dutiare tinare wacuchü yoaihtja.

Ñ jia yü dutiare yuhtiahca.

Ñ jicü yüüü Cohamacü ti pühtoro, tinare ñü
wihboriro jiihtja.

Tina sehe yü yaina masa jiahca.

11 Ñ jia tí pjare tina mehne macainare ne tina õ sehe

cahma nisi: "Mari pühtorore Cohamacüre
masiga musa", ne ni cahma buhesi.

Tina jipihtina yuhure masi tuhsuahca.

Wihainacä, bucuna cühü yuhure masiina
dihta jiahca.

12 Ñ jicü ti ñaa yoari buhirire boihca yuhü.


Tinare buhiri dahresi yuhü.

Ti ñaa yoari buhirire pari turi wacusi yuhü',
nia tiri jire mari pühtoro",

nina Cohamacü yare ti joari püi. **13** Mipüre marine wahma
buheare cüno, panopü macaa dutiare duhuro nire. Ñ yoa
muna dutia cjirire mahancä to duhuri baharo tí dutia cjiri
cohtotaa wahara.

**Ahri yahpa macari tahtiare muano macari tahtia
cuhure Cohamacüre ño payori tahtiare yahuha**

9 **1** Wahmanore Cohamacü to dutiare Moise cjiore cüno
masa tirore dohse ti ño payohto cühure cüa tiri jire. Ñ
yoa Cohamacüre ti ño payohti wuhü cühure yoa dutiro cüa
tiri jire. **2** Tí wuhü wahiquina cahsari wuhü jia tiri jire. Pua
tahtia cjuaa tiri jire. Pjiwacüri tahtia ti sää su mehtari tahtia
Cohamacü ya tahtia wama tia tiri jire. Tí tahtiai ti sihã
buhriadü jia tiri jire. Ñ jiro mesa cühü jia tiri jire. Tí mesa bui
Cohamacüre ti wari pao pisaa tiri jire. **3** Pa tahtia suhti cahsari
mehne ti ducatari tahtia jia tiri jire. Tí tahtia Cohamacü to jiri
tahtia waro wama tia tiri jire. **4** Tí tahtiai uru mehne ti yoari
altar, inciensore ti jü muori altar jia tiri jire. Ñ yoa uru noaa
mehne ti duhu õri caro töi coaa tiri jire. Tí caro puhichapü
uru wahwa maná wama tia chua posa tiri wahwa jia tiri jire.
Ñ jiro tí caro puhichapü Aarö to tjuadü cjiro püri tidü jia tiri
jire. Ñ yoa pua pjü taa pjini Cohamacü to dutiare to joa õa



pjini cūhú tí caro puhichapú sāa tiri jire. 5 Tí caro bui puaro anjoa masú jia tiri jire. Tí masú Cohamacú to si siteare, tí tahtiae to jiare ñoa nia tiri jire. Tí caro mohano bui ti wúa düpuri mehne mohaa tiri jire. Tí caro mohano bui masa ñaa buhirire ti warire wajá site payoa tia tiri jire sacerdotea púhtoro. Tó purota yahuichtja ahri wuhú macaare mipúre.

6 Â yoa tí wuhure ti noano cahnori baharo sacerdotea dachoripe ti sāa sú mahtari tahtiae sāa sú, ti dahraare yoaa tia tiri jire. 7 Sacerdotea púhtoa bui púhtoro dihta pa tahtiapú sāa tiri jire. Cuhmaripe cū tahata to sāari dacho baroihta sāa tiri jire tiro. Â sāano ti wajáriro wahiquiro ti wariro dire na sāano, Cohamacure ño payoa tiri jire. Di marieno ne sāaera tiri jire. To basi wacüenoca to yoari buhirire, to ñaa buhirire, jipihtina paina Israe masa wacüenoca ti yoari buhirire, ti ñaa buhirire dire na sāa tiri jire tiro Cohamacure sini payoro taro.

8 Jipihtia ahri mehne Espíritu Santo õ sehe ni marine buhero nina: Tí wuhui Moise cjiore to cūri wuhui mari ño payosinina, to cūri dutiare yoahntina jisinina, wiho jiina Cohamacure ño payona wahaeraboa mari. Sacerdotea púhtoa bui púhtoro dihta Cohamacú to jiri tahtiae waropú sāa masina. Â jina wiho jiina ti ño payoa wahaeraro sehetia áta jiboa mari cūhú Moise cjiore to cūri dutiare cjhasinina. 9 Ahri jipihtiare Cohamacure ño payori wuhupú jiare marine cūno, marine mipú macainare

buhero niri jire Cohamacʉ. Wahiquinare wajā jū mhoas, masa Cohamacure ti ño payori mehne ne Cohamacʉ cahapʉ wahasi. Ti ã yoari mehne ti ñaa yoari buhirire cosawerara. **10** Å wahiquinare waa, ti chʉa, ti sihnia, ti pjacʉ cosaa, ti õ sehe yoaa mehne Cohamacure ño payoa timari jire. Ahri ti ã yoari wiho warota jira mipure. Å yoa tí dutia Moise cjiore to cūri dutia marine noaina wahachʉ yoaerari jire. Tí dutiare yoapanaha mʉnanota jirucunocaja mari. Mari tʉhotuare cohtotaeraja mari. Å jia wahma buheare Cohamacʉ to cūri baharo mʉna dutia sehe yaba cjihti jierara.

11 Cristo sehe mari sacerdotea pʉhtoro jiro ta tuhsʉri jire. Å jiro marine noaare cū tuhsʉri jire. Cohamacure ño payori wʉhʉ mʉnanopʉ sacerdotea pʉhtoro to dahrari wʉhʉ paina sacerdotea ti dahraa wʉhʉse yuhdoro noari wʉhʉ jira. Mʉano macari wʉhʉ jira. Tí wʉhʉ ahri yahpa macari wʉhʉ jierara. Å yoa masa ti yoari wʉhʉ jierara.



12 Cristo muanopʉ Cohamacʉ to jiro waropʉ cū tahata sāari jire mari ñaare yoari buhirire Cohamacʉre waro sehe yoaro taro. Tópʉ muanopʉ ñopʉ to jiri tahtia waro yoaro sehe jira mari piti dahre buhechu. Â yoaro cabritoa dire, wachʉacā dire na sāa, waerari jire tiro. Tiro sehe to ya di warore Cohamacʉre to waro sehe yoaro niri jire yariaro. Jipihtia dachoripe Cohamacʉ mehne mari jirucuhto sehe to dire cohāri jire. Mari ñaa buhirire yariari jire. 13 “Yariainare pihana mʉsa pjacʉ wete tiina jira”, ni cūa tiri jire Cohamacʉ Moise cjirore. Tó sehe jia ñaare wete tiare cosawea tiri jire cabritoa dire ti wari mehne. Wachʉa dire ti wari mehne, wachʉacāre ti jūri nitine ti wari mehne tó sehe jia ñaare cosawea tiri jire. 14 Tó sehe jia ñaare wahiquina dire ti wari mehne, nitine ti wari mehne ti cosaweriro sehetá tí yʉhdoro Cristo sehe to dire to cohāno mehne mari ñaare yoarire noano cosawe pahñonocahna. Tiro ñaa marieriro jiro, crusapʉ yariaro to basita to pjacʉ to catia mehne Cohamacʉre waro sehe yoari jire. Espíritu Santo ã jirucuriro to yoadohoa mehne ã yoari jire tiro. Â yoa mari ñaa yoari buhirire Cristo to cosawechu ñuno mari ñaa buhirire Cohamacʉ bonocahno, mari ñaa yoarire duhuchʉ yoara. Tí ñaa buhirire cjhiasinina pichacapʉ wahahtina jimai mari. To cosawerina jina, Cohamacʉ catiriro yare yoaina jija mari.

15 Â jiro “Ó sehe mʉsare yʉhdʉchʉ yoaihtja”, masare Cohamacʉ to ni yahu cūchʉ Cristo sehe to yahuare yahubasariro jira. Â yahubasara tiro Cohamacʉ to beserinare yʉhdʉchʉ yoaro taro. To ã yʉhdʉchʉ yoachʉ jipihtia dachoripe tiro mehne jirucunahca mari to yaina. Â jina mari to yainare Cohamacʉ to wahtire cjhianahca mari. Moise cjirore to cūri dutia dihta jichʉ masa ti ñaa buhiri jisinia tiri jire. Â yoa crusapʉ yariaro tí pjata ti ñaa yoari buhirire yʉhdʉchʉ yoari jire tiro to yainare. 16-17 Masuno baharo to coyeare to wahtire joa õyura papera pūi. To wahtire yahuro taro joa õyura. Tí pūre joa õyuriro to yariaerasinichʉ tí pū yaba cjihti jierara. To coyea to cjhiarire na masierasinina. Wiho mejeta, to yariachʉ ñua tí pūi to ni joariro sehetá to yare naahca tina. 18 To yariahto pano tí pū to yaba cjihti jieraro sehetá yariaro marieno di wijaro marieno Cohamacʉ Moise cjirore to cūri dutia cūhʉ ne yaba cjihti jieraboa. Â jiro wahiquiro dire sacerdote to wajā siteri baharo to dutiare quihōnota yoaro nia tiri jire. 19 Â yoaro õ sehe yoa

muhtaa tiri jire Moise cjiro: Cohamacu to cūri dutiare masare yahu pahñoa tiri jire. Baharo wachuacā dire, cabritoa dire co mehne morea tiri jire. Tuhsu, hisopo wama tidu dūpu mehne oveja pjoari sohāa mehne ti ñimiori pjoarire torēa tiri jire. Tí dūpu mehne dire soharo, Cohamacu dutiare to joari tju bui wajā site payoa tiri jire. Jipihtina masa bui cāhure wajā site payoa tiri jire. **20** Å yoaro õ sehe nia tiri jire tiro: “Cohamacu marine to yahuri cjiri to dutiri cjiri ahri di mehne ti potocā jichu masija mari. Ahri dire ñuna to niriro seheta marine to yoah tire masija mari. Tí dutiri cjirire yuhti dutiri jire tiro marine”, nia tiri jire Moise cjiro. **21** Å yoaro masare to yoariro seheta Cohamacure ti ño payori wuhu wahiquina cahsari wuhure, jipihtia tí wuhu jia cāhure wajā sitea tiri jire. **22** Å tjira. To dutia ti niriro seheta payu ñaare di cohāno mehne cosawero cahmana. Mahanocā dūhsaa ñaare paye baro mehne ti cosawechu noana. Å jiro Cohamacu mari ñaa yoari buhirire ne bosi to di cohāerachu.

Cristo to dire cohāno, to yaina ti ñaa yoari buhirire cosaweha

23 Tí jipihtia Cohamacure ti ño payori wuhu, tí wuhu jia cāhu muano macari wuhu jia yoaro seheta jiri jire mari piti dahre buhechu. Muano macari wuhu sehe potocāta Cohamacu ya wuhu waro jira. Å jia ahri yahpa macari wuhure, tí wuhu jia cāhure wahiquina dire to wajā siteri mehne cosawero cahmari jire. Tí yuhdoro muanopu wahahtinare ti ñaa buhiri cjuainare cosawero cahmana. Å jiro wahiquina yuhdoro jiriro ya di to cohāno mehne tinare ti ñaa yoari buhirire cosawero cahmana. **24** Å yoa Cohamacure ti ño payori wuhu masa ti yoari wuhu jira. Muano macari wuhu yoaro seheta jira tí wuhu cāhu, mari piti dahre buhechu. Å jiro Cristo sacerdote jiro marine sini payobasaro taro ahri yahpa macari wuhure sāaerari jire. Potota muanopu wahari jire tiro Cohamacu panoi marine sini payobasaro taro. **25** Mari judio masa mari sacerdotea puhtoa bui puhtoro cāhmaripe Cohamacu to jiri tahtia waropu sāa tiri jire wahiquina dire waro taro. Cristo sehe to dire Cohamacure waro sehe yoaro taro, yariaro payu tahari sāaerari jire. **26** Payu tahari yariariro jiro, ahri yahpa to jiro puro payu tahari yariaboa tiro. Payu tahari tiro mari ñaa buhirire yariarucuriro jiboa. Wiho mejeta pihtiri dacho panocā mipure marine jipihtinare yuhduchu yoaro taro cā tahata

bajuarí jire tiro ahri yahpai. ~ bajuarí jire to yariaa mehne mari ñaa buhirire cohāno taro. 27 Jipihtina masa cū tahata yariaahca. Ti ã yariari baharo masa noainare, ñaina cāhure beserohca Cohamacu. 28 Cū tahata mari yariaro seheta Cristo cāhū cū tahata yariari jire payu masa ti ñaa yoari buhirire cohāno taro. Baharo pari turi tarohca. Mari ñaa yoari buhirire cohā tuhsūriopu jirohca. ~ jiro pari turi mari ñaa yoari buhirire cohāno taro nisi. ~ taro tirore cohtainare wahchea mehne tirore ñu duainare yāhdūchū yoaro tarohca.

10 ¹ Cohamacu to dutia Moise cjirote to cūri ejiri noaa buhea yoaro seheta jipahta, cūno potori jierara. Tí dutia ti yoa dutiriro seheta cāhmaripe wahiquinare wajā, jū māo, Cohamacure ño payorucura. Ti ã yoaa mehne masa ti ñaa yoari buhirire cohāerara. ² Tí mehne ti ñaa yoari buhirire cohāa, cū tahata Cohamacure ti ño payori baharo “Mipure ñaa buhiri mariahna sāre”, ni tūhotuboa masa. ~ jia pari turi wahiquinare wajā jū māo Cohamacure ño payoeraboa. Tí ã yoarire duhunocaboa. ³ Cāhmaripe wahiquinare wajā jū māo, Cohamacure ti ño payochu tí tinare ti ñaa yoari buhirire wacūchū yoara. Tó purocāta yoadoho duara tí tinare. ⁴ Wachua di mehne mari ño payori mehne, cabritoa di mehne mari ño payori mehne ne mari ñaa yoari buhirire cohāerara.

⁵ Tí potocāta jira. Ti ã jichu ñuno Cristo ahri yahpapure to tahto pano õ sehe nia tiri jire Cohamacure:

“Wahiquinare jū māo ti wachu, trigo pohcare ti
wachu cāhure māhu ñucu ñu ji coaerara māhu.

~ jicu yu pjachure yoare māhu yu ya pjach cjihtore.

⁶ Ñaa yoari buhirire ti cohāhtore wahiquinare wajā
ti jū māochu ñucu ñu ji coaerara māhu.

⁷ Mu ã ñu ji coaerachu ñucu õ sehe nihi māhure:
‘Ói jija. Mu cahmano seheta yahpapu yoai wahaihtja.

~ Ata yāhure ni yahura mu ya tjupu’, nihi yāhure”,
nia tiri jire Cristo to Puchurore. ⁸ “Wahiquinare jū māo ti wachu
ñucu, trigo pohcare ti wachu cāhure ñucu ñu ji coaerara
māhu”, ni yahu māhtaa tiri jire tiro. Wahmanopure to dutia
wahiquinare, trigo pohca cāhure ti waa mehne ti ño payo
dutipachuta ã nia tiri jire tiro. ⁹ ~ ni tuhsu õ sehe ni namoa
tiri jire: ‘Ói jija. Mu cahmano seheta yahpapu yoai wahaihtja”,
nia tiri jire. To ã nichu õ sehe masija mari. Panopu wahiquinare
wajā jū māoa mehne ti ño payori cjirire duhuchu yoaro paye

buhea sehere cūno niri jire Cohamacū. Ñ cūno mipure Cristo to yariaro mehne masare yahdūchū yoarohca Cohamacū.

10 Jesucristo to pjacure waro, yariaro, jipihtina mari to yainare mari ñaa buhirire cohāri jire. Cū tahata to pjacure wari jire mari ñaa yoari buhirire cohāno taro. Ñ yoaro Cohamacū to cahmano seheta yoaro niri jire.

11 Jipihtina mari judio masa mari yaina sacerdotea dachoripe Cohamacure ño payori wuhui dahrarucura. Ñ dahrarucua dachoripe mūnanota wahiquinare wajā, jū māo, Cohamacure sinirucura. Ti ã wajā jū muopachūta tí mari ñano yoari buhirire ne cohāerara. **12** Cristo sehe cū tahata mari ñaa yoari buhirire yariaro, mari ñaa yoari buhirire noano cohā pahñonocari jire. Tíre cohā tuhsū wahaa wahari jire to Pūcuro cahapū to poto būhusehei dujiro waharo. Pūhtoro jiro tópū dujira. **13** Tópū dujiro cohtaro nina. Tirore ñū tuhtiinare Cohamacū sehe to yahdūrūcabasahtore cohtaro nina Cristo. **14** Ñ jiro cū tahata to yariaro mehne ti ñaa yoari buhirire to cohābasarinare ñaa buhiri marieina ti ã jirucuchū yoara tiro. **15** Tí potocā tjira. Ñta ni yahura Espíritu Santo marine. Õ sehe ni yahura tiro:

16 “Ó sehe nina Cohamacū: ‘Baharopure õ sehe ni yahuhtja Israe masare, “Yū dutiare ti wacūapū cūihtja”’, ni yahuhtja”, nina tiro. **17** Ó sehe ni namona Cohamacū: “Ti ñaa yoari buhirire yū dutiare ti yahdūrūcari cūhure pari turi wacū namosi yahū”, nina tiro”, ni yahura Espíritu Santo. **18** Mari ñaa yoari buhirire to ã bochū pari turi mari ñaa yoari buhiri yariahtirore cahmaeraja mari.

Cohamacū cahai suna cuiro marieno tiro mehne mari durucuboriro seheta tiro mehne durucu masija mipure

19 Ñ jina yū coyea Cristo to yariaro mehne to di cohāno mehne mipure mari cāhū cuiro marieno Cohamacū to jiri tahtia waropū sāana, tiro mehne durucu masija. Ñ yoana tirore sini masija. **20** Mari catirucuhto cjihtore Cohamacū marine ã coā yoaro niri jire. Cristo sehe mari ñaare yoari buhirire yariaro to di cohāri mehne Cohamacū mehne durucu masija mari. Sacerdotea pūhtoa bui pūhtoro tí tahtiapū to sāariro seheta Cristo sehe Cohamacū cahapū suri jire mari ñaa yoari buhirire bo dutiro waharo. Tí tahtia macari suhtirore dūcatari suhtirore

to tührē cohāboro seheta Cristo to pjacure cohāri jire Cohamacu mehne mari jirucuhto sehe. 21 Å jiro Cohamacu ya wuhui dahrariro mari Yairo Sacerdote tua yuhduariro jira tiro. 22 Å jina Cohamacure sinijihna mahñono marieno. Tirore noano wacū tuaa mehne, cuiro marieno tirore sinijihna. Cristo mari ñaa yoari buhirire to cosaweinapu jija. Å jina “Buhiri tiina jija mari”, ni tħotuina jieraja mari. Å yoa wete mariea co mehne mari cosawero seheta Cristo to cosaweinapu jija. Å jiina jina Cohamacure sinijihna. 23 “Mħasare yuhduchu yoaihtja”, to niriro seheta yoarohca. Å jina tiro marine to yuhduchu yoahiore noano masija mari. Tíre masina, ne boena tħejjhna. Cohamacure ā wacū tuarucujjhna. 24 Mari mehne macainare cahīna, tinare yoadohojhna mari jipihtina mari cahma cahī yoadohohto sehe. 25 Å jina noano cahmachurucujjhna Cohamacu yare yoana tana. Paina sehe ti cahmachumariore duhua nina. Tina yoaro sehe yoaena tħejjhna. Mari mehne macainare wahchechuh yoajjhna. Ahri yahpapure mari pħortor to tahto mahanocā duhsara. Tíre masina tuaro wahchechuh yoajjhna mari mehne macainare Jesu yainare.

26 Potocā jia buheare noaa buheare mari masipanahta ñaare mari pari turi ā yoarucuchu mari ñaa yoari buhirire cosawe namohto basioerara. 27 Å jiro tó sehe yoainare cua nina. Jipihtina tirore ñu tuhtiinare buhiri dahrero, tuaro jānōi cohānohca Cohamacu tinare. Å jia to buhiri dahrehtore cuiina dihta jimana tirore duhuina. 28 Cohamacu dutia Moise cjiroke to cūri cjiroke yuhdūrūcainare buhiri dahrea, mari coyea judio masa wajāna tinare. Ne pja ñuno marieno wajāna tinare. Tiaro ti yahusāchuh tħoro beseri ro ti yuhdūrūcarire masino tinare buhiri dahre dutira. Tiaro mariachuh pħaro ti yahusāchuh tinare buhiri dahre dutira. To ā dutichuh tinare wajāna. 29 Tí yuhdoro Cohamacu macnōre ñu yabiina to buhiri dahrehtina jiahca. Cohamacu Cristo to di cohāno mehne mari ñaa yoari buhirire cohāna. To ā cohāhtore yahuri jire tiro marine. Å jia tina ti ñaa yoari buhirire cohārina jipahtia baharo pari turi ñaare yoarucua ti ñaa yoari buhirire to cohārire to di cūħure “Wiho waro jira”, nia nina. Å niina, to buhiri dahrehtina waro jia niahca. Å niina Espíritu Santore ñano ni durucuina jira. Tiro tinare cahīriro jira. Ti ā ñano durucuchuh ñuno tuaro buhiri dahrerohca Cohamacu tinare. 30 Ahrire mari noano masija. Cohamacu to basita õ sehe nia tiri jire: “Yuhu jija

buhiri dahrehtiro. Ti ñaare yoari buhiri buhiri dahrehtja yuhu”, nia tiri jire tiro. Õ sehe ni namoa tiri jire: “Yuhu ñano yoainare yu yainare buhiri dahrehtja”, nia tiri jire tiro.

31 Cohamacu catiriro marine to buhiri dahrechua cua yuhdara.

32 Panopu musa jirire wacuga musa. Tí pjare Cohamacu yare wahma masi ducana payu tahari ñano yuhdpanahta to yare duhuerare musa. 33 Caa tahari masa ti ñurocaroi paina musare ñano ni, ñano yoapere musare. Paina Jesu yainare ti ñano yoachu ñuna, tinare pja ñu, tinare piti tire. 34 Ti peresu yoainare pja ñure musa. Tuhsu, musa yare ti mapachuta wahchea mehne, “Noanohca”, nire musa. Ahri yahpa macaa yuhdoro noaare cjara musa muanopu. Tí noaa ã jirucuahca. Tíre masina, musa cjuaare ti machu cahyaerare musa. 35 Á jina cuiena tjiga. Cohamacure ã wacu tuarucuga. Musa ã yoachu ñano tiro noano yoarohca musare. 36 Cohamacu “Musare õ sehe yoadohoijta”, to ni cûrire noano cohtaga musa ñano yuhdpanahta. Á cohtaina jina to cahmaare yoanahca musa. Á yoana to ni cûrire cjuanahca. 37 Õ sehe nina Cohamacu yare ti joari pui:

“Mahanocá duhsara Cristo to wilihito.

Á taro dói wihi bahrañonohca.

38 Yu yaina noaina sehe yuhure wacu tuarucuahca.

Á yoaa yaina jirucuahca.

Yuhu mehne ã jirucuahca.

Yu yare cohaina sehere ñu yabija yuhu”, nia tiri jire to ya durucua ti joari pui. 39 Mari sehe Cohamacu yare cohaina jieraja mari. Á jina pichacapu wahahtina jieraja mari. Cohamacure wacu tuaja mari. Á jina to yuhdachu yoaina jija.

Wacu tuaare yahuha

11 ¹ Õ sehe jira wacu tuaa: Cohamacure wacu tuana, marine to noano yoahore noano masija mari.

Cohamacu to niriro sehetu to yoerasinipachuta to yahuare “Potocá tjira”, ni tûhotuja mari tirore wacu tuana. Tirore ñuerapanahita, tirore wacu tuana, “Potocá tjira”, ni tûhotuja mari to yahuare tûhona. ² Panopu macaina Cohamacure ti wacu tuachu ñano ñu ji coaa tiri jire tiro sehe.

³ Cohamacu to durucua mehne jipihtiare bajuamehnea tiri jire. Á jiro tiro mari ñuerari mehne jipihtia mari mipu ñuare

bajuamehnea tiri jire. Tíre mari noano masija Cohamacure wacū tuana pinihta.

4 Cohamacure wacū tuaro Abe sehe corderore wajā, jū muo, Cohamacure ño payoro “Noana”, nia tiri jire. To wahmino Cañ yuhdoro noanore waro, ño payoa tiri jire tiro Cohamacure. Å jiro Cohamacu to warire wahchea tiri jire. Å wahchero “Noariro jira”, ni ñua tiri jire tiro Abere. Å Cohamacure to wacū tuachu ñuna mari tirore ñu cūja. To yariari baharo jipachuta to wacū tuarire ñu cūja mari.

5 Enoco Cohamacure to wacū tuachu ñu no wahchea tiri jire Cohamacu. Å wahchero tirore to cahapu na mhoa tiri jire. Åta nina Cohamacu yare ti joari pui. To na muori baharo ne masa tirore bocaera tiri jire. To na muoriro jiro ne yariaera tiri jire. 6 Cohamacure wacū tuaerana, tirore wahchechu yo masieraja mari. Cohamacure wacū tuaerana, tirore ño payo masieraja mari. “Potocata tiro Cohamacu warota jira. Å jiro tirore mari ño payochu marine noano yoara tiro”, mari ni tuhotuerana tirore sini masieraja mari.

7 Noé Cohamacure wacū tuaro, tirore to yahurire noano yuhitia tiri jire. Baharopu ti ñano wahahtore to yahuchu tuhoro noano yuhitia tiri jire tiro. Å yuhitiro, pjiria dohoriare yoaa tiri jire. Å yoaa tia dohoria mehne tiro to coyea mehne dia mininore yuhdua tiri jire. Å wacū tuariro jiro ahri yahpa macaina ñaina ti wacū tuaerarire ti pichacapu ti wahahto cūhure ñono nia tiri jire. Å jiro to wacū tuachu ñu no “Noariro jira”, ni ñua tiri jire Cohamacu tirore.

8 Abrahā cjiro cūhu Cohamacure wacū tuaro tirore yuhitia tiri jire. Pa dihtapure tirore to wahti dihtapure Cohamacu to waha dutichu tuhoro Abrahā yuhitia tiri jire. To ya dihtai jiriro wijaa waharo, to masierari dihtapu sua tiri jire. 9 “Ahri dihtare muhure waihtja”, Cohamacu to nichu tuhoro tirore wacū tuaro tí dihtaihta tjuaa tiri jire tiro. Tói jiro pa dihta macariro jiparota tóihua tjuanocaa tiri jire. Tirore, to macuno Isaa cūhure to panamino Jacobo cūhure tina cañare “Ahri dihtare musare waihtja”, ni yahua tiri jire Cohamacu sehe. Å jia tina tí dihtai jia, wahiquina cahsari wuhusei jia tiri jire munano jieraina jia. 10 Tói jisinia tiri jire Abrahā Cohamacu mehne to jihtore cohtaro. Pa macapu Cohamacu to jiri macapu muanopu to wahahtore cohtaro nia tiri jire tiro. Tí macare dahrea tiri jire Cohamacu. Å jiro tí maca ne pihtisi.

11 Cohamacure wacū tuaro Abrahā cjiro būchro waro jiparota, to namono Sara mehne pohna tia tiri jire. To namono pohna marienicoro to jipachūta, “To niriro sehetā yoarohca”, Cohamacure nino, tirore wacū tuaro pohna tia tiri jire Abrahā. 12 Ā jiro Abrahā būchro waro jiparota pohna tia tiri jire. Ā jia to panamana ji turiainapū payū wahanocari jire. Ñahpichoha perire, padū pohcaricā cūhure mari quihōna bihoeraro sehetā to panamana ji turiaina cūhure quihōna bihoeraja mari.

13 Jipihtina ahrina yū yahuina cjiripū Cohamacure wacū tua tuhsūinapū yariaa tiri jire. Cohamacu tinare “Mūsare waihtja”, to ni quihō cūriore sūeraapahta yariaa tiri jire. Tíre ñahaerapahta Cohamacu to niriro sehetā yoari pja baharopū ti cjuahitre masia tiri jire. Ā masia wahchea tiri jire. Ā jia ò sehe nia tiri jire tina: “Ahri yahpai tiniina jija. Pa yahpa macaina jija”, nia tiri jire tina. 14 Tó sehe niina pa yahpare ti ya yahpa cjihtore cohtaa nina. Tíre mari noano masija. 15 “Pa yahpa macaina jira”, nicū panopū ti cohāri yahpare nicū nieraja. Pa yahpapū ti ji muhtari yahpapū waha duaa, wahaboa. 16 Noa yuhdūari yahpa sehere cahmaa nia tiri jire. Tí yahpa muhanopū jira. Ti ā cahmachu ñuno “Cohamacu sā pūhtoro jira”, ti nichu tūhoro būo tierara Cohamacu. Ti ya maca cjihtore dahrebasa tuhsua tiri jire tiro.

17-18 Cohamacu Abrahāre to macunore Isaare wajā jū mū dutia tiri jire. Tirore ñū duaro ā dutia tiri jire, “¿Potocāta yuhure wacū tuajari?” nino. Cohamacure wacū tuaro to niriro sehetā yoaa tiri jimare Abrahā. “Mū macu Isaa mehne mū panamana ji turiainare payū cjuaihca mūhū”, Cohamacu to niriro jipachūta to macunore wajāno taro nia tiri jimare Cohamacure ño payoro taro. 19 “Yū macu Isaaare yū wajāchū Cohamacu tirore masonohca”, ni tūhoturo tirore wajāno taro nia tiri jimare. Ā niriro jiparota Cohamacu tirore dūcata, wajā dutiera tiri jire. To pūcero to ā wajāboriro jiro, masariro yoaro sehe jia tiri jire Isaa, Abrahā to ñuchū. Ā jiro Abrahā tirore catirirore pari turi cjuaa tiri jire.

20 Isaa Cohamacure wacū tuaro, to pohnare Jacobore, Esaú cūhure “Baharopū Cohamacu mūsare pjíro noano yoarohca”, nia tiri jire. 21 Cohamacure wacū tuaro Jacobo to yariahto panocā José pohnare, mūare “Cohamacu mūsare pjíro noano yoarohca”, nia tiri jire Jacobo. Na tuhcua caha sū, to tjuadū mehne tjua ñaha caha sū, Cohamacure ño payoro, “Cohamacu

müsare noano yoarohca”, ni cūa tiri jire. 22 Cohamacure wacū tuaro José to yariahto panocā Israe masa Egiptoi jiina ti wijaahitore yahuyua tiri jire. Â ti wijaahitore masiyuro to yariari baharo to pjacu cjiore naa dutia tiri jire to pohnare.

23 Cohamacure wacū tuaa, Moisecare tia sū waro nñøo cñuaa tiri jire to pñcñuma, to masa bajuari baharo. Noarirocā to jichu ñua tirocāre nñoa tiri jire. Tíyahpa macaina bui pñhtoro ti pohnare to wajā dutirore yñhdñrñcanocaa tiri jire tina.

Tirore cuiera tiri jire. 24 Moise cjiore bñçñoricoro Egipto yahpa macaina bui pñhtoro macono jia tiri jire. Â to bñçñoriro jiro Cohamacure wacū tuaro “Ticoro macuño”, tirore ti ni pisuchu cahmaera tiri jire Moise. 25 Cohamacure yñhdñrñcariro jiro tirore bñçñoricoro cahapu mahaa nñmñricā noano jiboa. Â jiboriro jiparota tí yñhdoro tiro Cohamacu yaina mehne ñano yñhdñ duaa tiri jire. 26 Â ñano yñhdñro Cristore ti bñjñpeheto seheta ti bñjñperiro jia tiri jire. Baharopu to noano yoari wapa Cohamacu tirore to noano yoahtore masino ñano yñhdñ duaa tiri jire Cristo to ñano yñhdñheto seheta. Jipihtina Egipto macaina ti noaare ti cñuaro yñhdoro tiro Cohamacu sehere tuaro cahmaa tiri jire. Ñano yñhdñparota, Cohamacure cahmaa tiri jire. 27 Cohamacure wacū tuaro, Egipto macaina bui pñhtoro tiro mehne to suachu cuieraa tiri jire Moise. Â cuieraro tíyahpai jiriro tíyahpare cohā wahcāa wahaa tiri jire. Â waharo Cohamacure bajuerarirore to ññboriro seheta cuierariro jia tiri jire. Cohamacu tirore to yoa dutirire ne duhuera tiri jire Moise cjiro.

28 Cohamacure wacū tuaro Moise cjiro Israe masare Cohamacu to yñhdñchu yoahtore masia tiri jire. Â masino Cohamacu to dutiriro seheta Israe masa ti sopacarire õa pjñine di mehne wajā site dutia tiri jire tiro. Ti âyoachu ññno anjo masare wajáriro ti masa wahmisumare wajáboriro Israe masa ti wahmisumare wajáera tiri jire. 29 Cohamacure wacū tuaa, Israe masa “Sohári ma”, ti niri mapu co watoi jiri wahsai co marieni wahsai wahaa wahaa tiri jire. Ti âwahachu ñña Egipto macaina cñhu tinare ññcū, nññu ti wahcāmaa, mini yariaa wahaa tiri jire.

30 Cohamacure wacū tuaa Israe masa Jericó wama tira maca macari sahrñno tāa mehne ti yoari sahrñno sēbñtiri sahrñno baharo bññsehei soroa majarea tiri jire. Siete dachori waro tímacare soroa tinia tiri jire. Tópe dachori ti soroa tiniri baharo

tí sahríno sehte bora pihtia wahaa tiri jire. 31 Cohamacure wacū tuaro tó pano múa mehne ñano yoarucuricoro cjiro Rahab wama tircoro, tí maca macaricoro Israe masare yoadohoa tiri jire. Tí macare ti coháhto pano mahainacã Israe masa tópü sää ti duhti ñúchü ticoro tinare yoadohoa tiri jire. To á yoadohochü ñúa Israe masa wajáera tiri jire ticorore. Tí maca macainare Cohamacure yúhdurúcainare wajápahta ticoro sehene wajáera tiri jire.

32 Painare Cohamacure wacū tuainare yahu namoboa yúhu. Á yahu duapaihta payüre á Cohamacure wacū tuainare yahu joa pahño masieraca yúhu. Payü jira tina. Gedeõ, Baraca, Sansõ, Jefté, Davi, Samue, Cohamacü yare yahu múhtaina cühü ahrina jipihtina yü yahuborina jira. 33 Cohamacure wacū tuaina caina paye yahparipü jia, tí yahpari macainare cahma wajá yúhdurúcaa tiri jire. Á yoa paina noano dutiina jia tiri jire. Cohamacü tinare “Músare yoadohohtja”, to niriro seheta tinare yoadohoa tiri jire. Tirore ti wacū tuachü ñuno á tinare yoadohoa tiri jire. Á wacū tuaa, yaya tinare ti chü duachü ti duserire bihachü yoaa tiri jire tina. 34 Tuaró jüri pichacapü jipahta jüera tiri jire tina Cohamacure wacū tuaa. Paina tinare ti ñosa wajá duachü duhti wahcää wahaa tiri jire Cohamacure wacū tuaa. Tuaeraina jipahta Cohamacure wacū tuaa, tuaina wahaa tiri jire. Cohamacure wacū tuaina jia, cahma wajá tuaina jia tiri jire. Á jia paye yahpari macaina surara tinare wajää taina ne cüno pjaera tiri jire tinare. 35 Cää numia Cohamacure ti wacū tuachü ñuno ti coyea ti yariachü ñuno Cohamacü sehe tinare masobasaa tiri jire.

Paina “Cohamacure cahmaena tjiga”, ti ni peresu yoaina ti ñabiaro yoapeina Cohamacure wacū duhuera tiri jire. “Cohamacure múa wacū duhuchü músare wionahca”, nia tiri jimare tinare peresu yoaina Cohamacü yainare. Ti á nipachüta tinare yúhtiera tiri jire Cohamacü cahapü tuaro waha dua. Á jia tinare ñabiaro ti yoapechü yariaa wahaa tiri jire.

36 Painare Cohamacure wacū tuainare ñano ni býjüpe tinare tjana múa tiri jire. Á yoa painare dahporire, yachürire duhtenoca peresu yoaa tiri jire. 37 Cohamacure wacū tuainare ñaina tää mehne doca wajää tiri jire. Painare ti pjachürire seroti mehne yihsa ta múa tiri jire. Painare ñosaa pjini mehne ñosa wajää tiri jire tina. Ti á ñano yoapeina oveja cahsari mehne, cabra cahsari mehne suhti tiina pjachüoina jia tiri jire. Á jia

paina tinare ñano yoapea tiri jire. **38** Tina Cohamacure wacū tuaina peri yu yahuina noa yuhdūaina ti jichu ahri yahpa macaina ñaina tina mehne jiborina jierara. Ahrina Cohamacure wacū tuaina wahhse marieina jia, masa marienopu, tÿyucapu ji sitotaa tiri jire. Å ji sitotaa, tÿyucapu jia coparipu, yahpai jia coparipu cûhure carí sitotaa tiri jire. **39** Ahrina jipihtina Cohamacure ti wacū tuachu ñano wahchea tiri jire tiro. Ti å wacū tuapacheta Cohamacu tinare “Musare yuhdachu yoaihtja”, to niriro mu súerasinia tiri jire. **40** To yuhdachu yoaerasinirire yahuro ò sehe ni tûhotua tiri jire Cohamacu. “Ahrina yu yainare baharopu jiina yu yaina mehne cûno potori yuhdachu yoaihtja”, ni tûhotua tiri jire. Å ni tûhoturo to niriro seheta yoarohca. To å yoachu noa yuhdúara to pano yoariro yuhdoro.

Jesure å wacûrucujihna mari

12 **1** Å jina ahrina yu yahurinare payu Cohamacure wacū tuainare masina, jipihtia ñaa yoare duhunocajihna mari cûhu. Ò sehe jira mari piti dahre buhechu: Mûrocaperirore tirore mûroca tuachu dojomehnea jira paye. To dahpo suhti nucua suhti tirore mûroca tuaerachu yoaboca. Tí yoaro seheta Cohamacu cahmaare mari yoa duachu dojomehnea cûhu jira. Ahri cûhure duhujihna mari. Å yoana mûrocapeina soro marieno ti mûrocaro seheta mari cûhu Cohamacu to cahmano seheta soro marieno yoajihna. **2** Å jina Jesure å wacûrucujihna mari. Tirota jira marine wacū tua dûcachu yoariro. Å yoa marine wacū tua namochu cûhure yoara tiro. Crusapu yariaro cûno pjari jire. Baharo to wahchehtore masino crusapu yariari jire. Å yariaro bûo tiboriro jiparota bûo tierari jire tiro. Å yoaro mipure Cohamacu to pûhtoro dujiro poto bûhusehei dujitjiahno tiro dutiriro jira.

3 Ñaina masa tirore ti ñabiaro yoapacheta cûno pjari jire tiro. Tíre wacûga mûsa, mûsa cûhu ñano yuhduna, “Cûno pjaerari”, nina. Tíre wacûga mûsa “Tirore wacū tua duhuri”, nina. **4** Jesu to ñano yuhdûriro sehe ñaare yoaerapanaha ñabiaro waro yuhdúerasinica mûsa. Ñaina mûsare wajâerasinica. **5** ¿Cohamacu mûsare to pohnare to yahurire bonocajari mûsa? Mûsa ñano yuhdûhtire to yahurire wacûga mûsa. Ò sehe nia tiri jire tiro:

“Yu machu, mûhure yu yahuchu yuhhure å ñûnocai tjiga ñano yuhdûpaihta.

Muhure yu tuhtichu tahoche cahyai tjiga.

6 Jipihtina yu cahinare yahuja.

Â yoa jipihtina ‘Yu pohna jira musa’,
yu ni ñuinare yuhduraca dutieraja.

Â jicu ti yuhdurecachu ñucu tinare buhiri dahreja”,
nia tiri jire Cohamacu. **7** Ñano yuhdua Cohamacu yare
duhuena tjiga. Cohamacu musare to pohnare buhero nina. Ti
pucusuma ti pohnare â yahurucura. Â yoa tinare buherucura.
Tó seheto yoara Cohamacu cöhü marine to pohnare.

8 Cohamacu jipihtina to pohnare â yahurucura. Â jina musare
to yahuerachu to pohna waro jierara musa. Pucusuma marieina
yoaro sehe jira musa to yahueraina. Â jina “Sã Pucu waro jira”,
ni masierara musa Cohamacure, musare to yahuerachu. **9** Mari
pucusuma marine ti yahuchu têhona tinare ño payoja mari.
Mari pucusumare mari ño payoriro yuhdoro ño payoro cahmana
mari Pucure Cohamacure to yahuchu. Â jina tirore yuhтиro
cahmana marine. Â yuhтиina jina jipihtia dachoripe tiro mehne
jinahca. **10** Mahaa nümüricä ahri yahpai mari jisinichu mari
pucusuma marine yahua, buhiri dahrera. Ti mu sruo ti masino
purocäta marine yahua, buhiri dahrera. Cohamacu sehe marine
noano yahura. Â jiro to masia mehne marine buhiri dahrera
marine noaina bucua dutiro. Äta yoara tiro marine tiro yoaro
sehe noaina mari jihto sehe. **11** Marine to buhiri dahrechü
wahcheraja mari. Wiho mari cahyaja. Â cahyapanaha to â
buhiri dahreri baharo noaina bucuanahca mari. Â jina soro
yoaro marieno noano jinahca.

Cohamacu marine to dutiare mari yuhtierachu cua nina marine

12 Â jina wacu tuaera cureina jipanahta Cohamacure wacu
tuaina jiga. Tirore duhuena tjiga. **13** Noano potori mahare
musa wahaboro seheto noano potocä yoaga musa. Musa â
yoachu ñu cua, paina Jesu yaina soro jiare yoasi. Musa noano
yoachu ñu cua, noano wacu tuaera cureina cöhü wacu tuaina
wahaahca.

14 Jipihtina masa mehne noano jiga, cahmacheno marieno.
Â yoa ñano yoarucuena tjiga. Naa buhiri marieina dihta mari
puhtoro Cristore ñuahca.

15 Noano yoaga musa. Cohamacu musare to yoadohochu
tirore noano yuhтиga. Naa diaa ti toaare ti dojomehneno seheto
musa cöhü Cristo yare duhuena tjiga, “Painare dojomehneri”,

nina. **16** Ne numia mehne ñano yoaina jiena tjiga. Å yoa Cohamacʉ yare cahmaeraina jiena tjiga. Cohamacʉre cahmaerario jia tiri jire Esaú cjiro. Tiro masa wahmino jia tiri jimare. Å jiro to pucuro to yariari baharo to pucuro yare cjuahтиro jisinia tiri jimare. Cohamacʉ to pucurore to ni cūri cāhure cjuahтиro jisinia tiri jimare. Å jiriro jiro cū dacho cū wapaihta chuhare cahmano, tí wapa mehne to bahuro sehere to wahmino yoaro taro cohtotaa tiri jire. **17** To å yoari baharo to dohse waharire masina mūsa. To pucuro tirore to wahtire tuaro cahmaa tiri jimare Esaú. To å cahmapachʉta to bahurore to wahmino to yoari buhiri, baharo to cjuaborire waera tiri jire to pucuro Esaúre. Tíre yahco mehne to sinipachʉta tirore waera tiri jire to pucuro.

18 Cohamacʉ to dutiare Moise cjiore to cūchʉ mari coyea Israe masa cjiri Cohamacʉ mehne jia tiri jire. Tina tiro mehne ti jiriro sehera mūsa sehe jierare. O sehe yoaa tiri jire tina sehe. Tūcʉpʉ Cohamacʉ mehne jia taa, sʉa tiri jire. Tʉ sehe Sinaí wama tidʉ jira. Tüpʉ ti sʉchʉ tuaro pichaca jūa tiri jire. Å jiro nahitiano, buiri, tuaro wihnono cāhʉ jia tiri jire tʉ tūcui. **19** Tópʉ ti sʉchʉ corneta bisiro coa taa tiri jire. Å yoa durucua bisiro coa taa tiri jire. To å durucua bisiro coa tachʉ tʉhoa, masa cūno pjaeraa, “Å durucu namoenō tjijaro”, tuaro ni sinia tiri jire. **20** Cohamacʉ cuaro mehne õ sehe ni, dutia tiri jire tinare: “Jipihtina ahdu tūcure pihainare tāa mehne doca wajāga tinare. Ahdure pihariro wahiquiro waro to jipachʉta tiro cāhure tāa mehne doca wajāga tirore. O ñosadʉ mehne ñosa wajāga tirore”, nia tiri jire Cohamacʉ. To å nichʉ tʉhoa to å ni dutiare cūno pjaera tiri jire tina. **21** Jipihtia tʉ tūcui jiro to ñurire ñu cuiro, õ sehe nia tiri jire Moise cjiro: “Cuicʉ teterei nija”, nia tiri jire tiro.

22 Tó sehera Cohamacʉ mehne ti ji ducariro sehera jierara mūsa sehe. Cohamacʉ mehne jina wahana, Siō wama tidʉpʉ mʉano macadupʉ mūsa sʉboro sehera potota Cohamacʉ mehne durucure mūsa. Cohamacʉ catiriro to ya macapʉ mūsa sʉboro sehera potota tiro mehne durucure mūsa. Tí maca pa maca wahma maca Jerusalē mʉano macari maca jira. Tópʉre payʉ anjoa peri jira. **23** Tina Cohamacʉ mehne wahchea taa cahmachuina jira. Å jina mūsa sehe to ya maca macaina jina, tópʉ Cohamacʉ pohna ji mʉhtaina mehne mūsa cahmachuboriro sehera jira. Tina to pohna wamare to joa õri pui mʉanopʉ ti

wamare to joa õina jira. Tiro Cohamacu sehe jipihtinare besehtiro jira. Tiro mehne macaina jira m̄usa sehe. Ā jina paina noaina Cohamacu yaina mehne cahmachuina seheta jira m̄usa cūhū. Tinareta ñaa marieina jichu yoa tuhsari jire Cohamacu. 24 Ā jina Jesu mehne macaina jira m̄usa sehe. Wahmanopu Moise cjiore to duti cūri cjirire cohtotaro “M̄usare yuhdachu yoaihtja yuhu”, ni cūa tiri jire Cohamacu marine. To ā ni cūriro seheta yoariro jira Jesu. To dire cohā to yariaro mehne ā marine yuhdachu yoara. Abe cjiro to di cohāchū ñuno Cohamacu Abere wajāriore buhiri dahrea tiri jire. Jesu sehe to dire cohā to yariario mehne noano yuhdaja mari. Ā jiro Abe to di cohāri wiho warota jia tiri jire. Cristo sehe to di cohāri baharo noa yuhdaro yoari jire Cohamacu marine. Ā jia to di cohāri wiho warota jierara.

25 Ā jina noano yoaga m̄usa. Cohamacu yare m̄usare yahuriore noano yuhtiina jiga. Panopu ahri yahpai jiriro Moise cjiro Cohamacu yare to yahuchu t̄ehoa, payu t̄ire t̄eho duaera tiri jire. Ā ti t̄ehoerari buhirire buhiri dahrea tiri jire Cohamacu tinare. Cristo sehe m̄uanopu jiriro Cohamacu yare yahuriro jira. Ā jiro panopu macainare to buhiri dahreriro yuhdoro buhiri dahrerohca Cohamacu Cristore cahmaerainare. Cristo sehe m̄uanopu jiriro Cohamacu yare yahuriro jira.

26 Tí pjare Moise cjiore to dutiare to cūri pjare Cohamacu to durucuro mehne yahpa ñuhmichu yoaa tiri jire. Mipu sehere õ sehe ni yahuri jire tiro: “Ahri yahpa to ñuhmichu cū taha yoa namoijtja. Ahri yahpa dihtare ñuhmichu yoasi yuhu. M̄uanopu cūhure ñuhmichu yoaihtja”, ni yahuri jire tiro. 27 “Ahri yahpa to ñuhmichu cū taha yoa namoijtja”, nino jipihtiare to bajuamehnerire to cohāhtore masichu yoaro niri jire. P̄uhotoro Cohamacu to sūho jiropure cohāhto basioerara. Ā jiro to bajuamehneri cjirire to cohāchū p̄uhotoro to sūho jiro dihta tjuarohca. 28 P̄uhotoro to sūho jiropu wahanahca mari. Ā jina p̄uhotoro to sūho jiropure to cohāerachu ñuna, Cohamacure “Noana”, nijihna mari. Ā jina tirore ño payoa mehne, cua pisaro mehne to yare yoajihna mari tirore wahchechu yoana tana. 29 Pichaca jūno to cuaro to jiro seheta Cohamacu cuaro choro buhiri dahreriro jira.

Ó sehe Cohamacure wahchechü yoaga

13 ¹ M̄usa mehne macainare cah̄i duhuena tjiga. ² Masa m̄usa masieraina ti jipach̄ta tinare m̄usa wuhusep̄ noano mehne sāa ta dutiga. Paina ã yoaa, masierapahta anjoare ti wuhusep̄ sāa ta dutiri jire. ã jina ti yoaro seheta yoaga m̄usa c̄uhü.

³ Peresui jinare pja ñ̄uga. M̄usa sehe tina mehne peresui jiina m̄usa jiboro seheta tinare pja ñ̄uga. Paina ti ñano yoaina c̄uhure pja ñ̄uga. Tina yoaro sehe m̄usa c̄uhü m̄usa ñano yuhduboro seheta tinare pja ñ̄uga.

⁴ Wamomaca d̄uhteina jipihtina m̄usa basi noano cahma ño payoga. ã yoa paina mehne ñano yoaina tjiga. Jipihtina numia mehne ñano yoainare, m̄ua mehne ñano yoaa numia c̄uhure buhiri dahrerohca Cohamacü.

⁵ Niñerure cah̄ina ne jieno tjiga. Ó sehe nia tiri jire Cohamacü: “M̄usare ne cohäsi. ã yoadohorucuihtja m̄usare”, nia tiri jire tiro. Noho puro m̄usa c̄juaa mehne tó purota wahchega. Pjíro cahma namoena tjiga. ⁶ ã jina cuiro marieno õ sehe ni t̄hotunahca mari:

“Mari p̄ahtoro Cohamacü marine yoadohoriro jira.

Ne cuiisi mari.

Masa marine ti ñano yoahvore cuiisi mari”,
ni t̄hotunahca mari.

⁷ Cohamacü yare m̄usare yahurinare m̄usare dutirinare wacūga m̄usa. ã yoa noano ti jia tirire noano ti yoaa tirire wacūga. ã wacūna, Cristore ti wacū tuariro seheta yoaga m̄usa c̄uhü.

⁸ Jesucristo ne cohtotaerara. Panopü, mipü c̄uhure, baharopü c̄uhure to jiriro seheta jirucurohca tiro. ⁹ Payü buheare soro jia buheare t̄hoena tjiga m̄usa “Noa buheare s̄apü cohäri”, nina. “Ahrire ch̄uga. Ahrire ch̄ueña tjiga”, ni buhera cāina. ã ni ti nia buheare mari yuhkichü t̄í marine yoadohoerara. ã jiro tó sehe jia buheare mari yoachü wiho warota jira. Tí marine wacū tuaina jichü yoarerara. Cohamacü sehe marine pja ñ̄uno wacū tuaina jichü yoara. ã jina to ya tuaa mehne tirore wacū tuaina jiga m̄usa c̄uhü.

¹⁰ Cristo mari ñaa buhirire yariari jire mari ñaare cohāno taro. Sacerdotea sehe õ sehe niina jira: “Wahiquina mari wajā j̄ü muoina, mari waina mehne yuhdunahca”, niina

jira sacerdotea. Å niina ti ñaa yoari buhirire cohāina ne ji masierara. Cristo to crusai to yariaro mehne yūhdūina ji masierara tina ã ni tūhotuina. **11** Mari judio masa mari sacerdotea pūhtoro Cohamacu to jiri tahtia waropu dire na sāano wajā sitea tiri jire, masa ti ñaa yoari buhirire cosawero taro. Å yoa to wajāriro wahiquiro to pjacure tí maca dūhtu cahapu jū cohānocahna. **12** To yoariro seheta Jesu cūhū maca dūhtu cahapu yariari jire, masa ti ñaa buhirire to di cohāno mehne cosawero taro. **13** Maca dūhtu cahapu to yariachu ñua, ti ya buheare to cohāchū ñua judio masa pūhtoa tirore ñu tuhtiri jire. Å jina mari cūhū tiro mehne macaina jijihna. Mari ã jichu ñua, masa mari cūhure ñu tuhtiahca. **14** Ahri yahpapu mari ji dojoahti maca ne mariahna. Å jina mipūre mari baharopu jihti macare cohtana nija mari. **15** Å jina Jesu to yoadohoro mehne Cohamacu mehne durucuja mari. Å jina tirore noano sinijihna. Sacerdote wahiquirore jū mao, Cohamacure to ño payoriro seheta Cohamacure mari dūseri mehne noano durucu ño payojihna mari. “Cohamacu tuariro jira”, ni ño payorucujihna. Mari ã nichu tiro wahcherohca. **16** Mūsa mehne macainare noano yoaga. Å yoa tinare yoadohoga. Tíre boena tjiga. Mūsa ã noano yoana Cohamacure ño payona nica mūsa. Å yoana tirore wahchechū yoana nica.

17 Mūsa pūhtoare noano yūhtiga. Ti dutiro seheta yoaga. Cohamacu mūsare ñu wihbo, buhe dutiro cūre tinare. To ã cūrina jia mūsare ã ñu wihborucua nina “Cohamacure yūhdūrūcari”, nia. Å jina tinare noano yūhtiga mūsa. Mūsa ã yūhtichu ñua wahchea mehne mūsare yoadohoahca tina. Mūsa yūhtierachu ñua tina cahyahca. Å yūhtierana noano jisi mūsa.

18 Sāre sini payorucuga Cohamacure. Dachoripe noaa dihtare yoa duaja sā. Å jina “Ñaare yoana nija”, ni tūhotueraja sā. **19** Ahri pinichtare tuaro sini payoga Cohamacure yūhure: Soaro mehne mūsa cahapu yū wahahtore tirore sini payoga.

Ahri pūre joariro noa duti batoaha

20 Cohamacu mari pūhtoro Jesure yariarirore masori jire. Marine noano jichu yoariro jira. Tiro “Mūsare yūhdūchū yoihti”, ni cūa tiri jire Cohamacu marine. To ã ni cūrire yoariro marine yūhdūchū yoariro Jesu sehe jira. Mari ñaa buhirire yariari jire tiro. Å jiro tiro tuariro ovejare ñu wihboriro

yoaro sehe jiro, marine to yainare noano ñu wihibora. 21 Å jiro Cohamacu tirore masoriro musa cuhure yoadohojaro jipihtia noaare to cahmaare musa yoahito sehe. Å jiro Jesucristo to yoadohoro mehne Cohamacu to cahmano seheta jipihtinare marine noaa sehere cohtotachu yoajaro. Jipihtia dachoripe Cristore ñ payojihna. Åta yoajihna.

22 Yü coyea, ahrire tuaro musare dutiijtja: Ahri pui yü yahurire noano mehne tihoga mosa. Ahri musare yü joarocari pui pjiri tju jierara. Å jina ahrire noano tihoga. 23 Ahri cuhure musare yahuijtja: Mari coyeirore Timoteore peresu jirirore wioyuhti. Soaro mehne to wihibachu musare ñui wahacu tirore naaihtja. Yuhu mehne waharohca.

24 Musa puhtoare, jipihtina painare Cohamacu yainare tojjiinare noa dutija. Italia macaina Jesu yaina cuhu musare noa dutira.

25 Cohamacu to cahia mehne musare jipihtinare noano yoajaro.

Santiago

Santiago Israe masare macari waharinare joarocaha

1 1 Yuhu, Santiago ahri pui m̄sare noa duti joarocai niya.
Cohamacure, mari p̄htoro Jesucristo c̄hure dahra
cohtariro tjija yuhu. ã jicu Israe masa ya curuari macainare
doce curuari macainare Jesu yainare macari waharinare yu
coyea m̄sare joarocai niya.

Cohamacu sehe noano masichu yoara

2 Yu coyea, payu jiahca m̄sa ñano yuhduhti. ã ñano
yuhduña noano wahchea mehne t̄hotuga. 3 ã ñano yuhduña,
potocāta Jesure m̄sa wacū tuaare ñona ninahca m̄sa. ã jina
ñano yuhdupanahta Jesure m̄sa noano wacū tuaina jina, tirore
wacū tua namoina wahanahca. ã wahana m̄sa ñano yuhduare
cūno pjanahca. 4 ã yoana duhuro marieno ã cūno pjarucuina
jiga m̄sa, tuho masiina, Cohamacu cahmaare noano masiina
m̄sa jihto sehe. ã jina d̄hsaro marieno to yare yoarucuina
jinahca m̄sa.

5 Cohamacu d̄hsaro marieno jipihtinare wara. ã waro
tirore siniinare soro nino marieno wara tiro. To ã jiriro jichu
masina, m̄sa masihti d̄hsachu t̄hotuna, tirore siniga. M̄sa
ã sinichu m̄sare masi namochu yoarohca tiro. 6 ã sinina
Cohamacure noano wacū tuatjiähna siniga m̄sa. “Sā sinichu
Cohamacu waeraboca sāre”, ni t̄hotuena tjiga. Tó sehe ni
t̄hotuina pjiri ma macaa pahcōri yoaro sehe jira. Pahcōri
ti s̄roca cohtotaro seheteta tina c̄hu ti wacūapure s̄roca
cohtotara. Cūno potori yoarerara tina. ã jia Cohamacure wacū
tuaerara. 7 Tó sehe ni t̄hotuinare ti sinipachuta ne mahancā
ti siniare tinare wasi mari p̄htoro Cohamacu. 8 Michare
ahrire cahmariro jiparota ñamichacapure solo t̄hotura tjoa.
ã yoarirore tó wahaerara.

9 Jesu yainare wiho jiinare Cohamacu sehe p̄htoa
s̄onohca. To ã yoahntina jia wahchejaro tina. 10 ã jia Jesu
yaina pache p̄ha jia ti ya pache pihtihtore masia wahchejaro.
Tí pache wiho warota jira, Cohamacu to ñuchu. Cohori ti dói

baa boraah wahaahca. Å jia tina cãhã wahchejaro. 11 Sã muja taro to tuaro sichã tja sehe ñaia wahara. Å yoa cohori cãhã ñai boraah waha, noaa cohori ti jia cjiri pihtia wahara. Åta waharohca pache puare ti pachere ti na cahmachuno watoi. Tina ti pache mehneta butia wahaahca.

Ñano yoa dutiare yoaerariro wahcheriro jira

12 Ñano yãhdãriro cãno pjaro, ñano yoa dutiare yoaeraro wahcheriro jirohca. To å cãno pjachã, to ñaare yoaerachã jipihtia dachoripe muanoo macaa catiare tirore warohca Cohamacã. “Tí catiare waihca”, ni cãua tiri jire Cohamacã jipihtina tirore cahãinare. 13 Mësare ti ñano yoa dutichã “Cohamacã yãhure ñano yoa dutiro nina”, ni tãhotuena tjiga. Ñano yoaare tãhotuerariro jira Cohamacã. Å jiro tiro sehe masare ñano yoa dutiriro jierara. 14 Masa tuaro ñaare ti goa pjaata tita tinare ñano yoachã yoara. 15 Å jia ñaare goa pjara masa. Å goa pjaa, tí sehere tãhotura. Å tãhotua, tí ñaare yoarucura tina. Ti å yoarucuri buhiri Cohamacã tinare pichacapã cohãnohca.

16 Å jina yã coyea yã cahãina, “Cohamacã yãhure to dutichã ñano yoahi”, ni tãhotuena tjiga. Potocã jierara tí. 17 Cohamacã muanoo macariro marine noaa dihtare wara. Tiro pinihta sã dacho macarirore, ñami macarirore, ñahpichoha poca cãhãre bajuamehneriro jiro, tiro sehe to jiriro sehetia å jirucunocahna. Ne cohtotaerara. 18 To cahmariro sehetia tiro noaa buhea mehne marine to pohna wahachã yoare. Å yoare tiro to pohna ji mûhtaina mari jihto sehe.

Potocãta Cohamacãre ño payoa õ sehe jira

19 Yã cahãina, yã coyea ahrire noano tãhoga musa. Cohamacã yare noano tãhoga musa. Å tãhona, noano tãhoturo marieno durucuena tjiga. Å yoa suaena tjiga. 20 Cãiro suariro jiro, Cohamacã to cahmano sehetia quihõõno yoariro jierara. 21 Å jina jipihtia musa ñaa yoarire, musa ñaare goa pjarire duhuga musa. Å jina Cohamacãre noano yãhtiina jina to buheare tuaro cahmaga musa. To ya buheare musa tuaro cahmachã Cohamacã sehe mûsare pichacapã wahaborinare yãhdãchã yoarohca.

22 To yare tãhopanahta to nino sehe yoaerana mahñooare tãhotuna nica musa. “To nino sehe yã yoaerachã noanohca”,

ni t̄hotuna mahñoare t̄hotuna nica m̄sa. Ā jina to yare t̄hona tí sehere yoaga. ²³ Cohamacū yare t̄hopanahta, to nino sehe yoarerana, to w̄hd̄are ñóno mehne ñ̄riyo yoaro sehetā jira m̄sa. ²⁴ Tiro to w̄hd̄are to ñ̄ri baharo waha, to ñ̄ririye boa wahara. ²⁵ Pairo sehe to ñ̄ririye to boerariro sehetā Cristo to dutirire t̄horō t̄re yoaro, wahcheriro jirohca. Tí dutia Cristo to cah̄ia mehne masare to ȳhd̄ch̄u yoah̄ti buhea jira. Tí buheare ne cohāerariro wahcheriro jirohca. Tiro pinihta to t̄horire yoariro jira. Ā yoariore noano yoarohca Cohamacū.

26 C̄iro to á durucumacanocarire duhu masieraro, potocāta Cohamacure ño payoerara. “Cohamacure noano ño payoja”, ni t̄hoturiro jiparota mahñoare t̄hotura tiro. “Cohamacure ño payoja”, niriro to jipach̄ta to ño payoa ne yaba c̄jhti jierara. ²⁷ Potocāta Cohamacure mari Pucure mari ño payona, to cahmano sehetā ño payona, õ sehe yoaja mari: Pucusuma marieinare, wapewahya numia c̄uhure ñano ti ȳhd̄ch̄u ñuna, tinare yoadohoja mari. Ā jina ahri yahpa macaina ñaare t̄i yoaa barore ne yoa duaeraja mari. Ā yoana potocāta Cohamacure ño payoina jija mari.

Masare c̄uno potori noano yoaro cahmana marine

2 ¹ Yü coyea, noa ȳhd̄ariore Jesucristore mari p̄htorore t̄hona, tirore wacū tuaina jira m̄sa. Ā wacū tuaina jina masare c̄uno potori noano yoaro cahmana m̄sare. ²⁻³ Ā yoa uru sororire, wamomaca sāa sororire c̄jariro, wapa tia suhtire sāariro m̄sa Jesu yaina cahmachuno cahap̄u to tach̄u ñuna tirore noano mehne piti bocaboca. “Ói dujiro jira”, niboca m̄sa tirore. Ā nipanahta tí pjata pjacuoriro c̄uhu ñano suhti tiriro m̄sa cahai to tach̄u ñuna tiro sehere noano piti bocaeraboca. “Ói ducuga. O yahp̄ai dujiga”, niboca m̄sa tirore. ⁴ M̄sa á yoana masare c̄uno potori yoarerana nica m̄sa. Ā yoana ñaare t̄hotuina masare beseina yoaro sehe jina nica m̄sa. “Ahri sehe noariro jira. Ahriro ñariro jira”, ni besemana m̄sa.

⁵ Yü coyea, yü cah̄ina, ȳuhure t̄hoga. Payu pjacuoina sehere Cohamacure noano wacū tuahtina c̄jihire, p̄htoro to suho jirop̄ure jihtina c̄jihire beseina tiri jire Cohamacū. “Tóp̄ure wahanahca m̄sa”, ni c̄ua tiri jire Cohamacū tirore cah̄inare. ⁶ Tinare to á besepach̄ta m̄sa sehe pjacuoinare noano yoarerare. Pache p̄ha sehe m̄sare ñano yoara. Ā yoaa tina masare beseriro cahap̄u m̄sare naahna m̄sare yahusāa taa.

7 M̄usa sehe “Cristo yaina”, masa ti niina jira. Payu pache p̄ua sehe Cristore ñano ni durucuina jira. (Ã jiro pjachoinare m̄usa ño payoriro yuhdoro pache p̄uare m̄usa ño payochu sehere ñaa nina.)

8 Cohamacu dutia mehne macaa dutiare paye dutia bui curero jia dutiare õ sehe ni joaa tiri jire: “M̄u basi m̄u cahīno sehetu m̄u cahai jiina cūhure cahīga”, nina Cohamacu dutia. Ahri dutiare yoana, noaare yoara m̄usa. 9 Wiho mejeta masare cūno potori yoarerana ñano yoana nina m̄usa. ã jina Cohamacu dutiare yuhdurecaina jira m̄usa. ãta nina Cohamacu yare ti joari p̄ui. 10 Cohamacu dutiare yoaina jipanahta cūnotare m̄usa yoarerachu paye dutiare m̄usa yoa pahñopachuta yaba cjihti jierara. Ñaa buhiri tiina jisinina m̄usa. 11 “Pairo namono mehne ñano yoaena tjiga” ni, m̄usare dutiriro Cohamacuta jira. “Masare wajāena tjiga”, niro tirota jira Cohamacu. Pairo namono mehne ñano yoaerapanahita masunore wajāna Cohamacu to dutiare yuhdurecaina jira m̄usa. 12 Cristo marine tuaro cahīno, marine dutira marine yuhdutchu yoaro taro. To dutiare mari yoarire, mari yoarerari cūhure ñuno marine besero tarohca. To ã besehtina jina to dutiare noano yoajihna. ã yoa to cahmano sehetu durucujihna mari. 13 Mipure painare mari pja ñuerachu Cohamacu sehe masare to beseri pja jichu marine pja ñusi. Wiho mejeta painare mari pja ñuchu Cohamacu sehe pja pja ñuno, marine buhiri dahresi.

Cristore wacū tuaina sehe noaare yoara

14 Yu coyea tūhoga m̄usa. “Cristore wacū tuaja yuhu”, cūiro to nipachuta painare to noano yoadohoerachu to ã nimari cjiri sehe ne yaba cjihti jierara. Tó sehe ni wacū tuamacanocarirore Cohamacu yuhdutchu yoasi. 15-16 ¿Jesu yairo, Jesu yacoro ñaa suhti dihta ti cjachu ñuna ti chahiti mariachu ñuna dohse yoajari m̄usa tinare paye baro cjuaaina jina? “Noano jiga m̄usa. ã yoana noano suhti tiga. ã jina noano chua mehne yapi wahcāga”, nipanahta ti cahmaare m̄usa waerachu m̄usa ã nimari cjiri ne yaba cjihti jierara. 17 ã yoa “Cristore wacū tuaja”, m̄usa nipachuta noaare m̄usa yoarerachu Cristore m̄usa wacū tuaa ne yaba cjihti jierara.

18 M̄usa mehne macario ahri yu buherire tūho duaeraro õ sehe masijaro. Noaare yoaperaparota “Cristore wacū tuaja”,

niboca tiro. Noaare yoareraro Cristore to wacū tuaare painare masichū yoa masierara. Noaare yoariro pinihta noaare to yoaa mehne Cristore to wacū tuaare masichū yoa masina.

19 “Cohamacū cāirota jira”, ni tūhotura mūsa. Mūsa ã ni tūhotuchū noa nina. Æ jipachūta tō purota Cohamacūre yāhtiro marieno tirore mūsa masichū tí yaba cjihti jierara. Watīa cāhū mūsa tūhoturo sehetā tūhotura. Æ yoa Cohamacū to jia tiare masina tina. Æ masia, cuia, teterera. **20** Cāiro noano yoareraparota “Cristore wacū tuaja”, ni tūhoturiro jiro tūho masierariro jira. Cristore wacū tuamariro painare noano yoareraro potocāta Cristore wacū tuaerara. Ó sehe ni yahuhtja mūsare ahrire:


21 Abrahā mari ñūchū cjiro to macūno Isaa wama tirore cjiroke wajābasaa tiri jimare Cohamacūre. Æ yoaro tirore tāa mehne ti yoari tuhu bui duhu payoa tiri jimare. Æ duhu payoro Cohamacū to dutiriro sehetā to macūnōre wajāno taro nia tiri jimare Cohamacūre ño payoro taro. To ã yoachū ñūno potocāta Cohamacūre to wacū tuarire masia tiri jire Cohamacū. To ã wacū tuariro to jichū masino, “Potocāta noariro jira”, ni ñūa tiri jire Cohamacū tirore. **22** To ã ni ñūchū ahrire masina mūsa: Abrahā Cohamacūre wacū tuaro tirore yāhtia tiri jire. Æ yāhtiro Cohamacūre to wacū tuarire masichū yoaro nia tiri jire. **23** Æ jiro Cohamacū yare ti joari pūi to niriro sehetā ã wahaa tiri jire: “Abrahā Cohamacūre wacū tuaa tiri jire. To ã yoachū ñūno ‘Noariro jira tiro’, ni ñūa tiri jire Cohamacū tirore”, ni joaa tiri jire Cohamacū yare ti joari pūi. To ã ni ñūchū masia “Abrahā Cohamacū mehne macariro jira”, nina masa tirore.

24 Æ jina ahri yū yahuhtire masina mūsa: “Cohamacūre wacū tuaja” niriro, to noano yoarerachū ñūno Cohamacū sehe tirore “Noariro jira”, ni ñūerara. Cohamacūre wacū tuariro sehere potocāta to noano yoachū ñūno “Noariro jira”, ni ñūna Cohamacū tiro sehere. **25** Æta ni ñūa tiri jire Cohamacū Rahab wama tīricorore mūa mehne ñāno yoarucuricoro cjiroke. Josué cjiro to warocarinare noano piti boca “Noano sāa tahga”, nia tiri jire ticoro. Æ yoaro tina ti tjuaa duachū ticoro sehe pa maha sehere ñoa tiri jire tinare “Tinare ñū tuhtiina wajāri”, nino. To ã yoachū ñūno “Noaricoro jira”, ni ñūa tiri jire Cohamacū ticorore. **26** Æ tjira. Mari pjacūpūre catia mariachū ji masieraja mari. Æ jiro catia marieno mari pjacū yaba cjihti jierara. Tō sehetā “Cohamacūre wacū tuaja”, nipanahta painare mari

noano yoarerachu potocā jierara mari wacū tuaa. Ā jiro mari noano yoaa mariachu mari wacū tuaa yaba cjihti jierara, catia marieni pjacu to yaba cjihti jieraro seheta.

Mari dúseroi wijaare yahuha

3 ¹ Cohamacu yare masare buheina to yare ti noano yoarerachu ñuño tina pinihtare masare buheraina yuhdoro Cohamacu buhiri dahrerohca. Tíre masina musa, yu coyea. Ā jina musa mehne macaina masare buheina payu jiena tjiga. ² Jipihtina payu tahari mari ñaare yoaja. Cūiro ñaare durucuerario Cohamacu cahmaare noano yoariro jira tiro. Ā jiro paye ñaa cūhure yoarerara. ³ Ó sehe jira ahri mari piti dahre buhechu: Cawalo to dúseroi comaa pjī to ñahmanore ña dihohti pjine mari cūja, tirore mari majarerucachu yoana tana. Ā yoana tí pjī comaa pjī mehne tirore to wahahtoi mari waja majareruca dapoja. Tí pjīca mahari pjīca to jipachuta tí pjī mehne tirore wahachu yoaja mari. (Ó seheta mari dúsero mahanocā to jipachuta tí dúsero mehne pjīro ñano yoaja mari.) ⁴ Dohoria quiti mehne piti dahre yahu namoijtja musare: Busoca pjiria to jipachuta tiare wiwnono to tuaro wārocapachuta oturiro sehe mahari pjīca mehne tia nohoi to waha duaroi oturocara. ⁵ Tó seheta jira mari dúseroi wijaa. Mari dúsero mahanocā to jipachuta tí dúsero mehne pjīro yoaja mari. Mahari pichacacā pjīro to jū wahcāno seheta mari dúsero mehne pjīro ñaare yoa masija. ⁶ Ā jiro mari dúsero pichaca yoaro sehe jira. Mari dúseroi wijaa jipihtia ñaare yoachu yoara marine. Pichaca to jū dúcaro seheta mari dúseroi wijaa mehne mari noano jiboriore ñabiaro yoaja mari. Ñaare durucuna watīno to dutiro sehetu mari yoana nija. ⁷ Jipihtinare nūca macainare wahiquinare, minichahcare, chihchō wahcāinare, wahire mari masa sitichu yoa masija. Mari payu tina barore masa sitichu yoa tuhsūja. Ā jia tina noano tūho



masina. 8 Tinare mari yuhtichu yoapachuta mari dusero sehe ñaare durucuro ne tjuaeraputiara. Å jiro nuina ti niji siariro seheta mari dusero sehe ne niji siaeraputiara. Mari duseroi wijaa ñabiaa jira. Å jiro ñima painare to wajäo seheta marine paina cühure ñabiaro wahachu yoara mari duseroi wijaa.

9 Mari dusero mehne Cohamacu mari puhtoro mehne mari noano durucuja. Å durucupanahta masa Cohamacu yoaro sehe jiinare to bajuamehnerina ti jipachuta tinare ñabiaro ni durucuja mari. 10 Cü duseroihta noaa durucua cühu, ñaa durucua cühu wijara. Yü coyea, å ni durucueraro cahmana. 11 Máca pohtai mu wiori copai noaa co, ñaa co cühu ne wijaerara. 12 Yü coyea, higueracu olivo pocare dicha tierara. Tuhsu, secu higuera pocare dicha tierara. Å yoa máca pohtai mu wiori copai moa tia co to wijaachu moa mariea co wijaerara. (Tó seheta mari duseroi noaa durucua, ñaa durucua mehne wijaachu yoareraro cahmana. Å ni durucuaeraro cahmana.)

Noano masia waro õ sehe jira

13 Cäina musa mehne macaina noano masiina jira. Noano masiina musa jia tiare õ sehe yoa ñionahca musa. “Paina yuhdoro noano masija sã”, nienata tjiga. Å nienata noaare yoaga musa. Å noaare yoana potocäta noano masiina jira musa. 14 Wiho mejeta pairo paye barore to cjuchu ñuna tére tuaro cahmaina jina, paina mehne suarucuina jina, painare yuhduraca duaina jina, “Noano masiina jija sã”, nienata tjiga musa. Musa å niina jina mahñoina jira musa. 15 Å yoaina ti tñhotua ne Cohamacu ya tñhotua jierara. Ti tñhotua Cohamacure yuhduracaina ti ñano tñhotua jira. Tí tñhotua sehe watño ya jira. 16 Masa ti cjuaare tuaro cahmaina, painare yuhduraca duaina å cahma sayorucura. Å yoaina jia jipihtia ñaare yoarucura. 17 Paina sehe Cohamacu yare noano masiina sehe tina pinicita å yoamacanocaa nierara. Å yoa tina ne cahma sayoerara. Å jia masa noaina, painare noano yuhtiina, pja ñuina, masare yoadohoina, masare cüno potori yoaina jira tina. Tíre yoaa, mahñono marieno yoara tina. 18 Å yoana cahmachea marieno jina, painare “Cahmachenä tjiga”, mari ni yahuna, noaina wahachu yoana nija mari masare.

Ahri yahpa macaa ñaare cahmana,
Cohamacure cahmaeraina jira musa

4 ¹ ¿Dohse jiro baro musa cahma sayojari? ² A jina dohse jiro baro cahmachejari musa? Ñaare goa pjana, cahmache duara musa. Noaare yoa duapanaha ñaare yoara musa.

² Paye barore musa cahmana. ³ A cahmana masare wajana musa ti yare nana tana. Pairo paye barore to cjachu ñuna tire musa tuaro cahmana. ⁴ A cahmapanahta tire na masierara musa. ⁵ A yoa tire cahma sayorucura musa. Cohamacure sinierana, musa cahmaare ne bocaerara. ⁶ A yoa sinina, musa ya cjihti dihtare sinimana musa, musa cahmano sehetu yoarucuna tana. Paina ya cjihti sehere sini payoerara musa. ⁷ A jiro musa sinichu Cohamacu musa siniare waerara. ⁸ Cohamacure cohaina jira musa. Ahri yahpa macaa ñaare cahmana, Cohamacure cahmaeraina jira musa. Ahri yahpa macaa ñaare cahmaina Cohamacure cahmaeraina ji tuhsura. ⁹ Tíre masierajari musa?

⁵ Õ sehe nia tiri jire Cohamacu yare ti joari pui: “Cohamacu Espíritu Santore mari mehne jihirote cûbre. ¹⁰ A jiro Espíritu Santo sehe marine cahino, ñaare mari tuaro cahmapachuta cahmasaaerara tiro. To maneno to namonore to cahdoaro sehetu marine tuaro cahina Espíritu Santo”, ni joaa tiri jire panopure. To a ni joari wiho warota jierara. Potocata jirota nina. ⁶ A yoa Cohamacu marine noano yoadohora tirore mari noano yuhtihio cjihtore. ⁷ Õ sehe nina Cohamacu yare ti joari pui: “Yuhu pinilta painare masi yuhdurecaja’ miriro, Cohamacu ñu tuhtira. Pairo sehere ‘Ñapiro, wiho jiriro jija’, miriro sehere Cohamacu yoadohora”, nina to yare ti joari pui.

⁷ A jina Cohamacure noano yuhtihio jiga musa. ⁸ A yoa watinore yuhtieno tjiga. Musa a yuhtierachu ñuno tiro sehe musare duhti wahcã murocaa waharohca. ⁹ Cohamacure noano yuhtiga musa. Musa a yoachu tiro sehe musare yoadohorohca. Ñaina jira musa. ¹⁰ A jina ñaare yoa namoena tjiga. Naa cûbre cahmana, noaa cahmache cahmaina jira musa. ¹¹ A jina mua ñaa tuhotumarire cohtotaga. Mua a yoachu ñuno Cohamacu mua ñaa yoari buhirire cohanothca. ¹² Mua ñaa yoarire tuaro cahyana, bujua witiga. ¹³ A yoana mua ñaare yoari buhirire tiiga. Tíre wahcheina jiena tjiga. ¹⁴ A jina mua ñaa yoarire ñano yajeripohna tiga. ¹⁵ “Ñapiro, wiho jiriro jija yuhu”, nina

Cohamacure ño payoga. Masa á yoachu ñano tiro sehe ño payoa mehne noano yoarohca mūsare.

Ti coyeare Jesu yainare ti basi ñano quiti dahre dutieraha

11 Yü coyea Jesu yaina jina, masa basi ñano quiti dahrena tjiga. Masa coyeirore ñano quiti dahrena, tirore buhiri dahre duti duaina jina nica masa. Cristo ya dutia sehe masare buhiri dahrehti dutia ji tuhsura. Á jina masare ñano quiti dahrena Cristo ya dutiare ó sehe nina nica masa: “Marine noano dutierara Cristo ya. Á jina mari ma súro buhiri dahre dutijhna”, nina nica masa masare ñano quiti dahrena. Á nina Cristo ya dutiare ñano ni durucuina tjuara masa. Á jina tí dutiare yoaeraina tjuara. 12 Masare dutiare wariro, masare beseriyo Cohamacuta jira. Masare pichacapu wahaborinare tirota yuhdutchu yoa masina. Á yoa tirota masare pichacapu cohá masina. Á jina mari sehe masare “Ñaina jira”, ni masieraja. Cohamacu dihta mari coyeare besehtiro jira.

Ñamichacapure dohse mari jihtore masieraja mari

13 Mipure yuhure tughoga masa. Ó sehe niina tughoga yuhure: “Michare, ñamichacare pa macapu jina wahanahca. Tópure cù cuhma jina, paye baro dua, nuchuhnahca. Á yoana wapatanaahca mari”, nina caina masa mehne macaina Cohamacure wacuno marieno. Á niina jina, yuhu sehere tughoga masa. Tó sehe niinare ahrire yahui tai nija: 14 Ñamichacapu dohse masa jihtore masierara masa. Me ti ji, dói pihti muano sehetra jira mari jia tia. Me mahancá jiro, pihtia wahara. Tó sehetra mari cuhu mahancá jina, yarianahca. 15 Á jina ó sehetra ni tughoturo cahmana mūsare: “Cohamacu to cahmachu jinahca mari. Á jina ó sehe yoanahca mari”, ni tughoturo cahmana mūsare. 16 Á jipanahta mipure “Mari ma súro ó sehe yoanahca”, nirucumana masa Cohamacure wacuno marieno. Tó sehe nirucuna painare yuhdúrúcaina jina, ñaare yoara masa. 17 Á jina noaare mari yoahtire masipanahta tíre yoaerana ñaare yoana nija mari.

Pache puare yahuha Santiago

5 1 Pache pua masa mipure tughoga yuhure. Baharopure masa ñano yuhdúnahca. Á jina tii sañurucuga masa.
2 Masa pache ba pihtia wahaahca. Á yoa masa suhtire casípoca

cūhā chā pahñoahca. 3 Ahri dachorire, pihtiri dacho pano niñerure mūsa pjíro wihbochā ne tí yaba cjihti jierara. Mūsa ā wihbochā ñuno niñerure mūsa cahīchā masina Cohamacā. Tí niñeru to wapo wijiboriro sehetá tí niñeru pihtia waharohca. Ā jina niñerure mūsa cahīri buhiri ñano yuhdunahca pichacapū mūsa jāchā mūsa pjacure jā pjaró sehetá. 4 Mūsa weserire dahra cohtainare wapaerare mūsa. Tinare mahñore mūsa. Ā jiro tinare mūsa wapaerari niñerure ñuno, mūsa mahñorire masina Cohamacā. Mūsare dahra cohtaina wapa na dua, sañurucura tina. Ti ā ni sañurucuchā mari pūhtoro Cohamacā tinare tūhora. 5 Ahri yahpapure payū pache mehne jia tira mūsa. Ā jina mūsa ji coa dihtare yoaa tira mūsa. Ā jina pjiriro wachā ti noano nuriro yoaro sehe jira mūsa. Pjiriro wachā pjíro to chūri baharo tirore ti wajāhti cuhtupū na wahcāna. Tó sehetá mūsa cūhure pjíro mūsa cjūari baharo mūsare to buhiri dahrehtopū na wahcānohca Cohamacā. 6 Noainare ñano ti yoaeerapachāta peresu yoa wajā dutire mūsa tinare. Mūsa ā yoachā tina sehe mūsare yuhdūrūca masierare.

Cristo to tjua tahtore noano cohta dutiha marine Santiago

7 Ā jina yū coyea, mari pūhtoro Cristo ahri yahpapure to tjua tahtore noano cohtaga. Wese pūro to toaa dicha tihti pjare noano to cohtaro sehetá noano cohtaga. Puhiro to dūcachā. baharopū coro to ta namochā cūhure to toaapure “Coro ta sāajaro” nino, to wesere to noano duhtore noano cohtara tiro. 8 To ā cohtariro sehetá mūsa cūhā noano cohtaga. Mari pūhtoro to tjua tahto mahancā dūhsara. Ā jina Cohamacāre ā wacū tuarucuna to tahtore ā cohtarucuga mūsa.

9 Yū coyea mūsa basi nurena tjiga Cohamacā mūsare to buhiri dahrerahto sehe. Ā yoa ahrire wacūga mūsa. Buhiri dahrehtiro to tahto mahancā dūhsara. 10 Yū coyea, ñano yuhdūpanahta mari pūhtorore noano cohtaga Cohamacā yare yahu mūhtaina cjiri ti yoariro sehetá. Tina ti cūno pjariro sehetá cūno pjaga mūsa cūhā tinare ñū cūna. 11 Ā yoa ahri yū yahuhtire wacūga mūsa. Ñano yuhdūpahta Cohamacāre duhueraina wahcheina jira. Panopū macariore Job wama tiriro cjirore tūhore mūsa. Tiro ñano yuhdūparota Cohamacāre duhuerari jire. Ā jiro to ñano yuhdūri baharo Cohamacā tirore noano yoari jire. Cohamacā mari pūhtoro noano pja ñūriro jiro āta yoari jire tiro. Tí jipihtiare masina mūsa.

12 Y^h coyea ahrire noano t^uhoga tjoa. Õ sehe ni wama payora masa: “M^uano macariro mehne potocā nina nija”, nina masare t^uho dutia. Tuhs^u, “Ahri yahpa mehne potocā nina nija”, nina masa. Paye mehne c^uhure wama payora tina. Tina yoaro sehe ã ni wama payoena tjiga. Ahrire m^usare tuaro dutija. M^usa painare yahuna, noano potota yahuga tinare. Wama payoro marieno ni yahuga tinare. ã m^usa potocā yahuch^u ñ^uno Cohamac^u soro m^usa niri buhirire buhiri dahresi.

13 M^usa mehne macariro ñano y^uhd^uriro jiro, Cohamac^ure sinijaro tiro. Pairo wahcheriro jiro Cohamac^ure wahchea mehne basajaro. 14 M^usa dohatina, Jesu yaina p^uhtoare pjirocaga m^usa. M^usa ã pjirocach^u tina sehe m^usare se mehne wisōahca mari p^uhtoro Jesu wama mehne to tuaa mehne. ã wisō tuhs^u, mari p^uhtorore Cohamac^ure m^usare sini payoahca tina. 15 ã ti sini payoch^u “Mari sinino seheta tiro yoarohca”, ti ni t^uhotuch^u Cohamac^u m^usare dohatiinare m^usa dohatiare y^uhd^uch^u yoarohca. ã yoa m^usa ñaa yoari buhiri m^usa dohatiina jich^u ñ^una m^usare sini payoahca. Ti ã sini payoch^u ñ^uno m^usa ñaa yoari buhirire borohca Cohamac^u. 16 ã yoa m^usa mehne macaina mehne m^usa ñaa yoarire cahma p^u buhuseheri yahuga. ã ni tuhs^u, m^usa basi Cohamac^ure cahma sini payoga. M^usa ã sini payoch^u m^usa sini payoinare Cohamac^u y^uhd^uch^u yoarohca. Noaare yoaina m^usa jich^u Cohamac^ure tuaro m^usa sini payoriro seheta yoarohca tiro. ã jia m^usa sini payoa tua nica. Wiho jia jierara. 17 Cohamac^u yare yahu m^uhtariro cjiro Elia wama tiriro mari yoaro seheta mas^uno jia tiri jimare. ã jiro “Coro taero tjijaro” ni, tuaro sinia tiri jire Cohamac^ure. To ã ni sinich^u tia c^uhma noano pa c^uhma dacho macai ahri yahpapure ne coro taera tiri jire. 18 Pari turi tjoa Cohamac^ure corore to sinich^u coro taa tiri jire. ã jiro pari turi ahri yahpai yuc^uri buc^uha, dicha tia tiri jire. (ã jia Cohamac^ure mari sinia wiho jia jierara.)

19 Y^h coyea, m^usa mehne macariro Cohamac^u yare duhuriro cjiro Cohamac^u yare pari turi to cahmahto cjihtore tirore yahuna, noano yoana nina m^usa. 20 ã yoa ahrire masiga m^usa: Cohamac^ure duhuriro cjirore Cohamac^ure pari turi cahmach^u yoana, pichacap^u wahaborirore y^uhd^uch^u yoana nica m^usa. ã jiro pay^u to ñaa yoari buhirire Cohamac^u bo pahñonohca.

1 San Pedro

Jesu yainare macari waharinare joarocaha Pedro

1 1 Yuhu, Pedro, Jesucristo buhe dutiro to cūriota jija. Å jicu m̄asare yoaro macaa macaripu waha siterinare Ponto yahpapu, Galacia yahpapu, Capadocia yahpapu, Asia yahpapu, Bitinia yahpapu tí yahparipu waharinare m̄asare jipihtinare joarocaja yuhu. M̄asare noa duti joarocaja yuhu.
2 Wahmanopure Cohamacu mari Pucu “Ó sehe yoaihtja”, to ni wacūyuriro seheta m̄asare besea tiri jire. To ã beseri baharo to yairo Espíritu Santo sehe m̄asare Cohamacu yaina cjihtire sōri jire. Ó seheti sōri jire tiro Jesucristore noano yuhitihtina m̄usa jihto sehe, to di cohāri mehne m̄usa ñaa buhirire cosarina m̄usa jihto sehe. Cohamacu to cahia mehne m̄asare noano jichu yoajaro.

Jesu yaina jina marine muanopu to naahture cohtana nija mari

3-5 Cohamacu marine tuaro pja ñuno, Jesucristo yariaro to masa mujari mehne marine pichacapu wahaborinare yuhdachu yoare tiro. Å marine yuhdachu to yoachu pari turi mari masa bajuariro seheta Cohamacu to pohnata wahaja mari. Å wahana tiro mehne mari ã jirucuhtore noano masija mari. Å jiro m̄asare noano yoaro taro m̄asare cohtaro nina. Tiro mehne m̄usa ã jirucuhtire cūncohca tiro. Å jina ã jirucunahca m̄usa. Tópua Cohamacu m̄asare to wahto ne baasi. Ahri yahpapu mari ya ti wete wahāno seheta, ti ñaia waharo seheta Cohamacu m̄asare to wahto ne ã wahasi. Å jia ne pihtisi. Å jiro tirore m̄usa wacū tuachu, Cohamacu to tuaa mehne m̄asare ñu wihiboro, yuhdachu yoarohca. Pihtiri dacho jichu m̄asare to yuhdachu yoarire masichu yoarohca tiro. Marine to ã pja ñuchu ñuna, Cohamacure mari p̄uhtoro Jesucristo pucurore ño payo, “Noana”, nijihna tirore.

6 Å to yuhdachu yoahquina jina, mahano ahri yahpai m̄usa jiro puro payu tahari m̄usa ñano yuhdupanahta wahchera m̄usa. 7 Å ñano yuhdupanahta Cohamacure duhuerana m̄usa tirore noano wacū tuarire masichu yoana nica m̄usa. Uru ahri

yahpa macaa pini pihtia wahaahca. Uru yahdoro m̄usa wacū tuaa sehe wiho waro jierara. Ā jia masa uru to jiare masi duaa doha ñ̄una. Urure ti doha ñ̄uno seheta m̄usa wacū tuaare Cohamacū ñ̄u duaro “Ñano yahdūjaro”, niboca m̄usare. M̄usa ã ñano yahdūri baharo potocāta tirore m̄usa noano wacū tuarucuchu, Cristo ño payoa mehne m̄usare “Noano yoahre m̄usa”, ninohca. Ahri yahpapu tjua taro ã ninohca.

8-9 Tirore Jesucristore m̄usa ñ̄uerapanaha cahīna m̄usa. Ā yoa mip̄ure tirore ñ̄uerapanaha tirore wacū tuara. Ā wacū tuana, tuaro wahchera m̄usa. Cohamacū ã m̄usare to wahchechu yoachu pjíro wahchera m̄usa. Tí wahchea noa yahdūara. Cohamacū m̄usare pichacapu wahaborinare yahdūchū yoarohca m̄usa tirore noano wacū tuachu. Ā jina pjíro wahchera m̄usa.

10 Cohamacū m̄usare to ã yahdūchū yoahture, m̄usare to tuaro cahīare panopu macaina Cohamacū yare yahu m̄uhlaina cjiri tīre masi duaa, buhe, sinitu ñ̄ua tiri jire. Ā jia tīre yahuyu joaa tiri jire. **11** Cristo to ñano yahdūtore, to masa m̄uhjahtore, jipihtina bui p̄ahtoro to s̄eho jihtore tina to masa bajuahito panopu yahuyu tuhs̄ua tiri jire. Jesucristo to yairo Espíritu Santo to yoadoho mehne ã yahuyua tiri jire tina. Ā yahuyua tina Cohamacū yare yahu m̄uhlaina cjiri ti yahurire noano masi duaa sinitu ñ̄ua tiri jire tina Cohamacure. Espíritu Santo “Cristo wihirohca”, to nirirore “¿Dohse jichu wihirohcari?” ni sinitu ñ̄ua tiri jire tina. “¿To wihichu dohse waharohcari?” nia, tó c̄uhure sinitu ñ̄ua tiri jire. **12** Tí ti yahuyuri cjiri ti basi ti masihti cjihti jiera tiri jire. Tīre tinare masichu yoaa tiri jire Cohamacū. Mari sehe mari masihti cjihti jiri jire Cohamacū yare yahu m̄uhlaina cjiri ti joari cjiri. M̄uanopu tariro Espíritu Santo to yoadoho mehne mip̄ure noaa buheare m̄usare sā yahuja. Panopu m̄usa masihti cjihtire ti yahuyuri cjiri títa jinocaata nina mip̄ure m̄usare sā yahua. Tí buheare anjoa cūhu tuaro masi duaa tiri jire.

Cohamacū marine ñaa marieina ji dutira

13 Ā jina noano wacū masitjiahna jiyuga m̄usa. Ā yoana noano tuho masiina jiga. Cristo to tjua tachu Cohamacū m̄usare noano to yoahtore wacūga. Ā yoa tīre noano cohtaga. **14** Panopu Cohamacure masierasinina ñaare goa pjaina jimare m̄usa. Mip̄ure tīre yoaena tjiga. Ā yoerana ti pohna ti pucusumare noano ti yahtriro seheta Cohamacure yahrtiga

musa. 15 Å yoana to yaina cjihtire musare beseriro ñaa marieriro to jiro seheta musa cöhü ñaa marieinata jiga. Å jina noaa dihtare yoaina jiga. 16 Åta ni joaa tiri jire Cohamacü yare ti joari püi: “Ñaa marieriro jija yühu. Yü ä jichü musa cöhü ñaa marieina jiga”, ni joaa tiri jire.

17 Tiro Cohamacü jipihtina cainare ti yoarire ñuno cüno potori besera tinare. Nainare, noainare besera. To ä beseriro jichü tirore “Yü Pucü” ni duana noano yoaga. Ahri yahpai musa jiro puro cua pisaro mehne Cohamacüre ño payoro mehne noano jirucuga musa jiape nino marieno. 18 Musa ñuchusuma cjiri ti yoari cjiri ne yaba cjihti jierari jire. Musa cöhü ti yoariro sehe yoaina musa jipachüta Cristo musare to yaina cjihti yoare. Wapamoinare ti wapamorire ti boriro seheta tiro sehe musa ñaa yoari buhirire potota bonocare. Tíre noano masina musa. Musare ä yoaro plata mehne, uru mehne wapa wioerare tiro musare ä yoaro. Plata, uru butia wahaahca. 19 Tiro sehe oveja noariro, wete marieriro yoaro seheta jiriro Cristo to di mehne to yariari mehne musa ñaa yoari buhirire cohä, musare yühdüchü yoare. To di mehne marine ä yoaro wiho waro ä yoaro nierare. 20 Panopüre ahri yahpare to bajuamehnehto pano Cristo to ä wahahto cjihtore masi tuhsüa tiri jire Cohamacü. Mipü sehere pihtiri dacho panocä to jichü, Cristore noano masichü yoare Cohamacü musare. 21 Cristo to yoadohoro mehne Cohamacüre wacü tuara musa. Cohamacü sehe Cristore yariariore masori jire. Å yoaro tirore muhanopü cüno jipihtinare tirore ño payochü yoari jire Cohamacü. To ä yoachü tirore Cohamacüre wacü tuara musa. Musa ä wacü tuachü tiro noano yoara musare. Å jina musare to yühdüchü yoahvore noano masi, cohtara musa.

22 Noaa buhea ti niriro seheta yoaina jina, musa ñaa yoari buhirire cohärina jira musa. Å jiina jina potocäta mari coyeare Jesu yainare cahü masina musa. Å jina musa mehne macainare musa yajeripohnari mehne tuaro cahiga. 23 Å yoa pari turi wahma masa bajuaina yoaro sehe jiina Cohamacü pohna wahare musa. Mari pucusuma ti pohna tirina jina baharo yarianahca. Tí yoaro sehe jierara Cohamacü pohna musa wahachü. Cohamacü to buhea mehne to catichü yoaa buhea mehne to pohna wahare musa. Tí buhea mehne Cohamacü mehne ä jirucunahca mari. 24 Õ sehe nina Cohamacü yare ti joari püi:

“Jipihtina masa tja yoaro sehe jira.

Ã yoa noaa ti cjuaa, tja cohori yoaro sehe jira.

Tja ñaia wahara. Cohori cãhã buru bora,
baa wahara.

Tí yoaro seheta yariara masa cãhã.

25 Mari pãhtoro ya buhea sehe ne pihtisi.

To niriro seheta ã waharohca”,

ni joaa tiri jire. Tí buhea mûsare ti yahuri cjiri noa buheata
jira.

2 ¹ Ñ Cohamacã pohna jina jipihtia ñaa yoaare, mahñore,
ti baharo bãhusehei ñano yoa cohtaare, paina ti cjuaare
cjoare, painare ñaa quiti dahreare tîre duhuga mûsa. ² Ñ yoa
wahma masa bajuaina pêchore ti tuaro cahmano seheta mûsa
cãhã noa buheare Cohamacã yare tuaro cahma namoga. Ñ
cahma namoga mûsa tirore mûsa wacû tua namohto sehe, to
yûhdûchã yoaina mûsa wahahto sehe. ³ Ñ yoaga mûsa mari
pãhtoro mûsare to noano yoaare masiina jina.

Cristo catichã yoariro tâca yoaro sehe jiriro jira

4 Cristo catichã yoariro tâca yoaro sehe jiriro jira. Wûhu
dahreina cûria tâcare ti cahmaeraro seheta masa tirore
cahmaerare. Cohamacã sehe tirore to ñûchã to beseriyo noa
yûhdûariro jira. To ã jiriro jichã tirore wacû tuaga. **5** Mûsa
cãhã wûhu macaa tâa yoaro sehe jira. Mûsa ã jina Cohamacã
ya wûhu macaa tâare noano ti cûriro seheta mûsa to yaina
cãhã noano mehne jinahca mûsa. Ñ yoana Cohamacã ya wûhu
macaina noaina sacerdotea jinahca mûsa. Ñ jina sacerdotea
wahiquinare wajã jû mûoa Cohamacûre ti wariro seheta
Jesucristo to yoadoho mehne Cohamacã yare noano yoanahca
mûsa. Mûsa ã yoachã ñû ji coarohca Cohamacã. **6** Õ sehe nina
Cohamacã yare ti joari pûi:

“Tâca wûhui ti cû mûhtari tâca marieno wûhure yoa
dûca masierara.

Tó seheta Cristo marieno yû yaina waha masierara
masa.

Ñ jiro tiro wiho jiriro jierara.

Ñ jicû tirore Jerusalépû mipûre cûi nija.

Tiro yû beseriyo noa yûhdûariro jira.

Ñ jia tirore wacû tuaina wahche, ne bûo tisi”,

ni joaa tiri jire Cohamacu yare ti joari pūi. 7 Tirore wacū tuaina sehe noa yahduaro wahaahca. À jiro wiho jiriro jierara tiro. Tirore wacū tuaeraina sehe soro wahaahca. Tinare ò sehe nina Cohamacu yare ti joari pūi:

“Ahriro Cristo tāca yoaro seheta jira.

Tācare wuhu dahreina ti cohāno seheta masa tirore cohāahca.

Ti ã yoapachuta mipure wuhu dahreina wuhure
yoaa ti cū muhtari tācare ti cūno seheta
Cohamacu tirore puhtoro sōre”,

ni joaa tiri jire. 8 Ò cūhure nina Cohamacu yare ti joari pūi:

“Murocariro tācare doca wahā sōro to wacū
wahcānore ne suerara.

Tó seheta tāca yoaro sehe jirirore Cristore
cahmaerana, tirore yahdurucana, Cohamacu
cahapu susu mari”,

ni joaa tiri jire panopu. Tina Cohamacu ya buheare yuhtierare. Cohamacu panopu “À waharohca”, to niriro seheta Cristore cahmaerare tina. À yoahthinare cūa tiri jire Cohamacu tinare.

Ò sehe jira Cohamacu yaina

9 Musa sehe Cohamacu to beserina jira. Tiro mari puhtoro to yaina sacerdotea tirore dahra cohtaina jira musa. À jina to ya curua macaina ñaa marieina Cohamacu yainata jira musa. Àta jira musa. Cohamacu noa yahduare to yoarire painare yahuhtina cjihti jira musa. Musare besea tiri jire nahitianoi jiina musa jiboro seheta ñaare yoarucu dutieraro. À besero noano buhriaroi jiina ti noano ñu masino seheta, Cohamacure noano masiina, to yare yoarucuina ji dutira musare. 10 Panopure Cohamacu yaina jierari jire musa. Mipu pinintare to yaina jira musa. Panopure musare pja ñuriro musare mariasiniri jire. Mipu sehere musare Cohamacu pja ñure.

Cohamacu yare yoaina jiga musa

11 Yu cahīna, ahri yahpai ji dojoahntina jierara musa. Cohamacu yaina jira musa. Musa ã jiina jichu ahrire tuaro yahuja musare: Musa ñaare goa pjaare ne yoaina tjiga. Tí ñaare yoana, Cohamacure ñu tuhtiina, ñaina wahana nica musa.
12 Cohamacure cahmaeraina watoi jina noano yoaina jiga musa, musare “Yahusāari”, nina. Musa ã yoaina jichu tina mipure

mūsare ñano yahusā duapahta, mūsa noano yoaaare masiahca tina. Ā masia, tina Cohamacure “Noariro, tuariro jira”, niahca. Ó seheta niahca Cristo ahri yahpapū to tjua tachū.

13 Mari pūhtorore yūhti duana ahri yahpa macaina pūhtoa cūhure yūhdurūcaina jiena tjiga mūsa. Ahri yahpa macarirore mūsa jipihtina bui pūhtoro jirirore tiro cūhure yūhtiga.

14 Pūhtoare yūhdurūcainare buhiri dahre dutiro, warocara tiro tirore yoadohoinare. Ā yoa noano yoainare “Noano yoare mūsa”, ni dutiro warocara tiro. To ā warocachū, tina cūhure yūhtiga mūsa. 15 Mūsa noano yoachū ñūa tūho masieraina ti mū sūro mūsare quiti dahre duapahta quiti dahre masierara. Mūsa āta yoachū cahmana Cohamacū. Ā jina mūsa pūhtoare yūhtiga.

16 Cohamacū mūsa pūhtoro jira. Painare dahra cohtaina jierara mūsa. Ā jipanahta “Sāre dutiriro mariahna. Ā jina ñaare yoanahca”, ni tūhotuena tjiga “Ñaare yoari”, nina. Cohamacure dahra cohtaina jira mūsa. Ā jina tirore noano yūhtiina jiga mūsa. 17 Jipihtina masare ño payoga. Mari coyea Jesu yainare cahīga. Cohamacure cua pisaro mehne ñūga. Ahri yahpa macaina jipihtina ti bui pūhtoro jiriro cūhure ño payoga.

Cristo ñano yūhdūro to cūno pjariro seheta cūno pjaga mūsa cūhū

18 Dahra cohtaina, cua pisaro mehne mūsa pūhtoare yūhtiina jiga. Noaina, mūsare noano yoaina dihtare yūhtiina jiena tjiga. Mūsa mehne suaina cūhure yūhtiga mūsa. 19 Mūsa ñano yoaerapachūta mūsare ti buhiri dahrechū Cohamacū to cahmano seheta tīre mūsa cūno pjachū “Noano yoare mūsa”, ninohca Cohamacū mūsare. 20 Mūsa ñano yoari buhiri tina mūsare ti buhiri dahrechū tīre mūsa cūno pjachū tí yaba cjihti jierara. Tí yaba cjihti jierapachūta noano mūsa yoapachū ti buhiri dahrechū tīre noano mehne mūsa cūno pjachū Cohamacū “Noano yoare mūsa”, ninohca mūsare. 21 Ā ñano yūhdūhtinare ji dutire Cohamacū mūsare to yainare. Cristo mūsa ya cjihtire ñano yūhdūre tirore mūsa ñū cūhto sehe. 22 Tiro ne ñano yoaerare. Ā yoa ne mahñoerare. 23 Tirore ti tuhtichū, tiro sehe tinare tuhti cahmaerare. Tirore ti ñano yoapachūta “Cjāihtja mūsare”, ne nierare tiro. Ti ā yoapachūta tinare Cohamacū to buhiri dahrehtore quihōno to yoahtore masino, “Yū Pūchūpū

tinare buhiri dahrerohca”, ni t̄uhoture tiro. 24 Tiro to basi crusap̄u mari ñaa buhirire yariare. Å waha yariare pari turi mari ñaare yoaerahto sehe, Cohamac̄u cahmaa sehere mari yoahito sehe. Tiro ñano cami t̄ire marine pichacap̄u wahaborinare yuhdach̄u yoaro taro. 25 Oveja wisia ti butiro sehetra mari c̄uh̄u pichacap̄u butihtina jimai. Mip̄u sehere Cristore ovejare ñu wihiboriyo yoaro sehe jirirore, marine ñu wihiboriore wacū tuaja mari. Å wacū tuana, to yaina wahai mari.

Wamomaca d̄uhleinare õ sehe yoaro cahmana tinare

3 1 Å yoa dahra cohtainare yu dutiriro sehetra m̄usa namosānumiare dutiihtja. M̄usa manusumare yuhdurucaena tjiga tina Cohamac̄u ya buheare ti cahmahto sehe. Câina tina to ya buheare cahmaeraina jia, tinare m̄usa yuhdurucaerach̄u ñua Cohamac̄u ya buheare cahmaboca tina. Tí buheare m̄usa yahuerapach̄ta to yare cahmaboca tina. 2 Åta cahmaboca tina m̄usa noano yoaare, m̄usa ño payoa c̄uh̄re ñua. 3 M̄usa numia, carea numia yoaro sehe yoaena tjiga. Å yoa m̄usa pjoarire wuhawe sapahaa numia, uru darire b̄usaa numia, wapa ti yuhdaa suhtire sâa numia jienia tjiga m̄usa, m̄usare “Goa pjach̄u yoari”, nina. 4 Å yoa m̄usa cua pisaro mehne painare niji siaroca mehne yoaa numia jina, noano s̄uhdua numia jina, ahrireta ñu ji coach̄u yoaga. Ahrire m̄usa yoach̄u wiho waro jierara, Cohamac̄u to ñuch̄u. 5 Õ sehetra yoaa tiri jire panop̄u macaa numia Cohamac̄u ya numia cjiri. Tí numia Cohamacure wacū tuaa numia jia, ti manusumare yuhdurucaera tiri jire. 6 Tó sehetra Sara cjiro to manuno Abrahâ cjiore noano mehne yuhitia tiri jire. Å jiro tirore “Puhoro”, ni pisua tiri jire. Å jina m̄usa noano yoaa numia jina, cuiro mariea numia jina, Sara cjiro pohna numia yoaro sehe jira m̄usa c̄uh̄u.

7 To noano yoariro sehetra m̄usa c̄uh̄u m̄ua m̄usa namosānumiare noano yoaga. Tí numia mari m̄ua yoaro sehe tua numia jierara. Å jina ño payoa mehne noano yoaga tí numiare. Cohamac̄u jipihtia dachoripe tiro mehne mari jihtore marine to wariro sehetra tí numia c̄uh̄re warohca tiro. Ti å jiina jich̄u tí numiare noano yoaga. Cohamacure m̄usa siniare m̄usa dojomehnerahto sehe tí numiare noano yoaga.

Noano ti yoapachuta paina tinare ti ñano yoaare yahuha Pedro

8 Ahri mehne yahu batoihtja: Masa jipihtina c̄no mehne noano mehne jiga. Ā jina masa mehne macainare noano pja ñuina jiga. Masa coyea Jesu yainare p̄a b̄uhuseheri cahma cahiga. Ā jina noano yoaga tinare. Ā yoa “Wiho jiina jija”, ni tuhotuga. 9 Paina m̄sare ñano ti yoachu tinare ñano yoa cahmaena tjiga. M̄sare ti tuhtichu tinare tuhti cahmaena tjiga. M̄sare ti ā yoapachuta noano yoaga tinare. Ā yoana “Noano jiga”, niga tinare. Tíre yoahntina cjihtireta to yaina c̄ure m̄sare Cohamacu sehe m̄sare noano yoaro taro.

10 Āta nina Cohamacu yare ti joari pūi:

“Masa noano wahchea mehne ji duana ne ñano ni durucuena tjiga.

Painare mahñoena tjiga.

11 Ñaa yoaare duhunocahga.

Noaa sehere yoaga.

Cahma masa basi ñu tuhtiro marieno jiga.

Masa noano jihtore tuaro cahmaga.

12 Cohamacu cahmaare yoaina mari p̄ahtoro ā ñu wihborucuro nina.

Tirore ti siniare ā t̄horucuro nina.

Ñano yoaina sehere tiro ñu tuhtira”,

ni joaa tiri jire.

13 Noare masa tuaro yoachu paina sehe m̄sare ñano yuhdachu yoa dua bihosí tina. 14 Noano masa yoapachuta m̄sare ñano yuhdachu ti yoachu ñu no Cohamacu m̄sare noano yoarohca. Ā jina painare cuiena tjiga. Ā yoa pjíro tuhotuena tjiga. 15 Cristore “Sā p̄ahtoro jira” ni, masa t̄hotuna, ño payoga tirore. Ā yoana Cristore masa wacu tuaare, Cohamacu mehne masa jihtore paina ti sinituhto pano tinare masa yuhtihtore noano masiyuga. Ā yuhntina niji siaro mehne, noano ño payoa mehne yahuga tinare. 16 Noaina jiga. Ā jina “Ñaare yoaja”, ni tuhotusi masa. Ā jia Cristo yare noano yoaina masa jichu paina m̄sare ñaa quiti dahrea, buoro wahaahca tina. 17 Ñaare masa yoari buhiri masa ñano yuhdachu noaerara. Ā yoa Cohamacu cahmachu noaare masa yoapachuta masa ñano yuhdachu noa nina tí pinihta.

18 Ó sehetu yuhdure Cristo. Cū tahata jipihtina ti ñaa buhirire yariare tiro. Noariro jire. Ā jiro ñaina mari jichu mari

yaro jiborirore ñano yuhdure tiro. Ñano yuhdure tiro marine Cohamacu yaina wahachu yoaro taro. To pjacu yariaa wahare. Å yariaparota to catia mehne masari jire. **19** Å masariro jiro tiro ti buhiri dahrehtore cohtaina cjiri presu jiina cjiri yariarina cjirire buheri jire. **20** Tina cohtaina panopu Cohamacure yuhtieraina cjiri jia tiri jire. Tí pjapure Noé ejiro to jiri pjapure, pjiria dohoriare dohoro nia tiri jire. Tiare to dohoro watoi Cohamacure yuhtieraina cjirire ti yuhtichu cahmano yoari pja cohtaa tiri jimare Cohamacu. Å yoa mahainacä ochota dia mininore yuhdua tiri jire. **21** Minia ti yuhduriro sehetaa bautisaa mehne yuhdura masa. Mari pjacure mari wete tju cosaro sehe jierara bautisaa. Soro sehe jira bautisaa. “Ñaa buhiri marieina jija”, mari ni masihto cjihtore Cohamacure “Muhure wacu tuaja”, mari ni yahua jira ahri bautisaa. Å yoa Jesucristo to masa mujari mehne yuhduja mari. **22** Tiro Jesucristo muanopu wahari jire Cohamacu poto buhusehei jiro, tiro mehne dutiro taro. Å jiro tiro anjoa bui, muano macaina puhtoa bui, dutiina bui ti puhtoro jira.

Cristo yaina jina noa sehere cohtotaina jinahca

- 4** **1** Mari ñano yuhduna ñano yoaare duhunocaja mari. Cristo ñano yuhduri jire. Å jina tiro ñano yuhduro to cuierariro sehetaa to suaerariro sehetaa musa cuhu to yoariro sehetaa yoaga. **2** Õ sehetaa yoaga musa ñaare musa goa pjaare pari turi musa yoaerahto sehe, Cohamacu cahmaeraina ñaare goa pjaare ti yoariro sehetaa yoarucuri jimare musa cuhu. Buo tiro marieno ñano yoana, ñaare goa pjaare yoana, cahana, cahaa bose numurine yoana, “Cohamacu jira”, musa nia masurine, Cohamacu to ñu yabia masurine ño payona ahri sehereta yoari jimare musa. Å jina to purota yoa batoaga. **4** Å jia tí ñaputiare yoaina mehne musa jisinichu mipure musa tire yoaerachu ñua tina sehe ñu chaa wahara. Å yoa musare ñano quiti dojomehnena. **5** Ti å yoachu ñuno ti ñaa yoarire Cohamacu sehe sinitu ñuno, yahu yuhdu dutirohca tinare. Tiro catiinare, yariaina cuhure besehtiro buhiri dahrehtiro jira. **6** To å besehtiro jichu jipihtina masa sehe mipu yariarina cjirire noa buheare yahure Cristo ti yariahto pano. Õ sehetaa ni yahure ti pjacurire Cohamacu to yaria dutipachuta. Å yahure tiro

Cohamacu jipihtia dachoripe to jiro seheta tiro mehne ti jirucuhto cjihtore.

7 Pihtiri dacho cjihto mahanocā dūhsara. Ā jina noano tūho masiina jiga, mipure Cohamacu mehne musa durucuhto noano. 8 Painare cahīna payu tahari ñaare ti yoapachta ā ñuñocaja mari. Ā jina musa mehne macainare ā cahīrucuga. Paye dutia yuhdoro tīreta yoaga. 9 Musa mehne macainare ne nureno marieno musa wuhusepu sāa ta dutiga tinare. 10 Cohamacu musare cāinare musa yoa masihtipe cūri jire. To ā cūchu, musa yoa masiriro seheta musa mehne macainare tīre noano yoaga. To cūriro seheta painare noano yoadohona, Cohamacu to cūriro seheta noano yoana nica musa. 11 Musa Cohamacu yare noano yahuina jina, Cohamacu to yahuboriro seheta noano yahuga musa cūhu. Masare yoadohoina jina Cohamacu to cūri tuaa mehne painare yoadohoga. Tí jipihtiare yoana Cohamacre masa ti ño payohto sehe ā yoarucuga. Jesucristo sehe tīre musa yoachu yoadohorohca. Tirore jipihtia dachoripe ño payoa, “Tuariro jira”, nino cahmana jipihtinare. Āta nijaro.

Jesu yaina ti jiri buhiri ti ñano yuhduare yahuha Pedro

12 Yu cahīina, mipure ñaputiaro yuhduna, “Cue, soro jiro wahaca yuhure” ni, wacū cuaena tjiga. Musa ñano yuhduchu Cohamacu musa tirore wacū tua namochu yoa duaro, “Ñano yuhdujaro”, nino nica tiro. 13 Cristo to ñano yuhduriro seheta musa cūhu ā wahana, wahchega musa. Ā wahchena Cristo to si sitea mehne to tjua tachu musa noano wahchenahca. 14 Cristo yaina musa jiri buhiri paina musare ti tuhtichu Cohamacu to yairo Espíritu Santo to si siteriro musa mehne jiro nina. Ā jina wahchega musa. 15 Ā yoa masare musa wajāri buhiri, musa yacari buhiri, paina ti yoarire ñuña tinare musa soro ni dojomehneri buhiri musa ñano yuhduchu ñaa nina. 16 Ā jipachta Cristo yaina musa jiri buhiri ñano yuhduna, buo tieno tjiga. Ñano yuhdupanahta Cristo yaina musa jiare wahchena, Cohamacre “Noana” ni, ño payoga musa.

17 Cohamacu to yaina ti yoarire ñuño to besehti pja jiro nina mipure. Jipihtina mari to yaina mari yoarire ñuño bese muhtanohca “Ahri ñaa jira. Ahri noaa jira”, nino. ¿Ā bese muhtano dohse yoarohcari to yaina jieraina sehere? Tirore yuhtieraina sehere tuaro buhiri dahrerohca. 18 Ó sehe nina Cohamacu yare ti joari pū: “Noaina yuhduahca. Ti ā yuhduhto

mijo curera. To ã mijo curechã Cohamacãre cahmaeraina sehe ne yãhdusi. Basioerara tinare”, nina Cohamacã yare ti joari pã. 19 Á jina Cohamacã to cahmachã musa ñano yãhdutina jina, noaare musa yoarire ne duhuena tjiga. Á yoa musare bajuamehnerirore musare ne duhuerarirore tirore wacã tuarucuga musa.

Jesu yaina ti yoahore yahuha Pedro

5 1 Mipure Jesu yaina cahmachuina pãhtoare yahuhtja. Yuhu Jesu yaina pãhtoro jija. Musa cãhã ti pãhtoa tjira. Musare yu yoaro sehe pãhtoa jinare ahrire yahui tai nija yuhu. Cristo to ñano yãhdutire ñuriro cjiro jicã, muanopã Cristo mehne yãhdutiro jicã ahrire musare yahuhtja: 2 Cohamacã yaina oveja yoaro sehe jira. Musa sehe ovejare ñu wihibona yoaro sehe jira. Tinare Cohamacã musare to cûrinare musa yaina masare noano ñu wihboga. Á yoana Cohamacã to cahmariro seheteta noano yajeripohna tia mehne tinare ñu wihboga. Á tinare ñu wihibona, “Sã ñu wihibori wapa niñerure wapatanahca”, nieno tjiga musa. Wahchea mehne tinare ñu wihboga. Wahchea mehne tinare ñu wihboga. 3 Á ñu wihibona tinare ñano dutipena tjiga. Á jina noano yoaga musa Jesu yaina musare ti ñu cûhto sehe. 4 Musa á yoana Cristo jipihtinare marine ñu wihiboriro to tjua tachã pãhtoro to pisari soro noano si siteri sorore musare to waboriro seheteta tiro musare noaare to wahtore cjanahca. Tí musa cjanahca ne pihtisi. Á jina tiro mehne yãhdunahca musa.

5 Tinare yu dutiriro seheteta musa wahma yapia cãhã tinare musa pãhtoare yãhtiina jiga. Á yoa musa mehne macainare jipihtinare ño payoa mehne yoadohoga. Õ sehe nina Cohamacã yare ti joari pãi:

“Masare yãhdutica duainare Cohamacã ñu tuhtira.

Painare ño payoina sehere ‘Wiho jiina jija’, ni

tuhotuina sehere noano yoara tiro”,

nina to yare ti joari pãi. 6 Á jina Cohamacã tuariro musare to dutichã “Wiho jiina jija” ni, tirore ño payoga. Musa á yoachã to quihõri pja jichã musare paina ño payoahca to dutiro mehne. 7 Tiro musare pjíro tuhotu ñu wihbora. Á jina ne pjíro tuhotuena tjiga musa sehe.

8 Á yoa wacã masi jinobu. Musare ñu tuhtiriro watino yairo suariro to maca churo seheteta musare ñano yãhduchã

yoa duara. Å yoa m̄usare ñano yoa dutira. **9** Jipihiropʉ ahri yahpapʉre paina Jesu yainare ñano yʉhdʉchʉ yoa, ñano yoa dutira watīno. Tíre masina, tirore yʉhtienā tjiga. Å jina Cristore tuaro wacū tuaga m̄usa. **10** Å yoa mahancā m̄usa ñano yʉhdari baharo Cohamacʉ m̄usare yoadohorohca. M̄usare noaina jichʉ yoarohca. Tirore m̄usa wacū tua namochʉ, tirore m̄usa ne duhuerachʉ yoarohca m̄usare. Tiro jipihtia dachoripe m̄hanopʉ Cristo mehne m̄usa jihtore m̄usare cūriro jira. Tiro Cohamacʉ jira jipihtinare pja ñūriro. **11** “Jipihtia dachoripe tiro tuariro jira”, ni ño payojihna tirore. Åta yoarucujhna.

Noa duti batoaha Pedro

12 Ahri pūcāre mahari pūcāre m̄usare yʉ waroca duachʉ Silvano sehe yʉhure joabasahre. Tiro Jesu yairo yʉ coyeiro, Jesu yare å yoarucuriro jira, yʉ tʉhotuchʉ. M̄usare noano yahu duaja. Å jicʉ “Ahri buhea potocāta Cohamacʉ m̄usare to cahīa buhea jira”, ni yahucʉ m̄usare ahri pūre joarocaja. Å jina ahri buheare ne duhuena tjiga m̄usa.

13 M̄usare to yaina cjihtire to beseriyo sehetā Jesu yaina Babilonia macaina cūhure besea tiri jire Cohamacʉ. Tina sehe m̄usare noa dutira. Marco yʉ macʉ yoaro sehe jiriro cūhʉ m̄usare noa dutira. **14** M̄usa mehne macainare noano mehne piti bocasiniga.

Jipihtina Jesucristo yaina noano jiga m̄usa.

2 San Pedro

Jesu yainare joarocaha Pedro

1 1 Yuhu Simo Pedro Jesucristo buhe dutiro to cūriota jija. Tirore dahra cohtariro jija. Jesucristo, Cohamacu waro jiro, ñaa buhiri marieriro jiro marine cūno potorita yuhdūchū yoariro jira. Å jiro tirore mūsa wacū tuachū, to yaina wahachū yoare mūsare. Mūsa å wacū tuachū wiho waro jierara, Cohamacu to ñachū. Å to yaina mūsa wahachū mari cūno potorita to yaina jija. Å jicu mūsare joarocaja.

2 Å yoa Cohamacu cūhure mari pūhtoro Jesu cūhure masi namona ti cahīa mehne noano jirucunahca mūsa. Å noano mūsa jihto sehe mūsare sini payoja. Å nicu mūsare noa dutija. Cohamacu mūsare pjíro noano yoa namojaro.

Ó sehe jira Cristo yaina

3 Cohamacu ñaa marieriro jiro, to tuaa mehne marine to yaina jihtinare bese cū tuhsua tiri jire. To å bese cūchū tūhona, tirore masina to yaina wahaja mari. Å wahana Cohamacure masi namona, to tuaa mehne to cahmano seheta noaina jinahca mari. 4 Tí to tuaa mehne marine noa yuhdūaro yoare. “Ó sehetu mūsare noano yoaihtja”, to niriro sehetu marine noa yuhdūaro yoara. Marine to å yoachū ñuna Cohamacu to jiro sehetu waha namonahca mari. Å jina ahri yahpa macaa ñaare, mari ñaare goa pjaare mari duhunocaja. Tí ñaa sehe marine dojomehne yuhdūamahre.

5 Cristore noano wacū tuaina ji tuhsura mūsa. Å jina ó sehe yoa namoga tjoa: Noaare yoaina jiga mūsa. Å jina Cohamacu cahmaare noano masiina jiga mūsa. 6 Ñano yoa duapanahita Cohamacu cahmaa sehere yoarucuina jiga mūsa. Å yoa Cristo yaina mūsa jiri buhiri ñano yuhdūpanahita å cūno pjarucuga mūsa. Å jina Cohamacure ño payolina, to cahmaare yoaina jiga mūsa. 7 Å yoa mūsa mehne macainare cahma ño payolina, tinare noano yoadohoina jiga mūsa. Å yoa jipihtina paina cūhure cahīina jiga.

8 Mūsa õ sehe yo a namochūta noa yuhdūara. Mūsa ã yo a namona, noano yoaina jirucunahca. ã jina Cristo to cahmaare noano yoarucuina jinahca mūsa. Wiho waro jiina jisi mūsa. ã yo a Cristore mūsa wacū tuari wiho waro jisi. Yü niriro sehet a mūsa yo a namochū pinihtare noa yuhdūara. **9** Mūsa ã yo a namoerana Cohamacū yare ne masieraputira mūsa. ã yo a namoeraina jina capari ñueraina o capari noano ñu bocaeraina yoaro sehe jina, Cohamacū cahmaare ne masierara mūsa. ã yo a namoerana Cristo mūsa ñaa yoari buhirire to cohāri cjirire ne wacū payoerara mūsa. ãtā bonoca duara mūsa. **10** ã jina, yü coyea, Cohamacū to yaina cjihtire mūsare to ji dutichū yuh tire mūsa. ã yuh tiina jina, to yare ne wacū duhuera na to cahmaare tuaro yoarucuga. Mūsa ã yoarucuna potocāta Cohamacū mehne jinahca mūsa. ã yo a potocāta to beserina jinahca mūsa. ã yo ana to yare duhuina jisi mūsa. **11** Mūsa ã to cahmano sehe yoaina jina mari puhtoro marine yuhdūchū yoariro Jesucristo to sūho jiropū noano wahanahca mūsa. Tópū tiro mari puhtoro ã jirucurohca. Potocā to yaina waro mūsa jichū ñuno “Noano mehne yuhū mehne jiga mūsa”, ninohca Jesu mūsare.

12 ã yo a ahrire mūsare ã wacūchū yoarucuihtja. Ahri mūsare yü yahurire masi tuhsūhre mūsa. ã masina Cohamacū yare mūsa tūhoriro sehet a noano yoana nina mūsa. ã yoaina mūsa jipachūt a ahri mūsare yü yahurire ã wacūchū yoarucuihtja mūsare. **13-14** Mahanocā dūhsara yü yariahto. Tíre noano yahure mari puhtoro Jesucristo yuhure. ã jicū catisinicū waro ahri yü yahurire mūsare ã wacūchū yoarucuihtja. Yü ã yoachū noa nina. **15** ã jicū ahri yü yahu joari cjirire mūsare joa cū pahñoihca yü yariari baharo mūsa noano masihto sehe. ã jina ahri yü yahurire ã wacūrucunahca mūsa.

Cristo to tuariro to jia tiare ñuha Pedro cāhū

16 ã yo a Cristo to tuaa cāhūre to tahto cāhūre mūsare yahuna, sā mu sūro yahuna nieraja. Masa ti mu sūro ti masia mehne ti yahua jierara mūsare sā yahua. Tuariro to jiare sā basita ñui. **17** Cristo to tua yuhdūariro to jiare sāre ñore Cohamacū mari Pūcū. To ã ñochū tiro sehe noano si siteriro jire. To ã si sitechū õ sehe nino coa tare to si sitero watoi: “Ahriro yü macū, yü cahīriro jira. Tiro mehne tuaro wahcheja”, nino coa tare Cohamacū tua yuhdūariro. **18** Mūanopū to ã

nino coa tachã tãhoi sã. Tãcã buipã Cohamacã to jiri tãcãi Cristo mehne jii sã.

19 Tíre ñãrina jina, Cohamacã yare yahu mãhtaina cjiri panopã macaina ti joari cjiri potocã ti jichã noano masija sã. Ti joari cjirire noano ñã buherucuna noano yoana nina mãsa. Tí ti joari cjiri Cohamacã yare marine noano masichã yoara. Ahri yahpai ñaare ti yoari yahpai nahitianoi mari jiboro seheta buhriaro marine to noano ñã masichã yoaro seheta Cohamacã noano masichã yoara marine. Á jina Cohamacã yare ti joarire á buherucuga. Á buherucuna Cristo to tjua tachãpã buhe duhunahca. Á tjua taro to yare mari masierarire marine noano masi pahñochã yoarohca. **20** Jipihtia ahri yã yahuri yãhdoro ahri sehere noano masiga mãsa: Cohamacã yare yahu mãhtaina cjiri panopã ti joari cjirire mari mã suro tére buhena, “Ó sehe nino nica”, ni masieraja. **21** Ne masa ti mã suro Cohamacã yare joaera tiri jire. Panopã macaina cjiri Cohamacã yare ti joachã Espíritu Santo sehe ti joahtore tinare masichã yoaa tiri jire.

Cohamacã yare potocã buherainare yahuha Pedro

2 **1** Panopã mari coyea judio masa mehne macaina “Cohamacã yare yahu mãhtaina jija”, ni mahñoina jia tiri jire. Ti yoaro seheta mipã cãhure mãsa mehne macaina á ni mahñoina jiahca. Tina potocã ti buheboro seheta mahñoa sehere buheahca. Á buhea Cristo ya sehere dojomehneahca. Á yoa Cristo to yãhdutchã yoaborina jipahta tirore “Sã pãhtoro jira”, ni tãhotuerara. Tí jipihtiare ti á yoari buhiri dóihta Cohamacã tinare tuaro buhiri dahrerohca. **2** Á mahñó ti buhechã tãhoa tina ti ñaare goa pjariro sehere payã masa tinare ñã cã ñano yoaahca. Ti á ñano yoachã ñãa paina masa cãhã noaa buheare ñano quiti dahreahca. **3** Á jia tina mahñoina niñerure wapa cahmaa, mahñoa, ti mã suro ti yahua buheare buheahca mãsare. Ti á buheri buhiri Cohamacã tinare tuaro buhiri dahrerohca yãhdãro marieno. Panopãta á yoainare buhiri dahre duti tuhsãa tiri jire tiro.

4 Tó sehera panopãta Cohamacã ñaina anjoa cãhure to buhiri dahrehtore cã tuhsãa tiri jire. Tinare pichacapã nahitianopã peresu yoaa tiri jire. Á yoaro pihtiri dacho baharo tinare buhiri dahrerohca. **5** Tó sehera panopã macainare Cohamacãre cahmaerainare tiro buhiri dahrea tiri jire. Á yoaro jipihtiro ahri yahpare miono, jipihtina masa ñainare mio wajãa tiri jire.

To ã miohto pano Noe cjiro sehe tí pja macaina cjurire noaare yoa dutiro yahua tiri jimare. To ã yoaro watoi Cohamacu ahri yahpare miono, Noéne tiro mehne macaina cãhure yuhdãchã yoaa tiri jire. Tina jipihntina to yuhdãchã yoarina ocho masa jia tiri jire. **6** Tó seheta Sodoma wama tiri maca macaina cjurire Gomorra wama tiri maca macaina cjiри cãhure Cohamacu buhiri dahrea tiri jire. Tí macarine pichaca mehne noano jã pahñonocaa tiri jire. Ñ yoaro baharopu jihtinare tirore cahmaerainare ñono nia tiri jire. Ñainare to buhiri dahrehtore ñono nia tiri jire tinare. **7** Ñ yoaro Lote wama tiriro cjiro sehere yuhdãchã yoaa tiri jire. Lote sehe noariro jia tiri jire. Ñ jiriro jiro Sodoma macaina Cohamacu dutiare yuhdurucaina ñabiaro ti yoachã ñano pomea waha, ñano tãhotua tiri jire. **8** Tiro noariro ñaina watoi jiro, dachoripe ñabiaro ti yoachã ñano, ñano ti durucuchã tãhoror ñano yajeripohna tia tiri jire.

9 Tirore to yuhdãchã yoachã ñuna ahri yu yahuhtire masija mari. Cohamacu mari pãhtoro tirore cahmainare ti ñano yuhdãchã ñuno tinare yoadohorohca. Ñ jiro ñaina sehere peresu yoaro tinare cjuara pihtiri dacho jichã to buhiri dahrehto sehe. **10** Ñaare tuaro goa pjainare Cohamacure yuhdurucainare tina pinihtare ñano buhiri dahrerohca tiro. Ahrina musa mehne macaina mahño buheina ñaare yoaa, ne cuierara. Ñ yoa bao tierara tina. “Painare masi yuhdurucaja”, ni tãhotuina jira tina. Ñ jiina jia mzano macaina tuainare ne ño payoeraa, cuiro marieno ñano ni bãjpera tinare. **11** Anjoa sehe ne ti yoaro sehe yoaerara. Tina sehe mahño buheina yuhdoro tuaina jira. Ñ jipahta tina ne bãjpea mehne mzano macaina tuainare ñano yahusäerara Cohamacure, “Painare yuhdurucaja”, nieraina jia.

12 Wiho mejeta ahrina mahño buheina sehe nãcã macaina wahiquina yoaro sehe taho masieraina jira. Nãcupu boca sua ti wajähtina yoaro sehe jira tina. Ti cahmano sehetia yoara tina. Ñ jia ti masierainare bãjpe, ñano ni durucu cohtara. Ñ yoaina jia wahiquina yariahtina ti jiro sehetia tina cãhã to buhiri dahrehtina jirucuhca. **13** Tinare ti ñano yoari buhiri buhiri dahrerohca Cohamacu. Tina ñaare goa pja yuhdãara. Ñ yoaa dachopu masa ti ñurocaroi to jipachãta ñano yoarucura. Musa mehne bose numu yoaa, tí bose numui ñaare yoa yuhdãara. Ñ jia musa bose numure ti wete dahrero sehetia tinare musa ñu cãchã tí ñaa pihara musare.

14 Ñ yoaa numiare ñña, ñaha duara tina. Tuhsu, ñaare ã yoarucu duara. Cohamacure wacú tuaera cureinare ñaare yoa dutia, tó sehe jiinare tinare ñu cûchû yoara. Ñ yoa ti sahsero paye barore, niñeru câhure mahño ma mihiina jira.

Tina Cohamacu to buhiri dahrehtina jira. 15 Tina Cohamacu yare buheraa, soro jia buhea sehere buhera. Ñ yoaa Balâa yoaro sehe yoaa nina. Balâa, Beor macuno jia tiri jire. Tiro sehe panopu to ñaa yoari mehne niñerure wapata duaa tiri jimare. 16 To ã yoachu ñâno Cohamacu tuhtia tiri jire tirore. To burro durucueraricoro jiparota masuno yoaro sehe to purore durucu tuhtia tiri jire. To ã tuhtichu tûhoro Balâa tuaro to ñaare yoa duamarire duhunocaa tiri jire. Tûho masierariro to yoa duamarire duhunocaa tiri jire.

17 Ahrina mahñoina mári pohtaripu co marieno yoaro sehe jira. Co mariea mári pohtari ti yaba cjihti jieraro sehetina mahñoina ne yaba cjihti jierara. Ñ yoa me curuari mûano macaa core waboa curuarire wihnono to wârocachu ti curuari yaba cjihti jierara. Ñ ti yaba cjihti jieraro sehetina mahñoina cûchû masare yoadohoera, ne yaba cjihti jierara. Ñ jiro nahitiano warore yoa tuhsua tiri jire Cohamacu tópu tinare buhiri dahrero taro. 18 Tina mahñoina ti durucua yaba cjihti jierara. Masiina yoaro sehe masare ã buhemacanocahna. Õ sehe ni buhera tina: "Mari cahmano sehetina mari yoachu noa nina", ni buhemana tina. Ti ã ni buhechu masa tûhoa ñaare goa pjaa, ti ya buheare cahmana. Paina masa Cohamacure potocâta wahma cahma ducaina mahancâta wahara ti ñaare ti duhuri baharo, quihôno yoaeraina mehne macaina ti jiri baharo. Tinare mahñoina ti buhechu tûhoa ñaare cahmana tjoa



Cohamacʉ yaina jiborina jipahta. **19** Tinare ò sehe ni buhera mahñoina: “Mari cahmano seheta mari yoachʉ noa nina”, ni buhemana tina. Ti ã ni buhepachʉta ti niriro sehe wahaerara tinare. Ñaare duhu duaeraa, tére duhu masieraputiara. Ti ã duhu masierachʉ, tí ñaa ti pʉhtoro yoaro sehe jira. **20** Mari pʉhtoro Jesucristore marine yʉhdʉchʉ yoarirore wahma cahma dʉcaina sehe ahri yahpa macaa ñaare duhunocamare. Ti ã duhuri baharo pari turi ñaare yoaa tjoa, ñabiaro waro tjuara tina. Cristore ti masihto pano ti ji mʉhtariro yʉhdoro ñabiaro tjuara jʉna, pari turi ñaare yoaa tjoa. **21** Á ñabiaro tjuua, Cohamacʉ tinare to dutiare yʉhdʉrʉcaa, noaa buhea sehere ti ne masi mʉhtaerachʉ noabiaboa tinare. **22** Á jia pari turi ñaare yoaa, masape ti ni durucurucuriro seheta yoaa nina tina. Ó sehe ni durucura masa: “Diero toa tuhsʉ pari turi to toa cūri ejirire chʉra. Á yoa yesere ti cosari baharo pari turi tiro ñari sahbai cuhsʉra tjoa. (Tó seheta yoara noaa buheare cahmamarina cūhʉ pari turi ñaare cahmaa tjoa)”, ni durucura masa.

Cristo ahri yahpapʉ to tjua tahtore yahuha Pedro

3 **1** Yʉ cahīina, mʉsare cū pū joaroca tuhsui. Á jicʉ ahri pūre mipʉre mʉsare joarocai nija tjoa. Tuhsʉ pʉa taha joarocacʉ ahri jipihtiare mʉsare wacūchʉ yoa duai nija noaa dihtare mʉsa tʉhotuhto sehe. **2** Panopʉ macaina noaina Cohamacʉ yare yahu mʉhtaina cjiri ti yahu joari cjirire wacūga mʉsa. Mari pʉhtoro marine yʉhdʉchʉ yoariro Cristo to dutia cūhʉre wacūga. Tí dutiare sã to cūrina mʉsare buhei.

3 Ahrire mʉsa masichʉ tuaro cahmaja. Á jina wahmanore ahrire wacū mʉhtaga: Pihtiri dacho panocā Cohamacʉ yare bʉjʉpeina jiahca. Tina ñaare goa pjarucuina jiahca. Ó sehe ni bʉjʉpeahca: **4** “Cristo ‘Tjua taihtja’, niparota ne tjua tasi. ¿Tjua ta duaparota dohsearo ne bajuerajari tiro? Ahri yahpa to ji dʉcari baharo mari ñuchʉsʉma mʉna ti yariari baharo jipihtiro solo sehe waharo marieno á jirucura. Á jiro ahri yahpare tahtiro mʉanopʉre mariahna”, ni bʉjʉpeina jiahca. **5** Á ni bʉjʉpea ahri sehere ne wacūrerara tina: Panopʉre Cohamacʉ to dutiro mehne ahri yahpare, mʉano cūhʉre bajuamehnea tiri jire. Á yoa tuhsʉ ahri yahpai co dihta jiriro cjirote yahpa jichʉ yoaa tiri jire tiro. Á yoaro co mehne ahri yahpa mipʉ to jiro sehetra ahri yahpare yoaa tiri jire tiro. **6** Á yoa baharopʉ ahri yahpare miono, cohã pahñoa tiri jire

ahri yahpa macaare ahri yahpa macaina cūhure. (Ã jiro ahri yahpare cū tahata soro wahachū yoa tuhsua tiri jire Cohamacu.) 7 Ñ soro wahachū yoaparota mipure muanore, ahri yahpa cūhure pari turi cohtotachū yoaerasinire tiro. Tiro to dutiro mehne ahri yahpare muanano cūhure mipure ti jiro sehetia jirucu namochū yoaro nina. Ñ jiro cohtaro nina baharo jipihiropure jūno taro. Ñ cohtaro nina Cohamacu tirore cahmaerainare buhiri dahrero taro. Ñ buhiri dahrero tinare pichacapu cohānōhca.

8 Yū cahīina ahrire wacūga mūsa: Mil cūhmarine “Yoabiari pja jira”, mari ni tūhotupachūta cū dachota jira Cohamacu to ñuchū sehere. 9 “Cohamacu to niriro sehe ne so yoaterputiara”, nina masa. Ñ jierara. Masare noano yoa duaro cohtasinino nina. Ne cūiro masunore pichacapu cohā duaerara tiro. Ñ jiro jipihtina pano ti ñaare tūhotumarire ti duhuchū, Cohamacure ti cahmachū cahmasinina tiro.

10 Ñamipure yaca būcuro to wacūenoca yacaro sāariro sehetia Cristo ahri yahpapure wacūenoca tarohca. To tachū to tuaro bisichūta muanano macaa pihtia wahaahca. Jū pihtia wahaahca. Ñ yoa ahri yahpa, ahri yahpa macaa cāhu jū pihtia wahaahca. Cohamacu ahri yahpa macainare buhiri dahrero taro nina.

11 “Ahri jipihtia pihtia wahaahca”, Cohamacu to nichū tūhona ñaare duhuina, Cohamacu cahmaare yoaina jiro cahmana marine. 12 Mari pūhtoro Cristo ahri yahpapu to tahtore cohtaina jina, soaro mehne to tachū yoaga mūsa. Tí dachoi muanano macaa jū pihtia wahaahca. Jipihtia jū sipīa wahaahca. 13 To ñ cuaro wahahto to jipachūta mari sehe Cohamacu to ni cūriro sehetia jipihtiare to cohtotahtire cohtaja mari. Jipihtia ti jū pihtiaro baharo õ sehe jirohca. Muanopu cūhu ahri yahpapu cūhu wahma jiahca. Ñ yoa tí pjapure noaa dihtare yoahca jipihtina. Ahrireta cohtaja mari.

14 Ñ yoa yū cahīina, mari pūhtoro to tahtore cohtaina jina Cohamacu to ñuocaroi noano yoaina jiga mūsa ñaa buhiri marieina mūsa jihto sehe. Ñ noano yoaina jiga mūsa Cohamacu mūsa mehne to wahchehto sehe. 15 Yoa cureri pja to bajuerachū ñuna ahrire masiga mūsa. Masa tirore cahmaina to yuhdachū yoahina dūhsasinina mini. Ñ jiro tinare cohtasinino nina Cohamacu. Ñta ni mūsare joarocari jire mari coyeiro mari cahīiro Paulo. Cohamacu to masia mehne tīre joarocari jire

tiro. **16** Æ dihta ni joarocara Paulo to joarocaa taharipe. Cristo to tahtore, ñaare yoeraina mari jihto cūhure yahuro õ sehe dihta ni joarocari jire tiro. Cää tahari mijo cureare tiro yahu joarocari jire. Paina ne masieraina, taho masieraina mahñoa mehne to ã nirire cohtota mujana. To ã niri jipachuta soro ni cohtota yahura tina. Paye Cohamacu yare ti joaa püri cūhure tó seheta yoara tina. Ti ã yoachu ñuno Cohamacu tinare tuaro buhiri dahrerohca.

17 Yü coyea, yü cahüina ahri jipihtiare ti ã wahahto pano yahuyui njija mësare. Æ jina ahrire masina, noano yoaga mësa. Ñaina mësare soro ni ti buhechu ne tñhoena tjiga tinare, “Cristore wacü tua duhuri”, nina. **18** Æ jina mari pñhtorore marine yuhdutchu yoariore Cristore noano wacü tua namoga mësa. Tirore, marine to cahia cùhure noano masi namoga mësa. Mipure, jipihtia dachoripe tirore noano wahche payojihna mari. “Noariro, tuariro jira”, nijihna mari tirore. Æta nijihna.

1 San Juan

Jesucristo catiare wariro jira

1 ¹ Jesu Cohamacu ya d̄userore yahuriro jira. Dóip̄ta wahmanop̄ta jiriro tiro masare Cohamacu mehne ã jirucuchu yoariro jia tiri jire. Mip̄re sã tirore yahu joana nija. Tirore t̄uhona, catiriro warore tirore ñhi sã. ² Ahriro Cohamacu mehne ã jirucuchu yoariro ahri yahpapu to masa bajuari baharo tirore sã ñhi. ³ Å jina tirore yahuja sã m̄usare. Tiro jipihtia dachoripe to Pucuro mehne jirucuriro to jichu, mip̄re Cohamacu tirore ñore sãre. Tíre yahuja sã m̄usare. ³ Cohamacu mehne macaina jija sã. To macuño mehne macaina c̄uhu jija sã. ⁴ Å jina m̄usa c̄uhu sã mehne macaina, Cohamacu mehne macaina, to macuño mehne macaina m̄usa jihto cjihore sã ñurire, sã t̄uhorire m̄usa c̄uhure sã yahuja. ⁴ Ahrireta sã joaja noano mari wahchehti cjihire.

Buhriaro to wete marieno seheta Cohamacure ñaa yoaa ne mariahna

⁵ Ahri buhea Cohamacu macuño sãre to yahuri cjiri jia nina. Mip̄ta ahrire yahunahca sã m̄usare: Cohamacu buhriaro yoaro sehe jira. Buhriaro wete marieno to jiro seheta tirore ne ñaa yoaa mariahna. Ñaa sehe nahitiano yoaro sehe jira. Cohamacure ne ñaa yoaa mariahna. To ã jia tiare yahuja m̄usare. ⁶ Å jina nahitianoji jiina yoaro seheta mari ñaare yoaina jipanahta “Cohamacu mehne macaina jija” nina, mari mahñona nija. Å yoa Cohamacu yare quihõno yoaeraja. ⁷ Å yoa buhriaropu jiina yoaro seheta Cohamacu to yoariro seheta mari noaa sehere yoana, paina Jesu yaina mehne noano jina nija. Mari ã yoaina jichu Cohamacu macuño Jesu to di cohâno mehne, crusai to yariari mehne jipihtia mari ñaa yoari buhirire cohâna.

⁸ “Yuhu pini ne ñaare yoaueraja”, ni wacuna, mahñolare t̄uhotuna nija mari. Mari ã ni t̄uhotuna Cristo yare potocâ

jiare ne masieraja. **9** Wiho mejeta Cohamacure mari ñaa yoarire mari yahuchu tiro quihono yoariro jiro, mari ñaa borohtca. Á boro jipihtia mari ñaa buhirire cosawerohca tiro. To niriro seheta yoariro jira tiro. **10** “Ñaare yoaeraja” nina, “Cohamacu mahñoriro jira”, nina nija mari. Ó seheta niina to buheare cahmaerara.

Cristo marine yoadohora

2 **1** Yü pohna, musa ñaare yoaerahto sehe ahrire joai nija. Yü á ni joapachuta ñaare yoaboca musa. Musa á yoachu ñuño Jesucristo noariro musa ya cjihtire to Pucuore ó sehe ni sini payorohca: “Ahrina ti ñaare yoari buhirire buhiri dahrei tjiga”, ni sini payorohca to Pucuore. **2** Cristo mari ñaa yoari buhirire coháriro jira. Mari ñaa yoari buhirire mari dihtare coháerara. Jipihtiro macainapu cuhure ti ñaa yoari buhirire cohá masina tiro.

3 Cohamacu to dutiare yoana, tirore potocata noano masija mari. **4** Cuiro Cohamacu dutiare yoaeraparota “Yuhu Cohamacure masija” nino, tiro mahñoriro jira. Á jiro Cristo yare potocá jiare ne masierara. **5** Pairo sehe Cohamacu dutiare yoariro Cohamacure tuaro cahíriro jira. “¿Cohamacu mehne macaina jijari mari?” ni masi duana, ó sehe mari masinahca: **6** “Cohamacu mehne macariro jija”, niriro Jesucristo yoaro seheta noaare yoariro jiro cahmana tirore. To á yoariro jichu ñuna “Cohamacu mehne macariro jija”, ni masija mari.

Wahma dutiare yahu ducaha

7 Yü cahíina, ahri dutia mipure musare yü yahuhto wahma dutia jierara. Ahri dutia musa wahmanopure cjuariro cjiro muná dutia tjira. Tí dutiare musa taho tuhsure. **8** Mipu sehere musare yü yahuhto muná dutia jiparota wahma dutia cuhu jira. Cristo, musa cuhu tí dutiare yoara. Miputa nahitiano to pihti wahcachu mari ñu masino seheta mari masierarire masi ducha wahcana nija mari. Á jiro buhriaro mehne mari ñu masino seheta Cristo musare potocá jiare masichu yoaro ta tuhsure.

9 “Yuhu buhriaropu jiriro yoaro seheta Cohamacu dutiare yoariro jija”, cuiro neparota, painare ñu tuhtiriro jiro, tiro Cohamacu dutiare yoaerara. **10** Á yoa pairore cahíriro pinihta buhriaropu jiriro yoaro seheta Cohamacu dutiare yoariro jira tiro. Á jiro ñaare pari turi yoa duaerara. **11** Pairore ñu tuhtiriro

sehe nahitianopʉ jiriro yoaro sehetā jiro nina. Tiro capari ñuerariro yoaro sehetā jira. To wahahtore ñʉ masierara tiro.

12 Yʉ pohna, Cristo to yariaro mehne mʉsa ñaa yоari buhirire cohāri jire. Ā jicʉ mʉsare yahu joai nija. 13 Mʉsa pʉcʉshma cūhʉ, mʉsa Cristore wahmanopʉre jirirore masina mʉsa. Mʉsa ã masiina jichʉ mʉsa cūhure yahu joai nija. Mʉsa wahma yapia ñariro watīnore yʉhdʉrʉcare mʉsa. Mʉsa ã yʉhdʉrʉcaina jichʉ mʉsa cūhure yahu joai nija.

14 Yʉ pohna, Cohamacʉ mari Pʉcʉre mʉsa masina. Mʉsa ã masiina jichʉ mʉsare mipʉre yahu joai nija. Mʉsa pʉcʉshma, mʉsa Cristore wahmanopʉre jirirore masina mʉsa. Mʉsa ã masiina jichʉ mʉsare yahu joai nija. Mʉsa wahma yapia potocāta mʉsa Cohamacʉre wacū tuaina jira. Ā jina mʉsa Cohamacʉ yare yoara. Ā yoana, mʉsa ñariro watīnore yʉhdʉrʉcare. Ā jicʉ mʉsare yahu joai nija.

15 Ahri yahpare ahri yahpa macaa ñaare cahmaena tjiga. Ahri yahpa macaa ñaare cahmaina jina Cohamacʉ mari Pʉcʉ sehere cahmaerara mʉsa. 16 Ñaina ti basi ñaare ti goa pjari, ñaare ti ñʉ duari mari Pʉcʉ Cohamacʉ ya jierara. “Noano cjʉa pahñoriro, masi pahñoriro jija yʉhʉ. Ne cāiro masuno yʉhure yʉhdʉrʉcaerara”, masa ti ni tʉhotua mari Pʉcʉ Cohamacʉ ya jierara. Tí jipihtia ahri yahpa macaa jira. 17 Ahri yahpa, ahri yahpa macaa cūhʉ masa ti cahmari cjiri pihtia wahaahca. Cohamacʉ cahmaare yoariro sehe jipihtia dachoripe Cohamacʉ mehne jirucurohca.

Cristore ñʉ tuhtiriro sehere yahuha Joāo

18 Yʉ pohna, ahri dacho to pihtihto mahancā dʉhsara. “Cristore ñʉ tuhtiriro tarohca” ni, Jesu yaina mʉsare yahu tuhsure. Mipʉre Cristore ñʉ tuhtiina payʉ ji tuhsure. Ti ã jichʉ ñʉna mipʉre pihtihti dacho cjihto mahancā to dʉhsachʉ masija mari. 19 Ahrina Cristore ñʉ tuhtiina sehe mari mehne jipahta potocā mari mehne macaina jierare. Ā jia tina marine cohānocare. Tina mari mehne macaina jia, mari mehne jiboa. Marine cohānocare. Ti ã cohāchʉ mari mehne macaina ti jierachʉ masija mari.

20 Cristo Espíritu Santore mʉsa sehere ware. Ā jiro Espíritu Santo mʉsa mehne jira. Ā jina mʉsa jipihtina Cristo yare potocā jiare masi tuhsure. 21 Mʉsare yahucʉ “Cristo yare masierara mʉsa”, ni tʉhotueraja yʉhʉ. Mʉsa Cristo yare masiina jichʉ

ñusare yahuja. Cristo ya ne mahñoa jierara. Tí cūhure masiina mūsa jichu masija yuhu.

22 Ahriro jira mahñoriro: “Jesu Cohamacu masare yuhdachu yo duti to warocariro Cristo waro jierara”, niriro sehe mahñoriro jira. Potocata Cristore ñu tuhtiriro jira tiro. Cohamacure, to macuno cūhure cahmaerariro jira Cristore ñu tuhtiriro. **23** Ó sehe tjira: Jesure cahmaerariro sehe to Pucuro cūhure cahmaerariro tjira. Jesure cahmariro sehe to Pucuro cūhure cahmariro jira.

24 Wahmanopure Cohamacure mūsa tūhori cjurire noano wacūga. Tíre wacūna, Jesu mehne macaina jinahca mūsa. Á yo to Pucuro mehne macaina jinahca. **25** Tíreta Jesu marine yahure. Ó sehe jira to yahuri cji: “Mūsa jipihtia dachoripe Cohamacu mehne jirucunahca”, ni cüre Jesu marine.

26 Paina mūsare mahñoa nina. Ti á mahñoare masicu mūsare yahu joai nija. **27** Á ti mahñoina mūsa jipachuta mūsa sehere Cristo Espíritu Santore wa tuhsure. Espíritu Santo mūsa mehne jira. Mūsa mehne jiro mūsare buheriro jira. Á jiro tiro jipihtiare mūsare yahura. To yahua potocata jira. Mahñoare yahuerara tiro. Á jina pairo mūsare buhehtirore cahmaerara mūsa. Espíritu Santo to niriro seheto yoaga mūsa mipure. Á yoana mūsa Cristo yare tūhona, tiro mehne macaina jiga.

28 Á tjira. Yü pohna, Cristo mehne macaina jiga mūsa. Á jina Cristo to tahti dachore mūsa cui. Á jina tiro to tahti dachore mūsa bao ti duhtisi. **29** Cristo noaare yoariro to jichu mūsa masina. Tíre masina ahri cūhure masiga mūsa. Jipihtina noaare yoaina Cohamacu pohnata jira. Ahri cūhure masiga mūsa.

Mūsata Cohamacu pohna jira

3 **1** “Mūsa yü pohna jira” nino, tuacaro cahí yuhdúrúcajari Cohamacu marine. To á cahíina jinata to pohna jija mari. Ahri yahpa macaina ñaina Cohamacure masierara. Á jia Cohamacu pohna mari jichu ñua tina mari cūhure masierara. **2** Yü cahíina, mipure Cohamacu pohna jija mari. Á jipanahta baharo mari jihti cjihtire mari noano masierasinija. Á masierapanaha ahri sehere masija. Cristore mari ñuna, dóihta mari tirore ñu masinahca. Á jina Cristo marine to bajuachu tiro to jiro seheto mari cohtotanahca. **3** Jipihtina ahrira

masiina Cristo to tahtore cohtaina tirore ñu cúa ñaare yoa duaerara.

4 Ñaare yoana to dutiare yuhdureucana nija. Å jia jipihtina ñaare yoaina Cohamacu dutiare yuhdureucaina jira. **5** Cristo masare ti ñaa buhirire cohähтиro cjihto bajuari jire. Tiro ne ñaare yoarerara. Tíre masina musa. **6** Å jia jipihtina Cristo yaina ñaare yoarucuerara. Pairo sehe ñaare å yoarucuriro Cristore wacu tuaeraro, ne tirore masierara. Å jiro Cristo yairo jierara. **7** Yt pohna, musare mahñoinare ne tuhoena tjiga. Jipihtina noaare yoaina Cristo yoaro sehe noaina jira. **8** Pairo sehe ñaare å yoarucuriro watino yairo jira. Watino pinihta dóihta ñaare yoariro jia tiri jire. Å jiro watino to ñaare yoare, to ñaare yoa dutia cöhure duhuchu yoahтиro cjihto Cohamacu macuno bajuari jire.

9 Cohamacu pohna jina Cohamacu yoaro seheta jiina jija. Å jinata ñaare yoarucueraja. Cohamacu mari Pucu to jichu mari sehe ñaare yoarucu masieraja. **10** Õ sehe jiinare Cohamacu pohnare masinahca: Cohamacu pohna watino pohna yoaro sehe jierara. Ñaare yoarucuina, painare cahieraina Cohamacu pohna jierara.

Musa mehne macainare cahiga

11 “Mari mehne macainare cahijihna”, ni buheare wahmanopure tuho tuhsure musa. **12** Mari Cañ to ñano yoariro seheta yoaena tjijihna. Tiro watino yairo jiro, to bahurore wajaa tiri jire. ¿Dohse yoaro tirore wajari, musa tuhotuchu? Tíre yahuihtja musare: Cañ to yoari cjiri ñaa jia tiri jire. To bahuro sehe to noaare yoariro jichu ñu tuhtiro to wahmino sehe tirore wajaa tiri jire.

13 Å jina yu coyea, ahri yahpa macaina musare ti ñu tuhtichu “¿Dohse jiro baro marine ñu tuhtijari tina?”, ni tuhotuena tjiga. **14** Mari pichacapu wahaborina jimai. Mipure muanopu å jirucuhtina cohtotarinapu jina nija mari. Jesu yainare cahina, Cohamacu marine to cohtotachu yoarire masija mari. Masare cahierariro pichacapu wahahtiro jira. **15** To coyeirore ñu tuhtiriro masare wajariro jira, Cohamacu to ñuchu. Masare wajaina ne muanopu Cohamacu mehne jirucusi. Tíre noano masina musa. **16** Masare cahiare õ sehe masinahca. Jipihtia dachoripe Cohamacu mehne mari jihto cjihtore Cristo yariaro marine tuaro cahire. Å yariaro marine to å cahirucurire

masichʉ yoaro nire. Å jina Cohamacʉ to cahmachʉ mari cūhure Jesu yaina yaro jiborirore yariaro cahmaboca. 17 Payʉ cjhariro Jesu yairore pjac̄orirore ñuparota tirore pja ñueraro, Cohamacure cahierara tiro. 18 Yʉ pohna, mari cahīa sehe mari dñsero dihta wijaero tijaro. Masare mari cahīna, potocāta tinare yoadohoro cahmana marine.

Cuiro marieno Cohamacʉ cahai ji masija mari

19 Tó seheta cahīna mari potocā Cohamacʉ yaina mari jia tia cūhure masinahca. Å jina Cohamacʉ cahai ne cuiro marieno mari ji masija. 20 Å jina “Ñaa buhiri jica yuhure”, mari ni tūhotupanahta, Cohamacʉ cahai cuiro marieno ji masija. Tiro sehe mari yuhdoro tuariro jiro jipihiare masi pahñoriro jira. 21 Yʉ cahīna, noaare yoana, “Noaa sehere yoana nija”, ni tūhotuna, Cohamacʉ cahai mari cuiro marieno ji masija. 22 Cohamacʉ to dutiare, to cahmaa cūhure mari yoachʉ, tirore mari sinino purota tiro warohca. 23 Ó sehe dutira tiro marine: “Cohamacʉ macunore Jesucristore wacū tuaga. Å yoa Cristo marine to dutiriro seheta mʉsa mehne macainare cahīga mʉsa”, ninota dutira marine.

24 Cohamacʉ dutiare yoariro Cohamacʉ mehne macariro jiro nina. To å jiriro jichʉ, Cohamacʉ tiro mehne macariro jira. Cohamacʉ mari mehne macariro to jiare mari masi duachʉ marine to wariro Espíritu Santo tīre marine masichʉ yoarohca.

Mahñoare ti buhechʉ, Cohamacʉ yare ti buhechʉ cūhure noano ñu masi dutiha

4 1 Yʉ cahīna, paina “Cohamacʉ yairo Espíriture cjhaja”, niina ti jipachʉta ti buhea mahñoa jira. Paina sehe Espíritu Santo warore cjhaina ne mahñono marieno buhera tina. Payʉ “Cohamacʉ yare yahu mʉhtaina jija”, nipahta mahñoina jira mipʉre. Jipihiropʉ jira tina. Å jina paina mʉsare ti buhea sehe mahñoa buhea jichʉ ñu masiga mʉsa. Cohamacʉ ya ti jichʉ cūhure ñu masiga mʉsa. 2 Cohamacʉ yairo Espíritu Santore cjhainare mʉsa ñu masi duana, ó sehe masinahca: “Jesucristo ahri yahpapʉ mari yoaro sehe pjacʉ tiriro bajuerari jire” ni, buheina Cohamacʉ yairo Espíritu Santore cjhaina jira tina. Å jina å ni buheinare ñu masinahca mʉsa. 3 Paina sehe “Jesu ahri yahpapʉ mari yoaro sehe pjacʉ tiriro bajuerari jire”

ni, buheina Cohamacʉ yairo Espíritu Santore cjaeraina jira. Ti ya tʉhotua Cristore ñʉ tuhtiriro to tʉhoturo seheta jira. “Cristore ñʉ tuhtiriro tarohca”, ti nirire tʉho tuhsure mʉsa. Â yoa to ya buhea ahri yahpapure wihi tuhsure.

4 Mʉsa sehe yʉ pohna, Cohamacʉ yaina jira mʉsa. Â jina “Cohamacʉ yare yahu mʉhtaina jija sã” ni, mahñoinare yʉhdʉrʉca tuhsure mʉsa. Mʉsa mehne jiriro Espíritu Santo sehe tua yʉhdʉrʉcara. Â jiro ahri yahpa macaina yairo watïno yʉhdoro tuara. Â jina mahñoinare yʉhdʉrʉcare mʉsa. Â jina ti buheare cahmaerare mʉsa. 5 Mahñoina sehe ahri yahpa macaina ñaina jira. Â jia tina ahri yahpa macaa ñaare ti buhechʉ ahri yahpa macaina ñaina sehe tinare noano tʉhora. 6 Mari sehe Cohamacʉ yaina jija. Â jia Cohamacʉre masiina marine noano tʉhora. Paina sehe Cohamacʉ yaina jieraa, marine ne tʉho duaerara. Ti â tʉho duaerachʉ ñʉna ti ya buhea Cohamacʉ ya buhea ti jierachʉ masinahca mari. Paina sehe marine ti tʉhochʉ ti ya buhea noaa buhea ti jichʉ cʉhʉre masija mari.

Cohamacʉ painare tuaro cahírucuriro jira

7 Yʉ cahíina, Cohamacʉ marine painare cahíchʉ yoariro jira. To â yoariro jichʉ ñʉna mari mehne macainare cahíjhna mari. Masare noano cahíina sehe Cohamacʉ pohna jira. Â jia tina Cohamacʉre noano masina. 8 Cohamacʉ jipihtinare tuaro cahírucuriro jira. To â cahírucuriro to jichʉ masare cahíeraina sehe Cohamacʉre masierara. 9 Cohamacʉ marine to cahíare mari masi duana, õ sehe masinahca: Cohamacʉ sehe to macʉnore cʉirota jirirore marine yʉhdʉchʉ yoahtiro cjihtore ahri yahpapure warocari jire. Â warocaro marine to cahíare marine masichʉ yoaro niri jire. 10 Cahía waro õ sehe jira: Cohamacʉre mari cahíri cjiri sehe potocã cahía waro jierara. Marine Cohamacʉ to cahí sehe potocãta cahía waro jira. Â yoa to macʉnore mari ñaa buhirire coháhtiro cjihtore warocaro marine tuaro cahína tiro.

11 Yʉ cahíina, Cohamacʉ â tuaro marine to cahíchʉ ñʉna mari cʉhʉ mari mehne macainare cahíjhna. 12 Masa sehe ne Cohamacʉre ñʉerare. Tirore ñʉeraina mari jipachʉta mari mehne macainare mari cahíchʉ, Cohamacʉ sehe mari mehne â jirucuro nina. Â jiro potocãta marine cahí namorucuchʉ yoara tiro. 13 Cohamacʉ sehe marine to yairo Espíritu Santore

ware. Å jina Espíritu Santore cjhana, Cohamacu mehne mari noano jia tiare, tiro sehe mari mehne to noano jia tia cjhure masija mari. ¹⁴ Å yoa Cohamacu mari Puch to macunore ahri yahpa macainare yuhdch yoahktore to warocarire sā ñui. Tíre ñuna painapure tíre yahuja sā. ¹⁵ Cohamacu mehne macariro õ sehe niriro jira: “Jesu Cohamacu macuno jira”, niriro tiro pini Cohamacu mehne macariro jiro nina. Å yoa Cohamacu cjh tiro mehne macariro jiro nina.

¹⁶ Å yoa marine Cohamacu to cahiare masija mari. Cohamacu jipihtinare tuaro cahírucuriro jira. Å jiro cjh masare cahírucuriro jiro, Cohamacu mehne macariro jira. Å jiro Cohamacu cjh tiro mehne macariro jira. ¹⁷ Å jina mari noano cahí namorucuja Cohamacure, paina cjhure, buhiri dahreri dacho jich mari cuiro marieno mari jihto cjihtore. Å jina cuiisi mari ahri yahpái Cristo yoaro sehe jina. ¹⁸ Painare cahia mehne ne cuiro mariahna. Cohamacu marine to cahiare masina mari ñano wahahtore ne cuieraja. Masa cuia tinare buhiri dahrehtore cuiina jira. Å jiro cuiriro sehe Cohamacu cahiare masierariro jira.

¹⁹ Marine Cohamacu cahí muhtari jire. Å jina mari cjh tirore cahija. ²⁰ Cjuro “Cohamacure cahija”, niriro jiparota pairore ñu tuhtiriro jiro, mahñoriro jira tiro. Tiro to ñurirore cahieraro, Cohamacure cahí masierara tiro, tirore ñueraro. ²¹ Å jiro õi jira marine Cristo to dutia: Cohamacure cahiriro jicu mcahái jiriro cjhure cahiga.

Cohamacu pohna ahri yahpa macaa ñaare yoa duaerara

5 ¹ Jipihtina Jesure “Cohamacu masare yuhdch yoa duti to warocariro Cristo jira” niina, Cohamacu pohna jira. Paina puchore cahína, to pohna cjhure cahija mari. ² Tó sehetia Cohamacure cahína, to dutiare noano yoana to pohna cjhure mari cahína nija. ³ To dutiare noano yoana Cohamacure cahína nija. Cohamacu to dutiare mari yoachu marine waphoerara. Mari jipihtina Cohamacu pohna jina, ahri yahpa macaa ñaare cahmaeraja mari. Å jia to dutiare mari yoachu waphoerara. ⁴ Cohamacure wacu tuana ne ahri yahpa macaa ñaare cahmaeraja. Å jina tirore mari wacu tuari baharo ñano yoa duaeraja. ⁵ Ñaare cahmaerana õ sehe niina jija mari: “Jesu Cohamacu macuno jira”, niina jina ahri yahpa macaa ñaare cahmaeraina jija mari.

Cohamacʉ macʉnore yahuha João

6 Jesucristo ahri yahpapʉ to tachʉ tirore João co mehne to bautisarire masina, crusapʉ to di cohāri cūhure masina, Cohamacʉ macʉno to jiare masija mari. To bautisari dihta Cohamacʉ macʉno to jiare marine masichʉ yoarerara. To di cohāri cūhʉ marine tíre masichʉ yoara. Espíritu Santo “Jesucristo Cohamacʉ macʉno jira”, ni yahura marine. Tiro potocā ni yahuriro jira. 7 ã jia Jesu Cohamacʉ macʉno to jiare tiaro marine yahura: 8 To macʉno to jiare Espíritu Santo sehe marine yahura. ã yoa Jesure co mehne to bautisari cūhure masina, Cohamacʉ macʉno to jiare masija mari. ã jina mari ya cjihtire to yariarire to di to cohārire masina, Cohamacʉ macʉno to jiare masija mari. ã jia tí sehe cūno potori marine masichʉ yoara Jesu Cohamacʉ macʉno to jiare. 9 Masa ti yahuare tʉhona “Potocā tjira”, nija mari. ã niina jipanahta Cohamacʉ to macʉnore to yahuchʉ masa ti yahua yʉhdoro tiro sehere noano tʉhoro cahmana marine. Cohamacʉ waro to jichʉ to macʉnore to yahuare tʉhoro cahmana marine. 10 ã jia jipihtina Cohamacʉ macʉnore wacū tuaina Jesure yahua buheare noano tʉhora. “Potocā tjira”, ni tʉhotura tina Jesure yahua buheare. Cohamacʉ to macʉnore to yahuare tʉhoerario “Cohamacʉ mahñoriro jira”, niriyo jira tiro. 11 Cohamacʉ marine jipihtia dachoripe to catia mehne ã jirucuchʉ yoarohca. Cohamacʉ macʉno yaina mari jichʉ ñʉno ã jirucuchʉ yoarohca marine. Ahri jira Cohamacʉ marine to yahua. 12 Cohamacʉ macʉno yaina jia to catia mehne ã jirucuahca. Paina tirore cahmaeraina sehe to catia mehne ne ã jirucusi.

Yahu to joa batoa jira

13 Mʉsa Cohamacʉ macʉnore wacū tuaina Cohamacʉ catia mehne ã jirucunahca. Tíre mʉsa masihti cjihtire mʉsare yahu joai nija.

14 Cohamacʉ to cahmario sehetu mari tirore dohse jiare mari sinichʉ tiro marine noano tʉho ñʉnʉnohca. ã mari sinina “Potocātua noano tʉhora tiro”, ni masija mari. 15 Tirore mari sinichʉ, tiro marine tʉhora. To ã tʉhorire masina, tirore mari sinino purota to wahtiro jichʉ cūhure masija mari.

16 Mʉsa coyeiro to ñaare yoachʉ ñʉna, tí ñaa Cohamacʉ pichacapʉ to waha dutia ñaa jierachʉ, tirore sini payobasaga

Cohamacʉre. Ð jiro Cohamacʉ tirore yoadohoro to catia mehne ð jirucuchʉ yoarohca tirore. Cohamacʉ pichacapʉ to waha dutieraina dihtare sini payobasaga mʉsa. Paye ñaa sehe Cohamacʉ pichacapʉ to waha dutia ñaa waro jira. Cãiro tí ñaa warore to yoachʉ “Tirore sini payobasaga mʉsa”,nieraja yʉhʉ. 17 Jipihtia ñaa yoaa ñaa warota jira, Cohamacʉ to ñuchʉ. Ti ð jipachʉta paye ñaa Cohamacʉ pichacapʉ to waha dutia ñaa jierara.

18 Cohamacʉ macʉno Jesu sehe Cohamacʉ pohnare noano ñʉ wihbora. To ð ñʉ wihibochʉ watñno sehe Cohamacʉ pohnare ne ñano yoa masierara. Ð jia Cohamacʉ pohna sehe ñaare ð yoarucuerara. Ahrire mari masija.

19 Mari sehe Cohamacʉ yaina jija. Watñno sehe ahri yahpa macaina pühtoro jira. Ahri cãuhʉre mari masija.

20 Cohamacʉ macʉno ahri yahpapʉre taro marine noano masichʉ yoare tiro. To ð yoachʉ potocãt a Cohamacʉ waroreta mari noano masija. Ahri cãuhʉre mari masija. Cohamacʉ macʉno Jesucristo yaina jija mari. Ð jina potocãt a Cohamacʉ waro mehne macaina jina nija. Ahriro yʉ niriro potocãt a Cohamacʉ waro jira. Ð yoa ahriro to macʉno to catia mehne ð jirucuchʉ yoariro jira. 21 Yʉ pohna, “Cohamacʉ jira”, ti nia masurine ño payoena tjiga.

2 San Juan

Jesucristo yare, potocā cahīa cūhure yahuha

1-2 Yuhu buchro mūhure Cohamacu to besericorore mu pohna cūhure ahri pūre joarocaja. Jesucristo yare yūhtiina jija mari. Tiro to buhea cūhu mari mehne jipihtia dachoripe ã jirucuahca. ã jicu potocāta mūsare cahīja yuhu. Yuhu dihta cahīcu nieraja mūsare. Paina Jesu yare masiina tina cūhu potocāta cahīna mūsare. 3 Cohamacu mari Pucu, Jesucristo to macuno cūhu potocāta ti cahīa mehne marine noano yoaahca. ã jia pja nūa mehne marine noano jichu yoajaro tina.

4 Cohamacu mari Pucu marine to dutiriro sehetā cāina mu pohna to yare yūhtiina ti jichu masicu wahcheja yuhu. 5 Yu cahīricoro, mipure mūhure yu dutiho wahma dutia jierara. Wahmanopure ahri dutia marine dóiputa ji tuhsuri jire. Ó sehe dutira marine. Mari mehne macainare cahījhna. 6 To dutiare yoa pahñona mari tirore cahīja. Wahmanopure mūsa tūhoriro sehetā mipu cūhure ò sehe dutira mūsare. Painare ã cahīrucuina jiga.

Payu mahñoina jira

7 Payu mahñoina “Potocā Jesucristo ahri yahpapu mari yoaro sehe pjacu tiriro masa bajuerari jire”, niina cūhu ahri yahpa macainare buhea wahare. Tó sehe niina mahñoriyo, Cristore nū tuhtiriro yoaro sehe jiina jira. 8 Noano yoaga mūsa. Cohamacu ya wapare mūsa noano yoari wapare boena tjiga. Mūsa ã boerachu Cohamacu noa yuhdharo yoarohca mūsare.

9 Jipihtina Cristo yare yuhdharucaina, Cristo yare quihono buheraina Cohamacu yaina jierara. ã yoa Cristo yare ne cohāeraina Cohamacu mari Pucu, to macuno mehne macaina jira tina. 10 Cristo ya buheare ne cahmaerari, paye buheare yahuriro mūsa cahai to tachu, tirore mūsa wuhui sāa ta dutieno tjiga. Tirore piti bocaena tjiga. 11 Paye buheare yahuriro Cristo yare cahmaerari ñano yoara. ã jiro tirore piti bocariro sehe ñano yoariore yoadohoro nina.

Yahu joa batoa jira

12 Payʉ mʉsare yahu duapaihta tíre joa duaeraja. Mʉsare ñui waha duaja. Mʉsare ñucʉ mʉsa mehne suhʉduihtja mari noano wahchehti cjihtire.

13 Cohamacʉ to besericoro mʉ baho pohna sehe mʉhʉre noa dutira.

3 San Juan

João Gayo wama tirirore “Noariro jira”, niha

1 Yuhu bueuro muhure Gayore potocā yu cahíriore ahri pūre joarocaja.

2 Yu cahíriro, Cohamacu mehne macariro mu jichu masija yuhu. Tiro mehne mu noano jiriro sehetu mu noano yuhduti cjihtire, mu pjacu dohatiro marieno mu jihti cjihtire Cohamacure sini payoja mühure. **3** Mahainacā Jesu yaina yu cahai wiha mu jia tiare yahuhre yuhu. “Cristo to cahmano sehetu potocata yoa namono nihre Gayo”, ni yahuhre tina yuhu. **4** Musa Jesu yare yu buherina cjiri to cahmano sehetu musa yoachu tūhocu tūhocu wahcheja.

5 Yu cahíriro, Jesu yainare yoadohocu noano yoara mühu. Mu ñu masieraina ti jipachuta, tinare yoadohocu noa yuhdaro yoara mühu. **6** Tina panopu mu ñu masieraina sehe Jesu yainare õi cahmachuinare säre õ sehe ni yahuhre: “Gayo Jesu yainare noano cahīna”, ni yahuhre panopu mu ñu masieraina sehe. Baharo mu ya macare ti yuhdu wahcachu ñucu tinare noano yoadohogra Cohamacu to wahchehto sehe. **7** Tina Jesu yare buhe tinia wahaa, Cohamacure cahmaeraina ti yoadohocu cahmaerara. **8** Ñ jina tinare Jesu yare buhe tiniinare yoadohojihna mari. Tinare ã yoadohona nija potocā jiare ti yahuhti cjihtire.

Diotrefe to ñaa yoarire yahuha João

9 Tó macainare Jesu yainare mahancā joarocamahi. Yu ã joarocapachuta Diotrefe to basi ti púhtoro yoaro sehe ji duaro, yuhure tuho duaerayuhca. **10** Musa cahai yu suri baharo to yoarire musare yahu pahñoihtja. Säre ñano durucuyuhca tiro. Mahñoa payuhiro jira tiro. Ñ yoa paye ñaa cühure yoayuhca tiro. Jesu yainare to yare buhe tiniinare ne tiro to wuhure sää ta dutierayuhca. Ñ yoa paina tó macaina Jesu yaina sehe buhe tiniinare ti sää ta dutichu ñuno tiro sehe “Buhe tiniinare sää ta

dutieno tjiga m̄usa ya w̄uhuepure”, ni yahusāyuhca tinare. “M̄usa ya w̄uhuep̄e buhe tiniinare m̄usa sā ta dutiri buhiri mari Jesu yaina mari cahmachuri w̄uhup̄e sāaena tjiga m̄usa sehe”, niyuhca Diotrefe tó macainare Jesu yainare.

11 Ȳu cahīriro ñainare ñ̄u cūi tjiga. Noano yoaina sehere ñ̄u cūga. Noaare yoaina Cohamac̄e yaina jira. Ñaare yoaina Cohamac̄e masierara.

Demetrio noaa to yoarire yahuha Joāo

12 Jipihtina noano durucura Demetrio sehere. Ā yoa to yoarire ñ̄ua noano to yoariro jich̄ masina masa. Sā cāh̄ tirore ãta ni yahuja. Sā yahua sehere potocā jich̄ masina m̄usa.

Yahu batoaha Joāo

13 M̄uhure payu yahu duamahi. Ā yahu duapaihta tíre joaeraja. 14 Mahanocā baharota m̄uhure ñ̄u duaja. Ā jina tóp̄u mari basi s̄uhudunahca.

15 Noano jiga m̄uhu. Mari mehne macaina õ macaina Jesu yaina cāhu m̄uhure noa dutira. Tó macaina mari mehne macaina jipihtina noajaro.

San Judas

Juda Jesu yainare joarocaha

1 Yuhu Jude Santiago bahuro Jesucristore dahra cohtariro m̄sare Jesu yainare ahri p̄ure joarocaja. M̄sare Cohamacu mari Puch besea tiri jire. A jina to cahia mehne noano jira m̄sa. A yoa m̄sare Jesucristo n̄u wihiboro nina. 2 Noa dutija m̄sare. Cohamacu m̄sare pja n̄uno to yoadohoro mehne to cahia mehne noano jiga m̄sa.

Mahñoina ti buheare yahu ducaha Juda

(2 Pedro 2.1-17)

3 Cohamacu marine pichacapu wahaborinare to yuhdachu yoa sehere tuaro joaroca duamahi m̄sare, yu cahiiñare. A joa duapaihta m̄sare mipure mahñoa buheare cahma sāaeracu m̄sare joarocaja. A jina Jesucristo ya yahua sehere tuaro yahuga. Ahri yahua sehere tuhona, mari Cohamacure noano wacu tuaja. Ahri yahua sehe Jesu to cūrina to yainare ti yahuri ejiri āta jirucunocahna cohtotaro marieno. 4 Mahainacā masa n̄aina Cohamacure cahmaeraina wacuenoca m̄sa cahai wihire. M̄sa mehne jia tina ò sehe ni yahumana m̄sare: “Cohamacu yaina m̄sa jichu, tiro cahina m̄sare. A jiro numia mehne m̄sa n̄ano yoachu tiro m̄sare ne buhiri dahresi”, ni yahumana tina. A jia mari puhtorore cūriota jirirore Jesucristore “Cohamacu macuno jierara”, ni yahumana tina. Ò sehe ni yahuinare Cohamacu to buhiri dahrehtore yahua tiri jire panopure. To yare ti joari pui a ni yahua tiri jire.

5 Mipure m̄sare payere wacuchu yoa duaaja. Ahrire m̄sa masipachuta pari turi ahrire m̄sare wacuchu yoa duaaja. Cohamacu judio masare Egiptoji jiinare to naa wiori baharo tina mehne macainare tirore wacu tuaerainare tiro wajaa tiri jire. 6 A yoa paina cūhure wacuga m̄sa. Paina anjoa sehe Cohamacu dutiare yoa duaera tiri jire. A jia tinare to ji duti to cūriore tina ji duaera tiri jire. A yoa ti jimarirore cohānoca tiri jire tina. Ti a cohachu n̄uno Cohamacu nahitianopu tinare

peresu yoaa tiri jire. Å jia tina pihtiri dacho pano comaa dari mehne dûhterina yoaro sehe jirucuahca tina to peresu yoarina. Å jiro pihtiri dacho jichʉ tinare buhiri dahrerohca Cohamacʉ. 7 Åta yoaa tiri jire paina cãhʉ. Tina cãhʉre wacūga m̄usa. Tina Sodoma wama tiri maca macaina, Gomorra wama tiri maca macaina tí macari cahacãi jia macari macaina cãhʉ numia mehne ñano yoaa tiri jire. Soro yoaa cãhʉre yoaa, tina m̄ua sehe ti basita ti pjacʉri mehne ñano yoaa tiri jire. Numia cãhʉ åta yoaa tiri jire. Ti å yoari buhiri Cohamacʉ tinare jü pahñonocaa tiri jire. Tinare jüno Cohamacʉ jipihtina tirore yuhdúrʉcainare to buhiri dahrehtore masare ñono nia tiri jire. Tinare to buhiri dahreri pichaca ne yatisi.

8 Tina Cohamacʉ to buhiri dahrerina cjiri yoaro seheta mipʉ cãhʉre åta yoarucura mahñoare buheina. Tina tʉho masieraina yoaro seheta ti pjacʉri mehne ñano yoara. Å yoa Cohamacʉ dutiare ne cahmaerara tina. Å yoa mʉano macaina si siteinare tina sehe ñano durucu cohtara. 9 Noaina anjoa sehe tuaina jipahta å ni durucuerara. Miguel wama tiriro anjoa pʉhtoro sehe Moise pjacʉ cjirote cahmano, watīno mehne cahma sayoa tiri jire. Tua yuhdúariro jiparota tiro “Watīno yuhdoro yuhʉ pinihta tuaja”, ni tʉhotuera tiri jire. Å jiro to mʉ sʉro watīnore ñano durucuera, tirore tuhtiera tiri jire. Å jiro õ sehe nia tiri jire watīnore. “Cohamacʉpʉ mʉhʉre tuhtijaro”, nia tiri jire Miguel watīnore. 10 To å yoariro jipachʉta ahrina mahñoina sehe ti masierainare ñano durucu cohtara. Å yoa wahiquina tʉho masieraina ti mʉ sʉro ti yoaro seheta tina mahñoina cãhʉ yoara. Å yoaina jia, pichacapʉ wahaahca.

11 Tinata ñano yuhdúahca. Caï cjiro to yoariro seheta ñano yoara tina cãhʉ. Å jia Balāa to yoariro seheta tina niñerure na duaa, mahñoare buhera. Å yoa Coré to pʉhtorore cohã duariro cjiro yoaro seheta tina cãhʉ tó seheta yoara. Å jia tiro yoaro seheta tina cãhʉ pichacapʉ wahaahca. 12 Tina mahñoina sehe m̄usa cahma cahíhti bose nʉmʉrine chʉa, ño payoa marieno mehne tina ti cahmano pape, ti sahserota chʉare bora painare waro marieno. Wete yoaro sehe tina m̄usa bose nʉmʉrine noaa dachori jiborirore dojomehne cohtara. Me curuari wihnono to wãrocaa curuari, co mariea me curuari ti yaba cjihti jieraro seheta tina mahñoina ne yaba cjihti jierara. Å yoa dicha tiri pja jichʉ dicha tiera yucʉri yoaro sehe jira tina. Tí yucʉri pua tahapʉ yariaa wahara. Cã taha dicha tiera yucʉ, yariaa

yucūri yoaro sehe waha tuhsūra. Tí yucūrire ti duhari baharo pari turi yariaa wahara tjoa. Tí yucūri yoaro seheta jia yaba cjihti jierara tina mahñoina. **13** Á yoa pjiri ma macaa pahcōri bujħa pahcōri yoaro sehe jira tina. Tí pahcōri ti cjāruca òchħu, wete tia sahpo wahara. Dohse jiare tina mahñoina ti yoachħu pahcōri macaa sahpo wete tia sahpo ti waharo seheta mahñoina ti ñaa yoaa jira. Á yoa si mħu wahcāa poca ñahpichoha poca yoaro sehe jira tina. Tí ñahpichoha poca ti wahahti mahare duhunoca, ti ā cohtotarucuro seheta tina cūħħu quihōno buheraa, ā cohtotarucura. Ti ā yoari buhiri nahitianopu, ñanopu ā jirucuaħca tina mahñoina.

14-15 Enoco panopu macariro cjiro Adão panamana seis baharo to panami tiriro õ sehe nia tiri jire tinare mahñoinare: “Tuhoga yuhħure. Cohamacu payu to yaina anjoa noaina mehne jipihtina ñainare ti ñaa buhiri buhiri dahrero tarohca. Á yoaro jipihtina Cohamacure ñu tuhtiinare ti ñaa yoari buhirire tinare buhiri dahrero tarohca Cohamacu. Cohamacure ñano ti durucuri buhiri cūħħure tinare buhiri dahrero tarohca”, ni yahuyua tiri jire Enoco. **16** Tina mahñoina painare tuhtiina, nurerucuina ti ñiano wacūa dihtare yoara tina. Á yoa “Painare masi yuhdurucaja sā”, nirucura tina. Á jia ti cahmano sehe yoa duaa, paina ti cħuaare na duaa, mahñu cū durucura tħo ji coaropu.

Jesu yainare yahu namoha Juda

17 Mari pħħtoro Jesucristo buhe duti to cūrīna ti buherire wacūga mħsa, yu cahħina. **18** Ó sehe ni buhere tina marine. “Ahri yahpa to pihtihto panocā Cohamacure, mħsa to yaina cūħħure ñano durucu bħejxpeina jiahca. Tina Cohamacure cahmaeraa, ñaare ti goa pjaa yoaahca”, ni yahure Jesu to cūrīna mħsare. **19** Jesu yainare ti basi ti cahma ñu tuhtichu yoara tina mahñoina sehe. Á yoa tina ñaina ti mħu sħer yoaħna jia, Espíritu Santore ne cħuaerara tina. Ti ñaa goa pjaa dihtare yoara tina.

20 Mħsa sehe yu cahħina, Jesucristo ya buheare noano tħo namoga, noano wacū tuaina mħsa jihtu sehe. Tí buheha sehe ñaa mariea buheha noa yuhduara. Espíritu Santo yoadoho mehne Cohamacu mehne durucuga mħsa. **21** Cohamacu mħsare tuaro cahħina. Tíre masina tirore noano yuhtiina jiga mħsa. Á yuhtiina jiga, Jesucristo mehne mħsa ā jirucuhire mħsa coħtar watoi. Tiro marine pja ñu mħanopu ā jirucuchu yoarohca.

22 Cristo yare “Quihōno jieraboca”, ni tāhotuinare pja ñuga.
23 Painare yoadohoga pichacapu ti wahaerahto sehe. Ā jina
painare pja ñuga mūsa. Tinare yoadohona mūsa cūhū ti ñaa
yoaare ñu cūena tjiga. Wete tiri suhtirore mūsa cahmaeraro
seheta, paina ti ñaa yoaare cahmaena tjiga mūsa, “Ti ñaa
yoaare ñu cū yoari”, nina.

Juda Cohamacūre to ño payoa jira

24 Cohamacū mari pāhtoro marine ñu wihbo masina ñaare
mari yoaerahto sehe. Ā jiro tiro si siteriro marine ñaa buhiri
marieinare mūanopu to cahapu cū masina. Ā marine tópu to
cūchū mari wahchenahca. 25 Tiro Cohamacū cūriota jira.
Pairo mariahna. Pichacapu wahaborinare marine yuhdūchū
yoariro jira. Tiro sehe panopu, mipure, jipihtia dachoripe
cūhūre noa yuhdūariro, mari bui pāhtoro jiriro, tua yuhdūariro,
jipihtinare dutiriro jira. To ā jiriro jichū mari pāhtoro Jesucristo
to yoadohoa mehne tirore ño payoa mehne wahchejihna. Āta
yoajihna.

Apocalipsis

**Baharopʉre ahri dacho to dohse wahahtore
marine masichʉ yoaha Jesucristo**

1 ¹ Ahri pūi Jesucristo marine to masichʉ yoarire yahu joarocai nije. Cohamacʉ sehe tíre yahu dutiro cūri jire tirore, to yainare tirore dahra cohtainare masichʉ yoa dutiro. Ā jiro michapucacāta to dohse wahahtore masichʉ yoari jire tiro. Mahanocā dʉhsa mʉjano nina to ā wahahto. Jesucristore to ā cūchʉ tiro sehe anjore tíre yʉhʉre Joāore yahu dutiro warocari jire. ² Ā jicʉ yʉhʉ Joāo jipihtiare yʉ ñurire yahu joarocai nije. Cohamacʉ ya durucuare Jesucristo ya buheare yahu joarocai nije.

3 Ahri pūi baharopʉ to dohse wahahtore yahu joai nije. Mahanocā dʉhsa mʉjano nina ahri jipihtia ti ā wahahto. Ā jia jipihtina ahri pūre buheina, yʉ yahuare noano tʉhoina yʉ yahuriro sehe yoaina wahcheina jiahca.

**Siete curuari macainare Jesu yaina
cahmachuinare joarocaha Joāo**

4 Yʉhʉ, Joāo mʉsare siete curuari macainare Jesu yainare Asia yahpa macainare joarocaja: Cohamacʉ to cahīa mehne mʉsare noa dutija. Ā yoa to yoadohoa mehne noano jiga mʉsa. Tiro panopʉtā ā jirucuriro jia tiri jire. Mipʉ cūhʉre ā jirucura. Baharopʉ tarohca. To pʉhtoro dujiro panoi jiina siete pjacʉ bajueraina jira. Tina ti cahīa mehne noano jiga mʉsa tjoa.

5 Jesucristo to cahīa mehne noano jiga mʉsa tjoa. Cohamacʉ yare mahñono marieno yahuriro jira tiro. Ā jiro to yariari baharo to masa mʉjari baharo ne pari turi yariasi tiro. “Ó sehe masa mʉjaahca yʉ yaina”, ni ñʉ quihō mʉhtariro jira tiro. Ā jiriro jiro jipihtina ahri yahpa macaina pʉhtoa ti bui pʉhtoro jira tiro. Marine cahīno to di cohāri mehne mari ñaare cosawere tiro. ⁶ Ā cosawero marine pʉhtoa sōre tiro. Sacerdotea marine wahachʉ yoare tjoa. Cohamacʉ Jesu Pʉcuro to yare yoahtinare marine sacerdotea sōre tiro. Jipihtia dachoripe “Tuariro jira”,

ni wahche payorucunahca mari jipihtina tirore. Jipihtina bui púhtoro ã jirucura tiro. Ñáta jirucujaro.

7 Noano wacú masi cohtaga múa. Me curuari watoi duji tarohca Cristo. To ã tachú ñúahca jipihtina. Tirore cjá puha wajárina cjiri cöhú tirore ñúahca. To ã tachú ñúha ahri yahpa macaina tirore cahmaeraina jipihtia curuari macaina tuaro cahya, tiahca. Ñáta yoajaro.

8 Ó sehe nina mari púhtoro Cohamacú: “Yúhu jipihtiare bajuamehneriro jija. Ñá yoa jipihtiare pihtichú yoahtiro jija. Tua yúhdúrúcariro jija yúhu. Panopú ã jirucua tii. Mipú cöhure ã jirucuja. Baharopú taihtja”, nina Cohamacú tua yúhdúrúcariro.

Cristore si siterirore to ñúrire yahuha João

9 Yúhu João múa coyeiro Jesu yairo jija. Ñá jichú múa yoaro seheta yúhu cöhú Jesu yare yú yoari buhiri ñano yúhdúhi. Ñá yoa múa yoaro seheta yúhure ti ñá ñano yoapachúta Jesu yoadoho mehne Jesure cohäerahí. Mari cüno potori púhtoro to súho jiro macaina cjihti jija. Yú ya dihta macaina ti cohäriro jicú Patmo wama tiri nucopú jihí. Cohamacú yare, Jesucristo to buheri cöhure painare yú buheri buhiri tópú ti cohäriro jihí. 10 Tói yú jichú cü dacho domingo jichú Espíritu Santo yúhure cahánopú ñono nihre. To ã ñochú yú baharo buhusehei tuaro durucua bisiro coa tahre. Corneta to tuaro bisiro seheta tó seheta bisiro coa tahre to durucua. 11 Ó sehe nino coa tahre yú tühochú:

—Mipú mu ñúhtire joari púi joa õga. Mu ã joa õri baharo siete curuari macainare Cohamacú yainare warocaga tí púre. Tina siete curuari Asia yahpai jia macari macaina jira. Efeso macainare, Esmirna macainare, Pérgamo macainare, Tiatira macainare, Sardis macainare, Filadelfia macainare, Laodicea macainare mu ñúhtire joarocaga —nino coa tahre yúhure.

12 To ã nichú tühochú majarerúcahi yúhure durucuriore ñui tai. Ñá majarerúcacú siete sihää pocare ti duhu payoa yucure uru mehne ti yoari yucure ñúhi. 13 Tí yucú watoi ducuriore masuno yoaro sehe bajuriore ñúhi. Tiro yoari suhtiro to dahporipú súri suhtirore sáariro jihre. Ñá jiro uru mehne ti yoari cahsaro mehne to pëbuju bui tüh dihoriro jihre. 14 Ñá yoa to pjoa yaja pjoari yoaro sehe noano yehsehre. To capari pichaca pohna yoaro sehe sihre. 15 To dahpori bronce wama tiri

comaa siri comaa yoaro sehe si sitehre. Broncere pichaca mehne ti noano jāweli baharo tíre wahtara noano si pa dutia. Ti noano wahtariro yoaro sehe to dahpori noano si sitehre. Ā yoa to durucua payu poayeri yoaro sehe tuaro bisiro coa tahre. **16** To wamomaca poto buhusehei siete ñahpichoha pocare cjuahre. Ā yoa to dñeseroi ñosari pjí pu buhuseheri siori pjíne cuhcúhre. Ā yoa sū dacho macariro to tuaro minoano seheta to wuhdua tuaro si sitehre.

17 Ā jicu tirore ñucu to dahpori cahai doca caha s̄hi yariariro yoaro sehe. Yu ã doca caha s̄chus ñuno tiro to wamomaca poto buhusehe mehne yuhure duhu payo õ sehe nihre:

—Cuii tjiga. Yuhu jipihtiare bajuamehneriro jija. Ā yoa jipihtiare pihtichu yoahktiro jija. **18** Catiriro jija yuhu. Yariariro jimai. Mipure ñuga. Jipihtia dachoripe ā catirucuriro jija yuhu. Ā yoa yariaina ti jiroi puhtoro jija. Yariaina ti jiro macari sopaca sawire yu cjuaboriro seheta tópu jiinare na wio, pari turi catichu yoa masija yuhu. **19** Ā jicu mipu wahahtore ñucu, joa õga. Baharopu to dohse wahahto cūhure ñucu joa õga muhu. **20** Ahri siete ñahpichoha pocare yu poto buhusehei yu cjuaa pocare yahuichtja muhure. Siete sihāa pocare ti duhu payoa yucu uru yucu cūhure yahuichtja. Ó sehe jia yahuare panopu masare ne yahuera tii. Ó sehe jira tí: Siete ñahpichoha poca siete curuari macaina yu yaina cahmachuina puhtoa jia nina mari piti dahre buhechu. Ā jia siete sihāa pocare ti duhu payoa yucu siete curuari macaina yu yaina jia nina mari piti dahre buhechu —nihre yuhure.

Efeso macainare Jesu yainare joa dñca dutiha Joāore

2 **1** Ā ni tuhsu õ sehe ni namohre yuhure joa dutiriro:

—Efeso macaina yu yaina, ti puhtoro cūhure õ sehe ni joarcaga muhu: “Yu wamomaca poto buhusehei siete ñahpichoha pocare cjuariro jija. Ā jicu siete sihāa dapoa yucu uru mehne ti yoaa yucu watoi tiniriro jija. Ā tiniriro jicu m̄asare õ sehe ni yahuja: **2** Jipihtia m̄usa yoarire masi pahñoja. Yu ya cjihtire tuaro m̄usa dahrarire, yuhure m̄usa wacu tua duhuerari cūhure noano masija. Ñaare yoainare m̄usa ñu yabichu cūhure masija. Ā yoa ‘Jesu buhe dutiro to cūrina jija’, nimarinare quihōno ti buherachu, quihōno ti yoaeerachu ñuna,

mahñoina ti jichʉ masire mʉsa. **3** Yʉ yare mʉsa yoari buhiri mʉsa ñano yʉhdʉpanahta yʉhure ne duhuerare mʉsa. **4** Ā noano yoaina jipanahta cūnore tó yoarerare mʉsa. Ahri jira tí: Yʉhure mʉsa noano cahī muhtariro seheta mipure yoarerara mʉsa.

5 Yʉhure mʉsa cahī muhtarire wacūga mʉsa tjoa. Mipure yʉhure mʉsa cahīera curerire wacūga. Ā yoa Cohamacʉ yare tuaro cahmaga tjoa. Ā cahmana, yʉ yare mʉsa yoa muhtariro seheta yoaga tjoa. Mʉsa ã yoaerachʉ sihāriare yʉ duhu payodʉ mʉsa ya dure yʉ dapodure mʉsare nanocaihtja. (Ā nicʉ ò sehe ni yahui nija mʉsare. Mʉsa tó macaina yʉhure cohāboca. Ā cohāna tó purota pihtinahca mʉsa ñaa yoaare duhuerana.)

6 Yʉhure cahīera cureina jipanahta ahrire noano yoare mʉsa: Nicolaita wama tiina ti ñaa yoarire ñʉ yabira mʉsa. Yʉhʉ cūhʉ ti yoarire ñʉ yabija. **7** Cahmori tiina jira mʉsa. Ā jina mʉsa ya curuari macainare yʉ yainare Espíritu Santo to yahurire tʉhoga mʉsa. Ò sehe nina tiro: ‘Jipihtinare Jesure wacū tua duhuerainare Cohamacʉ masare to cūno paraíso wama tiro macadʉ dichare chʉ dutihtja. Tʉ dicha catichʉ yoaa jira’, nina Espíritu Santo”, ni yahu joarocaga Efeso macaina yʉ yainare, ti pʉhtoro cūhure.

Esmirna macainare Jesu yainare joaroca dutiha Joāore

8 Esmirna macaina yʉ yainare, ti pʉhtoro cūhure ò sehe ni joarocaga mʉhʉ: “Yʉhʉ jipihtiare bajuamehneriro jija. Ā yoa jipihtiare pihtichʉ yoahistro jija. Yariaa wahai. Pari turi catija tjoa. Ā jicʉ ò sehe ni yahuja mʉsare: **9** Mʉsa ñano yʉhdʉrire masija. Pjachoina mʉsa jichʉ cūhure masija. Ā jipanahta Cohamacʉ yare noaare pjíro cjʉhara mʉsa. Paina sehe ‘Judío masa jija’, nimirina mahñoina jira. Tina mʉsare ti ñano quiti dahrerire masija. Tina Satana yaina jira. **10** Mipure mʉsa ñano yʉhdʉhtire cuiena tjiga. Tʉhoga mʉsa. Watīno mʉsare Cohamacure duhu dutiro cāina mʉsa mehne macainare peresu yoa dutirohca. Diez dachori waro ñano yʉhdʉnahca mʉsa. Ti ã ñano yoachʉ mʉsare ti ã wajámoñopachʉta yʉhure yʉ ya cūhure cohāena tjiga. Mʉsa ã yʉhure cohāerachʉ ñicʉ jipihtia dachoripe Cohamacʉ cahapʉ mʉsare ã jirucuchʉ yoaihtja.

11 Cahmori tiina jira mʉsa. Ā jina mʉsa ya curuari macainare yʉ yainare Espíritu Santo to yahurire tʉhoga mʉsa. Ò sehe nina tiro: ‘Jipihtina Jesure wacū tua duhueraina pichacapʉ wahasi.

Ti yariari baharo pichacapʉ wahasi', nina Espíritu Santo", ni joarocaga Esmirna macaina yʉ yainare, ti pʉhtoro cūhure.

Pérgamo macainare Jesu yainare joaroca dutiha Joāore

12 'Pérgamo macaina yʉ yainare, ti pʉhtoro cūhure õ sehe ni joarocaga mʉhʉ: "Yʉhʉ ñosari pjī pʉ bʉhʉseheri siori pjñe cjuañiro jija. Mʉsare õ sehe ni yahuihtja: **13** Mʉsa yoarire, mʉsa ya maca macaina ti yoari cūhure masija. Tó macaina pʉhtoro Satana jira. Tó macaina Satanare ño payoina Antipare yʉ yare noano yahuriro cjirore wajāre. Tirore ti ã wajāchʉ ñʉpanahta yʉ yare yoarucuna yʉhure ne wacū tua duhuerare mʉsa. **14** Mʉsa ã wacū tua duhuerapanaha mahanocā yʉhure yʉhdʉrʉcare mʉsa. Cāina mʉsa mehne macaina Balāa ya buheare cahmana. Panopʉ Balāa pʉhtoro Balac wama tirirore õ sehe ni buhea tire: 'Israe masare yʉhdʉrʉca duacʉ "Cohamacʉ jira", mʉsa nia masurine ño payo mʉsa duhu payoa chʉare chʉ dutiga tinare. Ñ yoa numia mehne ñano yoachʉ yoaga tinare', ni buhea tire Balāa cjiro. Cāina mʉsa mehne macaina to buheare cahmana. **15** Ñ yoa paina mʉsa mehne macaina Nicolaita wama tiina ya buhea sehere duhu duaerara. **16** Ñ jina mʉsa ñaa tʉhotumari cjurire tʉhotu cohtota, Cohamacʉ yare tuaro cahmaga tjoa. Mʉsa ã cahmaerachʉ ñʉcʉ soaro mehne mʉsa cahapʉ wahacʉ, ã ñano yoaina mehne cahmacheihca yʉ dʉseropʉ jiri pjī ñosari pjī mehne. **17** Cahmori tiina jira mʉsa. Ñ jina mʉsa ya curuari macainare yʉ yainare Espíritu Santo to yahurire tʉhoga mʉsa. Õ sehe nina tiro: 'Jipihtinare Jesure wacū tua duhuerainare maná wama tiri chʉare to nuori chʉare waihtja. Yehsea tāa cūhure waihtja tinare. Tí tāare wahma wamare yʉ joa òa tāa jiahca. Paina tí wamare ne masisi. Tí tāare naina dihta tí wamare masiahca', nina Espíritu Santo", ni joarocaga Pérgamo macaina yʉ yainare, ti pʉhtoro cūhure.

Tiatira macainare Jesu yainare joaroca dutiha Joāore

18 'Tiatira macaina yʉ yainare, ti pʉhtoro cūhure õ sehe ni joarocaga mʉhʉ: "Yʉhʉ Cohamacʉ macuno yʉ capari picha pohna yoaro sehe sira. Ñ jia yʉ dahpori bronce wama tiri comaa ti wahtari comaa yoaro sehe si sitera. Mʉsare õ sehe ni yahuja: **19** Mʉsa yoarire masija yʉhʉ. Cohamacʉre paina

cūhure mūsa cahīrire, yūhure mūsa cohāerarire, painare mūsa yoadohorire, ñano yūhdūpanaha ta yūhure mūsa duhuerarire masija. Wahmanopū mūsa yoariro yūhdoro mīpū sehere noano yoa namona nina mūsa. Tí cūhure masija yūha. 20 Mūsa ã noano yoaina jipanahta õ sehe yūhure yūhdūrūcahre mūsa: Jezabe wama tīricoro ‘Cohamacū yare yahu mūhtaricoro jija’, ni mahñoricoro mūsare to ñano buhechū tūhona ticorore tuhtierare mūsa. Mahñ buhero yū yainare yūhure dahra cohtainare numia mehne ñano yoachū yoara. Ā jiro ‘Cohamacū jira’, ti nia masūrine paina ño payo ti duhu payoa chūare chū dutira ticoro yū yainare. 21 To ñaare to cahyahtore cohtasnimai. Yū ã cohtapachūta mūa mehne to ñano yoaare duhu duaerare. 22 Yūhure tūhoga mūsa. Ticorore dohatichū yoaihtja. Ticoro mehne ñano yoaina cūhure dohatichū yoaihtja. Ā jia tina pjíro ñano yūhdūahca. Āta yoaihca tinare ticoro mehne ti ñano yoaare ti cahyaerachū, tīre ti duhuerachū. 23 Ā yoa ticoro ya buheare cahmainare wajāihtja. Yū ã yoachū ñūa jipihtina yū yaina yū noano masiriro jichū masiahca. Masa ti tūhotuare ti goa pjaa cūhure masija. Yū ã masiriro jichū masiahca tina ticorore yū buhiri dahrēchū ñūa. Jipihtina mūsa ñaare yoari buhirire buhiri dahrēihtja mūsare. Ā yoa mūsa noaare yoari wapa sehere noano yoaihtja mūsare. 24 Paina mūsa mehne macaina Tiatira macaina ticoro ya buheare cahmaerare. Mūsa sehe Satana ya buheare ‘Pano to yahuerari cjiri’, ti nia buheare cahmaerare mūsa. Ā jichū mūsa sehere duti namosi yūhū.

25 Ahri dihtare yoa duti namoihtja mūsare: Mūsa cahapū yū tahto pano yū buheare mūsa masirire ne mahancā duhuena tjiga. 26-27 Jipihtina ñaare duhuinare yū yare ã yoarucuinare pūhtoa sōihtja. Yū Pūchū yūhure to pūhto sōriro sehetā mūsa cūhure pūhtoa sōihtja. Jipihtia yahpari macaina bui pūhtoa sōihtja mūsare. Ā pūhtoa sāana, mūsa docai jiinare jipihtia yahpari macainare tuaro dutinahca mūsa. Dihi biatore mari yucūchū mehne pohachū dōi to wahtiaro sehetā Cohamacūre yūhdūrūcainare ãta yoanahca mūsa. 28 Ā jichū mūsare yū yare ne duhuerainare bohrea mūja tachū mūja tariare waihtja mūsare. 29 Cahmori tiina jira mūsa. Ā jina mūsa ya curuari macainare yū yainare Espíritu Santo to yahurire tūhoga mūsa”, ni joarocaga Tiatira macaina yū yainare, ti pūhtoro cūhure.

Sardis macainare Jesu yainare joaroca dutiha Joăore

3 ¹ 'Sardis macaina yu yainare, ti puhtoro c\u00fchure \u00d9 sehe ni joarocaga m\u00fch\u00e9: "Y\u00fch\u00e9 siete pjac\u00e1 bajuera\u00f1are Cohamac\u00e1 yainare dutiriro jija. \u00c1 yoa siete \u00f1ahpichoha pocare cjiariro jija. M\u00fchare \u00d9 sehe ni yahuja: Musa yoarire masija. \u00d9 sehe ni t\u00fchotumana paina m\u00fchare: 'Tina Cohamac\u00e1 yare noano yoa pah\u00f1oina jira', ni t\u00fchotumana m\u00fchare paina. Ti \u00e1 ni t\u00fchotupach\u00e1ta Cohamac\u00e1 yare noano yoaerara m\u00fch\u00e9. ² \u00c1 jina noano yoaga m\u00fch\u00e9 'Naare yoari', nina. Cohamac\u00e1 yare m\u00fch\u00e9 masiri\u00f1e noano wac\u00fch\u00e9ga, 'To yare duhuri', nina. Cohamac\u00e1 to \u00f1uch\u00e1 noano yoa pah\u00f1oerasinire m\u00fch\u00e9. ³ \u00c1 jina y\u00fch\u00e9 yare m\u00fch\u00e9 tuho mu\u00fchtarire noano wac\u00fch\u00e9ga m\u00fch\u00e9. \u00c1 wac\u00fch\u00e9na y\u00fch\u00e9 yare yoaga tjoa. Cohamac\u00e1 yare pari turi cahmaga tjoa. Y\u00fch\u00e9 nino sehe m\u00fch\u00e9 yoaerach\u00e1 wac\u00fch\u00e9noca m\u00fchare buhiri dahreih\u00e1tja. Yacariro wac\u00fch\u00e9noca to yacaro s\u00e1ariro sehet\u00e1 m\u00fchare wac\u00fch\u00e9noca buhiri dahreih\u00e1tja. ⁴ C\u00e1ina m\u00fch\u00e9 mehne macaina Sardis macaina \u00f1aare yoarucuina jierara. Wete marieni suhtirore m\u00fch\u00e9 s\u00e1aboriro sehet\u00e1 t\u00f1 suhtirore m\u00fch\u00e9 wete piho duaeraro sehet\u00e1 t\u00f1 \u00f1aa yoaare piha duaerare m\u00fch\u00e9. \u00c1 noaina jina, yehseri suhtiro s\u00e1aina y\u00fch\u00e9 mehne tininahca m\u00fch\u00e9 sehe. \u00c1 yoahtina cjihi tira m\u00fch\u00e9. ⁵ Jipihtina y\u00fch\u00e9 yare duhuera\u00f1a \u00e1ta yehsea suhti s\u00e1aina jiahca. \u00c1 yoa y\u00fch\u00e9 mehne \u00c1 jirucuhtina ti wamare to joa \u00d9ri p\u00fch\u00e9 tina c\u00fch\u00e1 ti wamare joa \u00d9ina jiahca. Ti wamare to joa \u00d9ire pah\u00f1 coh\u00e1si y\u00fch\u00e9. Y\u00fch\u00e9 P\u00fch\u00e9 to \u00f1u\u00fch\u00e9ratoi, anjoa c\u00fch\u00e1 ti \u00f1u\u00fch\u00e9ratoi y\u00fch\u00e9 yaina m\u00fch\u00e9 jirire yahu\u00fch\u00e9tja tinare. ⁶ Cahmori tiina jira m\u00fch\u00e9. \u00c1 jina m\u00fch\u00e9 ya curuari macainare y\u00fch\u00e9 yainare Esp\u00edritu Santo to yahurire t\u00fchoga m\u00fch\u00e9", ni joarocaga Sardis macaina y\u00fch\u00e9 yainare, ti p\u00fch\u00e9tora c\u00fchure.

Filadelfia macainare Jesu yainare joaroca dutiha Joăore

7 'Filadelfia macaina y\u00fch\u00e9 yaina, ti p\u00fch\u00e9tora c\u00fchure \u00d9 sehe ni joarocaga m\u00fch\u00e9: "Y\u00fch\u00e9 \u00f1aa mariero jija. Y\u00fch\u00e9 nino sehet\u00e1 yoariro jija. Davi cjiro panop\u00e1 macariro p\u00fch\u00e9tora dutiriro waro sawire cjiariro jiro masare to dutiriro sehet\u00e1 tuaa mehne duti\u00fch\u00e9tja y\u00fch\u00e9 c\u00fch\u00e1. T\u00f1 tuaa mehne y\u00fch\u00e9 yoa duti\u00fch\u00e9 ne paina t\u00fcre d\u00fc\u00fcat\u00e1 masierara. Y\u00fch\u00e9 yoa dutierach\u00e1 ne paina t\u00fcre yoa masierara. ⁸ Jipihtiare m\u00fch\u00e9 yoaare masija y\u00fch\u00e9. Wac\u00fch\u00e9 tuaera cureina jipanahta y\u00fch\u00e9 buheare noano t\u00fch\u00e9, t\u00fcre ne duhuera\u00f1are m\u00fch\u00e9. \u00c1 jic\u00e1 y\u00fch\u00e9 yare c\u00fch\u00e1 m\u00fchare t\u00fcre buhe dutic\u00e1. \u00c1 jia paina

‘Tíre buhena tjiga’, ni ducata masierara m̄sare. **9** Å jicu õ sehe yoaihtja: Paina m̄sa cahai jiina Satana yaina jira. ‘Judio masa jija’, nipahta judio masa waro jierara. Tinare m̄sa panoí na tuhcua caha s̄u m̄sare ño payochu yoaihtja tinare. Yü ã yoachu ñicu m̄sare yu cahíare masiahca tina. **10** M̄sare yu yare yu duhu dutierachu t̄uhona noano yuhtire m̄sa. M̄sa ã yoachu ñicu ahri yahpa macaina jipihtina ti ñano yuhtd̄erati pja jichu m̄sare ducataihtja m̄sa ñano yuhtd̄erato sehe. Tí pja jipihtina ti ñano yuhtd̄erati pja jirohca. **11** Mahanocã dūhsara ahri yahpapu yu tjua tahto. Yü yare m̄sa masirire bona tjiga. Å yoa yuhture ã yuhtirucuga, m̄sa noano yoari wapare ‘Butiri’, nina. **12** Å jicu yu yare ã yoarucuinare yu Puchu ya wuhu macaina cjihtire cūihtja tinare. To ya wuhu macaa botari ti yoari pja ti jirucuro seheta Cohamacu mehne jirucuchu yoaihtja tinare. Å jia Cohamacu mehne macaina ã jirucuahca. Å jicu Cohamacu wuhu macaa botaripu yu joa õno seheta tinare ti pjacuripu õ sehe ni joa õihtja: Cohamacu yu Puchu wamare, to ya maca wama cūhure joa õihtja. To ya maca wahma maca Jerusalē jirohca. Tí maca m̄hanopu Cohamacu cahapu tari maca jirohca. Yuhu wahma wama cūhure. Tí wama cūhure joa õihtja ti pjacuripu. **13** Cahmori tiina jira m̄sa. Å jina m̄sa ya curuari macainare yu yainare Espíritu Santo to yahurire t̄uhoga m̄sa”, ni joarocaga Filadelfia macaina yu yainare, ti puhtoro cūhure.

Laodicea macainare Jesu yainare joaroca dutiha Joãoore

14 ‘Laodicea macaina yu yainare, ti puhtoro cūhure õ sehe ni joarocaga m̄hu: “Yuhu Cohamacu jipihtia to yoarire, to yohti cūhure yoa sohtori tiriro jija. Yuhu potocã yoariro jija. Å jicu mahñono marieno yu ñurire ã yahurucuriro jija. Jipihtiare yu Puchu to yoarire yoabasariro jija yuhu. **15** Jipihtia m̄sa dohse yoarire masija yuhu. Yuhure wacu tuaina jipanahta mahanocã wacu tuaina jira m̄sa. Õ sehe jira tí: Co yusiera co s̄u mehne pjiroca si putia co yoaro sehe jira m̄sa. Tó sehe jia core mari ji coaeraro seheta yuhure wacu tuaera cureina m̄sa jichu yuhu cūhure m̄sare ji coaeraja. Yuhure m̄sa noano wacu tuachu noaboa yuhure. Yuhure m̄sa wacu tuaerachu ña niboa yuhure. Yuhure m̄sa wacu tuaerari yuhdoro mahanocã wacu tuaina m̄sa jichu ña yuhd̄ara. **16** M̄sa ã jichu ñicu ñu yabi yuhd̄aja yuhu. Ñaa core yu cho cohāno seheta yuhure

mahanocā wacū tuainare ñu yabi yuhduaja yuhu. 17 Å jina õ sehe ni t̄hotumana m̄sa: ‘Jipihiati c̄jaaja. Ne yaba d̄hsaerara marine’, ni t̄hotumana m̄sa. Å nipanahta pjachoina yoaro sehe jira m̄sa. Å jina capari ñueraina ti ñu duaare ti masieraro seheta Cohamacu yare ne masierara m̄sa. Å jina suhti marieina ti b̄o tiro seheta Cohamacu to ñurocaroi m̄sa ñaa yoarire b̄o tihtina jira m̄sa. 18 M̄sa ã jiina jichu ñucu õ sehe ni yahuhtja m̄sare: Uru warore m̄sa nuchaboro seheta noaare yu c̄jaare naga m̄sa. M̄sare yuhure wacū tuachu yoaihtja. Å jina potocāta Cohamacu ya mehne pjíro c̄uanahaca. Å yoa yehseri suhtirore m̄sa nuchu m̄sa sāano seheta yu di cohāri mehne yu yariaro mehne m̄sa ñaa yoaare cosawerina jiga. Å yoana noaa suhti sāaina ti b̄o tieraro seheta m̄sa ñaare cosawerina jina b̄o tisi m̄sa c̄hu. Å yoa m̄sa caparire m̄sa co tiri baharo noano m̄sare bajuro seheta Cohamacu yare noano t̄hoga, m̄sa noano masihto sehe. 19 Jipihtina yu cahiiñare yahuja. Å jicu yu cahiiña ti jichu ñucu, ti t̄hoerachu tinare quihōno yoa dutija, tinare yoadohocu tacu. Å jina yu ya sehere tuaro cahmaga. Å yoa m̄sa ñaare t̄hotumari cjirire cohtota, tí ñaare duhuga. 20 T̄hoga yuhure. M̄sa wuhure bihari wuhure yu suraca yu sāa dua yu pisurucuboro seheta, m̄sa mehne macariro ji duai nija. Yu ã ji duachu t̄hoina jina yuhure m̄sa mehne ji dutiga. Yu yaina jiga. M̄sa ã ji dutichu m̄sa mehne jiihtja. Å jicu mari suho ch̄aro seheta m̄sa mehne noano jiihtja. Å jina yuhu mehne macaina jinahca m̄sa.

21 Wat̄nore yu yuhd̄urucari baharo yu P̄ucu p̄uhtoro to dujiro cahai dujija, yuhu c̄hu dutichu tacu. Tó seheta m̄sa c̄hu ñaa yoarire m̄sa yuhd̄urucari baharo yu p̄uhtoro dujiro cahai dujinahca, m̄sa c̄hu dutina tana. M̄sare yu cahai dujichu yoaihtja. 22 Cahmori tiina jira m̄sa. Å jina m̄sa ya curuari macainare yu yainare Espíritu Santo to yahurire t̄hoga m̄sa”, ni joarocaga Laodicea macaina yu yainare, ti p̄uhtoro c̄hu —nihre yuhure joa dutiriro.

M̄anopu Cohamacure na tuhcua caha su ti ño payoare ñuha João

4 1 Yuhure to ã ni yahuri baharo m̄anopu pjōari sopacare ñuhi. Pari turi corneta to tuaro bisiro seheta tuaro durucua bisiro coa tahre yu t̄hochu. Õ sehe nihre yu t̄hochu:

—Ópʉ mʉja taga. Ahri yʉ yahuhti cjihti baharopʉre wahahitore mʉhure ñoijtja. Yʉ niriro seheta ã waharohca —nino coa tahre mʉanopʉ.

2 To ã ni yahuchʉta tópʉ mʉja sʉcʉ Espíritu Santo tuaa mehne ñʉi nihi. Ñ jicʉ pʉhtoro dujiore mʉanopʉ ñʉhi. Tói cãiro dujihre. 3 Noano si siteriro dujihre. Diamante wama tia tãa yoaro seheta, rubí wama tia tãa yoaro seheta noano si siteriro dujihre tiro. Ñ jiro buhini soro esmeralda yoaro sehe si siteri soro dacho macai dujihre tiro. 4 Ñ yoa to dujiro cahai veinticuatro dujiare ñʉhi. Tí dujia pʉhtoa dujia yʉ ñʉ mʉhtarirore duji soroahre. Tí dujiapʉ veinticuatro Jesu yaina pʉhtoa dujihre. Yehsea suhti tiina jihre. Ñ yoa pʉhtoa ti pisaa sorori uru sororire pisaina jihre tina. 5 Yʉ ñʉ mʉhtarirore dujirori orocasitehre. Ñ yoa soro sehe jiro choro bisiro coa tahre. Wʉpo cãhʉ bisiro coa tahre. Tí dujiro panoi siete sihãa poca jihre. Siete sihãa poca mehne to piti dahre buhechʉ Cohamacʉ yaina siete pjacʉ bajueraina jihre. 6 Ñ yoa to dujiro panoi pjiri ma yoaro sehe vidro yoaro sehe sipari ma jihre. Noano co sitiri ma yoaro sehe jihre.

Ti dujiro cahai pititiaro soro sehe bajuina jihre. Ti pjacuri panoi ti baharo bʉhʉsehe cãhure payʉ capari tiina jihre tina. 7 Yʉ ñʉ mʉhtarirore soro bajuriro yairo sohãiro yoaro sehe bajuhre. To baharo jiriro wachʉ yoaro sehe bajuhre. Ti baharo jiriro masʉno wʉhdʉa sehe wʉhdʉa tiriro jihre. Tina tiaro baharo jiriro cja to cjãmʉadʉpʉrire saño dujiriro yoaro sehe bajuhre. 8 Tina seis dʉpʉri wʉa dʉpʉri tiina jihre. Ñ jia ti wʉa dʉpʉri pʉ bʉhʉseheripʉta payʉ capari tia dʉpʉri jihre. Ñ yoa dachoripe, ñaminipe ã dururucua nihre. Ne durucu duhuerare. Õ sehe ni durucuhre:

“Noariro, noariro, noariro Cohamacʉ mari pʉhtoro tua yʉhdʉariro jira.

Tiro panopʉta ã jirucua tiri jire.

Mipʉ cãhure ã jirucura.

Baharopʉ tarohca”,

ni durucurucua nihre.

9 Ñ ni durucua tina pititiaro soro bajuina to tuaare durucua nihre pʉhtoro dujirori dujirirore. Ñ durucua, tirore jipihtia dachoripe jirucurirore wahche payoa “Noana”, nia nihre.

10 Ti ã yoa payochʉ ñʉa veinticuatro Jesu yaina pʉhtoa sehe pʉhtoro dujirori dujiriro panoi na tuhcua caha sʉ, tirore ño

payohre. Tiro jipihtia dachoripe jirucuriro jira. Å ño payoa ti puhtoa pisaa sororire to dujiro panoi doca payohre. Å doca payoa õ sehe nihre tina:

11 “Muhu Cohamacu sã pahtoro waro jira.

Tuariro, noariro jira muhu.

Muhu sã ño payoriro jii nina.

Muhure å ño payorucuro cahmana sare.

Jipihtiare bajuamehneriro jira muhu.

Mu cahmariro seheta tí jipihtiare bajuamehnea tiri
jire muhu”,

nihre tina Cohamacure, tói dujirirore.

Joari pûre turêri tiare cordero cahure yahuha João

5 1 Baharo tói dujiriro to wamomaca poto buhusehei to cjari pûre joari pûre ñuhi. Tí pû pu buhuseheri to joari pû to turêri tia jihre. Å yoa siete wihtâ ñahaa mehne to wihtâ ñahari tia jihre. 2 Tí tiare turêri tiare ñu tuhsu, tuariro anjore ñuhi. Tiro tuaro durucua mehne õ sehe ni yahuhre:

—¿Ahri tiare wihtâ ñahaare pahrëboriro ñaa buhiri marieriro diro sehe jijari, musa tuhotuchu? —nihre tiro anjo.

3 Å niparota tí tiare pahrëtiore bocaerare. Muhanopu, ahri yahpapu, catiina watoi, yaria tuhsuina watoi ne tí tiare ñahaare pahrëtiore mariahre. Å jiro tí tiare buhehtiyo mariahre. 4 Å jich pahrëtiore, tí pûre ñuhtirore ti bocaerachu ñucu tuaro tiihi yuhu. 5 Yü ä tiichu ñuno cüiro Jesu yaina puhtoa mehne macariro õ sehe nihre yuhure:

—Tiecu tjiga. Tí tiare ñahaare cüiro pahrë masina. Tiro Juda ya curua macariro tuariro jira. Tuariro jiro “Yairo sohăriro”, ti ni pisuriro jira. Tiro puhtoro Davi panamino ji turiariro jira. Watinore yuhdäracariro jira tiro. Å jiro tiro tí tiare siete ñahaare pahrë masiriro jira —nihre tiro yuhure.

6 To ä nichu tuhocu puhtoro dujiro panoi cordero to ducuchu ñuhi. Cuatro soro bajuina, Jesu yaina puhtoa tina watoi ducuhre tiro cordero. Tiro ti wajáriro cjiro sehe bajuhre. Siete sahari tiriro, siete capari tiriro jihre. Tí siete sahari ä yoa siete capari mehne to piti dahre buhechu Cohamacu yaina pjacu bajueraina siete bajueraina yoaro sehe jira. Tina to yaina pjacu bajueraina jipihtiro ahri yahpapu Cohamacu to warocarina jihre. 7 Å jiro cordero sehe puhtoro dujiro cahapu súro, tirore to poto buhusehei to cjari tiare tuäwe nahre. 8 To

ã tħāwe nachħa ñħa cuatro soro bajuina, veinticuatro pħhtoa cħħu cordero panoi na tuhcua caha sū, tirore ño payohre. Tina pħhtoa jipihtina arpa wama tia bħapxtēare, uru wahwari cħħure cjħahre. Tí wahwari incienso noano wahpaa posa tia wahwari jihre. Tí incienso mehne to piti dahre buhechħu Cohamacu yaina tirore ti sini payori yoaro sehe jihre.

9-10 Ā tirore ño payoa õ sehe ni wahmaa basaare tina basa payohre tirore:

“Muhu ti wajāriro cjiro jira.

Ā jicu mu di cohāri mehne sā ñaa yoari buhirire cohāre muhuh Cohamacu yaina sā jihto sehe.

Ā jicu jipihtia curuari macainare cāinare, jipihtia dħuseri durucuinare cāinare, jipihtia yahpari macainare cāinare sā ñaa yoari buhirire mu di cohāri mehne cosawere muhuh Cohamacu yaina sā jihto sehe.

Sāre jipihtinare Cohamacu yaina cjihtire cūre muhuh.

Ā jicu sacerdotea cūħre muhuh sāre Cohamacure dahra cohtaina sā jihto sehe.

Ā yoacu ahri yahpa macaina bui pħhtoa sōħre muhuh sāre.

Ā yoariro jicu tí tiare wiħtā ñahaare pahrēhtiro jira muhuh”,

ni basa payohre tina corderore.

11 Pari turi ñħċu millones anjoa perire ñħhi. Pħħtoro dujirore cuatro soro bajuinare, veinticuatro pħtoare anjoa sehe tinare soroa dħċu sħħre. Tina anjoa peri tuaro ti sañurucu payochu ñħhi. **12** Ó sehe ni tuaro sañurucu payohre tina:

“Cordero ti wajāriro muhuh jipihtinare dutiriro, jipihtiare cjuariro, masi pahñoriro, tua yħħduariro jira muhuh.

Masa ti ñaa buhiri ti wajāriro mu jichħu ñħna ā ni ño payoja muhure.

‘Noabiariro jira’, ninahca muhure.

Muhure noano durucunahca”,

ni sañurucu payohre anjoa peri.

13 Ā jicu paina cūħħre ti sañurucu payoa coa tachu tħohi. Jipihtina muano macaina, ahri yahpa macaina, catiina, yariaina caħapu jiina cūħu, pjiri ma macaina, jipihtropu jiina õ sehe ni durucu payoa coa tahre:

“Cohamacure to dujiropu dujirirore, Cordero cūhure
 mūsare puarore noano durucunahca.
 Mūsare wahche payonahca.
 ‘Noa Yuhduaina, Tua Yuhduaina jira’ nina,
 jipihtia dachoripe ã nirucunahca mūsare”,
 ni durucu payoa coa tahre.

14 ã jia tina cuatro soro bajuina ti ã durucu payochu tuhoa
 “Ãta ni durucu payojaro”, nihre. ã jia Jesu yaina pūhtoa sehe
 na tuhcua caha sū Cohamacure, Cordero cūhure ño payohre.

Papera tiare to nari tiare wihtā ñaharire pahrēna Cordero

6 1 Baharo papera tiare to nari tiare Cordero wihtā ñaha
 mūhtanore pahrēhre. To ã pahrēchü ñühi. To ã pahrēri
 baharo cūiro soro bajuina mehne macapiro, “Ñuna taga”, nihre.
 ã nino wapo yoaro sehe bisihre tiro.

2 To ã niri baharo ñühi yuhu. Yehseriro cawalore ñühi.
 Tiro bui pisariro buedure cjüahre. Tirore pūhtoro pisari sorore
 wahre pairo sehe. To ã wari baharo tiro sehe tirore ñu tuhtiinare
 yuhduñucaro wahahre.

3 Baharo cū wihtā ñahanore pahrē tuhsu Cordero pa wihtā
 ñahanore pahrēhre tjoa. To ã pahrēri baharo pairo soro bajuina
 mehne macapiro “Ñuna taga”, to nichu tūhohi tjoa.

4 ã jicu pairo cawalore sohāriore ñühi tjoa. Tiro bui
 pisariore tuaare wahre pairo sehe. Ahri yahpa macainare
 cahma wajā dutihtirore cūhre tirore. ã jia jipihtiro macaina
 cahma wajāahca ahri yahpapu. ã yoa pjiri pjī ñosari pjīne
 wahre tirore.

5 Baharo puarore pahrē tuhsu Cordero parore pahrēhre tjoa.
 ã jicu puarotu durucuri baharo pairo soro bajuina mehne
 macapiro “Ñuna taga”, to nichu tūhohi.

To ã niri baharo ñiriro cawalore ñühi. Tiro bui pisariro
 balanza quihōnare cjüahre. 6 Tirore yu ñuri baharo soro bajuina
 watoi õ sehe nino coa tahre:

—Cū dacho dahrari wapa mehne trigore cū kilota nuchüahca
 masa. Cū dacho dahrari wapa mehne cebada wama tia yaparire
 tia kilota nuchüahca masa. (Trigo, cebada cūhu pihtia wahaahca.
 ã jia tí wapa būju niahca.) Wiho mejeta chua dahrea sere,
 vino cūhure dojochu yoaena tjiga —nino coa tahre.

7 Baharo tiarore pahrē tuhsu Cordero parore pahrēhre tjoa. To ã pahrēri baharo pairo soro bajuina mehne macariro ji bato tiriro “Ñuna taga”, nihre tjoa.

8 To ã nichu tēhocu wapoariro cawalore ñuhi. Tiro bui pisariro “Yariachu yoariro” wama tihre. Ñ yoa to baharo tariro “Yariaina ti jiro” wama tihre. Ñ jiro tinare tuaare wahre pairo sehe. Ahri yahpapure cuarta parte* masare wajā dutihre. Cahma wajāa mehne, juca baa mehne, dohatia mehne, wahiquina nūcūri macaina suaina mehne tópeina masare ti wajāhtore cūhre tinare.

9 Baharo pititiaro wihtā ñahaare pahrē tuhsu Cordero paro ñahanore pahrēhre tjoa. To ã pahrēchū altar docai Jesu yaina ti wajārina ti catiri yajeripohnarine ñuhi. Cohamacu yare ti yahuri buhiri, “Jesu yaina jija”, ti ni yahuri buhiri tinare wajāri jire. 10 Tina sañurucua õ sehe nihre Cohamacure:

—Muhu sā pūhtoro, ñaa marieriro, mahñono marieno, mu niro sehetu yoariro jira muhū. ¿Ahri yahpa macainare, sāre wajārinare dohse jichu buhiri dahreihcari muhū? —ni sañurucuhre tina.

11 Ñ jiro tinare yehsea suhti yoaa suhtire wahre. Tinare ã waro õ sehe nihre tinare:

—Sosiniga. Paina mūsa coyea Jesu yaina mūsa yoariro sehetu mipu cūhure noaa buheare buhesinia nina. Mūsare ti wajāriro sehetu tina cūhure ti wajā pahñohto dūhsasinina. Ñ jina tinare jipihtinare ti wajāhto pano mahanocā sosiniga mūsa —nihre tinare.

12 Baharo cinco wihtā ñahaare pahrē tuhsu Cordero paro wihtā ñahanore pahrēhre tjoa. Tore to ã pahrēchuta tuaro yahpa ñuhmihre. To ñuhmini baharo sū dacho macariro ñiriro choro wahahre. Ñiri suhtiro yoaro sehetu ñiriro choro wahahre. Ñ yoa sū ñami macariro di yoaro sehe sohāriro wahahre.

13 Ñ yoa ñahpichoha poca yahpapu boraa wahahre. Yucucu dicha yahsaare wihnono to wā bure bororo sehetu ñahpichoha poca boraa wahahre. 14 Ti ã wahari baharo muano butia wahahre. Papera tiare mari turēchū to bajueraro sehetu

* ‘Una cuarta parte’ noho puro to jirore masi duana õ sehe masinahca: Ahri yahpa macaina dacho macai jiina ‘una media parte’ jira. ‘Una media parte’ pari turi dacho macai jiinare mari quihōchū, titá jira ‘una cuarta parte’.

bajuerare muano. ~ yoa jipihtia tūyucu cūhū nacopo cūhū pa sehepu surucahre. 15 To ã wahachu ñua, ahri yahpa macaina bui pāhtoa coparipu tūyucu macaa tāa docapu cūhure duhtihre. Paina pāhtoa, surara pāhtoa, pache pua, tuaina, jipihtina tinare dahra cohtaina, dahra cohtaina jieraina cūhū tóihtha duhtimahre. 16 ~ duhtia tūyucure, tāa cūhure õ sehe nihre:

—Sā bui bora pjaga. Sāre nūoga. Siro pāhtorore to dujiroi dujirirore cui yūhdūaja. Cordero suaro, sāre ñano buhiri dahrerohca. “~ buhiri dahreri”, nina nūoga sāre. 17 Jipihtinare tuaro ti buhiri dahrehti dacho ji tuhsura. ~ jia ti buhiri dahrehtore ne cāiro duhtiro bihoeraro, cūno pjasi —nihre tina jipihtina.

Israe masa pjacurire Cohamacu to wama ña õhtore yahuha João

7 1 Baharo pititiaro anjoare ñuhi. Tina jipihtirope wahahre. Cāiro nortepu waharo tópu tari wihnonore taerachu yoahre. Pairo surpu, pairo sū muja taropu, pairo sū sāanopu wahahre. Nortepu wahariro yoaro seheta yoahre tina cūhū. ~ jiro ahri yahpapu, pjiri mapu cūhure ne wihnono taerare. Ne cūdu yucucure wihnono wā ñuhmichu yoaerare. 2 ~ yoa pairo anjore ñuhi tjoa. Sū muja taropu taro nihre tiro. Cohamacu catiriro to wama ña ñonore na taro nihre tiro. ~ na taro paina pititiaro anjoare tiro sañurucuhre. Tina anjoa sehe ahri yahpare, pjiri ma cūhure Cohamacu to dojomehne dutiina jihre.

3 Tinare sañurucuro õ sehe nihre anjo:

—Cohtasiniga. Cohamacure dahra cohtaina ti wāhdúa pocare to wamare ñona tana nija. Sā ã õhto pano ahri yahpare, pjiri mare, yucuri cūhure dojomehnesiniena tjiga mūsa —nihre tiro paina pititiaro anjoare.

4 ~ jiro Cohamacu to wama mehne ti wāhdúa pocare ti õhtinare “Ópeina jira”, ni yahuhere yūhure cāiro. Israe masa doce curuari macaina ciento cuarenta y cuatro mil masa ti õhtina jiyuhti. 5 Ahrina jiyuhti ti õhtina: Doce mil masa Juda panamana ji turiaina ti õhtina jihre. Paina doce mil masa Rubē panamana ji turiaina ti õhtina jihre. Paina doce mil masa Gad panamana ji turiaina ti õhtina jihre. 6 Paina doce mil masa Aser panamana ji turiaina, paina doce mil masa Neftalí panamana ji turiaina, paina doce mil masa Manase

panamana ji turiaina ti ñohina jihre. 7 Paina doce mil masa Simeo panamana ji turiaina, paina doce mil masa Leví panamana ji turiaina, paina doce mil masa Isacar panamana ji turiaina ti ñohina jihre. 8 Paina doce mil masa Zabulõ panamana ji turiaina, paina doce mil masa José panamana ji turiaina, paina doce mil masa Benjami panamana ji turiaina ti ñohina jihre. Tópeinata jipihtina masa ciento cuarenta y cuatro mil to wama mehne ti ñohina jihre.

Payu yehsea suhti tiinare yahuha João marine

9 Baharo payu masare ñuhu. Jipihtia yahpari macainare, jipihtia curuari macainare, jipihtia dñseri durucuinare, jipihtia macari macainare cainare Cristore cahmaina dihtare tódi ducuinare ñuhu. Pñhtoro to dujiro panoí, Cordero panoí ducuhre tina masa. Payu masa jihre. Å jia quihõ bihoina jierare. Yehsea suhti tiina jihre tina. Å yoa pjaa põ pürine cjahre. 10 Å jia tina jipihtina õ sehe ni tuaro sañurucuhre:

“Cohamacu jira sãre yuhdachu yoariro.

Tiro to dujiroi dujiriro jira.

Cordero cãhu sãre yuhdachu yoariro jira”,
ni sañurucuhre tina. 11 Å jia jipihtina anjoa, Jesu yaina pñhtoa cãhu, soro bajuina mehne pñhtoro to dujiro cahai ducuhre. Å ducua to dujiro panoí doca caha su, Cohamacu wahche payohre. 12 Õ sehe ni wahche payohre tina:

“Å tjira.

Cohamacu sã pñhtoro mñhure noano durucuja.

Noa yuhdñariro, masi pahñoriro jira mñhu.

Mñhure ‘Noana’, nija.

Mñhure ño payoja.

Tua yuhdñariro jira mñhu.

Mñ tuaa mehne yoariro jira mñhu.

Tó seheta jirucuriro jira mñhu jipihtia dachoripe.

Å tjira”,

ni wahche payohre tina.

13 Ti å nichu tñhoru cñiro Jesu yaina pñhtoa mehne macariro yuhare õ sehe ni sinituuhre:

—¿Ahrina yehsea suhti tiinare masijari mñhu? ¿Ti tarirore masijari mñhu? —ni sinitu ñuhre yuhare.

14 To å nichu tñhocu:

—Masieraja —ni yuhtih.

—¿Noa jijari tina? —ni sinituhi tirore.

Yu ã nichu tukoro õ sehe nihre yuhure:

—Ahrina ñabiaro yuhduri dacho jichu cãno pjaina jira.

Ti suhti cosawerina ti jiro seheta Cordero to di cohano mehne ti ñaa buhirire cosawerina jira. Ñ a jia noano yehsea suhti tiina jira. 15 Ñ to cosawerina jia Cohamacu to dujiro panoi tirore ñ ño payorucura. Dachoripe, ñaminipe tirore ñ ño payorucura, sacerdotea Cohamacu wuhui ti yoariro seheta. Ñ jiro tina mehne ñ jirucuro, tinare yoadohorohca Cohamacu “Soro wahari”, nino. 16 Ne pari turi jüca baasi tina. Ñ jia ñahma yapiosi tina. Ne sú dacho macariro siro tinare ne jü pjasi.

Tuaro sia tinare ñano yuhdutchu yoasi. 17 Puhoro dujiro potoi ducuriro Cordero tinare ñ wihiborohca. Ovejare ñ wihiboriro yoaro sehe tinare ñ wihiborohca. Ñ ñ wihiboro mári pohtaripu catichu yoaa mári pohtaripu tinare mu tã wahcãnohca, ovejare ñ wihiboriro to mu tãno seheta. Ñ yoaro ñ wahcherucuchu yoarohca tinare. Ñ jia ne pari turi tiisi tina —ni yahuhre Jesu yaina puhtoa mehne macariro yuhure.

**Seis papera ti wihtã ñahaare pahrë
tuhsuro parore pahrëha Cordero**

8 1 Seis papera ti wihtã ñahaare pahrë tuhsuro parore pahrëha tjoa Cordero. To ñ pahrë tuhsuchu cù hora dacho macai tópu muanopu noano dihta marieaa wahahre. 2 To ñ wahari baharo siete anjoare Cohamacu panoi ducuinare ñuhi. Tinare siete cornetarire wahre pairo. 3 Pairo anjo uru wahware inciensore posa tihti wahware cjuarido altar cahapu su, ducuhre. Tói to ducuchu payu inciensore tirore wahre, jipihtina Cohamacu yaina tirore ti siniri mehne morehtire. Ñ jiro uru altarpu Cohamacu to dujiro panoi jiri altarpu tí inciensore jü muohre Cohamacure. 4 Ñ jia anjo to cjuarido wahwa macaa inciensore altarpu to poho siteri baharo tí incienso macaa me Cohamacu yaina tirore ti siniri mehne mujaa wahahre. 5 Ñ wahari baharo altar macaa niti mehne tí wahwa wahpa wahachu, yahpai poho cùnocahre. To ñ poho cùnocachuta wupo pja, soro sehe jiro bisi mu, oroca site mu, yahpa ñuhmi muahre.

Cornetarire yahuha João

6 Baharo siete anjoa cāina ti cornetarire putia taa nihre.

7 Cāiro anjo to yariare puti muhtahre. To ã putichu co poca yusua poca pichaca mehne, di mehne morea poca yahpapu bora su cahahre. Ti bora su cahachuta yahpa jūa wahahre. Ó puro jūhre: Ahri yahpa dacho maca suro caharoi jūa wahahre. Æ jiro tó puro posata yucuri cūhu jūa wahahre. Tó puro posata tja cūhu jūa wahahre.

8 Anjo cūiro to ã puti muhtari baharo pairo anjo to yaria cornetare putihre tjoa. To ã putichu pjidu tūcu yoaro sehe bajudu noano jūrucudu pjiri mapure waharoca ñojaa wahahre. Æ jiro yahpa to jūriro puro tó purota pjiri ma di ma dojua wahahre. 9 Æ jia pjiri ma macaina wahi dacho maca mahano súboro waroi yariaa wahahre. Tópe busota dohoa buso cūhu minia wahahre pjiri mapure.

10 Púaro anjoa ti putiri baharo pairo anjo cūhu to yaria cornetare putihre tjoa. To ã putichu pjiria ñahpichohaca, siharia yoaro sehe siria yahpapu bora su cahaa wahahre. Ahri yahpa macaa mári dacho macabo cureroi tópe mári bui bora su cahaa wahahre ñahpichohaca. Tópe co wijaa copari bui cūhure bora su cahaa wahahre. 11 Tópe márita súea mári wahahre. To ã wahachu payu masa tí mári macaa core, tí copari macaa co cūhure sihnimaa, yariaa wahahre. Tia ñahpichohaca “Súenia”, wama tihre.

12 Tiaro anjoa ti putiri baharo pairo anjo cūhu to yaria cornetare putihre tjoa. To ã putichu sū dacho macariro, ñami macariro cūhu dacho maca súboro waroi dojua wahahre. Ñahpichoha peri cūhu dacho maca súboro waroi jia poca tópe pocata dojua wahahre. Tópe poca muano macaa poca noano buhrierare. Dachopu pititia horari waro sū dacho macariro ne buhrierare. Ñamine pititia horari waro sū ñami macariro, ñahpichoha poca cūhu ne buhrierare.

13 Baharo ñuroca muohi tjoa. Muhanopu wáriore cjare ñuhi. Æ jicu to sañurucuchu tuhohi. Ó sehe nihre tiro:

—Ñabiara. Ñabiara. Tiaro anjoa mipu putierasiniina ti putiri baharo pinintare ñabiaro waharohca. To ã wahachu ahri yahpai jiina ñabiaro yuhdúahca —nihre tiro.

9 1 Baharo pititiaro anjoa ti putiri baharo pairo anjo to yaria cornetare putihre tjoa. To ã putichu ñahpichohaca yoaro sehe jiriro anjo muanopu bora tarirore ñhihi. Yu ã ñuno watoi tirore cãri copa macari sawire wahre. 2 A jiro tiro tí copare to pjooch u pichaca me wijaahre. Pjiri pichaca macaa me yoaro seheta pjíro me wijaahre tí copare. A wijaaro tí me dñihta sú dacho macariore, muanó cöhure butia wahachu yoahre. 3 A yoa tí me puhichai jiina poreroa yahpapu tahre. Pichõno soroa ti tuaro puríno seheta tina cöhü tuaro puríhre. 4 A jiro tjare, yucurire, paye toaare ñano yoa dutierare tinare. Masa dihtare ñano yoa dutihre tinare. Cohamacu to wamare ti wuhdua pocare õmahnoeraina dihtare ñano yoa dutihre tinare poreroare. 5 A ñano yoa dutiparota tinare wajã dutierare. Tinare wajã dutieraparota cinco súri waro tinare ñano purích u yoa dutihre. Pichõno soroa tjoaa ti puríno seheta purích u yoaina jihre poreroa cöhü. 6 Tinare ti ã purích u yoach u masa yariaa waha duaahca. Ti ã yaria duapach uta tinare yaria dutisi.

7 Poreroa sehe cawaloa yoaro sehe bajuhre. Ti cahma wajáhto pano cawaloare ti suhti sãariro seheta tó seheta bajuina jihre tina poreroa cöhü. Ti dapu pocai puhtoa ti pisaa sorori uru sorori yoaro sehe bajuhre. Ti wuhdua poca masa yoaro sehe bajuhre. 8 Ti pjoari numia pjoari yoaro sehe jihre. A yoa ti piri yaya piri yoaro sehe jihre. 9 Pê buhu ducatari cahsaro comaa cahsaro yoaro sehe bajuhre ti cutiro. A yoa tina ti wach u pay u cawaloa murocaina ti murocaro sehe ti wha düpuri bisihre. Cawaloa tunua bñsore wajaina ti cahma wajánopu wahaa, ti bisiro seheta bisihre poreroa wha düpuri. 10 A yoa pichõno soroa ti pichõno tiro seheta, tjoariaca ti cjar o sehet a jihre tina poreroa. Ti pichõri mehne tjoaa, cinco súri waro masare purích u yoahre. 11 Tina puhtoro cjhaina jihre. Cjharia copa puro jihre ti puhtoro. Tiro anjo jihre. Hebreo ya mehne Abadón wama tihre tiro. Griego ya mehne Apolión wama tihre. (Apolión “Pihtich u yoariro”, nino nina.)

12 Poreroa masare ñano ti puríno yoari baharo ahri ti ñano yuhdu muhtariro cjiro pihtia wahahre. Tó baharo pua taha pari turi ñano yuhdusiniahca masa.

13 Baharo cü wamomaca pihtiina anjoa ti putiri baharo pairo anjo to yaria cornetare putihre tjoa. To ã putichu Cohamacu panoi ducuri altarp u uru altarp u durucua bisi wijaro coa tahre. Tí altar macaa sahari pititia saharip u durucua bisi

wijaro coa tahre. **14** Æ durucuro cornetare putiriro anjore yahuhere:

—Eufrates wama tiri ma pjiri mapu peresupu jiinare anjoare wioga. Tina pititiaro anjoa jira —nino coa tahre.

15 Æ nino coa tachu təhoro anjo sehe tinare pititiarore wiohre, payu masare wajähtinare. Ahri horare, ahri dachore, ahri sūre, ahri cūhmare quihöno cohtaa nihre tina pititiaro anjoa. Ti cohtariro mu sura. Æ jia wajāa taa nina. Jipihtina dacho maca doca curero masare wajähca. **16** Æ yoa ti surarare “Ópeina jira”, ti nichu təhohi. Tina cawaloa bui pisaina jihre. Doscientos millones surara jihre.

17 Æ yoa cawaloare tina bui pisaina cūhure ñuhi. Tina cawaloa bui pisaina ti pē buhure dūcataa suhti, comaa suhti, sohāa suhti, yahsaa suhti, ewu sehe bajua suhti jihre. Æ jia cawaloa ti dapu poca yaya sohāina yoaro sehe bajuhre. Ti dūseripu pichaca, me, azufre wama tia me cūhu wijaahre.

18 Æ jia cawaloa dūseri wijaa masare wajähre. Jipihtina dacho maca mahano səboroo waroi tópeina masare wajähre. Pichaca mehne, me mehne, azufre mehne payu masare wajähre.

19 Tina cawaloa ti dūseri mehne wajähre. Æ yoa ti pichōri mehne wajähre tjoa. Ti pichōri sohtoapu agāa dapu poca yoaro sehe bajuhre. Æ jia ti pichōri mehne ñano yoahre tina masare.

20 Payu masa yariaeraina ti wajā dūharina sehe ti ñaa yoarire ne duhuerare. Watīare ño payo duhuerare. “Cohamacu jira”, ti nia masuri cūhure ño payo duhuerare. Tí masuri uru mehne, plata mehne, bronce wama tiri comaa mehne, tāa mehne, yucuri mehne ti yoari masuri jihre. Tí masuri sehe ñuerare. Təhoerare. Tinierare. **21** Paye ñaa cūhure tina ne cahyaerare. Masare ti wajārire, numia mehne ti ñano yoarire, ti yacari cūhure ne cahyaerare tina. Æ jia yaya ti yoaro sehe yoaa, tí cūhure ne cahyaerare tina.

Mahari tiacāre papera tiacāre na taha anjo

10 **1** Baharo pairo tuariro anjo muanopu to duji tachu ñuhi. Me curua watoi tahre. Æ yoa buhini soro to dapu bui pisahre. To wuhdua sū dacho macariro yoaro sehe si sitehre. To ñuchua pichaca yoaro sehe bajuhre. **2** Æ yoa mahari tiacā papera tiacāre to pjāri tiacāre cjhahre tiro. To dahporo poto bühusehe macari dahporo mehne pjiri mápu tu cūhre. To

dahporo cō būhusehe macari dahporo sehe macarocai tū cūhre. 3 Ā ducuro yaya ti sañurucuro seheta tiro tuaro sañurucuhre. To ā sañurucuri baharo siete wūpoa yahua coa tamahre. 4 Ti ā yahuchā tūhocu joa dūcamahi. Yū ā joa dūcapachāta mūanopu yūhure õ sehe ni durucuro coa tahre:

—Siete wūpoa ti nirire painare yahui tjiga. Ā jicu tiré joa nai tjiga —nino coa tahre yūhure.

5 To ā niri baharo pjiri mapu ducuriro, macarocai ducuriro anjo to wamomaca poto būhusehe siōroca mūohre mūanopu.

6 Ā siōroca mūono Cohamacu ā catirucuriro wama mehne wama payohre. Tiro Cohamacu sehe jipihiare mūanore, mūano macaare, ahri yahpare, ahri yahpa macaare, pjiri mare, pjiri ma macaare yoariro jira. Ā wama payoro õ sehe nihre anjo:

—Cohamacu mehne potocā nii nija. Tó purota cohtanahca. 7 Seis anjoa cornetarire ti putiri baharo pairo anjo to putichu Cohamacu panopu “Ó sehe yoaihtja”, to niro sehetā ā yoarohca. Panopu masare tiré noano yahuera tiri jire. Baharo tirore dahra cohtainare, to yare yahu mūhtaina sehere noano yahu pahīoa tiri jire tiro. Tí to yahu cūrire mipure yoarohca tiro —nihre anjo.

8 To ā niri baharo mūanopu yūhure durucuro coa tariro pari turi durucuro coa tahre tjoa. Ó sehe nino coa tahre yūhure:

—Pjiri māpū ducuriro macarocai ducuriro siro anjo cahapu wahaga. Ā wahacu papera tiacāre to cjuciari tiacāre naga —nino coa tahre yūhure.

9 To ā nino coa tachu tūhocu anjo cahapu wahahi. Tirore papera tiacāre yū sinichu tūhoru õ sehe ni yūhtihre yūhure:

—Naga. Ā jicu ahri tia papera tiacāre chūga. Mū wahma chūchū mi yoaro sehe noano bisirohca. Mū pjaropu mū būrori baharo sūēa waharohca —nihre yūhure.

10 To ā nichu tūhocu tí tiacāre anjore yū nari baharo chūhi. Yū wahma chūchū mi yoaro sehe bisihre. Yū chū būrori baharo yū pjaropu sūēa wahahre. 11 Yū ā chūri baharo õ sehe nihre yūhure:

—Pari turi macari macaina, yahpari macaina, payu dūseri durucuina, tina bui pūhtoa cūhū baharo ti dohse wahahtore, Cohamacu tinare to dohse yoahto cūhure yahuyuga mūhu —nihre yūhure.

Puaro Cohamacu yare yahuhtinare yahu joaha João marine

11 ¹ Baharo yuhure quihõdure wahre Cohamacu. Tjuadu puro yoadu jihre tu. Ture waro õ sehe nihre yuhure:

—Yu ya wuhure quihõi wahaga. Tí wuhu macari altar cahure quihõga. Á yoa tuhsu, tí wuhu yuhure ño payoinare quihõga. ² Sopaca wija surucari wapare noari wapare quihõi tjiga. Tí wapa yuhure cahmaerainare ti curi wapa jira. Tina cuarenta y dos súri waro Cohamacu ya macare tí maca macaina cahure ñano yoaahca. Á jicu quihõi tjiga ti ya wapare noari wapare. ³ Á jicu yu yare yahuinare puaro re warocaihtja. Mil doscientos sesenta dachori waro yu yare yahuahca. Masa ti coyea ti yariari baharo ti sáa suhti barore sáaina jiahca tina yu yahu dutiina —ni yahuhtre yuhure.

⁴ Ahri yahpa macaina bui puhtoro Cohamacu panoj puadu Olivo wama tia yucu ducura. Puadu sihã payoa yucu cahu tí yucu cahai ducura. Tí yucu mehne piti dahre to buhechú ahrina puaro to yare yahuina tí yucu yoaro sehe jira. ⁵ Á jia tinare ñu tuhtiina tinare ti ñano yoa duachu tina sehe ti dusero macaa picha pohna mehne jú pahñohca tinare ñu tuhtiinare. Ó sehetia tinare ñano yoainare wajähacca tina puaro Cohamacu yare yahuina. ⁶ Á yoa tina puaro ti coro ta dutierachu coro tasi. Á jiro Cohamacu yare ti yahuro puro coro tasi. Á jia márime di méri wahachu yoaahca tina. Á jia ahri yahpare ñano wahachu yoaahca. Jipihtia dohse jiare, jipihtina dohse jiinare masare ñano wahachu yoaahca. Ti dohse yoa duaro puro á ñano wahachu yoaahca ahri yahpare. ⁷ Ti á yoa pahñochu waro cüari copapu jiriro ñariro nacu macariro wijaarohca. Á wijaaro Cohamacu yare yahuina mehne cahmachenohca. Á cahmachenno tua yuhdúcaro tinare wajñohca. ⁸ To á wajári baharo ti pjacuri cjiri pjiri maca macari mahapu coähahca. Yahuina puhtorore ti cjá puha wajári maca jira tí maca. Tí maca macaina ñaina jia Sodoma macaina, Egipto macaina yoaro sehetia jia, tí pjare Sodoma, Egipto cahu wama tirohca tí maca mari piti dahre buhechú. ⁹ Á coaa tia nümü noano coaa, pa nümü dacho macai ti pjacuri tí mahai coähahca. Á jia jipihtia yahpari macaina, jipihtia curuari macaina, jipihtia duseri durucuina tópe nümuri waro ti pjacurire ñurucuahca. Á ñurucuahca tópe nümuri waro ti pjacurire ya dutisi. ¹⁰ Ti á yariarina jichu ñua ahri yahpa macaina wahcheahca. Á wahchea

bose nūmāre yoaa, ti basi paye barore ã wanocaahca. Tina pñaro Cohamacu yare yahuina masare ñano yuhdachu yoarina jiri jire. 11 Ñ jia ti ã yariachu ñua wahche yuhduahca ahri yahpa macaina. 12 Baharo tina parí turi wahcárucu suahca. Ti ã wahcárucu súchu ñua jipihtina cui yuhduahca tinare. 13 Baharo tina pñaro muanopu tuaro durucuro coa tachu tóhoahca. Ó sehe ninohca tinare:

—Ópu múa taga múa —nino coa tarohca.

To ã nichu tóhoahca me curua watoi múa waahca. Ti yabirina cjiri ti múa jachu ñuhminohca. 14 Ti ã múa jachuta yahpa tuaro ñuhminohca. To ã ñuhmichu tí maca macaa wuhuse décima parte* boraa waahahca. Ñ jia yahpa ñuhmino mehne siete mil masa yariaa waahahca. Paina duhsaina sehe cuaa wahaa, Cohamacure múaano macarirore “Tuariro jira”, ni ño payoahca tirore.

14 Ahri jipihtia ti ã wahari baharo púa taha masa ñano yuhdu tuhsuina jiahca. Ti ã yuhduri baharocáta parí turi dóihta masa ñano yuhduahca tjoa.

Seis cornetarire ti putiri baharo pairo putiha

15 Baharo seis cornetarire ti putiri baharo pairo anjo to yariare putihre. To ã putichu muanopu tuaro durucua coa tahre. Ó sehe nia coa tahre:

“Mipu Cohamacu Cristo mehne ahri yahpa macaina bui púhtoa jiahca.

Ñ jia jipihtina bui púhtoa ã jirucuahca”, nia coa tahre. 16 Ñ yoa Cohamacu panoj púhtoa dujiapu dujiina veinticuatro Jesu yaina púhtoa Cohamacu panoj caha su, tirore ño payohre. 17 Ñ ño payoa ó sehe nihre:

“Sá púhtoro Cohamacu, tua yuhduariro jira múa.

Múa panopu ã jirucua tiri jire.

Mipu cühure ã jirucura múa.

Múa tuaa mehne masa ti púhtoro mu jirucachu

‘Noana’, nija múa.

* Una décima parte: Ói ‘décima parte’ to nichu, ó sehe jira. Diez wuhuse jichu, cù wuhu jira décima parte. Cien wuhuse jichu diez wuhuse jira décima parte.

18 Jipihtina ahri yahpa macaina muhure cahmaeraina
muhu mehne suamare.

Mipure tinare mu buhiri dahrehti pja jira.

Yariaina cuhure mu buhiri dahrehti pja jira.

Ã jiro mu yaina sehere noaare ti yoari wapare mu
wahti pja jira.

Câina tina muhure dahra cohtaina mu yare yahu
muhtaina jira.

Ã yoa tina, paina mu yaina mehne jipihtina muhure
ñó payoina jira.

Ã jicu puhtoare, wiho jiina cuhure mu yaina ti jiri
wapa noano yoaihca muhu.

Ã jiro ahri yahpa macainare dojomehne cohtainare
mu cohâhti pja jira mipure",

ni ñó payohre puhtoa Cohamacu.

19 Ti ã yoari baharo muano macari wuhu Cohamacu ya
wuhu to pjõori wuhu jihre. Ñ jina tí wuhu jiri carore ñuhi sã.
Tí caro puhichapu Cohamacu masare to dutiare joa õa pjini
tãa pjini sãahre. Sã ã ñuchuta orocasite muua, wupo pja muua,
soro jiro bisi muua, yahpa ñuhmi muua, co poca yusua poca
muanopu payu bora tahre.

Numinore pinono cuhure yahuha João

12 ¹ Baharo ahri yahpa to dohse wahahtore muanopu
ñohre. To ã ñori wiho waro jierara. Õ sehe ñu muhtahi:
Muanopu numinore ñuhi. Ticoro to suhtiro su dacho macariro
yoaro sehe si sitehre. Su ñami macariro bui ducuhre. Puhtoro
to pisari soro barore doce ñahpichoha poca cjhari sorore
pisaricoro ducuhre. ² Ñ ducuro mahanocã duhsahre to pohna
tihto. Ñ jiro ticoro sañurucuhre. ³ Baharo pari turi ñuhi
muanopu: Pjiriro pinonore sohâriore ñuhi. Siete dapu poca
tiriro jihre. Jipihtia to dapu poca puhtoa ti pisaa sorori barore
pisaa dapupoca jihre. Ñ jiro diez sahari tiriro jihre tiro. ⁴ To
pichõno mehne ñahpichoha pocare wahba siteroca borohre.
Jipihtia ñahpichohare dacho macabo cureroi wahba siteroca
borohre. Ñ jiro numino pohna tihticoro panoi ducuhre pinono.
To macunocã to bajuachu churo taro nimahre. ⁵ Baharocâta
cjua tuhsuhre wihârirocâre. Jipihtia yahpari macaina ti puhtoro
cjihto jihre tirocã. To ã puhtoro tuariro jichu, masa tirore
yuhdurucaa cõno pjasi. To ã masa bajuachuta Cohamacu to

dujiro cahapu tirocare naa wahcaa wahahre. **6** To ã yoachu numino sehe masa marienopu duhti wahcaa wahahre.

Cohamacu to cahnoyuriopu duhti wahcahre ticoro. Tópure mil doscientos sesenta dachori waro Cohamacu ticorore ñu wihiborohca.

7 Wahmanore muanopu cahma waja ducaa tiri jire. Miguel wama tiriro anjo to yaina anjoa cãhu pinono mehne cahmachea tiri jire. Ti ã cahmachechu pinono to yaina anjoa mehne Miguere cahmachea tiri jire. **8** ã yoa Miguel cãhu pinonore yuhdurucaaa tiri jire. ã jiro pinono yaina anjoa cãhure muanopu ji namo dutiera tiri jire. **9** ã jiro pjiriro pinonore cohãnocaa tiri jire Cohamacu. Tiro pinono watinota jiro nina. Satana wama tiriro jira. Panopu tiro pinono pjacu tiriro jia tiri jire. Tiro jipihtiro yahpa macainare mahñoriro jira. Tirore to yaina anjoa mehne muanopu jirirore yahpapu cohã boroa tiri jire.

10 Baharo muanopu sañurucuro coa tachu tuhohi:

—Mipure Cohamacu masare yuhduchu yoahre juna. Mipu pinihtare Cohamacu mari puhtoro jiro tahre to tuaare ñono taro. To warocariro Cristo cãhu to puhtoro jiare to tuaare ñohre jipihtinare. Watinore muanopu jirirore yahpapu cohã borohre. ã cohã bororo to tuaare ñohre Cohamacu. Tiro watino sehe dachoripe, ñaminipe Jesu yainare “Ahrina ñaina jira”, ni yahusãno niri jire Cohamacu. ã jiro mari coyeare Jesu yainare yahusãriro jiri jire. **11** Cristo Cordero wama tiriro to di cohãri mehne mari coyea Jesu yaina tirore wacu tuaina ti ñaa yoari buhirire cohãre tiro. ã wacu tuaina jia watinore yuhdurcare. ã yoa Cohamacu yare yahua, watinore yuhdurcare. To yare ti yahuri buhiri paina tinare ti waja duapachuta, tina cuieraa, Cristo yare duhuerare. **12** ã jina musa muano macaina wahchega. Watinore yahpapu to cohã borochu ñuna wahchega. Wiho mejeta ahri yahpa macaina, pjiri ma macaina cãhu pjacuoina wahanahca musa sehe. Ahri yahpapu tirore to cohã borori baharo musa cahapu jira watino. Tirore to buhiri dahrehto mahancã duhsara. ã jiro sua yuhdura tiro. Musa cahapu suro, pjacuoina musare tjuachu yoarohca tiro —ni sañurucuro coa tachu tuhohi.

13 Pinonore yahpapu to cohã borochu ñuno, pinono sehe numinore, wihiborohca pocorore nunu ti wahcahre. **14** ã jiro ticorore pjiriro cja to wu dupurire wahre Cohamacu, masa marienopu to wu duhti wahcahto sehe. Tópure to suri baharo

tia cuhma noano pa cuhma dacho maca waroi ticolorore ñu
wihibohre Cohamacu. To ã ñu wihibochu pinono ticolorore ñano
yoa masierare. **15** Tói to jichu ñuno pinono pjíro core cho
cohähre ticolorore muroca burochü yoaro taro. **16** To ã yoachu
yahpa sehe ticolorore yoadohohre. Pinono to dñseroi wijaa core
yahpa sehe wihibmi na pahñonocahre. **17** To ã wahachu ñuno
pinono sua yuhduahre. Å suaro caina ticolor panamana ji
turiaina mehne cahmacheno wahahre pinono. Tina sehe
Cohamacu dutiare yoaina jia, Jesu ya buheare noaa buheare
ne duhueraina jihre. **18** Å yoa pinono pjiri ma dñhtu cahai
ducuhre.

Puaro nucu macainare yahuha João

13 Å yoa nucu macarirore tí mai jirirore to wahcä
wihibchu ñuhi. Tiro sehe siete dapu poca, diez sahari
tiriro jihre. To sahari puhtoa ti pisaa sorori barore pisahre. To
dapu pocare to wamare joa õri dapu poca jihre. Tí wama to
ñari wama jichu ñu yabira Cohamacu. **2** Tiro nucu macariro
yairo dohroriro yoaro sehe bajuhre. Å jiro oso yoaro sehe
dahpori tiriro jihre. Yairo sohâriro pjiriro wuru yoaro sehe
dñsero tiriro jihre. Å yoa pinono sehe to tuaare wahre nucu
macarirore. Å waro tirore to puhtoro dujiroi cuno, tiro yoaro
sehe payu masare dutichu yoahre pinono nucu macarirore.
3 Cä dapu nucu macariro dapu ti wajamarilo dapu yoaro sehe
bajuhre. To ã bajupachuta to camino sehe yatia wahahre.
Tí dapu to caticchu ñu, cuaa wahahre jipihtina ahri yahpa
macaina. Å cuaa, nucu macarirore ño payohre. Å jia tiro mehne
macaina wahahre masa. **4** Å yoa nucu macarirore pinono to
tuaare to wachu ñu masa sehe tirore pinonore na tuhcua
caha su, ño payohre. Å jia nucu macariro cuhure na tuhcua
caha su, tirore ño payohre. Å ño payoa õ sehe nidre:

—Ne pairo mu yoaro sehe tuariro mariahna. Pairo muhure
ne yuhduhureca masierara —ni ño payohre masa nucu
macarirore.

5 Å yoa tiro nucu macariro “Tua yuhduhurecariro jija”,
to nipachuta Cohamacure to ñano durucupachuta ã
tuhotunocasinhre Cohamacu sehe. Å jiro cuarenta y dos sñri
waro tiro nucu macariro masare dutisnimahre. Tó purota to
puhtoro jihtore cüre Cohamacu. **6** Å jiro tiro Cohamacure ñano
durucuhre. To wamare, to wuhure, muanopu to jiro macaina

cūhure ñano durucuhre nucu macariro. 7 Ñ yoaro Cohamacu yainare cahma wajāno tinare yuhdūrūcahre. To ã yoapachuta ã ñunocasinhre Cohamacu. Cohamacu to ã yoa dutierachu yoaeeraboa. Ñ jiro jipihtina ahri yahpa macaina bui pñhtoro sñasanimahre nucu macariro. Jipihtina yahpari macaina bui, macari macaina bui, jipihtia dñseri durucuina bui pñhtoro sñasanimahre tiro. 8 Ñ jia jipihtina ahri yahpa macaina tiro nucu macariro panoi na tuhcua caha su tirore ño payohre. Ahri yahpare Cohamacu to bajuamehnehto pano to yaina cjihtire ã jirucuhtinare ti wamare joa õ tuhsua tiri jire. Tí tju to ã joa õri tju Cordero ti wajäriro ya tju jira. Tí tjui ti wamare joa õeraina dihta nucu macariore ño payohre.

9 Cahmori tiina jira musa. Ñ jina tñhoga. 10 Jipihtina Cohamacu yaina peresu wahahtina, baharo peresu wahaahca. Jipihtina tina ñosari pjí mehne ti ñosa wajäahtina, baharo tí pjí mehne yariaahca. Tíre masina mari Cohamacu yaina ñano yuhdúpanahta tirore cohäena tijihna. Ñ yoa tirore wacu tuarucujihna.

11 Baharo pairo nucu macariore ñuhi tjoa. Yahpa puhichapu jiriro to wijaachu ñuhi. Pua saharo oveja sahari yoaro sehe bajua sahari sahari tiriro jihre. Ñ yoa pinono yoaro sehe durucuhre. 12 Ñ jiro nucu macariro ji muhtariro sehe baharo jiriro sehere pñhtoro sôhre. To ã pñhtoro sôriro sehe jipihtia yahpari macainare ji muhtarirore ño payochu yoahre. Ji muhtariro nucu macariro ti wajamariro camino yatiriro jihre. 13 Ñ yoa baharo jiriro nucu macariro bajuamehneare yoahre masa ti ñu cuahto sehe. Ñ yoaro masa ti ñu rocaroi pichaca pjiri pichaca muanopu bora tachu yoahre. 14 Ñ yoa ji muhtariro to ñu rocaroi pairo nucu macariro sehe bajuamehnea mehne masare mahñohre “Ahriro musa ño payohtiro jira”, nino. Tiro masare mahñono, ji muhtariro masure masare yoa dutihre tirore ti ño payohto sehe. Tiro ji muhtariro ñosari pjí mehne ti ñosariro jiparota catiriro jihre. Tiro yoaro sehe bajuri masureta yoa dutihre pairo nucu macariro masare. 15 Ñ yoa baharo jiriro nucu macariro sehe ji muhtariro masure catichu yoahre masare to dutihto sehe. Ñ jiro tí masure ño payoerainare wajä dutihre masare masu sehe. 16 Ñ yoaro jipihtinare ti wamomacari poto bñhsehei ti wuhdua poca cûhure joa õ dutihre nucu macariro baharo jiriro. Wiho jiinare, pñhtoare, pache puare, pjachoinare, dahra cohtainare, dahra cohtaina

jierainare, jipihtinare ti wamomacarine ti wuhdua poca cahure joa õ dutihre. **17** Tiro ji muhtariro nuchu macariro to wamare, to númerore joa òerainare ne nuchu dutierare. Tuhsu, tinare dua dutierare. **18** Tíre noano wacu masiga musa. Túho masiina jina nuchu macariro to númerore noano ñu masiga. Tí número muño wama yoaro sehe jira. Tí número seis cientos sesenta y seis jira.

Cohamacu to yuhdachu yoaina cñota wahma basaare basaha

14 **1** Baharo Siõ wama tidu tucu bui ducuriore Corderore ñuhi. Tiro mehne ciento cuarenta y cuatro mil masa jihre. Tina to ya wamare to Pucuro ya wama cahure ti wuhdua pocare ti joa òrina jihre. **2** Tinare yu ñuchuta muanopu durucuro coa tahre. Pjiri poaye to bisiro sehetu wapo pjíro to bisiro sehetu bisiro coa tahre to durucua. Á yoa arpa wama tiare ti buaputeno sehetu bisiro coa tahre to durucua. **3** Tói puhtoro to dujiro cahai pititiaro soro bajuina, Jesu yaina puhtoa cahu paina jihre. Á jia tina panoi ciento cuarenta y cuatro mil masa ducuhre. Tói ducua cñota wahma basaare basaa nihre. Tí basaare tina dihta masihre. Ahri yahpai jiina ciento cuarenta y cuatro mil Cristo to yuhdachu yoaina dihta tí basaare masihre. **4** Ne tina cü tahacá numino mehne ñano yoaerare. Á yoa Corderore ñu cüina jia, to yare á yoarucuina jihre. Á jiro tinare ñaina mehne jiinare to yuhdachu yoahtinare naahre Cohamacu sehe. Á to yuhdachu yoarina jia, Cohamacu yaina cjihti, Cordero yaina cjihti cahu ji muhtaina jihre. **5** Tina mehne macaina ne cüiro mahñoriro mariahna. Á jia Cohamacu to tühotuchu ñaa buhiri marieina jihre tina.

Tiaro anjoa yahuroca boroha

6 Baharo muanopu wurirore anjore ñuhi. Tiro ahri yahpa macainare jipihtia curuari macainare, jipihtia duseri durucuinare, jipihtia yahpari macainare noaa buheare yahuhtiro jihre. Tí buhea ne cohtotaeraa, á jirucura. **7** Á jiro anjo sañurucuro õ sehe niroca borohre:

—Cohamacure cui, ño payoga. “Tua yuhduariro, noa yuhduariro jira”, niga tirore. Mipure tiro masare to buhiri dahrehti pja jiro nina. Tiro muanore, yahpare, pjiri mare, mári pohtari cahure yoariro jira. Á jina tirore na tuhcua caha su, wahche payoga —ni sañurucuhre anjo.

8 To ã niri baharo pairo anjo m̄uanopu w̄uriro õ sehe niroca borohre:

—Tinare cohānocahre. Pjiri maca Babilonia wama tiri maca macainare cohānocahre Cohamacu. Tina to cohārina sehe jipihtina painare ñano yoachu yoare. Masa tinare ñu cūa ñaare goa pjaa, tíre yoare. Cahaina vinore ti tuaro goa pjaro seheta tina ñaare tuaro goa pjare Babilonia macainare ñu cūa —ni yahuroca borohre pairo anjo.

9-10 Tina p̄haro anjoa ti ã niri baharo pairo anjo ti baharo w̄uriro õ sehe tuaro niroca borohre:

—Jipihtina nucu macarirore ño payoinare, to masure ño payoinare, ti w̄uhdua pocare, ti wamomacarine to wamare joa õrina cūhure buhiri dahrerohca Cohamacu. Tina mehne suaro, tina pinine tuaro waro buhiri dahrerucurohca Cohamacu. Nucu macarirore ño payoina jipihtina pichacapu wahaahca. Tópu tuaro purñohca tinare pichaca mehne, azufre wama tia mehne ti wijari pichaca mehne. Noaina anjoa, Cordero cūhu ti ñurocaroi ñano yuhduahca tina. 11 Tí pichaca ã me tirucurohca. Ne yatisi. Tinare ã purírucuchu yoara. Jipihtina nucu macarirore na tuhcua caha su ño payoinare ã purírucurohca. Dachoripe, ñaminipe ã purírucunocanohca. To masure ño payoina, to wamare ti joarina cūhu tó seheta ñano yuhduahca —niroca borohre anjo.

12 Ti ã ñano yuhduchu ñuna Cohamacu yaina to dutiare yoaina, Jesure cohāeraina jina, to yare duhuena tjiga. Ñano yuhdupanahta Cohamacu yare cohāena tjiga.

13 Baharo m̄uanopu yuhure durucuro coa tachu t̄uhohi. Õ sehe nihre yuhure:

—Ahrire joaga muhu. Cohamacu yaina tirore cohāeraina jina mipure m̄usa yariari baharopu cūhure wahcheina jira m̄usa —niroca borohre yuhure.

To ã niri baharo Espíritu Santo sehe õ sehe ni namohre tjoa:

—Ã tjira. Potocã tjira. Tina tuaro ti dahraare duhu, soahca. M̄uanopu ti wahachu noano ti yoarire wacūnohca Cohamacu. ã yoa ti ã yoari wapa tinare noano yoarohca. ã jia tina wahcheina jira —ni namohre Espíritu Santo.

Wese macaa toaa dichare mari bese nano seheta Cohamacʉ to yainare bese nanohca. Ñaina sehere soro bese daporohca

14 Baharo me curua yehseri curuare ñʉhi. Tí curua bui masʉno yoaro sehe bajuriro dujihre. Tiro uru soro pʉhtoro to pisari soro barore pisahre. Å yoa yoari pjī siori pjīne cjʉahre tiro. **15** Baharo pairo anjo Cohamacʉ wʉhʉi jiriro wijaa tahre. Å wijaa taro tuaro sañurucuhre me curua bui dujirirore:

—Mʉ yoari pjī mehne wese macaa dichare ahri yahpa macaa dichare dʉte naa pahñoga. Mipʉre to quihōri pja sʉra. Mipʉ dicha sehe sohā tuhsʉhre —nihre anjo.

16 To ã nichʉ tʉhoro to yoari pjī mehne ahri yahpa macaa dichare naa dʉcahre me curua bui dujiriro.

17 Baharo pairo anjo cʉhʉ mʉano macari wʉhʉi Cohamacʉ wʉhʉi jiriro wijaa tahre. Tiro cʉhʉ yoari pjī siori pjīne cjʉahre. **18** Å yoa pairo anjo altar cahapʉ jiriro wijaa tahre. Tiro sehe altar macari pichacare ñʉ wihiboriro jihre. Å wijaa taro yoari pjī siori pjīne cjʉarirore õ sehe ni sañurucuhre:

—Mʉ yoari pjī mehne ahri yahpai jiri wese, se wese macaa dichare naaga. Se sehe ñii tuhsʉhre —ni sañurucuhre.

19 To ã nichʉ tʉhoro anjo to yoari pjī mehne ahri yahpa macaa se tōhorine yihso nahre. To ã yoari baharo tí tōhorine se tōhorine to tʉ tihāhtoi cohāhre. To ã cohāriro sehetas Cohamacʉ tirore cahmaerainare tuaro suaro, cohānohca. **20** Tí maca dʉhtʉ cahai ti tʉ tihāhtoi tí se tōhorine tʉ tihāhre. Tóí ti tʉ tihāchʉ di wijaahre. Di ma yoaro sehe jihre tí di. Trescientos kilómetros yoari ma, cū metro noano pa metro dacho macai cʉāri ma jihre.

Masa ti ñano yʉhdʉhtore anjoa cū batoaha masare

15 **1** Baharo mʉanopʉ soro jirore ñʉhi. Tíre ñʉha masa cʉaa wahaca. Ahri yahpapure to dohse wahahtore marine ñohre. Å jiro tí wiho waro jia nierara. Õ sehe ñʉhi: Siete anjoa jihre. Cohamacʉ suaro, siete tahari masare buhiri dahre batoaro taro nihre. Å jia tina siete anjoa sehe buhiri dahre dutiro to cūhtina jihre.

2 Anjoare yʉ ñʉri baharo pjiri mare noano co sitiri ma yoaro sehe jiri mare ñʉhi. Tí ma pichaca mehne jiri ma jihre. Å yoa nʉchʉ macarirore to masʉ cūhʉre yʉhdʉrʉcainare ñʉhi.

Tina to wamare to númerore c̄juaeraina jihre. Tina yu ñuchu pjiri ma co sitiri ma dūhtu cahai ducuhre. Tóí ducuina arpa wama tiare b̄uaputēare c̄juahre. Tí b̄uaputēa Cohamacu to wari jihre. 3 Á jia Cohamacure dahra cohtariro Moise c̄jiro ya basaare c̄ñota basaa nihre tina. Cordero ya basaa c̄uhure basaa nihre. Ó sehe ni basahre:

“Sā p̄uhtoro m̄uhu Cohamacu tua yuhduariro jira.
M̄u yoarire ñuna ñu c̄uaa wahaja sā.
M̄u yoari noa yuhduara.
M̄uhu jipihtia yahpari macaina bui p̄uhtoro jira.
Noano mahñono marieno, quihōno yoarucura m̄uhu.

4 Jipihtina m̄uhure wahche payoahca.
Jipihtina m̄uhure ‘Tuariro jira’, niahca.
M̄uhu dihta ñaa marieriro jira.
Jipihtia yahpari macaina m̄u cahapu sua, na tuhcua
caha su, m̄uhure wahche payoahca.

Áta yoahca tina jipihtina noano m̄u yoarire ñua”,
ni basaa nihre tina.

5 Baharo m̄uanopu ñuroca m̄osch, Cohamacu wuhure pjöori wuhure ñahi. Tóí Cohamacu to ya tahtia waroi to dutia to joaa pjini tāa pjini ti wihibori pjini jihre. **6** Tí wuhure yu ñuchu siete anjoa tí wuhu puhichapu jirina wijaa tahre. Tina Cohamacu to buhiri dahre dutiro to c̄uhtina jihre. Tinape ti buhiri dahrehtire c̄juahre tina siete anjoa. Noaa suhti, wete maria suhti, si sitea suhti tiina jihre. Á jia ti cutiro bui uru cahsaro mehne tūā dihorina jihre. **7** Tí wuhupu jirina ti wijaa tachu pititiaro soro bajuina mehne macariro tinare siete anjoare siete uru wahwarire wahre. Tí wahwari Cohamacu sua to buhiri dahrehti mehne noano wahpaa wahwari jihre tí wahwari. Tiro Cohamacu á jirucuriro jira. **8** To á wachu Cohamacu wuhu puhichapu to si sitea mehne to tuaa mehne me ti sahsea wahahre. To á me wuhu wahachu ne masa tí wuhure sāa masierare. Siete anjoare Cohamacu buhiri dahre dutiro to c̄uriro seheta masare ti buhiri dahre batoari baharo pari turi tí wuhupu sāa masina tjoa. To buhiri dahreto pano sāa masierare.

Cohamacu masare to buhiri dahrehtore yahuha

16 1 Baharo Cohamacu wehui tuaro durucuro coa tahre. Siete anjoare yahuro nihre:

—Siete wahwarihi posa tiare yahpapu pio siteroca borona wahaga. Yahpa macainare Cohamacu to niriro sehetu buhiri dahresiniga mipure —ni durucuro coa tahre.

2 To ã nino coa tachu tuhoro ji muhtariro anjo to cjuari wahwai posa tiare yahpapu pio siteroca borohre. To ã pio sitechu nucu macariro wamare joa õrina, to masure ño payoina ñano cami tihre. Tí cami tuaro puríhre tinare.

3 To ã pio siteri baharo pairo anjo tjoa to cjuari wahwai posa tiare pio siteroca borohre tjoa pjiri mapu. To ã pio sitechuta tí ma di ma wahahre. Yariariro di yoaro sehe jihre tí di. ã wahachu tí ma puhichapu jiina yaria pihtia wahahre.

4 Puharo ti ã pio siteri baharo pairo anjo tjoa to cjuari wahwai posa tiare pio siteroca borohre tjoa máripu, tí mári pohtaripu cuhare. To ã pio sitechu mári di mári dihta wahahre.

5 To ã wahachu ñuno pairo anjo márire cohtariro õ sehe nihre:

—Cohamacu muhu ñaa marieriro jira. Mipu cuhare ã jirucuriro jira muhu. Panopu cuhare ã jirucua tére muhu. ã jicu masa ti ñano yoachu nucu quihõno tinare buhiri dahrehre muhu. Di márime yoachu noano yoahre muhu. 6 Nucu macariro yaina sehe mu yainare waj  a, di coh  chu yoahre. Mu yare yahuina cuhare waj  a, di coh  chu yoahre. Ti ã waj  ri buhiri mári di mári wahahre. ã yoa tinare dire mu ã sihnichu yoachu noa nina. Õ sehetu mu yoachu cahmahre tina —nihre márime cohtariro anjo.

7 To ã niri baharo altarpu durucuro coa tahre:

—Ã tjira. Cohamacu s   suhtoro tua yuhduariro jira muhu. Mah  nono marieno, quihõno masare bese, buhiri dahrera muhu —ni durucuro coa tahre.

8 Tiaro anjoa ti pio siteri baharo pairo anjo to cjuari wahwai posa tiare pio siteroca borohre tjoa s   dacho macariro bui.

To ã pio sitechuta s  re masare tuaro sichu yoahre Cohamacu.

9 ã jiro s   dacho macariro masare tuaro sihre. ã jia Cohamacu tinare to buhiri dahre dutichu masia, tirore ñano durucuhre masa. ã ñano yuhdupahta Cohamacure maca duaerare.

Cohamacure “Tuariro jira”, ni wahche payo duaerare.

10 Pititiaro anjoa ti pio siteri baharo pairo anjo tjoa to c̄jari wahwai posa tiare pio siteroca borohre tjoa nuc̄ macariro to dujiro bui. P̄htoro dujiro jihre to dujiro. To ã pio siteri baharo nuc̄ macariro to yaina ti jiri yahpap̄ nahitianio wahahre. ã jia to yaina masa ñano purích̄ bahca dihohre. **11** Tinare ñano purípach̄ta, ñano cami tipahta, ne ti ñaa yoarire cahyaerare. ã yoa tére duhuerare. ã jia Cohamac̄ tinare to cami dahrech̄ masia tirore m̄ano macariore ñano durucuhre.

12 C̄ wamomaca pihtiina anjoa ti pio siteri baharo pairo anjo tjoa to c̄jari wahwai posa tiare pio siteroca borohre tjoa Eufrates wama tiri ma pjiri map̄. To ã pio sitech̄ta tí ma sihbi cahaa wahahre. S̄a m̄ja taro macaina p̄htoa ti yaina masa mehne tí máre ti pahā tahto sehe ã yoahre.

13 Baharo tiaro watia tamaro b̄cuna yoaro sehe bajuinare ñuhi. C̄iro pinono puhichap̄ jiriro to d̄userop̄ wijaa tahre. Pairo watino nuc̄ macariro d̄userop̄ wijaa tahre. Pairo watino “Cohamac̄ yare yahuriro jija”, ni mahñoriro d̄userop̄ wijaa tahre. **14** Tina tiaro watia bajuamehneare yoaina jihre.

Jipihtiro macaina p̄htoare cahmachuch̄ yoahre tina cahma wajā dutia taa. Ti ã cahma wajāhti dacho Cohamac̄ tua yuhd̄uariro jipihtinare to dutihti dacho, pihtihti dacho jira.

15 Ó sehe nihre Jesu: “Ñuga m̄sa. Yacariro wacuenoca to yacaro taro seheta yuhu cūhu wacuenoca taihtja. Yū tahtore noano cohtariro wahcheriro jirohca. To yare noano cahnoriyo, to suhti sāariro jira wahcheriro. ã yoariro jiro yū tach̄ b̄o tisi tiro suhti marieriro yoaro sehe jieraro”, nihre Jesu.

16 Baharo tiaro watia yahpari macaina bui p̄htoare cahmachuch̄ yoahre tinare. Ti cahmachuno Hebreo ya d̄usero mehne “Armagedon” wama tihre.

17 Seis anjoa ti pio siteri baharo pairo anjo tjoa to c̄jari wahwai posa tiare me curuari cahap̄ pio siteroca borohre tjoa. To ã pio siteri baharo p̄htoro dujirop̄ Cohamac̄ wāhui jiri dujirop̄ tuaro durucuro coa tahre:

—Tó puro tjica —nino coa tahre.

18 To ã nich̄ta orocasite m̄a, w̄po pja m̄a, soro jiro bisi m̄a, cuaro yahpa ñuhmihre. Ahri yahpai masa ti ji d̄ucari baharo ne tó sehe ñaca yahpa ñuhmiera tihre. Paye ñuhmia yuhdoro cuaro yahpa ñuhmihre. **19** ã to ñuhmich̄ pjiri macare tia maha yihti m̄aa wahahre. ã jia b̄j̄a macari ahri yahpai jia macari boraah wahahre. ã jiro Babilonia wama tiri maca pjiri

maca macainare wacūhre Cohamacu tinare buhiri dahrero taro. Ti ñaare yoari buhiri tina mehne tuaro suahre. A suaro tinare tuaro buhiri dahrehre. **20** To ã yoachu jipihtia nucopo, tūyucu cūhu cohō pihtia wahahre. A jia ne mariahre. **21** A yoa bñuña poca co poca yñsha poca yahpapu masa bui bora tahre. Jipihtia poca co poca cuarenta kilos nucua poca jihre. Tina bui ti ã bora tachu Cohamacu masare to tuaro buhiri dahrechhu masia ñano durucuhre masa Cohamacure.

**Múa mehne ñano yoarucuricorore ñabiaro
yoaricorore buhiri dahre dutirohca**

17 **1** Baharo siete wahwarire cjuaína anjoa mehne macariro yu cahapu wihiro õ sehe nidre yuhure:

—Ñui taga. Payu mári bui dujiricorore múa mehne ñano yoarucuricorore ñabiaro yoaricorore Cohamacu to buhiri dahrehtore ñuihcá mthu. **2** Ahri yahpa macaina pñhtoa ticoro mehne ti ñano yoaboro seheta ticoro yoaro seheta yoare tina. Cohamacu ya sehere cahmaerare. Ahri yahpa macainare to cahachu yoaboro seheta tina mehne to ñano yoaboro seheta ticoro masare ñaare goa pjachu yoare. A yoaro ñaare yoachu yoare masare —ni yahuhrre anjo yuhure.

3 To ã niri baharo Espíritu Santo sehe to bajuamehneare yuhure ñohre. Anjo sehe masa marienopu naahre yuhure. Tói numinore ñuhi. Ticoro nucu macariro sohåiro bui pisaricoro jihre. Nucu macariro sehe to pjachu payu wama ti joa õriro jihre. Tí wama ñaa wama Cohamacu to ñu yabia wama jihre. A yoa siete dapu poca tiriro, diez sahari tiriro jihre nucu macariro. **4** Tuhsu, numino sehe noano yahsaa suhti pñhtoa ti sää suhti sehe jiare sãaricoro jihre. Sohää suhti cñhure sãaricoro jihre. Payu urure, wapa tia tãare, perla yapari cñhure õa suhtire sãaricoro jihre ticoro. Uru wahware cjuaíre ticoro. Tí wahwai posa tia ñaa to yoari jihre. Múa mehne ñano yoaro pjíro ñano yoahre ticoro. Tí ñaare ñu yabira Cohamacu. **5** To wuhduai to wama ti joa õricoro jihre. Tí wamare noano masieraja mari. Tí wama piti dahre buheri wama jira. Ahri jira tí wama: “Pjiri maca Babilonia wama tiri maca jira. Jipihtia ñaa yoaare goa pjaare yoa dñcaricoro, Cohamacure cahmaerachu yoaricoro jira” ni, to wuhduai ti joa õricoro jihre. **6** A jichu ticoro payu Cohamacu yainare wajäricoro to jichu masihi. Cahaare to wahchero seheta tinare wajño ti di

cohâchü wahchehere ticoro. Jesu yare ti yahuri buhiri ticoro wajähre tinare. Ticorore ñucü, ñü cüaa wahahi.

7 —¿Dohseacü mühü ñü cüaa waharide? —nihre anjo yuhure—. Mu masierarire mühüre yahuhihtja. Numinore mühüre yahuhihtja. To pisariro cähüre yahuhihtja. Tiro nucü macariro, siete dapu poca tiriro, diez sahari tiriro jihre. 8 Tiro panopü jiriro jire. Mipüre mariahna tiro. Baharo tiro cüäri copapü jiriro wijaa tarohca. To ã wijaa tari baharo pichacapü waharohca. Ahri yahpa macaina tirore ñü cüa, ño payore tirore. Ahri yahpa to jihto pano Cohamacü to yaina cjihtire ã jirucuhtinare ti wamare joa õa tiri jire. To joa õeraina jire nucü macarirore ño payoina. Tiro sehe panopü jia tiri jire. Mipü sehere mariahna. Baharo pari turi bajuaroohca tjoa. ã jia to bajuachü ñü masa tirore ñü cüaa wahaahca.

9 'Mipüre yü yahuhtire masi duana, noano tühonahca müsa. ã yoana noano masiina jiga. Nucü macariro dapu poca siete dapu poca siete tüyucü jira, mari piti dahre buhechü. Tí tüyucü bui pisara ticoro müa mehne ñano yoarucuricoro. Tí dapu poca siete pühtoa yoaro sehe jira, mari piti dahre buhechü. Payü masa bui pühtoa jira. 10 Cinco pühtoare cohä tuhsüre. Pairo tina baharo jiriro pühtoro jira mipüre. Pairo sehe baharo pühtoro sääanohca. ã sääno mahancä pühtoro jirohca tiro. 11 ã jiro nucü macariro panopü ji muhtariro, mipü marieriro tina siete pühtoa baharo pühtoro jirohca. Siete pühtoa mehne macariro jira. Baharo pichacapü waharohca.

12 'Nucü macariro sahari diez sahari diez pühtoa yoaro sehe jira mari piti dahre buhechü. Payü masa bui pühtoa jira. Tina pühtoa sääerasinihire. Baharopü pühtoa sää mahancä pühtoa jiahca. Yoari pja ji dutisi tinare. ã pühtoa jia nucü macariro mehne pühtoa jiahca. 13 Tina diez pühtoa cüño potori tühotuina jira. Tina nucü macarirore ti ya yahpari macaina bui pühtoro sôahca. 14 ã jia Cordero mehne cahma wajähahca. Ti ã cahma wajäpacchüta Cordero to beseina mehne tirore ne cohäeraina mehne tinare yuhdärücaahca. Tiro jipihtina paina pühtoa bui pühtoro jira. ã jiro tinare yuhdärücarohca —ni yahuhre yuhure anjo.

15 Ahrire yuhure yahu namohre anjo:

—Müa mehne ñano yoarucuricoro mári bui dujire. Tí mári ahri yoaro sehe jira mari piti dahre buhechü: Yahpari macaina, payü curuari macaina, payü duserire durucuina yoaro sehe

jira tí mári. **16** Nucu macariro, diez púhtoa mehne muá mehne ñano yoarucuricorore ñu yabiahca. Tina diez púhtoa nucu macariro mehne ticoro yare ma pahño, suhti marienicoro cohähahca ticorore. Å yooa to pjacure chuhahca. Ti ã yoari baharo ticorore jü pahñoahca. **17** Tina diez púhtoa cüno potori tühotua nucu macarirore ti ya yahpari macaina bui púhtoro sôahca. Tinare ã yoachu yoare Cohamacu, to cahmano seheta yoaro taro. Å jiro nucu macariro sehe púhtoro jirohca. Jipihtia Cohamacu panopu to yahuriro seheta to yoari baharo nucu macarirore cohänöhca. **18** Ticoro mu ñüricoro mehne õ sehe ni piti dahre buhera: Ticoro pjiri maca Babilonia wama tiri maca yoaro sehe jira. Jipihtina paina púhtoa bui jira tí maca macaina —nihre anjo yuhure.

Babilonia wama tiri maca to cohäri maca jira

18 **1** Baharo paro anjo muanopu dujiariore ñuhi. Tiro púhtoro waro jihre. To si sitea jipihtiropu noano buhria sahsea wahahre. **2** To ã dujiari baharo õ sehe ni tuaro sañurucu yahuhre:

—Cohäri jihre. Babilonia wama tiri maca pjiri maca macainare cohäri jihre. Mipure watia, payu ñaina pjacu bajueraína cühu tí macai jia nina. Ñaina baro wahiquina wüina peri cühu masa ti ñu yabiina tí macai jia nina. **3** Jipihtia yahpari macaina tí maca macainare ñainare ñu cüa, tina cühu ñano yoare. Å yoa yahpari macaina bui púhtoa tí maca macaina numia mehne ñano yoare. Ticoro ã muá mehne ñano yoarucuricoro jiro wapa tiare nuchuá tire. Pjíro to ã nuchuchu ahri yahpa macaina pache duaina pjíro wapatare —ni yahuhre anjo.

4 Baharo pari turi muanopu durucuro coa tahre. Õ sehe nihre:

—Yu yaina ahricoro muá mehne ñano yoarucuricoro mehne jieno tjiga muá. Ticoro mehne muá jichu muá cühure buhiri dahrerohca. Å jina to ñano yoaare ñu cüena tjiga. **5** To ñano yoari payu jinocahna. To ñano yoarire pari tju mari duhu payo muochu tí tju sehe muanopu wahá sunocaboa. Å jia to ñano yoari payu jinocahna. Å jiro to ñano yoarire wacüna Cohamacu. Å wacüno ticorore buhiri dahre dutirohca. **6** Ticoro tuaro to buhiri dahreroticoro jijaro. Masare to ñano yoachu yoariro seheta ticoro cühure ñano yuhduchu yoajaro.

Masare ã ñano to yoariro sehetá tí yahdoro ticolorre ñano buhiri dahrejaro. ⁷ Ticoro “Noaricoro jija”, ni tñhotumare. Ñ ni tñhoturo, wapa bñjñare pjíro cñjare ticoloro. To wapa bñjñare pjíro to cñjaro purota ticolorre pjíro ñano yahdachñ yoajaro. Tó purota ticolorre cahyachñ yoajaro. To basi õ sehe ni tñhotumana ticoloro: “Ói pñhtorocoro yoaro sehe jiricoro dujija. Wapewahyoro jieraja. Ñ jico ne ñano yahdusí yuhñ”, ni tñhotumana ticoloro. ⁸ Ñ ni tñhoturicoro to jichñ wacñenoca ticolorre buhiri dahreto jirohca. Ticoro dohati, yariainare yahco tii, jñca barohca. Tuhsñ, ticolorre jñ borohca. Mñsa pñhtoro Cohamacñ ticolorre buhiri dahre dutiro tua yahdñariro jira. Ñ jiro tó sehetá yu niriro sehetá ticolorre buhiri dahre dutirohca —nino coa tahre mñanopñ.

⁹ Ñ jia ticoloro yoaro sehe jiri macare Babiloniare Cohamacñ to buhiri dahreri baharo ahri yahpa macaina pñhtoa tuaro cahya, tñiahca. Tí maca macaina mehne ñano yoaina jire. Ñ jia tñ maca to jñchñ ñña tñiahca tina. ¹⁰ To ñ jñchñ ñña tina pñhtoa yoaropñ ññrocarucuahca, “Mari cñhñre buhiri dahreri”, nia. Tó ññrocarucua õ sehe niahca:

—Cue, pjacuori maca jira, Babilonia. Sí maca pjiri maca tuari maca jimahre. Wacñenoca sí macare buhiri dahrehre —niahca tina.

¹¹ Jipihtiropñ macaina pache duaina tí macare ñña tuaro cahya tñiahca. Tí maca to pihtichñ ñña, ti pachere nuchñina mariachñ ñña cahyaahca tina. Ñ jia tñiahca. ¹² Ti na tarire urure, platare, wapa bñjñaa tñare, perla wama tia poca cñhñre nuchñina mariahca. Ñ yoa paye ti na tarire cñjire suhti noaa suhtire, yahsaa suhti pñhtoa ti sña suhti yoaro sehe jia suhtire, seda wama tia suhtire, sohñaa suhtire nuchñina mariahca. Ñ yoa paye ti na tarire yucñri me sitia yucñrire nuchñina mariahca. Ñ yoa paye ti na tarire marfil wama tiro mehne ti yoarire, wapa bñjñaa yucñri mehne ti yoarire, bronce wama tiri comaa mehne ti yoarire, comaa mehne ti yoarire, marmol wama tiro mehne ti yoarire nuchñina ne mariahca. ¹³ Ñ yoa paye ti na tarire canela wama tiare ti chñare coachñ yoaare, paye ti chñare coachñ yoaare, inciensore, mirra wama tia me sitiare, paye me sitiare nuchñina mariahca. Ñ yoa paye ti na tarire vinore, chñ waajaa sere, trigo pohcare noano ti sñhaweri pohcare, trigo yaparire, wachñare, corderoare, cawaloare, tunua bñso cawaloa ti wajaa bñsore nuchñina mariahca.

Dahra cohtainare nuchu tinare cjuaina cāhu mariahca. Masa ti jipachuta tinare nuchuina jimahre. Mipure mariahca. Ā jia cahyaahca pache duaina. 14 Ā jia ò sehe niahca tina tí maca macaina cjirire:

—Ade, ñacaro wahajari. Jipihtia musa cahīri cjiri pihtia wahahre. Ā yoa jipihtia noaa musa cjuari cjiri pihtia wahahre. Ā ti pihtia wahachu tére pari turi bocasi musa —niahca pache duaina.

15 Tina tí macare pachere duaa, pjíro wapatamare. Ā jia tina tí macare yoaropu ñurocarucuahca, “Mari cāhure buhiri dahreri”, nia. Ā ñurocarucua tí macare tuaro cahya, tiahca.

16 Ò sehe niahca tí macare:

—Cue, pjachoina jira sí maca pjiri maca noari maca macaina cjiri. Sí maca numino yoaro sehetu noaare cjuahre. Numino sehe noaa suhtire, yahsaa suhti puhtoa ti sāa suhti yoaro sehe jia suhtire, sohāa suhti cāhure sāahre. Ā yoa uru, wapa bujuá tāa, perla wama tia poca òa suhtire sāahre. Tó sehetu yoahre sí maca macaina. 17 Ā jia wacuenoca sí maca buti pihtia wahahre —niahca tí macare.

Ā yoa jipihtina dohoa buso mehne tiniina, tí buso pua, ti mua, paina pjiri mapu dahra wapataina cāhu tí macare yoaropu ñurocarucuahca. 18 Tóí ñurocarucua tí macare to jūchu ñua ò sehe ni sañurucuahca:

—Noaa macari sí maca yoaro sehe jia macari ne paye macari mariahna —ni sañurucuahca tina.

19 Ā cahyaina jia ti dapu poca bui dihtare ore payoahca. Ā jia tuaro yahco tia ò sehe niahca:

—Cue, pjachoina jira sí maca macaina cjiri. Noari maca jimare. Jipihtina dohoa buso cjuaina pjiri mapu tiniina sí maca macaa pache mehne noano wapatamahi mari. Ā yoa dóihita sí maca macaa buti pihtia wahahre —niahca buso macaina.

20 Tí macare to cohāchu ñuna wahchega musa muano macaina. Cohamacu yaina, Jesu to cūrina, to yare yahu muhtaina jipihtina musa wahchega. Tí maca macaina musare ñano yuhduchu yoare. Ti ã yoari buhiri buhiri dahrehre Cohamacu. Ā jina wahchega musa.

21 Ā yoa tuariro anjo pjiria tācare arēni solo puro jiria tācare na wahcō, pjiri mapu doca ñohre. Ā doca ñono ò sehe nihre:

—Ahria tāca to bora ñojariro seheto pjiri maca Babilonia wama tiri maca tuaro boraro bisirohca. To ã borari baharo tí macare pari turi ñusi masa. **22** Tí macare butia wahachü yoarohca. Á jia tí macai basaare mūsa basarucuriro sehe ne coa tasi. Arpa wama tiare mūsa bñapñterucuriro sehe, flauta wama tia pocare, corneta cñhure mūsa putirucuriro sehe pari turi tí macai coa tasi. Á yoa tí maca mariachü pari turi tí macai dahraina dahrasi. Á yoa tāca mehne mūsa soari cñhure tñhomahnosi. **23** Ne tí maca to buhria coäriro sehe ne jisi. Á yoa wamomaca dñhteina mūsa bose nñmure mūsa dahreriro sehe pari turi ne coa tasi. Tí maca macaina pache duaina nuchüina mehne paina yñhdoro cñahre mūsa. Á jina yaya wijõ wijiiina yoaro sehe yoana jipihtiro macainare mahñohre mūsa. Mūsa á yoarire ñu cña, Cohamacü sehere cahmaerare masa —nihre tuariro anjo.

24 Tí maca macaina Cohamacü yare yahu muhtainare paina to yaina cñhure jipihtiro macainare wajäri jire.

19 **1** Babilonia to dohse wahahtore yu ñuri baharo mñanopü payü masa sañurucua coa tahre yu tñhochü. Ó sehe ni sañurucuhre:

“Aleluya.

Cohamacüre noano durucujihna.

Cohamacü marine yñhdüchü yoariro jira.

Tirore noano ño payojihna.

Tua yñhdüariro jira tiro.

2 Mahñono marieno quihöno masare buhiri dahrera tiro.

Ñaricorore múa mehne ñano yoarucoricorore ñu cña jipihtiro macaina, ahri yahpa macaina ñano yoahre.

Ticoro sehere buhiri dahrehre Cohamacü.

Á jiro tirore dahra cohtainare ticoro to wajäri buhiri buhiri dahrehre tiro”,

ni sañurucua coa tahre.

3 Pari turi sañurucua coa tahre:

“Aleluya. Cohamacüre noano durucujihna. Tí maca ñari maca to jüri maca á me tirucurohca”,

ni sañurucua coa tahre.

4 Á yoa veinticuatro Jesu yaina pñhtoa, pititiaro soro bajuina mehne na tuhcua caha sú, Cohamacüre to dujiroi

dujirirore wahche payohre. Õ sehe ni wahche payohre tina: “Amén. Aleluya. Ñ tjira. Cohamacure noano durucujihna”, nihre tina.

5 Baharo p̄ahtoro dujiropu õ sehe nino coa tahre:

“Mari p̄ahtoro Cohamacure wahche payoga.

Tirore dahra cohtaina, tirore ño payoina, wiho jiina,
p̄uhtoa cūhū jipihtina m̄usa tirore noano
durucuga”,

nino coa tahre.

**Cordero to wamomaca d̄uhetehti n̄um̄u
bose n̄um̄ure yahuha João**

6 Baharo payū masa ti durucuchū t̄uhohi. Pjiri poaye, w̄apo mehne to bisiro coa taro seheta durucua coa tahre yū t̄uhochū:

“Aleluya.

Cohamacure noano durucujihna.

Tiro mari p̄ahtoro sehe p̄ahtoro sāa tuhsure.

Tua yuhduariro jira tiro.

7-8 Cordero to wamomaca d̄uhetehti pja jira mipure.

To wamomaca d̄uhetehticoro noano ti cahno
tuhsūricoropū jira.

Ticorore noari suhtiro wete marieni suhtirore
wahre.

Tí suhtiro Cohamacū yaina noaare ti yoari yoaro
sehe jira, mari piti dahre buhechū.

Ñ jina ti wamomaca d̄uhetehti pja to jichū
wahchejihna mari.

Cohamacure ‘Tua yuhduariro jira’, nijihna”,
ni durucua coa tahre.

9 Ti ñ niri baharo anjo õ sehe nihre yuhure:

—Ahrire joa naga: “Cordero to wamomaca d̄uheteri n̄um̄u
bose n̄um̄ure to pjirocarina wahcheina jira”, ni joa naga
—nihre anjo yuhure.

Ñ ninota õ sehe ni namohre:

—Potocā tjira ahri yū yahuri. Cohamacū ya durucua jira
—ni namohre yuhure.

10 To ñ nichū t̄uhocuta tiro panoi na tuhcua caha s̄u, tirore
ño payoi tai nimahi. Yū ñ yoai cahachū waro õ sehe nihre tiro
yuhure:

—Tíre yoai tjiga. Mu yoaro sehetá yuhu cuhu Cohamacure dahra cohtariota jija. Mu coyea Jesu yaina jipihtina to ya buheare duhueraina yoaro sehe yuhu cuhu Cohamacure dahra cohtariota jija. Å jicu Cohamacure na tuhcua caha su, tiro sehere ño payoga —nihre anjo yuhure.

Cohamacu yare yahu muhtaina cjiri panopu macaina Espíritu Santo to yoadohoro mehne Jesu ya buheareta yahuyua tiri jire.

Cawalo yehseriro bui pisariore yahuha João

11 Baharo muano parí muá wahachu ñuhi. Tói cawalo yehseriro jihre. Tiro bui pisariro õ sehe wama tihre: To niriro sehetá yoariro potocã yoariro wama tihre tiro. Quihõno masare ñaina, noainare bese, tirore ñu tuhtiina mehne cahma wajána. 12 To capari picha pohna yoaro sehe jihre. Å yoa to dapui payu puhtoa pisaa sorori jihre. Å jiro to pjacui wama joa õriro jihre. Tí wamare tiro dihta masihre. Paina masierare. 13 To sáari suhtiro yoari suhtiro di wahári suhtiro jihre. Tiro õ sehe wama tihre: Cohamacu ya duserore yahuriro wama tihre tiro. 14 Å jia to yaina surara muano macaina tiro baharo wahare. Yehseina cawaloa bui pisaina noano yehsea suhtire, wete mariea suhtire sáaina jihre. 15 To duseroi ñosari pjíne siori pjíne cuhcuhre. Tí pjí yahpari macainare to yuhdúruchahti pjí jihre. Å jiro to tuaa mehne to dutichu ne cüiro tirore yuhdúrucaro bihosí. Cohamacu tua yuhdúrario payu yahpari macaina mehne sua yuhdúara. To å suachu cawalo bui pisariro tinare tuaro buhiri dahrerohca. 16 To suhtiroi, to ñuchuca cuhure ahri wamare joa õri jihre: “Jipihtina paina puhtoa bui puhtoro”, ni joa õri jihre.

17 Baharo su siroi ducuriore anjore ñuhi. Jipihtina muanopu whinare yucaa perire sañurucu muohre tiro. Ó sehe ni tuaro sañurucu muohre:

—Cahmachuna taga. Cohamacu to bose nümui chuna taga. 18 Payu yahpari macaina bui puhtoare, surara puhtoare, surara perire, cawaloare, tina bui pisainare, jipihtina paina masare, dahra cohtainare, dahra cohtaina jierainare, paina puhtoare, wiho jiinare tina jipihtina ti pjacuri cjirire chuna taga —nihre anjo yucaare.

19 Baharo nuchu macariore, ahri yahpa macaina bui puhtoa ti surara peri cuhure ñuhi. Tina cahmachuhre cawalo bui

pisariro mehne to yaina surara peri mehne cahma wajāa taa.

20 Ti ã cahma wajāchã cawalo bui pisariro nãcã macarirore peresu yoahre. Pairo “Cohamacã yare yahu mãhtariro jija”, ni mahñoriro cãhure peresu yoahre. Tiro mahñoriro sehe nãcã macariro to ñuñocaroi bajuamehneare yoariro jihre. To bajuamehnea mehne nãcã macariro to wamare wahainare to masure ño payoinare mahñohre “Ahri Cohamacã ya jira”, nino. Tina puarore to peresu yoari baharo tinare catiinareta pichacapã cohähre. Tí pichaca pjiri ma puro jiri pichaca pjiri pichaca azufre mehne jãri pichaca jihre. **21** ã jiro dãhsainare ti surara peri cjirire ñosari pjã mehne to dãseroi jiri pjã mehne wajähre cawalo bui pisariro sehe. ã to wajäri baharo yucaa peri ti pjacuri cjirire chã, yapi yuhdua wahahre.

Mil cãhmari waro Cristo to yaina mehne masare dutirohca

20 **1** Baharo pairo anjo muanopã to dujia tachã ñühi. Cãäri copa macari sawire, pjiri da, comaa da cãhure cjuahre tiro. **2** ã duji wihiro pinonore ñahahre tiro. Tiro pinono panopã pinono sehe pjacã tiriro jiro, watño Satana wama tiriro jihre. Tirore ñahano tirore dãtehre mil cãhmari waro peresu yoaro taro. **3** ã dãte tuhsã, cãäri copapã cohähre tirore jipihtia yahpari macainare mil cãhmari waro to mahñerahto sehe. ã cohã tuhsuro tí copare biha, wihtã ñahanocahre. ã jiro mil cãhmari baharo pari turi mahaa dachoricã tirore wiosininohca.

4 Baharo pãhtoa dujiare ñühi. Tí dujiai dujiina cãhure ñühi. Tinare masa bui dutihtinare cûhre Cristo. Paina cãhure ñühi. Tina sehe Jesu yare Cohamacã yare ti yahuri buhiri ti dapu pocare dãte cohãrina cjiri jihre. Nãcã macarirore to masã cãhure ne na tuhcua caha sã ño payoerare. ã yoa ti wãhdãa pocare ti wamomacari cãhure to wamare joa õ dutierare tina. ã jia paina tinare ti wajäri baharo masaa wahahre tjoa. Masahre tina mil cãhmari waro Cristo mehne pãhtoa jia taa. **5** Paina Cristo yaina yariaina cjiri sehe masaerasinire. Ti wajärina ti masari baharo mil cãhmari pãhtoa ti jiri baharo paina cãhu masaa wahaahca. ã jia ti wajärina cjiri Cristo yaina to baharo masa mãhtaina jihre. **6** To maso mãhtaina sehe tuaro wahcheina jiahca. ñaa marieina jiahca tina. ã jia pichacapã wahasi tina. Masa pichacapã wahaa, pari turi ti yariaro sehe wahara. ã jia tina to maso mãhtaina pichacapã

wahaerara. Tina yaria masa muhtaina sacerdotea jiahca, Cohamacure, Cristo cahure ño payoa taa. Á jia mil cahmari waro Cristo mehne masa bui pahtoa jiahca.

7 Mil cahmari baharo Satanare peresui jirirore wiorohca. 8 To á wiori baharo ahri yahpa macainare mahñono waharohca tiro. Gog wama tiinare, Magog wama tiina cahure mahñono waharohca. Á jia tina to mahñore tuhoa, ti surara perire cahmachuahca cahma wajaa taa. Tina surara peri paya jiahca. Pjiri ma macaa padu pohcaricá paya ti jiro seheta paya surara jiahca. 9 Tina ahri yahpapure waha sitea, Cohamacu yaina ti jiri macare Cohamacu to cahiri macare soroa wahaahca. Ti á soroari baharo Cohamacu tinare muano macari pichaca mehne juroca bororohca. 10 Á wahari baharo watnore tinare mahñoriore pichacapu cohanoohca. Tí pichaca pjiri ma puro jiri pichaca azufre mehne juri pichaca jira. Tópü nucu macarirore “Cohamacu yare yahu muhtariro jija”, ni mahñoriore cohā tuhsuhre. Tói ti jichu dacho, ñamipu cahure á ñano purírucurohca tinare.

Cohamacu masare buhiri dahre batoara

11 Baharo pjíro pahtoro to dujirore noano yehserore ñuhi. Tí dujiro bui dujiriro cahure ñuhi. Tói to dujichu, ahri yahpa macaa cahu muano macaa cahu pihtia wahahre. Á pihtia wahaa pari turi ji namoerare. 12 Á yoa pahtoro panoj yariaina cjiri ti ducuchu ñuhi. Tina wiho jiina, pahtoa cjiri cahu jihre. Tói ti ducuchu joa õa tjurire pjöhre. Tí tjuri masa ti yoarire ti joa õa tjuri jihre. Á jiro beseriyo tí tjurire ñu tuhsu ti yoarire masihre. Tíre masino yariainare besehre ñaina, noainare. Baharo pa tju cahure pjöhre. Tí tju Cohamacu mehne á jirucuhtinare ti wamare joa õri tju jihre. 13 Baharo pjiri mapu yaria miniina, diapu ti cohärina cahu wahcä mujaah wahahre. Á yoa yahpa puhichapu jiina, yariaina ti jiropanu jiina cahu mujaah wahahre. Ti á muja suchu tói dujiriro ti yoarire masi pahñono, tinare besehre ñaina, noainare. 14 Baharo yariarore, yariaina ti jiro cahure cohänocahre Cohamacu pari turi mari yariaerahto sehe. Pichacapu cohänocahre. Tí pichaca pjiri ma puro jiri pichaca pjiri pichaca jihre. Pichacapu wahaina sehe pari turi yariaina seheta wahara. 15 Á jiro á jirucuhtina ti wamare Cohamacu to joa õri tjuji pipihtina ti wamare joa õmahnoeraina sehere pichacapu cohähre tiro.

Muano, yahpa cūhure wahmaare cohtotarohca Cohamacū

21 ¹ Baharo muano, ahri yahpa cūhure wahmaare to cohtotarire ñahi. Muhanopu ji muhtari, yahpapu ji muhtari, pjiri mapu ji muhtari cāhu pihtia wahahre. Mariahre. ² Â yoa yuhu João noari macare, wahma macare Jerusalēne ñuhi. Tí maca muhanopu Cohamacu cahapu to duji tachu ñuhi. Wamomaca dūtehticorore noaa suhti mehne wahma suora wamomaca dūtehtirore wahchechu yoaro taro. Tó seheta tí macare cahnoyure Cohamacu, to yainare wahchechu yoaro taro. ³ Tíre yu ñuri baharo puhtoro dujiropu to sañurucuro coa tachu tuhohi:

—Ñuga. Mipure masa watoi jiro nina Cohamacu. Tina mehne jirohca tiro. Â jia to yaina jiahca tina. Â yoa Cohamacu to basi tina mehne macariro jiro, ti yairo Cohamacu jirohca. ⁴ Â jiro â wahcherucuchu yoarohca tiro tinare. Â jia pari turi cahyasi tina. Â jia ne pari turi yariasi tina. Ne ñano yajeripohna tia, yahco tia, puria cāhu mariahca tinare. Ahri jipihtia panopu macaa cjiri pihtia wahaahca —ni sañurucuro coa tahre.

⁵ Baharo puhtoro dujiropu dujiriro õ sehe nihre:

—Ñuga. Jipihtiare wahma cohtotachu yoaihca —nihre.

To â niri baharo yuhure õ sehe nihre tjoa:

—Ahri yu niare joa naga. Yu nia potocā tjira. Â jiro yu niro seheta â waharohca. Â jicu yu niare joa naga —nihre yuhure.

⁶ Baharo õ sehe nihre tjoa yuhure:

—Tó puro tjica. Yuhu jipihtiare bajuamehneriro jija.

Â yoa jipihtiare pihtichu yoahтиro jija tjoa. Ñahma yapioina tuaro ti core cahmano seheta yu cahapu waha duaina Jesure cahmaahca. Â jia Jesure yuhtiahca. Tiro catichu yoaa co yoaro sehe jira. Tirore cahmainare wapa cahmano marieno yuhu mehne â jirucuchu yoaihtja tinare. ⁷ Jipihtina yuhure wacu tua duhuera rainare õ sehe yoaihtja: Ti yairo Cohamacu jiihtja. Â jia tina sehe yu pohna jiahca. ⁸ Wiho mejeta cuia yu yare duhuina, yuhure cahmaeraina, ñabiaare yoaina, masare wajaina, numia mehne ñano yoaina, muá mehne ñano yoaa numia, yaya, “Cohamacu jira”, ti nia masurine ño payoina, jipihtina mahñoina pichacapu wahaahca. Tói pjiri ma puro jiri pichaca pjiri pichaca azufre mehne jüno nina. Tópu wahaina pari turi ti yariaro sehe wahaa nina —nihre yuhure.

Wahma maca Jerusalēne yahuha

9 Baharo cāiro anjo yu cahapu wihihre. Tiro siete wahwari cjuaína, to buhiri dahre dutiro to cūina anjoa mehne macariro jihre. Ā wihiro, ò sehe nihre yuhure:

—Ñhi taga. Cordero to wamomaca dñhtericorore ñoihca muhure —nihre anjo yuhure.

10 To ã nini baharo Espíritu Santo yuhure Cohamacu ya macare ñohre. Ó sehe bajuro ñohre yuhure: Muadu tucu buipu yuhure na mjahre. Tópu Jerusalēne Cohamacu ya macare noari macare ñohre yuhure. Cohamacu cahapu muanopu jiri maca duji taro nihre ahri yahpapu. **11** Cohamacu to si sitea mehne si siteri maca jihre tí maca. Wapa tia tāa yoaro sehe si sitehre. Diamante wama tia tāa yoaro sehe si sitehre. Ā yoa vidro yoaro sehe noano co sitiri maca jihre tí maca. **12** Pjiri sahrīno muari sahrīno ti sahrī sāari maca jihre tí maca. Doce sopacari tihre tí sahrīno. Tí sopacaripe cohtahre anjoa. Tí maca macaa sopa pahmaripu Israe masa curuari doce curuaripe ti wama wahāhre. **13** Sū mija taro sehe tí sahrīno cjuaahre tia sopaca. Norte sehe tia sopaca jihre. Sur sehe tia sopaca jihre. Sū sāano sehe cūahre tia sopaca jihre. Jipihtiro doce sopacari waro cjuaahre tí sahrīno. **14** Tí sahrīno doce tāa bui pisahre. Tí tāape Cordero to cūrina doce to cūrina sā caina wama wahāhre.

15 Ā yoa anjo yuhure yahuriro quihōdu uru mehne ti yoadure cjuaahre. Tí macare, tí maca macaa sopacarire, sahrīno cūahre quihōno taro nihre. **16** Tí maca to yoaro purota sahre. Muano cūhu tó purota muahre. Ā yoa anjo to quihōdu mehne tí macare quihōhre. Tí maca dos mil doscientos kilómetros yoari maca jihre. Tó purota sari maca jihre. Tó purota muari maca jihre. **17** Ā jiro tí maca macari sahrīnore quihōhre anjo. Sesenta y cinco metros muari sahrīno jihre. Masa mari quihōno seheta quihōno nihre tiro anjo.

18 Tí sahrīno diamante wama tia tāa mehne to yoari sahrīno jihre. Ā yoa tí maca sehe uru mehne to yoari maca jihre. Tí uru wete mariea jia vidro yoaro sehe noano co sitihre. **19** Tí sahrīno docai jia tāare payu soru jia wapa tia tāa wahāhre. Tí tāa sahrīnoi pisaa tāa doce tāa jihre. Ji muhtaria tācare diamante wama tia tāa wahāhre. To baharo jiria tācare zafiro wama tia tāa wahāhre. Puaria baharo jiria tācare ágata wama

tia tāa wahāhre. Tiaria baharo jiria tācare esmeralda wama tia tāa wahāhre. **20** Pititia poca baharo jiria tācare ónica wama tia tāa wahāhre. Cū wamomaca pihtia poca baharo jiria tācare rubí wama tia tāa wahāhre. Seis poca baharo jiria tācare crisólito wama tia tāa wahāhre. Siete poca baharo jiria tācare berilo wama tia tāa wahāhre. Ocho poca baharo jiria tācare topacio wama tia tāa wahāhre. Nueve poca baharo jiria tācare crisoprasa wama tia tāa wahāhre. Diez poca baharo jiria tācare jacinto wama tia tāa wahāhre. Once poca baharo jiria tācare amatista wama tia tāa wahāhre. **21** Å yoa doce sopa pahmari doce perla mehne to yoaa pahmari jihre. Tí pahmaripe cū yapa perla yapa mehne to yoaa pahmari jihre. Å jiro tí maca macari maha uru mehne to yoari maha jihre. Tí uru wete marieni uru jihre. Å jiro vidro yoaro sehe noano co sitiri maha jihre tí maha.

22 Tí macai Cohamacū wuhure ñuerahi. Mariahre. Tí macai jipihtiroph mari puhorore Cohamacū tua yuhdharirore, Cordero cūhure ño payora masa. Å jiro tí maca jipihtiro Cohamacū wuhu yoaro sehe jihre. **23** Tí macai Cohamacū to si sitea noano buhriahre. Cordero cāhu sihāria yoaro sehe buhriahre. Å jia sū dacho macariro cūhure ñami macariro cūhure tóti ti buhriachū cahmaerare. **24** Å yoa ahri yahpai ti buhria mehne jiahca jipihtiro macaina. Å jia jipihtia yahpari macaina puhtoa tí macapū noa yuhdua tí cjuaare na wihiacá. **25** Å yoa dachore tí maca macaa sopacari pjōori sopacari jiahca. Tópū ne ñami marianohca. Å jia ti sopacarire ne bihasi. Å susurucuahca. **26** Å yoa jipihtia yahpari macaina noaare ti cjuaare tí macapū naa wihiacá. **27** Naa sehere tí macapū ne naa wihiisi. Buo tichū yoaina, ñaare yoaina cūhu tí macapū ne wahasi. Mahñoina cūhu wahasi. Cordero to joari tjui ti wama wahāina dihta tí macapū wahaahca. Tí tju to yuhdachū yoaina ti wamare to joa õri tju jira. Tí tjui ti wama wahāina å jirucuahca.

22 **1** Baharo noari mare catichū yoari mare ñohre yuhure anjo. Tí ma noano co sitiri ma Cohamacū, Cordero cūhu ti dujiropū tari ma jihre. **2** Å yoa tí maca macari maha dacho macai būrhahre tí ma. Tí ma pū būhuseheri dūhtū cahai catichū yoaa yucū ducuhre. Tí yucū sūripe dicha tihre. Cū cūhmare doce tahari dicha tihre. Å yoa tí yucū macaa pūri

mehne noano co tiahca jipihtia yahpari macaina. 3 Tí macare ne ñaa marianohca. Tí macai Cohamacü to dujiro jirohca. Cordero to dujiro cähü jirohca tói. Å jia jipihtina masa tói jiina tinare dahra cohtaina tina pano na tuhcua caha sü, tinare wahche payoahca. Å jiro tói ñaa marianohca. 4 Tina Cohamacüre ñü piti boca dujiahca. Å yoa ti wühdüa pocai to wama wahäina jiahca. 5 Tóphre ñami marianohca. Å jia sihää pocare cahmasi tói jiina. Sü to buhriachü cähüre cahmasi. Mari pühtoro Cohamacü to buhriaro jirohca. Å jia tí macai jiina pa sehe macaina bui pühtoa å jirucuahca.

Jesucristo ahri yahpapü to tjua tahto mahanocä dühsara

6 Baharo anjo yühüre ö sehe nihre:

—Jipihtia ahri ti yahuri cjiri potocä tjira. Å jia ti niriro seheta waharohca. Mari pühtoro Cohamacü to yare yahu mührtainare masichü yoariro jira. Tiro sehe mipüre to yairo anjore warocahre tirore dahra cohtainare masichü yoaro taro. Baharocä to dohse wahahtore masichü yoaro taro to yairo anjore warocahre —nihre anjo yühüre.

7 Jesu sehe ö sehe nihre:

—Tühoga müsa. Mahanocä dühsara yü tjua tahto. Ahri tju macaa yahuare yühdürücaeraina wahcheina jiahca —nihre Jesu.

8 Yühü João ahri jipihtiare yü joa narire tühohi. Å yoa tére ñühi. Å jicü yü tühorí baharo, yü ñüri baharo yühüre ñoriro anjo panoi na tuhcua caha sümahi. Tirore ño payoi tai nimahi.

9 Yü ä yoachü ñüno ö sehe nihre yühüre:

—Tíre yoai tjiga. Mü jiro seheta jiriro yühü cähü Cohamacüre dahra cohtariota jija. Mü coyea Cohamacü yare yahu mührtaina, jipihtina ahri tju macaa dutiare yoaina cähü ti jiro seheta yühü cähü Cohamacüre dahra cohtariota jija. Å jicü Cohamacü panoi na tuhcua caha sü, tiro sehere ño payoga —nihre anjo yühüre.

10 Å yoa ö sehe ni yahu namohre yühüre:

—Ahri tui baharo to dohse wahahtore yahura. To ä wahahto mahanocä dühsara. To ä mahanocä dühsachü ahri tui yahurire nüoi tjiga mühü. 11 Tí pja yü yahuri pjare ñaina sehe ä yoarucuwahnojaro ñaare. Ñaputiina cähü ñabiaro yoarucuwahnojaro. Noaina sehe noano yoarucujaro. Å yoaga

ñaa marieina ã ñaa marieina jirucujaro tí pjare —nihre anjo yuhure.

12 Õ sehe nihre Jesu:

—Tuhoga múa. Mahanocã dûhsara yu tjua tahto. Músare yu yainare yu wahtore na tai tai nija. ã jicu noaare múa yoari wapa mûsare noano yoaihtja. **13** Yuhu jipihtiare bajuamehneriro jija. ã yoa jipihtiare pihtichu yoahтиro jija tjoa.

14 'Jipihtina wete mariea suhtire sâaina ti jiro seheta ti ñaa yoari buhirire cosaweina tí macapu suahca. ã súa, tí maca macaa yucu catiare waa yucu dichare chuhca. ã jia wahcheina jiahca tina. **15** Tí macapu sueraina sehe ahrina jira: Ñabiaina, yaya, numia mehne ñano yoaina, múa mehne ñano yoaa numia, masare wajaina, "Cohamacu jira", ti nia masurine ño payoina, mahño ji coaina, mahñoa payuina cuhu jira tí macapu sueraina —nihre Jesu.

16 ã yoa õ sehe ni yahu namohre Jesu:

—Yuhu, Jesu yu yairo anjore warocahi mûsare yu yainare ahri tju macaare yahui tai. Puhoro Davi panamino ji turiariro jija yuhu. Yuhu bohrea maja tachu maja taria noano si siteria ñahpichoca yoaro sehe jiriro jija —ni yahu namohre Jesu.

17 Espíritu Santo Jesure "Tjua taga", nina. Jesu yaina to wamomaca dûhtehticoro yoaro sehe jiina cuhu "Tjua taga", nina. Jipihtina ti "Tjua taga", nirire tûhoina cuhu "Tjua taga", nijaro Jesure.

Ñahma yapioina core tuaro ti cahmano seheta Cohamacu cahapu waha duana Jesure tuaro cahmaga. Tiro catichu yoaa co yoaro sehe jira. Tirore cahmainare wapa cahmano marieno ã jirucuchu yoarohca Cohamacu.

18 Yuhu João, jipihtina ahri tju macaare Cohamacu yare tûhorinare mûsare õ sehe ni cua pisaro mehne yahuhtja. Ahri buhea mehne paye buhea mehne more suhu yahu namoina Cohamacure yuhdûrûcaa nina. Ti ã yuhdûrûcachu ñuno jipihtia ahri tui to buhiri dahrehtore to yahuriro seheta cûnohca tina cuhure. ã jiro tó seheta tina cuhure buhiri dahrerohca.


19 ã yoa ahri tju macaa yahuare yahu dûhaina Cohamacure yuhdûrûcaina jira. Ti ã yuhdûrûcachu ñuno catichu yoaa yucu dichare tinare chu dutisi. ã jia ã jirucusi tina. Tuhsu, to ya macapu noari macapu waha dutisi. Tí yucu, tí maca cuhu ahri tui ti yahuripu jira.

20 Jipihtia ahri tju macaare yahuriro õ sehe nina:


—Ã tjira. Mahanocã dûhsara yahpapu yu tju tahto —nina
tiro.

Ã tjia. Sã pãhtoro Jesu tju tahto.


21 Mari pãhtoro Jesu to cahïa mehne jipihtina mûsa noano
jiga.



PRIMER VIAJE MISIONERO DE PABLO




SEGUNDO VIAJE MISIONERO DE PABLO




TERCER VIAJE MISIONERO DE PABLO




VIAJE DE PABLO A ROMA



El Templo en el tiempo de Jesucristo



Plano del Interior del Templo



1. La Mesa y los Panes de la Proposición
2. El Candelabro
3. El Altar del Incienso
4. El Velo
5. El Arca del Pacto
6. Los Querubines

Tierra de
PALESTINA
en el tiempo de
NUESTRO SEÑOR
JESUCRISTO



